

አራሳ ጫቂዋ ገፋሶ



New Testament in Gofa

ኦሪግናል ገጽ ገጽ New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source files dated 29 Jan 2022
c35d6c73-3843-5482-b53e-7559d35deee5

Contents

ማቶሳ 1
ማርቆሳ 39
ሉቃሳ 63
ዮሃንሳ 99
ሃዋርያት ኦሱዋ 126
ሮሜ 158
1 ቆሮንቶሳ 173
2 ቆሮንቶሳ 186
ጋላቲያ 195
ኤፌሶና 200
ፊልጲሲፆሳ 205
ቆላሲያሳ 209
1 ቱሴሎንቄ 213
2 ቱሴሎንቄ 217
1 ዲሞቲዮሳ 219
2 ዲሞቲዮሳ 223
ቲቶ 226
ፊልሞና 228
ኢብራዌ 229
ያይቆባ 240
1 ጴጊሮሳ 244
2 ጴጊሮሳ 248
1 ዮሃንሳ 251
2 ዮሃንሳ 255
3 ዮሃንሳ 256
ዪዡዳ 257
ዮሃንሳ ቆንጩሳ 259

ማቶሲ ዓፌዲ ዩሱስ ኪሪስቶስ ዋንጌላ ጋላ ቆፋ

ማቶሳ ዋንጌላይ፣ ያና ጌቴተዲ ኡፋይሳን ናጌቴያ አሼይሲ ዩሱሳ ጌዴይሳኔ ያሳይ ጋልዓ ጫቁዋን ባ አሳሰ አሚዲ ኡፋይሳ ቃላ ፖሊዲይ ኢያ ባጋራ ጌዴይሳ ኦዲያ ዋንጌላ። ሃ ዋንጌላይ ዩሱሲ ኤንታ ጌዴን ዩሉተዲ ዲጪዳ አይሁዳታ ዓላላሰ ጌዴናሽን ኩሚያ አላሚያ ኡባሳ።

ማቶሳ ዋንጌላይ፣ ዳሮ ናጌቴላን ዓፊቴዳ ማፃፋ። ማቶሲ ባ ማፃፋ ዩሱሳ ዩሉቴላን ደሚዲ፣ ኢያ ዓማቁቴላኔ ኢያ ፓጩቴላ ኦዲ ሰሚዲ፣ ጋሊላን ኢ ሳባኪዳባ፣ ታማርሲዳባኔ ሃርጋንቾታ ፓሱዳባ ኦዴሰ። ሄሳፊ ካሊዲ፣ ዩሱሲ ጋሊላፔ ዩሩሳላሚ ቢዳይሳኔ ኢ ሃ ሳሳን ዳዲዳ ዋዴ ወርሱላ ሳሚንታን ሃኒዳባታ ቆንጪሱስ። ሄሲካ ኢያ ካቁቴላ፣ ኢያ ሃይቁዋኔ ኢያ ዳንዲዋ ኦይኪስ።

ሃ ዋንጌላይ፣ ዩሱሲ ያሳ ሂጊያ ቢርሻናው ማቲ ዳዴይሳኔ ያሳ ካዋቴላባ ታማርሲያ ጊታ አስታማሪ ኦሱዲ ሸሼሰ። ኢያ ቲሚርቲያፊ ዳሪያ ባጋይ ዳማ ዳማ ማራን ጊጌተዳ ኢቻሹ ኪፊሌታን ሻኪቴሰ።

1. ያሳ ካዋቴላን ዳዲያ አሳ ሃኖቴላ፣ ኦሱዋ፣ ማታኔ ወርሱላ ቃዳ ኦዲያ ዳሪያ ቦላ ቲሚርቲያ (ሺም 5-7)።

2. ታማኔ ናምቡ ታማሪቴ ዋንጌላ ሳባካናው ቢዳ ዋዴ ኤንታው አሚቴዳ ካሌሱዋ (ሺም 10)።

3. ያሳ ካዋቴላባ ታማርሳናው ሸቁዳ ዳማ ዳማ ለሚሶታ (ሺም 13)።

4. ኢያ ታማሪ ጌዳባ ቢርሸላ ኦዲያ ቲሚርቲያ (ሺም 18)።

5. ሃዲ አላሚያ ወርሱላኔ ያሳ ካዋቴላ ዩሳባ ኦዲያ ቲሚርቲያ (ሺም 24-25)።

ማቶሳ ዋንጌላ አይፌ ቆፋታ

ዩሱስ ኪሪስቶስ ዩሉቴላ ሱሳኔ ኢያ ዩሉቴላ 1:1-2:23

ዓማቁያ ዮሃንሳ ኦሱዋ 3:1-12

ዩሱሳ ዊንቃቲያኔ ፓጩቴላ 3:13-4:11

ዩሱሲ ጋሊላን ባ ኦሱዋ ኦይኪዲይሳ 4:12-18:35

ጋሊላፔ ዩሩሳላሚ ጋካናው 19:1-20:34

ወርሱላ ሳሚንታ ዩሩሳላሚ ሄራን 21:1-27:66

ጎዳ ሃይቆፔ ዳንዲዋኔ ቆንጪቴላ 28:1-20

ዩሱሳ ዩሉቴላ ሱሳ

(ሉቃ 3:23-38)

1 ሃይሳፊ ካሊዲ ዓፊቴዳይሲ ዳዊቴ ናሳ አብራሃሚ ናሳ ጌዲዳ ዩሱስ ኪሪስቶስ ዩሉቴላ።

2 አብራሃሚይ ዪሳቃ ዩሊስ፤

ዪሳቁ ያይቆባ ዩሊስ፤

ያይቆቢ ዪሁዳኔ ኢያ ኢሻታ ዩሊስ፤

3 ዪሁዲ ቲዳማሪፔ ፋሬሴኔ ዛራ ዩሊስ፤

ፋሬሲ አስሮሚ ዩሊስ፤

አስሮሚይ ራሚ ዩሊስ፤

4 ራሚይ አሚናዳቤ ዩሊስ፤

አሚናዳቤ ናሳሶና ዩሊስ፤

ናሳሶኔይ ሳልሞና ዩሊስ፤

5 ሳልሞኔይ ራዓቢፔ ቦዔዛ ዩሊስ፤

ቦዔዛ ኡሩቲፔ ኢዮቤዳ ዩሊስ፤

ኢዮቤዳ ኢሴዬ ዩሊስ፤

6 ኢሴዬይ ካወዋ ዳዊቴ ዩሊስ፤

ዳዊቴይ ኦሪዮ ማቼፊ ሶሎሞኔ ዩሊስ፤

7 ሶሎሞኔይ ሮቢዳማ ዩሊስ፤

ሮቢዳማይ አቢያ ዩሊስ፤

አቢዬይ አሳፊ ዩሊስ፤

8 አሳፊ ኢዮሳፊዬ ዩሊስ፤

ኢዮሳፊዬይ ኢዮራሚ ዩሊስ፤

አዮራሜይ ኦዚያኔ ዬሊስ፤
 9 ኦዚያኔይ አዮባታሜ ዬሊስ፤
 አዮባታሜይ አካዛ ዬሊስ፤
 አካዚ ሂዘቂያሳ ዬሊስ፤
 10 ሂዘቂያሲ ማናሴ ዬሊስ፤
 ማናሴይ አሞና ዬሊስ፤
 አሞኒ አዮሲያሳ ዬሊስ፤
 11 ኢስራዔል አሳይ ዲዔቲዲ ባቢሎኔ ቢታ ቢዳ ዎዴ አዮሲያሲ ኢኮኒያናኔ ኢያ አሻታ ዬሊስ።
 12 ባቢሎኔ ቢታ ኢስራዔል አሳይ ዲዔቲዲ ቢዳፕ ጉዬ ኢኮኒያኒ ሳላቲያሌ ዬሊስ።
 ሳላቲያሌይ ዜሩባቤላ ዬሊስ፤
 13 ዜሩባቤላ አብዲዩ ዬሊስ፤
 አብዲዩይ ኤሊያቄሜ ዬሊስ፤
 ኤሊያቄሜይ አዛራ ዬሊስ፤
 14 አዛሪ ሳዶቄ ዬሊስ፤
 ሳዶቄይ አከሜ ዬሊስ፤
 አከሜይ ኤሊዩዳ ዬሊስ፤
 15 ኤሊዩዲ አላዛራ ዬሊስ፤
 አላዛሪ ማታኔ ዬሊስ፤
 ማታኔይ ያይቆባ ዬሊስ፤
 16 ያይቆቢ ዮሴፋ ዬሊስ፤
 ዮሴፊ ከሪስቶሳ ገያ ዬሱሳ ዬሊዳ ማይራማ አዚና።

17 ሄዛ፣ ዬሌቴሳይ አብራሃማፕ ዳዊቱ ጋካናው ታማኔ ኦይዳ። ዳዊቱፕ ቢዲ ባቢሎኔ ዲዑዎ ጋካናው ታማኔ ኦይዳ። ባቢሎኔ ዲዑዎፕ ቢዲ ከሪስቶሳ ጋካናው ታማኔ ኦይዲ ዬሌቴላ ገደስ።

ዮሱስ ከሪስቶሳ ዮሌቴሳ (ሉቃ 2:1-7)

18 ዮሱስ ከሪስቶሳ ዮሌቴሳ ታሪኬይ ሃይሳፌ ካሌይሳ። ኢያ አያ ማይራማ ዮሴፋስ ኦይሺታ ዳዳሽ ዮሴፋራ ጋሄቶና ጌሻ አያናፕ ቃጎሳታሱ። 19 ዮሴፊ ያሎ አሲ ገዲዳ ጊሾ አዮ አሳን ኬሳናው ኮዩቤና። ያኒያ ጊሾ ቆሳን አዮ አጋናው ቆገስ። 20 ኢ ሄ ቆሳን ዳዳሽን ያሳ ከታጎቾይ አሙሆን ቆንጨዲ፣ «ዳዊቱ ናዓው፣ ዮሴፋ፣ ማይራማ ቃጎሳቲዳይ ጌሻ አያናፕ ገዲያ ጊሾ አዮ ኤካናው ያዮፋ» ያገሰ። 21 ኢያ አዳ ናዓ ዮላና፣ ኢ ባ ዳሪያ ኤንታ ናጋራፕ አሺያ ጊሾ ኢያ ሱጎሳ ኔ ዮሱሳ ጋዳ ያጋና።

22 ጎዳይ ናቢያ አሳሳሳ ደናን፣ 23 «ሄኮ ገላዒያ ቃጎሳታና፤ አዳ ናዓካ ዮላና፤ ኢያ ሱጎሳይ አማኑዒላ ጌቲታና» ጎይሲ ፖሊታና ሜላ ሃ ኡባይ ሃኒስ። አማኑዒላ ጌይሳሰ ቢርሼላይ «ያሳይ ኑራ ዳዒስ» ጉሱ።

24 ዮሴፊ ጲስኮፊ ባርኪዲ ጎዳ ከታጎቾይ ከቲዳይሳ ሜላ ማይራሞ ባ ሶ ኤፊስ። 25 ሺን ባ ባይራ ናዓ ዮላና ጋካናው አዮ ቦቺቤና፤ * ዮሌቴሳ ናዓካ ዮሱሳ ገዲ ያገሰ።

2

ደሎሃፕ ዪዳ አሳታ

1 ካወዋ ሄርዲሳ ዎዴን ዮሱሲ ዪሁዳ ቢታን ቤቴሌሜ ካታማን ዮሌቴዳይሳፊ ጉዬ ያለንቶ ታይቢያ አሳቲ ደሎሃፕ ዮሩሳላሜ ዪዳ፣ 2 «ዮሌቴዳ አይሁዳ ካዎይ አወን ዳዒ? ኑኒ ደሎሃ ባጋራ ከዪዳ ኢያ ያለንቱዎ ቤዒዲ ኢያው ጎይናናው ዪዳ» ያገዲ ኦይቺደሶና። 3 ካዎይ ሄርዲሲ ሄሳ ስዒዳ ዎዴ ዳጋሚስ። ዮሩሳላሜን ዳዒያ አሳይ ኡባይካ ዳጋሚደሶና። 4 ሄርዲሲ ካሄኔ ሃላቃታኔ ሃኒ አስታማራታ ባኮ ያገዲ፣ «ከሪስቶሲ አወን ዮሌቴጎዳሻ?» ያገዲ ኤንታ ኦይቺስ።

5 ኤንቲካ፣ «ዪሁዳ ቤቴሌሜና፤ ናቤይ፣
 6 ሩዪሁዳን ዳዒያ ቤቴሌሜ፣
 ዪሁዳን ዳዒያ ጎባ ካታማታፕ፣
 ኔኒ አይቢንካ ጉዳካ።
 ታ ዳሪያ ኢስራዔሌ አይሳናይሲ፣
 ኔፕ ኬያና፣ ገዲ ያፊስ»

1:11 2ካዎ 24:14-15፤ 2ታሪ 36:10፤ ኦር 27:20 1:18 ሉቃ 1:27 1:21 ሉቃ 1:31 1:23 ኢሳ 7:14
 * 1:25 ኦሮ ቦቺቤና፣ ማቺራ አዚናራ አቄይሳዳ ኢሲፊ አቄቦኮና ጉሱ። 1:25 ሉቃ 2:21 2:6 ሚክ 5:2

ያገደሰና።

7 ሃሳፌ ጉዬ፣ ሄሮዲስ ደሎሃ፤ ደላጎታ ገማን ያገደላ፤ የለንቱዋ ኤንቲ በዓዳ ዋዲያ ኤንታፌ ገሼዲ ኤሰስ። 8 ኢ ኤንታና በቴሌሜ ዬዲሼ፣ «በዲ ዬሌቲዳ ናዓ ሚንሉዲ ኮዩቲ፤ ኢያ ሂንቲ ደሚዳ ዋዴ ታካ ባዳ ኢያው ጎይናና ማላ ሲሚዲ ዩሼ ታው ኦዲቲ» ያገለ። 9 ኤንቲካ ካዎይ ሄሮዲስ ገደዳሳ ሰዓዲ ቢደሰና። ኤንቲ ደሎሃ ባጋራ በዓዳ የለንቶይ ኤንታና ካሌሊሼ ናዓይ ዳዓያሰዋ ጋካናው ኤፊስ። 10 ኤንቲ ሄ የለንቱዋ በዓዳ ዋዴ ገታ ኦፋይሲ ኦፋይቲደሰና። 11 ሶ ጌሊዲ ናዓ ባ ኣዩ ማይራሚራ ዳዓይሳ በዓዳደሰና። ኢያው ጉልባቲዲ ጎይኒደሰና። ባንታ ሳሚያ ደዩዲ ዋርቃ፣ ኢያኔ ካርቤ ኢያው ኢሚደሰና። 12 ኤንቲ ሄሮዲሳኮ ጉዬ ሲሞና ማላ የሳይ ኣሙሆን ኤንታው ኦዲን፣ ሃራ ኦጌራ ባንታ ቢታ ሲሚደሰና።

ገብፂ ባቃቱዋ

13 ደሎሃ ባጋሬ ዩዳ ኣሳቲ ቢዳ፤ ጉዬ፣ ጎዳ ኪታንቾይ ዮሴፋስ ኣሙሆን ቆንጨዲ፣ «ሄሮዲስ ናዓ ዋዳናው ኮያ ገሹ ዳንዳ፤ ኤሌሳዳ ናዓኔ ናዓ ኣዩው ኤካዳ ገብፂ ቢታ ባ። ኔ ሲሞና ዋዲያ ታ ኔው ኦዳና ጋካናው ያን ጋምዓ» ያገለ።

14 ሃሳ ገሹ፣ ዮሴፊ ሄ ቃማን ዳንዳዲ፣ ናዓኔ ናዓ ኣዩው ኤኪዲ ገብፂ ቢስ። 15 ናቢያ ደናን የሳይ፣ «ታኒ፣ ታ ናዓ፣ ገብፂ ቢታፊ ዪጋስ» ጌቲቲዳ ቃላይ ፖሌታና ማላ ሄሮዲስ ሃይቃና ጋካናው ኢ ያን ዳዒስ።

16 ሃሳፌ ጉዬ፣ ደሎሃ ባጋሬ ዩዳ ኣሳቲ ኢያ ጨሚዳይሳ ኤራዳ ዋዴ ዳሮ ዩሎቲስ። ኢ ካሴ ኤንታፌ ሲዓዳይሳዳ በቴሌሚኒኔ ሄ ሄራን ዳዒያ ናምቡ ላይሉ ኩሚዳይሳታኔ ናምቡ ላይሳፊ ጋርሳን ዳዒያ ኣዳ ናይታ ኡባ ባ ዋታዳሪታ ዬዲዲ ዋዲሲስ።

17-18 ናቢያ ኤርሚያሳ ደናን፣

«ዬሆይኔ ዜሌልሲ፣

ራማ ካታማን ሲዓቲስ።

ራሄላ ባ ናይታስ ዩካዉስ፤

ኤንቲ ሃይቁዳ ገሹ

ሚኔታናው ዳንዳዓቡኩ።

ገዲ ኦዲዳይሲ ፖሌቲስ።

ናዚሬቴ ሲሙዋ

19 ሄሮዲስ ሃይቁዳ፤ ጉዬ ገብፂን ጎዳ ኪታንቾይ ዮሴፋስ ኣሙሆን ቆንጨዲ፣ 20 «ናዓ ዋዳናው ኮያ ኣሳቲ ሃይቁዳ ገሹ ዳንዳዳ ናዓኔ ናዓ ኣዩው ኤካዳ ኢስራዔሌ ቢታ ሲማ» ያገለ።

21 ዮሴፊ ዳንዳዲ ናዓኔ ናዓ ኣዩው ኤኪዲ ኢስራዔሌ ቢታ ሲሚስ። 22 ሺን ኣርኬሊዮሲ ዩሁዳን ባ ኣዋ ሄሮዲሳ በሳን ካዎቲዳይሳ ሲዒዳ ዋዴ ያ ባናው ያዩስ። የሳይ ኣሙሆን ኢያው ቆንጨሲን ጋሊላ ቢታ ቢስ። 23 ናቢታ ደናን፣ «ናዚሬቴ ኣሲ ጌቲታና» ገዲ ኦዳቲዳይሲ ፖሌታና ማላ ናዚሬቴ ካታማ ቢዲ ያን ዳዒስ።

3

ፃማቂያ የሃሂሳ ቲሚርቲያ

(ማር 1:1-8፤ ሉቃ 3:1-17፤ ዮሃ 1:19-28)

1-2 ሄ ዋዴ ፃማቂያ የሃሂሲ፣ «የሳ ካዎቲላይ ማታቲዳ ገሹ ሂንቲ ናጋራ፤ ሲሚቲ» ያገዲ ሳባኪሼ ዩሁዳ ባዞ ቢታ ቢስ። 3 ናቢያ ኢሳያሲ የሃሂሳባ ኦዲዳይሳ ማላ፣

«ባዞ ቢታን፣

ኢሶይ ባ ቃላ ቶቁ ኦሊዲ፣

ሳዳ ኦጊያ ገሺሲቲ።

ኢያ ሆርጋ ፒዲ ኦሊቲ፣ ገሰ»

ያጌቲዳይ ኢያሳ ያገለ።

4 የሃሂሲ ገማሌ ኢኪሴ፤ ኦሲቲዳ ኣፊላ ማዔስ። ባ ዳሳን ዳሮ ዳንጨቲ። ኢ ሚያ ካሳይካ ቦሌኔ ዳጌራ ኤሲ። 5 ኣሳይ ሄ ዋዴ ዩራሳላሚ ካታማ፤ ዩሁዳ ቢታ ኡባፊኔ ዮርዳኖሴ ሻፋ ሄራ፤ ኢያኮ ዮሶና። 6 ባንታ ናጋራ ፓዲዲ ዮርዳኖሴ ሻፋን የሃሂሳ ኩሺን ፃማቂቶሶና።

7 የሃሂሲ፣ ዳሮ ፋሪሳዊቲኔ ሳዲቃዊቲ ፃማቂታናው ባኮ ዬይሳታ በዓዲ፣ ኤንታኮ፣ «ሃ ኢታ ሾሻቶ፣ ያና የሳ ሃንቁዋሬ ባቃታና ማላ ሂንቲና ኦኔ ዞሪዳይ፣ 8 ሃዞ፣ ሂንቲ፣ ሂንቲ ናጋራ፤ ሲሚዳይሳ ኤሪሲያባ ኦሊቲ። 9 ሂንቲ፣ ሂንቲ ዋዛና፣ ሳብራሃሚይ፣ ኦ ኣዋይ ዳዔስ» ገዲ ቆፖሬቲ። ሎይሉ ሲዒቲ! የሳይ ሃ ሹቻታ፤ ኣብራሃሚስ ናዓ ኬሳናው ዳንዳዔስ። 10 በዩይ ማላ

2:15 ሆስ 11:1 2:17-18 ኤር 31:15 2:23 ማር 1:24፤ ሉቃ 2:39፤ ዮሃ 1:45 3:1-2 ማቶ 4:17፤ ማር 1:15 3:3 ኢሳ 40:3 3:4 2ካዋ 1:8 3:7 ማቶ 12:34፤ 23:33 3:9 ዮሃ 8:33

ጻዕድን ገዢ ድካም ስላለው ለሆነ አይገባም።

11 «ሂንቴ፣ ሂንቴ ስንጠቅምህ ስሜዳሪ ስሜዳሪው ታሪ ሂንቴና ሃላን ማምቃይስ። ሽን ታፔ ጉዳይ ይደሰ ሂንቴና ገሻ አያናኒኔ ታማን ማምቃና። እ ታፔ ዳር ዋልቃሚስ፤ ታሪ ሃሪ አቶሽን እያ ጫማ ቶካናጫካ ቤሲኩ። 12 ካላ ገሽያ ፒሌይ እያ ኩሽን ዴዕስ። ካላ ሎይሌ ገሽሰ፤ ገሰቲያ ባ ሻሊያን ቆላና፣ ሽን ፑኩዋ ቶዖና ታማን ፀ-ጋና» ያገለገለ።

ዩሱፊ ማምቁቴሳ
(ማር 1:9-11፤ ሉቃ 3:21-22)

13 ሄ ዋይ ዩሱሲ ዮሃንሲ ኩሽን ማምቁጋናው ጋለላፔ ዮርዳኖሲ ሻፋ ቢስ። 14 ሽን ዮሃንሲ እያ ዲጋናው ኮዩድ፣ «ታሪ ኔናን ማምቁጋናው ኮሽሽን ኔኒ ታኮ ያይ?» ያገለገለ። 15 ሽን ዩሱሲ ዛሪዲ፣ «ጾሳይ ኦፔ ኮያባ ኡባ ኑ ፖላናው ቤሲያ ገሾ ሃሪ ታው ኤር ጋ» ያገለገለ። ዮሃንሲ እያው ኤር ገዲ ኤኪስ። 16 ዩሱሲ ማምቁጋናው ማላ ሃላፊ ከዩስ። ኤርካ ሳሎይ ደዩቲን ጾሳ አያናይ ሆሌዳ ዩሽን ቃሲ ባ ቦላ ዋልሳሚዲ ዋላሽን ቢዒስ። 17 ሄ ዋይ «ታ ደሲያ፣ እያን ታና ኡፋይሲያ ታ ናናይ ሃይሳ» ያገለገለ ቃላይ ሳሎፔ ዩስ።

4

ዩሱፊ ፓጩቴሳ
(ማር 1:12-13፤ ሉቃ 4:1-13)

1 ሃሳፊ ጉዩ፣ ጻላሄይ ዩሱፊ ፓጩና ማላ ገሻ አያናይ ዩሱፊ ባዙ ቢታ ኤፊስ። 2 ኦይታው ቃማኔ ኦይታው ጋለስ ጾሚዳፔ ጉዩ ኮሻቲስ። 3 ጻላሄይ ዩሱፊኮ ዩዲ «ኔኒ ጾሳ ናባ ጊዲኮ፣ ኣኔ ሃ ሹታቲ ኡይሌ ገዳና ማላ ኪታ» ያገለገለ።

4 ዩሱሲ ዛሪዲ፣ « ኣሲስ ጾሳ ደናፔ ከያ ቃላ ኡባን ዳናፔ ኣቲን ኡይላ ጻላላን ዴዕና ገቴቲዲ ጾሳ ቃላን ጻፊቲስ» ያገለገለ።

5 ካሊዲካ፣ ጻላሄይ ዩሱፊ ገሻ ካታማ ኤፊዲ፣ ጾሳ ከላ ሁዒያ ከሲዲ፣ 6 «ኔኒ ጾሳ ናባ ጊዲኮ፣ ኣኔ ዲጌ ሳባን ኩንዳ። ኣይስ ገኮ፣

ኣኔ ቶሆይ ሹቻን ቆቤቲ ዴሽቶና ማላ፣
ባንታ ኩሽያን ኔና ዴንላና ማላ፣
ጾሳይ ባ ኪታንቸታ ኔ ገሾ ኪታናና
ገቴቲዲ ጾሳ ቃላን ጻፊቲስ» ያገለገለ።

7 ዩሱሲ እያኮ፣ «ቃሲካ፣ ጾሳ ቃላን ኔ ጎዳ፣ ኔ ጾሳ ፓጩፋ» ያገቲዲ ጻፊቲስ» ገዲ ዛሪስ።

8 ጩርሴላን ጻላሄይ ዩሱፊ አሲ ዋልቃማ ዴሪያ ሁዒ ከሲዲ ኣላሚያ ካዎቴሳታ ኤንታ ቦንቸዋሪ አሲፊ ቤሲዲ፣ 9 «ኔ ታው ኩንዳዳ ጎይኒኮ ታ ኔው ሃ ኡባ አሚያ» ያገለገለ።

10 ዩሱሲ ዛሪዲ፣ «ሃ ጻላሄያው፣ ታፔ ሃካ! ኣኔ ጎዳ፣ ኔ ጾሳ ጎይና፣ እያ ጻላላ ሃጋዛ ገቴቲዲ ጾሳ ቃላን ጻፊቲስ» ያገለገለ።

11 ሃሳፊ ጉዩ፣ ጻላሄይ ኣገዲ ቢስ፤ ኪታንቸቲ ዩዲ እያ ሃጋዚደሶና።

ዩሱፊ ቲሚርቲያ
(ማር 1:14-15፤ ሉቃ 4:14-15)

12 ዩሱሲ፣ ዮሃንሲ ቃሽቶይሳ ሲዒዳ ዋይ ጋለላ ቢታ ቢስ። 13 ናዚሬቲ ካታማ ኣገዲ ዛቢሎናኒኔ ኒፍታለሚ ሄሪን፣ ኣባ ማታን ዴዒያ ቁፊርናሆሚ ካታማ ቢዲ ያን ዴዒስ። 14 ሄሲ ሃኒዳይ ናቢያ አሳያሳ ደናን፣

15 «ዛቢሎኔ ቢታን፣ ኒፍታለሚ ቢታን፣
ዮርዳኖሲ ሻፋፔ ሄፊንላን፣
ኣባ ኦጊያ ጋፃን ዴዒያ፣
ኣይሁዳ ገዳና ዴሪይ ዴዒያ ጋለላን፣

16 ቆማን ዴዒያ ዴሪይ፣
ዋልቃማ ፖዖ ቤዒስ።

ሃይቆ ኩያ ቢታን፣
ዴዒይሳታስ ፖዖይ ከዩስ»

ያገዲ ኦይቲዳ ቃላይ ፖሊታና ማላሳ።

17 ሄ ዋይፔ ደሚዲ ዩሱሲ፣ «ጾሳ ካዎቴላይ ማታቲዳ ገሾ ሂንቴ ናጋሪፔ ስሚቲ» ያገዲ ቃላ ሳባኪስ።

ኮይሮ ታማራታ ያጌቴላ

(ማር 1:16-20፤ ሉቃ 5:1-11)

18 ዬሱሲ ጋለላ አባ ማታራ አጁሼ ናምዑ አሻታ፡ ጳጳሮሳ ጌቴቲያ ሲሞናኔ ኢያ አሻ አንዲሪያሳ ቤዒሲ። አንቲ ሞሎ ኦይኬይሳታ ጊዲዳ ጊሾ ባንታ ጌቲያ አባን ዬሳሶና። 19 ዬሱሲ አንታና፡ «ሃ ዪቴ፤ ታና ካሊቴ፤ ሞሎ ኦይላ አቶሺን፡ ታ ሂንቴና አሴ ኦይላ ታማርሳና» ያገለ። 20 አንቲካ፡ ኤሌሲዲ ባንታ ጌቲያ ዬጊ አጊዲ ዬሱሳ ካሊደሶና።

21 ዬሱሲ ያፔ ቡር ጌዳ ሲንሐ አጁሼ ሃራ ናምዑ አሻታ፡ ዛብዲዮሳ ናይታ፡ ያይቆባኔ ዮሃኒሳ ቤዒሲ። ባንታ አዋ ዛብዲዮሳራ ኢሲፊ ዋሳሉዋ ጊደን ባንታ ጌቲያ ጊሊሴይሳታ ያገለ። 22 አንቲካ፡ ኤሌሲዲ ባንታ ዋሳሉዋኔ ባንታ አዋ አጊዲ ዬሱሳ ካሊደሶና።

ዬሱሲ ሃርጋንቾታ ፓሊስ

(ሉቃ 6:17-19)

23 ዬሱሲ አይሁዳ ዋሳ ኬሳታን ታማርሲሹ፡ ሳሎ ካዎቴላ ዋንጌላ ኦዲሹኔ ዲማ ዲማ ሃርጊያፊ አሳ ፓሊሹ ጋለላ ቢታ ኡባን ዩዩስ።

24 ሄሳፊ ዴንደይሳን ኢያ ሰንሳይ ሶሪያ ቢታ ኡባን ኬዩስ። ዲማ ዲማ ሃርጊን ኦይኬቲዳይሳታኔ ዋዬቴይሳታ፡ ቱና አያናን ኦይኬቲዳይሳታ፡ ሾጪ ዬጊያ ሃርጊን ኦይኬቲዳይሳታኔ፡ ጉንዳታ ኢያኮ ኤሂደሶና፤ ኢካ ኤንታና ፓሊስ።

25 አሳይ ጋለላ፤ ታሙ ካታማታ፤ ዬሩሳላሜ፤ ዩሁዳ፤ ዮርዳኖሴ ሻላ ሄፊንሳን ዴዳያ ቢታፊ ዩዳ ዳር አሳይ ኢያ ካሊደሶና።

5

ዬሱሲ ዳሪያ ቦላ ታማርሲዳ ቲሚርቲያ

1 ዳር ዳሪይ ሸቄዳይሳ ዬሱሲ ቤዒዳ ዋዴ ዳሪያ ቦላ ኬዩዲ ኡቲስ። ኢያ ታማራቲ ኢያኮ ሸቄን፡ 2 ሃይሳዳ ያጊዲ ታማርሲስ።

ቱማ ኡፋይሳ

(ሉቃ 6:2-23)

3 «ባንታ አያናን ማንቆቲ አንጃቲዳይሳታ፡

ሳሎ ካዎቴላይ ኤንታሳ።

4 ዬኬይሳቲ አንጃቲዳይሳታ፡

ኤንቲ ሚንሐሐ ዳማና።

5 ባንታ ዋዛናን አሸኬቲ አንጃቲዳይሳታ፡

ኤንቲ ሳሳ ላታና።

6 ዲሎባ ኦላናው ኮሻቲይሳቲኔ ሳሞቴይሳቲ አንጃቲዳይሳታ፡

ኤንቲ ካላና።

7 ማሪይሳቲ አንጃቲዳይሳታ፡

ኤንቲ ማሮቴላ ዳማና።

8 ዋዛና ጊሻቲ አንጃቲዳይሳታ፡

ኤንቲ ያሳ ቤዳና።

9 ሲጌሌይሳቲ አንጃቲዳይሳታ፡

ኤንቲ ያሳ ናይታ ጌቴቲ ያጌታና።

10 ዲሎባ ኦሊያ ጊሾ ጊዲ፡

ጎዳቴይሳቲ አንጃቲዳይሳታ፡

ሳሎ ካዎቴላይ ኤንታሳ።

11 «አሳይ ሂንቴና ታ ጊሾ ጊዲ ጫያ ዋዴ ጎዲያ ዋዴኔ ሃንቴ ቦላ ኢታባ ኡባ ዋርደን ኦዲሲያ ዋዴ ሂንቴ አንጃቲዳይሳታ። 12 ሃንቴ ዋይቶይ ሳሎን ጌታ ጊዲያ ጊሾ ኡፋይቲቴ፡ ሃሹ ጌቴ። ሂንቴፊ ካሴ ዳዒያ ናቤታ ሃሳዳ ጎዲደሶና።

ማዳኔኔ ገዖ

13 «ሂንቴ ቢታስ ማዳኔ፤ ማዳኔይ ባ ማዳኔቴላ አገኮ፡ ባ ማልዎቴላ ዋቲ ዛሪ ዳማኔ? ካሪ ሆሊን አሳን ዬዴታና፤ ኣቲን አይቢስካ ማዳና።

14 «ሂንቴ ቢታሰ ፖ፣ ዴሬ ቦላ ዴጊያ ካታሚያ ቆሴታናው ዳንዳዑኩ። 15 ፆምፔ ኦይሊዲ ሶን ዴጊያ አሳ ኡባሰ ፖዓና ማላ ቆቃ ሶን ዋሴሲፔ አቲን ዳሎ ገደን ዋሴይ ባዋ። 16 ሄሳ ማላ አሳይ ሂንቴ ሎፆ ኦሱዋ ቤዲዲ፣ ሳሎን ዴጊያ ሂንቴ አዋ ቦንቻና ማላ ሂንቴ ፖይይ አሳ ሲንሳን ፖ።

ሙሴ ሂጊያ

17 «ታኒ ሙሴ ሂጊያ ናቤታ ቃላ ሻራናው ዴዳ ሂንቴው ዳና። ታኒ፣ ኤንቴ ኦዲደሲ ቱማ ገዴይሳ ቆንጨሳናው ያሰፔ አቲን ሻራናው ያበኪ። 18 ታ ሂንቴው ቱማ ኦዲደሲ፣ ሳሎይ ናሳይ አቆና ጋካናው ሂኔ ኡባይ ፖሌታናፔ አቲን ሂጊያፌ ኢሲ ቃላይ ዋይኮ ፒዳሌይ አፎና። 19 ሄሳ ገሾ፣ ሃ ኪታታፔ ጉዲያ ኢሲ ኪታ ማንሌያ ኦኒካ ቃሲ ሃራታ ሄሳላ ኦሳና ማላ ታማርሴይ ኦኒካ ሳሎ ካዋቴላን ኡባፌ ጉሳ ገዳና። ሸን ሃ ኪታ ፖሌይሲኔ ሃራታካ ፖላና ማላ ታማርሴይ ሳሎ ካዋቴላን ገታ ገዳና። 20 ታ ሂንቴው ኦዲደሲ፣ ሂንቴ ዲሎቴላይ ፋሪሳዊታ ዲሎቴላፌኔ ሂኔ አሰታማሬታ ዲሎቴላፌ አቆና ኢዲኮ፣ ሳሎ ካዋቴላ ገሌኪታ።

ዋቋባ

21 «ሂንቴ ማይዛታሰ፣ «ዋቋፔፔ፣ ሸምፖ ዋቋዳ ኦኒካ ፐርዴታና ገቴቶይሳ ሲዲዴታ። 22 ሸን ታ ሂንቴው ኦዲደሲ፣ ባ አሻ ሃንቁቲያ ኡባይ ፐርዴታና። ባ አሻ ጫያ ኦኒካ ዳይና ሲንሌ ፐርዳሰ ሸቃና። ባ አሻኮ፣ «ኤያይ» ገታ ኦኒካ ቃሲ ጋናማ ታማን ፐርዴታና።

23 «ሄሳ ገሾ፣ ኔኒ ኔ ያርሹዋ ያርሹያ ዋዴ ኔ አሻ ቆሂዳባይ ኔው አኪኪቲኮ። 24 ኔ ያርሹዋ ሃ ቤሳን አጋዳ ባ፤ ኮይርታ ባዳ ኔ አሻራ ገጋ፤ ያታ ሲማዳ፣ ኔ ያርሹዋ ያሳሰ ያርሻ።

25 «ኔና ሞቴይሳራ ፐርዳ ከሌ ባሽ ኦኒ ቦላ ኢያራ ገጋ። ሄሲ አቶ ገኮ ኢ ኔና ዳይና ሲንሌ ኤፋና። ዳይናይ ኔና ቃቼይሳሰ አሌ አማና፤ ኢ ኔና ዋይኔን ይጋና። 26 ታ ቱማ ኦዲደሲ፣ ኔ ቦላ ፐርዴቲዳ አጠቴዋ ኢሲ ሳንቴሜይ አቶና ጨጋ ኦንጋና ጋካናው ቃሾ ከላፌ ከያካ።

ላይማቴላባ

27 «ሃይሳፌ ካሲ፣ «ላይማቶፔፔ» ገቴቶይሳ ሲዲዴታ። 28 ሸን ታ ሂንቴው ኦዲደሲ፣ ማጫሰ ዪሊዲ፣ አሞቲዳ ኡባይ ባ ዋዛናን ኢራ ላይማቴሰ። 29 ኔ ኡሻቻ አይፌይ ኔው ናጋራሰ ጋሶ ገዲኮ፣ ከሳ ሆላ፣ ኔ አሳቴላይ ኩሜሌ ጋናማ ታማን ዋቆናፔ ኔ አሳቴላፌ ኢሶይ ቆዳኮ ኔው ሎፆ። 30 ኔ ኡሻቻ ኩሼይ ኔው ናጋራሰ ጋሶ ገዲኮ፣ ኢያ ቃንፃ ሆላ። ኔ አሳቴላይ ኩሜሌ ጋናማ ታማን ዋቆናፔ ኔ አሳቴላፌ ኢሶይ ቆዳኮ፣ ኔው ሎፆ።

ማቺ አዚና ቢሊላባ

(ማቶ 19:9፤ ማር 10:11-12፤ ሉቃ 16:18)

31 « ሳ ማቺው ዩዲያ ኦኒካ አንጆ ዋርቃቲያ አሞ» ገቴቲሰ። 32 ሸን ታ ሂንቴው ኦዲደሲ፣ ባ ማቺያ ላይማቶና ዴጊሸን ቢሊያ ኦኒካ ኢያ ላይማታና ማላ ኦሴሰ። ሄሳዳካ፣ አንጆቲዳ ማጫሲው ኤኪያ ኡባይ ላይማቴሰ።

ጫቆባ

33 «ሂንቴ ማይዛታኮ፣ «ዋርዶን ጫቆፊቴ፤ ሂንቴ ያሳ ሲንሳን ጫቆዳይሳ ፖሊቴ» ገቴቲዳይሳ ሲዲዴታ። 34 ሸን ታ ሂንቴው ኦዲደሲ፣ ኡባራካ ጫቆፊቴ። ያሳይ ኡቲያ አራታ ገዲያ ገሾ ሳሎን ጫቆፊቴ። 35 ኢያ ቶሆይ ዩቋያ ሶ ገዲያ ገሾ ሳዓንካ ጫቆፊቴ። ገታ ካወዋ ካታማ ገዲያ ገሾ ዩራሳላሚንካ ጫቆፊቴ። 36 ሂንቴ ቢናናፔ ኢሱዋካ ቦሌ ዋይኮ ካሬሌ ኦሳናው ዳንዳዳና ገሾ ሂንቴ ሂንቴ ሁዓንካ ጫቆፊቴ። 37 ሄሳ ገሾ፣ ሂንቴ ቃላይ፣ «ኮ» ዋይኮ «አካይ» ገደ። ሄሳፌ ካሬ ከይይ ፃላሄፔ ዩሰ።

ሃሎ ኪያናው ኮሺና

38 « ሳይፌ ገሾ አይፌ፣ አቻ ገሾ አቼ» ገቴቲዳይሳ ሲዲዴታ። 39 ሸን ታ ሂንቴው ኦዲደሲ፣ ሂንቴ ቦላ ኢታባ ኦሌያ ኡራራ ኤቆቶፊቴ። ኦኒካ ኔ ኡሻቻ ሻካላ ባቁኮ ኔ ሃዲርሳ ሻካላካ ቤሳ። 40 ኢሲ አሲ ኔ ሻሚዚያ ኤካናው ኔና ሞቲኮ፣ ኔ ኮቲያ ጉጃዳ አማ። 41 ኢሲ አሲ ኔና ዋልቃን ባባ ቶሲዲ ኢሲ ሳቲ ኦኒ ባራ ባና ማላ ኔና ኤንዔሌኮ፣ ኢያራ ናሞዑ ሳቲ ኦኒ ባ። 42 ዋሲያ ኦዲሰካ አማ፤ ኔፔ ታልላናው ኮያ ኦናካ ዲሳፋ።

5:14 ፆሃ 8:12፤ 9:5 5:15 ማር 4:21፤ ሉቃ 8:16፤ 11:33 5:16 1ሴ፳ 2:12 5:18 ሉቃ 16:17 5:21 ከሳ 20:13፤ ዛሬ 5:17 5:27 ከሳ 20:14፤ ዛሬ 5:18 5:29 ማቶ 18:9፤ ማር 9:47 5:30 ማቶ 18:8፤ ማር 9:43 5:31 ማቶ 19:7፤ ማር 10:4 5:32 ማቶ 19:9፤ ማር 10:11-12፤ ሉቃ 16:18፤ 1ቆር 7:10-11 5:33 ሉቁ 19:12፤ ታይ 30:2፤ ዛሬ 23:21 5:34 ማቶ 23:22 5:35 አሳ 66:1፤ ማክ 48:2 5:38 ከሳ 21:24፤ ሉቁ 24:20፤ ዛሬ 19:19

ኔ ሞርኬታ ሲቃ
(ሉቃ 6:27-28፤ 32-36)

43 « ሳና ደሴይሳ ደሳ፤ ነና ኢጌይሳ ኢፃ። ጌቴቶይሳ ሰዒይዳ። 44 ሺን ታ ሃንጌው ኦዳይሰ፤ ሃንጌ ሞርኬታ ደሴይሰ፤ ሃንጌና ቆሃይሳታሰ ሞሲቴ። 45 ሃሳላ ሃንጌ ኦሊኮ፣ ሳሎን ደዒያ ሃንጌ ኣሞሰ ሃንጌ ናይታ ገዳና። ኢ ኢታታሲኔ ሎፆታሰ ኣዎ ኬሲሰ፤ ዒሎታሲኔ ናጋራንቸታሰ ባ ኢራ ቡኪሲሰ። 46 ሃንጌና ደሴያ ኣሳ ፃላላ ሃንጌ ደሴኮ፣ ሃንጌው ኣይ ዎይቶይ ደዒ? ሃሪ ኣቶሺን፣ ቃራፃ ቃንጂሴይሳቲካ ሃሳ ኦሎሶና። 47 ሃንጌ፣ ሃንጌ ኢሻታ ፃላላ ሳርሲኮ፣ ሃራታፔ ኣይ ሃራ ኣጂያባ ኦሊደቴ? ሃሪ ኣቶሺን፣ ዶሳ ኣማናና ኣሳይካ ሃሳ ኦሎሶና። 48 ሃዛ፣ ሳሎን ደዒያ ሃንጌ ኣዎይ ፖሎ ገዳይሳዳ ሃንጌካ ፖሎ ገዳቴ።

6

ማንቆታሰ ኢሞባ

1 «ኣሲ ቤዶ ገዲ ሃንጌ ሎዎ ኦሱዎ ኣሳ ሲንላን ኦሎናና ናጌቲቴ። ሃሳላ ሃናና ኢጂኮ ሳሎን ደዒያ ሃንጌ ኣዎፔ ዎይቶ ደሜኪታ።

2 «ሃንጌ ማንቆታሰ ኢሚያ ዎይ ኣሳ ሲንላን ቦንቸታናው ገዲ ጨቦቲ ኦጊያ ደናኒኔ ኣይሁዳ ዎሳ ኬሳታን ኦሊይሳዳ ኣሲ ቤዶ ገዲ ኦሎፊቴ። ታ ሃንጌው ቱማ ኦዳይሰ፤ ኢንጌ ባንታ ኩሜላ ዎይቱዎ ኤኪደሶና። 3 ሺን ሃንጌ ማንቆታሰ ኢሚያ ዎይ ሃንጌ ኡሻቻ ኩሺይ ኦሊይሳ ሃንጌ ሃዲርሳ ኩሺይ ኤርፖ፤ 4 ሃንጌ ኢሞይ ጌማን ገደ። ጌማን ኦሊይሳ ቤዒያ ሃንጌ ኣዎይ ሃንጌው ዎይቱዎ ቆንጩን ኢማና።

ዎሳባ
(ሉቃ 11:2-4)

5 «ዎሳ ዎሲሹ ጨቦታላ ሃናፒቴ። ኢንጌ፣ ባንታና ኣሲ ቤዶ ገዲ ኣይሁዳ ዎሳ ኬላንኔ ኦጊያ ደናን ኤቁዲ ዎሴይሳ ደሶሶና። ታ ሃንጌው ቱማ ኦዳይሰ፤ ኢንጌ ባንታ ኩሜላ ዎይቱዎ ኤኪደሶና።

6 ሺን ኔኒ ዎሲያ ዎይ ኔ ሶ ገላ፣ ዉላ ጎርዳዳ ጌማን ደዒያ ኔ ኣዎኮ ዎሳ፤ ጌማን ኦሲቲዳይሳ ቤዒያ ኔ ኣዎይ ኔው ዎይቱዎ ኢማና። 7 ሃንጌ ዎሲያ ዎይ ኣማናና ኣሳላ ጮ ቃላ ዳርሲዲ ዎሶፊቴ። ኢንጌ ኣዲሰ ዎሲን ዎሲን ዎሳይ ሰዒሰ ገዲ ቆፖሶና። 8 ሃሳ ገሺ፣ ኤንታይሳዳ ሃናፒቴ። ኣይሰ ገኮ፣ ሃንጌ ኣዎይ ሃንጌው ኣይ ኩሺያኮ ሃንጌ ዎሳናፒ ሲንላቲዲ ኤሬሰ።

9 «ሃዛ፣ ሃንጌ ያገዲ ዎሲቴ።

ሳሎን ደዒያ ኦ ኣዎው።

ኔ ጌሻ ሱንላይ ኣንጃቶ።

10 ኔ ካዎቴላይ ዮ፣

ኔ ሺኔይ ሳሎን ሃኒዳይሳዳ

ሳዓንካ ሃና።

11 ጋላሳ ካላ ሃቺ ሃቺ ኦሰ ኢማ።

12 ኦኒ ኦና ቆሃዳይሳታ፣ ኣቶ ጌይሳዳ፣

ኦሰካ ኦ ቆሁዎ ኣቶ ጋ።

13 ኦና ኢታፔ ኣሻፌ ኣቲን

ፓጩን ጌልሶፋ።

[ካዎቴላይ፣ ዎልቃይኔ ቦንቸይ

ሜሪናው ኔሳ። ኣሚንዒ።]

14 «ሃንጌ ሃንጌና ቆሃዳይሳታ ኣቶ ገኮ፣ ሳሎን ደዒያ ሃንጌ ኣዎይ ሃንጌ ቆሁዎካ ኣቶ ጋና።

15 ሺን ሃንጌ ሃራ ኣሳ ናጋራ ኣቶ ጎና ኢጂኮ ሃንጌ ኣዎይ ሃንጌ ናጋራ ኣቶ ጌና።

ዎማባ

16 «ሃንጌ ዎሚያ ዎይ ጨቦታላ ካዮቶፊቴ። ኣይሰ ገኮ፣ ኢንጌ ዎሚይሳ ኣሲ ኤራና ሜላ ባንታ ሶምዑዎ ቁታዮሶና። ታ ቱማ ኦዳይሰ፤ ኢንጌ ባንታ ዎይቱዎ ኤኪደሶና።

17 «ሺን ኔኒ ዎሚያ ዎይ ኔ ሶምዑዎ ሚጫ፣ ኔ ሁዒያ ቲይታ። 18 ሃሳዳ ኔ ኦሊኮ ኔ ዎሚያ ዎሚያ ኣሳፒ ጌሚዳይሳ፣ ሺን ጌማን ደዒያ ኔ ኣዎይ ኤሪያ ዎማ ገዳና። ጌማን ኦሲቲዳይሳ ቤዒያ ኔ ኣዎይ ኔው ዎይቱዎ ኢማና።

ሳሎን ሻሎ ሺሾ

19 «ቢሊ ሚያሶን፣ ቢራቲ ሸዊያሶን፣ ካይሶይ ቦኪዲ ኤኪያሶን፣ ሃ ሳን፣ ሂንቲው ሻሎ ሸሸቲ። 20 ሸን ቢሊ ሞናሶን፣ ቢራቲ ሸያሶን፣ ካይሶይ ቦኪዲ ኤኪያሶን ሳሎን ሂንቲው ሻሎ ሸሸቲ። 21 ኔ ሻሎይ ዲዊያሶብን ኔ ዋዛናይ ዳዓና።

22 «አይፊይ አሳቲላስ ሰዎ። ሃሳ ገሾ፣ ኔ አይፊይ ገዓ ገዲኮ ኔ ኩሜላ አሳቲላይ ፖዖ ገዲሰ። 23 ኔ አይፊይ ሃርጋንቸ ገዲኮ ኔ ኩሜላ አሳቲላይ ፉማ ገዲሰ። ሃዛ፣ ኔናን ዲዊያ ፖዖይ ፉማ ገዲኮ፣ ፉማይ አይ ሚላ አፉዲ ፉማንዴሻ!

24 «አሲ አሲ ናዎ። ጎዳስ ሃራታናው ዳንዳዔና። ኢሱዋ ዶሲኮ ሃንኩዋ ኢዳስ፤ ዎይኮ ኢሱዋ ቦንቸኮ ሃንኩዋ ካዴሰ። ያሳሲኔ ሚሼሰ ሃራታናው ዳንዳዔኬታ።

ኡንዔቶፊት
(ሉቃ 12:22-31)

25 «ሃዛ፣ ሲዒቲ! ሂንቲ ዳዖን ዳናው፣ ሳይ ማኔ? አይ ኡያኔ? አይ ማዓኔ?» ገዲ ኡንዔቶፊቲ፤ ዳዖይ ካላፊ ዎይኮ ማዖፕ አዴኔ? 26 ሳሎ ካሮታ ያሊቲ፤ ኤንቲ ዜሮኮና፣ ቡጮኮና፣ ሻሊን ዩጎኮና፣ ሸን ሂንቲ ሳሎ አዋይ ኤንታ ሙዜስ። ሂንቲ ኤንታፊ ከሂ አዴኬቲ? 27 ሂንቲ ገዲፊ ዳር ኡንዔቲዲ ባ ላይላ ቦላ ኢሲ ጋላስ ጉጃናው ዳንዳዔይ ዳዒ?

28 «ቃሲ ሂንቲ ማዊያባስ አይስ ኡንዔቲቲ? እኔ ጨሻታ ቤዒቲ፣ ኦሶን ዳቡሮኮና ዎይኮ ሱቆኮና። 29 ሲዒቲ! ሃሪ አቶሸን፣ ካወዋ ሰሎሞኔይ ባ ቦንቸ ኡባን ሃ ጨሻታ። ኢሱዋ ሚላካ ማዒቤና። 30 ሂንቲና፣ አማናይ ፓጨዳይሳቶ፣ ያሳይ ሃቸ ቤንቲዲ ዎንቶ ታማን ዋቆናው ዲዊያ ማታ ያቲዲ ማይዚያባ ገዲኮ፣ ሂንቲና ኤንታፊ አላዲ ዋቲ ማይዚኔ? 31 ሃሳ ገሾ፣ ሳይ ማኔ? አይ ኡያኔ? አይ ማዓኔ?» ገዲ ኡንዔቶፊቲ። 32 ሃ ኡባ ያሳ አማናና አሳይ ዳርሲዲ ዳማናው ኡንዔቶሶና። ሂንቲ ሳሎ አዋይ ሄ ኡባይ ሂንቲው ኮሺይሳ ኤፊስ። 33 ሸን ኡባፊ ሰንፊ ያሳ ካዎቲላኔ ኢያ ያሎቲላ ኮዩቲ፤ ሄ ኡባይ ሂንቲው ጉጂ አሚታና። 34 ሃሳ ገሾ፣ ዎንቶስ ቆፒሽ ኡንዔቶፊቲ። ዎንቶይሲ ዎንቶስ አቆ፤ ኢሲ ኢሲ ጋላሳይ ባው ገዲያ ማቶራ ዳዴስ።

7

ሃራታ ቦላ ፐርዶፊት
(ሉቃ 6:37-42)

1 «ሂንቲ ቦላ ፐርዶቶና ሚላ ሃራታ ቦላ ፐርዶፊት። 2 አይስ ገኮ፣ ሃራታ ቦላ ሂንቲ ፐርዶይሳዳ ሂንቲ ቦላ ፐርዶታና፤ ሂንቲ ሃራታስ ማኪዳባን ሂንቲው ዛሪ ማኬታና። 3 ኔ አይፊን ዲዊያ ቲሱ ዳኔይሳ ቤዖና ኔ አሻ አይፊን ዲዊያ ቡሪያ አይስ ቤዖይ? 4 ኔ አይፊን ቲሲ ዲዊሸን ኔ አሻ አይፊን ዲዊያ ቡሪያ ከሶ ጋናው ዋና ዳንዳዔይ? 5 ኔና ጨቡዋው፣ ኮይሮታዳ ኔ አይፊን ዲዊያ ቲሲ ዳኔይሳ ኬሳ። ኢያፕ ጉዩ፣ ኔ አሻ አይፊን ዲዊያ ቡሪያ ኬሳናው ኔ ገሻ ያላና።

6 «ኦይ ሲሚዲ ሂንቲና ሳዖና ሚላ ገሻባ ካናታስ ዩሳፊቲ። ባንታ ቶሁዋን ዩጁዲ ኢሶና ሚላ ሂንቲ አልዖ አንቁዋ ጉዲንላታ ሲንላን ዩሳፊቲ።

ዎሲቲ፣ ኮዩቲ፣ ያገቲ
(ሉቃ 11:9-13)

7 «ዎሲቲ ሂንቲው አሚታና፣ ኮዩቲ ሂንቲ ዳማና፣ ካሬ ዩዲ ያገቲ ሂንቲው ደዩታና። 8 ዎሲያ ኦዴሰካ አሚታና፣ ኮያ ኦዴሰካ ቤንታና፣ ካሬ ዩዲ ያገቲ ኦዴሰካ ደዩታና።

9 «ሂንቲ ገደፊ ባ ናዒ ኡይላ ዎሲኮ ሹቸ አሚይ ኦኔ? 10 ዎይኮ ሞሎ ዎሲኮ ሸሺ አሚይ ዳዒ? 11 ያቲን ሂንቲ ኢታ ገዲሼ ሂንቲ ናይታስ ሎዖባ አዎ ኤሪኮ፣ ሂንቲ ሳሎ አዋይ ባና ዎሲይሳታስ ሎዖባ ዋቲ ዳርሲዲ አሚኔ? 12 ሃራቲ ሂንቲው ኦሳና ሚላ ሂንቲ ኮያባ ሂንቲካ ሃራታስ ኦላቲ። አይስ ገኮ፣ ሙሴ ሂንቲኔ ናቤቲ ታማርሴይ ሃይሳ።

13 «ፀንሳ ዉላሪ ገሊቲ፤ አይስ ገኮ፣ ቆሶስ ኤፊያ ኦኔይ ዎጋ፣ ዉላይካ ዳልጋ። ኢያሪ ገሊያ አሳይካ ዳር። 14 ሸን ዳዑዋኮ ኤፊያ ኦኔይ ዉላይ ፀንላ፤ ያ ገሊያ አሳይካ ጉላ።

ሚላ ባ አይፊን ኤሪቲስ
(ሉቃ 6:43-44)

15 «ቦላ ባጋሪ ደርሴ ዳኔዲ ባንታ ጋላን ሱቆሚ ገዲዲ ሂንቲ ገደ ገሊያ ዎርዳንቸ ናቤታፕ ናጌቲቲ። 16 ሂንቲ ኤንታ፣ ኤንታ አይፊያፕ ኤራና፤ አጉንላፊ ዎይኔይ፣ ከንቸቲፕ ዳይይ ማፃቲና። 17 ሃሳ ሚላ ሎዖ ሚላ ኡባይ ሎዖ አይፊ አይፊስ፤ ኢታ ሚላ ኢታ አይፊ አይፊስ። 18 ሎዖ ሚላ ኢታ አይፊ አይፊና፣ ቃሲ ኢታ ሚላ ሎዖ አይፊ አይፋናው ዳንዳዔና። 19 ሎዖ አይፊ አይፊና ሚላ ኡባይ ቃንጸቲዲ ታማን ፀንታና። 20 ሃሳ ገሾ፣ ሂንቲ ኤንታ፣ ኤንታ አይፊያን ኤራና።

21 «ሳሎን ዳዲያ ታ አዋ ሸኒያ ኦሊያ ኡራይ ሳሎ ካዎቲሉ ገላናፕ ኣትን ጮ ታና ሳዳው፡ ጎዳው፡ ገያ ኡባይ ሳሎ ካዎቲሉ ገላና፡፡ 22 ፐርዳ ጋላስ ዳርቲ፡ ሳዳው፡ ጎዳው፡ ኔ ሱንላን ቲንቢቲ ኦዲቦኮ? ኔ ሱንላን ቱና ኣያናታ ኬሲቦኮ? ኔ ሱንላን ማላታታ ኦሊቦኮ?» ያጋና፡፡ 23 ሄ ዎዳ ታኒ፡ ታ ሂንቴና ኡባራካ ኤሪኮ፡ ሂንቴ ኢታ ኦሊይሳቲ ታፕ ሃከቲ» ያጋና፡፡

24 «ሂዛ፡ ሃ ታ ቃላ ሲዲዲ ኦሊያ ኦኒካ ባ ኬላ ሹቻ ሶላ ኬዲዳ ዎዛናማ ኣሳ ማላ፡፡ 25 ኢራይ ቡኪስ፡ ዲይይ ዲዲስ፡ ጫርኮይካ ጫርኪዲ ሄ ኬላ ሱጊስ፡ ሸን ኬላይ ሹቻ ባሶ ሶላ ኬዲቲዳ ገሾ ኩንዲቤና፡፡ 26 ሃ ታ ቃላ ሲዲዲ ኦሊያ ኦኒካ ባ ኬላ ሻሬ ሶላ ኬዲዳ ኤያ ኡራ ማላ፡፡ 27 ኢራይ ቡኪዲ፡ ዲይይ ዲዲዲ፡ ጫርኮይካ ጫርኪዲ፡ ሄ ኬላ ሱጊን፡ ሄ ኬላይ ኩንዲስ፤ ኢያ ኩንዲሳይካ ዎልቃማ» ያጊስ፡፡

28-29 ዩሱሲ ባ ኦዳ ኦንጊዳ ዎዳ ኢያ ቲሚርቲይ ሂኔ ኣስታማሬታ ማላ ጊዳና ማታራ ጊዲያ ገሾ ኣሳይ ኢያ ቲሚርቲያን ማላሌቲዳሶና፡፡

8

ዩሱሲ ባር ሃርጋንቸዎ ፓሊስ (ማር 1:40-45፤ ሉቃ 5:12-16)

1 ዩሱሲ ዳሪያፕ ዎዳ ዎዳ ዳር ኣሳይ ኢያ ካሊዳሶና፡፡ 2 ሄኮ ኢሲ ባር ሃርጋንቸይ ኢያኮ ሸቄዲ፡ ኢያ ስንላን ጉልባቲዲ፡ «ጎዳው፡ ኔ ሸኔ ጊዲኮ ታና ገሻዳ ፓላናው ዳንዳዳሳ» ያጊስ፡፡ 3 ዩሱሲ ባ ኩሸያ ዩዲዲ ኢያ ቦቸዲ፡ «ኤ፡ ታ ሸኔ፡ ፓፓ» ያጊስ፡፡ ኡራይ ኢራካ ገዪ ኣገሲ፡፡ 4 ዩሱሲ ኢያኮ፡ «ኔ ፓፀዎ ኦዲስካ ኦዲፓ፡፡ ሸን ባዳ ኔ ጌያዳ ፓይሳ ካሂኔ ቤሳ፡ ኔ ፓፀዎሰ ማርካ ጊዳና ማላ ባዳ ሙሴይ ከቲዳ ያርሹዎ ያርሻ» ያጊስ፡፡

ማቶ ሃላቃ ኣማኑዎ

5 ዩሱሲ ቁፊርናሆሜ ካታማ ጋኪዳ ዎዳ ኢሲ ማቶ ሃላቃይ ኢያኮ ሸቄዲ፡፡ 6 «ጎዳው፡ ታ ኣይሌይ ኣሳቲሳይ ጉንዲን ዳር ሃርጌቲዲ፡ ሶን ዘንዲዲ ዳዲስ» ያጊዲ ዎሲስ፡፡

7 ዩሱሲ ዛሪዲ፡ «ታኒ ባዳ ኢያ ፓላና» ያጊስ፡፡

8 ሸን ማቶ ሃላቃይ ዛሪዲ፡ «ጎዳው፡ ኔ ታ ሶ ገላናው ቤሲያ ኣሲ ጊዲኬ፡ ሸን ኔ ሃን ኡታዳ ቃላ ፃላላ ኦዳ፡ ታ ኣይሌይ ፓፃና፡፡ 9 ኣይሰ ገኮ፡ ታፕ ሶላራ ታ ከቲቲያ ኣሳቲ ዳዎሶና፡ ቃሲ ታፕ ጋርሳራ ታው ከቲቲዳሳቲ ዳዎሶና፡ ኤንታሬ ኢሱዎ፡ «ባ ጊያዳ ቤስ፤ ሃንኩዎ ቃሲ «ሃያ!» ጊያዳ ዩሱ፡ ታ ኣይሌያ፡ «ሃይሳ ኦላ» ጊያዳ ኦሊስ» ያጊስ፡፡

10 ዩሱሲ ሄሳ ሲዲዲ ዎዳ ማላሌቲዲ፡ ባና ካሊያ ኣሳኮ፡ «ታ ሂንቴው ቱማ ኦዳይስ፤ ታኒ ሃይሳ ማላ ኣማኖ ኢሰራዲሊ ኣሳንካ ቤዓቢኬ፡፡ 11 ታ ሂንቴው ኦዳይስ፤ ዳርቲ ዳሎሃፕኔ ዉሎሃፕ ዩዲ፡ ሳሎ ካዎቲላን ኣላራሃሚራ፡ ዩሳቃራ፤ ያይቆባራ ኢሲሬ ኣማቶ ሶላ ኡታና፡፡ 12 ሸን ሳሎ ካዎቲላ ላታናው ቤሲሸን ኣቲዳይሳቲ ካራ ፉማን ሆሌታና፡ ያን ኣንታው ዩሆኔ ኣቻ ጋርጫሉ ጊዳና» ያጊስ፡፡

13 ዩሱሲ ማቶ ሃላቃኮ፡ «ኔ ሶ ባ፡ ኔ ኣማኑዎላ ኔው ሃና» ያጊስ፡፡ ኢያ ኣይሌይ ሶሁዎራ ፓዲ ኣገሲ፡፡

ዩሱሲ ዳር ሃርጋንቸታ ፓሊስ (ማር 1:29-34፤ ሉቃ 4:38-41)

14 ዩሱሲ ጳዲርሳ ሶ ጌሊያ ዎዳ ጳዲርሳ ማቸ ኢያ ቆዎ ሚሻ ሃርጌን ሳኪታዳ ዘንዲዳር ቤዲስ፡፡

15 ዩሱሲ ኢ ኩሸያ ቦቸዳ ዎዳ ቆይይ ሚሻይ ኣገ ኣገሲ፡፡ ፓፓ ዳንዳዳ ኢያ ሞካሱ፡፡

16 ሄ ዎዳ ኦማርሲ ቱና ኣያናን ኣይከቲዳ ዳር ኣሳታ፡ ኣሳይ ዩሱሳኮ ኢሂዳሶና፡፡ ኢካ ቱና ኣያናታ ባ ቃላን ኬሲስ፡ ሃርጋንቸታ ኡባ ፓሊስ፡፡ 17 ሄሳንካ ናቢያ ኣሳያሰና፡፡

«ኢ ኑ ሃርጌያ ባው ኤኪስ፡፡

ኢ ኑ ሃርጌያ ቶኪስ»

ጊዳ ቃላይ ፖሌቲስ፡፡

ዩሱሳ ካሎይ ጨገሲያ ጋቲያ (ሉቃ 9:57-62)

18 ዩሱሲ ዳር ኣሳይ ኢያ ዩሹዎን ኤቁዳይሳ ቤዲዲ፡ ኣባሬ ሄፊንሉ ፒናና ማላ ባ ታማሬታ ከቲስ፡፡ 19 ሂኔ ኣስታማሬታፕ ኢሶይ፡ «ኣስታማሬያው፡ ኔ ቢያሶ ኡባ ታ ካላና» ያጊስ፡፡

20 ዩሱሲ ኢያኮ «ዎርካናታስ ኦሊ ዳዲስ፡ ሳሎ ካርታስ ኬላ ዳዲስ፡፡ ሸን ኣሳ ናዓስ ባ ሁዲያ ሸምፒሲያ ቤሲ ባዎ» ያጊስ፡፡

21 ዬሱሳ ካሊያ አሳታፔ አሰይ፥ «ጎዳው፥ ታኒ ሲንሳታ ባዳ ታ አዋ ዋጋዳ ያና» ያገለጠ።

22 ሺን ዬሱሱ፥ «ሃይቋዳይሳቲ ባንታ ሃይቆታ ዋሳ፤ ኔኒ ታና ካላ» ያገለጠ።

ዬሱሲ ሆቢያ ሲዒ ኦሊሰ

(ማር 4:35-41፤ ሉቃ 8:22-25)

23 ዬሱሲ ባናው ዋጎሉዋን ጌሊዳ ዋዴ ኢያ ታማሬቲካ ኢያራ ባናው ጌሊዳሶና። 24 ኤንቲ ቆፖና ዳዒሺን፥ ዋልቃማ ሆቢይ ሃላ ቦላ ዳንዲን ዋጎሎይ ሚቴታናው ጋኪሰ። ሺን ዬሱሲ ጲሰኪሰ።

25 ኢያ ታማሬቲ ኢያኮ ሸቆዲ ኢያ ባርኪሊዲ፥ «ጎዳው፥ ኑ ጳዮሰ ኑና አሻርኪ» ያገደሶና።

26 ዬሱሲ ኤንታኮ፥ «ሂንቴና፥ አማናይ ፓጩዳይሳቶ፥ ኣይሰ ያዩቲ?» ያገለጠ። ዳንዲዲ፥ ሆቢያኔ ጎቲያ ኤሲሰ። ኤሌሲዲ ኡባባይ ሲዒ ገሰ።

27 ኢያ ታማሬቲ ማላሊቲዲ፥ «ሃይሲ፥ ሃሪ አቶሺን፥ ሆቢይኔ ጎቲይ ከቲቴይሲ ዋኒዳ ኣሲ?» ያገደሶና።

ቱና ኣያናይ ኦይኪዳ ናምዑ አሳታ

(ማር 5:1-20፤ ሉቃ 8:26-39)

28 ዬሱሲ አባሬ ሄፊንሳን ዳዒያ ጌርጌሶኔ ጊያ ቢታ ጋኪዳ ዋዴ ቱና ኣያናይ ኦይኪዳ ናምዑ አሳቲ ዳፎፔ ኬዬዲ ኢያራ ጋሂቴደሶና። ኤንቲ ዳር ኢታኔ ያሺያ አሳታ ጊዲያ ገሾ አሲ ሄ ቤሳራ አቆናው ዳንዳዔና። 29 ኤንቲካ፥ «ዳሳ ናናው፥ ኑና ኔና ኣይቤ ጋልይ? ዋዴይ ጋኮና ዳዒሺን ኑና ፐርዳናው ያዲ?» ጊዲ ዋሲደሶና።

30 ኤንታፊ ዳር ሃኮና ጉዲንሶ ዉዴይ ሄማቴሰ። 31 ቱና ኣያናቲ ዬሱሳ፥ «ኔ ኑና ከሳናባ ጊዲኮ፥ ሂኒ ጉዲንሶ ዉዲያ ጊደ ዬዳርኪ» ያገዲ ዋሲደሶና።

32 ዬሱሲ፥ «ቢቴ» ያገለጠ። ቱና ኣያናቲ አሳታፔ ኬዬዲ ጉዲንሶታን ጌሊዳሶና። ጉዲንሶቲ ኡባይ አፎ ደናራ ዳርጊዲ ቢዲ አባን ሚቴቲዲ ሃይቋደሶና።

33 ጉዲንሶ ዉዲያ ሄማይሳቲ ባቃቲዲ ካታማ ቢዲ፥ ሃኒዳባኔ ቱና ኣያናይ ኦይኪዳ አሳታ ቦላ ኦሲቲዳባ ኡባ ኦዲደሶና። 34 ያኑን፥ ካታማን ዳዒያ አሳ ኡባይ ዬሱሳ ቤናናው ኬዬደሶና። ኤንቲ ዬሱሳ ቤዒዳ ዋዴ ባንታ ቢታፊ ኬዬዲ ባና ሜላ ዋሲደሶና።

9

ጉንዳ ኡራ ፓፀዋ

(ማር 2:1-12፤ ሉቃ 5:17-26)

1 ሃሳፊ ጉዬ፥ ዬሱሲ ዋጎሉዋን ጌሊዲ፥ አባ ፒኒዲ ባ ካታማ ቢሰ። 2 ሃኒዳ ጉላ አሳቲ ኢሲ ጉንዳ ኡራ አልጋራ ቶኪዲ ዬሱሳኮ ኤሂደሶና። ዬሱሲ ኤንታ አማኑዋ ቢዒዲ፥ ጉንዳ ኡራ፥ «ታ ናናው፥ ያዮፋ! ኔ ናጋራይ አቶ ጌቴቲሰ» ያገለጠ።

3 ሄ ሳቲያን፥ ኣይሁዳ ሂጌ አሰታማሬታፔ አሰቲ አሰቲ፥ «ሃይሲ ያሳ ጫሼ ገዴኔ» ያገዲ ባንታ ዋዛናን ቆፒደሶና።

4 ዬሱሲ ኤንታ ቆፋ ኤሪዲ፥ «ኢታባ ሃንቲ ዋዛናን ኣይሰ ቆፔቲ? 5 ሃናሺን፥ ሳኔ ናጋራይ አቶ ጌቴቲሰ ጌይሳፊኔ (ዳንዳ ኤቃዳ ባ) ጌይሳፊ ኣዉሲ ካዉዪ? 6 ሺን ሳባ ቦላ ናጋራ አቶ ጋናው አሳ ናባሰ ማፔ ዳዒይሳ ታ ሃንቴና ኤሪሳና» ያገዲ፥ ጉንዳ ኣዲያኮ፥ «ዳንዳ ኤቃ፥ ኔ ኣልጋ ቶካዳ፥ ኔ ሶ ባ» ያገለጠ።

7 ጉንዳ ኡራይ ዳንዲዲ ባ ሶ ቢሰ። 8 ዳሬይ ሃሳ ቢዒዲ ማላሊቲደሶና። ሃሳ ሜላ ማታ አሳሰ አሚዳ ያሳ ጋሳቲደሶና።

ማቶሳ ዪጌቲላ

(ማር 2:13-17፤ ሉቃ 5:27-32)

9 ዬሱሲ ያፔ ዳንዲዲ ቢሼ ማቶሳ ጌይሳ ቃራፃ ቃንዲሲያ ቤሳን ኡቲዳሺን ቤዒዲ፥ «ታና ካላ» ያገለጠ።

ኢካ ዳንዲዲ ካሊሰ።

10 ዬሱሲ ማቶሳ ሶን ጋይታ ቦላ ኡቲዳሺን፥ ቃራፃ ቃንዲሲያ ዳር አሳቲኔ ናጋራንቸቲ ዪዲ ኢያራኔ ኢያ ታማሬታራ ኢሲፊ ማናው ኡቲደሶና። 11 ኢሲ ኢሲ ፋሪሳዌቲ ሃሳ ቤዒዲ፥ ዬሱሳ ታማሬታ፥ «ሃንቴ ኣሰታማሬይ ቃራፃ ቃንዲሲይሳታራኔ ናጋራንቸታራ ኣይሰ ሚ?» ያገደሶና።

12 ዬሱሲ ሃሳ ሲዒዲ፥ «ጳሊ ኮሼይ ሃራጋንቸታሳፊ ኣቲን ፓፃታሳ ገዴና። 13 ሺን ሃንቴ ቢዲ፥ ታኒ ሃንቴ ያርሹዋ ገዴናሺን ሃንቴ ሃራታ ማራና ሜላ ኮያይሰ) ጌቴቲዲ ያፊቲዳይሲ ዋይ ጉሲኮ ኤሪቲ። ኣይሰ ገኮ፥ ታኒ ናጋራንቸታ ዪፃናው ያሲፔ ኣቲን ዪሶታ ዪፃናው ያቢኪ» ያገለጠ።

ዩሱሲ የማባ ኦሪጅቲስ
(ማር 2:18-22፤ ሉቃ 5:33-39)

14 ሄ ዋዴ የሃኒሳ ታማራቲ ዩሱሳኮ ሸቄዲ፣ «ኮኔ ፋሪሳዌቲ የምሰ፣ ሺን ኔ ታማራቲ ኣይሰ የምኮናን?» ያገዲ ኦሪጅቲሶና።

15 ዩሱሲ ዛሪዲ ኤንታኮ፣ «ሙሹራይ ኤንታራ ዲዲሺን ጌጌቲዲ ዩዳ ኣሳይ ካዮታናው ዳንዳየና? ሙሹራይ ኤንታ ማታ፤ ኤከታና ዋዴይ ያና፣ ኤንቲ ሄ ዋዴ የማና።

16 «ኦራላ ማያ፤ ፔዲዲ ጋልዓ ማያ ቦላ ሲኬይ ኦኒካ ባዋ። ሄሳዎ ኦሊኮ ኦራላይ ጋልዓ ፔዲስ። ፔዲላይ ካ ጉጂ ዳልጌሰ። 17 ኦራላ ዋይኔ ጋልዓ ኦጎርን ቆሊያ ኦኒካ ባዋ። ሄሳዎ ኦሊኮ ኦራላ ዋይኔይ ጋልዓ ኦጎርዋ ጽሑሰ ዋይኔይካ ኩኬሰ፤ ኦጎርይካ ናምዓንዳ ማደናባ ገዴሰ። ሺን ኦራላ ዋይኔይ ኦራላ ኦጎርን ቆሊታናው ቤሰሰ። ሄሳዎ ኦሲቲኮ ናምዓይካ ኢቶና ናጌቶሶና» ያገሰ።

ሃይቄዳ ናዒጫኔ ዩሱሳ ኣፊላ ቦቺዳ ማጫሲው
(ማር 5:21-43፤ ሉቃ 8:40-56)

18 ዩሱሲ ሄሳ ኦዶ ቦላ ዲዲሺን፣ ኣይሁዴ ሃላቃታ፤ ኢሲይ ኢያኮ ዩዲ፣ ኢያ ሲንሳን ጉልባቲዲ፣ «ታ ናዒያ ሃዒ ሃይቃሱ፣ ሺን ኢያ ፓፃና ማላ ኔኒ ያዳ ኔ ኩሺያ ኢ ቦላ ዋላርኪ» ገዲ ዋሲስ።

19 ዩሱሲ ዲንዲዲ ኢያራ ቢስ፤ ኢያ ታማራቲካ ካሊደሶና።

20 ኢ ቢሺን ታማኔ ናምዑ ላይላ ኩሚላ ሱላ ጎገዲ ዋይሲያ ኢሲ ማጫሲያ ጉዬራ ሸቃዳ ዩሱሳ ኣፊላ ማጫራ ቦቻሱ። 21 ኢያ ባ ዋዛናን፣ «ታ ኢያ ኣፊላ ማጫራ ፃላላ ቦቺያኮ ፓፃና» ያገዳ ቆፓሱ።

22 ዩሱሲ ጉዬ ሰሚ ኢዮ ጃሊዲ፣ «ታ ናቴ፣ ያዮፋ! ኔና ኔ ኣማናይ ፓላሰ» ያገሰ። ማጫሲያ ሶሁዋራ ፓፃ ኣጋሱ።

23 ዩሱሲ ኣይሁዴ ሃላቃ ሶ ጋከያ ዋዴ ዛዬ ፔኔይሳታኔ ዩኬይሳታ ቤዒዲ፣ 24 «ኣኔ ከቺቲ፤ ጉላ ናዒያ ጂሰካሱ፤ ኣቲን ሃይቃሱኩ» ያገሰ። ሺን ኣሳይ ኢያ ቦላ ሚጪደሶና። 25 ኣሳ ካሪ ኬሲዳ፤ ጉዬ ሶ ጌሊዲ፣ ናዒ ኩሺያ ኦይከሰ፣ ናዒያ ዲንዳ ኤቃሱ። 26 ሄ ዋሪይ ሄ ቢታ ኡባ ጋከሰ።

ዩሱሲ ናምዑ ቆቄታ ጃሊሲስ

27 ዩሱሲ ያፔ ዲንዲዲ ጌዴ ሲንላ ቢያ ዋዴ ናምዑ ቆቄቲ ባንታ ቃላ ጶቄ ኦሊዲ፣ «ዳዊቲ ናዒያ፣ ኦና ማራርኪ» ያገሺ ኢያ ካሊደሶና።

28 ዩሱሲ ሶ ጌሊዲ ዋዴ ቆቄቲ ኢያ ካሊዲ ዩደሶና። ዩሱሲ ኤንታኮ፣ «ታኒ ሄሳ ኦላናው ዳንዳዔይሳ ሂንቲ ኣማኔቲ?» ያገሰ።

ኢንቲካ፣ «ኤ፣ ጎዳው» ያገዲ ዛሪደሶና።

29 ሄሳፊ ጉዬ፣ ዩሱሲ ኤንታ ኣይፊያ ቦቺዲ ኤንታኮ፣ «ሂንቲው፣ ሂንቲ ኣማኑዋላ ሃና» ያገሰ።

30 ኤንታ ኣይፊይካ ደዩቲስ። ዩሱሲ ኤንታኮ፣ «ሃይሳ ኦዴሰካ ኦዶፕቲ» ያገዲ ሚንላ ኦዲስ።

31 ሺን ኣሳቲ ቢዲ ዩሱሳባ ሃ ቢታ ኡባን ኦዲደሶና።

32 ኤንቲ ያፔ ከያ ዋዴ ኣሳይ ቱና ኣያናይ ኦይከዲ ሙሚሲዳ ኢሲ ኣሲ ዩሱሳኮ ኤሂደሶና።

33 ቱና ኣያናይ ኬዩዳ፤ ጉዬ ሙሚ ኡራይ ኦዴቲስ። ዴፊይካ ማላሊቲዲ፣ «ሃይሳ ሚላ ኦራላባይ ኢሰራዒሌ ቢታን ሃኒቢና» ያገደሶና።

34 ሺን ፋሪሳዌቲ፣ «ቱና ኣያናታ ሃላቃን ቱና ኣያናታ ኬሰስ» ያገደሶና።

ዩሱሲ ኣሳሰ ቃዴቲስ

35 ዩሱሲ ኣይሁዴ ዋሳ ከላታን ታማርሲሺ፣ ሳሎ ካዋቲላ ዋንጌላ ሳባኪሺ፣ ኣሳ ሃርጌ ኡባፊ ፓላሺ ካታማታኒኔ ጉታ ኡባን ዩዩሰ። 36 ዳር ዴፊይ፣ ሃሚያ ኣሲ ባይና ዶርሳዳ ኤንታና ቤዒያ ኣሲ ቆዩን ኤንዓቲዲ ዴዔይሳታ ቤዒዲ ኤንታኮ ቃዴቲስ። 37 ባ ታማራታኮ፣ «ሺቃና ካላይ ዳር፣ ሺን ካላ ሺሺያ ኣሳይ ጉላ። 38 ሄሳ ገሺ፣ ጎዳይ ካላ ሺሺያ ኦሳንቸታ ዩዳና ሚላ ዋሲቲ» ያገሰ።

10

ዩሱሲ ከቲዳ ታማኔ ናምዑ ሃዋሬታ
(ማር 3:13-19፤ ሉቃ 6:12-16)

1 ዩሱሲ ታማኔ ናምዑ ታማራታ ባኮ ጃጊዲ፣ ቱና ኣያናታ ከሳና ሚላኔ ሃርጌ ኡባ ፓላና ሚላ ኤንታው ማታ ኢሚስ።

2 ዩሱሲ ከቲዳ ታማኔ ናምዑ ሃዋሬታ ሰንላይ፣ ኮይርይ ጳይሪሳ ገያ ሲሞናኔ ኢያ ኣሻ ኢንዲሪያና፣ ዛብዲዮሳ ናዓ ያይቆባኔ ኢያ ኣሻ የሃኒሳ፣ 3 ፊልጶሳኔ ባርቶሎሚዮሳ፣ ቶማሳኔ ቃራፃ ቃንጂሲያ

ማቶ 4፣ አልፎሳ ሩዓ ያይቆ፣ ታዲሳ፣ 4 ባ ቢታሰ ሚሼቲያ ሲሞና ዬሱሳ አላ እሚዳ እስቆርታ ዪሁዳ።

5 ሃ ታማኔ ናምዓታ ዬሱሲ ከቲዲ ዬዲሼ፣ «እይሁዳ ጊደና ዳሪያኮ ቦፒቲ፣ ቃሲ ሳማራታ ካታማካ ገሎፒቲ። 6 ሺን አሲራዔሌ ከላፊ ጊዲዳ ሂኒ ቆዩዳ ደርሳታኮ ቤቲ። 7 ያ ቤዲ፣ ሳሎ ካዎቲላይ ማታቲሰን ጊዲ ኦዲቲ። 8 ሃርጋንቾታ ፓላቲ፣ ሃይቁዳይሳታ ሃይቆፒ ዳንላቲ፣ ባር ሃርጋንቾታ ገሺ ፓላቲ፣ ቲና አያናታ ከሲቲ። ሂንቲ ጮ ኤኪዳይሳ ጮ እሚቲ። 9 ሂንቲ ከሲን ሞርቃ፣ ዎይኮ ቢራ ሳንቲሜ አይኮፊቲ። 10 ሂንቲ ኦጊስ ካርቂቶ፣ ናምቦ አፊላ፣ ዎይኮ ጫማ ዎይኮ ምዋዕ አይኮፊቲ፣ ኦሳንቾዋስ ጋላሳ ካላ ኮሺሰ።

11 «ሂንቲ አሲ ካታማ ዎይኮ ጉታ ገሊያ ዎዴ ሂንቲና ሞኪዲ ኤካናው ኡፋይቲያ ኡራ ኮዩዲ አያ ሶን ሸምፒቲ፣ ሂንቲ ባና ጋካናው ያን ጋምዒቲ። 12 ቃሲ ኦዴ ሶካ ገሊሼ ሳርላቲ። 13 ሄ ከላይ ሂንቲና ሞኪኮ ሂንቲ ሳርላዳ ሳርይ ኤንታና ጋኮ፣ ሺን ኤንቲ ሞኮና ኤዲኮ ሂንቲ ሳርላዳ ሳርይ ካታማ፣ ጉዬ ሲሞ። 14 ኦኒካ ሂንቲና ሞኮና ሂንቲ ኦዲያባ ሲያና ኤዲኮ ሄ ከላይ ዎይኮ ሄ ካታማ፣ ከዩሼ ሂንቲ ቶሁዋን ዲዒያ ባና ፒቲዲ ከዩቲ። 15 ታ ሂንቲው ቲማ ኦዲይሰ፣ ያሳ ፒርዳ ጋላሳን ሄ ካታማ፣ ሰደሚሰኔ ጋምራ ካታማታሰ ፒርዳይ ካዉያና።

16 «ታ ሂንቲና ደርሳታዳ ሱቆሚታ ጊደ ዬዳና። ሃሳ ገሾ፣ ሾሻዳ ጨንጫታ፣ ሆሌዳ አዳታ ጊዲቲ። 17 አሳይ ሂንቲና ፒርዳ ዳይናታሰ አላ እማና፣ ቃሲ አይሁዳ ዎሳ ከላን ሂንቲና ጋራፋና። ሃሳ ገሾ፣ ኤንታፊ ናጌቲቲ። 18 ታ ገሾ ጊዲ ሂንቲና ዳሪያ ሃራይሳታ ሲንላይ ካዎታ ሲንላ ኡፋና። ኤንታ ሲንላይ አይሁዳ ጊደና ዳሪያ ሲንላን ኤቁዲ ሂንቲ ታባ ማርካታና። 19 ሺን ሂንቲና ፒርዳሰ አላ እሚያ ዎዴ ዎይጊዲ ዛሪና ጊዲ ኤንዮቶፊቲ፣ ሄ ሳቲያን ሂንቲ ጋናባ ያሳይ ሂንቲው እማና። 20 አይሰ ገቡ፣ ሂንቲናን ሃሳይ ሂንቲ አዎ ገሻ አያናቲ ኣቲን ሂንቲና ጊደኪታ።

21 «አሻይ ባ አሻ፣ አዎይ ባ ናና፣ ሃይቆስ አላ እማና፣ ናቲባ ስንታና ዬሊዳይሳታ ቦላ ዳንዲዲ ኤንታና ዎቂሳ። 22 ታ ገሾ ጊዲ አሳ ኡባይ ሂንቲና ኤያና፣ ሺን ወርሲላ ጋካናው ሚኒዳይ አታና።

23 አሲ ሄራፕ ሂንቲና ኤንቲ ጊዲኮ ሃራ ካታማ ባቃቲቲ። ታኒ ሂንቲው ቲማ ኦዲይሰ፣ አሳ ናሳይ ያና ጋካናው ሂንቲ አሲራዔሌ ካታማ ኡባ ካንላኪታ።

24 «ታማራይ ባ አሲታማሪያ፣ አይሌይ ባ ጎዳ፣ አቂና። 25 ታማራይ ባ አሲታማሪያ፣ አይሌይ ባ ጎዳ ዳኒኮ ኤያው ጊዳና። ከላዎ ቢዔልዜቡላ ገቡ ኤያ ሶ አሳ ዋኒዲ አሲዲ ያኔ።?

26 «ሂዛ፣ አሳስ ያዮፊቲ። ካማቲዳባይ ቆንጮና፣ ቆሲቲዳባይ ገሺ ከዮና ኣቲና። 27 ታኒ ሂንቲው ቆማን ኦዲያባ ሂንቲ ጉዳን ኦዲቲ፣ ታ ሂንቲው ሃይላን ካልካሺዳባ ዳባባን አዎጂቲ።

28 አሾፒ ኣቲን ሸምፓ ዎቆናው ዳንዲዳይሳታሰ ያዮፊቲ። ሺን ሸምፑዎ አሾፑ ጋናሚን ቆይሳናው ዳንዲዳይ ያሳስ ያዩቲ። 29 ናምቦ ቡቤቲ አሲ ሳንቲሜን ባይዜቶኮናዬ? ሃፍፒ ኣቲን፣ ኤንታፊ አሲናካ ሂንቲ ያሳይ ጎና ዲዒሺን ሳሳን ዎቆኩ። 30 ሃሪ ኣቶሺን፣ ሂንቲ ሁዔ ቢናናይካ ፓይዴቲዲ ዳዒሰ። 31 ሂዛ፣ ዳር ቡቤታኒ ሂንቲ ኣቂያ ገሾ ያዮፊቲ።

32 «አሳ ሲንላን ታው ማርካቲያ ኡባስ ታኒካ ሳሎን ዲዒያ ታ አዎ ሲንላን ማርካታና። 33 ሺን አሳ ሲንላን ታና ካይይሳ ታኒካ ሳሎን ዲዒያ ታ አዎ ሲንላን ካዳና።

34 «ታኒ ሳሳን ሳር ኤሃናው ዩዳ ሂንቲው ዳና?። ታኒ ቶራፒ ኣቲን ሳርቴላ ኤሃናው ያቢኪ። 35 ታኒ ዩዳይ፣

ሩዓ አዎፒ ማጫ ናራው አይፒ

ናዓ ማቺው አዚና አይፒ ሻካናሳ። 36 አሳስ ሞርኬቲ ኤያ ሶ አሳታ ጊዳና።)

37 «ታፒ አላዲ ባ አዎ ዎይኮ ባ አይው ደሴይ፣ ታባ ጊዳናው ቤሴና። ባ አይ ናዓ ዎይኮ ባ ማጫ ናራው ታፒ አላዲ ደሴይ፣ ታባ ጊዳናው ቤሴና። 38 ባ ማስቃሊያ ቶኪዲ ታና ካሎና ኦኒካ ታባ ጊዳናው ቤሴና። 39 ባ ሸምፑዎ አሻናው ኮይይ ቆይሳና፣ ሺን ባ ሸምፑዎ ታ ገሾ አላ እሚይ አሻና።

40 «ሂንቲና ሞኪይ ታና ሞኪሰ፣ ታና ሞኪይ ቃሲ ታና ከቲዳይሳ ሞኪሰ። 41 ናቢያ ናቢ ሱንላን ሞኪይ፣ ናቢያላ ዎይቲታና፣ ቃሲ ዪሎዎ ዪሎ ሱንላን ሞኪይ፣ ዪሎዎላ ዎይቲታና። 42 ታ ሂንቲው ቲማ ኦዲይሰ፣ ሃ ታ ታማራታፒ ጉዲያ ኤሱዋሰ ታና ካሊያ ገሾ ሃሪ ኣቶሺን ጉላ ኢርዓ ሃላ እሚኮ ኤያ ዎይቶይ ቆይና» ያገሲ።

10:7 ሉቃ 10:4-12	10:10 1ቆር 9:14፣ 1ፂዋ 5:18	10:14 ሃ.እ 13:51	10:15 ማቶ 11:24፣ ሚዲ 19:24
10:16 ሉቃ 10:3	10:17 ማር 13:9-11፣ ሉቃ 12:11-12፣ 21:12-15	10:21 ማር 13:12፣ ሉቃ 21:16	10:22 ማቶ 24:9፣ ማር 13:13፣ ሉቃ 21:17፣ ማቶ 24:13፣ ማር 13:13
10:25 ማቶ 9:34፣ 12:24፣ ማር 3:22፣ ሉቃ 11:15	10:26 ማር 4:22፣ ሉቃ 8:17	10:33 2ፂዋ 2:12	10:35 ሚኪ 7:6
10:38 ማቶ 16:24፣ ማር 8:34፣ ሉቃ 9:23	10:39 ማቶ 16:25፣ ማር 8:35፣ ሉቃ 9:24፣ 17:33፣ ዮሃ 12:25	10:40 ሉቃ 10:16፣ ዮሃ 13:20፣ ማር 9:37፣ ሉቃ 9:48	

11

9 ማቂያ የሃኒሲ ከቲዳ አሳታ
(ሉቃ 7:18-35)

1 ዬሱሱ ታማኔ ናምዑ ታማሪታ ከታ ኦንጊዳ፤ ጉዬ ያፔ ደንዲዲ ታማርሳናውኔ ሳባካናው ጋለላ ካታማታ ቢስ።

2 የሃኒሲ ቃሾ ከላን ዳዊሽ ከሪሰቶሲ አሊያባታ ሲዳዲ፣ ባ ታማሪታ፤ ኢያኮ ከቲዳ፣ 3 «ያና ጌቲቲዳይ ኔኔይ? ወይኮ ኔኔ ሃሪ ናገና?» ያገዲ ኦይቸስ።

4 ዬሱሱ ኤንታኮ ዛሪዳ፣ «ቢዲ ሂንቲ ሲዳያባኔ ሂንቲ ቤዲያባ የሃኒሳስ ኦዲቲ። 5 ቆቂቲ ዪሎሶና፣ ዋቤቲ ሃሙቶሶና፣ ባሮ ሃርጋንቸቲ ፓያሶና፣ ቱላቲ ሲያሶና፣ ሃይቂዳይሳቲ ሃይቆፔ ደንደሶና፣ ማንቆታሰ ዋንገላይ ሳባከቴስ። 6 ታናን ጹቤቶቶይ ኦንጃቲዳይሳ» ያገሰ።

7 የሃኒሳ ታማሪቲ ጉዬ ሰሚዲ ቢን፣ ዬሱሱ ዳሪያሰ የሃኒሳሳ ኦዲሽ። «ሃ ባዙዋ አይ ቤዳናው ከዬዴቲ? ጫርኮይ ቃሊያ ማቃ ቤዳናው ዪዴቲዬ? 8 ያቲን፣ አይ ቤዳናው ከዬዴቲ? ከቲ ማዎ ማዲዳ አሴ ቤዳናሴዬ? ከቲ ማዎ ማዲዳይሳቲ ካዎታ ከላን ዳይሶና። 9 ያቲን፣ አይ ቤዳናው ከዬዴቲ? ናቤ ቤዳናሴዬ? ሂኮ፣ ሂንቲ ናቤ፤ ኦንጃቲዳይሳ ቤዳታ።

10 «ኔ ኦጊያ ኔ ሲንላን ገሊሲያ
ታ ከታንቸዋ ኔ፤ ሲንላ ከታና»
ጌቲቲዳ ያፊቲዳይ ኢያሳ።

11 ታ ሂንቲው ቱማ ኦዲይስ፤ ማጫሳ፤ ጭላቲዳይሳታ ገደፊ የሃኒሳ፤ አይይ ኦንካ ባዋ፤ ሳሎ ካዎቲላን ኡባፊ ጉዳይ ኢ፣ ኢያፔ አፋና። 12 ማቂያ የሃኒሳ ዋዲያ፤ ደሚዲ ሃቸ ጋካናው ሳሎ ካዎቲላይ ዳር ናቂቲስ፣ ማኒዳ አሳቲ ዋልቃን ያ ጌላና። 13 ናቤቲ ኡባይኔ ሙሴ ሂጌይ የሃኒሳ ዋዴ ጋካናው ሳሎ ካዎቲላ ቲንቢቲ ኦዲደሶና። 14 ሂዛ፣ ሂንቲ ኤንታ ከታ አማናና ገዲኮ፣ ያና ጌቲቲዳ ኤሊያሲ፣ ኢ የሃኒሳ። 15 ሂዛ፣ ሲዳያ ሃይሌ ዳዴይ ሲያ።

16 «ሂዛ፣ ሃ ዋዲያ ዩሎቴላ አይቢራ ዳሪስ? ጊያ ገደን ኡቲዲ ዋሊ ያገዲ፣

17 ኡ ሂንቲው ሱሱልዴ ፑኒን፤
ሂንቲ ዩዳኪታ።
ኦ ሳቢዲ ዘሌሊን፤
ሂንቲ ዩኪኪታ።

ያገያ ናይታ ዳናሶና። 18 ማቂያ የሃኒሲ ሞናኔ ኡዮና ዪን፣ «ቱና አያሪ ዳዴስ» ያገደታ። 19 አሳ ናዳይ ሚሽኔ ኡዪሽ ዪን፣ «ያራምባኔ ኡሻንቸ፣ ቃራፃ ቃንዲሴይሳታኔ ናጋራንቸታ ዳቦ ያገደታ። ሂዛ፣ ጨንጫቴላ ቱማቲላይ ኢያ ኦሱዋን ቆንጩስ» ያገሰ።

አማናና ኢዲዳ ካታማታ
(ሉቃ 10:13-15)

20 ሂሳፊ ጉዬ፣ ዬሱሱ ዳር ማላታታ አሊዳ ካታማታን ዳዲያ አሳቲ ባንታ ናጋራ፤ ሰሚዲ ማርታን ጌሎና ኢዲዳ ገሾ ኤንታና። 21 «አዬ ኮራዚኔ ካታማው፣ አዬ ቤቲሳይዳ ካታማው፣ አይስ ገኮ፣ ሂንቲ ገደን ኦሴቲዳ ማላታቲ ዪርሳኒኔ ሲደናን ኦሴቲዳ ገዲያኮ፣ ኤንቲ ቤኒ ቢደ ቲዬቲዳ፣ ካሌ ማዲዲ ባንታ ናጋራ፤ ሰሚ አጋና። 22 ሺን ታ ሂንቲው ኦዲይስ፤ ፐርዳ ጋሳስ ሂንቲፊ አሊዲ ዪርሳሲኔ ሲደናስ ፐርዳይ ካዉያና። 23 ቃሲ፣ ቂፊርናሆሜ፣ ኔኒ ፑዳ ሳሎ ኪያናው ኮያይ? ሃኔና! ኔኒ ሲያላን ዩጌታና፣ አይስ ገኮ፣ ኔ ገደን ኦሴቲዳ ማላታቲ ሶድሜን ኦሴቲዳ ባገዲያኮ፣ ሶድሜይ ሃቸ ጋካናው ዳናሸን። 24 ሺን ታ ኔው ኦዲይስ፤ ፐርዳ ጋሳስ ኔ፤ አሊዲ ሶድሜስ ፐርዳይ ካዉያና» ያገዲ ሃንቁቲስ።

ከሪሰቶሳን ዳዲያ ሸምፖ
(ሉቃ 10:21-22)

25 ሂ ዋዴ ዬሱሱ፣ «አዋው፣ ሳሎዋኔ ሳባ ጎዳው፣ ኔኒ ሃይሳ ኤራንቸታ፤ ጨንጫታ፤ ጌንላዳ ናይታስ ቆንጩሲዳ ገሾ ኔና ጋላታይስ። 26 ኤ፣ ታ አዋው፣ ሃይሲ ኔ ሎዎ ሺኒያዳ ሃኒስ።

27 «ኡባይ ታው ታ አዋ፤ አሚቲስ። አዋ፤ ሃሪ ናዳ ኤሬይ ባዋ፣ ናዳ፤ ኢ ኤንታው ቆንጩሳናው ኮይይሳታ፤ ሃሪ አዋ ኤራናው ዳንዳዲይ ባዋ።

28 «ሂንቲና፣ ዳኮራንቸቶ፣ ቶሆይ ዳይዳ ኡባይ ታኮ ሃ ዪቲ፤ ታኒ ሂንቲና ሸምፐሳና። 29 ታኒ ታ ዋዛናን አሸከኔ አዳ ገዲያ ገሾ ታ ቃምባራን ጌላቲ፣ ታ፤ ታማሪቲ፤ ሂንቲ፣ ሂንቲ ሸምፐዋሰ ሸምፖ ዳማና። 30 ታ ቃምባራይ ሊቆ፣ ቃሲ ታ ቶሆይካ ካዉሼ» ያገሰ።

12

ሳምባታ ቦንቻናው ቤሲ?

(ማር 2:23-28፤ ሉቃ 6:1-5)

1 ሃሳፌ ጉዬ፣ ሳምባታ ጋለስ፣ ዩሱሲ ጋዴ ገደራ አዴሰ። ዩሱሳ ታማሬቲ ኮሻቲዳ ጊሾ ቲያ ባገጋ ሺሪኪዲ ሞሶና። 2 ሺን ፋሪሳዊቲ ሄሳ ቤዒዲ ዩሱሳሳ። «ሄኮ፣ ኔ ታማሬቲ ሳምባታ ጋለስ ኦላናው ቤሶናባ ኦሶሶና» ያገደሶና።

3 ዩሱሲ ኤንታ ከሪዲ፣ «ዳዊቲይ ኮሻቲዳ ዋዴ ኢያራ ዴዔይሳታራ አይ ኦሊዳኮ ናባቢቤኩኩ?»

4 ዳዊቲይ ያሳ ከሌ ጌሊዲ ካሂኔታ ፃላላፕ ኣቲን ኢኔ ኢያራ ዴዔይሳታራ ቤሶና ጌሻ ዳቡዋ ሚሰ።

5 ዋይኮ ካሂኔቲ ሳምባታ ዋጋ ሻሪዲ ያሳ ከላን ሳምባታ ጋለስ ኦሶ ኦሊኮ ኤንታው ባላ ገደናይሳ ሙሴ ሂጊያን ናባቢቤኩኩ? 6 ሺን ሲዒቲ! ያሳ ከላፌ አዴይ ሃይሳን ዴዔሲ። 7 ታኒ ሂንቲ ያርሹዋ ገደናሺን ሂንቲ ሃራታ ማራና ሚላ ኮያይሰን ጊያ ቃላይ ዋይ ጉሱኮ ሂንቲ ኤሪዳኮ ዪሎ አሳ ቦላ ፐርዴኩታ። 8 አሳ ናባይ ሳምባታ ሳዳ» ያገሰ።

9 ዩሱሲ ያፕ ቢዲ አይሁዳ ዋሳ ከሌ ጌሊሰ። 10 ያን ኩሺይ ጉንዲዳ ኢሲ ኡራይ ዴዔሲ። ዩሱሳ ሞታናው ጋሶ ኮያ አሳቲ፣ «ሳምባታ ጋለስ ፓላናው ቤሲ ቤሲኔ?» ያገደዲ ኦይቸደሶና።

11 ኢ ኤንታኮ፣ «ሂንቲ ገደፌ ኢሱዋሰ ዶርሲ ሳምባታ ጋለስ ኢፎን ወሊኮ፣ ሳቸዲ ከሶናይ ኦኔ? 12 ያቲን ኢሲ ዶርሳፌ ዋይዲ ዳር አዴኔ? ሂሳ ጊሾ፣ ሳምባታ ጋለስ ሎዎባ ኦሶይ ቤሲሰ» ያገሰ።

13 ሃሳፌ ጉዬ፣ ዩሱሲ አዲያኮ፣ «ኔ ኩሺያ ፐዲ ኦላ» ያገኘ፣ ኡራይ ፐዲ ኦሊሰ። ኢያ ኩሺይ ፓዲ ሃንኮ ኩሺያዳ ሃረሰ። 14 ሺን ፋሪሳዊቲ ያፕ ካሬ ከዬዲ፣ ዩሱሳ ዋቲ ዋጳኔኮ ማቄቲደሶና።

ያሳይ ዶሪዳ አይሊያ

15 ዩሱሲ ኤንታ ቆፋ ኤሪዲ ሄ ቤሳ አገዲ ሃራ ሶ ቢሰ። ዳር አሳይ ኢያ ካሊዲ ቢደሶና፣ ሃርጋንቾታ ኡባ ፓሊሰ። 16 ዩሱሲ፣ «ታባ ሃራ ኦዴሰካ ኦደፐፕ» ያገደዲ ሚንሌ ኦዴሰ። 17 ሄሲካ ናቢያ ኢሳያሲ።

18 «ሄኮ ታ ዶሪዳ አይሊይ፣

ታ ደሴይሲ፣ ታና ኡፋይሲይሲ፣

ታኒ ታ አያና፣ ኢያ ቦላ ሸምፕሳና፤

ኢ፣ አይሁዳ ገደና ዴሪያሰ ሱሬ ፐርዳባ አዋጃና።

19 ኢ ፓላሚና ዋይኮ ካጩና፤

ባ ቃላካ ዴንባን ሮሴ ሲሶና።

20 ሱሬ ፐርዳን ያና ዴማና ጋካናው፣

ዴንጩቲዳ ማቃ ሚንሌና፣

ጩዬያ ሙቃዳ ቶይሲና።

21 አይሁዳ ገደና ዴሪይ ኡባይ ኢያን ኡፋይሲ ዋላና።

ያገደዲ ፃፊዳይሲ ፖሊታና ሚላሳ።

ዩሱሳኔ ቢዒልዜቡላ

(ማር 3:20-30፤ ሉቃ 11:14-23)

22 ሃሳፌ ጉዬ፣ ቱና አያናን ኦይኩቲዳ ቆቄኔ ሙሜ አሴ ዴዔይሳ ኢያኮ ኤሃደሶና። ዩሱሲ ኡራ ፓሊን፣ ኡራይ ቢዒሳኔ ኦዴቲሰ። 23 አሳ ኡባይ ማላሊቲዲ፣ «ሃይሲ ዳዊቲ ናባ ገዳንዴሻ?» ያገደሶና።

24 ሺን ፋሪሳዊቲ ሄሳ ሲዒዲ፣ «ሃ ኡራይ ቱና አያናታ ከሴይ ቱና አያናታ ሃላቃ ቢዒልዜቡላ ዋልቃና» ያገደሶና።

25 ዩሱሲ ኤንታ ቆፋ ኤሪዲ፣ «ዋሊ ገደን ሻኩቲያ ካዋቲላ ኡባይ ኩንዳና፤ ቃሲ ዋሊ ገደን ሻኩቲያ ካታማይ ዋይኮ ከላይ ሚኒዲ ኤቄና። 26 ፃላሂይ ፃላሂ ከሲያባ ገዲኮ ባ ገደን ሻኩቲሰ ጉሱ። ሃሳፍ ሃሂያባ ገዲኮ ኢያ ካዋቲላይ ዋይዲ ሚኒዲ ኤቃናው ዳንዳባ? 27 ታኒ ቱና አያና ከሴይ ቢዒልዜቡላ ዋልቃን ገዲኮ ሂንቲና ካሊያ አሳቲ ኦዴ ዋልቃን ከላኔ? ሃሳ ጊሾ፣ ሂንቲና ካሊያ አሳቲ ሂንቲና ፐርዳና። 28 ሺን ታኒ ቱና አያናታ ከሴይ ያሳ አያናን ገዲኮ፣ ያሳ ካዋቲላይ ሂንቲኮ ዩሰ።

29 «ዋይኮ ኢሲ አሲ ዋልቃማ አሳ ሶ ጌሊዲ ኢያ ሻሉዋ ቦንቃናው ኮይኮ ኮይርቲዲ ሄ ኡራ ቃቸና ኢዳኮ ዋቲዲ ዳንዳባ? ያቲኮ ኢያ ሻሉዋ ቦንቃናው ዳንዳዴሰ።

30 «ታሪ ገደናይ ኦሪካ ታሪ ኤቁቴስ፤ ቃሲ ታሪ ኢሲፊ ሺሾና ኡባይ ላሊስ። 31 ሃሳ ገሾ፣ ሲባቴ፤ አሳይ ኦሊያ አይ ናጋሪ፤ ጫሻ ቃሊ ኡባይ አቶ ጌቴታና፣ ሽን ገሻ አያና ጫያ ኦደሰካ ኢያ ናጋሪይ አቶ ጌቴታና። 32 ኦሪካ አሳ ናባ ሶላ ኢታባ ኦደቴኮ ኢያው አቶ ጌቴታና፣ ሽን ገሻ አያና ሶላ ኢታባ ኦደቴያ ኦደሰካ ሃ ሳባን ገደን ገደን ያና አላሚያን ኢያ ናጋሪይ አቶ ጌቴታና።

33 «ሎዎ ሚሳይ ሎዎ አይፊ አይፊስ፤ ቃሲ ኢታ ሚሳይ ኢታ አይፊስ። ሃዛ፣ ሚሳይ ኤሬቴይ ባ አይፊያና። 34 ሃንቴና፣ ሸሻ ናይቶ፣ ሃንቴ ኢታ ገደሾ ዋሪዲ ሎዎባ ኦደታናው ዳንዳዔ፤ አሲ ባ ዋዛናን ኩሚዳባቴ ደናን ኦደቴስ። 35 ሎዎ አሲ ባ ዋዛናን ዋሲዳ ሎዎባ፤ ሎዎባ ኬሲስ፤ ኢታ አሲ ባ ዋዛናን ዋሲዳ ኢታባ፤ ኢታባ ኬሲስ። 36 ሽን ሲባቴ፣ አሳይ ኦደቴያ ጮ ኦዳ ኡባሰ ፐርዳ ጋላስ ዛር አሚና። 37 አይሰ ገኮ፣ ኔ ኦደቴያ ኔ ቃላን ያላና፤ ኔ ኦደቴያ ኔ ቃላይ ኔ ሶላ ፐርዳና» ያገሰ።

ማላታ ቤዓናው ሸቆዳ ኦይሻ
(ማር 8:11-12፤ ሉቃ 11:29-32)

38 ሃሳፊ ጉዬ፣ አሲ ኢሲ ሩሪሳዊቴኔ ሂጌ አስታማሬቴ ዬሱሳኮ፣ «አስታማሬያው፣ ኔሲ ማላታ ኦሳዳ ኦና ቤሳ» ያገደሶና።

39 ሽን ዬሱሲ ዛሪዲ፣ «አማኔቶና ኢታ ዬሌቴሳይ ማላታ ኮዬስ። ሽን ናቢያ ዮናሳ ማላታ፤ ሃሪ ማላታ ኢያው አሚና። 40 ዮናሲ ጌታ ሞሎ ኡሎን ሃሹ ጋላሲ፤ ሃሹ ቃማ ጋምባዲይሳ ሚላ አሳ ናዳይ ሃሹ ጋላሲ፤ ሃሹ ቃማ ቢታ ጋርሳን ጋምባና። 41 ናናዌ አሳይ ፐርዳ ጋላስ ዳንዲዲ ሃ ዬሌቴሳ ሶላ ፐርዳና፤ አይሰ ገኮ፣ ኦንቴ ዮናሳ ሲብካቴያ ሲባዲ ባንታ ናጋሪቴ ሲሚደሶና። ሃኮ፣ ዮናሳቴ አዲይሲ ሃይሳን ዳዒስ። 42 ፐርዳ ጋላስ ዳንጌ ሃ ዬሌቴሳ ሶላ ፐርዳና፤ አይሰ ገኮ፣ ኢያ ሶሎሞኔ ጨንጫቴሳ ሲባናው ቢታ ጋዎቴ ያሰ። ሃኮ፣ ሶሎሞኔ ኦዲይ ሃይሳን ዳዒስ።

43 «ቱና አያናይ አሳቴ ከዬዳቴ ጉዬ ባው ሸምፐያሶ ኮዲዲ ሃላ ባይና ሚላ ቤሳን ዳኮሬስ፣ ሽን ባ ኮያ ሸምፐዎ ዳሚና። 44 ያንጌ፣ ታ ኦጋ ከዬዳ ኮሳ ሰማዳ ባና ያገሰ። ኢ ሲሚያ ዋዴ ከሳይ ካይሲ ገደይሳይ ፐቴቴዲ ገሊ ኡቴዳይሳ ዳሚና። 45 ሃዛ፣ ሲሚ ቢዲ፣ ባቴ አቴያ ሃሪ ሳፑን ኢታ አያናታ ኡኪዲ ዬሱስ ኦንቴካ ኡሪ ገደ ጌሊዲ ዳዎሶና። ሃ ኡሪሰ ካሲይሳፊ ጉዬይሲ ዳር አቴስ። ሃ ኢታ ዬሌቴሳ ሶላ ሃሳ ሚላ ሃናና» ያገሰ።

ዬሱሳ አደጫ ኢያ አሻታ
(ማር 3:31-35፤ ሉቃ 8:19-21)

46 ዬሱሲ ዳሪያሰ ኦዳ ሶላ ዳዒሽን ኢያ አያኔ ኢያ አሻቴ ኢያ ኦዲሳናው ኮዲዲ ካሪን ኤቁደሶና። 47 ኢሲ አሲ ኢያኮ፣ «ኔ አያኔ ኔ አሻቴ ኔና ኦዲሳናው ኮዲዲ ካሪን ኤቁደሶና» ያገሰ።

48 ዬሱሲ ዛሪዲ፣ «ታ አያ ኦዳ? ታ አሻቴካ ኦናንቴ?» ያገሰ። 49 ባ ኩሺያራ ታማሬታ ማሊሹ፣ «ቤባቴ፣ ታ አያኔ ታ አሻቴ ሃይሳታ። 50 ሳሎን ዳዒያ ታ አዋ ሹኒያ ኦሊያ ኡባይ ታ አሻ፣ ታ ሚሾኔ ታ አዋ» ያገሰ።

13

ዜሬላ ዜሪያ ኡሪ ለሚሶ
(ማር 4:1-9፤ ሉቃ 8:4-8)

1 ሃ ጋላስ ዬሱሲ ሶቴ ከዬዲ አባ ጋዎን ኡቴስ። 2 ዳር ዳሪይ ኢያ ዩሹዋን ሸቁን አሳ አባ ጋዎን አጋገዲ ዋጎሎን ገሊዲ ኡቴስ። 3 አሳሰ ዳርባ ለሚሶን ያገደዲ ኦዲስ።

«አሲ ጎሻንሾይ ዜሬላ ዜሪናው ከዬስ። 4 ኢ ዜሪያ ዋዴ ኢሲ ኢሲ ዜሪሳቴ ኦጌ ጋዎን ዋዲደሶና፤ ኦንቴካ ካሮቴ ዪዲ ሚሃ ሚደሶና። 5 ኢሲ ኢሲ ዜሪሳቴ ጋርሳን ሻሎይ ዳዒያ ቢታ ሶላ ዋዲደሶና። ዳር ቢቴ ባይና ገሾ ኤሊሲዲ ደሊስ። 6 ሽን አዋይ ከዬን ሹሊስ፤ ዓፀይ ባይና ገሾ ሚሊስ። 7 ኢሲ ኢሲ ዜሪሳይ አንጎሳ ገደን ዋዲስ፤ አንጎሳይ ዳጪዲ ሃ ደላ ጩሊስ። 8 ሃሪቴ ቃሲ አራዲ ቢታ ሶላ ዋዲስ፤ ደሊዲ አይፊ አይፊስ። ኢሶይ ዪታ፣ ኢሶይ ኡሱፑን ታማ፣ ኢሶይ ቃሲ ሃስታማ አይፊስ። 9 ሲባያ ሃይላ ዳዒያ ኡሪይ ሲዎ» ያገሰ።

10 ዬሱሳ ታማሬቴ ኢያኮ ሸቆዲ፣ «አይሰ ኔሲ ዳሪያሰ ለሚሶን ኦዳይ?» ያገደዲ ኦይቹደሶና።

11 ኢ ዛሪዲ፣ «ሃንቴው ሳሎ ካዎቴሳ ጸራ ኤሪይ አሚቴስ፤ ሽን ኢንታው አሚቴቤና። 12 ዳዒያ ኡባሰ ጉዢታና፣ ኢያው ዳራና፣ ሽን ባይናይሳፊ ሃሪ አቶሽን ኢያው ዳዒያራካ ኤኬታና። 13 ሃሳ

12:30 ማር 9:40 12:31 ሉቃ 12:10 12:32 ሉቃ 12:10 12:34 ማቶ 3:7፤ 23:33፤ ሉቃ 3:7፤ ማቶ 15:18፤ ሉቃ 6:45 12:38 ማቶ 16:1፤ ማር 8:11፤ ሉቃ 11:16 12:39 ማቶ 16:4፤ ማር 8:12 12:40 ዮሃ 1:17 12:41 ዮሃ 3:5 12:42 1ካዎ 10:1-10፤ 2ኃሪ 9:1-12 13:2 ሉቃ 5:1 13:12 ማቶ 25:29፤ ማር 4:25፤ ሉቃ 8:18፤ 19:26

ገሮች፤ ታኒ ኤንቲ፣ ያሌሼ ዴሞና ማላ፣ ሲዲሼ ሲያና ማላ ያይኮ ኣኩኮና ማላ ኤንታው ለሚሰሩ ኦዲይሰ።

14 «እሳያሲ ባ ማፃፋን ኦዲይሰ ኤንታ ቦላ ፖሌተሰ። ኢ ኦዲሼ፣

ላንቲ ሲሳ ሲዲታ፣ ሽን ኣኩኩኩታ፤

ሃንቲ ያሌታ፣ ሽን ቤዲኪታ።

15 ኣይሰ ገኮ፣ ሃ ኣሳ ዋዛናይ ዜልዑሚሰ፤

ባንታ ሃይላ ኤሪሼ ቱሊሲዶሶና፣

ባንታ ኣይፊያ ጎዚዶሶና።

ሄሲ ባይኔኮ ኤንቲ ባንታ ኣይፊያን ቤዲዲ፣

ባንታ ሃይላን ሲዲዲ፣

ባንታ ዋዛናን ኣኩኪዲ፣

ታኮ ሲማና፣

ታካ ኤንታ ፓላናሽን) ያገሰ።

16 «ሽን ሃንቲ ኣይፊቲ ቤዲያ ገሮኔ ሃንቲ ሃይላቲ ሲዲያ ገሮ ሃንቲ ኣንጃቲዳይሳታ። 17 ታ ሃንቲው ተማ ኦዲይሰ፤ ዳር ናቤቲኔ ያሎ ኣሳቲ ሃንቲ ቤዲይሳ ቤዳናዉኔ ሃንቲ ሲዲይሳ ሲዳናው ኣሞተዶሶና፣ ሽን ኤንታው ሃኒቤና።

18 «ሂዛ፣ ሃ ዜሬሳ ዜሪያ ኡራ ለሚሱዋ ሲዲቲ። 19 ኦኔ ጋፃን ዋጲዳ ዜሬሳ ለሚሶይ ሃይሳ፣ ሳሎ ካዎቲላ ቃላ ሲዲዲ ኣኩኮና ኡራ ዋዛና፤ ፃላህይ ዱዲ ኢያ ዋዛናን ዴዲያ ዜሬሳ ማፂ ዲኒሰ።

20 ሻሎይ ጋርሳን ዴዲያ ቢታ ቦላ ዜሬቲዳይሰ ቃላ ሲዲዲ ኤሊሲዲ ኡፋይሳን ኤኬይሳታ።

21 ሽን ፃፃ ዩዳናው ዳንዳያና ገሮ ዳር ጋምፆኮና። ቃላ ጋሶን ማቶይ ያይኮ ጎዴቱላ ያ ዋዳ ኤሊሲ ጭብቶሶና። 22 ኣጉንሳ ጋሳን ዜሬቲዳይሰ ቃላ ሲዲሰ፣ ሽን ሃ ኣላሚያ ዳሳ ሂርጋይኔ ዲሪቲላ ቆፋይ ቃላ ጨሊያ ገሮ ኣይፊ ኣይፎና ኣቲሰ። 23 ሽን ኣራዳ ቢታን ዜሬቲዳ ዜሬላይ ኣኩካን ቃላ ሲዲያ ኡራ። ኢ ኣይፊ ኣይፊሰ፤ ኢሶይ ያታ፣ ኢሶይ ኡሶፕን ታማ ኢሶይ ቃሲ ሃሰታማ ኣይፊሰ።

ሌሹዋ ለሚሶ

24 ዩሱሲ ኤንታው ሃራ ለሚሶ ኦዲሰ፤ «ፃሳ ካዎቲላይ ባ ጎሻን ሎፃ ዜሬላ ዜሪዳ ኡራ ዳኔሰ።

25 ሽን ኣሲ ኡባይ ጲሰኪን ኢያ ሞርኬይ ዱዲ ገሰቲያ ገደን ሌሹ ዜሪዳ ቤሰ። 26 ገሰቲይ ዲጨዲ ኣይፊያ ዋዳ ሌሹይ ኢያ ገደን ቤንቲሰ።

27 «ጋዲያ ጎዳ ኣይሌቲ ጎዳኮ ቤዲ፣ ሳዳው፣ ኔ ጎሻን ኔ ሎፃ ዜሬላ ዜሪቤኪሾ? ያቲን፣ ሌሹይ ኣወፔ ዪዳ?» ያገደሶና።

28 «ኢ ኤንታኮ፣ ላሳ ሞርኬይ ኦሊሰ) ያገሰ።

«ኣይሌቲ ጎዳኮ፣ ሱ ቤዲ ሌሹዋ ሾዳና ማላ ኮያይ?» ያገደሶና።

29 «ሽን ኢ፣ ላሳ ሶቾቲ፤ ሃንቲ ሌሹዋ ሾዳይሰ ገሽን ገሰቲይ ሾዳታና። 30 ቦቾፊቲ፤ ጫካ ዋዳይ ጋካናው ኢሲፊ ዲጮ። ሄ ዋዳ ጫኪያ ኣሳታ ሌሹዋ ሰንሳቲዲ ማፂዲ ታማን ፀጋንው ማርቁን ማርቁን ቃቸቲ። ሽን ገሰቲያ ሽሽዲ ታ ሻሊያን ቆሊቲ) ያገና» ያገሰ።

ጉሳ ሚሴ ለሚሶ

(ማር 4:30-32፤ ሉቃ 13:18-19)

31 ቃሲ ሃራ ለሚሶ ያገደዲ ኦዲሰ፤ «ሳሎ ካዎቲላይ ኢሲ ኣሲ ባ ጎሻን ባኪዳ ጉሳ ሚሴ ኣይፊ ዳኔሰ። 32 ሄ ሚሴ ኣይፊይ ሃራ ሚሳ ኣይፊታ፤ ጉሳ፣ ሽን ኢያ ዶላ ዲጨዳ ሃራ ሚሳታ ኡባፊ ኣቆ ገታታዉሰ። ኢ ታሽያን ካፎቲ ኬይዲ ኡታና ጋካናው ዋልቃማ ሚሴ ገዳዉሰ» ያገሰ።

ኢርሾ ለሚሶ

(ሉቃ 13:20-21)

33 ካሊዲካ፣ ዩሱሲ ሃራ ለሚሶ ኦዲሰ፤ «ሳሎ ካዎቲላይ ኢሲ ማጫሲ ሄቩ ጋባቲ ጲላ ኤካ ሙኡቃዳ፣ ሙኡቃይ ዳንዳና ሚላ ኢያን ጉጂዳ ኢርሾ ዳኔሰ» ያገሰ።

34 ዩሱሲ ዳሪፆሰ ሄ ለሚሱዋ ኡባ ኦዲሰ። ለሚሶይ ባይና ኢሲባካ ኦዲቤና። 35 ናቤይ ባ ማፃፋን፣

«ታኒ ታ ዶና፣ ለሚሶን ዶያና፤

ሳሎይኔ ሳባይ ሜጲቶባፔ፣

ጌሚዳይሳ ኦዲይሰ»

ያገደዲ ኦዲዳይሰ ሄሳን ፖሌቲሰ።

ሌሹ ለሚሱዋ ቢርሼላ

36 ዬሱሲ ዳሪያ ሞይዚዲ ስ ጌሊስ። ኢያ ታማራት ኢያኮ ሸቂዲ። «ጎሻን ዳዒያ ሌሹዋ ቢርሸላ ኮስ ኦዳ» ያገደሰና።

37 ኢ ዛሪዲ። «ሎዎ ዜሬላ ዜሪዳይ አሳ ናዓ። 38 ጎሻይ ሃ አላሚያ። ሎዎ ዜሬላይ ሳሎ ካዎቴላ ናይታ። ሌሸይ ዓላሄ ናይታ። 39 ሌሹዋ ዜሪዳይ ሞርኪያ ዓላሃ። ጫካ ዎዳይ። ዎዲያ ወርሴላ። ጫኪይሳት ከታጎቸታ።

40 «ሌሸይ ማፀገዲ ታማን ፀጌቴይሳ ማላ ዎዲያ ወርሴላን ሄሳዳ ሃናና። 41 አሳ ናዓይ ባ ከታጎቸታ ከታና። ኤንቲ ናጋራስ ጋሶ ጌዴይሳታኔ ኢታ ኦሌያ ኡባ ማፂዲ ኢያ ካዎቴላሬ ከሳና። 42 ማፂ ሸሺዲ ዬሆይኔ አቻ ጋርጩላ ዳዒያ ቶዖና ታማን ዬጋና። 43 ሄ ዎዳ ያሎት ባጎታ አዋ ካዎቴላን አዎዳ ፖዓና። ሰዒያ ሃይሌ ዳዒይ ሲዎ!

44 «ዎሳ ካዎቴላይ ጎሻን ሞጌቴዳ ማሸ ዳኔስ። ኢሲ አሲ ሄ ማሸያ ዳሚዲ ዛሪ ሞጌስ። ዳር ኡፋይቲዲ ቢዲ ባው ዳዒያባ ኡባ ባይዚዲ ሄ ጎሻ ጋዲያ ሻሚስ።

45 «ሄሳዳካ። ቀሲ ባሎ ካዎቴላይ አንቆ ጌያ አልዎ ሹቻታ ኮያ ዛልዓንቸ ዳኔስ። 46 ዳር አልዎ ኢንቁዋ ዳሚዲ ስዲ ባው ዳዒያባ ኡባ ባይዚዲ ኢያ ሻሚስ።

ሞሎ ኦይኪያ ጌቲ ለሚሰ

47 «ቃሲ ዎሳ ካዎቴላይ አባን ዬጌቲዳ ዳማ ዳማ ቆዎ ሞሎ ኦይኪያ ጌቲያ ዳኔስ። 48 ሞሎ ኦይኪያ አሳቲ ሞሎይ ጌቲያን ኩሚን አባሬ ጋዎ ከሲደሶና። ያን ኡቲዲ ሎዎዎ ቆሪ ቆሪ ዳቸን ዬጌደሶና። ሸን ኢታ ሞሎታ ዎሪ ሆሊደሶና። 49 ዎዲያ ወርሴላን ሄሳላ ሃናና። ከታጎቸታ ዪዲ ናጋራንቸታ ያሎታ፤ ሻኪዲ። 50 ዬሆይኔ አቻ ጋርጩላ ዳዒያ ቶዖና ታማን ዬጋና።

51 «ሃ ኡባይ ሂንቲው ጌሊዳ?» ያገዲ ኤንታ ኦይቸሰ።

ኤንቲ ዛሪዲ። «ኤ» ያገደሰና።

52 ዬሱሲ። «ሄዛ። ሳሎ ካዎቴላ ኡራ ኤኪዲ ሂጌያ ታማርሲያ ኡባይ። ባ ሚንጂዳ ሻሉዋ፤ ኦራላኔ ጋልዓ ከሲያ አሴ ዳኔስ» ያገሰ።

ዬሱሲ ናዚሬቴን ኢጸቲሰ

(ማር 6:1-6፤ ሉቃ 4:16-30)

53 ዬሱሲ ሃ ሌሚሰዎ ኦዲ ወርሲዳ፤ ጉዬ ያፔ ዳንዲዲ ቢስ። 54 ባ ዬሌቲዳ ቢታ ቢዲ አይሁዳ ዎሳ ከላን ዳሪያ ታማርሲስ። ኤንቲ ማላሊቲዲ። «ሃ ኡራይ ሃ ጩንጫቴላኔ ሃ ማላታታ ኦሌያ ዎልቃ አወፔ ኤኪዳ? 55 ሃይሲ አናጂያ ናዓ ጌዴኔዎ? ኢያ አዬ ሱንሳይ ማይራዎ ጌዴኔ? ኢያ አሻቲ ያይቆባ። የሱፋ። ሰሞና። ዪሁዳ ጌደኮናዬ? 56 ኢያ ማቸቲ ኦራ ዳዖሶና ጌደኮና? ያፔን። ሃ ኡራይ ሃ ኡባ አወፔ ኤኪዳ?» ያገደሰና። 57 ሄሳ ጊሾ። ኢ ጌያባ ኤኮን ኢጂደሶና።

ሸን ዬሱሲ። «ናቤይ ባ ዬሌቲዳ ቢታኒይ ባ ሶ አሳ ማታን ቦንቸቴና» ያገሰ። 58 ኤንቲ አማናና ኢጂዳ ጊሾ ዳር ማላታታ ሄ ቤሳን ኦሌቤና።

14

ፃማቂያ ዮሃንሳ ሃይቁዎ

(ማር 6:14-29፤ ሉቃ 9:7-9)

1 ሄ ዎዳ ጋሊላ አይሲያ ሄሮዲሲ * ዬሱሳባ ሲዒስ። 2 ባ አይሌታኮ። «ሃይሲ ፃማቂያ ዮሃንሳ፤ ኢ ሃይቆፔ ዳንዲስ። ያኒዳ ጊሾ ሃ ኡባ ማላታታ ኢ ኦሌስ» ያገሰ።

3 ኢ ሄሳ ጌዳይ ሄሮዲሲ ባ አሻ ፊልጶሳ ማቸ ሄሮዲያዲ ጋሶን ዮሃንሳ ቃሾ ከሌ ጌልሲዳ ጊሾሳ። 4 ዮሃንሲ ሄሮዲዳ። «ኔ ኢዮ ኤካናው ዎጋ ጌዳና» ያገሰ። 5 ሄሮዲሲ ዮሃንሳ ዎቃናው ኮዪስ። ሸን ዳሪይ ዮሃንሳ ናቤ ኦሌዳ ቤዒያ ጊሾ ያሹቲስ።

6 ሄሮዲሲ ባ ዬሌቲዳ ጋላሳ ቦንቸያ ዎዳ ሄሮዲያዳ ናዒያ አሳ ስንሳን ዬላን ዲራዳ ኢያ ኡፋይሳሱ። 7 ያፔን። ኢ። «ኢያ ኮያባ ኡባ አማና ጌዲ» ጫቁስ። 8 ናዒያ ባ አዬ ዞሪያ ሲዒዳ ሄሮዲሳኮ። «ፃማቂያ ዮሃንሳ ሁዒያ ከሬን ዎላዳ ታው ኢማ» ያጋሱ። 9 ኢያ ያገን ካዎይ ቂርቲስ። ሸን ባ ጫቁዎ ጊሾኔ ባራ ዳዒያ አማላታ ጊሾ ጌዲ ኢ ኦይቫይ ፖሌታና ማላ ከቲስ። 10 ካዎይ ኣሴ ከቲዲ ዮሃንሲ ቃሾ ከላን ዳዒሸን ኢያ ቆጂያ ጎይሪሲስ። 11 ሁዒያ ከሬን ዎላ ኤሂዲ ናዒስ አሚደሶና፤ ናዒያካ ኤካዳ ባ አዬስ ኤፋሱ። 12 ዮሃንሳ ታማራት ዪዲ ኢያ አሃ ኤፊዲ ሞጌደሶና። ኢያ፤ ጉዬ ሃኒዳባ ኡባ ቢዲ ዬሱሳሰ ኦዲደሶና።

ዬሱሲ ኢቻሹ ሙኩሉ አሳ ሙዚሰ

(ማር 6:30-44፤ ሉቃ 9:10-17፤ ዮሃ 6:1-14)

13:57 ዮሃ 4:43 * 14:1 ሄሮዲሲ። ሃይሲ ካወዋ ሄሮዲሲ ኣንቲጶሳ። ኢ ጸሁዳኔ ፔሪያ ከሪስቶሴ ዬሌታና፤ ሲኦላ 4-39 ሞ.ላ. ጋካናው ሃሪስ። ኢ ካወዋ ሄሮዲሳስ ናና። 14:4 ሉቃ 3:19-20፤ ለዌ 18:16፤ 20:21

13 ዩሱስ ሃይዳባ ሰዓዲ ዋዳ ዋጎሉዋን ጌሊዲ ሄ ቤሳፌ ኢሲ ገሚያ ሶ ባርካ ቢሰ። አሳይ ሄሳ ሰዓዲ ካታማታፕ ዴንዲዲ ቶሆን ኢያ ካሊዶሶና። 14 ዩሱሲ ዋጎሉዋፕ ዋዲዲ ዳር አሳ ቢዒዲ ኤንታው ቃዴቲስ። ኤንታ ጊደን ዴዒያ ሃርጋንቸታ ፓሊስ።

15 ሳሳይ ኦሚርሲሽ ቢያ ዋዳ ዩሱሳ ታማሬቲ ኢያኮ ሸቆዲ፣ «ሃ ቤሳይ አሲ ባይና ቤሰ፣ ሳሳይካ ቃሚስ። ያጊያ ገሾ፣ ሄራን ዴዒያ ጉታታ ቢዲ ባንታው ሻሚዲ ማና ሚላ ዴሪያ ዬዳ» ያጊዶሶና።

16 ሺን ዩሱሲ ኤንታኮ፣ «ዴሬይ ሞና ባናው ኮሽና፤ ኤንቲ ማናባ ሂንቲ አሚቲ» ያጊሰ።

17 ኤንቲ ዛሪዲ፣ «ኮሰ ሃይሳን ኢቻሹ ኤይላፌኔ ናሞ። ሞሎፕ ሃሪ ባዋ» ያጊዶሶና።

18 ኢካ፣ «አኔ ኤንታ ሃ ኤሂቲ» ያጊሰ። 19 ካሊዲካ፣ ዴሬይ ማታን ኡታና ሚላ ኦዲስ። ኢቻሹ ኤይላኔ ናሞ። ሞሎታ ኤኪዲ፣ ሳሎ ያሊዲ ጋላቲ ሰሚዲ፣ ኤይላ ሚንሊዲ ባ ታማሬታስ አሚስ፤ ኤንቲ ቃሲ ዴሪያስ አሚዶሶና። 20 ኡባይ ሚዲ ካሊዶሶና። ዩሱሳ ታማሬቲ ሚሽን ኣቲዳይሳ ታማኔ ናሞ። ጋይታ ዴንሊዶሶና። 21 ካላ ሚዲ አሳይ ማጫሳይኔ ናይቲ ኣቲን ኢቻሹ ሙኩሉ ጊዴስ።

ዩሱሲ አባ ቦላሪ ሃሙቲስ

(ማር 6:45-52፤ ዮሃ 6:15-21)

22 ዩሱሲ ባ ታማሬቲ ዋጎሉዋን ጌሊዲ ባፕ ሲንሳቲዲ አባፌ ሄ ፊንሌ ፕናና ሚላ ከቲዲ ባው ዴሪያ ሞይዛናው ጉዬ ኣቲስ። 23 ዴሪያ ሞይዚ ሰሚዲ ባርካ ዋጎናው ኢሲ ዴሪያ ቦላ ከዩስ። ሳሳይ ቃሚንካ ኢ ባርካ ያን ጋሞሲስ። 24 ሄ ዋዳ ዋጎሎይ አባ ቦላ ቢሽን ሲንላ ባጋሪ ጫርኮይ ዴንዲን ሆቤይ ዋጎሉዋ ኤንዒሊስ።

25 ዋንቲማላ ቦላ ዩሱሲ አባ ቦላ ሃሙቲሽ ባ ታማሬታኮ ዩስ። 26 ኢያ ታማሬቲ፣ ኢ አባ ቦላ ሃሙቲሽ ባንታኮ ዩይሳ ቢዒዲ ያዩዶሶና። ኤንቲካ፣ «ሃይሲ ሞይቲሌ» ጊዲ ያዩዲ ሞሲዶሶና።

27 ሺን ዩሱሲ ኤሌሲዲ፣ «አይኮይ ባዋ! ያኖፊቲ! ታናባይ» ያጊሰ።

28 ጴጂርሲ ኢያኮ፣ «ጎዳው፣ ኔና ጊዲኮ፣ ታኔ ሃላ ቦላሪ ሃሙታዶ ኔኮ ባና ሚላ ታና ኪታ» ያጊሰ።

29 ዩሱሲ ጴጂርሳኮ፣ «ሃያ» ያጊሰ።

ጴጂርሲ ዋጎሉዋፕ ዋዲዲ ሃላ ቦላሪ ሃሙቲሽ ዩሱሳኮ ቡሱ ኦይኪስ። 30 ሺን ዋልቃማ ጫርኮዋ ቢዒዲ ያዩስ። ሃላን ሚቲቲላ ኦይኪዲ ዋዳ «ጎዳው፣ ታና አሻርኪ» ያጊዲ ሞሲስ።

31 ዩሱሲ ኤሌሲዲ ባ ኩሽያ ዩዲ ኢያ ኦይኪዲ፣ «ኔና፣ ኣማኖይ ፓጩዲይሶ ኣይሰ ሰቆይ» ያጊሰ።

32 ዩሱሳራኔ ጴጂርሳራ ዋጎሉዋን ጌሊዲ ዋዳ ጫርኮይ ሲዒ ጊሰ። 33 ዋጎሉዋ ጊደን ዴዒያ ኢያ ታማሬቲ፣ «ኔኔ ቲማካ ያሳ ናና» ጊዲ ጎይኒዶሶና።

34 ኤንቲ አባ ፒኒዲ ገንሳሬጃ ቢታ ጋኪዶሶና። 35 ሄ ቢታን ዴዒያ አሳይ ዩሱሳ ኤሪዳ ዋዳ ባንታ ሄራን ዴዒያ ጉታ ኡባ ኪታ ዩዲዶሶና። አሳይ ሃርጋንቸታ ኡባ ኢያኮ ኤሂዶሶና። 36 ሃርጋንቸታ ኢያ አፊላ ማጫራ ያላላ ቦቻና ሚላ ሞሲዶሶና። ቦቹዲ ኡባይካ ፓዲዶሶና።

15

አዋታ ዋጋባ

(ማር 7:1-13)

1 ሃሳፌ ጉዬ፣ ኢሲ ኢሲ ፋሪሳዊቲኔ ሂኔ ኣስታማሬቲ ዬሩሳላሜፕ ዩሱሳኮ ዩዲ፣ 2 «ኔ ታማሬቲ ኣይሰ ኦ አዋታ ዋጋ ሚንላና? ኤንቲ ካሌ ማናፕ ሲንሌ ባንታ ኩሽያ ሚጩቶኮና» ያጊዲ ኦይቸዶሶና።

3 ዩሱሲ ዛሪዲ፣ «ሂንቲ፣ ሂንቲ ዋጋ ገሽ ያሳ ኪታ ፖሌይሳ ኣይሰ ኢዳቲ? 4 ኣይሰ ጊኮ፣ ያሳይ፣ ሳ አዋኔ ኔ አደው ቦንቻ። ኢ ባ አዋ ዋይኮ ባ አደው ጫይይሲ ሃይቆ ጊቤኔ?» ያጊሰ።

5 ሺን ሂንቲ፣ ኢሲ ኢሲ ባ አዋ ዋይኮ ባ አደው ማዳናባይ ዴዒሺን፣ ሃይሳ ታ ያሳሰ ያርሻሰ ጊኮ፣

6 ባ አዋ ዋይኮ ባ አደው ቦንቻናው ቤሲና) ያጊታ። ያቲዲ ሂንቲ፣ ሂንቲ ዋጋ ፖላናው ያሳ ቃላ ሚንሌታ። 7 ሂንቲና፣ ጩቦቶ፣ ኢሳያሲ ሂንቲባ ሊኬ ኦዲስ።

8 « ሃ አሳይ ታና ባንታ ዶናን ቦንቸስ።

ሺን ኤንታ ዋዛናይ ታፕ ሃሆን ዴዒስ።

9 አሳይ ታና ጮ ጎይናሶና፤

ኤንቲ ኢሲ ሜዲዳ ኪታ

ያሳ ሂኔ ዳኒሲዲ ታማርሶሶና ጊስ» ያጊሰ።

አሴ ቱኒሲያባታ

(ማር 7:14-23)

10 ዩሱሲ ዳር አሳ ባኮ ያገደ። «ሰዲቴ! አኩኪቴ! 11 አሴ ቱሲያባይ ደናራ ጌሊያባ ጊደናሽን ደናፕ ኪያባ» ያገለገለ።

12 ሄሳፌ ጉዬ፣ ዩሱሲ ታማራቲ ኢያኮ ዩዲ፣ «ፋሪሳዊቲ ኔሲ ጊደይሳ ሲዲዲ ጳቤቲዳይሳ አኩካይ?» ያገደሰና።

13 ሽን ዩሱሲ ኤንታው ዛሪዲ፣ «ሳሉዋን ደዲያ ታ አዋይ ቶኪቦና ሚላይ ኡባይ ሾዴታና።

14 ኤንታባ ሂርጎፊቴ፤ ኤንቲ ቆቄ ካሌሊያ ቆቄታ። ቆቄይ ቆቄ ካሌሊኮ፣ ናምዳይካ ኦላን ኩንዳና» ያገለገለ።

15 ጳዊርሲ ዛሪዲ፣ «ሃ ለሚሱዋ ቢርሽላ ኦሰ ኦዳርኪ» ያገለገለ።

16 ዩሱሲ ኤንታኮ፣ «ሂንቲዉካ ሃዲ ጋካናው ጌሊቤኔ? 17 ደናራ ጌሊያባ ኡባይ ኡሎ ጌሊዲ ካሬ ኬይይሳ ኤሪኪቴ? 18 ሽን ደናራ ኪያባይ ዋዛናፕ ኬዬሰ። አሴ ቱሲያባቲ ሄሳታ። 19 ኤንቲካ አሳ ዋዛና ጊደፌ ኬያ ኢታ ቆፋ፣ ዋቶ፣ ላይማቴሌ፣ ኢታ ኦሶ፣ ካይሶ፣ ዋርዶ ማርካቴሌ፣ ጫሼ። 20 ሄሳ ዳሲያባቲ አሴ ቱሲሴሲፕ ኣቲን ሜጩቶና ኩሼራ ሜይሲ ቱሲሴና» ያገለገለ።

ኢሲ ማጫሴ አማኑዋ
(ማር 7:24-30)

21 ሄሳፌ ጉዬ፣ ዩሱሲ ያፕ ኪዩዲ ዲርሳኔ ሲደና ካታማቲ ደዲያ ቢታ ቢሰ። 22 ኢሲ ካናኔ ቢታ ማጫሴ ዩሱሳኮ ያደ፣ ባ ቃላ ቶቄ ኦሳዳ፣ «ጎዳው፣ ዳዊቲ ናወው፣ ታው ቃጴታርኪ፤ ታ ናዲው ቱና አያናይ ኦይኪዲ ኢታ ዋይሴሰ» ያገለገለ።

23 ሽን ዩሱሲ ኢሲ ቃላካ ዛርና ሲዲ ገሰ። ዩሱሳ ታማራቲ ኢያኮ ዩዲ፣ «ሃ ማጫሴ ኦ ጌዶ ካላ ካላዳ፣ ዋሳዉሱ። ሄሳ ገሾ፣ ኔሲ ኢዮ ዋይዘርኪ» ያገደዱ ዋሲደሶና።

24 ዩሱሲ ዛሪዲ፣ «ታኒ ዉዳፕ ጳዩዳ ደርሳዳ ኢሰራዔሌ ኬላፌ ጳዩዳ አሳታ ፃላላሰ ኪቲታሰ» ያገለገለ።

25 ሽን ኢያ፣ ኢያ ሲንላን ኩንዳዳ፣ «ጎዳው፣ ታና ማዳርኪ?» ያገለገለ።

26 ኢ ዛሪዲ፣ «ናይታ ካላ ኤኪዲ ካናታሰ ዩጌይሲ ሎፖ ጊደና» ያገለገለ።

27 ማጫሴያካ፣ «ጎዳው፣ ሄሲ ቱማ፣ ሽን ሃሪ አቶሽን ካናቲ ባንታ ጎዳቲ ሚሽን፣ ጋይታፕ ዋጲያ ቲፊያ ዋሶና» ያገለገለ።

28 ዩሱሲ ዛሪዲ፣ «ሃ ማጫሴቲ፣ ኔ አማናይ ጊታ፤ ኔ ኮዩዳይሳዳ ኔው ሃና» ያገለገለ። ኢ ናዲያ ኢራካ ገፃ አጎሱ።

ዩሱሲ ዳር ሃርጋንቾታ ፓሊሰ

29 ዩሱሲ ያፕ ደንዲዲ ጋለላ አባ ማቲ ቢሰ። ኢሲ ዳሬ ቦላ ኪዩዲ፣ ያን ኡቲሰ። 30 ዳር አሳይ ባንታራ፣ ዋቤታ፣ ቆቄታ፣ ኩናታ፣ ደና ሙሜታኔ፣ ሃራ ዳር ሃርጋንቾታ ኤኪዲ፣ ኢያኮ ኤሂዲ ኢያ ሲንላን ዋሊደሶና። ዩሱሲ ኤንታና ፓሊሰ። 31 ሄሳ ገሾ፣ ሙሚቲ ኦዴቲሽን፣ ኩናቲ ፒዲ ገሽን፣ ዋቤቲ ሃሙቲሽን፣ ቆቄቲ ጻሊሽን አሳይ ቤዲዲ ማላሊቲዲ፣ ኢሰራዔሌ ያሳ ጋላቲደሶና።

ዩሱሲ ኦይዲ ሙኩሉ አሳ ሙዚሰ
(ማር 8:1-10)

32 ዩሱሲ ባ ታማራታ ባኮ ያገደ። «ሃ ዳር አሳይ ታራ ሄዡ ጋላሰ ጋምዲዳ ገሾኔ ኤንታው ሃዲ ሚያባይ ባይና ገሾ ታኒ ኤንታው ቃጴታይሰ። ኤንቲ ኦኔን ዳቡራዲ ኩንደና ሚላ አይኮ ሙዛና ኤንታ ሚላ ዩዳናው ኮዩኪ» ያገለገለ።

33 ኢያ ታማራቲ ዛሪዲ፣ «ኦኒ ሃ ባዙዋን ሃይሳ ኬና አሳሰ ጊዲያ ካላ አዉፕ ደማኔ?» ያገደሰና።

34 ዩሱሲ ኤንታኮ፣ «ሂንቲው አፑን ኡይላ ደዲ?» ያገደዱ ኦይቺሰ።

ኤንቲ ዛሪዲ፣ «ላፑን ኡይላኔ ላፋ ዋሎታፕ ጉላ ደዲሰ» ያገደሰና።

35 ዩሱሲ ደሪያ ሳዓን ኡቲቲ ያገደዱ ከቲሰ። 36 ሄሳፌ ጉዬ፣ ሂ ላፑን ኡይላኔ ዋሎታ ኤኪዲ ያሳ ጋላቲሰ። ሚንላዲ ባ ታማራታሰ አሚሰ። ኢያ ታማራቲ አሳሰ ገሺደሶና።

37 አሳይ ኡባይ ሚዲ ካሊደሶና። ኢያ ታማራቲ፣ ሚሽን አቲዳ ቲፊያ ላፑን ጊታ ጋይታ ኩሚላ ደንላደሶና። 38 ሚዲ አሳይ ማጫሴኔ ናዳ ጋይደና አደ ፃላሊ ኦይዲ ሙኩሉ። 39 ዩሱሲ ደሪያ ዩዲዳፕ ጉዬ ዋጎሉዋን ጌሊዲ ማጌዶና ገያ ቢታ ቢሰ።

16

ሳሎፕ ማላ ቤናናው ኦይቺዳ ኦይሻ
(ማር 8:11-13፤ ሉቃ 12:54-56)

1 ፋሪሳዊቲኔ ሳዲቃዊቲ ዩሱሳኩ ዪደሶና፡ እያ ፓጫናው ኮዪዲ፡ ባንታና ሳሎፔ ማላታ ቤሶ ጊዲ እይቹደሶና፡ 2 ሺን ኢ ኤንታኮ፡ «ሳዲ እማርሲያ ዋዪ ሳሎይ ዘዲዳ ገሾ ዋንቶ ቦቃላና) ያጌታ፡ 3 ዋንቲያ ዋዪ፡ ሳሎይ ዘዲዳ ሻራተዳ ገሾ ኢራይ ቡካና) ያጌታ፡ ያቲን ሂንቲ ሳሎ ማላ ቤዲዲ ኤሬታ፡ ሺን ዋዪያ ማላ ኢራናው ዳንዳዲቤኪታ፡ 4 ኢታኔ እማና ዩሌቴሳይ ማላታ ኮዩሰ፡ ሺን ኢያው ዮናሳ ማላታፔ ሃራ ማላቲ አሜቴና» ያገሰ፡ ሄሳፌ ጉዬ፡ ኤንታና ያን ኣጊዲ ሃራ ሶ ቢሰ፡

ፋሪሳዊታኔ ሳዲቃዊታ ኢርሹዋ
(ማር 8:14-21)

5 ኤንቲ ኣባፌ ሄሬንጤ ፒኒዳ ዋዪ ዳቦ ኤኪዲ ያናይሳ ደጊደሶና፡ 6 ዩሱሲ ኤንታኮ፡ «ፋሪሳዊታፔቲኔ ሳዲቃዊታ ኢርሹዋፌ ናጌቲቲ» ያገሰ፡ 7 ኤንቲካ ባንታ ጋርሳን፡ «ኢ ሄሳ ጊዳይ ኑ ደቦ ኤኪዲ ዮና ገሾሳ ጊዳና» ያገደሶና፡ 8 ዩሱሰ ኤንታ ቆፋ ኤራዲ፡ «ሂንቴና፡ እማናይ ትጠዳይይሳቶ! ዳቦ ኢኮና ዪዳ ገሾ ዋሊ ጊደን ኣይሰ ኦዴቲቲ? 9 ሃዓካ ሂንቲ ኣኪኪቲ? ኢቻሹ ሙኩሉ ኣሳስ ኢቻሹ ኦይሳ ገሹዳይሳኔ ኤንቲ ሚዲ ካለን ሂንቲ ኣፑን ጋይታ ኩሚላ ዳንጤዳኮ ደጊደቲ? 10 ሄሳዳካ፡ ላፑን ኡይሳ ኦይዳ ሙኩሉ ኣሳስ ገሹዳይሳኔ ኤንቲ ሚዲ ካለን፡ ሂንቲ ኣፑን ጊታ ጋይታ ኩሚላ ዳንጤዳኮ ኣኪኪኪቲ? 11 ሂዛ፡ ታኒ ፋሪሳዊታኔ ሳዲቃዊታ ኢርሹዋፌ ናጌቲቲ ያዳ ኦይይሰ ዳቦባ ጊደናይሳ ኣኪኪኪቲ?» ያገሰ፡ 12 ያቲን፡ ኢያ ታማሬቲ ዩሱሲ ኦይይ ሙኩቃ ዳንጤዳው ዩጌቲያ ኢርሹባ ጊደናሺን ፋሪሳዊታኔ ሳዲቃዊታ ቲሚርቲያፌ ናጌታናይሳ ጊዳይሳ ኣኪኪደሶና፡

ጳዊርሲ ዩሱሳባ ኦዲሰ
(ማር 8:27-30፤ ሉቃ 9:18-21)

13 ዩሱሲ ቁሳሪያ ፊልጶሳ ቢታ ጋኪዳ ዋዪ ባ ታማሬታኮ፡ «ኣሳይ፡ ኣሳ ናዓ ኦና ጎና?» ያገዲ ኦይቹሰ፡

14 ኤንቲካ፡ «ኢሶቲ ኢሶቲ ፃማቂያ ዮሂሳ፡ ሃራቲ ኤሊያሳ ቃሲ ሃንኮቲ ኤርሚያሳ ዋይኮ ናቤታፔ ኢሱዋ ጎሶና» ያገደሶና፡

15 ዩሱሲ ዛራዲ፡ «ያቲን፡ ሂንቲ ታና ኦና ጌቲ» ጊዲ ኤንታ ኦይቹሰ፡

16 ሲሞና ጳዊርሲ ዛራዲ፡ «ኔኒ ኪሪሰቶሳ፡ ዴዎ ያሳ ናዓ» ያገሰ፡

17 ዩሱሲ ጳዊርሲኮ፡ «ዮና ናዓ ሲሞና፡ ኔኒ ኣንጃቲዳይሳ! ሃይሳ ኔው ቆንጨሲዳይ ሳሉዋን ዳዒያ ታ ኣዋፔ ኣቲን ኣሲ ጊዳና፡ 18 ታ ኔው ኦዲይሰ ጳዊርሳ፡ ኔኒ ዛላ! ታኒ ሃ ዛላ ሶላ ታ ዋሳ ኪላ ኪፃና፡ ሃይቆ ዋልቃቲካ ኢዮ ያናኮና፡ 19 ሳሎ ካዋቴላ ቁልፔታ ታ ኔው እማና፡ ሳዓን ኔኒ ዲጊያባይ ኡባይ ሳሎ፤ ያሳ ማታን ዲጌቲዳባ ጊዳና፡ ሳዓን ኔኒ ሃኖ ጊያባይ ኡባይ ሳሎ፤ ያሳ ማታን ሂኒዳባ ጊዳና» ያገሰ፡

20 ሃሳፌ ጉዬ፡ ኢ፡ ኪሪሰቶሳ ጊዳይሳ ኦይሰካ ኦደና ሚላ ባ ታማሬታ ሚንጤዲ ኪቲሰ፡

ዩሱሲ ባና ጋካና ዋያ ኦዲሰ

21 ሄ ዋዲያፔ ደሚዲ ዩሱሲ ባ ታማሬታሰ፡ «ታኒ ዩራሳላሚ ባናው ቤሰሰ፡ ያን ዴያና ጨማታን፡ ካሂኔ ሃላቃታኔ ሂጌ ኣሰታማሬታ ኩሺን ዋዬ ኤካናው ቤሰሰ፡ ኤንቲ ታና ዋቆና፡ ሺን ታኒ ሄዳንሶ ጋላሰ ሃይቆፔ ዳንዳና» ያገዲ ቆንጨሲሰ፡

22 ጳዊርሲ ዩሱሳ ጋፃ ኪሲዲ፡ «ጎዳው፡ ሄሲ ሃኔና! ሄሳ ሚላባይ ኔና ኡባራካ ጋኮፎ!» ያገዲ ሃንቁቲሰ፡

23 ዩሱሲ ጳዊርሳኮ ጉዬ ሲሚዲ፡ «ሃ ፃላሂያው፡ ታፔ ሃካ! ኔኒ ኣሳ ቆፋ ቆፓሳፔ ኣቲን ያሳ ቆፋ ቆፖና ገሾ ታው ጴቤ ጊዳሳ» ያገሰ፡

24 ሃሳፌ ጉዬ፡ ዩሱሲ ባ ታማሬታኮ፡ «ኦኒካ ታና ካላናው ኮያባ ጊዲኮ ባና ካዳ፡ ባ ማሰቃሊያ ቶኪዲ ታና ካሎ፡ 25 ባ ዴዐዋ ኣሻናው ኮያ ኡባይ ቆይሲሰ፡ ሺን ባ ዴዐዋ ታ ገሾ ጊዲ ኣላ ኢሚይሰ ኣሹሰ፡ 26 ኣሲ ኣሳሚ ኩሚላ ባባ ኦላዲ፡ ጊደሺን ባ ሺሞፑዋ ቆይሲኮ ኢያ ኣይ ኣይ? ዋይኮ ኣሲ ባ ሺሞፑዋ ላሚ ኣይ ኣሚናው ዳንዳዒ? 27 ኣሳ ናዓይ ባ ኣዋ ቦንቹዋን ባ ኪታንቸታራ ያና፡ ሄ ዋዪ ኢሲ ኢሲ ኡራሰ ኢያ ኦሱዋዳ ኣሚና፡ 28 ታ ቱማ ኦዲይሰ፤ ኣሳ ናዓይ ካዋ ጊዲዲ ሲሚይሳ ቤዓና ጋካናው ሃይሳን ኤቁዳ ኣሳፔ ሃይቆናዳሳቲ ዴዎሶና» ያገሰ፡

17

ዩሱፊ ማለይ ላሚቲስ
(ማር 9:2-13፤ ሉቃ 9:28-36)

1 ኡሱፑን ጋላሳ፤ ጉዬ ዩሱስ፣ ጳጳሮች፣ ያይቆባኔ እያ አሻ የሃሊሳ ባራ ኤኪዲ ባንታርካ ገዳናው ዳሪያ ቦላ ከዩሱስ። 2 ያን ኤንታ ሲንገሳን ዩሱፊ ማለይ ከሜሴ ላሚቲስ፤ እያ ሰምጋይካ አዋዳ ያልቀሰ። እያ ማጋይካ ዳር ቦረሰ። 3 ሄኑ፣ ሙሴይኔ ኤሊያሲ እያዳ ኦዴቲሽን ቤዲዳሪና። 4 ጳጳሮሲ ዩሱሳኑ፣ «ኦኒ ሃይሳ ሃሹ ዩዳ፣ ኔ ኮይኮ ኢሲኖ ኔው፣ ኢሲኖ ሙሴስ፣ ኢሲኖ ኤሊያሳሲ ሃይሳን ሃሹ ሻቃራ ሻቃራና» ያገሰ። 5 ጳጳሮሲ ሃሳ ቡሮ ኦዴሽን ቦላ ሻራይ ኤንታና ካሚስ። ሻራ ገዳራ፣ «ታና ኡፋይሲያ፣ ታ ደሲያ ናዳይ ሃይሳ፣ እያ ሲዳቲ!» ያገያ ቃላይ ዩሱስ። 6 ዩሱፊ ታማራቲ ሃሳ ሲዳዳ ዋዴ ዳጋሚዲ ባንታ ሰምዑዋራ ሳዳን ከንዲዳሪና፣ 7 ሽን ዩሱሲ ኤንታኮ ሸቀዲ ኤንታ ቦቹዲ፣ «ዴንዲቴ፣ ያየፊቴ!» ያገሰ። 8 ኤንቲ ቋቁ ገዲ ቤዲያ ዋዴ ዩሱሳ፤ ሃራ ኦናካ ቤዲሶኮና።

9 ኤንቲ ዳሪያ፤ ዋዴሽን ዩሱሲ ኤንታኮ፣ «አሳ ናዳይ ሃይቆ፤ ዴንዳና ጋካናው ሃ ሃንቲ ቤዲዳሳ ኦዴሰካ ኦዴፊ፤ ገዲ ከቲታ። 10 ዩሱሳ ታማራቲ፣ «ያተን፣ ሃኔ ኣስታማራቲ ኤሊያሲ ከሪሰቶሳ፤ ካሱቲዲ ናፊ ገዲይ ኢይቢሲ?» ያገዲ ኦይቹዳሪና።

11 ዩሱሲ ዛሪዲ፣ «ኤ! ኤሊያሲ ካሱቲ ዩዲ ኡባባ ገሊሳና። 12 ሽን ታ ሃንቲው ቱማ ኦዴይስ፤ ኤሊያሲ ካሱቲዲ ዩሱስ፣ ኤንቲካ እያ ቦላ ኮዩዳባ ኤሊዳሪና፤ ኣቲን እያ ሻኪ ኤሪሶኮና። ሃሳዳ አሳ ናዳይ ኤንታ ኩሽን ዋዴታና» ያገሰ።

13 ሄ ዋዴ ዩሱሲ ገዲይ ፃማቂያ የሃሊሳባ ገዲይሳ ኣኩኪዳሪና።

ዩሱሲ ቱና ኣያናይ ኦይኪዳ ናዳ ፓሊስ
(ማር 9:14-29፤ ሉቃ 9:37-43)

14 ኤንቲ ዳሪያ፤ ኣሳኮ ሲሚያ ዋዴ ኢሲ ኣሲ ዩሱሳ ሲንገሳን ጉልባቲዲ፣ 15 «ጎዳው፣ ሃያና ታ ናዳሲ ቃዴታርኪ፤ እያ ሸጪዲ ዩሊያ ሃርጌይ ዳር ኡንዴሊዲ ታማኒኔ ሃሳን ዩጌስ። 16 ኔ ታማራታኮ ኤሃስ፣ ሽን ኤንቲ ፓሳናው ዳንዳሪሶኮና» ያገሰ።

17 ዩሱሲ ዛሪዲ፣ «ሃንቲና፣ ኣማና ጌላ ዩሊቴላው ኣወዴ ጋካናው ታ ሃንቲራ ዳኔ፣ ኣወዴ ጋካናው ታ ሃንቲና ዳንዳሪና? ኣኔ ናዳ ሃ ኤኪ ዩቲ» ያገሰ። 18 ዩሱሲ ቱና ኣያና ሃንቁን፣ ቱና ኣያናይ ናዳ፤ ከዩሰ፤ ሄ ሳቲካን ናዳይ ፓረሰ። 19 ሃሳፊ ጉዬ፣ ዩሱሳ ታማራቲ ባንታርካ እያኮ ሸቀዲ፣ «ኦኒ ቱና ኣያና ከሳናው ዳንዳሪሶናይ ኣይቢሲ?» ያገዲ ኦይቹዳሪና። 20 ኢ ኤንታኮ፣ «ሃንቲው ኣማናይ ላፊዳ ገሸሳ። ታ ሃንቲው ቱማ ኦዴይስ፤ ገሸ ኣይፊ ሜላ ኣማናይ ሃንቲው ዳዳኮ ሃ ዳሪያ ሃይሳፊ ዳንዳሪ ጌዴ ኣቆ» ገኮ ሃንቲው ከቲታና። ሃንቲው ዳንዳሪቶናባይ ዳና። 21 [ሽን ሃሳ ሚሳይ ዋሳፊ፣ ፃማፊ ኣቲን ሃራን ከዩና]» ያገሰ። *

ዩሱሲ ባ ሃይቁዋባ ዛሪ ኦዲስ
(ማር 9:30-32፤ ሉቃ 9:43-45)

22 ዩሱሳ ታማራቲ ጋሊላን ሸቀዲ ዳዲሽን ዩሱሲ ኤንታኮ፣ «አሳ ናዳይ ኣሳ ኩሽን ኣቋዲ ኣሜታና። 23 ኤንቲ እያ ዋቆና፣ ሽን ኢ ሄቫንላ ጋላስ ሃይቆ፤ ዴንዳና» ያገሰ። እያ ታማራቲካ ዳር ቂሮቲዳሪና።

ያሳ ኩላ ገራ

24 ዩሱሳራኔ እያ ታማራታራ ቂፊርናሆሜ ካታማ ጋኪዳ ዋዴ ያሳ ኩላ ገራ ቃንዲሴይሳት ጳጳሪሳኮ ዩዲ፣ «ሃንቲ ኣስታማራይ ያሳ ኩላ ገራ ገሪ?» ያገዲ ኦይቹዳሪና።

25 ጳጳሮሲ ዛሪዲ፣ «ገሪስ» ያገሰ። ጳጳሮሲ ሶ ጌሊያ ዋዴ ዩሱሲ ካሱቲዲ፣ «ጳጳሮች፣ ኔው ኣይ ዳኒ? ሃ ሳዳ ካዋቲሳቲ ቃራፃኔ ገራ ኦፔ ኤኮና? ጋዴ ኣሳፊዬ ዋይኮ ኣሳ ጋዴ ኣሳፊ?» † ያገዲ ኦይቹሰ።

26 ጳጳሮሲ «ኣሳ ጋዴ ኣሳፊ» ገዲ ዛሪሰ።

ዩሱሲ ዛሪዲ፣ «ጋዴ ኣሳይ ገራ ገርኮና ጉሱ። 27 ሽን ኤንቲ ቆቢቶና ሚላ ኣሳ ባዳ ሞሉዋ ኦይኪያ ማንፃቆ ዩጋ። ኮይሮ ኔ ኦይኪያ ሞሉዋ ዳና ዳያዳ ገራሰ ገዲያ ሚሽያ ኔ ገሸኔ ታ ገሸ ኤፋዳ ገራ» ያገሰ።

17:1 2ጴይ 1:17-18 17:5 ሜሴ 22:2፤ ማክ 2:7፤ ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22፤ ዛሬ 18:15 17:10 ሚሳ 4:5 17:12 ማቶ 11:14 17:21 ማቶ 21:21፤ ማር 11:23፤ 1ፆር 13:2 * 17:21 ኢሲ ኢሲ ቤኒ ማፃፋታን ፓይዳ 21 ዳና። 17:24 ኩሳ 30:13 † 17:25 ጋዴ ኣሳፊዬ ዋይኮ ኣሳ ጋዴ ኣሳፊ? ሄ ዋዴ ካዋቲሳቲ ባንታ ጋዴ ኣሳፊ ገራ ኤኮኮና።

18

ኡባፌ አዴይ ኦኔ?

(ማር 9:33-37፤ ሉቃ 9:46-48)

1 ሄ ዋዴ ዩሱሳ ታማሪቲ ዪዲ፣ «ሳሎ ካዎቴላን ኡባፌ አዴይ ኦኔ?» ያገዲ ኦይቸዶሶና።
2 ዩሱሲ ኢሲ ጉላ ናባ ያገዲ ኤንታ ጊደን ኤሲዲ ሃይሳዳ ያገሰ። 3 «ታኒ ሂንቴው ቱማ ኦዲይሰ፤ ሂንቴ ሳሚቶና ጉላ ናባ፡ ሃሃና ሃሃና ላላው ላላው ካዎቴላ ኡባፌ አዴይሳ ገደና። 4 ሂዛ፣ ሃ ጉላ ናባና ባና ካወሺያ ኦኒካ ሳሎ ካዎቴላን ኡባፌ አዴይሳ ገደና። 5 ሃይሳ ሜላ ናባ ታ ሱንሳን ሞኪያ ኦኒካ ታና ሞኪሱ።

6 «ሺን ታናን አማኒያ ሃ ጉሳታፔ ኢሱዋ ናጋራ ኦላና ሜላ ጱቤ ገዲያ ኦኒካ ገታ ጋቻ ዋፃ ባ ቆዴን ቃቸዲ ጨዋ አባን ማቴቲኮ ኢያው ሎ። 7 አሳሜን አሳይ ናጋራ ኦላና ሜላ ኦላያባቲ ዲዒያ ገሾ አሳሚያ አዩ። ሃሳ ሚላባቲ ዮና አቲና፣ ሺን ጱቤይ ኢያ ጋሶን ያ ኡራ አዩ።

8 «ኔ ኩሼይ ዋይኮ ኔ ቶሆይ ኔና ባሌሊኮ ኔፔ ቃንፃ ዬጋ። ኔኒ ናምቡ ኩሼራ ዋይኮ ናምቡ ቶሆራ ሚሪና ታማን ዩኡታናይሳፌ ኩሼ ዋይኮ ቶሆ ዲፃ ገዲዳ ሚሪና ዴፃ ዴሚይሲ ኔው ሎ።

9 ቃሲ ኔ አይፌይ ኔና ባሌሊኮ ኦዮ ዋጫ ከሳዳ ዋራ ሆላ። ኔኒ ናምቡ አይፌራ ጋናሜ ታማን ዩኡቴይሳፌ ኢሲ አይፌራ ሚሪና ዴዑዋ ጌሌይሲ ኔው ሎ።

10 «ታ ሂንቴው ኦዲይሰ፤ ሳሎን ዴዒያ ኤንታ ናገያ ከታንቸቲ ኡባ ዋዴ ሳሎን ዴዒያ ታ አዋ ስንሳን ዴዒያ ገሾ ሂንቴ ሃ ጉሳታፔ ኢሱዋካ ካዶና ሚላ ናጌቲቲ። 11 አሳ ናባይ ቆይዳይሳታ አሻናው ዩሰ። * ያገሰ።

ቆይዳ ዶርሳ ለሚሶ

(ሉቃ 15:3-7)

12 ቃሲ ዩሱሲ፣ «ሂንቴው አይ ዳኒ? ኢሲ ኡራሰ ያቲ ዶርሳቲ ዴዒይሳታፔ ኢሶይ ቆይኮ ኡዲፋን ታማኔ ኡዲፋናታ ዴሪያ ቦላ ዬገ ኣገዲ ሄ ቆይዳይሳ ኮያናው ቤኔ? 13 ታ ቱማ ኦዲይሰ፤ ኢ ዴሚዳ ዋዴ ኡዲፋን ታማኔ ኡዲፋናታፔ አሊዲ ቆይዲ ቤንቲዳ ኢሲ ዶርሳን ኡፋይቲሰ። 14 ሃሳዳካ፣ ሳሎን ዴዒያ ሂንቴ አዋይ ሃ ጉሳታፔ ኢሶይ ቆይና ሚላ ኮዬና።

ቆሂሂ አሲ ዋታኔ?

15 «ኔ አሻይ ኔና ቆሂኮ ኔርካ ኢያኮ ባዳ ኢያ ባላ ኢያው ኦዲ። ኢ ኔና ሲዒኮ ኔ አሻ ኔው አሻ ኦላ። 16 ሺን ኢ ኔና ሲዶና ኢዳኮ፣ ናምቡ ዋይኮ ሃቸ አሳ ማርካን ሞቶይ ላሴቲያ ገሾ ኢሲ ዋይኮ ናምቡ አሲ ኤካዳ ኢያኮ ባ። 17 ኢ ኤንታና ሲዶና ኢዳኮ፣ ዋሳ ከሳሰ ኦዲ። ዋሳ ከሌ ገያባ ሲዶና ኢዳኮ አማኖና አሳዳ ዋይኮ ቃራፃ ቃንፃሲያ አሳዳ ኢያ ገይዳ።

18 «ታ ሂንቴው ቱማ ኦዲይሰ፤ ሳባን ሂንቴ ዲገያባቲ ኡባይ ሳሎን ዶሳ ማታን ዲጌቲዳባ ገደና። ሳባን ሂንቴ ሃና ጌያባቲ ኡባይ ሳሎን ዶሳ ማታን ሃኒዳባ ገደና።

19 «ቃሲካ ታ ሂንቴው ኦዲይሰ፤ ሳባን ሂንቴፌ ናምባይ ባንታ ዋሲያባሰ ኢሲ ዋዛናን ገዲዲ ዶሳ ዋሲያባ ገዲኮ ሳሎን ዴዒያ ታ አዋይ ሂንቴው ኦላና። 20 ታና ካሌይሳታፔ ናምባ ዋይኮ ሃቸ ገዲዲ ሺቁያ ቤሳን ታኒ ኤንታ ገደን ቤንታና» ያገሰ።

አቶ ጉሳባ

21 ሃ ዋዴ ጰደርሲ ዩሱሳኮ ዪዲ፣ «ሳዳው፣ ታ አሻይ ታና ቆሂኮ አፑን ቶሆ ታኒ አቶ ጋናው ቤሲ? ላፑን ቶሆ ጋካናሴዬ?» ገዲ አይቸሰ።

22 ዩሱሲ ዛራዲ፣ «ገደና፣ ላፑን ታው ቶሆ ላፑናቲ አቲን ላፑን ቶሆ ገደና።

23 «ሃሳ ገሾ፣ ዶሳ ካዎቴላይ ባ ኦሳንቸታራ ባ ሚሼይ ገጠዳኮኔ ገላሂዳኮ ቤባናው ቆፐዳ ካወዋ ዳኔሰ። 24 ሃ ካዋይ ሚሼይ ገጠዳኮኔ ገላሂዳኮ ቤባያ ዋዴ ዳር ገንዲገንዳ አጮይ ዴዒያ ኢሲ ኡራ ኢያኮ ኡሂዶሶና። 25 ሺን ሃ አይሌይ አጮዋ ቃንፃናው ዮኔቲን ኢያራ፣ ኢያ ማቸራ፣ ኢያ ናፔቲኔ ኢያው ዴዒያባይ ኡባይ ባይዙቲዲ አጮይ ጨጌታና ሜላ ኢያ ጎዳይ ከቲሰ። 26 ያቲን አይሌይ ባ ጎዳ ቶሆዋ ቦላ ጉልባቲዲ፣ ታ ጎዳው፣ ሃያና ጉላ ዋዴ ታካርኪ፣ ታ አጮዋ ኡባ ታ ጨጌ» ያገዲ ዋሲሰ። 27 ካዋይ ኢያው ቃቆቲዲ፣ ዩዲ አገሰ፤ ኢያ አጮዋ ማሪሰ።

28 «ሺን ሃ አይሌይ ከዩ ቢዲ ባ ላጌ ኦሳንቸታፔ ኢሶይ ባፔ ዳር ጉላ ሚሼ ታልዳዲይሳ፣ ሳኔ ቦላ ዴዒያ ታ ሚሼያ ታው ጨጌ» ገዲ ቆዴ ኦይኪሰ።

29 «ሄ ኢያ ላጌ አይሌይ ኢያ ስንሳን ጉልባቲዲ፣ ሳያና ጉላ ዋዴ ታካርኪ ታኒ ታ አጮዋ ኡባ ጨጌ» ያገዲ ዋሲሰ።

18:1 ሉቃ 22:24 18:3 ማር 10:15፤ ሉቃ 18:17 18:8 ማጥ 5:30 18:9 ማጥ 5:29 18:10 ሉቃ 19:10 * 18:11 አሳ ናባይ ቆይዳይሳታ አሻናው ዩሰ። ኢሲ ኢሲ ቤኒ ማፃፋቲ ገይዳ 11 ጉጃሶና። 18:15 ሉቃ 17:3 18:16 ዛሬ 19:15 18:18 ማጥ 16:19፤ ዮሃ 20:23 18:21 ሉቃ 17:3-4 18:22 ሜዴ 4:24

30 «ሺን እይዲ ኤኪ ኤዕዲ ባ ላጌይ አጩዋ ቃንፃና ጋካናው ቃሾ ከሌ ጌልሲስ። 31 ሄሳ ጊሾ፣ ሃራ ላጌ ኦሳንቸቲ ሄሳ ቤዒዳ ዋዴ ዳሮ ዩሎቲዲ፣ ቢዲ ባገጉ ጎዳስ ኢ ኦሌዳባ ኡባ ኦዲደሶና።

32 «ያተን ካዋይ ሄ አይሊያ ጭሊዲ፣ ነሃ ኢታ አይሊያው፣ ኔኒ ታና ዋሲዳ ጊሾ ታ ኔ አጩዋ ኡባ ኔው ማራሰ። 33 ያተን፣ ታኒ ኔ አጩዋ ማራዲይሳዳ ኔኒ ኔ ላጌ አይሊያ አጩዋ ማራናው ኔው ቤሴኔን?» ያገለ። 34 ሄሳ ጊሾ፣ ካዋይ ዳሮ ዩሎቲዲ፣ ኢ ባ አጩዋ ኡባ ጨጋና ጋካናው ጋፃ ካዒታና ሜላ ቃሾ ከዳን ዩሊስ።

35 «ሄሳዳካ፣ ሂንቲ ኢሶይ ኢሶይ ሂንቲ አሻ ዋዛናፔ ማርና ኢደኮ ሳሎን ዳዒያ ታ አዋይ ሂንቲና ሄሳዳ ኦሳና» ያገለ።

19

ኢኮ ጌሎባ (ማር 10:1-12)

1 ዩሱሲ ሄሳ ኦዲ ኦንጊዳፔ ጉዬ ጋለላፔ ዳንዲዲ ዮርዳናሴ ሻፋፔ ሄፊንጎን ዳዒያ ዩሁዳ ቢታ ቢስ። 2 ዳሮ አሳይ ኢያ ካሊዲ ቢን ኤንታ ጊዳሬ ሃርጋንቸታ ጋሏስ።

3 ፋሪሳዊቲ ኢያ ጋጩናው ኮዩዲ ኢያኮ ዩዲ፣ «ኢሲ አሲ አይ ጋሶንካ ባ ማቸው ዩዳናው ቤሲ?» ያገዲ ኦይቸደሶና።

4 ዩሱሲ ዛሪዲ፣ «የሳይ ኮይሮ አዳይ ማጫስ ኦሌ ሜዲዳይሳ ሂንቲ ናባቢቤኮቲ? 5 ነሃሳ ጊሾ፣ ኢሲ አሲ ባ አዋይ ባ አዩው አገዲ ባ ማቸራ ኢሲና ጊዳስ፣ ናምዒይካ ኢሲ አሾ ጊደሶና። 6 ሄሳ ጊሾ፣ ኤንቲ ኢሲ አሾ ጊደሶና፣ ኢቲን ናምዒ ጊደኮና። ሂዛ፣ ያሲ ቃቸዳይሳ አሲ ሻኮፎ» ያገለ።

7 ፋሪሳዊቲ፣ «ያተን፣ ሙሴይ ኢሲ አሲ አንጃ ዋርቃቲ አሚዲ ዩዳና ሜላ አይሰ ከቲዴ?» ያገዲ ኦይቸደሶና።

8 ዩሱሲ ዛሪዲ፣ «ሂንቲ፣ ሂንቲ ማቸታ ዩዳና ሜላ ሙሴይ ሂንቲና ከቲዳይ፣ ሂንቲ ዋዛና ሚናቲላ ጊሾፔ ኢቲን ኮይሮፔ ሄሳ ሚላ ጊዳና። 9 ታ ሂንቲው ኦዲይሰ፤ ባ ማቸያ ላይማቶና ዳዒሽን ዩዲዲ ሃራ ኤኪያ ኦኒካ ላሚስ» ያገለ።

10 ኢያ ታማሬቲ ኢያኮ፣ «አዚናባይኔ ማቸባይ ሄሳ ሚላ ጊዲኮ ኤኮ ጌሎይ ኢቲኮ ሎ?» ያገደሶና።

11 ዩሱሲ ዛሪዲ፣ «ሄሳ ሚላ ተሚርቲይ ያሳይ ዳንዳባ አሚዳይሳታሳፊ ኢቲን አሳ ኡባሳ ጊዳና። 12 ሂዛ፣ ዩሎቲሽ ሹፋ ጊዲዲ ዩሎቲዳይሳቲ ዳይሶና፣ ቃሲ አሲ ቃራቲዳይሳቲ ዳይሶና፣ ቃሲ ሳሎ ካዋቲላ ጊሾ ጊዲ ባገጉና ሹፋይዳይሳቲ ዳይሶና። ሄሳ ጊሾ፣ ሃይሳ ኢካናው ዳንዳዒያ ኦኒካ ኤኮ» ያገለ።

ዩሱሲ ጉላ ናይታ ኦንጃሰ (ማር 10:13-16፤ ሉቃ 18:15-17)

13 ዩሱሲ ባ ኩሺያ ጉላ ናይታ ቦላ ዋላዲ ኤንታው ዋሳና ሚላ ኢሲ ኢሲ አሳይ ናይታ ኢያኮ ኤሂደሶና። ሺን ኢያ ታማሬቲ አሳ ሃንቁቲደሶና። 14 ሺን ዩሱሲ፣ «የሳ ካዋቲላይ ሃይሳታ ሚላሳ ጊዲያ ጊሾ ጉላ ናይቲ ታኮ ዩይሳ ዳጎፊቲ፤ ዮ ጌቲ» ያገለ።

15 ባ ኩሺያ ኤንታ ቦላ ዋላዲ ጉዬ ሄ ቤሳፊ አገዲ ቢስ።

ናዓቲላ ዱሬ ኡራ (ማር 10:17-31፤ ሉቃ 18:18-30)

16 ኢሲ ጋላስ ኢሲ ኡራይ ዩሱሳኮ ዩዲ፣ «አሰታማሪያው፣ ታኒ ሜሪና ዳይ ዳማናው አይ ሎየባ ኦሎ?» ያገለ። 17 ዩሱሲ ኢያኮ፣ «ሎየባ ኔ ታና አይሰ ኦይቻይ? ኢሲ ያሳፊ ኢቲን ሃራ ሎየይ ባዋ። ሺን ኔኒ ሜሪና ዳዑዋ ኤካናው ኮይኮ ከታታ ናጋ» ያገለ።

18 ኡራይ ዛሪዲ፣ «አዉሳ ከታታ» ያገዲ ኦይቸሰ። ዩሱሲ ዛሪዲ፣ «ዋዲ፣ ላይማቶ፣ ካይሶቶ፣ ዋርዶ ማርካቶ፣ 19 ኔ አዋኔ ኔ አዩው ቦንቻ፣ ኔ ሽራዋ ኔ ሁዳያሶ ደሳ» ያገለ።

20 ሄ ናዓቲላይ፣ «ታኒ ሃይሳታ ኡባ ናዓቲላፊ ደማዳ ናጋስ። ያተን፣ ሃራ ታው ጋጩናባይ አይቤ?» ያገዲ ኦይቸሰ።

21 ዩሱሲ ዛሪዲ፣ «ኔኒ ፖሎ ጊዳናው ኮይኮ ባዳ ኔው ዳዒያባ ባይዛዳ ማንቆታስ ኢማ፤ ኔኒ ሳሎን ዱሬታና። ያታ ሰማ ያዳ ታና ካላ» ያገለ።

22 ሺን ሄ ና ሩቴላ ኡራይ ዳር ዱራ ገዲያ ገሾ ሄሳ ሲዒዳ ዋዴ እዛነሽ አገዲ ቢስ። 23 ሄሳፊ ጉዬ፣ ዬሱሲ ባ ታማሪታ፣ «ታኒ ሂንቴው ቱማ ኦዳይስ፤ ዱራይ ሳሎ ካዋቴሉ ገላናይሲ ዳር ማቶ። 24 ዱራ አሲ ያሳ ካዋቴላ ገላናይሳፊ ገማሌይ ማርፕ ሉሆራ አዲይሲ ካወዬስ» ያገሉ።

25 ዬሱሳ ታማሪቲ ሄሳ ሲዒዳ ማላሉቲዳ፣ «ያቴን፣ ኦኒ ኣታናው ዳንዳዒ?» ያገዲ ኦይቺዶሶና።

26 ዬሱሲ ኤንታ ጫዲ ያሊዲ፣ «ሃይሲ ኣሳስ ዳንዳዒቴና፣ ሺን ያሳስ ኡባይ ዳንዳዒቴስ» ያገሉ።

27 ጳዳርሲ ዛሪዳ፣ «ኮኒ ኡባባ አገዲ ነና ካሊዳ። ያቴን፣ ኮኒ አይ ዴማኒ?» ያገሉ። 28 ዬሱሲ ኤንታኮ ሃይሳዳ ያገሉ። «ታኒ ሂንቴው ቱማ ኦዳይስ፤ ኣሳ ናዓይ ያና ኣላሚያን ባ ቦንቾ ኣራታን ኡቲያ ዋዴ ሂንቴ ታማኔ ናምዓቲ፣ ታና ካሊዳይሳቲ፣ ታማኔ ናምዑ ኣራታን ኡቲዲ ታማኔ ናምዑ ኢስራዒሌ ዜሬሳታ ቦላ ፐርዳና። 29 ታ ስንሳ ገሾ ኬሌ ዋይኮ አሻታ ዋይኮ ሚቺታ ዋይኮ ኣዋ ኢዮኮ እዩው ዋይኮ ናይታ ዋይኮ ጋዲያ አገዳይ ኦኒካ ያቴ ኩሾ ኤካና። ቃሲ ሚሪና ዴዐዋካ ኤካና። 30 ሺን ዳርቲ ሃዒ ዴሳን ሰንሐ ገዲዳይሳቲ ጉዬ ገዳና፣ ቃሲ ጉዬ ገዲዳይሳቲ ሰንሐ ገዳና» ያገሉ።

20

ዋይኒያ ገደን ኦላያ ኦሳንቾታ ለሚሶ

1 «ያሳ ካዋቴላይ ባ ዋይኒያ ገደን ኦሳንቾታ ኬራ ኦሲሳናው ዋንታ ጉራ ኬዬዳ ኬላዋ ዳኔስ። 2 ኢ ሄ ኦሳንቾታስ ሃቺ ሃቺ ኢሲ ዳናራ * ቃንፃናው ኤንታራ ገገዲ፣ ኤንታ ባ ዋይኒያ ገደ ዬዲስ። 3 «ቃሲ ዋንታፊ ሂቡ ሳቲ ገዲሺን ኬዬዲ ኦሶ ቆዩዲ ገያ ቦላ ኤቁዳ ሃራ ኣሳታ ዴሚስ። 4 ኢ ኤንታኮ፣ ሂንቴካ ታ ዋይኒያ ገደ ቢዲ ኦላቴ፣ ታኒ ሂንቴው ቤሲያ ጋቲያ ቃንፃና ያገሉ። 5 ኤንቴካ ቢደሶና። ቃሲካ ኢ ኡሶፑን ሳቲኒኔ ኡዲፋን ሳቲን ኬዬዲ ሄሳዳ ኦላሲ። 6 ታማኔ ኢሲ ሳቲ ገዲሺን ኢ ኬያ ዋዴ ሃራቲ ያን ኤቁዳይሳታ ዴሚዳ፣ ሂንቴ ኦሶ ኦላና ጋላስ ኩሚሌ ሃይሳን ኣይስ ኤቁዲ ፔሲዳቲ?» ያገሉ።

7 «ኤንቴ ዛሪዳ፣ ሱና ኬራ ኦሲሲያ ኣሲ ቆዩዳ ገሾሳ» ያገደሶና።

8 «ሳዒ ኦማርሲን፣ ዋይኒያ ሳዳይ ኦሳንቾታ ሃላቃኮ፣ ሱሳንቾታ ያገዳ ወርሲላን ኦሶ ገሊዳይሳታ፣ ደማዳ ኮይሮ ገሊዳይሳታ ጋካናው ኤንታ ጋቲያ ቃንፃ» ያገሉ። 9 ታማኔ ኢሲ ሳቲን ኦሶ ኦይከዳይሳቲ ዩዳ፣ ሀዒን ሀዒን ኢሲ ኢሲ ዳናራ ኤከደሶና። 10 ኮይሮ ኦሶ ኦይከዳይሳቲ ዩዳ፣ ባንታው ዳር አሚታና ገዲ ቆፕደሶና። ሺን ኤንቴካ ሀዒን ሀዒን ኢሲ ኢሲ ዳናራ ኤከደሶና።

11 ባንታ ሚሺያ ኤከ ሲሚዲ ኬላዋ ቦላ ዘተሚደሶና። 12 ሳይሳቲ ጉዬፕ ዩዲ ኢሲ ሳቲ ያላላ ኦላደሶና። ሺን ጋላስ ኩሚሌ ኣዋ ሱላን ዳቡሪዲ ፔሲዳ ኦራ ኤንቴ ዋኒዲ ኢሲና ገደና ያገደሶና።

13 «ዋይኒያ ኬላዋይ ኦሳንቾታፕ ኢሱዋኮ፣ ታ ኢሻው፣ ታኒ ኔና ቆሃቢኬ፤ ኔ ታራ ገገዳይ ኢሲ ዳናራሳ ገደኔ? 14 ኔ ሚሺያ ኤካዳ ኔ ሶ ባ። ታ ኦማርሲ ዩዳይሳስካ ኔይሳ ሜላ አማናው ኮያይስ። 15 ታኒ ታ ሚሺያን ኮዩዳባ ኦላናው ታው ማቴ ባዋ? ዋይኮ ታኒ ኬሃ ገዲዳ ገሾ ኔኒ ቃናታይ?» ያገሉ።

16 «ሄሳዳ ሃዒ ዴሳን ጉዬ ገዲዳይሳቲ ሰንሳታና፣ ሰንሳቲዳይሳቲ ቃሲ ጉዬታና» ያገሉ።

ዬሱሲ ባ ሃይቆዋባ ሄቫንሳ ኦዲስ (ማር 10:32-34፤ ሉቃ 18:31-34)

17 ዬሱሲ ዬሩሳላሚ ቤሼ፣ ታማኔ ናምዑ ታማሪታ ዴማ ጋፃ ኬሲዲ ኤንታኮ ያገሉ። 18 «ሂኮ፣ ኮኒ ሃዒ ዬሩሳላሚ ቡሳ ቦላ ዴዎስ። ያን ኣሳ ናዓይ ካሂኔ ሃላቃታሲኔ ሂኒ ኣስታማራታስ ኣዲ አሚታና። ኤንቴካ ኢያ ቦላ ሃይቆ ፐርዳ ፐርዳና። 19 ኢያ ኣይሁዳ ገደና ዴሪያስ ኣሉ አማና። ኤንቴ ኢያ ካወሻና፣ ጋራፋና፣ ያቴዲ ኢያ ማስቃሊያ ቦላ ካቃና። ሺን ኢ ሄቫንሳ ጋላስ ሃይቆፕ ዴንዳና» ያገሉ።

ዛብዲዮሳ ናይታ ኣዬ ዋሳ (ማር 10:35-45)

20 ሄ ዋዴ ዛብዲዮሳ ማቺያ ባ ናምዑ ኣዴ ናይታራ ዬሱሳኮ ያዳ፣ ኢያ ሰንሳን ጉልባታዳ ኢሲባ ኢያ ዋሳሱ።

21 ዬሱሲ ኢኮ፣ «ኔ ኣይ ኮያይ?» ያገሉ።

19:28 ማቶ 25:31፤ ሉቃ 22:30 19:30 ማቶ 20:16፤ ሉቃ 13:30 * 20:2 ኢሲ ዳናራ፣ ኢሲ ኢሲ ኢሲ ጋላስ ኦላ ፔሲዲ ኢከያ ሚሺ። 20:8 ለዌ 19:13፤ ዛሪ 24:15 20:16 ማቶ 19:30፤ ማር 10:31፤ ሉቃ 13:30

ኢያ ዛሬዳ፣ «ኔ ካዎቱላን ሃ ታ ናምዑ ናይቲ ኢሶይ ኔ ኡቫቻን ኢሶይ ኔ ሃዲርሳን ኡቶ ጋርኪ!» ያጋሱ።

22 ሺን ዬሱሲ ናይታኮ ዛሬዳ፣ «ሂንቲ ኣይ ዋሲያኮ ኤሬኬታ፤ ታኒ ኡያናው ዴዲያ ዋዬ ፀዓ ኡያናው ዳንዳዔቲ?» ያገሰ።

ኤንቲካ፣ «ኤ ዳንዳዎስ» ያገደሶና።

23 ዬሱሲ፣ «ቱማካ ታኒ ኡያናው ዴዲያ ፀዓፕ ሂንቲ ኡያና። ሺን ታ ኡቫቻኒኔ ሃዲርሳን ኡታናይሳታ ዶሬይ ታና ገዲኡ። ሄ ቢሳይ አሚቲይ፣ ታ አዋይ አማናው ገሊሲዳ አሳታሳ» ያገሰ።

24 አቲዳ ታው ኢያ ታማሬቲ ሄሳ ሲዒዳ ዋዴ ናምዑ አቫታ ቦላ ሃንቁቲደሶና። 25 ሺን ዬሱሲ ኤንታ ኡባ ጃገዲ ሃይሳዳ ያገሰ። «ኣይሁዳ ገደና አሳ ሃሬይሳቲ ባንታ አሳ ቦላ ጎዳቲይሳኔ ኤንታ ካሌሌይሳቲ ዋልቃን ሃሬይሳ ሂንቲ ኤሬታ። 26 ሺን ሂንቲ ገደን ሃሳዳ ገደፖ። ሂንቲሬ ገታታናው ኮያ ኦኒካ ሂንቲው አይሌ ገደ። 27 ሂንቲ ገደን ኡባሬ ቦላ ገዳናው ኮያ ኦኒካ ሂንቲው አይሌ ገዳናው ቤሱስ። 28 ሃሳዳካ፣ አሳ ናዓይ ኣሴ ሃጋዛናዉኔ ዳር አሳ ዋዛናው ባ ሺምፑዋ አማናው ዩሲፔ አቲን አሳን ሃጋዜታናው ዩቤና» ያገሰ።

ዬሱሲ ናምዑ ቆቄታ ፓሌሰ
(ማር 10:46-52፤ ሉቃ 18:35-43)

29 ሃሳሬ ጉዬ፣ ዬሱሲ ባ ታማሬታራ ኢያርኮሬ ኬዬዲ ቢሺን፣ ዳር አሳይ ኤንታና ካሊደሶና። 30 ኦጌ ጋፃን ኡቲዳ ናምዑ ቆቄቲ ዬሱሲ ያራ ኣይይሳ ሲዒዳ፣ «ሳዳው፣ ዳዊቲ ናዓው፣ ኑስ ቃዴታርኪ» ያገዲዱ ዋሲደሶና። 31 ዳር አሳይ ኤንታና፣ «ሃይዚቲ» ያገዲ ካጪደሶና። ሺን ኤንቲ፣ «ሳዳው፣ ዳዊቲ ናዓው፣ ኑስ ቃዴታርኪ» ገዲ ጉጂ ዋሲደሶና።

32 ዬሱሲ ኤቁዲ፣ ኤንታ ጃገዲ፣ «ታ ሂንቲው ኣይ ኦሳና ሚላ ኮዮቲ?» ያገዲ ኦይቸሰ።

33 ኤንቲካ፣ «ሳዳው፣ ኑ ኣይሬይ ጃላና ሚላ ኮዮስ» ያገደሶና። 34 ዬሱሲ ኤንታው ቃዴቲዳ፣ ኤንታ ኣይሬያ ቦቸሰ። ኤሌሲዲ ኤንታ ኣይሬይ ጃሊሰ፤ ኤንቲ ኢያ ካሊዲ ቢደሶና።

21

ዬሱሲ ገታ ቦንቾን ዩሩሳላሜ ገሊሰ
(ማር 11:1-11፤ ሉቃ 19:28-40፤ ዮሃ 12:12-19)

1 ዬሱሳራኔ ኢያ ታማሬታራ ዩሩሳላሜ ማቲዲ፣ ሻማሆ ዳሪያ ቦላ ዴዲያ ቤቲፋጌ ገያ ጉታ ጋኪሹ፣ ዬሱሲ ባ ታማሬታፕ ናምዓታ ባፔ ሲንጼ ያገዲ ኪቲስ። 2 «ሂንቲሬ ሲንሳን ዴዲያ ጉታ ቤቲ፣ ያን ኢሲ ሃሬይ ቃሾን ዴዲያር ኢ ማራራ ሂንቲ ሶሁዋራ ዴማና። ኤንታ ቢሊዲ ሃ ኤኪ ዩቲ። 3 ኦኒካ ሂንቲና ኦይቸኮ፣ ሳዳይ ኤንታና ኮዬስ ያገቲ። ኢ ኤንታና ኢራካ ዬዲ አጋና» ያገሰ።

4 ሂሲካ ናቤይ፣

5 «ጃዮኔ ካታማስ፣
«ሂኮ፣ ኔ ካዎይ ኣሸኬ ገዲዲ፣ ሃሬ ቦላኔ
ሃሬ ማራ ቦላ ኡቲዳ፣ ኔኮ ዬስ» ያገቲ።
ያገዲ ዓፊዳይሲ ፖሌታና ሚላ ሂሲ ሃሲስ።

6 ኢያ ታማሬቲ ቢዲ ዬሱሲ ኤንታ ከቲዳይሳዳ ኦሊደሶና። 7 ሃሬዉኔ ሃሬ ማራ ኤሂዲ ቦላራ ማዓዳ ባንታ ማዑዋ ኤንታ ዘኮን ዩሊደሶና። ዬሱሲ ማዖታ ቦላ ኡቲስ። 8 ዳር አሳይ ባንታ ማዑዋ ኦጊያን ሃሂደሶና። ሃራቲ ቦንጮ ታሺዲ ኦጊያ ቦላ ዩሊደሶና። 9 ዬሱሳፕ ሲንሳራ ሃሙቲይሳቲኔ ኢያፕ ጉዬራ ካሊያ ዳር አሳይ።

«ሆሳና! * ዳዊቲ ናዓይ ጋላቲቶ!
ጎዳ ሱንሳን ዬይሲ ኣንጃቲዳይሳ!
ቦንቾይ ኡባሬ ቶቃ ሳሉዋን ያሳሰ ገደ!»
ያገዲ ዋሲደሶና።

10 ዬሱሲ ዩሩሳላሜ ካታማ ጌሊዳ ዋዴ ሄ ካታማን ዴዲያ አሳ ኡባይ፣ «ሃይሲ ኦኔ?» ያገዲ ያርኪደሶና።

11 ኣሳይ፣ «ሃይሲ ጋለላን ዴዲያ ናዚሬቲ ካታማፔ ዩዳ ናቢያ ዬሱሳ» ያገደሶና።

ዬሱሲ ያሳ ኬሌ ገሊሰ
(ማር 11:15-19፤ ሉቃ 19:45-48፤ ዮሃ 2:13-22)

20:26 ማቶ 23:11፤ ማር 9:35፤ ሉቃ 22:26 21:5 ዛካ 9:9 * 21:9 ሆሳና፡ ኢብራይስጥ ዴናን ሆሳና ጉሳይ «ኦና ኣቫ ጉሱ። ቃሲ ኣሳይ ያሳ ጋላታናው ጎዳቲያ ቃላ። 21:9 ማዝ 118:25

12 ዩሱሲ ያሳ ከሌ ጌሊዲ፣ ያን ባይዘይሳታኔ ሻሚይሳታ ኡባ ካሬ ጎደሰ። ማሼ ላሚይሳታ ያርጸዛታኔ ሆሌታ ባይዘያ ኦይዳታ ሸሪ ዩጊሰ። 13 እካ ኢንታኮ፣ «ያሳ ቃላን፣ ታ ከላይ ያሳ ዋሲያ ከሌ ጌቲታን ጌቲታ ያፈቲሰ። ሽን ሂንቲ ፓንጋቲ ቆሴቲያ ጎንጎሎ «ኤዳታ» ያገሰ።

14 ዩሱሲ ያሳ ከላን ዳዒሽን ቆቁቲኔ ጉንዳቲ ኢያኮ ዩን ኢንታ ፓሊሰ። 15 ሽን ካሂኔ ሃላቃቲኔ ሂጌ እስታማሬቲ ዩሱሲ ኦሊዲ ማላሊሲያባታ ቢዲዳይሳሲኔ ጉላ ናይቲ ያሳ ከላን፣ «ዳቂቲ ናዒይ፣ ጋላቲቶ» ያገዲ ዋሴይሳ ሲዒዲ ሃንቁቲዶሶና። 16 ኤንቲ ዩሱሳኮ፣ «ሃይሳቲ ጌይሳ ኔ ሲዒይ?» ያገደሶና።

ዩሱሲ፣ «ኤ ሲዒይሰ፣ ያሳ ቃላን፣ ርጉላ ናይታ ዶናኒኔ ቆሚያ ናይታ ዶናን ጋላታ ዋላዳሳ ጌቲቲዲ ያፈቲዳይሳ ሂንቲ ናባቢቤኩቲ?» ያገሰ። 17 ኤንታና ያን ኣጊዲ ቢታኒያ ካታማ ቢዲ ኣቁሰ።

ጎዳይ ባዲዳ ባላሴ ሚሳው
(ማር 11:12-14፣ 20-24)

18 ዩሱሲ ዋንታ ጉራ ካታማ ሲሚዲ ዩሼ ኮሻቲሰ። 19 ኦጌ ጋፃን ኢሲ ባላሴ ሚሳ ቢዒዲ ኢኮ ቢሰ። ሽን ሃይሳፌ ኣቲን ሃራ ኣይኮካ ዳሚቤና። ሄሳ ጊሾ፣ ኢዮ፣ «ሂዛፔ ናምግጎሶ ኣይፌ ኣይፎፓ!» ያገሰ። ሂ ባላሴ ሚሳዳ ኤሌሳዳ ማላ ኣጋሰ።

20 ኢያ ታማሬቲ ሄሳ ቢዒዲ፣ «ሃ ባላሲያ ዋናዳ ኤሌሳ ማላዳ?» ያገዲ ማላሌቲዶሶና።

21 ዩሱሲ ዛሬዲ፣ «ታኒ ሂንቲው ቱማ ኦዳይሰ፤ ሂንቲው ኣማናይ ዳዒኮ፣ ቃሲ ሂንቲ ሲቶና ኢደኮ ባላሴ ቦላ ታኒ ኦሊዳይሳ ማላ ያላላ ኦሌኪታ፣ ሽን ሃ ዳሪያ ሸዳታዳ ኣባን ዋቆ» ያገሰ ኣናና። 22 ኣማኒዲ ሂንቲ ዋሲያባ ኣይቢባ ጊዲኮካ ሂንቲ ኤካና» ያገሰ።

ዩሱሳ ማታይ ኦይሸቲሰ
(ማር 11:27-33፣ ሉቃ 20:1-8)

23 ዩሱሲ ያሳ ከላ ጌሊዲ ታማርሲሽን፣ ካሂኔ ሃላቃቲኔ ኣይሁዴ ጨማቲ ኢያኮ ዩዲ፣ «ኔኒ ሃይሳ ኦላና ሚሳ ኔው ኣይ ማቲ ዳዒ? ኔው ሃ ማታ ኢሚዳይ ኦኔ?» ያገዲ ኦይቺዶሶና።

24 ዩሱሲ ኢንታኮ፣ «ታኒካ ሂንቲና ኢሲባ ኦይቻይሰ፤ ሂንቲ ታው ሄሳ ዛሬኮ፣ ታኒ ኣይ ማታን ኦሊያኮ ሂንቲው ኦዳና። 25 ዮሃኒሲ ዓማቃና ሚሳ ማታይ ኣወፔ ኢሚቴታ? ያሳፌዬ ኣሳፔ?» ያገሰ።

ኢንቲ ባንታ ጊደን ዘሬቲዳ፣ «ኦኒ፣ ዮሳፌ» ጊኮ፣ ኢ ኦና፣ «ያቲን ኣይሰ ኣማኒቤኬቲ?» ያጋና። 26 ኦኒ፣ «ኣሳፔ» ጊኮ፣ ኣሳ ኡባደ ዮሃኒሳ ናቤ ኦሊ ያሊያ ጊሾ ኣሳ ያዮሰ» ያገደሶና። 27 ሄሳ ጊሾ፣ «ኦኒ ኤርኮ» ያገዲ ዛሬዶሶና።

ኢካ፣ «ሂዛ፣ ታኒካ ሃይሳ ኣይ ማታን ኦሊያኮ ሂንቲው ኦዲኪ» ያገሰ።

ናምዑ ናይታ ሌሚሶ

28 «ዩሱሲ ካሊዲካ ሃይሳዳ ያገሰ። ናምዑ ኣዳ ናይቲ ዳዒያ ኢሲ ኡራይ ዳዒሰ። ሂ ኡራይ ባይራ ናዓኮ ቢዲ፣ ታ ናዒው፣ ሃቺ ዋይኒያ ጊደ ባዳ ኦላ» ያገሰ። 29 ናዒይ ዛሬዲ፣ «ኣቶ ቢኪ» ያገሰ። ሽን ጉዬፔ ባ ዋዛናኮ ቆፐ ኤኪዲ ኦላናው ቢሰ። 30 ኣዋይ ባ ካሎ ናዓኮ ቢዲ፣ ባ ባይራ ናዓኮ ጊደይሳዳ ከቲሰ። ኢካ፣ «ኦር፣ ታ ኣዋው» ያገሰ። ሽን ቢቤናና። 31 ሃ ናምዑ ናይታፔ ባ ኣዋሰ ከቲቲዳይሲ ኣወሲ?» ያገሰ።

ኤንቲካ፣ «ባይራ» ያገደሶና።

ዩሱሲ ኢንታኮ፣ «ታ ሂንቲው ቱማ ኦዳይሰ፤ ቃራፃ ቃንዲሴይሳቲኔ ላይማቲይሳቲ ሂንቲፌ ሰንሳቲዲ ያሳ ካዋቲላ ጌላና። 32 ዓማቂያ ዮሃኒሲ ሱራ ኢጊያ ታማርሲሽ ዩን ኢ ጌይሳ ኣማኒቤኪታ። ሽን ቃራፃ ቃንዲሴይሳቲኔ ላይማቲይሳቲ ኣማኒዶሶና። ሂንቲ ሃራ ኣቶሽን፣ ኢንታ ቢዒዲካ ሂንቲ ናጋራፔ ሲሚዲ ኣማኒቤኪታ» ያገሰ።

ዋይኒያ ጊደን ኦሊያ ጎሻንቸታ ሌሚሶ
(ማር 12:1-12፣ ሉቃ 20:9-19)

33 ቃሲካ ዩሱሲ ሃይሳዳ ያገሰ። «ሃራ ሌሚሶ ሰዒቲ፣ ዋይኔ ቶኪዳ ኢሲ ኡራይ ዳዒሰ። ሂ ዋይኒያ ዩሹዋ ዳራሰ። ዋይኒያ ጉምዒያ ኦላካ ቦኪሰ። ዋይኒያ ናጋናው ሻኮካ ሻኪሰ። ሄሳፌ ጉዬ፣ ጋዲያ ኮሌ ኢሚዲ ሃራ ቢታ ቢሰ። 34 ዋይኔ ኣይፊያ ማዳያ ዋይኔ ጋከን ባና ጋኪያ ባጋ ኤኪዲ ያና ሚሳ ባ ኣይሌታ ኢንታኮ ዩዲሰ። 35 ኮሌ ኣዋቲ ኢያ ኣይሌታ ኣይኪዲ ኢሱዋ ዋቂዶሶና፣ ሃንኩዋ ዋቂዶሶና ቃሲ ኣቲዳይሳ ሹቻን ጫዲዶሶና። 36 ዋይኔ ኣታኪሊታን ጎዳይ ካሲይሳታፔ ዳሪያ ሃራ ኣይሌታ ከቲሰ። ኮሌ ኣዋቲ ኢንታ ቦላካ ሃንኮይሳታ ቦላ ኦሊዳይሳዳ ኦሊዶሶና። 37 ወርሲላን ኢ፣ ታ ናዒ ኣንቲ ቦንቻና!» ያገዲ ባ ናዒ ኢንታኮ ከቲሰ።

38 «ሽን ኮሌ ኣዋቲ ናዒ ቢዒዲ ባንታ ጊደን ጋዲያ ላታናይሲ ሃይሳ፣ ኢያ ዋቂዲ ጋዲያ ኦኒ ላቶሰ!» ያገደሶና። 39 ናዒ ኣይኪዲ ዋይኒያ ጊደፌ ጋፃ ከሲዲ ዋቂዶሶና።

40 «ሂዛ፣ ዋይኔ ኣታኪልቲያ ጎዳይ ያ ዋዴ ሄ ኮሌ ኣዎታ ዋታኔ?» ያጊዲ ኦይቺስ።

41 ኤንቲ ዛሪዲ፣ «ኢ ሄ ኢታ ኣሳታ ኢታ ዎጶ ዎጶዲ፣ ዎይኔይ ኣይፊያ ዎዴ ኢያ ጋኪያ ባጋ ዎዴን ዎዴን ኢሚያ ሃራ ኮሌ ኣዎታስ ኢሚና» ያጊደሶና።

42 ዬሱሲ ዛሪዲ ኤንታኮ፣ ያሳ ቃላን፣

« ርገምቤይሳቲ ቦሪዲ ኢዲያ ሹቻይ፣ ጎዳ ፃጶ-ዋ ሚንሊያ፣ ኡባፌ ኣጲያ ሹቻ ጊዲስ።

ሃይሲ ጎዳይ ኦሌዳባ፤ ኑ ኣይፊያስ ማላሊያባ።

ጌቲቲዲ ፃፊቲዳይሳ ናባቢቤኩቲ?

43 «ሄሳ ጊሹ፣ ታጌ ሂንቲው ኦዳይስ፤ ያሳ ካዎቴላይ ሂንቲፌ ኤኩቲዲ ሎዎ ኣይፌ ኣይፊያ ኣሳታስ ኢሚታና። 44 [ሃ ሹቻ ቦላ ኩንዲያ ኡባይ ሚቁሬታና። ቃሲ ሄ ሹቻይ ኢያ ቦላ ዎጶዲ ኡራይካ ጋጩታና] † ያጊስ።

45 ካሂኔ ሃላቃቲኔ ፋሪሳዊቲ ዬሱሲ ኦዲዳ ለሚሱዋን ባንታና ኦዲዳይሳ ኤሪደሶና። 46 ኤንቲ ዬሱሳ ኦይካናው ኮዩደሶና፣ ሺን ኣሳይ ዬሱሳ ናቤ ኦሌዲ ዌሊያ ጊሹ ኣሳስ ያዩደሶና።

22

ያጋኖ ዌሳ ለሚሶ (ሉቃ 14:15-24)

1 ዬሱሲ ኣሳስ ዛሪዲ ሃይሳዳ ያጊዲ ለሚሶ ኦዲስ። 2 «ዎሳ ካዎቴላይ ባ ናናስ ያጋኖ ገገሲዳ ካወዎ ዳኔስ። 3 ሄ ካዎይ ያጋኖ ያና ሚላ ኦዲ ዎሌዳ ኣሳታ ዌጋናው ባ ኣይሌታ ከቲስ። ሺን ኣሳቲ ያናው ኮዩቦኮና። 4 ቃሲ ሃራ ኣይሌታ ዌጊዲ፣ ዌጌቲዳ ኣሳታኮ ቢዲ፣ ታጌ ታ ሳንጋታኔ ዎጶዲ ጋጋርሚንጶታ ሹካስ፤ ኡባባይ ገገሲ። ታ ያጋኑዎ ሃ ዩቲ ያጌቲ» ያጊዲ ከቲስ። 5 ሺን ዌጌቲዳይሳቲ ዌሳ ኢዲዲ፣ ባንታ ኦሶስ ኦሶስ ቢደሶና። ኢሶይ ባ ጎሻስ፣ ሃንኮይ ባ ዛልዲያስ ቢስ። 6 ሃራቲ ቃሲ ካወዎ ኣይሌታ ኦይኪዲ፣ ካወሺ ዎጶዲ ዎጶዲደሶና።

7 «ካዎይ ዳር ዩሎቲዲ፣ ባ ዎታዳሬታ ዬዲዲ ሹምፖ ዎጶዳይሳታ ዎጶሲስ፣ ኤንታ ካታማካ ፀ-ጊስ። 8 ሃሳፌ ጉዬ፣ ባ ኣይሌታኮ፣ ናጋኖይ ገገሲ፣ ሺን ዌጌቲዳይሳቲ ያጋኑዎስ ቤሲያ ኣሲ ገደኮና። 9 ሃሳ ጊሹ፣ ዎጋ ኦኑታ ቢዲ፣ ዳሚዳ ኣሲ ኡባ ያጋኑዎ ያና ሚላ ዌጌቲ» ያጊስ። 10 ኣይሌቲ ኦኒያ ቦላ ቢዲ ባንታ ዳሚዳ ኣሲ ኡባ ሎዎታኔ ኢታታ ኦሂዲ ያጋኖ ሻቃራ ጌልሲዲ ኮንሳደሶና።

11 «ሺን ካዎይ ካሳ ማናው ኡቲዳ ኣሳ ቤዓናው ጌሊዳ ዎዴ ያጋኖ ማፖ ማዒቦና ኣሲ ኣሲ ዳሚስ። 12 ኢያኮ፣ «ላ፣ ኔ ያጋኖ ማፖ ማፖና ዋናዳ ሃይሳ ጌላዲ?» ያጊስ። ሺን ኡራይ ሲዲ ገሲ።

13 «ካዎይ ባ ኣይሌታኮ፣ «ሃ ኡራ ኩሺያኔ ቶሁዎ ቃቺዲ፣ ካሬ ጳማ ኬሲ ዬጌቲ። ያን ኢያው ዬሆኔ ኣቻ ጋርጩላ ጊዳና» ያጊስ።

14 «ኣቻዳካ፣ ያሳ ካዎቴላይ ዌጌቲዳይሳቲ ዳር ሺን ዶሬቲዳይሳቲ ጉላ» ያጊስ።

ገራባ (ማር 12:13-17፤ ሉቃ 20:20-26)

15 ሃሳፌ ጉዬ፣ ፋሪሳዊቲ ቢዲ፣ ዬሱሳ ዋቲ ኦዲን ኦይካኔኮ ዘሬቲደሶና። 16 ባንታ ታማሪታኔ ሃርዲሳ ባጋታፒ ኢሶታ ኢሶታ ከቲደሶና። ኤንቲካ፣ «ኣስታማሪያው፣ ኔ ቱማ ኦዴይሳ ኦ ኤርስ። ኔጌ ኣሳቲ ኣሲ ሻካካ፣ ኣሳ ዎይጋንዴስ ጋዳ ኣይኮካ ኦላካ፣ ያሳ ኦኒያ ቱማቴላን ታማርሳሳ። 17 ኣኔ ኦስ ኦዲ፣ ኦጌ ሮሚ ካወዎስ ገራ ገራናው ቤሲ ቤሲኔ?» ያጊደሶና።

18 ሺን ዬሱሲ ኤንታ ኢታ ቆፋ ኤሪዲ፣ «ሃ ጩቦቶ፣ ታና ኣይሰ ገጩቲ?» 19 ገራ ገሪያ ሚሺያ ታና ቤሲቲ» ያጊስ። ኤንቲካ ኢያው ሳንቲሚ ኤሂደሶና። 20 ኢ፣ «ሃ ሱካይኔ ማላይ ኦዳባዬ?» ያጊስ።

21 ኤንቲ፣ «ሮሚ ካወዎይሳ» ያጊደሶና። ያቲን ዬሱሲ ኤንታኮ፣ «ሂዛ፣ ካወዎስ ቤሲይሳ ካወዎስ፣ ያሳስ ቤሲይሳ ያሳስ ኢሚቲ» ያጊስ።

22 ኤንቲ ሃሳ ሲዲዳ ዎዴ ማላሌቲዲ ኢያ ማታፒ ኣጊዲ ቢደሶና።

ሃይቆፕ ዳንዶባ (ማር 12:18-27፤ ሉቃ 20:27-40)

23 ሄ ጋላስ ሃይቆፕ ዳንዶይ ባዎ ያጊያ ሳዲቃዊቲ ዬሱሳኮ ዩዲ፣ ያጊዲ ኢያ ኦይቺደሶና። 24 «ኣስታማሪያው፣ «ሙሴይ፣ ኢሲ ኣሲ ናና ዬሎና ሃይቁኮ፣ ሄ ሃይቁዳይሳ ኣሻይ ኢያ ማቺው ኤኪዲ፣ ባ ኣሻሰ ናና ዬሎ» ያጊዲ ከቲስ። 25 ኑ ኤሪያ ላፑን ኣሻቲ ዳደሶና። ባይራይ ማቻ

ኢኪዲ ናባ ዩሎና ሃይቀሰ። ኢያ ማቸው ኢያ ካሎ አሻይ ኢኪሰ። 26 ሄሳዳካ፣ ሄ ማጫሲው ኢኪዲ ናምዓንሰይካ፣ ሄሸንሰይካ፣ ቢዲ ላፑናቲ ወራና ጋካናው ኡባይ ሃይቀደሶና። 27 ኡባፊ ጉዬ ሄ ማጫሲያ ሃይቃሱ። 28 ያቲን፣ ላፑናቲ ኡባይ ኢያ ኢኪዲ ጊሾ ሃይቆፔ ዳንዲያ ጋላሰ፣ ሄ ማጫሲያ ላፑናታ፤ አወሳሰ ማቸ ጊዳኔን?» ያገደሶና።

29 ዩሱሲ ዛራዲ፣ «ሂንቲ ያሳ ቃላይ ታማርሲያባ ዋይኮ ኢያ ዋልቃ ኤርና ጊሾ ባሊታ። 30 አሳይ ሃይቆፔ ዳንዲያ ዋይ ሳሎን ዳዲያ ከታንቸታ ሜላ ገደናቲ አቲን ኢኮኮና ጌሎኮና። 31 ቃሲ ሃይቀዳ አሳቲ ሃይቆፔ ዳንዲያባ ያሳይ ሂንቲው ኦዲዳይሳ ናባቢቤኪት? 32 ያሳይ፣ ታኒ አብራሃሜ ያሳ፣ ዳሳቃ ያሳ፣ ያይቆባ ያሳ፣ ያገሲ። ሄሳ ጊሾ፣ ያሳይ ገፃ ዳዲያሳታ ያሳፊ አቲን ሃይቀዳይሳታ ያሳ ገደና?» * ያገሲ።

33 ዳር አሳይ ሄሳ ሰዒዲ፣ ኢያ ቲሚርቲያን ማላሌቲዶሶና።

ኡባፊ ባይራቲያ ከታ
(ማር 12:28-34፤ ሉቃ 10:25-28)

34 ዩሱሲ ሳዲቃዊታሰ ጋናባ ቋይሲዳይሳ ፋሪሳዊቲ ሰዒዲ ዋይ ኢሲፊ ሸቄዶሶና። 35 ኢንታ ገደፊ ኢሲ ሂጌ አሰታማሪይ ዩሱሳ ፓጩ ኦይሾ ኦይቸሰ። 36 «አሰታማሪያው፣ ሂጌ ኡባፊ አዲይሲ አወሲ?» ያገደዱ ኦይቸሰ።

37 ዩሱሲ ዛራዲ፣ « ሳይ ጎዳ፣ ኔ ያሳ፣ ኔ ኩሜሳ ዋዛና፤ ኔ ኩሜሳ ሸምፑዋፊ፣ ኔ ኩሜሳ ቆፋፔ ዶሳ። 38 ኡባፊ አዲይሲኔ ባይራ ከታይ ሃይሳ። 39 ናምዓንሰ ኡባፊ አዲያ ከታይ፣ አሲ ኡባ ኔ ሁዒያ ኔ ዶሲይሳዳ ዶሳ፣ ያገይሳ። 40 ሙሴ ሂጌይኔ ናቤታ ቲሚርቲይ ኡባይ ሃ ከታታ ቦላ ካቶሶና» ያገሲ።

ከሪሰቶሳባ ኦይቸዳ ኦይሻ
(ማር 12:35-37፤ ሉቃ 20:41-44)

41 ፋሪሳዊቲ ኢሲ ቦላ ሸቄዲ ዳዒሸን፣ ዩሱሲ ኢንታና። 42 «ከሪሰቶሳባ ሂንቲ ዋይጌት? ኢ ኦይ ናዒ?» ያገደዱ ኦይቸሰ።

ኢንቲ፣ «ኢ ካወዋ ዳዊቲ ናዒ» ያገደዱ ዛሪዶሶና።

43 ዩሱሲ ኢንታኮ፣ «ያቲን፣ ዳዊቲይ ጌሻ አያናን ገዲዲ ዋቲዲ ከሪሰቶሳ፣ ሳዳ፣ ገዲ ያገ? ዳዊቲይ ጊሸ።

44 ሳሳዳ ያሳይ፣ ታ ጎዳኮ፣ †
ኔ ዋርኬታ ኔ ቶሆይ ዩዲያሶ ኦሳና ጋካናው፣
ሃይሳን ታፔ ኡሻቻ ባጋን ‡ ኡታ፣ ገሲ።

45 ሂዛ፣ ዳዊቲይ ከሪሰቶሳ ጎዳ ገዲ ያገኮ፣ ዋኒዲ ከሪሰቶሲ ዳዊቲ ናዒ ገዲ?» ያገሲ።

46 ዩሱሳሰ ኢሲ ቃላ ዛራናው ዳንዳዒዳ አሲ ኦኒካ ባዋ። ቃሲ ሄ ጋላሳፔ ዶሚዲ ሃራ ኦይሻ ኦይቻናው ኦኒካ ዳንዳዒቤና።

23

ሂጌ አሰታማሪታኔ ፋሪሳዊታ ኢታቲላ
(ማር 12:38-39፤ ሉቃ 11:43-46፤ 20:45-46)

1 ሃሳፊ ጉዬ፣ ዩሱሲ ሸቄዳ አሳሲኔ ባ ታማሪታሰ ሃይሳዳ ያገሲ። 2 «ሂጌ አሰታማሪታኔ ፋሪሳዊቲ ሙሴ ሂጌያ ቢላናው ማታራ ዶዶሶና። 3 ሄሳ ጊሾ፣ ኢንቲ ሂንቲና ከቲያ ኡባ ኦሲቲኔ ናገቲ። ሸን ኢንቲ ኦሲቲሳዳ ኦላፊቲ። አይሲ ገኮ፣ ኢንቲ ኦይይሳዳ ኦላኮና። 4 ኢንቲ ቶካናው ዳንዳዒቶና ቶሆ ቃቸዲ አሳ ቶሶሶና። ሸን ባንታው ሃሪ አቶሸን፣ ሄ ቶሆዋ አሳይ ቶኪያ ዋይ ቢራዴ ያራን ቦቻናው ኮኮኮና።

5 «ሸን ኢንቲ ባንታ ኦሶ ኡባ አሲ ቤዓና ሜላ ኦላሶና። ባንታ ሰምዖኒኔ ቄሴን ቃቸያ ማፃፋ ያቄሴይ ዳዲያ ከታፊ ዳልጊሶሶና። ባንታ ማዑዋ ማጫራካ አዲሶሶና። * 6 ሞኪቲያ ቤሳን ቦንቸ ቤሲኔ አይሁዳ ዋሳ ኬሳታን ዳር ሎዒያ ኦይዴ ዶሶሶና። 7 አሳይ ጊያን ኢንታና ቦንቸን ሳርላናይሳኔ ሳሰታማሪያውን ገዲ ያጋናይሳ ኮኮሶና።

* 22:32 ያሳይ ገፃ ዳዲያሳታ ያሳፊ አቲን ሃይቀዳይሳታ ያሳ ገደና፣ ዩሱሲ ሃ ቤሳን ኦይዴ ያሳይ ሃ ሃይቀዳ ሄሸንሰይ ሶሲ ገዲኮ ኢንቲ ዳዶን ዳዶሶና ያገይሳ። 22:32 ከሳ 3፡6 22:37 ዛሬ 6፡5 22:39 ለዌ 19፡18 22:40 ሉቃ 10፡25-28 † 22:44 ታ ጎዳኮ፣ ሃ ቤሳን ዳዊቲይ ታ ጎዳ ገዲ ያገይ ከሪሰቶሳ። 22:44 ማዘ 110፡1 ‡ 22:44 ኡሻቻ ባጋን፣ ማታኔ ቦንቸ ቤሲ። 22:44 ማዘ 110፡1 * 23:5 ሰምዖኒኔ ቄሴን ቃቸያ ማፃፋ... ማዑዋ ማጫራ አዲሶሶና፣ ሄሳ ኢንቲ ኦላይ ያሳሰ ታ ኢሜታሰ ገያ ማላ ቤሳናሳ (ዛሬ 15፡37-41)። 23:5 ማቶ 6፡1፤ ዛሬ 6፡8፤ ታይ 15፡38

8 «ሽን ሃንቴ አስታማሪይ ኢሱዋ ዓለላ ገዲዳ ገሾኔ ሃንቴ ኡባይ አሸታ ገዲዳ ገሾ ለአስታማሪያውን ገቴተዱ ይገባሉ። 9 ሃንቴው ሳሎን ኢሲ አዋ ዓለላ ዲዲያ ገሾ ሃ ሳዓን ኦናካ ሰዋውን ገዲ ይገባሉ። 10 ሃንቴው ኢሲ ጎዳይ ከሪስቶሳ ዓለላ ዲዲያ ገሾ ሳዳውን ገቴተ ይገባሉ። 11 ሃንቴ ገዲን ባይራቴይ ሃንቴ አይሌ ገዲ። 12 ባና ገታያ ኦኒካ ካዉያና ባና ካዉሽያ ኦኒካ ገታታና።

ሃጊ አስታማሪቴን ፋሪሳዊቲ ቦሪቴደሶና
(ማር 12:40፤ ሉቃ 11:39-42፤ 44፤ 52፤ 20:47)

13 «ሃንቴና፣ ጨቦቶ፣ ሃጊ አስታማሪቶን ፋሪሳዊቶ፣ አሳ ሰንገላን ሳሎ ካዋጥላ ጎርደይሳቶ ሃንቴና አይ። ሃንቴ፣ ሃንቴ ሁዓን ገሌኬታ ቃሲ ሃራታካ ገሌሴኬታ።

14 [«ሃንቴና ጨቦቶ፣ ሃጊ አስታማሪቶን፣ ፋሪሳዊቶ፣ አምዒታ ኬላ ሃንቴ ቦንቂሼ፣ አሲ ቤታ ገዲ ዋሳ አዲሱታ። ሃሳ ገሾ፣ ሃንቴና አይ። ኡባሬ አዲያ ፐርደሲ ሃንቴና ናገሰ።] †

15 «ሃንቴና፣ ጨቦቶ፣ ሃጊ አስታማሪቶን ፋሪሳዊቶ፣ ሃንቴ አሲ ኡሪ አማንገሳናው አባራሬ ሳዓራ ዩዩታ። ሽን ሃንቴ ኢያ አማንገሳዳ ዋዴ ሄ ኡራ ሃንቴሬ አላዲ ጋርሜሲ ገሌተዳይሳ ኦላያ ገሾ ሃንቴና አይ።

16 «ኦኒካ ያሳ ኬላን ጨቂኮ አይኮይካ ባዋ። ሽን ያሳ ኬላን ዲዲያ ዋርቃን ጨቂኮ፣ ሄ ጨቆይ ኢያ ጎማና ገያ ቆቂቶ፣ ሃንቴው ቆቂዳ ሃራታ ካሌሌይሳቶ፣ ሃንቴና አይ። 17 ሃንቴና፣ ኤያቶ፣ ቆቂቶ፣ ዋርቃይ አዲዬ? ዋርቂያ ያሳሲ ዲማያ ያሳ ኬላይ አዲ? 18 ቃሲ ሰኒካ ያርሾ ያርሼያ ቤሳን ጨቂኮ፣ አይኮይካ ባዋ። ሽን ኦኒካ ኢያ ቦላ ዲዲያ ያርሹዋን ጨቂኮ፣ ሄ ጨቆይ ኢያ ጎማና ያገዲ ታማርሲታ። 19 ሃንቴና፣ ቆቂቶ፣ ያርሼይ አዲዬ? ያርሹዋ ያሳሲ ዲማያ ቤሳይ አዲ? 20 ሃሳ ገሾ፣ ያርሾ ቤሳን ጨቂኮ ኡራይ፣ ሄ ያርሾ ቤሳኒይ ኢያ ቦላ ዲዲያ ኡባባን ጨቂኮ። 21 ያሳ ኬላን ጨቂኮ ኡራይ፣ ሄ ያሳ ኬላኒይ ኢያን ዲዲያ ያሳን ጨቂኮ። 22 ሳሎን ጨቂኮ ኡራይ ያሳ አራታኒይ ሄ አራታ ቦላ ኡቲያ ያሳን ጨቂኮ።

23 «ሃንቴና፣ ጨቦቶ፣ ሃጊ አስታማሪቶን ፋሪሳዊቶ፣ ሃንቴና አይ። ሃንቴ ካራሳ ሳዋ፣ ናቲሮፔኒ ኦካሼፔ አስራታ ኬሴታ። ሽን ሃጊያን ዲዲያ አዲ ኮሼይሳታ አገደታ። ሄሲካ ሱሬ ፐርዳ፣ ቃዴቴሌኒ ኡባባን አማኔሌ። ሃራታካ አጎናሽን ሃይሳታ ሃንቴ ኦላናና ቤሴሰ። 24 ሃንቴው ቆቂዳ ሃራ አሲ ካሌሌይሳቶ፣ ሃንቴ ኡሻሬ ኡድንዳ ኬሲዲ ገማሌ ሚቲታ።

25 «ሃንቴና፣ ጨቦቶ፣ ሃጊ አስታማሪቶን ፋሪሳዊቶ፣ ሃንቴና አይ። ሃንቴ ሻቲያሲኒ ኬሪያሰ ቦላ ባጋ ገሼታ። ሽን ኤንታው ጋርሳን ቦንቂይኒ ኡዜቴሌ ኩሚ ኡቲሰ። 26 ኔና ቆቂ ፋሪሳዊያው፣ ሻቲያሲኒ ኬሪያሰ ጋርሳ ካሲታዳ ገሻ። ሃሳሬ ጉዬ፣ ቦላ ባጋይካ ገሼ ገዳና።

27 «ሃንቴና፣ ጨቦቶ፣ ሃጊ አስታማሪቶን ፋሪሳዊቶ፣ ሃንቴና አይ። ካራ ባጋራ ቃላሚ ተዩቴዲ ሎዲዲ፣ ገደን ሚቄሌኒ ዋቂዳባይ ኩሚዳ ዲፎታ ዳኔታ። 28 ሃሳዳካ፣ ቦላ ባጋራ አሳሰ ሎያ ዳኔታ። ሽን ሃንቴ ጋርሳን ጨቦቶሌኒ ኢታቴሌ ኩሚሰ።

29 «ሃንቴና፣ ጨቦቶ፣ ሃጊ አስታማሪቶን ፋሪሳዊቶ፣ ሃንቴና አይ። ሃንቴ ናቤታሰ ዲፎ ኬዳታ፣ ቃሲ ደሎታ ዲፋዋካ ሎይሴታ። 30 ቃሲ ሃንቴ፣ ሰኒ ቤኒ ኑ አዋታ ዋዴ ዲዲያ ገዲያኮ፣ ኤንታራ ኢሲሬ ናቤታ ሱላ ጉሶኮሽን» ያገኛ። 31 ሃሳ ገሾ፣ ሃንቴ ናቤታ ዋዲዳ አሳ ናይታ ገዲይሳ ሃንቴ ሃንቴ ሁዓን ማርካቲታ። 32 ሃዛ፣ ሃንቴ አዋቲ ደሚዳይሳ ሃንቴ ፖሊቴ።

33 «ሃ ሾሻቶ፣ ሾሻ ናይቶ፣ ሃንቴ ጋርሜ ፐርዳሬ ዋሲዲ አታኔ? 34 ሃሳ ገሾ፣ ታ ኦዲይሳ ሲዲቴቲ ታኒ ናቤታ፣ ጨንጨ አሳታኒ አስታማሪታ ሃንቴኮ ከታና። ኤንታሬ ኢሶታ ኢሶታ ሃንቴ ዋዳናኔ ማሰቃሉያ ቦላ ካቃና። ባጋታ አይሁዳ ዋሳ ኬላታን ሊሶን ጋራፋኔ ካታማፔ ካታማ ጎዳና። 35 ሃሳ ገሾ፣ ያሉዋ አቤላ ዋዲዳ ዋዲያፔ ደሚዲ፣ ያሳ ኬላሲኒ ያርሾ ቤሳሬ ገደን ሃንቴ ዋዲዳ ባራኪያ ናዓ ዛካሪያሳ ዋዴ ጋካናው ሃይቂዳ ያሉ አሳ ኡባ ገሾ ሃንቴ ሴራታና። 36 ታኒ ሃንቴው ቲማ ኦዲይሰ፤ ሃንቴኒ ሃንቴ አዋቲ ኡላዳ ባላሰ ሃ ፐርዳ ኡባይ ሃ ዩሌቴላ ቦላ ጋካና።

ዩሱሲ ዩሩሳላሚሰ ዩከሲ
(ሉቃ 13:34-35)

37 «ዩሩሳላሚ፣ ዩሩሳላሚ፣ ናቤታ ዋዲያሬ! ያሳይ ኔኮ ከቲዳይሳታ ሹቻን ጨዲያሬ! ኩቶይ ባ ናይታ ባ ቁሬን ሃዲይሳዳ ታኒ ኔ አሳ ታ ቁሲያን ገቻናው አፑን ቶሆ ኮያዲና! ሽን ታና ዲጋዳሳ። 38 ሃዛ፣ ሃንቴ ያሳ ኬላይ ካይሲ ገዳና። 39 ታኒ ሃንቴው ኦዲይሰ፤ ሳዳ ሰንገላን ዩይሲ አንጅተዳይሳ ሃንቴ ጋና ጋካናው ናምዓንሎ ታና ቤዓኬታ» ያገሰ።

23:11 ማቶ 20:26 23:12 ሉቃ 14:11፤ 18:14 † 23:14 ኢሲ ኢሲ ቤኒ ማጥፋቲ ፓይዳ 14 ጉጃሶና። 23:22 አሳ 66:1፤ ማቶ 5:34 23:23 ሉቃ 27:30 23:27 ሃ.ኦ 23:3 23:33 ማቶ 3:7፤ 12:34፤ ሉቃ 3:7 23:35 ማዴ 4:8፤ 2ታሪ 24:20 23:38 ኤር 22:5 23:39 ማዘ 118:26

24

ዬሱስ ያሳ ከላይ ላሌታናይሳ ካሴቲዲ ኦዲስ
(ማር 13:1-2፤ ሉቃ 21:5-6)

1 ዬሱስ ያሳ ከላይ ከዩዲ በሺን፣ እያ ታማሬቲ እያኮ ዩዲ፣ ማላሊቲዲ ያሳ ከላ ገምቢያ በሲዶሶና። 2 ዬሱስ ኤንታኮ ዛሪዲ፣ «ኤ! ሃይሳ ኡባ ቤዔቲ? ታኒ ሂንቲው ቱማ ኦዲይስ፤ ሹቹ ሹቻ ቦላ ገምቤቲዳ ማላ ላሊቶና ኦቲና» ያገሰ።

ሲንላፊ ሃናናባታ
(ማር 13:3-13፤ ሉቃ 21:7-19)

3 ዬሱስ ሻማሆ ዳሪያ ቦላ ኡቲዳሺን፣ እያ ታማሬቲ ባንታርካ እያኮ ዩዲ፣ «ሂሲ አወዴ ሃናኔኮ ኦስ ኦዲ፣ ቃሲ ኔ ዩሳሲኔ ዋዲያ ወርሴሳሰ ማላታይ ኣይቤ?» ያገዲ ኦይቹደሶና።

4 ዬሱስ ዛሪዲ፣ «ሂንቲና ኦኒካ ባሌሶና ማላ ናገቲቲ! 5 ኣይሰ ገኮ፣ ዳር ኣሳቲ ታ ሱንላን፣ ታኒ ከሪሰቶሳ፣ ያሳይ ኣሳ ኣሻናው ከቲዳይሳ» ያገሺ ዩዲ ዳር ኣሳ ባሌሶና። 6 ማታን ዳሪያ ኦላ ገርሳ፣ ሃሆን ዳሪያ ኦላ ዋሪ ስዓናው ዳሪያ። ሂሳ ማላባይ ሃናናው ቤሲያ ገሾ ሂርጎፊቲ። ሺን ወርሴሳይ ቡርና። 7 ዳሬይ ዳሪያሪ፣ ኢሲ ካዋቲላይ ሃሪ ካዋቲላሪ ኦሊታና። ኮሻይኔ ቢታ ቃዖይ ኡባ ቤሳን ሃናና። 8 ሂሲ ኡባይ ዩሎ ኦቲላሰ ዞኬ ማላ።

9 «ሂ ዋዳ ኣሳይ ሂንቲና ዋዬስ ኣሉ ኢማና፣ ቃቻናኔ ዋቻና። ታ ሱንላ ገሾ ኣሳ ኡባይ ሂንቲና ኢፃና። 10 ሂ ዋዳ ዳርቲ ኣማኖ ኣጋና። ባንታ ገደን ኢሱዋ ኢሱዋ ኢሱዋ ኢፃና። 11 ቃሲ ዳር ዋርዶ ናቤቲ ዳንዲዲ ዳርታ ባሌሶና። 12 ጌላቴሉ ዳሪያ ገሾ ዳር ኣሳ ሲቆይ ኢርፃና። 13 ሺን ወርሴሳይ ጋካናው ገንጨያ ኡራይ ኣታና። 14 ኣሳ ኡባሰ ማርካ ገዳና ማላ ያሳ ካዋቲላ ዋንጌላይ ቢታ ኡባን ኦዳታና። ሂሳፊ ጉዬ፣ ወርሴሳይ ያና።

ቴና ባሻ
(ማር 13:14-23፤ ሉቃ 21:20-24)

15 «ሂሳ ገሾ፣ ናቢያ ዳኔሊ ኦዲዳ ባሻ ቴናቴላይ ገሻ ቤሳን ኦቲዳይሳ ሂንቲ ቤዓና። (ኣኬኪሶ፡ ሂሲ ዋይ ጉሴኮ ናባቤይሲ ኣኬኮ!) 16 ሂ ዋዳ ዩሁዳ ቢታን ዳዔይሳቲ ዳሪያኮ ባቃቶ። 17 ከላ ሁዓን ዳሪያ ኡራይ ባ ሶን ዳሪያባ ኣካናው ሶ ጌሎና ባቃቶ። 18 ጋይን ዳዔይሲ ባ ማዑ ወካናው ጉዬ ሰባር። 19 ሂ ዋዳ ቃንሳ ማጫሳታሲኔ ቶንሊያ ማጫሳታሰ ዳር ኡንሳ ገዳና። 20 ባልንን ዋይኮ ሳምባታን ሂንቲ ባቃቶይ ገደና ማላ ያሳ ዋሲቲ። 21 ኣይሰ ገኮ፣ ሳዒ ማጫቶሳቲ ሃቹ ጋካናው ሃናናባይ፣ ቃሲ ሲንላፊካ ኡባራካ ሃናና ዋዬይ ሂ ዋዳ ሃናና። 22 ያሳይ ሂ ጋላሳታ ታይቡዋ ጉላናኮ ኣሲ ገዲዳ ኦኒካ ኣቴና። ሺን ኢ ባ ደሪዳ ኣሳታ ገሾ ሂ ጋላሳታ ታይቡዋ ጉላና።

23 «ሂ ዋዳ ኦኒካ ሂንቲና፣ ሂኮ፣ ከሪሰቶሲ ሃይሳን» ዋይኮ ሂኒን ዳዔሴን ያገኮ ኣማኖገቲ። 24 ኣይሰ ገኮ፣ ዋርዶ ከሪሰቶሳቲኔ ዋርዶ ናቤቲ ዳንዳና። ኤንታው ዳንዳዔቲኮ፣ ሃሪ ኣቶሺን ያሳይ ደሪዳይሳታካ ባሌሶናው ገታ ማላታቲኔ ማላሊሲያባታ ኦላና። 25 ኣኬኮቴ፣ ታኒ ሂንቲው ሃይሳ ካሲታዳ ኦዲስ።

26 «ሂሳ ገሾ፣ ኣሳይ ሂንቲኮ፣ ሂኮ፣ ከሪሰቶሲ ባዞን ዳዔሴን ገኮ፣ ያ ቦገቲ። ዋይኮ ሂንቲኮ፣ ሂኮ፣ ቆልቃኒ ዳዔሴን ገኮ፣ ኤንታኮ ኣማኖገቲ። 27 ኣይሰ ገኮ፣ ዋልዓንሉ ሳሎን ዋልዓንዲ፣ ደሎሃገ ወሎሃ ጋካናው ቤንቴይሳዳ፣ ኣሳ ናዓ ዩሳይ ሂሳዳ ሃናና።

28 «ባወቲ ዳዔይሴን ኣንኮቲ ሺቃና።

ከሪሰቶሲ ናምዓንሎ ያና
(ማር 13:24-27፤ ሉቃ 21:25-28)

29 «ሂ ዋዳ ሂ ዋዩ ጋላሳታገገ ጉዬ፣ ሰሁዋራ ኣዋይ ጳማና፣ ኣገናይ ባ ፖዑዋ ዲጋና። ያለንቶቲ ሳሎገ ዋቻና፣

ቃሲ ሳሎን ዳሪያ ዋልቃቲ ቡቁታና። 30 ሂ ዋዳ ኣሳ ናዓ ዩሳ ማላይ ሳሎዋ ቦላ ቤንታና። ሳዓን ዳሪያ ኣሲ ኡባይ ዩካና። ቃሲ ኣሳ ናዓይ፣ ዋልቃኒ ገታ ቦንቹዋሪ ሳሎዋ ሻራ ገደራ ዩሺን ኤንቲ ቤዓና። 31 ኢ ባ ከታንቸታ ገታ ፑኒያ ዋይዜራ ከታና። ኤንቲ ሳዓ ኦይዲ ባጋ ቢዲ፣ ሃ ጋፃገ ያ ጋፃ ጋካናው ዳሪያ እያው ደራሬቲዳይሳታ ሺሻና።

ጎዳይ ያና ጋላሳ ማለታ

(ማር 13:28-31፤ ሉቃ 21:29-33)

32 «ባላሴ ማሳፊ ታማሪት። ኢ እጩሲ ሃይዲያ ዋዴ ቶርቼይ ማታቲዳይሳ ሂንቲ ኤሬታ። 33 ሃሳዳካ፣ ሂንቲ ሃ ኡባባ ቢዳያ ዋዴ ዬሱሲ ማቲዳ ፔንገን ዴዌይሳ ኤሬቲ። 34 ታኒ ሂንቲው ቱማ ኦዳይሰ፤ ሃ ኡባባይ ፖሊታና ጋካናው፣ ሃ ዬሌቲላይ ኣዲና። 35 ሳሎይኔ ሳዓይ ኣፋና፣ ሺን ታ ቃላይ ኡባካ ኣዲና።

ጎዳይ ያና ጋላሳ ኦኒካ ኤሬና

(ማር 13:32-37፤ ሉቃ 17:26-30፣ 34-36)

36 «ሄ ጋላሳኔ ሄ ሳቲያ ሳሎን ዴዌያ ታ ኣዋፔ ኣቲን ሃሪ ሳሎ ኪታንቸታ ገዲን ዋይኮ ናባ ገዲን ኦኒካ ኤሬና። 37 ኣሳ ናባ ዩሳይ፣ ኖሃ ዋዴ ሃኒዳይሳ ማላ ገዲና። 38 ሄ ዋዴ ጳዮ ሃላይ ያናፔ ሲንጳ ኖሃይ ማርካቢያን ጌሊዳ ጋላሳ ጋካናው፣ ኣሳይ ማሺኔ ኡዬሹ፣ ኤኪሹኔ ጌሊሹ ጋምዲሰ። 39 ባሻ ሃላይ ዩዲ፣ ኤንታ ኡባ ጳይሳና ጋካናው ኣክኪቦኮና። ኣሳ ናባ ዩሳይካ ሃሳዳ ሃናና። 40 «ሄ ዋዴ ናምቡ ኣሳቲ ጋዴን ኦላና። ኤንታፊ ኢሳይ ኤኪታና፣ ሃንኮይ ኣታና። 41 ናምቡ ማጫሳቲ ኢሲፊ ጋጫና። ኤንታፊ ኢሲንያ ኤኪታና ሃንኪያ ኣታና። 42 «ሂዛ፣ ሂንቲ ጎዳይ ኣይ ጋላሰ ያኔኮ ሂንቲ ኤርና ገሾ ማኒዲ ናጌቲ። 43 ሺን ካይሶይ ቃማፊ ኣይ ሳቲን ያኔኮ ከላዋይ ኤሬያኮ፣ ባ ከላይ ቦኪቶና ማላ ባርኪዲ ናጋናሺን። 44 ሃሳዳካ፣ ኣሳ ናባይ ሂንቲ ቆፖና ሳቲን ያና ገሾ ሂንቲካ ገገዲ ዴዌቲ።

ኢታኔ ሎዎ ኣይሌታ ለሚሶ

(ሉቃ 12:41-48)

45 «ያቲን፣ ባ ሶ ኣሳሰ ካላ ኮሺያ ዋዲያን ኢማና ማላ ኢያ ጎዳይ ዶሪዳ ኣማንጼይሰኔ ዋዛናማ ኣይሌይ ኦኒ? 46 ኢ ባ ጎዳይ ከቲዳይሳ ኦላሺን ኢያ ጎዳይ ዩዲ ዴማያ ኣይሌይ ኣንጃቲዳይሳ። 47 ታኒ ሂንቲው ቱማ ኦዳይሰ፤ ጎዳይ ሄ ኣይሌያ ባባ ኡባ ቦላ ሹማና። 48 ሺን ሄ ኣይሌይ ኢታ ገዲኮ፣ ታ ጎዳይ ጋምዲያ ያና) ያገዲ ባ ዋዛናን ቆፕዲ፣ 49 ባ ላኔ ኦሳንቸታ ዋዶ ደሚኮ፣ ማሉቲይሳታሪ ሚኮኔ ኡዬኮ፣ 50 ሄ ኣይሌያ ጎዳይ ኢ ቆፖና ጋላሳኔ ኢ ኤርና ሳቲን፣ 51 ዩዲ ኢያ ቃንፃሬላና። ኢያ ቃዳ ጩኮታሪ ኦላና። ሄ ቤሳን ኢያው ዩሆኔ ኣቼ ጋርጩላ ገዲና።

25

ታሙ ጌላዖታ ለሚሶ

1 «ሄ ዋዴ ሳሎ ካዎቲላይ ባንታ ኩራዚያ ኦይኪዲ፣ ማቸ ኤሃናው ቢዳ ኣዲያ ሞካናው ኬዬዳ ታሙ ጌላዖታ ዳኔሰ። 2 ኤንታፊ ኢቻሻቲ ኤያ፣ ቃሲ ኢቻሻቲ ጩንጫ። 3 ኤያቲ ኩራዜ ኦይኪዲዳና፣ ሺን ሃሪ ለምባ ኦይኪቦኮና። 4 ሺን ጩንጫቲ ባንታ ኩራዚያኔ ሃሪ ጉዣ ለምባ ኦይኪዲዳና። 5 ማቸው ኤኪይሲ ጋምዲን፣ ሄ ጌላዖቲ ባንታና ጳሲኮይ ኦይኪን ጳሲኪዲዳና። 6 «ገዲ ቢላሄ ገዲያ ዋዴ ሳኒኮ፣ ማቸው ኤሄይሲ ጋኪሰ፣ ኢያ ሞካናው ከዬቲ) ያገያ ገታ ጫቢ ሲዳቲሰ። 7 «ሄ ዋዴ ሄ ጌላዖቲ ኡባይ ባርኪዲ፣ ባንታ ኩራዚያ ገገሲዲዳና። 8 ኤያቲ ጩንጫታኮ፣ ሓ ኩራዚይ ቶላና ሃኒያ ገሾ ሂንቲ ለምባፊ ኮሰ ኢማርኬቲ) ያገደሶና። 9 «ሺን ጩንጫቲ ኤንታኮ ዛሪዲ፣ ሳካይ፣ ኮሲኔ ሂንቲሰ ገዲያ ለምባ ባዋ። ሃሳ ገሾ፣ ሂንቲው ቢዲ ሻሚዲ ኤኪቲ) ያገደሶና። 10 ኤያ ጌላዖቲ ለምባ ሻማናው ቢን፣ ማቸው ኤኪይሲ ፑቲ ገሰ። ገጌቲ ኡቲዳ ኢቻሹ ጌላዖቲ ኢያራ ኢሲፊ ያጋኖ ከላ ጌሊዲዳና፤ ካሬይካ ጎርዴቲ ኣገሰ። 11 «ጉዬፕ ሃንኮ ጌላዖቲ ዩዲ፣ ሳዳው፣ ጎዳው፣ ኮሰ ዶያርኪ) ያገደሶና። 12 «ሺን ኢ ኤንታኮ ዛሪዲ፣ ታኒ ሂንቲው ቱማ ኦዳይሰ፤ ታ ሂንቲና ኤሪኪ!) 13 «ሂዛ፣ ኣሳ ናባይ ያና ጋላሳ ዋይኮ ሳቲያ ሂንቲ ኤርና ገሾ ባርኪዲ ናጌቲ።

ሄዥ ኦሳንቸታ ለሚሶ

(ሉቃ 19:11-27)

14 «ዎሳ ካዎቲላይ ባ ኦሳንቸታ ጃገዲ ባው ዴዳያባ ኤንታው ሹጲዲ ኦኔ ባናው ኬዬዳ ኡራ ዳኔሰ። 15 ኤንታው ሁዳን ሁዳን ኤንታ ዋልቃ ማላ ኢሱዋሰ ኢቻሹ ካርጂቲ ቢራ፣ ኢሱዋሰ ናምቡ ካርጂቲ ቢራ ቃሲ ኢሱዋሰ ኢሲ ካርጂቲ ቢራ ኢሚዲ ባ ኦጊያ ቢሰ። 16 ኢቻሹ ካርጂቲ ቢራ ኤኪዳ ኣይሌይ ሰሁዋራ ቢዲ ዛልዲዲ፣ ሃሪ ኢቻሹ ካርጂቲ ቢራ ዋዲሲሰ። 17 ሃሳዳካ፣ ቃሲ ናምቡ ካርጂቲ ቢራ ኤኪዳ ኣይሌይ ሃራ ናምቡ ካርጂቲ ቢራ ዋዲሲሰ። 18 ሺን ኢሲ ካርጂቲ ቢራ ኤኪዳይሲ ቢዲ፣ ኦላ ቦኪዲ፣ ባ ጎዳ ሚሺያ ሞገሰ።

19 «ዳር ዋዴፕ ጉዬ ሄ አይሌታ ጎዳይ ዪዲ፣ ባ ሚሺያ እንታራ ሳላዲስ። 20 ኢቻሹ ካርዒቲ ቢራ ኤኸዳ አይሌይ ዪዲ፣ ሃራ ኢቻሹ ካርዒቲ ቢራ እሃዲ፣ ታ ጎዳው፣ ኔኒ ታው ኢቻሹ ካርዒቲ ቢራ እማዳ፣ ሺን ታኒ ሃራ ኢቻሹ ካርዒቲ ቢራ ዋዲሳስ) ያገሰ። 21 ኢያ ጎዳይ፣ ሳዋቦይ! ኔኒ ሎዖኔ አማንሲያ አይሌ፤ ኔኒ ጉላባን አማኔታዳ፣ ታኒ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያገሰ።

22 «ቃሲ ናምቡ ካርዒቲ ቢራ ኤኸዳይሲ ዪዲ፣ ታ ጎዳው፣ ኔኒ ታው ናምቡ ካርዒቲ ቢራ እማዳ፣ ሺን ታኒ ሃራ ናምቡ ካርዒቲ ቢራ ዋዲሳስ) ያገሰ። 23 ኢያ ጎዳይ፣ ሳዋቦይ! ኔኒ ሎዖኔ አማንሲያ አይሌ፤ ኔኒ ጉላባን አማኔታዳ፣ ታኒ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያገሰ።

24 «ቃሲ ኢሲ ካርዒቲ ቢራ ኤኸዳይሲ ዪዲ፣ ታ ጎዳው፣ ኔኒ ዜርና ቤሳፌ ጫኬይሳኔ ቆርጮና ቤሳፌ ማዲያ ኢታ አሲ ገዳይሳ ታኒ ኤራይስ። 25 ሄሳ ገሹ፣ ያያዳ ኔ ቢራ ቢታን ሞጋስ። ኔ ሚሺይ ሃይሲሽ) ያገሰ።

26 «ኢያ ጎዳይ ዛሪዳ፣ ሳ ኢታ አዛላ አይሊያው፣ ታኒ ዜርና ቤሳፌ ጫኬይሳኔ ቆርጮና ቤሳፌ ማዲያ አሲ ገዳይሳ ኤራዳ፣ 27 ያተን፣ ኔኒ ታ ሚሺያ ባንከን ዋሊዳባ ገዲያኮ፣ ታኒ ሰሚያ ዋዴ ታ ሚሺያ ዋዴራ ኤካናይሳ ዲጋዳ፣ 28 ሄሳ ገሹ፣ ሚሺያ ኢያፕ ኤኸዳ፣ ታው ካርዒቲ ቢራ ዳዕይሳስ አሚቲ። 29 አይሰ ገኮ፣ ዳዕያ ኡባሰ ጉከታና ኔዳራ፣ ሺን ባይናይሳፌ ሃራ አቶሺን፣ ሄ ኢያው ዳዕያ ጉሊያካ ኤከታና። 30 ሃ ማዶና አይሊያ ካሬ ዱማ ኬሲ ዩገቲ። ያን ኢያው ዩሆኔ አቺ ጋርጮላ ገዳና) ያገሰ።

ዋዲያ ወርሱላን ሃናና ፐርዳ

31 «አሳ ናዓይ፣ ከታንቾ ኡባታራ፣ ባ ቦንቸዋሪ ያ ዋዴ ኢ ባ ቦንቾ ካዋታ አራታ ቦላ ኡታና። 32 ቢታን ዳዕያ አሲ ኡባይ ኢያ ሲንሌ ሸቃና። ሂንሳንቾይ ዶርሳታ ዳሻታፕ ሻኬይሳዳ ኢ ሄ አሳ ናምባን ሻካና። 33 ቃሲ ዶርሳታ ኡሻቻ ባጋራ ዳሻታ ሃዲርሳ ባጋራ ኤሳና።

34 «ሃሳፌ ጉዬ፣ ካዎይ ኡሻቻ ባጋራ ዳዕይሳታከ ሃይሳዳ ያጋና። 35 አይሰ ገኮ፣ ታኒ ኮሻቲን ሙዚዳታ፣ ሳዋቲን ኡሺዳታ፣ ኤሬቶና አማሳ አሲ ገዳዳ ቢን ሞኪዳታ፣ 36 ካሎቲን ማይዚዳታ፣ ሃርጌቲን ሃርጌሲዳታ፣ ቃሹቲን ታና ኦይቺዳታ) ያጋና።

37 «ሃሳፌ ጉዬ፣ ያሎቲ ዛሪዳ፣ ሳዳው፣ ኔኒ ኮሻቲን አወዴ ቤዒዳ ሙዚዳ? ዋይኮ ኔኒ ሳዋቲን አወዴ ቤዒዳ ኡሺዳ? 38 ኔኒ አማሌ ገዳዳ ዩን አወዴ ቤዒዳ ሞኪዳ? ዋይኮ ኔኒ ካሎቲን አወዴ ማይዚዳ? 39 ኔኒ ሃርጌን ዋይኮ ቃሹቲን ኔኮ ቤዒ ኔና አወዴ ኦይቺዳ?) ያጋና። 40 ካዋይ ዛሪዳ፣ ታኒ ሃንቴው ቱማ ኦዳይስ፤ ሃንቴ ታና ካሊያ ሃ ኡባፌ ጉዳይሳስ ኦላዳይሳ ታው ኡላዳታ) ያጋና።

41 «ሄ ዋዴ ሃዲርሳ ባጋራ ዳዕይሳታኮ፣ ሳ ቃንጌቲዳይሳቶ፣ ታ ማታፕ ሃከቲ። ያላሂሲኔ ኢያ ከታንቾታስ ገገዳ ሜሪና ታማን ቢቲ። 42 አይሰ ገኮ፣ ኮሻቲን ታና ሙዚቤኬታ፤ ሳዋቲን ኡሺቤኬታ። 43 ታኒ አማሌ ገዳዳ ቢን ታና ሞኪቤኬታ፣ ካሎቲን ማይዚቤኬታ፣ ሃርጌኒኔ ቃሹቲን ታና ኦይቺቤኬታ) ያጋና።

44 «ሄ ዋዴ ኤንቲ፣ ሳዳው፣ ኔኒ ኮሻቲን ዋይኮ ሳዋቲን ዋይኮ አማሌ ገዳዳ ቢን ዋይኮ ካሎቲን ዋይኮ ሃርጌን ዋይኮ ቃሹቲን ቤዒዳ ኔና አወዴ ማዶና አደዳ?) ያገዲ ዛሪና።

45 «ሄ ዋዴ ካዋይ ዛሪዳ እንታኮ፣ ታኒ ሃንቴው ቱማ ኦዳይስ፤ ሃንቴ ታና ካሊያ ሃ ኡባፌ ጉዳይሳ ማዶና አደዳይሲ፣ ታና ማዶና አደዳይሳ) ያጋና። 46 ሄሳ ገሹ፣ ሄ አሳቲ ሜሪና ፐርዳስ ቃሲ ያሎቲ ሜሪና ዳዕቆሰ ባና» ያገሰ።

26

ዬሱሳ ቦላ ማቄቲዶሶና (ማር 14:1-2፤ ሉቃ 22:1-2፤ ዮሃ 11:45-53)

1 ዬሱሱ ሃ ቲማርቲያ ኡባ ወርሲዳ ዋዴ ባ ታማሬታኮ፣ 2 «ናምቡ ጋላሳፕ ጉዬ፣ ፓሲካ ባሊ ቦንቾያ ጋላስ ገዳይሳ ኤሬታ። ሄ ጋላስ አሳ ናዓይ ማሰቃሊያ ቦላ ካቁታናው አሳ ኩሺን አዲ አሜታና» ያገሰ።

3 ሄ ዋዴ ካሂኔ ሃላቃቲኔ ጨማቲ፣ ቃያፋ ገያ ካሂኔ ሃላቃ ኬላን ሸቁዲ፣ 4 አሲ ኤርና ዬሱሳ ኦይኪዲ፣ ዋቆናው ማቄቲዶሶና። 5 ሺን ኤንቲ፣ «አሳይ ኦሺ ኬሶና ሜላ ገዲ፣ ፓሲካ ቦንቾያ ጋላስ ሄሳ አሎቲ» ያገዲሶና።

እሲ ማጫሲያ ዬሱሳ ሺቶ ቲያሱ
(ማር 14:3-9፤ ዮሃ 12:1-8)

6 ዬሱሲ ቢታኒያ ካታማን ባሮ ሃርጊዳ ሲሞና ሶን ዴዔስ። 7 ዬሱሲ እማቱዋ ቦላ ዴዔሺን እሲ ማጫሲያ አልባሰደርሴ ጸልቃፎ ከማላ ዳር አልዎ ሺቶ እካ ያዳ ዬሱሳ ሁዔን ቲታሱ።

8 ሺን ዬሱሳ ታማራቲ ሄሳ ቤዒዲ ሃንቁቲዲ፣ «ሃ ሺቶይ ጮ ኢቲይ ኣይቢሴ? 9 ሃ ሺቶይ አልዎ ታቲን ባይዘቲዲ፣ ሚሼይ ማንቆታስ አሚታናው ዳንዳዔቲስ» ያጊደሶና።

10 ዬሱሲ እንቲ ጌይሳ ኤሪዲ፣ አንታሱ፣ «ሃ ማጫሲው ኣይሰ ዋይሴቲ? እያ ታው ሎዎባ ኣሳስ። 11 ማንቆቲ ኡባ ዋዴ ሂንቴራ ዳና። ሺን ታኒ ሂንቴራ ኡባ ዋዴ ዴዔኪ። 12 እያ ሃ ሺቶዋ ታ ቦላ ቲጊዳይሲ ታና ዋጋናው ጊሳሳና። 13 ታኒ ሂንቴው ቱማ ኦዳይሰ፤ ቢታ ኡባን ሃ ዋንጊላይ ሳባኪቲያ ቤሳን አውንካ፣ ኣሳይ እያ ሃሳያና ማላ እያ ኩላዳይሲ ኦዳታና» ያጊሰ።

ዪሁዲ ዬሱሳ ኣሌዲ አማናው ጊጌቲስ
(ማር 14:10-11፤ ሉቃ 22:3-6)

14 ሄ ዋዴ ታማኔ ናሞሞ ዬሱሳ ታማራታፔ ኢሶይ፣ ኣስቆርታ ዪሁዲ ጌቲቲይሲ ካሂኔ ሃላቃታሱ፣ 15 ቢዲ፣ «ታኒ ሂንቴው ዬሱሳ ኣላ አሚኪ፣ ሂንቴ ታው ኣይ አማኔ?» ያጊዲ እንታ ኦይቺስ። እንቲ ዘራቲዲ ሃስታው ቢራ ሳንቲሜ *† አሚደሶና። 16 ሄሳፌ ጉዬ፣ ዪሁዲ ዬሱሳ ኣሌዲ አማናው እንጃቲያ ዋዴ ዋቺስ።

ዬሱሲ ፓሲካ ካሁዋ ባ ሃዋራታራ ሚስ
(ማር 14:12-21፤ ሉቃ 22:7-14፤ 21-23፤ ዮሃ 13:21-30)

17 ኡይላ ባሌ ቦንቺያ ኮይር ጋላስ፣ ዬሱሳ ታማራቲ ኢያኮ ዪዲ፣ «ፓሲካ ቦንቺያ ጋላስ ኔኒ ማና ካላ ኔኒ ኣውን ጊሲና?» ያጊደሶና።

18 ዬሱሲ እንታሱ፣ «ካታማን ዴዔያ ኣዲያኮ ቢዲ፣ ሳስታማራይ፣ ታው ዋዴይ ጋኪዳ ጊሾ ታ ታማራታራ ፓሲካ ቦንቺያ ጋላስ ኔ ሶን ኣላና ያጌሰ» ያጊቲ» ያጊሰ።

19 እያ ታማራቲ ዬሱሲ ባንታና ከቲዳይሳዳ ኣሌዲ፣ ፓሲካ ባሌ ጋላስ ማና ካላ ጊሲደሶና። 20 ሳዓይ ኦማርሲያ ዋዴ ዬሱሲ ታማኔ ናሞሞ ሃዋራታራ ካላ ማናው ኡቲስ። 21 እንቲ ሚሸን፣ ዬሱሲ እንታሱ፣ «ታኒ ሂንቴው ቱማ ኦዳይሰ፤ ሂንቴፌ እሲ ኡራይ ታና ኣሌዲ አማና» ያጊሰ።

22 እንቲ ዳር ዳጋሚዲ፣ ሁዔን ሁዔን፣ «ጎዳው፣ ቱማ ታኔሻ?» ጊዲ እያ ኦይቺደሶና።

23 ዬሱሲ ዛሪዲ፣ «ባ ኩሺያ ታራ ኢሲፌ ሻቲያን ዩዴይሲ እ ኃ ታና ኣሌዲ አማና። 24 ኣሳ ናዓይ፣ ያሳ ቃላን ኢያው ያፌቲዳይሳዳ ሃይቃና። ሺን ኣሳ ናዓ ኣሌዲ አሚያ ኡራ ኣዬ፤ ሄ ኡራይ ዩሌቶና ኣቲዳኮ ኢያው ሎዎሺን» ያጊሰ።

25 እያ ኣሌ አማናው ዴዔያ ዪሁዲ ዛሪዲ፣ «ኣስታማሪያው፣ ኔኒ ጌይ ታኔዬ?» ያጊሰ። ዬሱሲ ዛሪዲ፣ «ኔኒ ኔ ሁዔን ጋዳሳ» ያጊሰ።

ጎዳ ካሁዋ
(ማር 14:22-26፤ ሉቃ 22:15-20፤ 1ቆሮ 11:23-25)

26 እንቲ ሚሸን፣ ዬሱሲ ኡይላ ኤኪዲ ያሳ ጋላቲስ። ሄ ኡይላ ማንሌዲ ባ ታማራታስ አሚዲ፣ «ሂዒቲ፣ ሚቲ፣ ሃይሲ ታ አሹዋ» ያጊሰ።

27 ፀዓ ኤኪዲ፣ ያሳ ጋላቲስ። እንታው አሚዲ፣ «ኡባይ ሃይሳፌ ኡዩቲ። 28 ሃይሲ ዳር ኣሳ ናጋራይ እቶ ጌቲታና ማላ ጉኪያ ታ ሱላ። ሃ ሱላይ ያሳይ ሂንቴራ ጊሊያ ጫቁዋ ሚንሌይሳ።

29 ሺን ታኒ ሂንቴው ኦዳይሰ፤ ታኒ ታ ኣዋ ካዋቲላን ኡራላ ዋይኔ ኡሻ ሂንቴራ ኡያና ጋላሳ ጋካናው ናሞጎሳ ሃ ዋይኔ ኡሻ ኡዩኪ» ያጊሰ።

30 ጋላታ ማዘውራ ዩዲዳይሳፌ ጉዬ ሻማሆ ዳሪያ ቢደሶና።

ዬሱሲ ጸደርሲ ካዳናይሳ ኮይርቲዲ ኦዲስ
(ማር 14:27-31፤ ሉቃ 22:31-34፤ ዮሃ 13:36-38)

31 ሄ ዋዴ ዬሱሲ እንታሱ፣ « ሶሳይ ሂንጎንቺዋ ሸጫና ደርሳቲካ ላሌታና»

ጌቲቲዲ ያሳ ቃላን ያፌቲዳይሳ ማላ ሃቺ ቃማ ሂንቴ ኡባይ ታና ኣጊዲ ባቃታና። 32 ሺን ታኒ ሃይቆፔ ዴንዲዳፔ ጉዬ ሂንቴፌ ሲንጎታዳ ጋሊላ ባና» ያጊሰ።

33 ጸደርሲ ዛሪዲ፣ «እንቲ ኡባይ ኔና ኣጊዲ ባቃቲኮካ፣ ታኒ ኔና ኣጊኪ» ያጊሰ።

26:7 ሉቃ 7:37 26:11 ዛሬ 15:11 26:15 ዛካ 11:12 * 26:15 ቢራ ሳንቲሜ፣ ኣይኮይካ ገብጽቲና ጊሻ ቢራ ጉሱ። † 26:15 ሃስታው ቢራ ሳንቲሜ፣ ሃስታው ቢራ ሳንቲሜይ ኢሰራዒሌ ቢታን ኣይሌይ ሻሚቲያኔ ባይዘቲያ ጋቲ። 26:23 ማዘ 41:9 26:28 ኪሳ 24:8፤ ኤር 31:31 26:31 ዛካ 13:7 26:32 ማቶ 28:16

34 ዬሱሲ ጳጳሮሳኩ፡ «ታኒ ኔው ቱማ ኦዲይስ፤ ሃቺ ቃማ ኩቶይ ዋሳናፕ ሲንሌ ኔኒ ታና ሄዡ ቶሆ ካዳና» ያለሰ።

35 ጳጳሮሲ ዛሬዲ፡ «ታኒ ኔራ ኢሲፌ ሃይቆፕ ኣትን ኔና ኡባካ ካዲኬ» ያለሰ። ሃንኮ ኢያ ታማሬቲ ኡባካ ሃሳዳ ገደሶና።

ዮሱሲ ጌቴሴማኔን ዋሲስ

(ማር 14:32-42፤ ሉቃ 22:39-46)

36 ያቲዲ፡ ዮሱሲ ባ ታማሬታራ ጌቴሴማኔ ገያ ቤሳ ቢዲ፡ ኤንታኩ፡ «ታኒ ሂኒ ባዳ ያሳ ዋሳሻና፡ ሂንቴ ሃይሳን ኡቲቲ» ያለሰ። 37 ጳጳሮሳኔ ዛብዲዮሳ ናይታ ናምባታ ባራ ኤሲ ቢዲ ዳር ኣዛና ኤንዔቴላ ደሚስ። 38 ቃሲካ ኤንታኩ፡ «ታኒ ሃይቆስ ጋሊያ ኤንዓ ኤንዔታስ። ሃይሳን ታራ ጋምባቴኔ ማኒዲ ናገቴ» ያለሰ።

39 ጉላ ሲንሌ ቢዲ ቢታን ጉፋኒዲ፡ «ታ ኣዋው፡ ዳንዳዔቲያባ ገዲኮ ሃ ዋዬ ፀ-ዓ ታፕ ዲጋ። ሺን ኔ ሺኔይ ሃናፕ ኣትን ታ ሺኔይ ሃናፕ» ያለዲ ያሳ ዋሲስ።

40 ዮሱሲ ባ ታማሬታራ ሲሚ ዪዲ ኤንቴ ጳሰኪዳሺን ደሚስ። ጳጳሮሳኩ፡ «ሂንቴ ኢሲ ሳቴኮ ኔ ጳሰኮና ታራ ሚናናው ዳንዳዒቤኬት? 41 ፓጩን ሂንቴ ጌሎና ማላ ባርኪዲ ናገቴኔ ያሳ ዋሲቴ። ሂንቴው ሎዮ ኣዋይ ዳዕስ፡ ሺን ሂንቴ ዳቡራንሻ ኣሲ» ያለሰ።

42 ዮሱሲ ቃሲ ናምባንሎ ቢዲ፡ «ታ ኣዋው፡ ታኒ ሃ ዋዬ ፀ-ዓፕ ኡዮና ደዒሺ ኣቋናው ዳንዳዒቶናባ ገዲኮ ኔ ሺኔይ ሃና» ያለዲ ያሳ ዋሲስ። 43 ቃሲካ ሲሚ ዮዳ ኢያ ታማሬታ ኣይፊያ ጳሰኮይ ጎዘን፡ ዘንዒዳሺን ደሚስ።

44 ቃሲካ ኤንታ ኣገ ቢዲ፡ ካሲ ቃላ ዛሬ ሄዡንሎ ዋሲስ። 45 ሄሳፌ ጉዬ፡ ባ ታማሬታኮ ዪዲ፡ «ሃዒ ጋካናው ጳሰኪቴኔ ሺምፕቴ? ሂኮ፡ ኣሳ ናዓይ፡ ናጋራንሻ ትኩሺን ኣቋ ኢሚቲያ ሳቴይ ጋኪስ። 46 ደንዲዲ ዬቋቴ፡ ታና ኣሉዲ ኢሚይሲ ሃይሲሽ ጋኪስ» ያለሰ።

ዮሱሲ ባ ሞርኬታን ኦይኬቲስ

(ማር 14:43-50፤ ሉቃ 22:47-53፤ ዮሃ 18:3-12)

47 ዮሱሲ ቡር ሄሳ ሃሳዩሺን፡ ታማኔ ናምቡ ታማሬታፕ ኢሶይ፡ ዪሁዲ ጋኪ ዋቋስ። ካሂኔ ሃላቃቴኔ ዳሬያ ጨማቴ ከቲዳ ዳር ኣሳቴ ማሺኔ ፃምባ ኦይኪዲ ኢያራ ኢሲፌ ዪደሶና። 48 ዮሱሳ ኣሉ ኢሚያ ዪሁዲ ሄ ዳር ኣሳኩ፡ «ታኒ ዬሬይሲ ሂንቴ ኮዬይሲ ኢያ፡ ኢያ ኦይኪቴ» ያለዲ ማላ ኢሚ ዋሊስ።

49 ኢራካ ዮሱሳኮ ሸቁዲ፡ «ኣስታማሪያው፡ ሳር ዳዓይ» ያለዲ ኢያ ዬሪስ።

50 ዮሱሲ ኢያኩ፡ «ታ ላገያው፡ ኔኒ ኦላናባ ኦላ ኣጋ» ፤ ያለሰ።

ሃሳፌ ጉዬ፡ ሸቁዲ፡ ዮሱሳ ኦይኪደሶና። 51 ዮሱሳራ ዳዒይሳታፕ ኢሶይ ባ ማሻ ሾዒዲ ካሂኔ ሃላቃ ኣይሊያ ሸጪዲ፡ ኢያ ሃይላ ቃንፂዲ ዩገሰ። 52 ሺን ዮሱሲ፡ «ኔ ማሻ ጉዬ ሸሁዋን ዛራ። ኣይሰ ገኩ፡ ማሻ ሾዒያ ኡባይ ማሻን ሃይቃና። 53 ታ፡ ታ ኣዋ ዋሲያኮ ዳር ሙኩሉን ታይቤቲያ ከታንሻታ ዮዳናው ዳንዳዒናባ ኔው ዳኒ? 54 ያቲን፡ ያሳ ቃላን ሃሳዳ ሃናናው ቤሲስ ጌቴቲዳይሲ ዋኒዲ ፖሌታ?» ያለሰ።

55 ሄ ሳቲያን፡ ዮሱሲ ሄ ሸቁዳ ዳር ኣሳኩ፡ «ታና ፓንጋ ኦሉዲ ኦይካናው ማሺኔ ፃምባ ኦይኪዲ ዪዳቴ? ታኒ ያሳ ኬሳን ጋላስ ጋላስ ታማርሳሺ ሂንቴራ ዳዒያ ዋዩ ታና ኦይኪኬታ። 56 ሺን ሃይሲ ኡባይ ሃኒዳይሲ ናቤቲ ያሳ ቃላን ፃፊዳይሲ ፖሌታና ማላሳ» ያለሰ።

ሄ ዋዩ ኢያ ታማሬቲ ኡባይ ኢያ ኣገዲ ባቃቲደሶና።

ዮሱሲ ፐርዳ ሻንጎ ሲንሌ ሸቁስ

(ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዮሱሳ ኦይኪዳይሳቲ ካሂኔ ሃላቃ ቃያኣኮ ኢያ ኤፊደሶና። ያን ሂኒ ኣስታማሬቲኔ ቢታ ጨማቴ ሸቁዲ ዳዖሶና። 58 ሺን ጳጳሮሲ ካሂኔ ሃላቃ ዛባ ጋካናው ሃሆን ኢያ ካሊስ። ኢያ ዉርሴሳይ ሻኪታና ጋካናው ዛባ ጌሊዲ ናገይሳታራ ኡቲስ።

59 ካሂኔ ሃላቃቴኔ ሸቁዳ ኣሳ ኡባይ ዮሱሳ ዋቋናው ኢያ ቦላ ዋርዶ ማርካ ኮዩደሶና። 60 ዳርቲ ዪዲ ኢያ ቦላ ዋርዶ ማርካ ማርካቴደሶና። ሺን ኣይኮካ ደሚሶኮና። ጉዬፕ ናምቡ ኣሳቴ ዪዲ፡

61 «ሃ ኡራይ፡ ታኒ ያሳ ኬላ ላላዳ ሄዡ ጋላሳን ዛራ ኪያናው ዳንዳዒይሰ» ያለሰ» ያለደሶና።

62 ካሂኔታ ሃላቃይ ደንዲ ኤቁዲ ዮሱሳኩ፡ «ሃይሳቴ ኔና ሞቲያ ሞቶዋሲ ኔኒ ዛሬያባይ ባዌ?» ያለሰ። 63 ሺን ዮሱሲ ሲዲ ገሰ። ቃሲካ ካሂኔ ሃላቃይ፡ «ታኒ ኔና ዳር ያሳ ሰንሳን ኦይካይሰ፤ ኔኒ ያሳ ናዓ ከሪስቶሳ ገዲኮ ኮስ ኦዳ» ያለሰ።

64 ዮሱሲ ዛሬዲ፡ «ኔኒ ኔ ሁዔንካ ጋዳሳ። ሺን ታኒ ሂንቴው ኦዳይሰ፤ ሂዛፕ ጉዬ፡ ኣሳ ናዓይ ዋልቃማ ያሳ ኡሻታ ባጋን ኡቲዳሺን፡ ቃሲ ሳሎ ሻራራ ዪሺን ሂንቴ ቤዓና» ያለሰ።

‡ 26:50 ታ ላገያው፡ ኔኒ ኦላናባ ኦላ ኣጋ፡ ዋይኮ ሃራ ቢርሺሳይ ታ ላገያው፡ ኔ ሃይሳን ኣይ ኦላይ? 26:55 ሉቃ 19:47፤ 21:37 26:61 ዮሃ 2:19 26:64 ዳኔ 7:13

65 ሄ ዎዴ ካሂኔ ሃላቃይ ዳር ዪሎተዲ ባ ማዑዋ ፔጂዲ፡ «ሃይሳ በዒቲ ያሳ ጫዪሰ! ኑና ሃራ ማርካ ኣይ ኮሺ? ኢ ሃዒ ጫዪዲይሳ ሂንቴ ሰዒዲጃ፡፡ 66 ሂንቴ ቆፋይ ኣይቤ?» ያገሰ፡፡ ኤንጉካ፡ «ኢያው ሃይቆ በሴስ» ያገዲ ዛሪደሶና፡፡
 67 ያጉን፡ ኤንጉ ኢያ ሶምን ጨጉዲ ዴቸደሶና፡ ሃራቴ ኢያ ባቂዲ፡ 68 «ከሪሰቶሳ! ኔና ዴቸደይ ኦኔ? ኣኔ ኦስ ኦዳ» ያገደሶና፡፡

ጳዳርሲ ዬሱሳ ካዲሰ

(ማር 14:66-72፤ ሉቃ 22:56-62፤ ዮሃ 18:15-18፤ 25-27)

69 ጳዳርሲ ዛባን ኡተዳሺን፡ ኢሲ ኣይሊያ ኢያኮ ያዳ፡ «ኔኒካ ጋሊላ ዬሱሳራ ኢሲፌ ዴዓሳ» ያጋሰ፡፡

70 ሺን ኢ ኤንታ ኡባ ሲንፋን ሄ ኣይሊኮ፡ «ኔኒ ገያባይ ኣይቤኮ ታኒ ኤሪኬ» ያገዲ ካዲሰ፡፡

71 ቃሲ ቢዲ ዲርሳ ፔንጌኮ ጋኪሺን ሃራ ኣይሊያ ኢያ በዓዳ፡ ያን ዴዒያ ኣሳኮ፡ «ሃ ኡራይ ናዚሬቲ ዬሱሳራ ዴዒሰ» ያጋሰ፡፡

72 ጳዳርሲ ናምዓን፡ ጫቂዲ፡ «ታኒ ሄ ኡራ ኤሪኬ!» ያገሰ፡፡

73 ጉሉ ጋምዒሺን፡ ያን ኤቂዳ ኣሳቲ ጳዳርሳኮ ዪዲ፡ «ኔካ ቱማ ኤንታራ ኢሲፌ ዴዓሳ፤ ኔኒ ኔ ሃሳያን ኤራታሳ» ያገደሶና፡፡

74 ሄሳፌ ጉዬ፡ ጳዳርሲ፡ «ታኒ ሄ ኡራ ኤሪኬ!» ያገዲ፡ ባና ቃንገሌኔ ጫቆ ደሚሰ፡፡

ሄ ዎዴ ኡራካ ኩቶይ ዋሲ ኣገሰ፡፡ 75 ዬሱሲ ኢያኮ፡ «ኔኒ ኩቶይ ዋሳና፤ ሲንጳ ታና ሃዙ ቶሆ ካዳና» ገዳይሳ ጳዳርሲ ኣኬኪዲ፡ ካሬ ከዪዲ ኢታ ዬሆ ዬኪሰ፡፡

27

ዪሁዲ ባና ሱሊስ

(ማር 15:1፤ ሉቃ 23:1-3፤ ዮሃ 18:28-32)

1 ዎንታ ጉራ ካሂኔ ሃላቃቲኔ ቢታ ጨማቲ ኡባይ ዬሱሳ ዎጂሳናው ማቂቲደሶና፡፡ 2 ኤንጉ ዬሱሳ ቃቸ ኤፊዲ ዴሪያ ሃሪያ ጳላዎሳስ ኣሌዲ ኣሚደሶና፡፡

3 ሄ ዎዴ ዬሱሳ ኦይሌዳ ዪሁዲ፡ ጳላዎሲ ዬሱሳ ቦላ ፐርዲደይሳ በዒዲ፡ ቂርቲዲ፡ ሄ ሃሰታው ቢራ ሳንቴሚያ ካሂኔ ሃላቃታሲኔ ዴሪያ ጨማታሰ ጉዬ ዛሪሰ፡፡ 4 «ታኒ ዪሎ ኣሲ ሃይቆሰ ኣሳ ኣማዳ ናጋራ ኦሳስ» ያገሰ፡፡

ሺን ኤንጉ፡ «ሄሲ ኑ ሚቶ ገዳና ኔ ሚቶ» ያገደሶና፡፡

5 ዪሁዲ ሚሺያ ያሳ ኬላን ዬገ ኣገዲ ኤንታ ማታፔ ቢዲ፡ ሱሊቲ ሃይቂሰ፡፡

6 ካሂኔ ሃላቃቲ ሚሺያ ኤኪዲ፡ «ሃ ሚሺይ ሱላ ሚሺ ገዲያ ገሾ ኔኒ ያሳ ኬላ ሚሺያራ ጋሌይሲ ዎጋ ገዳና» ያገደሶና፡፡ 7 ሃሳፌ ጉዬ፡ ኢሲፌ ዛሪቲዲ፡ በቲ ኣሲ ዋጋናው ማና ቢታ ሻሚደሶና፡፡ 8 ሃሳ ገሾ፡ ሄ ጋይይ ሃቸ ጋካናው ሱላ ቢታ ኒቴቲ ዪኒቴሰ፡፡

9 ናቢያ ኤርሚያሲ፡ «ኢሰራዒሌ ኣሳይ ኢያው ቃንፃናው ጋማቲዳ ሃሰታው ቢራ ሳንቴሚያ ኤኪደሶና፡፡ 10 ጎዳይ ታና ኪቲዳይሳዳ ማና ቢታ ሻማናው ኣሚደሶና» ገዳይሲ ሄ ዎዴ ፖሊቲሰ፡፡

ዬሱሲ ጳላዎሳ ሲንፋን

(ማር 15:2-5፤ ሉቃ 23:3-5፤ ዮሃ 18:33-38)

11 ዬሱሲ ዴሪያ ሃሪያ ጳላዎሳ ሲንፋ ሸቂን፡ ጳላዎሲ ኢያኮ፡ «ኔኒ ኣይሁዴ ካዎ?» ያገዲ ኦይቸሰ፡፡

ዬሱሲ ዛሪዲ፡ «ኔ ጋዳሳ» ያገሰ፡፡

12 ካሂኔ ሃላቃቲኔ ቢታ ጨማቲ ኢያ ሞቲያ ዎዴ ኤንታው ኣይቢ ዛርካ ኣሚቤና፡፡

13 ሄ ዎዴ ጳላዎሲ ዬሱሳኮ፡ «ሃይሳቲ ኔና ሞቲያ ሞቱዋ ኡባ ሲዒኪ?» ያገሰ፡፡

14 ዬሱሲ ሃሪ ኣቶሺን፡ ኢሲ ቃላካ ዛርና ኢዳን፡ ዴሪያ ሃሪይሲ ዳር ማላሊቲሰ፡፡

ዬሱሳ ቦላ ሃይቆ ፐርዲቲሰ

(ማር 15:6-15፤ ሉቃ 23:13-25፤ ዮሃ 18:39-40፤ 19:1-16)

15 ዴሪያ ሃሪይሲ ላይላን ላይላን ፓሲካ ባሌ ቦንቸያ ጋላሳን፡ ኣሳይ ኮያ ኢሲ ኣሲ ቃሾፔ ቢርሺያ ዋገ ዴዒሰ፡፡ 16 ሄ ዎዴ ኢሲ ባርባና ዬሱሳ ገያ ዳር ኤሬቲዳ ኢታ ኣሲ ቃሾ ኬላን ዴዒሰ፡፡ 17 ሃሳ ገሾ፡ ዳር ኣሳይ ሸቂዲ ዴዒሺን ጳላዎሲ፡ «ታኒ ሃንቴው ባርባና ዬሱሳ ቢርሾዬ፡ ዎይኮ ዬሱሳ ገያ ከሪሰቶሳ ቢርሾ?» ያገዲ ኣሳ ኦይቸሰ፡፡ 18 ኢ ሃሳ ገዳይ ኤንጉ ቃናቲዳ ዬሱሳ ኦይሌዳይሳ ኤሪያ ገሾሳ፡፡

19 ጳላዎሲ ፐርዳ ኬላን ኡተዳሺን፡ ኢያ ማቸያ፡ «ታኒ ሃቸ ቃማ ኣሙሆን ኢያባ ዳር ዋዬታሽ ኣቂዳ ገሾ ሄ ዪሎ ኡራ ቦላ ኣይቢባካ ኦላፋ» ያጋዳ ኪታሰ፡፡

20 ሽን ካሂኔ ሃላቃቲኔ ዴሪያ ጨማቲ ጰላዎሲ ባርባና ቢርሺዲ፣ ዬሱሳ ዋቋና ማላ፣ አሳይ ኢያ ዋሳና ማላ፣ አሳ ጨሚደሶና።

21 ጰላዎሲ ዛሪዲ ኤንታኮ፣ «ታኒ ኤንታ ናምዓሬ ሂንቲው ኦና ቢላና ማላ ኮዬቲ?» ያጊዲ ኦይቸሰ።

ኤንቲ፣ «ባርባና ቢላና ማላ ኮዮሰ» ያጊደሶና።

22 ጰላዎሲ፣ «ያቲን፣ ዬሱሳ ገያ ከሪሰቶሳ ዋቶ?» ያጊዲ ኤንታ ኦይቸሰ።

ኡባይ ዛሪዲ፣ «ማስቃሊያ ቦላ ኢያ ካቃ» ያጊደሶና።

23 ጰላዎሲ አሳኮ፣ «አይሰ? ኢ አይ ኢታባ ኦላዲ?» ያጊዲ ኦይቸሰ።

ሽን አሳይ ካሴይሳሬ አላዲ፣ «ማስቃሊያ ቦላ ኢያ ካቃ» ጊዲ ዋሲደሶና።

24 ኦሺ ዴንጠላሬ ሃራ አይቢባካ ኦላናው ዳንዳዔቶናይሳ ጰላዎሲ ቤዲዲ፣ ሃላ ኤኪዲ፣ «ሃ ኡራ ሃይቁዋን ታኒ ዴዲኪ። ሃሳ ኦላይ ሂንቲና» ያጊዲ አሳ ሲንሳን ባ ኮሺያ ማጨቲሰ።

25 አሳ ኡባይ ዛሪዲ፣ «ኢያ ሱሳ ጎማይ ኮናኔ ኦ ናይታ ንኮ» ያጊደሶና።

26 ያቲን፣ ጰላዎሲ ባርባና ኤንታው ቢሊዲ፣ ዬሱሳ ሊሶን ጋራፊዲ፣ ማስቃሊያ ቦላ ካቁቲዲ ሃይቃና ማላ ኤንታው አላዲ ኢሚሰ።

ዋታዳሪቲ ዬሱሳ ቁልቁሲደሶና

(ማር 15:16-20፤ ዮሃ 19:2-3)

27 ሃሳሬ ጉዬ፣ ጰላዎሲ ዋታዳሪቲ ዬሱሳ ዴሪያ ሃሪይሳ ሶ ኤኪ ኤሬን፣ ዋታዳሪቲ ኡባይ ኢያ ዩሹዋን ኤቁደሶና። 28 ኢያ አፊላ ቃሪ ኤኪዲ ዘየ አፊላ * ማይዚደሶና። 29 ቃሲ አንጎላ ካላቻ ጊሲዲ፣ ኢያ ሁዒን ዋሊደሶና። ኢያ ኡሻቻ ኮሺያን ማይሬ ፃምዓ ኦይሲዲ፣ ኢያ ሲንሳን ጉልባቲዲ፣ «አይሁዴ ካዋው፣ ሙኩሶ ላይሲ ካዋታ!» ያጊዲ፣ ኢያ ቦላ ቁልቁሲደሶና። 30 ኢያ ቦላ ጨቲደሶና። ሃ ማይሬ ፃምዓ ኤኪዲ፣ ኢያ ሁዒን ሾጪደሶና። 31 ኤንቲ ኢያ ቦላ ቁልቁሲደይሳሬ ጉዬ ዘየ አፊላ ኢያፕቲ ቃሪ ኤኪዲ፣ ኢያ አፊላ ኢያ ማይዚደሶና። ማስቃሊያ ቦላ ኢያ ካቃናው ኤኪ ኤፊደሶና።

ዬሱሳ ካቁቲሳ

(ማር 15:21-32፤ ሉቃ 23:25-43፤ ዮሃ 19:17-27)

32 ኤንቲ ካሬ ኬዬዲ፣ ኢሲ ሲዋና ገያ ቁሪና ቢታ አሲ ዴሚዲ፣ ዬሱሳ ማስቃሊያ ዋልቃን ቶሲደሶና። 33 ጎልጎታ ገያ ቤሲ ጋኪደሶና። «ጎልጎታ» ጉሳይ «ጉጌ ቤሲ» ጉሱ። 34 ሃሳን ኤንቲ ጪዬ ዋላኬቲዳ ዋይኔ ኡሻ ኡዮ ጊዲ ኢያው ኢሚደሶና። ሽን ኢ ሃሳ ጋንጌ ኤኪዲ፣ ኡዮና ኢፀሰ።

35 ኤንቲ ማስቃሊያ ቦላ ኢያ ካቁደይሳሬ ጉዬ ኢያ አፊላ ሻኪዲ፣ ሳማ ዬጊዲ ኤኪደሶና። 36 ሃሳሬ ጉዬ፣ ያን ኡቲዲ ኢያ ናጊደሶና። 37 ቃሲ፣ «ሃይሲ አይሁዴ ካወዋ ዬሱሳ» ያጊያ ዋቶ ፀራያ ኢያ ሁዒ ሶን ዋሊደሶና። 38 ዬሱሳሬ ሃ ዋዴ ናምዑ ፓንጋታ ኢሱዋ ኢያፕቲ ኡሻቻ ባጋን፣ ሃንኩዋ ኢያፕቲ ሃዲርሳ ባጋራ፣ ማስቃሊያ ቦላ ካቁደሶና።

39 አጊያራ አጂያ አሳይ ዬሱሳ ሶሪዲ፣ ኢያ ቦላ ጨቲሺ። 40 «ዶሳ ኬላ ላላዳ ሂቹ ጋላሳ ጊዳን ኬፀይሶ፣ ኔና አሻ። ኔኒ ዶሳ ናባ ጊዲኮ፣ ኣኔ ማስቃሊያ ቦላሬ ዋቆ» ያጊደሶና።

41 ሃሳዳካ፣ ካሂኔ ሃላቃቲ፣ ሂጌ አስታማራቲኔ ቢታ ጨማቲ ኢሲሬ ዬሱሳ ቦላ ቁልቁሲደሶና። ሃይሳዳ ያጊደሶና። 42 «ሃራታ አሺሰ፣ ሽን ባና አሻናው ዳንዳዔቤና። ኢ ኢሰራዔሌ ካዋ ጊዲኮ፣ ኣኔ ማስቃሊያ ቦላሬ ሃሳ ዋቆ፣ ኦካ ኢያ አማናና። 43 ዶሳን ኢ አማኔቲሰ፣ ዶሳይ ኢያ አሻናው ኮይኮ ኣኔ አሻ። አይሰ ገኮ፣ ኢ ባና፣ «ታኒ ዶሳ ናባ» ጌሰ» ያጊደሶና።

44 ቃሲ ሃሪ አቶሺን፣ ኢያራ ማስቃሊያ ቦላ ካቁቲዳ ፓንጋቲካ ሃሳዳ ጊዲ ኢያ ቦላ ቁልቁሲደሶና።

ዬሱሳ ሃይቁዋ

(ማር 15:33-41፤ ሉቃ 23:44-49፤ ዮሃ 19:28-30)

45 ኡሶቱን ሳቲፔ ቢዲ፣ ኡዲፋን ሳቲ ጋካናው ቢታ ኡባይ ቆሚሰ። 46 ኡዲፋን ሳቲ ጊዲያ ዋዴ ዬሱሰ። «ኤሎሃ፣ ኤሎሃ፣ ሳማ ሳባቁታኒ?» ጊዲ ጊታ ዋሶ ዋሲሰ። «ኤሎሃ፣ ኤሎሃ፣ ሳማ ሳባቁታኒ?» ጌይሳ ቢርሼሳይ «ታ ዶሳው፣ ታ ዶሳው፣ ታና አይሰ አጋዲ?» ጉሱ።

47 ሃሳን ኤቁዳ አሳፕቲ ኢሶቲ ኢሶቲ ሃሳ ሲዲዲ፣ «ሃ ኡራይ ኤሊያሳ ጃጌሰ» ያጊደሶና። 48 ኢራ ኤንታሬ ኢሶይ ዋሪ ቢዲ፣ ኢሰፖንጃ ኤኪዲ፣ ጫላ ዋይኔ ኡሻ ኮንሳሰ። ሃሳ ማይሬ ፃምዓ ጂራን ዋሊዲ ኡሻናው ኢያ ደናኮ ሺሺሰ። 49 ሽን ሃንኮቲ፣ «ናጋ፣ ኤሊያሰ ኢያ አሻናው ያኔኮ ኣኔ ቤዶሰ» ያጊደሶና። 50 ዬሱሰ ናምዓንጾ ጊታ ዋሶ ዋሲዲ፣ ሃይቁ ኣሺሰ።

*
27:24 ዛሬ 21:6 27:28 ዘየ አፊላ፣ ቤኒ ዋዴ ካዋቲ ቦላራ ማዕያ አፊላ። 27:34 ማዝ 69:21 27:35 ማዝ 22:18 27:39 ማዝ 22:7፤ 109:25 27:40 ማቶ 26:61፤ ዮሃ 2:19 27:43 ማዝ 22:8 27:46 ማዝ 22:1 27:48 ማዝ 69:21

51 ሄ ሳትን ያሳ ከላን ካቁተዳ ማጋራጀይ ቆሞፊ ዱጌ ጋካናው ናሞዑ ከዬዲ፣ ፔዲተ ዋዲስ። ቢታይ ቃይስ፣ ዘላይካ ጳጳቁተስ። 52 ዱጌተ ደዬተን ያሳ አሳታጉ ዳርተ ሃይቆፔ ደንዲደሶና። 53 ኤንተ ዳርፎፔ ከዬዲ፣ ዬሱሲ ሃይቆፔ ደንዲደሶና ጉዬ ገሻ ካታማ ቢደሶና፤ ያን ኤንተ ዳር አሳስ ቤንተደሶና።

54 ማቶ ሃላቃይኔ ኢያራ ዬሱሳ ናጊያ ዋታዳሬተ ቢታይ ቃይዳይሳኔ ሄሳን ሃኒዳባ ቤዲዳ ዋዳ ዳር ያዩዲ «ተማ ሃይሲ ያሳ ናዳ» ያጊደሶና።

55 ሄሳን ዳር ማጫሳተ፣ ጋለላፔ ደሚዲ ዬሱሳ ሃጋዚሼ ካሊዳይሳተ ሃሆን ኤቁዲ ዲሎሶና።

56 ኤንታ ጊደን ማግደላ ማይራማ፣ † ያይቆባኔ ዮሴፋ አያ ማይራማኔ ዘብዲዮሳ ማቸያ ደይሶና።

ዬሱሳ ሞጌቲሳ
(ማር 15:42-47፤ ሉቃ 23:50-56፤ ዮሃ 19:38-42)

57 ሳዓይ ኦማርሲያ ዋዳ ዮሴፋ ጊያ ኢሲ ዱሬ ኡራይ፣ አርማቲያሳ ካታማፔ ዩስ። ኢ ባ ሁዔንካ ዬሱሳ ካሊያ አሲ። 58 ዮሴፊ ጳሊያሳኮ ቢዲ፣ ዬሱሳ አሃ ኤካናው ዋሲስ። ጳሊያሲ አሃይ ዮሴፋሲ አሚታና ሜላ ኪተስ። 59 ዬሱሳ አሃ ኤኪዲ፣ ገሻ ሞጎ አፊላን ፃፃስ። 60 ባው ሞጌታናው ሹቻፊ ዋጪዳ ኦራፋ ጎንጎሎን ኢያ አሃ ዋሊስ። ቃሲ ሄ ጎንጎሎዋ ደናን ጌታ ሹቻ ጎንጎርሲ ዋሊዲ አጊ ቢስ። 61 ማግደላ ማይራማኔ ሃንኮ ማይራማ ሄ ጎንጎሎዋኮ ሲሚዲ ኡተደሶና።

62 ዋንቴሌ ሳሞባታ ጋለስ፣ ካሂኔ ሃላቃቲኔ ፋሪሳዌቲ ጳሊያሳኮ ዩዲ፣ ሃይሳዳ ያጊደሶና። 63 «ጎዳው፣ ሃ ዋርዳንቸይ ገፃ ደዲሹ፣ ታኒ ሄዙ ጋለሳፔ ጉዬ ሃይቆፔ ደንዳና፤ ያጊዲይሲ ኑስ ሃሳዬተስ። 64 ሄሳ ጊሹ፣ ኢ ሞጌቲዳ ጎንጎሎዋ ሄዙ ጋለስ ጋካናው፣ ሚንሌ ናጋና ሜላ ኪታርኪ። ሄሲ ሃናና ኢጻኮ፣ ኢያ ታማሬተ ቢዲ ኢያ አሃ ካይሲ ቆይሲዲ፣ ሃይቆፔ ደንዲሰ። ያጊዲ አሳስ ኡዲኮ ናሞጎጎላ ባለሶይ ኮይርይሳፊ ኡባ ሃ ኢታና» ያጊደሶና።

65 ጳሊያሲ ኤንታኮ፣ «ሂንቴው ናጌይሳተ ደይሶና፤ ቢዲ ሂንቴው ደንዳዳቲዳ ሜላ ናጊሲቲ» ያጊሰ።

66 ሄሳ ጊሹ፣ ኤንተ ቢዲ ዱፎይ ቦሹቶና ሜላ ሹቻ ቦላ ማታሜ ዋሊዲ ዋታዳሬታን ናጊሲደሶና።

28

ዬሱሳ ሃይቆፔ ደንዲዋ
(ማር 16:1-10፤ ሉቃ 24:1-12፤ ዮሃ 20:1-10)

1 ሳሞባቲ አዲን ዋጋ ዋዳ ሞንታ ጉራ፣ ማግደላ ማይራማኔ ሃንኮ ማይራማ ዬሱሲ ሞጌቲዳ ጎንጎሎዋ ቤዳናው ቢደሶና። 2 ቆፖና ዋልቃማ ቢታ ቃይይ ሃኒስ። ጎዳ ኪታንቸይ ሳሎፔ ዋዲዲ ዱፋዋ ደናን ደዲያ ሹቻ ጎንጎርሲዲ ኢያ ቦላ ኡተስ። 3 ኢያ ማላይ ዋልግሳ ዳኒስ። ኢያ ማይሳይ ሻቻዳ ቦሊ። 4 ናጌይሳተ ኪታንቸዋ ቤዲዲ፣ ያሻን ኮኮሪዲ፣ ሃይቆዳ አሳዳ ሃኒደሶና።

5 ኪታንቸይ ማጫሳታኮ፣ «ሂንቴ ማስቃሊያ ቦላ ካቁተዳ ዬሱሳ ኮይይሳ ታኒ ኤሪያ ጊሾ ያዮፊቴ። 6 ኢ ካሲ ኡዳዳይሳ ሜላ ሃይቆፔ ደንዲሰ፤ ሃይሳን ዳና፣ ሃ ዩዲ ኢያ ዘንግሲዳ ቤሳ ቤዲቴ። 7 ሂንቴ ሃዲ ኤሊሲ ቢዲ፣ ኢያ ታማሬታስ፣ «ዬሱሲ ሃይቆፔ ደንዲሰ። ቃሲ ኢ ሂንቴፊ ስንሳተዲ ጋለላ ባና፤ ሂንቴ ኢያ ያን ቤዳና፤ ያጊዲ ኡዲቴ። ታኒ ሂንቴው ሃይሳ ኡዳናው ያስ» ያጊሰ።

8 ኤንቴ ያዩሼኔ ዳር ኡፋይቲሹ፣ ዱፋዋ ማታፔ ኤሌሲዲ ቢዲ፣ ኢያ ታማሬታስ ኡዳናው ዋዲደሶና።

9 ቆፖና ዬሱሲ ኤንታሪ ጋሄቲዲ ኤንታኮ፣ «ሳርይ ሂንቴው ጊደ» ያጊሰ። ኤንቴ ኢያኮ ሸቁዲ፣ ኢያ ቶሁዋ ኦይኪዲ ኢያው ጎይኒደሶና። 10 ሄ ዋዳ ዬሱሲ ኤንታኮ፣ «ያዮፊቴ፤ ቢዲ ታ ታማሬተ ጋለላ ባና ሜላ ኤንታው ኡዲቴ። ኤንቴ ያን ታና ቤዳና» ያጊሰ።

11 ሄ ማጫሳተ ቢሸን፣ ዱፋዋ ናጊያ ዋታዳሬታፔ ባጋቲ ካታማ ቢዲ፣ ሃኒዳባ ኡባ ካሂኔ ሃላቃታስ ኡዲደሶና። 12 ካሂኔ ሃላቃቲኔ ጪማቲ ሸቁዲ ዘሪቲዲ፣ ዋታዳሬታስ ዳር ሚሹ አሚዲ፣ 13 « ኮኒ ቋስኪዲሸን ኢያ ታማሬተ ቃማ ዩዲ፣ ኢያ አሃ ካይሲደሶና፤ ያጊቴ። 14 ሃ ኡዳ ደሪያ ሃይይሲ ስዲኮ፣ ሄሲ ሂንቴ ባላ ጊደናይሳ ኮኒ ኢያ ኡዲ አማንሳና። ሂንቴና አይቢካ ሂርጊሶፖ» ያጊደሶና።

15 ዋታዳሬቲ ሚሸያ ኤኪዲ፣ ከቲቲዳይሳዳ ኦሊደሶና። ሃ ኡዳይ አይሁዳ ማታን ሃቸ ጋካናው ኦዳቲሹ ደዲሰ።

ዬሱሲ ባ ታማሬታስ ቆንጪሲ
(ማር 16:14-18፤ ሉቃ 24:36-49፤ ዮሃ 20:19-23፤ ሃ.ኦ 1:6-8፤ 1ቆር 15:3-8)

27:51 ከላ 26:31 27:55 ሉቃ 8:2-3 † 27:56 ማግደላ ማይራማ፣ ጉሳይ ማግደላ ካታማፔ ዩዳ ማይራማ ጉሱ።
27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33

16 ታማኔ እሲ እያ ታማሬቲ ዩሱሲ ባንታና ቤቲ ጊዳ ጋለላ ዴሪያ ቦላ ቢደሰና። 17 ያን ኤንቲ እያ ቤዒዳ ዋዴ እያው ጎይኒደሰና፣ ሸጊን ኤንታሬ እሶቲ እሶቲ ሲጁደሰና።

18 ዩሱሲ ኤንታኮ ሸቁዲ፣ «ሳሎኒኔ ሳዓን ማቲ ኡባይ ታው ኢሜቲሰ። 19 ሂዛ፣ ሂንቲ ኡባ ቤሲ ቢዲ፣ አዋ፣ ናዓ፣ ጌሻ እያና ሱንላን አሴ ኡባ ፃማቁዲ ታና ካሌይሳታ ኦሲቲ። 20 ታኒ ሂንቲና ከቲዳባ ኡባ ኤንቲ ናጋና ሜላ ኤንታ ታማርሲቲ። ታኒ ዋዲያ ዉርሴላ ጋካናው ኡባ ዋዴ ሂንቲሬ ዴዓይሰ» ያገሰ።

ማርቆስ ፃፊዳ ዩሱፍ ኪሪስቶስ ዋንጌላ ጋሳ ቆፋ

ማርቆስ ዋንጌላይ፡ «ሃይሲ ያሳ ናዓ ዩሱስ ኪሪስቶስ ዋንጌላ ደሜላ» ጊሼ ኮሮሮ ደሜሰ። ሃ ዋንጌላን ዩሱስ ኦሶ አሰኔ ማታ አዋ ጊዲዲ ሸቁሰ። ኢያ ማታይ ኢያ ተሚርቲያን፣ ቱና ኢያና ቦላ ደዒያ ዋልቃኒኔ አሳ ናጋራፔ ማሬይሳን ቆንጨሰ። ዩሱስ፡ «ታኒ፣ አሳ ናጋራ ኣይሌቴላፊ ኬሳናው ታ ደዑዋ ኣላዳ ኢማናው ዪዳ አሳ ናዓ» ያጊዲ ባ ደናን ሃሳዩሰ።

ማርቆስ ዩሱስ ታሪኪያ ሱራ ኦኒኒኔ ዋልቁ ኩሚዳ ኦኒን ኦዲሰ። ማርቆስ ዩሱስ ቃላኔ ተሚርቲያ ጊደናሽን ኢ ኦሲዳ ማላሊሲያ ኦሶታ ባይራዪዲ ኦዲሰ። ማርቆስ ፃማቂያ ዮሃንሲ ታሪኪያ፣ ዩሱስ ዪንቃቴያኔ ኢያ ፓጩቴላ ቃንሳን ኦዲ ሲሚዲ፣ ዩሱስ ተሚርቲያኔ ኢያ ፓሱዋ ዳልጊሲዲ ኦዲሰ። ኣቁ ኣቁ ቢሽን ዩሱስ ታሚራቲ ዩሱስ ሎይሊዲ ኤሪ ኤሪ ቢደሶና፣ ሽን ዩሱስ ኣይይሳቲ ኣሊዲ ኢዲሼ ኢዲሼ ቢደሶና። ዉርሴላ ሽምፖተ ዩሱስ ደግን ዉርሴላ ሳሚንታን ፖሌቴዳ ኦሶታ ባ ኦዲሶና። ሄሳቲካ ኢያ ካቁቴላኔ ኢያ ደንዲዋባ ኦዲሶና።

ማርቆስ ዋንጌላ ኣይፌ ቆፋታ

ዋንጌላ ደሜላ 1:1-13

ዩሱስ ጋለላን ባ ኦሱዋ ኦይኪዳይሳ 1:14-9:50

ዩሱስ ዩሩሳላሜን ኦሊዳ ኦሱዋ 10:1-52

ዉርሴላ ሳሚንታ ዩሩሳላሜ ሄራን 11:1-15:47

ዩሱስ ሃይቆፔ ደንዲዋ 16:1-8

ሃይቆፔ ደንዲዳ ጎዳ ቆንጨፍላኔ ሳሎ ኬሳ 16:9-20

ፃማቂያ ዮሃንሲ ኦኒ ጊሊሴሰ

(ማቶ 3:1-12፤ ሉቃ 3:1-18፤ ዮሃ 1:19-28)

1 ሃይሲ ያሳ ናዓ ዩሱስ ኪሪስቶስ ዋንጌላ ደሜላ። 2 ናቢያ ኢሳያሲ ፃፊዳ ማፃፃን ያሳይ፡ «ሂኮ፣ ታኒ ታ ኪታንቸዋ

ኔፔ ሲንሌ ዩዳና።

ኢ ኔ ኦጊያ ጊሊሳና።

3 ኢሶይ ባዘ ጊደን ባ ቃላ ዶቁ ኦሊዲ፣

ሳዳ ኦጊያ ጊሊሴቲ፤

ኢ ሃሙታና ሆርጋ

ኢያው ሱሪሴቲ ጊሰ »

ያጊሰ።

4 ፃማቂያ ዮሃንሲ አሳ ፃማቂሼ፡ «ሂንቲ ናጋራፔ ሲሚዲ ፃማቂቲቲ፤ ያሳይ ሂንቲ ናጋራ አቶ ጋና» ያጊዲ ቃላ ኦዲሼ ባዘ ቢታፊ ዩሰ። 5 ዪሁዳ ቢታን ደዒያ አሳይ ኡባይኔ ዩሩሳላሜ ካታማ አሳ ኡባይ ዮሃንሳቦ ዮሶና። ባንታ ናጋራ ፓዲን፣ ዮሃንሲ ኤንታ ዮርዳናሴ ሻፋን ፃማቂሰ።

6 ዮሃንሲ ገማሌ ኢኪሴፔ ዳዴቲዳ አፊላ ማዕሰ። ባ ዪሳን ዳዴ ዳንጨሰ፤ ቃሲ ቦሊኔ ደገራ ኤሲ ሜሰ። 7 ዮሃንሲ ቃላ ኦዲሼ፡ «ታፔ ጉዬራ ዳር ሚኔይሲ ዩሰ። ሃሪ ኣቶሽን፣ ታኒ ኢያ ጫማ ዋደሩዋ ሆካዳ ቢላናው ቢሲኬ። 8 ታኒ ሂንቲና ሃሳን ፃማቃይሰ። ሽን ኢ ሂንቲና ጌሻ ኣያናን ፃማቃና» ያጊሰ።

ዩሱስ ፓጩቴላ

(ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዩሱስ ሄ ዋዪ ጋለላ ቢታን ደዒያ ናዘራቲ ካታማፔ ዪን፣ ዮሃንሲ ዮርዳናሴ ሻፋን ኢያ ፃማቂሰ። 10 ዩሱስ ሃላፊ ኬያ ዋዪ ሳሎይ ደዬቲን፣ ጌሻ ኣያናይ ባ ቦላ ሆሌዳ ዋዲሽን ቤዒሰ።

11 ቃሲ ሳሎፔ፡ «ታኒ ደሲያ ታ ናዓይ ኔና፤ ታ ኔናን ኡፋይታይሰ» ያጊያ ቃላይ ዩሰ።

12 ኢራ ጌሻ ኣያናይ ዩሱስ ባዘ ቢታ ኤፊሰ። 13 ዩሱስ ባዘ ቢታን ፃላሂን ፓጩቴሼ ኦይታው ጋለሰ ጋምሲ። ደዓታራ ደዒሰ። ሽን ኪታንቸቲ ዪዲ ኢያ ማዲደሶና።

ዩሱስ ሞሎ ኦይኪያ ኦይዲ አሳታ ዪሊሰ

(ማቶ 4:12-22፤ ሉቃ 4:14-15፤ 5:1-11)

14 የሃሲስ ቃሽቲዳ፣ ገዬ ዬሱሲ ያሳ ካዎቱላ ዋንጌላ ኦዲሼ ጋለላ ቢታ ቢስ። 15 ያን። «ዋይይ ጋከስ፤ ያሳ ካዎቱላይ ማታቲስ። ሃንቲ ናጋሪ፣ ሰሚዲ፣ ዋንጌላን ኣማኒቲ» ያገሰ።

16 ዬሱሲ ጋለላ ኣባ ማታ ኣጂሹ፣ ሞሎ ኦይኪያ፣ ሰሞና ኢያ ኣሻ ኣንዲሪያሳ፣ ባንታ ጊቲያ ኣባን ዩጌይሳታ ቤዓስ። 17 ኣንታኮ፣ «ታና ካለቲ፤ ታኒ ሃንቲና ኣሴ ኣይሉ ታማርሳና» ያገሰ።

18 ኣንቲ ሰሁዋራ ባንታ ጊቲያ ዩጊ ኣጊዲ ዬሱሳ ካሊደሶና።

19 ዬሱሲ ጉሊ ሰገሌ ቢዲ፣ ናምዑ ኣሻታ ዛብዲዮሳ ናይታ፣ ያይቆባኔ የሃሲሳ ዋሳሉዋ ገደን ባንታ ጊቲያ ገሊሴይሳታ ቤዓስ። 20 ኢ ኣንታ ቤዓዲ ማላ ጂገስ። ኣንቲ ባንታ ኣዋ ዛብዲዮሳ፣ ኢያ ኣሳንቸታራ ዋሳሉዋ ገደን ዩጊ ኣጊዲ ዬሱሳ ካሊዲ ቢደሶና።

ቱና ኣያናይ ኦይኪዳ ኡራይ ፓዲስ
(ሉቃ 4:31-37)

21 ኣንቲ ቁፊርናሆሚ ካታማ ገሊደሶና። ሳምባቲ ገሊዲ ማላ ዬሱሲ ኤሌሲዲ ኣይሁዳ ዋሳ ከሊ ገሊዲ ታማርሶ ኦይኪስ። 22 ማታራ ዲዓያ ኣሳዳ ታማርሴሲ፣ ኣቲን ሃጌ ኣስታማራታሶ ታማርሶና ገሾ ኣሳይ ኢያ ቲሚርቲያን ማላላቲደሶና።

23 ሃ ዋይ ቱና ኣያናይ ኦይኪዳ ኢስ ኡራይ ኣይሁዳ ዋሳ ከሊ ገሊዲ ባ ቃላ ቶቁ ኦሊዲ፣ 24 «ናዚሬቲ ዬሱሳ፣ ኔኒ ኮፔ ኣይ ኮያይ? ኮና ቆይሳናው ያዲ? ኔኒ ኦኔኮ ታ ኤራይስ፤ ኔኒ ያሳ ገሻ ጊዲኪ?» ያገሰ።

25 ዬሱሲ ሄ ቱና ኣያና፣ «ሃይዛ፣ ሃ ኣዲያፊ ከያ» ገዲ ከቲስ።

26 ቱና ኣያናይ ኡራ ዲፊሬሊዲ፣ ዋሲዲ ኢያፔ ከዩስ። 27 ኣሳይ ኡባይ ማላላቲዲ፣ «ሃይሲ ኣይቤ? ሃ ኡራይ ባ ማታን ሃሪ ኣቶሽን ቱና ኣያናታካ ከቲስ። ኣንቲ ኢያው ከቲቶሶና፤ ሃይሲ ኣይቤ ኡራላ ቲሚርቲ?» ገዲ፣ ባንታ ገደን ኢሶይ ኢሶዋ ኦይቺደሶና።

28 ዬሱሳ ሰንሳይ ኤሌሲዲ ጋለላ ቢታን ዲዓያ ሄራ ኡባን ከዩስ።

ዬሱሲ ዳር ሃርጋንቸታ ፓሊስ
(ማቶ 8:14-17፤ ሉቃ 4:38-41)

29 ዬሱሲ ኣይሁዳ ዋሳ ከላፊ ከዩዲ፣ ያይቆባራኔ የሃሲሳራ ሰሞና ሶኔ ኣንዲሪያሳ ሶ ቢስ። 30 ሰሞና ማቼ ኣያ ቆዩ ሚሻ ሃርጋዳ ዘንዲዳር ዬሱሲ ያ ጋኪያ ዋይ ኢያው ኦዲደሶና። 31 ኢ ኣኮ ሸቂዲ፣ ኢ ኩሺያ ኦይኪዲ፣ ኢዮ ዳንላ ኤሲስ። ቆያይኔ ሚሻይ ኣገን ኢያ ኣንታ ሞካስ።

32 ሃርጊዳ ኣሳ ኡባይ ቱና ኣያናቲ ኦይኪዳ ኣሳ ኡባ ስማርሲ፣ ኣዋይ ሙሊዳፔ ገዬ ኢያኮ ኤሂደሶና። 33 ካታማን ዲዓያ ኣሳ ኡባይ ሄ ከላ ካራ ሸቂደሶና። 34 ዬሱሲ ዲማ ዲማ ሃርጊን ኦይኪቲዳ ዳር ኣሳ ፓሊዲ፣ ዳር ቱና ኣያናታ ከሲስ። ኢ ኦኔኮ ቱና ኣያናቲ ኤራዳ ገሾ ኣንታ ኦዲሶና ዲገስ።

ዬሱሲ ጋለላን ታማርሲስ
(ሉቃ 4:42-44)

35 ዬሱሲ ዋንታ ጉራ ዲንዲዲ፣ ኣሲ ባይና ቤሲ ቢዲ፣ ያን ያሳ ዋሲስ። 36 ሰሞኒኔ ኢያራ ዲዓይሳቲ ኢያ ኮዩሼ ቢደሶና። 37 ኣንቲ ኢያ ዲሚዲ፣ «ኣሳይ ኡባይ ኔና ኮዩስ» ያገደሶና።

38 ዬሱሲ ቃሲ ኣንታ፣ «ሄ ሄራን ዲዓያ ሃራ ካታማታ ዩጂቲ። ታኒ ዩዲይ ዋንጌላ ኦዲናው ገዲያ ገሾ ያንካ ቃላ ኦዲናው ቤሲስ» ያገሰ። 39 ኣይሁዳ ዋሳ ከላታን ቃላ ኦዲሼኔ ቱና ኣያናታ ከሲሼ፣ ጋለላ ቢታ ኡባን ዩዩስ።

ዬሱሲ ባር ሃርጋንቸዋ ፓሊስ
(ማቶ 8:1-4፤ ሉቃ 5:12-17)

40 ባርይ ኦይኪዳ ኢስ ኡራይ ዬሱሳኮ ዩዲ፣ ኢያ ሲንሳን ጉልባቲዲ፣ «ኔኒ ኮይኮ ታና ገቫናው ዳንዳባሳ» ያገዲ ዋሲስ።

41 ዬሱሲ ኢያው ቃዴቲዲ፣ ባ ኩሺያ ዩዲዲ ኢያ ቦቹዲ፣ «ታኒ ኮያይሰ፣ ጌያ» ያገሰ። 42 ሰሁዋራ ባርይ ኡራ ዩዲን ኡራይ ፓዲስ። 43 ዬሱሲ ኡራ ሚንላ ናገሲዲ ከሲ ዩዲስ። 44 ዬሱሲ ኢያ፣ «ኔና ኡራ፣ ሃይሳ ኦይሰካ ኦዲፓ። ሽን ባዳ ኔ ኣሳቲላ ካሂኔ ቤሳ። ኔኒ ሃዒ ጌሽ ገዲዳይሳ ኣሳ ኤሪሳናው፣ ሙሴይ ከቲቶ ያርሹዋ ያርሻ» ያገሰ።

45 ሽን ኡራይ ቢዲ፣ ጉታ ኡባን ኣሳ ኡባስ ኦዲስ። ሃሳ ገሾ፣ ዬሱሲ ቆንጩ ከዩዲ፣ ካታማ ጌላናው ዳንዳባሳና። ሽን ኣሲ ባይናሶን ጋዓን ዲዓስ፤ ቃሲ ኣሳይ ኡባ ቤሳፊ ኢያኮ ዮሶና።

2

ዬሱሲ ጉንዳ ኡራ ፓሊስ
(ማቶ 9:1-8፤ ሉቃ 5:17-26)

1 ጉሳ ጋላሳ፣ ጉዬ ዬሱሲ ቁፅርናሆሜ ሲሚዲ፣ ሶን ዳዔስ ጊያ ኦዳይ ሲዔቲስ። 2 እሳ ከላይ ኤኮና ኢደን፣ ሃሪ አቶሺን ካሪይካ ፀማና ጋካናው ዳሮ እሳይ ሸቄን፣ ዬሱሲ ቃላ ታማርሲስ። 3 ኦይዲ እሳቲ ኢሲ ጉንዳ ኡራ ቶኪዲ ኢያኮ ኤሂደሶና። 4 እሳይ ዳሪዳ ጊሾ ኡራ ዬሱሳኮ ሸሻናው ኤስታው ዳንዳዔቶና ኢደን፣ ዬሱሲ ዳዔያ ገናራ ከላ ቃሪዲ፣ ካራ ቃወዲዲ ኡራ ኢ ዘንዲዳ ኤልጋራ ዲጌ ዬዲዲ ዬሱሳ ሲንሳን ዋዲሲደሶና። 5 ዬሱሲ ኤስታ አማኑዋ ቤዲዲ፣ ሄ ጉንዳ ኡራ፣ «ታ ናዓው፣ ኔ ናጋራይ አቶ ጌቲቲስ» ያገሰ።

6 ሂጌ አስታማሪታ፣ ሄ ቤሳን ኡቲዳ ኢሶቲ ኢሶቲ ባንታ ዋዛናን፣ 7 «ላ ሃ ኡራይ ሃይሳ ሜላ ኢታባ ያሳ ቦላ አይስ ኦዳቲ? ያሳ ያላላ፣ ኣቲን ሃሪ ኦኒ ናጋራ አቶ ጋናው ዳንዳዔ?» ጊዲ ቆፕደሶና።

8 ኤስቲ ባንታ ዋዛናን ሄሳዳ ቆፕደይሳ ዬሱሲ ሰሀዋራ ባ እያናን ኤራዲ፣ ኤስታኮ፣ «ሂንቲ ሂንቲ ዋዛናን አይስ ሄሳዳ ቆፕቲ? 9 ጉንዳ ኡራ፣ ሳ ናጋራይ አቶ ጌቲቲስ» ጌይሲ ማቴዬ? ዋይኮ፣ «ዴንዳ ኤቃዳ ኔ አልጋ ቶካዳ ባ» ጌይሲ ማቴ? 10 ሸን ታው፣ እሳ ናዓስ፣ ሳዓ ቦላ ናጋራ አቶ ጋናው ማቴ ዳዔይሳ ሂንቲ ኤራና ሜላ» ጊዲ ሄ ጉንዳ ኡራኮ፣ 11 «ኔና ጋይስ፣ ዴንዳ ኤቃዳ ኔ አልጋ ቶካዳ ኔ ሶ ባ» ያገሰ።

12 ኡራይ ኤሊሲ ዳንዲ ኤቃዳ፣ ባ አልጋ ቶኪዲ እሳ ኡባይ ቤዲሸን ቢስ። እሳይ ኡባይ ማላሊቲዲ፣ «ኦኒ ሃይሳ ሜላ ማላሊሲያባ ቤዲ ኤሮኮ» ያገዲ ያሳ ጋላቲደሶና።

ዬሱሳ ለዌ ያገሰ
(ማቶ 9:9-13፤ ሉቃ 5:27-32)

13 ዬሱሲ ቃሲ ጋሊላ እባ ደና ሲሚ ቢዲ፣ ባኮ ዪዳ እሳ ኡባ ታማርሲስ። 14 ያራ አዲሽ፣ ኢልፊዮሳ ናዓ ለዌ ጌቲቲይሲ ቃሪዳ ቃንዲሲያ ቤሳን ኡቲዳይሳ ቤዲዲ፣ «ታና ካላ» ያገሰ። ለዌይ ዳንዲ ኤቃዲ ኢያ ካሊስ።

15 ዬሱሲ ካላ ማናው ለዌ ሶን ኡቲስ። ኢያ ካሊያ እሳይ ዳሮ ጊዲያ ጊሾ ቃሪዳ ቃንዲሲያ ዳሮ እሳይ ናጋራንቸቲ ኢያራኔ ኢያ ታማሪታራ ኢሲፊ ኡቲደሶና። 16 ሂጌ አስታማሪ ጊዲዳ ኢሲ ኢሲ ፋሪሳቲቲ ዬሱሲ ናጋራንቸቲ ኤስቲ ቃሪዳ ቃንዲሲያሳታራ ካላ ሚሸን ቤዲዲ፣ «ኢ አይስ ናጋራንቸቲ ኤስቲ ቃሪዳ ቃንዲሲያሳታራ ካላ ማ።» ያገዲ፣ ኢያ ታማሪታ ኤስቸደሶና።

17 ዬሱሲ ኤስቲ ጌይሳ ሲዲዲ፣ «ሃርጋንቸታ፣ ኣቲን ፓዓታስ አኪሜ ኮሸና። ታኒ ናጋራንቸታ ዪጋናው ያሲፔ ኣቲን ያሎታ ዪጋናው ያሲኬ» ያገዲ ኤስታው ዛሪስ።

የማባ ኤራናው ሸቄዳ ኦይሻ
(ማቶ 9:14-17፤ ሉቃ 5:33-39)

18 የማቄያ ዮሃንሳ ታማሪቲኔ ፋሪሳዊቲ ያሞሶና። ኢሲ ኢሲ እሳቲ ዬሱሳኮ ዪዲ፣ «ዮሃንሳ ታማሪቲኔ ፋሪሳዊታ ታማሪቲ ያሞሶና፣ ሸን ኔ ታማሪቲ አይስ ያሞኮና?» ያገደሶና።

19 ዬሱሲ ኤስታኮ፣ «ያንኑዋ ዪዳ እሳቲ ማቸው ኤኬይሲ ኤስታራ ዳዔሸን፣ የማናው ዳንዳዔና? ማቸው ኤኬይሲ ኤስታራ ዳዔሸን፣ የማናው ዳንዳዔኮና። 20 ሸን ማቸው ኤኬይሲ ኤስታ ማታፔ ኤኬታና ዋዳይ ያና፣ ኤስቲ ሄ ዋዳ የማና።

21 «ጩጋ ማየ ቦላ ኦራሳ ዋላዲ ሲኪያ እሲ ባዋ። ዋላዲ ሲኪኮ፣ ኦራሳይ ጩጋ ማዑዋ ዳኬስ፤ ዳኬሳይካ ካሲይሳፊ ዳሪስ። 22 ቃሲ ማልዓንቶ ዋይኔ ጩጋ ኦጎሮን ቆሊያ እሲ ባዋ። ሸን ቆሊኮ፣ ሄ ዋይኔይ ኦጎሮን ዳኬስ፣ ባወካ ጉኬስ፣ ኦጎሮይካ አቲስ። ሸን ማልዓንቶ ዋይኔይ ኦራሳ ኦጎሮን ቆሊኮ» ያገሰ።

ሳሞባታባ ኤራናው ሸቄዳ ኦይሻ
(ማቶ 12:1-8፤ ሉቃ 6:1-5)

23 ዬሱሲ ኢሲ ሳሞባታ ጋላሳ ባንጋ ጋዴ ጊደራ አዲሽን፣ ኢያ ታማሪቲ ኢያራ ቢሼ ባንጋ ቲያ ሸርኪዲ ሞሶና። 24 ፋሪሳዊቲ ዬሱሳኮ፣ «ሄኮ፣ ኔ ታማሪቲ ሳሞባታ ጋላሳ ዋጋ ጊደናባ አይስ ኦሶና?» ያገደሶና።

25 ዬሱሲ ኤስታኮ፣ «ዳዊቲይ ኮሻቲዲ፣ ሚያባ ኮዪዳ ዋዳ ባራ ዳዔይሳታራ ኦላዳይሳ ናባቢኬቲ? 26 ኢቢያታሪ ካሂኔ ሃሳቃ ጊዲዲ ዳዔያ ዋዳ ዳዊቲይ ያሳ ኬላ ጌሊዲ፣ ካሂኔታ ያላሊ ማናፔ ኣቲን ኦኒካ ማናው ዋጋ ጊደናይሳ ጎዳ ሲንሳን ዋላዳ ዳቡዋ ሚስ፣ ባራ ዳዔይሳታሳካ ኢሚስ» ያገሰ።

27 ቃሲካ ዬሱሲ ኤስታኮ፣ «ሳሞባቲ እሳ ናዓ ጎዓስ ሜዴቲሲፔ ኣቲን ኢሲ ሳሞባታስ ሜዴቲቤና። 28 ሄሳ ጊሾ፣ እሳ ናዓይ፣ ሃሪ አቶሺን ሳሞባታስካ ጎዳ» ያገሰ።

3

ዬሱሲ ኩሼ ጉንዳ ኡራ ፓሊስ

(ማቶ 12:9-14፤ ሉቃ 6:6-11)

1 ዬሱሲ እይሁዳዎ ዋሳ ኩሊ ሰሚ ጌሊሰ። ያን ኩሼይ ጉንዲዳ አሲ ኡራይ ዴዴሰ።² አሲ አሲ አሳይ ዬሱሳ ዋታናው ኮዩዲ፣ ኩሼይ ጉንዲዳ ኡራ ሳምባታ ፓሊስ ኢ ፓሊኮኔ አገኪ ቤዓናው ኮዩዲ ሚንሱዲ ናጎሶና።³ ዬሱሲ ኩሼይ ጉንዲዳ ኡራ፣ «ዳንዳ ኤቃዳ ሃ ሲንሱ ያ» ያገሰ።⁴ ሃሳፌ ጉዩ፣ አሳኮ፣ «ሳምባታ ፓሊስ ሎገባ ኦሌይሲ ዋጌይ ኢታባ ኦሌይሲ ዋጌ? አሳ ሸምፖ አሸዬ ዋይኮ ዋዶ?» ያገዲ አይቺሰ።

ሺን አሳይ ሲዒ ገሰ።⁵ ዬሱሲ ሃንቁቲዲ፣ ኤንታ ዩሺ አላ ያሊዲ፣ ኤንቲ ኦዲን ሲያናይሳታ ገዲያ ገሾ ኤንታ ቦላ ዳር አዛኪስ። ሄ አዲያኮ፣ «ኔ ኩሼያ ፒዲ ኦላ» ያገሰ። ኡራይ ፒዲ ኦላን ኢያ ኩሼይ ፓረሰ።⁶ ኤሊሲዲ ፋሪሳዌቲ እይሁዳ ዋሳ ኩላፌ ካሪ ኬዩዲ፣ ዬሱሳ ዋቲ ዋዳኔኮ ማቁታናው ሄርዲሳ ባገታራ አሲ ሶ ሸቆዶሶና።

አሳይ ዬሱሳኮ ሸቆዶሶና

7 ዬሱሲ ባ ታማሪታው ጋሊላ አባኮ ቢስ። ጋሊላፔኔ ዪሁዳፔ ዪዳ ዳር አሳይ ኢያ ካሊዶሶና።⁸ ቃሲካ ዩሩሳላሚፔ፣ ኢዲሚያሳፔ፣ ዮርዳናሲ ሻፋ ፒንሳፌ፣ ያርሳ ካታማፔኔ ሲዶና ካታማፔ ዬሱሲ ኦሊዳባ ሲዒዲ፣ ዳር አሳይ ኢያኮ ዪዶሶና።⁹ አሳ ዳርቴላፌ ዳንዶይሳን ኢያ ኤንዔላና ሚላ ኢያ ታማሪቲ ዋጎሎ ኢያው ገረሳና ሚላ ከቲስ።¹⁰ ዳር አሳ ኢ ፓሊዳ ገሾ ሃርጊያ አሳ ኡባይ ኢያ ቦቻናው ሱጊቶሶና።¹¹ ቱና አያናይ ኦይኪዳ አሳቲ ኢያ ቤዒዳ ዋዩ ኢያ ሲንሳን ኮንዲዲ፣ ባንታ ቃላ ዶቁ ኦሊዲ፣ «ኔ፣ ያሳ ናባ ገዲኪ?» ያጎሶና።

¹² ዬሱሲ ሄ ቱና አያናቲ ባናቴላ ኦዴሰካ ቆንጩሶና ሚላ ኤንታ ሚንሱዲ ሃንቁቲስ።

ዬሱሲ ታማኔ ናምቡ ሃዋሬታ ዶሪስ

(ማቶ 10:1-4፤ ሉቃ 6:12-16)

13 ዬሱሲ ዳሪያ ቦላ ከዩዲ፣ ባ ኮዩዳ አሳታ ባኮ ያገሰ፤ ኤንቲካ ኢያኮ ቢዶሶና።¹⁴ ኤንቲ ባራ ዳና ሚላኔ ቃላ ታማሪሳና ሚላ ታማኔ ናምባታ ዶሪዲ፣ ኤንታ፣ «ሃዋሬታ» * ገዲ ሱንሱሰ።¹⁵ ቱና አያናታካ ኩሳና ሚላ ኤንታው ማታ አሚስ።

16 ኢ ዶሪዳ ታማኔ ናምባቲ ሃይሳታ፣ ጳጳርሳ ያገዲ ሱንሱዲ ሲሞና፣¹⁷ ቦዓኔርጌስ (ዳዳ ዳኒያ አሳታ) ያገዲ ሱንሱዲይሳታ፣ ዛብዲዮሳ ናይታ ያይቆባኔ ያይቆባ አሸ ዮሃንሳ፣¹⁸ አንዲሪያሳ፣ ፊልጶሳ፣ ባርቶሎሚዮሳ፣ ማቶሳ፣ ቶማሳ፣ ኢልፊዮሳ ናባ ያይቆባ፣ ታዲዮሳ፣ ባ ቢታስ ሚሼቲያ ሲሞና፣¹⁹ ዬሱሳ አላ ኢሚዳ አሰቆርታ ዪሁዳ።

ዬሱሳኔ ቢዔልዜቡላ

(ማቶ 12:22-32፤ ሉቃ 11:14-23፤ 12:10)

20 ሃሳፌ ጉዩ፣ ዬሱሲ ሶ ቢስ። ቃሲ ዳር አሳይ ሸቁን፣ ኤኔ ኢያ ታማሪቲ ሃሪ አቶሺን ካላ ማናዉካ ዳንዲሲቦኮና።²¹ አሳይ ኢያ፣ «ጎዬስ» ገያ ገሾ ኢያ ዳቦቲ ሃሳ ሲዒዲ ኢያ ኤካናው ቢዶሶና።

22 ኢ አሰታማሪታፔ ኢሶቲ ኢሶቲ ዩሩሳላሚፔ ዪዲ፣ «ኢያ ቦላ ቢዔልዜቡላ ዴዔስ»፣ ኢ፣ «ፃላሄይ ዋልቃን ቱና አያናታ ከሴስ» ያገዲ ኦዴቲዶሶና።

23 ዬሱሲ አሳ ባኮ ያገዲ ለሚሶ ኦዲስ። «ፃላሄይ ፃላሄ ዋቲ ኩሳናው ዳንዳዳ? ²⁴ አሲ ካዋቴላይ ባ ገደን ሻኩቲኮ ሄ ካዋቴላይ ኤቃናው ዳንዳዳና።²⁵ ሃሳዳካ፣ አሲ ኩሳ አሳይ ባንታ ገደን ሻኩቲኮ ቆያናፔ ኦቲን ዳናው ዳንዳዶኮና።²⁶ ሃዛ፣ ፃላሄይ ባራ ካጩቴዲ ሻኩቲኮ ቆያናፔ ኦቲን ዳናው ዳንዳዳና።

27 «ሺን ኮይርቲዲ ዋልቃማ ኡራ ቃቸና ደዒሺ ኢያ ኩሳ ጌሊዲ፣ ኢያ ሚሺያ ቦንቃናው ዳንዳዳዳ አሲ ባዋ። ቃቸ ሰሚዲ ኢያ ኩሳ ቦንቃናው ዳንዳዳሲ።

28 «ታኒ ሂንቲው ቱማ ኦዲይሰ፤ ያሳይ አሳ ናይታስ ናጋራ ኤንቲ ጫያ ጫሼ ኡባ አቶ ጋና።²⁹ ሺን ጌሻ አያና ቦላ ኢታባ ኦዴቲያ ኦዴሰካ ሜሪና ናጋራ ገዳናፔ ኦቲን ያሳይ ኡባራካ ኢያ ማሪና» ያገሰ።³⁰ ዬሱሲ ሃሳ ገዲይ፣ አሲ አሲ አሳቲ፣ «ኢያ ቦላ ቱና አያናይ ዴዔስ» ያገዲ ገሾ።

ዬሱሳ አዪዉኔ ኢያ አሻታ

(ማቶ 12:46-50፤ ሉቃ 8:19-21)

31 ኢያ አያኔ ኢያ አሻቲ ዪዲ ካሬን ኤቁዲ፣ ኢያኮ አሴ ከቲዲ ኢያ ያገደሶና።³² ኢያ ማታን ኡቲዳ ዳር አሳቲ፣ «ሂኮ፣ ኔ አዬራኔ ኔ አሻታራ ካሬን ኤቁዲ ኔና ኮዮሶና» ያገደሶና።

33 ዬሱሱ ዛሪዲ፣ «ታ እያ ኦነ? ቃሲ ታ እሻቲ ኦናንቴ?» ያገሰ። 34 ባ ማታን ኡቲዳ እሳ ዩሺ እላ ያሊዲ፣ «ሄኮ፣ ታ እያኦነ ታ እሻቲ ሃይሳታ። 35 ያሳይ ሺኒያ ኦሊያ ኡባይ ታ እሻ፣ ታ ማቸኔ ታ እዮ» ያገሰ።

4

ዜሬላ ዜሪያ ኡራ ለሚሶ
(ማቶ 13:1-9፤ ሉቃ 8:4-8)

1 ዬሱሱ ዛሪዲ ገላላ እባ ማታን ታማርሲስ። ዳር እሳይ ኢያ ዩሹዋን ሸቀን፣ እባን ዳዒያ ዋሳሉዋ ጊደ ጌሊዲ ኡቲስ፣ እሳ ኡባይ እባ ማታን ዳዒስ። 2 ኢ ኡንታ ዳርባ ለሚሶን ታማርሲስ። ታማርሲሽ ሃይሳዳ ያገሰ።

3 «ሰዒቲ! ኢሲ ኡራይ ዜሬላ ዜራናው ከዩስ። 4 ኢ ዜሪሸን፣ ኢሲ ኢሲ ዜሬላይ ኦኔ ጋፃን ዋቋስ፤ ካፎቲ ዩዲ ሚዶሶና። 5 ኢሲ ኢሲ ዜሬላይ ጋርሳን ሻሎይ ዳዒያ ቢታ ቦላ ዋቋስ። ዳር ቢቲ ባይና ገሾ ሄ ዜሬላይ ኤሌሲዲ ዶሊስ። 6 ሺን እዋ ከዩዳ ዋዴ ሹሊስ። ሎይላዲ ፃጾ ዩዲሶና ገሾ ኤሌሲ ሚሊስ። 7 ኢሲ ኢሲ ዜሬላይ ኣጉንላ ጊደን ዋቋስ። ዶሊዳይ ኣጉንላይ ዲጪዲ ጩሊዳ ገሾ ኣይሬ ኣይፎና ኣቲስ። 8 ኢሲ ኢሲ ዜሬላይ ኣራዳ ቢታን ዋቋዲ ዶሊስ። ዲጪዲ ኢሶይ ሃስታማ፣ ኢሶይ ኡሶቸን ታማ ኢሶይ ያታ ኣይፊስ» ያገሰ። 9 «ሰዒያ ሃይላ ዳዒያ ኦነካ ሲዮ» ያገሰ።

ዬሱሱ ለሚሶን ኦዲዳ ጋሱዋ
(ማቶ 13:10-17፤ ሉቃ 8:9-10)

10 ዬሱሱ ኦዲዳይሳ ሰዒዳ ኢሲ ኢሲ ኣሳቲኔ ታማኔ ናምቦ ታማሬቲ ዬሱሱ ባርካ ዳዒሺን፣ ኢያኮ ሸቀዲ ሄ ለሚሶዋ ቢርሼላ ኦይቸዶሶና። 11 ዬሱሱ ኢንታኮ ሃይሳዳ ያገሰ። «ሂንቴው ያሳ ካዋቴላ ፀራ ኤርይ ኢሜቲስ። ሺን ሃራታስ ካዋቴላፊ ካሬን ዳዒይሳታስ ኡባባይ ለሚሶን ኦዴቲስ። 12 ጋሶይካ፣

ሳኡንቲ ያሎሶና፣ ሺን ዳሞኮና።
ሲዶሶና፣ ሺን ኣኩኮኮና።
ኤንቲ ዳሚያኮኔ ኣኩኪያኮ፣
ያሳኮ ሰማና
እካ ኤንታ ማራናሺን »
ያገሰ።

ዜሬላ ለሚሶዋ ቢርሼላ
(ማቶ 13:18-23፤ ሉቃ 8:11-15)

13 ዬሱሱ ኢንታኮ፣ «ሃ ለሚሶይ ሃንቴው ገሌኔ? ያቲን፣ ለሚሶ ኡባ ሃንቴ ዋቲ ኣኩካኔ? 14 ዜሬሃይሲ ያሳ ቃላ ዜሬስ። 15 ቃላይ ዜሬቲያ ዋዴ ኦኔ ጋፃን ዋቋዳይሳቲ ቃላ ሰዒዳይሳታ። ሺን ፃላሃይ ሰሀዋራ ዩዲ፣ ኤንታ ዋዛናን ዜሬቲዳ ቃላ ማዲ ዲጌስ። 16 ሃሳዳካ፣ ጋርሳን ሻሎይ ዳዒያ ቢታን ዜሬቲዳይሲ ቃላ ሰዒዳ፣ ኤሌሲዲ ኡፋይሳን ኤኬይሳ። 17 ሺን ኢንታው ሚና ፃጾይ ባይና ገሾ ሃዒሳፊ ኣቲን ጋምዶኮና። ጉላ ዋዴ፤ ጉዬ ቃላ ጋሶን ዋዬይ ዋይኮ ጎዲ ገኪያ ዋዴ ኤሌሲዲ ፉቤቶሶና። 18 ኣጉንላ ጊደን ዜሬቲዳይሲ ቃላ ሰዒዳይሳታ። 19 ሺን ሃ ሳዓ ዴቦብሰ ሃርጎይ፣ ዳራቴላ ዶሶይኔ ሃራባ ኣሞቲይሲ ኢያ ዋዛናን ጌሊዲ ቃላ ጩሊያ ገሾ ኣይፊ ኣይፎና ኣቲስ። 20 ሺን ኣራዳ ቢታን ዜሬቲዳይሳቲ ቃላ ሰዒዳ ኤኬይሳታ። ኣንቲ ኢሶይ ሃስታማ፣ ኢሶይ ኡሶቸን ታማ ኢሶይ ያታ ኣይፊስ» ያገሰ።

ጌማን ዳዒያ ያምፔ
(ሉቃ 8:16-18)

21 ዬሱሱ ጉጂዲ፣ «ያምፔ ኣኪዲ፣ ዳቸፊ ዋይኮ ኣልጋሬ ጋርሳን ዋሊያ ኣሲ ዳዒ? ጶቃ ቡሳን ዋላይዮ? 22 ሂዛ፣ ቆሰቲዳባይ ኡባይ ቆንጩ ከያና፤ ጌሚዳባይ ኡባይ ኤሬቶና ኣቴና። 23 ሰዒያ ሃይላ ዳዒያ ኦነካ ሲዮ» ያገሰ።

24 ቃሲ ኢንታኮ፣ «ሂንቴ ሰዒያባ ኣኩኪዲ ሰዒቲ! ያሳ ቃላ ሃንቴ ሰዒይሳ ማላ ኢ ሃንቴው ኣኩካ ኢማና። ኡባካ ሃንቴው ዳርሲዲ ኢማና። 25 ኢሲባይ ዳዒያ ኡራሰ ጉጂ ኢሜታና፣ ባይናይሳፊ ሃራ ኣቶሺን፣ ኢያው ዳዒያ ሄ ጉሊያካ ኤኬታና» ያገሰ።

ዲጪያ ዜሬላ ለሚሶ

26 ዩሱሲ ዛሪዳ፡ «የሳ ካዎቴላይ ባ ጋዴን ዜሬሌ ዜሪያ እሳ ሚላ፡፡ 27 ሄ ኡራይ ቃማ ጂስኬስ፤ ሞገታ ዳንዳስ፡፡ ኢ ባ ሁዓን ሞኒያኮ ኡርና ዳዒሺን ሄ ዜሪሳይ ዶሊሲኔ ዳጩ፡፡ 28 ቢታይ ካሊ ባርካ አሚስ፡፡ ኮይር ዶሊዲ ዲጩ፡፡ ካሊዲ እይፋናው ጋምቡዓስ፡፡ ወርሱላን ኩሚላ እይፊ እይፊ፡፡ 29 ሺን ካላይ ጋኪያ ዎዴ ኡራይ ሶሁዋራ ባጫራ ጌሊ እኔስ» ያገሰ፡፡

እይፊ ጉላ ሚላ ለሚሶ
(ማቶ 13:31-34፤ ሉቃ 13:18-19)

30 ዩሱሲ፡ «ኮኒ ያሳ ካዎቴላ እይ ዳኔስ ጋኔ? ዎይኮ እይቢራ ለሚሳኔ? 31 ያሳ ካዎቴላይ እይፊ ጉላ ሚላ ዳኔስ፡፡ ሄ ሚላ እይፊያ ዜሪያ ዎዴ ሳዓን ዳዒያ ሚላ እይፊ ኡባሬ ጉዓስ፡፡ 32 ዜሪን ዶሊዲ እታኪላቴ ኡባሬ ጌታቴስ፤ ዳር ዳሺ ዳዩስ፡፡ ካፎቴ ኢያ ታሺያ ቦላ ኬዲዲ ኡታና ጋካናው ዳዩስ» ያገሰ፡፡

33 ዩሱሲ ሃይሳ ሚላ ዳር ለሚሶን እሳይ እኩካናው ዳንዳዒይሳ ሚላ ቃላ ኦዲስ፡፡ 34 እሳስ ለሚሶይ ባይና ኦዳና፡፡ ሺን ዩሱሲ ባ ታማሬታ ፃላላራ ዳዒያ ዎዴ ኤንታው ኡባባ ቢርሺዲ ኦዲስ፡፡

ዩሱሲ ሆቢያ ሲዲ ኦሊስ
(ማቶ 8:23-27፤ ሉቃ 8:22-25)

35 ሄ ጋላስ ሳሳይ ኦማርሲን፡ ዩሱሲ ባ ታማሬታኮ፡ «እባሬ ሄፊንሌ ፒናስ» ያገሰ፡፡ 36 ኢያ ታማሬቲ ዳር እሳ ዩጌ እጊዲ፡ ዩሱሲ ካሴ ጌሊ ኡቲዳ ዎጎሉዋን ጌሊዲ ዩሱሳ ባንታራ ኤፊዶሶና፡፡ ሃራ ዎጎሎቲካ ያን ዳዖሶና፡፡ 37 ዎልቃማ ጎቲይ ዳንዲዲ፡ ሆቤይ ዎጎሎዋ ሾጩን፡ ኩማና ጋካናው ዎጎሎዋ ጌዶ ሃሊ ጌሊስ፡፡ 38 ሄ ዎዴ ዩሱሲ ዎጎሎዋን ጉዬ ባጋራ ቦርኮቲዲ ጂስኪስ፡፡ ኢያ ታማሬቲ ኢያ ዳንሲዲ፡ «እስታማሪያው፡ ኮኒ ጃያ ዎዴ ኔ ሲዲ ጋዳ ጸላይ?» ያገደሶና፡፡

39 ያቲን፡ ኢ ባርኪዲ ጎቲያ፡ «ሲዲ ጋ» ጌዲ፡ እባካ፡ «ዎፑ ጋ» ገሰ፡፡ ጎቲይካ ሲዲ ጊን ኡባባይ ዎፑ ጌሰ፡፡ 40 ዩሱሲ ባ ታማሬታኮ፡ «እይስ ሃይሳዳ ባቤቲ? ሃንቲው እማናይ ሞኒዲ ጃዪዳ?» ያገሰ፡፡

41 ኤንገቲ ዳር ባቢዲ ባንታ ጌዶን፡ «ሃይሲ ሃሪ ኣቶሺን፡ ጎቲይኔ እባይ ከቲቴይሲ ኦኔ?» ያገደሶና፡፡

5

ቱና እያኒ እይኪዳ ኡራይ ፓዒስ
(ማቶ 8:28-34፤ ሉቃ 8:26-39)

1 ዩሱሲኔ ኢያ ታማሬቲ እባ ፒኒዲ፡ ጌርጌሶኔ ጌያ ቢታ ጋኪዶሶና፡፡ 2 ዩሱሲ ዎጎሎዋፔ ዎጃያ ዎዴ ቱና እያናይ እይኪዳ ኢሲ ኡራይ ዲፎፔ ከዪዲ ኢያራ ጋሄቴስ፡፡ 3 ሄ ኡራይ ዱፋዋን ኣቁ ፒዒዲ ዳዒስ፡፡ ኢያ ኦኒካ ሳንሳላታን ቃቻናው ዳንዳዒና፡፡ 4 ኢ ዳር ቶሆ ዲላኒኔ ሳንሳላታን ቃሺቲዲ ዳዒስ፡፡ ሺን ሳንሳላታ ዲሴሬሌስ፡፡ ዲላ ሚንሌሬሌስ፡፡ ኢያ ቲቃናው ዳንዳዒያ ኦኒካ ባዎ፡፡ 5 ኢ ቃማኔ ጋላስ ሄ ዲፋዋኒኔ ዳሬ ቦላ ዋሴስ፡፡ ባ ቦላካ ሹቸን ጋሬስ፡፡

6 ዩሱሳ ሃሆን ቤዒዳ ዎዴ ዎዒ ቢዲ ኢያ ሲንሳን ጉልባቲስ፡፡ 7 ሄ ኡራይ ባ ቃላ ቋቁ ኦሊዲ፡ «ኡባሬ ቦላ ያሳ ናናው ዩሱሳ፡ ኔናኔ ታና እይቤ ጋሌይ? ታና ጃይሶና ሚላ ታኒ ኔና ያሳ ሱንሳን ዎሳይስ» ያገሰ፡፡ 8 ኢ ሃሳ ጌዳይ ዩሱሲ ኢያ፡ «ላ ሃ ቱና እያናው፡ ሃ እዲያፊ ኬያ» ያገደዳ ጊሾሳ፡፡

9 ዩሱሲ ኢያኮ፡ «ኔ ሱንሳይ ኦኔ?» ያገደዲ ኦይቸስ፡፡

ኢ፡ «ኮኒ ዳር ጌዲያ ገሾ ታ ሱንሳይ ለጊዮና» ያገሰ፡፡ 10 ቱና እያናቲ ባንታና ሄ ቢታፊ ኬሲ ዬዶና ሚላ ዩሱሳ ሚንሌዲ ዎሲዶሶና፡፡

11 ሄ ዳሪያ ቦላ ዳር ጉዲንሶ ወዳይ ሃሙቴስ፡፡ 12 ቱና እያናቲ ዩሱሳኮ፡ «ኦና ሂኒ ጉዲንሶ ወዲያኮ ዬዳርኪ፡ ኤንታን ቢዲ ጌሎስ» ያገደዲ ዎሲዶሶና፡፡ 13 ዩሱሲ ኤንታኮ፡ «ቢቲ» ያገሰ፡፡ ያቲን ቱና እያናቲ እዲያፊ ከዪዲ ጉዲንሶታን ጌሊዶሶና፡፡ ናምቡ ሙኩሉ ጌዲያ ጉዲንሶ ወዳይ እፎ ዶናሪ ዳርጊዲ ቢዲ እባን ጌሊዲ ሚቲቲዶሶና፡፡

14 ጉዲንሶ ወዲያ ሄሚይሳቲ ባቃቲ ቢዲ ሃኒዳባ ካታማኒኔ ጋፃሪያን ኦዲዶሶና፡፡ ያቲን እሳይ ሃኒዳባ ቤዳናው ከዪዶሶና፡፡ 15 እሳይ ዩሱሳኮ ያ ዎዴ ቱና እያናን ኦይከቲዳ ኡራ ቤዒዶሶና፡፡ ኢ ባ ዎከናኮ ሲሚዲ፡ ማፖ ማዒዲ፡ ያን ኡቲዳይሳ ቤዒዳ ዎዴ ኡባይ ያዪዶሶና፡፡ 16 ሃሳ ቤዒዳ እሳቲ ቱና እያናቲ እይኪዳ ኡራ ቦላኔ ጉዲንሶታ ቦላ ሃኒዳባ ኡባ እሳስ ኦዲዶሶና፡፡ 17 ሃሳ ጊሾ፡ እሳይ ባንታ ቢታፊ ዩሱሲ ባና ሚላ ዎሲዶሶና፡፡

18 ዩሱሲ ዎጎሎዋን ጌሊያ ዎዴ ካሴ ቱና እያናይ እይኪዲ ዬዲዳ ኡራይ፡ ዩሱሳ ካላናው ኢያ ዎሲስ፡፡ 19 ሺን ዩሱሲ እዲዲ ኢያኮ፡ «ኔ ሶ ሲማዳ፡ ጎዳይ ኔው እይ ሚላ ጌታባ ኦሊዳኮኔ ኔው

እይ ማላ ከሂዳት ኔ ሶ አሳሰ ስዳ» ያገለገሉ። 20 ኡራይ ቢዲ ታሙ ካታማ ገያሱን ዩዩዲ፣ ዩሱሲ ባው እይ ማላ ገታባ ኦሊዳት ኦዲሰ። ኢ ኦዲዳይሳ ሲዳዳ እሳ ኡባይ ማላሊቲዶሶና።

ሃይቀዳ ናዊዉኔ ዩሱሳ ማዑቀ ቦቹዳ ማጨሲው

(ማቶ 9:18-26፤ ሉቃ 8:40-56)

21 ዩሱሲ ሲሚዲ፣ ማሳሉቀን ገሊዲ፣ እባ ገሊዲ፣ ገዙ ዳር አሳይ እባ ዓገን ኢያ ዩሹቀን ሸቂዶሶና። 22 ኢያርሳ ገያ አይሁዳ ዋሳ ከላ ሃሳቃታ፤ ኢሰይ፣ ዩሱሳ በዲዳ ዋዳ ኢያቦ ዩዲ ኢያ ቶሁቀ ቦላ 23 ኩንዲዲ፣ «ታ ናዲያ ሃርጋዳ ሃይቃና ሃናውሰ። ኢያ ገዳዳ ዳና ማላ ያዳ ኔ ኩሺያ ኢ ቦላ ዋላርኪ» ያገሊዲ ዩሱሳ ሚንሳዲ ዋሲሰ።

24 ዩሱሲ ኢያርሳራ ቢሰ። ኢ ቢሸን ዳር አሳይ ኢያ ካሊዲ ኡንዌሊዶሶና።

25 ታማኔ ናምዑ ላይላ ኢ ቦላፊ ሱላ ጎገያ ኢሲ ማጨሲያ ዳዳዉሰ። 26 ዳር አከሜቲ ኢያ አከሚዶሶና፣ ሸን ኢያ ገዳ ካዳታሱ። ኢያ ባ ሚሺያ ኡባ ዉርሰንካ ኢው ሃ ኢቲሰ፤ ኢቲን አይኮካ ማዲቢና። 27 ሄ ማጨሲያ ዩሱሳባ ሲዳዳ፣ እሳ ካንሳዳ ዩሱሳ ገዩራ ያዳ ኢያ ማዑቀ ቦቹሱ።

28 ኢያ፣ «ታኒ ሃሪ አቶሺን ኢያ ማዑቀ ቦቹያቦ ገዳና» ጋዳ ቆገሱ።

29 ኢፔ ጎገያ ሱሳይ ሱሁቀራ ኤቂ አገሰ። ኢያ ባ ዋያፔ ገዳዳይሳ ባ አሳቲሳን ኡራሱ። 30 ዩሱሲ ባፔ ዋልቂ ከዩዲዳሳ ባ ሁዑን ኡራዲ፣ ኡሊሲዲ ዳር አሳ ገደን ገዩ ሲሚዲ፣ «ታ ማዑቀ ቦቹዳይ ኦኔ?» ያገሰ።

31 ኢያ ታማራቲ፣ «አሳይ ኔና ሱጌይሳ ቢዳሸ፣ «ቀይጋዳ ታና ኦኔ ቦቹዳይ ያገይ?» » ያገደሶና።

32 ዩሱሲ ሄሳ ኦኔ ኦሊዳት ቢዳናው ዩሺ ኦሊ ያሊሰ። 33 ሸን ማጨሲያ ባው ሃኒዳባ ኡራዳ፣ ያሻን ኮኮራሽ ያዳ ዩሱሳ ሲንሳን ጉፋናሱ፤ ቃሲ ሃኒዳባ ኡባ ቱማ ኢያው ኦዳሱ። 34 ያኒን፣ ዩሱሲ ኢኮ፣ «ታ ናቲ፣ ኔና ኔ አማናይ ገሊሰ፣ ሳርን ባ፣ ኔ ዋያፔካ ገዳ» ያገሰ።

35 ዩሱሲ ቡር ሄሳ ኦዲሺን፣ አይሁዳ ዋሳ ከላ ሃላቃ ሱፔ ከቲቲዳ አሳቲ ዩዲ፣ «ኔ ናዲያ ሃይቃሱ፣ አሰታማሪያ አይሰ ዳቡሪሳይ?» ያገደሶና።

36 ሸን ዩሱሲ ኢንቲ ጌይሳ ሲዲዲ፣ አይሁዳ ዋሳ ከላ ሃላቃቱ፣ «አማና ያላላ አማናፔ ኢቲን ባቦፋ» ያገሰ። 37 ዩሱሲ ጳዳርሳፔ፣ ያይቆባፔኔ ያይቆባ ኢሻ ዮሃኒሳፔ ሃሪ ኦኒካ ባና ካሎና ማላ ዲገሰ። 38 ኢንቲ አይሁዳ ዋሳ ከላ ሃላቃ ሱ ጋኪያ ዋዳ ዩሱሲ አሳይ ካሃ ቆዩዲ ዩኬይሳኔ ዙሊሊይሳ ቢዳሰ። 39 ገሊዲ አሳኮ፣ «አይሰ ካሃ ቆዩዲ ዩኬቲ? ናዲያ ጳሰካሱፔ ኢቲን ሃይቃሱኩ» ያገሰ።

40 አሳይ ኢያ ቦላ ሚጨሲ። ሸን አሳ ኡባ ካሬ ከሲዲ፣ ናዳ አዋ፣ አዩዉኔ ሄቹ ታማሪታ ባራ ኡኪዲ ናዲያ ዳዳያሱቀ ገሊሰ። 41 ዩሱሲ ናዳ ኩሺያ ላይኪዲ፣ «የላታ፣ ቁሚ» (ጉላ ናቲ፣ ኔና ገይሰ ዳንዳ) ያገሰ።

42 ናዲያ ሱሁቀራ ዳንዳ ኤቃዳ ሃሙታሱ። ኢያ ታማኔ ናምዑ ላይላ ናዳ። ሄሳን አሳይ ዳር ማላሊቲዶሶና። 43 ዩሱሲ ሄሳ ኢንቲ ኦዲሰካ ኦዶና ማላ ኢንታ ሚንሳ ከቲሰ። ኢንቲ ኢው ሚያባ አማና ማላ ኦዲሰ።

6

ዩሱሲ ናዘሬቲን ኢጻቲሰ

(ማቶ 13:53-58፤ ሉቃ 4:16-30)

1 ዩሱሲ ያፔ ከዩዲ፣ ባ ታማሪታ ካሊሊዲ፣ ባ ካታማ ናዘሬቲ ቢሰ። 2 ሳምባታ ጋላሰ አይሁዳ ዋሳ ከላን ታማርሶ ያይከሰ። ኢ ታማርሶይሳ ሲዲዳ ዳር አሳይ ማላሊቲዶና፣ «ሃይሲ ሃ ኡባ አዉፔ ዳሚዳ? ሃ ጨንጫቲላ ኢ አዉፔ ኡኪዳ? ሃ ማላታታ ኡሊያ ማታ ኢ አዉፔ ዳሚዳ? 3 ሃይሲ አናዲያ ገዳኔ? ማይራሚ ናዳ፣ ያይቆባ፣ ዮሳ፣ ዩሁዳኔ ሲሞና ኢሻ ገዳኔዬ? ኢያ ሚቹቲ ኑራ ሃይሳን ዳዎኮናዬ?» ያገሊዲ፣ ኢ ገያባ ኡኮና ኢዲዶሶና።

4 ዩሱሲ ሄ አሳኮ፣ «ናቤይ ባ ቢታን፣ ባ ዳቦታኒኔ ባ ሶ አሳን ቦንቹቲናሬ ኢቲን ሃራታ ማታ ቦንቹቲሰ» ያገሰ። 5 ኢ ሄ ቤሳን ባ ኩሺያ ጉላ አሳ ቦላ ዋሊዲ ገሊዲዳይሳፊ ኢቲን ሃራ ማላታታ ኦሳናው ዳንዳዲቤና። 6 አሳይ አማኒቦና ገሾ ዳር ማላሊቲሰ።

ዩሱሲ ታማኔ ናምዑ ሃዋሪታ ከቲሰ

(ማቶ 10:5-15፤ ሉቃ 9:1-6)

ሃሳሬ ገዩ፣ ዩሱሲ ሄ ሄራን ዳዲያ ጉታታን አሳ ታማርሶሰ። 7 ዩሱሲ ታማኔ ናምዑ ታማሪታ ባኮ ያገዲ፣ ናምዳ ናምዳ ጋሊዲ ከቲሰ። ኢንታው ቱና አያናታ ከሲያ ዋልቃ አሚሰ። 8 ኢንታ፣ «ኦኔ ያምዳሬ ኢቲን ካላ፣ ካርዲታ፣ ሂንቲ ከሴን ሚሽ አይቢባካ ኦይኮፊቲ። 9 ሂንቲ ቶሁቀን ጫማ አላቲ፣ ሸን ናምዑ አፊላ ኦይኮፊቲ» ያገሰ። 10 ቃሲካ፣ «ሂንቲና ኢሲ ሞኪዳ ሶ አዉንካ ገዲን ሄ ቤሳ ዩዲዲ ባና ጋካናው ሄ ከላን ጋምዲቲ። 11 ሂንቲና ኢሲ ሞኮናሱቀ ዋይኮ ሂንቲ

አዲያ ባሉ ስምዖን ለወንጌል ገደብ፣ ሄ ቢታገ ደዳያ እሳስ ሄሲ ርገሰ ማርካ ገደና ማላ ሄ ቤሳፊ ከደሹ፣ ሄንቲ ቶሁዋፔ ባና ፒቲቲ» ያገሰ።

12 ታማኔ ናምዑ ታማሬቲ ቢዲ፣ አሳይ ባገታ ናጋሬፔ ሰማናዳ ቃላ ኦዲዶሶና። 13 ኤንቲ አሳፔ ዳር ቱና እያናታ ከሲዶሶና፣ ዳር ሃርጋንቸታ ዛይቲ ቲዬዲ ፓሌዶሶና።

ፃምቂያ የሃሊሳ ሃይቁዋ
(ማቶ 14:1-12፤ ሉቃ 9:7-9)

14 ዬሱሳ ሱንሳይ ኡባ ቤሳን ከዬዳ ገሾ ካዎይ ሄሮዲሲ ኢያባ ሲሲሰ። ኢሲ ኢሲ አሳይ፣ «ፃምቂያ የሃሊሲ ሃይቆፔ ዳንዲሰ፣ ሄሳ ገሾ ሃ ማላታታ ኦሌይ ኢያ» ያገደሶና።

15 ባገቲ፣ «ሃይሲ ኤሊያሳ ገደኔ?» ያገደሶና።

ሃራቲ ቃሲ፣ «ሃይሲ ቤኔ ዎዴ ናቤታፕ ኢሱዋ ገደና አንና» ያገደሶና።

16 ሺን ሄሮዲሲ ሃሳ ሲዲዳ ዎዴ «ሃይሲ ታኒ ቆጲያ ቃንዲሲዳ ፃምቂያ የሃሊሳ ገደኔ? ኢ ሃይቆፔ ዳንዲሰ» ያገሰ።

17 ሄሮዲሲ ባ አሻ ፊልጶሳ ማቸው ሄሮዲያዳ ኤኪዳ ገሾ ኢ ጋሶን የሃሊሳ ኦይሌዲ ቃሺሲሰ።

18 የሃሊሲ ሄሮዲሳ፣ «ኔኒ ኔ አሻ ማቸው ኢካናው ቤሲና» ያገሰ።

19 ሄሮዲያዳ የሃሊሳ ባ ኡሎን ሞርካዳ ኢያ ዎጲሳናው ኮያሱ፣ ሺን ዳንዳባቡ። 20 የሃሊሲ ያሎኔ ገሻ እሲ ገደዳይሳ ሄሮዲሲ ኤሪዳ ገሾ ኢያው ባቢዲ ሎይሌ ርገሰሰ። ሄሮዲሲ የሃሊሲ ገያባ ሲናናው ደሲኮካ ኢ ገያባ ሲዲያ ዎዴ ዳር ዳጋማሰ።

21 ሄሮዲሲ ባ ዬሌቲዳ ጋላሳ ባንቻናው ዳሪያ ሃራይሳታሰ፣ ሻላቃታሲኔ ጋላላን ዳዲያ ገታ አሳስ አማቶ ገገሲሰ። ሄሲ ሄሮዲያዳሰ እንጂ ጋላሰ ገደሰ። 22 ሄሮዲያዳ ናዲያ አማሳይ ሞኬቲያ ቤሳ ገላ ዳራዳ፣ ሄሮዲሳኔ ኢያ አማሳታ ኡፋይሳሰ። ካዎይ ናዲው፣ «ኔ ኮያባ አይባ ገደኮካ ታና አይቻ፣ ታኒ ኔው አማና» ያገሰ። 23 ቃሲ ኢው ጫቂዲ፣ «ኔኒ ኦይቸያባ አይባ ገደኮካ፣ ታኒ ኔው አማና። ሃሪ አቶሺን፣ ታ ካዎቲሳ ባጋ ገደኮካ ታኒ ኔው አማና» ያገሰ።

24 ናዲያ ካሪ ኬያዳ ባ አይኮ «አይ አማ ጎ?» ጋዳ ኦይቻሰ።

ኢ አያ፣ «ፃምቂያ የሃሊሳ ሁዲያ አማ ጋ» ያገሰ።

25 ናዲያ ኤላሳዳ ካወዋኮ ባዳ፣ «ፃምቂያ የሃሊሳ ሁዲያ ሳኔን ዎሳዳ ሃዲ ታው አማና ማላ ኮያሱ» ያገሰ።

26 ያንን ካዎይ ዳር ቁርቲሰ፣ ሺን ባ አማሳታ ገሾ ኢው ጫቂዳ ባ ጫቁዎ ማንሳናው ኮዬቤና።

27 ሄሳ ገሾ፣ ኤሌሲዲ ናገይሳ የሃሊሳ ሁዲያ ኤሃና ማላ ከቲሰ። ናገይሲ ቃሾ ከሌ ቢዲ የሃሊሳ ቆጲያ ቃንዲሰ። 28 ሄ ቃንዲቲዳ ሁዲያ ሳኔን ዎሌ ኤሂዲ ናሲሰ አሚሰ። ናዲያ ቃሲ ባ አይሰ አማሰ። 29 የሃሊሳ ታማሬቲ ሄሳ ሲዲዳ ዎዴ ቢዲ ኢያ አሃ ኤኪ ኤፊዲ ሞገደሶና።

ዬሱሲ ኢቻሹ ሙኩሉ አሳ ሙዚሲ
(ማቶ 14:13-21፤ ሉቃ 9:10-17፤ የሃ 6:1-14)

30 ታማኔ ናምዑ ሃዎሬቲ ሲሚ ዬዲ ኤንቲ ኦሌዳባኔ ታማርሲዳባ ኡባ ዬሱሳስ ኦዲዶሶና።

31 ኤንታኮ ያ አሳይኔ ቢያ አሳይ ዳሪዳ ገሾ ዬሱሳራኔ ኢያ ታማሬታራ፣ ሃሪ አቶሺን ካሌ ማናወካ ኤንታ ጋሶና አይሰ። ያንን፣ ዬሱሲ ኤንታኮ፣ «ኦርካ ጉሌ ሸምፒ ኤካናው አሲ ባይና ቤሲ ቤዲቲ» ያገሰ። 32 ሄሳ ገሾ፣ ኤንቲ ባንታርካ ዎጎሎን ገሌዲ አሲ ባይና ቤሲ ቤዶሶና።

33 ኤንቲ ቢሸን ዳር አሳይ ኤንታ ቤዲዲ ኤሪዶሶና። ያቲን፣ ካታማ ኡባፊ አሳይ ቶሆራ ዎዲ ቢዲ ኤንቲ ቢያሰዋ ኤንታፊ ሰንሌ ጋኪዶሶና። 34 ዬሱሲ ዎጎሎዋፔ ዎጲዳ ዳር አሳ ቤዲሰ። አሳይ ሄሚያ አሲ ባይና ደርሳ ማላ ገደዳይሳ ቤዲዲ ኤንታው ቃጲቲዲ ኤንታ ዳርባ ታማርሲሰ።

35 ሳዳይ ኦማርሲያ ዎዴ ዬሱሳ ታማሬቲ ኢያኮ ዬዲ፣ «ሃይሲ ቤሳይ አሲ ባይና ቤሲ፤ ሃዲ ሳዳይካ ቃሚሰ። 36 አሳይ ጉታታኔ ካታማታ ቢዲ ባንታው ሚያባ ሻማና ማላ አሳ ዬዳ» ያገደሶና።

37 ሺን ዬሱሲ ዛሪዲ ኤንታኮ፣ «አሳስ ሚያባ ሃንቲ አሚቲ» ያገሰ።

ኤንቲ፣ «ኮኒ ቢዲ ናምዑ ያቲ ዲናሪን ኡይሉ ሻሚዲ አሳ ሙዛና ማላ ኮያይ?» ያገደ ኦይቸዶሶና።

38 ዬሱሲ ኤንታኮ፣ «ሃንቲው አፑን ኡይሌ ዳዲ? አኔ ቢዲ ቤዳቲ» ያገሰ።

ኤንቲ ቤዲዲ፣ «ኢቻሹ ኡይሉኔ ናምዑ ሞሎ» ያገደሶና።

39 ዬሱሲ ባ ታማሬታ አሳ ኡባ ጩጋን ጩጋን ሻኪዲ ማንን ኡቲሳና ማላ ከቲሰ። 40 አሳይ ባጋይ ያታ፣ ባጋይ አሻታማ ገዲዲ ጩጋን ጩጋን ሻኪቲዲ ኡቲዶሶና። 41 ዬሱሲ ኢቻሹ ኡይሳኔ ናምዑ ሞሎታ ኤኪዲ፣ ፑዴ ሳሎ ያሊዲ ያሳ ጋላቲሰ። ኡይሳ ማንሌዲ አሳስ ገሻና ማላ ባ ታማሬታሰ አሚሰ። ቃሲ ናምዑ ሞሎታ ኤንታ ኡባሰ ሻኪሲ። 42 አሳ ኡባይ ሚዲ ካሊዶሶና።

43 እኩሳ ኡይላ ቲፊያኑ ሞሎታ ቲፊያ፣ ኢያ ታማሬቲ ታማኔ ናሞዑ ጋይታ ኩሚላ ዴንገሊደሶና።
44 ኡይላ ሚዳ ኣዳ ኣሳ ታይቦይ ኢቻሹ ሙኩሉ።

ዩሱሲ ኣባ ቦላራ ሃሙቲስ
(ማቶ 14:22-33፤ ዮሃ 6:15-21)

45 ኤሌሲዲ ዩሱሲ ባ ታማሬቲ ዋጎሉዋን ጌሊዲ፣ ኣባፌ ሄፊንግን ዴዒያ ቤቴሳይዳ ባፔ ሲንጎቲዲ ባና ሚላ ከቲስ። ሺን ባው ኣሳ ዋይዛናው ጉዬ ኣቲስ። 46 ኣሳ ዋይዚዳፔ ጉዬ ያሳ ዋሳናው ዴሪያ ቦላ ከዩስ።

47 ሳባይ ቃሚያ ዋይ ዋጎሎይ ኣባ ጊደን ዴዒስ። ሺን ዩሱሲ ኣባፌ ጋፃን ባርካ ዴዒስ።
48 ጫርኮይ ኢያ ታማሬታኮ ጫርኪያ ጊሾ ኣባ ፒጶይ ዋይሴይሳ ዩሱሲ ቤዒስ። ዋንቲማሌ ሳባይ ጌያና ሃኒያ ዋይ ኢ ኣባ ቦላ ሃሙቲሺ ኤንታኮ ዩዲ፣ ኤንታ ዩጊዲ ኣቆናው ኮዩስ። 49 ሺን ኢ ኣባ ቦላ ሃሙቲሺን፣ ኤንቲ ቤዒዲ፣ ኤንታው ሞይቲሌ ዳኒን ዋሲደሶና። 50 ኤንቲ ኡባይ ኢያ ቤዒዲ፣ ያሻን ኮኮሪደሶና።

ሺን ዩሱሲ ኤሌሲዲ ኤንታኮ፣ «ታና፣ ኣይኮይ ባዋ፤ ያዮፊቲ» ያገሲ። 51 ዩሱሲ ዋጎሉዋን ጌሊዲ ኤንታራ ኢሲፌ ኡቲን ጫርኮይ ዋዮ ገሲ። ኤንቲ ዳር ማላሊቲደሶና። 52 ኤንታ ዋዛናይ ከልዑሚዳ ጊሾ ኤንቲ ኡይላባ ኣከኪቦኮና።

ዩሱሲ ጌንሳሬጃን ሃርጋንቸታ ፓሊስ
(ማቶ 14:34-36)

53 ኤንቲ ኣባ ፒኒዲ፣ ጌንሳሬጃ ቢታ ጋኪዲ፣ ዋጎሉዋ ጋፃ ሺሺዲ ቃቺደሶና። 54 ኤንቲ ዋጎሉዋፔ ዋጲያ ዋይ ኣሳይ ኤሌሲዲ ዩሱሳ ኤሪደሶና። 55 ኤንቲ ሄሪን ዴዒያ ቢታ ኡባን ዋጂሬቲዲ ሃርጋንቸታ ሃላን ቶኪዲ፣ «ዩሱሲ ዴዒስ» ጊን ሲዒዳ ቤሳ ኤሃደሶና። 56 ኣሳይ ኢ ቢዳ ሶ ኡባን፣ ጋፃሪያን ጊዲን፣ ካታማን፣ ዴዒያ ሃርጋንቸታ ዳባባ ኤፎሶና። ሃርጋንቸታ ኢያ ኣፊላ ማጫራ ጊዲኮካ ቦቻና ሚላ ኣሳይ ኢያ ዋሲደሶና። ቦቺዳ ኡባይ ፓጂስ።

7

ቤኒ ኣዋታ ዋጋ
(ማቶ 15:1-9)

1 ዩሩሳላሚፔ ዩዳ ጉላ ፋሪሳዊቲኔ ሂኒ ኣስታማሬቲ ዩሱሳ ማታን ሸቁደሶና። 2 ዩሱሳ ታማሬታፔ ኢሶቲ ኢሶቲ ጌዮና ኩሺያን፣ ሄሲካ ኩሺ ሚጩቶና ካላ ሚይሳታ ቤዒደሶና።

3 ፋሪሳዊቲኔ ኣይሁዳ ኣሳ ኡባይ ባንታ ኣዋታ ዋጋ ባንታ ኩሺያ ሚጩቶና ሞኮና። 4 ሃሳዳካ፣ ኤንቲ ጊያፔ ሻሚቲዳባ ሚጩቶና ዴዒሺ ሞኮና። ቃሲ ኤንቲ ባንታ ኣዋታፔ ኤኪዳ ሃራ ዳር ዋጊ ዴዒስ፣ ሄሲካ ሲኒያ፣ ከሪያ፣ ቢራታ ሚሺታኔ ኣርሳ ሚጩያ ዋጋ ናጌይሳ።

5 ፋሪሳዊቲኔ ሂኒ ኣስታማሬቲ ዩሱሳ፣ «ኔ ታማሬቲ ኣይሲ ኣዋታ ዋጋ ሚንላዲ ባንታ ኩሺያ ሚጩቶና ካላ ሞና?» ያገዲ ኦይቺደሶና።

6 ዩሱሲ ኤንታኮ፣ «ኣሳያሲ ሂንቴና ጩቦታ፣ ሃይሲ ኣሳይ ታና ባ ኢንፃርሳ ፃላላን ቦንቺስ፣

ሺን ኤንታ ዋዛናይ ታፔ ሃሆን ዴዒስ።

7 ኣሲ ሚጲዳ ዋጋ ያሳ ሂኒ ዳኒሲዲ ታማርሲያ ጊሾ

ኤንቲ ታና ሚላ ጎይሶሶና »

ጊዲ ፃፊደሲ ቲማ።

8 «ሂንቴ ያሳ ከታ ኣጊዲ ኣሳ ዋጋ ሚንላዲ ናጌታ» ያገሲ።

9 ቃሲካ ዩሱሲ፣ «ሂንቴ ሂንቴ ዋጋ ናጊዲ ያሳ ከታ ዩጊ ኣጋናው ሎዮ ኦጌ ዴሚዳታ። 10 ሙሴይ፣ ሩኔ ኣዋኔ ኔ ኣዩው ቦንቻ። ቃሲ ሳባ ኣዋኔ ባ ኣዩው ጫዩይሲ ሃይቃናው ቤሴስ» ያገሲ። 11 ሺን ኢሲ ኣሲ ባ ኣዋ ዋይኮ ባ ኣዩው ማዳናይሳ ኣጊዲ፣ ሃሲ ያሳ ያርሻ ገኮ። 12 ኢ ባ ኣዋ ዋይኮ ባ ኣዩው ማዳና ሚላ ኦሌታ። 13 ሃሳዳካ፣ ሂንቴ ሃራታ ታማርሲዳ ሂንቴ ዋጋን ያሳ ቃላ ካጲዳታ። ሃሳ ሚላ ሃራ ዳርሳ ኦሌታ» ያገሲ።

ኣሲ ቱኒሲያባታ
(ማቶ 15:10-20)

14 ዩሱሲ ዳር ኣሳ ቃሲካ ባኮ ጃጊዲ፣ «ኡባይ ታኒ ኦይይሳ ሲዳቲኔ ኣከኪቲ። 15 ኣሳ ዋዛናፔ ከያባይ ኣሲ ቱኒሲሲፔ ኣቲን ካሬፔ ኣሳ ኡሎ ጌሊዲ ኣሲ ቱኒሲያባይ ኣይቢካ ባዋ። 16 ሲዳያ ሃይላ ዴዒያ ኦኒካ ሲያ» ያገሲ።

17 ዩሱሲ ዳር አሳ ዩጊ አጊዲ ሶ ጌሊን ኢያ ታማሬቲ ሄ ለሚሰጥዎ ኢያ ኦይቸደሶና። 18 ኢ ኤንታኮ። «ሂንቴወካ ቃሲ ጌሊቤኔ? ካሬፔ አሳ ዋዛናን ጌሊያባይ አይቤካ አሴ ቱኒሳናው ዳንዳናይሳ አኩኩቲ? 19 አይሰ ገኮ። ካላ አሳ ኡሎ ጊዶ ጌሊዲ ካንሳይ ኣዲሲፕ ኣቲን አሳ ዋዛና ጊዶ ጌሊና። ሄሳን ዩሱሲ ካላ ኡባይ ጌሺ ጊዴይሳ ኦሪሲስ።

20 ካሊዲካ። ዩሱሲ። «አሳ ቱኒሲያባይ አሳ ዋዛና ጊዶፊ ኬያባ። 21 አሳ ዋዛና ጊዶፊ ኬያባይ ኢታ ቆፋ። ላይማቴላ። ካይሶ። አሴ ዋዶ። ላሜ። 22 ኢታ አሞ። ኢታቴላ። ጌኔ። ቃይዳ። ጨሞ። ቃናቴ። ጫሺ። ኦቶርኔ ቦዛቴላ። 23 ሃ ኢታባይ ኡባይካ አሳ ዋዛና ጊዶፊ ኬዩዲ አሴ ቱኒሲስ» ያገሰ።

ኢሲ ማጫሴ አማኑዋ
(ማቶ 15:21-28)

24 ዩሱሲ ያፔ ኬዩዲ። ደርሳ ካታማ ማታን ዳዒያ ቢታ ቢሰ። ኢ ኢሲ ኬላ ጌሊዲ ያን ዳዒይሳ ኦኒካ ኡራና ማላ ኮዩቤና። ሺን ቆሴቲዲ ጋምዓናው ዳንዳዒቤና። 25 ሺን ኢ ጉላ ናዒው ቱና አያናይ ኦይኪዳ ኢሲ ማጫሲያ ዩሱሳባ ሰዒዳ ኤሌሳ ኢያኮ ያዳ ኢያ ቶሁዋ ቦላ ኩንዳሱ። 26 ኢያ አይሁዳ ማጫሲ ጊዱኩ፤ ኢያ ዩሎቲዳይ ሲርፊንቁ ጊያ ቢታና። ኢያ። ባ ናዒፔ ቱና አያና ኬሳና ማላ ዩሱሳ ባሰሱ።

27 ሺን ዩሱሲ ዛሪዲ። «ናይቲ ኮይርቲዲ ካላ ካሎ፤ ናይታ ካላ ኤኪዲ ካናታሰ ዩጌይሲ ሎዎ ጊዳና» ያገሰ።

28 ማጫሲያ ዛሪዳ። «ታ ጎዳው ሄሲ ቱማ። ሺን ጋይታ ማታን ዳዒያ ካናቲ ናይታፔ ዋዲያ ቲፊያ ሞሶና» ያገሰ።

29 ዩሱሲ ቃሲ ኢኮ። «ሃ ኔ ቃላ ጊሾ ኔ ሶ ባ፤ ቱና አያናይ ኔ ናዒፔ ኬይሰ» ያገሰ።

30 ማጫሲያ ባ ሶ ቢያ ዋይ ቱና አያናይ ኢፔ ኬዩን ሃዓን ዘንዒዳር ዳማሱ።

ዩሱሲ ቱሊኔ ሙሚ ኡራ ፓላሰ

31 ዩሱሲ ደርሳ ካታማፔ ኬዩዲ። ሲደናራኔ ታሙ ካታማታ ጊያ ቢታራ ካንላዲ ጋላላ አባኮ ቢሰ። 32 አሳይ ቱሊኔ ዋዩዲ ኦዴቲያ አሲ ዩሱሳኮ ኤሂዲ። ባ ኩሺያ ኢያ ቦላ ዋላና ማላ ኢያ ሞሲደሶና። 33 ዩሱሲ ባርካ ሄ ኡራ ዳር አሳፔ ጋዓ ኬሲዲ። ባ ቢራዲያ ኢያ ሃይሳን ዩዲሰ። ቃሲ ጩቹ ጩቱዲ ኢያ ኢንግርሳ ቦቹሰ። 34 ሳሎ ፑዴ ያሊዲ። ቶኪ ሺምፕዲ። «ኤፍታህ» ገሰ። ቢርሼሳይካ «ዳዬታ» ጉሱ። 35 ኡራ ሃይሳይ ኤሌሲዲ ዳዬቲሰ። ቃሺቲዳ ኢንግርሳይካ ቢርሼቲሰ። ኡራይ ጌሺዲ ኦዴቲሰ።

36 ዩሱሲ አሳኮ። «ሃይሳ ኦዴሰካ ኦድፕቴ» ያገሰ። ሺን ኢ ዳር ሚንላዲ ኦድፕቴ ጌን። አሳይ ኦዳ ያ ዳርሲሰ። 37 ሄሳ ሰዒዳ አሳ ኡባይ ዳር ማላሎቲዲ። «ኡባባ ኢ ሎይላ ኦሌሰ። ሃሪ አቶሺን። ቱሊያ ሲሴሰ። ሙሚያ ኦዲሴሰ።» ያገደሶና።

8

ዩሱሲ ኦይዲ ሙኩሉ አሳ ሙዚሰ
(ማቶ 15:32-39)

1 ጉላ ዋደፔ ጉዬ። ዳር አሳይ ዩሱሳኮ ሸቁደሶና። አሳሰ ሚያባይ ቆዩን ዩሱሲ ባ ታማሬታ ባኮ ያጊዲ። 2 «ሃ አሳይ ታራ ሂቭ ጋላሰ ጋካናው ጋምዒዲ። አይኮካ ሚያባ ዳሚቦና ጊሾ ታና አሳይ ቃዴላሰ። 3 ታኒ አሳ ኮሻራ ሶ ዩዲኮ አሳይ ቢሼ ኦኒን ዳቡራዲ ኩንዳና። ባጋ አሳይ ሃሆሶፔ ዩደሶና» ያገሰ።

4 ዩሱሳ ታማሬቲ ዛሪዳ። «ሃ ባዘ ቢታን ሃ አሳ ኡባ ሙዛናው ጊዲያ ካላ ዳማናው ዳንዳዒይ ኦኔ?» ያገደሶና።

5 ዩሱሲ ኤንታኮ። «ሂንቴው አፑን ኡይላ ዳዒ?» ያገደሶና።

ኤንቲ ዛሪዳ። «ላፑን ኡይላ ዳዒሰ» ያገደሶና።

6 ዩሱሲ አሳይ ሳዓን ኡታና ማላ ከቲሰ። ያቲዲ። ላፑን ኡይላ ኤኪዲ ያሳ ጋላቲ ሲሚዲ ሄ ኡይላ ሚንላዲ። አሳሰ ጊሻና ማላ ባ ታማሬታሰ አሚሰ። ኢያ ታማሬቲ አሳሰ ጊሺደሶና።

7 ኤንታው ቃሲ ጉላ ላፋ ሞሎቲ ዳሪሶና። ዩሱሲ ሄ ሞሎታ ጊሾ ያሳ ጋላቲዲ። አሳሰ ጊሻና ማላ ባ ታማሬታ ከቲሰ። 8 አሳይ ኡባይ ሚዲ ካሊደሶና። ኢያ ታማሬቲ አትዳ ቲፊያ ላፑን ጋይታ ከሚላ ዳንላደሶና። 9 ካሳ ሚዳ አሳ ታይቦይ ኦይዲ ሙኩሉ ጊዳና። ሄሳፊ ጉዬ። ዩሱሲ አሳ ዩዲሰ። 10 ኢ ቃሲ ባ ታማሬታራ ኤሌሲ ዋጎሎን ጌሊዲ ዳልማኑታ ጊያ ቢታ ቢሰ።

ማላቲ ኦሴታና ማላ ኦይቸደሶና
(ማቶ 16:1-4)

11 ፋሪሳዊቱ ዩዲ ዩሱፊ ፓጫናው ኮዩዲ፣ ሳሎፔ ባንታና ማላታ ቤሳና ማላ ዩሱሳራ ፓላማ እይኪደሶና።

12 ዩሱሱ ቶኪ ሺምፒዲ፣ «ሃ ዎዲያ አሳይ አይሰ ማላታ ኮዩ? ታኒ ሂንቲው ቱማ ኦዲደሰ፤ ሃ ዎዲያ አሳሰ እይ ማላቲካ እምቴና» ያገሰ። 13 ኢ ኤንታ ያን ዩጊ አጊዲ ዛሪ ዎጎሎን ጌሊዲ አሳፊ ሄሬንላ ፒሰ።

ፋሪሳዊታኔ ሄሮዲሳ ኢርሹዋ
(ማቶ 16:5-12)

14 ኢያ ታማራቲ ካላ ኤፋሪይሳ ደገደሶና፤ ኤንታው ዎጎሎፕ ጊደን ኢሲ ኡይላፊ ሃሪ ባዎ። 15 ዩሱሱ ኤንታኮ፣ «ሂንቴና ኤሪቴ። ፋሪሳዊታ ኢርሹዋፊኔ ሄሮዲሳ ኢርሹዋፊ ናጌቲቱ» ያገዲ ከቲሰ።

16 ኤንቲ ባንታ ጊደን፣ «ኢ ሃይሳ ጌይ ኮሰ ኡይላ ባይና ጊሾሳ» ያገደሶና።

17 ዩሱሱ ኤንቲ ጌይሳ ኡሪዲ ኤንታኮ፣ «ሂንቲው ኡይላ ባይና ጊሾ አይሰ ኦዳቲቲ? ሃላካ ኤሪኬቲ? ዎይኮ እኩኪኬቲ? ሂንቲ ዎዛናይ ደጪዴ? 18 ሂንቲው አይፊይ ዴሳሺን ቤዓኬቲ? ሃይላ ዴሳሺን ሲዓኬቲ? ሂንቲ እኩኬቲ? 19 ታኒ ኢቻሹ ኡይሳ ኢቻሹ ሙኩሉ አሳሰ ባሉዳ ዎዴ አፑን ጋይታ ኩሜላ ቲፊ ዴንላዴቲ?» ያገሰ።

ኤንቲካ፣ «ታማኔ ናምዑ ጋይታ ኩሜላ» ያገደሶና።

20 «ሄሳዳካ፣ ታኒ ላፑን ኡይሳ ኦዲዲ ሙኩሉ አሳሰ ባሉዳ ዎዴ አፑን ጋይታ ኩሜላ ቲፊ ዴንላዴቲ?» ያገሰ።

ኤንቲ፣ «ላፑን ጋይታ ኩሜላ ዴንላዴ» ያገደሶና።

21 ያቲን፣ «ሃላካ እኩኪቤኬቲ?» ያገሰ።

ዩሱሱ ቤቴሳይዳን ኢሲ ቆቂያ ፓላሰ

22 ኤንቲ ቤቴሳይዳ ካታማ ቢደሶና። ጉላ አሳቲ ቆቂ ኡሪ ዩሱሳኮ ኤሂዲ ሄ ኡሪ ቦቻና ማላ ኢያ ዎሲደሶና። 23 ዩሱሱ ቆቂ ኡሪ ኩሺያ ኦይኪዲ ካታማፔ ጋፃ ኪሲሰ። ኢያ አይፊያን ጨቲዲ ባ ኩሺያ ኢያ ቦላ ዎላዲ፣ «ኔው አይኮይ ቤንቲ?» ያገዲ ኦይቺሰ።

24 ኡሪይ ቶቁ ጊዲ ያሊዲ፣ «ታው አሳይ ቤንቲሰ፣ ሺን አሳይ ሃሙቲሼ ማላ ዴኔስ» ያገሰ።

25 ሃሳፊ ጉዬ፣ ዩሱሱ ዛሪዲ፣ ኡሪ አይፊያን ባ ኩሺያ ዎላሰ። ኡሪይ ሎይላ ያሊሰ፣ ኢያ አይፊይ ፓዲሰ፣ ኡባባ ጌሺዲ ቤሲሰ። 26 ዩሱሱ አዲያኮ፣ «ኔ ሶ ባ፣ ሺን ትታ ጌሎፓ» ያገዲ ከቲሰ።

ጳዲሮሳ እማኑዋኔ ማርካቲሳ

(ማቶ 16:13-20፤ ሉቃ 9:18-21)

27 ዩሱሱ ባ ታማራታሪ ቁሳሪያ ፊልጶሳ ማታን ዴሲያ ትታ ቢሰ። ኤንቲ ቢሺን ኦኔ ቦላ ዩሱሱ፣ «ታና አሳይ ኦና ጎና?» ያገዲ ባ ታማራታ ኦይቺሰ።

28 ኢያ ታማራቲ፣ «ኢሲ ኢሲ አሳይ ኔና፣ (የማቂያ ዮሃንሳ) ጎሶና፤ ሃራቲ፣ (ኤሊያሳ ጎሶና) ቃሲ ሃራቲ፣ (ናቤታፔ ኢሱዋ) ጎሶና» ያገደሶና።

29 ዩሱሱ ኤንታኮ፣ «ያቲን ሂንቲ ታና ኦና ጌቲ?» ያገዲ ኦይቺሰ።

ጳዲሮሱ፣ «ኔኒ ኪሪሰቶሳ» ያገዲ ዛሪሰ።

30 ዩሱሱ፣ «ታባ ኦዲሰካ ኦደፒቱ» ያገዲ ኤንታ ከቲሰ።

ዩሱሱ ባና ጋካና ሚቱዋኔ ዎያ ኦዲሰ

(ማቶ 16:21-28፤ ሉቃ 9:22-27)

31 ዩሱሱ ባ ታማራታኮ፣ «አሳ ናዓይ፣ ዳሮ ሜቶ ኤካናው ቤሰሰ፤ ጨማቲ፣ ካሂኔ ሃላቃቲኔ ሂጌ አሰታማራቲ ኢያ ኢካናው ቤሰሰ። ኤንቲ ኢያ ዎሳናውኔ ሂቻ ጋላሳፔ ጉዬ፣ ኢ ሃይቆፔ ዴንዳናው ቤሰሰ» ያገዲ ኤንታ ታማርሲሰ። 32 ኢ ሃሳ ኤንታው ጌሺዲ ኦዲሰ። ጳዲሮሱ ኢያ ኢሲ ባጋ ዛሪዲ ሃንቁሰ።

33 ሺን ዩሱሱ ጉዬ ሲሚዲ፣ ባ ታማራታ ያሊዲ፣ ጳዲሮሳ ሃንቁቲዲ፣ «ሃ ዓላሂያው፣ ታፔ ሃካ። ኔኒ ኢሲ ደሲያባ ቆፓሳፔ አቲን ያሳይ ደሲያባ ቆፓካ» ያገሰ።

ዩሱሳ ካሎይ ባና ካደ ኦይቺሰ

(ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዩሱሱ ዳሮ አሳኔ ባ ታማራታ ባኮ ያገዲ፣ «ታና ካላናው ኮያ ኦኒካ ባና ካደ፤ ባ ማሰቃሊያ ቶኪዲ ታና ካሎ። 35 ባ ሺምፑዋ አሻናው ኮያ ኡሪይ ሳይሰና። ሺን ታ ጊሾኔ ዎንጌላ

ገሾ ባ ሽምቸዋ ቆይሲያ ኡራይ አሻና። 36 ኢሲ ኢሲ ሳባን ደዒያ ኡባባ ባው ሸሺዲ፣ ባ ሽምቸዋ ቆይሲኮ ኢያ አይ ማዳኔ? 37 ኢሲ ኢሲ ባ ሽምቸዋ ዋዛናው አይ አማናው ዳንደዒ? 38 ያሳ አማናና ሃ ኢታ ዩሌቴላን፣ ኢሲ ኢሲ ታናኒኔ ታ ቃላን ዩላተኮ፣ አሳ ናባይ፣ ቃሲ ባ አዋ ቦንቸን ገሻ ኪታንቸታራ ያ ዋዳ ኢያን ዩላታና» ያገሰ።

9

ዩሱሳ ማላይ ላሚቲስ

(ማቶ 17:1-13፤ ሉቃ 9:28-36)

1 ዩሱሲ ኤንታኮ፣ «ታኒ ሂንቲው ቱማ ኦዳይስ፤ ያሳ ካዋቱላይ ዋልቃራ ዩይሳ ቤያና ሃይቆና ኢሲ ኢሲ አሳቲ ሃይሳን ዳዖሶና» ያገሰ።

2 ዩሱሲ ኡሱቸን ጋላሳፔ ጉዩ፣ ባራ ጳጳርሳ፣ ያይቆባኔ ዮሃንሳ ኤኪዲ፣ ኤንታ ፃላላ ገታ ዳሪያ ቦላ ኬሲዲ ኤንታ ሰንሳን ላሚቲስ። 3 ኢያ ማያይካ ጸሊስ፤ ሳባን ማያ ሚጪያ ኦኒካ ገሻናው ዳንደዳይሳ ማላ ዳር ቦሃስ። 4 ሄ ሄዙ ታማራቲ፣ ኤሊያሲኔ ሙሴይ ዩሱሳራ ኦዳቴሺን ቤዒዳሶና።

5 ጳጳርሲ ዩሱሳ፣ «አስታማሪያው፣ ኦኒ ሃይሳን ዳዒይሲ ኮሰ ሎዮ፤ ኦ ሄዙ ሻቃራታ ኢሱዋ ኔው፣ ኢሱዋ ሙሴስ፣ ቃሲ ኢሱዋ ኤሊያሳስ ሻቃራና» ያገሰ። 6 ኢያራኔ ሃንኮታራ ዳር ያዩዳ ገሾ ኢ አይ ገያኮካ ኤሪቤና።

7 ሄሳፌ ጉዩ፣ ሻራይ ዩዲ ኤንታ ካሚን ሻራፔ፣ «ሃይሲ ታ ደሲያ፣ ታ ናባ፣ ኢ ጌይሳ ሰዒቲ» ገያ ቃላይ ዩስ። 8 ኤሊሲዲ ኤንቲ ዩሺ አላ ጂሊያ ዋዳ ዩሱሳፔ አቲን ሃራ ኦናካ ባንታ ማታን ቤዒሶኮና።

9 ኤንቲ ዳሪያፔ ዋጂሺን፣ ዩሱሲ ኤንታኮ፣ «አሳ ናባይ፣ ሃይቆፔ ዳንደና ጋካናው፣ ሂንቲ ቤዒዳባ ኦዳሰካ ኦደፔቲ» ያገሊዲ ኪቲስ።

10 ኢ ከቲዳይሳ ኤንቲ፣ «ኤሮ» ገዲ፣ «ሃ ሃይቆፔ ዳንደ ጌይሲ ዋይጉሴ» ገዲ፣ ባንታ ገደን ኦዳቴደሶና።

11 ኤንቲ ዛሪዲ፣ «ሂፔ አስታማራቲ፣ ሳኤሊያሲ ኮይሮቲዲ ያናው ቤሴስ) አይስ ጎና?» ያገሊዲ ኦይቸደሶና።

12 ዩሱሲ ዛሪዲ «ኤሊያሲ ኮይሮቲዲ ዩዲ፣ ኡባባ ገሲሴስ፤ ያቲን፣ አይስ ገሻ ማፃፋይ፣ ሳሳ ናባይ ዳር ዋዩታና ኢጃታና) ያገ ገዲ ኦይቸስ። 13 ሺን ታኒ ሂንቲው ኦዳይስ፤ ኤሊያሲ ዩስ፤ ቃሲ ኢያባይ ገሻ ማፃፋን ፃፊቲዳይሳዳ፣ አሳይ ኢያ ቦላ ባንታ ኮዩዳባ ኦላደሶና» ያገሰ።

ዩሱሲ ቱና አያናይ ኦይኪዳ ናባ ፓሊስ

(ማቶ 17:14-21፤ ሉቃ 9:37-43)

14 ዩሱሲ፣ ጳጳርሲ፣ ያይቆባኔ ዮሃንሳ ሃንኮ ኢያ ታማራታኮ ሰሚዲ ያ ዋዳ ዳር አሳይ ኤንታ ዩሹዋን ኤቁዳይሳታኔ ሂፔ አስታማራ ገዲዳ ጉላ አሳቲ ኤንታራ ፓላሚይሳ ቤዒደሶና። 15 ሄ ዳር አሳይ ዩሱሳ ቤዒዳ ዋዳ ማላሉቲዳ፣ ኤሊሲዲ ኢያኮ ዋጂ ዩዲ፣ ኢያ ሳርሊደሶና። 16 ዩሱሲ ባ ታማራታኮ፣ «ኤንታራ አይ ፓላሚቲ?» ያገሊዲ ኦይቸስ።

17 ሄ ዳር አሳ ገደፌ ኢሲ ኡራይ ዛሪዲ፣ «አስታማሪያው፣ ታ ናባ ቦላ ኦዳቴላ ዲገያ ቱና አያናይ ዳዒያ ገሾ ኢያ ኔኮ ኤካዳ ያስ። 18 ሃ ቱና አያናይ ኢያ ኦይኪያ ዋዳ ኡባን፣ ኢያ ሾጪ ዩሺ፤ ኢያ ደናራ ጎፖንቶይ ዩስ፤ ቃሲ አቼ ጋርጪሲስ፤ አሳቴላካ ሚኔስ። ኢያፔ ሃ ቱና አያና ኬሳና ሚላ፣ ኔ ታማራታስ ኦዳስ፣ ሺን ኬሳናው ዳንደዒሶኮና» ያገሰ።

19 ዩሱሲ ዛሪዲ ኤንታኮ፣ «አማናና ሃ ዋዲያ አሳው! ታኒ ሂንቲራ አዉዳ ጋካናው ዳኔ? ቃሲ ሂንቲራ አዉዳ ጋካናው ዳንደዳኔ? ናባ ታኮ ሃ ኤኪ ዩቲ» ያገሰ። 20 ኤንቲ ናባ ኢያኮ ኤሂደሶና፤ ሄ ቱና አያናይ ዩሱሳ ቤዒዳ ሚላ ናባ ኮኮርሲስ፤ ናባይ ሳባን ኮንዲዲ፣ ደናራ ጎፖንቶይ ቶፋ ገሺን ጎንደሬቲስ። 21 ዩሱሲ ሄ ናባ አዋኮ፣ «ሃይሲ ኔ ናባ ኦይኮሳፔ አይ ሚላ ዋዳ ገደኔ?» ያገሊዲ ኦይቸስ።

ናባ አዋይ፣ «ኢ ጉላን ዳዒሺን ኦይኪስ። 22 ኢያ ዋፃናው ዳር ዋዳ ታማኒኔ ሃላን ዩሺ፣ ሺን ኔ ዳንደዒኮ፣ ኮሰ ቃጂታርኪ፣ ኦና ማዳርኪ» ያገሰ።

23 ዩሱሲ ኢያ፣ « ኦኒ ዳንደዒኮ ጋይ?» አማኒያ ኦዳሰካ ኡባባይ ዳንደዒቲስ» ያገሰ።

24 ኤሊሲዲ ናባ አዋይ ባ ቃላ ቆቀ ኦላዲ፣ «ታኒ አማናይስ፣ ሺን ጉጃ አማናናዳ ታና ማዳርኪ» ያገሰ።

25 ዩሱሲ አሳይ ዳሪ ዳሪ ቤይሳ ቤዒዲ፣ ቱና አያና፣ «ሃ ቱሌኔ ሙሜ አያናው፣ ሃ ናባፔ ኬያ ጋዳ ኔና ታ ኪታይስ፤ ቃሲ ናሞዳንላ ኢያን ጌሎፓ» ያገሰ።

26 ሄ ቱና እያናይ ዋሲዲ፣ ናዓ ዳር ኮኮርሲዲ፣ ኢያፔ ኬዩሲ። ናዓይ ሃይቂዳ ዳነን፣ ዳር አሳይ፣ «ናዓይ ሃይቂሰ» ያገደሶና። 27 ሸን ዩሱሲ ናዓ ኩሺያ ኦይኪዲ ዳነሰን፣ ናዓይ ዳነዲ ኢቂሰ።

28 ዩሱሲ ሶ ጌሊዳይሳፊ ጉዬ ኢያ ታማሬቲ፣ «ኮኒ ሄ ቱና እያና ኬሳናው አይሰ ዳነዳዒሶኮ?» ያገደዲ ዩሱሳ ዱማ ኦይቸደሶና።

29 ዩሱሲ ዛሬዲ፣ «ሄሳ ሚላይ ዋሳፔኔ ያማፔ ኣቲን ሃራባን ኬያናው ዳነዳዒና» ያገሰ።

ዩሱሲ ባና ጋካና ሜቱዋ ዛሬ ኦዲሰ
(ማቶ 17:22-23፤ ሉቃ 9:43-45)

30 ኤንቲ ሄ ቤሳፊ ዳነዲዲ፣ ጋሊላራ አቋዲ ቢደሶና፤ ዩሱሲ ባ ደዒያሱዋ ኦኒካ ኤራና ሜላ ኮዩቤና። 31 ኢ ባ ታማሬታኮ፣ «አሳ ናዓ፣ አሲ አሳሰ አላ ኢማናኔ ዋቆና፤ ኢ ሄሹ ጋላሳፔ ጉዬ፣ ሃይቆፔ ዳነዳና» ያገደዲ ታማርሴሰ።

32 ሸን ኤንታው ኢ ጌይሲ ጌሊቤና፤ ቃሲ ኢያ ኦይቻናዉካ ያዩደሶና።

ኡባፊ አዲይ ኦኒ?
(ማቶ 18:1-5፤ ሉቃ 9:46-48)

33 ኤንቲ ቂፊርናሆሚ ካታማ ቢዲ ሶ ጌሊዳይሳፊ ጉዬ ዩሱሲ ኤንታኮ፣ «ኦኒን አይ ኦዳቲቲ?» ያገደዲ ኦይቸሰ። 34 ሸን ኤንቲ፣ «ኮ ገደን ኡባፊ አቆናይ ኦኒ?» ያገደዲ ፓላሚዳ ገሾ ሲዒ ገደሶና። 35 ዩሱሲ ኤቲዲ፣ ታማኔ ናሞሶ ታማሬታ ያገደዲ፣ «ኦኒካ ሰንሐ አቆናው ኮይኮ፣ ኡባፊ ጉዬ አቋዲ፣ ኡባሰ አይሌ ገደናው ቤሴሰ» ያገሰ።

36 ኢሲ ጉላ ናዓ ኤኪዲ፣ ኤንታ ገደን ኤሲሰ፤ ሄ ጉላ ናዓ ኢዲሚዲ ኤንታኮ፣ 37 «ሃይሳ ሜላ ጉላ ናይታፔ ኢሱዋ ታ ሱንላን ሞኪያ ኦኒካ ታና ሞኪሰ፤ ቃሲ ታና ሞኪያ ኦኒካ ታና ከቲዳይሳካ ሞኪሰፔ ኣቲን ታ ያላላ ሞኪና» ያገሰ።

ኦና ኢዳና ኡራይ ኦ ባጋ
(ሉቃ 9:49-50)

38 ዮሃኒሲ፣ «አሰታማሬያው፣ ኢሲ አሲ ኔ ሱንላን ቱና እያናታ ኬሲሸን ኦኒ ቤዒዲ፣ ኦ ባጋ ገደና ገሾ ኢያ ዲገደ» ያገሰ።

39 ሸን ዩሱሲ፣ «ኦኒካ ታ ሱንላን ያሳይ ኦሊያ ማላታታ ኦሊዲ፣ ኤሌሲዲ ታ ቦላ ኢታባ ኦዳታናው ዳነዳዒይ ባይና ገሾ ዲሳፊቲ። 40 ኦባ ኢዳና ኡራይ ኦ ባጋ። 41 ታኒ ሂንቴው ቱማ ኦዳይሰ፤ ሂንቴ ታይሳታ ገደያ ገሾ ኦኒካ ሂንቴው ታ ሱንላን ሃሎ ሃላ ኡያናው ኢሚኮካ፣ ባ ዋይቱዋ ኤካና።

ናጋራን ፓጩቲላ
(ማቶ 18:6-9፤ ሉቃ 17:1-2)

42 «ታና አማኒያ ሃ ጉላታፔ ኢሱዋ ባሌሊያ ኦኒካ፣ ጋቻ ዋጋ ዋፃ ባ ቆዴን ቃቸዲ፣ አባን ዉሊያኮ ኢያው ሎዎ። 43-44 ኔ ኩሺይ ኔና ባሌሊኮ፣ ቃንፃ ሆላ። ኦኒ ናሞሶ ኩሺራ ቶዶና ጋናሚ ታማን ዩጌቲይሳፊ፣ ዳፃ ኩሺራ ደዑዋ ጌሎይ ኔው ሎዎ። 45-46 ኔ ቶሆይ ኔና ባሌሊኮ፣ ቃንፃ ሆላ። ኦኒ ናሞሶ ቶሆዋ ጋናሚ ታማን ዩጌቲይሳፊ፣ ዋቤ ገደዳ ደዑዋ ጌሊይሲ ኔው ሎዎ። 47 ኔ አይፊይ ኔና ባሌሊኮ፣ ዋጫ ኬሳ ሆላ። ኦኒ ናሞሶ አይፊያራ ጋናሚ ታማን ዩጌቲይሳፊ፣ ኢሲ አይፊያራ ያሳ ካዋቲላ ጌሊይሲ ኔው ሎዎ። 48 ያን ኤንታ ሚያ ጉፁኔይ ሃይቁና፣ ታማይካ ቶዔና።

49 «ያርሾይ ማፂኔን ጌይሳ ሚላ አሲ ኡባይ ታማን ሃርቁታና። 50 ማፂኔይ ሎዎ፣ ሸን ኢ ማልዶና ኢዳኮ፣ ዛሬዲ ዋቲ ማልዳኔ? ሂንቴናን ማፂኔይ ዳዎ። ያኒዲ ኢሶይ ኢሱዋራ ሳርቲላን ዳዳቲ» ያገሰ።

10

ማቸ ዩዳናው ቤሴና
(ማቶ 19:1-2፤ ሉቃ 16:18)

1 ዩሱሲ ሃሳፊ ዳነዲዲ፣ ዩሁዳ ቢታ ቢዲ ዮርዳናሴ ሻፋ ፒኒሰ። ዳር አሳይ ዛሬዲ ኢያኮ ሸቁን፣ ካሲይሳዳካ ሄ አሳ ታማርሲሰ።

2 ኢሲ ኢሲ ፋሪሳዌቲ ፓጩናው ኮዩዲ ዩሱሳ፣ «ኢሲ አሲ ባ ማቸው ዩዳና ሚላ ሙሴ ሂጌይ ከቲ?» ያገደዲ ኢያ ኦይቸደሶና።

3 ኢ ዛሬዲ፣ «ሙሴይ ሂንቴና ዋይገዲ ከቲዳ?» ያገሰ።

4 እንተ፡ «ሙሴይ፡ ለአሲ እሲ ባ ማቼስ እንጀ ዋርቃቲ አሚዲ ዬዶ፡ ገሰ» ያገደዳሪና።

5 ዬሱሲ ዛሬዲ፡ እንታ «ሂንቴ ኦዲን ሲያናይሳታ ገዲያ ገሾ ሙሴይ ሃ ከታ ሂንቴው ዓፊስ።
6 ሺን ያሳይ ኮይር ሜጲያ ዋዴ አዳኔ ማጫ እሴዲ፡ እንታ ሜጲስ። 7 ሃሳ ገሾ፡ አሲ እሲ ባ አዋኔ ባ አደው አገዲ፡ ባ ማቼራ አሲፊ ዴዎስ። 8 እንቲ ናምዓይ አሲ እሴ ገደሶና፤ ሂዘ፡ እንቲ አሲ እሴ ገደሶና፤ ኣቲን ናምዑ አሲ ገደኮና። 9 ሃሳ ገሾ፡ ያሳይ አሲፊ ቃቺዳይሳ አሲ ቫኮር» ያገሰ።

10 እንቲ ሶ ሰሚዳ ዋዴ አያ ታማሬቲ ሃ ኦዲባ ዬሱሳ ናምዓን፤ እይቺደሶና። 11 ዬሱሲ እንታኮ፡ «ባ ማቼው ዬዲዲ ሃራ እኪያ ኦኒካ ላይማቴስ። 12 ቃሲ ማጫሲያካ ባ አዘና፤ ከያዳ ሃራ አዘና ጌሊኮ ላይማታዉስ» ያገሰ።

ዬሱሲ ጉላ ናይታ እንጂስ
(ማቶ 19:13-15፤ ሉቃ 18:15-17)

13 ዬሱሲ ጉላ ናይታ ቦቻና ሜላ፡ አሲ አሲ አሳይ ናይታ አያኮ ኤሆሶና፡ ሺን አያ ታማሬቲ ሃ አሳ ሃንቁቲደሶና። 14 ዬሱሲ ሃሳ ቢዒዲ፡ ባ ታማሬታ ሃንቁቲዲ፤ እንታኮ፡ «ጉላ ናይቲ ታኮ ዬይሳ ዲንፊቲ፤ ያሳ ካዋቴላይ ሃይሳታ ሚሳሳ። 15 ታኒ ሃንቴው ቱማ ኦዲይስ፤ ያሳ ካዋቴላ ጉላ ናዓዳ እኩና ኡራይ ኦኒካ ሃ ካዋቴላ ኡባራካ ጌሌና» ያገሰ። 16 ጉላ ናይታ አዲሚዲ፡ ባ ኩሺያ እንታ ኤሱዋ ኤሱዋ ቦላ ዋላዲ እንጂስ።

ሚሺ ሲቆይ ኤሂያ ሜቱዋ
(ማቶ 19:16-30፤ ሉቃ 18:18-30)

17 ዬሱሲ ባናው ከዬዳ ዋዴ አሲ ኡራይ ዋዲ ዬዲ፡ አያ ሲንሳን ጉልባቲዲ፡ «ከሃ ኣስታማሪያው፡ ማሪና ዴቦዋ ላታናው ታኒ አይ ኦሎ?» ያገዲ እይቺስ።

18 ዬሱሲ፡ «አይስ ታና ከሃው ጋዳ ይገይ? ያሳ ዓላላ፤ ኣቲን ሃሪ ከሂ ኦኒካ ባዋ። 19 ያሳ ከታ፡ ዋዲ፤ ላይማቶ፤ ካይሶቶ፤ ዋርዶ ማርካቶ፤ እንግርሳን ጨዋ፤ ኔ አዋኔ ኔ አደው ቦንቻ ያገይሳ ኡራሳ» ያገሰ።

20 ኡራይ፡ «አስታማሪያው፡ ታኒ ሃሳ ኡባ ናናቴላፊ ደማዳ ሃዒ ጋካናው ናጋይስ» ያገሰ።
21 ዬሱሲ ኡራ ቲሺ ኦላ ያሊዲ ደሲስ፤ «ኔው አሲባይ ገጠፎስ፤ ባዳ ኔው ዴዒያባ ኡባ ባይዛዳ፡ ሃ ሚሺያ ማንቆታኮ ሰማ፤ ኦኒ ሳሎን ዴሬታና። ያታ ሰሚዳ ታና ካላ» ያገሰ። 22 ሺን ኡራይ ሃሳ ሲዒዲ፡ አ ዳር ዳሬ ገዲያ ገሾ ባ ሶምቦዋ ካሬላስ፡ ኡፋይቶና አገዲ ቢስ።

23 ዬሱሲ ባ ታማሬታ ዩሺ ኦላ ያሊዲ፡ «ዳሬ ኣሲ ያሳ ካዋቴላ ጌላናይሲ ዋኒዲ ሜታንዴቫ!» ያገሰ።

24 አያ ታማሬቲ አያ ቲሚርቲያ ሲዒዲ ማላሌቲደሶና። ሺን ዬሱሲ ቃሲካ እንታኮ፡ «ናይቶ፡ ያሳ ካዋቴላ ጌላናይሲ ዋኒዲ ሜታንዴቫ! 25 ዴሬ ኣሲ ያሳ ካዋቴላ ጌላናይሳፊ፡ ገማሌይ ናር፤ ሉሆራ ኣዲይሲ ካዉቆስ» ያገሰ።

26 አያ ታማሬቲ ማላሌቲዲ፡ «ያተን፡ ኦኒ ኣታኒ?» ያገዲ፡ አሲይ ኤሱዋ እይቺደሶና።

27 ዬሱሲ እንታ ቲሺ ኦላ ያሊዲ፡ «ሃይሲ ያሳስ ዳንዳዎቴስ፤ ኣቲን ኣሳስ ዳንዳዎቴና፤ ያሳስ ኡባባይ ዳንዳዎቴስ» ያገሰ።

28 ጴዌሮሲ ዬሱሳኮ፡ «ሂኮ፤ ኦኒ ኦባ አገዲ፡ ኔና ካሊዲ» ያገሰ።

29 ዬሱሲ «ታኒ ሃንቴው ቱማ ኦዲይስ፤ ታ ገሺኔ ዋንጌላ ገሾ ከላ ዋይኮ አሻታ ዋይኮ ሚቺታ ዋይኮ አዋ ዋይኮ አደው ዋይኮ ማቼው ዋይኮ ናይታ ዋይኮ ጋዲያ ኣገዲይ ኦኒካ። 30 ሃዒ ሃ ዋዲያን ያቲ ኩሺ ከላ፡ አሻታ፡ ሚቺታ፡ አዬታ፡ ናይታ፡ ጋዲያ፡ ጎዴቴላራ አሲፊ ኤካና። ሲንሳፊ ያና ዋዲያንካ ማሪና ዴቦዋ ኤካና። 31 ሺን ዳርቲ ሃዒ ዳሳን ሲንሳ ገዲዳይሳቲ ጉዬ ገዳና፡ ቃሲ ዳርቲ ሃዒ ጉዬ ገዲዳይሳቲ ሲንሳ ገዳና» ያገሰ።

ዬሱሲ ባና ጋካና ሜቱዋ ሂቫንፊ ኦዲስ
(ማቶ 20:17-19፤ ሉቃ 18:31-34)

32 ዬሱሳራኔ አያ ታማሬታራ ዬሩሳላሚ ቢሺን፡ ዬሱሲ ባ ታማሬታ ሲንሳን ሃሙቴስ። እንቲ ማላሌቲደሶና። አያ ካሊይሳቲካ ያዩደሶና። ናምዓን፡ ታማኔ ናምዑ ታማሬታ ጋዓ ከሲዲ፡ ባና ጋካናባ ዳማ እንታው ሃይሳሳ ያገዲ ኦዲስ። 33 «ሂኮ፡ ኦኒ ዬሩሳላሚ ሃዒ ከዬሶ። ያን ኣሳ ናዓይ፡ ካሂኔ ሃላቃታሲኔ ሂኔ እስታማሬታሲ ኣላ አሚታና። እንቲ አያ ቦላ ሃይቆ ፐርዳ ፐርዳና፤ ቃሲ ኣይሁዳ ገደና ዴሪያስ አያ ኣላ አማና። 34 ሃ ኣይሁዳ ገደና ዴሬይ አያ ቶቻና፡ አያ ቦላ ጨታና፡ ሊሶን ጋራፋናና ዋሳና፡ አ ሂቩ ጋላሳ፤ ጉዬ፡ ሃይቆ፤ ዳንዳና» ያገሰ።

ያይቆቤኔ የሃኒሲ ዋሲዳ ዋሳ

(ማቶ 20:20-28)

35 ዛብዲዮሳ ናይቲ ያይቆቤኔ የሃኒሲ ዬሱሳኩ ዪዲ፣ «አስታማሪያው፣ ኑኒ ኔና ዋሲያ አሲባ ኮስ ኦላርከ» ያገደሰና።

36 ዬሱሲ አንታኮ፣ «ታኒ ሂንቴው አይ ኦሎ?» ያገሰ።

37 ኤንቲ፣ «ኔኒ ኔ ቦንቾ ካዎቴላን ኡቲያ ዎዴ ኦፔ አሱዋ ኡቫቻ ባጋራ ቃሲ አሱዋ ሃዲርሳ ባጋራ ኡቲሳርከ» ያገደሰና።

38 ሽን ዬሱሲ አንታኮ፣ «ሂንቴ አይ ዋሲያኮ ኤራኬታ፣ ታ ኡያናው ዴዲያ ፀሓ ኡያናው ዳንዳዔቲ? ቃሲ ታኒ ፃማቄታናው ዴዲያ ሂንቃቲያ ፃማቄታናው ዳንዳዔቲ?» ያገሰ።

39 ኤንቲ ዛሪዲ፣ «ኤ ዳንዳያሰ» ያገደሰና።

ዬሱሲ ቃሲ፣ «ቴማካ ታ ኡያናው ዴዲያ ፀሓ ሂንቴ ኡያና፣ ታኒ ፃማቄታናው ዴዲያ ሂንቃቲያ ሂንቴ ፃማቄታና። 40 ሽን ታቴ ኡቫቻ ባጋራ ነሃዲርሳ ባጋራ ኡታናይሳታ ዶራናው ታው ማቲ ባዋ፣ ሽን ሄ ቤሳይ ያሳይ አማናው ገሊሲ ዋሲዳይሳታሳ» ያገሰ።

41 ሃንኮ ታው ታማራቲ ሄሳ ሲዲዳ ዎዴ ያይቆቤኔ የሃኒሳ ሃንቄቲዶሶና። 42 ዬሱሲ አንታ ኡባ ባኮ ጂጊዲ፣ «አይሁዴ ገደና አሳ ሃላቃቲ ዴሪያ ሃራይሳታ ጌቲቲዲ ጂጌቲይሳኔ ሃራይሳታሰ ዴሪያ ቦላ ማቲ ዴዲያሳ ሂንቴ ኤራታ። 43 ሽን ሂንቴ ገደን ሄሳ ማላ ገደና ሂንቴ ገደን ገታታናው ኮዬይ ኦኒካ ሂንቴው አይሌ ገደናው ቤሱስ። 44 ቃሲ ሂንቴ ገደን ኡባሬ ቦላ ገደናው ኮዬይ ኦኒካ ሂንቴ ኡባሰ አይሌ ገደናው ቤሱስ። 45 ሃሪ አቶሽን፣ አሳ ናናይካ፣ አሳሰ አላናወኔ ዳርታ ዎዛናው ባ ሸዎፕዋ አላ አማናው ዪሲፔ ኦቲን አሲ ኢያው ኦላና ማላ ዪቤና» ያገሰ።

ዬሱሲ ቆቄያ ባርጂሞሳ አይፊያ ፓሊሰ

(ማቶ 20:29-34፤ ሉቃ 18:35-43)

46 ኤንቲ አያርኮ ካታማ ቢደሶና። ዬሱሲ ባ ታማራታራኔ ዳር አሳራ አያርኮሬ ከዪሺን፣ ጂሞሳ ናዓይ፣ ቆቄይ፣ ባርጂሞሳ ጌቲቲይሲ፣ ኦጌ ጋፃን ዋሲሼ ኡቲሰ። 47 ባርጂሞሲ፣ ያራ አዬይ ናዚሬቲ ዬሱሳ ገዲዲይሳ ሲዲዳ ዎዴ ባ ቃላ ቆቄ ኦሊዲ፣ «ዳዊቲ ናዓ ዬሱሳ፣ ታና ማራርከ!» ያገሰ።

48 ዳር አሳይ ኢያ፣ «ሃይዛ!» ገዲ ሃንቄቲዶሶና።

ሸን፣ ኢ ባ ቃላ ካሲይሳሬ ዳር ቆቄ ኦሊዲ፣ «ዳዊቲ ናዓው፣ ታና ማራርከ!» ያገሰ።

49 ዬሱሲ ኡቄዲ፣ «አያ ሃ ጃጌቲ» ያገሰ።

ኤንቲ ቆቄያኮ፣ «አይኮይ ባዋ፣ ዳንዳ ኤቃ፣ ኔና ጃጌሰ» ያገደሰና። 50 ቆቄይ ባ ማዑዋ ሆሊ ዬገዲ፣ ገፕ ዳንዲ ኡቄዲ፣ ዬሱሳኮ ቢሰ።

51 ዬሱሲ፣ «ታኒ ኔው አይ ኦላና ማላ ኮያይ?» ያገሰ።

ቆቄይ፣ «አስታማሪያው፣ ታ ጃላናው ኮያይሰ» ያገሰ።

52 ዬሱሲ ኢያ፣ «ባ፣ ኔ አማናይ ኔና ፓሊሰ» ያገሰ። ሶሁዋራካ ኢያ አይፊይ ጃሊን፣ ዬሱሳ ካሊሲ።

11

ዬሱሲ ገታ ቦንቾን ዬራሳላማ ገሊሲ

(ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዬራሳላማ ማቲሸ፣ ሻማሆ ዴሪያ ማታን ዴዲያ ቤቴፋኔኔ ቢታኒያ ካታማታ ጋከደሶና። ዬሱሲ ባ ታማራታጌ ናምዓታ ሰንሐ ከቲዲ፣ 2 «ሂንቴሬ ሲንሳን ዴዲያ ጉታ ቢቲ፤ ያ ገሊዲ ማላ ኦኒካ ቶጊቦና ቃሾን ዴዲያ ሃራ ማሪ ሂንቴ ዴማና፣ ኢያ ቢሊዲ፣ ሃ ኤኮ ዪቲ። 3 ኦኒካ ሂንቴና፣ ሃይሳ አይሰ ስላቲ?» ያገደዲ ኦይቸኮ፣ ሳይሳ ኢያ ኮዬስ፣ ኡሊሲዲ ሃ ዬዳና፣ ያገቲ» ያገሰ።

4 ኤንቲ ቢዲ፣ «ሃራ ማሪ ካሪ ቦላ ኦጌ ማታን ቃሽቲዲ ዴዲያሳ ዴማዲ ቢሊደሶና። 5 ሄ ቤሳን ኡቄዳ አሲ አሲ አሳቲ አንታኮ፣ «ሃራ ማራ ዋታናው ቢሊቲ?» ያገደሰና። 6 ኢያ ታማራቲ ዬሱሲ ባንታና ከቲደይሳ ኦደን፣ አሳቲ ዬዲ አገደሶና። 7 ኤንቲ ሃራ ማሪ ዬሱሳኮ ኤሂዲ፣ ባንታ ማዑዋ ኢያ ዘኮን ሂጂን ዬሱሲ ሄ ሃራ ማራ ቶጊሰ። 8 ዳር አሳይ ባንታ ማዑዋ ኦጊያን ሂጂዶሶና፤ ቃሲ ሃራቲ ማላ ታሽ ታሽዲ፣ ኦጌን ሂጂዶሶና። 9 ዬሱሳፔ ሲንሳራ ሃሙቲያ አሳይኔ ኢያ ካሊያ አሳይ ባንታ ቃላ ቆቄ ኦሊዲ፣

«ሆሳና! * ያሳይ ጋላቲቶ!

ጎዳ ሱንሳን ዬይሲ አንጄቲዳይሳ።

10 ጎዳ ሱንሳን ያ ኦ ኦዋ

ዳዊት ካዎቴሳይ እንጄትዳይሳ።
ኡባፌ ቦላ ሳሉዋን
ዳዒያ ያሳይ ጋላቴቶ»
ያገደሱና።

11 ዬሱሲ ዬሩሳላሜ ቢዲ፣ ያሳ ኬላ ጌሊሰ። ቃሲ ኡባባ ዩዩ ያሊዳፕ ጉዬ፣ ሳዓይ ቃሚያ ገሾ ታማኔ ናምዑ ታማራታራ ቢታኒያ ካታማ ቢሰ።

ዬሱሲ ቃንገዳ ባላሴ ሚሊው
(ማቶ 21:18-19)

12 ዋንቴላ ጋላሰ እንገጥ ቢታኒያ፤ ኬዩዲ ቢሸን፣ ዬሱሲ ኮሻቴሰ። 13 ሃሆን ኢሲ ባላሴ ሚሊው ሃይላ ያላላ ማዓ ኡቴዳር ቢዲዲ፣ ኢ ቦላ ኣይፌይ ቤተኮ ገዲ፣ ቤዓናው ኢኮ ቢሰ፣ ሸን ኢኮ ኢ ቢያ ዋዴ ሃይላ ያላላ፤ እቴን ኢሲ ኣይፌካ ዳሚቤና፤ ኣይሰ ገኮ፣ ባላሴይ ኣይፊያ ዋዴይ ጋኪቤና። 14 ዬሱሲ ሄ ባላሲው፣ «ሂዞ፣ ኔፕ ሜሪናው ኣሲ ኣይፌ ሞፖ» ያገሰ። ኢያ ታማራቴ ኢ ጌይሳ ሲዲደሱና።

ዬሱሲ ያሳ ኬላን ዛልዔይሳታ ኬሲሰ
(ማቶ 21:12-17፤ ሉቃ 19:45-48፤ ዮሃ 2:13-22)

15 እንገጥ ዬሩሳላሜ ቢደሶና፤ ዬሱሲ ያሳ ኬላ ጌሊዲ፣ ያን ባይዜይሳታኔ ሻሚይሳታ ካራ ጎዶ ኦይኪሰ፤ ቃሲ ሚሸ ላሚይሳታ ዓርጸዛኔ ሆሌ ባይዜይሳታ ኦይዲያ ኣሰ ዩጊዲ፣ 16 ኣሲ ኣይቢባካ ቶኪዲ፣ ያሳ ኬላ ገደራ ኣቋና ሚላ ዲገሰ። 17 ዬሱሲ ኣሳ ሃይሳዳ ያገዲ ታማርሲሰ። «ገሻ ማፃፋን፣ ታ ኬሳይ ኣሲ ኡባይ ያሳ ዋሲያ ኬሌ ገዳና ንቴቲዲ ያፊቴሰ። ሸን ሂንቴ ኢያ ፓንጋጥ ቆሴቴያ ጎንጎሎ ኦሌዳታ» ያገሰ።

18 ካሂኔ ሃላቃቴኔ ሂኔ ኣሰታማራቴ ሂሳ ሲዲዲ፣ ኢያ ዋቆናው ኦኔ ኮሺ ኦይኪደሶና። ሸን ዳር ኣሳይ ኢያ ተሚርቴያን ማላሉቴያ ገሾ ኢያው ያዩደሶና።

19 ሳዓይ ኦማርሲያ ዋዴ ዬሱሲኔ ኢያ ታማራቴ ካታማፕ ጋፃ ኬዩደሶና።

ባላሴ ሚሊያ ሚላሱ
(ማቶ 21:20-22)

20 እንገጥ ዋንቴላ ጋላሰ ሄ ኣገያራ ኣቋሹ፣ ሄ ባላሲያ ያጸራ ሚሊዳር ቤዲደሶና። 21 ጳይርሲ ኣኪኪዲ፣ «ኣሰታማሪያው፣ ሂኮ፣ ኔኒ ቃንገዳ ባላሲያ ሚላሱ» ያገሰ።

22 ዬሱሲ ዛሪዲ፣ «ያሳ ኣማኒቴ። 23 ታኒ ሂንቴው ቱማ ኦዳይሰ፤ ኦኒካ ባ ዋዛናን ሲቋና ገደባይ ሃናናይሳ ኣማኒዲ፣ ሃ ዳሪያ፣ (ዳንዳዳ ኣባን ኮንዳ) ያገኮ ኢያው ሃናና። 24 ሂሳ ገሾ፣ ታኒ ሂንቴው ኦዳይሰ፤ ያሳ ሂንቴ ዋሲያባኔ ኦይቸያባ ኣይባ ገዲኮካ ኤኪዳዳ ኣማኒቴ፣ ሂንቴ ኤካና። 25 ያሳ ዋሳናው ሂንቴ ኤቆያ ዋዴ ሳሎን ዳዒያ ሂንቴ ኣዋይ ሂንቴ ናጋራ ኣቶ ጋና ሚላ፣ ኦኒካ ሂንቴና ናቁዳባይ ዳዒሶን፣ ኢያው ኣቶ ገቴ። 26 ሸን ኣሳ ናጋራ ሂንቴ ኣቶ ጎና ኢደኮ፣ ሳሎን ዳዒያ ሂንቴ ኣዋይካ ሂንቴ ናጋራ ሂንቴው ኣቶ ገና» ያገሰ።

ዬሱሲ ኣይቢ ማታን ኦሌያኮ ኦይሸቴሰ
(ማቶ 21:23-27፤ ሉቃ 20:1-8)

27 እንገጥ ዛሪዲ ዬሩሳላሜ ቢደሶና፣ ዬሱሲ ያሳ ኬላን ሃሙቴሸን፣ ካሂኔ ሃላቃቴ፣ ሂኒ ኣሰታማራቴኔ ጨማቴ ኢያኮ ዩዲ፣ 28 «ኔኒ ሃይሳ ኦላናው ኔው ኣይ ማቴ ዳዒ? ዋይኮ ኔው ሃ ማታ ኣሚዳይ ኦኒ?» ያገደሱና።

29 ዬሱሲ ዛሪዲ ኤንታኮ፣ «ታ ሂንቴና ኢሲባ ኦይቸና፣ ታው ኦዲቴ። ታ ቃሲ ሃይሳ ኣይ ማታን ኦሌያኮ፣ ሂንቴው ኦዲና። 30 ዮሃኒሳ ዓንቃቴይ ያሳፊዬ ዋይኮ ኣሳፕ? ታው ኦዲቴ» ያገሰ።

31 እንገጥ ባንታ ገደን ፓላማ ደሚዲ፣ «ኦኒ፣ (ያሳፊ) ገኮ፣ ኢ ኦኮ፣ (ያጥን)፣ ዮሃኒሲ ኦዲዳይሳ ኣይሰ ኣማኒቤከቴ?» ያገና። 32 (ኣሳፕ ገኮ) ኣሳ ኡባይ ዮሃኒሲ ናቤ ገዴይሳ ኤርሶና።» ያኒያ ገሾ ኣሳሰ ያዩደሶና። 33 ሂሳ ገሾ፣ እንገጥ ዬሱሳኮ፣ «ኦኒ ኤርኮ» ያገዲ ዛሪደሶና፤

ዬሱሲ፣ «ታኒካ ሃይሳ ኣይ ማታን ኦሌያኮ፣ ሂንቴው ኦዲኬ» ያገሰ።

12

ዋይኔ ቶኪያ ጎሻንቸታ ለሚሶ
(ማቶ 21:33-46፤ ሉቃ 20:9-19)

1 ዬሱሲ ኤንታው ለሚሶን ያገዲ ኦዲሰ፤ «ኢሲ ኡራይ ዋይኔ ኣታኪልቴ ቶኪዲ፣ ዩሸ ኣሌዲ ዲርሲ ዲሪሰ። ቃሲ ሄ ዋይኒያ ጉምዳያ ኦላካ ቦኪሰ። ኢያ ናጋናው ኣዲሳ ሻኮ ሻኪሰ። ሂሳፊ ጉዬ፣ ኮሌ ኦሌያ ኣሳሰ ኣሚዲ፣ ሃራ ቢታ ቢሰ። 2 ዋይኔ ኣይፊያ ማፂያ ዋዴይ ጋኪን፣ ባና ጋኪይሳ

ኤኪዲ ያና ሜላ፣ ኢሲ ባ ኣይሊያ ኮሌ ኣዋታኮ ከተሰ። 3 ኮሌ ኣዋቲ ኢያ ኣይሊያ ኦይኪዲ ዋጂዲ፣ ሚላ ኩሹ ዩዲደሶና። 4 ናምዓንሳ ሃራ ኣይሌ ኤንታኮ ከተን፣ ኤንቲ ሄ ኣይሊያሰ ሁዓያ ቆዒዲ ካወሽዲ ዩዲደሶና። 5 ዋይኔ ኣታከልተያ ጎዳይ ቃሲካ ሃራ ኣይሌ ከተሰ። ሄ ኣይሊያ ዋጂደሶና፣ ቃሲ ሃራ ደርታ ሄሳዳ ኦሊደሶና፣ ኢሶታ ኢሶታ ዋጂዲ፣ ሃራታ ዋጂደሶና።

6 «ዋይኔ ኣታከልተያ ጎዳሰ ኪታናው ኡባፌ ወርሴሳን ኢ ዳር ደሰያ ባ ናዓ ዓላሊ ኣተሰ። ኢ፣ «ኤንቲ ታ ናዓ ቦንቸና ኣጎኮና» ገዲ፣ ባ ናዓ ኤንታኮ ከተሰ።

7 «ሺን ኮሌ ኣዋቲ ባንታ ገደን፣ «ሳታናይሲ ሃይሳ፤ ዩጂቲ ኢያ ዋጂሰ፤ ኢያ ሳታይ ኮባ ገደና!» ያገደሶና። 8 ናዓ ኦይኪዲ ዋጂዲ፣ ኢያ ኣሃ ዋይኔ ኣታከልተያ ገደፌ ኃ ዮ ኪሲ ሆሊደሶና።

9 «ሂዛ፣ ዋይኔ ኣታከልተያ ጎዳይ ዋታኔ? ዩዲ ሄ ኮሌ ኣዋታ ዋጂ ኦንገዲ፣ ዋይኒያ ኮሌ ኦሌያ ሃራ ኣሳሰ ኢማና።

10-11 ሪገምቤይሳቲ ቦሪዲ ኢጂዳ ሹቻይ

ጎዳ ዓጶዋ ሚንሊያ፣ ኡባፌ ኣጂያ ሹቹ ገዲሰ።

ሃይሲ ጎዳይ ኦሊዳባ፤

ቃሲ ኦ ኣይፊያሰካ ማላሊሲያባ)

ያገይሳ ገሻ ማፃፃፍ ናባቢቤኮቲ?» ያገሰ።

12 ካሂኔ ሃላቃቲ፣ ሂኔ ኣስታማሪቲኔ ጨማቲ ዩሱሲ ሄ ለሚሱዋ ባንታ ቦላ ለሚሲዳይሳ ኤሪዳ ገሾ ኢያ ኦይካናው ኮዩደሶና፣ ሺን ኣሳሰ ያዩዲ፣ ኣገ ቢደሶና።

ገራ ገርባ

(ማቶ 22:15-22፤ ሉቃ 20:20-26)

13 ቃሲ ኢያ ኦዳፍ ባላ ዳሚዲ፣ ኢያ ኦይካና ሚላ፣ ፋሪሳዊታፔኔ ሄርዲሳ ባጋታፔ ጉሳ ኣሳታ ኢያኮ ከተደሶና። 14 ኤንቲ ኢያኮ ዩዲ፣ «ኣስታማሪያው፣ ኔኒ ቱማ ኦዳቲይሳኔ ኣሳፍ ኣሴ ሻኮናይሳ ኦኒ ኤርሰ። ኔኒ ኣሴ ዳማያካ፤ ቃሲ ያሳ ኦንያ ቱማቲላን ታማርሳ። ኦኒ ሮሜ ቢታ ካወዋ ቁሳሬሰ ገራ ገሪይሲ ዋጌዬ ዋጋ ገዳኔ? ገራ ገራኔ ኣጋኔ?» ያገደሶና።

15 ሺን ኤንታ ጩቦቲሳ ዩሱሲ ኤሪዲ፣ «ታና ኣይሰ ፓጩቲ? ኣኔ ኢሲ ሳንቲሜ ታና ቤሰቲ» ያገሰ። 16 ኤንቲ ኢያው ኢሂደሶና፣ «ሃ ማላይኔ ሱንሳይ ኦዳይሴ?» ያገዲ ኤንታ ኦይቺሰ።

ኤንቲ፣ «ሮሜ ካወዋ ቁሳሬሳ?» ያገደሶና።

17 ዩሱሲ ዛሪዲ፣ «ያቲኮ፣ ቁሳሬሳ ቁሳሬሰ፣ ያሳይሳ ያሳሰ ኣሚቲ» ያገን ኤንቲ ኢያባ ማላሊቲደሶና።

ሃይቆፔ ዳንደባ

(ማቶ 22:23-33፤ ሉቃ 20:27-40)

18 ሃይቁዳ ኣሲ ዳንደና ገያ ሳዲቃቋታፔ ኢሲ ኢሲ ኣሳቲ ዩሱሳኮ ዩዲ፣ ሃይሳዳ ያገዲ፣ ኢያ ኦይቺደሶና። 19 «ኣስታማሪያው፣ ሙሴይ ኦሰ ሂገያ ዓፊሹ፣ ማቸ ኤኪዳ ኣሲ ናዓ ዩሎና ሃይቁኮ፣ ሄ ሃይቁዳይሳ ኢሻይ ኢያ ማቸው ኤኪዲ፣ ባ ኢሻሰ ናዓ ዩላናው ቤሴሰ) ያገይሳ ዓፊሰ።

20 ቤኒ ዋዴ ላፑን ኢሻቲ ዳዔይሳታፔ ባይራይ ማቸ ኤኪዲ፣ ናዓ ዩሎና ሃይቁሰ። 21 ናምዓንሳይ ኢያ ኤኪሰ፣ ኢካ ናዓ ዩሎና ሃይቁሰ። ሄሻንሳይካ ሃሳዳ ሃኒሰ። 22 ላፑናቲካ ሃሳላ ኢያ ኤኪዲ፣ ናዓ ዩሎና ሃይቁደሶና። ኡባፌ ጉዩ፣ ቃሲ ሄ ማጫሲያ ሃይቃሰ። 23 ያቲን፣ ላፑናቲ ኢያ ኤኪዳ ገሾ ሃይቁዳ ኣሳይ ሃይቆፔ ዳንዲያ ጋላሰ፣ ኢያ ኤንታፊ ኣወሳሰ ማቸ ገዳኔ?» ያገደሶና።

24 ዩሱሲ ዛሪዲ፣ «ሃንቴ ባሊይ፣ ገሻ ማፃፃታ ዋይኮ ያሳ ዋልቃ ኤርና ገሾሳ! 25 ሃይቁዳ ኣሳይ ሃይቆፔ ዳንዲያ ጋላሰ፣ ሳሎን ዳዒያ ኪታንቸታ ሚላ ገደናፔ ኣተን ኣዳ ኣሳይ ኤኮኮና፤ ማጫ ኣሳይ ጌሊኮና። 26 ሺን ሃይቁዳይሳታ ዳንዲያባ ገዲኮ፣ ሙሴ ማፃፃን ዓፊቲዳ ፀ-ጌቲያ ቡሪያባ ኦዲያ ቤሳን፣ ያሳይ ሙሴኮ፣ ታጎ፣ ኣብራሃሚ ያሳ፣ ዩሳቃ ያሳ፣ ያይቆባ ያሳ፣ ገዳይሳ ናባቢቤኮቲ? 27 ሄሳ ገሾ፣ ኢ፣ ጋዓ ዳዔይሳታ ያሳፊ ኣተን ሃይቁዳይሳታ ያሴ ገደና። ሃንቴ ዳር ባሊዳታ» ያገሰ።

ኡባፌ ኣጂያ ኪታ

(ማቶ 22:34-40፤ ሉቃ 10:25-28)

28 ሂኔ ኣስታማሪታፔ ኢሶይ ኤንቲ ፓላሚይሳ ሸቁዲ ሰዒሰ። ቃሲ ዩሱሲ ኤንታው ሎይሌ ዛሪዳይሳ ሰዒዲ፣ «ኪታ ኡባፌ ኣጂያ ኪታይ ኣወሴ?» ያገዲ ዩሱሳ ኦይቺሰ።

29 ዩሱሲ ዛሪዲ፣ ኢያ ሃይሳዳ ያገሰ። «ኪታ ኡባፌ ኣጂያ ኪታ ሰዒቲ፤ ሲሲራዔሌ ኣሳው፣ ጎዳይ ኦ ያሳይ ኢሲ ጎዳ። 30 ኔ ጎዳ ኔ ያሳ ኔ ኩሚሳ ዋዛናፔ፣ ኔ ኩሚሳ ሸምጥዋፊ፣ ኔ ኩሚሳ

ቆፋፎ፣ ኔ ኩሚላ ዋልቃፌ ደሳ። ያጌሰ። 31 ቃሲ ከታ ኡባፌ እጂያ ናምባንሎ ከታይ ሃይሳ፤ ላሲ ኡባ ኔ ሁዒያዳ ደሳ። ያጌይሳ፤ ሃይሳታፎ እጂያ ሃራ ከቲ ባዋ» ያጌሰ።

32 ሂጌ እስታማሬይ ዬሱሳት፣ «እስታማሬይው፣ ቱማ ጋዳሳ፤ ኔጌ ሶሳይ ኢሲ ያሳ ፃላላ። እያፎ እቲን ሃራ ባዋ» ገዳይሲ ቱማ። 33 ያሳ ኩሚላ ዋዛና፣ ኩሚላ ቆፋፎ፤ ኩሚላ ዋልቃፌ ደሴይሲ፤ ቃሲ እሴ ኡባ ባ ሁዒያዳ ደሴይሲ፣ ፀጊያ ያርሹዋፌኔ ሃራ ያርሹ ኡባፌ እጂስ» ያጌሰ።

34 ዬሱሲ ሂጌ እስታማሬይ ዛርይ እጂዳ ኤራንሻ እሳ ዛር ጊዲዳይሳ ቤዒዲ፣ «ኔጌ ያሳ ካዋቴላፌ ሃካባካ» ያጌሰ፤ ሄሳፌ ጉዬ፣ ዬሱሳ ሃራባ ኦይቻናው ኦኒካ ሚጊቤና።

ከሪሰቶሲ ኦዴ ናዒ

(ማቶ 22:41-46፤ ሉቃ 20:41-46)

35 ዬሱሲ ያሳ ኩላን ታማርሲሹ፣ ሃይሳዳ ያጌሰ። «ሂጌ እስታማሬቲ ከሪሰቶሳ ዋይጊዲ ዳዊቴ ናዒ ጎና? 36 ዳዊቴይ ገሻ እያናን ኩሚዲ፣

ሳዳይ፣ ታ ጎዳ፣ «ታጌ ኔ ሞርኬታ

ኔ ቶሆይ ዬጂያሶ ኦላና ጋካናው፣

ሃይሳን ታፎ ኡሻቻ ባጋራ ኡታ» ጌሰ

ያጌሰ። 37 ዳዊቴይ ባ ሁዒን ከሪሰቶሳ፣ ሳዳ፣ ጊዲ ዪጊኮ፣ ያቴን፣ ከሪሰቶሲ ዋኒዲ፣ ዳዊቴ ናዒ ጊዲ» ያጌሰ።

ዳር እሳይ ዬሱሲ ጌይሳ ኡፋይሳን ሲዒደሶና።

ዬሱሲ ሂጌ እስታማሬታኔ ፋሪሳዊታ ቦሪሰ

(ማቶ 23:1-36፤ ሉቃ 20:45-47)

38 ዬሱሲ ታማርሲሹ፣ ሃይሳዳ ያጌሰ። «ሂጌ እስታማሬታፎ ናጌቴቴ፤ እንቲ እዳሳ ማፀ ማዒዲ ዩይሳኔ ጊያንካ እሳይ ኤንታ ቦንቺዲ ሳርጌይሳ ደሶሶና። 39 እንቲ እይሁዳ ዋሳ ኬላታን ዳር ሎፀ ኦይዴ ደሶሶና፤ ቃሲ እሲ ባንታና ሞኪያ ቤሳን ቦንሻ ቤሲ ደሶሶና። 40 እንቲ እምዒታ ኬላ ቦንቁዲ፣ ባንታው ሎፀ ዳናናው ዋሳ እዳሶሶና፤ እንቲ ኡባፌ እጂያ ፐርዳ ኡካና» ያጌሰ።

እምዒ ሙፃታ

(ሉቃ 21:1-4)

41 ዬሱሲ ያሳ ኬላን ሙፃታ ዩጊያ ሳዒጊያ ማታን ኡቲዲ፣ እሳይ ባ ሚሸያ ሄ ሳዒጊያን ዩጊይሳ ቤዒሳ፤ ዳር ዱሬ እሳይ ዳር ሚሸያ ሄ ሳዒጊያን ዩጎሶና። 42 እሲ ማንቆ እምዒያ ያዳ፣ ናምቡ ባካናታ ሄ ሳዒጊያን ዩጋሰ። 43 ዬሱሲ ባ ታማሬታ ዪጊዲ፣ «ታጌ ሂንቴው ቱማ ኡዳይሰ፤ ሙፃታ ሳዒጊያን ዩጊዳ እሳ ኡባፌ ሃ ማንቆ እምዒያ ዳርሳዳ ዩጋሰ። 44 እይሰ ጊኮ፣ ሃራቴ ኡባይ ባንታው ፓላሂዳ ሚሸያፎ ዩጊደሶና። ሺን ኢያ ባ ፓጩያፌ፣ ባው ዳዒያ እቁዋ ኩሚላ እማሱ» ያጌሰ።

13

ዬሱሲ ያሳ ኬላይ ላሊታናይሳ ኮይርቲዲ ኦዲሰ

(ማቶ 24:1-2፤ ሉቃ 21:5-6)

1 ዬሱሲ ያሳ ኬላፌ ኬዩሺን፣ እያ ታማሬታፎ ኢሶይ፣ «እስታማሬይው፣ ሃ ሎፀ ሹቻኔ ሃ ሎፀ ሹቻ ኬላ ቤዒይ!» ያጌሰ።

2 ዬሱሲ ዛሪዲ፣ «ሃ ጊታ ሹቻ ኬላ ቤዒይ? ሃ ኬላይ ሹቹ ሹቻ ቦላ ገምቡቲዳ ሚላ ላሊቶና ኦቴና፤ እሲ ሹቹካ ኦቶና ኡባይ ላሊታና» ያጌሰ።

ጎዳይ ያናፎ ኮይርቲዲ ጋካና ጎዳኔ ዋያ

(ማቶ 24:3-14፤ ሉቃ 21:7-19)

3 ዬሱሲ ያሳ ኬላፌ ሂጌ ባጋራ ሻማሆ ዴሪያ ቦላ ኡቲዳሺን፣ ጳዒርሲ፣ ያይቆቤ፣ ዮሃንሲኔ ኢንዲሪያሲ ባንታርካ እያሶ ዩዲ፣ 4 «ሃይሲ እዉዴ ሃናኔኮ፣ ኮሰ ኦዳ፤ ሃ ኡባይ ፖሊታና ዋዲያ ኡሪሲያ ማላታይ እይቤ?» ያጌዲ ኦይቺደሶና።

5 ዬሱሲ ቃሲ ኤንታው ሃይሳዳ ያጌዲ ኦዲሰ። «ሂንቴና ኦኒካ ባሊሶና ሚላ ናጌቴቴ። 6 ዳር ኣሳቲ ታ ስጎላን፣ ታጌ ከሪሰቶሳ» ያጌዲ ታማርሲሹ ዩዲ፣ ዳር እሳ ባሊሶና። 7 ማታን ዴዒያ ኦሳኔ ሃሆን ዴዒያ ኦላ ዋራ ሂንቴ ሲዒያ ዋዴ ሂርጎፊቴ። ሄሳ ሚላባይ ሃናናው ቤሴሰ፣ ሺን ዉርሰላይ ቡርና። 8 እሲ ቢታ እሳይ ሃራ ቢታ ኣሳራ ኦሊታና፤ ቃሲ እሲ ካዋቴላይ ሃራ ካዋቴላታራ ኦሊታና፤ ቢታ ቃይይ ኡባ ቤሳን ሃናና፤ ኮሻይ ዳና፣ ሺን ሄሲ ኡባይ ዬሎ ኡቁሳሰ ዘኬ ሚላ።

9 «ሺን ሂንቴ፣ ሂንቴ ሁዒን ናጌቴቴ። እይሰ ጊኮ፣ እሲ ሂንቴና ኦይቢዲ፣ ፐርዳ ኬላሰ እላ እማና፤ ቃሲ እይሁዳ ዋሳ ኬላታንካ ሂንቴና ሊሶን ጋራፋና፤ ዴሪያ ሃይሳታ ስጎላኒኔ ካዋታ ስጎላን

ታ ገሾ ሂንቲ ማርካታናው ኤቃና። 10 ወርሴላይ ጋካና፣ ሰንጠ ዋንጌላይ ኮይሮ ዳሬ ኡባሰ ኦዳታናው ቤሴሰ። 11 ኤንቲ ሂንቲና ፐርዳ ኬሌ ኤሂያ ዋዴኔ ኣሌ ኣሚያ ዋዴ ዋይገዲ ኦዳኔኮ ኮይሮ ሂርጎፊቲ፣ ሄ ሳቲያን ያሳይ ሂንቲው ኣሚያባ ኦዳቲ። ሂንቲናን ገሻ ኣያናይ ኦዳቲሲ፣ ኣቲን ሂንቲና ገዴኬታ።

12 «ኣሻይ ባ ኣሻ፣ ኣዋይ ባ ናባ ዋዳሳና። ናይቲ ባንታና ዬሌዳይሳታ ቦላ ዳንዲዲ፣ ኤንታ ዋዳሳና። 13 ኣሳይ ኡባይ ሂንቲና ታ ሱንሳ ገሾ ኢፃና፣ ሺን ወርሴላ ጋካናው ሚኒዳይ ኣታና።

ዬሩሳሌም ጋካና ኢታ ማቲቀ
(ማቶ 24:15-28፤ ሉቃ 21:20-24)

14 «ሺን ባሻ ቱናቲላይ ኤቃናው ቤሶና ቤሳን ኤቁዳሺን ሂንቲ ቤባና።» (ኣኬኪሶ፡ ሄሲ ዋይ ጉሴኮ ናባቤይሲ ኣኬኮ!) «ዪሁዳ ቢታን ሄ ዋዴ ዳዔይሳቲ ዳሪያኮ ባቃቶ። 15 ኬላ ሁዔን ዳዒያ ኡራይካ ኢሲባ ኤካናው ዳጌ ዋዳዲ፣ ባ ሶ ጌሎፖ። 16 ጋዴን ዳዔይሲ ባ ማዑቀ ኤካናው ጉዬ ሲዋፎ። 17 ሄ ዋዴ ቃንሳቲዳ ማጫሳታሲኔ ቆንሌያ ማጫሳታሰ ዳሮ ኤንባ ገዳና። 18 ሺን ሃይሲ ኡባይ ሃኒያ ዋዴይ ባልጎ ገደና ሜላ፣ ያሳ ዋሲቲ። 19 ኣይሰ ገኮ፣ ያሳይ ኣላሚያ ሜዳዳ ዋዲያ፣ ደሚዲ፣ ሃሲ ጋካናው ሃኒቦና ሜቶይኔ ሲንሳፊካ ሃናና ሜቶይ ኣሳ ቦላ ሄ ዋዴ ሃናና። 20 ጎዳቲ ሄ ጋላሳታ ታይቡቀ ጉላና፣ ኣሴ ገዲዳይ ኦኒካ ኣቲና። ሺን ኢ ባ ዳሪዳ ኣሳ ገሾ ሄ ጋላሳታ ታይቡቀ ጉሌሰ።

21 «ሄ ዋዴ ኦኒካ ሂንቲና፣ ሳሂኮ፣ ኪሪሰቶሲ ሃይሳን ዳዒሰ ዋይኮ ኪሪሰቶሲ ሂንጎ ዳዒሰ። ያገኮ፣ ሄሳ ኣማኖ፣ 22 ዋርዳንቾ ኪሪሰቶሳቲኔ ዋርዶ ናቤቲ ዳንዲዲ ባንታው ዳንዳዒቲኮ፣ ሃሪ ኣቶሺን ያሳይ ዳሪዳይሳታካ ባሌላናው ማላታታኔ ማላሊሲያባታ ቤሳና። 23 ሺን ሂንቲ ናጌቲቲ፣ ታኒ ሂንቲው ኡባባ ካሴታዳ ኦዳሰ።

ኪሪሰቶሳ ናምዓንላ ዩሳ
(ማቶ 24:29-31፤ ሉቃ 21:25-28)

24 «ሺን ሄ ዋዴ ሄ ዋያ፣ ጉዬ፣ ኣዋይ ሓማና፤ ኣጌናይ ፖዑቀ ኣጋና፤ 25 ያለንቶቲ ሳሎ፣ ኩንዳና፤ ቃሲ ሳሎን ዳዒያ ዋልቃቲካ ቃፃና። 26 ሄ ዋዴ ኣሳ ናባይ፣ ገታ ዋልቃራኔ ቦንቾዋራ ሻራ ገደራ ዪሺን ኤንቲ ቤባና። 27 ሄ ዋዴ ታኒ ኪታንቾታ ሳባ ኦይዲ ባጋ ኪታና፤ ሳባ ጋፃ፣ ሳሎቀ ጋፃ ጋካናው፣ ያሳይ ዳሪዳ ኣሳ ሸሻና።

ዋዴይ ጋኪዳይሳ ኤሪሲያ ባላሴ ሚሊው
(ማቶ 24:32-35፤ ሉቃ 21:29-33)

28 «ሉሚሱቀ ባላሴ ሚላፊ ኣኬከቲ፣ ባላሲያ ኣጩያ ዋዴኔ ኢ ሃይላይ ጨልዒያ ዋዴ ቶርቼይ ማታቲዳይሳ ሂንቲ ኤሪታ። 29 ሄሳዳካ፣ ሂንቲ ሄ ኡባባይ ሃይይሳ ቤዒያ ዋዴ ኢ ማቲዲ ፔንጌ ጋኪዳይሳ ኤሪቲ። 30 ታኒ ሂንቲው ቱማ ኦዳይሰ፤ ሃ ኡባባይ ሃናና ጋካናው ሃይሳን ዳዒያ ኣሳ ኡባይ ሃይቁና። 31 ሳሎይኔ ሳባይ ኣቆና፣ ሺን ታ ቃላይ ኡባራካ ኣዲና።

ጎዳይ ያና ጋላሳኔ ሳቲያ ኦኒካ ኤሬና
(ማቶ 24:36-44)

32 «ሺን ሄ ጋላሳኔ ሄ ሳቲያ ኣዋ ያላላ፣ ኣቲን ሃሪ ኣቶሺን ሳሎን ዳዒያ ኪታንቾታ ገዲን ዋይኮ ናባ ገዲን ኦኒካ ኤሬይ ባዋ። 33 ሄ ዋዴይ ኣዉዴ ገዳኔኮ፣ ሂንቲ ኤርና ገሾ ናጌቲቲኔ ሚኒቲ። 34 ታ ዩሳይ ባ ኬላ ኣገዲ፣ ኦጌ ቢያ ኡራ ሜላ። ኡራይ ባ ኣይሌታ ሁዔን ሁዔን ኦሱቀ ኣሚዲ ኤንታ ባ ኦሱቀሰ ኣዋ ኦሊሰ፤ ቃሲ ናጌይሲካ ሚንሌዲ ናጋና ሜላ ኪቲሰ።

35 «ሄሳ ገሾ፣ ሚኒቲ። ኣይሰ ገኮ፣ ኬላዋይ ኦማርሲ ገዲን ዋይኮ ገዲ ቢላሂ ገዲን ዋይኮ ኩቶ ዋሶ ገዲን ዋይኮ ዋንታ ጉራ ገዲን ኣዉዴ ያኔኮ፣ ሂንቲ ኤሬኬታ። 36 ሂንቲ ኣኬኮና ኢ ዪዲ ሂንቲና ሓሰኪዲ ዳዒሺን ዳሞና ሚላ ሚኒቲ። 37 ታኒ ሂንቲው ኦዳይሳ ኣሳ ኡባሰ ኦዳይሰ፤ ሚኒቲ» ያገሰ።

14

ከሪሰቶሳ ቦላ ማቄተደሶና

(ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቺያ ጋላሳይኔ ኡይላ ባሌ ቦንቺያ ጋላሳይ ጋካናው ናምዑ ጋላሲ አተሰ። ካሂኔ ሃላቃቲኔ ሂኔ አስታማሪቲ አሲ ኤርና ዩሱሳ ኦይኪዲ ዋጲያ ኦኔ ኮኖሶና። 2 «አሳይ ኦሺ ኬሶና ማላ ፓሲካ ቦንቺያ ጋላሳን ሃሳ ኦሶኮ» ያጊደሶና።

ዩሱሳ ሺቱዋ ተደዳ ማጫሲው

(ማቶ 26:6-13፤ ዮሃ 12:1-8)

3 ዩሱሲ ቢታኒያ ካታማን ባሮ ሃርጋንቸዋ ሲሞና ሶን ጊቢራ ቦላ ኡቲዳሺን፣ አሲ ማጫሲያ አልባሰደርሴ ጊያ ሹቻፊ ኦሲቲዳ ጸልቃፆ ኩማላ ናርዶሴ ጊያ ዳር አልዎ ሺቶ ኤካዳ ያሱ። ሄ ጸልቃፆያ ሜንገላዳ ሺቱዋ ዩሱሳ ሁዲያን ቲጋሱ። 4 ሄ ቤሳን ደዲያ አሳፕ አሶይ አሶይ ሃንቄቲዳ፣ «ሃ ሺቶይ ማላ ጮ አቲይ አይቢሲ? 5 ሃ ሺቱዋ ሃቸ ጭቲ ዲናሬን * ባይዚዲ፣ ሚሺያ ማንቆታሰ አማናው ዳንዳዔቲሰ» ያጊዲ ባንታ ጊደን ኦዳቲደሶና። ያቲዳ፣ ሄ ማጫሲው ዳር ቦሪደሶና።

6 ሺን ዩሱሲ «ሃ ማጫሲው አይኮካ ጎፒቲ፤ አኖ አይሰ ዋይሴቲ? አያ ታው ሎዎባ ኦሳሱ። 7 ማንቆቲ ኡባ ዋዴ ሃንቴራ ደዎሶና። ሃንቴ ኮዬዳ ዋዴ አወዳካ ሃንቴ ኤንታ ማዳናው ዳንዳዔታ፣ ሺን ታኒ ኡባ ዋዴ ሃንቴራ ደዳኬ። 8 አያ ባ ዳንዳዔዳይሳ ኦሳሱ፣ ቃሲ ታና ሞጎሰ ጊሲሳናው ካሲታዳ ሺቶ ቲያሱ። 9 ታኒ ሃንቴው ተማ ኦዳይሰ፤ ሳባ ኡባን ዋንጌላ ኦዲያሶን አወንካ፣ አሳይ አኖ አከካና ማላ ሃ አያ ኦላዲይሲ ኦዳታና» ያጊሰ።

ዪሁዲ ዩሱሳ አላዲ አማናው ዘራቲሰ

(ማቶ 26:14-16፤ ሉቃ 22:3-6)

10 ታማኔ ናምዑ ታማሪታፔ አሶይ አስቆርታ ዪሁዲ ጌቲቲይሲ ዩሱሳ ካሂኔ ሃላቃታሰ አላ አማናው አንታኮ ቢሰ። 11 ኤንቲ ሄሳ ሲዲዳ ዋዴ ኡፋይቲዳ፣ «ኮኒ ኔው ሚሼ አማና» ያጊደሶና፤ ዪሁዲ ዩሱሳ አላ አማናው አንጄ ዋዴ ኮዬሰ።

ዩሱሲ ባ ታማሪታራ ፓሲካ ሚሰ

(ማቶ 26:17-25፤ ሉቃ 22:7-14፤ 21-23፤ ዮሃ 13:21-30)

12 ኡይላ ባሊይ ቦንቺቻኖ ኮይር ጋላሰ፣ ፓሲካ ካላ ማናው ማራዜ ሹኪያ ዋዴ ዩሱሳ ታማሪቲ አያኮ፣ «ፓሲካ ቦንቺያ ጋላሰ ኔኒ ማና ካላ ኮኒ አው ቢዲ ጊሲሶና?» ጊዲ ኦይቺደሶና።

13 ዩሱሲ ባ ታማሪታፔ ናምታ ሃይሳዳ ያጊዲ ከቲሰ፣ «ካታማ ቢቲ፤ ሃንቴ ቢሺን፣ ኦቶራ ሃሌ ቶኪዳ አሲ ኡራይ ሃንቴራ ጋሃታና፤ አያ ካላቲ። 14 አ ቢዲ ጌሊያ ከላዋ፣ ሳሰታማሪይ ኔኮ፣ «ታኒ ታ ታማሪታራ ፓሲካ ማናው አማላ ከፊሌይ አወኔ?» ያጊሰ ያጌቲ። 15 ከላዋይ ሃንቴና ፖቄያ ቦላ ደዲያ ጊሊ ኡቲዳ ዳልጋ ከፊሌ ቤሳና፤ ሃሳን ጊሲሰቲ» ያጊሰ።

16 ሄ ናምዑ ታማሪቲ ከዪዲ፣ ካታማ ቢደሶና፤ ዩሱሲ ኤንታው ኦዲዳይሳዳ ደሚዳ፣ ፓሲካ ካላ ጊሲሲደሶና።

17 ሳባይ ኦማርሲያ ዋዴ ዩሱሲ ታማኔ ናምዑ ታማሪታራ ያ ቢሰ። 18 ኤንቲ ኡቲዳ ካላ ሚሺን፣ ዩሱሲ ኤንታኮ፣ «ታኒ ሃንቴው ተማ ኦዳይሰ፤ ሃንቴፊ አሶይ ታራ ማይሰ፣ ታና አላ አማና» ያጊሰ።

19 አያ ታማሪቲ ዳጋሚዲ፣ ባንታ ሁዳን ሁዳን፣ «ቱማ ታኸ?» ያጊዲ አያ ኦይቺደሶና።

20 ዩሱሲ ዛሪዲ፣ «ሄ ኡራይ ሃንቴ ታማኔ ናምታፔ ኢሱዋ፤ አ ታራ ኢሲፊ ተሻናው ባ ኡይላ ሻቲያን ዩዳይሳ። 21 አሳ ናባይ፣ ገሻ ማፃፋይ ሃይቃና ጊዳይሳዳ ሃይቃና፣ ሺን አሳ ናባ፣ አላ አሚያ ኡራ አዬ። ሄ ኡራይ ዩሌቶና አቲዳኮ አያው ሎዎሺን» ያጊሰ።

ጎዳ ካሁዋ

(ማቶ 26:26-30፤ ሉቃ 22:14-20፤ 1ቆሮ 11:23-25)

22 ኤንቲ ሚሺን፣ ዩሱሲ ኡይላ ኡኪዲ፣ ያሳ ጋላቲሰ፤ ሄ ኡይላ ማንላዲ፣ ባ ታማሪታሰ አሚሺ፣ «ሃንቴ፣ ሃይሲ ታ አሸዋ» ያጊሰ።

23 ፀባ ኤኪዲ፣ ያሳ ጋላቲዲ፣ ኤንታው አሚን ኡባይካ ሄ ፀባፔ ኡዪደሶና። 24 ዩሱሲ፣ «ሃይሲ ኦራላ ጫቁዋን ዳር አሳ ጊሾ ጉኪያ ታ ሱላ። 25 ታኒ ሃንቴው ተማ ኦዳይሰ፤ ታኒ ያሳ ካዋቲላን ኦራላ ዋይኒያ ኡያና ጋላሳይ ጋካናው ዛራዳ ሃ ዋይኒያፔ ኡዪዬ» ያጊሰ።

26 ማዘመራ ዩዲዳፔ ጉዬ ሻማሆ ዳሪያ ቦላ ቢደሶና።

14:1 ከሳ 12:1 14:3 ሉቃ 7:37 * 14:5 ሃቸ ጭቲ ዲናሬ፣ አሲ አሳሰ ላይላን ጨኪቲያ ሎዎ ዳሞዜፔ ቦላ ጊዲያ ሚሺ። 14:7 ዛሪ 15:11 14:18 ማዘ 41:9

ጳጳሮሲ ካዳናይሳ ዬሱሲ ኮይሮቲዲ ኦዲሰ
(ማቶ 26:31-35፤ ሉቃ 22:31-34፤ ዮሃ 13:36-38)

27 ዬሱሲ እንታተ፡ «ሂንቲ ኡባይ ታና ዬጊ ኣጊዲ ባቃታና፤ ገሻ ማፃፋይ፡
ጭሳይ ደርሳ ሄሜይሳ ሞፍና፡
ደርሳቲ ኡባይ ላሊታና

ያጌሰ። 28 ሺን ታጊ ሃይቆፔ ዳንዲዳፔ ጉዬ ሂንቴፊ ካሴታዳ ጋለላ ባና» ያጌሰ።

29 ጳጳሮሲ ዛሬዲ፡ «እንቲ ኡባይ ኔና ዬጊ ኣጊዲ ባቃተኮካ፡ ታ ኔና ኣጊኬ» ያጌሰ።

30 ዬሱሲ ጳጳሮሳተ፡ «ታጊ ኔው ቱማ ኦዲይሰ፤ ሃቺ ቃማ ኩቶይ ናሞ፡ ቶሆ ሞሳናፔ ሲንጹ ኔጊ
ታና ሄቭ ቶሆ ካዳና» ያጌሰ።

31 ሺን ጳጳሮሲ ካሴይሳፊ ሚንሉዲ፡ «ታጊ ሃሪ ኣቶሺን፡ ኔሪ ኢሲፊ ሃይቁያኮካ፡ ኔና ካዲኬ»
ያጌሰ። ቃሲ ሃራቲ ኡባቲካ ሄሳዳ ጊደሶና።

ዬሱሲ ጌቴሴማንን ሞሲሰ
(ማቶ 26:36-46፤ ሉቃ 22:39-46)

32 ጌቴሴማኔ ጊያ ቤሳ ቢደሶና፤ ዬሱሲ ባ ታማሬታተ፡ «ታጊ ያሳ ሞሳዳ ሲማና ጋካናው ሂንቲ
ሃይሳን ኡቲሺቲ» ያጌሰ።

33 ዬሱሲ ጳጳሮሳ፡ ያይቆባኔ ዮሃንሳ ባሪ ኤኪዲ ቢሰ፤ ዳሮ ዋዬተሲኔ እንዴቲሰ። 34 ቃሲ
እንታተ፡ «ታጊ ሃይቃና ጋካናው ኣዛናሰ፡ ሃይሳን ጋሞሲሺቲ፤ ጳሰኮፊቲ» ያጌሰ።

35 ጉሉ ሰንጹ ሸቁዲ፡ ሳዓን ጉፋኒዲ፡ ዳንዲዳቲያባ ጊዲኮ፡ ሄ ዋያ ሳቲይ ባፔ ኣቆና ሜላ፡
ያሳ ሞሲሰ። 36 ቃሲ፡ «ኣባ፡ ታ ኣሞው፡ ኡባይ ኔው ዳንዲዳቲሰ፡ ሃ ዋዬ ፀሳ ታፔ ዲጋ። ሺን
ኔ ሸኔይ ሃናፔ ኣቲን ታ ሸኔይ ሃና?» ያጌሰ።

37 ዬሱሲ ባ ታማሬታተ ሰሚ ዪዲ፡ እንቲ ጳሰኪዳሺን ዳሚዲ፡ ጳጳሮሳተ፡ «ሲሞና፡ ጳሰኪዳ?
ኔጊ ኢሲ ሳቲካ ባርካዳ ናጋናው ዳንዲዳቢኪ?» 38 ፓጩን ሂንቲ ጌሎና ሜላ ባርኪዲ ናጊቲኔ
ያሳ ሞሲቲ። ሂንቲው ሎዖ ኣሞይ ዳዲሰ፡ ሺን ሂንቲ ዳቡራንቸ ኣሲ» ያጌሰ።

39 ቃሲን ቢዲ ካሴይሳዳካ ያሳ ሞሲሰ። 40 ባ ታማሬታተ ጉዬ ሲሚዲ ያ ዋዬ ጳሰኪዳሺን
ዳሚሰ። እንታ ኣይፊያ ጳሰኮይ ጎዚ ሞሊዳ ገሾ ኢያኮ ኣይ ኦዲቲያኮካ ኤርኮና።

41 ሄቭን፡ እንታተ ዪዲ፡ «ሃሲ ጋካናውካ ጳሰኪቲኔ ሸሞፔቲ? ሂን፡ ጊዳና፤ ሳቲይ ጋኪሰ፤
ቢዲቲ! ኣሳ ናዓይ፡ ናጋሬንቸ ኣሳታሰ ኣቋ ኣሜታና ዋዴይ ጋኪሰ። 42 ዳንዲዲ ዬጴቲ፤ ቢዲቲ፡
ታና ኣሉ ኣሚናይሲ ጋኪሰ» ያጌሰ።

ዬሱሲ ባ ሞርኬታ ኩሺን ኦይኬቲሰ
(ማቶ 26:47-56፤ ሉቃ 22:47-53፤ ዮሃ 18:3-12)

43 ዬሱሲ ሄሳ ቡሮ ኦዲሺን፡ ታማኔ ናሞ፡ ኢያ ታማሬታተ ኢሶይ፡ ዪሁዲ፡ ኤሌሲዲ ጋኪ
ሞፊሰ። ቃሲ ካሂኔ ሃላቃቲ፡ ሂጌ ኣሰታማሬቲኔ ጨማቲ ከቲን፡ ማሺኔ ፃሞዓ ኦይኪዳ ዳሮ ኣሳይ
ኢያራ ኢሲፊ ዪደሶና። 44 ዬሱሳ ኣሉ ኣሚናይሲ ሄ ዳሮ ኣሳሰ፡ «ታጊ ዬሬይ ኢያ፤ ኢያ ኦይኪዲ፡
ሎይሉ ናጊዲ፡ ኤኪ ኤፊቲ» ያጌዲ ማላ ኦዲ ሞሊሰ።

45 ዪሁዲ ጋኪ ሞፊዳ ሜላ ዬሱሳተ ሸቁዲ፡ «ኣሰታማሬያው» ያጌዲ ዬሱሳ ዬሬ ኤኪሰ። 46 ሄ
ዳሮ ኣሳይ ዬሱሳ ኦይኪደሶና። 47 ሺን ማጋን ኤቁዳይሳታፔ ኢሶይ ባ ማሻ ሾዲዲ ካሂኔ ሃላቃ
ኣይሊያ ሾጨዲ፡ ኢያ ሃይሳ ቃንጻዲ ሆሊሰ።

48 ዬሱሲ ዛሬዲ፡ ሄ ሸቁዳ ዳሮ ኣሳተ፡ «ታና ፓንጋ ኬሲዲ፡ ፓንጋ ኦይኬይሳዳ ኦይካናው
ማሺኔ ፃሞዓ ኦይኪዲ ዪደቲ?» 49 ታጊ ያሳ ኬላን ታማርሳሺ፡ ጋላሰ ጋላሰ ሂንቲፊ ዳዒያ ዋዴ
ታና ኦይኪኬታ፡ ሺን ገሻ ማፃፋይ ጊዳይሲ ፖሌታናው ቤሴሰ» ያጌሰ።

50 ኢያ ታማሬቲ ኡባይ ኢያ ዬጊ ኣጊዲ ባቃቲደሶና።

51 ላፃና ፃላላ ሚዒዳ ኢሲ ናቲላ ኡራይ ዬሱሳ ካሌይሳ ኣሳይ ኦይኪሰ። 52 ሺን ሄ ኡራይ
ላፃና ዬጊ ኣጊዲ፡ ፃሬ ካሎ ባቃቲሰ።

ዬሱሳ ፐርዳ ሻንጎ ሰንጹ ኤፊደሶና
(ማቶ 26:57-68፤ ሉቃ 22:54-55፤ ዮሃ 18:13-14፤ 19-24)

53 ኣሳይ ዬሱሳ ካሂኔ ሃላቃ ሶ ኤፊደሶና፡ ያን ካሂኔ ሃላቃቲ፡ ጨማቲኔ ሂጌ ኣሰታማሬቲ ሸቁዲ
ዳዖሶና። 54 ጳጳሮሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ
ካዬሰ።

55 ካሂኔ ሃላቃቲኔ ሸቁዳ ኣሳ ኡባይ ዬሱሳ ሞፍናው ኢያ ቦላ ማርካ ኮዪደሶና፡ ሺን ኣይኮካ
ዳሚቦኮና። 56 ዳሮ ኣሳቲ ኢያ ቦላ ሞርዶ ማርካቲደሶና፡ ሺን እንታ ማርካቲሳይ ኢሲና ጊዳና።

57-58 ኢሲ ኢሲ አሳተ ደንዲ ኤቁዲ ዬሱሳ ቦላ፣ «ኢ፣ ታኒ ኢሲ ከደዳ ሃ ያሳ ከላ ላላዳ፣ አሳ ኩሽን ከደቲቦና ሃራ ያሳ ከላ ሂዡ ጋላሳ ጊደን ከፃና ገሽን ኑኒ ሰዒዳ» ያጊዲ ዋርዶ ማርካቲዶሶና። 59 ጊደሽን፣ ኤንታ ማርካቲላይ ሄሳንካ ኢሲኖ ጊደና።

60 ካሂኔ ሃላቃይ አሳ ኡባ ሲንሳን ደንዲ ኤቁዲ፣ «ሃይሳተ ኔና ሞቱዋሰ ኔ ዛሪያባይ ባዌ?» ያጊዲ ዬሱሳ ኦይቸሰ። 61 ሸን ዬሱሲ ሰዒ ገሰ፤ አይኮካ ዛሪቤና። ካሂኔ ሃላቃይ፣ «አንጃቲዶ ያሳ ናባይ፣ ከሪሰቶሲ ኔኔዬ?» ያጊዲ ዛሪ ኦይቸሰ።

62 ዬሱሲ ዛሪዲ፣ «ኤ ታና፣ ሂንቲ አሳ ናባይ፣ ዋልቃማ ያሳፊ ኡቫቻ ባጋራ ኡቲዳሽን ቃሲ ሳሉዋ ሻራራ ዩሽን ቤና» ያጊሰ።

63 ካሂኔ ሃላቃይ ባ ማዑዋ ፔጃዲ፣ «ኦና ሃራ ማርካ አይ ኮሺ?» 64 ሃንቴ ኢያ ጫሻ ሰዒዳታ፤ ሃንቴ ቆፋይ አይቤ?» ያጊሰ። ኤንቴ ኡባይ፣ «ኢ ሃይቃናው ቤሴሰ» ያጊዲ ኢያ ቦላ ፐርዲዶሶና።

65 ኤንታፊ ኢሶቲ ኢሶቲ ኢያ ቦላ ጩቱላ ያይኪዶሶና። ኢያ አይፊያ ጎዚዲ ባቂሼ፣ «ኔና ዳቸዳይ ኦኔ? ኦኔ ኦሰ ኦዳ!» ያጊዶሶና። ናጌይሳቲ ኢያ ኤኪ ኤፊዲ ጋራፊዶሶና።

ጳዳርሲ ዬሱሳ ካዲሲ

(ማቶ 26:69-75፤ ሉቃ 22:56-62፤ ዮሃ 18:15-18፣ 25-27)

66 ጳዳርሲ ካሂኔ ሃላቃ ዛባን ጋርሳ ባጋራ ዳዒሽን፣ ካሂኔ ሃላቃ ማጫ አይሌታፔ ኢሲኒያ ያሶ። 67 ጳዳርሲ ታማ ካዬይሳ ቤዳዳ፣ ቲሺ ኦሳ ያላዳ፣ «ኔኒካ ናዘሬቲ ዬሱሳራ ዳዳሳ» ያጋሱ።

68 ሸን ጳዳርሲ፣ «ኔ ጌሴ አይቤኮ ታ ኤሪኮ፣ ታው አክኩቲና» ያጊዲ ካዲሲ። ያጊ ሲሚዲ ዛጎ ኬያ ዋዴ ሰሁዋራ ኩቶይ ዋሲሰ።

69 ሄ አይሊያ ጳዳርሳ ቤዳዳ፣ ኢያ ማታን ኤቁዳ አሳታኮ፣ «ሃ ኡራይካ ኤንታራ ዳዴሰ» ጋዳ ዛራ ኦዳሱ። 70 ሸን ጳዳርሲ ቃሲካ ካዲሲ።

71 ጉላ ጋምዒሽን፣ ማታን ኤቁዳ አሳቲ ናምዓንሉ ጳዳርሳኮ፣ «ኔኒ ጋላላ ቢታ ኢሲ ጊዲያ ገሾ ቱማ ኤንታራ ዳዳሳ» ያጊዶሶና።

72 ሸን ጳዳርሲ፣ «ታኒ ሃንቴ ጊያ ኡራ ኤሪኮ!» ያጊዲ ባና ቃንጌላኔ ጫቆ ኦይኪሰ።

73 ሰሁዋራ ኩቶይ ናምዓንሉ ዋሲ አገሰ። ጳዳርሲ ዬሱሲ ኢያኮ፣ «ኔኒ ኩቶይ ናምዑ ቶሆ ዋሳናፔ ሲንላ ሂዡ ቶሆ ታና ካዳና» ኢያኮ ጊዳይሳ አክኪዲ ዳር ዩኪሰ።

15

ዬሱሳ ጲላዎሳኮ ኤፊዶሶና

(ማቶ 27:1-2፣ 11-14፤ ሉቃ 23:1-5፤ ዮሃ 18:28-38)

1 ዋንታ ጉራ ኤሌሲዲ ካሂኔ ሃላቃቲ፣ ጩማቲ፣ ሂጌ አሰታማራቲኔ አይሁዴ ሻንጎቲ ኡባይ ሸቂዲ ማቂቲዶሶና። ኤንቴ ዬሱሳ ቃቺ ኤፊዲ ጲላዎሳኮ ኣሉ ኢሚዶሶና።

2 ጲላዎሲ ኢያኮ፣ «ኔኒ አይሁዴታ ካዎ?» ያጊዲ ኦይቸሰ። ዬሱሲ ዛሪዲ፣ «ኔ ጋዳሳ» ያጊሰ።

3 ካሂኔ ሃላቃቲ ዬሱሳ ዳርባን ሞቲዶሶና። 4 ሸን ጲላዎሲ ዛሪዲ ዬሱሳኮ፣ «ኔው ዛሪያባይ ባዌ? ኤንቴ ኔ ቦላ አይ ሚላ ሞቱዋ ኤሂያኮ ቤዒኪ?» ያጊሰ።

5 ሸን ዬሱሲ ሃራባ ዛርና ኢደን፣ ጲላዎሲ ማላላቲሰ።

ዬሱሳ ሃይቆ ጊዲ ፐርዲዶሶና

(ማቶ 27:15-26፤ ሉቃ 23:13-25፤ ዮሃ 18:39-40፤ 19:1-16)

6 ጲላዎሳኮ ፓሲካ ባሌ ቦንቺያ ጋላሳን አሳይ ኮያ ኢሲ ኡራ ቃሾፔ ቢሊያ ሜዜይ ዳዴሰ።

7 ሄ ዋዴ ኢሲ ባርባና ጊያ ኡራይ ኦሾ ኩሲዲ ሸምፖ ዋጃዳ አሳታራ ኢሲፊ ቃሾ ኩላን ዳዴሰ።

8 ሸቂዳ ዳር አሳይ ጲላዎሲ ካሲይሳዳ ኦላና ሚላ ኢያ ኦይቸዶሶና። 9 ጲላዎሲ አሳ ዛሪዲ፣ «ታኒ ሃንቴው አይሁዴታ ካወዋ ቢላናይሳ ኮዬቲ?» ያጊዲ ኦይቸሰ። 10 ሄሳ ኢ ጊዳይ፣ ካሂኔ ሃላቃቲ ዬሱሳ ቃናቲዲ ኣሉ ኢሚዳይሳ ኤሪያ ገሾሳ።

11 ሸን ካሂኔ ሃላቃቲ ዬሱሳ ገሾ ባርባና ቢላናዳ፣ ሄ ሸቂዳ አሳይ ጲላዎሳ ዋሳና ሚላ አሳ ማቂዶሶና። 12 ጲላዎሲ ዛሪዲ፣ «ያቲን፣ ሃ ሃንቴ አይሁዴ ካዎ ጌይሳ ዋቶ?» ያጊሰ።

13 አሳይ ጲላዎሳ ቦላ ዋሲዲ፣ «ማሰቃሊያ ቦላ ኢያ ያጊዶሶና። 14 ጲላዎሲ አሳኮ፣ «አይሰ? ኢ አይ ኢታባ ኦሉዳ?» ያጊሰ።

ሸን አሳይ ካሲይሳፊ ጉጂ ዋሲዲ፣ «ማሰቃሊያ ቦላ ኢያ ካቃ» ያጊዶሶና።

15 ጲላዎሲ አሳ ኡፋይሳናው ኮዩዲ፣ ባርባና አሳሰ ቢሊሰ፤ ያቲዲ ሊሶን ዬሱሳ ጋራፊዶና፣ ማሰቃሊያ ቦላ ካቃና ሚላ ኤንታው ኣሉ ኢሚሰ።

ዎታዳሬቲ ዬሱሳ ቶቺደሶና

(ማቶ 27:27-31፤ ዮሃ 19:2-3)

16 ሄሳፊ ጉዬ፣ ዎታዳሬቲ ዬሱሳ ዳሪያ ሃሪይሳ እሶ ኬሳ ኤኪ ኤፊዲ፣ ሃሪ ዎታዳሬታ ኡባ ኢሲፊ ያጊደሶና። 17 ቃሲ ዘዖ አፊላ ኢያ ማይዚደሶና፤ አጉንሳ ካላቻ ገቢሲዲ፣ ኢያ ሁዒን ዋሊደሶና። 18 ሄሳፊ ጉዬ፣ ኢያኮ፣ «አይሁዲያ ካወቀው ማሪናው ካዎታ» ያጊዲ፣ ኢያው ዘጊደሶና። 19 ኢያ ሁዒያ ዓምዓን ሾጨደሶና፤ ቃሲ ኢያ ቦላ ጨቲደሶና፤ ጉልባቲዲ ኢያው ጎይኒደሶና። 20 ኢያ ቶቺዳይሳፊ ጉዬ ዘዖ አፊላ ኢያጌታ ቃሪ ኤኪዲ፣ ኢያ አፊላ ኢያ ማይዚዲ ማሰቃሊያ ቦላ ኢያ ካቃናው ኤኪ ኤፊደሶና።

ዬሱሳ ካቂደሶና

(ማቶ 27:32-44፤ ሉቃ 23:26-43፤ ዮሃ 19:17-27)

21 ኢንቲ ቢሹ፣ ኢሰከንዲሬኔ ሩፎሳ አዋ፣ ሲሞና ጊያ ቄሬና ቢታ አሲ፣ ጋዖሬፔ ካታማ ዬይሳራ ጋሄቲዲ፣ ዬሱሳ ማሰቃሊያ ዋልቃን ቶሲደሶና። 22 ያቲዲ ጎልጎታ ጊያ ቤሳ ዬሱሳ ኤፊደሶና። «ጎልጎታ» ጉሳይ «ሁዒ ጉጊ» ጉሱ። 23 ሳኮይ ሲዔቶና ሜላ ካርቤ ጊያ ቆላይ ዋላኩቲዳ ዋይኔ ኡዮ ጊዲ ኢያው አሚደሶና፤ ሽን ኢ ኡዮና አዲስ። 24 ኢንቲ ማሰቃሊያ ቦላ ኢያ ካቂደሶና። ኦና አይቤ ገካኔኮ ጊዲ ኢያ አፊላ ሻኪዲ ሳማ ዩጊደሶና።

25 ኢንቲ ማሰቃሊያ ቦላ ኢያ ካቂያ ዋዴ ዋንታፊ ሄዙ ሳቲ። 26 ኢንቲ፣ «አይሁዲያ ካወቀ» ያጊዲ ኢያ ሞቲያ ፀፊ ዓፊዲ ዋሊደሶና። 27 ዬሱሳራ ናሞቡ ፓንጋታ ኢሱዋ ኢያጌታ ኡቫቻ ባጋራ ሃንኩዋ ኢያጌታ ሃዲርሳ ባጋራ ማሰቃሊያ ቦላ ካቂደሶና። 28 ጌቫ ማዓፋይ፣ «ኢታባ ኦሊዲ አሳታራ ኢ ፓይዳቲስ» ጌቲቲዳይሲ ፖሊቲስ።

29 ኦጊያራ አዲያ አሳይ ዬሱሳ ካዲዲ፣ ባንታ ሁዒያ ቃሊዲ ጫደደሶና፤ «ሄኮ! ያሳ ኬላ ላላዳ ሄዙ ጋላሳ ጊደን ከይይሶ፣ ኔ ሁዒያ አቫ፤ 30 እኔ ማሰቃሊያ ቦላፊ ዋቆ» ያጊደሶና።

31 ሄሳዳካ፣ ካሄኔ ሃላቃቲ ሂጊያ ታማርሴይሳታራ ኢሲፊ ዬሱሳ ቶቺዲ፣ «ሃራታ አሺሲ፣ ሽን ባና አቫናው ዳንዳዒና፤ 32 ኦኒ ቤዒዲ አማናና ሜላ ከሪሰቶሲ፣ ኢሰራዔሌ ካዋይ፣ እኔ ማሰቃሊያ ቦላፊ ሃዒ ዋቆ» ያጊደሶና። ቃሲ ሃሪ አቶሽን፣ ኢያራ ማሰቃሊያ ቦላ ካቂቲዳይሳቲካ ኢያ ቶቺደሶና።

ዬሱሲ ሃይቂስ

(ማቶ 27:45-56፤ ሉቃ 23:44-49፤ ዮሃ 19:28-30)

33 ኡሱፑን ሳቲፔ ደሚዲ፣ ኡዲፋን ሳቲ ጋካናው ቢታ ኡባይ ቆሚስ። 34 ኡዲፋን ሳቲያን ዬሱሲ ባ ቃላ ቆቁ ኦሊዲ፣ «ኡሎሄ፣ ኡሎሄ፣ ላማ ሳባቂታኒ?» ያጊሲ። ሄሳ ጉሳይ፣ «ታ ያሳው፣ ታ ያሳው፣ ታና አይሰ አጋዲ?» ጉሱ።

35 ሃሳን ኤቁዳ አሳይ ኢሶይ ኢሶይ ሄሳ ሲዒዲ፣ «ሄኮ፣ ኤሊያሳ ያጌስ» ያጊሲ። 36 ሄ አሳፔ ኢሶይ ዋዲዲ፣ ኢሰፖንጃን ጫላ ዋይኔ ኩንሊስ፤ ሄሳ ዓምዓ ያራን ዋሊዲ፣ «ናገቲ፤ ኤሊያሲ ማሰቃሊያ፤ ኢያ ዋዲሳናው ያኔኮ እኔ ቤዶስ» ያጊዲ ዬሱሳ ደናኮ ኡቫናው ሺሺስ።

37 ዬሱሲ ባ ቃላ ቆቁ ኦሊ ዋሲዲ፣ ሃይቂስ።

38 ያሳ ኩላን ካቂቲዳ ማጋራጃይ ቆሞፊ ዲጌ ጋካናው፣ ናሞቡ ከዬዲ ዳኩቲ ዋዲስ። 39 ማሰቃሊያ፤ ሲንሳ ባጋራ ያን ኡቁዳ ኢሲ ማቶ ሃላቃይ፣ ዬሱሲ ዋኒዲ ሃይቂዳኮ ቤዒዳ ዋዴ «ሃ ኡራይ ቱማ ያሳ ናዓ» ያጊሲ።

40 ሄሳ ሃሆን ኤቁዲ ቤዒያ ጉሳ ማጫሳቲ ደዶሶና። ኢንታ ጊደን ማግዳላ ማይራማ፣ ካሉዋ ያይቆሳኔ ዮሳ አያ ማይራማኔ ሳሎማ ደዶሶና። 41 ሄ ማጫ አሳቲ ዬሱሲ ጋሊላን ዳዒያ ዋዴ ኢያ ካሊዳይሳታኔ ኢያ ሞኪዳይሳታ ቃሲ ዬሱሳራ ኢሲፊ ዬራሳላሜ ቢዳ ሃራ ዳር ማጫ አሳቲ ያን ደዶሶና።

ዬሱሲ ሞጌቲስ

(ማቶ 27:57-61፤ ሉቃ 23:50-56፤ ዮሃ 19:38-42)

42-43 ሳሳይ ኦማርሴዳ ዋዴ ሸቁዳ አሳን ቦንቼቲዳ አይሁዲ ሻንጎታቲ ኢሶይ፣ ዮሴፋ ጊያ ኡራይ፣ ያሳ ካዋቴላይ ያናይሳ ናገሼ ዳዒይሲ፣ አርማቲያሳ ካታማ አሲ ዳዒይሲ ዩስ። ዋንቴሌ ሳምባታስ ገቲቲያ ጋላስ ጊዲዳ ገሸ ዮሴፊ ማኒዲ ጸሊዳሳኮ ቢዲ፣ ዬሱሳ አሃ ኤካናው ዋሲስ። 44 ጸሊዳሲ ዬሱሲ ሃይቂዳይሳ ሲዒዳ ዋዴ ማላሊቲስ፤ ማቶ ሃላቃ ያጊዲ፣ «ኢ ሃይቂዲ ጋምዒዴ?» ያጊዲ ኦይቸስ። 45 ጸሊዳሲ ዬሱሲ ሃይቂዳይሳ ማቶ ሃላቃ፤ ሲዒዲ ኢያ አሃ ዮሴፋስ አሚስ። 46 ዮሴፊ ሞጎ አፊላ ሻሚስ፤ ዬሱሳ አሃ ማሰቃሊያ፤ ዋሊዲ፣ አፊላን ዓፄዲ፣ ሹቻፊ ዋጩቲዳ ዲፎ ጊደን

አያ እሃ ሞገሰ። ቃሲ ሄ ዲፋዋ ደናን ገታ ሹቹ ጎንደርሲዲ ዋሊሰ። 47 ማግደላ ማይራማኔ የሳ አያ ማይራማ ዬሱሳ እሃ ኤንቲ አላን ዋሊያኮ ቤያሶና።

16

ዬሱሲ ሃይቆፕ ዳንዲስ

(ማቶ 28:1-8፤ ሉቃ 24:1-12፤ የሃ 20:1-10)

1 ሳሞባታይ አቋዳፕ ጉዬ ማግደላ ማይራማ፣ ያይቆባ አያ ማይራማኔ ሳሎማ ቢዲ፣ ዬሱሳ እሃ ቲያናው ሺቶ ሻሚደሶና። 2 ዋጋ ዋዴ ዋንታ ዳር ጉራ ፃልቄይ ጫርሺን፣ ዲፋዋ ቢደሶና። 3 ኤንቲ ባንታ ገደን ኢሶይ ኢሱዋራ፣ «ዲፋዋ ደናን ኮሰ ሹቻ ኦኔ ጎንደርሲዲ ዲጋናይ?» ያገዲ ኦዲቲደሶና።

4 ኤንቲ ዌሊያ ዋዴ ሄ ዳር ገታ ሹቻይ ጎንደሬቲዲ ከቸዳይሳ ቤዲደሶና። 5 ዬሱሲ ሞገቲዳ ዲፋዋ ገደ ጌሊያ ዋዴ ኢሲ ፓንሳ አይይ ቦላ ማፃ ማዲዲ፣ ኡሻቻ ባጋራ ኡቲዳይሳ ቤዲደሶና ደጋሚደሶና።

6 ሺን ኢ ኤንታኮ፣ «ዳጋሞፊቲ፤ ማስቃሊያ ቦላ ካቁቲዳ፣ ናዚሬቲ ዬሱሳ ሂንቲ ኮዬይሳ ታኒ ኡራይሰ። ኢ ሃይሳን ዳና፣ ሃይቆፕ ዳንዲስ። ኤንቲ ኢያ ሞገዲ ቤሳ ሃይሳ ቤዲቲ። 7 ሃዲ ቢዲ ዬሱሳ ታማሬታሲኔ ጸጻርሳሰ፣ የሱሲ ሂንቲፊ ሲንሳቲዲ ጋለላ ቤሰ። ኢ ሂንቲው ኦዲዳይሳዳ ሂንቲ ኢያ ያን ቤዳና ያገዲ ኦዲቲ» ያገሰ።

8 ማጫሳቲ ያሻን ኮኮሪሼ ዲፋዋፕ ኬዬዲ ባቃቲደሶና። ቃሲ ኤንቲ ያዬዳ ገሾ ሄሳ ኦዲሰካ አይኮካ ኦዲቦኮና። *

ዬሱሲ ማግደላ ማይራሚስ ቤንቲስ

(ማቶ 28:9-10፤ የሃ 20:11-18)

9 ዬሱሲ ሃይቆፕ ዳንዲዳፕ ጉዬ ዋጋ ጋላስ ዋንታ፣ ላፑን ቱና አያናታ ኬሲዳ ማግደላ ማይራሚስ ኮይርቲዲ ቤንቲስ። 10 ኢያ ባዳ ካሴ ኢያራ ዳዲይሳታስ፣ ኤንቲ አዛኒሼኔ ዬኪሼ ዳዲሺን ኦዲሱ። 11 ሺን ዬሱሲ ፓፃ ዳዲይሳኔ እው ቤንቲዳይሳ ኤንቲ ሲዲዳ ዋዴ ኢያ ጌይሳ አማኒቦኮና።

ዬሱሲ ናሞው ባ ታማሬታስ ቤንቲስ

(ሉቃ 24:13-35)

12 ሄሳፊ ጉዬ፣ ኤንታፊ ናሞዳቲ ካታማፕ ኬዬዲ ቢሺን፣ ኦጌ ቦላ ዬሱሲ ካሴይሳፊ ዳማቲዲ ኤንታው ቤንቲስ። 13 ኤንቲ ጉዬ ሲሚዲ፣ ሃራታስ ኦዲደሶና፣ ሺን ሃራቲካ ኤንታ ኦዲ ቱማ ገቦኮና።

ዬሱሲ ታማኔ ኢሲ ባ ታማሬታስ ቤንቲስ

(ማቶ 28:16-20፤ ሉቃ 24:36-49፤ የሃ 20:19-23፤ ሃ.ኦ 1:6-8)

14 ጉዬፕ ታማኔ ኢሲ ኢያ ታማሬቲ ካሊ ሚሺን፣ ዬሱሲ ኤንታው ቤንቲስ። ኤንታው አማናይ ባይና ገሾኔ ሃይቆፕ ኢ ዳንዲዳይሳ ቤዲዳ አሳይ ኦዲን ኤንቲ አማናና ኢዳዳ ገሾ ኢ ኤንታ ቦሪስ።

15 ኢ ኤንታኮ፣ «ቢታ ኡባ ቢዲ አሳ ኡባስ ዋንጌላ ኦዲቲ። 16 አማኔይኔ ፃማቁቲይ አታና፣ ሺን አማናናይ ፐርዳታና። 17 አማኔይሳታስ ሃ ማላታቲ አሚታና። ኤንቲ ታ ሱንሳን ቱና አያናታ ኬሳና፣ ኦራሳ ደናን ኦዲታና። 18 ኤንቲ ሹሹ ኦይኪኮካ ዋይኮ ዋዲያባ ኡዬኮካ ኤንታ ቆሄና። ቃሲ ኤንቲ ባንታ ኩሺያ ሃርጋንቻታ ቦላ ዋሊዲ ኤንታ ፓላና» ያገሰ።

ዬሱሲ ፑዳ ሳሎ ኬዬሲ

(ሉቃ 24:50-53፤ ሃ.ኦ 1:9-11)

19 ጎዳይ ዬሱሲ ታማሬታራ ኦዲቲዳፕ ጉዬ ፑዳ ሳሎ ኬዬሲ፤ ያሳፊ ኡሻቻ ባጋራ ኡቲስ። 20 ኢያ ታማሬቲ ቢደሶ ኡባን ቃላ ኦዲደሶና። ጎዳይካ ኤንታራ ኢሲፊ ኦሊሰ። ኤንቲ ኦዲያ ቃላይ ቱማ ገዲዳይሳ ያሳይ ኤንታው አሚያ ማላታታን ኡሪሲስ።

16:7 ማቶ 26:32፤ ማር 14:28 * 16:8 ኢሲ ኢሲ ቤኒ ማፃፋቲ ማርቆስ ዋንጌላ ፓይደ 8 ቦላ ኡሶሶና። ቃሲ ኢሲ ኢሲ ማፃፋቲ ፓይደ 9-20 ጋካናው ዳዲያ ቆፋ ኦዲሺን፣ ፓይደ 8 ካሊዲ ዳዲያ ኦዲሶና። ሄሲካ [ማጫሳቲ ቢዲ፣ ከታንቻይ ኦዲዳባ ኡባ ጸጻርሳሰኔ ኢያራ ዳዲይሳታስ ቃንሳን ኦዲደሶና። ሄሳፊ ጉዬ፣ ዬሱሲ ባ ታማሬታ ጌሼኔ ሜሪና እቶቲላ ዋንጌላ ከታ ደሎሃፕ ሙሎሃ ጋካናው ከቲስ።] 16:15 ሃ.ኦ 1:8 16:19 ሃ.ኦ 1:9

ሉቃስ ፃፊዳ ዩሱስ ኪሪስቶስ ዋንጌላ ጋላ ቆፋ

ዩሱስ ዶራዳ ታማኔ ናምዑ ሃዋሬታ ገደን ሉቃስ ዳና። ሉቃስ ዋንጌላይ፣ ዩሱስ ኮይር ናቤታ ዳናን ያና ጌቲቲዲ ኦደቲዳይ፣ ኢስራዌላቲ ካሴፕ ናጊሼ ዳዲዳ «ኪሪስቶስ» ገደይሳኔ ኣሳ ዜሬላ ኡባ ኣሺይሳ ገደይሳ ቆንጨሱስ። ሉቃስ፣ ባ ማፃፃን ዩሱስ፣ «ማንቆታስ ዋንጌላ ሳባካናው» ባ ኣዋፕ ኪቲቲዳይሳ ገደይሳኔ ሄ ዋንጌላይ ኣሳስ ዳዲያ ዳማ ዳማ ማቲዋፕ ኬሴይሳ ገደይሳ ኦደስ። ሉቃስ ዋንጌላ ገደን፣ ዩሱስ ደሳባ ኦዲያ ኮይር ሸምፖፖፓኒኔ ዩሱስ ፑዴ ሳሎ ኬዩዳይሳ ኦዲያ ወርሴላ ሸምፖፖፓን ቆንጨዲ ኦደቲዳይ ኦዲያይሳባ። ዩሱስ ሳሎ ኬዩዳይ ጉዩ ኣማናይ ዋኒዲ ዲጨዳኮኔ ዳልገዳኮ ኦዲያ ታሪኪያ ሃ ዋንጌላ ፃፊይ ሃዋሬታ ኦሶ ማፃፃን ፃፊስ። ኪታንቸታ ማዘሙሪያባ፣ ዩሱስ ዩሉቲዳ ዋዴ ሄንሳቸቲ ቢዲ ቤዲዳይሳ ኦዲያ ታሪኪይ፣ ዩሱስ ናዓቲላን ያሳ ኬላ ቤዲዳይ፣ ቃዴቲያ ሳሚሬ ኣዲያባኔ ላዩዲ ቤንቲዳ ናዓባ ኦዲያ ታሪኪይ፣ ሉቃስ ዋንጌላ ፃላላን ቤንቲያ ታሪኪ። ሉቃስ ዋንጌላን ጋፃፕ ጋፃ ጋካናው ዳዲያ ዋና ቆፋቲ ዋሳባ፣ ጌሻ ኣያናባ፣ ዩሱስ ኦሱዋ ገደን ማጫሳታስ ዳዲያ ቤሳኔ ያሳይ ናጋራ ማሬይሳ።

ሉቃስ ዋንጌላ ኣይፌ ቆፋታ

- ጌሎ ቆፋ 1:1-4
- ፃጣቂያ ዮሃንሳኔ ዩሱስ ዩሉቲላ 1:5-2:52
- ፃጣቂያ ዮሃንሳ ኦሱዋ 3:1-20
- ዩሱስ ዊንቃቲያኔ ፓጩቲላ 3:21-4:13
- ዩሱስ ጋሊላን ኦሱዳ ኦሱዋ 4:14-9:50
- ጋሊላፕ ዩራሳላሚ ጋካናው 9:51-19:27
- ወርሴላ ሳሚንታ ዩራሳላሚ ሄሪን 19:28-23:56
- ሃይቆፕ ዳንዶ፣ ቆንጨሳኔ ሳሎ ኬሳ 24:1-53

1 ቦንቸ ቲዋፊሎሳ፣ ኦ ገደን ፖሊቲዳባስ ዳርቲ፣ ባንታው ዳንዳዲቲዳ ማላ ፃፊደሶና። 2 ሄ ታሪኪያ ኢንቲ ፃፊዳይ ኮይርፕ ደሚዳ ኣይፌ ማርካቲኔ ቃላ ሃጋዜይሳቲ ኦስ ኦዲዳይሳ። 3 ታካ ታ ባጋራ ኮይርፕ ኣኪካ ያሊዳፕ ጉዩ ሄ ታሪኪያ ሃናታ ማራያዳ ኔው ፃፎይ ታው ሎዎ ገዲ ቤንቲስ። 4 ሄሲካ፣ ኔ ታማራባይ ቱማ ገደይሳ ኤሪሳና።

ፃጣቂያ ዮሃንሳ ዩሉቲላ

5 ዩሱዳ ካወዋ ሄርዲሳ ዋዴ ኣቢያ ራፐፕ ገዲዳ ዛካሪያሳ ገያ ኣይሁዴ ካሂኔይ ዴዴስ። ኢያ ማቸያካ ኣርና ሸቫፕ። ኢ ሰንሳይካ ኤልሳቤያ። 6 ናምዓይካ ጎዳ ዋጋኔ ኪታ ኡባ ናጊዲ ሶሬይ ባይና ያሳ ሲንሳን ዊሎቲላን ዳዲደሶና። 7 ሃናፕ ኣቲን ኤልሳቤያ ማይንላ ገዲዳ ጊሾ ኣንታው ናሳ ባዋ። ናምዓይካ ቃሲ ጨሚደሶና።

8 ኢሲ ጋላስ ዛካሪያሳ ባ ጊሾዋ ማራን ያሳ ሲንሳን ካሂኔቲላን ሃጋዜስ። 9 ካሂኔቲላ ዋጋን ያሳ ኬላ ጌሊዲ ኢፃኔ ጨዩሳናው ኢያ ሳሚ ጋዜስ። 10 ኢፃኔይ ጨያ ዋዴ ኣሳይ ካሬን ዋሱስ።

11 ጎዳ ኪታንቸይ ያርሹዋ ያርሹያ ቤሳፊ ኡቫቻ ባጋራ ኤቁዲ ቤንቲስ። 12 ዛካሪያሳ ኢያ ቤዲዳ ዋዴ ዳጋሚዲ ዳር ያዩሲ። 13 ሸን ኪታንቸይ ኢያኮ፣ «ዛካሪያሳ ያዮፋ፤ ኔ ዋሳይ ስዒቲስ። ኔ ማቸያ ኤልሳቤያ ኣዴ ናዓ ዩላና፣ ኢያ ዮሃንሳ ጋዳ ኔ ሰንሳና። 14 ኢ ኔው ኢንጃኔ ኡፋይሲ ገዳና፤ ዳርቲ ኢያ ዩሉቲላን ኡፋይታና። 15 ጎዳ ሲንሳን ኢ ጊታ ገዳና፤ ዋይኔ ኡቫ ገዲን ሃራ ማላያ ኡቫ ኡዩና። ባ ኣዩ ኡሎን ዳዲሸ ጌሻ ኣያናን ኩማና። 16 ኢስራዌላ ኣሳታፕ ዳርታ ባንታ ጎዳ፣ ያሳኮ ዛራና። 17 ኣዋታ ዋዛና ናይታኮ ዛራና፣ ኪቲቶናይሳታ ሃሎታ ጨንጫቲላኮ ዛራና ማላ፣ ጎዳስ ቤሲያ ዳሬ ጊሳናው ኤሊያሳ ኣያናኒኔ ዋልቃን ጎዳ ሲንሳን ባና» ያገሲ።

18 ዛካሪያሳ ኪታንቸዋኮ፣ «ታ ሄሳ ኣይቢን ኡራኔ? ታራኔ ታ ማቸራ ጨሚዳ» ያገሲ።

19 ኪታንቸይ ዛራዲ፣ «ታኒ ያሳ ሲንሳን ኤቁያ ጋብሬሌ። ሃ ሚሺራቸዋ ኔው ኦዳናው ያሳፊ ኪቲታስ። 20 ሄኮ፣ ዋዲያ ናጊዲ ፖሊቲያ ታ ቃላ ኔ ኣማናና ኢዊዳ ጊሾ ሃይሲ ፖሊታና ጋካናው ኔሲ ሙሚ ገዳና፣ ኦደታናውካ ዳንዳዳካ» ያገሲ።

21 ሄ ዋዴ ዛካሪያሳ ያሳ ኬላ ጌሊዲ ጋምዲ ጊሾ ኣይቢ ሃኒዴ ገዲ ኣሳይ ካሬን ናጊሼ ጋምዲስ። 22 ኢ ካሬ ኬዩዲ ኤንታና ኦዲሳናው ዳንዳዲቲዳ። ማሊ ቤሶፕ ኣቲን ኦደታናው ዳንዳዳናይሳ ቤዲዳ ዋዴ ቆንጨሳኔ ቤዲዳይሳ ኤሪደሶና።

23 ዛካርያስ ሃገዝ ዋዲያ ፖሊዲ ባ ሶ ሲሚሰ። 24 ሃሳፌ ጉዬ፥ ኢያ ማቸኛ ኤልሳቤያ ቃንሳታሱ።
ኢቻሹ ኣገና ኩሚሊ ባና ገንሳዳ ጋምዓሱ። 25 ኢያ፥ «ጎዳይ ባ ማርታን ታ ቦሪያ ኣሳ ጊዶፌ
ዲጋናው ቤዲዲ ሃ ዋዲያን ሃይሳ ኦሊስ» ያጋሱ።

ዬሱሳ ዩሌቴሳይ ኮይርቲዲ ኦዴቲሰ

26 ኤልሳቤያ ቃንሳቲን ኡሱቸንላ ኣገና። ያሳይ ኪታንቸዋ ጋብሬሌ ጋሊላ ቢታን ዴዲያ ናዚሬቲ
ካታማ ኪቲሰ። 27 ካወዋ ዳዊቲ ሹሻፕ ጊዲዳ ዮሴፉ ጊያ ኡራሰ ኦይሹፕጅ ገላዳኮ ኪቲሰ።
ሄ ገላዲያ ማይራዋ ጌቲታዉሱ። 28 ኪታንቸይ ኢኮ ቢዲ፥ «ዳር ደሴቲዳሬ፥ ሳርይ ኔው ጊዳ፥
ያሳይ ኔራ ዴዴሰ» ያገሱ።

29 ማይራማ ኢያ ኦዲን ዳር ዳጋማዳ፥ «ሃይሲ ኣይቢ ሳርሶ» ጋዳ ሂታሱ። 30 ኪታንቸይ ዛራዲ፥
«ማይራማ፥ ባቦፋ፤ ኔኒ ያሳ ሲንሳን ሳባ ዴማዳሳ። 31 ሄኮ ኔኒ ቃንሳታና ኣዴ ናባ ዩላና፥ ኢያ
ሱንሳካ ዩሱሳ ጋዳ ሱንሳና። 32 ኢ ጌታ ገዳና፥ ኡባፌ ቦላ ያሳ ናባ ጌቲቲ ያጌታና፥ ጎዳ ያሳይ
ኢያ ኣዋ ዳዊቲ ኣራታ ኢያው ኢማና። 33 ኢ ያይቆባ ሹሻ ቦላ ሜሪናው ካዋታና፤ ኢያ ካዋቲሳሰ
ዛዋ ባዋ» ያገሱ።

34 ማይራማ ኪታንቸዋኮ፥ «ሂሲ ዋኒዲ ሃናኔ? ታ ኣዴ ኦሪኬ» ያጋሱ።

35 ኪታንቸይ ዛራዲ፥ «ጌሻ ኣያናይ ኔ ቦላ ዋቆና፥ ኡባፌ ቦላ ያሳ ዋልቃይ ኔ ቦላ ኩያታና።
ሂሳ ገሹ፥ ዩሌቲያ ጌሻ ናባይ ያሳ ናባ ጌቲታና። 36 ሄኮ፥ ኔ ዳቢያ ኤልሳቤያ ባ ጨማቲላ ሳይሳን
ኣዴ ናባ ቃንሳታሱ። ኢያ ማይንላ ጌቲቲዳር፥ ሺን ሃዲ ኡሱቸንላ ኣገና ኦይካሰ። 37 ያሳ ይኒያባይ
ባዋ» ያገሱ።

38 ማይራማ፥ «ሄኮ፥ ታኒ ጎዳ ኣይለው፥ ኔ ቃላዳ ታው ሃኖ» ያጋሱ። ሃሳፌ ጉዬ፥ ኪታንቸይ
ኢፔ ሻኬቲሰ።

39 ማይራማ ሃ ሳሚንታን ዴንዳዳ ዩሁዳ ቢታን ዴዲያ ኢሲ ጌዜ ካታማ ባሱ። 40 ዛካርያሳ ሶ
ገላዳ ኤልሳቤያ ሳርሳሱ። 41 ኤልሳቤያ ማይራማ ሳርሶ-ዋ ሲዲዳ ዋዴ ኢ ኡሉዋን ዴዲያ ናባይ
ኡፋይሳን ጉፐሰ። ኤልሳቤያ ጌሻ ኣያናን ኩማዳ፥ 42 ባ ቃላ ቆቁ ኦሳዳ፥ «ኔኒ ማጫሳ ጊዶፌ
ኣንጃቲዳር፥ ኔ ቃንሳቲዳ ናባይካ ኣንጃቲዳይሳ። 43 ሃኖሺን፥ ታ ጎዳ ኣዬ፥ ኔኒ ታኮ ያና ሜላ ታኒ
ኦኔ? 44 ሄኮ ኔ ሳርሶ-ዋ ታ ሲዲዳ ዋዴ ታ ኡሉዋን ዴዲያ ናባይ ኡፋይሳን ጉፐሰ። 45 ጎዳይ
ፖላና ጊዲ ኢሚዳ ቃላ ኣማኒዳራ፥ ኢያ ኣንጃቲዳር» ያጋሱ።

ማይራማ ማዝሙሪያ

46 ማይራማ ሃይሳዳ ያጋሱ።

«ታ ሹምፒያ ጎዳ ቦንቻዉሱ።

47 ታ ኣያናይ ቆሊያ ያሳን ኡፋይቲሰ።

48 ኢ ባ ኣይሌ ካወሻቲሳ ቤዲሰ።

ሃቸፌ ዶሚዲ ዩሌቴላ ኡባይ ታና ኣንጃቲዳር ጋና።

49 ኣይሰ ጊኮ፥ ዋልቃማ ጊዲዳ ኢ፥ ታው ጌታባ ኦሊሰ።

ኢያ ሱንሳይ ጌሻ።

50 ኢያ ቦንቸይሳታ ቦላ፥

ኢያ ማርቲሳይ ሜሪናፔ ሜሪና ጋካናሳ።

51 ባ ቁሲያን ሚናባ ኦሊሰ።

ባንታ ዋዛናን ኦቶርቴይሳታ ላሊሰ።

52 ዋልቃማ ካዋታ ኣራታፔ ካወሺሰ፤

ባንታና ካወሺዲይሳታ ካቦይሰ።

53 ኮሻቲዳይሳታ ሎዋባን ካልሲሰ።

ሺን ዱሬታ ሜላ ኩሹ ዩዲሰ።

54 ባ ማርታ ቆፒዲ፥

ባ ኣይሊያ ኢሲራዴሌ ማዲሰ።

55 ሂሲካ ኑ ኣዋታሰ ኦዲዳ ቃላ፥

ኣብራሃሜሰኔ ኢያ ሹሻሰ ጊዳይሳ ሜሪናው ፖላናሳ»

ያጋሱ።

56 ማይራማ ኤልሳቤያ ማታን ሂቩ ኣገና ሜላ ጋምዓዳ ባ ሶ ሲማሱ።

ጎማቂያ ዮሃንሳ ዩሌቴሳ

57 ኤልሳቤጂስ ዬሎ ቃማይ ጋኪን አዳ ናዓ ዬላሱ። 58 ኢ ሾሮተኔ ኢ ዳቦቲ ጎዳይ ገታ ማርታ ኦሳዳይሳ ሰዓዲ። ኢራ ኢሲፌ ኡፋይቲዶሶና። 59 ሆሰፑንሳ ጋላሳን ዮጋ ናዓ ቃፃራናው ዪዶሶና። ኢያ አዋ ሱንሳን ዛካሪያሳ ገዲ ሱንሳናው ኮዪዶሶና። 60 ሺን አያ፣ «አካይ፣ ዮሃንሳ ጌቲታናው ቤሱስ።» ምስሎ። 61 ኢንተካ፣ «ኔ ዳቦታፕ ሃ ሱንሳን ያጌቲዳይ ኦኒካ ባዋ» ምገደሶና። 62 ኢያ አዋይ ኦና ገዲ ሱንሳኔኮ ኡራናው ኮዪዲ ኢያ ማላ ኦይቸዶሶና። 63 ኢ ዓፊያባ ኦይቸ ኤኪዲ፣ «ኢያ ሱንሳይ ዮሃንሳ» ገዲ ዓፊስ። ኡባይ ኢ ዓፊዳይሳ ቤዓዲ ማላሊቲዶሶና። 64 ኢራ ዛካሪያሳ ኢንፃርሳይ ቤሊቲስ። ዶሳ ጋላቲሼ ኦዳቴሌ ኦይኪስ። 65 ሾሮቲ ኡባይ ያሻን ኩሚዶሶና። ሃ ሃኒዳባይ ጌኬ ዪሁዳ ቢታን ኦዳቴስ። 66 ሄሳ ሰዓዲ ኡባይ፣ «ሃ ናዓይ ኦይ ሃናንዴሻ» ገዲ ባንታ ገደን ኦዳቲዶሶና። ጎዳ ኩሼይ ኢያራ ዴዔስ።

ዛካሪያሳ ማዘሙሪያ

- 67 ዮሃንሳ አዋይ ዛካሪያሳ ጌሻ አያናን ኩሚዲ ሃይሳዳ ያገዲ ቲንቢቲ ኦዲስ።
- 68 «ኢሰራዔሊያ ጎዳይ ጋላቴቶ፣ ዪዲ ባ አሳ ዋዚስ።
- 69 ባ ኦይሊያ ዳዊቲ ኩሳን ኦቶቴሳ ካጨያ ዴንሊስ።
- 70 ሄሲካ ቤኒ ዋይ ገሻ ናቤታ ዶናን ኦዳቲዳይሳ ሜላ፣
- 71 ኢያ ኦሾይ ኑ ሞርኬታፔ ኑራ ኤቄቲያ ኡባ ኩሺያፕ።
- 72 ሄሳ ኢ ኦሳዳይ ኑ አዋታስ ባ ማርታ ቤሳናሲኔ፣ ባ ገሻ ጫቁዋ ናጋናሳ።
- 73 ኑ አዋ ኦብራሃሚስ ጫቁዳ ጫቁዋ ቆጋናሲኔ
- 74 ኑ ሞርኬታ ኩሼፔ ኬሲዲ ያሺ ባይና ኢያ ሃጋዛና ሜላሳ።
- 75 ኑ ላይሳ ኡባን ጌሻቴላኒኔ ያሎቴላን ባ ሲንሳን ኑና ኡሳናሳ።
- 76 ቃሲ ላ ናዓው፣ ኔኒ ኡባፌ ቦላ ዶሳ ናቤ ጌቲታና። ጎዳ ኦጊያ ሎይሳናው ኔ ኢያ ሲንሳን ባና።
- 77 ኤንታ ናጋራይ ቁሼቲን፣ ኤንቲ ኦቶቴሌ ዴማናይሳ ኔ ጎዳ ዴሪያስ ኦዳና።
- 78 ኑ ዶሳ ሎዎ ማርቴላፌ ዴንዶይሳን ዋንታ ዓልቄይ ኑስ ሳሉዋፔ ኬዪስ።
- 79 ሄሲካ ሓማኒኔ፣ ሃይቆ ኩያ ጋርሳን ዴዔይሳታስ ፖዒሳናሳ፣ ኑ ቶሁዋካ ሳሮ ኦጊያኮ ዛራናሳ»

ያገሰ።
80 ናዓይ ዲጨስ፣ አያናን ሚኒስ፣ ኢሰራዔሌ ኦሳስ ቆንጫና ጋካናው ባዞ ቢታን ዴዔስ።

2

ዬሱሳ ዬሌቴላ (ማቶ 1:18-25)

1 ሄ ዋዴ ሮሜ ቢታን ዴዒያ አሳ ኡባይ ታይቤታና ሚላኔ ሱንሳይ ዓፊታና ሚላ ካዋይ ኦዉጊስያሲ ከቲስ። 2 ሄሲካ ቄራናሲ ሶሪ ቢታ ኦይሲያ ዋይ ኦሱቲዳ ኮይሮ ታይቡዋ። 3 ሄሳ ገሾ፣ ኢሲ ኢሲ ኦሲ ባ ሱንሳ ዓፊታናው ባ ዬሌቴዳ ቢታ ቢስ። 4 ዮሱፊካ ዳዊቲ ከላፊኔ ያራፔ ገዲዳ ገሾ ጋሊላ ናዚሬቲ ካታማፔ ዴንዲዲ ዳዊቲ ካታማ ገዲዳ ዪሁዳ ቤቴሊሜ ቢስ። 5 ቢሹ፣ ዬላናው ዋይይ ዉራዳ ኢ ኦይቸ ዋሴዳ፣ ማይራሚራ ዋላ ዓፊታናው ቢስ። 6 ኤንቲ ያን ዴዒሺን ኢው ዬሎ ዋይይ ጋኪስ። 7 ባ ባይራ ናዓ ዬላሱ። ጨርቃራ ዓፃዳ ኢማሌ ኦቄያሱን ቤሲ ሓዪዳ ገሾ ዳራን ሜሄ ሙዚያ ጎንጌን ዘንግሳሱ።

ሄንሳንቾታኔ ኪታንቾታ

8 ሄ ጋዲያን ቃማ ዶርሳ ዉዲያ ናገሼ ካሬን ኦቄያ ሄንሳንቾቲ ዴዎሶና። 9 ጎዳ ኪታንቾይ ሃሳዮና ዪዲ ኤንታ ማታን ኤቄስ። ጎዳ ቦንቾይ ኤንታ ዩሹዋን ፖዒስ፤ ኤንቲካ ዋልቃማ ያሺ ያዪዶሶና። 10 ሺን ኪታንቾይ፣ «ያዮፊቴ! ሄኮ፣ ኦሳ ኡባስ ገዲያ ገታ ኡፋይሳ ሚሺራቹዋ ኤካዳ ያስ።

11 ሄሲካ፣ ዳዊት ካታማን እሼይሲ ሂንቴው ሃቺ ዬሌተሰ። ኢ ጎዳ ከሪሰቶሳ። 12 ዘቃሌ ናዓይ ጨርቃሪ ዓፄትዲ ጎንገን ዘንዓዳይሳ ሂንቴ ዴማና፤ ሄሲካ ሂንቴው ማላ ገደ» ያገሰ።

13 ቆገና ዳር ሳሎ ኪታንቸተ ኪታንቸውራ ኢሲፌ ቆንጨዲ።

14 «ቦንቸይ ያሳሰ ጾቃ ሳሉዋን፣ ሳርይ ቢታ ቦላ ያሳይ ዳሲያ ኣሳሰ ገደ» ያገዲ ጋላተደሶና።

15 ኪታንቸተ ኤንታፊ ሻኬተዲ ሳሉዋ ኬዬዳፕ ጉዬ ሄንጎንቸተ፣ «ኣኔ ጎዳይ ኦሰ ቆንጨሲዳባኔ ሃኒዳባ ባዓናው ቤቴሌማ ቦሰ» ያገደሶና።

16 ኤንቲካ ኤሊሲዳ ቢደሶና። ማይራዎ፣ ዮሴፋኔ ዘቃሌ ናዓ ጎንገን ዘንዓዳይሳ ቢዳደሶና።

17 ቤዒ ሰሚዲ ናዓባ ኤንታው ኦዴቶይሳ፣ ቆንጨሲዲ ሄ ቤሳን ዴዒያ ኣሳሰ ማርካተደሶና።

18 ሄሳ ሰዒዳ ኡባይ ሄንጎንቸተ ኦዴዳይሳን ማላሌተደሶና። 19 ማይራማ ሃኒዳባ ኡባ ባ ዋዘናን ቆገሼ ዴዓሱ። 20 ሄንጎንቸተ ኤንታው ኦዴተዳይሳዳ ሃኒን ቤዳደሶና። ሄሳ ገሹ፣ ባንታ ሰዒዳባሲኔ ቤዒዳባ ኡባሰ ያሳ ቦንቸሼኔ ጋላተሼ ሰሚደሶና።

ዬሱሳ ያሳ ኬሌ ኤፊደሶና

21 ሆሰቸጎሳ ቃማን፣ ቃማን፣ ቃማን ዋዴይ ጋኪን፣ ኢ ቃንጎታናፕ ሲሳኔ ኪታንቸይ ዋሲዳ ሱንጎን ዬሱሳ ገቴተሰ። 22 ሙሴ ዋጋ ማላ ኤንታ ገሻቴላ ዋዴይ ፖሌተዳፕ ጉዬ ዮሴፋራኔ ማይራሚራ ዮጋ ናዓ ባንታ ጎዳሰ ኢማናው ዬራሳላሚ ቢደሶና። 23 ሄሲካ፣ ጎዳ ዋጋን፣ «ኣደ ገዲዳ ባይራ ናዒ ኡባይ ጎዳሰ ዳማተዳይሳ ገደ» ገቴተዲ ዓፊተዳይሳ ፖላናሳ። 24 ቃሲ ጎዳ ዋጋን፣ ናምዑ ኩራቸ ዋይኮ ሆላ ያርሻናው ኤፊደሶና። 25 ሄ ዋዴ ገሼኔ ኣማናራ ሚና ገዲዳ ሲሞና ገቴተያ ኣሲ ዬራሳላሚን ዴዓሱ። ኢ ኢሰራዒሌታ ኣቶቴላ ናገሼ ዴዓሱ። ገሻ ኣያናይካ ኢያ ቦላ ዴዓሱ። 26 ቃሲ ከሪሰቶሳ ቤያና ሃይቆናይሳ ገሻ ኣያናይ ኢያው ቆንጨሲን ኤሪዲ ዴዓሱ። 27 ኢ ሄ ጋላሰ ኣያናይ ካሊሊን ያሳ ኬሌ ቢሰ። ናዓ ኣዬራኔ ኣዋራ ዋጋ ፖላናው ዮጋ ናዓ ዬሱሳ ኤኪዲ ገሊዳ ዋዴ 28 ሲሞኒ ሞኪ ኤኪዲ ናዓ ኢዲሚዲ።

29 «ጎዳው ኔ ታው ገሊዳ ቃላ ሚላ፣ ሃዒ ኔ ኣይሊያ ሳርን ሞይዛ።

30 ታ ኣይፊይ ኣሳ ኡባ ሲንጎን ኔ ገገሲዳ፣

31 ኔ ኣሹዋ ቤዒሰ።

32 ሄሲካ ካዎቴላታ ኡባሰ፣

ያሳ ኦጊያ ቆንጨሲያ ፖዮ፣

ኔ ኣሳ ኢሰራዒሌሰካ ቦንቸ»

ያገዲ ያሳ ጋላተሰ።

33 ዮሴፋራኔ ማይራሚራ ኢያው ኦዴተዳባን ማላሌተደሶና። 34 ሲሞኒ ኤንታ ኣንጂሰ። ኣዬ ማይራሚን፣ «ሄኮ ዳር ኣሳ ዋዘና ቆፋይ ቆንጨና ሚላ፣ ኢሰራዒሌን ዴዒያ ዳርታሰ ኤንታ ኩንዴሳሲኔ ዴንዲዋሰ ያሳን ደራተሰ። 35 ቃሲ ኤቁቴይሳታሰ ማላ ገዳና። ኔ ሸምፑዋራካ ቃሲ ማሽ ኣፃና» ያገሰ። 36 ቃሲ ኣሴሬ ያራፕ ገዲዳ ፋኑዒላ ናዒያ ሃና ገቴተያ ናቤይ ዴዓውሱ። ኢያ ዳር ጨማሱ፤ ኢያ ባ ኮይር ኣዘናራ ላፑን ላይላ ዴዓሱ። 37 ኢ ኣዘናይ ሃይቁን ሆሰቸጎ ታማኔ ኦይዲ ላይላ ገዲና ጋካናው ቃማኔ ጋላሰ ፓጩይ ባይና ዋሳኒኔ ያማን ያሳ ኬሳን ሃጋዘሰ። 38 ኢያ ሄ ሳተያን ባዳ ያሳ ጋላታሱ፤ ዬራሳላሚ ዋዜቴላ ናገያ ኡባሰ ዮጋ ናዓባ ማርካታሱ። 39 ዮሴፋራኔ ማይራሚራ ጎዳ ሂጊያን ከቴተዳ ዋጋ ኡባ ፖሊዳፕ ጉዬ ጋሊላ ቢታን ዴዒያ ባንታ ካንታ ማናዘራቴ ሰሚደሶና። 40 ናዓይ ዲጨሼኔ ሚኒሼ ቢሰ። ጨንጨቴላን ኩሚሰ፤ ያሳ ኣጾ ከሃቴላይ ኢያ ቦላ ዴዓሱ።

ዬሱሲ ያሳ ኬሌ ቢሰ

41 ዮሴፋራኔ ማይራሚራ ፋሲካ ባሌ ቦንቸናው ላይላን ላይላን ዬራሳላሚ ቦሶና። 42 ዬሱሳሰ ታማኔ ናምዑ ላይላ ገዲያ ዋዴ ካሴ ሜዚተዳይሳዳ ባሊያ ቦንቸናው ቢደሶና። 43 ባሊያ ቦንቸዳፕ ጉዬ ሶ ሲሚያ ዋዴ ናዓይ ዬሱሲ ዬራሳላሚን ኣተሰ። ሺን ዮሴፋራኔ ማይራሚራ ኢ ዬራሳላሚን ኣቶይሳ ኤሪቦኮና። 44 ኢ ሶ ሲሚያ ኣሳራ ዋላ ዴዒያ ዳኒን ኤንቲ ኢሲ ጋላሳ ኦጊ ቢደሶና። ኢ ባይናይሳ ኤሪዳፕ ጉዬ ባንታ ዳቦታኔ ላኔታ ማንጎ ኮዩደሶና። 45 ኢ ያን ጻዩን ኮዩሼ ጉዬ ዬራሳላሚ ጋካናው ቢደሶና።

46 ሄዙ ጋላሳፕ ጉዬ ያሳ ኬሳን ኣሰታማራታ ገደን ኡቴዲ ኤንታባ ሲዒሼኔ ኤንታ ኦይቸሽ ዴዒሺን ዴሚደሶና። 47 ኢያ ሰዒያ ኡባይ ኢያ ኣከካኒኔ ዛራዋን ማላሌተደሶና።

48 ሶ አሳይ እያ ዳሚዳ ዋዴ ማላሌቲዳሶና። እያ እያካ፣ «ታ ናዓው፣ አይሰ ኑና ሃይሳዳ ኦላዲ? ኔ አዋራኔ ታራ ኔና ኮዩሼ አንዓቲዳ» ያጋሰ።
 49 ዬሱሲ እንታተ፣ «ታና አይሰ ኮዩቲ? ታ፣ ታ አዋ ኬላን ዳናው ቤሴይሳ ኤሬኩቲ» ያገሰ።
 50 ሺን ኢ ኤንታኮ ገዳባ ኤንቲ አኩከቦኮና።
 51 ሂሳፊ ኑዬ፣ አንታራ ኢሲፊ ናዚሬቲ ካታማ ቢስ። እንታው ከቲቲሼ ዳዒሰ። እያ እያ ሄ ኡባ ባ ዋዛናን ዋላዳ ናጋሰ። 52 ዬሱሲ፣ ጨንጫቴላን፣ ጌሳኒኔ ቲማን ያሳ ሲንሳኒኔ አሳ ሲንላን ዲጨሰ።

3

ፃማቂያ ዮሃንስ ቲሚርቲያ

(ማቶ 3:1-12፤ ማር 1:1-8፤ ዮሃ 1:19-28)

1 ካዋይ ያረባዮሲ ሮሜ ቢታን ካዋቲን፣ ታማኔ ኢቻሻንላ ላይላን፣ ጸንጾ ጸላዮሲ ዪሁዳ ሃሪያ ዋዴ ሄሮዲሲ ገለላ ሃሪያ ዋዴ እያ እሻ ፊልጶሲ ኢፀሪያሳን ያሪኮንዶሳ ሃሪያ ዋዴ ለሳኒዮሲ አብላኒሳ ሃሪያ ዋዴ 2 ሃሪሬኔ ቃያፋራ ካሂኔ ሃላቃ ገዲ ዳዒሺን፣ ያሳ ቃላይ ዛካሪያሳ ናዓ ዮሃንስሳኮ ባዞ ቢታ ዪስ። 3 ዮሃንስ፣ «ሂንቲ ናጋራፔ ሰሚቴኔ ፃማቂቲ። ያሳይ ሂንቲ ናጋራ አቶ ጋና» ያገዲ ታማርሲሼ ዮርዳኖሴ ሻፋ ሄራን ዳዒያ ቢታ ኡባ ቢስ። 4 ሂሲካ ናቤይ ኡሳያሲ ባ ማፃፋን፣ «ባዞ ገደን ባ ቃላ ጶቁ ኦሲዲ፣

ዋሲያ ኡራ ቃላይ፣
 ሳዳ ኦጊያ ገገሲቲ፣
 ሆርጋካ ፒዲ ኦሲቴ።

5 እፎ ኡባይ ኩማና፣
 ዙማይኔ ዳሬይ ዘቁ ጋና።

ዋቤ ኦጊይ ሉላና፣
 ገሳና ሆርጋይ ቁንፃ ጋና።

6 እሾ ማዒዳ ኡባይ፣
 ያሳ እሾዋ ቤዓና »

ገዲ ፃፊዳይሳዳ ሂሲስ።

7 ዮሃንስ፣ ባ ኩሼን ፃማቂታናው ዪዳ አሳኮ፣ «ሂንቲና፣ ሸሻ ናይቶ ያናው ዳዒያ ሃንቁዋሬ አታና ሚላ ሂንቲና ዘሪዳይ ኦኔ? 8 ሂዛ፣ ሂንቲ ሲሙዋ ቆንጨሲያ ሎዎ ኦሶ ኦሲቴ፣ ሂንቲ ዋዛናን፣ ሱስ፣ ኑ አዋይ አብራሃሚይ ዳዒሰ ገዲ ጨቆቶሬቲ። ሃ ሲዒቴ፣ ሃ ሹቻታፔ ያሳይ አብራሃሚሰ ናዓ ከሳናው ዳንዳዒሰ። 9 ሂኮ፣ ቤጃይ ሚላ ፃጸን ዳዒሰ። ሂዛ፣ ሎዎ አይሬ አይፎና ሚላ ኡባይ ቃንፃቲዲ ታማን ዬንታና» ያገሰ።

10 አሳይ፣ «ያቲን ኑኒ አይ ኦሲና?» ያገዲ ኦይቺዳሶና።

11 ዮሃንስ ዛሪዲ፣ «ናምዑ አፊላ ዳዒያ አሲ ባይናይሳሰ እም። ካላ ዳዒይሲ ባይናይሳሰ እም» ያገሰ።

12 ቃራፃ ቃንፃሴይሳቲ ፃማቂታናው ዪዲ፣ «አስታማሪያው፣ ኑኒ አይ ኦሲና?» ያገደሶና።

13 ኢ ዛሪዲ፣ «ሂንቲ ቃንፃሳናው ከቲቶይሳፊ አላዲ ኡኮሬቲ» ያገሰ። 14 ቃሲ ዋታዳሬቲ ዪዲ፣ «ኑኒ አይ ኦሲና» ያገዲ ኦይቺዳሶና።

ዮሃንስ፣ «ኦዳባካ ዋልቃን ዳፊዲ ኡኮሬቲ፣ ኦናካ ዋርደን ሞቶፒቲ፣ ሂንቲ ዳሞዜይ ሂንቲው ገደ፤ ኡፋይቲዲ ዳዒቲ» ያገሰ።

15 አሳይ ከሪሰቶሳ ናገሼ ዳዒያ ገሾ ዮሃንስ፣ «ኢ ከሪሰቶሳ ገደንዳሻ?» ገዲ ቆፒደሶና።

16 ዮሃንስ ኡባሰ ዛሪዲ፣ «ታኒ ሂንቲና ሃሳን ፃማቃይሰ፣ ሺን ታፔ አጂዲ ዋልቃሚይሲ ያና። ታኒ ኢያ ጫማ ዋደሩዋ ቢላናው ቤሶና አሲ። ኢ ሂንቲና ገሻ እያናኒኔ ታማን ፃማቃና። 17 ዉዴማን ዳዒያ ካሳ ፖሎ ገሻናው ፒላይ ኢያ ኩሼን ዳዒሰ። ገሻ ካሳ ባ ሻሊያን ቆላና፤ ካሊያ ጳዮና ታማን ፀጋና» ያገሰ።

18 ቃሲ ዮሃንስ አሳ ዳር ዘሪ ዘሪዲ ዋንጌላ * ኦዲሰ።

19 ሺን ዮሃንስ ሄሮዲሲ ባ እሻ ማቺው፣ ሄሮዲያዳ፣ ኡኪዳ ገሾኔ ሃራ ኢታ ኦሶታ ገሾ ካጨዳ ዋዴ 20 ሄሮዲሲ ካሴይሳ ቦላ ሃራባ ኡባ ጉጂዲ ዮሃንስ ዋይኔ ጌልሰሰ።

2:52 1ሳው 2:26፤ ለሚ 3:4 3:4 እሳ 40:3-5 3:7 ማቶ 12:34፤ 23:33 3:8 ዮሃ 8:33 3:9 ማቶ 7:19 3:12 ሉቃ 7:29 * 3:18 ዋንጌላ፣ ገሪኬ ደናን ዋንጌላ ገያ ቃላይ ዳር ኡፋይሲያ ኦዳ ዋይኮ ሚሺራቾ ገሱ። ሂ ሚሺራቾይካ ከሪሰቶሰ አሳ ዘሬላ ኡባ ሚሪና ፐርዳሬ እሻናው ከቲቲዲ ዪዳ ገታ ኡፋይሳ (ሉቃ 1:19፤ 2:10)። 3:19 ማቶ 14:3-4፤ ማር 6:17-18

ዩሱሳ ፃማቄቲሳ

(ማቶ 1:1-17፤ 3:13-17፤ ማር 1:9-11)

21 የሃኒሲ ቃሼታናፔ ሲንሌ እሳ ኡባ ፃማቄዲ ሲሚን፣ ዩሱሲካ ቃሲ ፃማቄቲስ። ኢ ዋሲሺን ሳሎይ ዶዩተስ። 22 ገሻ እያናይ ሆሌዳ ቤንቴሼ ኢያ ቦላ ኡተስ። ሳሎፔ «ታኒ ዶሲያ ናናይ ኔና፤ ኔ ታና ኡፋይሳሳ ያጊያ» ቃላይ ዩሱስ።

23 ዩሱሲ ታማርሶ ኦይኪያ ዋይ ኢያው ሃስታሙ ላይሌ ጊዲሺን፣ አሳይ ኢያ ዮሴፋ ናና ጊዲ ቆፒስ።

ዮሴፊ ኤሌ ናና፣ 24 ኤሌይ ማቴ ናና፣

ማቴይ ሌዌ ናና፣ ሌዌይ ማልካ ናና፣

ማልኬይ ዮና ናና፣ ዮኒ ዮሴፋ ናና፣

25 ዮሴፊ ማታቴ ናና፣ ማታቴይ አሞጺ ናና፣

አሞጺይ ናሆሜ ናና፣ ናሆሜይ አሲሊሜ ናና፣

አሲሊሜይ ናጌ ናና፣ 26 ናጌይ ማዓቲ ናና፣

ማዓቲይ ማታቲዬ ናና፣ ማታቲዬይ ሳማዬ ናና፣

27 ሳማዬይ ዪሁዳ ናና፣ ዪሁዲ ዮና፤ ናና፣ ዮናኔይ ራሴ ናና፣

ራሴይ ዜፋባቤላ ናና፣ ዜፋባቤሌይ ሳላቲያሌ ናና፣

ሳላቲያሌይ ኔሬ ናና፣ 28 ኔሬይ ማልካ ናና፣

ማልኬይ ሃዴ ናና፣ ሃዴይ ቆሳሜ ናና፣

ቆሳሜይ ኤልሞዳኔ ናና፣ ኤልሞዳኔይ ኤሬ ናና፣

29 ኤሬይ ዮሴጌ ናና፣ ዮሴጌይ አላዛራ ናና፣

አላዛራ ዮራሜ ናና፣ ዮራሜይ ማቴ ናና፣

ማቴይ ሌዌ ናና፣ 30 ሌዌይ ሲሞና ናና፣

ሲሞን ዪሁዳ ናና፣ ዪሁዲ ዮሴፋ ናና፣

ዮሴፊ ዮና፤ ናና፣ ዮናኔይ ኤሊያቆሜ ናና፣

31 ኤሊያቆሜይ ማሊዬ ናና፣ ማሊዬይ ማይና፤ ናና፣

ማይና፤ ናና፣ ማቴይ ናታኔ ናና፣

ናታኔይ ዳዊቲ ናና፣ 32 ዳዊቲይ ኢሴዬ ናና፣

ኢሴዬይ ኢዮቤዴ ናና፣ ኢዮቤዴይ ቦዔዛ ናና፣

ቦዔዛ ሳልሞና ናና፣ ሳልሞኔይ ናዓሶና ናና፣

33 ናዓሶኔይ አሚናዲቤ ናና፣ አሚናዲቤይ ራሜ ናና፣ ራሜይ አርኔ ናና፣

አርኔይ አስሮሜ ናና፣ 34 አስሮሜይ ፋሬሴ ናና፣

ፋሬሴይ ዪሁዳ ናና፣

ዪሁዲ ያይቆባ ናና፣

ያይቆቢ ዪሳቃ ናና፣ ዪሳቁ አብራሃሜ ናና፣

አብራሃሜይ ታሪ ናና፣ 35 ታሪ ናኩሬ ናና፣

ናኩሬይ ሳፍጌ ናና፣ ሳፍጌይ ሬሁ ናና፣

ሬሁይ ፋሌቄ ናና፣ ፋሌቄይ ኤቤራ ናና፣

ኤቤሮይ ሴላ ናና፣ 36 ሴላ ቃይናሜ ናና፣

ቃይናሜይ አርፋኪሳዳ ናና፣ አርፋኪሳዴይ ሴሜ ናና፣

ሴሜይ ሮሄ ናና፣ ሮሄይ ላሜሄ ናና፣

37 ላሜሄይ ማቴሳላ ናና፣ ማቴሳላ ሄናኬ ናና፣

ሄናኬይ ያሬዴ ናና፣ ያሬዴይ ማልልዔላ ናና፣

ማልልዔላ ቃይና፤ ናና፣ 38 ቃይና፤ ናና፣ ሄናሳ ናና፣

ሄናሴይ ሴታ ናና፣ ሴቲይ አዳሜ ናና፣

አዳሜይ ያሳ ናና።

4

ዩሱሲ ፓጩቲስ

(ማቶ 4:1-11፤ ማር 1:12-13)

1 ዩሱሲ ገሻ እያናን ኩሚዲ ዮርዳኖሴ ሻፋፔ ሲሚዳ ሚላ እያናይ ኢያ ባዘ ኤፊስ። 2 ያን ኦይታሙ ጋላሲኔ ቃማ ያላሄን ፓጩቲስ። ሄ ጋላሳታን አይኮካ ሞና ጋምዒዳ ገሺ ወርሴላን ኮሻቲስ።

3 ያላሄይ ኢያኮ፣ «ኔኒ ያሳ ናና ጊዲኮ ኣኔ ሃይሲ ሹቻይ ኡይሉ ጊዶ ጋዳ ኪታ» ያገሰ።

4 ዬሱሲ ዛሬዲ፡ «እሲ ኦይላ ፃላላን ዳና ጌቴተዲ ፃፊተሰ» ያገሰ።

5 ሃሳፌ ጉዬ፡ ፃላሃይ ዬሱሳ አዲሳ ዳሬ ቦላ ኬሲዲ ሃ አላሚያ ካዋቴላታ አይፌ ቋጲ ዛሬናው ቤሲስ። 6 ፃላሃይ፡ «ሃ ኦባሰ ማታይኔ ቦንቾይ ታው አሚተሰ። ታኒ ደሲዳ ኦደሰካ አሚያ ገሾ ኔው አማና። 7 ሃሳ ገሾ፡ ኔኒ ታው ጎይኒኮ ኡባይ ኔው ገዳና» ያገሰ።

8 ዬሱሲ ዛሬዲ፡ «ኔ ጎዳ፡ ኔ ያሳ፡ ኢያ ፃላላ ጎይና ጌቴተዲ ፃፊተሰ» ያገሰ።

9 ወርሴላን ፃላሃይ ዬሱሳ ዩሩሳላሚ ኤፊዲ ያሳ ኬላሰ ሁዲያ ቦላ ኤሲዲ፡ «ኔኒ ያሳ ናባ ገዲኮ እኔ ዱኑ ሳንጎ ኔና ዬጋ። 10 አይሰ ገኮ።

ኔና ናገያ ከታንቾታ

ያሳይ ኔ ገሾ ከታና።

11 ኤንተ ኔ ቶሆይ ሹቻን ጹቤቶና ሚላ።

ባንታ ኩሺያን ጹቁ ኦሴዲ ኔና ዳንፋና ጌቴተዲ ፃፊተሰ»

ያገሰ።

12 ዬሱሲ ዛሬዲ፡ «ኔ ጎዳ ያሳ ፓጮፋ ጌቴተዲ ፃፊተሰ» ያገሰ።

13 ፃላሃይ ዬሱሳ ፓጪያ ወርሲዳፕ ጉዬ ሃራ ኢንጃ ዋዴ ዳማና ጋካናው ኢያፕ ሻኬተሰ።

ዬሱሲ ጋሊላን ታማርሶ ኦይከሰ

(ማቶ 4:12-17፤ ማር 1:14-15)

14 ዬሱሲ አያና ዋልቃን ኩሚዲ ጋሊላ ሲሚሰ። ኢያ ሱንጎይ ሃራን ዳዲያ ቢታ ኡባን ኬዩሰ።

15 ኢ አይሁዴ ዋሳ ኬላ ጌሊዲ ታማርሲስ፤ አሳ ኡባይ ኢያ ጋላተደሶና።

16 ያፕ ኢ ዲጪዳ ካታማ ናዚሬቴ ዩሰ። ካሴ ሜዜተዳይሳዳ ሳምባታ ጋላሰ አይሁዴ ዋሳ ኬላ ጌሊሰ። ናባባናወካ ዳንዲ ኤቁሰ። 17 ናቢያ ኢሳያሳ ማፃፋይ ኢያው አሚቴን፣ ደዩዲ፣ ሃይሳዳ ያገዲ ፃፊተዳይሳ ዳሚሰ።

18 «ጎዳ አያናይ ታ ቦላ ዳዔስ።

ማንቆታሰ ዋንጌላ ኦዳና ሚላ

ያሳይ ታና ደሪሰ።

ቃሼተዳይሳታሰ ቢሊቴላ።

ቆቁዳይሳታ ጂሊሳናሲኔ

ኤንዔተዳይሳታ ቢርሻና ሚላ።

19 ያሳይ ኬሃናው ቆፒዳ ላይላ ኦዳና ሚላ ታና ከተሰ»

ያገሰ።

20 ሃሳፌ ጉዬ፡ ማፃፋ ፃፂዲ ሃጋዜይሳሰ አሚዲ ታማርሳናው ኡተሰ። አይሁዴ ዋሳ ኬላን ዳዲያ አሳተ ኡባይ ጫዲ ጃሎሶና። 21 ኢ፡ «ሃይሲ ሃንጎቴ ሃይላን ሃንጎቴ ሲዲያ ሃ ማፃፋ ቃላይ ሃቺ ፖሌተሰ» ያገሰ።

22 ኡባይ ኢያባ ዳርሲዲ ኦዳቶሶና። ቃሲ ኢያ ደናፕ ኬያ ኦቶ ኬሃቴላን ኩሚዳ ቃላን ማላሊተሺ፡ «ሃይሲ ዮሴፋ ናባ ገዳኔዬ?» ያገደሶና።

23 ኢ፡ « ኔና ጳሌ አዋው ኔና አሻ፣ ቁፊርናሆሜን ኔ ኦላዳባ ኦ ሲይሳታ ቃሲ ሃይሳን ኔ ካታማን ኦላ) ያገያ ለሚሱዋን ሃንጎቴ ታና ጋናይሳሰ ሲጼይ ባዋ» ያገሰ። 24 ቃሲ፡ «ቴማ ኦዳይሰ፤ ናቤይ ባ ዩሌተዳ ቢታን ቦንቾቴና።

25 «ታ ሃንጎቴው ቴማ ኦዳይሰ፤ ሳሎይ ሃቸ- ላይላኔ ባጋ ጎርዳቴን ሚና ኮሺ ቢታ ኡባን ዳዲያ ኤሊያሳ ዋዴ ዳር አምዔተ ኢሰራዔልን ዳይሶና። 26 ኤሊያሲ ኤንታፊ ኢሲኔኮካ ከቴተቤና። ሺን ሳራፕታን ዳዲያ አምዔኮ ከቴተሰ። 27 ናቢያ ኤልሳዔ ዋዴ ኢሰራዔልን ዳር ባር ሃርጋንቾተ ዳይሶና። ሺን ሶሪ ኡራ ኒዒሚኔፕ ኦትን ኦኒካ ፓፂቤና» ያገሰ።

28 አይሁዴ ዋሳ ኬላን ዳዲያ አሳ ኡባይ ሃሳ ሲዲዳ ዋዴ ዳር ዩሎተደሶና። 29 ባንታ ኡተዳ ቤሳፌ ዳንዲዲ ዙማ ቦላ ከፀተዳ ካታማፕ ጋፃ ኬሲዲ ሰገ ዬዳናው አፎ ደና ኤፊደሶና።

30 ሺን ኢ ኤንታ ገደራ ካንሊዲ አጲሰ።

ዬሱሲ ቱና አያና ኬሲሰ

(ማር 1:21-28)

31 ያፕ ጋሊላ ቢታን ዳዲያ ቁፊርናሆሜ ካታማ ቢሰ። ያን ሳምባታ ጋላሰ አሳ ታማርሲስ።

32 ኢ ታማርሲይ ማታራ ገዲያ ገሾ ኡባይ ኢያ ተሚርተያን ማላሊተደሶና።

33 አይሁዴ ዋሳ ኬላን ቱና አያናይ ኦይከዳ ኡራይ ዳዔስ። 34 ኢ፡ «ናዚሬቴ ዬሱሳ ኦና አይሰ ዋይሳይ ኦፕ ሃካ፤ ኔኒ ዩዳይ ኦና ጳይሳናሴዬ? ኔኒ ኦኒኮ ታኒ ኡራይሰ። ኔኒ ያሳፌ ዩዳ ጌሻ» ያገዲ ዋሲሰ።

35 ዬሱሲ ቱና አያናኮ፡ «ሲዒ ጋዳ ሃ ኡራፔ ኬያ» ያገዱ ሃንቁስ። ቱና አያናይ ኡራ አሳ ኡባ ሲንላን ሆሊ ዩጊዱ አይኮካ ቆሆና ዬዲዲ ኬደሲ።
 36 አሳ ኡባይ ማላሊቲዶሶና። ሆሊኮ፡ «ሃናሰ፡ ሃይሲ አይቢ ቲሚርቲ? ቱና አያናታ ማታኒኔ ሞልታን ከቲሰ፤ ኤንቲካ ኬዮሶና» ያገደሶና። 37 ኢያ ሱንሳይ ሄራ ኡባን ኬደሲ።

ዬሱሲ ዳር ሃርጋንቸታ ፓላሰ
 (ማቶ 8:14-17፤ ማር 1:29-34)

38 ሃሳፌ ጉዬ፡ ዬሱሲ አይሁዳ ሞሳ ከላፌ ኬደዲ ሲሞና ሶ ገሊሲ። ሲሞና ማቼ አያ ሚና ቆዖ ሚሻ ሃርገን ሳኬታሱ። ኢያ ፓላና ሜላ ዬሱሳ ሞሲዶሶና። 39 ኢ ሃያኮ ሸቄ ሆኪዲ ኢ ሃርጊያ ሃንቁስ። ሚሻይ አገን ኤሌሳ ዳንዳዳ ኤንታ ሞካሳ።
 40 አዋይ ግላና ሃኒሺን ዳማ ዳማ ሃርጊያን ኦይኬቲዳ አሳ ኢያኮ ኤሂዶሶና። ኢ ኢሱዋ ኢሱዋ ቦላ ባ ኩሺያ ሞላዲ ፓላሰ። 41 ቱና አያናቲ ቃሰ፡ «ኔ፤፣ ያሳ ናዓ» ጊዲ ሞሲሾ ዳር አሳፔ ኬደዶሶና። ሺን ኢ ኤንታና ሃንቁስ። ኢ ከሪሰቶሳ ገዴይሳ ኤንቲ ኤሪያ ገሾ ኢሲባካ ኦዴቶና ሜላ ዲገሰ።
 42 ቡር ሞንቲያ ሞዴ ዬሱሲ ኢሲ ጌማ ቤሲ ቢሰ። አሳይ ኮዩሼ ኢ ዳዒያ ቤሳ ዩዶሶና። ኤንታፌ ኢ ሻኬቲዲ ቦና ሜላ ቡቲቲዶሶና። 43 ሺን ኢ፡ «ታኒ ሃራ ካታማታ ባዳ ያሳ ካሞቲሳ ሞንገላ ማርካታናው ቤሴስ። ታ ከቲቲዳይ ሃሳሳ» ያገሰ። 44 ዪሁዳ ቢታን ዳዒያ አይሁዳ ሞሳ ኬላን ሳባኪሰ።

5

ዬሱሲ ዶሪዳ ኮይር ታማሬታ
 (ማቶ 4:18-22፤ ማር 1:16-20)

1 ኢሲ ጋላሰ ዬሱሲ ገንሳሬጃ አባ ማታን ኤቁዳሺን ዳር አሳይ ኢያ ዩሾዋ ኤንዴላዲ፣ ኢ ታማርሲያ ያሳ ቃላ ሲዮሶና። 2 ያን ሃላ ጋዖን ዳዒያ ናምቡ ሞንሎታ ቤዒሰ። ሞሎ ኦይኪያ አሳቲ ሞንሎታፔ ሞዲዲ ባንታ ገቲያ ሜጮሶና። 3 ሄ ሞንሎታፔ ሲሞናይሳን ገሊዲ ቢታፌ ጉላ ገዳ ሺሻና ሜላ ኦይቸሰ። ያቲዲ፣ ሄ ሞንሎዋ ቦላ ኡቲዲ አሳ ታማርሲሰ።
 4 ባ ታማርሲዋ ኦንገዳፔ ጉዬ ሲሞናኮ፡ «ጌዴ ጨሙዋኮ ሺሻዳ ሞሉዋ ኦይካናው ሃንቲ ገቲያ ዩገቲ» ያገሰ።
 5 ሲሞኒ ዛሪዲ፡ «አሰታማሪያው፡ ቃማ ኩሜላ ዳቡሪሽ ኣቁዳ አይኮካ ኦይኪቡኮ፡ ሺን ኔ ገኮ ገቲያ ዩጋና» ያገሰ።
 6 ኤንቲ ገቲያ ዩጊዳ ሞዴ ገቲይ ዳኬታና ጋካናው ዳር ሞሎ ኦይኪዶሶና። 7 ሃራ ሞንሎዋን ዳዒያ ባንታ ሳጌቲ ዩዲ፣ ባንታና ማዳና ሜላ ግራዲ ዩገዶሶና። ኤንቲ ዩዲ ናምቡ ሞንሎታ፣ ሃላን ሚቲታና ጋካናው ሞሎን ኩንላዲዶሶና።
 8 ሲሞን ጳዳርሲ ሃሳ ቤዒዳ ሞዴ ዬሱሳ ሲንላን ኩንዲዲ፡ «ጎዳው፣ ታኒ ናጋራንቸ አሲ ገዲያ ገሾ ታፔ ሻኬታ» ያገሰ። 9 ሃሳ ኢ ገዳይ ኢኔ ኢያራ ዳዒይሳቲ ኦይኪዳ ሞሉዋ ዳርቲሳን ማላሊቲዳ ገሾሳ። 10 ቃሲ ሲሞና ላጌ ገዲዳ ዛብዲዮሳ ናይቲ ያይቆባራኔ ዮሃንሳራ ማላሊቲዶሶና። ዬሱሲ ሲሞናኮ፡ «ባቦፋ! ሃዛፔ ኔ፤ ኢሴ ኦይኪያ አሲ ገዳና» ያገሰ። 11 ኤንቲ ሞንሎታ ጋዖ ሺሺዳፔ ጉዬ ኡባ አገዲ ዬሱሳ ካሊዶሶና።

ዬሱሲ ባር ሃርጋንቸዋ ፓላሰ
 (ማቶ 8:1-4፤ ማር 1:40-45)

12 ዬሱሲ ካታማታፔ ኢሱዋን ዳዒሺን ኢሲ ባር ሃርገን * ኦይኬቲዳ አሲ ሄ ካታማን ዳዒሰ። ሄ ኡራይ ዬሱሳ ቤዒዲ ኢያ ሲንላን ጉፋኒዲ፡ «ጎዳው፣ ኔ ሸኔ ገዲኮ ታና ገሻናው ዳንዳዳሳ» ገዲ ሞሲሰ።
 13 ዬሱሲ ባ ኩሺያ ዬዲ ቦቹዲ፡ «ኦ፡ ታ ሸኔ፤ ጌያ» ያገሰ። ኢራ ባር ሃርጊይ ኡራፔ ከቸሰ።
 14 ዬሱሲ፡ «ሃይሳ ኦደሰካ ኦዶፓ፣ ሺን ባዳ ኔናቲላ አይሁዳ ካሂኒያ ቤሳ። ኔ ጌዩዳይሳሰ ማርካ ገዳና ሜላ ሙሴይ ከቲዳ ያርሹዋ ያርሻ» ገዲ ከቲሰ።
 15 ገደሺን፡ ኢያ ሱንሳይ ካሲፔ አዲዲ ዳልገሼ ቢሰ። ዳር አሳይ ኢ ኦዲያባ ሲዳናዉኔ ባንታ ሃርጊያፌ ጋዖናው ዮሶና። 16 ሺን ዬሱሲ ዳር ሞዴ ጌማ ቤሲ ቢዲ ሞሴስ።

ዬሱሲ ጉንዳ ፓላሰ
 (ማቶ 9:1-8፤ ማር 2:1-12)

5:1 ማቶ 13:1-2፤ ማር 3:9-10፤ 4:1 5:5 ዮሃ 21:3 5:6 ዮሃ 21:6 * 5:12 ባር ሃርጊ፡ ባር ሃርጊይ አሳ ጋልባ ቦላ ኬያ ሃርጊ፡ ኢሰራዒላ ቢታን ባር ሃርጋንቸቲ ሃራ አሳፔ ዳማቲዲ ዳዮሶናፔ ኣቲን አሳራ ጋሃቶኮና። 5:14 ለዌ 14:1-32

17 እሲ ጋላስ ዩሱሲ ታማርሲሽን ጋለላፔኔ ዪሁዳ ሄራ ኑባሬ ቃሲ ዩሩሳላሜፔካ ዪዳ ፋሪሳዌቲኔ ሂጌ አስታማሬቲ ያን ኡቲደሶር። እሳ ጋሊያ ጎዳ ዋልቃይካ እያራ ዴዒስ። 18 ሄ ዋዴ እሳይ እሲ ጉንዳ እሲ ሃላራ ቶኪዲ ኤሂደሶር። ሶ ጌልሲዲ እያ ሲንሳን ዋሳናው ቆፒደሶር። 19 ሺን እሳ ዳርቴላሬ ዴንደይሳን ሶ ጌልሳናው ያኔቲዳ ኬላ ቦላ ከዪዲ፣ ካራ ቃወዲዲ፣ ሃርጋንቸዋ ሃላራ እሳ ቫኪዲ ዩሱሳ ሲንሳን ዩጊደሶር።

20 ዩሱሲ ኤንታ አማኑዋ ቢዒዲ፣ «ላ አዲያው፣ ኔ ናጋራይ ቀሽቲስ» ያገሲ።

21 ሂጌ አስታማሬቲኔ ፋሪሳዌቲ፣ «ሃይሲ ያሳ ቦላ ያጊዲ ኦዴቲይ ኦኔ? እሲ ያሳሬ አቲን ሃሪ ናጋራ ቁቻናው ዳንዳዴይ ኦኔ?» ያጊዲ ቆፒደሶር።

22 ዩሱሲ ኤንታ ቆፋ ኤራዳ ጊሾ ኤንታኮ፣ «ሂንቴ ዋዛናን ሃሳላ አይሲ ቆፒቲ? 23 ሳኔ ናጋራይ ቁሽቲስ ጌይሳሬኔ ዴንዳዳ ባ ጌይሳሬ አወሲ ካወዪ?» 24 ሺን ታ ሃሳ ጊዳይ እሳ ናዓይ ሳዓ ቦላ ናጋራ ቁቻናው ማቲ ዴዒይሳ ሂንቴ ኤራና ሚላሳ።» ሃሳሬ ካሊዲ፣ ጉንዳ ኡራኮ፣ «ዴንዳዳ፤ ኔ አልጋ ቶካዳ ኔ ሶ ባ» ያገሲ። 25 ኢ ኤሊሲ ዴንዳዲ ኤንታ ሲንሳን ኤቁስ፤ ኢ ቶኩቲዲ ዪዳ አልጋ ቶኪዲ ያሳ ጋላቲሼ ባ ሶ ቢስ። 26 ሄ ዋዴ ኡባይካ ማላላቲደሶር። ያሳ ጋላቲሼ፣ «ሃቺ ጊታ ማላታ ቢዒዳ» ያጊዲ ያሸቲደሶር።

ዩሱሲ ለዌ ጻገሲ
(ማቶ 9:9-13፤ ማር 2:13-17)

27 ሃሳሬ ጉዩ፣ ዩሱሲ ያፔ ከዪዲ ቢስ። ለዌ ጌቲቲያ እሲ ቃራፃ ቃንጻሴይሲ ቃራፃ ቃንጻሴያ ቤሳን ኡቲዳይሳ ቢዒዲ፣ «ታና ካላ» ያገሲ። 28 ኢ ኡባባ አጊ ዴንዲዲ እያ ካሊስ።

29 ሄ ለዌይ ባ ሶን ጊታ ገቢራ ገሊሲስ። ዳር ቃራፃ ቃንጻሴይሳቲኔ ሃራ እሳቲ ካላ ማናው ኡቲደሶር። 30 ፋሪሳዌቲኔ ሂጌ አስታማሬቲ፣ «ቃራፃ ቃንጻሴይሳቲኔ ናጋራንቸታራ አይሲ ሜቲኔ ኡዬቲ?» ያጊዲ ዩሱሳ ታማሬታ ቦላ ዙዙሚደሶር።

31 ዩሱሲ ኤንታኮ፣ «ሃርጋንቸታሳሬ አቲን ፓፃታስ አከሜ ኮሼና። 32 ታኒ ናጋራንቸታ ማርታኮ ዛራናሳሬ አቲን ጌሻታ ጻጋናው ያቢኬ» ያጊዲ ዛሪስ።

33 ኤንቲ ዩሱሳኮ፣ «ዮሃንሳ ታማሬቲ ዳር ዋዴ ያምሶር፣ ዋሶሶና፤ ቃሲ ፋሪሳዌታ ታማሬቲካ ሃሳላ ኦሶር። ሺን ኔይሳቲ ኡባ ዋዴ ዋሶሶና ኡዮሶር» ያጊደሶር።

34 ዩሱሲ ኤንታኮ፣ «ሙሹራይ ኤንታራ ዴዒሺን ጻጌቲዳ አሳይ ያማና ሚላ ኦሳናው ዳንዳዴቲ? 35 ሺን ሙሹራይ ኤንታሬ ቫኬታ ናጋሳይ ያና፣ ሄ ዋዴ ኤንቲ ያማና።»

36 ቃሲ ያጊዲ ለሚሶ ኦዲስ፤ «ኦራላ ማፖፔ ፔዲዲ ጋልዓ ማፖ ቦላ ሲኬይ ኦኒካ ባዋ። ሃሳላ ኦሊኮ ኦራላ ማዑዋ ፔዴስ፣ ኦራላይ ጋልዓሰ ገጌና። 37 ማልዓንቶ ዋይኒያ ጋልዓ ኦጎርን ቆሊያ ኦኒካ ባዋ። ሃሳ ኦሊኮ፣ ኦራላ ዋይኒይ ጋልዓ ኦጎርን ቆሊስ፤ ዋይኒይ ጉኬስ ኦጎርይካ ማደናባ ጊዴስ። 38 ሃሳ ጊሾ፣ ኦራላ ዋይኒይ ኦራላ ኦጎርን ቆሊታናው ቤሲስ። 39 ሃዛ፣ ጫላይ ሎዮ ጊያ ጊሾ ጫላ ዋይኒ ኡዪ ሲሚዲ ማልዓንቶ ኮዬይ ኦኒካ ባዋ» ያገሲ።

6

ዩሱሲ ሳምባታባ አይሸቲስ
(ማቶ 12:1-8፤ ማር 2:23-28)

1 እሲ ሳምባታ ጋላስ ዩሱሲ ገሲቲ ጋዴ ጊደራ አዲስ። ዩሱሳ ታማሬቲ ቲያ ባንጋ ዱሊዲ ባንታ ኩሼን ሸርኪዲ ዋሶሶር። 2 ሺን ፋሪሳዌታ ጊደሬ አሳቲ አሳቲ፣ «ሳምባታ ጋላስ ኦሳናው ቤሶናባ አይሲ ኦላቲ?» ያጊደሶር።

3 ዩሱሲ ኤንታኮ ዛራዲ፣ «ዳዊቲይ ኮሻቲዳ ዋዴ ባራ ዴዒይሳታራ ኢሲሬ ኦሶይሳ ናባቢኬቲ? 4 ያሳ ኬሊ ጌሊዲ አይሁዳ ካሂኔታ ፃላላስ ቤሲያ ዳቡዋ ሚስ፤ ባራ ዴዒይሳታሰካ አሚስ» ያገሲ።

5 ቃሲ ዩሱሲ፣ «እሳ ናዓይ ሳምባታ ጎዳ» ያገሲ።

6 ሃራ ሳምባታ ጋላስ ዩሱሲ አይሁዳ ዋሳ ኬሊ ጌሊዲ ታማርሲስ። ሄ ቤሳን ኡሻቻ ኩሼይ ጉንዲዳ እሲ እሲ ዴዒስ። 7 ሂጌ አስታማሬቲኔ ፋሪሳዌቲ እያ ሞታናው ጋሶ ኮዪዲ ሳምባታ ጋላስ ጋሊኮ ቤዓና ጊዲ ናጎሶር። 8 ሺን ዩሱሲ ኤንታ ቆፋ ኤራዲ ኩሼይ ጉንዲዳ ኡራኮ፣ «ዴንዳዳ እሳ ጊዲዋን ኤቃ» ያገሲ። ኡራይካ ዴንዲ ኤቁስ።

9 ዩሱሲ፣ «አኔ ታ ሂንቴና ኢሲባ ኦይቻይሲ፤ ሳምባታ ጋላስ ኦሳናው ቤሲይ ሎዶባዬ ኢታባዬ? ሸምፖ አሾዬ ዋይኮ ዳይሶ?» ያገሲ።

10 ቃሲ ዩሱሲ እያ የሹዋን ዴዒያ እሳ የሺ ጻሊዲ ኡራኮ፣ «ኔ ኩሺያ ፒዲ ኦሳ» ያገሲ። ኡራይካ ኢ ጊዳይሳዳ ኦሊን ኩሼይ ፓዲስ። 11 ሺን ሂጌ አስታማሬቲኔ ፋሪሳዌቲ ዳር ዪሎቲደሶር። ዩሱሳ ቦላ አይ ኦሊና ጊዲ ባንታ ጊደን ማቁቲደሶር።

ዬሱሲ ታማኔ ናምዑ ሃዋሬታ ደሪሰ
(ማቶ 10:1-4፤ ማር 3:13-19)

12 ህ ዋዴ ጋላሳታፔ ኢሱዋን ዬሱሲ ዋሳናው ዴሪያ ቦላ ኬዩሰ። ቃማ ኩሜላ ያሳ ዋሲሼ አቁሰ። 13 ዋንቴሌ ባ ታማሬታ ያጊዲ ኤንታ ጊደፌ ታማኔ ናምዓታ ደሪዲ፣ ኤንታና፣ «ሃዋሬታ» ጊዲ ሱንሱሰ። 14 ኤንቲካ፣ ጳጊርሳ ጊዲ ሱንሱዳ ሲሞና፣ ኢያ ኢሻ ኢንዲሪያሳ፣ ያይቆባ፣ ዮሃንሳ፣ ፊልጶሳ፣ ባርቶሎሚዮሳ፣ 15 ማቶሳ፣ ቶማሳ፣ ኢልፊዮሳ ናሳ ያይቆባ፣ ባ ቢታሰ ሚሼቲያ ሲሞና፣ 16 ያይቆባ ናሳ ዬሁዳኔ ዬሱሳ አሌ ኢሚዳ አሰቆርታ ዬሁዳ።

17 ዬሱሲ ኤንታሪ ኢሲፌ ዴሪያፔ ዋጲዲ ዴንባ ቤሳን ኤቁሰ። ኢያ ታማሬታፔ ዳርቲ ሄ ቤሳን ዴዖሶና ዬሁዳ ቢታ ኡባፌ ዬሩሳላሜፔ፣ ያርሳፔኔ ሲዶና አባ ጋፃፔ ዬዳ ዳር አሳይ ዴዒሰ። 18 ኤንቲ ዬዳይ ኢ ታማርሲያባ ሲዓናውኔ ባንታ ሃርጊያፌ ፓፃናሳ። ቱና ኢያናን ዋዬቲያ አሳቲካ ፓዲዶሶና። 19 ዋልቃይ ኢያፔ ኬዩዲ አሳ ኡባ ፓሌያ ጊሾ አሳይ ኢያ ቦቻናው ኮዮሶና።

20 ባ ታማሬታኮ ያሊዲ ሃይሳዳ ያጊሰ።
«ሂንቲኖ፣ ማንቆቶ፣ ሂንቲ ኢንጃቲዳይሳታ፤

ያሳ ካዋቲሳይ ሂንቲሳ።

21 ሂንቲ ሃሲ ኮሻቴይሳቲ ኢንጃቲዳይሳታ፤
ሂንቲ ካሳና።

ሂንቲ ሃሲ ዬኬይሳቲ ኢንጃቲዳይሳታ
ሂንቲ ሚጫና።

22 አሳይ ሂንቲና አሳ ናሳ ጊሾ
ኢዲያ ዋዴ
ሂንቲና ሂሊያ ዋዴ
ሂንቲና ኤንቲ ቶቲያ ዋዴኔ፤
ኢታ ሱንሱ ኤንቲ ሂንቲው ኢሚያ ዋዴ

ሂንቲ ኢንጃቲዳይሳታ።

23 «ሂኮ፣ ሂንቲ ዋይቶይ ሳሎን ጊታ ጊዲያ ጊሾ ሄ ዋዴ ኡፋይሳን ጉፒቲ። አይሰ ጊኮ፣ ቤኒ ኤንታ አዋቲ ናቤታ ቦላ ሃሳዳ ኦሌደሶና።»

24 «ሺን ዱሬቶ ሂንቲና አዬ፤
ሂንቲ ሃሲ ሎዖ ዴሳ ኢኪዴታ።

25 ሃሲ ካሊዳይሳቶ ሂንቲና አዬ፤
ሂንቲ ኮሻታና።

ሃሲ ሚጫቲይሳቶ ሂንቲኖሾ
ሂንቲ ካዮታናኔ ዬካና።

26 አሲ ኡባይ ሂንቲ ሎዮቲሳ ዓላላ ኦዲያ ዋዴ ሂንቲና አዬ።
ኤንታ አዋቲ ቤኒ ዋርዳንቾ ናቤታ ቦላ ሃሳዳ ኦሌደሶና።

ሂንቲ ሞርኬታ ሲቁቴ
(ማቶ 5:38-48፤ 7:12)

27 «ሺን ታና ሲዒያ ሂንቲስ ታ ኦዲይሰ፤ ሂንቲ ሞርኬታ ሲቁቴ፤ ሂንቲና ኢዲይሳታስ ሎዖባ ኦሌቲ። 28 ሂንቲና ቃንጊይሳታ ኢንጃቲ፣ ሂንቲና ናቁይሳታስ ዋሲቴ። 29 ኢሲ ባጋ ሻካላ ባቁይሳሰ ሃንኮ ባጋካ ቤሳ። ኔ ላፃና ኢካና ጌይሳሰ ኔ ሻሚዚያካ ጉጃዶ አማ። 30 ኔና ዋሲያ ኡባሰ አማ፤ ኔፔ ኤኪዳ ኦናካ ዛር ጋዳ ኦይቾፋ። 31 አሳይ ሂንቲው ኦላና ሜላ ሂንቲ ኮያባ ኡባ ሂንቲካ አሳሰ ኦሌቲ።

32 «ሂንቲ ሂንቲና ደሲያ አሳታ ዓላላ ደሲኮ፣ አይ ጋላቲ ሂንቲው ዴሲ? ሃሪ አቶሺን፣ ናጋራንቾቲካ ባንታና ሲቁይሳታ ሲቆሶና። 33 ሂንቲው ሎዖባ ኦሌይሳታ ዓላላሰ ሎዖባ ኦሌኮ ሂንቲው አይ ጋላቲ ዴሲ? ናጋራንቾቲካ ሃሳዳ ኦላሶና። 34 ታልዔ ዛራና አሳ ዓላላሰ ሂንቲ ታልዒኮ አይ ዴማ ጋላቲቲቲ? ናጋራንቾቲካ ጉዬ ዛራና አሲ ቤዒዲ ታልዖሶና።»

ሃራታ ቦላ ፐርደፊቲ

35 «ሺን ሂንቲ ሞርኬታ ሲቁቴ፤ ኤንታው ሎዖባ ኦሌቲ። ጉዬ ኢካናው ቆፖና ታልዒቲ። ሃሳን ሂንቲ ኢካና ዋይቶይ ጊታ ጊዳና። ሂንቲ ኡባፌ ቦላ ያሳ ናይታ ጊዳና። ኢ ባና ጋላቶናይሳታሲኔ ኢታታሰ ኬሃ። 36 ሂንቲ አዋይ ኬሃ ጊደይሳዳ ሂንቲካ ኬሃ ጊዲቲ።

37 «አሳ ቦላ ፐርደፊቲ፤ ሂንቲ ቦላ ፐርደቲና። ሂንቲ ቦራቶና ሜላ ኦናካ ቦርፒቲ። አቶ ጊቲ፤ ያሳይ ሂንቲው አቶ ጋና። 38 አሚቲ፤ ሂንቲው አሚታና። ሂንቲ ማኪዳባን ሂንቲው ዛሪ ማኬታና።

ኡባራካ ሎዎ ማኪያባን ባቂዲ፣ ሱዲ ኩንሊዲ፣ ላሌታና ጋካናው ሂንቲው ማኬቲ አሜታና» ያገለገሉ።

39 ቃሲካ ዬሱስ ያገለገሉ ኤንታው ለሚሶ ኦዲስ፤ «ቆቄይ ቆቄ ካሌላናው ዳንዳዒ? ካሌሊኮ ናምዓይካ ዋሊ ኤኪዲ አፎን ወሎኮናዬ? 40 ታማሬይ አስታማሬ፤ አፎና። ሺን ሎይሊ ታማሬዳ ኡራይ ባ አስታማሬያላ ሃኔስ።

41 «ኔ አሻ አይፊያን ዳዒያ ቡሪያ አይስ ቤዓይ? ኔ አይፊያን ዳዒያ ቱሲ ዳይይሳ አይስ ቤዒከ? 42 ኔ አይፊያን ዳዒያ ቱሲ ዳይይሳ ቤዖና ኔ አሻኮ፣ ታ አሻው ኔ አይፊያን ዳዒያ ቡሪያ ኬሶ» ገናው ዋና ዳንዳዒይ? ኔኖ ጩቡዋው፣ ኮይርታዳ ኔ አይፊያን ዳዒያ ቱሲ ዳይይሳ ኬሳ። ሃሳፊ ጉዬ፣ ኔ አሻ አይፊያን ዳዒያ ቡሪያ ኬሳናው ገሻዳ ጸላና።

ሚሳኔ ኢያ አይፊያ

43 «ሎዎ ሚሳ ኢታ አይፊ አይፊና፤ ሃሳዳካ ኢታ ሚሳ ሎዎ አይፊ አይፊና። 44 አይፊ አይፊያ ሚሳ ኡባይ ባ አይፊያን ኤራቲስ። አኩንላፊ ባላሴ ሚሳ አይፊይ ማጻፍና ቃሲ ላይፔ ዋይኔ አይፊይ ማጻፍና። 45 ሎዎ አሲ ባ ዋዛናን ኩሚዳ ሎዎባፔ ሎዎባ ኬሲስ። ኢታ አሲ ባ ዋዛናን ኩሚዳ ኢታባፔ ኢታባ ኬሲስ። አሲ ባ ዋዛናን ኩሚዳ ፓላሂዳባፔ ባ ዳናን ሃሳዬስ።

ኬሌ ኬዒያ ናምዑ አሳታ

(ማቶ 7:24-27)

46 «ታ ጌይሳ ኦሌኬታ፣ ሺን ያቲን አይስ ታና፣ ሳዳው፣ ጎዳው፣ ጌቲ? 47 ታኮ ዩይኔ ታ ቃላ ሲዒዲ ፖሊያ ኡባይ ኦና ዳይያኮ ታ ሂንቲና ቤሳና። 48 ኢ ኬሌ ኬዖናው ዘቂ ኦሌ፣ ኦላ ቦኪዲ፣ ጋርሳን ዳዒያ ዘላ ቦላ ኬላ ኤሲዳ ጨንጫ ኡራ ዳይስ። ዳይይ ዳዒዲ ሄ ኬላ ሱጊስ፣ ሺን ሚንሊዲ ኬዒዳ ገሾ ቃዓናው ዳንዳዒቤና። 49 ሺን ታ ቃላ ሲዒዲ ኦላናይ ባ ኬላ ሻፊ ቢታ ቦላ ኬዒዳ ኡራ ዳይስ። ዳይይ ዳዒዲ ሄ ኬላ ሱጊዳ ዋዴ ኤሌሲዲ ኩንዲስ። ሄ ኬላይ ዋልቃማ ኩንዴሊ ኩንዲስ» ያገለገሉ።

7

ማቶ ሃላቃ አማኑቃ

(ማቶ 8:5-13፤ ዮሃ 4:43-54)

1 ዬሱስ ሃሳ ኡባ አሳ ሲንሳን ታማርሲዲ ኦንጊዳፔ ጉዬ፣ ቁፊርናሆሜ ካታማ ቤስ። 2 ሄ ቤሳን አሲ ማቶ ሃላቃይ ዳዒስ። ኢ ዳር ደሲያ አይሌይ ሃርጌቲዲ ሃይቆስ ጋኪስ። 3 ኢ ዬሱሳባ ሲዒዳ ዋዴ ባ አይሊያ ፓላና ሚሳ ኢያ ዋሶ ጊዲ አሲ አሲ ሃይሁዴ ጨማታ ዬሱሳኮ ከቲስ። 4 ከቲቲዳይሳቲ፣ ዬሱሳኮ ቤዲ፣ «ኔ ኢያው ሃይሳ ኦላናው ቤሴስ። 5 አይስ ገኮ፣ ሃ ኡራይ ኦ አሳ ዳሴስ፣ አይሁዴ ዋሳ ኬላካ ኬዒስ» ጊዲ ሚንሊ ዋሲደሶና 6 ዬሱሲን ኤንታራ ቤስ።

ማቶ ሃላቃ ሶኮ ማቲያ ዋዴ ባ ላጊታ ኢያኮ ከቲዲ፣ «ጎዳው፣ ታ ካራፔ ጋርሳን ኔ ጌላናው ታ ቤሶና ገሾ ዳቡርፓ። 7 ታካ ታና ኔ ሲንላ ሺቃናው ቤሴያ አሲ ጋዳ ቆፐኮ። ሺን ኔ አሲ ቃላ ኦዳ፤ ታ አይሌይ ፓዓና። 8 ታው ታፔ ቦላራ ሃላቃይ ዳዒስ፣ ታፔ ጋርሳን ታ ከቲያ ዋታዳሬቲ ዳይሶና። ኢሱዋ፣ ሳ) ገኮ ቤስ፣ ሃንኩዋ፣ ሳያ) ገኮ ዬስ። ታ አይሊያኮ፣ ሃኖ ኦላ) ገኮ ኦሌስ» ያገለገሉ።

9 ዬሱሲ ሃሳ ሲዒዳ ዋዴ ማላሌቲስ። ጉዬ ሲሚዲ ባራ ያ አሳኮ፣ «ታጊ ሂንቲው ቱማ ኦዳይስ፤ ሃሪ አቶሺን አሲራዒሌንካ ሃይሳ ሚሳ ጌታ አማኖ ዳማቤኬ» ያገለገሉ። 10 ከቲቲዳይሳቲ ሶ ሲሚያ ዋዴ አይሌይ ፓዒን ዳሚደሶና።

አምቤ ናዓ

11 ገላ ዋዴፔ ጉዬ ዬሱሲ ናይኔ ካታማ ቤስ። ኢያ ታማሬታራኔ ሃራ ዳር አሳቲ ኢያራ ቢደሶና። 12 ኢ ካታማ ጌላና ሃጊያ ዋዴ አሃ ቶኪዳ ዳር አሳቲ ካታማፔ ኬዮሶና። ሃይቁዳ ናዓይ ባ አዬስ ኢሱዋ፣ ኢያካ አምዎ ጊዳዳ ዳዓውሴ። ካታማ አሳፔ ዳርቲ ኢራ ዳይሶና። 13 ጎዳይ አዮ ቤዒዳ ዋዴ ቃጴቲዲ፣ «ዬኮላ» ያገለገሉ።

14 ሸቁዲ ሃላ ቦቹን ቶኪዳ አሳቲ ኤቁደሶና። ዬሱሲ፣ «ላ፣ ያላጋው ዳንዳ» ያገለገሉ። 15 ሃይቁዳይሲ ዳንዲ ኡቲዲ ኦዳ ኦይኪስ። ዬሱሲ ናዓ ኤኪዲ አዬስ አሚስ።

16 አሳ ኡባይ ያሸቲዲ፣ «ጌታ ናቤይ ኦ ጊደን ዳንዲስ፤ ያሳይ ባ አሳ ቤዒስ» ያገለገሉ ያሳ ጋላቲደሶና። 17 ኢያ ሱንሳይ ዪሁዳኒኔ ሄ ሄራን ዳዒያ ቢታ ኡባን ሲዒቲስ።

ዬሱሳኔ ዓማቂያ ዮሃኒሳ

18 ዓማቂያ ዮሃኒሳ ታማሬቲ ሃሳ ኡባ ዮሃኒሳስ ኦዲደሶና። ኢ ኤንታ ጊደፊ ናምዓታ ጃጊዲ፣ 19 «ያና ጌቲቲዳይ ኔይዬ? ዋይኮ ሃራ ናገና?» ያገለገሉ ኦይቸቲ ጊዲ ጎዳኮ ከቲስ።

20 እሳቱ ዩሱሳኩ ቢዲ፣ ፃማቁያ ዮሃንስ፡ «ያና ጌቲቲዳይ ኔኔዬ? ዎይኮ ሃራ ናጊና?» ጌቲ ጊዲ ኑና ነኮ ከቲሰ ያጊደሶና።

21 ሄ ሳቲንካ ዩሱሳ ጳር እሳ ሃርጊያፌ ፓሊስ። ቱና እያናታ ኬሲስ፡ ቆቁዳ እይፊያካ ያሊሲስ። 22 ዮሃንስ ማጉ ከቲቲዳ ዩዳይሳታኮ፡ «ቢዲ ሂንቲ ቤዒዳይሳት ሰዒዳይሳ ዮሃንሳስ ኦዲቲ። እይፌ ቆቁቲ ማሎሶና፣ ጉንዳቲ ቢርቪቲዲ ሃሙቶሶና፣ ባር ሃርጋንቸቲ ጌዮሶና፣ ቱሌቲ ሲዮሶና፣ ሃይቁዳይሳቲ ሃይቆፔ ዳንዶሶና፣ ማንቆታስ ዎንጌላይ ሳባኬቲስ። 23 ታናን ቆቡቶና ኦኒካ እንጃቲዳይሳ።»

24 ዮሃንስ ከቲዳይሳቲ ቢዳፔ ጉዬ ዩሱሲ እሳስ ዮሃንሳባ ያጊዲ ኦዲስ፡ «ሂንቲ እይ ቤዓናው ባዞ ቢታ ኬዱዳቲ? ጫርኮይ ቃልያ ማታ ቤዓናሴዬ? 25 ያቲን፣ እይ ቤዓናው ኬዱዳቲ? ኮይሴ ማዎ ማዒዳ እሳ ቤዓናሴዬ? ኮይሴ ማዎ ማዒዳይሳቲኔ ሳሊ እንጃቲዳ እሳይ ካዎ ከላን ዳዎሶና። 26 ያቲን፣ እይ ቤዓናው ኬዱዳቲ? ናቢያ ቤዓናሴዬ? ኤ፣ ታ ያጋይስ፡ ሂንቲ ቤዓናው ኬዱዳይ ናቤፔ አጁይሳ።

27 ሳኔ ኦጊያ ኔ ሲንሳን ገጊሲያ ታ ከታንቸዎ ኔፔ ሲንሴ ታ ከታና

ጌቲቲዳ ያፌቲዳይ ኢያሳ። 28 ታ ሂንቲው ኦዳይስ፤ ማጫሳፔ ዩሌቲዳይሳታ ጊደፌ ዮሃንሳፔ አጁይ ባዎ። ያሳ ካዎቲላን ኡባፌ ጉዳይሲ፣ ኢ ኡባፌ ጌታ ጊዳና። ያጊስ።

29 ሃሪ አቶቪን፣ ዩሱሳ ቃላ ሲዒዳ ቃሪዎ ቃንዲሴይሳቲ ኡባይ ዮሃንሳ ኩቪን ፃማቁቲዲ ያሳይ ያሎ ጊዳይሳ ቆንጨሲዶሶና። 30 ቪን ፋሪሳዊቲኔ ሂጌ አስታማሪቲ ዮሃንሳ ኩቪን ፃማቁቶና ኢዲዲ ያሳ ዞሪያ ለቁሲዶሶና።

31 ዩሱሲ ካሊዲ ሃይሳዳ ያጊስ፡ «ሂዛ፣ ሃ ዎዲያ ዩሌቴላ እይቤራ ዳኒሶ? ኤንቲካ ኦና ዳናና? 32 ጊያ ጊደን ኡቲዲ ዎሊ ያጊዲ፣ ሳ ሂንቲው ሱሱልዒ ዩጊን፣ ሂንቲ ዩዳኬታ። ኮ ሳቢዲ ዜሌሊን፣ ሂንቲ ዩኬኬታ ያጊያ ናይታ ዳናሶና። 33 ፃማቁያ ዮሃንሲ ሞና ኤዮና ዩን፣ ሳታ እያናራ ዳዒስ ጊዳታ።» 34 እሳ ናሳይ ማሼኔ ኡዩቪ ዩን፣ ሃራ-ሞባኔ ኡቫንቸ፣ ቃሪዎ ቃንዲሴይሳታኔ ናጋጋንቸታ ዳሶ ጊዳታ። 35 ሂዛ፣ ጨንጫቴላ ቲማቴላይ ኢያ ናይታ ኡባ ማታን ኤሬቲስ» ያጊስ።

ኢሲ ማጫሲያ ዩሱሳ ሸቶ ቲያሱ

36 ኢሲ ፋሪሳዊይ ዩሱሳ ካላ ሙዛናው ባ ሶ ያጊስ። ኢ ፋሪሳዊያ ሶ ቢዲ ጋይታ ቦላ ኡቲስ። 37 ሄ ካታማን ኢሲ ናጋጋንቸ ማጫሲ ዳዒያራ ዩሱሲ ፋሪሳዊያ ሶን ገቢራ ቦላ ዳዒይሳ ሲዒዳ ዎዴ ዳር አልዎ ጸልቃዪ ሸቶ ኢካዳ ያሱ። 38 ዩሱሳስ ጉዬ ባጋራ፣ ኢያ ቶሁዎ ማታን ኢቃዳ ዩካሽ ኢያ ቶሁዎ ባ አፋፋራ ላኬላውስ። ባ ቢናናራ ኢያ ቶሁዎ ቆቻሼኔ ዩራሼ ሸቶ ቲያሱ።

39 ገቢራ ገጊሲዳ ፋሪሳዊይ ሂሳ ቢዒዳ ዎዴ ባ ዎዛናን፣ «ሃይሲ ናቤ ጊዲያኮ ሃ ማጫሲያ ኢያ ቦቺያራ ኦኒኮ ቃሲ ኢያ ናጋጋንቸ ጊዳይሳካ ኢ ኤራናቪን» ያጊስ።

40 ዩሱሲ፣ «ሲሞና፣ ታ ኔው ኦዲያባይ ዳዒስ» ያጊስ።
ኢ፣ «አስታማሪያው፣ ታው ኦዳ» ያጊስ።

41 ዩሱሲ ኢያኮ፣ «ናሞሶ እሳቲ ኢሲ ኡራፔ ማሼ ታልዒዶሶና። ኢሶይ ኢቻሹ ያቲ ቢራ ሃንኮይ ቃሲ አሻታሙ ቢራ ታልዒዶሶና። 42 ናሞዒይካ ታልዒያ ጨጋናው ዩኔቲን፣ ናሞዒታስካ ታልዒያ ማሪስ። ሂዛ፣ ሃ ናሞዒታፔ ሄ ኡራ ዳር ደሳናይ ኔው አጫሳ ዳኒ» ያጊስ።

43 ሲሞኒ፣ «ዳር አጫይ ማሪቲዳ ኡራይ ዳር ደሳና ዳኒስ» ያጊስ። ዩሱሲ፣ «ኔ ቱማ ፐርዳዳሳ» ያጊስ። 44 ሄሳፌ ኡቴ፣ ዩሱሲ ማጫሴኮ ሲሚ ያሊዲ፣ ሲሞናኮ፣ «ሃሮ ማጫሴው ቤዓይ? ታኒ ኔ ሶ ጌሊን ሃሪ ካቲን ኔ ታሙ ቶሁ ሃላ አማባካ፣ ቪን ኢያ ታ ቶሁዎ ባ አፋሳን ላኮላዳ ባ ቢናናን ቁቻሱ። 45 ኔኒ ታና ዩራ ኤካባካ፣ ቪን ኢያ ታ ኔ ሶ ጌሎዴፔ ደማዳ ታ ቶሁዎ ዩር አጋቡኮ። 46 ኔኒ ታ ሁዒያን ዛይቲ ቲያባካ፣ ቪን ኢያ ታ ቶሁዎ ሸቶ ቲያሙሲ። 47 ኢያ ታና ዳር ደሲዳ ገሸ ኢ ዳር ናጋራይ አቶ ጌቲቲስ። ኢያ ጉላ ናጋራይ አቶ ጌቲቲዳይ ጉላድ ዶሴስ።»

48 ዩሱሲ ማጫሴኮ፣ «ኔ ናጋራይ አቶ ጌቲቲስ» ያጊስ።
49 ኢያራ ኢሲፌ ጋይታን ኡቲዲ ሚያ አማሳቲ፣ «ናጋራ አቶ ያጌይ፣ ኢ ሃይሲ ኦኔ?» ያጊዲ ባንታ ዎዛናን ቆፒዶሶና።

50 ዩሱሲ ማጫሴኮ፣ «ኔ አማናይ ኔና አሺስ፤ ሳር ባ» ያጊስ።

8

ዩሱሳ ሞኪዳ ማጫሳታ

1 ሄሳፌ ጉዬ፣ ዩሱሲ ያሳ ካዎቲላ ዎንጌላ ሳባኪሼ ካታማራኔ ጉታራ አጁሲ። ሄ ዎዴ ታማኔ ናሞሶ ሃዎሬቲ ኢያራ ዳዎሶና። 2 ቃሲ ቱና እያናፔኔ ዳማ ዳማ ሃርጊያፌ ፓዲዳ ኢሲ ኢሲ ማጫሳቲ

ኢየሱስ ዳዎሶና። እንቲካ፣ ላፑን ቱና አያናቴ ከዩዳ ማግደላ ማይራሞ። 3 ሄርዲሳ ሹማ ኩዛ ማቸው ዮሃና፣ ሶስናራኔ ቃሲ ሃራ ዳርቴ እንታና ማሸን ማይይሳቴ ዳዎሶና።

4 ዳር አሳይ ዳማ ዳማ ከታማፕ ኢያሱ ሸቂን ለሚሶን እንታው ኦዲሰ። 5 «እሲ ገሻንቸይ ዜሬላ ዜራናው ከዩሰ። እ. ዜራሽን እሲ እሲ ዜራሳይ ኦኔ ጋገን ሞዲዳ ዩዴተሰ። ሳሎ ካሮቴ ማይዳሶና። 6 ሃራቴ ሻሎይ ጋርሳን ዳዲያ ቢታ ቦላ ሞዲዳሶና። ቡር ደሊዳ ማላ ቢታን ላሆይ ባይና ጊሾ ሚጨዳሶና። 7 ሃራ ዜራሳይ ቃሲ አንጎላ ጊደን ሞዲሰ። አንጎላር ሞላ ዲጨዳ ጊሾ አንጎላይ ጨሊዲ ቤሳን አሸሰ። 8 ሃራቴ ሎፖ ቢታ ቦላ ሞዲዳሶና። ደሊዳ ሞዴ ያቴ ኩሼ አይፊዳሶና።» ሃሳ ኦዲ ኦንጊዲ፣ ባ ቃላ ቶቁ ኦሊዲ፣ «ሲዲያ ሃይሌ ዳዲያ ኡባይ ሲፖ» ያገሰ።

9 ኢያ ታማሬቴ፣ «ሃ ለሚሱዋ ቢርሼሳይ አይቤ?» ያገዱ እይቸዳሶና 10 ኢ፣ «ዶሳ ካሞቲሳ ፁራ ኤራና ሜላ ሂንቴው አሜቲሰ። ሽን ሃራቴ ቤዲሾ ዳሞና ሜላ፣ ሲዲሾ አኩኮና ሜላ ለሚሶን ኦዲይሰ።

11 «ሂዛ፣ ሃ ለሚሱዋ ቢርሼሳይ ሃይሳ፣ ዜራላ ያጌቲዳይ ዶሳ ቃላ። 12 ኦጌ ጋገን ሞዲዳ ዜራሳይ ቃላ ሲዲይሳታ። ጊደሽን፣ እንቲ አማኒዲ አቶና ሜላ ፃላሄይ ቃላ እንታ ሞዳናፕ ማይ ዲሼሰ። 13 ሻሎይ ጋርሳን ዳዲያ ቢታ ቦላ ሞዲዳ ዜራሳይ ቃላ ሲዲዲ ኡፋይሳን ኤኪይሳታ። እንቲ ሃዲሰ አማናሶናፕ አትን ፃፃይ ባይና ጊሾ ፓጩይ ጋኪያ ሞዴ ኤሊሲዲ ካዳሶና። 14 አንጎላ ጊደን ዜራቴዳይሳቴ ቃላ ሲዲይሳታ። እንቲካ አሳሚያ ቆፋን፣ ዳሬቴላኒኔ ሳባ ዲሳ ማኮቲላን ጨሊቲዲ ቤሲይሳዳ አይፊሶኮና። 15 ሎፖ ሞዲዳ ዜራሳይ ሎፖ ሞዳናን ቃላ ሲዲዲ ናጌይሳታኔ ዳንዳናን ሚኒዲ አይፊ አይፊይሳታ።

16 «ፆሞፕ ፆሞፒዲ፣ ዳሾ ካሜይ ሞይኮ አርሳፊ ጋርሳን ሞሌይ ዳና። ጌሊያ አሲ ቤዳና ሜላ ቶቃ ቤሳን ሞሌሰ።

17 «ሃሳ ጊሾ፣ ቆንጩ ከዮና ቆሱቲዲ አትያባይ፣ ኤሬቶና ጌሚዲ አትያባይ ዳና።

18 «ሂዛ፣ ሂንቴ ቃላ ሞቲ ሲዲያኮ አኩኪቴ። ዳዲያ ኡባሰ ጉቱቲዲ አሜታና፣ ባይናይሳሰ ሃራ አቶሽን ኢያው ዳዲያ ጉሊያካ ኢያፕ ኤኪታና» ያገሰ።

**ዩሱሳ አዩራኔ አሻታራ
(ማቶ 12:46-50፤ ማር 3:31-35)**

19 ዩሱሳ አዩራኔ አሻታራ ኢያኮ ዩዳሶና። ሽን አሳ ዳርቴላፊ ዳንደይሳን ኢያ ዳማናው ዳንዳዲሶኮና። 20 እሲ አሲ ዩሱሳኮ፣ «ኔ አዩራኔ ኔ አሻታራ ኔና ኮዩዲ ካሬን ናጎሶና» ያገሰ።

21 ዩሱሲ ዛሬዲ፣ «ዶሳ ቃላ ሲዲዲ ኦሶን ፔሼይሳቴ ኡባይ ታው አዩኔ ታው አሻ» ያገሰ።

**ዩሱሲ ሃሳ ዙሊያ ሴሪሰ
(ማቶ 8:23-27፤ ማር 4:35-41)**

22 እሲ ጋላሰ ዩሱሳራኔ ኢያ ታማሬታራ እሲፊ ሞጎሎን ጌሊዲ፣ «አባ ፒናሰ» ያገሰ። እንቲካ ባናው ዳንዲዳሶና። 23 አባ ቦላራ እንቲ ፒናናው ቢሽን ዩሱሲ ጳሰኪሰ። ቆፖና ሚኖ ጫርኮይ አባ ቦላ ዳንዲሰ። ሃሳይ ሞጎሎን ጌሊን ሞጎሎይ ሚቲቲላ ኦይኪያ ሞዴ ኡባይ ባቢዳሶና።

24 ኢያ ታማሬቴ ኢያኮ ሸቂዲ፣ «ኦ ጎዳው፣ ኦ ጎዳው፣ ኦ ጳዮሰ ጎቲይ ናጌይ ዩሱሳ ዳንሊዳሶና።

ዩሱሲ ዳንዲዲ ጫርኮዋኔ ጎቲያ ሴሪሰ። ኤሊሲዲ ጫርኮይ ጎቲይ ሞፑ ገሰ። ሳርቴላይካ ሲሚሰ። 25 ዩሱሲ ባ ታማሬታራ፣ «ሂንቴ አማናይ አወኔ» ያገሰ። እንቲካ፣ ያዩሼኔ ማላሊቲሼ ኢሶይ አሱሞኮ፣ «ጫርኮይኔ ሃሳይ ከቲቲይሰ፣ ኢ ሃይሲ ኦኔ» ያገደሶና።

**ቱና አያናፕ ዩዴቲዳ ኡራ
(ማቶ 8:28-34፤ ማር 5:1-20)**

26 አባ ፒኒዲ ጋሊላ ባጋራ ዳዲያ ጌርኮኒኔ ቢታ ጋኪዳሶና። 27 ዩሱሲ ሞጎሎፕፕ ከዩዲ ሳባን ሞዲሽን ቱና አያናፕ ኦይኪቲዳ ኡራይ ካታማፕ ከዩዲ ኢያራ ጋሂቲሰ። ዳር ላይላ አፊሊ ማሞና ካሎ ዳሮን ዳሮሲፕ አትን ሶ ጌሌና። 28 ዩሱሳ ቤዲዳ ሞዴ ኢያ ሲንጎን ጉፋኒዲ፣ ባ ቃላ ቶቁ ኦሊዲ፣ «ኡባፊ ቦላ ዶሳ ናዳው ዩሱሳ ኔራ ታው አይቢ ኢሲፊቲላ ዳዲ? ሃያና ታና ሃዲ አንዳጸፋርኪ» ያገሰ። 29 ሃሳ ኢ ጊዳይ፣ ቱና አያናይ ኡራፕ ኪያና ሜላ ዩሱሲ ሃንቁቲዳ ጊሾሳ። ዳር ሞዴ ቱና አያናይ ኢያ ሃራዳ ጊሾ ሳንጎላታኒኔ ቶሆ ቃቸያ ቢራታን ቃሹቲዲ ናጌቲሰ። ሽን ቃሹሞ ዳሊዲ ቱና አያናን ላጌቲዲ ባዙ ጌሊሰ።

30 ዩሱሲ፣ «ኔ ሱንጎይ ኦኔ» ያገዱ ኦይቸሰ።

ኢ፣ ዳር ቱና አያናፕ ኢያ ኦይኪዲ ጊሾ ባና፣ «ለጊዮና» ገሰ። 31 ቱና አያናፕ ባንታና ሲፖላ ኪቶና ሜላ ሞሲዳሶና።

32 ሄ ቤሳን ዘዘ ቦላ ሚያ ጉዲገሎ ወዳይ ሃሙቴስ። ሂኒ ጉዲገሎጋን ገሊኖ ገዲ ዋሲደሶና፤ ለካ «ጌለቲ» ገሰ። 33 ቱና ኣያናቲ ኡሪፔ ኬዩዲ ጉዲገሎጋን ገሊኖሶና። ወዳይ ዴሪያፔ ዲገ ጉርጉዲዲ ኣባን ገሊኖ።

34 ሄገላንቸት ሃኒዳይሳ ቤዲዳ ዋዴ ዋዲ ቢዲ፤ ካጋማኒኔ ጉታ ኡባን ኦዲደሶና። 35 ኣሳይ ሃኒዳባ ቤዳናው ኬዩዲ ዩሱሳኮ ዩደሶና። ቱና ኣያናይ ኬዩዲ ኡሪፔ ማፖ ማዲዲ፤ ኢያ ዋዛናይ ሰሚን፤ ዩሱሳ ቶሆ ማጋን ኡቲዳይሳ ዴሚዲ ያዩደሶና። 36 ኢያ ቤዲዳ ኣሳይ ቱና ኣያናን ኦይኬቲዳ ኡሪፔ ዋኒዲ ፓዲዳኮ ኦዲደሶና። 37 ገርጌሶኔ ዩቩዋን ዴዲያ ኣሳይ ገታ ያሽ ያሽቲዲ ዩሱሰ ሰባን ማጋፔ ባና ማላ ዋሲደሶና። ኢ ዋጎሎዋን ገሊዲ ጉዩ ሰሚሰ።

38 ቱና ኣያናይ ኬዩዲ ኡሪፔ ዩሱሳራ ዳናው ዋሲሰ። 39 ሽን ዩሱሰ ኢያኮ፤ «ኔ ሶ ሰማ፤ ያሳይ ኣይ ማላ ገታባ ኔው ኦሊዳኮ ኦዲ» ያገዲ ሞይዚሰ። ኡሪፔካ ዩሱሰ ኣይ ማላ ገታባ ኢያው ኦሊዳኮ ካጋማ ኡባን ማርካቲሽ ቢሰ።

ሃይቂዳ ናዲወኔ ዩሱሳ ማዕዋ ቦቹዳ ማጫሲው
(ማቶ 9:18-26፤ ማር 5:21-43)

40 ኣሳይ ናገዲ ጋምዲዳ ገሽ ዩሱሰ ሰሚያ ዋዴ ሞኪ ኤኪደሶና። 41 ኣይሁዴ ዋሳ ኬላ ሃላቃ ገዲዳ ኢያሮሳ ገያ ኡሪፔ ባ ሶ ያና ማላ ዩሱሳ ቶሆዋ ቦላ ዋዲዲ ዋሲሰ። 42 ኢያው ታማኔ ናምዑ ላይሊ ገዲዳ ማጫ ናባ ዴዲያራ ሳኬታዳ ሃይቆሰ ጋካዳ ዴዲወሱ። ዩሱሰ ቢያ ዋዴ ኣሳይ ኢያ ኡንዮሴስ። 43 ታማኔ ናምዑ ላይሊ ሱላ ጎገሼ ጋምዲዳ ማጫሲ ዴዲያራ ዴዲወሱ። ኢያ ባው ዴዲያ ሚሽያ ኣኪሚታሰ ኢማዳ ኦንጋሱ። ሽን ፓፖናው ዳንዳባኩ። 44 ኢያ ዩሱሳሰ ጉዩ ባጋራ ሽቃዳ፤ ኢያ ኣፊላ ማጫራ ቦቻሱ፤ ሰሁዋራ ጎገያ ሱላይ ኡቁ ኣሰሰ።

45 ዩሱሰ፤ «ታና ቦቹዳይ ኦኔ?» ያገሰ። ኡባይ «ኦ ቦቹሶኮ» ያገኒ፤ ጴይሮሲ፤ «ኣሰታማሪያው፤ ዳሮ ኣሳይ ካሊሺኒኔ ኡንዮሴሽን ቤዳሽ ዋናዳ፤ ሓና ቦቹዳይ ኦኔ?» ጋይ» ያገሰ።

46 ሽን ዩሱሰ፤ «ኢሲ ኣሲ ታና ቦቹሰ፤ ኣይሰ ገኮ፤ ዋልቁ ታፔ ኬዮይሲ ታው ኤፊቲሰ» ያገሰ።

47 ማጫሲያ፤ ኢባይ ቆንጨዳይሳ ኤሪዳ ዋዴ ኮኮራሽ ያዳ ዩሱሳ ቶሆዋ ቦላ ኮንዳሱ። ኣይሰ ቦቹዳኮኔ ዋናዳ ኡሌሳዳ ፓዲዳኮ ኣሳ ኡባ ሰንላን ማርካታሱ። 48 ኢ፤ «ታ ናቲ፤ ኔ ኣማናይ ኔና ፓሊስ፤ ሳሮን ባ» ያገሰ።

49 ዩሱሰ ኦዲ ኦንጎና ዴዲሽን፤ ኣይሁዴ ዋሳ ኬላ ሃላቃ፤ ኢያሮሳ ሶፔ ኢሲ ኣሲ ዩዲ፤ «ኢያሮሳ፤ ኔ ናዲያ ሃይቃሱ፤ ኣሰታማሪያ ማላ ዳኮሪሶፋ» ያገሰ።

50 ሽን ዩሱሰ ሃሳ ሰዲዲ ኢያሮሳ፤ «ባባ፤ ኣማና፤ ኔ ናዲያ ፓፖና» ያገሰ።

51 ዩሱሰ ኢያሮሳ ሶ ጋኪዳ ዋዴ ጴይሮሳ፤ ዮሃኒሳ፤ ያይቆባ፤ ናዲ ኣዋፔኔ ኣዩፔ ኣቲን ሃሪ ገሊና ማላ ኮዩቤና። 52 ሄ ቤሳን ዴዲያ ኣሳ ኡባይ ናዲሰ ሚሽቲዲ ዩኪሽን፤ ዩሱሰ፤ «ዩኮፊቲ! ናዲያ ጴሳካሱ፤ ኣቲን ሃይቃሱ» ያገሰ።

53 ኣሳይ ናዲያ ሃይቁዳይሳ ኤሪያ ገሽ ኢያ ኦዲ ሊቁዲ ሚጨደሶና። 54 ሽን ዩሱሰ ናዲ ኮሽያ ኦይኪዲ፤ «ናቲ ዳንዳ» ያገሰ። 55 ናዲሰ ሽምፖይ ሰሚን ዳንዳ ኤቃሱ። ዩሱሰ ኤንታኮ፤ «ኢው ሚያባ ኢሚቲ» ያገሰ። 56 ናዲ ኣዋራኔ ኣዩራ ማላሊቲደሶና። ሽን ዩሱሰ ሃይሳ፤ «ኦዲሰካ ኦዲ፤ ጉቲ» ያገሰ።

9

ዩሱሰ ታማኔ ናምዑ ሃዋሬታ ከቲሰ
(ማቶ 10:5-15፤ ማር 6:7-13)

1 ዩሱሰ ታማኔ ናምዑ ሃዋሬታ ባኮ ዪገዲ፤ ቱና ኣያናታ ኬሳና ማላኔ ሃርጌ ኡባ ፓላና ማላ ዋልቃኔ ማጋ ኢሚሰ። 2 ያሳ ካዋቴላባ ማርካታናዳኔ ሃርጋንቸታ ፓላናዳ ከቲሰ። 3 ኢ ኤንታኮ፤ «ፖምባ ገዲን ኣጎር ገዲን ካሊ ገዲን ሚሽ ገዲን ሳሚ ማዲያ ኣፊላ ገዲን ኦኪሰ ገዲ ኣይኮካ ኦይኮፊቲ። 4 ሄ ካጋማፔ ሃንቲ ኬያና ጋካናው ኢማላቲሳን ሃንቲ ገሊዳሱዋን ጋምዲቲ። 5 ኦኒካ ሃንቲና ሞኮና ኢዲኮ ሄ ካጋማፔ ኬዩሽ ኤንታው ማርካ ገዲና ማላ ሃንቲ ቶሆዋ ዴዲያ ባና ፒቲዲ ከዩቲ።» 6 ኤንቲካ ከቲቲዳይሳዳ ኬዩዲ ዋንገሊ ኦዲሽኔ ዴማ ዴማ ጉታታን ሃርጋንቸታ ፓሊሽ ኣዲደሶና።

7 ጋሊላ ቢታ ሃሪያ ሄርዲሲ ዩሱሰ ኦሊዳባ ኡባ ሰዲዳ ዋዴ ዳጋሚሰ። ኣይሰ ገኮ፤ ኢሲ ኢሲ ኣሳቲ ዮሃኒሲ ሃይቆፔ ዴንዳ ኣጌና ያጎሶና። 8 ባጋቲ፤ «ኤሊያሲ ቆንጨሰ» ጎሶና፤ ሃራቲ ቃሲ፤ «ቤኒ ናቤታ፤ ኢሶይ ሃይቆፔ ዴንዲሰ» ያገዲ ኦዲቶሶና። 9 ሽን ሄርዲሲ፤ «ዮሃኒሳ ቆዲያ ታ ቃንዲሳዳ ዋዳ። ያቲን፤ ሃይሳላ ያጌቲዲ ኢያባ ኦዲቲይ፤ ኢ ኦኔ?» ያገዲ ባ ኣይፊን ቤዳናው ኮዩሰ።

ዩሱሲ ኢቻሹ ሙኩሉ እና ሙዚሲ

(ማቶ 14:13-21፤ ማር 6:30-44፤ ዮሃ 6:1-14)

10 ታማኔ ናምዑ ሃዋሪቲ ጉዬ ሰሚ ዪዲ፣ ኤንቲ ኦሊዳባ ኦሊዳባ ኦሊዳባ። ኢ ኤንታና ኤኪዲ በቴሳይዳ ካታማፕ ንግ ኦፊሰ። 11 ሽን ዳር እሳይ ዩሱሳ ገዳይሳ ኤሪዲ ኢያ ካሊደሶና። ኢ ኤንታ ሞኪ ኤኪዲ ያሳ ካዎቴላባ ታማርሲስ፤ ፓዳናው ኮዩይሳታካ ፓላስ።

12 ሳሊ ኦማርሲያ ዎዴ ታማኔ ናምዑ ሃዋሪቲ ኢያኮ ሸቄዲ፣ «ኑ ዴዔይ ባዞ ቢታ ገዲያ ገሾ እሳይ ዳማ ዳማ ጉታታይ ካታማታ ቢዲ፣ ካላይ እቅያኮ ኮያና ሜላ እና ሞይዞ» ያገደሶና።

13 ሽን ኢ፣ «ኤንታው ሚያባ ሂንቴ አሚቴ» ያገሰ።

ኤንቲ፣ «ኑስ ዴዔይ ኢቻሹ ኡይላይ ናምዑ ሞሎ ገዲያ ገሾ ሃ እሳሰ ገዲያ ካላ ኑኒ ቢዲ ሻሞና ኢዳኮ ገደና» ያገደሶና። 14 ሄ ቤሳን ኢቻሹ ሙኩሉ ገዲያ አዳቲ ዳዎሶና።

ዩሱሲ ባ ታማራታኮ፣ «አሻታማን አሻታማን ሻኪ ሻኪ እና ኡቲሲቴ» ያገሰ።

15 ኢያ ታማራቲ፣ ኢ ከቲዳይሳዳ እና ኡቲሲደሶና። 16 ኢ ኢቻሹ ኡይላይ ናምዑ ሞሎታ ኤኪዲ፣ ሳሎ ዳሊዲ፣ ያሳ ጋላቲዲ፣ ሚንሱዲ እና ኡባ ጋላና ሜላ ባ ታማራታስ አሚሰ። 17 ኡባይ ሚዲ ካሊደሶና። ኤንታፊ አቲዳ ቲፊይ ታማኔ ናምዑ ጋይታ ኩሜላ ገዲሰ።

ጳዳርሲ፣ ዩሱሲ ኦኔኮ ማርካቲሰ

(ማቶ 16:13-19፤ ማር 8:27-29)

18 ዩሱሲ ባ ያላላ ዋሲሽን፣ ኢያ ታማራቲ ኢያኮ ዪደሶና። ኢ፣ «እሳይ ታና ኦና ጎና?» ገዲ ኦይቸሰ።

19 ኤንቲ ዛሪዲ «አሶቲ አሶቲ፣ ግማቂያ ዮሃኒሳ፣ ባጋቲ ኤሊያሳ፣ ሃራቲ ቃሲ፣ ቤኒ ናቤታፕ ኢሶይ ሃይቆፕ ዳንዲሰ» ያገደሶና።

20 ኢ ዛሪዲ፣ «ያቲን ሂንቴ ታና ኦና ጌቲ» ያገሰ። ጳዳርሲ፣ «ኔኒ ያሳፊ ከቴቲዳ ከሪሰቶሳ» ያገደሰ ዛሪሰ።

21 ዩሱሲ ሃይሳ ኦደሰካ ኦደፕቴ ገዲ ሚንሱዲ ኦዲሰ። 22 ቃሲካ ዩሱሲ፣ «እሳ ናዓይ ዳር ሚቴዎ ኤካና። ቢታ ጨማታን፣ ካሂኔ ሃላቃታን፣ ሂጌ አሰታማራታን እቂ አሚታና። ኤንቲ ኢያ ዎቆና፣ ሽን ኢ ሃቻንሶ ጋላሰ ሃይቆፕ ዳንዳና» ያገሰ።

23 ዩሱሲ እና ኡባኮ፣ «ታና ካላናው ኮይይ ኦኒካ ዳዒኮ ባና ካዶ፣ ባ ማሰቃሊያ ጋላሰ ጋላሰ ቶኪዳ ታና ካሎ። 24 ባ ሸምፕው እሻናው ኮያ ኡባይ ኢያ ቆይሲሰ፣ ባ ሸምፕው ታ ገሾ ገዲ ቆይሲያ ኦኒካ ኢያ እሹሰ። 25 እሲ እሳሚ ኡባ ሃሪዲ፣ ገደሽን ባ ሸምፕው ቆይሲያባ ዎይኮ ቆሃያባ ገዲኮ ኢያ አይ ማዲ? 26 ኦኒካ ታናኒኔ ታ ቃላን ዩላቲኮ እና ናዓይ ባ ገንቹዋራ ሄሳዳካ እዋ ገንቹዋራኔ ገሻ ከታንቻታ ገንቹዋራ ያ ዎዴ ኢያን ዩላታና። 27 ታ ሂንቴው ቱማ ኦዳይሰ፤ ሃይሳን ኤቁዳይሳታ ገደፊ ያሳ ካዎቴላ ቤዮናሽን ሃይቆና አሳቲ ዳዎሶና» ያገሰ።

ዩሱሳ ማላይ ላሚቲሰ

(ማቶ 17:1-8፤ ማር 9:2-8)

28 ዩሱሲ ሄ ኦዳ ኦዳን፣ ሆሰፑን ጋላሳፕ ጉዬ ጳዳርሳ፣ ያይቆባኔ ዮሃኒሳ ባራ ኤኪዲ ዎሳናው ዳሪያ ቦላ ከደሰ። 29 ኢ ዎሳ ቦላ ዳሊሽን ኢያ አይፊ ካሬይ ላሚቲሰ፤ አፊላይካ እዋ ሜላ ጸሊዳ ቦሲሰ። 30 ናምዑ አሳቲ፣ ኤንቲካ ሙሴራኔ ኤሊያሳራ ገንቹን ቆንጪዲ፣ 31 ዩሩሳላሚን ፖሊታናው ዳዲያባ፣ ሂሰካ፣ ኢ ሃ ላላሚያፕ ሻኪታናባ ኢያራ ኦዳቶሶና። 32 ጳዳርሳኔ ኢያራ ዳዲያሳታ ቆሰኮይ ኤፊን፣ ኤንቲ ቆሰኮይ ባርኪያ ዎዴ ኢያ ገንቹዋኔ ኢያራ ኤቁዳ ናምዑ አሳታ ቤዲደሶና። 33 አሳቲ ዩሱሳፕ ሻኪቲዲ ባና ሂሰሽን፣ ጳዳርሲ ዩሱሳ፣ «ጎዳው፣ ሃይሳን ገደይሲ ኑስ አይ ሜላ ሎዎ! ኢሲና ኑው፣ ኢሲና ሙሴሰ፣ ኢሲና ኤሊያሳሰ ኦሊዲ ሄቹ ሻቃራ ሻቃሪ» ያገሰ። ሽን ኢ አይ ገደኮ ኡሪና።

34 ኢ ያገዲ ኦዳቲሽን ሻራይ ዪዲ ኤንታና ካሚሰ። ኤንቲ ሄ ሻራ ገደ ገሊሼ ባቢደሶና። 35 ሻራ ገደፊ፣ «ታ ደሪዳ ናዓይ ሃይሳ ኢያ ሲዱቲ» ያገያ ቃላይ ሲዱቲሰ። 36 ሄ ቃላይ ሲዱቲዳፕ ጉዬ ዩሱሲ ባርካ ዳዲሼ ቤንቲሰ። ሄ ዎዴ ኤንቲ ቤዲዳባ ኦዳሰካ ኦደና፣ ባንታ ዎዛናን ኦይኪዲ ሲዲ ገደሶና።

ዩሱሲ ቱና እያና ኢሲ ናዓፕ ኬሲሰ

(ማቶ 17:14-18፤ ማር 9:14-27)

37 ዎንቴሌ ኤንቲ ዳሪያፕ ዎቂያ ዎዴ ዳር አሳይ ዪዲ ኢያራ ጋሂቲደሶና። 38 ሄ ዎዴ እና ገደፊ ኢሲ አሲ፣ «እስታማሪያው፣ ታ ኢሲ ናዓ ያዳ ቤዓርኪ። 39 ቱና እያናይ ቆፖና ኦይኪዲ ዋሲሴሰ፤

ጎገንቶ ዩጊሲዲ ቃኬሬሐስ፡፡ አሳቴሳ ቆሃዲ ኤገዔሌዲ ዩዴስ፡፡ 40 ኔ ታማሬቲ ኪሳና ማላ ዋሳስ፡ ሸን ኤንቲ ዳንዳባቦርና» ያጊዲ ዋሲስ፡፡

41 ዩሱሲ፡ «አማኖይ ባይና ጌላ ዩሌቴሳቶ፡ አጩዳ ጋካናው ታ ሂንቴራ ዳኔ፡ ሂንቴና ዳንዳባኔ? ኔ ናባ ባዳ ሃ ኤካያ» ያጊስ፡፡

42 ናባ ኤካዲ ያ ዋዴ ቱና አያናይ ሳባን ሆሊ ዩጊዲ ኮኮርሲስ፡፡ ሸን ዩሱሲ ቱና አያና ሃንቁዲ ናባ፤ ኪሲስ፡፡ ናባካ ናባ አዋስ አሚስ፡፡ 43 አሳይ ኡባይ ያሳ ገታ ዋልቃን ማላሊቴዶሶና፡፡ ኤንቲ ኢ ኦሌዳባን ማላሊቴሸን፡፡ ዩሱሲ ባ ታማሬታታ፡፡ 44 «ሃይሳ ታ ሂንቴው ኦዴይሳ ሎይሊ ሲዓቲ፤ አሳ ናባይ ሞርኬታ ኩሼን አጼ አሚታና» ያጊስ፡፡ 45 ሸን ኢ ጊዳባይ ኤንታሬ ጌሚዳ ገሾ አክኪቦርና፡፡ ሂሳ ገሾ፡፡ ዛሬዲ ኦይቻናው ባቢዶሶና፡፡

ኡባሬ ገታ ጊዳናይ ኦኔ?

(ማቶ 18:1-5፤ ማር 9:33-37)

46 ዩሱሳ ታማሬቲ፡ «ኮ ጊደን ገታ ጊዳናይ ኦኔ?» ጊዲ ፓላማ እይኪዶሶና፡፡ 47 ዩሱሲ ኤንታ ዋዛና ቆፋ ኤሬዲ ዮጋ ናባ ባ ማታን ኤሲዲ፡፡ 48 «ሃ ዮጋ ናባ ታ ሱንሳን ሞኪያ ኦኔካ ታና ሞኬስ፡፡ ታና ሞኪይ ታና ከቲዳይሳ ሞኬስ፡ ሂንቴ ኡባሬ ጉዳይሲ፡፡ ኢ ገታ ጊዳና» ያጊስ፡፡

49 ዮሃሂሲ፡ «ጎዳው፡ ኢሲ አሲ ኔ ሱንሳን ቱና አያናታ ኪሲሸን ቤዒዲ ኢ ኦራ ጊደና ገሾ ዲጊዳ» ያጊስ፡፡

50 ዩሱሲ ዛሬዲ፡ «ሂንቴራ ኤቁቶናይሲ፡፡ ኢ ሂንቴ ባጋ፡፡ ሂሳ ገሾ፡፡ ኢያ ዲጎሬቲ» ያጊስ፡፡

ሳማሬ አሳይ ዩሱሳ አይደሶና

51 ዩሱሲ ሳሎ ቢያ ዋዴ ማታቲዳ ገሾ ዩሩሳላሜ ባናው ቃንዲዲ ዳንዲስ፡፡ 52 ሳማሬ ቢታን ዳዒያ ኢሲ ጉታ ቢዲ፡፡ ኡባባ ኢያው ገሲሳና ማላ አሲ ያ ከቲስ፡፡ 53 ሸን ኢ ቤይ ዩሩሳላሜ ጊዲያ ገሾ ኤንቲ ኢያ ሞኪ ኤኪቦርና፡፡ 54 ዩሱሳ ታማሬቲ ያይቆባሬኔ ዮሃሂሳሬ ሂሳ ቤዒዲ፡ «ጎዳው፡ ሳሎ፤ ታሚ ዋጂዲ ኤንታ ሞ ጋና ማላ ኔ ኮያይ» ያጊደሶና፡፡ 55 ሸን ዩሱሲ ጉዬ ሰሚ ኤንታ ሃንቁቲዲ፡፡ «ሂንቴ ጋርሳን አይቢ አያኒ ዳዒያኮ ሂንቴ ኤሬኬታ፡፡ አሳ ናባይ አሲ አሻናው ዩሲ፤ ኢቲን ቆይሳናሳ ጊደና» ያጊስ፡፡ 56 ያፔ ዳንዲዲ ሃራ ጉታ ቢደሶና፡፡

ዩሱሳ ካሎይ ጨገሲያ ጋቲያ

(ማቶ 8:19-22)

57 ኤንቲ ኦጊያራ ቢሸን፡፡ ኢሲ አሲ፡፡ «ኔ ቢያሶ ኡባ ታ ካላና» ያጊስ፡፡

58 ዩሱሲ ዛሬዲ፡ «ዋርካናታስ ኦሊ፡፡ ሳሎ ካፎታስ ኬሊ ዳዴስ፡፡ ሸን አሳ ናባይ ባ ሁዒያ ሸምፒሲያሶይ ባዋ» ያጊስ፡፡

59 ሃንኩዋኮ፡ «ኔኒ ታና ካላ» ያጊስ፡፡ ሸን ኡራይ፡ «ጎዳው፡ ኮይርታዳ ታ አዋ ሞጋዳ ያና» ያጊስ፡፡

60 ሸን ዩሱሲ፡ «ሃይቁዳይሳቲ ሃይቁዳይሳታ ሞጋና ማላ ኤንታው አጋጋ፤ ኔኒ ባዳ ያሳ ካዋቴሳ ሳባካ» ያጊስ፡፡

61 ቃሲ ሃራ አሲ፡ «ጎዳው፡ ታ ኔና ካላና፡ ሸን ኮይርታዳ ታ ሶ አሳ ሳርሳዳ ያና» ያጊስ፡፡

62 ዩሱሲ ዛሬዲ፡ «ኮዳ ኦይኪዲ ጉዬ ያሊያ ኦኔካ ያሳ ካዋቴሳስ ቤሴና» ያጊስ፡፡

10

ዩሱሲ ላፑን ታማኔ ናምዑ ታማሬታ ከቲስ

1 ሃሳሬ ጉዬ፡ ጎዳይ ሃራ ላፑን ታማኔ ናምዑ * አሳታ ደሪስ፡፡ ኢ ባናው ቆፒዳ ካታማኔ ጉታ ኡባ ስንሳቲዲ ባናዳ ናምዳ ናምዳ ኦሌዲ ከቲስ፡፡ 2 ዩሱሲ ኤንታታ፡ «ሂኮ ሸቃና ካላይ ዳር ሸን ኦሳንቸቲ ጉላ፡፡ ያጊያ ገሾ፡፡ ካላ ጎዳይ ኦሳንቸታ ከታና ማላ ዋሲቴ፡፡ 3 ሃዛ፡ ቤቴ፡ ደርሳታዳ ሱቋሜታ ጊደ ሂንቴና ታኒ ዩዳና፡፡ 4 ሂንቴ ቢያ ኦጊያስ አይኮካ አይኮሬቲ፡፡ ሚሼ ጊዲን ካሊ ጊዲን ጫማ እይኮሬቲ፡፡ ኦኔ ቦላ ኦናካ ሳርሳሬቲ፡፡ 5 ሂንቴ ጌሊያ ከላ ኡባ ኮይርቲዲ፡፡ ሳርይ ሃ ከሳስ ጊደ» ያጊቴ፡፡ 6 ሳር ደሲያ አሲ ሂ ቤሳን ዳዒኮ፡ ሂንቴ ሳርይ ያን ሸምፓና፤ ኤፃስ ገኮ ሂንቴ ሳርይ ሂንቴው ሰሚና፡፡ 7 ኦሳንቸሰ ዳሞኬ ቤሲያ ገሾ ሂንቴ ጌሊዳ ከላን ሂንቴው ሸሺዳባ ኡባ ሚሼ ኡዩሼ ያን ጋምዒቴ፡፡ ኢሱዋ ሶፔ ኢሱዋ ሶ ዩፑፒቴ፡፡ 8 አይ ካታማካ ሂንቴ ጌሊያ ዋዴ አሳይ ሂንቴና ሞኪዲ፡ ሂንቴው ሸሺዳባ ኡባ ሚቴ፡፡ 9 ሂ ካታማን ዳዒያ ሃርጋንቸታ ፓሊሼ፡፡ ያሳ ካዋቴሳይ ሂንቴኮ ማቲስ» ያጊዲ ዲዲቴ፡፡ 10 ሸን ኢሲ ካታማ ጌሊያ ዋዴ አሳይ ሂንቴና

9:46 ሉቃ 22:24 9:48 ማቶ 10:40፤ ሉቃ 10:16፤ ዮሃ 13:20 9:54 2ካዋ 1:9-16 9:61 1ካዋ 19:20

* 10:1 ላፑን ታማኔ ናምዑ፡ ኢሲ ኢሲ ማፃፃቲ ላፑን ታማ ጎሶና፤ ቃሲ ፓይደ 17 ያሊ፡፡ 10:2 ማቶ 9:37-38 10:3 ማቶ 10:16 10:4 ማቶ 10:7-14፤ ማር 6:8-11፤ ሉቃ 9:3-5 10:7 1ቆር 9:14፤ 1ጊዋ 5:8

ሞከሩ እግዚ ዳዕባ ከዩዲ ሃይሳዳ ገቱ። 11 ሱ ቶሁዋ ቦላ ደዓዎ ሂንቱ ካታማ ባና ፒቶስ። ሸን ያሳ ካዋቱላይ ሂንቱኮ ማታቲዳይሳ ኤሪቱ።። 12 ፒርዳ ጋላሳን ሃ ካታማፔ ሶዶሜ ካታማሰ ፒርዳይ ካወሼ ገዳናይሳ ታ ሂንቱው ኦዳይሰ» ያገሰ።

አማኖና ጊሾ ቦሬቲዳ ካታማታ
(ማቶ 11:20-24)

13 ካሊዲካ፣ ዩሱሱ፣ «ኔሮ ኮራዚኔ፣ ኔሮ ቤቴሳይዳ፣ አዩ፣ ሂንቱናን ኦሴቲዳ ማላታቲ ይርሳኒኔ ሲዶናን ኦሴቲዳኮ ያን ደዓዎ አሳይ ካሌ ማዒዳ፣ ቢዲንሳ ቦላ ኡቲዲ ቤኒ ማርታን ጌሊ አጋናሸን።

14 ሂሳ ጊሾ፣ ሂንቱፊ አሊዲ ይርሳሲኔ ሲዶናስ ያሳ ፒርዳይ ካወያ።። 15 ኔካ ቂፊርናሆሜ፣ ሳሎ ጋካናው ኔና ቶቁ አሳናው ኮያይ? ኔ ዲጌ ሲዶሌ ሆሌታና» ያገሰ።

16 ቃሲካ ዩሱሱ ባ ታማራታኮ፣ «ሂንቱና ሲዳይ ታና ሲዳስ፣ ሂንቱና ኤኮናይ ታና ኤኮና፣ ታና ኤኮናይ ታና ከቲዳይሳ ኤኮና» ያገሰ።

ላፑን ታማኔ ናሞዓቲ ሲሚዶሶና

17 ላፑን ታማኔ ናሞዐ ታማራቲ ከቲቲዳ ቤሳፊ ከሂ ኡፋይቲሾ ሲሚዶሶና። ዩሱሳኮ ሸቂዲ፣ «ጎዳው፣ ኔ ስንሳን ቱና አያናቲካ ኦስ ከቲቲዶሶና» ያገደሶና።

18 ዩሱሱ ኤንታኮ፣ «9ላሂይ ሳሎ ማሃዳ ሞልባንሳዳ ሞጂሸን ታ ቤዓስ። 19 ሄኮ፣ ሾሻኔ ኮርኔ ዩቆና ሜላኔ ሞርኪያ ሞልቃ ዛራና ሜላ ማታ ሂንቱው አማስ። ሂንቱና ቆሃናባይ አይኮይካ ዳና።

20 ገደሸን፣ ሂንቱ ስንሳይ ሳሎ ማዘጋባን ፃፊቲዳ ጊሾ ኡፋይቲቲፔ ኣቲን ቱና አያናቲ ከቲቲዳ ጊሾ ኡፋይቶፊቲ» ያገሰ።

ዩሱሱ ባ ኡፋይሳ ቆንጨሲስ
(ማቶ 11:25-27፣ 13:16-17)

21 ሄ ሞዶ ዩሱሱ ጌሻ አያናን ኡፋይቲዳ፣ «ሳሎዋ ሳዓ ጎዳው፣ ሃይሳ ጨንጫታፔኔ ኤራንቾታፔ ጌንሳዳ ያላጋታሰ ቆንጨሲዳ ጊሾ ጋላቲታ። ኤ ታ አዋው፣ ሂሳ ኔ ኦሳናው ሎዖ ሸኔ ገዲስ።

22 «ኡባባይ ታ አዋፔ ታው አሚቲስ። ናዓይ ኦኔኮ አዋፔ ኣቲን ሃሪ ዋይኮ ናዓይ ቆንጨሳናው ኮይይሳፊ ሃሪ ኦኒካ አዋ ኤሪይ ባዋ» ያገሰ።

23 ካሊዲካ፣ ዩሱሱ ዲማ ባ ታማራታኮ፣ «ሂንቱ ቤዳይሳ ቤዳይሳቲ አንጄቲዳይሳታ። 24 ቱማ ዳር ናቤቲኔ ካዋቲ ሂንቱ ቤዳይሳኔ ሲዳይሳ ቤዳናዉኔ ሲዳናው አሞቲዶሶና፣ ሸን ቤዳቦኮና፣ ሲዳቦኮና» ያገሰ።

ቱማ ሲቆ

25 ሄኮ፣ ኢሲ ጋላሰ ሙሴ ሞጋ ኤሪያ ኢሲ ኡራይ ዳንዲዲ ዩሱሳ ያገዲ ፓጩ ኦይሾ ኦይቺስ። «አስታማሪያው፣ ሚሪና ዴዐዋ ላታናው ታኒ አይ ኦቶ?» ያገሰ።

26 ዩሱሱ፣ «ሙሴ ማፃፋን ፃፊቲዳይ ዋይጊ? ኔ ሞታ ናባባይ?» ያገሰ።

27 አዳይ ዛሪዲ፣ « ኔ ጎዳ ኔ ያሳ፣ ኔ ኩሚሳ ዋዛናፔ፣ ኔ ኩሚሳ ሸምፑዋፊ፣ ኔ ኩሚሳ ሞልቃፊኔ ኔ ኩሚሳ ቆፋፔ ዶሳ። ቃሲ ኣሴ ኔ ሾሩዋ ኔ ሁዓዳዳ ዶሳ» ያገሰ።

28 ዩሱሱ ኢያኮ፣ «ኔኒ ሊኬ ዛራዳሳ፣ ኔካ ሂሳዳ ኦቶ። ኔኒ ሜሪናው ዴዖን ዳና» ያገሰ።

29 ሸን ኡራይ ባና ያሎ ኦሳናው ኮዩዲ፣ «ሃናስ ኢ ታ ሾርይ ኦኔ?» ያገሰ።

30 ኢያ ኦይሻስ ዩሱሱ ያገዲ ዛር አሚስ፣ «ኢሲ ኣሴ ዳዔይሲ ዩራሳላሚ ካታማፔ ዲጌ ኢያርኮ ካታማ ቢሸን ኦኒ ቦላ ፓንጋቲ ከዩዲ ሾጪዶሶና። ኢያ ማዐዋ ቃሪ ኤኮዲ ሃይቆፔኔ ፓማ ገደን ዩጊዲ ቢዶሶና። 31 ጉዩፔ፣ አይሁዳ ካሂኔ ኢሶይ ሂ ኦጊያራ ባ ቡሱ ቢሾ ኡራ ቤዒዲ ዳሸ ገዲ አጂስ። 32 ቃሲ ኢሲ ለዋ ዳዔይሲ ሂ ቤሳ ጋከሽ ኡራ ቤዒዲ ሃራሶራ አጂዲ ቤስ።

33 ሸን፣ ኢሲ ሳማራ ቢታ ኣሴ ዳዔይሲ ሂ ኦጊያራ ዩሾ ኡራ ቤዒዲ ኢያው ቃጂቲስ 34 ኢያኮ ሸቂዳ፣ ኢያ ማዶንሳ ቦላ ዛይቲኔ ዋይኔ ቲጊዲ ቃቺስ። ባ ሃሪያ ቦላ ኡቲሲዲ አማላ አቂያ ከሌ ኤፊስ። ሂ ቤሳን ኢያው ኮሺያባ ኡባ ኦሊስ። 35 ሞንቲሌ ናሞዐ ዲናሪ ከሲዲ አማሳ ከላዋሰ አሚዳ፣ ሃያና ሃ ኡራ ሎይላ ያላ። ታኒ ኔው አሚዳይሳፊ ቦላራ ኔ ከሲያባ ኡባ ታ ኔው ጨጋና ያገሰ።

36 «ሂዛ፣ ሃ ሃቹ አሳታፔ ፓንጋቲ ሾጪዳ ኡራስ ሾርቲይ ኔው ኦና ዳኒ?»

37 ኡራይ ዛሪዲ፣ «ኢያው ቃጂቲዳይሳካ» ያገሰ።

ዩሱሱ፣ «ኔካ ባዳ ሂሳዳ ኦቶ» ያገሰ።

10:10 ሃ.ኦ 13:51 10:11 ማቶ 10:7-14፣ ማር 6:8-11፣ ሉቃ 9:3-5 10:12 ሚጼ 19:24-28፣ ማቶ 10:15፣ 11:24 10:13 ኢሳ 23:1-18፣ ሂክ 26:1-21፣ እዩ 3:4-8፣ አሞ 1:9-10፣ ዛካ 9:2-4 10:15 ኢሳ 14:13-15 10:16 ማቶ 10:40፣ ማር 9:37፣ ሉቃ 9:48፣ ዮሃ 13:20 10:19 ማዘ 19:13 10:22 ዮሃ 3:35፣ 10:15 10:25 ማቶ 22:35-40፣ ማር 12:28-34 10:27 ለዌ 19:18፣ ዛሬ 6:5 10:28 ለዌ 18:5 10:33 2ኛ 28:15

ዩሱሲ ማርታን ማይራማ ለን

38 ዩሱሲ ባ ታማሪታራ ኑኔ ቢሼ ኢሲ ጉታ ጋኪሰ። ያን ማርታ ጌቱቲያ ኢሲ ማጫሲያ ኢያ ባ ለን ሞከሰ። 39 ኢወካ ማይራሞ ጊያ ማቺያ ዳዓዉሎ፣ ማይራማ ቃላ ሲዓሼ ጎዳ ቶሁዋ ማታን ኡታሰ። 40 ሺን ማርታ ዳር ኦሶን ኡንዔታዳ ዩሱሳኩ ሺቃዳ፣ «ጎዳው፣ ታ ማቺያ ኦሶዋ ታ ዓላላሰ ዩጋዳ ኡታ ኣገን ታ ዳቡሪያ ዋዴ ኔኒ ቤዓሼ ሲዒ ጋይ? ኢያ ታና ማዳና ሜላ ኦዲኪ» ያገሰ።

41 ሺን ጎዳይ ሃይሳዳ ገዲ ዛሪሰ። «ማርታ፣ ማርታ፣ ኔኒ ዳርባን ኡንዔታሳኔ ሜቶታሳ። 42 ገደሺን፣ ኮዩቱይ ኢሲ ባ ዓላላ። ማይራማ ሎዖባ ደራሱ፣ ሄሲካ ኢፔ ኤኩቴና» ያገሰ።

11

ዩሱሲ ዋሳባ ታማርሲስ

(ማቶ 6:9-13፤ 7:7-11)

1 ኢሲ ጋላሰ ዩሱሲ ኢሲ ቤሳን ዋሴስ። ዋሳ ዉርሲዳ ዋዴ ኢያ ታማሪታፔ ኢሶይ፣ «ጎዳው፣ ዮሃንሲ ባ ታማሪታ ዋሳ ታማርሲዳ ሜላ ኔካ ኑና ዋሳ ታማርሳ» ያገሰ።

2 ዩሱሲ፣ «ሃይሳዳ ያገዲ ዋሲቴ፡

ሳሉዋን ዳዒያ ኑ ኣዋው

ኔ ገሻ ሱንሳይ ኣንጃቶ፤

ኔ ካዎቴላይ ዮ።

3 ኑ ጋላሳ ካላ ሃቺ ሃቺ ኑሰ ኣማ።

4 ኑና ቆሂይሳታ ኑኒ ኣቶ ጌይሳዳ፣

ኑ ናጋራ ኣቶ ጋ፤

ፓጩን ኑና ጌልሶፋ» ያገቱ» ያገሰ።

5 ካለዲካ፣ ዩሱሲ ባ ታማሪታኩ ያገሰ። «ለሚሶስ ሃንቴፌ ኢሱዋሰ ሳጌይ ዳዒሰ። ኢ ገዲ ቤላሄ ባ ሳጊያ ሰ ቢዲ፣ ታ ሳጊያው፣ ሄዡ ሶሎ ታው ታልዓርኪ። 6 ታው ላጌ ገዲዳ ኢሲ ኣሲ ኣሲ ኣሲ ደን፣ ኢያው ኣልያው ቆያሰ» ያገኩ።

7 «ኢያ ሳጌይ ኩላ ገደን ገዲዲ፣ «ሃያና ታና ዋይሶፓ፣ ዉላይ ጎርዴተስ። ታ ናይተካ ታራ ኣርሳ ቦላ ዘንዒደሰና። ያኒያ ገሹ፣ ዳንዳዳ ኔ ኮያባ ኣማናው ዳንዳዒኪ» ያገዩ? 8 ታ ሃንቴው ኦዳይስ፤ ሳጌቱላ ገሹ ዳንዲዲ ኣማናው ኮዮና ኢጂኮካ ዋሳን ሳሌዳ ገሹ ዳንዲዲ ኮሺያባ ኡባ ኣሚሰ።

9 «ሄሳ ገሹ፣ ታኒ ሃንቴው ኦዳይስ፤ ዋሲቴ ሃንቴው ኣሚታና፤ ኮዩቱ ሃንቴ ዳማና፤ ካሬ ዪዲ ያጌቱ ሃንቴው ደዩታና። 10 ጋሶይካ ዋሲያ ኡባይ ኤኩስ፤ ኮዩይ ዳሚስ፤ ካሬ ዪዲ ያጌይሳሰ ደዩቱሰ።

11 «ሃንቴና፣ ኣዎቶ ሃንቴ ገደፌ ናዒ ኡይሊ ዋሲን ሹቹ ኣሚይ ኦኔ? ሞሎ ዋሲን ሹሽ ኣሚይ ኦኔ? 12 ዋይኮ ጵጵሌ ዋሲኮ ኮርኔ ኣሚ? 13 ሃንቴ ኢታታ ገዲሹ ሃንቴ ናይታሰ ሎዖባ ኣሞ ኤሪኮ፣ ሳሎን ዳዒያ ሃንቴ ኣዋይ ዋሴይሳታሰ ገሻ ኣያና ዋቲ ኣል ኣሚኔ?» ያገሰ።

ዩሱሳኔ ቢዒልዜቡላ

14 ኢሲ ጋላሰ ዩሱሲ ደና ሙሚሲዳ ቱና ኣያና ኢሲ ኡራፔ ኬሲሰ። ቱና ኣያናይ ኬዪዳ ሚላ ሙሚ ኡራይ ኦዳቲስ። ኣሳይካ ማላላቲስ። 15 ሺን ኢሶቲ ኢሶቲ፣ «ቱና ኣያና ሃላቃ፣ ቢዒልዜቡላ ዋልቃን ቱና ኣያናታ ኬሲስ» ያገደሰና። 16 ሃራቲ ቃሲ ፓጩስ ሳሎፔ ማላ ቤሳና ሚላ ኮዪደሰና።

17 ሺን ዩሱሲ ኡንታ ቆፋ ኤሪዲ ኡንታኮ፣ «ዋሊ ገደን ሻኬቲያ ካዎቴሊ ኡባይ ቆይስ፤ ዋሊ ገደን ሻኬቲያ ኬሊ ከንዳስ። 18 ዓላሄይ ዋሊ ገደን ሻኬቲኮ ኢያ ካዎቴላይ ዋኒዲ ሚኒዲ ኤቃኔ? ሃንቴ ታና፣ «ኢ ቱና ኣያናታ ቢዒልዜቡላ ዋልቃን ኬሲስ» ያገታ። 19 ሃላ፣ ታኒ ቱና ኣያና ቢዒልዜቡላ ዋልቃን ኬሲያባ ገዲኮ ሃንቴ ናይቲ ኦዳ ዋልቃን ኬሶናሻ? ሃላ ገሹ፣ ኡንቴ ሃንቴ ቦላ ፐርዳይሳታ ገዳና። 20 ሺን ታኒ ቱና ኣያናታ ያሳ ቢራዴን ኬሲያባ ገዲኮ ሃላ ያሳ ካዎቴላይ ሃንቴኮ ማቲዳይሳ ኤሪቲ።

21 «ሚኖ ኣሲ ዳንጩቲዲ ባ ኬላ ናጊያባ ገዲኮ፣ ኢያ ሻሎይ ቦሹቴና። 22 ሃኖሺን፣ ኢያፔ ኣጲ ሚኖ ገዲዳ ኣሲ ዪዲ፣ ኢያ ቆሂዲ ያኒኮ ኣማኔቲዲ ዳንጩዳ ዳንጩዋ ቢሊሲዲ፣ ኢያ ሻሉዋ ቦንቁዲ ሃራሰ ሻኬስ።

23 «ታራ ገደናይሲ ታና ኢጃስ፤ ታራ ሺሻናይሲካ ላላስ።

24 «ቱና ኣያናይ ኣሳፔ ኬዪዳ ዋዴ ሺምፐፐሶ ኮዪዲ ሃሊ ባይናሶራ ዩዩስ። ሺምፐፐሶ ቆዩዳ ዋዴ ታ ኬዪዳሱዋ ሲማና» ያገሰ። 25 ኢ ሲሚያ ዋዴ ኬላይ ፐቲቲዲ ሎዒዲ ዳዒሺን ዳሚሰ።

26 ሃሳፊ ጉዬ፡ ቢዲ ኢያፔ አጂዲ ኢተዳ ሃራ ላፑን ቱና አያናታ ኤኪዲ ዬሰ። ኢያን ጌሊዲ ዱሱ ኦይኪሰ። ሄ ኡራሰ ኮይሮይሳፊ ጉዬይሲ አጂዲ ኢታ ገደሰ። ያገሰ።

27 ዬሱሲ ሃሳ ኦዳ ቦላ ደዒሺን ኢሲ ማጫሲ አሳ ጋሳፊ ደንዳዳ፡ ባ ቃላ ቋቁ ኦላዳ፡ «ኔና ቶኪዳ ኡሎይኔ ኔኔ ቆሚዳ ቆንሳቲ ኣንጃቲዳሶና» ያገሰ።

28 ሺን ኢ፡ «ኣንጃቲዳይሳቲ ያሳ ቃላ ሲዒዲ ኪቲቲይሳታ» ያገሰ።

ዮናሳ ማላ

29 ዳሮ አሳይ ሸቂዳ ዋዴ ዬሱሲ፡ «ሃ ዬሌቲላይ ኢታ፤ ኦራሳ ማላ ኮዬሰ። ሺን ዮናሳ ማላታፕ ኣቲን ሃሪ ኢንታው አሚቲና። 30 ዮናሲ ናናቁ አሳሰ ማላ ገዲዳ ሚላ አሳ ናናይካ ሃ ዬሌቲላይ ማላ ገዳና። 31 ዲጌሃ ካዋያ ፐርዳ ጋላሰ ሃ ዬሌቲላይ ደንዳዳ ፐርዳና። ጋሶይካ፡ ኢያ ሶሎሞኔ ጨንጫቲላ ሲዳናው ቢታ ጋፓፕ ደንዳዳ ያሱ። ሄኮ ሶሎሞኔ፤ አጫይሲ ሃይሳን ደዒሰ 32 ናናቁ አሳቲ ፐርዳ ጋላሰ ሃ ዬሌቲላይ ደንዳዳ ኤንታ ቦላ ፐርዳና። ጋሶይካ ዮናሳ ሲብካቲያን ማርታ ጌሊደሶና። ሄኮ፡ ዮናሳፕ አጫይ ሃይሳን ደዒሰ» ያገሰ።

አሳቲላ ገፖ

33 «ዎፕፕ ዎፕፐዲ ቆሳ ቤሳን ዋይኮ ኦቶ ገደን ዋሊያ አሲ ደና። አሲ ፖዑዋ ቤዳና ሚላ ቋቁ ቤሳን ዋሊሰ። 34 ኔ አሳቲላሰ ፖፖይ ኔ አይፊያ። ኔ አይፊይ ሎፖ ገዲኮ፡ ኔ ኩሚላ አሳቲላይ ፖዒሰ። ኔና አይፊይ ሳኪኮ ኔ አሳቲላይ ኡባይ ቆሚሰ። 35 ሃሳ ገሾ፡ ኔ ጋርሳን ደዒያ ፖፖይ ቆሞና ሚላ ናጌታ። 36 ሂዛ፡ ኔ ኩሚላ አሳቲላይ ገፖ ገዲኮ፡ ኔ አሳቲላንካ ሃሪ ቆማ ቤሲ ቆዩኮ፡ ኔ አሳቲላ ኩሚላይ ዋሊሊ ገፖ ሚላ ገደሰ» ያገሰ።

ኡሱፑን አዬታ

(ማቶ 23:1-36፤ ማር 12:38-40)

37 ዬሱሲ ባ ኦዳ ኦንገዳ ሚላ ኢሲ ፋሪሳዊይ ባራ ካሊ ማና ሚላ ዪገሰ። ኢ ኢያራ ኢሲፊ ጌሊዲ ገቢራ ቦላ ኡቲሰ። 38 ፋሪሳዊይ ዬሱሲ ካሊ ማናፕ ሲንሌ ኩሼ ሚጮናይሳ ቤዒዲ ማላሊቲሰ።

39 ጎዳይ ኢያኮ፡ «ሂንቲ ፋሪሳዊቲ ቁሊያኔ ቫቲያ ቦላ ባጋ ሚጮታ። ሺን ሂንቲ ጋላይ ኡዜቲላኔ ኢታቲላን ኩሚሰ። 40 ሂንቲና፡ ኢያቶ፡ ካሪ ባጋ ሚጂደይሲ ጋላ ሚጂደይ ኢያ ገደኔዬ? 41 ሺን ቁሊያኔ ካቲያን ደዒይሳ ማንቆታሰ አሚቲ። ሄ ዋዴ ሂንቲው ኡባይ ጌሺ ገዳና።

42 «ፋሪሳዊቶ ሂንቲና አዬ፡ ሳዎፕ፡ ዓሎቲ፡ ሃሳ ሚላባፕ አሰራታ ኪሰታ። ሺን ዓሎቲሌ ኔ ያሳ ደሶይ ሂንቲናን ባዎ። ሃራታ አሳና ሃይሳታካ ኦላናው ቤሰሰ። ሺን ኣገደታ።

43 «ፋሪሳዊቶ ሂንቲና አዬ፡ አይሁዳ ዋሳ ኪላን ቦንቾ ኦይዳ፡ ጌያ ገደን ቦንቾ ሳርላ ደሰታ።

44 «ማላይ ቆዩን አሳይ ኤሮና ቦላራ ቢያ ዱፎ ዳኔይሳቶ ሂንቲና አዬ» ያገሰ።

45 ሂጌ ኣሰታማሬይ ዘራዲ፡ «ኣሰታማሬያው፡ ኔ ሃሳ ገሽ ኦና ጫያሳ» ያገሰ።

46 ዬሱሲ፡ «ሂንቲና፡ ሂጌ ኣሰታማሬቶ፡ ሂንቲናካ አዬ፡ አሳይ ቶካናው ዳንዳዳና ዴፖ ቶፑ ቶሱ። ሺን ሂንቲ ሂንቲ ሁዒሰ ሃሪ ኣቶሺን ቢራጼ ዪራንካ ቦቹኪታ።

47 «ሂንቲ ኣዎቲ ዋጂዳ ናቤታ ዱፋዎ ሂንቲ ገሺ ሂንቲና አዬ። 48 ሂዛ፡ ሂንቲ ኣዎታ ኡሱዋ ሚንላናው ኢንቲ ዋጂዳ ናቤታ ዱፋዎ ሂንቲ ሎይሊያ ገሾ ኢንታ ኢታ ኡሱዋሰ ሂንቲ ማርካ።

49 ሃሳ ገሾ፡ ያሳይ ባ ጨንጫቲላን፡ ናቤታኔ ሃዋሬታ ታ ሂንቲው ኪታና፡ ሺን ሂንቲ ባጋታ ዋጂና፤ ሃራታ ጎዳና፡ ያገሰ። 50 ሃሳ ገሾ፡ ሃ ዬሌቲላይ ኣላሚይ ሚጫቶሳፕ ሃና ጋካናው ጉኪዳ ናቤታ ኡባ ሱላሰ ኦይሺታና። 51 ኣቤላፕ ደሚዳ ያርሾ ቤሳሲ ኔ ያሳ ኩላፊ ገደዋን ጉኪዳ ዘካሪያሳ ሱላ ገሾ ሃ ዬሌቲላይ ኦይሺታና።

52 «ሂጌ ኣሰታማሬቶ፡ ሂንቲና አዬ፡ ኤራቲላ ቁልፕያ ሂንቲ ኩሺን ኦይኪደታ፡ ሺን ሂንቲው ጌሊኪታ ሃራታካ ጌልሱኪታ።» ያገሰ።

53 ዬሱሲ ያፕ ዳናው ኪያ ዋዴ ሂጌ ኣሰታማሬቲኔ ፋሪሳዊቲ ኢያራ ኤቁቲዲ ኦይሾን ዋይሶሶና።

54 ኢያ ደናፕ ኪያ ቃላን ኢያ ኦይካናው ኮዩዲ ሃሳ ኦሊደሶና።

12

አያና ሚንሌሌ

(ማቶ 10:26-27)

1 ሄ ዋዴ ዳሮ ሙኩሉን ታይቤቲያ አሳይ ዋሊ ቦላ ዬጴታና ጋካናው አሲ አሳ ቦላ ሸቂዲ ደዒሺን፡ ዬሱሲ ባ ታማሬታኮ፡ «ፋሪሳዊታ ኢርሹዋፊ ናጌቲቲ። ሄሲካ ኢንታ ጨኮቲላ። 2 ቆንጮና

11:29 ማቶ 16:4፤ ማር 8:12 11:30 ዮሃ 3:4 11:31 1ካዎ 10:1-10፤ 2ታሪ 9:1-12 11:32 ዮሃ 3:5
11:33 ማቶ 5:15፤ ማር 4:21፤ ሉቃ 8:16 11:42 ሉቁ 27:30 11:51 ሚጫ 4:8፤ 2ታሪ 24:20-21 12:1
ማቶ 16:6፤ ማር 8:15

ቆስቲዲ፡፡ ኤድቶና ገሚዲ ኣትያባይ ኣይኮይካ ባጭ፡፡ 3 ሂዛ፡ ሂንቴ ፉማን ኦዲዳባይ ኡባይ ፖፖን ሲዒታና፡ ቆልዓ ጋላን ካልካሽዳባይ ዳባባን ኦዲታና፡፡

4 «ታ ባጭ፡ ታ ኦዲይሳ ሲዒቲ፤ ኣሹዋ ዎጶሶና፤ ኣትን ሃራ ኣይኮካ ኦላናው ዳንዳዮይሳታሰ ባቦፊቲ፡፡ 5 ሃኖሽን፡ ሂንቴ ባጭው ቤሲይሳ ታ ሂንቴው ቆንጠሳና፡፡ ሄሲካ ዎጶዳ፤ ጉይ ጋናሚን ዬጋናው ዎልቃይ ዳዔይሳሰ ኢያው ባቦቲ፡፡ ኤ፡ ቱማ ጋይሰ፤ ኢያው ባቦቲ፡፡ 6 ኢቻሹ ቡቤቲ ኢሲ ሳንጉሜሰ ባይዚቶኮናዬ? ሃኖ፤ ኣትን ኡንታፊ ኢሲናካ ያሳ ሲንላን ደገቲኩ፡፡ 7 ሃሪ ኣቶሽን፡ ሂንቴ ሁዔ ቢናናካ ፓይዳቲዲ ዳዔሰ፡፡ ሂዛ፡ ባቦፊቲ፤ ዳር ቡቤታ፤ ሂንቴ ኣጴታ፡፡

8 «ታ ኦዲይሳ ሲዒቲ፤ ኣሳ ሲንላን ታው ማርካቲያ ኡባሰ ኣሳ ናዓይ ያሳ ኪታንቻታ ሲንላን ማርካታና፡፡ 9 ኣሳ ሲንላን ታና ካዲይሳሰ ያሳ ኪታንቻታ ሲንላን ታ ኢያ ካዳና፡፡ 10 ኣሳ ናዓ ቦላ ካጴ ቃላ ሃሳያ ኡባይ ማርታ ዳማና፡ ሽን ጌሻ ኣያና ቦላ ካጴ ቃላ ኦዲቴይሲ ማሬቲና፡፡

11 «ኣሲ ሂንቴና ኦይኪዲ ኣይሁዳ ዎሳ ኬላን፡ ዳይናታ ሲንላን፤ ካዎታ ሲንላን ገሹቲያ ዎዳ ኣይ ኦዲኦኪኑ ዎይጊ ዛራኔኮ ሂርጎፊቲ፡፡ 12 ሂ ዎዳ ሂንቴ ኦዳናባ ጌሻ ኣያናይ ሂንቴና ታማርሳና» ያጊሰ፡፡

ዱሬ ኡራ ኤያቴሳ

13 ኣሳ ጊደፊ ኢሲ ኣሲ ዩሱሳኮ ዩዲ፡ «ታ ኣሻይ ታው ኑ ኣዎ ላታ፤ ሻካና ማላ ኢያው ኦዳ» ያጊሰ፡፡

14 ዩሱሲ ዛሪዲ፡ «ላ ኣዲያው፡ ሂንቴ ቦላ ታና ዳይናኔ ላታ ሻኪያ ጨማ ኦላዲይ ኦይ?» ያጊሰ፡፡ 15 ቃሲካ ዩሱሲ፡ «ኣሳ ዳይይ ሻሎ ዳርቴላን ጊደና ጊሾ ያሬ ኣጊዲ ሚንላዲ ሂንቴና ናገቲ» ያጊሰ፡፡

16 ካሊዲካ ለሚሰን፡ «ጋይይ ዳር ካሊ ኣሚያ ኢሲ ዱሬ ኡራይ ዳዔሰ፡፡ 17 ሄ ኡራይ፡ ታ ካሳ ታጊ ሽሻናው ቤሲ ጉዳይ ጊሾ ኣይ ኦዳ?» ያጊዲ ባ ዎዛናን ቆጥሰ፡፡ 18 ሂዛ፤ ያታና፤ ካሲ ዳዔያ ሻሊታ ላላዲ ሃራ ዳልጋ ሻሊታ ኪያና፡፡ ካሳኔ ታው ዳዔያባ ኡባ ኢያን ዩጋና፡፡ 19 ባ ሽምፔ፡ ታ ሽምፔ፡ ዳር ላይላሰ ኔው ጊዲያ ሻሎ ሽሻሰ፡፡ ሂዛ፡ ሽምፓዳ ማ፡ ኡያ፡ ኡፋይታን ያጋና፡፡

20 «ሽን ያሳይ፡ ላ፡ ኤያ ኣዲያው፡ ሃቲ ቃማ ኔ ሽምፔና ኔ፤ ኤኪታውሱ፡፡ ሂዛ፡ ኔ ሽሺዳባይ ኦዲሰ ጊዳኔ?» ያጊሰ፡፡

21 «ሂሳ ጊሾ፡ ባው ዱራቴላ ሳዓን ሽሺያ ኣሳሰ፡ ያሳ ማታን ዱሬ ጊደና ኣሳሰ ወርሴላይ ሃ ኡራይሳ ማላ» ያጊሰ፡፡

ኡንዔቶፊቲ

(ማቶ 6:25-34)

22 ሃሳፊ ጉዬ፡ ዩሱሲ ባ ታማሬታኮ፡ «ሂዛ፡ ታ ኦዲያባ ሲዒቲ፡ ሂንቴ ሽምፔዎስ ኣይ ሚና ሂንቴ ቦላሰ ኣይ ማዒና ያጊዲ ኡንዔቶፊቲ፡፡ 23 ሽምፖይ ካሳፊ ቦላ ኣፊላ፤ ኣጴሰ፡፡ 24 ካፎታ ቢዒቲ ዜርኮና፡ ኪሾኮና፡ ኤሌይካ ሻሌይካ ባጭ፡ ሽን ያሳይ ኡንታና ሙዜሰ፡፡ ሂንቴ ካፎታ፤ ዳር ኣጴታ፡፡ 25 ሃኖሽን፡ ሂንቴፊ ኡንዔቲዲ ባ ላይላ ቦላ ኢሲ ቃማ ጉጃናው ዳንዳዔይ ኦይ? 26 ሂዛ፡ ሃ ጉላባ ኦላናው ዳንዳዮና ሂንቴ ሃራባሰ ኣይሰ ኡንዔቲቲ? 27 ኣኔ ጨሻቲ ዋጊዲ ዲጨያኮ ቢዒቲ፡ ዎፕኮናኔ ሱቆኮና፡፡ ሃሪ ኣቶሽን፡ ሰሎሞኔይ ባ ዳዔያ ቦንቾ ኡባን ኡንታፊ ኢሱዎ ሚላካ ማዒቤና፡፡ 28 ሂንቴና፡ ኣማናይ ፓጨዳይሳቶ፡ ሂዛ፡ ያሳይ ሃቲ ቤንቴዲ ዎንቶ ታማን ዩጌታና ጨሻታ ሃይሳዳ ማይዚኮ፡ ሂንቴና ዎቲ ኣሊ ማይዜኔ? 29 ሃሳ ጊሾ፡ ኣይ ሚና ዎይኮ ኣይ ኡዪና ጊዲ ኡንዔቶፊቲ፡፡ 30 ሄ ኡባሰ ያሳ ኣማናና ኣሳቲ ኡንዔቶሶና፡፡ ሽን ሂንቴ ኣዎይ ያሳይ ሃሲ ኡባይ ሂንቴው ኮሹይሳ ኡሬሰ፡፡ 31 ኡባሰ ኣሳይ ኣሊዲ ያሳ ካዎቴላ ኮዩቲ ሃሲ ኡባይ ሂንቴው ጉጃ ኣሚታና፡፡

32 «ሂንቴና፡ ጉላ ደፊቶ፡ ያኖፊቲ፤ ሂንቴ ኣዎ ያሳይ ካዎቴላ ሂንቴው ኣማናው ኡፋይቲሰ፡፡ 33 ሂንቴው ዳዔያባ ባይዚዲ ማንቆታሰ ኣሚቲ፡፡ ካይሶይ ኢኮናሶን፡ ቢሊ ዎናሶን፡ ጨዎና ካርዲታን፡ ወርና ሻሎ ዎን ሻሎን ሽሹቲ፡፡ 34 ሂንቴ ዎዛናይ ሂንቴ ሻሎይ ዳዔያኮ፡ ሂንቴ ጊዳና፡፡

ባርኪዲ ናጎ

35 «ቃንላን ዳንጨዲ ጊቲቲ፤ ሂንቴ ዎፔይ ፖዒዳይሳ ጊደ፡፡ 36 ባንታ ጎዳይ ያጋና፤ ሰማና ጋካናው ባርኪዲ ናጌሳታዳ፡፡ ጎዳይ ዩዲ ዪጊያ ዎዳ ኤሊሲዲ ዳያናው ጊጊዲ ኣሳታ ዳኒቲ፡፡ 37 ባንታ ጎዳይ ሰሚያ ዎዳ ጲሰኮና ዳዒሹ ናጌሳቲ ኣንጃቲዳይሳታ፡፡ ቱማ ጋይሰ፤ ጎዳይ ቃንላን ዳንጨዲ ጋይታ ዩሹዎን ኡቲሲዲ ሞኬሰ፡፡ 38 ጎዳይ ላይ ጊዲን ጊዲ ቢላሂ ጊዲን ዎይኮ ዎንቴው ጊዲን ጊዲን ኣሳይ ኣሳ ጲሰኮና ናጊሽን ዳሚያ ሄ ኣይላቲ ኣንጃቲዳይሳታ፡፡ 39 ሽን ሃይሳ ኡራቴ፤ ካይሶይ ኣወዳ ያኒኮ ከፋዎይ ኤሪያኮ ከሳይ ቦኪቲያ ዎዳ ሲዒ ጊዲ ቤዒና፡፡ 40 ሂንቴካ ጊጊዲ ናጌቲ፤ ኣሳ ናዓይ ሂንቴ ቆፖና ዎዳ ያና» ያጊሰ፡፡

41 ጴጃርሲካ፡ «ጎዳው ሃ ለሚሱዋ ኑ ፃላላስ ኦዳዬ ዋይኮ እሳ ኡባሴ?» ያገሰ።

42 ጎዳይ ዛሬዲ፡ «ሃዛ፡ ካላ ሙዛናው ቤሲያ ዋዲያን ኢማና ሚላ ጎዳይ ባ አይሌታ ቦላ ሹሚዳ እማንሴይሲኔ ዋዛናማ ሃላቃይ ኦኔ? 43 ጎዳይ ሲሚያ ዋዴ ሂሳ ሚላ ኦሊሹ ቤንጥያ አይሌይ ኢ ኢንጅተዳይሳ 44 ታ ሂንጥው ቱማ ኦዳይሲ፤ ባ ጎዳሲ ዳዊያ ሻሎ ኡባ ቦላ ኢ ሹሚታና። 45 ሺን ሄ አይሌይ፡ ታ ጎዳይ ኡሌ ዬና፡ ያገዲ ባ ዋዛናን ቆፒዲ፡ ማጫ አይሌታኔ እዴ አይሌታ ዋዲኮ፡ ቃሲ ባው ኮዩዳ ሚላ ሚሽኔ ኡዩሹ ማሶተኮ፡ 46 ሄ አይሌያ ጎዳይ ኢ ቆፖና ጋሳሳኔ ሂርጎና ዋዴ ያና። ዪዲ ኢያ ቃንጻሬሴዲ፡ ኢያ ቃዳ አማናና አሳታራ ኦላና።

47 «ጎዳ ሹኒያዳ ገጎናይሲኔ ኢያ ጎዳይ አይ ደሲያኮ ኤሪሽ ኦላና አይሌይ ዳር ጋራፊታና።

48 ሺን ባ ጎዳ ሹኒያ ኤርና አተዲ ጋራፊታናው ቤሴይሳ ኦሊዳይ ጉላራ ጋራፊታና። ጋሶይካ ዳር ኢማቲዳይሳፊ ዳር ኮዩቴሲ፡ ዳር ሃዳራ ኤኪዳይሳፊካ ዳር ኢማና ገዲ ናገቴሲ።

ሳርቴላስ ገደናሺን ሻኬቴላሳ
(ማቶ 10:34-36)

49 «ታኒ ዪዳይ ቢታ ቦላ ታማ ኦይላናና። ሃሩ ታማይ ኦይኪያኮ ታና ዋቲ ኡፋይሳንዴሻ!

50 ሃናሺን፡ ታ ሃሩ ፃማቁተያ ያንቃቴይ ዳዊሲ። ኢ ፖሌታና ጋካናው ታ ዳር ኡንዴታይሲ። 51 ሳሳ ቦላ ሳርቴላ ኡሃናው ዪዳ ሂንጥው ዳኒ? ገደና፡ ታ ዪዳይ ሻካናሳ። 52 ሃሩፊ ደሚዲ ዋሊ ገደን ሻኬቴላ ኢቻሹ ከላ አሳቲ ኢሲፊ ዳዎሶና፡ ናምሳቲ ሄዘታ ቦላ፡ ሄዘታታ ቦላ፡ ዳንዲዲ ሻኬቶሶና። 53 አዋይ ናሳ ቦላ፡ ናሳይካ አዋ ቦላ፡ አያ ናሳ ቦላ፡ ናሳይ አዬ ቦላ፡ አዚና አያ ናሳ ማቼ ቦላ፡ ናሳ ማቼያ አዚና አዬ ቦላ፡ ዳንዲዲ ሻኬታና።»

ላይላታ ማሎ
(ማቶ 16:2-3)

54 ቃሲካ አሳኮ፡ «ዉሎሃ ባጋራ ሳሎይ ሻራቲያ ዋዴ ቤዒዲ፡ ኤሌሲዲ፡ ሳራ ያና፡ ያገገታ፡ ሂሳዳካ ሃኔሲ። 55 ዳገሃ ጫርኮይ ጫርኪያ ዋዴ ሳሳይ አዋና፡ ያገገታ፡ ሄሳዳካ ሃኔሲ» ያገሰ።

56 ሂንጥና፡ ጩቦቶ፡ ሳሎባኔ ሳሳባ ሻኪ ኤፊታሺን ሃ ዋዲያ ሻኪ ኤርይ ሂንጥና ዋኒዲ ያኒዴ?

57 «ያተኔ፡ ሃንጥ ሁዒስ አይሲ ቱማ ፒርዴከቲ? 58 ኔ ሞርኪያራ ዋላ ዳይና ሲንላን ኤቃናው ባሹ ኦኒ ቦላ ገጋናው ኮያ። ኔ ገጎና ኢዳኮ ጎሹቹዲ ዳይና ሲንላ ኔና ኤፋና። ዳይናይ ኔና ፖሊሴስ አሉ ኢማና። ኢ ኔና ዋይኔን ዬጋና። 59 ሲሩቴ፡ ኢሲ ባካኒ አቶና ጨጋ ኦንጋና ጋካናው ኔ ያፒ ኮኖናይሳ ኤራ» ያገሰ።

13

ናጋራፔ ሲዋ

1 ሄ ዋዴ ዬሱሳኮ አሳይ ዪዲ ጲላዎሲ ዋዲዲ ኤንታ ሱላራ ኤንታ ያርሹዋ ዋላኪዳ ጋሊላ አሳባ ኦዲዳ አሳቲ ሄ ቤሳን ዳዎሶና። 2 ኢ ሃይሳዳ ያገዲ ዛሬሲ፤ «ያተን ሄ ጋሊላ አሳቲ ሄ ኢታ ሃይቆ ሃይቁዳ ገሾ ጋሊላን ዳዊያ አሳ ኡባፊ አዲዳ ናጋራንቾ ዳናና? 3 ገደና! ገደሺን፡ ሂንጥካ ማርታን ሲሞና ኢዳኮ፡ ኡባይ ሂሳዳ ዳያና። 4 ዋይኮ ቃሲ ሳሊሞሚ ገያ ቤሳን ገምቤይ ዋዲዲ ዋዲዳ ታማኔ ሆሰቹን አሳይ ዬሩሳላሚን ዳዊያ አሳ ኡባፊ አዲዳ ናጋራንቾ ዳናና? 5 ገደና! ሺን ሂንጥካ ማርታን ሲሞና ኢዳኮ ኡባይ ሂሳዳ ዳያና።»

6 ቃሲካ ዬሱሲ ሃይሳዳ ገዲ ለሚሶ ኦዲሲ፡ «ኢሲ ኡራሲ ዋይኔ ጋዴን ቶከቲዳ ባላሴ ሚሊያ ዳዋላ። ኢ እቴ አይፊ ኮዩ ዪዲ አይኮካ ዳሚቤና። 7 ገዲያ ጎዳይ ዋይኔ ኦሳንቹዋኮ፡ ሳይፊ ዳማናው ኮያዳ ሄዙ ላይላ ሲሚሬታዳ አይኮካ ዳማቤኬ። ሂሳ ገሾ፡ ቃንፃ ዲጋ፤ አይሲ ቢታ ሚሊሳይ?» ያገሰ።

8 «ሺን ኦሳንቹይ፡ ሳዳው፡ ኢ ዩሹዋ ኦላዳ ኦሻ ዬጋና ጋካናው ሃ ላይላስ አጋርኪ። 9 ሃ ላይላ አይፊኮ ሎዎ፡ ኢዳኮ ቃንፃ ኦጋ) » ያገዲ ዛሬሲ።

ዘኮ ኩኒዳ ማጫሲያ ፓፃሱ

10 ዬሱሲ ሳምባታ ጋላስ አይሁዴ ዋሳ ከላን ታማኔ ሆሰቹን ላይላ ቱና አያኒ ዘኮ ኩኒሲዳ ኢሲ ማጫሲያ ዳዋላሱ። ኢያ ኩናፒ ዳንደይሳን ሱራ ኤቃናው ዳንዳዑኩ። 12 ዬሱሲ ኢዮ ቤዒዳ ዋዴ ያገዲ፡ «ሃ ማጫሴቴ፡ ኔ ሃርገያፊ ፓፃዳሳ» ያገሰ። 13 ባ ኩሺያ ኢ ቦላ ዋሊን፡ ኢያ ሶሁዋራ ሱራዳ ኤቃሱ። ያሳካ ጋላታሱ።

14 ሺን አይሁዴ ዋሳ ከላ ሃላቃይ ዪሎቲዲ አሳኮ፡ «ኦሶ ኦሊያ ኡሱቹን ጋላሳቲ ዳዎሶና። ሂሳ ገሾ፡ ሄ ጋላሳታን ዪዲ ፓፃቴቴ አቲን ሳምባታ ጋላስ ገደና» ያገሰ።

15 ጎዳይ፣ «ጩቦቶ፣ ሂንቴ ገደፌ ቦሪ ዋይኮ ሃሪ ሳምባታ ጋለስ ዛዳሎፔ ቢሊዲ ሃሌ ኡሻናው ኢፎናይ ኦኒ? 16 ያተን፣ ሃ ማጫሲያ ኢብራሃሚ ናዓ ገዳሽ ፃላሃን ቃሺታዳ ታማኔ ሆስፑን ላይሌ ከሜሌ ዳዒዳሪስ ሳምባታ ጋለስ ቢርሼቴሌ ኮሼኔ?» ያገዲ ኦይቹስ።

17 ኢ ሄሳ ኦዲዳ ዋዴ ኤቁቴይሳቲ ኡባይ ዩላቲዶሶና። ሺን ኣሳ ኡባይ ኢ ኦሌዳ ማላሊሲያ ኦሶ ኡባን ኡፋይቲዶሶና።

18 ሂሳፌ ጉዬ፣ ዩሱሲ ሃይሳዳ ያገሰ። «ዶሳ ካዋቴሳይ ኣይ ዳኒ? ኢያ ኣይቤራ ዳኒሶ? 19 ዶሳ ካዋቴሳይ ኢሲ ኣሲ ባ ጎሻን ቶኪዳ ዋላ ኣይፌ ሜላ። ኢ ዲጩዲ ሜላ ገዲሰ። ሳሎ ካፎቲ ኢያ ታሺያ ቦላ ሸምፒዶሶና።

20 ቃሲ፣ «ዶሳ ካዋቴሳ ኣይቤራ ዳኒሶ? 21 ኢሲ ማጫሲያ ዳር ጲሌራ ዋላካዳ ሙኑቁዳ ጉላ ኢርሾ ዳኔስ» ያገሰ።

ፀንሳ ወላ

22 ሂሳፌ ጉዬ፣ ዩሱሲ ዩሩሳላሜ ቢሼ ኢ ካንሌያ ኦጊያን ዳዒያ ካታማታኒኔ ጉታታን ታማርሲሽ ኣጲስ። 23 ኢሲ ኣሲ ዩሱሳኮ፣ «ጎዳው፣ ኣታናይ ጉላ ኣሳ ፃላላ?» ያገዲ ኦይቹስ።

ዩሱሲ ኤንታኮ፣ 24 «ሲዒቲ፣ ፀንሳ ወላሪ ጌላናው ባፄቲ፣ ዳርቲ ጌላናው ኮኖሶና ሺን ኤንታው ሃኔና። 25 ኬላዋይ ዳንዲዲ ወላ ጎርዲዳፔ ጉዬ ሩሰ ዶያርኪ) ያገሺ ካሬን ኤቁዲ ጂሲ ኦይኪታ። ሺን ኢ፣ ሂንቴ ኦኔኮኔ ኣወፔ ዩዳኮ ታ ኤሪኬ) ገዲ ዛራና። 26 ሄ ዋዴ ሂንቴ፣ ሩሪ ዋላ ሚዳ፣ ኡዩዳ፣ ኑ ዳባባካ ታማርሳዳሳ) ያገና።

27 «ኢ ዛሪዲ፣ ሂንቴ ኦኔኮኔ ኣወፔ ዩዳኮ ኤሪኬ። ሂንቴና፣ ጌላቶ ታፔ ሃኪቲ» ያገና። 28 ኣብራሃሜ፣ ዩሳቃ፣ ያይቆባኔ ናቤታ ኡባ ዶሳ ካዋቴሳን ቤዓና፣ ሺን ሂንቴ ካሬን ዋጲዲ ኣቲያ ዋዴ ሂንቴው ዩሆኔ ኣቲ፣ ጋርጩሌ ገዳና። 29 ኣሳይ ዶሎሃፔ፣ ወሎሃፔ፣ ፑዩሃፔ፣ ዲጌሃፔ ዩዲ ዶሳ ካዋቴሳን ገቢራ ቦላ ኢታና። 30 ሄሳ ገሾ፣ ሃዒ ዳላን ጉዬ ገዲዳይሳታፔ ሲንሌ ገዳናይሳቲ፣ ሲንሌ ገዲዳይሳታፔ ጉዬ ገዳናይሳቲ ዳዖሶና» ያገሰ።

ዩሱሲ ዩሩሳላሜስ ዩኪስ (ማቶ 23:37-39)

31 ሄ ዋዴ ፋሪሳዊታፔ ኢሶቲ ኢሶቲ ዩዲ፣ «ሄርዲሲ ኔና ዋፋናው ኮያ ገሾ ሃ ቤሳፌ ዳንዲዳ ባ ገደሶና።

32 ኢ ዛሪዲ፣ «ቢዲ፣ ሄ ዋርካናስ ሄኮ፣ ሃቸኔ ዋንቶ ቱና ኣያናታ ኬሳና፣ ሃርጋንቸታ ፓላና፣ ሄሸላ ጋላሳን ኩሻ ቦላ ጋካና) ያገሰ ገቲ። 33 ሃናፔ ኣቲን፣ ናቤይ ዩሩሳላሜፔ ካሬን ሃይቃናው ቤሲና። ሄሳ ገሾ፣ ሃቸ፣ ዋንቶኔ ዋንቴ ፔዒን ሄ ቤሳ ባናው ሰንዳሲ።

34 «ዩሩሳላሜ፣ ዩሩሳላሜ፣ ናቤታ ዋጲያሬ፣ ኔኮ ከቲቲዳይሳታ ሹቻን ጫዲያሬ፣ ኩቶይ ባ ናይታ ባ ቁፊያፔ ጋርሳን ሺሺያዳ ኔ ናይታ ታ ቁሲያፔ ጋርሳን ኣቸን ቶሆ ሺሻናው ኮያዲና፣ ሺን ሂንቴ ኢፃስ ገደታ። 35 ታ ሂንቴው ኦዳይስ፤ ሂንቴ ኬላይ ካይሳታና። ጎዳ ሰንሳን ዩይሲ ኣንጃቲዳይሳ ሂንቴ ጋና ጋካናው ታና ዳሜኬታ» ያገሰ።

14

ዩሱሲ ፋሪሳዊያ ሶን

1 ኢሲ ሳምባታ ጋለስ ዩሱሲ ኢሲ ፋሪሳዊታ ሃላቃ ሶ ካላ ማናው ጌሊያ ዋዴ ኣሳይ ጫዲ ያሎሶሶ። 2 ሄ ቤሳን ሻወሃ ሃርጌን ዋዬቲያ ኢሲ ኣሲ ኢያው ሲንሳ ባጋራ ዘንዒሲ። 3 ዩሱሲ ፋሪሳዊታኮኔ ሃጌ ኣስታማራታኮ፣ «ሳምባታ ጋለስ ሃርጌንቸ ፓሶይ ዋጌዬ ዋጋ ጌዴኔ?» ያገዲ ኦይቹስ። 4 ኤንቴ ሲዒ ገደሶና። ዩሱሲ ሃርጌቲያ ኡራ ቦቺ ፓሌዲ ዋይዚስ።

5 «ቃሲካ ሂንቴፌ ኢሱዋስ ናዒ ዋይኮ ቦሪ ሳምባታ ጋለስ ኣፎን ወሊኮ ኤሌሲዲ ከሶናይ ኦኒ?» ያገዲ ኦይቹስ። 6 ኤንቴ ኢሲባካ ዛራናው ዳንዲዳሲኮና።

7 ዩሱሲ ኣማቴዋስ ጃጌቲዳይሳቲ ቦንቸ ቤሲ ዶሪሺን ቤዒዲ፣ ሃ ለሚሱዋ ኦዲሰ። 8 «ኢሲ ኣሲ ኔና ያጋና ጃጌኮ ቦንቸ ቤሳን ኡቶፋ። ኔፔ ኣጲ ቦንቸቲያ ኣሲ ጃጌታናው ዳንዲዳሲ። 9 ሂንቴና ናምባታካ ጃጌዳይሲ ዩዲ፣ ሩኒ ቤሳ ሃ ኣማላስ ዩዳ) ያገያ ዋዴ ኔኒ ዩላታሺ ዚቃ ቤሲ ዋፋና። 10 ገደሺን፣ ኔ ጃጌቲዳ ዋዴ ኮይርታዳ ዚቃ ቤሲ ቤዓና ኡታ። ጃጌሲ ዩዲ፣ ታ ላጊያው፣ ሃ ቦንቸ ቤሳን ኡታ) ያገና። ሄ ዋዴ ኔራ ኢሲፌ ጃጌቲዳ ኣሳ ኡባ ሲንሳን ኔ ቦንቸታና። 11 ባና ቆቁ ቆቁ ኦሌያ ኡባይ ካወያና፤ ባና ዘቁ ዘቁ ኦሌያ ኡባይ ቆቁ ቆቁ ጋና።»

12 ቃሲ ዩሱሲ ኢያ ሞኪዳ ከላ ኣዋኮ፣ «ቁማ ዋይኮ ካሆ ኢማቶ ጃጌያ ዋዴ ኔኒ ኩሽ ዘር ጃጎና ሜላ ኔ ላጊታ ዋይኮ ኔ ኣሻታ ዋይኮ ኔ ዳቦታ ዋይኮ ኔ ዳራ ሸርታ ኣማቶ ጃጎ። 13 ገደሺን፣

ኔ እማቶ ገቢሲዳ ዋዴ ማንቆታ፣ ዋቤታ፣ ጉንዳታኔ ቆቂታ ይጋ፤ ኔኒ እንጃታና። 14 ሃይሳቲ ኩሼ ዛራናው ዳንዳዖና ገሾ ኩሼ ዛርይ ጌሻታ ዳንዶ ጋላሳን ኔው ሲማና» ያገሰ።

ገታ እማቱዋ
(ማቶ 22:1-10)

15 ዬሱሳራ ዋላ እማቶ ቦላ ኡቶይሳታ ገደፌ ኢሶይ ሄሳ ሲባዲ። «ዖሳ ካዋቱላን እማቶ ቦላ ኡቱይሲ እንጃቲዳይሳ» ያገሰ።

16 ዬሱሳ። «ኢሲ እሲ ገታ እማቶ ገቢሲዲ ዳር ኣሳታ ይገሰ። 17 እማቶይ ሞኩቲያ ሳቲይ ጋኪያ ዋዴ ይጌቲዳ እማሳታ፣ ሂኮኮ ኡባባይ ገቢሰ። ሃ ዪቲ» ያገዲ ይጋናዳ ባ ኣይሊያ ከቲሰ።

18 «ሺን ኡባይካ ባንታ ጋሶ ጋሶ ሜጲደሶና። ኢሶይ፣ ሃባ ቡር ጋዴ ሻሚዳ ገሾ ባዳ ቤሳናው ኮሺሰ ሃያና ታና ኣጋርኪ ያጋ» ያገሰ። 19 ሃንኮይ፣ ሒቻሹ ዋሳ ቦሪ ሻማስ ኤንታና ዋዩ ቤሳና ገሾ ሃያና ታና ላንጮፋ» ያገሰ። 20 ቃሲ ሃራይ፣ ታኒ ቡር ሜዳን ዳዒያ ገሾ ያናው ዳንዳዒኬ ያገሰ።

21 «ኣይሊይ ሲሚ ዪዲ ሄ ኡባ ባ ጎዳስ ኦዲሰ። ሄ ዋዴ ያጋና ኣዋይ ሃንቁቲዲ ኣይሊያኮ፣ ሒሊሳዳ ካታማን ዳዒያ ዋጋ ኦኒታኔ ዳጋላታ ባዳ፣ ማንቆታ፣ ዋቤታ፣ ቆቂታኔ ጉንዳታ ሃ ኤሃ» ያገሰ።

22 «ኣይሊይ፣ ታ ጎዳው፣ ኔ ከቲዳይሲ ኡባይ ፖሌቲሰ። ሺን ሃባካ ቤሲ ዳዒሰ» ያገሰ።

23 «ጎዳይ ኣይሊያኮ፣ ሆርጋታ ቦላኔ፣ ጋዴ ገደ ኦኒታ ኬያ፣ ታ ኬላይ ኩማና ጋካናው ዳሚዳ ኡባ ያና ሜላ ኡላ። 24 ታ ሃንቲው ኦዲይሰ፤ እማቶቲዳይሳታቲ ኦኒካ ታ ገቢራፔ ሞናይሳ ኤሪቴ ገሰ» ያገሰ።

ጎዳ ካሎይ ያርሺሲስ

25 ዳር ኣሳይ ኢያራ ዋላ ቢሺን ዬሱሲ ኤንታኮ ጉዬ ሲሚዲ። 26 «ታኮ ያ ኡባይ ባ ኣዋኔ ባ ኣደው፣ ባ ማቸዉኔ ባ ናይታ፣ ባ ኣሻታኔ ባ ሚቹታ፣ ሃሪ ኣቶሺን ባ ደዑዋ ኢያናይ ታ ታማሬ ገዳናው ዳንዳዒና። 27 ባ ማስቃሊያ ቶኪዲ ታና ካሎናይ ታ ታማሬ ገዳናው ዳንዳዒና።

28 «ሃንቲፌ ኢሲ ኣሲ ሹቻ ከሌ ከያናው ኮይኮ፣ ከላ ከዲዲ ኣንጋናው ኣይ ሜላ ሚሹ ኮሺያኮ ኮይርቲዲ ኤራናው ቆፒ ቤዖናይ ኦኒ? 29 ሃሳ ገደና ኣዲኮ፣ ሃ ኡራይ ባሶ ሹቻ ሃዲን ቁስቴሌ ያኒኮ፣ 30 ቢዒያ ኡባይ፣ ሃ ኡራይ ገምቤሌ ኦይኪን ቁስታናው ኢያ ያኒሰ» ያገዲ ቦርሶና።

31 «ዋይኮ ኢሲ ካዋይ ሃራ ካዋራ ኦሌታናው ዳንዲሺ ላታው ሙኩሉ ኦላንቸታ ኤኪ ያ ካወዋራ ታው ሙኩሉ ኦላንቸታ ኤቁታናው ዳንዳዒናይሳኔ ዳንዳዒናይሳ ኡቲዳ ዘራቶናይ ኦኒ? 32 ኤቁታናው ዳንዳዒቶናባ ገዲኮ፣ ሄ ሃራ ካወዋራ ሃሆን ዳዒሺን ገጋናው ኮይርቲዲ ጪማ ዬዲዲ ኦይቹሰ። 33 ሃሳዳካ፣ ሃንቲፌ ኦኒካ ባው ዳዒያባ ኡባ ኣሳና ኣዲኮ ታ ታማሬ ገዳናው ዳንዳዒና።

34 «ማዲኔይ ሎዖ፣ ሺን ማዲኔይ ባ ማለዑዋ ኣገኮ፣ ዋኒዲ ማዲኔ ጌቲታናው ዳንዳዒ?»

35 ቢታቲላሰካ ኣራዳቲላሰካ ማደናባ ገዲያ ገሾ ዋራ ዩጌቲሰ። ሃዛ፣ ሲዒያ ሃይሌ ዳዒያ ኣሲ ሲዖ» ያገሰ።

15

ጳዩዳ ደርሳ
(ማቶ 18:12-14)

1 ኢሲ ጋላሰ ቃራዖ ቃንዳይሳቲኔ ናጋራንቸቲ ዬሱሳ ቲሚርቲያ ሲሳናው ኢያ የሹዋን ሸቂደሶና። 2 ሺን ፋሪሳዌቲኔ ሃጌ ኣሰታማሪቲ፣ «ሃይሲ ኡራይ ናጋራንቸታ ሺሺዲ ኤኩሰ። ኤንታራ ኢሲፌ ሚሰ» ያገዲ ዘዘሚደሶና።

3 ዬሱሲ ያገዲ ሃይሳ ለሚሰ ኤንታው ኦዲሰ። 4 «ሃንቲ ገደፌ ኢሱዋሰ ያቲ ደርሳቲ ዳዒያባ ገዲኮ ኤንታፊ ኢሶይ ጳዩኮ ኡዲፋን ታማኔ ኡዲፋናታ ባዘን ኣገዲ ጳዩይሳ ዳማና ጋካናው ኮዮናይ ኦኒ? 5 ዳሚዳ ዋዴ ኡፋይቲዲ ባ ጋናን ቶኪዲ። 6 ባ ሶ ሲሚሰ። ባ ላገታኔ ሾርታ ኢሲፌ ያገዲ፣ ለጳዩዳ ታ ደርሳ ዳማሰ። ታራ ኢሲፌ ኡፋይቲቲ» ያገሰ። 7 ሃሳዳካ፣ ማርቲ ኮሾና ኡዲፋን ታማኔ ኡዲፋን ያሎታፔ ኣሌዲ ማርታን ጌሊያ ኢሲ ናጋራንቸታ ጋሶን ሳሎን ገታ ኡፋይሲ ገደሰ።

8 «ዋይኮ ታው ቢሪ ዳዒያ ኢሲ ማጫሲያ ታማፊ ኢሲያ ጳዩኮ ዳማና ጋካናው ያምፔ ኦይላዳ ከላ ፒታዳ ሚንሳ ኮዮናራ ኦኒ? 9 ዳሚዳ ዋዴ ባ ላገታኔ ባ ሾርታ ይጋዳ ለጳዩዳ ታ ኢሲ ቢራ ዳሚዳ ገሾ ታራ ኡፋይቲቲ» ያጋዉሰ። 10 ሲዒቲ፣ ሃሳ ሜላ ኢሲ ማርቲላን ጌሊያ ናጋራንቸታን ያሳ ከታንቸታ ሲንሳን ኡፋይሲ ገደሰ» ያገሰ።

ጳዩዳ ናዓ

11 ዛሬዲ ዬሱሱ፡ «ኢሲ ኡራሰ ናምዑ ናይቲ ዳዖሶና፡ 12 ኤንገጎጎ ካሎ ናዓይ ባ አዋኮ፡ ታ አዋዎ፡ ኔ ሻሉዋፔ ታ ጊሹዋ ታው እማ) ያገሰ፡ አዋይ ባ ሻሉዋ ባ ናይታሰ ሻኪሰ፡ 13 ጉሳ ጋላሳፔ ጉይ ካሎ ናዓይ ባ ጊሹዋ ኡባ ቃቹ ኤኪዲ ሃሆ ቢታ ቢሰ፡ ያን አልጎጫን ሻሉዋ ቶቹዲ ኤንገሰ፡ 14 ኢ ባው ዳዓያባ ኡባ ወርሲዳፔ ጉይ ሄ ቢታ ኡባን ማና ኮሺ ኪዩን ማቶቲሰ፡ 15 ሄሳ ጊሹ፡ ሄ ቢታ ኣሳፔ ኢሱዋ ሶ ጋታ ጌሊሰ፡ ኡራይ ኢያ ጉዲንሶ ሄማና ማላ ባ ሞሳ ዬዲሰ፡ 16 ጉዲንሶቲ ማያ ሃርቁዋፊ ማናው አምቲሰ፡ ሺን ኢዮካ ኢያው አሚያ አሲ ቤንቲቤና፡ 17 ዋዚሲ ሰሚን፡ ሳፕባን ታ አዋ ኣይሌታሰ ካላ ዋራ ዋጂን ታ ሃይሳን ኮሻራ ሃይቃናው ጋካዲናን) 18 ዴንዳዲ ታ አዋኮ ገዳ፡ ታ አዋዎ፡ ሳሎን ያሳ፡ ሳባን ኔና ቆሃሰ፡ 19 ሃዛፔ ኔ ናባ ጌቲታዳ ዪጌታናው ታው ቤሶና ጊሹ ኔ ሶን ዳዓያ ኣይሌታፔ ኢሱዋዳ ታና ፓይዳ) ያገና) ያገሰ፡ 20 ሄሳ ጊሹ፡ ዴንዳዲ ባ አዋኮ ቢሰ፡

«ሃናሺን፡ ኢ ቡር ሃሆን ዳዒሺን አዋይ ቃጂቲዲ፡ ኢያኮ ዋዒ ቢዲ ኢዲሚዲ ዬራሰ፡ 21 ናዓይካ፡ ታ አዋዎ ሳሎን ያሳ፡ ሳባን ኔና ቆሃሰ፡ ሃዛፔ ኔ ናባ ጌቲታዳ ዪጌታናው ቤሰኪ) ያገሰ፡

22 «ኢያ አዋይ ኣይሌታ ዪጊዲ፡ ሉሌሲዲ ኡባፊ ሎን ጊዲዳ ማን ኤሂዲ ኢያ ማይዚቲ፤ ኢያ ቢራዴን ሳጋዮ፡ ኢያ ቶሁዋን ጫማ አላቲ፡ 23 ሞቶ ጋታርሚንሶ ኤሂዲ ሹኪቲ፡ ሞሰ፡ ኡፋይቶሰ፡ 24 ታ ናዓይ ሃይሲ ሃይቁሰ፡ ሺን ሃዒ ፓግሰ፤ ጳይሰ፡ ሺን ቤንቲሰ) ያገሰ፡ ሄሳፊ ጉይ፡ ኡፋዬቲላ ኦይኪዳሶና፡

25 «ሄ ዋዳ ባይራ ናዓይ ጎሻ ጋዳን ዳዒሰ፡ ያፔ ዪሹ ሶ ማቲሺን ዬሌኔ ጉፋ ገርሲ ሰዒሰ፡ 26 ኢ፡ ኣይሌታፔ ኢሱዋ ዪጊዲ ሃኒያባይ ኣይቤኮ ኤራናው ኣይቹሰ፡ 27 ኣይሌይ፡ ሳ ኢሻይ ሳር ዪዳ ጊሹ ኔ አዋይ ሞቶ ጋታርሚንሶ ኢያው ሹኪሰ) ያገሰ፡

28 «ባይራ ኢሻይ ዪሎቲዲ ሶ ጌላናወካ ኮይቤና፡ አዋይ ካራ ኪዩዲ ሶ ጌላና ማላ ኢያ ሞሰሰ፡ 29 ሺን ኢ ባ አዋኮ፡ ኣሎን፡ ሃይሳ ማላ ሳይላ ታ ኔው ኣይሌታዳ ኔ ኪታፔ ኢሱዋካ ፓጫሶና ኔው ኪቲቲን ታ ታ ላጌታራ ኡፋይታና ማላ ሃሪ ኣቶሺን ኢሲ ላቃ ዳሼ ኢማባካ፡ 30 ሃናሺን፡ ሃይሲ ኔ ናዓይ ኔ ሻሉዋ ላይማታራ ደሚሲዲ ዪን ሞቶ ጋታርሚንሶ ሹኪዳሳ) » ያገሰ፡

31 «አዋይካ፡ ታ ናዓው፡ ኔኒ ኡባ ዋዴ ጎራ ዳዓሳ፡ ታባይ ኡባይ ኔሳ፡ 32 ሃይሲ ኔ ኢሻይ ሃይቁሰ፡ ሺን ፓግሰ፤ ጳይሰ፡ ሺን ቤንቲሰ፡ ሄሳ ጊሹ፡ ዳር ኡፋይታናው ቤሰሰ) ያገና) ያገሰ፡

16

አማኔቶና ሹማ ለሚሶ

1 ዬሱሱ ባ ታማሪታኮ፡ «ኢሲ ዲራ ኡራሰ ኢያፔ ጋርሳራ ኢሲ ሹማይ ዳዒሰ፡ ሄ ሹማይ ባ ጎዳ ሻሉዋ ቶቹሰ ያገያ ዋራይ ኪላዋ ጋኪሰ፡ 2 ኪላዋይ ሹማ ዪገሲዲ፡ ታኒ ዋይጊያባ ሰዓዲናን ሃዛፔ ኔኒ ታ ኪላሰ ሹማ ጊዳዳ ኦፋናው ዳንዳዖና ጊሹ ታ ሻሉዋ ታው ሹቆ) ያገሰ፡

3 «ሄ ሹማይካ ባ ዋዛናን ሃይሳዳ ያገዲ ቆፒሰ፡ ታ ጎዳይ ታና ሹማቲላፊ ሞላና ሃኔሰ፡ ጎያ አቃናው ዋልቁ ባዋ፡ ዋሳ ማናው ዬላዬሰ፤ ያቲን ታ ዋና? 4 ሹማቲላፊ ታ ዋጂያ ዋዳ ኣሳይ ታና ሞካና ማላ ኦፋናባ ታ ኡራይሰ) ያገሰ፡

5 «ሄሳ ጊሹ፡ ኢያ ጎዳ ኣጮይ ዳዒያ ኣሳ ኢሱዋ ኢሱዋ ዪጊ ኤሂዲ ኮይር ኡራኮ፡ ሳ ቦላ ታ ጎዳ ኣጮይ ኣይ ማሊ ዳዒ?) ያገዲ ኣይቹሰ፡

6 «ኢ፡ ሳታሙ ባርሚላ ዛይቲ ኣጮይ ዳዒሰ) ያገሰ፡ «ሹማይ፡ ሳሌ ዋርቃቲያ ሄዳ፡ ኤሌሳዳ፡ ታሙ ባርሚላ ዛይቲ ኣጮይ ዳዒሰ ጋዳ 94) ያገሰ፡

7 «ሄሳፊ ካሊዲ ናምግሱዋኮ፡ ሳው ኣፕኒ ዳዒ?) ያገሰ፡ «ኢ፡ (370 ኩንታሌ ገሰቲ ኣጮይ ዳዒሰ) ያገሰ፡

8 «ሹማይ፡ ሳ ወሌ ዋርቃቲያ ሄዳ፡ ኤሌሳዳ፡ 296 ኩንታሌ ያጋዳ 94) ያገሰ፡ 8 ኪላዋይ ኣማኔቲቦና ሹማ ኢያ ቢላማቲላሰ ናሺሰ፡ ሃ ኣላሚያ ናይቲ ኣሴ ኦይላን ፖፖ ናይታፔ ኣጂዳ ሞካናማታ፡

9 «ሄሳ ጊሹ፡ ታ ሂንቲው ኦዳይሰ፤ ሃ ኣላሚያ ሚሹይ ወሪያ ዋዳ ሚሪና ኪላን ሞኪታና ማላ ሃ ሚሹያራ ሂንቲው ላጌታ ሻሚቲ፡ 10 ካባፊ ጉላባን ኣማኔቲዳይ ዳርባን ኣማኔቲዳይሳ ገደሰ፡ ቃሲ ኡባፊ ጉላባን ኣማኔቲናይሲ ዳርባን ኣማኔቲና፡ 11 ሃዛ፡ ሃ ኣላሚያ ሚሹን ሂንቲ ኣማኔቲና ኢዪኮ ቱማ ሚሹ ሂንቲው ኦኒ ሃዳራ ኢማኔ? 12 ሂንቲ ሃራ ኣሳ ሚሹን ኣማኔቲና ኢዪኮ፡ ሂንቲ ቡዞ ሚሹ ሂንቲው ኦኒ ኢማኔ?

13 «ኢሲ ኣይሌይ ናምዑ ጎዳታሰ ሃራታናው ዳንዳዳና፡ ኢሱዋ ኢዪኮ ሃንኩዋ ደሰሰ ዋይኮ ኢሱዋኮ ሸቁኮ ሃንኩዋ ካጅሰ፡ ሄሳዳካ፡ ሂንቲ ያሳሲኔ ሚሹሰ ሃራታናው ዳንዳዳኪታ፡»

14 ሚሹ ደሰያ ፋሪሳዋቲ ሄሳ ሰዓዳዳ ዋዳ ዬሱሳ ቁልቁሲደሶና፡ 15 ኢ፡ «ሂንቲ ሂንቲና ኣሳ ሰንላን ዪሊሱታ፡ ሺን ያሳይ ሂንቲ ዋዛና ኤራሰ፡ ኣሳ ሰንላን ቦንቹቲዳይሲ ያሳ ሰንላን ቦሬቲዳይሳ፡

16 «ሙሴ ሄገሪኔ ናቤታ ከታይ ዮሃንሳ ጋካናው ሃንቲው ኦዳተሽ ጋምዒሰ። ሄሳፌ ጉዬ፣ ያሳ ካዎቲላ ዋንጌላይ ሳባኩተሽ ጋምዒሰ። እሲ ኡባይ ያ ጌላናው ዳፊቲስ። 17 ጊደሽን፣ ሂጊያፌ እሲ ሳፋ ፒዳሌይ አታናፕ ሳሎይኔ ሳባይ አዲይሲ ካወዱስ።

18 «ባ ማቸው ዬዲዲ ሃራ ኤኪያ ኡባይ ላሜሰ። ባ አዘናፕ ኢንጃቲዳር ኤኬይሲካ ላሜሰ» ያገሰ።

ዲሬ ኡራኔ አላዛራ

19 «አልዎኔ አሌቆ አፊላ ማዒያ፣ ሳላ ኢንጃቲን ጋላሰ ጋላሰ ኡፋይሳን ደዒያ እሲ ዲሬ እሲ ደዒሰ። 20 ሃሪ ቃሲ አሳቲሳይ ኩሜሊ ማዲንዲዳ እሲ አላዛራ ጌቲቲያ ማንቆይ ሄ ዲሬ ኡራ ካሬን ዬጌቲዲ አቲዳይሲ ደዒሰ። 21 ኮሻፕ ዳንደይሳን ዲሬ ኡራ ጋይታፕ ዋዲያ ቲፊያ ማናው አዎተሽ ደዒሰ። ሃሪ አቶሺን፣ ካናቲ ዬዲ ኢያ ማዲንሳ ላጮሶና።

22 «ሄ ማንቆይ ሃይቁስ፤ ከታንቸቲ ኢያ አብራሃሜ ከዑዋ ኤፊደሶና። ቃሲ ዲሬ ኡራይካ ሃይቁዲ ሞጌቲስ። 23 ሲዎላን ኡንዔቲዲ ደዒሽ ቆቆ ጊዲ ሃሆን አብራሃሜኔ ኢያ ከዎን ደዒያ አላዛራ ቢዒሰ። 24 ኢ፣ ሳዎው አብራሃሜ፣ ታው ቃዲታርኪ፤ ሃ ላጮ ታማን ኡንዔታዳ ደዒያ ጊሾ አላዛራ ባ ቢራዲያ ሃሳን ዬዲዲ ታ ኢንፃርሳ ላኮላና ሜላ ሃያና ኢያ ዬዳርኪ» ያገዲ ዋሲስ።

25 «ሺን አብራሃሜ ኢያኮ፣ ታ ናዓው፣ ኔ ሳባን ደዒያ ዎዶ ሎዎባታ ኤኪዳይሳ፣ ቃሲ አላዛራ ኢታባታ ኤኪዳይሳ አከካ። ሺን ሃዒ ኢ ሃይሳን ኡፋይቲስ፣ ቃሲ ኔጊ ዋዬታሽ ደዒሳ» ያገሰ። 26 ሃ ኡባፌ አዲዲ፣ ሳፕ ሃንቲቲ፣ ሂጊፕ ሃ ኩኮ አቆናው ኮዬይሳቲ ፒናና ሜላ ኑሲኔ ሃንቲስ ጊደን ጊታ አፎይ ደዒሰ» ያገሰ።

27 «ዲሬ ኡራይ፣ ሳዎው፣ ያኮ አላዛራ ታ አዎ ሰ ከታና ሜላ ታ ኔና ዋሳይሰ። 28 ታው ኢቻሹ ኢሻቲ ደዒደሶና፣ ኤንቲካ ሃ ዋዬ ቤሳ ዮና ሜላ ኤንታው ቢዲ ማርካቶ» ያገሰ።

29 «ሺን አብራሃሜይ፣ ሳንታው ሙሴኔ ናቤታራ ደዎሶና፣ ኤንቲ ኡዲያባ ሲዎና» ያገሰ።

30 «ዲሬ ኡራይ፣ ሳዎው አብራሃሜ፣ ሄሳፉ ጊዳና፤ እሲ እሲ ሃይቆፕ ደንዲዲ ቢኮ ኤንቲ ማርታን ጌላና» ያገሰ።

31 «አብራሃሜይ፣ ሙሴኔ ናቤታ ሲዎና ኢዲኮ፣ ሃሪ አቶሺን ሃይቆፕ እሲ እሲ ደንዲ ኡዲኮካ አማናኮና» ያገሰ።»

17

ኦይሺሲያ አዎቲላ

1 ዬሱሲ ባ ታሚጋታኮ፣ «እሴ ቆቤሌዲ ናጋራን ጌልሲያባይ ዮና አጌና። ጊደሽን፣ ናጋራን ጌላና ሜላ ኦሊያ ኡራ አዬ» ያገሰ። 2 ሄ ኡራይ ካሎታፕ ኢሱዋ ባለላናፕ ዎዎ ባ ቆዴን ቃቸዲ አባን ዉሊኮ ኢያው ሎዎ። 3 ሄሳ ጊሾ ናጌቲቲ።

«ኔ ኢሻይ ናጋራ ኦሊኮ ሃንቁታ፤ ቂርቲዲ ማርቲላን ሲሚኮ፣ ኢያው አቶ ያጋ። 4 እሲ ጋላሳን ላፕን ቶሆ ቆሂዲ፣ ላፕን ቶሆ፣ ታኒ ታ ባላ ኡራስ ታና ማራ» ያገዲ ኔኮ ዩኮ ኢያው አቶ ጋ።» 5 ሃዎሬቲ ጎዳኮ፣ «አማና ኑስ ጉጃርኪ» ያገደሶና።

6 ጎዳይ፣ «ጋሼ አይፌ ሜላ አማናይ ሃንቲው ደዒኮ ሳይሳ ዎላ ሾዴታዳ አባ ጊደን ቶኬታ» ያገኮ ሃንቲው ከቲታና» ያገሰ።

7 ጉጃዲካ ዬሱሲ፣ «ሃንቲ ጊደፌ ኢሱዋስ ጎሻንቸይ ዎይኮ ደርሴ ሄሚያ አይሌይ ደዒኮ ኦሲ ጋዴፕ ዎይኮ ዉዴፕ ሰ ሲሚያ ዎዶ ሱሌ ሃያዳ ካላ ማናው ኡታ» ያገይ ደዒ? 8 ደና፣ ታው ካሆ ገሊሳ፤ ታኒ ማዳ፣ ኡያዳ አጋና ጋካናው ኤቃዳ ሙዛ። ሄሳፌ ጉዬ፣ ኔጊ ቃሲ ማሳኔ ኡያሳ ያገኔዬ? 9 ሂዛ፣ ጎዳይ፣ አይሌይ ከታ ገሊዳ ጊሾ ኢንጃዬ? 10 ሄሳ ጊሾ፣ ሃንቲካ ከቲቶይሳ ኡባ ገሊዳ ዎዶ ሱ ፓሶና አይሌታ፤ ኦላናው ቤሲያ ኡሱዋ ገሊዳ» ያገቲቲ» ያገሰ።

ባር ሃርጊያፌ ጌዪዳ ታሙ አሳታ

11 ዬሱሲ ዬሩሳላሜ ቢሼ ሳሚራኔ ጋሊላ ቢታስ ጊደራ ካንሌዲ አዲስ። 12 እሲ ጉታ ጌሊያ ዎዶ ባር ሃርጊን ኦይኪቲዳ ታሙ አሳቲ ኢያ ደሚደሶና። ኤንቲካ ሃሆን ኤቁዲ፣ 13 «ጎዳ ዬሱሳ፣ ኑስ ቃዴታርኪ» ያገዲ ዋሲደሶና።

14 ኢ ኤንታ ቤዒዳ ዎዶ «ቢዲ ሃንቲናቲላ አይሁዳ ካሂኔ ቤሲቲ» ያገሰ። ኤንቲ ኦጊያ ቦላ ቢሼ ፓዲደሶና።

15 ኤንታፌ ኢሲይ ባ ፓፀዋ ቤዒዳ ዎዶ ቆቆ ጊዳ ቃሳን ያሳ ቦንቸሼ ዬሱሳኮ ሲሚሰ። 16 ኢ ሳሚሬ ቢታ እሲ፣ ሺን ዬሱሳ ቶሁዋ ቦላ ጉፋኒዲ ኢያ ጋሳቲስ።

17 ዬሱሱ፡ «ፓዳዳይ ታሙ፡ እሳታ ገደኮናዬ? ያተን፡ ኡዲፋናተ እው ቢደና? 18 ሃ እላጋ ኡራፔ * ኣተን ሃሪ ሰሚዲ ያሳ ጋላቴይ ዳና ጉሴዬ?» ያገዲ ኦይቲሰ። 19 ኡራኮ፡ «ኔ አማናይ ኔና ፓሊሰ፤ ዳንዳዳ ባ» ያገሰ።

ያሳ ካዎቴላ ዩሳ
(ማቶ 24:23-28፣ 37-41)

20 ፋሪሳዊቲ፡ «ፋሪሳ ካዎቴላይ አዉዳ ያኔ?» ገዲ ዬሱሳ ኦይቲደሶና። ኢ፡ «ያሳ ካዎቴላይ ቤንቲያ ማላን ዬና። 21 ቃሲካ እያ፡ ሃሂና ዎይኮ ሂሂና ያጋናው ዳንዳዳና። ኣይሰ ገኮ፡ ያሳ ካዎቴላይ ሂንቴ ገደን ዳዒሰ» ያገዲ ዛሪሰ።

22 ዬሱሱ ባ ታማራታኮ፡ «እሳ ናግ ጋላሳታፔ ኢሱዋ ቤናናው ሂንቴ አሞቲያ ዎዳይ ያና፡ ሺን ሂንቴ ቤዒኬታ። 23 ኣሳይ፡ ሒ ያን ዳዒሰ» ዎይኮ፡ ሃይሳን ዳዒሰ» ያጋና፡ ሺን ኤንታና ካሊዲ ቦፐቲ። 24 ዎልግሳሊ ዎልግሚዲ ሳሉዋ ንግፔ ገፃ ፖሲሲያ ማላ እሳ ናግ ዩሳ ጋላሳይ ሃሳዳ ሃና። 25 ሺን ሃሲ ሃናናፔ ሲገሌ እሳ ናግደ ዳር ዎያናውኔ ሃ ዬሌቴላን አይታናው ቤሲሰ። 26 ሮሃ ዎዳ ሃሂዳይሳ ማላ እሳ ናግ ዎዲያንካ ሃሳዳ ሃናና። 27 ሮሃይ ማርካቢያን ጌሊዳ ቃማ ጋካናው ኣሳይ ሚሼኔ ኡዪሼ፡ ኤከሼኔ ጌሊሼ ዳዒሺን ጳዮ ሃላይ ዪዲ ኡባ ጳይሲሰ። 28 ሎጻ ላይላንካ ሃሳዳ ሃሂሰ። ኣሳይ ሚሼኔ ኡዪሼ፡ ሻሚሼኔ ባይዚሼ፡ ቶኪሼኔ ከጻሼ፡ ጋምዒደሶና። 29 ሎጻይ ሶደማፔ ከዪዳ ጋላሰ ዲኔ ፔቴቲያ ፀ-ገያባይ ሳሎፔ ቡኪዲ ኡባ ጳይሲሰ። 30 ኣሳ ናግደ ቆንጨያ ዎዳካ ሃሳዳ ሃናና።

31 «ሄ ጋላሳን ኦኒካ ካሪን ዳዒይ ኬላ ገደን ዳዒያባ አካናው ሶ ጌሎፖ። ሃሳዳካ፡ ጋዴን ዳዒያ አሲ አይኮኮካ ሶ ሲዎ። 32 ሎጻ ማቲው ኣኬከቲ፤ 33 ባ ሺምፐው አሻናው ኮያ አሲ ኦኒካ ጳይሳና፤ ኢያካ፡ ታወኔ ታ ሞርኪያሰ ገደን ዳዒያ ሞቲዎ ፐርዳ፡ ያጋዳ ኡባ ዎዳ ሄ ዳይናኮ ሲሜራታውሱ። 4 ዳይናይ ጉላ ዎዳሰ ኢ ኦዳ ሲዶና ኢጻሰ፡ ሺን ጉዬፔ ባ ዎዛናን፡ ታኒ ያሳሰ ያዮና፡ ኣሳሰ ዬላቶና ኢጻኮካ፤ 5 ሃ አምዒያ ታና ዋይሲያ ገሺ እው ፐርዳና፤ ያቶና ኢጻኮ ኡባ ዎዳ ያዳ ታና ሳሊላና» ያገዲ ቆፐርሰ» ያገሰ።

37 ኤንቲ፡ «ሳዳው አው ኤኬታኔ?» ያገዲ ኦይቲደሶና።
ኢ፡ «ባወቲ ዳዒያ ቤሳን ኣንኮቲ ሺቆሶና» ያገሰ።

18

ሚኒዲ ዎሳና ማላ ታማርሲሰ

1 ዬሱሱ ባ ታማራታ ኣዛሎና ኡባ ዎዳ ዎሳና ማላ ታማርሳናው ኮዪዲ ያገዲ ሎሚሶ ኦዲሰ። 2 «ኢሲ ካታማን ያሳሰ ያሸቶና ኣሳሰካ ዬላቶና ኢሲ ዳይኒ ዳዒሰ 3 ሄ ካታማን ኢሲ አምዒያ ዳዒውሱ። ኢያካ፡ ታወኔ ታ ሞርኪያሰ ገደን ዳዒያ ሞቲዎ ፐርዳ፡ ያጋዳ ኡባ ዎዳ ሄ ዳይናኮ ሲሜራታውሱ። 4 ዳይናይ ጉላ ዎዳሰ ኢ ኦዳ ሲዶና ኢጻሰ፡ ሺን ጉዬፔ ባ ዎዛናን፡ ታኒ ያሳሰ ያዮና፡ ኣሳሰ ዬላቶና ኢጻኮካ፤ 5 ሃ አምዒያ ታና ዋይሲያ ገሺ እው ፐርዳና፤ ያቶና ኢጻኮ ኡባ ዎዳ ያዳ ታና ሳሊላና» ያገዲ ቆፐርሰ» ያገሰ።

6 ሳዳይካ፡ «ጌላ ዳይናይ ገዳይሳ ሲዒዳታ፤ 7 ያሳይ ቃማኔ ጋላሰ ኢያኮ ዋሲያ ባ ደሪዳይሳታሰ ፐርዳኔዬ? ኤንታና ማዳናው ጋምዒዬ? 8 ታ ሂንቴው ኦዳይሳ ሲዒቲ፡ ኤሌሲዲ ፐርዳና። ገደሺን፡ ኣሳ ናግደ ያ ዎዳ ሳግ ቦላ አማና ዳማንዳሻ?» ያገሰ።

ፋሪሳዊያኔ ቃራዮ ቃንጻሴይሳ

9 ቃሲ ዛሪዲ፡ ዬሱሱ፡ ባንታና ጻሎ ኣሳዳ ኦሊዲ ጨቄቲይሳታሲኔ ሃራታ ካጼይሳታሰ ሃይሳዳ ያገዲ ሎሚሶ ኦዲሰ። 10 «ናምቡ ኣሳቲ ዎሳናው ያሳ ኬላ ቢደሶና። ኢሶይ ፋሪሳዊ ሃንኮይ ቃሲ ቃራዮ ቃንጻሴያ ኣሲ። 11 ፋሪሳዊይ ኤቄዲ ባው ዎሲሼ፡ ሰሳው ታኒ ሃራታ ማላ ቦንቃንቸ፡ ጌላኔ ላይማቲያ ኣሲ፡ ኣጼዳ ቃሲ ሃ ቃራዮ ቃንጻሴያ ኡራ ማላ ገደና ገሺ ኔና ጋላታይሰ። 12 ሳሚንታሬ ናምቡ ቶሆ ያማይሰ፡ ታ ዳሚያባ ኡባሬ ኣሲራታ ኬሳይሰ» ያገሰ።

13 «ሺን ቃራዮ ቃንጻሴይሲ ቃሲ ሃሆን ኤቄዲ ሃሪ ኣቶሺን ሳሎ ቆቄ ገዲ ጻላናውካ ያዪዲ ባ ተራ ኢጨሺ (ሰሳው፡ ታና ናጋራንቸዎ ማርርኪ) ገዲ ዎሲሰ። 14 ታ ሂንቴው ኦዳይሳ ሲዒቲ፤ ፋሪሳዊያፔ ሃይሲ ቃራዮ ቃንጻሴይሲ ያሳ ሲንላን ጻሎ ገዲዲ ባ ሶ ሲሚሰ። ኣይሰ ገኮ፡ ባና ቆቄ ቆቄ ኦሊያ ኣሲ ካዉያና፡ ባና ካዉሺያ ኣሲ ቆቄ ቆቄ ጋና» ያገሰ።

* 17:18 ሃ እላጋ ኡራፔ፡ ባር ሃርጌያፌ ፓዲዳ ኡራይ እላጋ ጌቲቲዳይ ኢ እይሁዲ ገደና ገሺሳ። 17:26 ሚዲ 6:5-8 17:27 ሚዲ 7:6-24 17:28 ሚዲ 18:20-19:25 17:31 ማቶ 24:17-18፤ ማር 13:15-16 17:32 ሚዲ 19:26 17:33 ማቶ 10:39፤ 16:25፤ ማር 8:35፤ ሉቃ 9:24፤ ዮሃ 12:25 † 17:36 ኢሲ ኢሲ ማፃፋታን ፓደዶ 36 ዳና። 18:14 ማቶ 23:12፤ ሉቃ 14:11

ዩሱጳኔ ዮጋ ናይታ

(ማቶ 19:13-30፤ ማር 10:13-31)

15 ዩሱሱ ዮጋ ናይታ ቦላ ባ ኩሺያ ዎሊ ደረጃ ማላ አሳይ ኢያኮ ኤሆሶና፡ ዩሱሳ ታማራቲ ሃሳ ቤዒዲ አይሰ ዩሱሳኮ ኤሃቲ ያገዱ ካጩደሶና፡ 16 ሺን ዩሱሱ ናይታ ባኮ ያገዱ፤ «ዮጋ ናይቲ ታኮ ያናይሳ ደጎጎጎቲ፤ ዮ ገቲ፡ አይሰ ገኮ፡ ያሳ ካዎቴሳይ ኤንታዳ ሃኒዲይሳታሳ፡ 17 ታኒ ሃንቴው ቱማ ኦዲይሰ፤ ያሳ ካዎቴሳ ዮጋ ናይታላ ኤኮናይ ኦኒካ ያ ገሌና» ያገሰ።

ዲሬ ኡራ ኦይሻ

(ማቶ 19:16-30፤ ማር 10:17-31)

18 አይሁዳ ሃላታታጉ ኢሶይ፡ «ኩሃ አሰታማሪያው፡ ማሪና ደዑዎ ዳማናው አይ ኦሎ?» ያገዱ ኦይቸሰ።

19 ዩሱሱ ኢያኮ፡ «አይሰ ታና ኩሃው ያገዳ ያገይ? ኢሲ ያሳፊ ኣቲን ሃሪ ኩሃ ባዎ፡ 20 ላዎፋ፡ ዎዶገ፡ ካይሶቶገ፡ ዎርዶ ማርካቶ፡ ኔ አዎኔ ኔ አደው ቦንቻ ያገያ ኪታ ኡራይ» ያገዱ ኦይቸሰ።

21 ኡራይካ፡ «ሃሳታ ኡባ ታኒ ናዓቴላፊ ደማዳ ናገሽ ጋምዓስ» ያገሰ።

22 ዩሱሱ ሃሳ ሲዒዳ ዎደ «ሃዛ፡ ኔው ኢሲባይ ፓጩስ፤ ኔው ዳዒያባ ኡባ ባይዛዳ ማንቆታሰ ኢማ፤ ሳሎን ኔና ሻሎይ ናገሰ። ያታ ሲማዳ ታና ካላ» ያገሰ። 23 ሺን ኡራይ ሃሳ ሲዒዳ ዎደ ኢያው ዳር ሻሎይ ዳዒያ ገሾ ዳር ቁርቲስ።

24 ዩሱሱ ኡራ ቤዒዲ፡ «ዲሬ አሳስ ያሳ ካዎቴሳ ገሎይ ዎኒዲ ኡንዓንዳሻ? 25 ዲሬይ ያሳ ካዎቴሳ ገላናይሳፊ ገማሌይ ናርፕ ሉሆራ ካንጼይሲ ካዉዬስ» ያገሰ።

26 ሃሳ ሲዒዳ አሳይ፡ «ሃሳ ገዲኮ ኦኒ አታኔ?» ያገደሶና።

27 ዩሱሱ፡ «አሳስ ዳንዳዒቶናባይ ያሳስ ዳንዳዒቲስ» ያገሰ።

28 ጴዳርሲ፡ «ሃኮ ኦኒ ኑባ ኡባ አገዲ ኔና ካሊዳ» ያገሰ።

29 «ዩሱሱ ቱማ ታ ሃንቴው ኦይይሰ፤ ያሳ ካዎቴሳስ ገዲ ባ ኩሳ ዎይኮ ባ ማቸው ዎይኮ ባ ኢሻታ ዎይኮ ባ አዎኔ ባ አደው ዎይኮ ባ ናይታ አገዲይ፤ 30 ሃ ዎዲያን ዳኮ ዳር፡ ያና አላሚያን ማሪና ደዑዎ ኤኮናይ ኦኒካ ባዎ» ያገሰ።

ዩሱሱ ባ ሃይቁዋባ ዛሪ ኦዲስ

(ማቶ 20:17-19፤ ማር 10:32-34)

31 ዩሱሱ ታማኔ ናምዓታ ባኮ ያገዱ፡ «አኔ ዩሩሳላሜ ቦስ፡ ናቤቲ አሳ ናዓባ ዓፊዳባ ኡባይ ያን ፖሊታና። 32 ኢ አይሁዳ ገደና አሳስ አዲዲ አሜታና፡ ኤንቲ ኢያ ቶቻና፡ ጫያናኔ ኢያ ቦላ ጩታና። 33 ኢያ ጋራፊዳፔ ጉዬ ዎዳና፡ ሺን ሃቫንሎ ጋላሳን ኢ ሃይቆፔ ዳንዳና» ያገሰ።

34 ሺን ኢያ ታማራቲ ሃሳ ኡባፊ ኢሲባካ አኩኪቦኮና፡ ኢያ ፀራይ ኤንታው ቆሴቲዳ ገሾ ኢ ዎይገዳኮ ኤሪቦኮና።

ቆቄ ኡራይ ያለሰ

(ማቶ 20:29-34፤ ማር 10:46-52)

35 ዩሱሱ ኢያርኮ ማታቲያ ዎደ ኢሲ ቆቄ ኡራይ ኦኒ ጋፃን ኡቲዲ ዎሴስ። 36 ቆቄ ኡራይ አሳይ ሃ ቤሳራ አዲሺን ሲዒዲ፡ «ኢ አይቤ?» ገዲ ኦይቸሰ። 37 ኤንቲ፡ «ናዚሬቴ ዩሱሱ ሃይሳራ አዴስ» ያገደሶና።

38 ኢ፡ «ዳዊቲ ናዓው፡ ዩሱሳ፡ ታና ማራርኪ» ያገዱ ዋሲስ።

39 ሲንጼ ሲንጼ ቤያ አሳቲ፡ «ሲዒ ጋ» ገዲ ሃንቄቲደሶና፡ ሺን ኢ፡ «ዳዊቲ ናዓው፡ ታና ማራ» ያገዱ ዳርሲ ዋሲስ።

40 ዩሱሱ ኡቄዲ ኡራ ባኮ ኤሃና ማላ ኪቲስ። ኡራይካ፡ ኢያኮ ሸቁን፡ 41 «ታ ኔው አይ ኦላና ማላ ኮያይ?» ያገዱ ኦይቸሰ።

ቆቄይ፡ «ሳዳው ታ ያላናው ኮያይስ» ያገሰ።

42 ዩሱሱ፡ «ዳላ፡ ኔ አማናይ ኔና ፓሕስ» ያገሰ። 43 ኡራይ ሰሀዎራ ያለ አገሰ። ያሳ ቦንቸሽ ዩሱሳ ካሊሰ። አሳ ኡባይ ሃሳ ቤዒዲ ያሳ ጋላቲደሶና።

19

ቃራዓ ቃንዲሲያ ዛኪዮሳ

1 ዩሱሱ ኢያርኮ ገሌዲ አዴስ። 2 ያን ዛኪዮሳ ገቲቲያ ቃራዓ ቃንዲሲያሳ ሃላቃይ ዳዒስ። ኢ ዳር ደራ። 3 ኢ ዩሱሱ ኦኒኮ ቤዓናው ኮዩስ። ኢ ቃንሌ ገዲያ ገሾ አሳ ዳርቴላፊ ዳንደይሳን

ዩሱስ በዓናው ዳንዳቢና። 4 ዩሱስ በዓናው ኮዪዲ ኢ በያ ኦጊያስ ሲንጩ ዋጂ ቢዲ ኢሲ ቦባ ማሳ ቦላ ከዪሲ።

5 ዩሱስ ሄ በሳ ጋኪሼ ቁቁ ገዲ ቤዲዲ፣ «ዛኪዮሳ፣ ሃቺ ታ ኔ ሶን ፔዓናው ቤሲያ ገሾ ኤሌ ዋቋ» ያገለገለ። 6 ኢ ኤሌሲ ዋቋዲ ኡፋይሳን ዩሱስ ሞከሰ።

7 ሄ በሳን ዳዒያ አሳ ኡባይ ሄሳ ቤዲዲ፣ «ናጋራንቸዋ ሶ ጌሊዲ ሞኪታንው ሃኔስ» ያገዲ ዙዙሚዶሶና። 8 ገደሽን፣ ዛኪዮሲ ኡቁዲ ጎዳኮ፣ «ጎዳው፣ ሄኮ ታው ዳዒያ ሻሎ ኡባፌ ባጋ ማንቆታስ አማና፣ አጎቲ አይባካ ዋርድን ባሌላዳ ኤኪዳባ ገዲኮ ኦይዲ ኩሼ ዛራና» ያገለገለ።

9 ዩሱስ ቃሲ፣ «ሃ ኡራይ ኡብራሃሜ ናባ ገዲዳ ገሾ ሃቺ አቶቱላይ ሃ ሶ ዪሲ። 10 አሳ ናዒይ ዪዳይ ቋዪዳይሳ ኮያናሳኔ አሻናሳ» ያገለገለ።

ታሙ ሚናኔታ ለሚሱዋ (ማቶ 25:14-30)

11 አሳይ ሄሳ ሲዒያ ዋዪ ዩሱስ ዩራሳላሚ ማታቲዳ ገሾኔ ያሳ ካዋቱላይ ሃዒ ማታራ ቆንጫና ዳኒዳ ገሾ እንታው ለሚሶ ኦዲሰ። 12 ሄሳ ገሾ፣ ዩሱስ፣ «ኢሲ ገታ አሲ ዳዒይሲ ባው ካዋቱላ ኤኪዳ ያናው ሃራ ቢታ ቢሰ። 13 ኢያው ኦሊያ አይሌታፔ ታማታ ጃገዲ ኢሱዋስ ኢሱዋስ ታሙ ሚናኔ * አሚዲ ታ ሲማዳ ያና ጋካናው ሃ ሚሽያራ ዛዳዲቱ» ያገለገለ።

14 «ሄ ቢታ አሳይ ኢያ ኢጃያ ገሾ ሃ ኡራይ ኑ ቦላ ካዋታና ሚላ ኑ ኮዮኮ ያገዲ አሴ ኢያ ጉዮራ ከቲዶሶና።

15 «ገደሽን፣ ሄ ኡራይ ካዋ ገዲዲ ባ ቢታ ሲሚሰ። ሄ ታሙ አይሌቲ ኢ አሚዳ ሚሽያን አይ ሚላ ዛዳዲ ዋቋሲዳኮ ኡራናው ኮዪዲ እንታና ጃገሲሰ።

16 «ኮይርይሲ ዪዲ፣ ሳዳው፣ ኔ ታው አሚዳ ሚሽይ ሃራ ታማ ዋቋሲ» ያገለገለ።

17 «ኢያ ጎዳይ፣ ሳዳ አማኔቲዳ አይሌያው ሎዎ ኦላዳሳ። ኔገ ጉላባን አማኔቲዳ ገሾ ኔው ታሙ ካታማታ ቦላ ማታ አማሰ» ያገለገለ።

18 «ናዋዓንሳይካ ዪዲ፣ ሳዳው፣ ኔ ታው አሚዳ ሚሽይ ሃራ ኢቻሻ ዋቋሲ» ያገለገለ።

19 «ጎዳይ ኢያኮ፣ ሳዳው ከላይ ኢቻሹ ካታማታ ቦላ ማታ አማሰ» ያገለገለ።

20 «ሄኮ ሃንሳይ ዪዲ፣ ሳዳው፣ ታ ጨርቃን ዓዓዳ ናገዳ ኔ ሚሽያ ሃናሹ። 21 አይሰ ገኮ፣ ኔገ ኔባ ገደናባ ኤኪይሳኔ ከ ዜርናባ ቡጨያ ኢታ አሲ ገዲያ ገሾ ኔው ያያሰ» ያገለገለ።

22 «ኢያ ጎዳይ ዛራዲ፣ ሳዳ ኢታ አይሌያው ኔ ደናሶ ታ ኔና ፐርዳና። ታ ዋሶና ኤኪይሳኔ ዜርናባ ቡጨያ አሲ ገዳይሳ ኔ ኤሪኮ። 23 ታ ያዳ ታ ሚሽያ ዋቋራ ኤካና ሚላ ዛዳዲ አሳሰ አይሰ አማሲኪ?»

24 «ኢያ ጎዳይ ሄ በሳን ኤቁዳይሳታኮ፣ ሳዳ ዳዒያ ሚሽያ ኤኪዲ ታማ ዋቋሲዳይሳሰ አሚቱ» ያገለገለ።

25 «ኢንቲ፣ ሳዳው፣ ኢያው ካሴካ ታሙ ሚናኔይ ዳዒስ» ያገደሶና።

26 «ጎዳይ፣ ታ ሃንቲው ኦዳይሰ፣ ሳዳዒያ ኡባሰ ሃራ ጉዜታና፣ ሽን ባይናይሳፌ ሃራይ አቶ ኢያው ዳዒያራካ ኤኪታና። 27 ገደሽን፣ ታ እንታ ቦላ ካዋቶና ሚላ ኮዪዳይሳታ ሄ ታ ሞርኬታ ሃ ታ ሲንጩ ኡዲ ጎይሪቱ» ገሰ» ያገለገለ።

ዩሱስ ገታ ቦንቸን ዩራሳላሚ ጌሊሲ (ማቶ 21:1-11፤ ማር 11:1-11፤ ዮሃ 12:12-19)

28 ዩሱስ ሄሳ ኡዲዳይሳፌ ጉዬ እንታፌ ሲንጩ አቋ ሃሙቲዲ ዩራሳላሚ ቢሰ። 29 ሻማሆ ዳሪያ ተ ቦላ ዳዒያ ቤቱፋኔ ቢታኒያ ማታቲዳ ዋዪ ባ ታማራታኒ ናሞዓታ ያገዲ ከቲሰ። 30 «ሃንቲ ሲንላን ዳዒያ ትታ ቤቱ፣ ሃንቲ ያ ጋኪያ ዋዪ ኦኒካ ቶጎና ቃሹቲዲ ዳዒያ ሃራ ሚዳማና። ኢያ ቢሊዲ ሃ ኤኪ ዪቱ። 31 ኦኒካ፣ ሳይሰ ቢሌቲ?» ገዲ ዶይቸኮ፣ ሳዳይ ኢያ ኮዬሰ» ያገቱ» ያገለገለ።

32 ከቲቲዳይሳቲ ቢዲ ኢ ገዳይሳዳ ሃኒን ቤዲዶሶና። 33 ኤንቲ ሃራ ማራ ቢሊሽን ጎዳቲ ቢዲዲ፣ «ሃራ ማራ አይሰ ቢሌቲ?» ያገደሶና።

34 ኤንቲ ዛራዲ፣ «ጎዳይ ኢያ ኮዬሰ» ያገደሶና።

35 ያፔ ሃራ ማራ ዩሱሳኮ ኤሂዶሶና። ባንታ ማዑዋ ሃራ ማራ ዙኮን ዩገዲ ዩሱሳ ሃራ ማራ ቦላ ኡቲሰዶሶና። 36 አሳይካ ኢ በያ ኦጊያ ቦላ ባንታ ማዑዋ ሃሂዶሶና።

37 ሻማሆ ዳሪያ ዳጌላ ዋቋሲያ ኦጊያኮ ማቲያ ዋዪ ታይቦን ከሄ ዳር አሳይ ኤንቲ ቤዲዲ ማላሊሲያባን ኡፋይቲዲ ባንታ ቃላ ቁቁ ኦሊዲ።

38 «ጎዳ ሱንላን ያ ካዋይ ኢንጅቲዳይሳ

19:10 ማቶ 18:10 19:11 ማቶ 25:14-30 * 19:13 ሚናኔ፣ ሚናኔይ ገሪኬ ዳና፣ ኢሲ ሚናኔይ ኢሲ ጋላሳ ኦጎንቸስ ሄዙ ኢኒና ዳሞዚ ገዳሰ። 19:26 ማቶ 13:12፤ ማር 4:25፤ ሉቃ 8:18 19:27 ማቶ 25:14-30 † 19:29 ሻማሆ ዳሪያ፣ ሻማሆይ ዳር ደሊያ ዳራ ጉሰ።

ሳሉዋን ሳርይ
ኡባፌ ጾቃ ሳሉዋን ቦንቾይ
የሳስ ጊደ።»

ያገደዱ የሳ ጋላተዶሶና።

³⁹ እሳ ገደፌ ኢሲ ኢሲ ፋሪሳዌጥ ዩሱሳኮ፡ «እስታማሪያው፡ ኔ ታማሪታ ሃይዚቴ ጋዳ ሃንቁታ»
ያገደሶና።

⁴⁰ ኢ ኤንታኮ፡ «ኤንቴ ሰራ ገኮ ሹቻቴ ዋሳና» ያገሰ።

⁴¹ ዩሱሲ ዩራሳላማ ማተሼ ካታማ ቤዒዲ ኢያው ዩከሰ። ⁴² «ኔው ሳር ገደናይሳ ሃቺ ኔ ኤሪዳባ ገዲያኮሽን፡ ሃዒ ኔ አይፊያፕ ገሚሰ። ⁴³ ኔ ሞርኬቴ ኔ የሹዋ ዲሪዲ ዲማ ዲማ ኦጊያራ ኔና ተቁዲ ኡንጫሊያ ዋይይ ያና። ⁴⁴ ኔና ኔ ዲርሳ ጋርሳን ዳዒያ ኔ ናይታ ጳይሳና። ኢሲ ኢሲ ሹቹ ዳንሱዲ ላላና፡ አይሰ ገኮ የሳይ ኔና አሻናው ያ ዋዲያ ኤራባካ» ያገደዱ ኢው ዩከሰ።

⁴⁵ ሃሳፌ ጉዬ፡ ዩሱሲ የሳ ኬላ ጌሊዲ ዛልዒይሳታ ያፕ ጎዲሰ። ⁴⁶ ቃሲ፡ « ታ ኬላይ የሳ ዋሲያ ኬላ ገደናን ገዲ ያፊቴሰ፡ ሽን ሃንቴ ታ ኬላ ፓንጋታ ጎንጎሎ ኦሊዳታ» ያገሰ።

⁴⁷ ጋላስ ጋላስ የሳ ኬላን ታማርሲሰ። ካሂኔታ ሃላቃቲ፡ ሃጌ አስታማሪቴኔ ዳሪያ ጨማቴ ኢያ ዋጻናው ኦጊ ኮዮሶና። ⁴⁸ ገደሽን፡ እሳ ኡባይ ኢያ ቲሚርቴያ ባንታ ዋዛና ዩጊዲ ሰዒያ ገሹ ኤንታው ኦፋናባይ ጳይሰ።

20

ዩሱሳ ማታይ አይሁዳታስ ኦይሹ ገዲሰ

(ማቶ 21:23-27፤ ማር 11:27-33)

¹ ኢሲ ጋላስ ዩሱሲ የሳ ኬላን እሳ ታማርሲሽኒኔ ዋንጌላ ማርካቴሽን፡ ካሂኔ ሃላቃቲ፡ ሃጌ አስታማሪቴኔ ዳሪያ ጨማቴ ኢሲፌ ኢያኮ ዩዲ፤ ² «ኔጌ ሃይሳታ አይሲ ማታን ኦሊያኮ ኮስ ኦዳ። ሃ ማታ ኔው አሚዳይ ኦኔ?» ያገደዱ ኦይቺዶሶና።

³ ኢ ኤንታኮ፡ «ታካ ሃንቴና ኢሲባ ኦይቻና፡ አኔ ታው ዛሪቴ። ⁴ ያማቂያ ዮሃንሳ ዊንቃቴይ ያሳፊዬ አሳፕ?» ያገሰ።

⁵ ኤንቴ ዋሊ ገደን ያገደዱ ዘሪቴዶሶና፡ «የሳፌ ገኮ ያፕ፡ አይሰ አማኒቤኬቴ?» ያጋና።

⁶ «አሳፕ ገኮ፡ እሳ ኡባይ ዮሃንሳ ናቤ ገዳይሳ አማኒያ ገሹ ኦና ሹቻን ጫዶና።»

⁷ ያጊያ ገሹ፡ «አገጣጥ ኮ ኤርኮ» ያገደዱ ዘሪዶሶና።

⁸ ዩሱሲ ዘሪዲ፡ «ሃዛ፡ ታካ አይ ማታን ሃይሳታ ኦሊያኮ ሃንቴው ኦዲኬ» ያገሰ።

ጎሻንቾታ ለሚሱዋ

(ማቶ 21:33-46፤ ማር 12:1-12)

⁹ ሃሳፌ ጉዬ፡ ዩሱሲ ያገደዱ ሃ ለሚሱዋ እሳስ ኦዲሰ፡ «ኢሲ ኢሲ ዋይኔ ቶከሰ። ጎሻንቾታስ ኬራ አሚዲ ዳር ዋይ ጋምዒዲ ያናው ሃራ ቢታ ቢሰ። ¹⁰ ዋይኔ አይፊያ ማይያ ዋይይ ጋከን ዋይኒያ አይፊያፕ ኢያው ዩዳና ሚላ ጎሻንቾታኮ ባ አይሊያ ከቴሰ። ሽን ጎሻንቾቲ ሄ አይሊያ ኦይከዲ ዋጲዲ ሚላ ኮሹ ዩዲዶሶና። ¹¹ ካሊዲካ ሃራ አይሊያ ከቴሰ። ቃሲ ጎሻንቾቲ ኢያ ዋጲዲ፡ ካገሸዲ ሚላ ኮሹ ዩዲዶሶና። ¹² ሃዒካ ዘሪዲ ሄዘንሳ አይሊያ ከቴሰ። ጎሻንቾቲ ኢያ ማዲንዲሲዲ ዋይኒያ ገደፌ ጋዓ ከሲዲ ዩገደሶና።

¹³ «ዋይኒያ ጎዲይ፡ «ያቴን ታ አይ ኦላ? አኔ ቃሲ ታ ዶሲያ ታ ናና ዩዳና፤ ኦኔ ኤሪ ኤንቴ ኢያ ቦንቾና አንኮና» ያገሰ።

¹⁴ «ሽን ጎሻንቾቲ ኡራ ናባ ቤዒዲ ዋይ ሃይሲ ኢያ ላቴይሳ፡ ሃ ዩቴ ኢያ ዋጻና፡ ያቴኮ ላታይ ኮስ ገደና» ያገደዱ ዘሪቴዶሶና። ¹⁵ ዋይኒያ ገደፌ ጋዓ ከሲዲ ዋጲዶሶና።

«ያቴን፡ ዋይኒያ ጎዲይ ሄ አሳታ ዋታኔ? ¹⁶ ዩዲ ሄ ጎሻንቾታ ጳይሳና፡ ዋይኒያ ቤሳ ሃራ አሳታስ አማና። አሳይ ሃሳ ሰዒዳ ዋይ (ሽንቻሌ ሃሳ ሚላባ ኤሆፕ) ያገደሶና።

¹⁷ ዩሱሲ ኤንታ ጫዲ ያሊዲ፡

«ያቴን ገሞቤ ከዊያ አሳቲ ቦሪዳ ሹቻይ፡

ኬላስ ማላኔ ሚሮቴላ አሚያ ኡባፌ አጲያ ሹቹ ገዲሰ»

ጌቴቲዲ ያፊቴዳይሳ ቢርሹላይ አይቤ? ¹⁸ ሄ ሹቻ ቦላ ኮንዲያ ኡባይ ቆፃታና፡ ሹቻይ ኢያ ቦላ ዋጲያ ኡባይ ሊቃና» ያገሰ።

¹⁹ ሃጌ አስታማሪቴኔ ካሂኔ ሃላቃቲ ሃ ለሚሶይ ኦይቴዳይ ኤንታ ቦላ ገዳይሳ ኤሪዲ ሄ ዋይ ኢያ ኦይካናው ኮዩዶሶና፡ ሽን አሳስ ባቢዶሶና።

ገራባ

(ማቶ 22:15-22፤ ማር 12:13-17)

20 ሄጎ ገራብ፣ ዩሱፍ ዳሪያ ሃሪያ ሮሜ ካወቀ ማገሰ አሊ አማኛው ኮዬዲ ኢያ ደናፔ ባላ ቃላ ናጎሶና። ሄጎ ፖሊሳናው ሂሎ ዳኒዲ ጨሚያ አሳታ ኢያኮ ከተደሰና። 21 ከተተዲ ቢዳ አሳቲ፣ «አሰታማሪያው፣ ኔኒ ኦዳይሲኔ ታማርሴይሲ ሊኬ ገዳይሳ፣ ቃሲ ያሳ ኦጊያ ቱማቴላጎ ታማርሴይሳኔ ኦናካ ሻኮናይሳ ኑ ኤሮሰ። 22 ሃናሺን፣ ሮሜ ካወቀሰ ገራ ገራናው ቤሲ ቤሴኔ?» ያገዲ ኢያ ኦይቸደሶና።

23 ሺን ኢ ኤጎታ ዋዛና ኢታቴላ ኤሪዳ ገሾ 24 «አኔ ታና ኢሲ ሳጎቲሜ ቤሲቴ፣ ኢያ ቦላ ዳዒያ ማሲሊይኔ ሱጎሳይ ኦዳባዬ?» ያገሰ።

ኤጎቲ ዛሪዲ፣ «ሮሜ ካወቀ ቁሳሪይሳ» ያገደሶና።

25 ኢ ዛሪዲ፣ «ያተኮ፣ ቁሳሪይሳ ቁሳሪሰ፣ ያሳይሳ ያሳሰ አሚቴ» ያገሰ።

26 ሄጎ ገሾ፣ ኢ ዛሪዳ ዛራዋን አሳ ሲጎሳጎ ባላ ዳማናው ዳጎዳዒቦኮና። ኢያ ዛራዋን ማላሌተዲ ሲዒ ገደሶና።

ሃይቆፔ ዳጎደባ

(ማቶ 22:23-33፤ ማር 12:18-27)

27 ሃይቆፔ ዳጎደይ ባዋ ያገያ ሳዲቃዊታፔ ኢሶቲ ኢሶቲ ዩሱሳኮ ዩዲ፣ 28 «አሰታማሪያው፣ ኢሲ አሲ ማቾ ኤኪዲ ናባ ዩሎና ሃይቁኮ፣ ኢያ አሻይ ሄ ማጫሲው ኤኪዲ ናይታ ዩሊዲ ባ አሻሰ ዜሬላ አሻና ማላ ሙሴይ ፃፊሰ። 29 ሄኮ ላፑን አሻቲ ዳያሶና፣ ኮይሮይሲ ማቾ ኤኪዲ ናባ ዩሎና ሃይቁሰ። 30 ናምዓጎላይ ኢዮ ኤኪዲ ናባ ዩሎና ሃይቁሰ። 31 ሄቫጎላይካ ሄሳላ ሃኒሰ። ላፑናቲ ኡባይ ሄሳዳ ሃኒዲ ኢዮ ኤኪዲሶና፣ ሺን ናባ ዩሎና ሃይቁደሶና። 32 ወርሴላጎ ማጫሲያ ሃይቃሰ። 33 ሃዛ፣ ላፑን አዳይ ኢዮ ኤኪዲ ገሾ ሃይቆፔ ዳጎዲያ ዋይ ኢያ ኦዳ ማቾ ገዳኔ?» ያገዲ ኦይቸደሶና።

34 ዩሱሲ ዛሪዲ፣ «አሳይ ሃ ዋዲያን ኤኮሶናኔ ገሎሶና። 35 ሺን ሃይቆፔ ዳጎዲዲ ያና አሳሚያን ዳናው ቤሴይሳቲ ኤኮኮናኔ ገሎኮና። 36 ኤጎቲ ከታጎቾ ማላ ገዲያ ገሾ ሲጎሳፊ ሃይቆኮና። ሃይቆፔ ዳጎዲዲ ገሾ ኤጎቲ ያሳ ናይታ። 37 ሙሴይ ጎዳ፣ ሓብራሃሚ ጎዳ፣ ዩሳቃ ጎዳ፣ ያይቆባ ጎዳ፣ ገዲ ቱሺያ ገደጎ ፀጌቲያ ታማ ታሪኪያ ፃፊዳይሳጎ ሃይቁዳ አሳይ ዳጎይይሳ ቤሴሰ። 38 ኡባይ ኢያው ዳያጎ ዩዒይሳታ ገዲያ ገሾ ኢ ዳያጎ ዩዒይሳታ ጎዳፔ አቲን ሃይቁዳይሳታ ጎዳ ገደና። ያገዲ ዛሪሰ።

39 ሂኔ አሰታማሪታፔ ኢሶቲ ኢሶቲ፣ «አሰታማሪያው፣ ሎዖባ ኦዳዳሳ» ያገደሶና። 40 ሄሳፊ ጉዬ፣ ሃራ ኦይሾ ኦይቻናው ያዩደሶና።

ኪሪሰቶሲ ኦዳ ናዒ

(ማቶ 22:41-46፤ ማር 12:35-37)

41 ኢያፔ ካሊዲ ዩሱሲ ኤጎታኮ፣ «አሳይ ኪሪሰቶሳ ዋቲዲ ዳዊቴ ናባ ያጎና? 42-43 አይሰ ገኮ፣ ዳዊቴይ ባ ሁዒን ባ ማፃፋን፣

፣ዮሳይ ታ ጎዳኮ «ታ ኔ ሞርኬታ

ኔ ቶሆይ ዩዲያሶ ኦላና ጋካናው

ታፔ ኡሻቻ ባጋጎ ኡታ» ገሰ» ያገሰ።

44 «ሃዛ፣ ዳዊቴይ ኪሪሰቶሳ፣ ሳዳ ገዲ ያገሺ ኢያው ናባ ዋኒዲ ገዲ?» » ያገሰ።

45 ዳሬይ ኡባይ ሲዒሺን ባ ታማሪታኮ፣ 46 «አዳሳ ማየ ማዒዲ ዩሼ ዳሴይሳታፔ፣ ገያጎ ቦንቾ ሳርሶ፣ አይሁዳ ዋሳ ኩላጎ ቦንቾ ኦይዴ፣ ሞኬቲያ ሶጎካ ቦንቾ ቤሲ ኮያ ሂኔ አሰታማሪታፔ ናጌቲቴ። 47 ኤጎቲ አምዒታ ኬላ ካሎዮሶና፣ ሂሎ አሲ ዳኒዲ ዋሳ አደሶሶና። ኤጎቲ ኢታ ፐርዳ ኤካና» ያገሰ።

21

አምዒ ሙዓታ

(ማር 12:41-44)

1 ዱሬ አሳይ ያሳ ኬላጎ ሙዓታ ሳዒኒያን ዩጊሺን ዩሱሲ ቶቁ ገዲ አሳ ቤዒሰ። 2 ቃሲ ኢሲ ማጎቆ አምዒያ ናምዑ ሲከና ዩጊሺን ቤዒዲ፣ 3 «ታ ሂንቴው ቱማ ኦዳይሰ፤ ሃ ማጎቆ አምዒያ ኡባፊ አላዳ አማሱ። 4 አይሰ ገኮ፣ ሃ አሳ ኡባይ ባጎታው ዳዒያባፔ አሚደሶና፣ ሺን ኢያ ባ ፓጪያፔ፣ ባው ዳዒያ አቁዋ ኡባ አማሱ» ያገሰ።

ወርሱላ ዋዲያ ማላታታ

(ማቶ 24:3-14፤ ማር 13:3-23)

5 ዬሱሳ ታማሪታቸውን አሰባ፣ አሰባ፣ ያሳ ስላይ ዳር ሎዲያ ሹቻኒኔ እሳይ ያሳሰ አሚዳ አምታን ሎዲዳይሳ ኦዴቶሶና፣ 6 ሺን ዬሱሳ፣ «ሃ ሂንቲ በዲያባይ ኡባይ ላላቶና፣ ሹቹ ሹቻ ቦላ ገምቤቲዳ ሚላ አቶና ዋዲያ ያና» ያገሰ።

7 አንቲካ፣ «አስታማሪያው፣ ሃ ኡባይ ሃናናይ አወደ? ቃሲ ሃይሲ ሃናናይሳሰ ማላታይ አይቤ?» ያገዲ ኦይቹደሶና።

8 ዬሱሳ ያገዲ አንታው ዛር አሚሰ። «ባሌቶና ሚላ ናጌቲቲ። ዳርቲ፣ ታጌ ከሪሰቶሳ፣ ዋዲያ ማታቲሰ» ያገሺ ታ ሱንላን ያና፣ ሺን ሂንቲ አንታ ካሎፊቲ። 9 ሂንቲ ኦላባይ እሳ ጌላቴላ ሲዲያ ዋዲ ዳጋሞፊቲ። ሄሲ ሲንላቲዲ ሃናናይሲ አቶናባ ገዲያ ገሾ ዋዲያ ወርሱላይ አሌሲዲ ዬና» ያገሰ።

10 ካሊዲካ፣ «ዳሬይ ዳሪያ ቦላ፣ ካዋቲሳይ ካዋቲሳ ቦላ ዳንዳና። 11 ጌታ ቢታ ቃይይ ሃናና፣ ኮሻይ፤ ጋይይ ዳማ ዳማ ቤሳን ዳራና፣ ያሺያባይ፤ ጌታ ማላታቲ ሳሎ፤ ቆንጫና። 12 ሺን ሃ ኡባይ ሃናና፤ ሲንሐ ታ ሱንላ ገሾ ገዲ እሳይ ሂንቲና ጎዳና፤ እይባና፣ አይሁዳ ዋሳ ከላን፤ ቃሾ ሱላን ሂንቲና ይጋና፣ ካዋታ ሲንሐይ ዳሪያ ሃራይሳታ ሲንሐ ሂንቲና ኤፋና። 13 ሄሲካ ታባ ሂንቲ አንታው ማርካታው ሎዎ ኦጌ ገዲና። 14 ሄሳ ገሾ፣ ሂንቲ ኦይሹቲያ ሞቲ ሃራ አማይ ገዲ ሂንቲ ዋዛናን አንዲቶና ሚላ አኪኪቲ። 15 እይሰ ገብ፣ ሂንቲ ሞርኬቲ ሂንቲራ ኤቋታናወይ ፓላማናው ዳንዳዎና ደና፤ ጨንጫቴሲ ታ ሂንቲው አማና። 16 ሃሪ አቶሺን፣ ሂንቲና ዬሊዳይሳቲ፣ ሂንቲ አሻቲ፣ ሂንቲ ዳቦቲ፤ ላጌቲ ሂንቲና አላ አማና። ሂንቲ ገዲፊ አሲታ አሲታ ዋዳና። 17 ታ ሱንላ ገሾ እሳ ኡባ ሲንላን ሂንቲ ኢጌቲዳይሳታ ገዳና። 18 ሺን ሃሪ አቶሺን፣ ሂንቲ ቢናና፤ አሲይካ ዳዳና። 19 ፖሎ ዳንዳዎን ሂንቲ፣ ሂንቲ ሹምፑዋ አሻና።»

20 «ዬራሳላሜ ካታማይ ዋታዳሬን ዲሬቲዲ ኡቲዳሺን ሂንቲ በዲኮ አያው ዳዮይ ማታቲዳይሳ ኤሪቲ። 21 ሄ ዋዲ ዪሁዳን ዳዲያ ኡባይ ዳሪያኮ ባቃቶ፣ ካታማን ዳዲያሳቲ ያፔ ከዮ፣ ጋፃሪያን ዳዲያሳቲ ካታማ ጌሎፖ። 22 እይሰ ገብ፣ ሃ ፃፊቲዳባይ ፖሊታና ሚላ ሄሲ ያሳይ ኩሼ ዛሪያ ዋዲ። 23 ሳሳ ቦላ ጌታ ሜቶይ ያና፣ ሄሳንካ እሳ ቦላ ያሳ ሃንቆይ ያና፣ ሄሳ ገሾ፣ ቃንላቲዳይሳታኔ ዳንሐይሳታ አዬ። 24 አንቲ ማሻን ሃይቃና፣ አሳ ኡባይ አላጋ ቢታ ዳዲያታና። አይሁዳ ገደና አሳ ዋዲያ ፖሊታና ጋካናው ዬራሳላሜ ኢንታናን ዬጴቲዳይሳ ገዳና።

25 «አዋን፣ አፍናን፣ ያሊንቶታ ቦላ ማላታቲ ሃኒዲ በንታና፣ አባፊኔ ዙሊያ ዴሹዋፔ ዳንዳይሳን ቢታን ዳዲያ እሳይ አንዲቶና ያርካና። 26 ሳሉዋ ዋልቃቲ ቡቋታና ገሾ እሳይ ያሻኒኔ ቢታ ቦላ አይቢ ሃናንዴሻ ገዲ ናሳን ባንታና ባሊታና። 27 ሄ ዋዲ አሳ ናዳይ ዋልቃኒኔ ጌታ ቦንቹዋን ሻራራ ዪሺን አንቲ በዳና። 28 ሂንቲ አቶቲሳይ ማታቲዳ ገሾ ሃ ሃናቲ ፖሊቲላ ኦይኪያ ዋዲ ጌቲ ኤቋቲ፣ ሂንቲ ሀዲያ ጶቁ አላዲ ያሊቴ» ያገሰ።

29 ካሊዲካ፣ ሃይሳዳ ገዲ ለሚሶ ኦዲሰ። «ባላሲ ሚሳኔ ሃራ ሚሳታ ኡባ በዲቲ። 30 አንቲ አጠያ ዋዲ ቶርቹይ ማታቲዳይሳ ሂንቲ ኤሬታ። 31 ሄሳዳ ሃ ሃናቲ ፖሊቲሺን ሂንቲ በዲኮ ያሳ ካዋቲሳይ ማታቲዳይሳ ኤሪቲ።

32 «ታ ሂንቲው ቱማ ኦዲይሰ፤ ሃ ኡባይ ፖሊታና ጋካናው ሃ ዬሌቲሳይ አዲና። 33 ሳሎይ፤ ሳሳይ አዳና፣ ሺን ታ ቃላይ አዲና።

34 «ሂዛ፣ ዳሲ ባይና ዳዎን፣ ኡሻ ዳርኒኔ ዲሳባሰ አንዲቶና ሂንቲ ዋዛናይ ኦይኬቶና ሚላኔ ሄ ቃማይ አኪኮና ያሄዳ ሂንቲ ቦላ ጋኮና ሚላ ናጌቲቲ። 35 ሄ ቃማይ ቢታ ኩሚሳን ዳዲያ ኡባ ቦላ ጋካና። 36 ሄሳ ገሾ፣ ያ ኢታቲ አታናወይ አሳ ናዳ ሲንላን ኤቃናው ዳንዳዎና ሚላ ኡባ ዋዲ ሚኒዲ ዋሲቲ» ያገሰ።

37 ጋላሰ ጋላሰ ዬሱሳ ያሳ ከላን ታማርሲሹ፣ ቃማ ቃማ ሻማሆ ዳሪያ ቦላ ከዪዲ አቄሰ። 38 እሳይ ኡባይ አያ ሲዳናው ዋንታ ጉራ አያኮ ያሳ ከላ ዮሶና።

22

ዪሁዲ ዬሱሳ አላ አማናው ማቋቋሰ

(ማቶ 26:1-5፣ 14፣ 16፤ ማር 14:1-2፣ 10-11፤ ዮሃ 11:45-53)

1 ሄ ዋዲ (ፋሲካ) ያገያ ኡይላ ባሊይ ማቲሰ። 2 ካሂኔ ሃላቃቲኔ ሂጌ አስታማሪቲ አሳሰ ያዪዳ ገሾ ዋቲዲ ዬሱሳ ባንታ ገዲፊ ቆይሳኒኮ ኦጌ ኮዮሶና። 3 ፃላሄይ ታማኔ ናምባታቲ አሲዋ ገዲዳ አስቆሪታ ዪሁዲ ጌቲይሳ ገዲ ገሊሰ። 4 ዪሁዲ ካሂኔ ሃላቃታኒ ያሳ ከላ ናጌይሳታ ሃላቃታኒ ቢዲ ዬሱሳ ዋቲ አላ አማኔኮ ኢንታራ ማቋቋሰ። 5 ኢንቲካ ሄሳን ኡፋይቲዲ ሚሼ አማናው አያራ ዘራቲደሶና። 6 አካ ዘራቲላን ገሊሰ። አላ ኢንታው አማናው አሲ ባይና ኢንጃ ዋዲ ናጌሼ ዳዴሰ።

ወርሱላ ካሁዋ

(ማቶ 26:17-25፤ ማር 14:12-21፤ ዮሃ 13:21-30)

7 ሃጻፊ ገዬ፣ ፋሲካ ደርሳይ ቸኩቲያ ኦይላ ባሌይ ጋኪስ። 8 ዬሱሲ፣ «ፋሲካ ካሁዋ ማና ማላ ቢዲ ኦስ ገረሰቱ» ያገዲ ጸጸርሳኔ ዮሃኒስ ከቲስ። 9 ኢንቲ፣ «ኮ ኣወን ገረሳና ማላ ኔ ኮያይ» ያገዲ ኦይቸደሶና። 10 ኢ ኢንታኮ፣ «ሂኮ ሂንቴ ካታማ ጌሊሽን ሃላ ኦቶ ቶኪዳ ኣዳይ ሂንቴራ ጋሂታና። ኢ ቢዲ ጌሊያ ከላ ኢያ ካሊዲ ጌሊቲ። 11 ከላዋኮ ኣስታማሪይ፣ ታታ ታታማሪታራ ዋላ ፋሲካ ካሁዋ ማናው ኣማላ ከሌ ኣወኔ? ያገሰን ጌቲ። 12 ኢ ጉቁያ ቦላ ሂጻቲዲ ገረዲ ዳዒያ ዳልጋ ከፊሌ ሂንቴና ቤሳና፣ ያን ገረሰቲ» ያገሰን። 13 ኢንቲ ቢዲ ዬሱሲ ገደይሳዳ ሃንን ዳሚደሶና፣ ፋሲካ ባሌ ካሁዋ ያን ገረሰደሶና።

14 ሳቲይካ ጋኪዳ ዋይ ዬሱሲ ሃዋሪታራ ዋላ ካሁዋ ቦላ ኡቲስ። 15 ኢ ኢንታኮ፣ «ታ ዋይ ኤካናፔ ሰንሌ ሃ ካሁዋ ሂንቴራ ማናው ዳር ኣዋታስ። 16 ሂዛ፣ ሰዒቲ! ያሳ ካዋቴላን ሃይሳስ ቢርሽላይ ፖሊታና ጋካናው ሃ ካሁዋ ዛራዳ ሚኬ» ያገሰን። 17 ኡቫ ኤኪዲ ጋላቲ ሰሚዲ፣ «ሂዒቲ ሃይሳ ሂንቴ ጌደን ቫኬቲቲ። 18 ሰዒቲ! ያሳ ካዋቴላይ ያና ጋካናው ሃቸፊ ደማዳ ሃ ዋይኔ ኡቫፊ ዛራዳ ኡዩኬ» ያገሰን።

19 ኡይሳ ኤኪዲ፣ ጋላቲ ሰሚዲ፣ «ሃይሲ ሂንቴው ኣሚቲያ ታ ኣሹዋ። ሃይሳ ኡሊሽ ታና ቆገቲ» ያገዲ ሚንላዲ ኢንታው ኣሚስ።

20 ሃሳዳካ፣ ካሁዋፔ ገዬ ኡቫ ኤኪዲ፣ «ሃ ኡቫይ ሂንቴው ጉኪዳ ታ ሱሳን ገዲያ ኦራሳ ጫቁዋ። 21 ገደሽን፣ ታና ኣሌ ኣሚያ ኡራ ኩሽይ ታራ ኢሰፊ ጋይታና። 22 ኣሳ ናዓይ ኢያው ጌቲቶይሳ ማላ ሃይቃናው ዳዔስ፣ ሽን ኢያ ኣሌ ኣሚያ ኡራ ኣይ» ያገሰን። 23 ኢንቲ ባንታ ገደን፣ «ሃይሳ ኦኒ ኦሳኔ» ገዲ ዋሊ ኦይቸደሶና።

24 ቃሲ ኢንታ ገደን ጌታ ገደናይ ኦኔ ጌያ ፓላሚ ማይቲስ። 25 ዬሱሲ ኢንታኮ፣ «ዳሪያ ካዋቲ ባንታ ኣሳ ዋልቃን ሃርሶና፤ ባንታ ዳሪያ ቦላ ጎዳቲይሳታስካ ባንታና፣ ሎዎ ኦሌይሳታን ያገዲ ቋጎሶና። 26 ሽን ሂንቴ ገደን ሃሳ ማላ ገደፖ። ሂንቴ ገደን ባይራቲይ ካሎዳ ሃና፤ ካሌሌይሲ ካሌይሳዳ ሃና። 27 ሃናሽን፣ ሞኬይሳፊኔ ሞኬቲይሳፊ ኣወሲ ኣጻ? ሞኬቲይሳ ገደኔይ? ሽን ታኒ ሂንቴ ገደን ሞኬይሳ ማላ።

28 «ሂንቴካ ታ ሚቲዋን ታ ሻኩቶና ታራ ሚኒዲ ኢቁዳይሳታ። 29-30 ሂንቴ ታ ጋይታፔ ማና ማላ፣ ኡያና ማላኔ ኣራታታ ቦላ ኡቲዲ ታማኔ ናዎፀ ኢስራዔሌ ሸቫታ ቦላ ፐርዳና ማላ ታ ኣዋይ ታና ሹሚዳይሳዳ ታካ ሂንቴና ታ ካዋቴላን ሹማና» ያገሰን።

31 ካሊዲካ ዬሱሲ፣ «ሰዋና፣ ሰዋና፣ ዓላሄይ ሂንቴና ገሰቲዳ ሃርቃናው ዋሲስ። 32 ሽን ታኒ ኔ ኣማይ ጳዮና ማላ ኔው ጋናታስ። ኔካ ሰሚዳ ዋይ ኔ ኢቫታ ሚንላ» ያገሰን።

33 ሰዋና፣ «ጎዳው፣ ታኒ ኔራ ቃሺታናዉኔ ሃይቃናው ጌኦታስ» ያገሰን።

34 ዬሱሲ ጸጸርሳኮ፣ «ታ ኔው ኦዳይስ፤ ሃቸ ኩቶይ ዋሳናፔ ሰንሌ ኔ ታና ሂቹ ቶሆ ካዳና» ያገሰን። 35 ካሊዲካ፣ ዬሱሲ ኢንታኮ፣ «ታኒ ሂንቴና ኮርጅይ፣ ካርጻቲይኔ ጫሚ ባይና ከቲዳ ዋይ ሂንቴው ፓጪዳባይ ዳዒ?» ያገዲ ኦይቸሰ።

ኢንቲ ዛሪዲ፣ «ኣይኮይካ ፓጪቤና» ያገደሶና።

36 ኢ ኢንታኮ፣ «ሃሳ ኮርጅይኔ ካርጻቲይ ዳዒይ ኦይኮ፤ ማሺ ባይናይ ባ ኣፊላ ባይዚዲ ማሻ ሻዎ። 37 ሃ ሰዒቲ! ርሌላታራ ታይቤቲስን ጌቲቲዲ ያፊቲዳይሲ ታናን ፖሊታናው ቤስስ። ኤ፣ ታ ገሾ ያፊቲዳባይ ፖሊቲይሲ ተማገቲስ» ያገሰን።

38 ኢያ ታማራቲ፣ «ጎዳው ሃይሳን ናዎፀ ማሺ ዳዔስ» ያገደሶና።

ኢ፣ «ገዳና» ያገሰን።

ዬሱሲ ሻማሆ ዳሪያ ቦላ ዋሲስ

(ማቶ 26:36-46፤ ማር 14:32-42)

39 ዬሱሲ ካሲ ሚዚቲዳይሳዳ ዳንዲዲ ሻማሆ ዳሪያ ቦላ ከዩስ። ኢያ ታማራቲ ኢያ ካሊደሶና። 40 ሄ ቤሳ ጋኪዳ ዋይ «ፓጩን ጌሎና ማላ ዋሲቲ» ያገሰን። 41 ኢንታፊ ሹቸ ሆሊን ጋኪያ ሶ ማላ ሃኪዲ ጉልባቲዲ ዋሲስ። 42 «ታ ኣዋው፣ ኔ ሽኔ ገዲኮ ሃ ሚቲዋ ታፔ ኣላ። ሽን ታ ሽኔ ገደፖ ኔ ሽኔይ ሃና» ያገዲ ዋሲስ። 43 ከታንቸይ ሳሎፔ ቆንጪዲ ሚንላስ። 44 ዳር ኡንዔቲዲ ሚንላዲ ዋሲስ። ኢያ ጫዋይካ ሱላ ያኪያዲ ሳዓን ያኪስ።

45 ዬሱሲ ዋሳ ወርሲዲ ባ ታማራታኮ ዩስ። ኢንቲ፣ ኣዛኒያፔ ዳንደይሳን ዳቡራዲ ጴስኪዳሽን ዳሚዲ፣ 46 «ኣይስ ጴስኬቲ? ፓጩን ጌሎና ማላ ዳንዲዲ ዋሲቲ» ያገሰን።

ዩሱሲ እይኩስ

(ማቶ 26:47-56፤ ማር 14:43-50፤ ዮሃ 18:3-11)

47 ኢ ቡር ኦዳ ቦላ ደዒሺን ዳር አሳቲ ዪደሶና። ታማኔ ናምዓታፔ ኢሶይ ዪሁዳ ጌቴይሲ ኢንታና ካሌሌስ። ኢ ዩሱሳ ዩራናው ማቲ ሸቂስ። 48 ሺን ዩሱሲ፡ «ዪሁዳ፡ አሳ ናዓ ዩራዳ አላ እማኔ?» ያገሰ።

49 ዩሱሳ ታማሬቲ ሄ ሃኑዋ ቢዒዲ፡ «ጎደው ማሻን ሸጪና?» ያገደሶና። 50 ኢንታ ገደፊ ኢሶይ ካሂኔ ሃላቃ ኦሳንቸዋ ሸጪዲ ኡሻቻ ሃይላ ቃንጃዲ ዩገሰ።

51 ሺን ዩሱሲ፡ «አጋ! ዲጎፊቲ» * ያገሰ። ኡራ ሃይላ ቦቸዲ ፓሌስ።

52 ሄሳፊ ጉዩ፡ ዩሱሲ ባና ኦይካናው ዪዳ ካሂኔ ሃላቃታኮ፡ ያሳ ኬላ ናጌይሳታ ሹማታኮኔ ጪማታኮ፡ «ፓኖ ኦይኪያ አሳዳ ማሺኔ ፃምዓ ኦይኪዲ ዪደቲ?» 53 ኡባ ጋላሰ ያሳ ኬላን ታ ሂንቴራ ደዒያ ዋይ ታ ቦላ ኩሼ ዋሌቤኪታ። ሺን ሃይሲ ፉማ ካዋቴላይ ሃራድ ዋይኔ ሂንቴ ዋይ» ያገሰ።

ጳጳርሲ ዩሱሳ ካዲሰ

(ማቶ 26:57-58፤ 67-75፤ ማር 14:53-54፤ 66-72፤ ዮሃ 18:12-18፤ 25-27)

54 ሄሳፊ ጉዩ፡ ዩሱሳ ኦይኪዲ ካሂኔ ሃላቃ ዛባ ኤፊደሶና። ጳጳርሲ ሃሆን ዩሱሳ ካሌስ። 55 አሳቲ ካሂኔ ሃላቃ ዛባን ታማ ኤሌዲ ዋላ ኡቲዳሺን ጳጳርሲ ኢንታራ ኢሲፊ ኡቲስ። 56 ኢሲ ኢይሊያ ጳጳርሲ ታማ ማታን ኡቲዳይሳ ጫዳ ጃላዳ፡ «ሃ ኡራይ ኢያራ ደዒስ» ያገሰ።

57 ሺን ጳጳርሲ፡ «ሃ ማጫሴቲ ታ ሄ ኡራ ኤሪኬ» ያገዲ ካዲሰ።

58 ጉላ ዋይፔ ጉዩ ኢሲ ሃራ አይይ ኢያ ቢዒዲ፡ «ኔካ ኢንታፊ ኢሱዋ» ያገሰ።

ሺን ጳጳርሲ፡ «ሃ አዲያው ታና ገዲኬ» ያገሰ።

59 ኢሲ ሳቲ ሜላ ጋምዒደፔ ጉዩ ኢሲ ሃራ አይይ ቲሊሲዲ፡ «ሃ ኡራይ ጋለላፔ ገዲያ ገሾ ሲጫይ ባይና ኢያራ ደዒስ» ያገሰ።

60 ሺን ጳጳርሲ፡ «ሃ አዲያው፡ ኔ ጌይሳ ታ ኤሪኬ» ያገሰ። ኢ ሄ ኦዳ ኦንጎና ደዒሺን ኩቶይ ዋሲስ።

61 ጎዳይ ጉዩ ሰሚዲ ጳጳርሳ ጃሊስ። ጳጳርሲ፡ «ሃቸ ኩቶይ ዋሳናፔ ሲንሌ ኔ ታና ሄቹ ቶሆ ካዳና» ያገዲ። ጎዳይ ኦዲዳ ቃላ አከኪስ። 62 ጳጳርሲ ካሪ ከዪዲ ዳር ኮኮሪዲ ዩኪስ።

63 ዩሱሳ ናጊያ አሳቲ ኢያ ሌቁሶኔ ደሸላ ኦይኪደሶና። 64 ኢያ ዳይፊያ ጎዲዲ «አኔ ቲንቢቲ ኦዳ፤ ኔና ዳቸዳይ ኦኔ?» ያገዲ ኦይቸሶና። 65 ሃራ ዳር ጫሼ ጫዪዲ ካወሾሶና።

ዩሱሲ ጳላያሳ ሲንላኔ ሄርዲሳ ሲንላኔ ሸቂስ

(ማቶ 26:59-66፤ ማር 14:55-64፤ ዮሃ 18:19-24)

66 ሳዒ ዋንቲያ ዋይ አይሁዳ ቢታ ጪማቲ፡ ካሂኔ ሃላቃቲኔ ሂጌ አሰታማሬቲ ሸቂዳ፤ ዩሱሳ ባንታ ሲንላኔ ሸሸደሶና። 67 ኢንቲ፡ «ኔኔ ከሪሰቶሴ? አኔ ኮሰ ኦዳ?» ያገዲ ኦይቸደሶና።

ዩሱሲ፡ «ታ ኦዲያኮ እማኔኪታ። 68 ታ ኦይቸያኮ ዛሪኪታ። 69 ሺን አሳ ናዓይ ሃይሳፊ ጌዴ ባጋን ዋልቃማ ያሳ ኡሻቻ ባጋን ኡታና» ያገሰ።

70 ሄ ዋይ ኡባይ፡ «ያቲን፡ ኔኔ ያሳ ናዓ?» ያገደሶና።

ኢ፡ «ታ ያሳ ናዓ ገደይሳ ሂንቴ ገደታ» ያገሰ።

71 ኢንቲ፡ «ሂዛ፡ ሃራ ማርካ አይ ኮሺ? ኢ ባ ኢንፃርሳን ኦዲሺን ኑ ሲዒዳ» ያገደሶና።

23

ዩሱሲ ጳላያሳ ሲንላን

(ማቶ 27:1-2፤ 11-14፤ ማር 15:1-5፤ ዮሃ 18:28-38)

1 ሄ ቢሳን ሸቂዳ ሻንጎቲ ኡባይ ደንዲዲ ዩሱሳ ጳላያሳኮ ኤፊደሶና። 2 «ሃ ኡራይ ኑ አሳ ባሌሊሸን፡ ካወዋሰ ገራ ገርና ሜላ ዲጊሺኔኔ ቃሲ፡ ታኒ ከሪሰቶሳ ሂንቴ ካወዋ፣ ያገሺን ደሚዳ» ያገዲ ዋቲደሶና።

3 ጳላያሳ ዩሱሳ፡ «ኔኔ አይሁዳታ ካዋዩ?» ያገዲ ኦይቸሰ።

ዩሱሲ፡ «ኤ፡ ኔ ገደይሳ ሜላ» ያገሰ።

4 ጳላያሳ ካሂኔ ሃላቃታኮኔ አሳኮ፡ «ሃ ኡራ ቦላ ታኒ ኢሲ ባላካ ደማቢኬ» ያገሰ። 5 ሺን ኢንቲ፡ «ሃ ኡራይ ጋለላፔ ደሚዳ ሃይሳ ጋካናው ዪሁዳ ኩሜላ ኢታባሰ ደንላሌስ» ያገዲ ሚንላ ኦዲደሶና።

* 22:51 አጋ! ዲጎፊቲ፡ ዩሱሲ ሃ ቢሳን አጋ ያገደይ ኢያ እሻናው ገዲ አሳቲ ኡራ ሃይላ ቃንጃይ አጋ ቃንጃላ ገደይሳ፤ ሃራቲ ኢያ ኦይካናው ዪዳይሳታ ዲጎፊቲ ሃዒ ኢንታ ዋይ ያገደይሳ ናምፁ ቆላታ ዋሊ ጋሌዳ ኦይኪስ። 22:53 ሉቃ 19:47፤ 21:37

6 ጳጳሳዊ ህግ ሲዲዳ ዋዴ ዩሱሲ ጋለላ እሴኮ ኤራናው ኮዩዲ ኢያ ኦይቸሰ። 7 ዩሱሲ ሄርዲሳ ቢታፌ ዩዳ እሲ ገዴይሳ ጳጳሳዊ ኤራዳ ዋዴ ሄርዲሲ ሄ ዋዴ ዩራሳላሜን ዴዲያ ገሾ ኢያኮ ዩዲሰ።

8 ሄርዲሲ ዩሱሳ ቢዳናው ዳሮ ዋዴ፤ ኮዩሼ ዴዲያ ገሾ ኢያ ቢዲዳ ዋዴ ዳሮ ኡፋይተሰ። እይሰ ገኑ፤ ኢያባ ሲዲዳ ገሾ ማላሊሲያባ ኦሊን ቢዳናው አሞቲሼ ዴዲሰ። 9 ሄርዲሲ ዩሱሳ ዳሮ ኦይቸታ ኦይቸሰ፤ ሽን ኢ እይኮካ ዛርቤና። 10 ካሂኔታ ሃላቃቲኔ ሂጌ አስታማሪቲ ያን ኤቁዲ ሚንሱዲ ኢያ ሞቶሶና። 11 ሄርዲሳራኔ ኢያ ዋታዳሬታራ ዩሱሳ ካዲዳሶና ኤቁሲዳሶና። ቦንቸ አፊላ ማይዚዲ ጳጳሳዊ ዛርዲ ዩዲዳሶና። 12 ሄርዲሳራኔ ጳጳሳዊ ካሴ ሞርኬሽን ሄ ጋላሰ ዋላ ገዲዳሶና።

13 ጳጳሳዊ ካሂኔ ሃላቃታ፤ አሳ ሃሪይሳታኔ አሳ ያገዲ። 14 « ሃ ኡራይ አሳ ጌላቴሳሰ ዴንሱሰን ገዲ ታኮ ኤሂዳታ። ታካ ሂንቴ ሰንሳን ፒሳጋዳ ሂንቴ ሸሺዳ ሞቱሞሰ አይቢ ባላካ ዴማቢኬ። 15 ሄርዲሲ፤ ሄሳላ አይቢ ባላካ ኢያ ቦላ ዴሚቦና ገሾ ኮኮ ዩዲሰ። ቱማካ ሃ ኡራይ ሃይቆሰ ጋሊያ አይቢ ባላካ አይቢና። 16 ሄሳ ገሾ፤ ኢያ ጋራፋዳ ቦላ ዩዳሶና። ያገሲ። 17 ሄሳ ኢ ገዲይ ፋሰካ ባላ ዋዴ ኢሲ እሲ አንታው ቢላናይሲ ኢያው አቶናባ ገዲያ ገሾሳ።

18 ዴሬይ ኡባይ ኢሲ ቦላ፤ «ሃ ኡራይ ጌዴ ዲጋ፤ ኮሰ ባርባና ቦላ» ያገዲ ዋሲዳሶና። 19 ባርባኒ ካታሚ ገዲን አሳ ኢታባሰ ዴንሱሰዲ እሴ ዋዲዲ ቃሹቲዳ ስ።

20 ጳጳሳዊ ዩሱሳ ቢላናው ኮዩዲ አሳሰ ዛሪ ኦዲሰ። 21 ገዲሽን፤ አሳይ፤ «ካቃ! ካቃ!» ያገዲ ዋሲዳሶና። 22 ጳጳሳዊ ሂቫን፤ «ሃ ኡራይ ቆሂዳባይ አይቤ? ዋዲሰ ጋሊያ ባላ ታ ዴማቢኬ። ሄሳ ገሾ፤ ጋራፋዳ ዩዳ አጋና» ያገሲ።

23 አንቲ ባንታ ቃላ ቆቁ ኦሊዲ፤ «ካቁታናው ቤሴሰ» ገዲ ሚንሱ ዋሲዳሶና። አንታ ዋሲይካ ያገሰ። 24 አንታ ኦይቸ ገሾ ገዲ ጳጳሳዊ ኢያ ቦላ ፒርዲሰ። 25 አሳ ኢታባሰ ዴንሱሰዲ እሴ ዋዲዲ ቃሹቲዳይሳ ቢላና ሚላ ዋሲዳ፤ ሄ ኡራ አንታው ቢሊሰ። ሽን ዩሱሳ አንቲ ኮዩዳባ ኦላና ሚላ አንታው አላ ኢሚሰ።

ዩሱሳ ካቁዳሶና

(ማቶ 27:31-44፤ ማር 15:21-32፤ ዮሃ 19:17-27)

26 ዩሱሳ ኦይኪዲ ኤፊሽን ሲሞና ገያ ቁሬና ቢታ አዳይ ጋዓሬ፤ ዩሽን፤ ዴሚዲ ማሰቃሊያ ቶሲዲ ዩሱሳ ካሊዲ ባና ሚላ ኡንዴሊዳሶና። 27 ዳሮ አሳይኔ ባንታ ቲራ ኢጪሼ ዩኪያ ማጫሳቲ ኢያ ጉዩያራ ካሎሶና።

28 ሽን ዩሱሲ አንታኮ ጉዩ ሰሚዲ፤ «ሂንቴና፤ ዩራሳላሜ ማጫሳቶ፤ ሂንቴ ሁዳሲኔ ሂንቴ ናይታሰ ዩኪቴ፤ አቴን ታው ዩኮፊቲ። 29 ሂኮ ማይንሳቲ፤ ዩሎና ኡሎቴኔ ቆንሶና ቆንሳቲ ካንጃቲዳሶና ሂንቴ ያጋና ጋላሳይ ያና። 30 ሄ ዋዴ ዴሬታ፤ ሱ ቦላ ኮንዲቴ፤ ዙማታካ፤ ሱና አንጃታ። ያጋና። 31 ሂሳ፤ ቃዩ ሚላ ሄሳላ ኦሊኮ ሚላ ሚላ ሚላ ሚላ ሚላ ሚላ?» ያገሰ።

32 ኢያራ ዋዳናው ሃራ ናምዑ ዋራንሸታ ኤፊዳሶና። 33 ቁራኒዮ * ጌቲቲያ ቤሳ ጋሊዲ ካቁዳሶና። ዋራንሸታ፤ ኢሱዋ ኡቫቻ ባጋራ ሃንኩዋ ሃዲርሳ ባጋራ ካቁዳሶና። 34 ዩሱሲ፤ «ታ አዋው፤ አንቲ አይ ኦሊያኮ ኤርና ገሾ ኔጌ አንታው አቶ ያጋ» ያገሰ።

አንቲ ኢያ አፊላ ቦላ ሳማ ዩገዲ ቫኪቲዲ ኤኪዳሶና።

35 አሳይ ኤቁዲ ዴሎሶና፤ ሽን ዴሪያ ሃሪይሳቲ፤ «ሃራታ አሸሰ፤ ያሳይ ዶራዳ ኪሪሰቶሲ ኢያ ገዲኮ እኔ ባና አሾ» ያገዲ ሊቁሲዳሶና። 36 ዋታዳሬቲ ኢያኮ ሸቁዲ፤ ጫላ ዋይኔ ኡቫ ኢሚዳሶና። 37 ያቲዲ፤ «ኔጌ አይሁዳታ ካዋ ገዲኮ ኔ ሁዳያ አሻ» ያገዲ ሊቁሲዳሶና።

38 ኢያው ሁዳ ባጋራ፤ «ሃይሲ አይሁዳታ ካዋ» ያገዲ ጉፊሬ ዴዲሰ። 39 ካቁቲዳ ዋራንሸታ፤ ኢሲይ ጫሼ ሳዓራ ጎቸሼ፤ «እኔ ኔጌ ኪሪሰቶሳ ገዲኮ፤ ኔካካ ኦናካ አሻ» ያገሰ።

40 ሽን ሃንኮ ዋራንሸይ፤ «ኔጌ ሃይሳ ሚላ ፒርዳን ዴዳሼ ሃሪ አቶሽን፤ ያሳሰ ያዩኪ? 41 ኔጌ ኮ ባላሰ ቤሲያ ፒርዳ ኤኮሰ። ሽን ሃ ኡራይ ኢሲ ኢታባካ ኦሊቤና» ያገዲ ሃንቁቲሰ።

42 ቃሲካ፤ «ዩሱሳ፤ ኔ ኔ ካዋቴሳራ ያ ዋዴ ታና ቆጋ» ያገሰ።

43 ዩሱሲ፤ «ታ ኔው ቱሞ ኦዳይሰ፤ ሃቸ ኔጌ ታራ ጋናቲን ገዳና» ያገሰ።

44-45 ሄ ጋላሰ ኡሱቸን ሳቲ፤ ቢዲ ኡዳፋን ሳቲ ጋካናው አዋይ ፖዑዋ ዴገዲ ገሾ ቢታ ኡባ ቦላ ቆሚ ገዲሰ። ያሳ ከላ ማጋራጃይ ዳኪቲዲ ናምዓን ቫኪቲሰ። 46 ዩሱሲ፤ ቃላ ቆቁ ኦሊዲ፤ «ታ አዋው፤ ታ ታ ሸምገው ኔ ኩሼን ሸዳይሰ» ያገዲ ሃይቁሰ።

23:30 ሆሴ 10:8፤ ዮ.ቆ 6:16 * 23:33 ቁራኒዮ፤ ቁራኒዮ ጌይሲ ገሪኬ ዳና፤ አራማይኬ ዳናን «ሳልጎታ» ዋይኮ «ሁዳ ጉጌ» ጉሱ፤ ቁራኒዮ ገያ ስንሳይ ኢሚቴዳይ ዩሱሲ ካቁቲዳይ አሳ ሁዳ ጉጌ ዳኒያ ቤሳን ገዲያ ገሾሳ። ሄ ቢሳይ ሮሜ ካዋቴሳይ ዋራንሸታ ካቁያ ቤሲ። (ማቶ 27፡ 33፤ ማር 15፡22፤ ዮሃ 19፡17) 23:34 ማክ 22፡18 23:35 ማክ 22፡18፤ ማክ 22፡7 23:36 ማክ 69፡21 23:44-45 ኪሳ 26፡31 23:46 ማክ 31፡5

47 ማቶ ሃላቃይ፣ ሃኒዳይሳ በዒዳ፣ «ሃይሲ ኡራይ ቱማካ ዓሎ» ያገዱ ያሳ ጋላተስ። 48 ሃ ሃኒዳባ በዓናው ሂ በሳ ሸቀዳ እሳ ኡባይ ሃኒዳባ በዒዳ ወደ ባንታ ቲራ ኢጨሽ ባንታ ሶ ሲሚደሰና። 49 ገደሺን፣ ዩሱሳ ማንታ ኡሪያ እሳ ኡባይ፣ ሄሳዳካ ጋለላፔ ካሊዲ ዪዳ ማጫሳተ ሄሳ በዒሺ ሃሆን ኡቁደሶና።

50-51 እይሁዴ ሻንጎታፔ ኢሶይ፣ ዮሴፋ ጌቲቲያ ኡራይ ዴዴስ። ኢ ኣርማቲያሳ ጌቲቲያ ዪሁዳ ካታማፔ ዪስ። ኢ ሎዎኔ ዓሎ እሲ ገዲያ ገሾ ያሳ ካዎቲሳ ዩሳ ናጌስ። ሻንጎታፔ ኢሱዋ ገዲሽ ኤንታ ዘራቲላኒ ኦሱዋን ዳና። 52 ሄ ኡራይ ጳላዎሳኮ በዲ፣ ዩሱሳ እሃ ዋጋናው ታው ኢማ ገዲ ዋሲስ። 53 ጳላዎሳ ኤካ ያገን፣ ዩሱሳ እሃ ዋጁሲዲ ኣፊላራ ዓዓስ። ዘላፊ ዋጪዲ ከሲዳ ሃራ እሲ ዋጌቶና ኡራሳ ዲድን ዋሊስ። 54 ሳምባቲ ጌላና ሃኒያ ገሾ ሄ ጋላሳይ ገጌቲሳ ቃማ።

55 ጋለላፔ ዴንዲዲ ዩሱሳ ካሊዲ ዪዳ ማጫሳተ ዮሴፋራ በዲ ኢያ ዋቲ ዋጊያኮ ዲፋዋ ኣኩኪዲ በዒደሶና። 56 ያፔ ሲሚዲ ሺቶኔ ቀባቲያ ገገሲደሶና። ሂይይ ከቲይሳ ሜላ ሳምባታ ጋላስ ሸምፒ ፔዒደሶና።

24

ዩሱሲ ሃይቆፔ ዴንዲሰ

(ማቶ 28:1-10፤ ማር 16:1-8፤ ዮሃ 20:1-10)

1 ሳሚንታፊ ኮሮር ጋላስ፣ ዋጋ ወደ ዋንታ ዳር ጉራ፣ ማጫሳተ ባንታ ገገሲዳ ሸቲዋ ኤኪዲ ዲፋዋ በደሶና። 2 ኤንቲ ያ ጋኪያ ወደ ዲፋዋ ደናን ዴዒያ ሸቲዋ ጎንዴሬቲዲ ከቸይሳ ዴሚደሶና። 3 ኤንቲ ዲፋዋ ጋላ ጌሊደሶና፣ ሺን ጎዳ ዩሱሳ እሃ ዴሚሶኮና። 4 ኤንቲ ያን ኡቁዲ ኣይቢ ሃኒዴ ገዲ ቆፐሺን ኣኪኮና ዳር ጳሊያ ኣፊላ ማዒዳ ናምዑ ኣሳቲ ኤንታ ማንታ ኡቁደሶና። 5 ማጫሳተ ያሸቲዲ ባንታ ሁዒያ ሳሳን ዘቁ ኦሊዲ ዴዒሺን፣ ኣሳቲ ኤንታኮ፣ «ዴዎን ዴዒይሳ ሃይቆታ ገደን ኣይሰ ኮቱቲ? 6-7 ኢ ሃይሳን ዳና፤ ሃይቆፔ ዴንዲሰ፣ ሳሳ ናባይ ናጋሪንቸታ ኩሼን ኣጁ ኣሜታና፤ ኤንቲካ ኢያ ካቃና። ኢ ሄዳንሳ ቃማን ሃይቆፔ ዴንዲሰን ያገዱ፣ ኢ ሃንቲራ ጋለላን ዴዒሽ ሃንቲው ኦዲዳ ቃላ ቆፐቲ» ያገሰ።

8 ማጫሳተ ሄ ወደ ኢያ ቃላ ቆፐደሶና።

9 ማጫሳተ ዲፋዋፔ ሲሚዲ ሃኒዳባ ኡባ ታማኔ ኢሶታሲኔ ሃራታሲካ ኦዲደሶና። 10 ሄሳ ሃዋራታሰ ኦዲዳይ ማግሊዳ ማይራሞ፣ ዮሃና፣ ያይቆባ ኣዪው ማይራሞኔ ኤንታራ ዴዒያ ሃራ ማጫሳታ። 11 ሺን ኤንታው ማጫሳተ ኦዲዳይሲ ኤልሞ ዳኒን ኣማኒሶኮና። 12 ሺን ጳይሮሲ ዴንዲ ወዳዲ ዱሬ በሰ። ሄ በሳ ጋኪዲ ሆኪ ጋላ ያሊያ ወደ ሞጎ ኣፊላ ዓላላ በዒሰ። ሃኒዳባን ማላላቲሽ ባ ሶ ሲሚስ።

ኤማሁሴ ኤገያ ቦላ

(ማር 16:12-13)

13 ሄ ጋላስ ካሊያ ታማራታፔ ናምባቲ ዩሩሳላሚፔ ታማኔ ኢሲ ከሎ ሚቲራ ሃኪያ ኤማሁሴ ጉታ ቦሶና። 14 ኤንቲ ዋላ ሃኒዳባ ኡባ ኦዴቶሶና። 15 ኤንቲ ሄ ሃናታባ ቆፐሼኔ ኦዴቲሽ በያ ወደ ዩሱሲ ባ ሁዒን ሸቀዲ ኤንታራ ቤስ። 16 ሃናሺን፣ ኤንቲ ኢያ ኡርና ሜላ ኤንታ ኣይፊይ ኦይኩቲስ።

17 ኢ፣ «ሃንቲ ዋላ ኦጌ ቦላ ዴዒሽ ኦዴቲይሲ ኣይቤ?» ያገሰ።

ኤንቲ ኣዛኒዲ ሲዒ ገዲ ኡቁደሶና። 18 ኤንታፊ ኢሶይ ቁሊዮጳ ጌቲቲይሲ፣ «ሃ ቃማታ ገደን ዩሩሳላሚን ሃኒዳባ ኡርናይሲ፣ ኔ በታሰ ኢማሌዬ?» ያገሰ።

19 ኢ ዘራዲ፣ «ኢ ሃኒዳይሲ ኣይቤ?» ያገዱ ኦይቲሽ።

ኤንቲ፣ «ዳሳ ሲንጎኒ ኣሳ ሲንጎን ኦሶኒኔ ኦዲን ሚና ናቤ ገዲዳ ናዚሬቲ ዩሱሳባ። 20 ኢያ ካሂኔ ሃላቃቲኔ ኦና ሃራይሳቲ ሃይቆ ፐርዳስ ኣላ ኣሚዲ፣ ካቁደሶና። 21 ኦኒ ኢሲራዔሌ ኣሳ ዋዘንዴ ገዲ ኡፋይቲዲ ናገዲሸን ሃይሲ ሃኒን ሃቺ ሄዳንሳ ቃማ። 22 ቃሲ ኦ ገደፊ ኢሲ ኢሲ ማጫሳተ ኦና ማላዒሲደሶና። ኤንቲ ሃቺ ዋቺ ዋንታ ጉራ ዲፋዋ በደሶና። 23 ኢያ እሃ ቆይዳ ወደ ሲሚ ዪዲ፣ ሳ ገፃ ዳዒሰን ያገያ ከታንቸቲ ቆንጨን በዒዳ ያገዱ ኦዲደሶና። 24 ኦ ገደፊካ ኢሶቲ ኢሶቲ ዲፋዋ በዲ ማጫሳተ ኦዲዳይሳ ሃኒን በዒደሶና፣ ሺን ኢያ በዒሶኮና» ያገሰ።

25 ኢ ኤንታኮ፣ «ሃንቲና፣ ኣኩኮና ኣሳው፣ ሃንቲ ዋዘና ናቤቲ ኦዲዳባ ኡባ ኣማናናው ጋምዒሳተ፣ 26 ከሪሰቶሲ ሃ ሚቲዋ ኤካናጫኔ ባ ቦንቸዋን ጌላናው በሴኔ?» ያገሰ። 27 ሙሴፔኔ ናቤታ ኡባፊ ዴንዲዲ ገሻ ማዓፋን ኢያባይ ዓፊቲዳይሳ ኡባ ኤንታው ቆንጨሲሰ።

28 ኤንቲ በያ ጉታኮ ማንታቲዳ ወደ ዩሱሲ ኣጁዲ ሃሆ ሶ በያ ዳኒን፣ 29 ኤንቲ፣ «ሳሳይ ቃሚዳ ገሾ ጉራ ኣቃ» ያገዱ ሚንሳዲ ዋሲደሶና። ሄሳ ገሾ፣ ኤንታራ ኣቃናው ጌሊስ።

30 እንታራ ኢሲፌ ጋይታ ቦላ ኡተዲ፣ ኡይላ ዳንሲዲ፣ ማንሲ ኣንጂዲ እንታው አሚሰ። 31 ሃ ዎዴ እንቲ ኡራና ሜላ እንታ ኣይፌይ ዶዬተሰ። እንቲካ ኢራዶሶና። ሺን ኢ እንታፌ ገሚሰ። 32 እንቲ፣ «ኮ ኦጊያ ቦላ ዳዒሺን ኢ ኦሰ ጌሻ ማፃፋ ቢርሺሺኒኔ ኦና ሃሳዩሲሺን ኦ ዎዳናይ ፀ-ገቲቤኒ?» ያጊዶሶና። 33 ሃ ዎዴ ዳንዲዲ ጌዬ ዩሩሳላሜ ዩዶሶና። ታማኔ ኢሶቲኔ ሃራቲ ኢሲ ቦላ ሸቀዲ ዳዒሺን ዳሚዶሶና። 34 እንቲ፣ «ጎዳይ ቱማ ዳንዲሰ፤ ሲሞናስ ቆንጨሰ» ያጊዶሶና።

35 ሃ ናሞፀ ታማራቲ ኤማሁሴ ኦጊያ ቦላ ዳዒሺን ሃኒዳይሳኔ ኡይላ ማንሲዲ ዎዴ ዋቲ ኢያ ኤራዳኮ እንታው ኦዲዶሶና።

ዩሱሲ ባ ታማራታስ ቆንጨሰ

(ማቶ 28:16-20፤ ማር 16:14-18፤ ዮሃ 20:19-23፤ ሃ.ኦ 1:6-8)

36 ናሞፀ ታማራቲ ሄሳ ኦዲ ቦላ ዳዒሺን፣ ዩሱሲ እንታ ጊዶን ኤቁዲ፣ «ሳርይ ሂንቴው ጊዶ» ያጊሰ።

37 ጊዶሺን፣ እንቲ ዳጋሚዲ፣ ሞይተሌ ቤዒዳ ዳኒን ያዩዶሶና።

38 ኢ እንታኮ፣ «እይሰ ባቢዴቲ? ኣይሰ ሲዴይ ሂንቴ ዎዳናን ጌሌዴ? 39 ታ ኩሺያኔ ታ ቶሁዎ ቢዒቲ፤ ታኒ ታና። ቃሲ ኦይኪዲ ቢዒቲ፤ ታናን ሂንቴ ቢዒይሳዳ፣ ሞይተሌሰ ኣሾይኔ ሜቁላ ባዎ» ያጊሰ። 40 ያጊዲ፣ ባ ቶሁዎኔ ባ ኩሺያ እንታ ቤሲሰ። 41 እንቲ ኡፋይሳፌ ዳንዶይሳን ኣማናና ማላሌቲሳን ዳዒሺን፣ ዩሱሲ እንታኮ፣ «ሃይሳን ሂንቴው ሚያባይ ዳዒ?» ያጊሰ። 42 እንቲ ኢሲ ጫጩቲዳ ሞሎ ኢያው አሚዶሶና። 43 ኢ ኤኪዲ እንታ ሰንሳን ሚሰ።

44 ኢ፣ «ታ ሂንቴራ ጋሞዒዳ ዎዴ ኡባን ሙሴ ማፃፋታን፣ ናቤታ ማፃፋታንኔ ማዝሙራ ማፃፋታን፣ ታ ጊሾ ፃፌቲዳባይ ኡባይ ፖሌታናው ቤሴሰ ያጋዳ ታ ሂንቴው ኦዲዳ ቃላይ ሃይሳ» ያጊሰ።

45 ሃ ዎዴ ጊሻ ማፃፋታ ኣኪካና ሜላ ዎዳና እንታ ዶዩሰ። 46 ሄሳደካ፣ «ኪሪሰቶሲ ዎዴ ኤካና፣ ሄሻንሉ ቃማን ሃይቆፔ ዳንዳና ያጊዲ ፃፌቲሰ። 47 ዩሩሳላሜፔ ዳንዲዲ ኣሳ ኡባሰ ናጋራፔ ማርቴሳይኔ ኣቶቴሳይ ኢያ ሰንሳን ማርካታና። 48 ሂንቴ ሄሳስ ማርካታ። 49 ሄኮ፣ ታካ ታ ኣዎይ አሚዳ ኡፋይሳ ሂንቴው ዩዳና። ሂንቴ ሳሎፔ ዎልቃ ማዓና ጋካናው ዩሩሳላሜ ካታማን ጋሞዒቲ» ያጊሰ።

ዩሱሲ ዳንዲሰ

(ማር 16:19-20፤ ሃ.ኦ 1:9-11)

50 ሄሳፌ ጌዬ፣ ቢታኒያ ካታማ እንታና ኤኪዲ ቢሰ። ባ ኩሺያ ዳንሲዲ ኣንጂሰ። 51 እንታና ኣንጂሺ እንታፌ ሻኬቲዲ ፑዴ ሳሎ ኤኬቲሰ። 52 እንቲ ዘጊ ጎይኒዲ ዳር ኡፋይሳን ዩሩሳላሜ ሲሚዶሶና። 53 ያሳ ኡባ ዎዴ ጋሳቲሺ ያሳ ኬላን ጋሞዒዶሶና።

ጥሃሲ ፃፊዳ ዩሱስ ኪሪስቶስ ዋንጌላ ጋላ ቆፋ

ጥሃሲ ዩሱስ፡ «እሴ ጊዲዲ እሳ ጊደን ቤንቲዳ ያሳ ቃላ» ያጊዲ ቆንጨሴስ፡ ሃ ዋንጌላይ ፃፊቲዳይ፡ እያ ናባቢያ እሳይ ዩሱስ እሳ እሼይሳ ጊዲዲ ያና ጌቲቲዳ ያሳ ናዓ ጊዳይሳ እማናና ሜላኔ እያን እማኔይሳታስ ሜሪና ዳይይ ዳዒይሳ ኤንቲ ኤራና ሜላሳ (20:31)።

ዋንጌላስ ኮይሮ ከፊሌይ ሜሪናባ ጊዲዳ ያሳ ቃላይኔ ዩሱስ ኢሶ ጊዳይሳ ኦዲ ሲሚዲ፡ ዩሱስ እሼይሳ ጊዲዲ ያና ጊዳ ያሳ ናዓ ጊዳይሳ ቤሲያ ዲማ ዲማ ማላታታ ቆንጨሴስ። ፃፊይ፡ ዩሱስ ኪሪስቶስ ባ ሁዒን ቱማ ያሳ ናዓኔ ያሳ እዋራ ኢሶ ጊዳይሳ (1:1) ቦላ ቆንጨሴስ። ዩሱስ ባ ሁዒን ታ ኣብራሃሜፕ ካሴ ዳዒይስ (8:58) ያጊሰ። ወርሴሳን ቶማሲ፡ «ታ ጎዳው፡ ታ ያሳው» ያጊዲ ያጊሰ (20:28)። ሄሳፊ ካሊዲ ቃሲ ሃ ማላታታፕ ቤንቲዳ እይፊያ ኦዲያ ታሪኩቲ ካሎሶና። ሃ ከፊሌይ ኢሲ ኢሲ እሳይ ዩሱስ እማኒዲ እያ ካሊይሳታ ጊዲዳይሳ ኦዲስ፤ ቃሲ ሃራቲ ኢያራ ሞኒዲ ኤቁቲዳኮኔ ዋንዲ እማናና ኢዲዳኮ ኦዲሶና፡ ሸምፖ 13-17 ጋካናው ዩሱስ ኦይኩቲዳ ኦማርሲ ኢያው፡ እያ ታማሬታራ ኣይ ሜላ ሚና ጋሃቲሊ ዳዒያኮ፡ ቃሲ ዋንጌላ ጋላስ ካቁታናፕ ሲገሌ ጊጌቲላ ቃላኔ ሚንሌሶ ቃላ ኤንታው ኦዲዳይሳ ቆንጨሴስ። ወርሴሳ ሸምፖቲ ዩሱስ ኦይኩቲዳባይ ፒርዳስ ሸቁዳባ፡ እያ ካቁቲላኔ እያ ዳንዲዋ፡ ሄሳዳካ ዳንዲዋፊ ጉዬ ባ ታማሬታስ ኢ ቆንጨዳ ቆንጨሳባ ኦዲሶና።

ጥሃሲ ዋንጌላ ኣይፊ ቆፋታ

ጌሎ ቆፋ 1:1-18

ፃማቁያ ጥሃሲሳኔ ዩሱስ ኮይሮ ታማሬታ 1:19-51

ዩሱስ ቆንጨኹን ኦሶ ኦይኮይሳ 2:1-12:50

ወርሴሳ ቃማታ ዩሩሳላሚ ሄራን 13:1-19:42

ጎዳ ዳንዲዋኔ ቆንጨኹላ 20:1-31

ኩሻ ቆፋ፡ ጋሊላን ዛራዲ ባ ታማሬታስ ቆንጨይሳ 21:1-25

ዳዖ ቃላ

1 ቃላይ ኮይሮ ዳዒስ። ቃላይካ ያሳራ ዳዒስ፤ ሄ ቃላይ ያሳ። 2 ኮይሮፕ ቃላይ ያሳራ ዳዒስ። 3 ያሳይ ኡባባ ቃላ ባጋራ ሜሓሰ። ሜዴቲዳባፕ ኢሶይካ እያ ባጋራ ሜዴቶናባይ ባዋ። 4 እያን ዳይይ ዳዒስ፤ ሄ ዳይይ እሳስ ፖ። 5 ፖይይ ፉማን ፖዒስ፤ ፉማይ ፖዑዋ ያኒቤና።

6 ያሳይ ከቲዳ፡ ኢሲ ጥሃሲሳ ጊያ እሲ ዳዒስ። 7 እሳ ኡባይ ፖዑዋን እማናና ሜላ ኢ ፖያስ ማርካ ጊዲዲ ዩሱስ። 8 ኢ ፖዑዋባ ማርካታናው ዩሲፕ ኣቲን ባ ሁዒን ፖ። ጊዳና። 9 እሳ ኡባስ ፖዒሲያ ቱማ ፖይይ ኣላሚያ ዩሱስ።

10 ቃላይ ኣላሚን ዳዒስ። ያሳይ ቃላን ኣላሚያ ሜሓሰ። ሺን ኣላሚይ እያ ኦሪቤና። 11 ኢ ባይሳታኮ ዩሱስ፡ ሺን ኢያይሳቲ እያ ኤኪቦኮና። 12 ሺን ኢ ባና ኤኪዳይሳታሲኔ እያ ሱንላን ኣማኒዳይሳታስ ያሳ ናይታ ጊዳና ሜላ ማታ ኣሚስ። 13 ኤንቲ ያሳፊ ዩሎቲዳሶናፕ ኣቲን ኣሲ ዩሎቲያ ዋጋን ዋይኮ ኣዳ ሺኔን ዋይኮ እሳ ኣዋን ዩሎቲቦኮና። ያሳይ ኢ ኤንታ ኣዋ።

14 ቃላይ ኣሴ ጊዲስ፤ ኣቆ ከሃቴላኔ ቱማ ኩሚዲ ኦ ጊደን ዳዒስ። ኢ ኣዋስ ኢሲ ናዓ ጊዲዲ ኤኪዳ እያ ቦንቹዋ ኦኒ ቤዒዳ።

15 ጥሃሲሲ ኢያባ ማርካቲስ። ባ ቃላ ቆቁ ኦሲዲ፡ «ታኒ፡ ሓፕፕ ጉዬራ ዩይሲ ታፕ ካሴ ዳዒያ ገሾ ታፕ ኣዲስ» ጋዳ ማርካቲዳይሲ ሃይሳ» ያጊሰ።

16 ኦኒ ኡባይ እያ ኣቆ ከሃቴላ ኩሚላፊ ኣንጅ ቦላ ኣንጅ ኤኪዳ። 17 ያሳይ ሂጊያ ሙሴ ባጋራ ኣሚስ። ሺን ኣቆ ከሃቴላይኔ ቱማቴላይ ዩሱስ ኪሪስቶስ ባጋራ ዩሱስ። 18 ያሳ ቤዒዳ እሲ ኦኒካ ባዋ፤ ባ ኣዋ ማታን ዳዒያ ኢሲ ናዓ ፃላሊ ባው ያሴ ጊዲዳይሲ እያ ቆንጨሴስ።

ፃማቁያ ጥሃሲ ማርካቲላ

(ማቶ 3:1-12፤ ማር 1:1-8፤ ሉቃ 3:1-8)

19 ዩሩሳላሚን ዳዒያ ኣይሁዴ ሃላቃቲ፡ ካሂኔታኔ ሊቁታ፡ «ኔኒ ኦኒ?» ጊዲ፡ ጥሃሲ ኦይቻና ሜላ ኢያኮ ከቲን፡ ጥሃሲሲ ኤንታው ማርካቲዳ ማርካቲላይ ሃይሳ።

20 ጥሃሲሲ፡ «ታኒ ኪሪስቶስ ጊዲኬ» ያጊዲ፡ ጌሺዲ ማርካቲሲፕ ኣቲን ካዲቤና።

21 ኤንቲ፡ «ያቲን፡ ኔኒ ኦኒ? ኔኒ ኤሊያሴይ?» ያጊዲ ኦይቹዳሶና።

የሃኒሳ፡ «እካይ ጊዲኬ» ያገሰ።

ቃሲ ኤንቴ፡ «ኔኒ ያና ጌቴቴዳ ናቢያዬ?» ያገዲ ኦይቺዶሶና።

የሃኒሳ፡ «እካይ» ጊዲ ዛሪሰ።

22 ያቴን፡ «ኔኒ ኦኔ? ኮኒ ኮና ከተዳይሳታሰ ኦዳና ሜላ ኔኒ ኔና ኦና ጋይ?» ያገደሶና።

23 የሃኒሳ ዛሪዳ፡ «ናቢያ እሳያሲ ጊዳይሳዳ፡

ሳዳ ኦጊያ ሱሪሰቴ!»

ጊዲ ባዘ ቢታን ዋሲያ ኡራ ቃላይ ታና»

ያገሰ።

24 ቃሲ ፋሪሳዌቴ ከተዳ አሳቴ 25 የሃኒሳን፡ «ኔኒ ከሪሰቶሳ ዋይኮ ኤሊያሳ ዋይኮ ናቤ ጊዶና ኢጃኮ፡ ያቴን አይሰ ማግቃይ?» ጊዲ ኦይቺዶሶና።

26 የሃኒሳ ዛሪዳ፡ «ታኒ ሃላን ማግቃይሰ፡ ሽን ሂንቴ ኤሮና አሲ ሂንቴ ጊዶን ኤቁሰ። 27 ኢ ታፔ ጉዬራ ዬሰ። ታኒ ሃሪ አቶሽን ኢያ ጫማ ዋዶሩዋ ቢላናው ቤሲኬ» ያገሰ።

28 ሂሲ ኡባይ ዮርዳናሴ ሻፋፔ ሄሪንግን፡ ቢታኒያ ካታማን፡ የሃኒሳ ማግቂያ ቤሳን ሃኒሰ።

ዳሳ ደርሳ

29 የሃኒሳ ምንቴላ ጋላሰ ዬሱሲ ባኮ ዪሽን ቤዒዳ፡ «አላሚያ ናጋራ ቁቺያ ዳሳ ደርሳይ ሃይሳ!

30 ታኒ፡ «ታፔ ጉዬራ ኢሲ አሲ ያና። ኢ ታፔ ካሴ ዳዒያ ገሾ ታፔ አፌሰ» ጋዳ ኦዲደይሲ ሃይሳ።

31 ኢ ኦኔኮ ታኒ ኤሪኬ። ሽን ኢሰራዒሌ አሳሰ ኢያ ቆንጫሳናው ሃላን ማግቃሽ ያሰ» ያገሰ።

32 የሃኒሳ ሃይሳዳ ያገዲ ማርካቴሰ፡ «ጌሻ አያናይ ሳሎፔ ሆሊዳ ዋጂሽኒኔ ኢያራ ዳዒሽን ቤዒሰ። 33 ሂሲ ሃናናፔ ካሴ ታኒ ኢያ ኤሪኬ። ሽን ሃላን ማግቃናው ታና ከተዳ ዳሳይ፡ ጊሻ አያናይ ዋጂዲ ኢያራ ዳዒሽን ኔኒ ቤዒናይሴኔ ጌሻ አያናን ማግቃናይሲ ኢያ» ያገዲ ታው ኦዲሰ። 34 ታኒ ሂሲ ሃኒሽን ቤዒዳ፡ ኢ ዳሳ ናዒ ጊዳዲይሳ ማርካታይሰ» ያገሰ።

ዬሱሳ ካሊዳ ኮይሮ ታማሪታ

35 ቃሲ ምንቴላ ጋላሰ የሃኒሳ ባ ታማሪታፔ ናምባታራ ኢሲፊ ኤቁሰ። 36 ዬሱሲ አጂሽን የሃኒሳ ቤዒዳ፡ «ዳሳ ደርሳይ ሃይሲሽ!» ያገሰ።

37 ናምቡ የሃኒሳ ታማሪታ የሃኒሳ ጌይሳ ሰዒዲ ዬሱሳ ካሊደሶና። 38 ዬሱሲ ባና ካሊይሳታ ጉዬ ሰሚ ቤዒዳ፡ «አይ ኮዬቴ?» ያገዲ ኦይቺሰ።

ኤንቴ ዛሪዳ፡ «አሰታማሪያው፡ ኔኒ አዉን ዳዒያ?» ያገደሶና።

39 ዬሱሲ ኤንታኮ፡ «ሃ ዪዲ ቤዒቴ» ያገሰ። ኤንቴ ቤዲ ኢ ዳዒያሱዋ ቤዒደሶና። ሄ ጋላሰ ሳዒይ ታሙ ሳቴ ሄራ ጊዲያ ገሾ ኢያ ማታን ፔዒደሶና።

40 የሃኒሳ ጊዳይሳ ሰዒዳ፡ ዬሱሳ ካሊዳ ናምቡ ታማሪታፔ ኢሰይ፡ ሲሞን ጳይሮሳ ኢሻ ኢንዲሪያሳ። 41 ኢንዲሪያሰ ኮይሮ ባ ኢሻ ሲሞናራ ጋሂቴዳ፡ «ኮኒ ከሪሰቶሳ ዳሚዳ» ያገሰ።

42 ኢንዲሪያሰ ሲሞና ዬሱሳኮ ኢሂሰ።

ዬሱሲ ሲሞና ቤዒዳ፡ «ኔኒ ዮና ናዒ ሲሞና፤ ኔ ሱንሳይ ኬፋ * ጊዲ ጃጌታና» ያገሰ።

ዬሱሲ ፊልጶሳኔ ናቴናዒላ ጃገሰ

43 ምንቴላ ጋላሰ ዬሱሲ ጋሊላ ቢታ ባናው ቆፋ ቃቺሰ። ኢ ፊልጶሳኔ ጋሂቴዳ፡ «ታና ካላ!» ያገሰ። 44 ፊልጶሳኔ፡ ኢንዲሪያሰኔ ጳይሮሲ ዳዒዳ ቤቴሳይዳ ካታማፔ ዪዳ አሴ።

45 ፊልጶሳኔ ናቴናዒላራ ጋሂቴዳ፡ «ሙሴይ ሂጌ ማፃፋን፡ ቃሲ ናቤቴካ ኢያባ ፃፊዳ ዮሴፋ ናዒ ናዘሬቴ ዬሱሳ ኮኒ ዳሚዳ» ያገሰ።

46 ናቴናዒላ ዛሪዳ፡ «ናዘሬቴ ካታማፔ ሎፃባይ ኬያናው ዳንዳዒ?» ያገሰ።

ፊልጶሳኔ፡ «ያዳ ቤዒ» ያገሰ።

47 ናቴናዒላ ባኮ ዬይሳ ዬሱሲ ቤዒዳ፡ «ጌኔይ ባይና ቱማ ኢሰራዒሌ አሲ ሃይሳ!» ያገሰ።

48 ናቴናዒላ ዬሱሳኮ፡ «ኔኒ ታና አዉን ኤራይ?» ያገሰ።

ዬሱሲ ዛሪዳ፡ «ፊልጶሳኔ ኔና ጃጋናፔ ሲንሌ፡ ኔኒ ባላሴ ሚላ ጋርሳን ዳዒሽን ታኒ ኔና ቤዒሰ» ያገሰ።

49 ናቴናዒላ ዛሪዳ፡ «አሰታማሪያው፡ ኔኒ ዳሳ ናዒ! ኔኒ ኢሰራዒሌ ካዎ!» ያገሰ።

50 ዬሱሲ ኢያኮ፡ «ታኒ ኔና ባላሴ ሚላ ጋርሳን ቤዒሰ ጊዳ ገሾ አማናይ? ኔኒ ሃይሳፊ አጂያባ ቤዒና!» ያገሰ። 51 ቃሲ ዬሱሲ፡ «ታኒ ሂንቴው ቱማ ኦዲደሰ፤ ሳሎፔ ዶዬቴን፡ ዳሳ ከታንቸቴ አሳ ናዒ ቦላ ኬዪሽኒኔ ዋጂሽን ሂንቴ ቤዒና» ያገሰ።

1:23 ኢሳ 40:3 * 1:42 ከፋ፡ ጌያ ቃላይ ኦሪማይኬ ዶና ጊዲሽን፡ ጌሪኬ ዶናን ቢርሸላይ ጳይሮሳ ዋይኮ ዛላ ጉሱ። 1:51 ሜዶ 28:12

2

ዩሱሲ ያጋኖ ቤሳን

1 ሃዥሎ ጋላስ ጋሊላ ቢታን ቃና ካታማን ያጋኖይ ያጋኔተሰ። ዩሱሳ እያ ሄ ያጋኔቀን ደዓዉሱ።
2 ዩሱሲካ ባ ታማራታራ ኢሲፌ ሄ ያጋኔቀ ያጌኔተሰ። 3 ዋይኔ ኡሻይ ዉሪን፣ ዩሱሳ እያ ዩሱሳካ፣ «ኢንታው ዋይኔ ኡሻይ ዉሪሰ» ያጋሱ።

4 ዩሱሲ ዛሪዳ፣ «ታ ኣዩ፣ ኔ ሃይሳን ገሎጋ? ታ ዋይይ ቡሮ ጋከቤና» ያገሰ።

5 ዩሱሳ እያ ኦሳንቸታኮ፣ «ኢ ሂንቲው ኦዲያባ እይቢባ ገዲኮካ ኦሊቲ» ያጋሱ።

6 እይሁዳቲ ባንታ ገሾ ዋጋስ ጎዔቲያ ኡሱቱን ሹቻ ባላቲ ሄ ቤሳን ደያሶና። ኢሲ ኢሲ ባላይ ናምዑ ዋይኮ ሂዥ ፀ-ጋ ኦይከሰ። 7 ዩሱሲ ኦሳንቸታኮ፣ «ባላታን ሃሌ ከንሊቲ» ያገሰ። ኢንቲ ባላታስ ደና ጋካናው ሃሌ ከንሊደሶና። 8 ዩሱሲ ኢንታኮ፣ «ሃሂ ዲቂዲ ያጋኔቀ ኣዋቴሳን ፖሊሴይሳስ ኢሚቲ» ያገሰ። ኢንቲ ኢያው ኤፊዲ ኢሚደሶና።

9 ያጋኔቀ ኣዋቴሳን ፖሊሴይሲ ዋይኔ ኡሺ ላሚቲዳ ሃላ ጋንዲ ኢኪዲ ኣዉፔ ዩዲኮ ኤሪቤና፣ ሺን ሃላ ከንሊዳ ኦሳንቸቲ ኤሮሶና። ያጋኔቀ ኣዋቴሳን ፖሊሴይሲ ማቸው ኢኪይሳ ያገዲ፣ 10 «ኦኒካ ሎየ ዋይኔ ኡሻ ኣሳ ኮይሮቲዳ ኡሺሰ። ያቲዲ ኣሳይ ኡዩ ካሊዳፔ ጉዬ ቂራሪያ ኢሚሰ። ሺን ኔኒ ሎየ ዋይኔ ኡሻ ሃኖ ጋካናው ዋላ ኣጋዳሳ» ያገሰ።

11 ዩሱሲ ሃ ኮይሮ ማላታ ጋሊላ ቢታን ቃና ካታማን ኦሊሰ፤ ሄሳን ባ ገታቲላ ቤሲሰ። ኢያ ታማራቲ ኢያ ኣማኒደሶና።

12 ሃሳፌ ጉዬ፣ ዩሱሲ ባ ኣዩራ፣ ባ ኢሻታራኔ ባ ታማራታራ ኢሲፌ ቂፊርናሆሚ ካታማ ቢዲ ጉላ ጋላስ ጋምሲሰ።

ዩሱሲ ያሳ ከላፌ ዛልዔይሳታ ከሲሰ

(ማቶ 21:12-13፤ ማር 11:15-17፤ ሉቃ 19:45-46)

13 እይሁዳቲ ቦንቸያ ፓሲካ ባሌ ጋላሳይ ማታቲን ዩሱሲ ዩራሳላሚ ቤሰ። 14 ቢዲ ያሳ ከላን ቦራታ፣ ሚዛታ፣ ደርሳታኔ ሆሊታ ባይዜይሳታኔ ባንታ ኦይዲያን ኡቲዲ ሚሼ ላሚይሳታ ደሚሰ።

15 ኢ ፀርቃፌ ደቂዲ ኣሳ ኡባ ኢንታ ሚሂታራ ያሳ ከላፌ ጎዲዲ ካሬ ከሲሰ። ሚሼ ላሚይሳታ ያርጵዛታካ ኣላ ዩሊዲ ኢንታ ሚሼያ ላሊሰ። 16 ሆሊ ባይዜይሳታ፣ «ሃ ሆሊታ ሃይሳፌ ከሲቲ፤ ታ ኣዋ ከላ ገያ ኦሳፊቲ» ያገሰ።

17 ኢያ ታማራቲ ገሻ ማፃፋን፣ «ታኒ ኔ ከላሰ ሚሹቲያ ሚሻይ ታና ታማዳ ፀ-ገሰ» ጌቲዲዳ ያፊቲዳይሳ ኣከኪደሶና።

18 ሃሳፌ ጉዬ፣ እይሁዳቲ ዛሪዳ፣ «ኔ ሃይሳ ኦላናው ኔው ማቲ ደዔይሳሰ ኦና ኣይ ማላታ ኦላዳ ቤሳኔ?» ያገደሶና።

19 ዩሱሲ፣ «ሃ ያሳ ከላ ላሊቲ፤ ታኒ ሂዥ ጋላሳን ዛራዳ ከፃና» ያገሰ።

20 ቃሲካ እይሁዳቲ፣ «ሃ ያሳ ከላ ከፃናው ኦይታማኔ ኡሱቱን ላይሊ ኡከሰ፣ ሺን ኔኒ ሂዥ ጋላሳን ከፃኔ?» ያገደሶና።

21 ሺን ዩሱሲ ኦዲያ ያሳ ከላይ ባ ኣሳቲላባ። 22 ሄሳ ገሾ፣ ዩሱሲ ሃይቆፔ ደንዲዳፔ ጉዬ ኢያ ታማራቲ ኢ ሄሳ ገዲይሳ ኣከኪደሶና። ቃሲ ኢንቲ ገሻ ማፃፋን ያፊቲዳይሳኔ ዩሱሲ ኦዲዳይሳ ኣማኒደሶና።

23 ዩሱሲ ፓሲካ ቦንቸያ ቤሳን ዩራሳላሚን ደዒሺን፣ ኢ ኦሊዳ ማላታታ ቤዳዲ ደሮ ኣሳይ ኢያ ኣማኒደሶና። 24 ሺን ዩሱሲ ኣሳ ኡባ ኤሪያ ገሾ ኢንታ ኣማኒቤና። 25 ኣሳ ዋዛናን ደዒያባ ኢ ባ ሁዓን ኤሪያ ገሾ ኣሳባ ኦኒካ ኢያው ኦዳና ማላ ኮሺቤና።

3

ዩሱሳኔ ኒቆዲሞሳ

1 ፋሪሳዊታ ያራፔ ገዲዳ፣ እይሁዳታ ሃላቃይ፣ ኒቆዲሞሳ ገያ ኢሲ ኣይይ ደዔሰ። 2 ኒቆዲሞሲ ቃማ ዩሱሳኮ ዩዲ፣ «ኣስታማሪያው፣ ኔኒ ያሳይ ከቲዳ ኣስታማሪ ገዲይሳ ኦኒ ኤሮሰ። ኣይሰ ገኮ፣ ያሳይ ኢያራ ደና ኢደኮ ሃ ኔኒ ኦሊያ ማላታ ኦላናው ደንዳዒያ ኣሲ ባዋ» ያገሰ።

3 ዩሱሲ ዛሪዳ፣ «ታኒ ኔው ቱማ ኦዲይሰ፤ ኦኒካ ዛሪ ዩሌቶና ኢደኮ ያሳ ካዋቴላ ቤዳናው ደንዳዒና» ያገሰ።

4 ኒቆዲሞሲ፣ «ጩጋ ኣሲ ዋኒዲ ዛሪ ዩሌታናው ደንዳዒ? ባ ኣዩ ኡሎ ሰሚ ገሊዲ ዛሪ ዩሌታናው ደንዳዒ?» ያገሰ።

5 ዩሱሲ ዛሪዳ፣ «ታኒ ኔው ቱማ ኦዲይሰ፤ ኦኒካ ሃላፊኔ ገሻ ኣያናፔ ዩሌቶና ኢደኮ፣ ያሳ ካዋቴላ ገላናው ደንዳዒና። 6 ኣሾ ናባቲላ ኣዉፔኔ ኣዩፔ ዩሰ፤ ያሳ ናባቲላ ገሻ ኣያናፔ ኢሚቲሰ።

7 ታጌ፣ «ሂንቴ ዛሬ ዬሌታናው ቤሱስ» ጋዳ ሂንቴው ኦዲዲ ገሾ ነጌ ማለሌቶ።⁸ ጫርኮይ ባ ኮዬዳ ቤሱ ጫርኮሰ። ነጌ ኢያ ኮሺንቻ ሲዓሳፔ አቴን ኢ አጠፔ ያኮ ዎይኮ አው ቢያኮ ኤራካ። አያናፔ ዬሌቲዳ ኡባይ ሄሳ ሜላ» ያገለ።

9 ያቴን ጌቆዳጭሲ፣ «ሂሲ ዋኒዲ ሃናናው ዳንዳዒ?» ያገዲ አይቺሰ።

10 ዬሱሲ ዛሬዳ፣ «ኔጌ አሰራዒላታ አስታማሬ ገዳሼ ሃይሳ ኤሪከ? 11 ታጌ ነው ቱማ ኦዲይስ፤ ኑ ኤሪያባ ኦዲሰኔ ቤዓዳባ ማርካቶስ፣ ሺን ኑ ማርካቲሳ ሂንቴ ኤኬኬታ። 12 ታጌ ሂንቴው ሳዓባ ኦዲን ሂንቴ አማናናባ ገዲኮ ሳሎባ ኦዲን ዋቲ አማና፤¹³ ሳሎፔ ዎጂዳ አሳ ናዓፔ አቴን ሳሎ ከዬዳይ ኦኒካ ባዋ፤ [ሳሎን ዳዒያ አሳ ናዓይ ታና]» * ያገለ።

14-15 ሙሴይ ባዞ ቢታን ቢራታ ሾሺ ካቁዳይሳዳ ታና አማኒዳ ኡባይ ሜሪና ዳዑዋ ኤካና ሜላ አሳ ናዓይ ቶቁ ጋናው ቤሱስ።

16 ያሳ ናዓ አማኒያ ኡባይ ሜሪና ዳዑዋ ላታናፔ አቴን ጳዮና ሚላ ያሳይ ሃ አላሚያ ዳር ደሲዳ ገሾ ባ ኢሲ ናዓ አሚሰ። 17 ያሳይ ባ ናዓ ሃ አላሚያ ከቲዳይ አላሚያ ፐርዳናው ገደናሺን አላሚያ ኢያ ባጋራ አሻናሳ።

18 ናዓ አማኒያ ኦኒካ ፐርዳቲና፣ ሺን ናዓ አማናና ኦኒካ ኢሲ ያሳ ናዓ አማኒያና ገሾ ሃዒ ፐርዳቲሰ። 19 ፐርዳይካ ሃይሳ፣ ፖይ አላሚያ ደሰ፣ ሺን አሳ ኦሶይ ኢታ ገዲያ ገሾ አሳይ ፖዑዋፔ አሌዲ ጳማ ደሱስ። 20 ኢታባ አሌያ ኦኒካ ፖይ ኢፃስ። አይሰ ገኮ፣ ባ ኦሶይ ቆንጮና ሚላ ፖዑዋፔ ዬና። 21 ሺን ቱማ አሌያ ኦኒካ ያሳይ ከቲዳይሳዳ ኢ አሌዳይሳ ፖይ ቆንጮሳና ሚላ ፖዑዋፔ ዬስ።

ዬሱሳኔ ፃማቂያ ጥሃነጎ

22 ሄሳፌ ጉዬ፣ ዬሱሳኔ ኢያ ታማሬቲ ዪሁዳ ቢታ ቢደሶና። ዬሱሳኔ ያን ፃማቂሼ ኤንታራ ጉሳ ዎዴ ኡቲሰ።

23 ቃሲ ጥሃነሲ ሳሌሜ ማታን ዳዒያ ሃናና ገያሶን ገዲያ ሃሌ ዳዒያ ገሾ አሳ ያን ፃማቂስ። አሳይካ ያ ቢዲ ፃማቂቶሶና። 24 ሄ ዎዴ ጥሃነሲ ቡር ቃሺቲቤና።

25 ሄሳፌ ጉዬ፣ ጥሃነጎ ታማሬቲኔ ኢሲ አይሁዳ አዳይ † ገሾ ዎጋባ ፓላሚደሶና። 26 ኤንቲ ጥሃነሳኮ ቢዲ፣ «አስታማሪያና፣ ዮርዳናሴ ሻፋፔ ሄፊንሳን ነራ ዳዒይሰ። ነጌ ኢያባ ማርካቲዳይሰ፣ ሄኮ ፃማቂሰ። አሳይ ኡባይካ ኢያኮ ቦሶና» ያገደሶና።

27 ጥሃነሲ ዛሬዳ፣ «ያሳይ አዎና አሲ አይቢባካ ኤካናው ዳንዳዒና። 28 ታጌ ከሪሰቶሳ ገዲኬ፣ ሺን ኢያፔ ሲንሌ ከቲታሱ ገዳይሳሰ ሂንቴ፣ ሂንቴ ሁዒን ታው ማርካ። 29 ገሌሰ ገደራ ኤኬናው ገደዳይሳ፣ ኤኬይሳ ላጌይ ኢያ ማታን ኤቁዲ ኢ ገይሳ ሰዒያ ዎዴ ዳር ኡፋይቲስ። ሄሳ ገሾ፣ ሃይሰ ታ ኡፋይሳይ ፖሌቲስ። 30 ኢ ገታታናው ታጌ ጉዳናው ቤሱስ» ያገለ።

31 ቦላፌ ዬይሲ ኡባፌ ቦላ። ሳዓፔ ቤንቲዳይሲ ሳዓባ። ኢ ሳዓባ ኦዲስ። ሳሎፔ ዬይሲ ኡባፌ ቦላ። 32 ኢ ባ ቤዒዳባይ ሰዒዳባ ማርካቲስ፣ ሺን ኢያ ማርካቲሳ ኤኬይ ባዋ። 33 ኢያ ማርካቲሳ ኤኪያ ኦኒካ ያሳይ ቱማ ገዳይሳ ቆንጮሱስ። 34 ያሳይ ባ ገሻ አያና ኢያው ኩሜሌ አሚያ ገሾ ያሳይ ከቲዳይሲ ያሳ ቃላ ኦዲስ። 35 አዋይ ባ ናዓ ደሲዳ ኡባባ ኢያ ኮሺን ዎሌስ። 36 ናዓ አማኒያ ኡራሰ ሜሪና ዳይይ ዳዒስ። ሺን ናዓ አማናናይሳ ቦላ ያሳ ሃንቆይ ዳዒሲፔ አቴን ኢ ዳይ ዳሚና።

4

ዬሱሳኔ ሳማራ ማጫሲው

1 ዬሱሳኔ ጥሃነሳይሳፌ ዳሪያ ካሌይሳታ ባኮ ሺሺይሳኔ ፃማቂይሳ ፋሪሳዊቲ ሲዒደሶና። 2 ገደኮካ ዬሱሳ ታማሬቲ ፃማቂደሶናፔ አቴን ዬሱሳ ኦካካ ፃማቂቤና። 3 ዬሱሳ አሳይ ኢያባ ገይሳ ሲዒዳ ዎዴ ዪሁዳፔ ዳንዲዲ ጋሌላ ቤሰ። 4 ጋሌላ ቤሺ ሳማሬራ አቆናይሲ ኢያው አቶናባ ገዲሰ።

5 ሄሳ ገሾ፣ ያይቆቢ ባ ናዓ ዮሴፋስ አሚዳ ጋዲያ ማታን ዳዒያ ሲካሬ ገያ ሳማራ ካታማ ቤስ። 6 ሄ ቤሳን ያይቆባ ሃላ ኦላይ ዳዒስ። ዬሱሳ ሃሙላን ዳቡሪዲ ሄ ሃላ ኦላ ማታን ኡቲሰ። ሄ ዎዴ ሳዓይ ኡሱፑን ሳቴ ሄራ።

7 ኢሲ ሳማራ ካታማ ማጫሲ ሄ ኦላፌ ሃሌ ቲካናው ያሰ። ዬሱሳ ሄ ማጫሲኮ፣ «ታና ሃሌ ኡሻርኪ» ያገለ። 8 ሄ ዎዴ ዬሱሳ ታማሬቲ ካሌ ሻማናው ካታማ ቢደሶናሺን።

9 ሄ ማጫሲያ ዛሬዳ፣ «ኔጌ አይሁዳ አሴ ገዳሼ፣ ሳማራ ማጫሲ ገዲያ ታና ዋናዳ ሃሌ ኡሻ ጋይ?» ያጋሰ። ሄሳ ኢያ ገዳይ አይሁዳቲ ሳማሬታራ ጋሄቶና ገሾሳ።

* 3:13 ሳሎን ዳዒያ አሳ ናዓይ ታና፣ ኢሲ ኢሲ ቤን ማፃፋቲ ጉጃሶና። 3:14-15 ታይ 21:9 3:24 ማቶ 14:31 ማር 6:17፤ ሉቃ 3:19-20 † 3:25 ኢሲ አይሁዳ አዳይ፣ ኢሲ ኢሲ ማፃፋቲ «ጉላ አይሁዳ አሳቲ» ያሰሶና። 3:28 ዮሃ 1:20 3:35 ማቶ 11:27፤ ሉቃ 10:22 4:5 ሜዴ 33:19፤ ኢያ 24:32 4:9 ኢዝ 4:1-5፤ ናህ 4:1-2

10 ዬሱሲ ዛሬዲ፡ «ኔኒ ያሳ እምታኔ ሃሌ ታና ኡሻ ጌይሲ ኦኔኮ ኤሪዳባ ገዲያኮ ኢያ ኔ ዋሳና፤ ኢካ ኔው ዴያ እሚያ ሃሌ እማናሺን» ያገሰ።

11 ማጫሲያ ዛሬዲ፡ «ሳዳው፡ ኔው ዲቁያባይ ባዋ፤ ኦላይካ ዚቃ። ያተን፡ ዴያ እሚያ ሃሌ ኔ እግጥ ኦካኔ? 12 ኮሰ ሃሳ ኦላ እሚዳ ኦ ኣዋ ያይቆባጥ ኔኒ ኣቆይ? ኢ፡ ኢያ ናይተኔ ኢያ ማሄይ ሃ ኦላፊ ኡዪደሶና» ያገሰ።

13 ዬሱሲ፡ «ሃ ሃላፊ ኡዪደ ኦካ ዛሬ ሳሞታና። 14 ሺን ታኒ እማና ሃላ ኡያ ኦካ ኡባካ ሳሞቱና። ታኒ እማና ሃላይ ኢያ ገዲን ማሪና ዴያ እሚያ ጎጊያ ፑልቶ ገዲና» ያገሰ።

15 ማጫሲያ ዛሬዲ፡ «ሳዳው፡ ታኒ ሳሞቶና ማላኔ ሃሌ ቲካናው ሃ ቤሳ ዮና ማላ ታው ሄ ሃላ እማ» ያገሰ።

16 ዬሱሲ ኢኮ፡ «ባዳ ኔ ኣዚና ጃጋዳ ያ» ያገሰ።

17 ማጫሲያ ዛሬዲ፡ «ታው ኣዚኒ ባዋ» ያገሰ።

ዬሱሲ ኢኮ፡ «ታው ኣዚኒ ባዋ ጉሳን ባላባካ። 18 ኔው ካሴ ኢቻሹ ኣዚናቲ ዴዎሶና። ሃላ ኔራ ዴያ ኣዳይ ኔ ኣዚና ገዲና። ኔኒ ሃላ ቱማ ኦዳዳሳ» ያገሰ።

19 ማጫሲያ ዛሬዲ፡ «ሳዳው፡ ኔኒ ናቤ ገዲይሳ ታኒ ኤራሰ። 20 ኦ ኣዋቲ ሃ ዴሪያ ቦላ ያሳ ጎይኒደሶና። ሺን ሂንቴ ኣይሁዴቲ ኣሲ ያሴ ጎይናናው ቤሲያ ቤሳይ ዬራሳላሚና ጌታ» ያገሰ።

21 ዬሱሲ፡ «ሃ ማጫሲቲ ታና እማና፤ ሃ ዴሪያ ቦላ ዋይኮ ዬራሳላሚን ኣዋ ሂንቴ ጎይናና ዋዴይ ያና። 22 ሂንቴ ሳማሬቲ ኤርናይሳ ጎይኔታ። ሺን ኦኒ ኣቶቲሳይ ኣይሁዴቲ ያ ገሾ ኦ ኤሬይሳ ጎይና። 23 ሺን ኣዋ ቱማን ጎይኔይሳቲ ኣያናኒኔ ቱማቲሳን ጎይናና ዋዴይ ማታቲሰ፤ ሃላካ ጋኪሰ። ሂዛ፡ ኣዋይ ኮዬይ ሃይሳ ማላ ኦጊያን ጎይኔይሳታ። 24 ያሳይ ኣያና፤ ኢያው ጎይኔይሳቲ ኣያናኒኔ ቱማቲሳን ጎይናናው ቤሴሰ» ያገሰ።

25 ማጫሲያ ዛሬዲ፡ «ኪሪሰቶሲ ያናይሳ ታኒ ኤራይሰ። ኢ ያ ዋዴ ኮሰ ኡባባ ኦዳና» ያገሰ።

26 ዬሱሲ፡ «ሃ ኔራ ኦዳቲይ ታኒ ኢያ» ያገሰ።

27 ኢንቲ ኦዳቲሺን፡ ዬሱሳ ታማሬቲ ቢዳ ቤሳፊ ሰሚደሶና። ዬሱሲ ማጫሳራ ኦዳቲሺን ኢንቲ ቤራዲ ዳር ማላሌቲደሶና። ሺን ማጫሴኮ፡ «ኣይ ኮያይ?» ዋይኮ ዬሱሳኮ፡ «ኢራ ኣይሰ ኦዳታይ?» ገዲይ ኦካካ ባዋ።

28 ሃሳፊ ጉዬ፡ ማጫሲያ ባ ሃላ ኦቱዋ ኣጋዳ ጉዬ ካታማ ባዳ ኣሳኮ። 29 «ታኒ ኦሌዳባ ኡባ ታው ኦዲዳ ኣዳያ ቤናናው ዬዲቲ። ኢ ኪሪሰቶሳ ገዲንዳሻ?» ያገሰ። 30 ኣሳይ ካታማጥ ኬዪዲ ዬሱሳኮ ቢደሶና።

31 ሄሲ ሃኒሺን፡ ኢያ ታማሬቲ ዬሱሳኮ፡ «ጉላባ ማርኪ» ያገዲ ዋሲደሶና።

32 ሺን ኢ፡ «ታው ሂንቴ ኤርና ካሌ ታ ማይሲ ዴዳሰ» ያገሰ።

33 ሃሳ ገሾ፡ ኢያ ታማሬቲ ባንታ ገዲን፡ «ኢያው ሚያባ ኣሲ ኢሆና ኣገና?» ያገደሶና።

34 ዬሱሲ ኢንታኮ፡ «ታ ካላይ ታና ከቲደይሳ ሺኒያ ኣሳናይሳኒ ኢያ ኦሱዋ ፖላናይሳ። 35 ሂንቴ፡ ሓይዲ ኣገናፕ ጉዬ ካሳይ ጫኬታና ጌኬቲዬ? ሺን ታኒ ሂንቴው ኦዳይሰ፤ ካሳይ ካዲዲ ሺሾሰ ጋኪደይሳ ሎይሌ ያለቲ። 36 ዙሬይሰኒ ጫኬይሲ ኢሲፊ ኡፋይታና ማላ ጫኬይሲ ዳሞዜ ኤኬሰ ቃሲ ካሳ ማሪና ዴዎሰ ሺሾሰ። 37 ሂዛ፡ ሒሶይ ዜሬሰ፤ ሃንኮይ ቃሲ ጫኬሰ ገያ ኦዳይ ቱማ። 38 ሂንቴ ዳቡሪናይሳ ሺሻና ማላ ታኒ ሂንቴና ከታሰ። ሃራቲ ኦሌ ዳቡሪዳሱዋን ጌሊዲ ሂንቴ ኢንታ ዳቡሪ ኣይፊያ ኤኪዴታ» ያገሰ።

39 ማጫሲያ፡ «ኢ፡ ታኒ ኦሌዳ ኡባባ ኦዲሰ» ጋዳ ማርካቲዳ ገሾ ሄ ካታማን ዴዲያ ሳማሬ ኣሳፕ ዳርቲ ዬሱሳ ኣማኒደሶና። 40 ሳማሬ ኣሳይ ዬሱሳኮ ዪዲ፡ ባንታ ማታን ጋምባና ማላ ዬሱሳ ዋሲን ኢ ያን ናምቦ ጋላሰ ኦቲሰ።

41 ኢ ኦዲያ ቃላ ገሾ ካሲይሳፊ ዳር ኣሳይ ኣማኒደሶና። 42 ቃሲ ኢንቲ ማጫሴኮ፡ «ሃላ ኦ ኣማኔይ ኦ ሁዳን ኢ ጌይሳ ሲዲዳ ገሾሳፊ ኣቲን ኔኒ ማርካቲዳ ገሾሳ ገዲና። ቃሲ ኢ ቱማ ሃ ኣላሚያ ኣሺይሳ ገዲይሳ ኦኒ ኤራዳ» ያገደሶና።

ዬሱሲ ኢሲ ሹማ ናባ ጋላሰ

43 ናምቦ ጋላሳፕ ጉዬ፡ ዬሱሲ ያፕ ኬዪዲ ጋላላ ቢታ ቢሰ። 44 ዬሱሲ ባ ሁዳን፡ «ናቤይ ባ ቢታን ቦንቹቲና» ያገዲ ካሴቲዲ ኦዲሰ። 45 ዬሱሲ ጋላላ ጋኪዳ ዋዴ ጋላላ ኣሳይ ኢያ ሞኪደሶና። ኣይሰ ገኮ፡ ፓሲካ ባሌ ቦንቹያ ጋላሰ ኢንቲ ዬራሳላሚን ዴዲያ ገሾ ኢ ኦሌዳባ ኡባ ቤራደሶና።

46 ዬሱሲ ሃላ ዋይኒ ኡሺ ላሚዳ ቤሳ፡ ጋላላን ዴዲያ ቃና ካታማ ቢሰ። ቁሬርናሆሚን ካዋ ኬላን ኦሌዳ ኢሲ ሹማሰ ናባይ ሃርጌቲሰ። 47 ዬሱሲ ዪሁዳፕ ጋላላ ዪዲይሳ ሄ ሹማይ ሲዲዲ ኢያኮ ዪሰ። ሃይቃናው ማቲዳ ባ ናባ ቢዲ ፓላና ማላ ዬሱሳ ዋሲሰ።

48 ዩሱሲ ሹማኮ፣ «የሳይ ኦሊያ ማላታታ ኦራባታ ቤዖና ደዲሹ ሃንቲ ኡባራካ አማኔኬታ» ያገለገለ።

49 ሹማይ ዛሪዲ፣ «ጎዳው፣ ታ ናዓይ ሃይቆና ደዲሽን ታራ ዩቆርኪ» ያገለገለ።

50 ዩሱሲ፣ «ኔ ሶ ባ፤ ኔ ናዓይ ፓፃና» ያገለገለ።

ሄ ሹማይ ዩሱሲ ገዳይሳ አማኒዲ ባ ሶ ቢስ። 51 ኢ ባ ሶ ቢሽን ኢያ አይሉቲ ኢያኮ ዩሹ ኢያሪ ኦገን ጋሃቲዲ፣ «ኔ ናዓይ ፓፃኑ» ገደሰና።

52 ኢ ባ አይሉታ ባ ናዓሰ አይ ሳቲን ሎዊዲኮ ኦይቸሰ። ኤንቲ ዛሪዲ፣ «ዘኔ ላፑን ሳቲን ማሻሻይ አገሰ» ያገደሰና። 53 ናዓ አዋይ ዩሱሲ ባኮ፣ «ኔ ናዓይ ፓፃና» ገዳይ ሄ ሳቲያን ገዳይሳ አኬኪስ። ኔሳ ገሹ፣ ኢኔ ኢያ ሶ አሳ ኡባይ አማኒደሰና።

54 ሂሲ ዩሱሲ ዩሁዳፕ ጋለላ ዩዲ ኦሊዳ ናምባገላ ማላታ።

5

ዩሱሲ ኢሲ ጉንዳ አዲያ ፓላሰ

1 ሃሳፌ ጉዬ፣ ዩሱሲ አይሁዳቲ ቦንቹያ ባለያሰ ዩሩሳላሜ ቢስ። 2 ዩሩሳላሜን ደርሳ ፔንገያ ማታን ኢብራይስጭ ደናን ቤቴሳይዳ ገያ ቲቄቲዳ ሃሊ ዳዔስ። ሄ ቲቄቲ ኦቲዳ ሃላ ማታን ኢቻሹ ሸምፕያ ቤሳቲ ዳዖሰና። 3 [ሃሳን ሃሳይ ቃፃናይሳ ናገያ] ዳር ሃርጋንቾቲ፣ ቆቄቲ፣ ዋቤቲኔ ጉንዳቲ ዘንዒደሰና። 4 [አይሰ ገኮ፣ ኢሲ ኢሲ ቶሆ ጎዳ ኪታንቾይ ቲቄቲዳ ሃሳን ዋዲዲ ሃላ ቃሌስ። ሃሳይ ቃይያ ዋዴ ኮይር ጌሊዳ ኡሪይ ባና ኦይኪዳ አይ ሃርጌጌካ ፓፃኑ።] * 5 ሄ ቤሳን ሃሰታማኔ ሆሰፑን ላይሊ ሃርጌቲዳ ኢሲ አዳይ ዳዔስ። 6 ዩሱሲ ያን ዘንዒዳ አዲያ ቤዒዲ፣ ቃሲ ዳር ዋዴ ሃርጌቲዳሳ ኡሪዲ አዲያኮ፣ «ፓፃናው ኮያይ?» ያገለገለ።

7 ሃርጋንቾይ ዛሪዲ፣ «ጎዳው፣ ሃሳይ ቃይያ ዋዴ ታና ሃሳን ዩጌያ አሲ ባዋ። ታኒ ገሌና ሃኒያ ዋዴ ሃራይ ታፕ ሰንሳቲዲ ጌሊ ከቺሰ» ያገለገለ።

8 ዩሱሲ ኢያኮ፣ «ዴንዳ ኤቃ፤ ኔ አልጋ ቶካዳ ባ» ያገለገለ። 9 አዳይ ሰሁዋራካ ፓፃኑ፤ ባ አልጋ ቶኪዲ ቢስ።

ሂሲ ሳምባታ ጋላሳን ሃኒስ። 10 ሃሳ ገሹ፣ አይሁዳቲ ፓፃዳ አዲያኮ፣ «ሃቺ ሳዓይ ሳምባታ፤ ኔኒ ኔ አልጋ ቶኪይሲ ዋጋ ገዳና» ያገደሰና።

11 ሽን አዳይ፣ «ታና ፓላዲይሲ፣ ኔ አልጋ ቶካዳ ባ ገሰ» ያገደዲ ዛሪስ።

12 ኤንቲ ኢያኮ፣ «ኔና፣ ኔ አልጋ ቶካዳ ባ ገዳይ ኢ ኦኔ?» ያገደዲ አይቺደሰና።

13 ሽን ዩሱሲ ሄ ቤሳን ዳር አሳ ገደራ ኤሪሶና ካንሊዲ ቢዳ ገሹ አዳይ ባና ፓላዲይ ኦኔኮ ኤሪና። 14 ዩሱሲ ጉዬፕ ሄ አዲያ ያሳ ኬላን ዳሚዲ፣ «ሄኮ፣ ኔኒ ፓፃዳሳ፤ ሃይሳፌ ኢታባይ ኔና ጋኮና ማላ ዛራዳ ናጋራ አላፋ» ያገለገለ። 15 ሃሳፌ ጉዬ፣ አዳይ ቢዲ ባና ፓላዲይሲ ዩሱሳ ገዲዳይሳ አይሁዳታሰ ኦዲስ።

16 ዩሱሲ ሃሳ ሳምባታ ጋላሰ ኦሊዳ ገሹ አይሁዳቲ ዩሱሳ ጎዳ ኦይኪደሰና። 17 ዩሱሲ ዛሪዲ፣ «ታ አዋይ ኡባ ዋዴ ኦሌስ፤ ታካ ኦላናው ቤሴስ» ያገለገለ።

18 ዩሱሲ ሳምባታ ቦንቾና ገሹ ያላላሰ ገደናሽን ያሳይ ባ አዋ ገዲ ባና ያሳራ ገሲሲዳ ገሹ አይሁዳቲ ኢያ ዋዳናው ካሴፕ ማንሊዲ ኮዩደሰና።

ያሳ ናዓ ማታ

19 ዩሱሲ ዛሪዲ፣ «ታኒ ሃንቲው ቱማ ኦዲይስ፤ ናዓይ ባርካ አይኮካ ኦላናው ዳንዳዔና። ኢ ባ አዋይ ኦሊሽን ቤዖይሳ ያሳላ ኦሌስ። አዋይ ኦሌይሳ ናዓይካ ኦሌስ። 20 አዋይ ባ ናዓ ደሲያ ገሹ ኢ ኦሊያ ኦሶ ኡባ ባ ናዓ ቤሴስ። ሃንቲ ማላሉታና ማላ ኢ ሃይሳፌ አዲያ ኦሶ ባ ናዓ ቤሳና። 21 አዋይ ሃይቆዳይሳታ ሃይቆፕ ዳንሊዲ ኤንታው ዳዖ አሚይሳሳ ናዓይካ ባ ኮዩይሳታሰ ዳዖ አሚስ። 22 አዋይ ናዓሰ ፐርዳ ማታ ኡባ አሚስፕ ኦቲን ኢ ኦናካ ፐርዳና። 23 አሳይ ኡባይ አዋ ቦንቹይሳሳ ናዓካ ቦንቻና። ናዓ ቦንቾና ኦኒካ ናዓ ከቲዳ አዋካ ቦንቹና።

24 «ታኒ ሃንቲው ቱማ ኦዲይስ፤ ታ ቃላ ስዔይሳሰኔ ታና ከቲዳይሳሳ አማኔይሳሰ ማሪና ዳዖይ ዳዔስ። ኢ ሃይቆፕ ዳዖን ፒኒዳ ገሹ ፐርዳቲና። 25 ታኒ ሃንቲው ቱማ ኦዲይስ፤ ሃይቆዳ አሳይ ያሳ ናዓ ቃላ ስዔያ ዋዴይ ያና፤ ሂሲካ ሃዒ። ሄ ቃላ ስዔይ ዳዖን ዳና። 26 አዋይ ዳዖሰ ፑልቶ ገዲዳይሳሳ ናዓካ ዳዖሰ ፑልቶ ኦሌስ። 27 ናዓይ አሳ ናዓ ገዲያ ገሹ አዋይ ናዓሰ ፐርዳ ማታ አሚስ።

28 «ዴፎን ዳዔይሳቲ ኢያ ቃላ ስዔዲ ዳንዲያ ዋዴይ ያና ገሹ ሃይሳን ማላሌቶፊቲ። 29 ሎዖ ኦሊዳይሳቲ ዳዖን ዳናው ቃሲ ኢታ ኦሊዳይሳቲ ፐርዳ ኤካናው ዴፎፕ ዳንዳና።

ዩሱሳሰ ማርካቲዳ አሳታ

* 5:4 ኢሲ ኢሲ ቤኒ ማፃፋቲ ፓይዶ ሂሻሰ ኮይር ባጋኔ ፓይዶ ኦይዳ ጉጃኮና። 5:10 ናህ 13:19፤ ኦር 17:21 5:29 ዲኔ 12:2

30 «ታገ ታ ማታን እይበባካ ኦላናው ዳንዳዒኬ። ያሳይ ታው ኦዲዳይሳዳ ፐርዳይሰ። ታገ ታና ከቲዳይሰ ኮያባ ኦላይሰፐ ኦላፐን ታ ኮያባ ኦላና ገሾ ታ ፐርዳይ ቱማ።

31 «ታገ ታባ ማርካቲኮ ታ ማርካቲዳይ ቱማ ገዳና። 32 ታባ ማርካቲያ ሃሪ ዴዒሰ፤ ኢ ታባ ማርካቲይሰ ቱማ ገዳይሳ ታገ ኤራይሰ።

33 «ሂንቲ የሃኒሳኮ እሴ ከቲን ኢ ቱማሰ ማርካቲሰ። 34 ታገ ሃሳ ሂንቲው ኦዳይ፣ ሂንቲ ኦታና ማላ ጋዳፔ ኦቲን ኦሳ ማርካቲላ ታው ኮሽን ገዳና። 35 የሃኒሰ ሙቃዳዳ ኤጊሼ ፖሲሰ። ሂንቲ ጉላ ዋዴ ኢያ ፖዑዋን ኡፋይቲዳታ።

36 «ሽን ታው የሃኒሳፐ ኦዳያ ማርኪ ዴዒሰ። ታገ ኦላና ማላ ታ ኦላይ ታው ኦሚዳ ኦሶቲ ታባ ማርካቲሶና፤ ኦላይ ታና ከቲዳይሳ ቆንጨሶሶና።

37 «ቃሲ ታና ከቲዳይ ኦላይካ ባ ሁዒን ታባ ማርካቲሰ። ሂንቲ ኢያ ቃላ ኡባራካ ሲዒቤኬታ ዋይኮ ኢያ ማላ ቤዒቤኬታ። 38 ኢ ከቲዳይሳ ሂንቲ ኦሚናና ገሾ ኢያ ቃላይ ሂንቲ ዋዛናን ባዋ።

39 «ገሻ ማፃፋታፔ ማሪና ዴያ ዴማናባ ሂንቲው ዳኒን ኤንታ ፐልጌታ፤ ኤንቲ ታባ ማርካቲሶና።

40 ሽን ሂንቲ ዴያ ዴማናው ታኮ ያናው ኮዬኬታ።

41 «ኦሳፔ ታገ ሶንቾ ኮዬኬ። 42 ሽን ታገ ሂንቲ ዋዛናን ያሳ ሲቆይ ባይናይሳ ኤራይሰ። 43 ታገ ታ ኦላይ ማታን ያሰ። ሽን ታና ሞኪቤኬታ። ሃራይ ባ ማታን ያ ዋዴ ኢያ ሞኬታ። 44 ሂንቲ ኢሶይ ኢሱዋሬ ሶንቾ ኮዬይሳቲ፣ ኢሲ ያሳፊ ያ ጋላታ ኤካናው ኮየናይሳቲ፣ ዋኒዲ ታና ኦሚናናው ዳንዳዒቲ?

45 «ታገ ታ ኦላይ ሲንሳን ሂንቲና ሞቲያባ ሂንቲው ዳና። ሂንቲና ሞታናይ ሂንቲ ኡፋይሳን ናገያ ሙሴ። 46 ሂንቲ ሙሴ ኦሚኒዳባ ገዲያኮ ኢ ታባ ያፊዳ ገሾ ታናካ ኦሚናናሽን። 47 ሽን ሂንቲ ኤ ያፊዳይሳ ኦሚናና ኢጊኮ ታ ቃላ ዋቲዲ ኦሚናኔ?» ያገሰ።

6

ዩሱሲ ኢቻሹ ሙኩሉ ኦሳ ሙዚሰ
(ማቶ 14:13-21፤ ማር 6:30-44፤ ሉቃ 9:10-17)

1 ሃሳፊ ጉዬ፣ ዩሱሲ ያባርዮሳ ገያ ጋለላ ኦሳፊ ሄፊንላ ፒኒሰ። 2 ኢ ሃርጋንቾታ ፓሶን ኦላዳ ማላታ ቤዒዳ ገሾ ዳር ኦሳይ ኢያ ካለደሶና። 3 ዩሱሲ ዴሪያ ቦላ ከዬዱ፣ ያን ባ ታማሬታራ ኢሲፊ ኡቲሰ። 4 ኦይሁዳቲ ሶንቾያ ፓሰካ ባሌ ጋሳሳይ ጋኪሰ። 5 ዩሱሲ ዳር ኦሳይ ባኮ ዩይሳ ቤዒዲ ፊልጶሳኮ። «ሃ ኦሳ ኡባ ሙዛናው ገዲያ ካላ ኦሚና ሻማኔ?» ያገሰ። 6 ኢ ሃሳ ፊልጶሳ ፓጫናው ገሰፐ ኦቲን ኢ ባ ሁዒን ኦይ ኦላኔኮ ኤራሰ።

7 ፊልጶሳ ከሪዲ ዩሱሳኮ። «ሃሪ ኦቶሽን፣ ሁዒን ሁዒን፣ ኢሲ ኢሲ ባርሲ ጋላናው፣ ናምዑ ያቲ ዲናራን * ኡይሉ ሻማንካ ገዳና» ያገሰ።

8 ቃሲ ዩሱሳ ታማሬታፔ ኢሶይ፣ ሲምን ጶጫሪሳ ኢሻይ ኢንዲሪያሰ። 9 «ኢቻሹ ባንጋ ሶሎኔ ናምዑ ሞሎ ኦይኪዳ ኢሲ ናዒይ ሃይሳን ዴዒሰ። ሽን ሃ ኦሳ ኡባሰ ሂሲ ኦይ ማዳኔ?» ያገሰ።

10 ዩሱሲ ባ ታማሬታፔ፣ «ኦሳ ኡቲሰፔ» ያገሰ። ሄ ቤሳን ዳር ማቲ ዴዒሰ፤ ኦሳ ኡባይ ኡቲሰ። ኦዳ ኦሳ ታይሶይ ኢቻሹ ሙኩሉ ገዳና። 11 ዩሱሲ ኡይሳ ኤኪዲ ያሳ ጋላቲ ሲሚዲ ያን ኡቲዳ ኦሳሰ ገሽሰ። ሞላዋካ ኤኪዲ ሃሳዳ ኦላዲ ኢሚን፣ ኦሳይ ባ ኮዩይሳ ማላ ሚሰ። 12 ኤንቲ ኡባይ ካሊዳፔ ጉዬ ዩሱሳ ባ ታማሬታፔ፣ «ኢሲባይካ ኢቶና ማላ ኦቲዳ ቲፊያ ሽሽቲ» ያገሰ። 13 ሃሳ ገሾ፣ ኤንቲ ኡባ ሽሽደሶና። ኦሳይ ሚን ኦቲዳ ባንጋ ሶሎ ቲፊያ ሽሽዲ ታማኔ ናምዑ ጋይታ ከንላደሶና።

14 ኦሳይ ዩሱሲ ኦላዳ ማላታታ ቤዒዳ ዋዴ «ሃይሲ ቱማ ሃ ኦላሚያ ያና ጌቲቲዳ ናቢያ» ያገደሶና። 15 ዩሱሲ ኤንቲ ኢያ ኦይኪዲ ዋልቃን ካዋ ኦላናው ሃኔይሳ ኤራዲ፣ ባርካ ዴሪያ ቦላ ዛሪ ከዬሰ።

ዩሱሲ ኦሳ ቦላራ ሃሙቲሰ
(ማቶ 14:22-33፤ ማር 6:45-52)

16 ሳዒይ ኦሚርሲዳ ዋዴ ዩሱሳ ታማሬቲ ኦባኮ ዋዲደሶና። 17 ሳዒይ ቃሚዳ ገሾኔ ዩሱሲ ቡር ኤንታኮ ዩቦና ገሾ ኢያ ታማሬቲ ዋጎሎን ጌሊዲ ኦሳ ፒኒዲ ቁፊርናሆሚ ባናው ዴንዲደሶና። 18 ዋልቃሚ ጫርኮይ ጫርኪዳ ገሾ ኦሳይ ቃዲሰ። 19 ኢቻሹ ዋይኮ ኡሱቱን ኪሎ ሚቲሬ ገዳይሳ ማላ ኤንቲ ኦሳ ፒዲዲ ቢዳፔ ጉዬ ዩሱሲ ኦሳ ቦላራ ሃሙቲሽ ዩይሳ ቤዒዲ ያዩደሶና። 20 ሽን ኢ፣ «ባሶፊቲ፣ ታና» ያገሰ። 21 ኤንቲ ኡፋይቲዲ ኢያ ዋጎሎን ጌልሲደሶና፤ ኢራካ ዋጎሎይ ኤንቲ ቢያ ኦሳ ጋያ ጋኪሰ።

5:33 የሃ 1:19-27፤ 3:27-30 5:37 ማቶ 3:17፤ ማር 1:11፤ ሉቃ 3:22 * 6:7 ዳናሬ ኢሲ ዳናሬይ ኢሲ ኦሳ ኢሲ ጋሳሰ ኦላ ፒዒዲ ኤኪያ ሚሹ። ናምዑ ያቲ ዳናሬይ ኢሲ ኦሳ ላይላ ባጋ ኦላዲ ኤኪያ ሚሹ ከና። (ማቶ 20:2) ያላቲ።

ዩሱሲ ዴፆ ኡይላ

22 ዋንቴላ ገላሰ አባሬ ሄፊንላን አተዳ ዳር አሳይ ኢሲ ዋንሎ ፃላሊ ዴዔይሳ ቢዒደሶና። ዩሱሲ ባ ታማሬታራ ዋንሎታን ጌሊዲ፣ ኤንታራ ቦናይሳኔ ኤንቲ ባንታርካ ቢዳይሳ አከኪደሶና። 23 ሺን ዳርፍሳላፕ ሃራ ዋንሎታ ዩሱሲ ያሳ ገላተን፣ አሳይ ኡይላ ሚዳ ቢሳ ዩደሶና። 24 አሳይ ዩሱሲ ዋይኮ ኢያ ታማሬቲ ያን ባይናይሳ ቢዒዲ፣ ዩሱሳ ኮያናው ዋንሎታን ጌሊዲ ቁፊርናሆሜ ቢደሶና።

25 አሳይ ዩሱሳ አባሬ ሄፊንላን ዴሚዳ ዋዴ «አስታማሪያው፣ ሃ አወዴ ያዲ?» ያገሰ።

26 ዩሱሲ ዛሪዲ፣ «ታሊ ሂንቴው ቱማ ኦዳይሰ፤ ሂንቴ ታና ኮዬይ ኡይላ ሚዲ ካሊዳ ገሾሳፊ አተን ማላታ ቢዒዲ ገሾሳ ገዴና። 27 ሳሚያ ካሳሰ ኦሎፊቴ፣ ሺን ሜሪና ዴፆ አሚያ ካሳሰ ኦሎፊቴ። ያሳ አዋይ ኢ ኦሳና ሚላ ኢያው ማታ አሚዳ ገሾ ሄ ካሳ አሳ ናዓይ ሂንቴው አማና» ያገሰ።

28 ያቴን ኤንቲ፣ «ኮኒ ያሳ ኦሎቶ ኦሳናው አይ ኦሳኔ?» ያገዲ ዩሱሳ ኦይቺደሶና።

29 ዩሱሲ ዛሪዲ፣ «ሂንቴ ኦሳና ሚላ ሳይ ኮያ ኦሶይ ሃይሳ፣ ኢ ከቲዳይሳ አማኒቲ» ያገሰ።

30 ኤንቲ ዛሪዲ፣ «ኮኒ ቢዒዲ፣ ኔና አማናና ሚላ አይ ማላታ ኔ ቡሳኔ? ኔ አይ ኦሳኔ? 31 ገሻ ማፃፃን፣ ለኤንቲ ማና ሚላ ኡይላ ሳሎፕ አሚሰን ጌቴቲ ፃፊቲዳይሳዳ ኦ አዋቲ ባዘ ቢታን ማና ሚደሶና» ያገደሶና።

32 ዩሱሲ፣ «ታሊ ሂንቴው ቱማ ኦዳይሰ፤ ሂንቴው ሳሎፕ ቱማ ኡይላ አሚዳይ ታ አዋፕ አተን ሙሴ ገዴና። 33 ሂዛ፣ ያሳይ አሚያ ኡይሳይ ሳሎፕ ዋዲዳይሲ አላሚያሰ ዴፆ አሚይሳ» ያገሰ።

34 ኤንቲ ዛሪዲ፣ «ሳደው፣ ኮሰ ሄ ኡይላ ኡባ ዋዴ አማ» ያገደሶና።

35 ዩሱሲ፣ «ታሊ ዴፆ አሚያ ኡይላ፤ ታኮ ያ ኦኒካ ኡባራካ ኮሻቲና። ቃሲ ታና አማኒያ ኡራይ ኡባራካ ሳሞቴና። 36 ሺን ታሊ ሂንቴው ኦዳሰ፤ ሂንቴ ታና ቢዒዲ ታና። ሺን አማኒኬታ። 37 ታ አዋይ ታው አሚያ ኡባይ ታኮ ያና፤ ቃሲ ታኮ ያ ኦኒካ ካሬ ዩዲኬ። 38 ታሊ ታ ኮያባ ኦሳናው ገደናሺን ታና ከቲዳይሲ ኮያባ ኦሳናው ሳሎፕ ያሰ። 39 ታና ከቲዳይሲ ኮዬይ ሃይሳ፣ ታሊ ኢ ታው አሚዳ ኡባታካ ወርሴላ ገላሰ ሃይቆፕ ዴንሳና ሚላፕ አተን ኢሱዋካ ዳይሳና ሚላ ኮዬና። 40 ሂዛ፣ ታ አዋይ ኮዬይ ሃሳ፣ ናዓ ቢዒዲ አማኒያ ኡባይ ሜሪና ዴፆ-ዋ ኤካና፤ ታሊ ሄ ኡባ ወርሴላ ገላሰ ሚሪና ዴፆሰ ሃይቆፕ ዴንሳና» ያገሰ።

41 ዩሱሲ፣ «ታሊ ሳሎፕ ዋዲዳ ኡይላ» ገዳ ገሾ አይሁዳቲ ኢያ ቦላ ዘዘሚደሶና። 42 ኤንቲ፣ «ሃይሲ ኮኒ ኢያ አዋኔ ኢያ አይው ኤሪው ዮሴፋ ናዓ ዩሱሳ ገዴኔ? ያቴን፣ ኢ ዋኒዲ፣ ናኒ ሳሎፕ ዋዲሰን ገናው ዳንዳዒ?» ያገደሶና።

43 ዩሱሲ ዛሪዲ፣ «ኢሶይ ኢሱዋራ ዘዘሚይሳ አገቴ። 44 ታና ከቲዳ ታ አዋይ ታኮ ኢሂያ አሳፕ አተን ታኮ ያናው ዳንዳዒያ ኦኒካ ባዋ። ታሊ ወርሴላ ገላሰ ኢያ ሚሪና ዴፆሰ ሃይቆፕ ዴንሳና። 45 ናቡቲ፣ ያሳይ አሳ ኡባ ታማርሳና» ያገዲ ፃፊደሶና። አዋ ቢዒይሰኔ ኢያፕ ታማሪያ ኦኒካ ታኮ ዩሰ። 46 ያሳ ማታይ ዩዳይሳፊ አተን አዋ ቢዒዲያ ኦኒካ ባዋ፤ ኢያ ፃላሊ አዋ ቢዒሰ።

47 «ታሊ ሂንቴው ቱማ ኦዳይሰ፤ ታና አማኒያ ኡዳሰካ ሚሪና ዴፆ ዩዳሰ። 48 ታሊ ዴፆ አሚያ ኡይላ። 49 ሂንቴ አዋቲ ባዘን ማና ሚደሶና፣ ሺን ሃይቁደሶና። 50 ሳሎፕ ያ ኡይሳይ ሃይሳ፤ ሄ ኡይላ ሚያ ኦኒካ ሃይቆና። 51 ሳሎፕ ዩዳ ዴፆ ኡይሳይ ታና። ኦኒካ ሃ ኡይላ ማኮ ሚሪናው ዳና። ቃሲ ሃ አላሚይ ዴፆን ዳና ሚላ ታሊ ሂንቴው አማና ኡይሳይ ታ አሹዋ» ያገሰ።

52 አይሁዳቲ፣ «ሃ አይይ ባ አሹዋ ኮ ማና ሚላ ኮሰ ዋቲዲ አማናው ዳንዳዒ?» ያገዲ ባንታ ገደን ገላሚደሶና።

53 ሃሳ ገሾ፣ ዩሱሲ አንታ፣ «ታሊ ሂንቴው ቱማ ኦዳይሰ፤ አሳ ናዓ አሹዋ፣ ሂንቴ ሞና ኢደኮ፣ ቃሲ ኢያ ሱላ ሂንቴ ኡዮና ኢደኮ፣ ሂንቴው ዴይ ባዋ። 54 ታ አሹዋ ሚያ ኡራሰኔ ታ ሱላ ኡያ ኡራሰ ሚሪና ዴፆ ዩዳሰ። ታሊ ወርሴላ ገላሰ ኢያ ሃይቆፕ ዴንሳና። 55 ታ አሹዋ ቱማ ካሲ፤ ታ ሱላይካ ቱማ ኡሹ። 56 ታ አሹዋ ሚያ ኡራይኔ ታ ሱላ ኡያ ኡራይ ታናን ዩዳሰ፤ ታካ ኢያን ዩዳይሰ። 57 ዴፆ አዋይ ታና ከቲን፣ ታሊ ኢያ ባገራ ዴፆን ዩዳይሳዳ፣ ታና ሚያ ኡራይካ ታ ገሪን ዴፆን ዳና። 58 ሳሎፕ ዋዲዳ ኡይሳይ ሃይሳ፣ ሂንቴ አዋቲ ሚዲ ሃይቁዳ ማና ሚላ ገዴና፤ ሃ ኡይላ ሚያ ኡራይ ሚሪናው ዳና» ያገሰ።

59 ዩሱሲ ቁፊርናሆሜ ካታማን አይሁዳ ዋሳ ኬላን ሃይሳ ታማርሲስ።

ሚሪና ዴፆ ቃላ

60 ዩሱሳ ታማሬታፕ ዳሪና ባገይ ሃሳ ሲዒዲ ዋዴ «ሃይሲ ጌሎና ቲሚርቲ፤ ሃይሲ ኦዴሰ ጌሊ?» ያገደሶና።

61 ዩሱሲ ባ ታማሬቲ ሃሳሰ ዘዘሚዳይሳ ኤሪዲ፣ «ሃይሲ ሂንቴና ዱቢ? 62 ያቴን፣ አሳ ናዓይ ካሴ ዴዳያሱዋ ፑዴ ኬዩሺን ሂንቴ ቢዒዲ ዋይገንደቲ? 63 ገሻ አያናይ ዴፆ አሚሰ፤ አሳ ዋልቁ አይኮካ ማዴና። ታ ሂንቴው ኡዲያ ቃላይ ዴፆ አሚያ ገሻ አያናፕ ዩሰ። 64 ሺን ሂንቴ ገደን አማናይሳቲ ዴፆሶና» ያገሰ። አማናይሳቲ ኦናንቴኮ ዩሱሲ ኮይሮፕ ደሚዲ ኤሬሰ። ቃሲ ባና

አላ ኢሚናይ ኦኔኮ ኤሬስ። 65 ቃሲካ ዩሱሲ፣ «አዋይ ባ ጎና ኦኔካ ታኮ ያናው ዳንዳዔና ጋዳ ታኒ ኦዲዳይ ሃሳ ገሾላ» ያገሰ።

66 ሃሳ ጋሳጎ፣ ዩሱሳ ካሌይሳታፔ ዳሮቲ ኢያ አገዲ ጉዬ ሲሚዶሶና፤ ዛሬ ኢያ ካሊቦኮና። 67 ዩሱሲ ታማኔ ናሞቡ ባ ታማሬታ፣ «ሃንቴካ አገዲ ባናው ኮዩቲ?» ያገዲ ኦይቺስ።

68 ሲሞን ጴጌርሲ ዛሬዲ፣ «ጎዳው፣ ኮኒ ኦዳኮ ባኔ? ኔው ሜሪና ዳዎ አሚያ ቃላይ ዳዔስ።

69 ኔኒ ያሳ ገሻ ገዴይሳ ኮኒ አማናሲኔ ኤርስ» ያገሰ።

70 ዩሱሲ ኤንታኮ፣ «ታኒ ሃንቴና ታማኔ ናሞታ ዶራቢኪና? ሺን ሃንቴሬ ኢሶይ ያላሃ» ያገሰ።

71 ዩሱሲ ሃሳ ገዳይ ሲሞን ናባ አስቆርታ ዪሁዳሳ። ዪሁዲ ዩሱሳ አላ ኢሚናው ዳዔያ ታማኔ ናሞቡ ታማሬታፔ ኢሱዋ።

7

ዩሱሳራኔ ኢያ አሻታራ

1 ሃሳሬ ጉዬ፣ አይሁዳይ ዩሱሳ ዋፋናው ኮያ ገሾ ኢ ዪሁዳ አገዲ ጋሊላን ሲሚሬቲስ። 2 አይሁዳይ ቦንቺያ ሻቃራ ባሌይ ቦንቺታናው ማቲስ። 3 ሃሳ ገሾ፣ ዩሱሳ አሻቲ፣ «ኔ ታማሬቲ ኔኒ ኦላያ ማላታታ ቤናና ሜላ ሃይሳሬ ዳንዳዳ ዪሁዳ ቢታ ባ። 4 ባው ኤሬታናው ኮያ አሲ ኦኔካ ባ ኦሱዋ ገንጸና። ኔኒ ሃይሳታ ኦላዳ ኔባ አላሚያ ኤሪሳ» ያገደሶና። 5 ኢያ አሻቲ ሃሳ ገዳይ ኢያን አማኒቦና ገሾላ።

6 ዩሱሲ ኤንታኮ፣ «ታው አንጄ ዋዳይ ጋኪቦና፣ ሺን ሃንቴው ኡባ ዋዳይ አንጄቲስ። 7 አላሚይ ሃንቴና አገናው ዳንዳዔና፣ ሺን ታኒ አላሚያ ኦሶይ ኢታ ገዴይሳ ማርካቲያ ገሾ ታና ኢጻስ። 8 ሃንቴ ባሊያ ቤቲ፣ ታ ዋዳይ ጋኪቦና ገሾ ታኒ ባሊያ ቤኬ» ያገሰ። 9 ኢ ሃሳ ገዲ ጋሊላን ኦቲስ።

ዩሱሲ ባሊያ ቦንቻናው ቢስ

10 ኢያ አሻቲ ባሊያ ቦንቻናው ቢዳፔ ጉዬ ዩሱሲ ኦናካ ኤሪሶና ቆሳን ሄ ቤሳ ቢስ። 11 አይሁዳይ ባሊያ ቦንቺያ ቤሳን፣ «ኢ አውን ዳዒ?» ያገዲ ኢያ ኮዩዶሶና።

12 አሳይ ካልካሺዲ ኢያባ ኦዳቶሶና። ባጋይ፣ «ኢ ሎዎ አሲ» ገያ ዋዳ ሃራቲ ቃሲ፣ «አካይ፣ ኢ አሳ ባሊጸስ» ያሳሰና። 13 ሺን አይሁዳ ሃላቃታስ ያዩዳ ገሾ ኦኔካ ኢያባ ቆንጩን ኦዳቲና።

14 ባሊያ ቦንቺያ ገደ ጋላያ ዋዳ ዩሱሲ ያሳ ከሌ ቢዲ ታማርሶ ኦይኪስ። 15 አይሁዳይ፣ «ሃ አዳይ ቲሚርቲ ታማርቲ ሃይሳ ኡባ ዋቲ ኤሪዳ?» ያገዲ ማላሊቲዶሶና።

16 ዩሱሲ ዛሬዲ፣ «ታ ታማርሲያ ቲሚርቲይ ታና ከቲዳ ያሳ ማታፔ ያ ቲሚርቲሬ ኦቲን ታባ ገዳና። 17 ያሳ ሺኒያ ኦላናው ኮያ ኦኔካ ሃ ቲሚርቲይ ያሳ ማታፔ ዪያኮኔ ዋይኮ ታኒ ታፔ ኦዲያኮ ኤሪና። 18 ባባ ኦዲያ ኦኔካ ባ ሁዔ ቦንቺ ኮዩስ። ሺን ባና ከቲዳይሳ ቦንቺዋ ኮያ ኦኔካ ኢ ቲማንቺ፤ ኢያን ዋርዶይ ባዋ። 19 ሙሴይ ሃንቴው ሃገያ አሚሰ፣ ሺን ሃንቴሬ ኦኔካ ሃገያ ናገቤና። ያቲን አይስ ታና ዋፋናው ኮዩቲ?» ያገሰ።

20 አሳይ ዛሬዲ፣ «ኔና ያላሃይ ኦይኪስ፤ ኔና ዋፋናው ኦኔ ኮዩይ?» ያገደሶና።

21 ዩሱሲ፣ «ታኒ ኢሲ ማላታ ኦላን ሃንቴ ኡባይ ማላሊቲዳታ። 22 ሃንቴ፣ ሃንቴ ናይታ ቃፃራና ሜላ ሙሴይ ከቲስ። ሺን ቃፃሮ ሃንቴ ማይዛቲ ደሚዶሶናፔ ኦቲን ሙሴ ገዳና፣ ሃሳ ገሾ፣ ሃንቴ ሳሞባታ ጋላስ አዳ ናይታ ቃፃሬታ። 23 ሙሴ ሃገይ ከቲዳ ገሾ ሃንቴ ሳሞባታ ጋላስ ቃፃሪያባ ገዲኮ፣ ታኒ ኢሲ አሳ ከሜላ አሳቲላ ጋላዳ ገሾ ታራ አይስ ካጩቲ? 24 ቱማ ፐርዳ ፐርዳቲፔ ኦቲን አሳ ሶሞዎ ቤዒዲ ፐርዳፊቲ» ያገሰ።

ዩሱሲ፣ ኢ ኪሪስቶስ?

25 ዩሪሳላሚ አሳፔ ኢሶቲ ኢሶቲ፣ «ኤንቴ ዋፋናው ኮያ ኡራይ ሃይሳ ገዳኔ? 26 ሄኮ፣ ኢ ቆንጩን ኦዳስ፤ ኤንቴ ኢያ አይኮካ ጎና። ኢ ኪሪስቶሳ ገዴይሳ አይሁዳ ሃላቃቲ ቱማ ኤሪዶናሻ?

27 ኪሪስቶሲ ያ ዋዳ ኢ አውፔ ያኮ ኦኔካ ኤሪና፣ ሺን ኢ አውፔ ዪዳኮ ኦ ኤርስ» ያገደሶና።

28 ዩሱሲ ያሳ ከላን ታማርሲሺ ባ ቃላ ጾቁ ኦላዲ፣ «ቱማ ሃንቴ ታኒ ኦኔኮኔ ታ አውፔ ዪዳኮ ኤሪቲ? ታኒ ታ ማታን ያቢኬ፣ ሺን ታና ከቲዳይሲ ቱማንቺ፤ ሃንቴ ኢያ ኤሪኬታ። 29 ሺን ታኒ ኢ ከቲን ኢያ ማታፔ ዪዳ ገሾ ኢያ ኤሪይስ» ያገሰ።

30 ሃሳ ገሾ፣ ኤንቴ ኢያ ኦይካናው ኮዩዶሶና። ሺን ኢያ ዋዳይ ቡሮ ጋኪቦና ገሾ ኦኔካ ኢያ ቦላ ኩሺ ዋሊቤና። 31 ሺን ዳሮ አሳይ ዩሱሳ አማኒዲ፣ «ኪሪስቶሲ ያ ዋዳ ሃ ኡራይ ኦላዳ ማላታታፔ ዳሪያ ማላታ ኦላኔዬ?» ያገደሶና።

ዩሱሳ ኦይካናው ዋታዳሬቲ ከቲቲዶሶና

32 ፋሪሳዊት ዳር አሳይ ዬሱሳባ ካልካሸይሳ ሰዲዶሶና። ካሄነ ሃላቃቲኔ ፋሪሳዊቱ ኢያ ኦይሌዲ ቃሽሳናው ያሳ ከሌላ ናጌይሳታ ከቲዶሶና።

33 ዬሱሱ፤ «ታጌ ሃንቲራ ጉላ ዎዴ ጋምዓና፤ ሃሳፌ ጉዬ ታና ከቲዳይሳኮ ባና። 34 ሃንቲ ታና ኮያና፤ ሽን ዴሜኬታ። ታጌ ዲዲያሱዋ ሃንቲ ያናው ዳንዳዴኬታ» ያገለገለ።

35 አይሁዳት ኢሶይ ኢሱዋራ፤ «ሃይሲ ኑጌ ዴሞናሶ እው ባና ሃን? ገሪኬ ካታማን ዴዲያ አይሁዳታኮ ቢዲ ገሪኬታ ታማርሳናው ሃንዬ? 36 «ሃንቲ ታና ኮያና፤ ሽን ዴሜኬታ» ቃሲ፤ «ታጌ ዴዲያሱዋ ሃንቲ ያናው ዳንዳዴኬታ» ጉሳይ አይ ጉሴ?» ያገደሶና።

ዴጋ ሃሳ

37 ባለያ ቦንቺያ ገላሳታፕ ዎልቃማኔ ወርሱላ ገላሳን ዬሱሲ ዴንዲዲ፤ ባ ቃላ ቶቁ ኦሌዲ፤ «ሳሞቲዳ ኦኒካ ታኮ ዬዲ ኦዮ። 38 ታና አማኒያ ኦኒካ ጌሻ ማፃፋይ ገደይሳዳ ዴጋ ኢሚያ ፑልቶ ሃላይ ኢያፕ ጎጋና» ያገለገለ። 39 ኢ ሃሳ ገደይ ኢያ አማኒዳይሳቲ ኦካናው ዴዲያ ጌሻ አያናባ። ዬሱሲ ቡር ቦንቺቲሶና ጊሾ ሄ ዎዴ ጌሻ አያናይ ኢሜቲቤና።

አሳ ገደን ሻኬቲላ ሜዴቲሰ

40 ሄ አሳፕ ዳርቲ ኢ ጌይሳ ሰዲዲ፤ «ቱማ ሃይሲ ናቢያ» * ያገደሶና።

41 ሃራቲ ቃሲ፤ «ሃይሲ ከሪሰቶሳ» ያገደሶና።

ሽን ሃራቲ ቃሲ፤ «ከሪሰቶሰ ገለለፕ ዋኒዲ ከዬ? 42 ጌሻ ማፃፋይ፤ «ከሪሰቶሰ ዳዊቲ ሸሻፕ ዳዊቲይ ዴዲዳ ቤቲሌሜ ካታማፕ ያና ያገኔዬ?» ያገደሶና። 43 ሃሳ ጊሾ፤ ዬሱሳ ገሰን አሳይ ባንታ ገደን ሻኬቲዶሶና። 44 ሄ አሳፕ ኢሶቲ ኢሶቲ ኢያ ኦይካናው ኮዩዶሶና፤ ሽን ኦኒካ ኢያ ቦላ ኮሺ ዎላቤና።

አይሁዳ ሃላቃቲ አማኒቦኮና

45 ያሳ ከላ ናጌይሳቲ ካሄነ ሃላቃታኮኔ ፋሪሳዊታኮ ጉዬ ሰሚ ዩን ኦንቲ፤ «አይሰ ኢያ ኦኒሃኬከቲ?» ያገደዲ ኦይቺዶሶና።

46 ያሳ ከላ ናጌይሳቲ ኦንታኮ፤ «ሃ አዳይ ኦዴቲይሳላ ኦኒካ ኦዴቲና» ያገደዲ ዛሪዶሶና።

47 ፋሪሳዊት ዛሪዲ፤ «ኢ ሃንቲናካ ባለሌዳ? 48 አይሁዳ ሃላቃታፕ ዎይኮ ፋሪሳዊቲኔ ኢያ አማኒዳ አሲ ዴዲ? 49 ሙሴ ሂጊያ ኤርና ሃ አሳይ ቃንጌቲዳባ» ያገደሶና።

50 ፋሪሳዊታፕ ኢሶይ ቃማ ዬሱሳኮ ቢዳ ኒቆዲሞሲ ኦንታኮ፤ 51 «አሲ አሲ ጊያባ ሲያና ዎይኮ ኢ አይ ኦሌዳኮ ኤርና ዴዲሼ ኮይርቲዲ ኢያ ቦላ ፐርዴይሲ ኑ ሂጊያን ዴዲ?» ያገለገለ።

52 ኦንቲ ዛሪዲ፤ «ኦኒካ ቃሲ ገለለ ቢታ ኦሴ? ገለለ ቢታፌ ናቤይ ኬዮናይሳ ጌሻ ማፃፋፕ ፐልጋዳ ዴማ» ያገደሶና።

8

ላይማቴላን ኦይኬቲዳ ማጫሲው

1 ኢሶይ ኢሶይ አገዲ ባ ሶ ባ ሶ ቢሰ። ሽን ዬሱሲ ሻማሆ ዴሪያ ቦላ ቢሰ። 2 ቃሲ ዎንቲላ ገላሰ ጉራ ያሳ ከሌላ ሰሚሰ። ዳር አሳይ ኢያኮ ዩን ኡቲዲ ኦንታ ታማርሲሰ። 3 ሃጌ ኦሰታማራቲኔ ፋሪሳዊቲ ላይማቴሽን ኦይኪዳ ኢሲ ማጫሲው ኢያኮ ኦሂዶሶና። ኦንቲ አሳ ኡባ ሰንላን ኢዮ ኡሲዲ፤ 4 «አሰታማሪያው፤ ሃ ማጫሲያ ላይማቴሽን ኑ ኦይኪዳ። 5 ሙሴ ሃጌይ ሃጌ ሜላ ማጫሲ ሹቻን ጫዳታ ሃይቃና ሜላ ከቲሰ። ያቲን፤ ኔጌ ዎይጋይ?» ያገደሶና።

6 ኦንቲ ሃሳ ገደይ ዬሱሳ ፓጪዲ ኢያ ሞቲያባ ዴማናሳ። ሽን ዬሱሲ ሆኪዲ ባ ቢራዴን ቢታ ቦላ ሃሰሰ። 7 ኦንቲ ኢያ ዛሪ ዛሪ ኦይቺዲ አጎና ኢግን፤ ፑዴ ቶቁ ገዲ፤ «ሃንቲ ገደን ናጋራ ኡሊሶና አሲ ኮይርቲዲ ኢዮ ሹቻን ጫዳ» ያገለገለ። 8 ቃሲካ ሆኪዲ ቢታ ቦላ ሃሰሰ።

9 ኦንቲ ሃሳ ሰዲዳ ዎዴ ጪማታፕ ዶሚዲ ኢሶይ ኢሶይ ኬዩሺ ወሪዶሶና። ዬሱሳ ፃላሊ ሄ ቢሳን ኡቆዳ ማጫሲራ ኦቲሰ። 10 ኢ ፑዴ ቶቁ ገዲ ማጫሲኮ፤ «ማጫሲቲ፤ አሳቲ እው ቢዶና? ኔ ቦላ ፐርዲዳይ ኦኒካ ባዋ?» ያገለገለ።

11 ማጫሲያ፤ «ጎዳው፤ ኦኒካ ባዋ» ያጋሱ።

ዬሱሲ ዛሪዲ፤ «ታጌካ ኔ ቦላ ፐርዲኬ። ባ፤ ዛራዳ ናጋራ ኦላፋ» ያገለገለ።

ዬሱሲ አላሚያሰ ፖዖ

12 ቃሲካ ዬሱሲ አሳኮ፤ «ታጌ አላሚያሰ ፖዖ። ታና ካሊያ ኦኒካ ዴጋ ኢሚያ ፖዖ-ዋ ኦካናፕ ኦቲን ቆማን ሰሜራቲና» ያገደዲ ኦዲሲ።

7:37 ለዋ 23:36 7:38 ሂዘ 47:1፤ ዛካ 14:8 * 7:40 ናቢያ፤ ሃ ቢሳን ናቢያ ጌቲቲዴይ ያና ገዲ ኦንቲ ናጌያ ናቢያ ቆንጫሲሰ። (የሃ 1:21 ያሊቲ።) 7:42 2ሳሙ 7:12፤ ሚክ 5:2 7:50 የሃ 3:1፤ 2 8:5 ለዋ 20:10፤ ዛሪ 22:22-24 8:12 ማቶ 5:14፤ የሃ 9:5

13 ፋሪሳዊት፣ «ኔ ነባ ማርካታሳ፣ ሽን ኔ ማርካቴላይ ቱማ ገዳና» ያገደሰና።

14 ዬሱሲ ዛሬዲ፣ «ታጌ ታባ ማርካቴኮካ ታ ማርካቴላይ ቱማ። አይሰ ገኮ፣ ታጌ አወፔ ደዳኮ ቃሲ አው ቢያኮ ኤራይሰ፣ ሽን ሂንቴ ኤራኬታ። 15 ሂንቴ አሳ ቆፋን ፐርዳታ፤ ታጌ አሲ አሳ ቦላካ ፐርዳኬ። 16 ታጌ ፐርዳያባ ገደኮካ ታ ፐርዳይ ቱማ። አይሰ ገኮ፣ ታጌ ከቲዳ ታ አዋይ ታራ ዳዔሲፔ እትን ታጌ ታርካ ዳዒኬ። 17 ናምዑ አሳ ማርካቴላ ቱማ ገዳይሲ ሂንቴ ሂጊያን ፃፈቲሰ።

18 ታጌ ታባ ታ ሁላን ማርካታይሰ፤ ቃሲ ታና ከቲዳ ታ አዋይካ ታባ ማርካቴሰ» ያገሰ።

19 ኤንቴ፣ «ኔ አዋይ አወን ዳዒ?» ያገደዲ ኢያ ኦይቺድሶና።

ዬሱሲ ዛሬዲ፣ «ሂንቴ ታና ዋይኮ ታ አዋ ኤራኬታ። ታና ኤራዳባ ገደያኮ፣ ሂንቴ ታ አዋካ ኤራናሽን» ያገሰ።

20 ዬሱሲ ያሳ ከላን ሙፃታ ሚሺያ ዬጊያ ሳዊኔይ ዳዒያ ቤሳን ሄሳ ታማርሲሰ። ኢያ ቃማይ ቡር ጋኪቦና ገሾ ኦኒካ ኢያ ኦይኪቤና።

21 ቃሲካ ዬሱሲ ኤንቴ፣ «ታጌ ባና፣ ሂንቴ ታና ኮያና፣ ሽን ሂንቴ አቶቴላ ዳምና ሂንቴ ናጋራን ሃይቃና። ታጌ ቢያሱዋ ባናው ሂንቴ ዳንዳዔኬታ» ያገሰ።

22 አይሁዳ ሃላቃት፣ «አ፣ ሐን ቢያሱዋ ሂንቴ ባናው ዳንዳዔኬታ» ያገሰ። አ ባና ባርካ ዋፋኔዮ?» ያገደሰና።

23 ዬሱሲ ዛሬዲ፣ «ሂንቴ ጋርሳፊ፤ ታጌ ቦላፊ። ሂንቴ ሃ አላሚያፔ፣ ታጌ ሃ አላሚያፔ ገደኬ።

24 ሂንቴ አቶቴላ ዳምና ሂንቴ ናጋራን ሃይቃና ጋዳ ታጌ ሂንቴው ኦዲዳይ ሄሳሳ። ታጌ ታና ገደይሳ ሂንቴ አማናና ኢዳኮ ሂንቴ አቶቴላ ዳምና ሂንቴ ናጋራን ሃይቃና» ያገሰ።

25 ኤንቴ፣ «ኔጌ ኦኒ?» ያገደዲ ኦይቺድሶና።

ዬሱሲ ዛሬዲ፣ «ታጌ፣ ኮይሮፔ ሂንቴው ኦዲዳ ታና። 26 ታጌ ሂንቴባ ኦዲዳ ፐርዲያባይ ዳርባይ ዳዒሰ። ሽን ገታ ከቲዳይሰ ቱማንቸ፤ ቃሲ ታጌ ኢያፔ ሰዒዳይሰ ፃላላ አላሚያሰ ኦዲይሰ» ያገሰ።

27 ዬሱሲ ባ አዋባ ኦይይሳ ኤንቴ አኬኪቦኮና። 28 ሄሳ ገሾ፣ ዬሱሲ ኤንገታ፣ «ሂንቴ አሳ ናዓ ፑዳ ጾቆ ኦላያ ዋዳ ታጌ ታና ገደይሳ ሂንቴ ኤራና። ቃሲካ ታጌ ታ ማታን አይኮካ ኦላናይሳኔ ታ አዋይ ታና ታማርሲዳይሳ ኦይይሳ ሂንቴ ኤራና። 29 ታጌ ከቲዳይሲ ታራ ዳዒሰ። ታጌ ኡባ ዋዳ ኢያ ኦዲይሲያባ ኦላያ ገሾ አ ታና ታ ፃላላ አገቤና» ያገሰ።

30 ዬሱሲ ሄሳ ኦዲሺን ሰዒዳ ዳር አሳይ ኢያ አማኒደሰና።

ናጋራ አይሉቴላፊ ኬሲ

31 ዬሱሲ ባና አማኒዳ አሳታ፣ «ሂንቴ ታ ቲሚርቲያሰ ከቲቲኮ ቱማ ታና ካሌይሳታ። 32 ሂንቴ ቱማ ኤራና፤ ቱማይካ ሂንቴና አይሉቴላፊ ኬሳና» ያገሰ።

33 ኤንቴ ዛሬዲ፣ «ኦኒ አብራሃሜ ሹሽ፤ ኦኒ ኦዳሰካ አይሉቴላፊ። ሂንቴ አይሉቴላፊ ኬያና፣ ጋይ?» ያገደሰና።

34 ዬሱሲ ዛሬዲ፣ «ታጌ ሂንቴው ቱማ ኦዲይሰ፤ ናጋራ ኦላያ ኦኒካ ናጋራ አይሉ። 35 አይሉይ ሜሪናው ሶ አሳራ ዳና፣ ሽን ናዓይ ሜሪናው ሶ አሳራ ዳዒሰ። 36 ናዓይ ሂንቴና አይሉቴላፊ ኬሲኮ ሂንቴ አይሉቴላፊ ቱማ ኬያና። 37 ሂንቴ አብራሃሜ ሹሽ ገደይሳ ታጌ ኤራይሰ። ሽን ታ ቃላይ ሂንቴ ዋዳኮን ባይና ገሾ ታና ዋፋናው ኮዩታ። 38 ታጌ ታ አዋይ ታና ቤሲዳይሳ ኦዲይሰ፤ ሽን ሂንቴካ ሂንቴ አዋፔ ሰዒዳይሳ ኦላታ» ያገሰ።

39 ኤንቴ ዛሬዲ፣ «ኦ አዋይ አብራሃሜ» ያገደሰና።

ዬሱሲ ኤንገታ፣ «ሂንቴ አብራሃሜ ናይታ ገደያኮ ኢ ኦላዳይሳ ኦላና። 40 ሽን ያሳፊ ሰዒዳ ቱማ ኦዲዳ ታና ሂንቴ ዋፋናው ኮዩታ። አብራሃሜይ ሄሳዳ ኦላቤና። 41 ሂንቴ፣ ሂንቴ አዋይ ኦላዳይሳ ኦላታ» ያገሰ።

ኤንቴ ዛሬዲ፣ «ኦኒ ቱማ ያሳ ናይታ፤ ኦሰ አሲ አዋይ ያሳ ፃላላ ዳዒሰ» ያገደሰና።

42 ዬሱሲ ኤንገታ፣ «ዳሳይ ቱማ ሂንቴ አዋ ገደያኮ ሂንቴ ታና ደሳና፤ አይሰ ገኮ፣ ታጌ ያሳ ማታፔ ያዳ ሃይሳን ዳዒይሰ። ታና አ ከቲሰፔ እትን ታጌ ታ ማታን ያቤኬ። 43 ታጌ ገይሳ ሂንቴ ሰዓናው ኮዮና ገሾ ታ ገያባይ ሂንቴው ገሌና። 44 ሂንቴ፣ ሂንቴ አዋ ፃላሄ ናይታ። ቃሲ ሂንቴ፣ ሂንቴ አዋይ አዋቴያባ ኦላናው ኮዩታ። ኢ ኮይሮፔ ደሚዲ ሹምፖ ዋዴይሳ። ቱሚ ኢያን ባይና ገሾ አ ቱማ አይሰ። ዋርዶይ ኢያው ሜጶ ገደዳ ገሾኔ ኢ ዋርዶ አዋ ገደያ ገሾ ዋርዶ ኦዲቲሽ ባፔ ኦዲቲሰ። 45 ታጌ ቱማ ሃሳያይሰ፤ ሽን ሂንቴ ታና አማኔኬታ። 46 ሂንቴፊ፣ ኦኒ ናጋራ ኦላሺን ታ ቤዓሰ። ጋናው ዳንዳዔይ ኦኒ? ታጌ ቱማ ኦዲቲያባ ገደኮ ታና አይሰ አማኔኬቲ? 47 ያሳ አሲ ያሳይ ገያባ ሰዒሰ። ሂንቴ ያሳ አሲ ገደና ገሾ ያሳይ ገያባ ሰዒኬታ» ያገሰ።

ዬሱሲ አብራሃሜፔ ሰንሐ

48 አይሁዳት ዛሬዲ፣ « ኦኒ ሳማራ አሲ፤ ኔናን ቱና አያናይ ዳዒሰ። ገሹ ሊኬ ገደኮ?» ያገደሰና።

49 ዬሱሲ አንታኮ «ታ ሰላ ቱና አያሪ ባዋ። ታኒ ታ አዋ ሰንቻይሰ። ሸን ሂንቴ ታና ካወሸታ።
50 ታኒ ታ ሁዓ ሰንቻ ኮዩከ። ታኒ ሰንቻታና ማላ ኮዩይሰኒ ታው ፐርዳይሲ ዳዔሰ። 51 ታኒ ሂንቴው ቱማ ኦዳይሰ፤ ታ ቃላ ናጊያ ኦኒካ ሃይቁና» ያገለገለ።

52 አይሁዳቲ ዛራዳ፣ «ኔ ሰላ ቱና አያናይ ዳዔይሳ ኦኒ ሃዒ ኦሪዳ። አብራሃሜይ ሃይቁሰ፤ ናቡቲካ ሃይቁደሶና። ሸን ኔኒ፣ «ታ ቃላ ናጊያ ኦኒካ ሃይቁና» ያገለገለ። 53 ኔኒ ሃይቁዳ ኦ አዋ አብራሃሜይ ጸሓዩ? ናቡቲካ ቃሲ ሃይቁደሶና። ኔኒ ኔና ኦና ጋዳ ቆገይ?» ያገለገለ።

54 ዬሱሲ፣ «ታኒ ታና ሰንቻኮ ታ ሰንቻይ ሃዳ። ሂንቴ፣ «ኦ ያሳ» ጊያ ታ አዋይ ኢ ታና ሰንቻሰ።
55 ሂንቴ ኢያ ኤርና አዳኮ ታኒ ኢያ ኤራይሰ። ታኒ ኢያ ኤሪኬ ገኮ ሂንቴ ማላ ዋርደታይሰ። ሸን ታኒ ኢያ ኤራይሰ፤ ቃሲ ኢያ ቃላካ ናገይሰ። 56 ሂንቴ አዋይ አብራሃሜይ ታ ዩሳ ጋላሳ በዓዲ ኡፋይታናው አዋቲሰ፤ በዓዲካ ኡፋይቲሰ» ያገለገለ።

57 አይሁዳቲ ዛራዳ፣ «ሃሪ አቶሸን፣ ኔው አሻታው ላይላ ኩሚበናሸን ዋናዳ አብራሃሜ በዓሰ ገይ?» ያገለገለ።

58 ዬሱሲ አንታኮ፣ «ታኒ ሂንቴው ቱማ ኦዳይሰ፤ አብራሃሜይ ዬሌታናፕ ካሴ ታኒ ታና » ያገለገለ።

59 ሄሳ ጊሾ፣ አንቴ ዬሱሳ ጫዳናው ሹቺ ኤኪደሶና። ሸን ዬሱሲ አንታፊ ጌሚዳ ያሳ ኬላፊ ከዩዲ ቢሰ።

9

ዬሱሲ ቆቄ ጊዲዲ ዬሌቲዳ አዲያ ፓላሰ

1 ዬሱሲ በሽ ዬሌቶሳፕ ቆቄ ጊዲዲ ዳዒያ አሲ አዲያ በዓሲ። 2 ኢያ ታማራ፣ «አሰታማሪያው፣ ሃ አዳይ ቆቄ ጊዲዲ ዬሌታና ማላ ናገራ ኦላዳይ ኦኔ? ኢ ኦላዳይ ዋይኮ ኢያ ዬሌዳይሳ፣ ኦላዳና?» ያገለገለ ኦይቺደሶና።

3 ዬሱሲ፣ «ያሳ ኦሶይ ኢያ ሰላ ቆንጫና ማላፕ አቲን ኢ ዋይኮ ኢያ ዬሌዳይሳ፣ ናገራ ኦላዳ ጊሾ ጊዳና። 4 ሳዒ ጋላሰ ዳዒሸን ታና ከቲዳይሳ ኦሶዋ ኦ ኦላናው በሴሰ። ኦኒካ ኦላናው ዳንዳዮና ቃማይ ዬሰ። 5 ታኒ አላሚያን ዳዒሽ አላሚያሰ ፖ?» ያገለገለ።

6 ዬሱሲ ሄሳ ጊዲ ሳን ሸጌቲሰ። ባ ሸጌቻን ጉላ ቢታ ላኮላዲ ሄ ኡርቃን ቆቄ አዲያ አይፊያ ቲዩሰ። 7 ያቲዳ፣ «ባዳ ሳሊሆሚ (ሳሊሆሚ ጉሳይ ከቲቲዳይሳ ጉሰ) ጊያ ቲቄቲዳ ሃላን ኔ አይፊያ ማጭታ» ያገለገለ። ሄሳ ጊሾ፣ አዳይ ቢዲ ባ አይፊያ ማጭቲዲ ያሊሽ ሰሚሰ።

8 አዲያ ሾርቲኔ አዳይ ካሴ ዋሲሸን በዓዲ አሳይ፣ «ሃይሲ ኡቲዲ ዋሲያ አዲያ ጊዳይኩ?» ያገለገለ።

9 አሲ አሲ አሳይ፣ «ሃይሲ ኢያ» ያገለገለ። ሃራቲ ቃሲ፣ «አካይ፣ ሃይሲ ኢያ ዳኔሰፕ አቲን ኢያ ጊዳና» ያገለገለ።

10 ሸን አዳይ፣ «ኤ፣ ታና» ያገለገለ። 10 አንቴ ኢያኮ፣ «ያቲን ኔ አይፊይ ዋኒዲ ያሊዳ?» ያገለገለ ኦይቺደሶና።

11 አ ዛራዳ፣ «ዬሱሳ ጊያ አዳይ ጉላ ኡርቃ ላኮላዲ ታ አይፊያ ቲዩዲ፣ ሳሊሆሚ ባዳ ኔ አይፊያ ማጭታ» ያገለገለ። ታኒ ባዳ ማጭታዳ ያላ አጋሰ» ያገለገለ።

12 አንቴ ኢያኮ፣ «ኢ አዉን ዳዒ?» ያገለገለ ኦይቺደሶና። አዳይ፣ «ታኒ ኤሪኬ» ያገለገለ።

ፋሪሳዊቲ ሃኒዳባ ኤሪናው ኮዩደሶና

13 አንቴ ካሴ ቆቄ፣ ሸን ሃዒ ያሊዳ አዲያ ፋሪሳዊታኮ ኤፊደሶና። 14 ዬሱሲ ኡርቃ ላኮላዲ አዲያ አይፊያ ፓላዳ ጋላሳይ ሳሞባታ ጋላሰ። 15 ሄሳ ጊሾ፣ አዳይ ዋኒዲ ያሊዳኮ ፋሪሳዊቲ ኢያ ዛሪ ኦይቺደሶና። አዳይ አንታኮ፣ «ኢ ታ አይፊያን ጉላ ኡርቃ ቲዩሰ። ታ አይፊያ ማጭታዳ ሃዒ ያላይሰ» ያገለገለ።

16 ፋሪሳዊታፕ ኢሶቲ ኢሶቲ፣ «ሃይሳ ኦላዳ አዳይ ሳሞባታ ሂጊያ ናኅና ጊሾ ያሳ ማታፕ ዩቤና» ያገለገለ።

ሸን ሃራቲ፣ «ናገራንቻ አሲ ሃይሳ ማላ ማላታ ዋቲ ኦላናው ዳንዳዒ?» ያገለገለ ባንታ ጊደን ሻከቲደሶና።

17 ሄሳ ጊሾ፣ ፋሪሳዊቲ አዲያኮ፣ «ኢ ኔ አይፊያ ያሊሲዳ ጊሾ ኔ ኢያባ ዋይጋይ?» ያገለገለ። አዳይ፣ «ኢ ናቤ» ያገለገለ።

18 አይሁዳ ሃላቃቲ፣ ኢያ አዩዉኔ አዋ ያገለገለ ኦይቻና ጋካናው፣ አዳይ ካሴ ቆቄ ጊዲዳይሳኔ ሃዒ ኢ ያሊዳሳ አማኒቦሶና። 19 አንቴ ኢያ አዩዉኔ ኢያ አዋኮ፣ «ሂንቴ ቆቄ ጊዲዲ ዬሌቲሰ» ጊያ ሂንቴ ናዩይ ሃይሰ? ያቲን፣ ሃዒ ዋኒዲ ያሊዳ?» ያገለገለ ኦይቺደሶና።

20 ኢያ ዬሌዳይሳ፣ «ሃይሲ ኦ ናዒ ጊዲዳይሳኔ ቆቄ ጊዲዲ ኢ ዬሌቲዳይሳ ኦ ኤርሰ። 21 ሸን ሃዒ ኢ ዋኒዲ ያሊዳኮ ቃሲ ኢያ አይፊያ ኦኒ ፓላዳኮ ኦኒ ኤርኮ። ኢያ ኦይቺቲ፣ ኢ ባና ኤሪዳ

እሲ ገዲያ ገሾ ባባ ኦዳናው ዳንዳዔስ» ያገደሰና። 22 እያ ዩሊዳይሳቲ ሃሳ ገዳይ አይሁዳታስ ያዩዳ ገሾሳ። አይስ ገኮ፣ አይሁዳቲ፣ ዩሱሲ እ ከሪስቶሳ ያገዲ ማርካቲያ እሲ ዳዒኮ ሄ ኡራ አይሁዳ ዋሳ ኬላፊ ሃላናው ኮሮርቲዲ ዘሬ ቃቺዶሶና። 23 እያ ዩሊዳይሳቲ፣ «እ ሳና ኡራዳ አሰ፤ እያ ኦይቸቲ» ያገዲይ ሃሳሳ።

24 ሃሳ ገሾ፣ ቆቄ ገዲዲ ዩሉቲዳ አዲያ ኤንጉ ዛሪ ያገዲ፣ «ቱማ ኦዳናው ያሳን ጫቃ፤ ሃ አዳይ ናጋራንቸ ገዳይሳ ኑ ኤርሰ» ያገደሰና።

25 አዳይ ዛሪዲ፣ «እ ናጋራንቸ ገዲን፣ ገደና አደን ታ ኤሪኩ። ታኒ ቆቄ ገዳይሳኔ ሃዒ ያሌይሳ ሄ አሲባ ኤራይሰ» ያገሰ።

26 ኤንጉ ዛሪዲ፣ «እ ኔው አይ ኦሴዳ? እ ኔ አይፊያ ዋቲ ፓሌዳ?» ያገደሰና።

27 እ ኤንታኮ፣ «ታኒ ሃንቴው ኦዳሰ፣ ሺን ሲዒቤኬታ። አይስ ዛሪ ሲባናው ኮዩቲ? ሃንቴካ እያ ታማሪ ገዳናው ኮዩቲዬ?» ያገሰ።

28 ኤንጉ እያ ጫዩዲ፣ «ኔ ሄ ኡራ ታማሪ ገዲ፤ ኑ ሙሴ ታማሪ። 29 ያሳይ ሙሴስ ኦዲዳይሳ ኑኒ ኤርሰ፣ ሺን ሃ ኡራይ እ አወፕ ዩዳኮካ ኑ ኤርኮ» ያገደሰና።

30 አዳይ ኤንታኮ፣ «እ አወፕ ዩዳኮ ሃንቴ ኤርናይሲ ማላሊሲያባ፣ ሺን እ ታ አይፊያ ፓሌስ።

31 ያሳ ቦንቸይሳኔ እ ኮያባ ኦሌያ ኡራ ያሳይ ሲዒሲፕ አቲን ናጋራንቸታ ሲዒና። 32 ሳሎይ ሳዒ ማዲቶሳፕ ቆቄ ገዲዲ ዩሉቲዳ አሳ አይፊ ፓሌዳይ ኦኒካ ባዋ። 33 ሃ አዳይ ያሳፊ ከቲቲቦናባ ገዲያኮ አሲባካ ኦሳናው ዳንዳዔና» ያገሰ።

34 ኤንጉ ዛሪዲ፣ «ኔኒ ናጋራን ዩሉታዳ ዲጫዳይሲ ኑና ታማርሳናው ኮያይ?» ያገደሰና። እያ አይሁዳ ዋሳ ኬላፊ ሃሊደሰና።

ዋዛና ቆቄቲሊ

35 ዩሱሲ ኤንጉ አዲያ ኬሲዳይሳ ሲዒዳ ዋዴ እያ ዳሚዲ፣ «አሳ ናባ አማናይ?» ያገዲ ኦይቸሰ።

36 አዳይ ዩሱሳኮ፣ «ጎዳው፣ ታኒ እያ አማናና ማላ እ ኦኔ? ታው ኦዳርኩ?» ያገሰ።

37 ዩሱሲ አዲያኮ፣ «ኔኒ እያ ቦዒዳሳ፤ ሃ ኔራ ኦዳቲይሲ እያ» ያገሰ።

38 አዳይ ዛሪዲ፣ «ጎዳው፣ አማናይሰ» ያገዲ ዩሱሳሰ ጎይኒሰ።

39 ዩሱሲ፣ «ቆቄቲ ያላና ማላኔ ያሊይሳቲ ቆቃና ማላ ታኒ ፐርዳናው ሃ አላሚያ ያሰ» ያገሰ።

40 እያራ ዳዒያ ጉሳ ፋሪሳዋቲ ሃሳ ሲዒዲ፣ «ኑ ቆቄዬ?» ያገዲ ኦይቸዶሶና።

41 ዩሱሲ፣ «ሃንቴ ቆቄ ገዲያኮ ሃንቴው ናጋራ ገዳና። ሺን ሃዒ ሃንቴ ያሎስ ገያ ገሾ ሃንቴ፣ ሃንቴ ናጋራን ዳዒታ» ያገሰ።

10

ዩሱሲ ሎዎ ሄንሳንቸ

1 ዩሱሲ፣ «ታኒ ሃንቴው ቱማ ኦዳይሰ፤ ዶርሳ ገርቤ ገደ ፔንጌሪ ገደና ሃራሶራ ገሊያ ኦኒካ ካይሶኔ ፓንጋ። 2 ሺን ፔንጌሪ ገሊይሲ ዶርሳታ ሄሚይሳ። 3 ፔንጌያ ናጌይሲ እያው ፔንጌያ ዶዩሰ፤ ዶርሳቲካ እያ ቃላ ሲዶሶና። እ ባ ዶርሳታ ኤንታ ሱንሳን ሱንሳን ያገሰ፤ ኤንታ ካሌሌዲ ካሪ ኬሰሰ። 4 እ ባይሳታ ካሪ ኬሲዳፕ ጉዬ ኤንታ ሲንሳን ሃሙቲሰ። ኤንጉ እያ ቃላ ኤሪያ ገሾ እያ ካሎሶና። 5 ሃራ ኡራ ቃላ ኤንጉ ኤርና ገሾ እያፕ ባቃቶሶናቲ አቲን እያ ጌዶ ካሎሶና» ያገሰ።

6 ዩሱሲ ኤንታው ሃ ለሚሱዋ ኦዲሰ፣ ሺን እ አይ ገዳኮ ኤንጉ አክኪሶኮና።

7 ዛሪዲ ዩሱሲ ኤንታኮ፣ «ታኒ ሃንቴው ቱማ ኦዳይሰ፤ ታኒ ዶርሳታስ ፔንጌ። 8 ታፕ ሲንሌ ዩዳ ኡባይ ካይሶኔ ፓንጋ፣ ሺን ዶርሳቲ ኤንታ ሲዒሶኮና። 9 ፔንጌይ ታና፤ ታ ባጋራ ገሊያ ኦኒካ አታና። እ ታ ባጋራ ጌላኔ ኬያና፤ ሎዎ ሄሚቲያ ቤሲ ዳማና። 10 ካይሶይ ካይሶታናው፣ ቸካናዉኔ ቆይሳናው ዩሰፕ አቲን ሃራባሰ ዩና። ታኒ ኤንታው ዳይ ዳና ማላኔ ኩሚዲ ፓላሃና ማላ ያሰ።

11 «ታኒ ሎዎ ሄንሳንቸ፤ ሎዎ ሄንሳንቸይ ባ ዶርሳታ ገሾ ባ ሺምፑዋ አላ አሚሰ። 12 ኬራ ሄሚያ እሲ ዶርሳታ ጎዳኔ ሄንሳንቸ ገደና ገሾ ሱቆሚይ ያ ዋዴ ቦዒዲ ዶርሳታ አገዲ ቤስ። ሃሳ ገሾ፣ ሱቆሚይ ዶርሳታ ያይከራ ላላሰ። 13 ኬራ ሄሚይሲ ሚሼሰ ሄሚያ ገሾኔ ዶርሳታባይ እያ ቆፊሶና ገሾ ዶርሳታ አገዲ ባቃቲሰ።

14-15 «ታኒ ሎዎ ሄንሳንቸ። ታ አዋይ ታና ኤሪይሳዳ ታኒካ ታ አዋ ኤራይሰ። ሃሳዳካ፣ ታኒ ታ ዶርሳታ ኤራይሰ፤ ታ ዶርሳቲካ ታና ኤርሶና። ታኒ ታ ዶርሳታ ገሾ ታ ሺምፑዋ አላ አሚሰ።

16 ሃ ዉዲያን ባይና ሃራ ዶርሳቲ ታው ዳይሶና። ታኒ ኤንታካ እሃናው ቤሰሰ። ኤንጉ ታ ቃላ ሲባና፤ ኤንጉ እሲ ዉዴ ገዳና፤ ሄንሳንቸይካ አሱዋ።

17 «ታጌ ታ ሸምጥዋ አላ እማዳ ዛራ እኪያ ገሾ ታ አዋይ ታና ደሴሰስ። 18 ታ ደሳዳ ታ ሸምጥዋ አላ እማይሰጥ እትን ታፔ እኒካ እኪክ። ታ ታ ሸምጥዋ አላ እማናወኔ ዛራ እካናው ማቲ ታው ደዒሳስ። ታጌ ኦላና ማላ ታ አዋይ ታና ከቲዳይሲ ሃይሳ» ያገሰ።

19 ሃሳ አ ጊዳ ገሾ አይሁዳታ ጊዳን ቃሲካ ሻከቴሌ ማዴቲስ። 20 እንታፊ ዳሪያ ባጋይ፥ «እያን ቱና እያጌ ደዒሳስ! ኢ ጎዬስ! ኢ ጊያባ አይሰ ሰዒቲ?» ያገደሰና።

21 ሃራቲ ቃሲ፥ «ፃላሃይ ኦይኪዳ አሲ ሃይሳዳ ኦዴቴና። ቱና እያጌ ቆቄ አይፊ ያለሳናው ዳገዳዒዬ?» ያገደሰና።

ዬሱሲ አሳ ናዓ

22 ዬሩሳሌሜን ያሳ ከላ አንጂሲዳ ጋላሳታ ቦንቺያ ባሌይ ጋከሰ፤ ሄ ዋዴ ሳዒ ባልጎ። 23 ዬሱሲ ያሳ ከላን ሰሎሞኔ ባራንዳን ሰሜራቴስ። 24 አይሁዳቲ ዬሱሳ ዩሾን ሸቄ እቁዳ። «ኔጌ ኮና አወዴ ጋካናው ሰጴራ ዋላን? ኔጌ ከሪሰቶሳ ጊዳኮ እኔ ኦሲ ገሻዳ ኦዴ» ያገደሰና።

25 ዬሱሲ ዛራዲ እንታኮ፥ «ታጌ ሃንቴው ኦዳሰ፤ ሸጎ ታና አማኔኪታ። ታጌ ታ አዋይ ታው እሚዳ ማታን ኦሊያ ኦሶይ ታባ ማርካቴስ። 26 ሸጎ ታጌ ሃንቴው ኦዳዳይሳዳ ሃንቴ ታ ደርሴ ጊዳና ገሾ አማኔኪታ። 27 ታ ደርሳቲ ታ ቃላ ሲዎሶና። ታጌ እንታ ኦራይሰ፤ እንቴካ ታና ካሎሶና። 28 ታጌ እንታው ማሪና ዳዑዋ እሚይሰ፤ እንቴ ኡባራካ ቆዮኮና። እኒካ ታ ከሸፔ እንታ ቦንቄ እካናው ዳገዳዒና። 29 እንታ ታው እሚዳ ታ አዋይ ኦባፊ አዴሰ * እኒካ ታ አዋ ከሸፔ እንታ ቦንቄ እካናው ዳገዳዒና። 30 ታጌ ታ አዋይ አሲና» ያገሰ።

31 አይሁዳቲ ዬሱሳ ጫዳናው ቃሲካ ሹቺ ዳገዳዒዳ። 32 ዬሱሲ እንታኮ፥ «ታጌ ኦላና ማላ ታ አዋይ ታው እሚዳ ዳር ሎዎ ኦሶታ ሃንቴና ኦላ ቤሳስ። ሃሳታፔ አወሳ ገሾ ታና ሹቻን ጫዳናው ኮዬት?» ያገሰ።

33 አይሁዳቲ ዛራዲ፥ «ኦጌ ኔና ኔ ሎዎ ኦሶ ገሾ ሹቻን ጫዳናው ኮዮኮ። ሸጎ ኔጌ ያሳ ጫያ ገሾኔ አሴ ገዳሽ ኔ ኔና ያሴ ጊያ ገሾሳ» ያገደሰና።

34 ዬሱሲ ዛራዲ፥ «ገሻ ማፃፋን ያሳይ፥ ሃንቴ ያሳታ ጊዳይሲ ያፊቴቤኔ? 35 ገሻ ማፃፋይ ማሪናው ለሚቴና። ያሳይ ባ ቃላ እሚዳ አሳታ፥ (ዮሳታ) ጊዲ ያገከ፥ 36 አዋይ ደሪዲ ሃ አላሚያ ከቲዳ ታና ያሳ ናዓ ዋቲዲ (ዮሳ ጫያሳ) ያገቲ? 37 ታጌ ታ አዋይ ኦሌይሳ ኦላና አዲኮ ታና አማናፔፔ። 38 ሸጎ ታጌ ኦሊያባ ጊዲኮ ሃንቴ ታና አማናና አዲኮካ፥ ታ አዋይ ታናን ዳዒይሳኔ ታካ ታ አዋን ዳዒይሳ ሃንቴ ኡራና ማላ ታ ኦሰዋ አማኒቴ» ያገሰ።

39 ቃሲካ እንቴ እያ ኦይካናው ኮዩደሶና፥ ሸጎ ኢ እንታፊ ከሲ እኪሰ።

40 ዮሃኒሲ ካሴ ያማቆያ ቤሳ፥ ዮርዳኖሴ ሻፋፔ ሄፊንሌ ዬሱሲ ፒኒዲ ያን ዳዒሰ። 41 ዳር አሳይ ዬሱሳኮ ዩዲ፥ «ዮሃኒሲ ማላታ ኦሊቤና፥ ሸጎ ኢ ሃ ኦሊያባ ኦዳዳባይ ኡባይ ቱማ» ያገደሰና። 42 ያን ዳር አሳይ ዬሱሳ አማኒደሶና።

11

አላዛራ ሃይቆዋ

1 ቢታኒያ ጉታን አላዛራ ጊያ አሲ አዳይ ሃርጌቲስ። ቢታኒይ ማይራማኔ ኢ ሚቺያ ማርታ ዳዒያ ጉታ። 2 ማይራማ ጎዳ ቶሁዋ ሸቶ ቲያዳ ባ ቢናናን ኢያ ቶሁዋ ቆቺዳር። ሃርጌቲዳይ ኢ አሻ አላዛራ። 3 ሃሳ ገሾ፥ ሚቺቲ፥ «ጎዳው፥ ኔ ደሴይሲ ሃርጌቲስ» ጊዲ ዬሱሳኮ ከቲደሶና።

4 ዬሱሲ ሃሳ ሲዒዳ ዋዴ «ሃ ሃርጌይ፥ ያሳይኔ ኢያ ናዒይ ቦንቺታና ማላፔ እትን ሃይቆሰ ጋሊያ ሃርጌ ጊዳና» ያገሰ።

5 ዬሱሲ ማርታ፥ ኢ ሚቺወኔ አላዛራ ደሴሰስ። 6 ሸጎ አላዛራ ሃርጌዳይሳ ዬሱሲ ሲዒዲ ባ ዳዒያ ቤሳን ናምዑ ጋለሰ ጋምዒሰ። 7 ሄሳፊ ጉዬ፥ ዬሱሲ ባ ታማራታኮ፥ «ዛራዲ ዩሁዳ ቢታ ቦስ» ያገሰ።

8 ኢያ ታማራቲ ዛራዲ፥ «አሰታማሪያው፥ ጉላ ዋዴፔ ካሴ አይሁዳቲ ኔና ሹቻን ጫዳዲ ዋቆናው ኮዩደሶና፤ ሃዒካ ያ ባኔ?» ያገደሰና።

9 ዬሱሲ፥ «አሲ ጋላሳን ታማኔ ናምዑ ሳቲይ ዳዒሰ ጊዴይኔ? ጋለሰ ሃሙቲያ አሲ ሃ አላሚያ ፖዑዋ ቤዒያ ገሾ ቆቤቴና። 10 ሸጎ ቃማ ሃሙቲያ ኦኒካ ፖይይ ባይና ገሾ ቆቤቴስ» ያገሰ። 11 ዬሱሲ ሃሳ ጊዳፔ ጉዬ እንታኮ፥ «ኦ ደሴያ አላዛራ ቂሰኪሰ፥ ሸጎ ኢያ ዳገላናው ታጌ ባና» ያገሰ።

12 ኢያ ታማራቲ ዛራዲ፥ «ጎዳው፥ ኢ ቂሰኪዳባ ጊዲኮ ኢያው ሎናና» ያገደሰና።

* 10:29 ታ አዋይ ኦባፊ አዴሰ፥ አሲ አሲ ቤጌ ማፃፋቲ፥ «ታ አዋይ ታው እሚዳ እንቴ ኡባፊ አዴሶና» ያሰሰና። 10:33 ለዌ 24:16 10:34 ማዘ 82:6 10:40 ዮሃ 1:28 11:1 ሉቃ 10:38-39 11:2 ዮሃ 12:3

13 ዩሱስ አላዛሪ ሃይቁዳይሳ ኦዲስ። ሽን ኢንታው ጮ ጳሰኮ ዳነስ። 14 ሃሳ ገሾ፣ ዩሱስ ገሽዱ ኢንታኮ፣ «አላዛሪ ሃይቁስ። 15 ሃንቴ አማና ማላ ታኒ ሄ ቤሳን ዴያይሳስ ሃንቴ ገሾ ኡፋይታይስ። እኔ ዩሳይ፣ እያኮ ቦስ» ያገሰ።

16 ሃሳፊ ጉዬ፣ ዲዲሞሳ * ጌቴ፣ ቶማሲ ባ ላጌ ታማሬታኮ፣ «እስታማሪያሪ ሃይቃናው ኑካ ቦስ» ያገሰ።

ዩሱስ ዴንዶኔ ዴያ

17 ዩሱስ ጋኪያ ዋዴ አላዛሪ ሞጌቲን ኦዲ ያላስ ገዲሰ። 18 ቢታኔይ ዩሩሳላማፔ ሄቩ ኪሎ ማቲሬ ማላ ሃኬስ። 19 ዳሮ እይሁዴቲ ማርታኔ ማይራሞ ኢንታ ኢሻይ ሃይቁዳይሳስ ማንሌላናው ዩዲሶና።

20 ማርታ ዩሱስ ዩዳይሳ ሰዓዳ ኢያ ሞካናው ኬያሱ፣ ሽን ማይራማ ሶን አታሱ። 21 ማርታ ዩሱሳኮ፣ «ጎዳው፣ ኔኒ ሃይሳን ዴዲዳባ ገዲያኮ ታ ኢሻይ ሃይቁና። 22 ሽን ሃዲ ገዲኮካ ኔኒ ዋሲያባ ያሳይ ኔው አማናይሳ ታኒ ኤራይስ» ያገሰ።

23 ዩሱስ፣ «ኔ ኢሻይ ሃይቆፔ ዴንዳና» ያገሰ።

24 ማርታ ኢያኮ፣ «ወርሴሳ ጋላስ ኢ ሃይቆፔ ዴንዳናይሳ ኤራይስ» ያገሰ።

25 ዩሱስ ኢኮ፣ «ታኒ ዴንዶኔ ዴያ፣ ታና አማኒያ ኦኒካ ሃይቁኮካ ዴያን ዳና። 26 ቃሲ ዴያን ዴዬይኔ ታና አማኒያ ኦኒካ ሃይቁና። ሃሳ ኔኒ አማናይ?» ያገሰ።

27 ማርታ ዛራዳ፣ «ጎዳው፣ ኦ ታኒ አማናይስ! ኔኒ ያሳ ናና፣ አላማያ ያናው ዴዲያ ኪሪስቶሳ ገዲይሳ ታኒ አማናይስ» ያገሰ።

28 ማርታ ሃሳ ገዲፔ ጉዬ፣ ባዳ ባ ማቺው ገማን ዪጋዳ፣ «እስታማሪይ ዩዲ ኔና ኮዬስ» ያገሰ።

29 ማይራማ ሃሳ ሰዓዳ ዋዴ ኤሌሳ ዴንዳ ኤቃዳ ዩሱሳኮ ባሱ። 30 ሄ ዋዴ ዩሱስ ማርታራ ጋሄቲዳ ቤሳን ዴዲስ፤ ቡር ጉታ ጋኪቤና። 31 ማይራሞ ማንሌሊሼ ኢራ ሶን ዴዲያ እይሁዴቲ፣ ኢያ ዴንዳ ኤቃዳ ኤሌሳዳ ካሪ ኬዩዳይሳ ቤዲዲ፣ ዴፎ ባዳ ዩካናው ሃኒያ ዳኒን ኢዮ ካሊዲ ኬዩዲሶና።

32 ማይራማ ዩሱስ ዴዲያሱዋ ባዳ ኢያ ቤዲዳ ዋዴ ኢያ ቶሁዋ ቦላ ከንዳዳ፣ «ጎዳው፣ ኔኒ ሃይሳን ዴዲዳባ ገዲያኮ ታ ኢሻይ ሃይቁናሽን» ያገሰ።

33 ዩሱስ ማይራማኔ ኢራ ዴዲያ፣ እይሁዴቲ ዩኬይሳ ቤዲዲ፣ ባ ዋዛናን ዳሮ ስሌቲዲ፣

34 «አወን ሞገዴቲ?» ያገዲ ኦዲያ፣ «ጎዳው፣ ያዳ ቤዳ» ያገዲ ዛራዳሶና።

35 ዩሱስ አፋዲስ። 36 ሃሳ ገሾ፣ እይሁዴቲ፣ «ኢ አላዛሪ እይ ማላ ደሲያኮ ቤዳቲ» ያገደሶና።

37 ሽን ኢንታፊ ኢሶቲ ኢሶቲ፣ «ሃይሲ ቆቆያ ያሊሲዳይሲ ሃ እዳይ ሃይቆና ማላ ኦሳናው ዳንዳዬኔሽን?» ያገደሶና።

ዩሱስ አላዛሪ ሃይቆፔ ዴንሌስ

38 ቃሲካ ዩሱስ ስሌቲዲ፣ አላዛሪ ሞጌቲዳ ዲፋዋ ቢስ። ሄ ዴፎይ ሹቻን ጎርዴቲዳ ጎንጎሎ።

39 ዩሱስ፣ «ሹቻ ዴንሌቲ» ያገዲ ከቲስ።

ማርታ፣ «ጎዳው፣ ኢ ሃይቆሳፔ ኦዲ ያላስ ገዲዳ ገሾ ሃዲ ያንቃና» ያገሰ።

40 ዩሱስ ማርታኮ፣ «ኔ አማኒያባ ገዲኮ ያሳ ቦንቆዋ ቤዳናይሳ ታኒ ኔው ኦዲቢኪና?» ያገሰ።

41 ኢንቲ ሹቻ ዴንሌን ዩሱስ ሳሎ ፑዴ ያሊዲ፣ «አዋው፣ ታና ኔ ስዲዳ ገሾ ኔና ጋላታይስ። 42 ኔ ኡባ ዋዴ ታና ሰዓይሳ ታኒ ኤራይስ። ሽን ሃይሳን ኤቁዳ አሳይ ኔኒ ታና ከቲዳይሳ አማናና ማላ ታኒ ኢንታ ገሾ ሃይሳ ጋይስ» ያገሰ። 43 ዩሱስ ሃሳ ገዲፔ ጉዬ፣ ባ ቃላ ቶቁ ኦሊዲ፣ «አላዛሪ፣ ሃ ኬያ!» ያገሰ። 44 ሃይቁዳ አዳይ ዚዴቲዳ ማላ ኩሼይኔ ቶሆይ ሻሎን ቃሹቲዲ ዴዲሽን ኢያ እይፊ ካሪይ ጎዘቲዳ ማላ ዲፋዋፔ ኬዩስ። ዩሱስ ኢንታ፣ «ቢርሺቲ! ቦ ጌቲ!» ያገሰ።

ኪሪስቶሳ ቦላ ማቂቲደሶና

(ማቶ 26:1-5፤ ማር 14:1-2፤ ሉቃ 22:1-2)

45 ሃሳ ገሾ፣ ማይራማኮ ዩዳ እይሁዴታፔ ዳሮቲ ዩሱስ ኦሊዳይሳ ቤዲዲ ኢያ አማኒደሶና።

46 ሽን ኢንታፊ ኢሶቲ ኢሶቲ ፋሪሳዊታኮ ቢዲ ዩሱስ ኦሊዳይሳ ኢንታው ኦዲደሶና። 47 ሃሳፊ ጉዬ፣ ካሂኔ ሃላቃፔ ፋሪሳዊቲ ሻንጉዋ ሸሽዲ፣ «ሃ እዳይ ዳሮ ማላታታ ኦሊያ ገሾ ኑ እይ ኦሊዳ» 48 ኑኒ ኢያ ሰዲ ኢኮ ኢኮኮ አሳ ኡባይ ኢያ አማናና። ቃሲ ሮማ ቢታ አሳቲ ዩዲ ኑ ያሳ ኬላኔ ኑ ዴሪያ ጳይሳና» ያገደሶና።

49 ኢንታፊ ኢሶይ ቃያፋ ገይሰ፣ ሄ ላይሌ ካሂኔ ሃላቃ ገዲዳይሰ፣ «ሃንቴ ኢይኮካ ኤሬኬታ! 50 አሳይ ኡባይ ጳይሳፊ ካሳ ኡባ ገሾ ኢሲ አሲ ሃይቁይሲ ሎ? ገዲይሳ ኤሬኬቲ?» ያገሰ።

51 ኢ ሃሳ ባፔ ገይሰ። ሽን ሄ ላይሌ ካሂኔ ሃላቃ ገዲያ ገሾ ዩሱስ እይሁዴ አሳ ገሾ ሃይቃናው ቤሴይሳ ቲንቢቲ ኦዲስ። 52 ቃሲ ዩሱስ እይሁዴ አሳ ያላላስ ገደናሽን ላሌቲዲ ዴዲያ ያሳ አሳ ኡባ ኢሲፊ ሸሻናዉ ኢሲ አሲ ኦሳናው ሃይቃና።

* 11:16 ዲዲሞሳ፣ ጉሳይ ማንቴ ጉሱ።

53 ህ ጋላሳ፣ ደሚዲ ኢገቲ ኢያ ዎቆናው ማቁቲደሶና። 54 ህሳ ገሾ፣ ዩሱሲ ኣይሁዴታ ገደን ቆንጠን ሲሚሬቲቤና። ሺን ባዞ ቢታ ማታን ዴሲያ ኤፍሬሜ ጉታ ቢሰ። ባ ታማሬታራ ህ ቤሳን ጋምሲሰ።

55 ኣይሁዴቲ ቦንቺያ ጋላሳይ ማቲሰ። ቃሲ ዳሮ ኣሳይ ባንታና ገሻናው ጋላሳይ ቦንቺያ ጋላሳይ ጋካና፣ ሲካሄ ህ ቢታፊ ዩሩሳላሚ ቢደሶና። 56 ኢገቲ ያሳ ኬላን ኤቁዲ ዩሱሳ ዩሳ ናጊያ ገሾ «ኣይ ቆፎቲ? ዩሱሲ ባሊያ ቦንቻናው ዩኔ?» ያገዲ ኢሶይ ኢሱዎ ኦይቺደሶና። 57 ካሂኔ ሃላቃቲኔ ፋሪሳዌቲ ዩሱሳ ኦይካናው፣ ኢ ዴሲያሱዎ ኤሪያ ኦኒካ ባንታው ኦዳና ሚላ ኪቲደሶና።

12

ዩሱሳ ሺቶ ተዩዳ ማጫሲው
(ማቶ 26:6-13፤ ማር 14:3-9)

1 ጋላሳይ ቦንቺያ ጋላሳይ ኡሱቸን ጋላሳይ ሲንሳቲዲ፣ ዩሱሲ ሃይቆፎ ዴንሱዳ ኣላዛሪ ዴሲያ ጉታ፣ ቢታኒያ ቢሰ። 2 ህ ቤሳን ኢገቲ ኢያው ካሆ ገሲሲደሶና። ኣላዛሪ ዩሱሳራ ኢሲፊ ጋይታ ቦላ ኡቲዳሺን ማርታ ኤንታና ሞካውሰ። 3 ማይራማ ናርደሴ ጊያ ዳሮ ኣልያ ገሻ ሺቶ ኤሃዳ ዩሱሳ ቶሁዎ ቲያሰ። ባ ቢናናን ኢያ ቶሁዎ ቁቻሱ፤ ኬላ ኡባይ ሺቶ ሳምን ቶንጉ ገሰ።

4 ሺን ዩሱሳ ታማራታ፣ ኢሶይ፣ ዩሱሳ ኣሉ ኢማናይሲ፣ ኣስቆርታ ዩሁዲ፣ 5 «ኣይሰ ሃ ሺቶይ ሂቹ ጻቲ ዲናራን ባይዘቲዲ፣ ሚሺይ ማንቆታስ ኢሜቲኔ?» ያገሰ። 6 ኢ ካይሶ ገዲዳ ገሾ ህሳ ገሲ፣ ኣቲን ማንቆታስ ቃቋቲዲ ገቤና። ኢ ሚሺ ካርዒታ ኦይኬይሳ ገዲያ ገሾ ኡባ ዎዴ ኢያ፣ ባው ኤኬሰ።

7 ዩሱሰ፣ «ኢያ ባው ዴሲያ ባ ሞጎ ጋላሳይ ሚንጂዳ ገሾ ኢያ ኣገገቲ። 8 ማንቆቲ ኡባ ዎዴ ሂንቴራ ዳና፣ ሺን ታኒ ኡባ ዎዴ ሂንቴራ ዴሲኬ» ያገሰ።

9 ህ ዎዴ ዳሮ ኣሳይ ዩሱሲ ቢታኒያን ዴሲይሳ ሲዲዲ ያ ቢደሶና። ኢገቲ ዩሱሳ ሃላላ ገደናሺን ኢ ሃይቆፎ ዴንሱዳ ኣላዛራካ ቢባናው ቢደሶና። 10 ህሳ ገሾ፣ ካሂኔ ሃላቃቲ ኣላዛራካ ቃሲ ዎቆናው ማቁቲደሶና። 11 ኣይሰ ገቡ፣ ኣላዛራ ጋሶን ዳሮ ኣይሁዴቲ ኤንታና ኢደዲ ዩሱሳ ኣማናሶና።

ዩሱሲ ቦንቺያ ዩሩሳላሚ ገሊሰ
(ማቶ 21:1-11፤ ማር 11:1-11፤ ሉቃ 19:28-40)

12 ዎንቴላ ጋላሳይ ጋላሳይ ቦንቺያ ቤሳ ዩዳ ዳሮ ኣሳይ ዩሱሲ ዩሩሳላሚ ቤይሳ ሲዲዲ፣ 13 ዛምባ ሃይሉ ኤኪዲ ኢያ ሞካናው ኬዩደሶና። ባንታ ቃላ ቋቁ ኦሉዲ፣

«ሆሳና! ያሳይ ጋላቲቶ!
ጎዳ ሱንሳን ዩይሲ ኣንጅቶ!
ያሳይ ኢሰራዔሌ ካወዎ ኣንጅ!»

ያገደሶና።

14-15 ገሻ ማፃፋን፣

«ጻዖኔ ካታማው፣ ባቦላ!
ሂጉ፣ ኔ ካዎይ ሃራ ማራ ቦላ ኡቲዲ ዩሰ»

ገቲቲዳይሳዳ ዩሱሲ ሃራ ማራ ዴሚዲ ኢያ ቶገሰ።

16 ዩሱሳ ታማራቲ ህሳ ካሲ ኣኪኪሶኮና። ሺን ዩሱሲ ቦንቺቲዳ፣ ጉዬ ኢገቲ ህሳ ኡባ ኣኪኪደሶና። ሂሲ ኡባይ ገሻ ማፃፋይ ገደይሳዳ ሃኒሰ።

17 ዩሱሲ ኣላዛራ ዱሮ፣ ጸገዲ፣ ሃይቆፎ ዴንሱዳ ዎዴ ኢያራ ዴሲያ ዳሮ ኣሳይ ዩሱሳ ማርካቲደሶና። 18 ዳሮ ኣሳይ ኢያ ሞካናው ኬዩደይ፣ ኢ ህ ማላታታ ኦሉዲይሰሳ ሲዲዲ ገሾሳ። 19 ህሳ ገሾ፣ ፋሪሳዌቲ ኢሶይ ኢሱዎ፣ «ኦ ኣይኮካ ኦላናው ዳንዳዳይሳ ቤዒቲ፤ ፊሬ ኡባይ ኢያ ካሊሰ» ያገደሶና።

20 ጋላሳይ ቦንቺያ ጋላሳይ ጎይናናው ዩሩሳላሚ ቢዳይሳታ ገደን ኢሲ ኢሲ ገሪኬ ኣሳቲ ዴያሶና። 21 ኢገቲ ጋላላ ቢታን ቤቲሳይዳ ካታማ፣ ዩዳ ፊልጶስኮ ቢዲ፣ «ጎዳው፣ ኦኒ ዩሱሳ ቢባናው ኮዮሰ» ያገዲ ዎሲደሶና። 22 ፊልጶሲ ቢዲ ኢንዲሪያሳስ ኦዲን ናምባይ ቢዲ፣ ዩሱሳስ ኦዲደሶና።

23 ዩሱሲ ኤንታኮ፣ «ኣሳ ናዳይ፣ ቦንቺቲያ ዎዴይ ጋኪሰ። 24 ታኒ ሂንቴው ቱሞ ኦዳይሰ፤ ኢሲ ገሰቲ ኣይፊይ ቢታን ዎቋዲ ዎቆና ኢዒኮ ባርካ ኣቲሰ። ሺን ህ ገሰቲ ኣይፊይ ዎቁኮ ዳሮ ኣይፊ ኣይፊሰ። 25 ባ ሺምፑዎ ደሲያ ኦኒካ ቋይሲሰ፤ ባ ሺምፑዎ ሃ ኣሳሚያን ኢደያ ኦኒካ ሜሪና ዴያሰ ኣሺሰ። 26 ታኒ ዴሲያሱዎን ታራ ዳና ሚላ ታው ኦላናው ኮያ ኦኒካ ታና ካላናው ቤሰሰ። ታው ኦሉያ ኦናካ ታ ኣዎይ ቦንቻና።

ዩሱሲ ባ ሃይቁዋባ ሲንገጥዱ ኦዲስ

27 «ሃሩ ታ ሸምገይ ዳር እንዲተሰጠ፤ ያተን ወይሳ? ታ አዋው፣ ታና ሃ ሳቴፔ አሻርኪ» ያገ? እካይ፣ ታኒ ዩዳይ ዋይ ኤካናሳ። 28 ታ አዋው፣ ኔ ሱንሳ ቦንቻ» ያገሲ።

ሄ ዋይ ሳሎፔ፣ «ታኒ ታ ሱንሳ ቦንቻሰ፤ ዛራዳካ ቦንቻና» ያገያ ቃላይ ዩስ።

29 ሄ ቤሳን ኤቁዳ ዳር ኣሳይ ሄ ቃላ ስዒዲ፣ «ሂሲ ዳዳ» ያገደሶና።

ሃራቴ ቃሲ፣ «ከታንቸይ ኢያው ኦዲስ» ያገደሶና።

30 ዩሱሲ ዛራዲ እንታገ፣ «ሃ ቃላይ ሂንቴ ገሾ ዩሲፔ እቴን ታ ገሾ ገዴና። 31 ሃ አላሚይ ፐርዴቲያ ዋይይ ሃሳ፤ ሃ አላሚያ ሃራይሲ ሃሳ ካሪ ሆሌታና። 32 ቃሲ ታኒ ሳባፔ ቆቁ ኦሴቲዳ ዋይ ኣሳ ኡባ ታኮ ኤሃና» ያገሲ። 33 ኢ ሂሳ ገዴይ ኣይ ሜላ ሃይቆ ሃይቃኔኮ እንታው ቆንጨሳናሳ።

34 ዳር ኣሳይ ዛራዲ፣ «ኑ ሃገይ ከሪሰቶሲ ሜሪናው ዴዔይሳ ኦዴስ። ያቴን፣ ኔኒ ወይጋዳ፣ ላሳ ናባይ ቆቁ ጋናው ቤሲስ) ጋይ? ሲ፣ ኣሳ ናባይ ኦኔ?» » ያገደሶና።

35 ዩሱሲ፣ «ፖያይ ሂንቴራ ጉሳ ዋይ ጋምናና። ሂንቴው ቆሞና ሜላ ፖያይ ዴዒሺን፣ ፖዑዋን ሃሙተቴ። ቆማን ሃሙተያ ኣሲ አው ቢያኮ ኤሬና። 36 ፖያ ናይታ ገዴና ሜላ ፖያይ ዴዒሺን ፖዑዋ አማኒቴ» ያገሲ።

አይሁዴቲ አማኒቦኮና

ዩሱሲ ሂሳ ኦዲዳፔ ጉዬ ቢዲ እንታፊ ጌሚስ። 37 ኢ ሂሳ ሜላ ማላታታ እንታ ሲንሳን ኦሴንካ አማኒቦኮና። 38 ናቢያ አሳያሲ፣

«ጎዳው፣ ኑ ማርካቴላ ኦኒ አማኒዴ?»

ጎዳይ ባ ዋልቃ ኦዴስ ቆንጨሲዴ?»

ገዴይሲ ቱማ ገዴና ሜላ እንቴ ኢያ አማኒቦኮና።

39-40 ቃሲካ አሳያሲ፣

«እንታ አይፊይ ዪሎና ሜላ፣

እንታ ዋዛናይ ኣኩኮና ሜላ፣

እንታ ያሳኮ ሲሚን፣ ኢ እንታ ፓላና ሜላ፣

ያሳይ እንታ አይፊያ ቆቁሲስ።

እንታ ዋዛና ሚንሱስ»

ገዴ ገሾ እንታ አማናናው ዳንዳሲቦኮና።

41 አሳያሲ ሂሳ ገዴይ፣ ዩሱሳ ቦንቸዋ ቤዒዳ ገሾኔ ኢያባ ኦዲዳ ገሾሳ።

42 ገዴኮካ፣ አይሁዴታ ሃላቃታፔካ ዳርቴ ዩሱሳ አማኒደሶና። ሺን ፋሪሳዌቲ ባንታና አይሁዴታ ዋሳ ከሳፊ ከሶሶና ገዴ ያዩዳ ገሾ አማኒዳ ገዴ ቆንጨኝ፣ ማርካቴቦኮና። 43 ሂሳ እንቴ ኦሴዳይ፣ ያሳን ኤሬታናይሳፊ ኣሴዲ ኣሳን ኤሬታናይሳ ደሲዳ ገሾሳ።

44 ዩሱሲ ባ ቃላ ቆቁ ኦሴዲ፣ «ታና አማኒያ ኦኒካ ታና ከቲዳይሳካ አማኒስፔ እቴን ታ ዓላላ አማኒና። 45 ታና ቤዒያ ኦኒካ ታና ከቲዳይሳካ ቤዒስ። 46 ታና አማኒያ ኡባይ ቆማን ዳና ሜላ ታኒ ፖያ ገዴዳ ኣላሚያ ያሰ። 47 ታ ቃላ ስዒዲ ከቲቶና ኦካካ ታኒ ፐርዴኪ። ኣይሰ ገኮ፣ ታኒ ኣላሚያ አሻናው ያሰፔ እቴን ፐርዳናው ያቢኬ። 48 ታና ኢዲይሳኔ ታ ቃላ ኤኮና ኦካካ ፐርዴይሲ ዴዔስ። ታኒ ኦዲዳ ቃላይ ወርሴላ ጋላሰ ሄ ኡራ ፐርዳና። 49 ኣይሰ ገኮ፣ ታኒ ሂሳ ታፔ ኦዲኬ፣ ሺን ታና ከቲዳ ታ አዋይ ታኒ ጋናይሳኔ ኦዳናይሳ ከቲስ። 50 ቃሲ ኢያ ከታይ ሜሪና ዴፖ ገዴይሳ ታኒ ኤራይስ። ሂሳ ገሾ፣ ታኒ ኦዴይሲ ታ አዋይ ታና ኦዲ ገዴይሳ» ያገሲ።

13

ዩሱሲ ባ ታሚጋታ ቶሁዋ ሜጨሲ

1 ፓሲካ ቦንቸያ ጋላሳይ ጋካናፔ ሲንገጥዱ ሃ አላሚያ ኣገዲ አዋኮ ቢያ ዋይይ ጋኪዳይሳ ዩሱሲ ኤሪስ። ሃ ኣላሚያን ዴዒያ ባይሳታ ኡባ ዋይ ደሲስ፤ ወርሴላ ጋካናዉካ እንታ ደሲስ።

2 ዩሱሳራኔ ኢያ ታሚጋታራ ኢሲፊ ካሆ ሞሶና። ሂሳፊ ካሲ ያላሂይ ሰሞና ናባ ኣሰቆርታ ዩሁዲ ዩሱሳ ኣላ አማናዳ ኢያ ዋዛናን ኢታ ቆፋ ዋላስ። 3 ዩሱሲ አዋይ ኡባባ ኢያ ከሼን ዋላዳይሳ፣ ኢ ያሳ ማታፔ ዩዳይሳኔ ሲሚዲ ኢያኮ ባናይሳ ኤሪስ። 4 ዩሱሲ ጋይታ ቦላፊ ዴንዲዲ ቦላ ባጋ ማዑዋ ቃሪ ዋላዲ፣ ፖያ ኤኪዲ ባ ዳሳን ማርካሬስ። 5 ሂሳፊ ጉዬ፣ ሃላ ሚቻ ሚሺን ቲገዲ፣ ባ ታሚጋታ ቶሁዋ ሜጨሲ፤ ቃሲ ባ ዳሳን ዳንጨዳ ፖያን ቁቸሰ።

6 ዩሱሲ ሲሞን ጴዳርሳኑ ያ ዋይ ጴዳርሲ፣ «ጎዳው፣ ኔ ታ ቶሁዋ ሜጨኔ?» ያገሲ።

7 ዩሱሲ ዛራዲ ኢያኮ፣ «ታኒ ኦሴይሳ ኔ ሃሳ ኤራካ፣ ሺን ጉፔፔ ኣኩካና» ያገሲ።

8 ያቴን፣ ጴዳርሲ፣ «ኔ ታ ቶሁዋ ኡባራካ ሜጨካ» ያገሲ።

ዩሱሲ ኢያኮ፣ «ታኒ ኔ ቶሁዋ ሜጨና ኢዲኮ ኔዉኔ ታው ኢሲፊቴላ ባዋ» ያገሲ።

9 ጳጳርሲ ዬሱሳት፡ «ጎዳው፣ ያተኮ፣ ታ ቶሁዋ ዓላላ ገደናሽን ታ ኩሺያኔ ታ ሁዒያ ማጫ» ያገሰ።

10 ዬሱሲ ዛሬዲ፡ «ቦላ ማጫቲዳ ኦኒካ ቶሆፕ ሃራባ ማጫታናው ኮሼና፤ ኢያው ኡባሶይ ገሺ። ሂንቴ ገሺ፣ ሽን ኡባይ ገሺ ገዳኪታ» ያገሰ። 11 ዬሱሲ ባና ኣላ ኢማና ኡራይ ኦኒኮ ኡሪያ ገሾ «ሂንቴ ኡባይ ገሺ ገዳኪታ» ያገሰ።

12 ኢንታ ቶሁዋ ማጫዳፕ ገዬ ዬሱሲ ባ ማዑዋ ዛሬ ማሲስ። ስሚ ጋይታ ቦላ ኡቲዳ ኢንታት፡ «ታኒ ሂንቴው ኦላዳይሳ ኣኪኪቲ? 13 ሂንቴ ታና ኣስታማሪኔ ጎዳ ጌታ፤ ታኒ ሂንቴ ጌይሳ ገዲያ ገሾ ሎዖ ጌዳታ። 14 ታኒ ሂንቴው ጎዳኔ ኣስታማሪ ገዳሼ ሂንቴ ቶሁዋ ማጫኮ ሂንቴካ ኢሶይ ኢሱዋሰ ሂሳዳ ኦላናው ቤሴስ። 15 ሂሃ፡ ታኒ ሂንቴው ኦላዳይሳዳ ሂንቴካ ኦላና ማላ ሂንቴው ለሚሶ ገዳስ። 16 ታኒ ሂንቴው ተማ ኦዳይሰ፤ ኣይሌይ ባ ጎዳፕ፡ ከቲቲዳይሲ ከቲዳይሳፊ ኣጭና። 17 ሂንቴ ሂሳ ኡሪዳ ኦላያባ ገዲኮ ኣንጃቲዳይሳታ።

18 «ታኒ ሂንቴና ኡባ ገኪኔ፤ ታኒ ዶሪዳይሳታ ኡራይሰ። ሽን ገሻ ማፃፃፍ፡ «ታ ባርሲዳይሲ ታ ኩሺያ ሳዲስ ጌቲቲዳይሲ ተማ ገዳናው ቤሴስ። 19 ታኒ ታና ገዳይሳ ሂንቴ ኣማናና ማላ ሄሲ ሃናናፕ ሲንሳታዳ ሂንቴው ኦዳይሰ። 20 ታኒ ሂንቴው ተማ ኦዳይሰ፤ ታኒ ከቲዳ ኦናካ ሞኪያ ኡራይ ታና ሞኪስ። ታና ሞኪያ ኦኒካ ታና ከቲዳይሳ ሞኪስ» ያገሰ።

ዬሱሲ ባና ኣላ ኢማናይ ኦኒኮ ኮይሮቲዳ ኦዲስ

(ማቶ 26:20-25፤ ማር 14:17-21፤ ሉቃ 22:21-23)

21 ዬሱሲ ሂሳ ኦዲዳፕ ገዬ ባ ሞዛና፤ ዳር ኡንዔቲዳ፡ «ታኒ ሂንቴው ተማ ኦዳይሰ፤ ታና ሂንቴፊ ኢሶይ ኣላ ኢማና» ገዲ ቆንጨሲዳ ኦዲስ።

22 ኢ ኦዲባ ኦዲያኮ ኢያ ታማሪታስ ኡሪቶና ኢዲን ኢሶይ ኢሱዋ ያሊዳሶና። 23 ኢያ ታማሪታፕ ኢሶይ፡ ዬሱሲ ዶሴይሲ፤ ያሱሰሳ ማታን ኡቲስ። 24 ሂሳ ገሾ፡ ሲሞን ጳጳርሲ ኢያ ቃሞዖቲዳ፡ «ኢ ኦና ገያኮ ኣኔ ኦይቻ» ያገሰ።

25 ሂሳ ገሾ፡ ሂ ታማሪይ ዬሱሳት ሸቋዲ ሃይላን፡ «ጎዳው፣ ኢ ኦኔ?» ያገሰ።

26 ዬሱሲ ዛሬዲ፡ «ታኒ ኡይላ ዎዲን ተሻዳ ባርሲይሳ» ያገሰ። ቃሲ ኡይላ ማንላ ኢኪዳ፡ ዎዲን ቱሺዳ፡ ሲሞና ናዓ ኣስቆርታ ዪሁዳ ባርሲስ። 27 ዪሁዳ ኡይላ ባሪዳፕ ገዬ ዓላሂይ ሲሁዋሪ ዪሁዳን ገሊሰ። ዬሱሲ ኢያኮ፡ «ኔ ኦላናው ቆፕዳባ ኡሌሳዳ ኦላ» ያገሰ። 28 ሽን ጋይታ ቦላ ኡቲዳይሳታፕ ኦኒካ ዬሱሲ ሂሳ ኣይሰ ኢያኮ ገዲኮ ኡሪቤና። 29 ዪሁዳ ሚሼ ኦይኪያ ገሾ ኢያ ታማሪታፕ ኢሶቲ ኢሶቲ ዬሱሲ ኢያ፡ «ፓሲካ ቦንቺያ ጋላሳሰ ባንታው ኮሺያባ ሻማ ዎይኮ ማንቆታስ ሙፃታ ኢማ ገሰ» ያገዲ ቆፕዳሶና።

30 ዪሁዳ ኡይላ ባሪዳ ማላ ሲሁዋራ ካሬ ከዪሰ። ሂ ዎዴ ሳዒ ቃማ።

ኦራላ ኪታ

31 ዪሁዳ ካሬ ከዪዳፕ ገዬ፡ ዬሱሲ፡ «ሃላ ኣሳ ናዓይ ቦንቺቲስ፤ ያሳይካ ኢያ ባጋራ ቦንቺቲስ። 32 ያሳይ ኢያ ባጋራ ቦንቺቲኮ ኢ ባ ሁዒን ኣሳ ናዓ ቦንቻና፤ ቃሲ ኢ ሂሳ ኡሌሲዳ ኦላና። 33 ታ ናይቶ፡ ታኒ ሂንቴራ ዳር ዎዴ ጋምዒኪ። ሂንቴ ታና ኮያና፡ ሽን ታኒ ኣይሁዳታስ ኦዲዳይሳ ማላ፡ «ሂንቴ ታኒ ቢያሱዋ ባናው ዳንዳዒኪታ።» 34 ታኒ ሂንቴው ኢሚያ ኦራላ ኪታይ ሃይሳ፤ ኢሶይ ኢሱዋ ዶሴቲ፡ ታኒ ሂንቴና ዶሴዳይሳዳ ሂንቴ ኢሶይ ኢሱዋ ዳሳናው ቤሴስ። 35 ሂንቴ ኢሶይ ኢሱዋራ ዶሴቲኮ ሂንቴ ታ ታማሪ ገዳይሳ ኣሳ ኡባይ ኡራና» ያገሰ።

ጳጳርሲ ካዳናይሳ ዬሱሲ ኮይሮቲዳ ኦዲስ

(ማቶ 26:31-35፤ ማር 14:27-31፤ ሉቃ 22:31-34)

36 ሲሞን ጳጳርሲ ዬሱሳት፡ «ጎዳው፣ ኔኒ ኣው ባይ?» ያገሰ።

37 ዬሱሲ ዛሬዲ፡ «ታኒ ቢያሱዋ ኔኒ ሃላ ካላናው ዳንዳዒካ፡ ሽን ገዬፕ ታና ካላና» ያገሰ።

38 ዬሱሲ ዛሬዲ፡ «ታ ገሾ ሃይቃናው ተማ ገጋ ኡታዳ? ታኒ ኔው ተማ ኦዳይሰ፤ ኩቶይ ዋሳናፕ ሲንጳ ኔኒ ታና ሄሹ ቶሆ ካዳና» ያገሰ።

14

ዬሱሲ ኣዋኮ ኡፊያ ኦኒ

1 ዬሱሲ ባ ታማሪታት፡ «ሂንቴ ዎዛናይ ኡንዔቶፎ፡ ያሳ ኣማኒቲ፡ ታናካ ኣማኒቲ። 2 ታ ኣዋ ኪላን ዳር ቤሲ ዳዒስ። ታኒ ሂንቴው ቤሴ ገሊሳናው ባይሰ። ሂሳ ገደናኮ ታኒ ሂንቴው ኡዲኪሽን።

3 ታኒ ባዳ ቤሴ ገሊሲዳፔ ጉዬ ታኒ ዲያሱዋን ሂንቴ ዳና ማላ ሰማ ያዳ ሂንቴና ታኮ ኤፋና።
4 ሂንቴ ታኒ ቢያሱዋ ኤፊያ ኦጊያ ኤሬታ» ያገሰ።

5 ያጉጉ፣ ቶማሴ፣ «ጎዳው፣ ነገ ቢያሱዋ ነገ ኤርኮ፤ ኦጊያ ዋጥዲ ኤራናው ዳንዳዳን?» ያገሰ።
6 ዩሱሲ ዛሪዲ፣ «ኦጊያ፣ ቱማይኔ ዴያይ ታና። ታ ባጋራ ገደና ኢዲኮ ኦጊካ ታ አዋኮ ባናው ዳንዳዳና። 7 ሂንቴ ታና ኤሪያባ ገዲያኮ፣ ታ አዋካ ኤራና። ሽን ሂዛፔ ደማዲ ሂንቴ ኢያ ኤሬታኔ ኢያ ቤዲዴታ» ያገሰ።

8 ፊልጶሲ ዩሱሳኮ፣ «ጎዳው፣ አዋ ኦና ቤሳ፤ ሄሲ ኦሰ ገደና» ያገሰ።

9 ዩሱሲ ዛሪዲ፣ «ታኒ ሃይሳ ማላ ዋዴ ሂንቴራ ዴሂንካ ታና ኤሪከ? ታና ቤዲዳ ኡራይ አዋካ ቤዲሲ። ያጉጉ፣ ነገ ዋይጋዳ፣ ሳዋ ኦና ቤሳ፤ ጋይ? 10 ታኒ አዋራ ኢሲኖ ገደይሳኔ አዋይካ ታራ ኢሲኖ ገደይሳ ነገ አማኒከዬ? ታኒ ሂንቴው ኦዲያ ቃላ ታኒ ታፔ ኦዲኮ፣ ሽን ታናን ዴዲያ አዋይ ባ ኦሱዋ ኦሱሰ። 11 ታኒ አዋን ዴዲይሳኔ አዋይካ ታናን ዴዲይሳ አማኒቴ። ሄሳ አማናና ኢዲኮ ታ ኦሱያባታን ታና አማኒቴ።

12 «ታኒ ሂንቴው ቱማ ኦዲይሰ፤ ታና አማኒያ ኡራይ ታኒ ኦሱያ ኦሱዋፔ አዲያ ኦሰ ኦሳና። ታኒ አዋኮ ቢያ ገሾ ታና አማኒያ ኦጊካ ሃይሳፊ አዲያ ኦሰ ኦሳና። 13 አዋይ ናባ ባጋራ ቦንቼታና ማላ ታ ሱንጎን ሂንቴ ዋሲያ ኡባ ታ ሂንቴው ኦሳና። 14 ታ ሱንጎን አይቢባካ ሂንቴ ኦይቼኮ ታ ሂንቴው ኦሳና።

ዩሱሲ ገሻ አያና አማናው ቃላ ገሊሰ

15 «ሂንቴ ታና ደሲኮ ታ ከታ ናጋና። 16 ታኒ አዋ ዋሳና፤ ሂንቴራ ማሪናው ዳና ማላ ማንጩይሳ ሂንቴው አማና። 17 ሄ አያናይ ያሳ ቱማ ቆንጩሰ። ሃ አላሚያ አሳይ ኢያ ቤያና ገሾኔ ኤርና ገሾ ኢያ ኤካናው ዳንዳዳኮና። ሽን ኢ ሂንቴራ ዴዲያ ገሾኔ ሂንቴ ገደን ዳና ገሾ ሂንቴ ኢያ ኤሬታ።

18 «ታኒ ሂንቴና አያ አዉ ባይና ናባዳ ሂንቴ ያላላ አገኪ፤ ሰማዳ ሂንቴኮ ያና። 19 ጉላ ዋዴፔ ጉዬ አላሚይ ታና ዛሪ ቤዲና፣ ሽን ሂንቴ ቤዲና። ታኒ ዴያን ዴዲያ ገሾ ሂንቴካ ዴያን ዴዳና። 20 ታኒ ታ አዋን፣ ሂንቴ ታናን፣ ቃሲ ታኒ ሂንቴናን ዴዲይሳ ሂንቴ ሄ ጋላሰ ኤራና።

21 «ታ ከታ ኤኪዲ ናጌይ ታና ደሲሰ። ታና ደሲይሳ ታ አዋይካ ደሲሰ፤ ታኒካ ኢያ ደሳይሰ፤ ታኒ ኢያው ቆንጩና» ያገሰ።

22 አሰቆሮታ ዪሁዳ ገደና ዪሁዲ ዩሱሳኮ፣ «ጎዳው፣ ነገ ዋታዳ አላሚያሰ ገደናሽን ኦሰ ኔና ቆንጩሳኔ?» ያገሰ።

23 ዩሱሲ ዛሪዲ፣ «ታና ደሲያ ኦጊካ ታ ቃላሰ ከቴታና። ታ አዋይ ኢያ ደሳና። ቃሲ ታ አዋይኔ ታኒ ኢያኮ ዪዲ ኢያራ ዳና። 24 ታና ደሲና ኦጊካ ታ ቃላሰ ከቴታና። ሂንቴ ሲዲያ ቃላይ ታና ከቴዳ አዋባፔ አቴን ታባ ገደና።

25 «ታኒ ሂንቴራ ሃባ ዴገሾ ሄሳ ሂንቴው ኦዲሰ። 26 ሽን አዋይ ታ ሱንጎን ከታና ማንጩይያ ገሻ አያናይ፣ ሂንቴና አባባ ታማርሳና። ታኒ ሂንቴው ኦዲዳ ኡባ ኢ ሂንቴና ሃሳዲሳና።

27 «ሳርቴላ ሂንቴው አማና። ታኒ ታ ሳርቴላ ሂንቴው አማና። ታ አሚያ ሳርቴላይ አላሚይ አሚያ ሳርቴላ ማላ ገደና። ሄሳ ገሾ፣ ኡንዲቶፊቴ፣ ያኖፊቴ። 28 ታኒ ባና፣ ሽን ሰማዳ ሂንቴኮ ያና ገደይሳ ሲዲዴታ። ሂንቴ ታና ቱማ ደሲያባ ገዲያኮ ታ አዋይ ታፔ አዲያ ገሾ ታኒ ኢያኮ ቤይሳን ሂንቴ ኡፋይታና። 29 ሄሲ ሃኒያ ዋዴ ሂንቴ አማናና ማላ ሄሲ ሃናና ዴዲሽን ሲንጎታዳ ታኒ ሂንቴው ኦዲሰ።

30 «ሃ አላሚያ ሃሪይሲ ያ ገሾ ሃዛፔ ጉዬ ሂንቴራ ዳር ኦዴቴኮ። ታና ኢ አይኮካ ኦሳናው ዳንዳዳና። 31 ሽን ታኒ አዋ ደሲይሳ አላሚይ ኤራና ማላ ታ አዋይ ታና ከቴዳይሳ ኡባ ኦሳይሰ። ዳንዳቴ፤ ሃይሳፊ ቦሰ።

15

ዋይኒያ ቱማ ኡባይ ዩሱሳ

1 «ታኒ ዋይኒያ ቱማ ኡባ። ጎሻንቹይ ታ አዋ። 2 ታ ቦላ ዴዲያ አይፊ አይፎና ታሽያ ኡባ ኢ ካሪሰ። አይፊያ ታሽያ ካሲይሳፊ አዲ አይፋና ማላ ሄ ታሽያ ኢ ገሊሳና። 3 ታኒ ሂንቴው ኦዲዳ ቃላ ገሾ ሂንቴ ገሾ። 4 ታናን ዴዲቴ፤ ታኒካ ሂንቴናን ዴዳና። ዋይኒያ ታሽይ ኡባራ ዴያና ኢዲኮ ሄ ታሽይ ባርካ አይፊ አይፋናው ዳንዳዳና። ሄሳዳካ፣ ሂንቴካ ታናን ዴያና ኢዲኮ አይፊ አይፋናው ዳንዳዳኬታ።

5 «ታኒ ዋይኒያ ኡባ፤ ሂንቴ ታሽታ። ታናን ዴዲይሰኔ ታኒ ኢያን ዴዲይሰ። ኢ ዳር አይፊ አይፋና። ታ ባይና ሂንቴ ያላላ አይኮካ ኦሳናው ዳንዳዳኬታ። 6 ታናን ዳና ኡራይ ታሽዳ ካሪን ዩጌቴዲ ማላና። ሄሳ ማላ ታሽቴ ሸቁዲ ታማን ዩጌታና፣ ፀጌታና። 7 ሂንቴ ታናን ዴዳኮ፣ ታ ቃላይካ ሂንቴናን ዴዳኮ፣ ሂንቴ ኮያባይ አይባ ገዲኮካ ዋሲቴ፤ ሂንቴ ኤካና። 8 ሂንቴ ዳር አይፊ አይፊያ ታ ታማሬ ገዲኮ፣ ሄሳን ታ አዋይ ቦንቼታና። 9 አዋይ ታና ደሲይሳዳ ታኒካ ሂንቴና ደሳይሰ፤

ታ ሲቆጠን ደዳቱ። 10 ታነ ታ አዋ ከታ ናገዳ ኢያ ሲቆጠን ደዳታዬሳላ ሂንቴካ ታ ከታ ናገኮ ታ ሲቆጠን ዳና።

11 «ታ ኡፋይሳይ ሂንቴናን ገዳና ሜላህ ሂንቴ ኡፋይሳይ ሪሎ ገዳና ሜላ ታህ ሂንቴው ሃሳ ኦዳሰ። 12 ታ ከታይ ሃይሳ፤ ታህ ሂንቴና ደሴቲዳይሳላ ሂንቴካ ኢሶይ ኢሱዋ ደሴቱ። 13 ባ ሸምጥዋ ባ ለገያሰ አላዲ አሜይሳፊ ኣጲያ ገታ ሲቆይ ባዋ። 14 ታህ ሂንቴና ከቲዳባ ኡባ አላኮ ሂንቴ ደሴቲዳይሳታ።

15 «አይሌይ ባ ጎዳይ አላያባ ኤርና ገሾ ታህ ሂንቴና ሃዘፔ ጉዬ አይሌታ ገኬ። ሽን ታ አዋፔ ሲዲዳ ኡባ ታህ ሂንቴው ኦዲዳ ገሾ ሂንቴና ደሴቲዳይሳታ ጋሰ። 16 ታህ ሂንቴና ደራሲፔ ኣቲን ሂንቴ ታና ደሪቤኬታ። ሂንቴ ቢዲ ጳየና አይፊ ኣይፋና ሜላ ታህ ሂንቴና ሹማሰ። ያኒኮ ታ አዋይ ሂንቴ ታ ሰጎላን ዋሲዳባ ኡባ አማና። 17 ታ ከታይ ሃይሳ፣ ኢሶይ ኢሱዋ ደሴቱ።

ዬሱሲ አላሜይ አፃናይሳ ኦዲሰ

18 «አላሜይ ሂንቴና አፃኮ ኮይሮተዲ ታና አፃዳይሳ ኣክኪቲ። 19 ሂንቴ አላሚያባ ገዲያኮ አላሜይ ባባዳ ሂንቴና ደሳና። ሽን ታህ ሂንቴና አላሜይ ደሪዳ ገሾ ሂንቴ አላሚያባ ገዳና ገሾ አላሜይ ሂንቴና አፃሰ። 20 ሳይሌይ ባ ጎዳፔ አይና፣ ጋዳ ታህ ሂንቴው ኦዲዳይሳ ኣክኪቲ። ኣንቲ ታና ጎዲዳባ ገዲኮ ሂንቴናካ ጎዳና። ኣንቲ ታ ቃላ ናገዳባ ገዲኮ ሂንቴ ቃላካ ናገና።

21 ሽን ኣንቲ ታና ከቲዳይሳ ኤርና ገሾ ሃ ኡባ ታ ጋሶን ሂንቴ ቦላ ኦላና። 22 ታህ ያዳ ኦዳናባ ገዲያኮ ኣንታው ናጋራ ገዳና። ሽን ሃዲ ኣንቲ ኦላዲ ናጋራሰ ጋሶንባይ ባዋ። 23 ታና አፃይሲ ታ አዋካ አፃሰ። 24 ኦሪካ አላቦና ኦሪ ታ ኣንታ ገደን ኦላቦናባ ገዲያኮ ኣንታው ናጋራ ገዳና ኣታና። ሽን ሃዲ ኣንቲ ታህ ኦላዲ ኦሪባ ቢዲ ታናካ ታ አዋካ አፃደሶና። 25 ሽን ኣንታ ሂንቴና፣ ታና ሆ አፃደሶና፣ ገቲተዲ ፃፊተዳይሲ ፖሌታና ሜላ ሄሲ ሃኒሰ።

26 «አዋፔ ያ ቱማ ቆንጨሲያ አያና ታ ሂንቴው ከታና። ኢ ሂንቴና ሚንላላና፣ ታባ ማርካታና። 27 ሂንቴካ ኮይሮፔ ደሚዲ ታራ ዳዲያ ገሾ ታባ ማርካታና።

16

1 «ታህ ሄሳ ሂንቴ አማናይ ጳየና ሜላ ሂንቴው ኦዲሰ። 2 ኣንቲ ሂንቴና አይሁዴ ዋሳ ኬላታፔ ኬሲ ዬዳና። ሄሳዳካ፣ ሂንቴና ዋጲያ ኦኒካ ያሲ ኮያባ ኦላያ ዳኒያ ዋይይ ያና። 3 ኣንቲ ሄሳ ሂንቴ ቦላ ኦላይ ታና ዋይኮ አዋ ኤርና ገሾላ። 4 ሽን ኣንቲ ሄሳ ሂንቴ ቦላ ኦላያ ዋይይ ጋኪያ ዋይ ታህ ሂንቴው ኦዲዳይሳ ሂንቴ ኣከካና ሜላ ታህ ሂንቴው ሃይሳ ኦዲሰ።

ገሻ አያና ኦሪባ

«ሰንላታዳ ታህ ሃይሳ ሂንቴው ኦዲና ጋምዲዳይ ታ ሂንቴራ ዳዲያ ገሾላ። 5 ሽን ሃዲ ታህ ታና ከቲዳይሳኮ ባይሰ፤ ሂንቴፊ ኦኒካ፣ ሳጳው ባይ?» ገዲ ታና ኦይቼይ ባዋ። 6 ሽን ታህ ሄሳ ኦዲዳ ገሾ ሂንቴ ዋዛናን ዳር አዛናይ ዳዲሰ። 7 ሽን ታህ ሂንቴው ቱማ ኦዲይሰ፤ ታህ ቢኮ ሂንቴው ሎይ። አይሰ ገኩ፣ ታህ ቦና አፃኮ ሚንላላይሲ ሂንቴኮ ዬና። ሽን ታህ ቢኮ ኢያ ሂንቴኮ ዬዳና። 8 ሚንላላይሲ ዬዳ፣ ናጋራባ፣ ኣሎቴላባይ ፐርዳባ ሃ አላሚያ አሳ ኤሪሳና። 9 ናጋራባይ፣ አሳይ ታና አማናና ገሾላ። 10 ጂሎቴላባይ፣ ታህ አዋኮ ቢያ ገሾኤ ሂንቴ ታና ዛሪ ቤያና ገሾላ። 11 ፐርዳባይ፣ ቃሲ አላሚያ ሃራይሲ ፐርዳቲዳ ገሾላ።

12 «ታህ ሂንቴው ኡዲያባይ ዳርባይ ዳዲሰ። ሽን ሃዲ ሂንቴው ጌሌና። 13 ቱማ አያናይ ያ ዋይ ሂንቴና ቱማቴላ ኡባኮ ካላላና። ኢ ሲዲዳ ኦዲሰፔ ኣቲን ባፔ አይቢባካ ኦዲና። ቃሲ ሰንላፊ ያናባ ሂንቴው ኢ ኦዲና። 14 ኢ ታው ዳዲይሳፊ ኤኪዲ ሂንቴው ኦዲያ ገሾ ኢ ታና ቦንቻና። 15 አዋሰ ዳዲያባ ኡባይ ታባ፤ ሚንላላይሲ ታው ዳዲይሳፊ ኤኪዲ ሂንቴው ኦዲና፣ ታህ ገዳይ ሃሳሳ።

ሂንቴ አዛናይ ኡፋይሳን ላሚታና

16 «ጉላ ዋይፔ ጉዬ ታና ቤዔኬታ፤ ቃሲ ጉላ ዋይፔ ጉዬ ሂንቴ ታና ቤዓና» ያገሰ። 17 ኢያ ታማራታፔ ኢሶቲ ኢሶቲ ባንታ ገደን፣ «ጉላ ዋይፔ ጉዬ ሂንቴ ታና ቤዔኬታ፤ ቃሲ ጉላ ዋይፔ ጉዬ ሂንቴ ታና ቤዓና፤ ቃሲካ ታህ አዋኮ ባይሰ ጉላይ ዋይ ጉሴ?» ያገደሶና። 18 «ጉላ ዋይፔ ጉዬ ጌይሲ ዋይ ጉሴ? ኢ አይ ኦዲቲያኮ ኦሲ ኤሬቴና» ያገደሶና።

19 ኣንቲ ባና ኦይቻናው ኮይሳባ ዬሱሲ ኤሪዳ፣ «ታህ፣ ጉላ ዋይፔ ጉዬ ታና ቤዔኬታ፤ ቃሲ ጉላ ዋይፔ ጉዬ ሂንቴ ታና ቤዓና፣ ገዲዳሰ ሂንቴ ኢሶይ ኢሱዋ ኦይቼቲ? 20 ታህ ሂንቴው ቱማ ኦዲይሰ፤ ሂንቴ ዬካናይ ኣፋፃና፣ ሽን ሃ አላሜይ ኡፋይታና። ሃዲ ሂንቴ አዛናና፣ ሽን ሂንቴ አዛናይ ኡፋይሳን ላሚታና። 21 ኢሲ ማጫሲያ ናባ ዬላና ሃኒያ ዋይ ባ ዬሎ ዋይይ ጋኪዳ ገሾ

ሃርጋወሱ። ሽን ናባ ዬሊዳፔ ጉዬ ናባ ሃ አላሚያን ዬሊተዳ ኡፋይሳ ገሾ ባ ኦንባ ደጋወሱ።
22 ሃሳዳካ፣ ሃንቴካ ሃንቴ ዋዛናን አዛኔታ፣ ሽን ታኒ ሃንቴና ዛራዳ ቤባና። ሃንቴ ዋዛናይ ዳር ኡፋይታና፤ ሃ ኡፋይሳ ኦኒካ ሃንቴፌ ኤከና።

23 «ሃ ጋላሰ ሃንቴ ታና አይቢባካ ዋሲኬታ። ታኒ ሃንቴው ቱማ ኦዳይሰ፤ ሃንቴ ታ ሱንጎን ዋሲያባ ኡባ አዋይ ሃንቴው አማና። 24 ሃባ ጋካናው ታ ሱንጎን አይቢባካ ዋሲኬታ። ሃንቴ ኡፋይሳይ ለሎ ገዳና ሜላ ያሳ ዋሲቱ፤ ሃንቴ ኤካና።

25 «ታኒ ሃባ ጋካናው ሃንቴው ለሚሶን ኦዳይሰ፣ ሃዛፔ ታኒ ለሚሶን ኦዳይ ዋይይ ያና። ሽን አዋባ ታኒ ሃንቴው ቆንጩን ኦዳና። 26 ሃ ጋላሰ ሃንቴ ታ ሱንጎን አዋ ዋሳና፤ ሃንቴ ገሾ ታኒ አዋ ዋሲኬ። 27 ኦዳይ ገኮ፣ አዋይ ባ ሁዒን ሃንቴና ደሴሰ። ሃንቴ ታና ደሴያ ገሾኔ ታኒ አዋ ማታፔ ዩዳይሳ አማኒዳ ገሾ ኢ ሃንቴና ደሴሰ። 28 ታኒ አዋ ማታፔ ሃ አላሚያ ያሰ፤ ቃሲ አላሚያ አጋዳ አዋባ ባና» ያገሰ።

29 ኢያ ታማራፔ ዛራዳ፣ «ሃኮ፣ ሃባ ኔኒ ቆንጩን ኦዳይ፤ ለሚሶን አይኮካ ኦዳካ። 30 ኔኒ ኡባባ ኤሬይሳ ኦኒ ሃባ ኤርሰ፤ ቃሲ ኔና ኦኒካ ኦይቻና ሜላ ኔኒ ኮያካ። ሃሲ ኦና ኔኒ ያሳፌ ከቲቲዳይሳ አማኒሴሰ» ያገደሰና።

31 ያተን፣ ዩሱሲ ዛራዳ ኤንታኮ፣ «ሃባ አማኔቲ? 32 ሃኮ፣ ሃንቴ፣ ሃንቴ ሶ ሃንቴ ሶ ላሊቲያ ዋይይኔ ታ ያላላ ዩጊ አገዳ ባቃቲያ ዋይይ ያና፤ ሃባካ ዩከቺሰ። ሽን አዋይ ታራ ዳቢያ ገሾ ታ ታ ያላላ ገደኬ። 33 ሃንቴ ታራ ዳቢያ ሳርይ ሃንቴው ዳና ሜላ ታኒ ሃሳ ኦዳሰ። አላሚን ዳቢያ ሃንቴ ዋይታና። ሽን ሚኒቲ፤ ታኒ አላሚያ ያናሰ» ያገሰ።

17

ዩሱሳ ዋሳ

1 ዩሱሲ ሃሳ ኦዳዳፔ ጉዬ ፑይ ሳሎ ዪሊዳ፣ ሃይሳዳ ያገሰ። «አዋው፣ ሳቲይ ጋከሰ፤ ኔ ናባይ ኔና ቦንቻና ሜላ ኔኒ ኔ ናባ ቦንቻ። 2 ኔኒ ኢያው አሚዳ ኡባሰ ኢ ሜሪና ደዑዋ አማና ሜላ አሳ ኡባ ቦላ ኢያው ማታ አሚዳ። 3 ሚሪና ደይይ፣ ኔና፣ ኢሲ ቱማ ያሳኔ ኔ ከቲዳ ዩሱሲ ከሪሰቶሳ ኤር። 4 ኔኒ ታ ኦሳና ሜላ አሚዳ ኡሱዋ ሃላዳ ኔና ሳባን ቦንቻሰ። 5 ሃባካ፣ አዋው፣ አላሚይ ሜዴታናፔ ሰንሴ ኔ ማታን ታው ዳቢያ ቦንቹዋን ታና ቦንቻ።

6 «አላሚያ አሳፔ ኔኒ ታው አሚዳይሳታ ኔና ኤሪሳሰ። ኤንቲ ኔይሳታ፤ ኔኒ ኤንታ ታው አሚዳ። ኤንቲ ኔ ቃሳሰካ ከቲቲዳሰ። 7 ኔኒ ታው አሚዳ ኡባባይ ኔፔ ዩዳይሳ ኤንቲ ሃባ ኤርሶና። 8 ኔኒ ታው አሚዳ ቃላ ታኒ ኤንታው አሚሰ፤ ኤንቲካ ሃ ቃላ ኤከደሶና። ታኒ ኔ ማታፔ ዩዳይሲ ቱማ ገደይሳ ኤሪዳ። ኔኒ ታና ከቲዳይሳካ አማኒደሶና።

9 «ታኒ ኤንታው ዋሳይሰ። ኤንቲ ኔይሳታ ገደያ ገሾ ኔኒ ታው አሚዳ አሳሰ ዋሳይሲፔ ኣቲን አላሚያሰ ዋሲኬ። 10 ታው ዳቢያ ኡባባይ ኔባ፤ ኔው ዳቢያ ኡባባካ ታባ። ታኒ ኤንታ ባጋራ ቦንቹታሰ። 11 ታኒ ሃዛፔ ጉዬ አላሚን ዳቢያ፤ ኤንቲ አላሚን ደይሶና። ታኒ ሃባ ክኮ ባይሰ። ገሻ አዋው፣ ሃ ኔኒ ታው አሚዳይሳቲ ኔራኔ ታራ ኢሲና ገደዳይሳዳ ኤንቲ ኢሲና ገደና ሜላ ኤንታ ኔ ታው አሚዳ ኔ ሱንጎን ናጋ። 12 ታኒ ኤንታራ ሳባን ዳቢያ፣ ኔ ታው አሚዳ ኔ ሱንጎ ዋልቃን ኤንታ ናጋሰ። ገሻ ማዳባይ ገደይሲ ሃላታና ሜላ ቆሮይ ቤሲያ ኡራፔ ኣቲን ኤንታፌ ሃሪ ኦኒካ ቆዩቤና።

13 «ሃባ ታኒ ክኮ ባይሰ። ታ ኡፋይሳይ ኤንታ ዋዛናን ለሎ ገዳና ሜላ ሃይሳ ታኒ አላሚን ዳቢያ ኡዳይሰ። 14 ታኒ ኤንታው ኔ ቃላ አሚሰ። ታኒ አላሚፔ ገደናይሳዳ፣ ኤንቲካ አላሚፔ ገደና ገሾ አላሚይ ኤንታ ኢዲሰ። 15 ኔኒ ያላሃፔ ኤንታ ናጋና ሜላፔ ኣቲን አላሚፔ ከሳና ሜላ ዋሲኬ። 16 ታኒ አላሚፔ ገደናይሳዳ ኤንቲካ አላሚፔ ገደኮና። 17 ኔኒ ኔ ቱማቴላን ኤንታ ኔባ ኦሳ፤ ኔ ቃላይካ ቱማ። 18 ኔኒ ታኒ አላሚያ ከቲዳይሳዳ ታኒካ ኤንታ አላሚያ ከታሰ። 19 ቃሲ ኤንቲ ቱማ ኔባ ገደና ሜላ ኤንታ ገሾ ታኒ ታ ሁዒያ ኔው አሚሰ።

20 «ታኒ ኤንታ ያላላሰ ገደናሽን ኤንቲ ቃላ ኦዲን፣ ታና አማናናይሳታሰካ ዋሳይሰ። 21 ኤንቲ ኡባይ ኢሲና ገደና ሜላ ታኒ ዋሳይሰ። አዋው፣ ኔ ታናን ዳቢያሳዳ፣ ቃሲ ታ ኔናን ዳቢያሳዳ ኤንቲ ኦናን ዳና ሜላ ዋሳይሰ። ሃ ዋይ ኔኒ ታና ከቲዳይሳ አላሚይ አማናና። 22 ኔኒኔ ታኒ ኢሲና ገደናይሳዳ፣ ኤንቲ ኢሲና ገደና ሜላ፣ ኔኒ ታና ቦንቹዳይሳዳ፣ ታኒካ ኤንታ ቦንቻሰ። 23 ታኒ ኤንታን፣ ኔኒ ታናን ዳቢያሳዳ ኤንቲ ለሎ ኢሲና ገደና ሜላ ኔና ዋሳይሰ። ሃሲካ፣ ኔ ታና ከቲዳይሳኔ ኔ ታና ደሴዳ ደሴዋን ኤንታ ደሴዳይሳ አላሚይ ኤራን ሚሳሳ።

24 «አዋው፣ ኔኒ ታው አሚዳይሳቲ ታኒ ዳቢያሱዋን ታራ ዳና ሜላ ኮያይሰ። አላሚይ ሜዴታናፔ ሰንሴ ኔኒ ታና ደሴዳ ገሾ ታው አሚዳ ቦንቹዋ ኤንቲ ቤባና።

25 «ገሻ አዋው፣ አላሚይ ኔና ኤሪና፣ ሽን ታኒ ኤራይሰ። ቃሲ ኔኒ ታና ከቲዳይሳ ሃይሳቲ ኤርሶና። 26 ኔኒ ታና ሰቆዳ ሰቆይ ኤንታናን ዳና ሜላ፣ ቃሲ ታኒ ኤንታናን ገደና ሜላ፣ ታኒ ኔ ሱንጎ ኤንታ ኤሪሳሰ፤ ሰንጎሰካ ኤሪሳና» ያገሰ።

18

ዬሱሳ ኦይኪቲሳ

(ማቶ 26:47-56፤ ማር 14:43-50፤ ሉቃ 22:47-53)

1 ዬሱሱ ሞሳ ኦይኪቲቲ ጉዬ ባ ታማሪታራ ቁዳርና ዛንጋራ ጊኒዲ፣ ሄ ቤሳን ደዒያ ኣታኪልቲያ ጊዳ ጌሊደሶና። 2 ዬሱሱ ኡባ ዋዴ ባ ታማሪታራ ያን ሸቂያ ጊሾ ዬሱሳ ኣሌ ኣሚዳ ዪሁዲ ሄ ቤሳ ኤሬሰና። 3 ሄሳ ጊሾ፣ ዪሁዲ ፓናሴ፣ ያሞፕ፣ ቶራኔ ጎንዳሌ ኦይኪዳ ዳር ዋታዳሬታ፣ ካሂኔ ሃላቃቲኔ ፋሪሳዊቲ ከቲዳ ያሳ ከፋ ናጊያ ፖሊሴታ ካሌሌ ኤኪዲ፣ ሄ ቤሳ ቢሰ።

4 ዬሱሱ ባና ጋካና ሃሂያባ ኡባ ኤሪዳ፣ ጋፃ ኪዬዳ፣ «ኦና ኮዬቲ?» ያጊሰ።

5 ኤንቲ ዛሪዳ፣ «ናዚሬቲ ዬሱሳ ኮዮሰ» ያጊደሶና።

ኢ ዛሪዳ፣ «ታኒ ዬሱሳ» ያጊሰ።

ዬሱሳ ኣሌ ኣሚዳ ዪሁዲ ያን ኤንታራ ኤቁሰ። 6 ኢ፣ «ታኒ ዬሱሳ» ጊዳ ዋዴ ኤንቲ ጉዬ ሸቂዳ፣ ሳባን ከንዲደሶና። 7 ዬሱሱ ቃሲካ፣ «ኦና ኮዬቲ?» ያጊዲ ኦይቸሰ።

8 ኢ ዛሪዳ፣ «ናዚሬቲ ዬሱሳ ኮዮሰ» ያጊደሶና።

9 ኢ ሄሳ ጊዳ፣ «ኣሞፕ፣ ኔኒ ታው ኣሚዳይሳታፕ ሃሪ ኣቶሽን ኢሱዋካ ዳይሳቢኬ» ጊዳይሰ ፖሊታና ሚሳሳ።

10 ሲሞን ጳዲርሳሰ ማሺ ዳዴሰ። ኢ ሄ ማሻ ሾዲዲ ካሂኔ ሃላቃ ኣይሊያሰ ኡሻቻ ሃይሳ ሾጪዳ፣ ቃንዲ ዩሊሰ። ሄ ኣይሊያ ሰንሳይ ማልኮሳ። 11 ዬሱሱ ጳዲርሳኮ፣ «ኔ ማሻ ሾሁዋን ዛሪ። ታ ኣዋይ ታው ኣሚዳ ፀ-ሳፕ ታኒ ኡዮናባ ኔው ዳኒ?» ያጊሰ።

ዬሱሱ ሃና ሲንሌ ሸቂሰ

(ማቶ 26:57-58፤ ማር 14:53-54፤ ሉቃ 22:54)

12 ሮሜ ዋታዳሬቲኔ ኤንታ ሃላቃይ ያሳ ከፋ ናጊያ ፖሊሴታ ኢሲፌ ዬሱሳ ኦይኪዲ ቃቸደሶና። 13 ኮይር ዬሱሳ ሃናኮ ኤፊደሶና። ሃኒ ሄ ላይሊ ካሂኔ ሃላቃ ጊዳያ ቃያፋ ቦሎ። 14 ቃያፊ፣ «ኣሳ ኡባ ጊሾ ኢሲ ኣሲ ሃይቁኮ ሎ?» ጊዲ ካሴ ኣይሁዳታ ዘሪዳይሳ።

ጳዲርሲ ዬሱሳ ካዲሰ

(ማቶ 26:69-70፤ ማር 14:66-68፤ ሉቃ 22:55-57)

15 ሲሞን ጳዲርሲኔ ሃራ ኢሲ ታማሪይ ዬሱሳ ካሊዲ ቢደሶና። ካሂኔ ሃላቃይ ሄ ሃራ ታማሪያ ሎይሌ ኤሬሰ። ሄሳ ጊሾ፣ ኢ ዬሱሳራ ካሂኔ ሃላቃ ዛባ ጌሊሰ። 16 ሺን ጳዲርሲ ካሬራ ዲርሳ ፔንጌን ኤቁሰ። ካሂኔ ሃላቃይ ኤሪያ ሃራ ታማሪይ ካሬ ኪዬዳ፣ ፔንጊያ ናጊያ ናዴሰ ኦዲዲ፣ ጳዲርሳ ጋሌ ጌልሲሰ። 17 ፔንጊያ ናጊያ ናዲያ ጳዲርሳኮ፣ «ኔኒ፣ ሄ ኣዲያ ታማሪታፕ ኢሱዋ ጊዲኪ?» ያጋሱ።

ጳዲርሲ ዛሪዳ፣ «ኣካይ፣ ታኒ ጊዲኪ» ያጊሰ።

18 ሳባይ ሚጊያ ጊሾ ኣይሌቲኔ ናጌይሳቲ ዊፋ ታማ ኤሌዲ፣ ዩዩ ኣጲ ኤቁዲ ካዮሶና። ጳዲርሲካ ኤንታራ ኤቁዲ ታማ ካዬሰ።

ካሂኔ ሃላቃይ ዬሱሳ ኦይቸሰ

(ማቶ 26:59-66፤ ማር 14:55-64፤ ሉቃ 22:66-71)

19 ካሂኔ ሃላቃይ ዬሱሳ፣ ኢያ ታማሪታባኔ ኢያ ቲሚርቲያባ ኦይቸሰ። 20 ዬሱሱ ዛሪዳ፣ «ታኒ ኣሳ ኡባሰ ቆንጩን ኦደሰ። ታኒ ኣይሁዳ ኡባይ ሸቂያ ኣይሁዳ ሞሳ ከላኒኔ ያሳ ከላን ኡባ ዋዴ ታማርሳሰ። ጌማን ኣይኮካ ኦደቢኬ። 21 ያተን፣ ኔኒ ታና ኣይሰ ኦይቻይ? ታ ኦዲሺን ሲዳዲ ኣሳ ኦይቻ። ሄ ኣሳይ ታኒ ኦዲዲዳይሳ ኤርሶና» ያጊሰ።

22 ዬሱሱ ሄሳ ጊዳ ዋዴ ሄ ቤሳን ኤቁዳ ዋታዳሬታፕ ኢሶይ ዬሱሳ ባቂዳ፣ «ካሂኔ ሃላቃሰ ሃይሳዳ ዛሪይ?» ያጊሰ።

23 ዬሱሱ ዛሪዳ፣ «ታኒ ኢታባ ኦዲዳባ ጊዲኮ ሃይሳን ደዒያ ኣሳ ኡባ ሲንላን ኦዳ። ሺን ታኒ ቱማ ኦዲዳባ ጊዲኮ ታና ኣይሰ ባቃይ?» ያጊሰ።

24 ሄሳ ጊሾ፣ ሃኒ፣ ዬሱሱ ቃሺቲዳ ሚሳ ካሂኔ ሃላቃ ቃያፋኮ ዬዲሰ።

ጳዲርሲ ዬሱሳ ዛሪ ካዲሰ

(ማቶ 26:71-75፤ ማር 14:69-72፤ ሉቃ 22:58-62)

25 ጳዲርሲ ያን ኤቁዳ፣ ታማ ካዩሺን፣ ሃራቲ ኢያኮ፣ «ኔኒ ሄ ኣዲያ ታማሪታፕ ኢሱዋ ጊዲኪ?» ያጊሰ።

ጳዲርሲ ዛሪዳ፣ «ኣካይ፣ ታኒ ጊዲኪ» ያጊዲ ካዲሰ።

26 ካሂኔ ሃላቃ አይሌታፔ ኢሶይ፡ ጳጳርሲ ሃይላ ቃንጻዳ አዲያ ዳቦይ፡ ጳጳርሳኩ፡ «ታኒ ኔና ኢያራ ኣታኪልቲያ ገደን ቢዓቢከና?» ያገደዱ ኣይቸሰ።

27 ጳጳርሲ ቃሲካ ካዲሰ። ሶሁዋራ ኩቶይ ዋሲ ኣገሰ።

ዩሱሲ ጳላዖሳ ሲንሳን

(ማቶ 27:1-2፣ 11-14፤ ማር 15:1-5፤ ሉቃ 23:1-5)

28 ዋንታ ጉራ፡ ኢንቲ ዩሱሳ ቃያፋ ሶፔ ዳሪያ ሃሪይሳ ኦሶ ከሌ ኤፊደሶና። ኣይሁዴቲ ፓሲካ ባሌ ካላ ማናው ባንታና ቱኒሶና ሜላ ዳሪያ ሃሪይሳ ኦሶ ከሌ ገሌሊኮና። 29 ሃሳ ገሾ፡ ጳላዖሲ ኤንታኮ ካሪ ከዩዱዲ፡ «ሃ አዲያ ኣይሰ ሞቲቲ?» ያገሰ።

30 ኤንቲ፡ «ኢ ኢታ ኦሶናባ ገዲያኮ ኑኒ ኢያ ኔኮ ኤሆኮ» ያገደሶና።

31 ጳላዖሲ ዛሪዲ፡ «ሂንቲ ኢያ ኤኪ ኤፊደዲ፡ ሂንቲ ሂንቲ ገይሳዳ ኢያ ቦላ ፐርዲቲ» ያገሰ። ኣይሁዴቲ፡ «ኦናካ ዋጲያ ማቲ ኦሶ ባዋ» ያገደሶና። 32 ሃሲ ሃኒዳይ ዩሱሲ ኣይ ሜላ ሃይቆ ሃይቃኒኮ ኤሪሳናው ኦዲዳይሲ ፖሌታና።

33 ጳላዖሲ ባ ኦሶ ከላ ዛሪ ገሊዲ፡ ዩሱሳ ጻገዲ፡ «ኔኒ ኣይሁዴ ካዎ?» ያገደዱ ኣይቸሰ።

34 ዩሱሲ ጳላዖሳ፡ «ሃ ኦይቫ ኔኒ ኔፔ ኦይቻዬ ዋይኮ ሃራ ኣሲ ኔው ታባ ኦዲዲ?» ያገሰ።

35 ጳላዖሲ ዛሪዲ፡ «ታ ኣይሁዴ ኣሴ? ኔ ኣሳይኔ ካሂኔ ሃላቃቲ ኔና ታው ኣላ ኢሚደሶና። ኔ ኣይ ኦላዲ?» ያገሰ።

36 ዩሱሲ፡ «ታ ካዎቴላይ ሃ ኣላሚያና ገደና። ኢ ሃይሳን ገዲያኮ ታ ኣይሁዴታ ሃላቃታሲ ኣቆ ኢሚቶና ሜላ ታ ኣይሌቲ ታው ኦሌታና። ሺን ታ ካዎቴላይ ሃ ኣላሚያና ገደና» ያገሰ።

37 ሃሳ ገሾ፡ ጳላዖሲ ዩሱሳ፡ «ያቲን፡ ኔኒ ካዎዬ?» ያገደዱ ኣይቸሰ።

ዩሱሲ ዛሪዲ፡ «ቱማ ታ ካዎ ገደይሳ ኔ ጋደሳ። ታኒ ዩሌቲዳይኔ ሃ ኣላሚያ ዩደይ ቱማቴላሲ ማርካታና። ቱማ ባጋ ገዲዳ ኦኒካ ታኒ ገይሳ ሲዔሰ» ያገሰ።

38 ጳላዖሲ፡ «ቱሚ ኣይቤ?» ያገሰ።

ጳላዖሲ ሃሳ ገዳፔ ገዬ ኣይሁዴታኮ ካሪ ከዩዱዲ፡ «ታኒ ኢያፔ ኣይ ኢታካ ደማቢኬ። 39 ሺን ፓሲካ ባሌ ጋላሰ፡ ኢሲ ኣሴ ሂንቲው ቃሾፔ ቢሊያ ሜዜይ ዳዔሰ። ታኒ ሂንቲው ኣይሁዴታ ካወዋ ቢላና ሜላ ኮዬቲ?» ያገሰ።

40 ኤንቲ ዛሪዲ፡ ባንታ ቃላ ጶቁ ኦሌዲ፡ «ባርባና ቢላፊ ኣቲን ኢያ ገደና» ያገደሶና። ሺን ባርባኒ ፓንጋ።

19

ዋታዳሪቲ ዩሱሳ ቶቺደሶና

(ማቶ 27:27-32፤ ማር 15:15-21)

1 ሃሳፊ ገዬ፡ ጳላዖሲ ዩሱሳ ጋራፊሲሰ። 2 ዋታዳሪቲ ኣጉንላ ካላቻ ሚጲዲ ኢያ ሁራን ዋሴደሶና። ቃሲ ዘዎ ማዖ ኢያ ማይዚደሶና። 3 ኢያኮ ሸቁዲ፡ «ኣይሁዴ ካወዋው፡ ሚሪናው ካዎታ» ያገደዱ ኢያ ባቁደሶና።

4 ጳላዖሲ ቃሲካ ካሪ ከዩዱዲ፡ ኣይሁዴታኮ፡ «ሄኮ፡ ታኒ ኢያፔ ኣይ ኢታካ ደማቦናይሳ ሂንቲ ኤራና ሜላ ኢያ ሂንቲኮ ካሪ ከሳና» ያገሰ። 5 ሃሳፊ ገዬ፡ ዩሱሲ ኣጉንላ ካላቻ ባ ሁራን ዋሴዲ፡ ያዎ ማዖ ሚሲዲ፡ ካሪ ከዩዱዲ፡ ጳላዖሲ ኣይሁዴታኮ፡ «ኡራ ሃይሳ ቢዒቲ» ያገሰ።

6 ካሂኔ ሃላቃቲኔ ያሳ ኦሶ ናገይሳቲ ኢያ ቤዲዳ ዋዴ ባንታ ቃላ ጶቁ ኦሌዲ፡ «ማሰቃሊያ ቦላ ካቃ! ካቃ!» ያገደሶና።

ጳላዖሲ ኤንታኮ፡ «ሂንቲ ኢያ ኤፊደዲ፡ ማሰቃሊያ ቦላ ካቁቲ። ታኒ ኢያፔ ኣይ ኢታካ ደማቢኬ» ያገሰ።

7 ኣይሁዴቲ ዛሪዲ፡ «ኦሶ ሂንቲ ዳዔሰ። ኢ ባና ያሳ ናዓ ኦሌዲ ገሾ ኑ ሂንቲያ ኢ ሃይቃናው ቤሴሰ» ያገደሶና።

8 ጳላዖሲ ሃሳ ሲዒዳ ዋዴ ካሴይሳፊ ዳር ያዩሰ። 9 ቃሲካ ጳላዖሲ ባ ኦሶ ከሌ ሲሚ ገሊዲ ዩሱሳ፡ «ኔኒ ኣወፔ ያዲ?» ያገደዱ ኣይቸሰ። ሺን ዩሱሲ ኢያው ኣይኮካ ዛሪቤና። 10 ሃሳ ገሾ፡ ጳላዖሲ፡ «ታው ኦዲኪ? ኔና ቢላናው ዋይኮ ማሰቃሊያ ቦላ ካቃናው ታው ማቲ ዳዔይሳ ኤሪኪ?» ያገሰ።

11 ዩሱሲ፡ «ያሳይ ኔው ማታ ኢሚቦናባ ገዲያኮ ታ ቦላ ማቲ ኔው ደናሺን። ሃሳ ገሾ፡ ታና ኔው ኣላ ኢሚዳይሰ ኣቆያ ናጋራ ኦሌሰ» ያገሰ።

ዩሱሳ ቦላ ሃይቆ ፐርዲደሶና

(ማቶ 27:15-31፤ ማር 15:6-20፤ ሉቃ 23:13-25)

12 ጲላዎሲ ሄሳ ሲዒዳ ዎዴ ዩሱሳ በላናው ኦጌ ኮዩሰ። ሺን አይሁዳት ባንታ ቃላ ጾቁ ኦሌዲ፣ «ኔጌ ኢያ ቢሊያባ ገዲኮ ካወቀ ቁሳሪ ባጋ ገዲካ። ባና ካዎ ገያ ኦጌካ ቁሳሪ ሞርኪ» ያገደሰና።

13 ጲላዎሲ ሄሳ ሲዒዲ ዩሱሳ ካሪ ኬሲሰ። ያቲዲ፣ «ሎቼ ቮቼ» ገያሶን ፐርዳ ኦይዲያን ኡተሰ። ኢብራይስጭ ቃላን ሄ ቤሳይ «ጋባታ» ጉሱ። 14 ሄ ጋላሳይ ፓሲካ ባሊ ቦንቻናው ገቢቴሳ ጋላሰ። ሄ ዎዴ ሳሊ ኡሱቸን ሳቲ ሄራ። ጲላዎሲ አይሁዳታ፣ «ሂንቲ ካወቀ ሃይሳ ቤዒቴ» ያገደሰ።

15 አይሁዳት ባንታ ቃላ ጾቁ ኦሌዲ፣ «ዲጋ! ዲጋ! ማስቃሊያ ቦላ ካቃ» ያገደሰና። ጲላዎሲ ዛሪዲ፣ «ሂንቲ ካወቀ ታጌ ማስቃሊያ ቦላ ካቃናይሳ ኮዩቲ?» ያገደሰ ኦይቸሰ። ካሂኔ ሃላቃቲ፣ «ቁሳሪቴ ሃራ ካዎይ ኦሰ ባዎ» ያገደሰና።

16 ሄሳፌ ጉዬ፣ ኤንቲ ዩሱሳ ማስቃሊያ ቦላ ካቃና ማላ ጲላዎሲ ኤንታው አላ ኢሚሰ።

ዩሱሲ ካቁቴሰ

(ማቶ 27:32-44፤ ማር 15:21-32፤ ሉቃ 23:26-43)

ኤንቲ ዩሱሳ ኦይኪዲ ኤፊደሶና። 17 ዩሱሲ ባ ማስቃሊያ ቶኪዲ፣ «ሁዔ ጉጌ» ገያ ቤሳ ቢሰ። «ሁዔ ጉጌ» ጉሳይ ኢብራይስጭ ቃላን «ጎልጎታ» ጉሱ። 18 ኤንቲ ሄ ቤሳን ማስቃሊያ ቦላ ዩሱሳ ካቁደሰና። ቃሲ ኢያራ ሃራ ናሞሁ አሳታ፣ ኢሱዎ ያ ባጋራ ሃንኩዎ ሃ ባጋራ ማስቃሊያ ቦላ ካቁደሰና። 19 ጲላዎሲ፣ «አይሁዳታ ካወቀ፣ ናዚሬቴ ዩሱሳ» ያገያ ቡፌ ዓፊዲ ማስቃሊያ ቦላ ዋሊሰ። 20 ዩሱሲ ማስቃሊያ ቦላ ካቁቴዳ ቤሳይ ካታማሰ ማታን ዴዒያ ገሾ ዳር አይሁዳቲ ሄ ቡፊያ ናባቢደሶና። ቡፊይ ዓፊቴዳይ ኢብራይስጭ ደናን፣ ላቴኔ ደናኔ ገሪኬ ደናና። 21 ሄሳ ገሾ፣ ካሂኔ ሃላቃቲ ጲላዎሳኮ፣ « ሃ አይይ ባና አይሁዳ ካዎ ያገሰ» ጋዶ ዓፋቴ ኦጌን ላይሁዳ ካዎ፣ ጋዶ ዓፎፓ» ያገደሰና።

22 ያቲን፣ ጲላዎሲ፣ «ታ ዓፊዳይሳ ዓፋሰ» ያገደሰ ዛሪሰ።

23 ዎታዳራቴ ማስቃሊያ ቦላ ኢያ ካቁዳፔ ጉዬ ኢያ ማዑዎ ኤኪዲ፣ ኦይዲ ቤሳን ሻኪዲ፣ ኢሶ ኢሶ ኤኪደሶና። ዩዳ ማዑቲያ ኢያ አዲሳ ማዑዎ ኤኪደሰና። 24 ዎታዳራቴ፣ «ኦና ጋካኔኮ፣ ሳማ ዩጋናቴ ኦጌን ማዑዎ ፔጶኮ» ያገደሰና። ሄሲ ሃኒዳይ ገሻ ማዓፋን፣ «ታ ማዑዎ ሻኪ ኤኪደሰና፤

ታ አዲሳ ማዑዎ ቦላካ ሳማ ዩገደሰና» ጌቲቲዳይሲ ገሊታና ማላሳ። ሄሳ ገሾ፣ ዎታዳራቴ ሄሳ ኦሌደሰና።

25 ሺን ዩሱሳ ማስቃሊያ ማታን ኢያ አያ፣ ኢያ አይ ሚቸያ፣ ቁሊዮጶ ሚቸያ ማይራማኔ ማግደላ ማይራማ ኤቁደሰና። 26 ዩሱሲ ባ አዩዉኔ ኢ ደሲያ ታማራይ ያን ኤቁዳይሳታ ቤዒዲ፣ ባ አዩኮ፣ «ታ አዩ፣ ኔ ናዓ ሃይሳ ቤዒ» ያገሰ።

27 ሄሳፌ ጉዬ፣ ሄ ታማራይኮ፣ «ኔ አዩው ሃኖ ቤዒ» ያገሰ። ሄ ታማራይ ኢዮ ሄ ዎዳፔ ደሚዲ ባራ ዳና ማላ ሶ ኤፊሰ።

ዩሱሲ ሃይቁሰ

(ማቶ 27:45-56፤ ማር 15:33-41፤ ሉቃ 23:44-49)

28 ሄሳፌ ጉዬ፣ ዩሱሲ ኡባይ ሃራ ገሊቲዳይሳ ኤራዲ፣ ጌሻ ማዓፋን ዓፊቴዳይሲ ገሊታና ማላ «ታና ሳሚሰ» ያገሰ።

29 ሄ ቤሳን ኢሲ ፀ-ጋ ኩሚላ ጫላ ዎይኔይ ዴዒሰ። ኤንቲ ኢሰፖንጃ ሄ ዎይኒያን ዩገዲ፣ ሂሶጶ ማላ ጴራን ዎሊዲ፣ ዩሱሳ ደናኮ ሺሺደሰና። 30 ዩሱሲ ዎይኒያ ጋንጂ ቤዒዲ፣ «ገሊቴሰ» ያገሰ።

ሄሳፌ ጉዬ፣ ባ ሁዒያ ዘቁ ኦሌዲ ባ ሸዎቸዎ አሚሰ።

ዩሱሳ ሚያ ቶራን ጫዲደሰና

31 ሄ ጋላሳይ ገቢቴሳ ጋላሰ ገዲያ ገሾኔ ዎንቴሳ ጋላሳይ ቦንቻ ሳሞባታ ገዲያ ገሾ አሳታ አሃይ ማስቃሊያ ቦላ ሳሞባታ ጋላሰ ፔዖና ማላ ኤንታ ቶሁዎ ሚንሱዲ፣ ማስቃሊያፔ ፕዲሳና ማላ አይሁዳቲ ጲላዎሳ ዋሲደሰና። 32 ሄሳ ገሾ፣ ዎታዳራቴ ቢዲ፣ ዩሱሳ ካቁቴዳ ናሞሁ አሳታ ቶሁዎ ሚንሱደሰና። 33 ሺን ዩሱሳኮ ዩዳ ዎዴ ኢ ሃይቁዳይሳ ቤዒዲ፣ ኢያ ቶሁዎ ሚንሱደሰና። 34 ሺን ዎታዳራጋፔ ኢሶይ ኢያ ሚያ ቶራን ጫዲን ሶሁዎራ ሱሌኔ ሃላ ጎሰሰ። 35 ሂንቲ አማናና ማላ ሄሳ ቤዒዳይሲ ማርካቲሰ። ኢያ ማርካቲሳይካ ቱማ። ቃሲ ኢ ኦይይሲ ቱማ ገዲይሳ ኤፊሰ። 36 ሄሲ ሃኒዳይ ገሻ ማዓፋይ፣ «ኢያ ሚቁሳታፔ ኢሶይካ ሚቁና» ገዲዳይሲ ገሊታና ማላሳ። 37 ቃሲካ ገሻ ማዓፋይ ሃራ ቤሳን፣ «ኤንቲ ባንታ ጫዲዳይሳ ቤዒና» ያገሰ።

ዩሱሲ ሞጌቲሰ

(ማቶ 27:57-61፤ ማር 15:42-47፤ ሉቃ 23:50-56)

38 ሄሳፊ ጉዬ፣ አርማተያሳ ካታማፔ ዪዳ ዮሴፊ ዬሱሳ እሃ ኤካናው ጲላያሳ ዋሲሰ። ዮሴፊ አይሁዳታስ ያዩዳ ጊሾ ቆሳን ዬሱሳ ካሌይሳ።

ጲላያሳ፣ «ኤካ» ያገሰ። ሄሳ ጊሾ፣ ዮሴፊ ቢዲ ዬሱሳ እሃ ኤኪስ። 39 ቃሲ ኒቆዲሞሲ፣ ሃይሳፊ ካሲ ዬሱሳኩ ቃማ ዪዳይሲ፣ ካርቤኔ ጎዳሪ ኦላሪ ዋላኪቲዳ ሃሰታማኔ ኢሲ ከሎ ገራሚ ገዲያ ሺቶ ኤኪዲ ዮሴፋራ ዪሲ። 40 ሄ ናምቦ አሳቲ ዬሱሳ እሃ ኤኪዲ፣ አይሁዳቲ እሃ ፃዲያ ማራን፣ ሺቶራ፣ ሞጎ አፊላን ፃዲዳሪና። 41 ዬሱሲ ማሰቃሊያ ቦላ ካቁቲዳ ቤሳን ዳር አታከልቲይ ዳዔሲ። ሄ አታከልቲያ ገደን ሹቻፊ ዋጩቲዳ ኦሲቲዳ ቡር ኦኒካ ሞጌቲቦና ኦራላ ዳፎይ ዳዔሲ። 42 ሄ ጎንጎሎይ ማታን ዳዔያ ጊሾኔ አይሁዳቲ ሳምባታስ ጊኬቲያ ጋላሰ ገዲያ ጊሾ ዬሱሳ እሃ ያን ሞጊዳሪና።

20

ዬሱሲ ሃይቆፔ ዳንዲሲ
(ማቶ 28:1-8፤ ማር 16:1-8፤ ሉቃ 24:1-12)

1 ዋጋ ዋዳ ዋንታ ቡር ጌዮና ዳዒሺን፣ ማግደላ ማይራማ፣ ዬሱሲ ሞጌቲዳ ዲፋዋ ባዳ ሹቻይ ሄ ዲፋዋ ደናፔ ዳንዲዳይሳ ቤዓሲ። 2 ሲሞን ጳዲሮሳኩኔ ዬሱሲ ደሲያ ሃንኮ ታማሪያኮ ዋፃ ባዳ፣ «ዲፋዋፔ ጎዳ ኤፊዳሪና፤ ኢያ አዉን ዋሊዳኮ ኦ ኤርኮ» ያገሱ።

3 ሄሳ ጊሾ፣ ጳዲሮሲኔ ሃንኮ ታማሪይ ከዪዲ ዲፋዋ ቢደሪና። 4 ናምባይካ ኢሲፊ ዋዲዳሪና፣ ሺን ሃንኮ ታማሪይ ጳዲሮሳፔ አጲዲ ሲንሳቲዲ ዲፋዋ ጋኪስ። 5 ሄ ታማሪይ ሆኪዲ፣ ሞጎ አፊላ ቤዒሲ፣ ሺን ዲፋዋን ዋጲቤና። 6 ሲሞን ጳዲሮሲ ኢያ ካሊ ዪዲ፣ ዲፋዋን ዋጲዲ ሞጎ አፊላይ ያን ዳዒይሳ ቤዒሲ። 7 ቃሲ ዬሱሳ ሁዒን ፃዲቲዳ አፊላይ ፃዲቲዳ ማላ ዳማ ኢሲ ቤሳን ዳዒይሳ ቤዒሲ። ሄ አፊላይ ዲማ ዳዒሲፔ ኦቲን ሞጎ አፊላራ ኢሲፊ ዳና። 8 ሄ ዋዳ ሲንሳቲዲ ዲፋዋ ጋኪዳ ሃንኮ ታማሪይ ገሊ ቤዒዲ አማኒስ። 9 ዬሱሲ ሃይቆፔ ዳንዳናው ቤሲይሳ ኦዲያ ጌሻ ማፃፋ ቃላ ኤንቲ ቡር አኪኪቦኮና። 10 ሄሳፊ ጉዬ፣ ኢያ ታማራቲ ባንታ ሶ ሲሚዲ ቢደሪና።

ዬሱሲ ማግደላ ማይራማሲ ቤንቲስ
(ማቶ 28:9-10፤ ማር 16:9-11)

11 ሺን ማይራማ ሄ ዲፋዋ ደናን ኤቃዳ ዩካሺ ሆካዳ ዲፋዋ ገደ ያላሱ። 12 ቦላ ማፃ ማዒዳ ናምቦ ከታንቸቲ ዬሱሳ እሃይ ዚንዒዳሱዋን ኢሶይ ሁዒሶራ ሃንኮይ ቶሆሶራ ኤቲዳሺን ቤዓሲ። 13 አንቲ አኮ፣ «ማጫሴቲ፣ አሲስ ዩካይ?» ያገዲ ኦይቸዳሪና።

ኢያ፣ «አንቲ ታ ጎዳ ኤፊዳሪና፤ አንቲ አዉን ዋሊዳኮ ታኒ ኤሪኬ» ያገሱ።

14 ሄሳ ጊዳፔ ጉዬ፣ ኢያ ጉዬ ሲማ ያሊያ ዋዳ ዬሱሲ ያን ኤቁዳይሳ ቤዓሲ። ሺን ኢ ዬሱሳ ገዲዳይሳ ኤሪቡኩ። 15 ዬሱሲ አኮ፣ «ማጫሴቲ፣ አሲስ ዩካይ? ኦና ኮያይ?» ያገዲ ኦይቸሰ። ማይራማ አታከልቲ ኦሳንቸዋ ዳኒን፣ «ጎዳው፣ ኔ ኤኪዳባ ገዲኮ፣ ኢያ አዉን ዋሊዳኮ ታው ኦዳርኪ። ታኒ ኢያ ኤካና» ያገሱ።

16 ዬሱሲ አኮ፣ «ማይራማ» ያገሰ።

ኢያ ኢያኮ ሲማዳ፣ ኢብራይሲያ ደናን «ሬቡኒ» ያገሱ። ሄሳሰ ቢርሸላይ «አሰታማሪያው» ጉሱ።

17 ዬሱሲ አኮ፣ «ታኒ ቡር ታ አዋኮ ቦና ጊሾ ታና ኦይካዳ አሻናው ኮዮፓ። ሺን ታ ኢሻታኮ ባዳ፣ ታኒ ታ አዋኮኔ ሂንቲ አዋኮ፣ ታ ያሳኮኔ ሂንቲ ያሳኮ፣ ሲማና ገሰ» ጋዳ ኤንታው ኦዳ» ያገሰ።

18 ማግደላ ማይራማ ጎዳ ቤዒዳይሳኔ ኢው ሄሳ ኢ ኦዲዲዳይሳ ባዳ ኢያ ታማራታስ ኦዳሱ።

ዬሱሲ ባ ታማራታስ ቆንጨሲ
(ማቶ 28:16-20፤ ማር 16:14-18፤ ሉቃ 24:36-49)

19 ዋጋ ዋዳ ኦማርሲ፣ ኢያ ታማራቲ አይሁዳታስ ያዩዲ ካሪያ ጎርዲዲ ሸቂ ኤቲዳሺን፣ ዬሱሲ ዪዲ፣ ኤንታ ገደን ኤቁዳ፣ «ሳርይ ሂንቲው ገደ» ያገሰ። 20 ሄሳ ገዲ ሲሚዲ ባ ኩሺያኔ ባ ማያ ኤንታ ቤሲስ። ኢያ ታማራቲ ጎዳ ቤዒዳ ዋዳ ዳር ኤፋይቲዳሪና። 21 ዬሱሲ ዛሪዲ ኤንታኮ፣ «ሳርይ ሂንቲው ገደ፤ ታ አዋይ ታና ከቲዳይሳዳ ታኒካ ሂንቲና ከታይሰ» ያገሰ። 22 ሄሳ ገደፔ ጉዬ፣ ኤንታ ቦላ ኡፋ ገዲ ዩኒስ። ቃሲ፣ «ጌሻ አያና ኤኪቲ። 23 ሂንቲ አቶ ገዲ አሳ ናጋራይ አቶ ጌቲታና። ሂንቲ አቶ ጎናይሳታ ናጋራይ አቶ ጌቲቲና» ያገሰ።

ዬሱሳኔ ቶማሳ

24 ሺን ታማኔ ናምቦ ታማራታፔ ኢሶይ፣ ዲዲሞሳ * ጌቲቲያ ቶማሲ፣ ዬሱሲ ዪዳ ዋዳ ኤንታራ ዳና። 25 ሄሳ ጊሾ፣ ሃንኮ ኢያ ታማራቲ ቶማሳኮ፣ «ኦኒ ጎዳ ቤዒዳ» ያገደሪና።

ሺን ቶማሲ ኤንታኮ፣ «ሚሲማራን ኢ ጫዳቲዳ ኢያ ኩሺያን ዳዒያ ቤታ ቤዶናኔ ሄ ቤታ ታ ቢራዴን ቦቾና፣ ቃሲ ታ ኩሺያ ኢያ ሚያን ዬዳ ቤዶና አማኒኪ» ያገሰ።

26 ሳሚንታፊ ጉዬ፣ ዩሱሳ ታማሬቲ ቃሲካ ሶን ሸቂዲ ኡቲደሶና፤ ቶማሲካ ኤንታራ ዴዕስ። ካሪይ ጎርዴቲዲ ዴዒሸን ዩሱሲ ዩዲ፣ ኤንታ ጊደን ኡቂዲ፣ «ሳርይ ሂንቴው ጊደ» ያገሰ። 27 ሂሳፊ ጉዬ፣ ዩሱሲ ቶማሳኮ፣ «ታ ኩሺያ ኔ ቤራዲያን ቦቻዳ ቤዓ። ቃሲ ኔ ኩሺያ ታ ሚያን ዩዲዳ ቤዓ፤ ሲቶፓ፣ ኣማና» ያገሰ።

28 ቶማሲ ዛሪዲ፣ «ታ ጎዳው፣ ታ ያሳው» ያገሰ።

29 ያጉን ዩሱሲ፣ «ኔጌ ታና ቤዒዳ ጊሾ ኣማናዳሳ፣ ሸን ታና ቤዖና ኣማኒዳይሳቲ ኣንጃቲዳይሳታ» ያገሰ።

ሃ ማፃፋ ቆፋ

30 ዩሱሲ ሃ ማፃፋን ፃፊቲቦና ሃራ ዳር ማላታታ ባ ታማሬታ ሲንሳን ኦሊስ። 31 ሸን ዩሱሲ ኢ ከሪስቶሳ፣ ያሳ ናዓ ጊዴይሳ ሂንቴ ኣማና ማላኔ ኣማኒዲ ኢያ ስንሳን ዴዖ ዴማና ማላ ሄሲ ፃፊቲስ።

21

ዩሱሲ ላፑን ባ ታማሬታስ ቆንጨሰ

1 ሂሳፊ ጉዬ፣ ዩሱሲ ዲባርዮሳ ኣባ ማታን ባ ታማሬታስ ዛሪ ቆንጨሰ። ኢ ኤንታው ሃይሳፊ ካሊዲ ዴዒያ ሃናታን ቆንጨሰ። 2 ሲሞን ጳዳርሲ፣ ሚንቴ ጌቲቲያ ቶማሲ፣ ቃና ጋሊላፔ ዩዳ ናቲናዔሊ፣ ዛብዲዮሳ ናይቲኔ ዩሱሳ ታማሬታፔ ሃራ ናሞዓቲ ኢሲፊ ዴዖሶና።

3 ሲሞን ጳዳርሲ ኤንታኮ፣ «ታኒ ሞሎ ኦይካናው ባይስ» ያገሰ።

ኤንቴ፣ «ኦካ ኔራ ባና» ያገዲ፣ ዋሳሎ ጊደ ጌሊደሶና። ሸን ኤንቴ ሄ ቃማን ኣይቢ ሞሎካ ኦይኪቦኮና።

4 ዋንታ ጉራ ፃልቄይ ደላናፔ ሲንሌ፣ ዩሱሲ ኣባ ጋፃን ኤቁስ፣ ሸን ኢያ ታማሬቲ ዩሱሳ ጊዲዳይሳ ኤርቦኮና። 5 ዩሱሲ ኤንታኮ፣ «ታ ላጌቶ፣ ሞሎ ኦይኪቤኪቲ?» ያገሰ።

ኤንቴ ዛሪዲ፣ «ኣይኮካ ኦይኪቦኮ» ያገደሶና።

6 ኢ ዛሪዲ፣ «ሂንቴ ጊቲያ ዋሳሎፔ ኡሻቻ ባጋራ ዩጌቲ፤ ጉላ ሞሎ ሂንቴ ኦይካና» ያገሰ። ሂሳ ጊሾ፣ ጊቲያ ኡሻቻ ባጋራ ዩጌደሶና። ሞሎይ ዳሪዳ ጊሾ ጎቹዲ ኬሳናው ይኔቲደሶና።

7 ዩሱሲ ደሲያ ታማሬይ ጳዳርሳኮ፣ «ሃይሲ ጎዳ!» ያገሰ። ሲሞን ጳዳርሲ ኢ ጎዳ ጊዴይሳ ሲዒዳ ዎይ ካሎ ዴዒያ ጊሾ ባ ማዑዋ ማዒዲ ኣባ ጊደ ጉፔ ጌሊስ። 8 ሸን ዋሳሎን ኣቲዳ ሃንኮ ታማሬቲ ሞሎይ ኩሚዳ ጊቲያ ጎቹዲ፣ ኣባፊ ጋፃ ኪዩደሶና። ኤንቴ ኣባፊ ናሞዓ ይቲ ዋቆ ማላ ሃኮሶና። 9 ኤንቴ ኣባፊ ጋፃ ኪዩዳ ዎይ ያፋ ቦንቆን ሞሎይ ዴዒይሳኔ ኡይሊ ቤዒደሶና።

10 ዩሱሲ ኤንታኮ፣ «ሃራ ሂንቴ ኦይኪዳ ሞሎፔ ጉላራ ሃሚቲ» ያገሰ።

11 ሲሞን ጳዳርሲ ዋሳሎን ጌሊዲ፣ ያታኔ ኡሻታማኔ ሂቹ ዎጋ ሞሎቲ ኩሚዳ ጊቲያ ጎቹዲ ኣባፊ ጋፃ ኪሲስ። ሞሎይ ሂሳ ማላ ዳር ጊደን ጊቲይ ዳኪቲቤና።

12 ዩሱሲ ኤንታኮ፣ «ሃ ዩዲ ሚቲ» ያገሰ። ኢ ጎዳ ጊዴይሳ ኤንቴ ኤሪዳ ጊሾ ኢያ ታማሬታፔ ኢሲይካ፣ «ኔጌ ኦኔ?» ጊዲ ኢያ ኦይቻናው ሚኒዳይ ባሞ። 13 ዩሱሲ ዩዲ፣ ኡይላ ኤኪዲ ኤንታው ኣሚስ፤ ሞሎካ ሂሳዳ ኣሚስ።

14 ዩሱሲ ሃይቆፔ ዴንዲዲ ባ ታማሬታስ ቆንጨሸን ሃይሲ ሃቫንላ።

ዩሱሳኔ ጳዳርሳ

15 ኤንቴ ሚዳፔ ጉዬ፣ ዩሱሲ ሲሞን ጳዳርሳኮ፣ «ዮና * ናዓው ሲሞና፣ ታና ሃይሳታፔ ኣላዳ ዳሳይ?» ያገሰ።

ሲሞን ጳዳርሲ፣ «ኤ ጎዳው፣ ታኒ ኔና ደሴይሳ ኔ ኤራሳ» ያገሰ።

ዩሱሲ ኢያኮ፣ «ታ ደርሳ ማሪታ ሄማ» ያገሰ።

16 ዩሱሲ ቃሲካ፣ «ዮና ናዓው ሲሞና፣ ታና ደሳይ?» ያገሰ።

ሲሞን ጳዳርሲ፣ «ኤ ጎዳው፣ ታኒ ኔና ደሴይሳ ኔ ኤራሳ» ያገሰ።

ዩሱሲ፣ «ታ ደርሳታ ሄማ» ያገሰ።

17 ዩሱሲ ሃቫንላ፣ «ዮና ናዓው ሲሞና፣ ታና ደሳይ?» ያገሰ።

ዩሱሲ ሃቫንላ ሲሞን ጳዳርሳኮ፣ «ታና ደሳይ?» ያገዲ ኦይቹዳ ጊሾ ጳዳርሲ ኣዛኒዲ፣ «ጎዳው፣ ኔጌ ኡባባ ኤራሳ፤ ታኒ ኔና ደሴይሳ ኔ ኤራሳ» ያገሰ።

ዩሱሲ፣ «ታ ደርሳታ ሄማ። 18 ታኒ ኔው ቱማ ኦዳይስ፤ ኔጌ ናባቲላን ዴዒያ ዎይ ኔርካ ዳንጨታዳ፣ ኔ ኮዩዳ ሶ ባሳ። ሸን ኔ ጨሚዳ ዎይ ኔ ኩሺያ ሚጫ ቤሳና። ሃሪ ዳንጨሳና፤ ኔ ደሶና ሶ ኤፋና» ያገሰ። 19 ዩሱሲ ሂሳ ጳዳርሲ ኣይ ማላ ሃይቆ ሃይቁዲ፣ ያሳ ቦንቆኒኮ ኤሪሳናው ጊስ። ሂሳ ጊዳፔ ጉዬ፣ ዩሱሲ ጳዳርሳኮ፣ «ታና ከላ» ያገሰ።

21:3 ሉቃ 5:5 21:6 ሉቃ 5:6 * 21:15 ዮና ጌሪኬ ድናን ዮና ጊያ ስንሳይ ፆሃነሳ ጊያ ስንሳሰ ሳጳላ ስንሳ።

ዬሱሳኔ ሃንኮ ታማሪያ

20 ጳጳርሲ ጉዬ ሰሚዲ፣ ዬሱሲ ደሲያ ታማሪይ ባፔ ጉዬራ ዬይሳ ቤዒሰ። ሄ ታማሪይ፣ ካሆ ሚያሶን ዬሱሳኮ ሸቂዲ፣ «ጎዳው፣ ኔና እሌ እማናይ ኦኔ?» ገዳይሳ። 21 ጳጳርሲ ሄ ታማሪያ ቤዒዲ፣ «ጎዳው፣ ሃ እዳይ ቃሲ ዋናኔ?» ያገዲ ዬሱሳ ኦይቸሰ።

22 ዬሱሲ እያኮ፣ «ታኒ ያና ጋካናው እ ዳና ሚላ ታኒ ኮይኮ፣ ሄሲ ኔና እይ ሜቲዳ? ኔኒ ታና ካላ» ያገሰ።

23 ሄሳ ገሸ፣ ሄ ታማሪይ ሃይቄና ገያ ኦዳይ እሻታ ኡባ ጋከሰ። ሺን ዬሱሲ፣ «ታኒ ያና ጋካናው እ ዳና ሚላ ታኒ ኮይኮ ኔና እይ ሜቲዳ?» ያገሰ፤ ኣቲን «ሃይቄና» ገቤና።

24 ሃ ኦዳባ ማርካቲዳይኔ ሃይሳ ፃፊዳይ ሄ ታማሪያ። እያ ማርካቲላይ ቱማ ገዳይሳ ኦኒ ኤርሰ።

25 ዬሱሲ ኦሊዳ ሃራ ዳርባይ ዴዔሰ። ታ ቆፒን፣ ኡባባይ ሁዔን ሁዔን ፃፊቲዳኮ፣ ፃፊቲያ ማፃፋታሰ ኩሜላ እላሚይ ዋሳንው ገዳናባ ዳኔና።

ሃዋሪታ ኦሱዋ

ጋሳ ቆፋ

ሃዋሪታ ኦሱ ማፃፋይ፣ ሉቃስ ዋንጌላ ካሊዲ ዓፊተዳ ማፃፋ። ማፃፋስ ዲዲያ ዋና ቆፋይ ኮይር ዩሱፋ ካሊዲ አሳቲ ገሻ አያናይ ካሌሊን፣ ኢያባ ኦዲያ ቃላ፣ «ዩሩሳሌምን፣ ዩሁዳ ቢታ ኡባን፣ ሳማራን፣ ሳባ ጋፃ፣ ጋፃ ጋኃናው» (1:8) ዋንጌላ ቢታ ኡባ ዋቲ ጋሳዲኮ ኦዲናሳ። ማፃፋይ፣ አማናይ አይሁዳ አሳታ ጊደን ደማቲዳ፣ ኩሜላ አላሜን ዲዲያ አሳ ኡባ አማና ጊዳና ጋኃናው ዋኒዲ ዳልጊዳኮ ኦዲያ ታሪኩ። ሃ ማፃፋ ዓፊይ፣ አማኒያ አሳቲ ሮሜ ካዋቲላ ኩንዲሳናው ጋርሳራ ማቂቲያ አሲ ጊዳናይሳኔ አማናይ አይሁዳታ ሃይማኖቲ ፖሎ ኦሌይሳ ጊዳይሳ ኤሪሳናው ኬሂ ዳቡራዲ አሊሰ።

ሃዋሪታ ኦሱ ማፃፋን ዩሱሳባ ኦዲያ ዋንጌላይ ጋኪያ ቤሳይ ዋደን ዋደን ዳልጊ ዳልጊ ቤይሳኔ ዋሳ ኬሊ ኤቁዳይሳ ቆንጨሲያ ሄዡ። አይፌ ከፊሊታን ሻካናው ዳንዳዮቲስ።

1. አማናይ ዩሱሲ ሳሎ ከዪ ሲሚን ደማቲዳይሳ።
2. አማናይ ኢስራዴሊ ቢታ ኡባ ጋኪዳይሳ።
3. ሮሜ ጉጂዲ ሜዲቲራኔ አባ ዩሹዋን ዲዲያ ቢታ ኡባን ዳልጊዳይሳ ቤሲስ።

ሃዋሪታ ኦሱ ማፃፋን አጲዲ ቤንቲይ ገሻ አያና ኦሱ ጊዲሺን፣ ጳንጻቆስጼ ጋሳስ ዩሩሳሌምን ዲዲያ አማኒይሳታ ቦላ ዋልቃራ ዋዲዳይሳ ኦዲስ። ሄሳዳካ፣ ማፃፋ ጊደን ቆንጨዳ ኦሳታ ኡባን ቤንቲዳይሳዳ ገሻ አያናይ ዋሳ ኬሳኔ ዋሳ ኬሳ አይሴይሳታ ካሌሊዳይሳኔ ሚንጤሊዳይሳ ጉጂዲ ኦዲስ። ቤኒ ዋዴ አማቲያ አማና ከታይ ዲማ ዲማ ኦዲቲዳ ቃላ፣ ከሶን ኬሶን ኤኬቲስ። ሃዋሪታ ኦሱዋ ጊደን ኦሱቲዳ ኦሱታ ከታይ አማኒያ አሳ ዳዖኒኔ ዋሳ ኬሳ ኢሲፊቴሳን ዲዲያ ዋልቃይ አይ ሜላ ጊቲኮ ቤሲስ።

ሃዋሪታ ኦሱዋ አይፌ ቆፋታ

ማርካቴሳስ ጊቲቴላ 1:1-26

- 1) ዩሱሳ ወርሴላ ከታኔ አሚዳ ኡፋይሳ 1:1-14
- 2) ዩሁዳ ቤሳን ሃራ ደሩዋ 1:15-26

ዩሩሳሌምን ማርካቴላ 2:1-8:3

ዩሁዳኒኔ ሳማራን ማርካቴላ 8:4-12:25

ጳውሎሳ ሃዋሪቲላ ኦሱዋ 13:1-28:31

- 1) ኮይር ሃዋሪቲላ ቡሳ 13:1-14:28
- 2) ዩሩሳሌሚ ሸቁዋ 15:1-35
- 3) ናምባንሳ ሃዋሪቲላ ቡሳ 15:36-18:22
- 4) ሄዳንሳ ሃዋሪቲላ ቡሳ 18:23-21:16
- 5) ጳውሎሲ ዩሩሳሌምን፣ ቁሳሪያኒኔ ሮሜን ቃሺቴላ 21:17-28:31

1-2 ቲዎፊሎሳ፣ ዩሱሲ ባ ኦሱዋ ኦይኪዳ ዋደ፣ ሳሎ ቢዳ ጋሳሳ ጋኃናው፣ ኦሊዳባኔ ታማርሲዳባ ኡባ ታኒ ታ ኮይር ማፃፋን ፃፋሰ። ሳሎ ባና፣ ሲንጤ ኢ ባ ደራዳ ሃዋሪታ ገሻ አያናን ከቲስ።

3 ኢ ባ ዋደ፣ ገዬ ሃይቆ፣ ደንዲዳይሳ ሲዶይ ባይና ቆንጨሲዲ ኤንታው ባና ቤሲስ። ኦይታው ጋሳስ ኤንታው ቆንጨዲ ያሳ ካዋቲሳባ ኤንታ ታማርሲስ። 4 ኢሲ ዋዴ ኤንታራ ኢሲፌ ሚሼ ኤንታ ሃይሳዳ ያጊዲ ከቲስ። «ታ ሂንቲው ኦዲዳ፣ ታ አዋይ አማና ጊዳ ኡፋይሳ ቃላ ናጊቴ፣ ኦይን ዩሩሳሌምን ከዮፒቲ። 5 አይሰ ገቡ፣ ዮሃኒሲ ሃላን ፃማቁስ፣ ሸን ጉላ ዋደ፣ ገዬ ገሻ አያናን ሂንቲ ፃማቁታና» ያጊስ።

6 ሃዋሪቲ ዩሱሳራ ጋሂቲዳ ዋዴ ኢያኮ። «ሳዳው፣ ኢስራዴሊታስ ኔ ካዋቲላ ዛራና ዋዴ ሃይሴ?» ያጊዲ ኦይቸደሶና።

7 ዩሱሲ ኤንታኮ። «ታ አዋይ ባ ማታን ኦሊያ ዋዲያኔ ላይላ ሂንቲ ኤራናው ዳንዳዮኬታ። 8 ሸን ገሻ አያናይ ሂንቲ ቦላ ዋዲያ ዋዴ ሂንቲ ዋልቃን ኩማና። ያኒ ሲሚዳ፣ ዩሩሳሌምን፣ ዩሁዳ ቢታ ኡባን፣ ሳማራኒኔ ሳባ ጋፃ ጋኃናው ታው ማርካታ ጊዳና» ያጊስ።

9 ሄሳ ጊዳይሳፌ ገዬ ኤንቲ ያሊሸን፣ ቶቁ ቶቁ ጊዲ፣ ሳሎዋ ቢን ሻራይካ ኢያ ኤንታ አይፊያ፣ ገንላሰ።

10 ዩሱሲ ቢያ ዋዴ ኤንቲ ሳሎ ቲሺ ኦሊዲ ያሊሸን፣ ቦላ ማፃ ማዳዳ ናምቦ አሳቲ አኪኮና ኤንታ ማታን ኤቁዳ፣ 11 «ጋሊላ አሳው፣ ሳሎ ያሊሸ፣ ሂንቲ አይሰ ኤቁዳቲ? ሃ ሂንቲ ቤዲሸን ሳሎ ቢዳ ዩሱሲ ሄሳዳካ ሲሚዲ ያና» ያጊደሶና።

ዪሁዳ ቤሳን ማቴያሲ ደራቴስ
(ማቶ 27:3-10)

12 ሄሳፌ ጉዬ፡ ሃዋሪቲ ሻማሆ ዳሪያፔ ዩሩሳላሜ ሲሚደሰና፡ ሻማሆ ዳሪይ ዩሩሳላሜስ ማጎጎ ዳዔስ፡ 13 ኢንቴ ዩሩሳላሜ ጌሊዲ፡ ባጎታ ዳዒያ ቤሳ ፖቂያ ቦላ ከዪደሰና፡ ኢንቴካ፡ ጳጳርሳ፡ ዮሃንሳ፡ ያይቆባ፡ ኢንዲሪያሳ፡ ፊልጶሳ፡ ቶማሳ፡ ባርቶሎሚዮሳ፡ ማቶሳ፡ ኢልፊዮሳ ናባ ያይቆባ፡ ባ ቢታስ ሚሼቴያ ሲሞናን ያይቆባ ናባ ዪሁዳ። 14 ሃይሳቲ ኡባይ ማጫሳታራ፡ ዩሱሳ እዬ ማይራሚራኔ ዩሱሳ ኢሻታራ ኡባይ ኢሲ ዋዛናን ገዲዲ ሚንሲዲ ዋሶሰና።

15 ሄ ዋይ ጳጳርሲ ያታኔ ሳታማ ገዲያ እማኒያ አሳይ ሸቂዳ ቤሳን ዳንዲ ኤቂዲ፡ ሃይሳዳ ያገሲ፡ 16 «አሳው፡ ዩሱሳ ኦይኪዳይሳታ ካሌሲዳ ዪሁዳባ ገሻ እያናይ ካሴ ዳዋቲ ደናን ኦዲዳ ያሳ ቃላይ ፖሌታናው ቤሴስ። 17 ዪሁዲ ኑራ ኢሲፌ ሃ ኦሱፍ ኦሳናው ደራቴዳ አሲ።»

18 ሺን ዪሁዲ ባ ኢታ ኦሱፍን ዳሚዳ ሚሼን ጋይ ሻሚሰ። ኢ ጉፋኒዲ ኩንዲን፡ ኢያ ኡሎይ ዳከቴሰ፤ ኢያ ማራጩይ ኡባይ ካሪ ከዪሰ። 19 ዪሁዳ ቦላ ሃኒዳባ ዩሩሳላሜን ዳዒያ አሳ ኡባይ ሲዒሲ። ሄሳ ገሹ፡ ሄ ጋዲያ ባጎታ ቃላን እኩልዳማ (ሱላ ጋይ) ገዲ ያገደሰና።

20 «ሄሲካ ማዝሙራ ማፃፋን፡
ሲያ ከሳይ ካሎ አቶ፤
ኦኒካ ኢያን ዳፖ።

ቃሲ ኢያ ሹማቴላ ሃሪ ኤኮሃ ጌቴቲ ፃፌቴስ።

21 «ሄሳ ገሹ፡ ጎዳ ዩሱሲ ኑ ገደን ሲሜራቴዳ ዋይ ኡባን ኑራ ዳዔይሳታ፤ 22 ቃሲ ፃማቂያ ዮሃንሳ ዋዲያፔ ደሚዲ ጎዳ ዩሱሲ ሳሎ ቢዳ ጋሳስ ጋካናው ኑራ ዳዔይሳታፔ ኢሲ አሲ ኢያ ዳንዲዋስ ኑራ ማርካ ገዲናው ቤሴስ» ያገሲ።

23 ሃሳ ገሹ፡ አሳይ ደሩዋሰ ዮሰያሳ ገያ ባርሳባሳ ጌቴቲያ ዮሴፋኔ ማቴያሳ ናሞባ ሸሺደሰና። 24 ሄሳፌ ጉዬ፡ ያሳ ዋሲሹ፡ «አሳ ኡባ ዋዛና ኤሪያ ጎዳው፡ ሃ ናሞባታፔ ኔ ኦና ደሪዳኮ ኑና ቤሳ። 25 ዪሁዲ ባ ቤሳ ቢዲ፡ አገዳ ኦሱዋኔ ሃዋሪቴላ ኦሱፍ ኢካና ሚላ ሃይሳታፔ ኑስ ቆንጨሳ» ያገደሰና። 26 ኢንታ ቦላ ሳማ ዩገደሰና። ሳማይ ማቴያሳ ቦላ ዋጁን ማቴያሲ ታማኔ ኢሲ ሃዋሪታ ቦላ ገብቴቴስ።

2

ገሻ እያና ዩሳ

1 ጳንጻቆስጼ ገያ ጋላሳይ ጋኪዳ ዋይ እማኒያ አሳ ኡባይ ኢሲፌ ኢሲ ቤሳን ሸቂዲ ዳፖሰና። 2 ቆፖና ዋላቃማ ጎቴዳ ጉሚያ ጉንላይ እኩኮና ሳሎፔ ዪዲ ኢንቴ ዳዒያ ከላ ኩሚሰ። 3 ቃሲ ታማ ላጮ ዳኒያ ዳኒያርሳቲ ኢንታው ቤንቴሹ፡ ሻኬቴ ሻኬቴ ኢንታ ኡባ ቦላ ዋጁደሰና። 4 ኢንቴ ኡባይ ገሻ እያናን ኩሚዲ ዲማ ዲማ ደናን ኦይታና ሚላ ገሻ እያናይ ኢንታ ዳንዳዒሲን ሃሳያ ደሚደሰና።

5 ሄ ዋይ ቢታ ኡባፌ ዪዳ ያሳ ያያ እይሁዴቴ ዩሩሳላሜን ዳፖሰና። 6 ሄ ጉንላ ሲዒዳ ዋይ ዳር አሳይ ሸቂደሰና። እማኒያ አሳይ ኢንታ ቃላን ኦይቴሺን ሲዒዳ ገሹ 7 ማላሌቴዲ፡ «ሃ ኦይቴያ አሳ ኡባይ ጋለላ አሴ ገደኮናዬ? 8 ያቴን፡ ኑኒ፡ ኑ ዩሌቴዳ ቢታ ደናን ኢንቴ ኦይቴሺን ዋኒዲ ሲናናው ዳንዳዒዳ? 9 ኑኒ ጳርጻን፡ ሜደናን፡ ኤላሜን፡ ናሞቦ ሻፋታፔ ገደን ዳዔይሳቲ፡ ዩሁዳን፡ ቃጳደቂያን፡ ጳንያሳን፡ ኢሲያን፡ 10 ጳርገን፡ ጳንፊላን፡ ገብጻን፡ ቃሪና ማጎጎ ዳዒያ ሊቢያን ዳዔይሳታ። ኑፔ ባጎቴካ ሮሚፔ ዪዳ አሳታ። 11 እይሁዴቴኔ እይሁዴቴላ እማኖ ጌሊዳ አሳቲ፡ ቃርጻሳኔ አራቤ አሳቲ፡ ያሳይ ኦሲዳ ገታ ኦሱፍ ኑ ቃላን ኦይቴሺን ሲቦስ» ያገደሰና። 12 ኡባይ ማላሌቴዲ፡ ጋናባ ጳዪዲ ዋለኮ፡ «ላ ሃይሲ አይ ጉሴ?» ያገደሰና። 13 ሺን ሃራቴ፡ «ሃይሳቲ ኡዪዲ ማላቴደሰና» ያገዲ ቁልቂሲደሰና።

ጳጳርሳ ሃሳያ

14 ሺን ጳጳርሲ፡ ታማኔ ኢሲ ሃዋሪታራ ዳንዲ ኤቂዲ፡ ባ ቃላ ቶቁ ኦሲዲ፡ ኢንታው ሃይሳዳ ያገደዲ ዶዲስ፡ «እይሁዴቶ፡ ዩሩሳላሜን ዳዒያ ኡባቶ፡ ታኒ ኦይይሳ ሲዒቴ። 15 ዋንታፌ ሄዙ ሳቲ ገዲያ ገሹ ሃንቴ ቆፔይሳዳ ሃ አሳቲ ማላጠኮና፤ ሄሲ ሃንቴው ኤራቶ። 16 ሺን ሃይሲ ሃኒዳይ ናቢያ ኢዩዒሊ ኦዲዳይሲ ፖሌታና ሜላሳ።

17 « ዮሳይ፡ ዋዲያ ጩሴላን ሃይሳዳ ሃናና ያጌስ፡
ታኒ አሳ ኡባ ቦላ ታ እያና ጉሳና።
ሃንቴ አዴ ናይቴኔ ማጫ ናይቴ፡
ቴንቢቴ ኦዳና።

ሃንቲ ያላጋቲ ቆንጨፍሌ ቤዓና፤

ሃንቲ ጨማቲ አመባሆ አመብሃና።

18 ሄ ጋላሳታን ታና አማኒያ አዴ አይሌታ ቦላኔ ማጫ አይሌታ ቦላ

ታኒ ታ አያና ጉሳና፤

አንቲ ቲንቢቲ ኦዳና።

19 ቃሲ ታኒ ቦላ ሳሉዋን ኦራሳባ፤

ጋርሳ ሳዓንካ ማላ ቤሳና።

ሱሉ፣ ታሚኔ ዋልቃማ ጫጋኒ ቤንታና።

20 ጊታኔ ቦንቾ ጊዲዳ ጎዳ ጋላሳይ

ጋካናፔ ሲንሌ አዋይ ቆማና፤

አጌናይካ ሱሉ ዳናና።

21 ሄ ዋዴ ሄሳዳ ሃናና፤

ጎዳ ሱንሳ ጃጊያ ኦኒካ አታና ያገሰ።

22 «አሲራዔሌ አሳው፣ ሃ ቃላ ሲዐቲ። ናዚሬቲ ዩሱሳ ኦናቲሳይ፣ ያሳይ ሃንቲ ጊደን ኦሊዳ ዋልቃማ ኦሱዋኒኔ ማላታታን ሃንቲው ቆንጨይሳ ሃንቲ፣ ሃንቲ ሁዔን ኤሬታ። 23 ያሳ ካሴ ኤራኒኔ ኢያ ሼኒያን ዩሱሲ ሃንቲው አጂ አሜቲሰ። ሃንቲ ኢያ ናጋራንቾቲ ማሰቃሊያ ቦላ ካቁዲ ዋፋና ማላ አሉ አሚዴታ። 24 ሺን ያሳይ ሃይቆ ዋልቃ ዲጊዲ ኢያ ዴንሉሰ። ሄሳ ጊሾ፣ ሃይቆይ ኢያ ኦይካናው ዳንዳዒቤና። 25 ዳዊቲይ ኢያባ ኦዲሼ፣

ናጋኒ ያርኮና ማላ፣

ጎዳይ ታ ኡሻቻን ዴዔሰ።

ጎዳ ኡባ ዋዴ ታ ማታን ቤዓይሰ።

26 ሄሳ ጊሾ፣ ታ ዋዛናይ ኡፋይቲሰ፤

ታ አንፃርሳን ኡፋይሰ ኩሚሰ፤

ሃይቁያ ታ አሳቲሳይ ኡፋይሳን ዳና።

27 አይሰ ገኮ፣ ታ ሸምፑዋ ሲዖሊን አጋካ።

ቃሲ ኔ ጌሻ ናዓ አሃ ዋቁሳካ።

28 ኔኒ ታና ዴያ ኡጊያ ኤሪሳዳሳ።

«ኔኒ ታራ ዴዔይሳን ታ ኡፋይሳይ ኩሚሌ ጊዴሰን ያገሰ።

29 «አሳው፣ ኦ አዋ ዳዊቲባ ታ ሃንቲው ጌሻዳ ኦዳና። ዳዊቲይ ሃይቁዲ ሞጌቲሰ፤ ኢያ ዳፎይ ሃቼ ጋካናው ኦ ማታን ዴዔሰ። 30 ዳዊቲይ ናቤ ጊዲዳ ጊሾ ያሳይ ኢያ ሼሻፔ ኢሱዋ ኢያ ካዋቲሳ አራታ ቦላ ኡቲሳናው ኢያው ጫቁዳ ጫቁዋ ኤሬሰ። 31 ሄሳ ጊሾ፣ ከሪሰቶሳ ዴንዲዋ ሲንሌ ጃሊዲ፣ ኒሊያ ሸምፖይ ሲዖሊን አቲቤና፤ ኢያ አሳቲሳይካ ዋቁቤና፣ ጊዲ ኦዲሰ።

32 «ያሳይ፣ ሃ ዩሱሳ ሃይቁዋፔ ዴንሉዳይሳሰ ኦኒ ኡባይ ማርካ። 33 ሄሳ ጊሾ፣ ያሳይ ባራ ሃራና ማላ ባፔ ኡሻቻ ባጋራ ኢያ ቆቁ ቆቁ ኦሊዲ፣ ኢያው አማና ጌቲቲዳ ጌሻ አያና ኤኪዲ፣ ሃይሳ ሃንቲ ሃራ ቤዔይሳኔ ሲዔይሳ ኦ ቦላ ጉሲሰ። 34-35 ጋሪይካ፣ ዳዊቲይ ባ ሁዔን ሳሎ ቢቤናሺን ያገሰ።

ናጎዳይ፣ ታ ጎዳ፣ «ታኒ ኔ ሞርኪታ

ኔ ቶሆይ ዩጂያሶ ኦላና ጋካናው»

ሃይሳን ታፔ ኡሻቻ ባጋን ኡታ» ጊሰ»

ያገሰ።

36 «ሃይ ጊሾ፣ ሃ ሃንቲ ማሰቃሊያ ቦላ ካቁዳ ዩሱሳ፣ ያሳይ ጎዳኔ ከሪሰቶሳ ኦሊዳይሳ ኢሲራዔሌ አሳ ኡባይ ቲማ ኤር» ያገሰ።

37 አሳይ ጳጂሮሲ ጊዳይሳ ሲዒዳ ዋዴ ባንታ ዋዛናን ቦሸቲዲ ጳጂሮሳኔ ሃንኮ ሃዋሪታኮ፣ «አሻቶ፣ ያፕን ኦኒ አይ ኡሉዳ?» ያገደሶና።

38 ጳጂሮሲ አንታኮ፣ «ሃንቲ ናጋራይ አቶ ጌቲታና ማላ ናጋራፔ ሲሚዲ፣ ሃንቲ ኢሶይ ኢሶይ ዩሱሰ ከሪሰቶሳ ሱንሳን ፃማቁቲ፣ ያሳይ አሚያ ጌሻ አያና ሃንቲ ኤካና። 39 ጋሪይካ ያሳይ አማና ጊዳ ኡፋይሳ ቃላይ ሃንቲሰ፣ ሃንቲ ናይታሲኔ ጎዳይ ኦ ያሳይ ባኮ ጃጊያ ሃሆን ዴዔያ ኡባሳ» ያገሰ።

40 ጳጂሮሲ አንታው ሃራ ቃላካ ጉጂ ማርካቲዲ፣ «ሃ ዋዲያ ጌላ አሳ ቦላ ያናው ዴዔያ ፐርዳሬ ሃንቲ ሁዒያ አሸቲ» ያገደዱ ዞሪሰ። 41 ጳጂሮሲ ኦዲዳይሳ ኤኪዳይሳቲ ፃማቁቲደሶና። ሄ ጋላሰ ሄቹ ሙኩሉ ጊዲያ አሳይ አማኒደሶና። 42 ኤንቲ ሃዋሪታ ቲሚርቲያን፣ ኢሲፊቴሳን፣ ኡይሳ ሙሳኒኔ ያሳ ዋሳን ሚናሶና።

አማኒያ እና ኢሲፌቴላ ዳዑቀ

43 ሃዋሪታ ኩሼን ዳር ኦሪሳባይን ማላተ ኦሴቲያ ገሾ እና ኡባይ ያዪደሶና። 44 አማኒያ ኡባይ ኢሲፌ ዳደሶና፤ ባንታው ዳዒያባ ማላ ኢሲፌ ሻኬቶሶና። 45 ኦንቲ ባንታው ዳዒያባ ባይዚዲ ሚሽያ ኢሱቀስ ኢሱቀስ ኩሼዳ ማላ ሻኮሶና። 46 ኡባ ጋላስ ኢሲ ዋዛናን ገዲዲ ያሳ ኩላን ሸቆሶና። ባንታ ኩላን ኢሶይ ኢሱቀ ያገዲ ኡፋይሳይን እሸኬ ዋዛናን ካላ ሞሶና። 47 ያሳ ጋላቲሽ እና ኡባን ባሴቲደሶና። ጎዳይ አቲይሳታ ጋላስ ጋላስ ኤንታ ቦላ ጉጃስ።

3

ዋቤ አዳይ ፓዲስ

1 ኢሲ ጋላስ ጳዊርሲኔ የሃሂሲ ያሳ ዋሳናው ኡዲፋን ሳቲን ያሳ ኩሌ ቢደሶና። 2 ዬሌቶሶፕ ደሚዲ ዋቤ ገዲዳ ኢሲ አዳይ ያሳ ኩሌ ገሊያ አሳፕ ሚሽ ዋሳና ማላ ኡባ ዋዳ ሎፖ ገያ ያሳ ኩላ ፔንገያን ኤሂዲ ዋሶሶና። 3 ሄ ዋቤ አዳይ ጳዊርሲኔ የሃሂሲ ያሳ ኩሌ ገላና ሃሂሽን ቤዒዲ ኤንታ ሚሽ ሞሲስ።

4 ኤንቲካ ኢያ ጫዲ ያለዲ፣ «ኑኮ ሃ ያላ» ያገደሶና። 5 ዋቤ አዳይ ኤንታፊ አይኮ ኤካና ዳን ኤንታኮ ያለሰ። 6 ሽን ጳዊርሲ ኢያኮ፣ «ታው ሚሽይ ባዋ፣ ሽን ታው ዳዒያባ ታኒ ኔው አማና። ናዚሬቴ ዬሱስ ከሪስቶሳ ስንሳን ዳንዳዳ ሃሙታ» ያገሰ።

7 ሃሳፊ ጉዬ፣ ዋቤ አዲያ ኡቫቻ ኩሼያ ኦይኪዲ ዳንሰሰ። ኤሌሲዲ ኢያ ቶሆይን ቁንጫፊሌይ ሚኒ አገሰ። 8 አዳይ ጉፕዲ ዳንዲ አቁሰ። ጌዴኔ ሃ ሃሙላ ደሚስ። ሃሳፊ ጉዬ፣ ሃሙቲሽ፣ ጉፕሽኔ ያሳ ጋላቲሽ ኤንታራ ኢሲፌ ያሳ ኩሌ ገሊስ።

9 ኢ ሃሙቲሽኒይ ያሳ ጋላቲሽን እና ኡባይ ኢያ ቤዒደሶና። 10 ቤዒዲ ኡባይ ሚሽ ዋሳናው ሎፖ ገያ ያሳ ኩላ ፔንገን ኡቲዳይሲ ኢያ ገዲዳይሳ ኤሪደሶና፤ ኢ ሃሂዳባ ቤዒዲ ማላሌቲደሶና።

ጳዊርሲ ያሳ ኩላን ሃሳዪዳ ሃሳያ

11 አዳይ ጳዊርሳፔኔ የሃሂሳፕ ዳዲኬ ገዲ ኦይኪዲ ዳዒሽን እና ኡባይ ማላሌቲዲ፣ ሶሎሞኔ ባራንዳ ገያሶን ኢሲፊ ኤንታኮ ዋደሶና። 12 ጳዊርሲ እና ቤዒዳ ዋዳ አሳኮ፣ «ኢሰራዔል አሳው፣ አይስ ሃይሳን ማላሌቲ፣? ዋይኮ አይስ ኑና ጫዲ ያለቲ፣? ኑኒ ኑ ሞልቃን ዋይኮ ኑ ያሎቲሳን ሃ አዲያ ሃሙላዳባ ሃንቲው ዳን? 13 አብራሃሜ፣ ዪሳቃ፣ ያይቆባ ያሳይ፣ ኑ አዋታ ያሳይ፣ ባ ናዓ ዬሱሳ ቦንቺስ። ሽን ሃንቲ ሃይቆስ አላ አሚዳይሳ ጸላዮሲ ቢላናው ኮዪንካ ሃንቲ ኢያ ስንሳን፣ ሱኒ ኢያ ኤርኮ» ያገደታ። 14 ሃንቲ ጌሻኔ ያለቲ፣ «ኑኒ ኢያ ኤርኮ» ገዲ፣ ሽሞፖ ዋዳይሳ ሃንቲው ቢላና ማላ ጸላዮሳ ሞሲደታ። 15 ዳዑቀ አሚዳይሳ ሃንቲ ዋዳይታ፣ ሽን ያሳይ ሃይቆፕ ኢያ ዳንሰሰ። ሃሳስ ኑኒ ማርካ። 16 ሃ ሃንቲ ቤዒይሲኔ ኤሪያ አዳይ ፓዲዲ ሚኒዳይ ዬሱሳ ስንሳን አማኒዳይሳና፣ ሃ ሃንቲ ኡባ ስንሳን ኢያ ሃይሳዳ ፓላዳይ ኢ ዬሱሳ አማኒዳ ገሾሳ።

17 «ሃሂካ ታ አሻቶ፣ ሃንቲካ ሃንቲና ካሌሌይሳታዳ፣ ኤርና ኦላዳይሳ ታኒ ኤራይስ። 18 ሽን ያሳይ ቤኒ ናቤታ ኡባ ዳናን፣ ሳሰሪሰቶሲ ዋዬ ኤካናው ቤሰስ» ያገደታሲ ሃይሳዳ ፖሌታና ማላ ኦላሰ። 19 ሃዛ፣ ያሳይ ሃንቲ ናጋራ አቶ ጋና ማላ ጎዳኮ ሰሚቲ። 20 ጎዳ ማታፕ ሚንሌላ ዋዳይ ሃንቲው ያና። ያሳይ ከሪስቶሳ ገዳና ማላ ስንሳቲዲ ደሪዳ ዬሱሳ ሃንቲው ዬዳና። 21 ያሳይ ባ ጌሻ ናቤታ ዳናን ቤኒ ኦላዳይሳ ማላ ኡባባይ ኦሪዲያ ዋዳይ ጋካናው ዬሱሲ ሳሎን ጋሞዳናው ቤሰስ። 22 ሙሴይ፣ ሳሳይ ሃንቲ ዳን ዳንሌዳይሳ ማላ ሃንቲ ገደፊ ሃንቲው ናቤ ስንሳና፣ ሃንቲ ኢ ጌይሳ ኡባ ሰሚቲ። 23 ሄ ናቤይ ኦይይሳ ሲዖና አሲ ኦኒካ እና ገደፊ ሻኬቲዲ ጳዮን ያገሰ።

24 «ቃሲ ሳሙዒላፕ ደሚዲ ዳዒያ ናቤቲ ኡባይ ሃ ዋዲያባ ኡደደሶና። 25 ሃንቲ ናቤታ ናይታ፣ ቃሲ ያሳይ አብራሃሜሰ፣ ሳሳን ዳዒያ እና ኡባ ታኒ ኔ ሸቫ ባጋራ አንጃና» ያገዲ ኑ አዋታስ ገሊዲ ቃላ ላቲያ ናይታ። 26 ያሳይ ሃንቲና ኡባ ሃንቲ ኤታ ኦጊፕፕ ዛሪዲ አንጃና ማላ ባ ናዓ ዳንሌዲ ሃንቲው ኮይር ዬዲስ» ያገሰ።

4

ጳዊርሲኔ የሃሂሲ አይሁዴ ሻንጎ ስንሳን

1 ጳዊርሲኔ የሃሂሲ አሳስ ኡዲሽን ካሂኔ ሃላቃቲ፣ ያሳ ኩላ ናጌይሳታ ሃላቃይን ሳዲቃዌቲ ኤንታኮ ዪደሶና። 2 ኤንቲ ዬሱሲ ሃይቆፕ ዳንደይሳኔ ኢያ ጎሶን ሃይቆፕ ዳንደይ ዳዒይሳ እና ታማርሲዳ ገሾ ዪሎቲደሶና። 3 ሃሳ ገሾ፣ ኤንታ ኦይኪዲ ሳዒይ ኦማርሲዳ ገሾ ዋንታና ጋካናው ቃሾ ኩሌ ገልሲደሶና። 4 ሽን ቃላ ሲዒዳይሳታፕ ዳርቲ አማኒደሶና። አማኒዳ አዳ እና ታይቦይ ኢቻሹ ሙኩሉኮ ቢስ።

5 ምንጭ ጋላስ ዳሪያ ሃራይሳቲ፣ ጨማቲኔ፣ ሂጌ አስታማራቲ ዩሩሳላሚን ሸቂዶሶና። 6 ሄ እሳ ገደን ካሂኔ ሃላቃይ ሃኒ፣ ቃያፊ፣ የሃኒሲ፣ ኢስኪንዲሬይኔ ካሂኔ ሃላቃ ሶ አሳቲ ኡባይ ዴያሶና። 7 ሃዋሬታ ባንታ ሲገባን ኤሲዲ፣ «አይቢ ዋልቃን ዋይኮ ኦዴ ሱገላን ሃይሳ ሂንቴ ኦሊዳቲ?» ያገዲ ኦይቸዶሶና።

8 ሄ ዋዴ ጳይሮሲ ገሻ እያናን ኩሚዲ፣ «ዳሪያ ሃራይሳቶ፣ ጨማቶ፣ 9 ሃቺ ሃ ዋቤ አዲያስ ኦሲቲዳ ሎዋ ኦሱዋሲኔ ኢ ዋኒዲ ገገዳኮ ሂንቴ ኦና ኦይቸኮ፣ 10 ማስቃሊያ ቦላ ሂንቴ ካቂን፣ የሳይ ሃይቆፔ ዴንሌዳ ርዘሬቲ ዩሱስ ኪሪሰቶሳ ሱገላን ሃ አይዴ ገገዳዲ ሂንቴ ሲገላን ኤቁዳይሲ ሂንቴወኔ ኢሰራዔሌ አሳ ኡባስ ኤሬቶ።

11 ርገምቤይሳቲ ቦራዲ ኢጻዳ ሹቻይ፣
ጎዳ ፃጸዋ ሚንሊያ፣
ኡባሬ አጻያ ሹቹ ገዲሲ፤

ሄ ሹቻይ ዩሱሳ።።

12 ሄሳ ገሸ፣ አቶቴሌ ኢያ ባጋራፔ አቲን ሃራ ኦዴ ባጋራካ ባዋ። ኮኒ ኢያ ሱገላን አታና ሜላ አሳ ኡባስ ያሳይ ሳሎፔ ጋርሳን ኢሚዳ ሃራ ሱገሌ ባዋ» ያገሲ።

13 ሸቂዳ አሳይ ጳይሮሲኔ የሃኒሲ ሚኒዳ ሚኖቴላ ቤዒዳ ዋዴ ኢንቲ ታማሪቦና ጮ አሲ ገዲዳይሳ አኩኪዲ ማላሉቲዶሶና፤ ኢንቲ ዩሱሳይ ዴዔይሳ ኤሪዶሶና። 14 ቃሲ ገገዳዳ አይይ ጳይሮሳራኔ የሃኒሳራ ኤቁዳይሳ አሳይ ቤዒዲ ገያባ ቆዩዶሶና። 15 ሺን ጳይሮሳኔ የሃኒሳ ካሪ ኬያና ሜላ ኦሊዲ ባንታ ገደን፣ 16 «ሃ አሳታ ኮ አይ ኦሊና? ኢንታ ኩሺን ኦሲቲዳ ገታ ማላታይ ዩሩሳላሚን ዴያያ ኡባስ ቤንቴስ። ኮኒ ሄሳ ኤርኮ ጋናው ዳንዳያኮ። 17 ሺን ሃ ኦዴይ አሳ ገደን ላሉቶና ሜላ ሂዛፔ ጉዬ ሃ አሳቲ ዩሱሳ ሱገላን ኦዴስካ ኦዶና ሜላ ሚንሊዲ ርገሳና» ያገዲ ዘሬቲዶሶና።

18 ኢንታ ጻገዲ፣ ዩሱሳ ሱገላን ሂዛፔ ኦዶና ሜላ ዋይኮ ታማርሶና ሜላ ከቲዶሶና። 19 ሺን ጳይሮሲኔ የሃኒሲ ኢንታኮ ዛሪዲ፣ «ዮሳስ ከቲታናይሳሬኔ ሂንቴው ከቲታናይሳሬዴ ያሳ ሲገላን አወሲ ሎዎኮ እኔ ሂንቴ ፐርዲቲ። 20 ኮኒ ቤዒዳባኔ ሲዒዳባ ኦዶና አጋናው ዳንዳያኮ» ያገደሶና።

21 ቢታ ጨማቲኔ ዳሪያ ሃራይሳቲ ካሲፔ ሚንሊ ርገሲዲ ኢንታ ዩዲ አገደሶና። አሳይ ሃኒዳባስ ያሳ ጋላቲያ ገሸ ኢንታ ሴራናው ዳንዳዳቦኮና። 22 ሄ ማላታን ሃርገያፊ ፓሊዳ አዲያስ ላይላይ ኦይታማፔ አጻሲ።

አማኒያ አሳ ዋሳ

23 ጳይሮሲኔ የሃኒሲ ቢርሸቲዲ ባንታ ዳቦታኮ ቢዲ፣ ካሂኔ ሃላቃቲኔ ጨማቲ ባንታኮ ገደባ ኡባ ኢንታው ኦዴዶሶና። 24 ኢንቲ ሄሳ ሲዒዳ ዋዴ ኢሲ ዋዛናን ገዲዲ ያሳ ሃይሳዳ ያገዲ ዋሲዶሶና። «ኡባ ሃሪያ ጎዳው፣ ሳሉዋ፣ ሳባ፣ አሳኔ ኢንታ ገደን ዴያ ኡባ ሜጻዳይሶ፣ 25 ኮኒ ኔ አይሊያ፣ ኮ አዋ ዳዋቲ ዶናን ገሻ እያናን፣

ፋዴሬይ አይስ ዩሎቲዶና?
አሳይ አይስ ጮ ማቁቲዶና?

26 ሳባ ካዋቲኔ
ዳሪያ ሃራይሳቲ ኢሲሬ ጎዳ ቦላኔ
ኪሪሰቶሳ ቦላ ዴንዲዶሶና) ያገዳሳ።

27 «ቲማካ፣ ሄርዲሲኔ ጳንጻ ጳላያሲ አይሁዳ ገደና አሳራኔ ኢሰራዔሌ አሳራ ኔ ዶሪዳ ኔ ገሻ ናባ ዩሱሳ ቦላ ዴንዳናው ሃ ካታማን ሸቂዶሶና። 28 ቃሲ ኮኒ ኔ ዋልቃኒኔ ኔ ሺኒያን ኦላና ጋዳ ቆገ ኡቲዳባ ኡባ ፖሊዶሶና። 29 ሃራካ ጎዳው፣ ኢንታ ማንዳላ ቤዒ፤ ኮኒ ኔ አይሊቲ ኔ ቃላ ኩሜሳ ዋዛናን ኦዶና ሜላ ኦና ዳንዳዳሳ። 30 ኔ ገሻ ናባ ዩሱሳ ሱገላን ሃርገንቾታ ፓላናው፣ ኦራሳይኔ ማላታቲ ኦሲታና ሜላ ኔ ኩሺያ ሚጫ» ገዲ ዋሲዶሶና።

31 ኢንቲ ያሳ ዋሲዳፔ ጉዬ ሄ ኢንቲ ሸቂዳይሶይ ቃጸሲ። ኢንታ ኡባን ገሻ እያኒ ኩሚን ያሳ ቃላ ሚኖቴላን ኦዴዶሶና።

ኮይሮ አማኒዳ አሳ ኢሲሬቲላ

32 አማኒይሳቲ ኡባይ ቆፋኒኔ ዋዛናን ኢሲኖ ገዲዶሶና። ኢንቲ ባንታው ዴዒያባ ታባ ጎናሺን ኢሲሬ ሻኬቶሶና። 33 ሃዋርቲ ጎዳ ዩሱሲ ሃይቆፔ ዴንዲዳይሳ ገታ ዋልቃን ማርካቶሶና። ያሳይ ኢንታ ኡባስ አጻ ከሃቴላ ዳርሲዲ አሚሰ። 34 ቢቲ ዋይኮ ከሌ ዴዒይሳቲ ኡባይ ባይዚ ኤኪዳ ሚሺያ ኤሂያ ገሸ አማኒይሳታ ገደን ሚቶታንቾይ ኢሲይካ ባዋ። 35 ሚሺያ ኤሂዲ ሃዋሬታስ አዋሶሶና፤ ሄ ሚሺያ ኢሱዋስ ኢሱዋስ ኮሺይሳዳ ሻኪ ሻኪ አሚሰ።

36 ቆጶሮሳ ገያ ቤሳን ዩሉቲዳ ዮሴፋ ገያ ለዌ ሼሻፕ ገዲዳ ኢሶይ ዳዕሴ። ኢያ ሱጉላ ሃዋሪቲ ባርናባሳ (ሚንጤሶ ናዓ) ገደሶና። 37 ባርናባሳ ባው ዳዕያ ቤታ ባይዚዲ ሚሺያ ኤሂዲ ሃዋሪታሰ አሚሰ።

5

ሃናኒያኔ ኢያ ማቸው ሳጶሮ

1 ኢሲ ሃናኒያ ገያ አዳይ ባ ማቸ ሳጶሮ ጋይ ባይዚሰ። 2 ሄ ባይዚዳ ሚሺያፕፕ ባ ማቸያ ኤሪሽን ባጋ አሸዲ፣ አቲዳይሳ ኤሂዲ ሃዋሪታሰ አሚሰ።

3 ሺን ጳጳርሲ ሃናኒያ፣ «ኔኒ ገሻ አያና ጨማና ሜላኔ ጋዲያ ባይዚዳ ሚሺያፕፕ ሻካዳ አሻና ሜላ ዓላሂይ ኔ ዋዛናን አይሰ ገሊዳ? 4 ኔኒ ባይዛናፕ ካሴ ጋይይ ኔባ ገደኔዬ? ቃሲ ኔኒ ባይዛ ሲሚንካ ሚሺያ ኔኒ ገደኔዬ? ያቲን፣ ሄሳ ሜላባ ኦላናው አይሰ ኔ ዋዛናን ቆፓዲ? ኔኒ ያሳ ቦላ ዋርዶታዳሳፕ አቲን አሳ ቦላ ዋርዶታባካ» ያገሰ።

5 ሃናኔይ ሄ ቃላ ሲዒዳ ሜላ ኩንዲዲ ሃይቁስ፤ ሄሳ ሲዒዳ ኡባይ ዳር ያዩሰ። 6 ናናቴላ አሳቲ ሶ ገሊዲ ኢያ አሃ ዓፄዲ ኤፊዲ ሞገደሶና።

7 ሄዡ ሳቲፕ ጉዬ ሃናኒያ ማቸያ ሄሳ ኤርና ዳዓሽ ጳጳርሲ ዳዒያሱዋ ገላሱ። 8 ጳጳርሲ ኢኮ፣ «ሂንቴ ጋዲያ ሃይሳ ሜላ ሚሺሰ ባይዚዳ፣ አኔ ታው ኦዳ» ያገሰ።

ኢያካ፣ «ኤ፣ ሃይሳ ሜላ ሚሺሰ ባይዚዳ» ያገሰ።

9 ጳጳርሲ ማጫሰው፣ «ኔሪ ኔ አዚናራ ጎዳ አያና ፓጫናው አይሰ ዘሬቲዳ፣ ሂኮ፣ ኔ አዚና ሞገዲ አሳቲ ካሬን ደዖሶ፤ ኔናካ ኢንቲ ካሬ ኩሳና» ያገሰ።

10 ማጫሲያ ኢራካ ጳጳርሳ ቶሁዋ ማታን ኩንዲዳ ሃይቃ አጋሱ፤ ናናቴላ፣ ገሊያ ዋይ ሃይቁዳር ዳሚዲ ካሬ ኩሲዲ፣ ኢ አዚና ማታን ሞገደሶና። 11 ኩሜላ ዋሳ ኩላይኔ ሄሳ ሲዒዳ ሃራ አሳ ኡባይ ዳር ያዩደሶና።

ኦራባባታኔ ማላሊሲያባታ

12 ሃዋሪቲ ዳር ማላታታኔ ኦራባባታ አሳ ገደን ኦሶሶና። አማኒያ ኡባይ ሶሎሞኔ ባራንዳን ኢሲፊ ሸቆሶና። 13 ሃራ አሳፕ ኢንታራ ጋሂታናው ኢሲ አሲካ ሚኒቤና፣ ሺን አሳይ ኢንታ ቦንቹሰ። 14 አማኒያ አዳታኔ ማጫሳታ ታይቦይ ካሴይሳፊ ዳሪሽ ቢሰ። 15 ሄሳ ገሾ፣ አሳይ ሃርጋንቾታ ሃላኔ አልጋን ቶኪዲ ጳጳርሲ አጳያ ዋይ ኢያ ኩያይ ኢንታፊ ኢሶታ ኢሶታ ቦላ ሸምፓና ሜላ ኦጌ ደናን ኩሲዲ ዋሶሶና። 16 ቃሲ ዳር አሳይ ዩራሳላሚ ማታን ዳዒያ ካታማታፕ ሃርጋንቾታኔ ቱና አያኒ ዋይሲያ አሳታ ኤኪዲ ዮሶና፤ ኡባይካ ፓፂደሶና።

ሃዋሪታ ቦላ ጎዲ ዳንዲሲ

17 ካሂኔ ሃላቃይኔ ኢያራ ዳዒያ ሳዲቃቄቲ ኡባይ ቃናቴን ኩሚዲ ሃዋሪታ ቦላ ዳንዲደሶና። 18 ሃዋሪታ ኦይኪዲ ዳሪያ ቃሾ ኩላን ዩገደሶና። 19 ሺን ጎዳ ኪታንቾይ ቃማ ቃሾ ኩላ ፔንገያ ደዩዲ ሃዋሪታ ካሬ ኩሲዲ፣ 20 «ቢዲ፣ ያሳ ኩላን ኤቁዲ ሃ ኦራላ ዳዖ ቃላ አሳ ኡባሰ ኦዲቴ» ያገሰ። 21 ሃዋሪቲ ሄሳ ሲዒዳ ዋይ ሞንታ ጉራ ያሳ ኩላ ገሊዲ ታማርሶ ደሚደሶና።

ካሂኔታ ሃላቃይኔ ኢያራ ዳዒያሳቲ ዩዲ፣ ኢሰራዔሴ ጨማታ ኡባ ጃሺ ሺሺዲ ሃዋሪታ ባንታ ሲንጤ ኤሃና ሜላ ዋታዳሬታ ቃሾ ኩላ ከቲደሶና። 22 ሺን ዋታዳሬቲ ቃሾ ኩላ ቢዲ ሃዋሪታ ዳሚሶኮና። ጉዬ ሲሚ ዩዲ ዳሪያሰ። 23 «ኑኒ ቢያ ዋይ ቃሾ ኩላ ፔንገይ ሚንጤ ጎርዳቲን፣ ናጌይሳቲ ፔንገይ ኤቁዳይሳታ ዳሚዲ፣ ሺን ኑኒ ካሪያ ደያ ዋይ ገደን ሃራ አቶሺን ኢሲ አሲካ ባዋ» ያገደሶና። 24 ሄሳ ገሾ፣ ያሳ ኩላ ዋታዳሬታ ከቲይሲኔ ካሂኔ ሃላቃቲ ሄሳ ሲዒዳ ዋይ «ሃዋሪታ ቦላ አይቢ ሃኒዳ?» ያገዲ ሂርገደሶና።

25 ሄ ዋይ ኢሲ አዳይ ኢንታኮ ዩዲ፣ «ሂኮ፣ ቃሾ ኩላ ሂንቴ ገሊሲዳ አሳቲ ያሳ ኩላን ኤቁዲ አሳ ታማርሶና» ያገዲ ኢንታው ኦዲሰ። 26 ያሳ ኩላ ዋታዳሬታ ከቲይሲ ባ ዋታዳሬታራ ቢዲ ሃዋሪታ ኤሂሰ። ሺን ኢንቲ ባንታና አሳይ ሹቻን ጫዳና ገዲ ያዩዲ ገሾ ኢንታ አዳሺዲ ኤሂደሶና።

27 ኢንቲ ሃዋሪታ ኤሂዲ፣ ሸቁዳ ሻንጉዋ ሲንገላን ኤሲን ካሂኔ ሃላቃይ ኢንታኮ። 28 «ሂንቴና ኑኒ ሄ ኡራ ሱንገላን ታማርሶና ሜላ ሚንጤዲ ከቲሶኮ? ሂኮ፣ ሂንቴ ቲማርቲያ ዩራሳላሚ ካታማ ኡባ ጋሌታ። ሄ ኡራ ሸምፕዋሰ ኑና ኦይላናው ቆፕቴ?» ያገዲ አይቹሰ።

29 ጳጳርሳራኔ ሃንኮ ሃዋሪታ ኢንታው ዛሪሽ፣ «ኑኒ አሳሰ ከቲታናፕ ያሳሰ ከቲታናው ቤሰሰ። 30 ማሰቃሊያ ቦላ ሂንቴ ካቁዲ ዋጲዳ ዩሱሳ ኑ አዋታ ያሳይ ሃይቆፕ ዳንጤሰ። 31 ኢሰራዔሴቲ ናጋራፕ ሲማና ሜላኔ ኢንታ ናጋራይ አቶ ጌቲታና ሜላ ያሳይ ዩሱሳ ሃሪይሳኔ አሸይሳ ኦላዲ ቦንቾን ባፕ ኡሻቻ ባጋን ኡቲሲሰ። 32 ሄሳሰ ኑኒ ማርካ፤ ቃሲ ያሳይ ባና አማኔይሳታሰ አሚዲ ገሻ አያናይካ ማርካ» ያገደሶና።

33 ሸቂዳ አሳይ ሄሳ ሰዒዳ ዋዴ ዳር ዪሎተዲ፣ ሃዋሪታ ዋቋናው ቆፒደሶና። 34 ሺን አሳ ኡባን ዳር ቦንቹተዳ፣ ሂኒ አስታማሪይ፣ ጋማሊያሌ ጊያ ኢሲ 4ሪሳዊይ ደንዲ ኢቁዲ ሃዋሪታ ጉላ ዋዴሰ ካራ ከሳና ሜላ ከተሰ። 35 ሄሳፊ ጉዬ፣ ሸቂዳ አሳኮ፣ «ኢሰራዔሌ አሳው፣ ሃ አሳታ ቦላ ሂንቴ ኦዳይው ቆፒያባፔ ናፕቲቴ፤ 36 አይሰ ገኮ፣ ሃይሳፊ ካሲ ቲዋዳሲ ባና፣ ታኒታ ገታ ገዲ ዳንዲን፣ ኦይዲ ዌቲ ገዲያ አሳቲ ኢያራ ኢሲፊደሶና። ሺን ኢያ ዋቋን ኢያ ካሊዳ ኡባይ ላሊቲን ፓላና አሲ ገዲዲ አተደሶና። 37 ሄሳፊ ጉዬ፣ አሳይ ታይቤታያ ዋዴ ጋለላ ዪሁዲ ዳንዲዲ ዳር አሳ ፓንጋዪዲ ካሌሊሰ። ሺን ኢያን ዋቋን ኢያ ካሊዳ አሳ ኡባይ ላሊቲሰ። 38 ሃሂባ ታ ሂንቴው ኦዳይሰ፤ ሃ አሳታፔ ናፕቲቴ፤ ኤንታ ቦቾፊቴ። አይሰ ገኮ፣ ሃ ቆፋኔ ሃ ኦሎቀ አሲ ኡሊያባ ገዲኮ ጳያና። 39 ሺን ሃ ቆፋይኔ ሃ ኦሶይ ያሳፊ ዪዳባ ገዲኮ፣ ሂንቴ ኤንታ ጳይሳናው ዳንዳዔኪታ። ገላዳ ያኒሼ ሂንቴ ያሳራ ካጩታና» ያገዲ ኦዲሰ። ሄሳ ገሾ፣ ሸቂዳ አሳይ ጋማሊያሌ ዘሪያ ኤኪደሶና።

40 ሃዋሪታ ሶ ዌጊዲ ሊሶን ጋራፊሰሰ። ሄሳፊ ጉዬ፣ ኤንታኮ፣ «ዬሱሳ ሰንሳ ናምባንላ ዳንላፊቴ» ገዲ ቢርሺ ዬዲደሶና። 41 ዬሱሳ ሰንሳ ገሾ ኤንቴ ካዉያናይሲ ቤሲያባ ገዲይሳ ኤሪዳ ገሾ ሻንጉዋ ሲንሳፊ ኡፋይቲሼ ከዬደሶና። 42 ኤንቴ ኡባ ዋዴ ያሳ ከላኒኔ አሳ ሶን ዬሱሲ ኢ ኪሪሰቶሳ ገዲይሳ ታማርሶኔ ሳባኮ ኣገሶኮና።

6

ላፕን አሳታ ደሪቴላ

1 ሄ ዋዴ ካሌይሳታ ታይቦይ ዳሪ ዳሪ ቢሺን፣ ገሪኬ ደና ኦዴቲያ አይሁዳቲ ዪሁዳን ዬሌቲዲ ዳዒያ አይሁዳታ ቦላ ዙዙሚደሶና። አይሰ ገኮ፣ ገሪኬ ደና ኦዴቲያ አይሁዳቲ፣ «ጋላሰ ጋላሰ አሚቲያ ካሳን ኑ አምዒቲ ናቁቶሶና» ያገደሶና። 2 ታማኔ ናምዑ ሃዋሪቲ ዋሳ ከላ አሳ ኡባ ዌጊዲ፣ «ኑኒ ያሳ ቃላ ኦዳይሳ አገዲ ካሊ ገሻናው ኑሰ ቤሲና። 3 ሂዛ፣ አሻቶ፣ ሎዎ አሳታ፣ ገሻ አያናኒኔ ጨንጫቴላን ኩሚዳ ላፕን አሳታ ሂንቴ ገደፊ ደሪቴ፤ ኑኒ ኤንታ ሃ ኦሎቀሰ ሹማና። 4 ሺን ኑኒ፣ ኑ ኩሚላ ዋዲያ ያሳ ዋሳኒኔ ቃላ ታማርሶን ፔሻና» ያገደሶና።

5 ሃዋሪቲ ኦዲዳ ኦዳይ አሳ ኡባ ኡፋይሰሰ። ሄሳ ገሾ፣ አማሮይኔ ገሻ አያኒ ኩሚዳ ኢሰጻፋሴ፣ ፊልጶሳ፣ ጸርኮርሳ፣ ኒቃርኔ፣ ሂዋና፣ ጸርሜናኔ አይሁዳ አማሮ ገሊ ሰሚዳ አንዮኪያ ኒቆላዋሳ ደሪደሶና። 6 ኤንታ ሃዋሪታ ሰንሳን ኤሰን፣ ሃዋሪቲ ኤንታ ቦላ ከሹ ዋሊዲ ያሳ ዋሲደሶና።

7 ያሳ ቃላይ ዳልገ ዳልገ ቢሰ። ዬሩሳላሚን ዳዒያ አማኔይሳታ ታይቦይ ዳሪ ዳሪ ቢሰ፤ ዳር ካሂኔቲካ አማኒደሶና።

ኢሰጻፋሴይ ኦይኬቲሰ

8 ኢሰጻፋሴይ ኦይ ከሃቴላኒኔ ዋልቃን ኩሚዲ አሳ ገደን ኦሪሳባታኔ ማላታታ ኦሊሰ። 9 አይሉሳፊ ከዬዳ አይሁዳ ዋሳ ከላ አሳይ ቁሪናፔኔ ኢሰከንዲሪያፔ ከልቂያፊኔ ኢሲያፔ ዪዳ ኢሲ ኢሲ አሳቲ ዳንዲዲዲ ኢሰጻፋሴይ ፓላሚደሶና። 10 ሺን ኢሰጻፋሴይ አያና ዋልቃን ኦዴቲያ ጨንጫቴላ ኤንቴ ኤቁታናው ዳንዳዒቦኮና።

11 ሄ ዋዴ ኤንቴ፣ «ሙሴኔ ያሳ ኢ ጫዪሺን ሰዒዳ» ገያ ዋርደ አሳታ ሻሚደሶና። 12 ሂሳዳ ኦሊዲ ቢታ ጨማታኔ ሂኒ አስታማሪታ ኢያ ቦላ ዳንሊደሶና። ኢሰጻፋሴይ ኦይኪዲ ሻንጉዋ ሲንላ ኤሪደሶና። 13 ኢያ ቦላ ፓይዲዳ ዋርደ ማርካቲ፣ «ሃ ኡሪይ ሃ ያሳ ከላኔ ሙሴ ሂጊያ ዛሪ ዛሪ ጫዬሰ። 14 ኢ፣ ነሃይሲ ናዚሬቴ ዬሱሲ፣ ሃ ያሳ ከላ ላላና፤ ቃሲ ሙሴይ ኑሰ አሚዳ ሂጊያ ላማና» ያገሺን ኑኒ ሰዒዳ» ያገደሶና።

15 ሻንጉ ሸቆን ኡቲዳ አሳ ኡባይ ኢሰጻፋሴይ ሎይሊዲ ዌሊያ ዋዴ ኢያ ሶምያይ ኪታንቾ ሶምዎ ዳኔሰ።

7

ኢሰጻፋሴይ ሃሳያ

1 ካሂኔታ ሃላቃይ ኢሰጻፋሴይ፣ «ሃይሲ ቲሜ?» ያገዲ ኦይቹሰ። 2 ኢሰጻፋሴይ፣ «ታ አሻቶ፣ ታ አዋቶ፣ ሰዒቲ! ኑ አዋ አብራሃሚይ ካራኔን ዳናው ባናፔ ሲንላ ማሴጶምሚያን ዳሲሺን፣ ቦንቾ ያሳይ ኢያው ቆንጨዲ፣ 3 ኔ ቢታፊኔ ኔ ዳቦታኔ ሻኬታዳ ታኒ ኔና ቤሲያ ቢታ ባን ናፕቲቴ። 4 ሄ ዋዴ አብራሃሚይ ካልዳዌታ ቢታፊ ከዬዲ ካራኔን ዳናው ቢሰ። ኢያ አዋይ ሃይቁዳፔ ጉዬ ያሳይ ኢያ ሃ ቢታ ሃሂ ሂንቴ ዳዒያ ቤሳ ኤሂሰ። 5 ኢ ሃ ቢታፊ ሃሪ አቶሺን ቶሆይ ዬቋያ ቤሲካ አብራሃሚሰ አሚቤና። ሺን ናዒ ኢያው ባይና ዋዴ ያሳይ ሃ ቢታ ኢያውኔ ኢያ ሹሻሰ ላታ ኦሊዲ አማናይሳ ቃላ ገሊሰ። 6 ያሳይ አብራሃሚኮ፣ ኔ ሹሻይ ሃራ

ቢታን አማላቴላን ዳና፤ ያን ኦይዱ ጭ ላይሌ እንቲ እይሌቴላን ሃሪታና። 7 ሸን ታኒ ኔ ሸሻ ሃሪያ ዴሪያ ቦላ ፒርዳና። ሄሳፌ ጉዬ፣ እንቲ ሄ ቢታፌ ከዬዲ ሃይሳን ታው ጎይናና ያገረሰ። 8 ያሳይ አብራሃሜ ሸሻይ ቃዖጋታና ሜላ ኢያሪ ጫቁን፣ ደሳቄ ዬሌተዳ ሆሰፑንላ ጋላሳን ቃዖጋሪ። ደሳቄ ያይቆባ ቃዖጋሪ፤ ቃሲ ያይቆቢ ታማኔ ናምዑ ባ ናይታ፣ ኑ አዋታ ማይዘታ ቃዖጋሪ።

9 «ያይቆባ ናይቲ ዮሴፋ ቃናተዲ ገብጻ ቢታን እይሌቴላሰ ባይዚደሶና፣ ሸን ያሳይ ኢያሪ ዴሪሰ።

10 ኢያ፣ ኢያ ዋዬ ኡባፌ ከሲሰ። ገብጻ ካወዋ ሰንላን ሳባኔ ጨንጫቴሌ ኢያው አሚሰ። ገብጻ ካዋይ ዮሴፋሰ ገብጻ ቢታን ባ ከላ ኡባ እይሳናዳ ሃላቃቴሌ አሚሰ።

11 «ገብጻ ቢታኒ፤ ካናኔ ቢታ ኡባን ከሺ ገሊዲ ዳሮ እሳ እንዓሌሰ። ሄ ዋዬ ኑ ማይዘቲ ካሌ ዳማናው ዳንዳዒቦኮና። 12 ያይቆቢ ገብጻ ቢታን ካሌ ዴሪሳ ሲዒዲ ኑ አዋታ ኮይሮ ያ ዬዲሰ። 13 ናምዓንሎ ቡሳን ዮሴፌ ባ አሻታሰ ባናቴላ ኤሪሰሰ። ገብጻ ካዋይ ኮሴፋ ሸሻ ኤሪሰሰ። 14 ዮሴፌ ባ አዋ ያይቆባኔ ባ ዳቦ ኡባ፣ ላፑን ታማኔ ኢቻሹ እሳ ባኮ ያና ሜላ ከቲዲ ኤሂሲሰ። 15 ያይቆቢ ገብጻ ቢታ ዋዲሰ፤ ኢኔ ኢያ ናይቲ ያን ሃይቁደሶና። 16 እንታ እሃይ ሄ ቡሳፌ ሴኩሜ ቢታ ቶኩቴሌ ቢዲ፣ ያን አብራሃሜይ ሃዋሬ ናይታፕ ዳሮ ቢራን ሻሚዳ ዱፎን ዋጌቲሰ።

17 «ሸን ያሳይ አብራሃሜሰ አማና ገደይሳ ፖሊያ ዋዬ ጋካናው ማቲዳ ዋዬ ገብጻ ቢታን ዳዒያ ኑ እሳይ ዳሪ ዳሪ ቢሰ። 18 ሄሳፌ ጉዬ፣ ዮሴፋ ኤሮና ሃሪ ካዋይ ገብጻ ቢታን ካዋቲሰ። 19 ሃ ካዋይ ኑ ዜራፋ ገኒዲ ጉላ ናይቲ ሃይቃና ሜላ እንታ ካሪ ከሲ ዬጋና ሜላ ኑ አዋታ እንዓሌሰ።

20 «ሄ ዋዬ ሙሴይ ዬሌተሰ፤ ኢ ያሳ ሰንላን ዳሮ ሎዎ ናና። ባ አዋ ከላን ሄዙ አገና ጋካናው ዲጨሰ። 21 ሙሴይ ዋሪ ሆሌተዳ ዋዬ ገብጻ ካወዋ ናዒያ ዳማ ኤካዳ ባ ናና ኦላዳ ኢያ ዲቻሰ። 22 ሙሴይ ገብጻታ ጨንጫቴላ ኡባ ታማሪዲ ኦዳኒኔ ኦሶን ማና እሲ ገዲሰ።

23 «ሙሴሰ ላይሳይ ኦይታማ ኩሚዳ ዋዬ ባ አሻታ፣ ኢሰራዔሌታ ቤናናው ባ ዋዘናን ቆፒሰ።

24 ኢሰራዔላታፕ ኢሱዋ ገብጻ ኢሶይ ቆሂሸን ቤዒዲ ሄ ኢሰራዔሌ ኡራ ማዲዲ፣ ሄ ቆሂዳ ገብጻ ኡራ ዋዲዲ ከሺ ዛሪሰ። 25 ሙሴይ ባ አሻታ ባ ባጋሪ ያሳይ አሻናው ሃኔይሳ እንታ እኩካና ገዲ ቆፒሰ፣ ሸን እንታ እኩኩቦኮና።

26 «ዋንቴላ ጋላሰ ናምዑ ኢሰራዔሌ አሳቲ ኢሶይ ኢሱዋራ ዋዲቲሸን ዳሚዲ እንታ ሲገላናው ኮዬዲ፣ ሳሳቶ፣ ሂንቴ አሻንታ፤ አይሰ ኢሶይ ኢሱዋ ቆሂቲ?» ያገረሰ።

27 «ሸን ባ ላገያ ቆሂይሲ ሙሴኮ፣ ሳና ኑ ቦላ ሃሪይሳኔ ዳይና ኦሌዳይ ኦኔ? 28 ኔኒ ዚኔ ገብጻ ኡራ ዋዲዳይሳዳ ታዎ ዋዲናው ኮያይ?» ያገዲ ሙሴ ሱጊ ዬዲሰ። 29 ሙሴይ ሄሳ ሲዒዳ ዋዬ ገብጻፌ ቤተዲ ሚዲያሜ ቢታን ቤቲ እሲ ገዲዲ ዳዒሸ ናምዑ አዳ ናይታ ዬሌሰ።

30 «ጎዳ ኪታንቻይ ኦይታሙ ላይሳፌ ጉዬ ሰና ዴሪያ ማታን ዳዒያ ባዞ ቲሸያ ገደን ኡዲያ ታማ ላጮ ገደን ሙሴሰ ቤንቲሰ። 31 ሙሴይ ባ ቤዒዳይሳን ማላላቲዲ፣ ሎይሌ ቤናናው ቲሸያ ማቲ ሸቁዲ ዳዒሸን፣ ጎዳ ቃላይ፣ 32 ሓኒ ኔ አዋታ፣ አብራሃሜ ያሳ፣ ደሳቃ ያሳ፣ ያይቆባ ያሳ» ያገረሰ ሙሴኮ ዩሰ። ሙሴይ ያሻን ኮኮሪዲ ጻላናው ዳንዳዒቤና።

33 «ጎዳይ ሙሴኮ፣ ሳና ኡቁዳ ቢታይ ገሺ ገዲያ ገሾ ኔ ቶሁዋን ዳዒያ ጫማ ከሳ። 34 ታኒ ገብጻን ዳዒያ ታ እሳ እንዓቴላ ቤሳሰ። እንታ ዋሱዋ ሲዒዳ እንታ አሻናው ዋዳሰ። ሃዒ ሃያ! ታኒ ኔና ገብጻ ኪታና» ያገረሰ።

35 «ኢሰራዔሌቲ ሙሴ፣ ሳና ኑና ሃሪይሳኔ ዳይና ኦሌዳይ ኦኔ?» ያገዲ ኢዲዳይሳ ቲሸያ ገደን ኢያው ቤንቲዳ ኪታንቸዋ ባጋሪ ሃሪይሳኔ እሸይሳ ኦሌዳ ያሳይ ከቲሰ። 36 ሙሴይ ኢሰራዔሌታ ገብጻፌ ከሲዲ ማላሊሲያባታኔ ኦራሳባታ ገብጻ ቢታኒ፤ ዘዎ እባን ኦሌዲ እንታ ኦይታሙ ላይሌ ባዞ ቢታን ካሌሌሰ።

37 «ኢሰራዔሌ አሳኮ፣ ሳሳይ ታና ዳንሌዳይሳዳ ሂንቴ ሸሻ ገደፌ ታ ሜላ ናቤ ሃንቲው ዳንላና» ያገዲይ ሄ ሙሴ። 38 ባዞ ቢታን ሸቁዳ ኢሰራዔሌ አሳራ ዳዒዳይሰ፣ ኑ አዋታራኔ ሰና ዴሪያ ቦላ ኢያው ኡዲዳ ኪታንቸዋራ ዳዒዳ ሙሴይ ኢያ። ያቲዲ፣ ያሳ ዳዎ ቃላ ኮሰ አማናው ኤኪሰ።

39 «ሸን ኑ ማይዘቲ ሙሴሰ ኪቲታናው ደሲቦኮና፤ ኢያ ኢዲዲ ጉዬ ገብጻ ሰማናው አዋቲደሶና።

40 ቃሲ አርናኮ፣ ሳና ካሌሌያ ያሳታ ኮሰ ኦላ። አይሰ ገኮ፣ ሃይሲ ኑና ገብጻፌ ኤሂዳ ሙሴይ፣ ዋኒዳኮ ኦኒ ኤሮኮ» ያገደሶና። 41 ሄ ዋዬ ማሪ ዳኒሲዲ ኤቃ ኦሌደሶና። ሄ ኤቃሰ ያርሾ ያርሸዲ

7:6 ሜዴ 15:13-14	7:7 ከሳ 3:12	7:8 ሜዴ 17:10-14፤ 21:2-4፤ 25፤ 26፤ 29:31-35	7:9 ሜዴ 37:11፤ 28፤ 39:2፤ 21
7:10 ሜዴ 41:39-41	7:11 ሜዴ 42:1-2	7:13 ሜዴ 45:1፤ 16	7:14 ሜዴ 45:9-10፤ 17-18፤ 46:27
7:15 ሜዴ 46:1-7፤ 49:33	7:16 ሜዴ 23:3-16፤ 33:19፤ 50:7-13፤ ኢያ 24:32	7:17 ከሳ 1:7-8	7:19 ከሳ 1:10-11፤ 22
7:20 ከሳ 2:2	7:21 ከሳ 2:3-10	7:23 ከሳ 2:11-15	7:29 ከሳ 18:3-4
7:30 ከሳ 3:1-10	7:35 ከሳ 2:14	7:36 ከሳ 7:5፤ 14:21፤ ታይ 14:33	7:37 ዛሬ 18:15፤ 18
7:38 ከሳ 19:1-20:17፤ ዛሬ 5:1-33	7:40 ከሳ 32:1		

ባንታ ኩሽን ኦሊዳ ኦሎቅን ኡፋይቲደሶር። 42 ሸን ያሳይ ኤንታው ዘኮ ዛሪሰ። ኤንቲ ሳሎ ያለንቶታ ጎይናና ሜላ ኤንታ ዬጊ ኣገሰ። ናቤታ ማፃፋን፣ ሳሊሰራዔሌ ኣሳው፣ ኦይታው ላይሌ ኩሜሌ

ባዘ ቢታን ሹኪዳ ሜሃያይ
ያርሺዳ ያርሹቀ ታው ያርሺዳቲ?

43 ሂንቴ፣ ሂንቴው ጎይናናው ኬሲዳ ኤቃኔ ሞሎኬ ዲንካኒያ

ሬፋና ጊያ ሂንቴ ያሳ ያለንቶ ሚሲሊያ ቶኪዳታ።

ታኒ ሂንቴና ባቢሎኔፔ

ሂኒ ባጋ ዬዳና ጌቲቲዳ ዓፊቲሰ።

44 «ኑ ኣዋታሰ ባዘ ቢታን ማርካ ዲንካኒይ ዳዔሰ። ኢያካ ያሳይ ሙሴ ኪቲዳይሳዲኔ ኢያ ቤሲዳይሳዳ ኦሊሰ። 45 ቃሲ ኑ ኣዋቲ ሄ ዲንካኒያ ባንታ ኣዋታፔ ኤኪዳ ያሳይ ካሲ ዬዴሌዳ ኣይሁዳ ጊደና ኣሳ ቢታ ኦይኪዳ ዋዴ ኢያሱራ ያ ኤኪዳ ጌሊደሶር። ሄ ዲንካኒይ ዳዋቲ ዋዴ ገካናጫካ ሄ ቤሳን ዳዔሰ። 46 ዳዋቲይ ያሳን ሳቤቲሰ። ቃሲ ያይቆባ ጎዳይ ዳዳና ኬላ ከዓናው ያሳ ዋሲሰ። 47 ሸን ኢያው ኬላ ከዲዳይ ሶሎሞን።

48 «ሃሮሽን፣ ኡባፊ ሶላ ያሳይ ኣሲ ከዲዳ ኬላን ዳና። ናቤይ ጊዳይሳ ሜላ።

49 ሳሎይ ታ ኣራታ፣

ሳዓይካ ታ ቶሆይ ዬዲያሶ።

ያቲን፣ ታው ሂንቴ ኣይ ሜላ ኬሌ ከዓኔ?

ዋይኮ ታኒ ሸምፕያሶይ ኣጫኔ? 50 ሃ ኡባ ታ ኩሽያን ኣላቢኪና? ያጌሰ ጎዳይ።

51 «ሂንቴ ዋኒዳ ሲዖና ኣሲ? ሂንቴ ዋዛናይ ያሳ ቃላ ኤካናው ኣይሰ ኢዲዳ? ሂንቴ ሃይላይ ኣይሰ ቱሊዳ? ሂንቴ፣ ሂንቴ፣ ሂንቴ ኣዋታላ ኡባ ዋዴ ጌሻ ኣያናራ ኤቁቲታ። 52 ናቤታ ጊደፊ ሂንቴ ኣዋቲ ጎደናይ ኦኔ? ያሳ ናዓይ፣ ዓሎይ ያናይሳ ካሲቲዳ ኦዲዳይሳታ ዋዲደሶር። ሃዲ ሂንቴ ኢያ ኣሌ ኢሚዳ ዋዲዳታ። 53 ሂንቴ ኪታንቸዋ ኩሹፔ ያሳ ሂጊያ ኢኪዳታ፣ ሸን ኪቲቲቤክታ» ያገሰ።

ኢሰፃፋናሴይ ሹቻን ጫዴቲሰ

54 ኤንቲ ሄሳ ሰዒዳ ዋዴ ባንታ ዋዛናን ኢሰፃፋናሴ ሶላ ዳሮ ዩሎቲዳ፣ ባንታ ሚቲርሻ ሳፂዳ ማንዲደሶር። 55 ሸን ኢሰፃፋናሴይ ጌሻ ኣያናን ኩሚዳ፣ ሳሎ ፑዴ ያሳይ፣ ያሳ ቦንቸዋኔ ዬሱሳ ያሳ ኡሻቻ ባጋን ኤቁዳይሳ ቤዒሰ። 56 «ሂኮ፣ ታኒ ሳሎይ ዶዬቲን፣ ኣሳ ናዓይ፣ ያሳ ኡሻቻ ባጋን ኤቁዳይሳ ቤዒሰ» ያገሰ።

57 ቃላ ቆቁ ኦሊዳ ዋሲሹ፣ ባንታ ሃይላ ኦይኪዳ ኢሲፊ ኢያኮ ዋዲደሶር 58 ኢያ ካታማፔ ጋፃ ኬሲዳ፣ ሹቻን ጫዳደሶር፣ ማርካቲ ባንታ ማዑቀ ኢሲ ሳሳላ ጊያ ናዓቲላ ማታን ዋሊደሶር።

59 ኢሰፃፋናሴይ፣ «ታ ጎዳ ዬሱሳ፣ ታ ሸምፕዋ ኤካ» ያገሊዳ ያገሸን ኤንቲ ኢያ ሹቻን ጫዳደሶር።

60 ጉልባቲዳ፣ ባ ቃላ ቆቁ ኦሊዳ፣ «ታ ጎዳው፣ ሃ ናጋራ ኤንታው ኣቶ ጋ» ያገሰ። ሄሳ ያገሊዳ ሲሚዳ ሜላ ሃይቁ ኣገሰ።

8

ሳዖሊ ኣማኒያ ኣሳ ጎዳሲ

1 ሳዖሊ ኢሰፃፋናሴ ሃይቁዋን ኡፋይቲሰ። ሄ ጋላሰ ዬራሳላሜን ዳዒያ ዋሳ ኬላን ገታ ጎዳ ዳንዲሰ። ሃዋሪቲ ኣቲን ኣማኔይሳቲ ኡባይ ዪሁዳ ቢታኒኔ ሳማሬ ቢታን ሳሎቲደሶር። 2 ኢሲ ኢሲ ያሳ ኣሳቲ ኢሰፃፋናሴ ሞጊደሶር፤ ቃሲ ኢያው ዳሮ ዬኪደሶር። 3 ሸን ሳዖሊ ዋሳ ኬላ ቆይሳናው ኮዬሰ። ሶ ሶ ዩዪ ጌሊዳ፣ ኣማኒያ ኣዳታኔ ማጫሳታ ጎቹ ጎቹ ኬሲዳ ቃሽ ኬሌ ጌልሴሰ።

ዋንጌላይ ሳማሬን ሳባኬቲሰ

4 ላሊቲዳ ኣማኔይሳቲ ቢዳ ቤሳ ኡባን ቃላ ኦዲደሶር። 5 ፊልጶሲ ሳማሬ ካታማ ቢዳ ከሪሰቶሳቫ ኣሳሰ ኦዲሰ። 6 ዳሮ ኣሳይ ፊልጶሲ ጌዳይሳ ሰዒዳ ዋዴኔ ኢ ኦሊያ ማላታታ ቤዒዳ ዋዴ ኢያ ኣኬኪዳ ሰዒደሶር። 7 ቱና ኣያናቲ ዋሲዳ ዳሮ ኣሳቲ ኬዪደሶር፤ ቃሲ ዳሮ ጉንዳቲኔ ዋቢቲ ቢሊቲደሶር። 8 ሄ ካታማን ዳዒያ ኣሳይ ዳሮ ኡፋይቲደሶር።

9 ሸን ሰምና ጊያ ኢሲ ኡራይ ሄ ካታማን ዳዒሰ። ኢ፣ «ባና ገታ» ጊዳ ሳማሬ ኣሳ ማርቲላን ማላሰሳቫ ጋምዒሰ። 10 ጉላፊ ገታ ጋካናው ዳዒያ ኣሳ ኡባይ፣ «ገታ ያሳ ዋልቃይ ሃይሳ» ጊዳ ኢያባ ሲዖሶር። 11 ዳሮ ዋዴፔ ደሚዳ ማርቲሹ ሳማሬ ኣሳ ማላሊሲዳ ጊሾ ኣሳይ ኢያባ ሲዖሶር። 12 ሸን ፊልጶሲ ያሳ ካዋቲላባኔ ዬሱሰ ኪሪሰቶሳ ሰንላባ ኣዳታሲኔ ማጫታሰ ኦዲን፣ ኤንቲ ኢያባ

7:41 ከሳ 32:2-6 7:42 ኣዋ 5:25-27 7:44 ከሳ 25:9፣ 40 7:45 ኢያ 3:14-17 7:46 2ሳው 7:1-16፤ 1ታሪ 17:1-14 7:47 1ካዋ 6:1-38፤ 2ታሪ 3:1-17 7:49 ኢሳ 66:1-2 7:51 ኢሳ 63:10 8:3 ሃ.ኦ 22:4-5፤ 26:9-11

አማኒዲ ምጥቂተደሰና። 13 ቃሲ ሲሞኒካ ባ ሁዒን አማኒዲ ምጥቂተሰ። ፊልጶሳፊ ኢሲፌ ቤዳ ቤሳ ኡባን ኦሲቲያ ገታ ማላታታ ቢዒዲ ማላሌቲስ።

14 ዩሩሳላሚን ዴዒያ ሃዋሪቲ ሳማራ አሳይ ያሳ ቃላ ኤኪዳይሳ ሲዒዳ ዋዴ ጳይሮሳኔ ዮሃንሳ አንታኮ ዩዲደሰና። 15 ጳይሮሳኔ ዮሃንሲ ቢዲ፣ አማኒይሳቲ ገሻ አያና ኤካና ሚላ ኤንታው ያሳ ዋሲደሰና። 16 አይሰ ገዮ፣ ሳማራ አሳቲ ጎዳ ዩሱሳ ሱንላ ያላላን ምጥቂተደሰናቲ ኣቲን ኤንታፊ ኢሱቆ ቦላካ ገሻ አያኒ ዋዲቤና። 17 ሄ ዋዴ ጳይሮሳኔ ዮሃንሲ ባንታ ኩሺያ ኤንታ ቦላ ዋሊን፣ ኤንቲ ገሻ አያና ኤኪደሰና።

18 ሃዋሪቲ ባንታ ኩሺያ ኤንታ ቦላ ዋሊን፣ ኤንታው ገሻ አያናይ ኤሚቲዳይሳ ሲሞኒ ቤዒዳ ዋዴ ጳይሮሳኒይ ዮሃንሳሲ ሚሼ ኤሂዲ። 19 «ታኒካ ት ኩሺያ ዋሊያ ኡባይ ገሻ አያና ኤካና ሚላ ሃ ማታ ታውካ አሜርኪቲ» ያገሰ።

20 ሺን ጳይሮሳኒ ኢያኮ፣ «ኔኒ ያሳ አሞታ ሚሼን ሻማናው ቆፒዳ ገሾ ኔ ሚሼይ ኔራ ጳዮ። 21 ኔ ዋዛና ያሳ ሲንሳን ሱሬ ገደና ገሾ ኔው ሃይሳን ገሾይ ዋይኮ ቃዲ ባሞ። 22 ሃዛ፣ ሃ ኔ ዋዛና ኢታቲላ ገሾ ናጋራቲ ሰማ። ኔ ዋዛናን ዴዒያ ኢታ ቆፋ ያሳይ አቶ ጋና ሚላ ያሳ ዋሳ። 23 ጋሶይካ፣ ኔኒ ኢታ ቃናቲኒ ናጋራ ቃሹዋን ዴዒይሳ ታኒ ቤዓይሰ» ያገሰ።

24 ሲሞኒ ዛሪዲ፣ «ሂንቴ ገዳይሳፊ ኢሶይካ ታና ጋኮና ሚላ ታው ያሳ ዋሲቲ» ያገሰ። 25 ጳይሮሳኒይ ዮሃንሲ ማርካቲዳቲ ነዳ ቃላ ኦዲዳቲ ጉዬ ዩሩሳላሚ ሲሚደሰና። ሳማራን ዴዒያ ዳር ጉታታን ዋንጌላ ኦዲደሰና።

ፊልጶሳፊ ቶጲያ ሞሪና ምጥቂሰ

26 ጎዳ ከታንቾይ ፊልጶሳፊ፣ «ዴንዳዳ ዩሩሳላሚፔ ጋዛ ኤፊያ ባዘ ቢታ ኦጊያኮ ባ። ሄ ኦጊይ ዲጌሃ ባጋራ ዴዒሰ» ያገሰ። 27 ፊልጶሳፊ ዴንዲዲ ቢስ። ሂንዴኬ ገያ ቶጲያ ካዌሰ ኢ ሚሼ ኡባ ናጊያ ቶጲያ አሲ ዴዒሰ። ኢካ ጎይናው ዩሩሳላሚ ቢስ። 28 ፓራ ጋሪያን ኡቲዳ፣ ዩሩሳላሚፔ ባ ቢታ ሲሚሼ ናቢያ ኢሳያሳ ማፃፋ ናባቤሰ።

29 ገሻ አያናይ ፊልጶሳፊ፣ «ሄ ጋሪያኮ ባዳ ኢያ ማቲ ሺቃ» ያገሰ። 30 ያተን ፊልጶሳፊ ዋዲ ቢዲ ጋኪያ ዋዴ ሞሪናይ ናቢያ ኢሳያሳ ማፃፋፔ ናባቢሺን ሲዒዲ፣ «ኔ ናባቢያሲ ኔው ጌሊ?» ያገሰ።

31 ሞሪናይ፣ «ታው ኦዲ ጌልሲያ አሲ ባይና ሞኒዲ ጌላኔ?» ያገሰ። ባራ ጋሪያን ኬዬዲ ኡታና ሚላ ፊልጶሳፊ ዋሲሰ። 32 ሞሪናይ ናባቢያ ማፃፋ ከፊሌይ፣

«ኢ ደርሳዳ ሹኪታናው ላጌቲስ፤
ደርሳ ማሪ ባ ኢኪሲያ ማዴይሳታ ሲንላን ሲዒ ጌይሳዳ፣
ኢካ ባ ደና ደዴቤና።

33 ኢ ካዉዪስ፤ ኢያው ጂሎ ፐርዲ ጳይሰ።
ኢያ ዴይሃ ሃ ሳባፔ ቃንፃቲዳ ገሾ
ኢያ ሹሻባ ኦኔ ኦዳናይ?» ያገሰ።

34 ሞሪናይ ከሪዲ ፊልጶሳፊ፣ «ናቤይ ኦዲባ ኦዲ? ባባ ኦዲዬ ዋይኮ ሃራ አሳባ ኦዲ? ታው ኦዳርኪ» ያገሰ። 35 ፊልጶሳፊ ዛሪዲ፣ ያሳ ቃላ ሄ ቤሳፊ ደሚዲ፣ ዩሱሳባ ኦዲያ ዋንጌላ ኢያው ኦዲሰ።

36 ኤንቲ ቢሼ ሃላ ዴዒያሰ ጋኪደሰና። ሞሪናይ፣ «ሃላ ሃይሳ ቤዓ፤ ታ ምጥቂቶና ሚላ አይቢ ዲጊ?» ያገሰ።

37 ፊልጶሳፊ ኢያኮ፣ «ኔኒ ኔ ኩሚላ ዋዛናቲ አማኒኮ ዴንዳዳሳ» ያገሰ።
ኢ ዛሪዲ፣ «ዩሱሳ ከሪሰቶሲ ያሳ ናባ ገዴይሳ ታኒ አማርይሰ» ያገሰ።

38 ጋሪይ ኤቃና ሚላ ሞሪናይ ከቲን፣ ናሞዓይ ዋዲዲ ሃላን ጌሊደሰና፤ ፊልጶሳፊ ኢያ ምጥቂሰ። 39 ኤንቲ ሃላፊ ጋፃ ከዩዳ ዋዴ ጎዳ አያናይ ፊልጶሳፊ ቆፖና ኤኪስ። ናሞዓንሎ ሞሪናይ ፊልጶሳፊ ቤዒቤና፣ ሺን ባ ኦጊያ ኡፋይቲሼ ቢስ። 40 ፊልጶሳፊ ኣዛዮናን ባና ዴሚሰ። ቃሲ ቁሳሪያ ያና ጋካናው ካታማታን ዩዬዲ ዋንጌላ ማርካቲስ።

9

**ሳባሊ ከሪሰቶሳ አማኒሰ
(ሃ.ኦ 22:6-16፤ 26:12-18)**

1 ሄ ዋዴ ሳባሊ ጎዳ ካሊይሳታ ዋዳናው ማንዲዲ ካሂኔ ሃላቃኮ ቢስ። 2 ጎዳ ኦጊያ ካሊያ አዴቲ ማጫታ ዴሚኮ፣ ቃቺሼ ዩሩሳላሚ ኤሃናው፣ ዳማስቆን ዴዒያ አይሁዴ ዋሳ ኬላታሰ ዲብዳቤይ ፃፊታና ሚላ ኢያ ዋሲስ።

3 ኢ ቢዲ፣ ዳማስቆ ካታማ ጋካናው ማቲሺን፣ ቆፖና ሳሎፔ ዋልቃማ ፖሮይ ኢያ ዩሹዋን ፖሲስ። 4 ኢ ሳዓን ኩንዲዳሺን፣ «ሳባላ፣ ሳባላ፣ አይሰ ታና ጎዳይ?» ገያ ቃላ ሲዒሰ።

5 ሳዖሊ፡ «ጎዳው፣ ነኒ ኦኔ?» ያጊዲ ኦይቸሰ።

«ታጎ፣ ነኒ ጎዲያ ዩሱስ» ያጊሰ።

6 ሺን ሳዖሊ ኮኮሪሽ፣ ማለሌቲሽ፡ «ጎዳው፣ ታጎ ኣይ ኦላና ሜላ ኮያይ?» ያጊሰ።

ጎዲይ ኢያኮ፡ «ዳንዳዳ ካታማ ገላ፤ ነኒ ኦላናው ቤሲያባይ ያን ነው ኦዲታና» ያጊሰ።

7 ሳዖላሩ ኦጊያ ቢያ ኣሳቲ ኣይኮካ ኦዲቶና ኤቁ ኣቲደሶና። ቃላ ሲዖሶና፡ ሺን ኦናካ ቤዒባኮና።

8 ሳዖሊ ኩንዲዳ ቤሳፊ ዳንዲዲ ያሊያ ዎዴ ኢያ ኣይፊይ ዳምና ኢዳሰ። ሄሳ ገሾ፣ ኤንቲ ኢያ ኩሺያ ኦይኪዲ ካሌሌዲ ዳማሰቆ ጌልሲደሶና። 9 ሄዙ ጋላሰ ጋካናው ኢ ያላናው ዳንዳዲቤና፤ ኣይኮካ ሚቤና፤ ኡዩቤና።

10 ዳማሰቆን ኢሲ ሃናኒያ ገያ ዩሱሳ ታማሪይ ዳዔሰ። ጎዲይ ቆንጩላን፡ «ሃናኒያ» ያጊዲ ያጊሰ።

ሃናኒይ ዛሪዲ፡ «ታ ጎዳው፣ ሃይሳን ዳዓይሰ» ያጊሰ።

11 ጎዲይ ኢያኮ፡ «ዳንዳዳ ሱሬ ጌቲቲያ ኦጊያ ባዳ፣ ዩሁዳ ሶን ሳዖሊ ገያ ቲርሱሰ፤ ዩዳ ኡራ ኮያ፤ ሳዖሊ ዎሴሰ። 12 ቃሲ ሃናኒይ ጌሊዲ፡ ሳዖሊ ናምዓንሳ ያላና ሜላ ባ ኩሺያ ኢያ ሶላ ዎሊሺን ቆንጩላን ቤዒሲ» ያጊሰ።

13 ሃናኒይ ዛሪዲ፡ «ጎዳው፣ ዩሩሳላሚን ኔ ጌሻ ኣሳ ሶላ ሄ ኡራይ ኣይ ሜላ ኢታባ ኦሊዳኮ ታጎ ዳሮ ኣሳ፤ ሲዓሰ። 14 ቃሲ ዳማሰቆን ኔ ሱንላ ያጌይሳታ ኡባ ቃቻናው፣ ካሂኔ ሃላቃቲ ኢያው ማታ ኣሚደሶና» ያጊሰ።

15 ሺን ጎዲይ ኢያኮ፡ «ሳዖሊ ኣይሁይ ገደና ኣሳ ሲንላን፣ ካዎታ ሲንላን ኢሲራዒሌ ኣሳ ሲንላን፣ ታ ሱንላ ኤሪሳናውኔ ታው ኦላናው ደራቲዳ ሚሹ ጊዲያ ገሾ ነኒ ኢያኮ ባ። 16 ኣይሰ ገኮ፣ ታ ሱንላ ገሾ ኢ ኣይ ሜላ ዎዴ ኤካናው ቤሲያኮ ታጎ ኢያ ቤሳና» ያጊሰ።

17 ሃናኒይ ቤዲ፣ ሶ ጌሊዲ፣ ባ ኩሺያ ሳዖሊ ሶላ ዎሊዲ፡ «ታ ኣሻ ሳዖላ፣ ነኒ ያ ኦጊያን ነው ቤንቲዳ ጎዳ ዩሱሰ፣ ነኒ ያላና ሜላ ኔ ጌሻ ኣያናን ኩማና ሜላ ታና ከቲሰ» ያጊሰ። 18 ኤሌሲዲ፣ ሳዖሊ ኣይፊያ፤ ኢሲ ገቆ ሜላባይ ዎዲን፣ ሳዖሊ ናምዓንሳ ያሊሰ። ቃሲ ዳንዲዲ ማቆቲሰ። 19 ካሌ ሚዲ ያሊዲ፣ ዳማሰቆን ዳዒያ ኣማኔይሳታራ ጉላ ጋላሰ ጋምዒሰ።

ሳዖሊ ዳማሰቆን ታማርሲሰ

20 ኤሌሲዲ ሳዖሊ፡ «ዩሱሲ ዖሳ ናና» ያጊዲ ዳማሰቆን ዳዒያ ኣይሁይ ዎሳ ኬላታን ቃላ ታማርሲሰ።

21 ሄሳ ሲዒዳ ኡባይ ማለሌቲዲ፡ «ሃይሲ ዩሩሳላሚን ዩሱሳ ሱንላ ያጌይሳታ ቃቸይሳ ገደኔዬ? ቃሲ ሃ ዩዳይ ኤንታ ቃቸዲ፣ ካሂኔ ሃላቃታ ሲንላ ኤፋናሳ ገደኔ?» ያጊደሶና።

22 ሺን ሳዖሊ ቃላ ኦደን ሚኒ ሚኒ ቤሰ። ዩሱሰ፣ ኢ ኪሪሰቶሳ ገደይሳ ቆንጩሲዲ ኦዲዳ ገሾ ዳማሰቆን ዳዒያ ኣይሁይቲ ኢያው ዛሪያባ ላዩደሶና።

23 ዳሮ ጋላሳ፤ ጉዬ ኣይሁይቲ ሸቆዲ፣ ሳዖሊ ዎዳናው ዛሪቲደሶና። 24 ሺን ኣይሁይቲ ባና ዎዳናው ቆፒዳይሳ ሳዖሊ ሲዒሰ። ኤንቲ ኢያ ዎዳናው ቃማኔ ጋላሰ ካታማ ፔንጊያን ናንሶና።

25 ሺን ኢያ ታማሪቲ ኢያ ቃማ ኤፊዲ፣ ገምቤ ዲርሳ ማሰኮቲያራ ዳቸራ ዎዲሲደሶና።

ሳዖሊ ዩሩሳላሚን ታማርሲሰ

26 ሳዖሊ ዩሩሳላሚ ጋኪዳ ዎዴ ኣማኔይሳታራ ጋሂታናው ኮዩሰ። ሺን ኢ ኪሪሰቶሳ ኣማኒዳይሲ ኤንታው ቲማ ዳናና ኢደን ኢያው ያዩደሶና። 27 ሺን ባርናባሲ ሳዖሊ ሃዋሪታኮ ኤፊሰ። ኦጊን ጎዲይ ዎሊዲ ቆንጩዳኮ ሃሳሌሲዳኮ፣ ቃሲ ሳዖሊ ዳማሰቆን ዩሱሳ ሱንላን ያዮና ዎሊዲ ቃላ ኦዲዳኮ ኤንታው ገሺዲ ኦዲሰ። 28 ሳዖሊ ዩሩሳላሚን ዩዩዲ ጎዳ ሱንላን ያዮና ቃላ ኦዲሽ፣ ሃዋሪታ ኢሲፊ ዳዒሰ። 29 ቃሲ ሳዖሊ ገሪቤ ቃላ ሃሳያ ኣይሁይታራ ኦዲቲሽ ፓላሚሰ። ሺን ኤንቲ ኢያ ዎዳናው ኮዩደሶና። 30 ኣማኒያ ኣሳቲ ሄሳ ሲዒዲ፣ ሳዖሊ ቁሳሪያ ኤፊዲ ቲርሱሰ ዩዲደሶና።

31 ዩሁዳን፣ ጋላላኒኔ ሳማራ ኡባን ዳዒያ ዎሳ ኬላቲ ሳርቲላን ዳዒደሶና። ቃሲ ሚኒደሶና፤ ጎዳሰ ያዩሽ ጌሻ ኣያና ሚንሌላዎን ዳሪ ዳሪ ቢደሶና።

ጳዊርሲ ሊዳኒኔ ዮጶን ታማርሲሰ

32 ጳዊርሲ ቢታ ኡባ ዩዩሺ ሊዳን ዳዒያ ኣማኒያ ኣሳታኮ ጋኪሰ። 33 ያን ሆሰቸን ላይሌ ኩሜሌ ጉንዲዲ ኣርሳን ዘንዒዲ ዳዒያ ኤኒያ ገያ ኣዲያ ዳሚሰ። 34 ጳዊርሲ፡ «ኤኒያ፣ ዩሱሰ ኪሪሰቶሲ ኔና ፓላና፤ ዳንዳዳ ኔ ሄዩ ዳንላ» ያጊሰ። ኢካ ኤሌሲዲ ዳንዲ ኤቆሰ። 35 ሊዳኒኔ ሳርናን ዳዒያ ኣሳ ኡባይ ኤኒያ ቤዒዲ፣ ጎዳኮ ሲሚደሶና።

36 ዮጶ ካታማን ኢሲ ሳዖላ ገያ ኣማኒያራ ዳዒላሰ። (ዓቢቶ ጉሳይ ጌንዒ ጉሱ) ኢያ ባ ዳዒዳ ዎዴ ኡባን ሎዖባ ኦሳሽኔ ማንቆታ ማዳሽ ዳዒሰ። 37 ሄ ዎዴ ኢያ ሃርጋዳ ሃይቁን፣ ኣሳይ ኢ ኣሃ ሚጩዲ፣ ፖቁያ ሶላ ኬሲዲ ዘንዒሲደሶና። 38 ሊዲ ዮጶሰ ማታ። ኣማኔይሳቲ ጳዊርሲ ሊዳን ዳዒይሳ ሲዒዲ፣ «ሃያና ኮኮ ኤሌሳዳ ያ» ያጊያ ከታ ናምዑ ኣሳታ ሶላ ኢያኮ ከቲደሶና።

39 ሄሳ ገሾ። ጳጳሮሲ ዳንዲዲ፣ እንታራ ቤስ። ያ ጋከን፣ ፖቁያ ቦላ ዳዒያ ከፊሊያ እያ ገልሲደሶና። እምዒቲ ጳጳሮሳ የሹዋን ኦቁዲ ዩከሼ ደርቃ እንታራ ጋፃ ዳዒሼ ኦሊዳ ቃሚሴታኔ እፊላታ ኡባ ጳጳሮሳ ቤሲደሶና። 40 ጳጳሮሲ እንታ ኡባ ካሪ ከሲዲ፣ ጉልባቲዲ ያሳ ዋሲሰ። ቃሲ እሃኮ ሰሚዲ፣ «የቢቲ፣ ዳንዲ» ያገሰ። የቢታ ባ እይፊያ ደያድ ጳጳሮሳ ቢዓዳ፣ ዳንዲ ኡታሰ። 41 ጳጳሮሲ እያ ባ ኩሺያን ማዲዲ ዳንላ ኤሲሰ። ሄሳፊ ጉዬ፣ እማኔይሳታኔ እምዒታ ጃጊዲ፣ ዳንዲዳር እንታ ሰንሌ ሺሺሰ።

42 ሃ ኦዳይ ዮጴ ካታማ ኡባ ጋከሰ። ዳር አሳይ ጎዳ እማኒደሶና። 43 ጳጳሮሲ ዮጴን ሲሞና ጊያ ጋልባ ሃሹይሳ ሶን ዳር ጋላሰ ጋምዒሰ።

10

ጳጳሮሳኔ ቆርኔሊዮሳ

1 ቁሳሪያን፣ «ዋሊ ኦላ አሳታ» ገቲቲያ ኦላንቸታ ጊደን እሲ ቆርኔሊዮሳ ገቲቲያ ማቶ ሃላቃይ ዳዒሰ። 2 ቆርኔሊዮሲ ባ ሶ አሳራ ያሳ ሚንላ እማኒያ አሲኔ ያሳ ጎይኒያ አሲ። አይሁዳ ማንቆታካ ዳር ማዕስ። ቃሲ ያሳ ኡባ ዋይ ዋሴሰ። 3 እሲ ጋላሰ ኡዳን ሳቴ ሄራን ያሳ ኪታንቸይ እያኮ ዩዲ፣ «ቆርኔሊዮሳ» ጊዳ ገሺሺን ኢ ቆንጩላን ገሺዲ ቡሳን።

4 ቆርኔሊዮሲ ዳጋሚዲ ኪታንቸዋ ቲሺ ኦላ ጃሊዲ፣ «ጎዳው፣ ኢ አይቤ?» ያገሰ።

ኪታንቸይ ዛሪዲ፣ «ኔ ዋሳይኔ ማንቆታ ኔ ማዳይሲ ያሳ ሲንላን ሃሳዬቲሰ። 5 ሃዒ ዮጴ አሲ ኪታዳ፣ ጳጳሮሳ ጊያ ሲሞና ኡሄሳ። 6 ጳጳሮሲ አባ ደናን ጋልባ ሃሹያ ሲሞና ሶን እማላቲላ ሲራቲሰ» ያገሰ።

7 ቆርኔሊዮሲ ባው ኦዲዳ ኪታንቸይ ቢን፣ ባ አይሌታቲ ናምዓታኔ ያሳ ጎይኒያ ባ ማታ ዋታዳሪታቲ እሱዋ ጃጊዲ፣ 8 እንታው ኡባባ ኦዲዲ ዮጴ ከቲሰ።

9 ዋንቴላ ጋላሰ እንቲ ቢዲ፣ ዮጴ ካታማ ማቲሺን ኡሲቸን ሳቴ ሄራን ያሳ ዋሳናው ጳጳሮሲ ፖቁ ቦላ ከይሰ። 10 ኢ ከሻቲዲ ካላ ማናው ኮዩሰ፣ ሺን ካላ ካፂሺን ኢ ቆንጩላ ቤዒሰ።

11 ሳሎይ ዩዬተን፣ ጊታ እፊላ ዳኒያሳይ ኦይዲ ባጋራ እይኪቲዲ ዋጂሺን ኢ ቤዒሰ። 12 ኢያን ኦይዲ ቶሆራ ዳዒያ ማሄቲ፣ ዋራ ደዓቲ፣ ኡሎራ ጎሹቲያ ማዴቲላቲኔ ሳሎ ካሮቲ ኡባይ ዳዒሰ። 13 ሃ ዋይ «ጳጳሮሳ፣ ዳንዲ ኡቃዳ ሹካዳ ማ» ጊያ ቃሊ እያኮ ዩሰ።

14 ሺን ጳጳሮሲ፣ «ጎዳው፣ አካይ! ታ ቱናባ ኡባራካ ማ ኤሪኬ» ያገሰ።

15 ቃሲ፣ «የሳይ ገሺዳይሳ ኔ፤ ቱና ጎፓ» ጊያ ቃሊ ናምዓንጎ እያኮ ዩሰ። 16 ሄሲካ፣ ሄዙ ቶሆ ሃኒዳ፤ ጉዬ ሄ ጊታ እፊላ ዳኔይሲ ኤሊሲዲ ፑዴ ሳሎ ኤኪቲሰ።

17 ጳጳሮሲ ባ ቢዒዳ ቆንጩላ ቢርሺላይ፣ «አይ ጊዳንዳሻ?» ጊዳ ባ ዋዛናን ቆፐሺን፣ ቆርኔሊዮሲ ከቲዳ አሳቲ ሲሞና ሶ ኦይቺ ዳሚዲ ካሪን ኡቁደሶና። 18 ባንታ ቃላ ቆቁ ኦሊዲ፣ «ጳጳሮሳ ጊያ ሲሞና እማላቲላን ዳዒይ ሃይሳን?» ያገሰ። ያገረዲ ኦይቺደሶና።

19 ጳጳሮሲ ቆንጩላን ቢዒዳባ ቆፋ ቦላ ዳዒሺን፣ ገሻ እያኒ እያኮ፣ «ሄኮ፣ ሄዙ አሳቲ ኔና ኮኖሶና። 20 ዳንዲዳ ዋፋ፣ ታኒ እንታ ከቲዳ ገሾ ሲዶና እንታራ ባ» ያገሰ።

21 ጳጳሮሲ አሳታኮ ዋጂዲ፣ «ሂንቲ ኮዬይ ታና፤ አይሰ ዩዳቲ?» ያገሰ።

22 እንቲ ዛሪዲ፣ «ኦና ማቶ ሃላቃይ ቆርኔሊዮሲ ከቲሰ። ኢ ጃሎ፣ ያሳ ጎይኒያ አሲኔ አይሁዳ አሳ ኡባን ዳር ቦንቸቲዳ አሲ። ቆርኔሊዮሲ፣ ኔና ባ ሶ ኡሄሲዲ ቃላ ኔ፤ ሲዓና ማላ ገሻ ኪታንቸይ ኢያው ኡዲሰ» ያገረደሶና። 23 ጳጳሮሲ አሳታ ሶ ገልሲዲ ሞከሰ።

ዋንቴላ ጋላሰ፣ ዳንዲዲ እንታራ ቤስ። ዮጴ ካታማን ዳዒያ እማኔይሳታቲ እሲቲ እሲቲ ኢያራ እሲፊ ቢደሶና። 24 ዋንቴላ ጋላሰ፣ ቁሳሪያ ጋከደሶና። ቆርኔሊዮሲ ባ ዳቦታኔ ባ ማታ ላጌታ እሲፊ ጃጊ ሺሺዲ፣ ጳጳሮሳ ናገሰ። 25 ጳጳሮሲ ሶ ገላና ሃኒሺን፣ ቆርኔሊዮሲ ኢያራ ጋሃቲዲ ኢያ ሲንላን ኩንዲዲ ኢያው ጎይናናው ኮዩሰ። 26 ሺን ጳጳሮሲ፣ «ዳንዲ፣ ታካ ታ ሁዒን ኔ ማላ አሲ» ያገረዲ ኢያ ዳንላሰ።

27 ጳጳሮሲ ቆርኔሊዮሳራ ኦዳቲሽ ሶ ገሊያ ዋይ ዳር አሳይ ሸቁዳይሳ ዳሚሰ። 28 ኢ አሳኮ፣ «አይሁዳ አሲ ሃራ ዳራሪ ኢሲፋናው ዋይኮ ጋሃታናው ዋጋ ጊደናይሳ ሃንቲ ኤሪታ። ሺን ታኒ ኦናካ ቱና ዋይኮ ገሺ ጊደና ጎና ማላ ያሳይ ታና ቤሲሰ። 29 ሄሳ ገሾ፣ ሃንቲ ታኮ ከቲን ኢያይ ባይና ያሰ። ሃዒ ታና አይሰ ጃጊሲዳኮ ታው ኦዲቲ» ያገሰ።

30 ቆርኔሊዮሲ፣ «ታኒ ሃቺ ኦይዳ ጋላሳ፤ ካሴ ሃናዴ ኡዳፋን ሳቴ ዋሳ ዋሲሺን፣ ጳሊያ ማኖ ማዒዳ አሲ ታ ሲንላን ኡቁሰ። 31 ኢ ታኮ፣ «ቆርኔሊዮሲ፣ ያሳይ ኔ ዋሳ ሲዒሰ፣ ኔኒ ማንቆታ ማዲዳይሳካ ሃሳይሰ። 32 ሃዛ፣ አሲ ዮጴ ኪታዳ፣ ሲሞን ጳጳሮሳ ጌይሳ ጃጊሳ። ኢ፣ ሲሞና ጊያ ጋልባ ሃሹያ ኡራ ሶን አባ ደናን ሲራቲሰ» ያገሰ። 33 ሄሳ ገሾ፣ ታኒ ኔኮ ኤሊሳዳ ኪታሰ፤ ኔ ሎኖ ያዳሳ። ሃዛ፣ ያሳይ ኔና ከቲዳባ ኡባ ሲዓናው ሃዒ ኔኒ ኡባይ ሃይሳን ጎዳ ሲንላን ዳቦሰ» ያገሰ።

ጳጳሮሳ ሃሳ

34 ካለዲካ፣ ጳጳሮች፡ «የሳይ አሳ ሰዎም ቤዲዲ አሴ አሳፔ ሻኪና። 35 ሺን አሴ ኡባ ኦና ገዲኮካ ባው ያዩይሳኔ ዓሎ ኦሶ ኦሌይሳን ያሳይ ኡፋይቲይሳ ታኒ ቱማ አከካሰ። 36 ያሳይ፣ ኡባ ጎዳ ገዲዳ ዩሱስ ከሪሰቶሳ ባጋራ ሳርቴላ ኦዲሼ ሃ ዋንጌላ አሲራዔሌ አሳሰ ከቲዳይሳ ሂንቲ ኤሪታ። 37 የሃሂሲ ያንቃቲባ ጋለላን ሳባኪዳ ዋዲያፔ ደሚዲ ዩሁዳ ቢታ ኡባ ጋካናው ሃሂዳባ ሂንቲ ኤሪታ። 38 ያሳይ ናዚሬቴ ዩሱሳስ ጌሻ አያናኔ ዋልቃ አሚሰ። ያሳይ ኢያራ ዴዒያ ገሾ ሎዎባ ኢ ኦሌሼ ዓላሃ ኩሼን ሃሪቲዳ ኡባ ጋሌሼ ዩዩሰ።

39 «አይሁዳ ቢታኒይ ዩራሳላሚን ኢ ኦሌዳ ኡባባሰ ኮኒ ማርካታ። ኤንቲ ማሰቃሊያ ቦላ ካቁዲ ኢያ ዋዲዶሶና። 40 ሺን ያሳይ ሃሻንጎ ጋላሳን ሃይቆፔ ኢያ ዴንሲዲ አሳሰ ቆንጫና ሜላ ኦሌሰ። 41 ሃ ቆንጫላይ ያሳይ ኮይሮ ራሪዳ ማርካታሳፌ አቲን አሳ ኡባሰ ገዴና። ኢ ሃይቆፔ ዴንዲዳፔ ጉዬ ኢያራ ሚዳኔ ኡዩዳ። 42 ኮኒ ዋንጌላ አሳሰ ኦዲና ሚላኔ ጋሃ ዴዔይሳታ ቦላኔ ሃይቁዳይሳታ ቦላ ፐርዳናው ያሳይ ሹሚዳይ ዩሱሳ ገዴይሳ ማርካታና ሚላ ኦና ከቲሰ። 43 ያሳይ ኢያ አማኒያ ኡባ ናጋራይ፣ ኢያ ሱጉላን አቶ ጌቲይሳ ናቤቲ ማርካቶሶና» ያገሰ።

አይሁዳ ገዴና አሳቲ አማኒዲ ጌሻ አያና ኤኪዶሶና

44 ጳጳሮሲ ቡር ሃ ኦዳ አንጎናሺን ቃላ ሲዒያ ኡባ ቦላ ጌሻ አያኒ ዋዲሰ። 45 ጳጳሮሳራ ዮጵፌ ዩዳ አማኒያ ቃፃራቲዳ አይሁዳ ኡባይ፣ አይሁዳ ገዴናይሳታ ቦላ ጌሻ አያኒ ጉኪዳ ጌሾ ማለሊቲዶሶና። 46 ጋሶይካ፣ ኤንቲ ዴማ ዴማ ዶናን ሃሳዩሺኒይ ያሳ ጌታቴላ ሳቢሺን ሲዒዶሶና።

ሃ ዋዲ ጳጳሮሲ ዛሪዳ፣ 47 «ሃይሳቲ ቃሲ ኦ ሚላ ጌሻ አያና ኤኪዳይሳቲ ያማቁቶና ሚላ ሃሌ ዲጋናይ ኦኔን?» ያገሰ። 48 ኤንቲ ዩሱስ ከሪሰቶሳ ሱጉላን ያማቁታና ሚላ ኤንታ ከቲሰ። ሃሳፌ ጉዬ፣ ኤንቲ ባንታራ ጉላ ጋላሰ ኡታና ሚላ ጳጳሮሳ ዋሲዶሶና።

11

ጳጳሮሲ ባ ኦሌዳባ ዩራሳላሚ ዋሳ ኬላሰ ኦዲሰ

1 ሃዋሪቲይ ዩሁዳ ኡባን ዴዒያ አማኒይሳቲ፣ አይሁዳ ገዴናይሳቲካ ያሳ ቃላ ኤኪዳይሳ ሲዒዶሶና። 2 ጳጳሮሲ ዩራሳላሚ ቢዳ ዋዲ ቃፃራቲዳ አማኒይሳቲ፣ 3 ኢያኮ፣ «ኔኒ ቃፃራቲናይሳታኮ ጌላዳ ኤንታራ ካላ አይሰ ሚዳ፣» ያገደሶና።

4 ሺን ጳጳሮሲ ሃሂዳባ ኮይሮፔ ደሚዲ ማራን ማራን ኦዲሰ። 5 «ታኒ ዮጵ ካታማን ያሳ ዋሳሽ ቆንጫላ ቢሳሰ። ጌታ አፊላ ዲኒያባይ ኦይዴ ባጋራ ኦይኬቲዲ ሳሎፔ ዋዲሹ ታኮ ዩሰ። 6 ታኒ ቲሽ ካላ ኢያ ገዴ ዩሊያ ዋዲ ዩዴ ቶሆራ ዴዒያ ሜሃታ፣ ዋራ ደግታ፣ ኡሎራ ጎሽቲያ ሜጴቴሳታኔ ሳሎ ካላታ ቢሳሰ። 7 (ጳጳሮሳ፣ ዴንዳ፣ ሹካዳ ማ) ጌያ ቃላ ሲሳሰ።

8 «ሺን ታኒ፣ ሳዳው፣ አካይ፣ ቱናባይ ወይኮ ጌዮናባይ ኡባካ ታ ዶናኮ ሸቂ ኤሪና» ያጋሰ።

9 « (የሳይ ጌሽዳይሳ ኔኒ ቱና ጎፓ) ያጌያ ቃላ ሩምባንጎ ሳሎፔ ዩሰ።

10 «ሄሲ ሃሹ ቶሆ ሃሂን፣ ወርሴላን ኡባባይ ሳሎ ፑዴ ኤኬቲሰ። 11 ሄ ሳቲንካ ሃሹ አሳቲ ቁሳሪያፔ ታኮ ከቲቲዲ ታኒ ዴዒያ ከላ ጋኪ አገደሶና። 12 ሲዶና ኤንታራ ባና ሚላ አያናኢ ታው ኦዲሰ። ቃሲ ሃ ኡሱፑን አሻቲ ዮጵፌ ታራ ቁሳሪያ ቢዳይሳታራ ቆርኔሊዮሳ ሶ ጌሊዳ። 13 ኪታንቸይ ኢያ ሶን ኤቁዲ፣ ዮጵ ኪታዳ ጳጳሮሳ ጌቲቲያ ሲሞና ያገሳ። 14 ኔናኔ ኔ ሶ አሳ ኡባ አሺያ ቃላ ኢ ኔው ኦዳና) ገዴይሳ ቆርኔሊዮሳ ኮሶ ኦዲሰ።

15 «ታኒ ሃሳያ ደሚያ ዋዲ ጌሻ አያና ኮይሮ ኮ ቦላ ዋዲዳይሳዳ ኤንታ ቦላካ ዋዲ አገሰ። 16 ሃ ዋዲ ዮሃሂሲ ሃሳን ያማቁሰ፣ ሺን ሃሂቲ ጌሻ አያናን ያማቁታና) ያገደ ጎዳ ቃላይ ታው ቆፊቲሰ። 17 ያሳይ ኮሰ ጎዳ ዩሱስ ከሪሰቶሳ አማኒዳይሳታሰ አሚዳ አዋታ አይሁዳ ገዴናይሳታሰካ አሚኮ፣ ያቲን ያሳ ዲጋናው ታኒ ኦኔን?» ያገሰ።

18 ኤንቲ ሃሳ ሲዒዳ ዋዲ ባንታ ጋላማ አገዲ፣ «ሃሳ ገዲኮ፣ ያሳይ አይሁዳ ገዴናይሳቲካ ናጋራፔ ሲሚዲ ዴዎን ዳናዳ ቃዳ አሚሰ።» ያገደዲ ያሳ ጋላቲዶሶና።

አንጾያ ዋሳ ኬላ

19 ኢሰጻፋናሴ ሃይቆሰ ጋሌዳ ጎዳ ጋሶን ላሊቲዳ አማኒይሳቲ ቃላ አይሁዳታ ያላላሰ ኦዲሼ ሲርፊንቁ፣ ቆጳሮሳኔ አንጾያ ጋካናው ዩዩዶሶና። 20 ሺን ቆጳሮሳፔኔ ቁሪናፔ ዩዳ ኢሲ ኢሲ አማኒያ አሳቲ አንጾያ ቢዳ፣ ጎዳ ዩሱሳ ዋንጌላ ገሪኬ ካሳሰካ ኡዲዶሶና። 21 ጎዳ ዋልቃይ ኤንታራ ዴሰ፤ ቃሲ ዳር አሳይ አማኒዲ ጎዳኮ ሲሚዶሶና።

22 ሃ ኦዳ ዩራሳላሚን ዴዒያ ዋሳ ኬላይ ሲዒዳ ጌሾ ባርናባሳ አንጾያ ከቲሰ። 23 ባርናባሳ አንጾያ ቢዳ ዋዲ ያሳ አጼ ኬሃቴላ ኦሱጥ ቤዲዲ ኡፋይቲሰ። ኤንቲ ኡባይ ባንታ ኩሜላ ዋዛናን ጎዳን ሚኒዲ ዳና ሚላ ኤንታ ዛሪሰ። 24 ባርናባሳ ጌሻ አያናይኔ አማሮይ ኩሚዳ ሎዎ አሲ ገዲያ ጌሾ ዳር አሳይ ጎዳ አማኒዶሶና።

25 ሄሳፊ ጉዬ፣ ባርናባሲ ሳዖል ኮያናው ቲርሴሴ ቢስ። 26 ያን ሳዖል ደሚዳ ዎዴ እንዮኪያ ኤኪዳ ዩስ። ባርናባሲን ሳዖል ዋሳ ከላ አሳራ ሳይላ ኩሚላ ኡተዳ ዳር አሳ ታማርሲዶሶና። እማኔይሳቲ እንዮኪያን «ከሪስታን» ጌቲቲዳ ኮይሮ ጌጌቲዶሶና።

27 ሄ ዎዴ አሲ ኢሲ ናቤቲ ዩሩሳላሜ፤ እንዮኪያ ዎዲዶሶና። 28 ኤንታ ገደፊ አጋቦሳ ጌይሲ ዳንዲዳ ቢታ ኡሳን ጌታ ኮሺ ኬያናይሳ እያና ዎልቃን ቲንቤቲ ኦዲስ። ሄሲ ሃኒዳይ ሮሚ ካወዋ ቃላወዲዮሳ ዎዴና። 29 እማኔይሳቲ ሁዒን ሁዒን ባንታ ዎልቃ ሚላ ሚሺ ኬሲዳ ዩሁዳን ዳዒያ እማኔይሳታስ ማዴ ዬዳናው ቆፋ ቃቺዶሶና። 30 ኤንቲ ሄሳዳ ኦላዲ፣ ሚሺያ ባርናባሳ ቦላኔ ሳዖል ቦላ ዎሳ ከላ ጨማታስ ዬዲዶሶና።

12

ዎሳ ከላ ቦላ ዎልቃማ ጎዲ ጋከሰ

1 ሄ ዎዴ ካዎይ ሄርዲሲ * ዎሳ ከላ አሳፕ ባጋ ጎዲ ደሚስ። 2 ዮሃንሳ ኢሻ ያይቆባ ማሻን ዎዲስ። 3 ሄሲ እይሁዳታ ኡፋይሲዳይሳ ቢዒዳ፣ ጉጂዳ ጳይሮሳካ ኦይሲስ። ሄሲ ሃኒዳይ ፓሲካ ባሌ ቦንቺያ ጋላሳታና። 4 ጳይሮሳ ኦይኪዳ ቃቺስ። ፓሲካ ቦንቺያ ጋላሳታ፤ ጉዬ ዳሪያ ሲንሐ አላናው አሲዳ፣ ኦይዳ ኦይዳ ዎታዳሬቲ ኢያ ናጋና ሚላ ታማኔ ኡሰቲን ዎታዳሬታስ አላ ኢሚስ። 5 ሄሳ ጊሾ፣ ጳይሮሲ ቃሾ ኬላን ናጌቲስ። ሺን ዎሳ ከላ አሳይ ኢያው ሚንላዲ ያሳ ዋሶሶና።

ከታንቾይ ጳይሮሳ ቃሾ ከላፊ ከሲስ

6 ሄርዲሲ ጳይሮሳ አሳ ሲንሐ ሸሻና፤ ካሴ ቃማ ጳይሮሲ ናምዑ ባጋራ ናምዑ ዎታዳሬታራ ሳንላላታን ቃሸቲዳ ኤንታ ገደን ዲስኪስ። ናጌይሳቲ ቃሾ ከላ ፔንጌታን ኤቄዳ ናጎሶና። 7 እኩኮና ዳዒሺን ጎዳ ከታንቾይ ቆንጨሰ። ቃሾ ከላን ፖይሲ ፖሲስ። ከታንቾይ ጳይሮሳ ሚያ ቦቺ ባርኪሲዳ፣ «ኤሌ ዳንዳ» ያገሰ። ኢራካ ሳንላላታይ ኢያ ኩሺያ፤ ዎዲ አገሰ። 8 ከታንቾይ ኢያጎ፣ «ኔ ማዑዋ ማዳ፣ ኔ ጫማካ አላ» ያገሰ። ጳይሮሲ ሄሳዳ ኦላሲ፤ ከታንቾይ፣ «ኔ ላካና ማዳ ታና ካላ» ያገሰ።

9 ጳይሮሲ ቃሾ ከላፊ ከዬዲ ከታንቾዋ ካሊስ። ኢያው ቆንጨቱላ ቢዒያባ ዳኒሲ፤ ኦቲን ከታንቾይ ኦላያባይ ቱማ ዳኒቢና። 10 ከታንቾይን ጳይሮሲ ኮይሩዋኔ ናምዳንሎ ዎታዳሪያ አዲዳ ካታማ ኤፊያ ቢራታ ፔንጊያኮ ጋኪዶሶና። ፔንጌይ ኤንታው ባርካ ዶዬቲ አገሰ። ኤንቲ ከዬዲ ኢሲ ኦጊያራ ቢሸን ከታንቾይ እኩኮና ጳይሮሳ፤ ሻኬቲ አገሰ።

11 ጳይሮሳስ ዎዲ ሲሚን፣ «ታና ጎዳይ ባ ከታንቾዋ ከቲዳ፣ ሄርዲሳ ኩሺፔኔ ናጌዳ ኡተዳ እይሁዳ አሳ ኡባፊ አሸዳይሳ ሃዒ ቱማ ኤራሰ» ያገሰ።

12 ኢ ሄሳ እኩኪዳ ዎዴ ዳር አሳይ ኢሲፊ ሸቄዳ ያሳ ዎሲያ ቤሳ፣ ማርቆሳ ጊያ ዮሃንሳ አዬ ማይራሚ ሶ ቢስ። 13 ያን ካሪን ኤቄዳ ያገሰ። ኢሲ ሮዳ ጊያ ኦሳንቺያ ፔንጊያ ደያናው ያሱ።

14 ሮዳ ጳይሮሳ ቃላ ገዲዳይሳ ኡሪዳ ዎዴ ኡፋይሳን ኩማዳ ካሪያ ዶዬና ጉዬ ዎዳ ባዳ፣ «ጳይሮሲ ካሪን ኤቄሰ» ያጋዳ አሳስ ኦዲስ።

15 አሳይ ኢኮ፣ «ኔጌ ጎያይ!» ያገደሶና። ሮዳ ጳይሮሳ ገዲዳይሳ ጌሻዳ ኦዲስ። ኤንቲ፣ «ሄሲ ኢያ ናጌያ ከታንቾዋ» ያገደሶና።

16 ሺን ጳይሮሲ ካሪን ኤቄዳ ያገደዳ አጎና ኢሻን አሳይ ካሪያ ዶዬዳ ኢያ ቢዒዳ ማላሌቲዶሶና።

17 ሺን ኤንቲ ሲዒ ጋና ሚላ ጳይሮሲ ባ ኩሺያን ማሊዳ ጎዳይ ቃሾ ከላፊ ኢያ ዋቲ ከሲዳኮ ኤንታው ቆንጨሲ ኦዲዳ፣ «ሃይሳ ያይቆባሲኔ እማኒያ አሳታስ ኦዲቲ» ገዲ ያፔ ከዬዲ ሃራሶ ቢስ።

18 ሳዒ ዎንቲያ ዎዴ «ጳይሮሲ እው ቢዳ» ገዲ ዎታዳሬቲ ዎሊ ገደን ዳር ካጨደሶና።

19 ሄርዲሲ ጳይሮሳ ኮዩሲን፣ ኢ ቆዩዳ ዎዴ ናጌይሳታ ቆሪዳ፣ ኤንታ ዎዳና ሚላ ከቲስ። ሄሳፊ ጉዬ፣ ሄርዲሲ ዩሁዳ፤ ቄሳሪያ ዎዲዳ ያን ጉላ ዎዴ ኡተስ።

ሄርዲሳ ሃይቁዋ

20 ሄርዲሲ ያሮሳ አሳ ቦላኔ ሲደና አሳ ቦላ ዳር ሃንቄቲስ። ኤንታ ቢታይ ካላ ሄርዲሳ ቢታፊ ዳሚያ ጊሾ ኤንቲ ኢሲፊ ገዲዳ ኢያ ዋሪና ቢላስዶሳ ባንታው ጨማ ኦላዲ ጊጋናው ሄርዲሳኮ ቢደሶና።

21 ሄርዲሲ ስንላዳ ጋላሳን ባ ካዎቲላ ኦራላ ማዒዳ፣ አራታ ቦላ ኡተዳ አሳስ ኦዲስ።

22 አሳይ፣ «ሄሲ ያሳ ቃላ፣ አሳ ቃላ ገዳና» ያገደዳ ዋሲዶሶና። 23 ሄርዲሲ ያሳ ቦንቺቦና ጊሾ ኢራካ ጎዳ ከታንቾይ ኢያ ዳቺን ጉፁኔን ሜቲቲዳ ሃይቁሰ።

11:28 ሃ.ኦ 21:10 * 12:1 ካዎይ ሄርዲሲ፣ ሃይሲ ካዎይ ሄርዲሲ፣ ሄርዲሳ ኢገርጸ ጊያ ኮይሩዋ። ኢ፣ 37-44 ማርቆሳ ላይላ ጋካናው ሃሪስ። ኢ ካወዋ ሄርዲሳስ ናና ናና 12:4 ከሳ 12:1-27

24 ሺን ያሳ ቃላይ ዲጩሽኔ ዳልገሼ ቤስ።

25 ባርናባሲኔ ሳገሊ ባንታ ኦሎቅ ፖሊዲ ማርቆሳ ገያ የሃኒሳ ባንታራ ኤኪዲ ዬሩሳላሜ፤ ስሚደሶና።

13

ባርናባሲኔ ሳገሊ ኪትደሶና

1 እንደክያን ደዲያ ዋሳ ኩላን ናቤቲኔ አስታማሪቲ ደደሶና። ኤንቲ ባርናባሳ፣ ካሬሌ ጌቲቲያ ስሞና፣ ቀሪና፤ ዪዳ ሉክሶሳ፣ ካወቀ ሄርዲሳራ ዲጩዳ ሚናሄኔ ሳገላ። 2 ኤንቲ ጎዳ ጎይኒሽኒኔ ያሚሽን ገሻ አያናይ፣ «ታኒ ያገዳ ኦሎቅሰ ባርናባሳኔ ሳገላ ታው ዲማዬቲ» ያገላ።

3 ሄሳ ገሹ፣ ኤንቲ ያሚዳ፤ ዋሲዳ፤ ጉዬ ባንታ ኩሺያ ኤንታ ቦላ ዋሌዲ ዬዲደሶና።

ባርናባሲኔ ሳገሊ ቆጶሮሳ ቢደሶና

4 ሄሳ ገሹ፣ ገሻ አያኒ ኤንታ ኩቲስ። ሴሌወቄ ቢደሶና፤ ያፔ ማርካቤን ጌሊዲ ቆጶሮሳ ሃሳን ቴቄቲዳ ቢታ ቢደሶና። 5 ኤንቲ ሲልማና ጋኪዲ አይሁዳ ዋሳ ኩላታን ያሳ ቃላ ኦዲደሶና። የሃኒሲ * ማዲሽ ኤንታራ ዳዲስ።

6 ኤንቲ ቆጶሮሳ ሃሳን ቴቄቲዳ ቢታ ካንሊዲ ጳፋ ጋኪያ ዋዴ ኢሲ ዋርዳንቸ ናቢያ ባር-ዬሱሳ ገያ አይሁዳ ማሩዋ ደሚደሶና። 7 ሄ ማርይ ዳሪያ አይሲያ ሳርገዮስ ጳውሎሳ ገያ አኪካንቸ አዲያራ ዳዲስ። ሳርገዮስ ጳውሎሲ ባርናባሳኔ ሳገላ ባኩ ያገዳ ያሳ ቃላ ሰዓናው ኮዩስ። 8 ሺን ገሪኮ ዶናን ማሩዋ ስንሳይ «ኤልማሳ» ጌቲቲስ። ኢ ዳሪያ ሃሪይሲ አማና ሜላ ዲጋናው ኮዩዲ ባርናባሳራኔ ጳውሎሳራ ኤቄቲስ።

9 ሺን ጳውሎሳ ገያ ሳገሊ ጌሻ አያናን ኩሚዲ ማሩዋ ጫዲ ያሊዲ። 10 «ላ፣ ያላሄ ናናው፣ ኢታቲሌ ኡባይ ኩሚዲይሶ፣ ያራቴላ ኡባስ ሞርኪያው፣ ሱራ ጎዳ ኦጊያ ሚርቄይሳ አገኪ? 11 ሄኮ፣ ሃዲ ጎዳ ኩሼይ ኔ ቦላ ዳዲስ። ኔኒ ቆቄ ገዳና፤ ጉላ ዋዴስ አዋ ፖግ ቤሳካ» ያገላ።

ኢራ ጫጋናይኔ ቆሚይ ኢያ አይፊያ ጎዘን፣ ባ ኩሺያ ኦይኪዲ ካሌሌያ አሲ ኮዩሼ ዩዩስ። 12 ዳሪያ ሃሪይሲ አሳ ቤዲዳ ዋዴ ጎዳባ ታማርሴይሳን ማላሊቲዲ አማኒስ።

ባርናባሲኔ ጳውሎሲ ጲሲዲያ እንደክያ ቢደሶና

13 ጳውሎሲኔ ኢያራ ዳዲይሳቲ ጳፋ፤ ደንዲዲ፣ ጲሻፊሊያን ደዲያ ጲርጌ ማርካቤራ ቢደሶና። የሃኒሲ ኤንታፊ ሻኬቲዲ ዬሩሳላሜ ስሚስ። 14 ሺን ኤንቲ ጲርጌፊ አጲዲ ጲሲዲያን ደዲያ እንደክያ ጋኪደሶና። ሳሞባታ ጋላስ አይሁዳ ዋሳ ኩሌ ጌሊዲ ኡቲደሶና። 15 ሙሴ ሂጌይኔ ናቢታ ማፃፋይ ናባቤቲዳ፤ ጉዬ አይሁዳ ዋሳ ኩላ ሃላቃቲ፣ «ኑ አሻቶ፣ አሳ ሚንሐሌያ ቃሊ ሂንቲው ደዲያኮ አሳስ ኦዲርኩቲ» ያገሊ ኤንታ ኪትደሶና።

16 ጳውሎሲ ደንዲ ኤቄዲ ባ ኩሼ ማሊዲ፣ «ኢሰራዴሌ አሳታው፣ ቃሲ ያሳ ጎይኒያ አይሁዳ ገደና አሳው፣ ሰዲቲ። 17 ሃ ኢሰራዴሌ አሳ ያሳይ፣ ኑ ማይዛታ ዶሪስ። ገብጻ ቢታን አማላቲላን ኤንቲ ዳዲሽን፣ ኤንታ ዳርሲዲ ባ ጌታ ዋልቃን ገብጻ ቢታፊ ኤንታ ኬሲስ። 18 ባዞ ቢታን ኦይታው ላይላ ሜላ አይሲያ ዳይናታ ኤንታው አሚስ። 19 ካናኔ ቢታን አይሁዳ ገደና ላፔን ካዋቲላታ ዳጊዲ ኤንታ ቢታ ባ አሳ ላቲሲስ። 20 ሄሳፊ ጉዬ፣ ናቢያ ሳሙዴላ ዋዴ ጋካናው ኦይዲ ይታኔ አሻታው ላይላ ሜላ አይሲያ ዳይናታ ኤንታው አሚስ። 21 ሄሳፊ ጉዬ፣ ኤንቲ ባንታው ካዋ አማና ሜላ ዋሲን፣ ያሳይ ቢኒያሜ ሹሻቲ ቄሴ ናዳ፣ ሳገላ ኦይታው ላይላ ካዋታና ሜላ ኤንታው አሚስ። 22 ያሳይ ሳገላ ሻሪዳ፤ ጉዬ ኤንታ ቦላ ዳዊቲ ካዋሌስ። ያሳይ ዳዊቲግ ማርካቲሼ፣ ታኒ ኮያ ኡባ ታ ዋዛና ሜላ ኦሌያ ኢሴዬ ናና ዳዊቲ ደማስ» ያገላ።

23 «ዳሳይ፣ ታኒ ዳዊቲ ሹሻቲ ኢሰራዴሌ ዳሪያ አሹይሳ ኤሃና፣ ገደይሳ ሜላ ዬሱሳ ኤሃስ። 24 ዬሱሲ ያና፤ ጉዬ ሲካሌ ኢሰራዴሌ አሳ ኡባይ ባንታ ናጋራቲ ስሚዲ ያማቄታ ሜላ የሃኒሲ ቃላ ኦዲስ። 25 ቃሲ የሃኒሲ ባ ኦሎቅ ማርቆሳ ሃኒሹ አሳኮ፣ ታና ኦና ገዲ ቆፔቲ? ታኒ ሂንቲ ናገያ ኪሪስቶሳ ገዲኬ፣ ሺን ታኒ ኢያ ጫማ ቢርሻናው ታው ቤሶናይሲ ታፔ ጉዬራ ዬስ» ያገላ።

26 «አሻቶ፣ አብራሃሜ ሹሻቶ፣ ቃሲ ሃይሳን አይሁዳ ገደናሽን ያሳስ ያዬይሳቶ፣ ሃ አቶቲላ ቃላይ ኦስ ኪትቲስ። 27 አይሰ ገኩ፣ ዬሩሳላሜን ደዲያ አሳይኔ ኤንታ ሃላቃቲ ዬሱሳ ኤሪቦኮና። ሳሞባታ ኡባን ናባቤቲያ ናቢታ ቃላ አኪኪሶና ገሻ ኢያ ሲርዲዲ ናቤቲ ኦዲዳ ቃላ ፖሊደሶና። 28 ዬሱሳ ዋጲሳናው ኢሲ ጋሪይካ ጳዩን ጲላያሲ ኢያ ዋጲና ሜላ ዋሲደሶና። 29 ኤንቲ ዬሱሳባይ

* 13:5 የሃኒሲ፣ ሃ ቤሳን ያፊቲዳ የሃኒሲ፣ ሃዋሪያ የሃኒሳ ገደናሽን የሃኒሰ ማርቆሳ ጌቲቲያ ማርቆሳ ዋንጌላ ያፊዳዳላ።
13:17 ከላ 1:7፣ ከላ 12:51 13:18 ታይ 14:34፣ ዛሬ 1:31 13:19 ዛሬ 7:1፣ ኢያ 14:1 13:20 ዛሬ 2:16፣ 14፣ 3:20 13:21 14፣ 10፣ 8:5 10:21 13:22 14፣ 10፣ 13:14፣ 16:12፣ ማክ 89:20 13:24 ማር 1:4፣ ሉቃ 3:3 13:25 ማቶ 3:11፣ ማር 1:7፣ ሉቃ 3:16፣ የሃ 1:20፣ 27 13:28 ማቶ 27:22-23፣ ማር 15:13-14፣ ሉቃ 23:21-23፣ የሃ 19:15

ገሻ ማፃፋን ፃፊቲዳባ ኡባ ፖሊዳ ዋዴ ማስቃሊያፕፔ ኢያ ዋጲሲዲ ሞጊደሶና። 30 ሸን ያሳይ ሃይቆፔ ዬሱሳ ዴገሰሰ። 31 ሄሳፌ ገዬ፣ ኢ ባራ ጋለላፔ ዬሩሳላሜ ዪዳይሳታስ ዳር ቶሆ ቤንቲሰ። ኢንቲ ሃዲ ኢያባ አሳስ ማርካቶሶና።

32 «ያሳይ ኑ አዋታስ ኢማና ጊዳ ዋንጌላ ኑኒ ሂንቴው ኦደሰ። 33 ዳዊቲይ ባ ማዝሙራ ማፃፋን ናሞዓንሉ ሸሞፑዋን፣ ሳኒ፣ ታ ናዓ፣

ታኒ ሃቸ ኔና ዬላሰ)

ጌቲቲዲ ፃፊቲዳ ዬሱሳ፣ ያሳይ ሃይቆፔ ዴገሰዲ ኑ ማይዘታስ ኢማና ጊዳይሳ ኑስ ኤንታ ናይታስ ፖሊሰ። 34 ኢ ዋቆና ማላ ያሳይ ሃይቆፔ ኢያ ዴገሰን ኤሪሳናው።

ታኒ ዳዊቲሰ ኢማና ጊዳ አማኔቲዳ ገሻ አንጃዋ ሂንቴው ኢማና ምጊዲ ኦደሰ።

35 ሄሳ ጊሾ፣ ማዝሙራ ማፃፋን ሃራሱን ቃሰ፣

ሴ ገሻ ናዓ አሃ ዋቂሳካን ያጌሰ።

36 «ዳዊቲይ ባ ዋዴ ያሳ ቆፋ ፖሊዳፕፔ ገዬ ሃይቂዲ ባ አዋታራ ሞጌቲዲ ዋቂሰ። 37 ሸን ያሳይ ሃይቆፔ ዴገሰዲደሲ ዋቂሰና።

38 «ሄሳ ጊሾ፣ ታ አሻቶ፣ ናጋራ አቶቲላይ ዬሱሳ ባጋራ ካሲቲዲ ሂንቴው ኦደቲዳይሳ ኤሪቴ። ሙሴ ሂጌይ ናጋራፕ ያሊሳናው ዳንዳዒና። 39 ሸን ዬሱሳ አማኒያ ኡባይ ናጋራፕ ያሊሰ። 40 ሄሳ ጊሾ፣ ናቤቲ ጊዳይሲ ሂንቴ ቦላ ጋኮና ማላ ናጌቲቴ።

41 «ያሳይ ጊዳባ ለቂሴይሳቶ! ቤዒቲ! ማላሌቲቴ! ጳዌቴ!

ኢንካ ኦዲን፣ ሂንቴ አማና ኦሱዋ ታኒ ሂንቴ ዋዲያን አላና » ያጌሰ።

42 ጳውሎሲኔ ባርናባሲ አይሁዳ ዋሳ ከላፌ ከዪሸን፣ ካለያ ሳሞባታን ሄሳ ጉጃዲ ኦዳና ማላ አሳይ ኤንታና ዋሲደሶና። 43 ሸቆይ ለሌቲዳፕፔ ገዬ ዳር አይሁዳቴኔ አይሁዳታ አማኑዋን ጌሊዲ ያሳ ጎይኒያ ዳርቲ ጳውሎሳኔ ባርናባሳ ካለደሶና። አማኒዳይሳቲ ያሳ አቆ ከሃቴላን ማኒዲ ዳና ማላ ኤንታ ዘሪደሶና።

44 ካለያ ሳሞባታን ካታማን ዴዒያ አሳፕ ዳርቲ ያሳ ቃላ ሲናናው ሸቂደሶና። 45 ሸን አይሁዳቲ ዳር አሳ ቤዒዳ ዋዴ ጳውሎሳ ቃናቲዲ ኢያ ሃሳያ ኢጂዲ ኢያ ጫዪደሶና።

46 ጳውሎሲኔ ባርናባሲ ያዮና፣ «ያሳ ቃላይ ኮይርቲዲ ሂንቴው ኦደታናው ኮሼሰ። ሸን ሂንቴ ቃላ ኢጂዲ ሜሪና ዴቦዋ ኤካናው ኑስ ቤሲና ጊዲ ሂንቴ፣ ሂንቴ ሁዒን ፐርዲዳ ጊሾ ሂዛ ኑኒ አይሁዳ ጊደናይሳታኮ ሲሞሰ። 47 ጋሶይካ ጎዳይ፣

ሳላሜ ኩሜሳይ ኔ ባጋራ አታና ማላ፣

ታኒ ኔና አይሁዳ ጊደና ዴሪያስ ፖፕ ኦሳሰን ያጌዲ ኑና ከቲሰ» ያጌደሶና።

48 አይሁዳ ጊደናይሳቲ ሄሳ ሲዒዳ ዋዴ ኡፋይቲዲ ያሳ ቃላ ቦንቸደሶና። ቃሲ ሜሪና ዴቦዋስ ደሪቲዳ ኡባይ አማኒደሶና።

49 ጎዳ ቃላይ ሄ ቤታ ኡባ ጋኪሰ። 50 ሸን አይሁዳቲ፣ አይሁዳ ጊደና ያሴ ጎይኒያ ዴራ ማጫሳታኔ ካታማን ዴዒያ ጊታ አሳታ ጳውሎሳ ቦላኔ ባርናባሳ ቦላ ዴገሰደሶና። ሄ አሳቲ ኤንታ ጎዳ ደሚዲ ባንታ ቤታፌ ከሲደሶና። 51 ሸን ጳውሎሳኔ ባርናባሳኔ ኢጂይሳታስ ማላ ጊደና ማላ ባንታ ቶሁዋፕፔ ባና ፒቲዲ ኢቆኒዮኔ ካታማ ቢደሶና። 52 ቃሲ አንጾኪያን ዴዒያ አማኒይሳቲ ገሻ አያናኒኔ ኡፋይሳን ኩሚደሶና።

14

ጳውሎሲኔ ባርናባሲ ኢቆኒዮኔ ቢደሶና

1 ካሴይሳዳካ፣ ጳውሎሲኔ ባርናባሲ ኢቆኒዮኔን አይሁዳታ ዋሳ ከላ ጌሊዲ ዳር አይሁዳቴኔ አይሁዳ ጊደናይሳቲ አማና ጋካናው ቃላ ኦዲደሶና። 2 ሸን አማኒቦና አይሁዳቴ፣ አይሁዳ ጊደናይሳታ ዋዛና ለሚዲ አሻታ ቦላ ዴገሰደሶና። 3 ሃዋሪቲ ያን ዳር ዋዴ ጋሞዒደሶና። ኤንቲ ያዮና ጎዳባ ኦዲደሶና። ጎዳይ ማላታታኔ ኦራላባ ኤንቲ አላና ማላ ኤንታው ማታ አሚዲ ባ አቆ ከሃቴላ ቃላይ ቱማ ጊዳይሳ ቆንጨሲሰ። 4 ሸን ሄ ካታማ አሳይ ሻኩቲዲ፣ ባጋይ አይሁዳታራ ባጋይ ቃሲ ሃዋሪታራ ጊዳሰ።

5 አይሁዳ ጊደናይሳቲኔ አይሁዳቲ ባንታ ሃላቃታራ ኢሲፌ ጊዲዲ ሃዋሪታ ቆሃናውኔ ሹቻን ጫዳናው ኮዪደሶና። 6 ሃዋሪቲ ሄሳ ኤሪዲ፣ ሊሰፂራኔ ዳርቤ ጊያ ሊቃዶኒያ ካታማታኔ ኤንታ ሄራን ዴዒያ ቤታ ባቃቲደሶና። 7 ያን ዋንጌላ ኦዲደሶና።

13:29 ማቶ 27:57-61፤ ማር 15:42-47፤ ሉቃ 23:50-56፤ ዮሃ 19:38-42 13:31 ሃ.ኦ 1:3 13:33 ማዝ 2:7
13:34 ኢሳ 55:3 13:35 ማዝ 16:10 13:41 ኢብ 1:5 13:47 ኢሳ 42:6፤ 49:6 13:51 ማቶ 10:14፤ ማር 6:11፤ ሉቃ 9:5፤ 10:11

ጳውሎስን ባርናባስ ሊስዳራንን ዳርቤን

8 ዬሌቶሳፔ ደሚዲ ናምዑ ቶሆይ ዋበን ሃሙተ ኤሮና ኢሲ አዳይ ሊስዳራን ዳርቤ። 9 ሄ አዳይ ጳውሎስ ኦዲሽን ከተዲ ሰዓሱ። ጳውሎስ ኢያ ጫዲዲ ጻሊያ ዋዴ ፓግናው ኢያው አማናይ ዳዔይሳ በዒዲ። 10 ባ ቃላ ቶቁ ኦሊዲ። «ሰጥ ገዳ ኔ ቶሁዋን ኤቃ» ያረሰ። ያጥ፣ ጉፒ ዳንዲ ኤቁዲ ሃሙሳ ደሚሰ።

11 ጳውሎስ ኦሊዲይሳ አሳይ በዒዲ ባንታ ቃላ ቶቁ ኦሊዲ ሊቃዖንያ ደና፣ «የሳጥ አሲ ዳንዲ ኮኮ ዋዲደሶና» ያረደሶና። 12 ባርናባሳ፣ «ዲያ» ገዲ፣ ጳውሎስ ሃሳያን ዋናቲያ ገሾ ኢያ፣ «ሄርሜሳ» ገዲ ሱንሊደሶና። 13 ካታማፔ ገግን ዳዒያ ኤቃ ዲያ ከላ ካሂይይኔ አሳይ ኮርማታኔ አሊቆ ጩሻታ ሃዋሪታስ ያርሻናው ኮዩዲ ካታማ ፔንጌ ኤሂደሶና።

14 ሽን ባርናባሱን ጳውሎስ ሄሳ ሰዒዳ ዋዴ ኤንቲ አላናው ቆፒዳይሳ ኢዲዲ ባንታ ማዑዋ ፔዲደሶና። አሳ ገዲ ዋይ ጌሊዲ። 15 ባንታ ቃላ ቶቁ ኦሊዲ፣ «አሳው፣ ሃይሳ አይሰ ኦሌቲ? ኮካ ሂንቲ ሜላ አሴ። ሃ ፓሶናባፔ ሳሉዋኔ ሳግ፣ አሳኔ ኤንታ ገደን ዳዒያ ኡባባ ሜዲዳ ዳዖ ያሳኮ ሂንቲ ሰማና ሜላ ሂንቲው ኮኒ ባንገላ ኦደሰ። 16 ኢ በኒ አሳ ባንታ ኦፒያ ባና ሜላ ዬዲ አረሰ። 17 ሽን ኢራ ሳሉዋፔ ቡኪሲ፣ ካላካ ዋዴን ዋዴን አሚሰ፣ ካላ አሚዲ ሂንቲና ዳር ኡፋይሲስ፣ ያተዲ ሂንቲው ሎዋባ ኦሊዲ ባው ማርካ ጳይሲቤና» ያረደሶና። 18 ሃዋሪታ ሄሳ ገዲ ባንታው አሳይ ያርሾና ሜላ ዋዩዲ ዲገደሶና።

19 አንጾኪያፔኔ ኢቆኒዮፔኔ ዩዳ አይሁዳ፣ አሳ ባንታ ባጋ ዛሪዲ ሹቻን ጳውሎሳ ጫዲደሶና። ኤንታው ኢ ሃይቁዳባ ዳንጎ ካታማፔ ገግ ጎቹ ኤፊዲ ዩገደሶና። 20 ሽን አማኔይሳጥ ዩዲ፣ ኢያ ዩሹዋን ኤቁዳሽን ኢ ዳንዲዲ ካታማ ጌሊሰ። ዋንቲላ ጋላሰ ባርናባሳራ ኢሲፊ ዳርቤ ቢስ።

ጳውሎስን ባርናባስ ሶሪያ አንጾኪያ ሰሚደሶና

21 ኤንቲ ዳርቤ ካታማን ዋንገላ ኦዲዲ ዳርታ አማንላዳፔ ጉዬ ሊስዳራ፣ ኢቆኒዮፔኔ ጳሊዲያ አንጾኪያ ሰሚደሶና። 22 ያን አማኔይሳታ ሚንሌላሽኔ ኤንቲ አማኖን ሚኒዲ ዳናና ሜላ ዘሪሽ፣ «የሳ ካዋቲላ ጌላናው ኮኒ ዳር ዋዬ ኤካናው ቤሴስ» ያረዲ ታማርሲደሶና። 23 ቃሲ ዋሳ ከላታስ ሁዒን ሁዒን ጨማታ ደሪደሶና። ያሚዳፔኔ ዋሲዳፔ ጉዬ ኤንቲ አማኒዳ ጎዳሰ ኤንታ ሃዳራ አሚደሶና።

24 ጳሊዲያ ቢታ ካንላዲ አዲዲ ጳንፊሊያ ቢደሶና። 25 ጳርጌን ቃላ ኦዲዳፔ ጉዬ አጻሊያ ቢደሶና። 26 ያፔ ኤንቲ ባንታ ፖሊዳ ኦሱዋስ ያሳ አዶ ከሃቲሳስ ኤንታ ሃዳራ አሚዳ አንጾኪያ ማርካቤራ ሰሚደሶና።

27 አንጾኪያ ጋኪዳ ዋዴ ዋሳ ከላ አሳ ሽሽዲ ያሳይ ኤንታራ ኦሊዳ ኦሱዋ ኡባኔ አይሁዳ ገደና አሳይ አማናና ሜላ ኤንታው ዋጥ ፔንጌ ደዩዳኮ ኦዲደሶና። 28 ሄሳን አማኔይሳታራ ዳር ዋዴ ጋምዒደሶና።

15

ዬሩሳሌም ሸቆዋ

1 ኢሲ ኢሲ አሳጥ ዩሁዳፔ አንጾኪያ ቢዲ፣ «ሙሴ ዋጋሶ ሂንቲ ቃግራቶና ኢዲኮ አታናው ዳንዳዒኤታ» ገዲ አማኔይሳታ ታማርሶ ደሚደሶና። 2 ሄሲ ጳውሎሳኔ ባርናባሳ ኤንታራ ዳር ፓላማናዳኔ ካጫናዳ ኦሊስ። ሄሳ ገሾ፣ አንጾኪያን ዳዒያ ኢሲ ኢሲ አሳጥ ጳውሎሳራኔ ባርናባሳራ ዬሩሳሌም ቢዲ ሃዋሪታራኔ ጨማታራ ጋሂቲዲ ሄ ኦዳ ቢላና ሜላ ቆፋ ቃቺደሶና።

3 ዋሳ ከላይ ኤንታ ከተን ቢደሶና፣ ኤንቲ ሲሪፊንቁ ሳማሬራ አዲሽ አይሁዳ ገደናይሳጥ ያሳኮ ዋኒዲ ሰሚደሶና ኦዲደሶና። ሄሲ አማኔይሳታ ኤባ ዳር ኡፋይሲስ። 4 ኤንቲ ዬሩሳሌም ጋኪዳ ዋዴ ዋሳ ከላይ፣ ሃዋሪታኔ ጨማታ ኤንታ ሞኪደሶና። ያሳይ ባንታራ ኦሊዳባ ኡባ ኦዲደሶና። 5 ሽን ፋሪሳዊታ ባጋፊ አማኒዳ ኢሲ ኢሲ አሳጥ ዳንዲ ኤቁዲ፣ «አይሁዳ ገደናሽን አማኒዳ አሳጥ ቃግራታዉኔ ሙሴ ሂንያ ናገናው ቤሴስ» ያረደሶና።

6 ሃዋሪታኔ ጨማታ ሄሳ ዘሪታናው ሸቁደሶና። 7 ዳር ሃሳይዳፔ ጉዬ፣ ጳይሮሲ ዳንዲ ኤቁዲ፣ «ታ አሻቶ፣ አይሁዳ ገደናይሳጥ ዋንገላ ቃላ ታ ደናፔ ሰዒዲ አማናና ሜላ ካሲቲዲ ታና ያሳይ ሂንቲ ገደፊ ደሪዳይሳ ሂንቲ ኤሬታ። 8 አሳ ዋዛና ኤሬያ ያሳይ ገሻ አያና ኮስ አሚደይሳዳ ኤንታዉካ አሚዲ ተማይሰ። 9 አማኖን ኤንታ ዋዛና ገሽዳ ገሾ ኮ ገደኒኔ ኤንታ ገደን ዳማቲላ ዋሊቤና። 10 ሄሳ ገሾ፣ ኮ አዋቲኔ ኮኒ ቶካናው ዳንዳዒባና ቃምባራ አማኔይሳታ ሞርጌን ዋሊዲ ሃዒ አይሰ ያሳ ፓጩቲ? 11 ጎዳ ዩሱስ ኪሪሰቶሳ አዶ ከሃቲሳን ኤንቲ አተዳይሳዳ ኮካ አተዳይሳ አማናሰ» ያረሰ።

12 አሳይ ሰዒ ገዲ፣ ባርናባሱን ጳውሎስ አይሁዳ ገደና አሳ ገደን ባንታ ባጋራ ያሳይ ኦሊዳ ማላታታኔ ኦራላባ ኡባ ኦዲሽን ሲሶሶና።

13 ኤንቲ ሃሳያ እንገዳጥ ጉዬ ያይቆቤ፣ «እሻቶ፣ ታ ጌይሳ ሲባቴ። 14 ያሳይ አይሁዳ ጊደናይሳታ ጊደፊ ባ አሲ ደራናው ኮዩዲ ኤንታና ኮይሮ ዋቴዲ ቆፒዳኮ ሲሞኒ ኦዲሲ። 15 ናቤታ ቃላይ ሃይሳራ ጌኔሰ። ገሻ ማፃፃ፣

16 ሃይሳፊ ጉዬ፣ ታኒ ሲማና፣
ኩንዲዳ ዳዊቴ ካዎቴላ ዴንሳና።
ላሌቴዳ ኬላካ ዛራ ኤሳና።

17 አቴዳ አሳ ኡባይ ታኮ ያና፣
ታኒ ዌጊዳ አይሁዳ ጊደና አሳ ኡባይ ታና ኮያና። 18 ቤኒፔ ደማዳ ሄሲ ኤሬታና ማላ ኦሴዳ ያሳይ፣ ታኒ ያጋይሰን ያጌሰ።

19 «ሄሳ ጊሾ፣ ታ ቆፋይ ያሳኮ ሲሚያ አይሁዳ ጊደናይሳታ ኮኒ ዋይሶናኮ ሎያ። 20 ሸን ኤንቲ ኤቃሰ ያርሼቴዲ ቱኒዳባ ሞና ማላ፣ ሳይማቶና ማላ፣ ባወታ ሞና ማላኔ ሱላ ኡዮና ማላ ኤንታው ኮኒ ዳብዳቤ በፃፋናው ኮሸሰ። 21 ሙሴ ሂጌይ ቤኒፔ ደማዲ ሳምባታን ሳምባታን አይሁዳ ዋሳ ኬላታን ናባቤቴሼ ካታማ ኡባን ሳባኬቴሰ» ያጌሰ።

22 ሄሳፊ ጉዬ፣ ሃዋሪቴኔ ጨማቴ ዋሳ ኬላ አሳ ኡባይ አሲፊ ባንታ ጊደፊ ጉላ አሳታ ደራዲ ጸወሎሳራኔ ባርናባሳራ አንጾኪያ ዩዳዳው ቆፋ ቃቺደሶና። ኤንቲ ዳሮ ቦንቼቴዳ ናምቡ አሳታ ባርሳባሳ ጌቴቴያ ዩሳዳኔ ሲላሲ ደራደሶና። 23 ሃይሳዳ ጌቴቴ ያፊቴዳ ዳብዳቤያ ኤንታ ቦላ ዩዲደሶና። «ኮኒ ሃዋሪቴኔ ጨማቴ ሂንቴ አሻቴ፣ አንጾኪያን፣ ሶሪያኒኔ ከልቁያን ዳዲያ አይሁዳ ጊደና አሻታሰ ጉ ሳርሱዋ ከቶሰ።

24 «ኮኒ ከቶና አሳቴ ጌ ጊደፊ ቢዲ፣ ሂንቴ ቃፃሬታናውኔ ሂጊያ ናጋናው ቤሴሰን ጊዲ፣ ሂንቴና ዋይሲዳይሳኔ ዩሎዩዳይሳ ሲባዲ። 25 ኮኒ ደሲያ ባርናባሳኔ ጸወሎሳ ደራቴዳ አሳታራ አሲፊ ሂንቴኮ ከታናው አሲ ዋዛናን ጉ ቆፋ ቃቺደ። 26 ኤንቲ ጉ ጎዳ ዩሱሰ ከሪሰቶሳ ጊሾ ባንታ ዳቡዋ አላ አሚደሶና። 27 ሄሳ ጊሾ፣ ኮኒ ያፊዳይሳ ኤንቲ ባንታ ደናን ጉጂዲ ሂንቴው ኦዳና ማላ ዩሁዳኔ ሲላሲ ከቴዳ።

28 «ሃ ኮሼይሳታቴ አቴን ሃራ ቶሆ ሂንቴና ቶሶና ማላ ኮኒ ገሻ አያናይ ኦዳ ቃቺደ። 29 ኤቃሰ ያርሼቴዲ ቱኒዳባ ሞፒቴ፣ ሱላ ኡዮፒቴ፣ ባወታ ሞፒቴ፣ ላይማቶፒቴ፣ ሃ ኡባፊ ሂንቴ፣ ሂንቴ ሁዒያ ናጊኮ ሎያባ ኦሳታ» ያጌደሶና።

30 ሄሳ ጊሾ፣ ከቴቴዳይሳቴ ሞይዘቴዲ አንጾኪያ ቢዲ አማኒያ አሳ ሸሸዲ፣ ዳብዳቤ አሚደሶና። 31 ኤንቲ ሃ ሚንጼሊያ ዳብዳቤያ ናባቤዳ ዋይ ኡፋይቴደሶና። 32 ቃሲ ዩሁዳኔ ሲላሲይ ባንታ ሁዒን ናቤ ጊዲያ ጊሾ አማኔይሳታ ሎይላ ዘራዲ ሚንጼሊደሶና። 33 ኤንቲ አንጾኪያን ጉላ ጋላሰ ኡቴዳፔ ጉዬ አሻቴ ሎያራ ሞይዘን ባንታና ከቴዳይሳታኮ ሲሚደሶና። 34 * [ሸን ሲላሲይ ያን አታናው ኮዩሰ።]

35 ቃሲ ጸወሎሲኔ ባርናባሲ ሃራ ዳሮ አሳታራ አሲፊ ጎዳ ቃላ ታማርሲሼኔ ዋንጌላ ኦዲሼ አንጾኪያን ጋምዒደሶና።

ጸወሎሲኔ ባርናባሲ ሻኬቴደሶና

36 ጉላ ጋላሳፔ ጉዬ ጸወሎሲ ባርናባሳኮ፣ «ኮኒ ጎዳ ቃላ ኦዲዳ ካታማ ኡባን አማኔይሳቴ ዋኒዲ ዳዲያኮ ጉዬ ሲሚሼ ያምሳና» ያጌሰ። 37 ባርናባሲ ማርቆሳ ጌቴቴያ ዮሃንሳ ባንታራ ኤፋናው ኮዩሰ። 38 ሸን ጸወሎሲ ማርቆሳ ባንታራ ኤፋናው ኮዩሰና። ጋሪይካ፣ ኢ ጳንገፊሊያን ሻኬቴዲ ኤንታራ ኦላናው ቢቤና። 39 ኤንታ ጊደን ኢታ ኦሽ ኬዩን አሲይ አሱዋፊ ሻኬቴደሶና። ባርናባሲ ማርቆሳ ኤኪዲ ማርካቤራ ቆጳርሳ ቢሰ። 40 ሸን ጸወሎሲ ሲላሲ ደሪሰ፤ አማኔይሳቴ ጸወሎሳ ያሳ አጾ ከሃቴሳሰ ሃዳራ አሚዳፔ ጉዬ ኢ ኬዩዲ ቢሰ። 41 ያቴዲ፣ ዋሳ ኬላታ ሚንጼሊሼ ሶሪያራኔ ከልቁያራ አጲሰ።

16

ዲሞቴዮሲ ጸወሎሳራኔ ሲላሲራ ጋሂቴሰ

1 ጸወሎሲ ዳርቤኔ ሊሰፃራ ቢሰ። ያን ዲሞቴዮሳ ጊያ አማኒያ አሲ ዳዴሰ። ኢያ አያ አማኒያ አይሁዳ ማጫሲ፣ ኢያ አዋይ ገሪኬ አሲ። 2 ሊሰፃራኒኔ አቆኒዮን፤ ዳዲያ አማኔይሳቴ ዲሞቴዮሳባ ሎይላዲ ዳርካቴደሶና። 3 ጸወሎሲ ዲሞቴዮሳ ባራ ኤፋናው ኮዩዲ፣ ኢያ አዋይ ገሪኬ አሲ ጊዲዳይሳ ሄ ቤሳን ዳዲያ አይሁዳ ኡባይ ኤሪያ ጊሾ ኢያ ቃፃሪሰ። 4 ኤንቲ ካታማታራ ቢሼ ዩራሳላሚን ዳዲያ ሃዋሪቴኔ ጨማቴ ዋላዲ ሂጊያ አማኔይሳቴ ናጋና ማላ ኤንታው ኦዲሼ አጲደሶና። 5 ሄሳ ጊሾ፣ ዋሳ ኬላቴ አማኖን ሚኒሼ፣ ታይቦንካ ጋላሰ ጋላሰ ዳሪ ዳሪ ቢደሶና።

ጸወሎሲ ማቄደኒያ ባናዳ ያጌቴሰ

15:16 አዋ 9:11-12 15:20 ኬሳ 34:15-17፤ ለዌ 17:10-16፤ 18:6-23 * 15:34 አሲ አሲ ማፃፃታን ገይዶ 34 ዋ። 15:38 ሃ.ኦ 13:13

6 ኢሲያን ቃላ ኦደና ማላ ገሻ ኣያናይ ኤንታ ዲጊዳ ገሾ ጲርጌራኔ ጋላቲያ ቢታራ ኣጲደሶና።
 7 ኤንቲ ሚሲያ ዛዋ ጋኪዳ ዋዴ ቢቲያስ ባናው ኮዪደሶና። ሸን ዬሱሳ ኣያናይ ኤንታ ዲጊሰ።
 8 ሃሳ ገሾ፣ ኤንቲ ሚሲያ ማታራ ኣጲሼ ዓርዳዳ ዋጲደሶና። 9 ጳውሎስ ቃማ ቆንጮላን ኢሲ ማቆደኒያ ኣሲ ባኮ፣ «ማቆደኒያ ፐናዳ ኦና ማደርኪ» ያገሼ ኤቁዳ ዋሲሽን ቢዒሰ። 10 ቆንጮላ ኢ ቤዒዳፍፕ ጉዬ ኤሌሲዲ ኮኒ ማቆደኒያ ባናው ኮዪዳ። ሄሲካ፣ ዋንጌላ ያን ዳዒያ ኣሳሰ ኦደናው ያሳይ ኦና ያጊዳይሳ ኤሪዳ ገሾላ።

ሊዲያ ኪሪሰቶሳ ኣማናሱ

11 ዓርዳዳፕ ዳንዲዲ ማርካቤን ጌሊዲ ሳሞቲራቄ ቢዳ፣ ዋንቴላ ጋላሰ ናጶሌ ቢዳ። 12 ያፕ ዳንዲዲ ማቆደኒያ ቢታን ዳዒያ ፊልጲሲዩሳ ገያ ኮይር ካታማ ቢዳ። ቃሲ ፊልጲሲዩሲ ሮሜ ኣሳይ ዳዒያ ካታማ። ኮኒ ሄ ካታማን ጉላ ጋላሰ ኡቲዳ።

13 ሳሞባታ ጋላሰ ካታማፕ ጋዳን ሻፋ ዶናን ኣይሁዳቲ ያሳ ዋሲያ ቤሲ ዳዒይሳ ኤሪዳ ያ ቢዳ። ሄ ቤሳን ሸቂዳ ማጫሳሰ ቃላ ኦዲዳ።

14 ኦና ሰዒያ ኣሳፕ ኢሲ ሊዲያ ጌቲያ ቲያቲሮና ካታማፕ ዪዳ፣ ያሳ ኣማኒዳ ዞዖ ኣፊላ ዛልዒያ፣ ማጫሲያ ዳዓውሱ። ጳውሎስ ኦዲይሳ ኢያ ሰዒና ማላ ያሳይ ኢ ዋዛና ደዪሰ። 15 ሊዲያ ባ ሶ ኣሳራ ኢሲፊ ያማቂቲዳፕ ጉዬ ኦኮ፣ «ሂንቲ ታና ጎዳ ቲማ ኣማናሱ ጊኮ ታ ሶ ዩጲቲ» ጋዳ ማንሳዳ ዋሳሱ።

ጳውሎስኔ ሲላሲ ቃሼቲደሶና

16 ኮኒ ያሳ ዋሲያ ቤሳ ቢሸን ኢታ ኣያኒ ኢ ቦላ ዳዒዲ ካይሲያ ኢሲ ጌላዖ ኣይሌይ ኦራ ጋሂታሱ። ኢያ ካያዳ ዳሮ ሚሼ ባ ጎዳታሰ ኤሃውሱ። 17 ጳውሎስኔ ኦና ካላዳ፣ «ሃይሳቲ ኡባፊ ቦላ ያሳ ኣይሌታ። ኤንቲ ሂንቲ ኣታና ኦጊያ ኦዲይሳታ» ጋዳ ዋሳሱ።

18 ኡባ ጋላሰ ሃሳዳ ጋውሱ። ሸን ጳውሎስ ዪሎቲዲ ጉዬ ሰሚዳ፣ ሄ ኣያና፣ «ዬሱሰ ኪሪሰቶሳ ሱንላን ኢፕ ኬያ» ጊዲ ከቲሰ። ኢራካ ኢታ ኣያናይ ኢፕ ኬዪ ኣጊሰ።

19 ሸን ኢ ጎዳቲ ባንታው ሚሹ ዳሚያ ኦጊይ ቆዩዳይሳ ቢዒዲ፣ ጳውሎስኔ ሲላሲ ኦይኪዲ፣ ዳባባ ዳይናታ ሲንሐ ጎቺ ኤፊደሶና። 20 ዳይናታ ሲንሐ ኤንታ ኤፊደዳ፣ «ሃይሳቲ ኣይሁዳ ኣሲ ገዳሺ ኦ ካታማ ኣሳ ዳሮ ዋይሶሶና። 21 ኮኒ ሮሜ ቢታ ኣሲ ጊዲሹ ኤካናውኔ ኦላናው ዋጋ ጊደናባ ታማርሶሶና» ያጊደሶና።

22 ኣሳይ ኢሲ ባጋ ጊዲዲ፣ ጳውሎስ ቦላኔ ሲላሲ ቦላ ዳንዲደሶና። ዳይናቲ ኤንታ ማዑዋ ቃሪዳ ያምባን ኤንታ ሾጫና ማላ ከቲደሶና። 23 ኤንታ ዳሮ ዋጲዳፕ ጉዬ ቃሾ ኬላ ጌልሲደሶና። ቃሾ ኬላ ናጌይሲ ኤንታ ሚሳኪ ናጋና ሚላ ከቲደሶና። 24 ቃሾ ኬላ ናጌይሲ ሄ ከታ ኤኪዲ፣ ጳውሎስኔ ሲላሲ ቃሾ ኬላሰ ቆልባ ጌልሲሰ። ኤንታ ቶሁዋ ዳዒሰ

25 ሸን ጊዲ ቢላሂ ጊዲያ ዋዴ ጳውሎስኔ ሲላሲራ ዋሲሹኔ ማዘውራ ዩዊሹ ያሳ ጋላቶሶና። ቃሾ ኬላን ዳዒያ ሃራ ኣሳቲካ ኤንቲ ጊዳባ ሲዖሶና። 26 ቆፖና ቃሾ ኬላ ባሶይ ቃዖና ጋካናው ቢታ ቃሾይ ሂሲሰ። ሄ ሳቴንካ ፔንጌ ኡባይ ዶዩቲ ኣጊሰ፤ ቃሼቲዳ ኣሳ ኡባ ሳንላላታይ ቢርሼቲ ዋጲሰ። 27 ቃሾ ኬላ ናጌይሲ ጲሰኮፊ ሻርኪዳ ዋዴ ቃሾ ኬላ ፔንጌ ኡባይ ዶዩቲዳይሳ ቢዒዲ ቃሾ ኣሳይ ኬሲ ኤኪ ቢዳባ ዳኒን ባና ዋፋናው ማሼ ኤኪሰ። 28 ሸን ጳውሎስ ቃላ ቁቁ ኦላዲ «ኦ ኡባይ ሃይሳን ዳዒያ ገሾ ኮኒ ኔና ቆሆፓ» ያጊሰ።

29 ቃሾ ኬላ ናጌይሲ ያምፕ ዋሲ ኤኪዲ ኤሌሲዲ ጋላ ዋዒሰ። ኮኮሪሼ ጳውሎስ ሲንላኒኔ ሲላሲ ሲንላን ጉፋኒሰ። 30 ኤንታ ካራ ኬሲዲ፣ «ታ ጎዳቶ፣ ታኒ ኣታናው ኣይ ኦላናው ቤሲ?» ያጊሰ።

31 ጳውሎስኔ ሲላሲራ ኢያኮ፣ «ጎዳ ዬሱሰ ኪሪሰቶሳ ኣማና፤ ኔራኔ ኔ ሶ ኣሳራ ኣታና» ያጊደሶና። 32 ኤንቲ ኢያሰኔ ኢያ ሶን ዳዒያ ኡባሰ ጎዳ ቃላ ኦዲደሶና። 33 ቃማ ሄ ሳቴንካ ቃሾ ኬላ ናጌይሲ ኤንታ ኤፊደዳ ኤንታ ሚዲንላ ሚጪሰ። ኤሌሲዲ ባ ሶ ኣሳ ኡባራ ያማቂቲሰ። 34 ጳውሎስኔ ሲላሲ ባ ሶ ኤፊደዳ ኤንታው ካላ ኣላሰ። ኢ ባ ሶ ኣሳ ኡባራ ያሳ ኣማኒዳ ገሾ ኡፋይቲሰ።

35 ሳባይ ዋንቲን ዳይናቲ፣ «ሄ ኣሳታ ቢላ» ያጊዲ ፖሊሴ ሃላቃታ ኢያኮ ከቲደሶና። 36 ቃሾ ኬላ ናጌይሲ፣ «ሂንቲ ቢሊታና ማላ ዳይናቲ ከቲደሶና። ሂዘ፣ ኬዪዲ ሳሮ ቢቲ» ያጊዲ ሄ ከታ ጳውሎስኔ ኦዲሰ።

37 ሸን ጳውሎስ ሄ ፖሊሴ ሃላቃታኮ፣ «ኮኒ ሮሜ ኣሲ * ጊዲሸን ኤንቲ ኦና ፐርዲ ባይና ኣሳ ሲንላን ዋጲዳ፣ ቃሾ ኬላን ዩጊደሶና። ሃዒ ኦና ጌማን ኬዪዲ ቦ ጎና? ሃኔና፣ ኤንቲ ባንታ ሁዒን ዪዲ ኦና ኬሶ» ያጊሰ።

* 16:37 ሮሜ ኣሲ፣ ጳውሎስ ሮሜ ኣሲ ያጊዲ ባና ያጊዲ ሄ ዋዴ ኣይሁዳ ቢታ ሃራይ ሮሜ ካዋታ ጊዲዳ ገሾላ። ሄ ዋዴ ሮሜ ቢታን ዳዒያ ኣሳይ ፐርዲ ባይና ጋራፊቶኮና።

38 ፖሊሴ ሃላቃት ዳይናታስ ሃሳ ኦዲን፣ ጳውሎስ ስላሴራ ሮሜ ቢታ እሲ ገዲዳይሳ ሰዒዳ ዋዴ ያዩደሶና። 39 ሃሳ ገሾ፣ ዳይናታስ ዩዲ እንታኮ፣ «ኮነ ሃንቲና ቆሃዳ» ገደሶና። ቃሾ ከላፊ ካሬ እንታ ከሲዲ፣ ካታማፕ ከዩዲ ባና ማላ ዋሲደሶና። 40 ጳውሎስ ስላሴራ ቃሾ ከላፊ ከዩዲ ሊዲያ ሶ ቢደሶና። ያን አማኔይሳታራ ጋሄተዲ እንታ ማንሌሊዲ ከዩዲ ቢደሶና።

17

ጳውሎስ ቴሴሎንቄን ታማርሲስ

1 ጳውሎስ ስላሴራ አምጻጸሊሳራ ኣጳሎንያራ ኣጲዲ ቴሴሎንቄ ቢደሶና። ያን ኣይሁዴ ዋሳ ከላ ዴዒስ። 2 ጳውሎስ ካሴይሳዳ ያ ጌሊስ። ያን ሄቩ ሳሚንታ ያሳ ቃላፕ ኣሳስ ኦዲስ። 3 ከሪሰቶሲ ዋዬ እካናወኔ ሃይቆፕ ዴንዳናው ቤሴይሳ እንታው ቆንጨሲዲ ኦዲሾ፣ «ዩሱሲ ሃ ታኒ ሃንቲው ኦዲይሲ ከሪሰቶሳ» ያገሲ። 4 እንታፊ ኢሶተ ኢሶተ ኦዲይ ቱማ ገደይሳ ማዒዲ ጳውሎስ ስላሴራ ኢሲፊደሶና። ሃሳዳካ፣ ያሳ ጎይኒያ ዳር ገሪኬ ኣሳይኔ ዳር ቦንቸተዳ ማጫሳተካ እንታራ ኢሲፊደሶና።

5 ሸን ኣይሁዴት ቃናተዲ ኢሲ ኢሲ ኦሶይ ባይና ኢታ ኣሳታ ኣጌፕ ሸሺደሶና። ካታማን ቡቁሊ ከሲደሶን፣ ጳውሎስ ስላሴ ኣሳስ ኣላ ኢማናው ኮዩዲ ያሶና ከላ ተቁደሶና። 6 ጳውሎስ ስላሴ እንታው ቤንቶና ኢደን፣ ያሶና ኢሲ ኢሲ አማኔይሳታ ካታማ ሃላቃታኮ ጎቺ ኤፊዲ፣ «ሃይሳተ ቢታ ኡባ ቡቁይሳተ ሃዒ ኮኮ ዩደሶና። 7 ያሶኒ እንታ ባ ሶን ዋሊስ። ሃይሳተ፣ ዩሱሳ ገያ ሃራ ካታይ ዴዒስ ገዲ ቁሳሬ ከታ ማንሶሶና» ያገዲ ቋቁ ገዳ ቃላን ኦዲደሶና።

8 ሸቁዳ ኣሳይኔ ካታማ ሃላቃት ሃሳ ሰዒዲ ሃናናባ ቋዩደሶና። 9 ሃላቃት ያሶና ሃራታ ዋሴን ቢርሺደሶና።

ጳውሎስ ቤሪያን ታማርሲስ

10 አማኔይሳተ ጳውሎስ ስላሴ ቃማራ ቤሪያ ዩዲደሶና። ቤሪያ ጋኪዲ፣ ኣይሁዴ ዋሳ ከላ ጌሊደሶና። 11 ቤሪያ ኣሳተ ቴሴሎንቄ ኣሳታፕ ኣጲዳ ሱራታ። እንቲ ቃላ ኩሚላ ዋዛና፣ ጳውሎስ ገደይሲ ቱማ ገደይሳ ሻኪ ኤራናው ጋላስ ጋላስ ጌሻ ማፃፃፃታ ፃናዖሶና። 12 ሃሳ ገሾ፣ እንታፊ ዳር፣ ገሪኮታፕካ ቦንቸተዳ ዳር ማጫሳተኒ ዳር ኣዳቴ አማኒደሶና።

13 ሸን ቴሴሎንቄን ዴዒያ ኣይሁዴት ጳውሎስ ያሳ ቃላ ቤሪያንካ ኦዲዳይሳ ሰዒዳ ዋዴ ቤሪያ ዩዲ ኣሳ ቡቁደሶና። 14 ሃሳፊ ገዬ፣ አማኔይሳተ ኤሊሲዲ ጳውሎስ ኣባ ማፕ ዩዲደሶና። ሸን ስላሴይኔ ሂሞተዮሲ ቤሪያን ኣቴደሶና። 15 ጳውሎስ ዋይዚዳ ኣሳተ ኣቴና ጋላደሶና። ሄ ኣሳተ ስላሴይኔ ሂሞተዮሲ ባንታው ዳንዳዒቲዳ ማላ ኤሊሲዲ ባኮ ያና ማላ ጳውሎስ ከቲዳ ከታ ኤኪዲ ቤሪያ ሰሚደሶና።

ጳውሎስ ኣቴና ቢስ

16 ጳውሎስ ኣቴናን ስላሴይኔ ሂሞተዮሳ ናገሾ፣ ካታማን ኤቁ ኩሚዳይሳ ቤዒዲ ዩሎተስ። 17 ሃሳ ገሾ፣ ኣይሁዴ ዋሳ ከላን ኣይሁዴታራኔ ያሳ ጎይኒያ ኣይሁዴ ገደና ኣሳታራ ቃሲ ባራ ጋሄተያ ኣሳታራ ኡባ ዋዴ ፓላሚስ። 18 ኤጲቆሮሳኔ ኢሰቶይኪ ጌቴተያ ጩጋታፕ ኢሲ ኢሲ ኤራንቸተ ጳውሎስ ፓላሚደሶና። እንታፊ ኢሶተ ኢሶተ፣ «ሃ ዮያማይ ኣይ ኦዳናው ኮዩን?» ያገደሶና።

ሃራፕ ጳውሎስ ዩሱሳባኔ ሃይቆፕ ኢ ዴንዳዲዳሳ ባንታው ኦዲዳ ገሾ «ኦራላ ያሳታባ ኦዲያ ዳኔስ» ያገደሶና።

19 ጳውሎስ ኣይኪዲ ኣርዮስፓጎሳ ገያ ሸቆ ቤሳ ኤፊዲ፣ «ሃ ኔኒ ታማርሲያ ኦራላባይ ኣይቤኮ ኮና ኤሪሲኪ?» 20 ኣይሲ ገኮ፣ ኔኒ ኮስ ኦራላባ ኦዳሳ፤ ሃዛ ሃሲ ኣይቤኮ ኔኒ ኤራናው ኮዮስ» ያገደሶና። 21 ኣቴና ኣሳ ኡባይኔ ያን ዴዒያ አማላተ ኦራላባ ኦዳቶናኔ ሲዮና ፕዮኮና።

22 ጳውሎስ ኣርዮስፓጎሳን ሸቁዳ ኣሳ ሲንሳን ኤቁዲ፣ «ኣቴና ኣሳው፣ ሃንቲ ያሳታስ ኡባባን ዳር ያዩሎሳ ታኒ ቤዒይስ። 23 ታኒ ሃንቲ ካታማራ ዩያሾ ሃንቲ ጎይኒያ ቤሳታ ቤዒያ ዋዴ ሔሬቶና ያሳስ ጌቴተ ያፊቴዳ ያርሾ ቤሳ ዴማስ። ሃ ሃንቲ ኤርናሽን ጎይኒይሳ ታኒ ሃንቲው ኦዲይስ። 24 ሳዒኔ ሳዒን ዴዒያ ኡባባ ማጲዳ ያሳይ፣ ሳሉዋኔ ሳዒ ጎደዲ፣ ኣሲ ከዲዳ ከላን ዳና። 25 ኢ ዴያ፣ ሸምፖኔ ኡባባ ኣሳ ኡባስ አሚያ ገሾ ፓጨ ዴዒያ ኣሳዳ ኣሳ ማዴ ኮዩና። 26 ያሳይ ኣሳ ከሬላ ኡባ ኢሲ ኣዲያፊ ሜጲዲ ቢታ ኡባን ዋሊስ። ያፕዲ እንቲ ዴዒና ዋዲያሲኔ ቤሳስ ዘዋ አሚስ። 27 ኢ ሃሳ ኦሊዳዲ ኣሲ ኢያ ኮያና ማላኔ ፐሊገዲ ዴማና ማላ። ሃኒኮካ ኢ ኮፕ ጌሚቤና። 28 ሃንቲፊ ኢሲ ኢሲ ዩዲይሳተ፣ ኮኒ ኢያ ናይታ ገዳይሳዳ፣ ኮኒ ኢያን ፓፃ ያይስ፣ ቃሶስ። 29 ሃዛ፣ ኮኒ ያሳ ናይታ ገዲያ ገሾ (ዮሳይ ኣሳ ሃላቴሳኒኔ ቆፋን ዋርቃፊ ዋይኮ ቢራፕ ዋይኮ ሹቻፊ ኦሴተዳባ ዳኔስ) ያገዲ ቆፓናው ቤሴና። 30 ሃሳ ገሾ፣ ያሳይ ካሴ ዋዴ ኣሳይ ኤርና ኦሊዳይሳ ኣገዲ ኣጲስ፣ ሸን ሃዒ ኡባሶን ዴዒያ ኣሲ ኡባይ ናጋራፕ ሰማና ማላ ከቴስ። 31 ኣይሲ ገኮ፣

የሳይ ባ ደሪዳ እዲያን ሳዓን ዳዒያ እሳ ኡባ ቦላ ዓሎ ፒርዳ ፒርዳናው ቃማ ገሊሲ ዋሊስ።
ኢያ ሃይቆፔ ዳገሊዲ ሄሳ እሳ ኡባሰ ተማዩሰ» ያገሊስ።

32 ኢንታፊ ኢሲ ኢሲ እሳቴ ሃይቆፔ ደንደባ ጳውሎሳፔ ሲዲዲ፣ ኢያ ቦላ ቁልቁሲደሶና። ሺን ሃራቴ፣ «ኑኒ ሄሳ ኔፔ ጉጂዲ ሲዳናው ኮኮሰ» ያገደሶና። 33 ሄሳ ገሾ፣ ጳውሎሲ ኢንታ ገደፊ ከዩሲ። 34 ሺን ኢሲ ኢሲ እዳቴ ጳውሎሳራ ጋሂቴዲ እማኒደሶና። ኢንታ ገደፊ እርዮሰፓጎሳን ሺቁዋን ዳዒያ ዲኮናሰኮሳ ገያ እዳይ፣ ዳማርሶ ገያ ኢሲ ማጫሲያኔ ሃራቴ ዳዮሶና።

18

ጳውሎሲ ቆርንቶሳ ቢሰ

1 ሄሳፊ ጉዬ፣ ጳውሎሲ እቴናፔ ከዩዲ፣ ቆርንቶሳ ቢሰ። 2 ያን አቁላ ገያ ጳንዖሳን ዬሌቴዳ ኢሲ እይሁዳ እሲ ዳሚሰ። እይሁዳ እሳ ኡባይ ሮማፔ ከያና ማላ ካዎይ ቃላወዲኮሲ ከቴዳ ገሾ ጉላ ዎዳፔ ካሲ ኢ ባ ማቼ ጲሪሰቁላራ ፃሌፔ ዩሲ። ጳውሎሲ ኢንታራ ጋሂታናው ቢሰ። 3 ኢያ ኦሶይ ኢንታይሳዳ ዲንካኔ ሲኮ ገዲያ ገሾ ኢንታራ ኡቴዲ ኢሲፊ ኦሊሰ። 4 ጳውሎሲ ሳምባታ ኡባን እይሁዳጌኔ ገሪኬታ አማኒሳናው እይሁዳ ዋሳ ኬሳን ፓላሚሰ።

5 ሲላሲይኔ ሞፕቴኮሲ ማቁደኒያፔ ዩዳ ዎዳ ጳውሎሲ ባ ከሚሳ ዎዲያ ኢሚዲ እይሁዳታሰ ዩሲሲ ኢ፣ ከሪሰቶሳ ገዲያ ቃላ ኦዲሰ። 6 ሺን ኢንቴ ጳውሎሳ ኢዲዲ ኢያ ጫዩን ጳውሎሲ ባ ማዑዋፔ ባና ቆቆፊሾ፣ «ሂንቴ ጎሚይ ሂንቴና ኦይኮ፤ ታኒ ሄሳን ዳዒኬ። ሂዛፔ ጉዬ፣ ታኒ እይሁዳ ገደና እሳኮ ባይሰ» ያገሊስ።

7 ያፔ ከዩዲ ያሳ ጎይኒያ ተቶሰ ኮሰዖሳ ገያ ኡራ ሶ ቢሰ። ኮሰዖሳ ከላይ እይሁዳ ዋሳ ከላ ማታን ዳዒሰ። 8 እይሁዳ ዋሳ ከላ ሃላቃይ ቃሪሰጸሲ ባ ሶ እሳ ኡባራ ጎዳ አማኒሰ። ቆርንቶሳ አሳታፔካ ዳሮቴ ያሳ ቃላ ሲዲዳ ዎዳ አማኒዲ ፃማቁቴደሶና።

9 ጎዳይ ኢሲ ቃማ ጳውሎሳሰ ቆንጩዲ፣ «ያኮፋ፤ ኦዲ፣ ሲዲ ጎፓ። 10 ታኒ ኔራ ዳዳይሰ። ታው ሃ ካታማን ዳር እሲ ዳዒያ ገሾ ኔና ቆሂዲ ኢታባን ዬጋና እሲ ኢንካ ባዎ» ያገሊስ። 11 ሄሳ ገሾ፣ ጳውሎሲ ያሳ ቃላ እሳ ታማርሲሼ ኢሲ ላይሊኔ ኡሱፑን ኢንቴ ኢንታራ ኡቴሰ።

12 ጋሊኮሲ አካያ ቢታ እይሲያ ዎዳ እይሁዳቴ ኢሲፊ ጳውሎሳ ቦላ ዳንዲዲ ፒርዳ ከላ ኢያ ኡፊዲ፣ 13 «ሃ እዳይ ሂገያ ኢዲዲ፣ እሳይ ያሳ ጎይናና ማላ ኦሊሰ» ያገደሶና።

14 ጳውሎሲ ሃሳያና ሃኒሺን፣ ጋሊኮሲ እይሁዳታኮ፣ «እይሁዳቶ፣ ሄሲ ኢታ ኦሶ ዎይኮ ናቆ ገዲያኮ ታኒ ሂንቴባ ዳንዲዳዳ ሲዳናው ቤሲሰ። 15 ሺን ቃላሰ፣ ሱንሳሲኔ ሂንቴ ሂገያሰ ሂንቴ ፓላሚያ ገዲኮ ሂንቴ፣ ሂንቴው ቢሊቴ፤ ሄሳ ታኒ ፒርዳኬ» ያገሊስ። 16 ያቴዲ፣ ኢንታ ፒርዳ ከላፊ ካራ ከሲሰ። 17 ሄሳፊ ጉዬ፣ ገሪኬ እሳ ኡባይ እይሁዳ ዋሳ ከላ ሃላቃ ሶሰቴኒሳ ኦይኪዲ ፒርዳ ከላ ሲንሳን ዎዳደሶና። ሺን ጋሊኮሲ ሄሳ ፓዖባ ገቤና።

ጳውሎሲ ኢንዮኪያ ቢሰ

18 ጳውሎሲ ዳር ጋላሰ ቆርንቶሳን ኡቴዳፔ ጉዬ አማኒያ እሳ ሳርሊዲ፣ ጲሪሰቁሊራኔ አቁላራ ማርካቤራ ሶሪያ ቢሰ። ሺን ኢ ባናፔ ሰንጹ ባው ጋሶይ ዳዒያ ገሾ ከንኪሪያ ካታማን ባ ሁዒያ ቡሉሰቴሰ። 19 ኢንቴ ኤፊሶና ጋኪዳ ዎዳ ጳውሎሲ ጲሪሰቁሎኔ አቁላ ያን ኢሲ። ሺን ባው እይሁዳ ዋሳ ከላ ጌሊዲ እይሁዳታራ ኦዲቴሰ። 20 ኢንቴ ባንታራ ዳር ዎዳ ኡታና ማላ ጳውሎሳ ዎሲደሶና ሺን ኢ ኢዲሰ። 21 ኢንታፊ ሻኬቴሾ፣ «ታኒ ያ ባሊያ ዩሩሳላሚን ቦንቻናው ቤሲሰ። ሺን ያሲ ገኮ ሂንቴኮ ሰማዳ ያና» ያገዲ ኤፊሶናፔ ማርካቤራ ቢሰ። 22 ቁሳሪያ ጋኪዳ ዎዳ ዩሩሳላሚ ቢዲ ዋሳ ከላ እሳ ሳርሊዳፔ ጉዬ ኢንዮኪያ ቢሰ።

23 ያን ጉላ ዎዳ ጋምሊዳፔ ጉዬ አማኒያ እሳታ ኡባ ሚንሎሊሼ ጋላቴያራኔ ጲርጌራ አዲስ።

እጲሎሲ ኤፊሶናኔ ቆርንቶሳን

24 ኢሰከንዲሪያን ዩሌቴዳ ኢሲ አጲሎሳ ገያ እይሁዳ እሲ ኤፊሶና ቢሰ። ኢ ኦዳ ኤሪያ እሲኔ ያሳ ቃላ ዳር ኤሪያ እሲ። 25 ኢ ጎዳ ኦሊያ ታማሪዲ፣ እያናን ፀጌቴዲ ዩሱሳባ ሱራ ታማርሲሰ። ገደሺን፣ የሃኒሳ ዓንቃቴያ ፃላላ ኤፊሰ። 26 ኢ እይሁዳ ዋሳ ከላን ያኖና ታማርሲሰ። ጲሪሰቁሊኔ አቁላ ኢ ኦዲዳ ሲዲዳ ዎዳ ኢያ ባንታራ ሶ ኤፊዲ ያሳ ኦሊያ ካቤይሳፊ ገሺዲ ኢያው ኦዲደሶና።

27 እጲሎሲ አካያ ባናው ኮዩን ኤፊሶናን ዳዒያ አማኒያ እሳይ ኢያ ቆፋ ኤኪዲ አካያን ዳዒያ አማኒይሳቴ ኢያ ሞካና ማላ ኢንታው ዳብዳቤ ፃፊደሶና። ኢ ያ ጋኪዳ ዎዳ ያሳ ኦዳ ከሃቴሳ ባጋራ ዩሱሰ ከሪሰቶሳ አማኒዳይሳታ ዳር ማዲሰ። 28 እይሰ ገኮ፣ ዩሱሲ ኢ ከሪሰቶሳ ገደይሳ እይሁዳታሰ ያሳ ቃላፔ ቆንጩሲዲ ዳሪያ ሲንሳን ሚንሎ ኦዲዲ ኢንታ ላሊሰ።

19

ጳውሎስ ኤፌሶና ቢስ

1 እጲሎስ ቆርንቶሳን ዳዲሽን፣ ጳውሎስ ቆሞ ባጋራ አዲዲ ኤፌሶና ቢስ። ያን ኢሲ ኢሲ አማኒያ አሳታ ዳሚስ። 2 አንታኮ፡ «ሃንቲ አማኒዳ ዋዳ ጌሻ አያና ኤኪዳተ?» ያጊዲ እይቸሰ።

አንቲ፡ «አካይ፣ ኤኪሶቦ፤ ሃሪ አቶሽን፣ ጌሻ አያኒ ዳዲያባካ ሲራቦኮ» ያጊደሶና።

3 ጳውሎስ አንታኮ፡ «የቲን፣ አይቢን ፃማቁቲዳተ?» ያጊሰ።

አንቲ፡ «ኮኒ የሃሂሳ ልጎታቲያን ፃማቁቲዳ» ያጊዲ ዛሪደሶና።

4 ጳውሎስ፡ «የሃሂሳ ባፔ ጉዬራ ያ ዩሱስ ኪሪሰቶሳን አሳይ አማናና ሜላ አሳሰ ኦዲሼ፣ ናጋራፔ ሲሞ ቤሲያ ልጎታቲያን ፃማቁሰ» ያጊሰ።

5 አንቲ ሃሳ ሲዲዳ ዋዳ ጎዳ ዩሱስ ኪሪሰቶሳ ታማሬ ጊዳናው ፃማቁቲደሶና። 6 ጳውሎስ ባ ኩሺያ አንታ ቦላ ዋሊዳ ዋዳ ጌሻ አያኒ አንታ ቦላ ዋሊን፣ ዳማ ዳማ ድናን ኦዳቲደሶና፤ ቃሲ ቲንቢቲ ኦዲደሶና። 7 ሄ ቤሳን ታማኔ ናሞሳ ጊዲያ አሳቲ ዳቦሶና።

8 ጳውሎስ አይሁዳ ዋሳ ከላ ጌሊዲ፣ ያሳ ካዋቲላባ ያዮና ፓላሚሽኔ ሎይሌ ቆንጨሲሽኔ አንታ ዳሄቭ አጌና ጋካናው ጋሞሲስ። 9 ሽን አንታፊ አሶቲ አሶቲ ጹቤ ጊዲዲ ዳር አሳ ሲንላን ጎዳ ኦጊያ ጫዩዲ አማናና አይደሶና። ጳውሎስ አማኔይሳታ አንታፊ ሻኪ ኤኪዲ ዲራናሳ ጊያ ቲሚርቲ ከላን ኦባ ዋዳ አንታ ታማርሲስ። 10 ጳውሎስ ናሞሶ ላይሌ ጋካናው ቃላ ኦዲስ። ሃሳ ጊሾ፣ ኢሲያን ዳዲያ አሳ ኡባይ፣ አይሁዳቲኔ አይሁዳ ጊዳናይሳቲ ጎዳ ቃላ ሲዲደሶና።

የሳይ ጳውሎሳ ኩሺን ኦሊዳ ማላታታ

11 የሳይ ጳውሎሳ ኩሺን ዋልቃማ ማላታታ ኦሊስ። 12 ሃሳ ጊሾ፣ አሳይ ኢያ ቦላ ቦቺዳ ማራቢያ ዋይኮ ማዕ-ዋ ሃርጋንቸታስ ኤሮሶና። አንቲካ ፓዎሶና፤ ቱና አያናቲካ አንታፊ ከዮሶና።

13 ቱና አያናታ ከሲሽ ዩያ አይሁዳታፔ አሶቲ አሶቲ፣ «ጳውሎስ ሳባኪያ ዩሱሳ ስንላን ከዩቲ ጊዲ ሃንቲና ከቶሰ» ያጊዲ፣ ቱና አያናቲ ኦይኪዳ አሳታ ቦላ ጎዳ ዩሱሳ ስንላን ያጊደሶና 14 ካሂኔ ሃላቃ አስቁቁ ጊያ ኢሲ አይሁዳ አዲያስ ሃሳ ኦሊያ ላፑን ናይቲ ዳቦሶና።

15 ሽን ቱና አያናይ አንታኮ፡ «ታኒ ዩሱሳካ ጳውሎሳካ ኤራይስ፣ ሽን ሃንቲ ኦናንቲ?» ያጊሰ።

16 ቱና አያናይ ኦይኪዳ አዳይ አንታ ቦላ ጉፒ ዋሊዲ፣ አንታ ማዲንዲሲዲ፣ ሄ ከላፊ ካሎ ባቃታና ጋካናው ዋልቃሚስ። 17 ኤፌሶናን ዳዲያ አይሁዳቲኔ አይሁዳ ጊዳናይሳቲ ኡባይ ሃሳ ሲዲዲ ዳር ያደደሶና። ጎዳ ዩሱሳ ስንላይ ዳር ቦንቸቲስ። 18 አማኔይሳታፔ ዳርቲ ባንታ ኦሊዳ ኢታ ኦሎዋ ፓይሼኔ ቆንጨን ኦዲሼ ዮሶና። 19 ቢቲይሳታፔ ዳርቲ ባንታ ማፃታ ሽሺዲ አሳ ኡባ ሲንላን ፀጊደሶና። ሄ ማፃታታ ጋቲያ ቆዳይ አሻታሙ ሙኩሉ ቢራ ሳንቲሜ * ጊዲስ። 20 ሃሳዳ ሃሂዲ ያሳ ቃላይ ዲጫሽኔ ዳልጊሽ ቢስ።

ኤፌሶና ካታማን ኦሽ ዳንዲስ

21 ሃሲ ፖሌቲዳፔ ጉዬ ጳውሎስ፡ «ታኒ ዩሩሳላሚ ባ ሲማዳ ሮሜካ ባናው ቤስስ» ያጊዲ ማቁደኒያራኔ እካያራ አዲዲ ዩሩሳላሚ ባናው ቆፋ ቃቸስ። 22 ቃሲ ባና ማዳይሳታፔ ናሞሳታ ያሞቲዮሳኔ ኤራሰዮሳ ማቁደኒያ ከቲዲ፣ ባው ኢሲያን ጉላ ዋዳ ጋሞሲስ።

23 ሄ ዋዳ ጎዳ ኦጊያ ጊሾ ኤፌሶናን ዋልቃማ ካቸ ከዩሰ። 24 ኢሲ ቢራ ኦሊያ ዳሜዳርሳ ጊያ ኡራይ ኦርጫሲ ኤቃ ከላ ሚሲሊያ ቢራፔ ኦሊዲ ዳር ዋዴ ዳሜስ። 25 ሃሳ ጊሾ፣ ሃሳ ሜላ ኦሶ ኦሊይሳታ ኢሲፊ ሽሽዲ፣ «አሳው፣ ኦ ዳራቲላይ ሃ ኦሎዋን ጊዳይሳ ሃንቲ ኤሬታ። 26 ሃሰስ ጳውሎስ፣ «አሳ ኩሺን ኦሶቲይሳቲ ያሳታ ጊደኮና» ያጊዲ፣ ኤፌሶናኔ ጉላ ቢታታፔ እቲን ዮሱሳ ኢሲያ ኡባን ዳዲያ ዳር አሳ ኦዲ አማንሌዳይሳኔ ባሎሊዳይሳ ሃንቲ ቢዳዳታኔ ሲዲዳታ። 27 ሜቶ ጊዲዳይ፣ ኦ ኦሶይ ካቄቲይሳ ያላላ ጊዳናሽን ኢሲያኔ ቢታ ኡባን ዳዲያ አሲ ጎይኒያ ጊታ ያሴ ኦርጫሲ ከላይ ቦንቸቶና ኦይሳኔ ኢ ጊታቲላይካ ከንዳናይሳ» ያጊሰ።

28 አሳይ ሃሳ ሲዲዳ ዋዳ ሽኒን ፀጊቲዲ፣ «ኤፌሶና ኦርጫሳ ጊታ» ያጊዲ ዋሲደሶና። 29 ሄ ዋሶይ ካታማ ኡባ ጋኪስ። ጳውሎሳራ ሃሙቲያ ማቁደኒያ አሳታ፣ ጋዮሳኔ ኦርጫሳኒሳ ኦይኪዲ ጎቸሼ ካሳ ቤሳ ዋይደሶና። 30 ጳውሎስካ አሳይ ሸቁዳሱዋ ጌላናው ኮዩስ፣ ሽን አማኔይሳቲ ኢያ ዳጊደሶና። 31 ኢሲያ ቢታ ሃላቃታፔ ጳውሎሳ ላፔ ጊዲዳ አሶቲ አሶቲ ጳውሎሳኮ ከቲዲ፣ «ካሳ ቤሳ ቆንጨን ከዩያ ቤንቶፋ» ያጊዲ ኢያ ዋሲደሶና።

32 ሸቁዳ አሳስ ሃናናባይ ቆይሲ፤ ዳሪያ ባጋ አሳይ ሃሪ አቶሽን አይሰ ሸቁዳኮ ኤሮና ጊሾ ኢሶይ ኢሲባስ ዋሲያ ዋዳ ሃንኮይ ሃራባስ ዋሲስ። 33 አይሁዳቲ ኢስከንዲሬ ጊያ አዲያ ኦሊ ቤሲን፣ ኢሲ ኢሲ አሳይ ኢ ጋናባ ኦዲዲ ኢያ ሲንሌ ኦሊደሶና። ኢ አሳይ ሲዲ ጋና ሜላ ባ ኩሺያን ማሊ ቤሲዲ፣ አሳሰ ሞቲታናው ኤቁስ። 34 ሽን ኢስከንዲሬይ አይሁዳ አሲ ጊዲዳይሳ አሳይ ኤሪዳ ዋዳ ናሞሶ ሳቲ ጊዳናይሳ ሜላ ኡባይ ኢሲ ቃላን፣ «ኤፌሶና ኦርጫሳ ጊታ» ያጊዲ ዋሲደሶና።

35 ወርሴላን ካታማ ዓፌይ ኣሳ ሲቢ ኦሊዲ፣ «ኤፌሶና ኣሳው! ኤፌሶና ካታማይ ገታ ኣርፃሚሲ ኤቃ ከላኔ ሳሎፕ ዋጲዲ፣ ኢ ሹቻ ሚሲሊያ ናጌይሳ ገዴይሳ ኤርና ኣሲ ባዋ። 36 ሃይሳ ካሺ ገያ ኣሲ ባይና ገሹ ሃንቴ ሲቢ ጋናው ዲርገዲ ኣይኮ ኦሶና ኣገናው ቤሴስ። 37 ሃንቴ ሃ ኣሳታ፣ ኤቃ ከላ ሚሼ ካይቲብርይሳታኒ ኑ ያሳታ ጫይቦናይሳታ ኤሂዲታ። 38 ሃሳ ገሹ፣ ዲሚደርሲኔ ኢያራ ዴባያ ኦሳንቸት ኣሳ ሞታናው ኮይኮ፣ ፐርዳ ከላይ ዶያ ዴዒስ፤ ዳይናቲካ ዴቦሶና፤ ኤንቲ ሞታናው ዲንዳቦሶና። 39 ሺን ሃንቴ ሃራ ኦዳ ኮይኮ፣ ሻንጎ ሸቆን ኦይይ ቢዒቶ። 40 ሃሳ ገዴና ኢጂኮ ሃቸ ሃኒዳባሰ ሮሚ ካሞቴላይ ኑና ኦይቻና። ሃ ቡቁሳሰ ጋሶይ ባይና ገሹ ኑኒ ጋሶ ኦዳናው ዲንዳቦኮ» 41 ያገዲ ሸቁዋ ላሊሰ።

20

ጳውሎስ ማቄዲኒያኔ ገሪኬ ቢስ

1 ዋሶይ ዴጨዳፕ ጉዬ ጳውሎስ ኣማኒያ ኣሳታ ግጊሲዲ ኤንታ ዘሪዳፕ ጉዬ ሳርላዲ ማቄዲኒያ ባናው ከዩስ። 2 ኢ ኣጲያ ቢታታን ዴባያ ኣማኒያ ኣሳ ቃላ ኦዲዲ ሚንሐላዲፕ ጉዬ ገሪኬ ቢታ ቢስ። 3 ኢ ያን ሃቸ ኣኑና ኡቲዲ፣ ማርካቤራ ሶሪያ ባናው ቆፒዲ ዴሲሺን፣ ኣይሁዳቲ ባና ሞቆናው ኮይይሳ ኤሪዲ ማቄዲኒያራ ጉዬ ሲማናው ኮዩስ።

4 ጳውሎስ ሞይዘይይሳቲ ቤሪያፕ ጳርሁሳ ናባ ሰጳጂርሳ፣ ቴሴሎንቄሬ ኣርሰጂርኮሳኔ ሲኮንዳሳ፣ ዳርቤሬ ጋዮሳ፣ ኢሲያፕ ቴኪቆሳ፣ ጂርፊሞሳኔ ግሞቲዮሳ። 5 ሃሳቲ ሲንሐ ቢዲ ኑና ጂርዒን ናንሶና። 6 ኑኒ ኡይሳ ባሊያ ቦንቸዳፕ ጉዬ ፊልጲሲዩሳፕ ማርካቤራ ዴንዲዲ፣ ኢቻሻንላ ጋላሳን ኤንታ ጂርዒን ገኪዲ ያን ላፑን ጋላሰ ጋሞዲዳ።

ጳውሎስ ጂርዒን

7 ሳሚንታሬ ኮይሮ ጋላሳን ኑኒ ኡይሳ ሚንሳናው ሸቂዲ ዴሲሺን፣ ጳውሎስ ሞንቴሐ ባናው ቆፒዲ ገሹ ኤንታው ቃላ ኦዲሺ ገዲ ቢላሂ ጋካናው ኦዳ ኣዲሲስ። 8 ኑኒ ሸቂዲ ኡቲዳ ፖቂያን ዳር ፖይይ ዴዒስ። 9 ኤወጃኮሳ ገያ ኢሲ ናባቴላይ ማሰኮቲ ቦላ ኡቲዲ፣ ባና ዶጊዲ ጲስኪስ። ጳውሎስ ኦዳ ኣዲሲዳ ዋይ ኤወጃኮስ ጲስኮ ኤዩዲ ሃቸንላ ፖቂያፕ ኮንዲዲ ሃይቁዳይሳ ሳይሳ ዴንሐስ። 10 ሺን ጳውሎስ ዋጲዲ፣ ኢያ ቦላ ጉፋኒስ። ኢያ ኢዲሚዲ፣ «ኢ ሃይቁቤና፣ ሂርገሬቴ» ያገሰ። 11 ሃሳሬ ጉዬ፣ ፑዴ ፖቂያ ቦላ ከዩዲ ኡይሳ ሚንሐዲ ሚስ። ሳሳ ሞንታና ጋካናው ኣሳሰ ኦዲዳፕ ጉዬ ዴንዲዲ ቢስ። 12 ሂ ፓዲና ናቴላ ሶ ኤፊዲ ዳር ኡፋይቲዶሶና።

ጳውሎስ ጂርዒን ሚሊጃ ቢስ

13 ሺን ጳውሎስ ባና ያፕ ሞካና ሚላ ኑስ ኦዲዳ ገሹ ካሲቲዲ ማርካቤያኮ ቢዲ፣ ኣሳሳ ባናው ዴንዲዲ። ኣይሰ ገቲ፣ ኢ ቶሆን ባናው ቆፒዲ ገሹ ኑና ሃሳላ ከቲስ። 14 ኢ ኑራ ኣሳሳን ጋሂቲን ማርካቤያን ኢያ ኤኪዲ ሚጂሊኔ ቢዲ። 15 ሞንቴላ ጋላሰ ያፕ ዴንዲዲ ማርካቤራ ኪዮሳ ሲንሐን ዴባያ ቤሳ ገኪዳ፤ ቃሲ ሞንቴላ ጋላሰ ሳሞሳ ፒኒዲ ካሊያ ጋላሰ ሚሊጃ ገኪዳ። 16 ጳውሎስ ኢሲያን ዳር ጋሞዶ ኤፌሶና ማታ ኣቆናው ቆፒስ። ባው ዲንዳዩቲኮ ጳንጃቆስግ ባሊያ ጋላሰ ዩሩሳላሚ ጋካናው ኡሪቲስ።

ጳውሎስ ኤፌሶና ጨማታ ዘሪስ

17 ጳውሎስ ሚሊጃፕ ኤፌሶና ከቲዲ ሞሳ ከላ ጨማታ ግጊሲስ። 18 ሞሳ ከላ ጨማቲ ኢያኮ ዩን፣ ኤንታኮ ሃይሳዳ ያገሰ። «ታኒ ኢሲያ ጌሊዳ ኮይሮ ጋላሳፕ ዶሚዳ ሂንቴራ ዴዒዳ ዋዴ ኡባን ሞ ዳራዳኮ ሂንቴ ኤሬታ። 19 ኣይሁዳቲ ዲላቲዲ ታ ቦላ ሜቶ ጋሊኮካ ታኒ ኣሸኩቴላኒኔ ዩር ኣፋሳን ጎዳሰ ኡላስ። 20 ዳባገካካ ሂንቴ ከላን ሂንቴና ታማርሲሼ ሂንቴና ማዲያባፕ ኢሲባካ ፓጨሳቢኬ። 21 ታኒ ኣይሁዳታሲኔ ኣይሁዳ ገዴናይሳታን ናጋራፕ ያሳኮ ሲማና ሚላኔ ኑ ጎዳ ዩሱሳ ኣማናና ሚላ ማርካታስ።

22 «ያን ታና ኣይቢ ጋካኒኮ ኤሪኬ፣ ሺን ሃሳ ታኒ ጌሻ ኣያሳሰ ከቲታዳ ዩሩሳላሚ ባይስ። 23 ጌሻ ኣያሳይ ቃቮይኔ ዋዩይ ታና ናጌይሳ ካታማ ኡባን ታው ማርካቲስ። 24 ሺን ታ ሞላ ፖላናውኒ ጎዳ ዩሱስ ከሪስቶሳፕ ኤኪዳ ኦሎቅ፣ ያሳ ኣጶ ከሃቴላ ሞንጌላ ማርካቲሕ ፖላናው ታ ሸሞፐው ፓላናባዳ ቆዳይስ።

25 «ታኒ ሃሳካ ያሳ ካሞቴላ ማርካታሼ ሃንቴ ኡባ ገዴን ዩያስ። ሃዘፕ ጉዬ ሂንቴሬ ኦኒካ ታና ቤዮናይሳ ኤሪዲስ። 26 ሃሳ ገሹ፣ ሂንቴሬ ኢሲ ኡራይ ቆዩኮካ ታ ኦይሹቶናይሳ ሃቸ ሂንቴው ጌሻዳ ኦዳይስ። 27 ኣይሰ ገቲ፣ ያሳይ ኣላናው ቆፒዳባ ኡባ ሂንቴው ኣይቢባካ ኣሸና ኦዳስ።

28 «ባ ናባ ሱላን ሞዚዳ ያሳ ሞሳ ከላ ናገፕ። ጌሻ ኣያሳይ ሂንቴና ሃላቃ ኦሊዲ ዶሪዳ ወዲያሲኔ ሂንቴ ሁዒያሰ ናፕቴ። 29 ታኒ ቢዳፕ ጉዬ፣ ወዲያሰ ቃጶቶና ኢታ ሱላሚቴ ሃንቴ ገዴ ጌላናይሳ ታ ኤራይስ። 30 ኣማኔይሳታ ባንታ ጌዳ ካላላናው ሞርዶ ታማርሲያ ኣሳቲ ሃንቴ ገዴሬ ዴንዳና።

31 ሃሳ ገሾ፣ ታነ ሄዙ ላይሌ ቃማኔ ጋለሰ አፋፋን ሂንቴና ሁዔን ሁዔን ሚንሌሌዳይሳ ቆፒሼ ናጌቲቲ።

32 «ሃዒካ ሂንቴና ሚንላናወኔ ገሻ አሳራ ላተሳናው ዳንዳዒያ ያሳሲኔ ኢያ አጾ ከሃቴላ ቃላሰ ሂንቴና ሃዳራ አማይሰ።

33 «ታነ ኦፔካ ቢራ ዋይኮ ዋርቃ ዋይኮ አፊላ አሞታቢኬ። 34 ታነ ታ ኩሼን ኦላዳ ታናኔ ታራ ዳዔይሳታ ኮሺዳባ ማዲዳይሳ ሂንቴ፣ ሂንቴ ሁዔን ኤራታ። 35 ሂንቴ ሃይሳዳ ዳቡሪዲ ኦሊሼ ዳቡራንቸታ ማዳናይሳኔ ጎዳ ዩሱሲ፣ ሳኬይሳሳፊ አሚይሲ አንጃቲዳይሳን ገዳ ቃላ ሂንቴ ቆፓናው ቤሴይሳ ታነ ሂንቴና ኡባባን ቤሳሰ» ያገሰ።

36 ጳውሎስ ሄሳ ኦዲ አንገዲ አንታ ኡባራ ጉልባቲዲ ያሳ ዋሲሰ። 37 አንቲ ኡባይካ ጳውሎሳ ኢዲሚዲ ዩኪዲ ዩሪዶሶና። 38 ኢ ዛሪዲ፣ «ታና ቤዔኮታ» ያገደ ቃላይ አንታ ዳር አዛንላሰ። አንቲ ማርካቢያ ጋካናው ኢያ ሞይዚዶሶና።

21

ጳውሎስ ዩራሳላሚ ቢስ

1 ኑኒ ኤፌሶና ጨማታፕ ሻኩቲዳ ሜላ ቆሴ ቢዳ። ዋንቴላ ጋለሰ ሮዳ ጋኪዲ ያፔ ጳጳራ ቢዳ። 2 ሲሮፊንቄ ፒኒያ ማርካቤ ዳሚዲ ኢያን ጌሊዲ ባናው ዳንዲዳ። 3 ኑኒ ቆጶሮሳ ቤዓናው ዳንዳዲያ ሶ ዩዲ፣ ቆጶሮሳ ሃዲሮሳ ባጋ አገዲ ሶሪያ ቢዳ። ማርካቤይ ባ ጫና ያን ዋላናው ኮዩዳ ገሾ ዊሮሳ ቢዳ። 4 ያን አማኒያ አሳታ ዳሚዲ አንታራ ላፑን ጋለሰ ኡቲዳ። ጳውሎስ ዩራሳላሚ ቦና ሜላ አንቲ ኢያው አያናን ኦዲዶሶና። 5 ኑኒ አንታራ ኡቲያ ዋይይ ወሪን ከዩዲ ቢዳ። አንቲ ኡባይ ባንታ ማጫሳታራኔ ባንታ ናይታራ ኢሰፊ ካታማፕ ካሪ ከሲዲ ኦና ሞይዚዶሶና። ኑኒ አባ ድናን ጉልባቲዲ ያሳ ዋሲዳ። 6 ሃሳፊ ጉዩ፣ ዋሊ ሳርላዲ ኑ ማርካቢያን ጌሊዳ፤ አንቲ ባንታ ሶ ሰሚዶሶና።

7 ኑኒ አባ ኦጊያ ኦንገዲ፣ ዊሮሳፕ ጳይሌማይሳ ጋኪዳ። ያን አማኒያ አሳታ ሳርላዲ፣ አንታ ማታን ኢሲ ጋለሰ ፔዒዳ። 8 ዋንቴላ ጋለሰ ከዩዲ፣ ቁሳሪያ ቢዳ። ሳባኪያ ፊልጶሳ ሶ ጋኪዲ ኢያ ማታን ኡቲዳ። ኢ ዩራሳላሚን ካሴ ደራቲዳ ላፑናታፕ ኢሱዋ። 9 ፊልጶሳሰ ናቤ ገዲዳ ኦይዲ ጌላያ ናይቲ ዳይሶና።

10 ኑኒ አንደና ጋለሰ ያን ኡቲዲ ዳዒሺን አጋቦሳ ገያ ናቤይ ዩሁዳፕ ቁሳሪያ ዩሰ። 11 ኑኮ ዩዲ ጳውሎሳ ሳቁያ ኢኪዲ ባ ኩሽያኒ ባ ቶሁዋ ቃቺዳ፣ «ገሻ አያናይ ሃ ሳቁያ ጎዳ፣ ዩራሳላሚን አይሁዳፕ ሃይሳዳ ቃቺዳ፣ አይሁዳ ገደና አሳሰ አላዲ አማና ያገሰ» ያገሰ።

12 ኑኒ ሄሳ ሲዒዳ ዋይ ኑኒ ያን ዳዒያ አሳቲ ጳውሎስ ዩራሳላሚ ቦና ሜላ ዋሲዳ። 13 ሺን ጳውሎስ ዛሪዳ፣ «ሂንቴ ሃይሳዳ ዩኪሼ አይሰ ታ ዋዛና ሹጊሴቲ? ታነ፣ ጎዳ ዩሱሳ ሱንላ ገሾ ቃሹቴላ ፃላላ ገደናሺን ዩራሳላሚን ሃይቃናወካ ገኒታሰ» ያገሰ።

14 ኑ ዞሪያ ኢ አኮና አጃን፣ «ጎዳ ሹኔይ ሃና» ያገደ ሲዒ ያዲ።

15 ያን ጉላ ዋይ ጋሞዒዳፕ ጉዩ ገኒቲዲ ዩራሳላሚ ባናው ከዩዳ። 16 ቁሳሪያን ዳዒያ አማኒያ አሳታፕ ጉላቲ ኑራ ቢዶሶና። አንቲ ኑኒ ሹምፓናሱዋ ሚናሶና ገያ ቆጶሮሳ አዲያ ሶ ኤፊዶሶና። ሚናሶኒ ኮይሮ አማኒዳ አሳቲ ኢሱዋ።

ጳውሎስ ዩራሳላሚ ጋኪስ

17 ኑኒ ዩራሳላሚ ጋኪዳ ዋይ አማኒያ አሳቲ ኦና ኡፋይሳን ሞኪዶሶና። 18 ዋንቴላ ጋለሰ ጳውሎስኒ ኑኒ ያይቆባሮ ጋሂታናው ቢዳ። ዋሳ ከላ ጨማፕ ኡባቲካ ያን ዳይሶና። 19 ጳውሎስ አንታ ሳርላዲፕ ጉዩ አይሁዳ ገደና አሳ ገደን ባ ባጋራ ያሳይ አላዳባ ኡባ አንታው ኦዲሰ።

20 አንቲ ሄሳ ሲዒዳ ዋይ ያሳ ጋላቲዲ ጳውሎሳኮ ሃይሳዳ ያገደሶና። «ኑ አሻው፣ አይሁዳታ ገደን አፑን ሙኩላቲ ያሳ አማኒዳኮ ኔ ቤዓሳ፤ አንቲ ኡባይካ ሂፒያ ሚንላ ናጎሶና። 21 ኑኒ አይሁዳ ገደናይሳታ ቢታን ዳዒያ አይሁዳ ኡባይ ባንታ ናይታ ቃጭና ሜላ፣ አይሁዳታ ዋጋ ካሎና ሜላኔ ሙሴ ሂፒያ አፑን ዳዒያ ኑኒ ታማርቤይሳ ዩራሳላሚን ዳዒያ አይሁዳቲ ሲዒዶሶና። 22 ያቲን አይቤ ሎዎ? ኑኒ ዩዳይሳ ዳርቲ ሲዳና።

23 «ሄሳ ገሾ፣ ኑኒ ኔው ኦዲይሳ ሲዳ፤ ጋሪይ ዳዒያ ኦይዲ አሳቲ ኑ ማታን ዳይሶና። 24 አንታ ኡካዳ አንታራ ጌያ፤ ቃሲ አንቲ ባንታ ሁዒያ ሜይታና ሜላ አንታው ሚሼ አማ። አንቲ ካሴ ኔባ ሲዒዳይሲ ቱማ ገደናይሳኔ ኑኒ ኔ ሁዒካካ ሂፒ ናገያ አሲ ገዲይሳ ኡባይ ኤራና።

25 «ሺን አማኒዳ አይሁዳ ገደና አሳታ ገዲኮ፣ አንቲ ኤቃሰ ያርሼቲዳባ ሞና ሜላ፣ ሱሉ ኡኖና ሜላ፣ ባወታ ሞና ሜላኔ ላይማቶና ሜላ፣ ኑኒ ኦዳ ቃቺዳ፣ አንታው ዳብዳቤ ፃፊዳ» ያገደሶና።

26 ሃሳፊ ጉዬ፣ ጳውሎስ ዋንቴላ ጋላስ አሳታ ኤኪዲ፣ ኤንገራ ጌደስ። ኢ ባንታ ጌያ ጋላሳይ አዉዴ ፖሊቴያኮ ኤሪሳናዉኔ ባንታ ያርሹዋ አዉዴ ያርሻኔኮ ኤሪሳናው ያሳ ኬሌ ጌሊስ።

ጳውሎስ ኦይኩቴስ

27 ላፑን ጋላሳይ ዉራና ሃኒሺን፣ ኢሲያፕ ዪዳ አይሁዳቴ ያሳ ኬላን ጳውሎሳ ቤዒዲ፣ አሳ ኡባ ዴንፎሌዲ ጳውሎሳ ኦይኪደሶና። 28 «ኢስራዔሌ አሳው፣ ኑና ማዲቴ፤ ሃ ኡራይ፣ ኑ ዴሪያ፣ ኑ ሂጊያኔ ሃ ያሳ ኬላ ኢዳና ማላ አሳ ኡባ ታማርሴስ። ሂሲካ ጊደና ኢዳን አይሁዳ ጊደናይሳታ ያሳ ኬሌ ጌሊስዲ፣ ሃ ጌሻ ቤሳ ቱኒሲስ» ያጊዲ ዋሲደሶና። 29 ኤንቴ ሃሳ ጊዳይ ካሴ ኤፊሶና ዒርፊሞሳ ጳውሎሳራ ካታማን ቤዒዲ ጊሾ ሃዒ ጳውሎስ ያሳ ኬሌ ኢያ ኤኪ ጌሊዳባ ኤንታው ዲኒስ።

30 ካታማ ኡባይ ቡቄቴስ፤ አሳ ኡባይ ሸቄዲ ጳውሎሳ ኦይኪዲ ያሳ ኬላፊ ካሬ ጎቹደሶና። ያሳ ኬላ ፔንጌቴ ኤሊሲዲ ጎርዴቴደሶና። 31 አሳይ ጳውሎሳ ዋቆና ሃኒሺን፣ «ዩራሳላሜ ካታማይ ከሜሌ ቡቄቴስ» ጊያ ኦዳይ ሮሜ ሻላቃኮ ጋኪስ። 32 ሻላቃይ ዋታዳሬታኔ ማቶ ሃላቃታ ኤኪዲ ዋይሽ ዪስ። አሳይ ሻላቃኔ ዋታዳሬታ ቤዒዳ ዋዴ ጳውሎሳ ዋዴይሳ አጋጊደሶና።

33 ሃ ዋዴ ሻላቃይ ሸቄዲ፣ ጳውሎሳ ኦይኪዲ፣ ናሞቡ ሳንሳላታን ቃሺታና ማላ ኩቴስ። ያቴዲ፣ ኢ ኦኩኮ ኦይ ኦላዲኮ አሳ ኦይቸስ። 34 አሳፕ ባጋይ ኢሲባ ጊዲ ዋሲያ ዋዴ ሃራቴ ሃራባ ጊዲ ዋሲስ። ዋሶይ ዳሪዳ ጊሾ ሻላቃይ ቱማ ሻካንው ዳንዳዒቶና ኢዳን፣ ዋታዳሬቴ ጳውሎሳ ባንታ ዳዒያሶ ኤፋና ማላ ኩቴስ። 35 ጳውሎስ ዬቋ ኬያ ዳሳ ጋኪያ ዋዴ አሳ ሱጌላ ጊሾ ዋታዳሬቴ ኢያ ቶኪደሶና። 36 ዳር አሳይ፣ «ኢ ሃይቆ!» ያጊዲ ዋሲሽ ካሎሶና።

ጳውሎስ ሞቱሞስ ዛር አሚስ

37 ዋታዳሬቴ ጳውሎሳ ባንታ ዳዒያሶ-ዋ ጌልሳና ሃኒሺን፣ ጳውሎስ ሻላቃኮ፣ «ታኒ ኔው ኢሲባ ኦደ?» ያጊስ።

ኢ ጳውሎሳኮ፣ «ኔኒ ገሪኬ ደና ኤራይ? 38 ኔኒ ሃይሳፊ ሲንጤ ቡቄሌ ሜቋዲ ሸሞፖ ዋቋዲ ኦይዲ ሙኩሉ አሳታ ኤኪዲ ባዞ ጌሊዳ ገብፂ ኡራ ጊዲኪ?» ያጊስ።

39 ሸን ጳውሎስ፣ «ታኒ፣ ከልቂያን ዳዒያ ኤራቴዳ ቴርሴሴ ካታማን ዬሌቴዳ አይሁዳ አሲ። ሃያና ታና ኦዲሳርኪ?» ያጊስ።

40 ሻላቃይ ኢያኮ፣ «ኦዳ» ያጊን ጳውሎስ ዳሳ ቦላ ኦቄዲ፣ አሳይ ሲዒ ጋና ማላ ባ ኩሺያን ማሊስ። አሳይ ሲዒ ጊን ኢብራይስፂ ደናን ሃይሳዳ ያጊስ።

22

1 «ታ አሻቶ፣ ታ አዋቶ፣ ታኒ ሃዒ ሃንቴው አሚያ ዛርዋ ሲዒቴ።» 2 ጳውሎስ ኤንታው ኢብራይስፂ ደናን ኦዴይሳ ሲዒዲ ካሴይሳፊ አላዲ ሲዒ ጊደሶና። ኢ ካሊዲ፣

3 «ታኒ ከልቂያን ዳዒያ ቴርሴሴን ዬሌታዳ ሃ ካታማን ዲጫስ። ታ አስታማራይካ ጋማሊያሌ፤ ታኒ ኑ አዋታ ሂጊያ ሚንሳ ታማራዳ፣ ሃቹ ሃንቴ ኡባይ ሃኔይሳዳ ያሳስ ሚሽቴያ አይሁዳ አሲ።

4 ታኒ ሃ ኦጊያ ካሊያ ማጫታኔ አይታ ኦይካዳ ቃሾ ኬላን ዬጋሺን ኤንታ ዋቋሳና ጋካናው ዋዬ ቤሲዳ አሲ። 5 ሃሳዳካ፣ ካሂኔ ሃላቃይኔ ሻንጎ ኡባይ ታባ ማርካታናው ዳንዳዒስ። ታኒ ዳማስቆን ዳዒያ ኤንታ አሻታስ ኤንታፊ ዳብዳቤ ኤካዳ ያን ዳዒያ አሳቴ ቃሾቴዲ ሴሬታና ማላ ዩራሳላሜ ኤንታ ኤሃናው ያ ባስ።

6 «ታኒ ባዳ ዳማስቆ ማቴዳ ዋዴ ሴታ ጋላስ ቆፖና ሳሎፕ ጌታ ፖያይ ታ ዩሹዋን ፖሲስ።

7 ታኒ ሳባን ኩንዳ ዳዒሸን፣ ሳባላ፣ ሳባላ፣ ታና አይስ ጎዳይን? ጊያ ቃላ ሲባስ። 8 ታኒ ዛራዳ፣ ሳዳው፣ ኔኒ ኦኒ?» ያጋስ።

ኢ ዛራዲ፣ «ታኒ፣ ኔኒ ጎዲያ ናዚሬቴ ዬሱሳ» ያጊስ። 9 ታራ ዳዴይሳቴ ፖቡዋ ቤዒደሶናፕ ኦኒን ታው ኦዴይሳ ቃላ አኬኪቡኮና።

10 «ታኒ፣ ሳዳው፣ ታ አይ ኦሉ?» ያጋስ።

«ሳዳይ ታኮ፣ «ዳንዳዳ ዳማስቆ ባ። ኔኒ ኦላና ማላ ያሳይ ቆፕዳባ ኡባይ ያን ኔው ኦዴታና ያጊስ። 11 ሃ ዋልቃማ ፖቡዋ ጋሶን ታ አይፊይ ቆቄን፣ ታራ ዳዒያ አሳቴ ታ ኩሺያ ኦይኪዲ፣ ታና ጎቹን ዳማስቆ ጋካስ።

12 «ዳማስቆን ዳዒያ አይሁዳ ኡባይ ዳር ቦንቸያ ኢሲ ሃናኒያ ጊያ አዳይ፣ ኑ ሂጊያ ቦንቸይሲኔ ያሳ ሚንሌ ዋሲይሲ ዳዒስ። 13 ሃናኒይ ታኮ ዪዲ፣ ታ ማታን ኤቄዲ፣ «ታ አሻው ሳባላ፣ ያላ» ያጊስ። ኤሌሳዳ ታኒ ኢያ ያላ አጋስ።

14 «ኢ ታኮ፣ «ኑ አዋታ ያሳይ ኔኒ ኢያ ሸኒያ ኤራና ማላ፣ ኢያ ያሎ ናባ ቤዒና ማላኔ ኢያ ደናፕ ቃላ ሲዳና ማላ ካሴቴዲ ኔና ደሪስ። 15 ኔኒ ቤዒዳባኔ ሲዒዳባ አሳ ኡባ ሲንሳን ኢያው

ማርካት። 16 ሃዲ አይሰ ጋምዳይ? ዳንዳዳ ፃማቂታ፤ እያ ሱንሳ ጃጋዳ ኔ ናጋሬፔ ሜጩታ። ያገሰ።

17 «ታጌ ጉዬ ዬሩሳላሜ ሰማዳ ያሳ ኬላን ዋሲሸን፤ ታው ቆንጩላ በንተሰ። 18 ቆንጩላን ጎዳይ ታኮ። ሕገ ታው ማርካትያ ማርካቲላ አሳይ ኤኮና ገሾ ኤሌሳዳ ዬሩሳላሜፔ ኬያ። ያገሸን በዳሰ።

19 «ታጌ፣ ሳዳው፣ አይሁዳ ዋሳ ኬላ ኡባን ኔና አማኔይሳታ ኦይካዳ ዋጂዳይሳኔ ቃሾ ኬላን ዩጊዳይሳ ኤንገጥ ኤርሶና። 20 ኤንገጥ ኔ ማርካ ኢሰጃፋሮሴ ዋጂያ ዋዴ ታጌ ሄ ኦዳን ኢሲፋሰ። ቃሲ ኤንገ ማጉን ኤቃዳ እያ ዋጂይሳታ ማዑዋ ናጋይሰ» ያገሰ።

21 «ጎዳይ ታኮ። ሕጌ ኔና አይሁዳ ገዳና አሳኮ ሃሆሶ ከቲያ ገሾ ዳንዳዳ ባ » ያገሰ።

ጳውሎስ ሮሜ አሲ ገዳይሳ ቆንጩሲሰ

22 ጳውሎስ ሄ ቃላ ኦዳዲ ኦንጋና ጋካናው አሳይ ኢ ጌይሳ ሲዖሶና። ሄሳፌ ጉዬ፣ ባንታ ቃላ ቶቁ ኦሊዲ፣ «ሃይሳ በታፌ ጳይሳ! ኢ ዳናው በሴና» ያገደሶና።

23 ኤንገጥ ዋጫሚሸን፣ ባንታ ማዑዋ ቦላ ሆሊሸንጌ ባና ቦላ ላሊሸን፤ 24 ሻላቃይ በዒዲ ዋታዳሬጥ ጳውሎሳ ባንታ ዳዲያሰቀ ኤፋና ሜላ ከቲሰ። ቃሲ አሳይ አይሰ ሄሳዳ ዋጫሚዳኮ ኤራናው ኮዩዲ ጳውሎሳ ሊሰን ጋራፊዲ ፐልጋና ሜላ ኤንታ ከቲሰ። 25 ሸን ዋታዳሬጥ ጳውሎሳ ዳፎን ሚንላ ቃቸዲ ጋራፋና ሂኒያ ዋዴ ጳውሎስ ባ ማጉን ኤቁዳ ማቶ ሃላቃኮ፣ «ሮሜ አሲ * ፐርዲ ባይና ጋራፊይሲ ሂንጥው ዋጌ?» ያገሰ።

26 ማቶ ሃላቃይ ሄሳ ሲዲዳ ዋዴ ሻላቃኮ ቢዲ፣ «ሃ አዳይ ሮሜ አሲ። ኔጌ አይ ኦላናው ቆጋይ?» ያገዲ ኦይቸሰ።

27 ሻላቃይ ጳውሎሳኮ ሸቁዲ፣ «ኔጌ ሮሜ አሲ? አኔ ታው ኦዳ» ያገሰ።

ጳውሎስ፣ «ኤ» ያገሰ።

28 ሻላቃይ ዛሪዲ፣ «ታጌ ሃ ጋዴቲላ ዳሮ ሚሸን ሻማሰ» ያገሰ።

ሸን ጳውሎስ፣ «ታ ሃ ጋዴቲላ ዩሊቲላን ዳማ ኤካሰ» ያገሰ።

29 ሄሳ ገሾ፣ ጳውሎሳ ፐልጋናው ቆፐዳይሳጥ ኤራ ኢያፔ ሻኬቲደሶና። ሻላቃይ ሮሜ አሲ ሳንሳላታን ቃቸዳይሳ ኤሪዳ ዋዴ ያዩሰ።

ጳውሎስ አይሁዳ ሻንጎ ሲንላ ሸቁሰ

30 ዋንቲላ ጋላሰ ሻላቃይ፣ አይሁዳጥ ጳውሎሳ አይሰ ሞቲዳኮ ገሸ ኤራናው ኮዩሰ። ካሂኔ ሃላቃጥ ኻንጎ ኡባይ ሸቃና ሜላ ከቲሰ፤ ቃሲ ጳውሎሳ ቃሾፔ በሊሲዲ ኤንታ ሲንላን ኤሲሰ።

23

1 ጳውሎስ ሸቁዋ ጫዲ ጃሊዲ፣ «ታ አሻቶ፣ ታጌ ሃቸ ጋካናው ያሳ ሲንላን ታ ዳዖ ኡባን ሎዖ ዋዛናን ዳዳሰ» ያገሰ። 2 ካሂኔ ሃላቃይ ሃናኔይ፣ ጳውሎሳ ደናን ባቃና ሜላ እያ ማጉን ኤቁዳይሳታ ከቲሰ። 3 ሄ ዋዴ ጳውሎስ ኢያኮ፣ «ላ ኔ ቦቁንጥ ቲዩዳ ጎዳ ዳኔይሶ፣ ያሳይ ኔና ባቃና። ኔጌ ታ ቦላ ሂጊያላ ፐርዳናው ኡታዳ ዳዳሸ ሂጌይ ባይና ታና ባቃና ሜላ ከታይ?» ያገሰ።

4 ጳውሎሳ ማጉን ኤቁዳይሳጥ ኢያኮ፣ «ኔ ያሳ ካሂኔ ሃላቃ ጫያይ?» ያገደሶና።

5 ጳውሎስ፣ «ታ አሻቶ፣ ኢ ካሂኔ ሃላቃ ገዲዳይሳ ታጌ ኤራቢኬ፤ አይሰ ገኮ ያሳ ቃላን፣ ሕ ዳሪያ አይሲይሳ ቦላ ኢታ ቃላ ሃሳዮጋጋጋ ጌቲፔ ፃፊጥሰ» ያገሰ።

6 ሸን ጳውሎስ ሄ በሳን ዳዲያ አሳጥ ባጋጥ ሳዲቃቂታ፣ ባጋጥ ሳዲቃቂታ ገዲይሳ በዒዲ፣ «ታ አሻቶ፣ ታጌ ፋሪሳዌኔ ፋሪሳዌ ናዩ፤ ሃይቁዳይሳጥ ሃይቆፔ ዳንዳና፣ ጋዳ ታጌ ኡፋሪሳን ናጊያ ገሾ ኤንገጥ ታ ቦላ ፐርደሶና» ያገዲ ኦዳሰ።

7 ጳውሎስ ሄሳ ገዲ ዋዴ ፋሪሳዌታ ገደኒኔ ሳዲቃቂታ ገደን ኦሽ ከዩን ሻኬቲደሶና። 8 አይሰ ገኮ፣ ሳዲቃቂታ፣ «ሃይቁዳ አሲ ዳንዳና፤ ከታንቸይካ አያኒካ ባዋ» ያጎሶና። ሸን ፋሪሳዌቲ ናምዒይካ ዳዲይሳ አማሶና። 9 ገታ ካቸ ከዩሰ፤ ፋሪሳዌታ ባጋ ገዲዳ ሂጌ አሰታማሬጥ ዳንዳ ኤቁዳ፣ «ሃ ኡራ ቦላ አይቢ ባላካ ዳሚቦኮ፤ ኢያው አያኒ ዋይኮ ከታንቸይ ሃሳዮና አጌና» ያገዲ ጋላሚደሶና።

10 ኦሻይ ዳሪን አሳይ ጳውሎሳ ሻቂሬሶና ሜላ ገዲ፣ ሻላቃይ ባ ዋታዳሬጥ ዋጂዲ ኤንታ ገደፌ ኢያ ኤሊሲ ከሲዲ ባንታ ዳዲያሰቀ ኤፋና ሜላ ከቲሰ።

11 ሄ ቃማ ጎዳይ ጳውሎሳ ማጉን ኤቁዳ፣ «ጳውሎሳ፣ ኔጌ ታው ዬሩሳላሜን ማርካትዳይሳዳ ሮሜንካ ማርካትናው በሴሰ፤ ሚና፤ አይኮይ ባዋ» ያገሰ።

22:20 ሃ.ኦ 7:58 * 22:25 ሮሜ አሲ፣ 16:37 ጃሊቲ። 23:3 ማቶ 23:27-28 23:5 ከሳ 22:28 23:6 ሃ.ኦ 26:5፤ ፊል 3:5 23:8 ማቶ 22:23፤ ማር 12:18፤ ሉቃ 20:27

ጳውሎስ ማቆናው ማቆቲደሶና

12 ምንቴላ ጋላስ አይሁዳይት፣ «ጳውሎስ ምኞት ደረሰኝ ሞኮ ኡዮኮ» ገዲ ጫቂደሶና። 13 ጳውሎስ ቦላ ሄሳ ማቆቲደዳ አሳቲ ኦይታማ፣ ደረሰና። 14 ኤንቲ ካሂኔ ሃላቃታኮኔ ደሪያ ጨማታኮ ቢዲ፣ «ኮኔ ጳውሎስ ምኞት ደረሰኝ ካላ ገያባ ሞኮ ገዲ ጫቂደ። 15 ሂዛ፣ ሂንቴኔ ሻንጎይ ኢያባ ጌሽዲ ፕልገያባይ ደዲያ ዳኒሲዲ፣ ጳውሎስ ሂንቴኮ ኤሃና ሜላ ሻላቃ ኦይቲቴ። ኮኔ ኢ ሃ ሸቁዋ ጋካና፣ ሲንሌ ኢያ ምኞት ገገዲ ኡቲደ» ያገደሶና።

16 ሺን ጳውሎስ ማቆና ናባይ ሄ ማቆዋ ሲዲዳ ምዴ ቢዲ ምታዳሬቲ ደዲያሱዋ ጌሊዲ፣ ጳውሎስ ኦዲሰ። 17 ጳውሎስ ማቆ ሃላቃታ፣ ኢሱዋ ያገደዲ፣ «ሃ ናባይ ሻላቃስ ኦዲያባይ ደዲያ ገሾ ኢያ ሻላቃኮ ኡፋ» ያገሰ።

18 ማቆ ሃላቃይ ናባ ሻላቃኮ ኡፊዲ፣ «ቃሾ ኬላን ደዲያ ጳውሎስ ታና ባኮ ያገደዲ፣ ሃ ናባይ ኔው ኦዲያባይ ደዲያ ገሾ ኢያ ኔኮ ኤሃና ሜላ ታና ምሲስ» ያገሰ።

19 ሻላቃይ ናባ ኩሽያ ኦይኪዲ፣ ደማ ካሬ ኬሲዲ፣ «ኔኔ ታው ኦዳናባይ አይቤ?» ያገደዲ ኦይቲሰ።

20 ናባይ ሻላቃኮ፣ «አይሁዳይት ጳውሎስ ካሰፎ ሚንሌ ፕልጋናው ኮዩዳባ ዳኒሲዲ ኔኔ ምንቶ ኢያ ሸቁዋ ኤሃና ሜላ ኔና ምሳናው ዘሬታ ቃቲደሶና። 21 ሺን ኔኔ ኤንቲ ገያባ ሲያ፣ አይሰ ገኮ፣ ኦይታማ፣ ደሪያ አሳቲ ጳውሎስ ምኞት ደረሰኝ (ካላ ሞኮ፣ ሃሌ ኡዮኮ) ገዲ ጫቂደ፣ ቆሴቲዲ ኢያ ናጎሶና። ሃሪ ኔ ገያባ ሃላላ ሲዳናው ናጎሶና» ያገሰ።

22 ሻላቃይ ዛሬዲ፣ «ሃ ኦዳ ኔ ታው ኦዲዳይሳ ሃራ ኦዳሰካ ኦደ፣፣» ያገደዲ ናባ ጉዬ ዬዲሰ።

ጳውሎስ ደሪያ አይሲያ ፊልኪሳ ሲንሌ ሸቁስ

23 ሻላቃይ ማቆ ሃላቃታ፣ ናምባታ ያገደዲ፣ «ቃማሬ ሄዡ ሳቲን ቁሳሪያ ባናው፣ ናምባ ያታዳሬታ፣ ላፑን ታው ፓራ አሳታኔ ናምባ ያታ ቶራንቸታ ገገሲቲ። 24 ደሪያ አይሲያ ፊልኪሳኮ ጳውሎስ ሳር ጋሳናው ቶጋ ሜሄ ገገሲቲ» ያገደዲ ኤንታ ከቲሰ። 25 ሻላቃይ ፊልኪሳስ ሃይሳዳ ገያ ዳብዳቤ ፃፊሰ።

26 «ቃላወዲዮሳ ሉሲዮሳ፣ ደሪያ አይሲያ ቦንቾ ፊልኪሳስ፣ ሳርይ ኔው ገደ። 27 አይሁዳይት ሃ ኡራ ኦይኪዲ ምኞት ሃኒሺን፣ ኢ ሮሜ ቢታ አሲ ገደይሳ ኡራዳ ምታዳሬታራ ጋካዳ ኢያ አሻሰ። 28 ኤንቲ ኢያ አይሰ ሞቲያኮ ኡራናው ኮያዳ ኤንታ ሸቁዋን ኢያ ሸሻሰ። 29 ኤንቲ ባንታ ሂገያስ ኢያ ሞቲዳይሳፊ ኡቲን ኢያ ምኞት ሲያባ ገደይሳ ታ ደማሰ። 30 ኤንቲ ሃ ኡራ ቦላ ማቆቲደ ዘገርሳይ ታና ጋከን፣ ታኔ ኡሌሳዳ ኢያ ኔኮ ዬዲሰ። ኢያ ሞቲይሳቲ ኔ ሲንሳን ቢዲ ሞታና ሜላ ከታሰ» ያገሰ።

31 ሃሳ ገሾ፣ ምታዳሬቲ ከቲቲዳይሳዳ ጳውሎስ ኤኪዲ፣ ቃማ አንቲጳይሪሳ ጋላደሶና። 32 ምንቴላ ጋላስ ፓራ አሳቲ ኢያሪ ባና ሜላ ኡሌዲ ቶሆ አሳቲ ጉዬ ሲሚደሶና። 33 ቶጋይ ቁሳሪያ ጋኪዲ ዳብዳቤያ ደሪያ አይሲያሰስ ኢሚዲ፣ ጳውሎስ ኢያ ሲንሌ አላደሶና። 34 ደሪያ አይሲያሰ ዳብዳቤያ ናባቢዳ፣ ጉዬ «ጳውሎስ፣ ኔ አው አወራጃ አሲ?» ገዲ ኢያ ኦይቲሰ። ኢ ከልቂያ አሲ ገደይሳ ኡራዳ ምዴ 35 «ታኔ ኔባ ኔና ሞቲይሳቲ ያ ምዴ ሲዳና» ያገሰ። ምታዳሬቲ ጳውሎስ ሄሪዲሳ ኬላን ናጋና ሜላ ከቲሰ።

24

ጳውሎስ አይሁዳይት ሞቲደሶና

1 ኢቻሾ ጋላሳ፣ ጉዬ ካሂኔ ሃላቃይ፣ ሃናኔይ፣ ጨማታራኔ ያርዳሉሳ ገያ ኢሲ ፃባቃራ ቁሳሪያ ቢስ። ኤንቲ ደሪያ አይሲያሰ ቦላ ጳውሎስ ሞቲደሶና። 2 ጳውሎስ ያገደዲ ጌሊዳ ምዴ ያርዳሉሲ ኢያ ሃይሳዳ ያገደዲ ሞቲሰ።

«ቦንቾ ፊልኪሳ፣ ኮኔ ኔ ባጋራ ዳር ሳርቴላ ደሚዲ፣ ኔ ሎዮ አይሱዋን ኔ ቢታይ ዳር ሳሜቲስ። 3 ቦንቾ ፊልኪሳ፣ ኮኔ አወንካ አወዴ ገደን ዳር ጋላታን ሄሳ ኡኮስ። 4 ታኔ ኔና ጋምሶሶናሽን ኔኔ ኔ ኬሃቴላን ኩባ ቃንሳን ሲዳ ሜላ ኔና ምሳይሰ። 5 ሃ ኡራይ ቆቤ ገዲዲ ቢታ ኡባን ደዲያ አይሁዳይታ ገደን ቡቁላ ሜጲዲ ናዘራዊታ ባጋ አሳ ካሌሌይሳ ገደይሳ ቆፎዳ። 6 ሃሪ አቶሽን፣ ያሳ ኬላ ቲሳና ሃኒሺን ኮኔ ኢያ ኦይኪዲ፣ ኮ ሂገያዳ ኢያ ላ ፐርዳናው ሸፐዲ። 7 ሺን ሻላቃ ሉሲዮስ ዩዲ፣ ምልቃን ኮ ኩሸፎ ኢያ ምላ ኤኪሰ። 8 ኢያ ሞቲይሳቲካ ኔኮ ያና ሜላ ከቲሰ። ኔኔ ኔ ሁዳን ሃ ኡራ ፕልጋዳ ኮኔ ኢያ ሞቲያ ሞቲዋ ኡባ ኡራናው ዳንዳሳ» ያገሰ።

9 አይሁዳይትካ፣ «ሃ ኦዳይ ቱማ» ገዲ ኢያ ቆፋ ማሲደሶና።

ጳውሎስ ሞቲዋስ ዛር አሚሰ

10 ደሪያ አይሲያሰስ ጳውሎስ ኦዳ ገዲ ማሊስ። ጳውሎስ ሃይሳዳ ገዲ ዛሪሰ። «ኔኔ ዳር ምዴ፣ ደማዳ፣ ሃ አሳስ ፐርዳሽ ደዲያሰ ኡራዳ ታ ኦዳስ ኡፋይሳን ዛር አሚሰ። 11 ታኔ ጎይናው ዩራሳላሚ ኬዪን ታማኔ ናምባ ጋላሳ፣ አጭናይሳ ኔኔ ኔ ሁዳን ኡራናው ዳንዳሳ። 12 አይሁዳይት

ታና ያሳ ኬላን ጊዲን አይሁዳ ዋሳ ኬላን ጊዲን ካታማን ጊዲን ኦዴራካ ፓላሚሽን ዋይኮ አሴ ሸሻዳ ማቂሽን አሴ አሴካ ዳሚቢና። 13 ሃዋሳ ኢንቲ ታና ሞቲያባሰ ማርካ ዳማናው ዳንዳያኮና።

14 «ሽን ታኒ አሴባ አማናይሰ፤ ታኒ ሂጌን ዳሚያባቴ ናቤቲ ዓፊዳ ኡባባ አማናዳ፤ ኑ አቃታ ያሳ፤ ኢንቲ ዋርዶ ጊያ ኮጊያን ጎይናይሰ። 15 ኢንቲ ባንታ ሁዓን አማኔይሳ ሜላ ዓሎቲኔ ናጋራንቸቲ ሃይቆፔ ዳንዳናይሳ ታካ አማናይሰ። 16 ሄሳ ጊሾ፣ ታኒ ያሳ ሲንሳኒኔ ኣሳ ሲንሳን ኡባ ዋዴ ሎዎ ካሂ ታው ዳና ሜላ ሚናይሰ።

17 «ታኒ ዬሩሳሌሜ፤ ኬዮሳፔ ዳር ላይላፊ ጉዬ ታ ቢታ ማንቆታሰ ማዴ አማናወኔ ያርሾ ያርሻናው ዬሩሳሌሜ ባሰ። 18 ታኒ ያሳ ኬላን ሄሳ ኦላዳ ጌሻ ዋጋ ፖላ ሲሚን ታና ዳሚዳሶና። ሄ ዋዴ ታራ አሴ ባሞ፣ ኦሽካ ኬዬቤና። 19 ሽን አሴያፔ ዪዳ አሴ አሴ አይሁዳቲ ያን ዳዖሶና፤ ኤንቲ ታ ቦላ ኦዳ ኮይኮ ዪዳ ታና ኔ ቦላ ሞታናው ዳንዳያሶና። 20 ዋይኮ ታኒ ሻንጉዋ ሲንጤ ሸቆዳ ዋዴ ኦላዳ ባሊ ዳዒኮ ሃይሳቲ ኔ ሲንሳን ዳዔይሳቲ ኦዳና። 21 ታኒ ኢንታ ጊዲን ኤቃዳ፤ ሃይቁዳይሳቲ ዳንዳና ጋዳ ዋሳዳ ኦዳዳ ጊሾ ሃቺ ሂንቲ ሲንሳን ታ ቦላ ፐርዶሶና ጋሰ፤ ሄሳፊ ሃራባ ኦላቢኬ» ያገሰ።

22 ሽን ፊልኪሲ ያሳ ኦጊያባ ጌሽ ኤሪዳ ጊሾ «ታኒ ሂንቲ ኦዳ ሻላቃ ሉሰኖሲ ያ ዋዴ ፐርዳና» ያገዱ ዋይዚሰ። 23 ፊልኪሲ ቃሲ ጳውሎሳ ቃቸና ናጋና ሜላኔ ኢያ ዳቦታፔ ኦኒካ ኢያ ኦይቻናው ዪሽን ዲጎና ሜላ ማቶ ሃላቃሰ ኦዲሰ።

ጳውሎሲ ፊልኪሳ ሲንጤ ዲሩሲላ ሲንጤ ሸቆሰ

24 ጉላ ጋላሳፔ ጉዬ፣ ፊልኪሲ አይሁዳ ባጋ ጊዲዳ ባ ማቺ ዲሩሲላራ ዪዳ ጳውሎሳ ከቲ ኤሂሲዲ ዬሱሰ ከሪሰቶሳን አማናባ ኢያፔ ሲሲሰ። 25 ጳውሎሲ ዓሎቲላባ፣ ባ ሁዔ ሃርባኔ ያናው ዳዒያ ፐርዳባ ኦዲሽን፣ ፊልኪሲ ያዪዲ፣ «ኔኒ ሃሲባ ባ፤ ታው ኢንጃቲዳ ዋዴ ኔና ዪጊሳና» ያገሰ። 26 ሃ ዋዴ ጳውሎሳፔ ጉቦ ኤካናው ቆፐዲ ኢያ ዛሪ ዛሪ ዪጊሲዲ ኢያራ ኦዳቴሰ።

27 ናምቦ ላይላፊ ጉዬ፣ ፊልኪሳ ቤሳ ጳርቄኖሰ ፊሰጎሲ ኤኪሰ። ፊልኪሲ አይሁዳታ ኡፋይሳናው ኮዪዲ ጳውሎሳ ቢሎና ኣጋገሰ።

25

ጳውሎሲ ሮሜ ካወቀሰ ኣቤት ጎሰ

1 ፊሰጎሲ ካዋቲዳ ሄዘ፣ ጋላሳፔ ጉዬ ቁሳሪያፔ ዬሩሳሌሜ ቢሰ። 2 ያን ካሂኔ ሃላቃቲኔ አይሁዳታ ካሌጤይሳቲ ጳውሎሳ ሞቲዶሶና። 3 ጳውሎሳ ዬሩሳሌሜ ኤሂሽን ኦጊን ቆሲቲዲ ኢያ ዋፋናው ኤንታው ኢንጃታና ሜላ ባንታና ማዶ ጊዲ ፊሰጎሳ ዋሲዶሶና። 4 ፊሰጎሲ ኤንታኮ፣ «ጳውሎሲ፣ ቁሳሪያን ቃሾ ኬላን ዳዒሰ፤ ታኒ ታ ሁዓንካ ኤሌሳዳ ጉዬ ሰሚና ሃናይሰ። 5 ኢ ባሊዳባይ ዳዒኮ ሂንቲ ጊዲን አዋቲይሳቲ ታራ ቁሳሪያ ቢዲ ኢያ ሞቶና» ያገዱ ዛሪሰ።

6 ፊሰጎሲ ኤንታ ማታን ሆሰፔን ዋይኮ ታው ጋላሳ ሜላ ጋምሳዳፔ ጉዬ ቁሳሪያ ቢሰ። ዋንቴላ ጋላሰ ፐርዳ ኦይዲያን ኡቲዲ ጳውሎሳ ኤሃና ሜላ ከቲሰ። 7 ኢ ዪን ዬሩሳሌሜፔ ዪዳ አይሁዳቲ ኢያ ዩሹዋን ኤቁዲ ኢንቲ ላላናው ዳንዳያሶና ዳር ዳዎ ሞቶ ኢያ ቦላ ሸሽዶሶና። 8 ጳውሎሲ ዛሪዲ፣ «ታኒ አይሁዳ ሂጊያ ጊዲን ያሳ ከላ ዋይኮ ሮሜ ካወቀ ቁሳሪ ናቃቢኬ» ያገሰ።

9 ሽን ፊሰጎሲ አይሁዳታ ኡፋይሳናው ኮዪዲ ጳውሎሳኮ፣ «ዬሩሳሌሜ ባዳ ሃ ሞቲዋባ ያን ታ ሲንሳን ፐርዶታናው ኮያይ?» ያገዱ ኦይቸሰ።

10 ሽን ጳውሎሲ፣ «ታኒ ፐርዶታናው ቤሲያ ቁሳሪ ፐርዳ ኬላን ኤቃ ከቻሰ። ኔኒ ሎይላ ኤሪይሳዳ ታኒ አይሁዳታ ኣይቢንካ ናቃቢኬ። 11 ሂዘ፣ ታኒ ናቁዳባይ ዋይኮ ሃይቆሰ ጋሊያን ኦላዳባ ጊዲኮ ሃይቆፔ ታና ኣሻ ጊኬ። ሽን ኢንቲ ታና ሞቲያ ሞቶይ ጮ ጊዳፔ ጉዬ ኦኒካ ታና ኢንታው ኣሌ አማናው ዳንዳዔና። ቁሳሪይ ታባ ፐርዶ ጋዳ ኦይቻይሰ» ያገሰ።

12 ሄ ዋዴ ፊሰጎሲ ባ ዘራንቸታራ ዘራቲዲ፣ «ኔኒ ቁሳሪይ ታባ ፐርዶ ጋዳ ኦይቻዳሳ፤ ቁሳሪኮ ባጋ» ያገዱ ዛሪሰ።

ጳውሎሲ ኣገርጳ ሲንጤ ካርኒቄ ሲንጤ ሸቆሰ

13 ጉላ ጋላሳፔ ጉዬ ካዋይ ኣገርጳኔ ካርኒቄይ ፊሰጎሳ ሳርላናው ቁሳሪያ ቢዶሶና። 14 ያን ኢንቲ ዳር ጋላሰ ጋምሲን፣ ፊሰጎሲ ካወቀሰ ጳውሎሳባ ሃይሳዳ ያገዱ ኦዲሰ፤ «ፊልኪሲ ቢሎና ኣገዲ ቢዳ አሴ ኣዳይ ሃይሳን ዳዒሰ። 15 ታኒ ዬሩሳሌሜ ቢዳ ዋዴ ካሂኔ ሃላቃቲኔ አይሁዳ ጨማቲ ኢያ ቦላ ፐርዳና ሜላ ታና ዋሲዲ ኢያባ ታው ኦዲዶሶና። 16 ታኒ፣ «ሞቲቲዳ ኡራይ ባና ሞቲይሳታ ሲንሳን ኤቁዲ ባ ሞቲዳባሰ ዛር አምናሽን፣ ኦና ጊዲኮካ ኣጳዲ አሜቲይሲ ሮሜ ሂኔ ጊዳና ያጋዳ ኤንታው ዛሪሰ።

17 «ሄሳ ጊሾ፣ ኢንቲ ሃይሳን ሸቆዳ ዋዴ ታኒ ጋምዖና ዋንቴላ ጋላሰ ፐርዳ ከላ ጌላዳ ጳውሎሳ ኤሃና ሜላ ከታሰ። 18 ኢያ ሞቲይሳቲ ኢያ ማታን ኤቁዲ፣ ኢታባን ኢያ ሞቶና ኣጎኮና ጋዳ ታኒ

ቆጥዳይሳ ሜላ ኢያ ሞተቦኮና። 19 ሺን ኤንቴ ባንታ አማናባኔ ጳውሎስ፤ ሳገ ዳዕሴ ጊያ ኢሲ ሃይቁዳ ዩሱሳ ገቴቲያ አዲያባ ኢያራ ፓላሞሶና። 20 ሃ ኦዳይ ታና ሻካናው ሜቲዳ ገሾ ጳውሎስ ዩሩሳላሚ ቢዲ፤ ያን ፐርዴታናው ኮያኮ ጋዳ ኢያ ኦይቻሰ። 21 ሺን ጳውሎስ ባ ኦዳ ቁሳሬይ ቤዳና ጋካናው ቃሾ ኩላን ጋሞናው ኦይቸሰ። ታኒ ኢያ ቁሳሬኮ ዬዳና ጋካናው ኢ ቃሹታና ሜላ ከታሰ። ያገሰ።

22 ሄሳ ገሾ፣ አገርጸ ፊሰዳሳት፣ «ታኒ ታ ሁዕንካ ሄ ኡራይ ጊያባ ሲዳናው ኮያይሰ» ያገሰ።

ፊሰዳሳ ኢያት፣ «ኔኒ ሞንቶ ኢ ጊያባ ሲዳናው» ያገሰ።

23 ሞንቲሳ ጋላሰ አገርጸኔ ባርኒቄይ ጊታ ቦንቾን ሻላቃታራኔ ካታማን ዳዒያ ጊታ አሳታራ ዬዳ ፐርዳ ኬላ ጌሊዶሶና። ፊሰዳሳ ጳውሎሳ ያገሰዲ ኤሂሰ። 24 ፊሰዳሳ፣ «ካሞው አገርጸ፣ ሃይሳን ኮራ ዳዒያ አሳው፣ አይሁዴቲ ዩሩሳላሚካን ሃይሳንካ ሞሲዲ፣ ሱ ሃዘፔ ጉዬ ፓያ ዳናው ቤሰና) ያገዲ፣ ታና ሞሲዳ ኡራ ሃይሳ ቤዒታ። 25 ሺን ኢያ ሃይቆሰ ጋላሰን አይቢባካ ታኒ ዳማቢኬ። ኢ ባ ሁዕን፣ ሳቁሳሬይ ታባ ፐርዳ ያገዳ ኦይቻይሰ። ጊዳ ገሾ ቁሳሬኮ ኢያ ዬዳናው ቆፋ ቃቻሰ። 26 ታኒ ኢያባ ታ ጎዳ ቁሳሬሰ ሃፋናው ጊዲያ ጋሶይ አይቢካ ባሞ። ሄሳ ገሾ፣ ኢያባ ሃንቴ ቤዒኮ ታ ሃፊያባይ ቤንታኔኮ ጋዳ ሃንቴ ሲገላ ኡባራካ ካሞው፣ አገርጸ፣ ኔ ሲገላ ኢያ ኤሃሰ። 27 አይሰ ገኩ፣ ቃሹቲዳ አሲ ቦላ ዳይናሰ አላያ ዎዳ ኢ አይሰ ሞቲቲዳኮ ቆንጨሶና አገይሰ ታው ኤያቴላ ዳኔሰ» ያገሰ።

26

ጳውሎስ አገርጸ ሲንላን ዛሪዳ ዛሩዋ

1 አገርጸ ጳውሎስ፣ «ኔኒ ኔባ ኦዳናው ዳንዳሳሳ» ያገሰ። ሄ ዎዳ ጳውሎስ ባ ኩሺያ ዳንጲዲ ሃይሳዳ ያገሰ።

2 «ካሞው፣ አገርጸ፣ አይሁዴቲ ታና ሞቲዳባሰ ዛሩ አማናው ሃቸ ኔ ሲንላን ኤቃሼ ታ ቃዳይ ሎጎ ጋዳ ቆገይሰ። 3 ኔኒ አይሁዴ ዎጋኔ ፓላማ ሎይላዳ ኤሪያ ገሾ ታና ሳሌቶና ሲዳና ሜላ ሞሳይሰ።

4 «ታኒ ናባቲላፊ ደማዳ ታ አሳ ገዲኒኔ ዩሩሳላሚን ዳዒዳ ታ ደቡዎ አይሁዴ ኡባይ ኤሮሶና። 5 ታኒ ኮይሮፐ ደማዳ፣ ኦ አማና ሃጊያ ሚንሱዲ ናጊያ ፋሪሳዊታ ያራፔ ጊዳይሳ ኤንቴ ማርካታናው ኮይኮ ኤሮሶና። 6 ሃዒካ ታኒ ያሳይ ኦ አሞታሰ አማና ጊዳ ኡፋይሳ ናጊያ ገሾ ሞቲታዳ ሃይሳን ኤቃሰ። 7 ቃሲ ታማኔ ናሞቦ ኦ አሞታ ሹሻይ ያሳ ቃማኔ ጋላሰ ሚንሱዲ ጎይኒሹ ያሳይ አማና ጊዳይሳ ኤካናው ኡፋይሳን ናጎሶና። ካሞው አገርጸ፣ አይሁዴቲ ታና ሞቲይ ታኒ ኡፋይሳን ሄሳ ናጊያ ገሾሳ። 8 አይሁዴቶ፣ ያሳይ ሃይቁዳይሳታ ዳንጲይሳ አይሰ አማኒኬቲ?

9 «ካሴ ታኒ ታ ሁዕንካ ናዘራቴ ዩሱሳ ሱንላ ቴቃናው ዳንዳዒቲዳባ ኡባ ኦፋናው ቤሴሰ ጋዳ ቆገሰ። 10 ታኒ ዩሩሳላሚን አላዳይ ሃይሳ። ካሂኔ ሃላቃታፔ ማታ ኤካዳ ያሳ አሳታፔ ዳሮታ ቃሹሳሰ። ኤንታ ዎጲያ ዎዳካ ኤንታ ሃይቁዋ ዳሳሰ። 11 ዳሮ ዎዳ አይሁዴ ሞሳ ኬላ ኡባን ኤንቴ ሴራታ ሜላኔ ዩሱሳ ጫዬዲ ካዳና ሜላ አንዴላሰ። ታኒ ዎጊ ባይና ኤንታ ሃንቁታዳ ሃሪ አቶሺን፣ ሃራ ቢታ ካታማታ ጋካናው ኤንታ ጎዳሰ።

12 «ታኒ ሃ ኡዳሰ ካሂኔ ሃላቃታፔ ማታኔ ከታ ኤካዳ ዳማሰቆ ባይሰ። 13 ካሞው፣ ታኒ ሲታ ጋላሰ ኦጊያን ዳዒሺን አሞ ፖፔ ዳሮ አጲያ ፖይይ ታ ዩሹዋቤ ኦጊታ ቤይሳታ ዩሹዋን ሳሎፔ ፖሊሰ። 14 ኔኒ ኡባካ ሳሳን ኮንዳዳ ዎዳ ኢብራይሰዳ ደናን፣ ሳሞላ፣ ሳሞላ፣ ታና አይሰ ጎዳይ? ኔኒ ኔና ጫዲያ ምዎጋ ቃኪኮ ኔና ቆሃሳ) ያገዲ ታው ኡዲሺን ሲዳሰ።

15 «ታኒ፣ ሳሞው፣ ኔኒ ኡን? ያገሰ። «ጎዳይ፣ ታኒ፣ ኔኒ ጎዲያ ዩሱሳ፤ 16 ሺን ዳንዳ ኤቃ። ሃቸ ኔኒ ታና ቤዒዳይሳኒኔ ሲንላፊ ታ ኔና ቤሳሻሳ ሃራታሰ ማርካታፔ ሜላ ታ ኦሳንቾ አላዳ ኔና ሹማናው ኔው ቤንታሰ። 17 ኢሰራዒሌ አሳታፔኔ ታኒ ኔና ኤንታኮ ከቲያ አይሁዴ ጊዳናይሳታፔ ኔና አሻና። 18 ኔኒ ኤንታ አይፊያ ደያና፣ ጲማፔ ፖፖኮ፣ ሃላሂ ኩሹፔ ያሳኮ ኤንታ ዛራና። ኤንቴ ታናን አማኒዲ ናጋራ አቶቲላ ኤካና። ያሳይ ደሪዳ አሳ ገዲን ባንታ ሃታ ዳማና) ያገሰ።

19 «ካሞው አገርጸ፣ ሄሳ ገሾ፣ ታው ሳሎፔ ቤንቲዳ ቆንጨፋሰ ከቲታናይሳ አገቢኬ። 20 ሺን ታኒ ኮይሮታዳ ዳማሰቆን ሄሳፊ ጉዬ ዩሩሳላሚኒኔ ዩሁዳ ቢታ ኡባን ዳዒይሳቲኔ አይሁዴ ጊዳናይሳቲ ባንታ ናጋራፔ ያሳኮ ሲማና ሜላኔ ናጋራፔ ሲሙዋ ቤሲያ ኦሶ ኦፋና ሜላ ቃላ ኦዳሰ። 21 ሄሳ ገሾ፣ አይሁዴቲ ታና ያሳ ኬላን ኦይኪዲ ዎፋናው ኮዩደሶና። 22 ሃቸ ጋካናው ያሳ ማዴይ ታፔ ሻኬቲቤና፤ ያጊያ ገሾ፣ ጉፋሲኔ ጊታሰ ማርካታሹ ሃይሳን ኤቃሰ። ናቤቲኔ ሙሴይ ሃናና ጊዳ ኡዲዳይሳፊ ሃራ ኢሲባካ ታኒ ኡዲዳባይ ባሞ። 23 ሄሲካ፣ ሳኪሪሰቶሲ ዎዬ ኤካናው ቤሴሰ፤ ቃሲ ሃይቆፔ ኮይሮ ዳንዲዲ አይሁዴታሰኔ አይሁዴ ጊዳናይሳታሰ አቶቲላ ፖፔ ኦዳናው ቤሴሰ) ጊዳይሳ» ያገሰ።

24 ጳውሎስ ሂሳ ያገዱ ዛሬሽን፣ ፊሰያሲ ባ ቃላ ቶቁ ኦሊዲ፣ «ጳውሎስ፣ ኔ ጎያዳሳ፤ ኔ ዳር ቲሚርቲይ ኔና ጎሻሰ ጋሊስ» ያገሰ።

25 ሽን ጳውሎስ፣ «ቦንቾ ፊሰያሳ፣ ታኒ ቱማባኔ ቤሲያባ ኦዳይሲ፣ ኣቲን ጎያቢኩ። 26 ታኒ ቆንጩን ኦዲያ ኦዳ ካዎይ ኤሬሰ። ሃ ኦዳይ ጌማን ኦሱቲቦና ገሾ ኢሶይካ ኢያፕ ጌሞናይሳ ታኒ ገሻጻ ኤራይሰ።

27 «ካዎው ኣገርጻ፣ ኔኒ ናቤታ ኣማናሳ ገዲኪ? ኔኒ ኣማኔይሳ ታኒ ኤራይሰ» ያገሰ።

28 ካዎይ ኣገርጻ፣ ጳውሎስ፣ «ሃ ጉላ ሳቲን ታና ኣማንላናው ከያይ?» ያገሰ።

29 ጳውሎስ፣ «ዳር ዋይ ገዲን ጉላ ዋይ ኔ ፃላላ ገደናሽን ሃቺ ታና ሲዒያ ኡባይ ሃ ቃሹዋፕ ኣቲን ታ ሜላ ገደና ሜላ ያሳ ዋሳይሰ» ያገሰ።

30 ሂሳፊ ጉዩ፣ ካዎይ ፊሰያሳ፣ ባርኒቄይኔ ኤንታራ ኡቲዳ ኡባይካ ዳንዲዶሶና። 31 ያፕ ኬዬዲ ቢሼ ኢሶይ ኢሱዋራ፣ «ሃ ኡራይ ሃይቆሰ ዋይኮ ቃሹሰ ጋሊያባ ኣይኮካ ኦሊቤና» ያገዱ ኦዳቲዶሶና። 32 ኣገርጻ ፊሰያሳ፣ «ሃ ኡራይ (ቁሳሬይ ታባ ፒርዶ) ጎናኮ ቢሊታናው ዳንዳዒስ፣ ሽን ኣቲስ» ያገሰ።

27

ጳውሎስ ሮሜ ቢስ

1 ኔኒ ማርካቤራ ፃሊ ባናው ቃቺዳ ዋይ ኣወገሰያሳ ዋታዳሬታ ጌቲቲይሳታፕ ኢሲ ዩሊዮሳ ጊያ ማቶ ሃላቃሰ ጳውሎስኔ ሃራ ጉላ ቃሹ ኣሳታ ኣሚዶሶና። 2 ኢሲያ ጋዓን ዳዒያ ቢታታ ቢያ ኣዲራሚዩኖኔ ማርካቤን ጌሊዲ ዳንዲዳ። ማቁዶኒያ ኣሲ ገዲዳ ዩሴሎንቁ ኣርሰኒባርኮሲ ኦራ ዳዒስ።

3 ዋንቲላ ጋላሰ ኔኒ ሲዶና ጋኪሽን፣ ዩሊዮሲ ጳውሎስ ከሂሂዲ ባ ላጌታኮ ቢዲ ኮሺያባን ማዶታና ሜላ ኤንታኮ ዩዲስ። 4 ያፕ ደንዲዲ ሰንሳራ ኦ ቦላ ጫርኪያ ገሾ ሃላን ቲቁቲዳ ቢታ፣ ቆጲርሳን ዘምፒዲ ኣጲዳ። 5 ከሊቁያኔ ጸንፊሊያ ማታን ዳዒያ ኣባ ፒኒዲ ሊቁያን ዳዒያ ሙራ ጋኪዳ። 6 ያን ማቶ ሃላቃይ ፃሊ ቢያ ኢስኪንዲሪያ ማርካቤ ደሚዳ፣ ኢያን ኦና ጌሊሲስ።

7 ኔኒ ዳር ጋላሰ ሎዳራ ቢዲ፣ ዳር ሜቶን ቃንዶሳ ካታማ ማታ ጋኪዳ። ያራ ባናው ኦና ጫርኮይ ዳጊን ሳልሞናራ ኣጲዳ ሃላን ቲቁቲዳ ቢታ፣ ቃርፄሳን ዘምፒዲ ኣጲዳ። 8 ዳር ሜቶን ጋዓ ጋዓ ኦይኪዲ ላሲያ ካታማ ማታን ዳዒያ ኣባ ደናን «ማርካቤይ ዋፑ ገዲ ሸምፒያሶ» ጊያ ቤሳ ጋኪዳ።

9 ኔኒ ያን ዳር ዋዲያ ጋምዒዳፕ ጉዩ ያሚ ቢሊቲን፣ ማርካቤራ ቡሲ ሜቲያ ገሾ ጳውሎስ ኤንታ ዘሪሰ። 10 «ኣሳው፣ ኦ ቡሳን ጊታ ቦሺኔ ዳር ቆሆይ ዳዒይሲ ታው ቢንቲስ፤ ቆሆይ ጫና ቦላኔ ማርካቤያ ቦላ ፃላላ ገደናሽን ኦ ደቡዋ ቦላካ ጋካና» ያገሰ። 11 ሽን ማቶ ሃላቃይ ጳውሎስ ገደሳፊ ኣሲዳ ማርካቤያ ላጌይሲኔ ማርካቤያ ጎዳይ ጌይሳ ኣማኒስ። 12 ሄ ኣባ ደናን ዳዒያ ካታማ ባልጎ ኣጌና ኣላናው ኤንታው ኢንጃቶና ገሾ ደሪያ ኣሳቲ ባንታው ዳንዳዒቲኮ ፊንቁ ካታማ ጋኪዲ ባልጎ ኣጌና ያን ኣላናው ዘራቲዶሶና። ፊንቁይ ፑዳሃ-ወሎሃፕኔ ዲጌሃ-ወሎሃፕ ገደን ኣባ ደናን ዳዒያ ካታማ።

ኣባ ቦላ ጎቲይ ዳንዲሰ

13 ካወሻ ዲጌሃ ጫርኮይ ሎዳራ ጫርኪዳ ዋይ ባንታ ሞቲዳይሳዳ ሃኒዳባ ዳኒን ዳንዲዳ፣ ማርካቤይ ቃዖና ሜላ ላይኪያ ቢራታ ፑዳ ኤኪዲ ቃርፄሳ ጳታ ኣጲዶሶና። 14 ሽን ዳር ጋምፖና «ኣውራቁስ» ጊያ ዋልቃማ ጎቲይ ሃላን ቲቁቲዳ ቢታፊ ዲጌ ኤንታ ቦላ ዳንዲሰ። 15 ሄ ጎቲይ ማርካቤያ ሱጊዲ ኤርና ዲጊዳ ገሾ ጫርኮይ ማርካቤያ ባ ደሲዳ ሶ ኤፊስ።

16 ኔኒ ቁዳ ጊያ ሃላን ቲቁቲዳ ቢታ ዘምፒዲ ቢሼ ዳር ሜቶቲዳ ማርካቤያ ዋንሊዋ ኣሻናው ዳንዳዒዳ። 17 ኤንቲ ዋንሊዋ ፑዳ ኬሲዳፕ ጉዩ ዋደራዋን ማርካቤያ ቦላ ፃዒዳ፣ ሚንሴ ቃቺዶሶና። ሱርቲሳ ጊያ ሻፊያን ባንታና ደምዒላና ገዲ ሂርጊዳ፣ ማርካቤያ ሻራ ዋጲሲዲ ማርካቤያ ጮ ዩዲ ኣገደሶና።

18 ጎቲይ ዋልቃማሽ ቢን ዋንቲላ ጋላሰ ጫናፕ ባጋ ኣባን ሆሎ ኣይኪዶሶና። 19 ሃቫንሎ ጋላሰ ማርካቤያ ሚሽያ ኤኪዲ ባንታ ኮሹን ሆሊዶሶና። 20 ኔኒ ዳር ጋላሰ ኣዋ ኣይፊኔ ያለንቶ ቤዖና ገሾኔ ዋልቃማ ኢሾይ ኦ ቦላ ኡሺዳ ገሾ ሰንሳፊ ሸምፖራ ኣታና ገዲ ቆፕሶኮ።

21 ሄ ዋይ ኤንቲ ዳር ጋላሰ ካላ ሞና ጋምዒዳ ገሾ ጳውሎስ ኤንታ ገደን ዳንዲ ኤቁዳ፣ «ኣሳው፣ ሂንቲ ታ ዘሪያ ኤኪዲ ቃርፄሳ፣ ዳንዶና ኣገዳኮ ሃ ሜቶይኔ ቆሆይ ኦና ጋኪና። 22 ሽን ታኒ ሃንቲና ያዮፊቲ ጋኪ ዘራይሰ፤ ኣይሰ ገኮ፣ ሃ ማርካቤይ ጳዖና ኣቲን ሃንቲፊ ኢሲ ኣሳ ሸምፖሪካ ጳዖና። 23 ዘኔ ቃሚ ታ ኢያባ ገዲዳይሲኔ ታ ጎይኒያ ያሳይ ከቲዳ ከታንቾይ ታ ማታን ኤቁዳ። 24 (ጳውሎስ፣ ያዮፋ፤ ኔኒ ሮሜ ካወቀ ቁሳሬ ሰንሳን ኤቃናው ቤሰስ። ሂኮ ያሳይ ኔ ገሾ ኔራ ቢያ ኣሳ ኡባ ሸምፖዋ ኣሺሰ) ያገሰ። 25 ሄሳ ገሾ፣ ኣሳው፣ ያዮፊቲ። ሄ ኪታንቾይ ታው

ኦዲዳይሲ ሃናናይሳ ታኒ አማናይሰ። 26 ሸን ጫርኮይ ኑና ኤፊዲ ኢሲ ሃላን ቴቁተዳ ቢታ ጋፃን ሆላና» ያገሰ።

27 ታማኔ እይዳንሎ ቃማን ሜዲቲሬኔ አባን ኑና ጫርኮይ ጌዴኔ ሃ ሰጊሸን፣ ጌዲ ቢላሃ ጌዲያ ዋዴ ማርካቢያን ኦልይሳታሰ ቢታን ማተዳባ ዳረሰ። 28 ኤንቲ ጨሞቴላ ኤራናው ኮዩዲ ዋዶሮ ዪራን ዳይያባ ቃቲዲ አባን ዩጊን፣ አባይ ሆሰቸን ታሙ ዋቋ ጌዲሰ። ጉሌ ጋምዲዲ፣ ዛሪ ዩጊን ኡሰቸን ታሙ ዋቋ ጌዲሰ። 29 ኤንቲ አባ ጋፃን ዳዲያ ሹቻን ደምዳቶና ሜላ ያዩዲ፣ ማርካቤይ ቦና ሜላ እይኪያ ያይዴ ቢራታታ ማርካቢያ፣ ጉዬራ አባን ዩጊዲ፣ ሳባይ ምንታና ሜላ ያሳ ምሶሶና። 30 ማርካቢያን ኦልይሳቲ ማርካቢያ፣ ባቃታናው ኮዩዲ፣ ማርካቤይ ቦና ሜላ እይኪያ ቢራታታ ማርካቢያ፣ ስንሳ ባጋራ አባን ዩጊያ ዳኒን ምጎሎዋ አባን ዩጊዲሶና። 31 ጳውሎሲ ማቶ ሃላቃኮኔ ቃታዳሬታኮ፣ «ሃይሳቲ ማርካቢያን ሸምፒ ኡቶና ኢዪኮ ሃንቲ አታናው ዳንዳዕኬታ» ያገሰ። 32 ሃሳ ጊሾ፣ ቃታዳሬቲ ምጎሎይ ቃሹቲዳ ዋዶራዋ ቃንዲዲ ዩዲ አገደሶና።

33 ሳባ ምንታና ሃኒሸን ኡባይ ካሌ ማና ሜላ ጳውሎሲ አሳኮ፣ «ሃንቲ ካሌ ሞና ናጊሼ ሃቸራ ታማኔ እይዲ ጋላሰ ጋምዲዲ። 34 ሃሳ ጊሾ፣ ጉሳ ካሌ ሃንቲ ማና ሜላ ታህ ሃንቲና ምሳይሰ። ሃንቲ ጋሽታና ሜላ ጉሳ ካሌ ማናው ኮሼሰ፤ ሃሪ አቶሽን ሃንቲ ሁዔ ቢናና፤ ኢሶይካ ቆዩና» ያገሰ። 35 ጳውሎሲ ሃኒ ጊዲ ኡይሌ ኤኪዲ ኡባ ስንሳን ያሳ ጋላተሰ፤ ኡይላ ሜንሱዲ ሙሱ ደሚሰ። 36 ኡባይ ሚኒቲዲ ባንታው ካሌ ኤኪዲ ሚደሶና። 37 ኑኒ ማርካቢያን ዳዕይሳቲ ናምዑ ዪታኮ ላቸን ታማኔ ኡሱቸና። 38 ኤንቲ ሚዲ ካሌዳ ዋዴ ጫና ስርከቲያ አባን ዩጊዲ ማርካቢያ ዴፀ-ዋ ካወሸደሶና።

ማርካቤይ ማዲሰ

39 ሳባ ምንታና ዋዴ ማርካቢያ ኦሳንቸቲ አው ቢታ ጋኪዳኮ ኢርናሸን፣ አባ ጋፃን ዳዲያ ሻፊኔ ስሊሞ ቤዲደሶና። ባንታው ዳንዳዕቲኮ ማርካቢያ ሄ ሻፊያኮ ሸሻናው ቆፒደሶና። 40 ያቲዲ፣ ማርካቤይ ቦና ሜላ እይኪያ ቢራታታ ቢርሸዲ አባን ዩጊደሶና። ሄ ዋዴ ላጊያ ሚሳ ቃቲያ ዋዶራዋ ቢርሸደሶና። ሃሳፊ ጉዬ፣ ጫርኮይ ማርካቢያ ስንሱ ሱጋና ሜላ ማርካቢያ ኤፊያ ሻራ ስንሳ ባጋራ ቆቁ ኦልዲ ቡሱ ደሚደሶና። 41 ሸን ማርካቤይ ሻፊ ደራን ደምዳቲዲ ሚቲተሰ። ማርካቢያሰ ስንሳ ባጋይ ፀ-ጉኒዲ ሻፊያ ጫዲ እይኪዲ ቃቶና ኢዪን፣ ጉዬ ባጋይ ዙሊያ ሱኩላን ማቆሬቴሌ እይኪሰ።

42 ቃታዳሬቲ ቃሽ አሳፒ ኢሶይካ ሃላ ዋቋዲ ኬሲ ኤኮና ሜላ ኢንታ ዋቆናው ዛሪቲደሶና። 43 ሸን ማቶ ሃላቃይ ጳውሎሳ አሻናው ኮዩዲ ቃታዳሬታ ዛሪታ ኢዲሰ። ሃሌ ዋቆ ኡሪያ ኡባይ ማርካቢያ፣ ሃላን ጉፒ ጉፒ ዋቋዲ ካሲቲዲ ጋፃ ኬያና ሜላ ከቲሰ። 44 አቲዳይሳቲ ሳንቃ ቦላኔ፣ ማርካቢያ ማዑ-ዋ ቦላ ኬያና ሜላ ከቲሰ። ሃሳዳ ሃኒዲ ኡባይ ጋፃ ሳርራ ኬደደሶና።

28

ጳውሎሲ ማልታ ጊያ ሃላን ቴቁተዳ ቢታ ቢሰ

1 ኑኒ ጋፃ ሳር ኬዩዳ ዋዴ ጋኪዳ ሃላን ቴቁተዳ ቢታይ ማልታ ጌቴቴይሳ ኤራዲ። 2 ማልታ አሳይ ኑሰ ዳር ኬሃ ኬሃደሶና። ኢሪ ቡኪያ ጊሾኔ ሚጊያ ጊሾ ታማ ኤሌዲ ኑና ኡባ ሞኪደሶና። 3 ጳውሎሲ ዳር አፊራ ሸሽዲ ታማን ሞላሸን፣ ሸሽ ሴላ ጊሾ ኬዩዲ ኢያ ኩሽያ ቦላ ፃፃቲዲ ኢያ ዱኪሰ። 4 ማልታ አሳይ ሸሽ ጳውሎሳ ኩሽን ፃፃቲዳይሳ ቢዱዳ ዋዴ ኢሶይ ኢሱዋኮ፣ «ቱማ ሃ ኡራይ ሸምፖ ዋቋዳ አሲ፤ ሃሪ አቶሽን አባፊ ኢ አቲንካ ያሳ ፐርዳፊ * አቲዲ ጋፃ ዳናው ዳንዳዕቢና» ያገደሶና። 5 ሸን ጳውሎሲ ባ ኩሽያ፣ ሸሻ ወፃርኪዲ፣ ታማን ዩጊሰ፤ ኢያ አይኮካ ቆሃቤና። 6 ኤንቲ፣ «ኢያ አሳቴሳይ ኪዳሰ፣ ዋይኮ አኬኮና ኩንዲዲ ሃይቁሰ» ጊዲ ናሳሶና። ሸን ጳዶ ዋዴ ናጊዲ ኢያ አሳቴሳን አይቢካ ዲማቲዳባይ ቆዩን፣ «ሃይሲ ያሰ» ያገደ ሳንታ ቆፋ ላሚደሶና። 7 ሄ ሃራን ሃላን ቴቁተዳ ቢታ ሃላቃ፣ ፑፕሊያሳ ጌይሳሰ ጋይይ ዳዲሰ፤ ሄቹ ጋላሰ ጋካናው ኢ ኑና ስቆን ሞኪሰ። 8 ፑፕሊያሳ አዋይ ቆዩ፣ ሚሻኔ ኡሎ ኡቲሶን ሃርጌቲዲ ዘንዱዲ ዳዲሰ። ጳውሎሲ ኢያ ሶ ጌሊዲ ኢያው ያሳ ምሲሰ፤ ባ ኩሽያ ኢያ ቦላ ዋሌዲ ፓሌሰ። 9 ሃሳፊ ጉዬ፣ ማልታን ዳዲ ሃርጊያ ሃራ አሳቲካ ዩዲ ፓዲደሶና። 10 ኤንቲ ኑና ዳር ቦንቸደሶና፤ ኑኒ ማርካቤይ ባናው ዳንዲዳ ዋዴ ኦጌሰ ኮሺያባ ኑሰ አሚደሶና።

ጳውሎሲ ማልታፊ ሮማ ቢሰ

11 ሄቹ አገናፔ ጉዬ፣ ማልታን ባልጎ አሌዲ ኢሰከንዲሪያ ማርካቤይ ባናው ዳንዲዳ። ሄ ማርካቢያ ቦላ ዲያሰቆሮሳ ጊያ ሚንቲ ኤቃታ ሚሲሌይ ዳዲሰ። 12 ሲራኩሴ ካታማ ጌሊዲ ያን ሄቹ ጋላሰ ኡቲዳ። 13 ያፔ ዳንዲዳ ሬጊያዩ ካታማ ጋኪዳ። ኢሲ ጋላሳፔ ጉዬ፣ ዲጌሃ ባጋ

* 28:4 ያሳ ፐርዳፊ፣ ሄ ዋዴ ሄ ቢታን ዳማ ዳማ ማጫ ያሳቲ ዳይሶና። ኤንታፊ ኢሲያ ኢታ ኦልያ አሳ ፐርዳያር። ኢያ ፐርዳ ያሲ ጌቲታ ዪጌታሰ።

ጫርኮይ ጫርኪን፣ ዋንቴላ ጋላስ ፑቲዮሌ ካታማ ጋኪዳ። 14 ያን ኑኒ ኢሲ ኢሲ አማኒያ አሳታ ዴሚን፣ ባንታራ ሳሚንታ ጋምዓና ሜላ ኑና ዋሲዶሶና። ሄሳፌ ጉዬ፣ ሮሜ ቢዳ።

15 ሮሜን ዴሚያ አማኒያ አሳቲ ኑባ ሲዲዲ፣ አፊዮሳ ጊያን፣ ሄቭ አቁያሶ ጊያ ቤሳ ጋካናው ኑና ዋካናው ዪዶሶና። ጳውሎሲ ኤንታ ቤዲዳ ዋዴ ያሳ ጋላቲዲ ሚኔቲስ።

ጳውሎሲ ሮሜን

16 ኑኒ ሮሜ ጌሊዳ ዋዴ ጳውሎሲ ባና ናጊያ ዋታዳሪያራ ባርካ ዴፆ ጌቲቲስ።

17 ሄቭ ጋላሳፕ ጉዬ፣ ጳውሎሲ አይሁዳታ ሃላቃታ ባኮ ያጊሲስ። ኤንቲ ሸቂዳ ዋዴ ኤንታኮ፣ «ታ ኢሻቶ፣ ታኒ ኑ አሳ ዋይኮ ኑ አዋታ ዋጋ ቦላ አይቢ ቆሆካ ኦላቢኬ፣ ሺን ታና ዪሩሳላሚን ቃቹዲ ሮሜ አሳስ አሊዲ አሚዶሶና። 18 ኤንቲ ታ ሞቲዋ ቤዲዲ ሃይቆስ ጋሊያባ ታ ቦላ አይቢባካ ዴሚባና ጊሾ ታና ቢላናው ቆፒዶሶና። 19 ሺን አይሁዳቲ ሄሳ አጲዳ ዋዴ ታባ ቁሳሬይ ፐርዶ ያጋሲፕ ኢቲን ታኒ ታ ዴሪያ ሞቲያባይ ዴሚን ጊዴና። 20 ታኒ ሂንቴና ያጊሲዳይ ሂንቴና ቤዓናዉኔ ሂንቴው ሃይሳ ኦዳናሳ። ታኒ ሃ ሳንላላታን ቃሼቲዳይ ኢስራዴሌ አሳይ ናጊያ ኡፋይሳ ጊሾሳ» ያጊሲስ።

21 አይሁዳ ሃላቃቲ ጳውሎሳኮ፣ «ኑስ ዪሁዳፕ ኑባ ያፊቲዳ ዳብዳቤይ ጋኪቤና። ያፕ ዪዳ አሳታፕ ኢሲይካ ኑባ ኢታ ኦዲዳይ ባዋ። 22 ሺን ሃ ኑ ካሊያ አማኑዋ ዳሚ ዳሚ ቤሳን አሳይ ኢጲይሳ ኑኒ ኤሪያ ጊሾ ኔ ቆፋ ሲዓናው ኮዮስ» ያጊዶሶና።

23 ኤንቲ ባንታ ያና ጋላስ ጳውሎሳስ ቃፃሪዲ፣ ሄ ጋላስ ዳሪዲ ኢ ዴሚያሱዋ ዪዶሶና። ኢ ዋንታፊ ኦማርሲ ጋካናው ያሳ ካዋቴላባ ኤንታው ማርካቲስ። ቃሲ ኤንቲ ዪሱሳባ አማናና ሜላ ሙሴ ሂጊያፌኔ ናቤታ ማፃፋፕ ቆንጨሲዲ ኤንታ ታማርሲስ። 24 ኢሶቲ ኢሶቲ ጳውሎሲ ጊዳይሳ አማኒዶሶና፣ ሺን ሃራቲ አማኒቦኮና። 25 ኤንቲ ባንታ ጊዶን ኦዳ ማዶና አጲዳ ዋዴ ጳውሎሲ ኢሲባ ጊዳፕ ጉዬ ቢዶሶና። ኢ ሃይሳዳ ያጊሲ። «ጌሻ አያናይ ኑ አዋታስ ናቤያ ኢሳያሳ ዶናን ኦዲዳይሲ ቱማ።

26 ሳኒ ሄ አሳኮ ባዳ፣ ሂንቴ ሲሳ ሲዔታ፣ ሺን ሂንቴው ጌሌና፤

ሂንቴ ቤዖ ቤዔታ፣ ሺን ዴሚኬታ።

27 ሃ አሳ ዋዛናይ ሙሚስ፤

ኤንታ ሃይላይ ቱሊስ፤

ኤንታ አይፊሬካ ጎዜቲስ።

ሄሲ ባይኔኮ፣

ኤንቲ ባንታ አይፊያን ቤዲዲ፣ ባንታ ሃይላን ሲዲዲ፣ ባንታ ዋዛናን አኬኪዲ፣

ኤንቲ ታኮ ሲማና፤

ታካ ኤንታ ፓላናሺን ያጋ» ያጊሲስ።

28 «ሂዛ፣ ሃይሲ ያሳ አቶቲላ ከታይ አይሁዳ ጊዶናይሳታስ ጊዴይሳ ኤሬታ። ኤንቲካ ሲዓና» ያጊሲስ።

29 ጳውሎሲ ሄሳ ጊዳፕ ጉዬ አይሁዳቲ ባንታ ጊዶን ዳር ፓላሚሽ ከዪዲ ቢዶሶና።

30 ጳውሎሲ ኬራ ኬላን ናምቡ ሳይሊ ኩሚሊ ዴሲስ፤ ያን ዴሲሽ ባኮ ያ ኡባ ሞኬስ። 31 ያሺ ባይና ኦኒካ ዲሳናሺን ያሳ ካዋቴላባ ሳባኪስ፤ ጎዳ ዪሱስ ኪሪሶቶሳባ ቆንጨሲዲ ታማርሲስ።

ጳውሎስ ሮሜ ኣሳስ ፃፊ ዓይነት ጋላ ቆፋ

ሃዋሪያ ጳውሎስ ከታይ ሮሜ ኣሳስ ፃፊት ዓይነት፡ ጳውሎስ ሮሜን ዳዒያ ዋሳ ከፋ ቤዓናው ቆፒዳ ገሾ ኢ ቢያ ዋዳ ኤንቴ ጊጊዲ ናጋና ሜላ ኦላና፡፡ ጳውሎስ ቆፋይ ሮሜን ዳዒያ ኣማኔይሳታራ ጉላ ዋዳ ኦሊዳፔ ጉዬ ኤንቴ ኢያ ማዲን ኢሰፔኔ ባና፡፡ ኣማና ባ ኢ ኤራዲይሳኔ ኣማኒያ ኣሳይ ሄ ቲሚርተያ ኦሶን ፔሻና ሜላ ቆንጩሲዲ ፃፊስ፡፡ ሃ ማፃፃፍን ጳውሎስ ኩሜላ ከታይ ሃ ቆፋ ኦይከስ፡፡

ጳውሎስ ሮሜን ዳዒያ ኣማኒያ ኣሳታ ኮይሮ ሳርሴ ሲሚዲ፡ ካሊዲ ኤንታው ዋሲይሳ ኦዲዳፔ ጉዬ ባ ከታስ ጉልሳ ቆፋ፡ «ዋንጌላን ያሳ ዲሎቴላይ ቆንጩስ፤ ሄ ዲሎቴላይ ኮይሮፔ ወርሴሴ ጋካናው ኣማናን ቆንጩስ» ጊዲ ኦዳስ (1:17)፡፡

ሃሳፊ ጉዬ፡ ሄ ቆፋ ዳልጊሲዲ ፃፊስ፡፡ ኣይሁዳታ ጊዲን ኣይሁዳ ጊዳና ኣሳ ጊዲን ኡባይ ናጋራስ ሃራቲዳይሳታ ጊዲያ ገሾ ኤንቴ ያሳራ ሲጌታናው ኮሺስ፡፡ ኣሳይ ያሳራ ሲጌታናው ዳንዳዔይ ዬሱስ ከሪሰቶሳ ኣማናና፡፡ ኤንቴ ያሳራ ሜዲያ ሃ ኦራላ ጋሄቴላ ኣይፊይ፡ ኦራላ ዳዎ ጊዳይሳ ጳውሎስ ዳልጊሲዲ ኦዳስ፡፡ ኣማኒያ ኣሲ ያሳራ ሳር ዳዔስ፤ ቃሲ ያሳ ኣያና ባጋራ ናጋራፔኔ ሃይቆ ዋልቃፊ ከሲ ኤከስ፡፡ ሺዎፖ 5-8 ጋካናው ጳውሎስ ያሳ ሄጌይኔ ኣማኒያ ኣሳ ዳዎን ኦሊያ ያሳ ኣያና ዋልቃ ቆፋይ ኣይቤኮ ኦዳስ፡፡ ሃሳፊ ካሊዲ፡ ጳውሎስ፡ «ያሳይ ኣሳ ናይታስ ቆፒዳ ቆፋ ጊዳን ኣይሁዳቴኔ ኣይሁዳ ጊዳና ኣሳይ ዋኒዲ ኢሲፊ ዋዃታናው ዳንዳዒ?» ያጊያ ኦይሻስ ዘር ኣማናው ባዌተስ፡፡

ቃሲ ኣይሁዳቴ ዬሱሳ ኤኮና ኢዳይይ ያሳ ቆፋ ጊዳይሳ ኦዳስ፡፡ ሄሲ ሃኒዳይ ዬሱስ ከሪሰቶሳ ባጋራ ቆንጩሲዲ ኣቶ ከሃቴላ ጊዳን ኣሳ ዘራ ኡባ ሃጻና ሜላሳ፡፡ ጊዳሺን፡ ኣይሁዳቴ ዬሱሳ ኤካና ዋዳይ ያናይሳ ጳውሎስ ኣማኒስ፡፡ ወርሴላን ጳውሎስ ኣማና ዳዎ ዋኒዲ ዳናው ቤሲያኮ ኦዳስ፡፡ ያሳስ ኦላናባ፡ ኣማኒያ ኣሳቲ ባንታ ቢታሲኔ ባንታ ጊዳን ኢሶይ ኢሱዋስ ኣዋቴላን ኦላናባኔ ካሃ ጋሶን ሜዲቴያ ኦይሺታባ ቆንጩሲዲ ኦዳስ፡፡

ሮሜ ከታ ኣይፊ ቆፋታ

- ጌሎ ቆፋ 1:1-15
- ሮሜ ከታ ሁዔ ቆፋ 1:16-17
- ኣሳ ናዓስ ኣቶቴላ ኮሺይሳ 1:18-3:20
- ያሳይ ኣሲ ኣሺያ ኦጊያ 3:21-4:25
- ከሪሰቶሳን ቤንቴያ ኦራላ ዳዎዋ 5:1-8:39
- ኢሰራዒሌስ ያሳ ቆፋ 9:1-11:36
- ኣማኒያ ኣሳ ዲሳ 12:1-15:13
- ኩሻ ቆፋኔ ሳርሶ 15:14-16:27

1 ዬሱስ ከሪሰቶሳ ኣይሌ ጊዲዳ፡ ሃዋሬ ጊዳና ሜላ ዌቴተዳይሳፊኔ ያሳ ዋንጌላ ሳባካና ሜላ ደራቴዳ ጳውሎስ ከቲዳ ከታ፡፡

2 ያሳይ ዳር ዋዳፔ ሲንሱ ባ ናቤታ ባጋራ ኣማና ያጊዳ ያሳ ዋንጌላይ ጌሻ ማፃፃታን ፃፊትስ፡፡
3 ሄ ዋንጌላይ ኣሻን ዳዋቴ ሺሻፔ ዬሊቴዳ፡ ያሳ ናዓ፡ ኦ ጎዳ ዬሱስ ከሪሰቶሳባ፡፡ 4 ቃሲ ኢ ባ ጌሻ ኣያናን ሃይቆፔ ዳንዳዒ፡ ያሳ ናዓ ጊዳይሳ ጌታ ዋልቃን ቤሲስ፡፡ 5 ኢያ ባጋራ ኣይሁዳ ጊዳና ኣሳ ኡባይ፡ ኣማኒዲ ከቲታና ሜላ ከሪሰቶሳ ሱንሳ ገሾ ያሳይ ኣቶ ከሃቴላኔ ሃዋሬቴላ ማታ ኦስ ኣሚስ፡፡ 6 ዬሱስ ከሪሰቶሳስ ጊዳና ሜላ ዌቴተዳ ኣሳታፔ ባጋቴ ሂንቴና፡፡

7 ሮሜን ዳዒያ፡ ያሳይ ሲቁይሳታሲኔ ኢያ ጌሻ ዳራ ጊዳና ሜላ ደራዳይሳታስ፡፡ ያሳ ኦ ኣዋፔኔ ጎዳ ዬሱስ ከሪሰቶሳፔ ኣቶ ከሃቴላይኔ ሳርቴላይ ሂንቴው ጊዳ፡፡

ጋላታ ዋሳ

8 ኡባፊ ኮይሮታዳ፡ ሃንቴ ኣማናይ ቢታ ኡባን ሲዔቴዳ ገሾ ዬሱስ ከሪሰቶሳ ባጋራ ሃንቴ ገሾ ታ ያሳ ጋላታይስ፡፡ 9 ታኒ ኢያ ናዓ ዋንጌላባ ኩሜላ ዋዛናን ኦዲያ ያሳይ፡ ታኒ ታ ዋሳን ኡባ ዋዳ ሃንቴና ቆፔይሳስ ኢ ማርካ፡፡ 10 ወርሴላን፡ ያሳ ሺኔ ጊዳኮ፡ ታኒ ሃንቴኮ ባናው ኦጊይ ታው ኣንጃታና ሜላ ኡባ ዋዳ ዋሳይስ፡፡ 11 ታኒ ሃንቴው ኣያና ኢሙዋ ሻካናውኔ ሃንቴና ቤዓናው ላዋታይስ፡፡ 12 ሄሲካ፡ ታኒ ሃንቴ ኣማኑዋን፡ ቃሲ ሃንቴ ታ ኣማኑዋን ሚኔታና ሜላሳ፡፡

13 ታ እሻቶ፣ ታኒ አይሁዳ ገደና አሳፔ አይፌ ዳሚዳይሳዳ፣ ሃንቴፊካ አይፌ ዳሚናው ሃንቴኮ ባናው ቆገሰ፣ ሺን ዲጌታሰ። 14 ታማሪዳ አሳሲኔ ታማሪቦና አሳሰ ቃሲ ጨገጫታሲኔ ኤያታሰ ታው አጮይ ዳዔሰ።

15 ሃሳ ገሾ፣ ሮሜን ዳዔያ ሃንቴዉካ ዋንጌላ ኦዳናው አሞታይሰ።

ዋንጌላይ ያሳ ዋልቃ

16 ኢያ አማኒያ ኡባ፣ ኮይሮቲዲ አይሁዳታ፣ ካሊዲ አይሁዳ ገደናይሳታ አሻናው ዋንጌላይ ያሳ ዋልቃ ገዲያ ገሾ ታ ዋንጌላን ዬላቲኩ። 17 ዲሎይ አማናን ዳዔን ዳና ገቴቲዲ ገሻ ማፃፋን ፃፈቲሰ። ዋንጌላን ያሳ ዲሎቴላይ ቆንጨሰ፤ ኮይሮፔ ዉርሲሌ ጋካናው አሳይ ዲሌይ አማናና።

አሳ ኢታቴሌ

18 ቱማይ ኤራቶና ሜላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፣ ያሳ ሃንቆይ ሳሎፔ ዋዲሰ። 19 ያሳይ ኤንታው ቆንጫናው ቤሲያባ ቆንጨሲዲ ገሾ ኤንቲ ያሳባ ኤርሶና። 20 አላሚይ ሜዴቶሳፔ ደሚዲ፣ አሳሰ ቤንቶና ያሳ ካንዶይ፣ ሄሲካ ኢያ ሜሪና ዋልቃይኔ ያሳቴላይ ኢያ ሜዴቴላን ቆንጨዲ ዳዔያ ገሾ አሳይ ባንታ ኢታቴላሰ ጋሶያባይ ባዋ።

21 ኤንቲ ያሳ ኤሪሾ፣ ኢያ ቦንቹቦኮናኔ ጋላቲቦኮና። ኤንታ ቆፋይ ማደናባ ገዲሰ፤ ኤንታ አኩኮና ዋዛናይ ፉሚሰ። 22 ኤንቲ ባንታና ጨገጫታ ጎሶና፣ ሺን ኤያታ። 23 ኤንቲ ሃይቆና ያሳ ጎይናናይሳ አገዲ፣ ሃይቂያ አሳ ሜዶን፣ ካርታ ሜዶን፣ ደዓታ ሜዶኒኔ ኡሎራ ገሾቴያባታ ዳኒሲዲ ኡሌዳ ሚሲሊታ ጎይኒደሶና።

24 ሃሳ ገሾ፣ ኤንቲ ኢሶይ ኢሱዋራ ቦርሶባ ኦሌዲ፣ ባንታ አሳቴላ ካዉሻና ሜላ ያሳይ ኤንታ ዋዛናይ አሞቲያ ቱና ኦሶሰ ኤንታ ዬጌ አገሰ። 25 ሄሲ ሃኒዳይ ኤንቲ ያሳ ቱማ ዋርዶን ላሚዳ ገሾ፣ ሜዲዳ ያሳ አገዲ፣ ሜዴቴሌ ጎይኒዳ ገሾሳ። ያሳይ ሜሪናው ጋላቲቲዳይሳ። አሚንዲ።

26 ሃሳ ገሾ፣ ያሳይ ኤንታና ኤንታ ቦርሶ አሙዋሰ ዬጌ አገሰ። ኤንታ ማጫሳይ ባንታው ቤሲያ አዳሪ ጋሄቴሌ አገዲ፣ ቤሶናባ ሃኒዲ ማጫሲ ማጫሳሪ ጋሄቴደሶና። 27 ሃሳዳካ፣ አዳቲ ባንታው ቤሲያ ማጫሳሪ ጋይቴሌ አገዲ፣ አዳይ አዳሪ ጋሄቴደሶና። አዳቲ ኢሶይ ኢሱዋራ አሞን ጮጉቲዲ፣ ቦርሶባ ኡሌደሶና። ባንታ ኡሌዳ ባላሰ ቤሲያ ፐርዳ ኤኪደሶና።

28 ኤንቲ ያሳ ኤሪሾ፣ ሃሪ አቶሺን ኢያባ ቆገናው ኮኖና ኢዲያ ገሾ ቤሶናባ ኦላና ሚላ ያሳይ ኤንታና ፓላና ቆፋሰ አሌ አሚሰ። 29 ኤንታን ጌላቴሌ፣ ኢታቴሌ፣ ዪቄይ፣ ጌይይ፣ ቃናቴይ፣ ሸሞፖ ዋዶይ፣ ፓላሚ፣ ጨሞይኔ ኢታ አሞይ ኩሚሰ። ኤንቲ ዘገሬይሳታ፣ 30 አሳ ሱንሌ ኢሲይሳታ፣ ያሳ አይይሳታ፣ ጫዬይሳታ፣ ኦቶሪይሳታ፣ ጨቄቴይሳታ፣ ኢታባ ኦላናው ኮይይሳታኔ ባንታ አዬሲኔ አዋሰ ኩቴቶናይሳታ፣ 31 አኩኮናይሳታ፣ ጫቆ ሚንሌይሳታ፣ ሲቆይ ባይናይሳታ፣ ቃዴይ ባይናይሳታ። 32 ሃይሳታ ሚላ ኦሌይሳታሰ ሃይቆይ ቤሲሰ ገያ ያሳ ሂንያ ኤሪሾ፣ ሃይሳታ ኦላሶና። ኤንቲ ባንታው ኦሶ ፃላላ ገደናሺን ኦሌያ ሃራታካ ናሾሶና።

2

ያሳ ዲሎ ፐርዳ

1 ሃሳ ገሾ፣ ኔኖ ሃራታ ቦላ ፐርዳይሶ፣ ኔኒ ጋሶያባይ ባዋ። ኔኒ ሃራታ ቦላ ፐርዳሾ፣ ሄ ኔኒ ፐርዲያ ኡራ ሚላ ኡሌኮ፣ ኔ፣ ኔ ቦላ ፐርዳሳ። 2 ሃሳ ሚላ ኦሶ ኦሌይሳታ ቦላ ያሳይ ዲሎ ፐርዳ ፐርዳይሳ ኑ ኤርሰ። 3 ኔኖ፣ ሃሳ ሚላ ኦሶ ኦሌይሳታ ቦላ ፐርዳይሶ፣ ኤንቲ ኦሌይሳ ሚላ ኦሌይሶ፣ ኔኒ ያሳ ፐርዳፌ አታባባ ዳኒ? 4 ዋይኮ ያሳ ኬሃቴላ፣ ጌንጫኔ ዳንዳዎ ዳርቴላ ካቆይ? ያሳይ ኔው ኬሃዳይ ኔና ናጋራፔ ዛራናው ገዳይሳ ኤሪኪዬ?

5 ሺን ሃንቴው ሹቻ ዋዛኒኔ ሲያና ሃይሌ ዳዔሰ። ሃሳ ገሾ፣ ያሳ ሃንቆይኔ ዲሎ ፐርዳይ ቆንጨያ ጋላሰ፣ ኔ ቦላ ፐርዳይ ዳራና ሚላ ኦላሳ። 6 ያሳይ ኢሱዋሰ ኢሱዋሰ ኢያ ኦሶዋ ሚላ አሚና። 7 ሎዮ ኦሶን ሚኒዲ፣ ጋላታ፣ ቦንቾኔ ቆና ዳዔ-ዋ ኮይይሳታሰ ያሳይ ሜሪና ዳዔ-ዋ አሚና። 8 ሺን ባንታና ሰቄይሳታ፣ ቱማ አይይሳታኔ ኢታባ ኦላናው ኮይይሳታ ቦላ ያሳ ሃንቆይኔ ፐርዳይ ያና። 9 ኢታባ ኡሌያ አሳ ኡባ፣ ኮይሮቲዲ አይሁዳታ፣ ካሊዲ አይሁዳ ገደና አሳ ሚቶይኔ ዋይይ ጋካና። 10 ሺን ያሳይ ሎዮ ኦሶ ኡሌያ ኡባሰ፣ ኮይሮቲዲ አይሁዳታ፣ ካሊዲ አይሁዳ ገደናይሳታሰ ጋላታ፣ ቦንቾኔ ሳርቴላ አሚና። 11 ያሳይ ሰሞዮ ቤዒዲ አሴ ሻኬና።

12 ሃንጌይ ባይና ናጋራ ኡሌያ ኡባይ ሃንጌይ ባይና ቆያና። ሃንጌይ ዳዔሺን፣ ናጋራ ኡሌዳ ኡባይ ሃንጌ ፐርዳታና። 13 ያሳ ሲንላን ዲሌይሳቲ ሃን ናጌይሳታፔ ኦቲን ሃን ሲሳ ፃላላ ሲዔይሳታ ገደኮና። 14 ሃንጌይ ባይና አይሁዳ ገደና አሳይ ሜዶን ሃንጌ ከቴይሳ ኦላሶና። ኤንታው ፃፊቲዳ ሃንጌ ባይና ኢዲኮካ ኤንቲ ባንታ ዋዛናን ሂንያ ኤርሶና። 15 ኤንታ ሃኖታይ፣ ሃን ከታይ ኤንታ

ዋዛናን ፃፈተዳይሳ በሴሰስ። ቃሲ እንታ ካሃይ እንታ ቦላ ማርካቴስ። እንታ ቆፋይ እሲ እሲ ቶሆ እንታና ባላ ጌሰ፤ እሲ እሲ ቶሆ እንታና ሊኬ ጌሰ። 16 ታ ታማርሲዳ ዋንጌላ ሜላ ያሳይ ዬሱስ ከሪሰቶሳ ባጋራ አሳ ዋዛናን ጌሚዳ ቆፋ ፐርዲያ ዋዳ ሄሲ ኤሬታና።

አይሁዳታኔ እንታ ሂጊያ

17 ሺን ኔ ኔና አይሁዳ ጋሳ፤ ሂጊን ዜምፓሳ፤ ያሳን ጨቃሳ። 18 ኔ ኦላና ሜላ ያሳይ ኮያባይ አይቤኮ ኤራሳ። ሂጊያ ታማሪዳ ጊሾ ቱማ ጊዲያባ ዶራናው ኤራሳ። 19 ኔኒ ቆቂታ ካሌሌይሳ። ቃሲ ጱማን ዳይሳይሳታሰ ፖፖ ጊዳይሳ ሻካ ኤራሳ። 20 ኔኒ ሂጊያፊ ዳሚዳ ኤራቴላኒኔ ቱማቴላን ኤያታ ኤሪሴይሳን ዮጋታ ታማርሲይሳ ጊዳይሳ ኤራሳ። 21 ያቴን። ኔ ሃራታ ታማርሲይሲ ኔ ኔና አይሰ ታማርሲኪ? ኔኒ። «ካይሶቶፓ» ጋሼ። ኔኒ ኔ ሁዳን ካይሶታዬ? 22 ኔኒ። «ላሞፋ» ጋሼ። ኔኒ ኔ ሁዳን ላማዬ? ኔኒ ኤቃ አፃሼ። ኤቃይ ዳዒያ ከላ ቦንቃዬ? 23 ኔኒ ያሳ ሂጊያን ጨቂታሳ። ሺን ሂጊያሰ ከቴቶና አያዳ ያሳ ዬላያይ? 24 ጌሻ ማፃፋን። «ሂንቴ ጋሶን ያሳ ሱንሳይ አይሁዳ ጊዳና አሳታን ጫዬቴሰ» ጌቴቴዲ ፃፈቴሰ።

25 ኔ ሂጊሰ ከቴቴኮ። ኔ ቃፃራቴላሰ ማዴይ ዳዔስ። ሺን ኔኒ ሂጊያሰ ከቴቶና አይኮ ኔ ቃፃራቴላይ ቃፃራቴቦና ሜላ ጊዳስ። 26 አይሁዳ ጊዳና አሲ ቃፃራቶና ዳዒሺ። ሂጊያሰ ከቴቴኮ። ያሳይ አያ ቃፃራቴዳ ሜላ ታይቤኔ? 27 ሂንቴ። አይሁዳ አሳቴ። ሂንቴው ፃፈቴዳ ሂጊይኔ ቃፃሮይ ዳዒሺን። ሂንቴ ሂጊሰ ከቴቶና አይኮ። አይሁዳ ጊዳና አሳይ ቃፃራቶና አይኮካ ሂጊሰ ከቴቴዲ። ሂንቴ ቦላ ፐርዳና። *

28 ሂዛ። ሱንሳን አይሁዳ ጊዲዳ ኡባይ ቱማ አይሁዳ ጊዳና። ቃሲ ካራ አሳቴላ ቃፃሮይ ቱማ ቃፃሮ ጊዳና። 29 ሺን ቱማ አይሁዳቴላ ጋሳ ባጋን አይሁዳ ጊዳይሳ። ቱማ ቃፃራቴላ ያሳ አያናን ኦሲቴያ ዋዛና ቃፃራቴላፊ አቴን ፃፈቴዳ ሂጊያን ኦሲቴያ አሳቴላ ቃፃሮ ጊዳና። ሄ ኡራይ ጋሳታ ያሳፊ ኤኬሲፔ አቴን አሳፔ ጊዳና።

3

አይሁዳታ አማኖና አያ

1 ያቴን። አይሁዳ ጊዳን አይ ዳማቴላ ዳዒ? ዋይኮ ቃፃራቴላን አይ ማዴይ ዳዒ? 2 ቱማካ አይሁዳ ጊዳይ ዳር ኦጌራ ማዴስ። ኡባፊ ሲንሌ ያሳይ ባ ቃላ ሃዳራ አይሁዳታሰ አሚሰ።

3 ያቴን። እንታፊ አሲቴ አሲቴ ቃላ አማኖና አይኮ። እንታ አያይ ያሳ አማኔቴላ ዲጌዬ? 4 ዲጌና! አሳ ኡባይ ዋርዳንቾ ጊዲኮካ ያሳይ ቱማ ጊዳ። ጌሻ ማፃፋን። «ኔ ቃላን ኔ ያላሳ፤

ኔና ሞቴይሳ ፐርዳን ላላሳ»

ጌቴቴዲ ፃፈቴሰ።

5 ያቴን። ኑ ናጋራይ ያሳይ ያሎ ጊዳይሳ በሲያባ ጊዲኮ። ኑ ዋይጋኔ? ያሳይ ኑ ናጋራ ጊሾ ኑ ቦላ ፐርዲኮ። ሊኬ ጊዳኔዬ? ሃይሳ ታኒ አሳ ቆፋላ ጋይሰ። 6 ሄሲ ኡባራካ ሃኔና። ሄሳዳ ሃኒኮ። ያሳይ ሃ አላሚያ ቦላ ዋቴ ፐርዳኔ?

7 ሺን ታ ዋርዳቴላይ ያሳ ቱማ ቆንጨሲዲ። አያ ቦንቹዋ ዳርሲ በሲያባ ጊዲኮ። ያቴን። አይሰ ታ ቦላ ናጋራንቾ ፐርዳቴ? 8 እሲ እሲ አሳይ። «ሎያይ ያና ሜላ አጋ ኦላሰ» ያጊዲ ታማርሲያዳ ኦላዲ ታና ሞቶሶና። ሄሳ ሜላ አሳ ቦላ ያ ያሳ ፐርዳይ ሊኬ።

አሲ ኡባይ ናጋራንቾ

9 ያቴን። ኔኒ ዋይጋኔ? ኑ አይሁዳቴ። አይሁዳ ጊዳናይሳታፔ ኦላዳዬ? ጊዳና! አይሁዳ ጊዳን። አይሁዳ ጊዳና አይኮ ኡባይ ናጋራንቾ ጊዳይሳ ታኒ ካሴታዳ ሂንቴው ኦዳሰ።

10 ጌሻ ማፃፋን።

«ያሎ አሲ አሲይካ ባዋ።

11 አኬኪያ አሲ ባዋ።
ያሳ ኮያ ኦኒካ ባዋ።

12 አሳ ኡባይ ያሳሰ ዘኮ ዛሪዶሶና፤
ኡባይ እሲፊ ፓላናባ ጊዲዶሶና።

ሎዎ ኦላያ ኦኒካ ባዋ፤

አሲ አሲካ ባዋ።

13 እንታ ዶናፔ ኪያ ቃላይ።
ዶዬቴዳ ዲፎፔ ኪያ ያንቆ ሜላ፤

2:24 እሳ 52:5 * 2:27 ሂንቴ ቦላ ፐርዳና። እንታ ሃናታይ ዋይኮ እንታ ከቴቴላይ ሂንቴ ቦላ ፐርዳና። 2:29 ዛሬ 3:06 3:4 ማዛ 51:4 3:10 ማዛ 14:1-3፤ 53:1-3

ባንታ እንፃርሳን ጨሞሶና።
 ኤንታ ዶናፔ እሴ ምጲያ።
 ሾሻ ማርዜይ ኬዬሰ።
 14 ኤንታ ዶናን ጫሞ አዳይነ ባዴላ ኩሚሰ።
 15 ኤንቲ ሱላ ጉሳናው ኤሊሶሶና።
 16 ኤንታ ኦጊያን ጳዮይነ ቆሆይ ዴዔሰ።
 17 ኤንቲ ሳርቴላ ኦጊያ ኤርኮና።
 18 ባንታ ዴዑዋን ያሳሰ ያዮኮና።
 ጌቲቲዲ ያፌቲሰ።

19 እሴ ኡባ ዶና አይላናው ኩሚላ አላሚያ ያሳ ፐርዲፌ ጋርሳን ሸሻናው፣ ሂጌይ አሚቲዲይ ሂጌፌ ጋርሳን አቄይሳታሰ ጊዴይሳ ኦ ኤርሰ። 20 ሄሳ ጊሾ፣ ኦኒካ ሂጌሰ ከቴቲዲ ያሳ ሲንሳን ያላናው ዳንዳናና። ሂጌይ እሴ ኡባይ ናጋራንቸ ጊዴይሳ ቤሰሰ።

ዲሎቴላ አማናና

21 ሸን ሃዒ ያሳይ እሴ ሂጌይ ባይናሸን ዲሊያ ኦኒ ቆንጨሲሰ። ሄ ኦጊያ ሙሴ ሂጌይነ ናቤቲ ማርካቲዶሶና። 22 ሃ ዲሎቴላ፣ ያሳይ ዩሱስ ከሪሰቶሳ ባጋራ እሳ ኡባሰ ሻኮይ ባይና አሚሰ።

23 እሳ ኡባይ ናጋራ ኦሊዶሶና፤ ያሳይ ኤንታው አሚዳ ቦንቸሞፌ ሃኪዲ አቲዶሶና። 24 ሸን ኤንቲ ያሳ አጼ ከሃቴላን፣ ምዚያ ከሪሰቶሰ ዩሱሳ ባጋራ ጮ ዲሊዶሶና። 25 ያሳይ ዩሱስ ከሪሰቶሳ ያርሾ ኦሊዲ አሚዳይ፣ ኢያ አማኒያ ኡባይ ኢያ ሱላን ናጋራ ማርቴላ ዴማና ሚላሳ። ያሳይ ሄሳ ኦሊዲይ ባ ዳንዳናን ካሴ ናጋራ ታይቦና እጊዲ፣ ባ ዲሎቴላ ቤሳናና። 26 ሃዒ ምዲያን ዩሱሳ አማኒያ ኡባ ዲሊሲዲ፣ ያሳይ ባ ሁዒን ዲሎ ጊዴይሳ ቤሰሰ።

27 ያቲን፣ ኦ ጨቄታያባይ እይቢ ዴዒ? እይቢካ ባሞ። ኦኒ ጨቄቲይ ሂጌሰ ከቴቲያ ጊሾዬ? አካይ! አማና ጊሾሳ። 28 ያሳይ እሴ ዲሊሴይ አማናናፔ አቲን ሂጌሰ ከቴቲላን ጊዶናይሳ ኦ እኩኮሰ።

29 ምይኮ ያሳይ እይሁዴታ ያላላ ያሰዬ? እይሁዴ ጊዶናይሳታሰ ያሰ ጊዴይዬ? ቲማ፣ እይሁዴ ጊዶናይሳታሰካ ኢ ያሰ። 30 ያሳይ ኢሳ፤ እይሁዴታኔ እይሁዴ ጊዶናይሳታ አማናን ዲሊሴይ ኢያ። 31 ያቲን፣ ኦኒ ሂጊያ አማና ጊሾ ሻርሰ ጉሰዬ? ጊዴና! ሂጊያ ሚንሶሲፔ አቲን።

4

አብራሃሜይ አማናን ዲሊሰ

1 ያቲን፣ ኦ ማይዛይ አብራሃሜይ እይ ዴሚዴ? 2 አብራሃሜይ ኦሶን ዲሊዳባ ጊዲያኮ፣ ኢ ጨቄታያባይ ዴዒሰ። ጊዶሸን፣ ያሳ ሲንሳን ጨቄታናው ዳንዳናና። 3 ጌሻ ማፃፋይ፣ «አብራሃሜይ ያሳ አማኒሰ፤ ያሳይ ሄሳ ኢያው ዲሎቴላ ኦሊዲ ኤኪሰ» ያጌሰ።

4 ኦሊያ ኡራይ ኤኪያ ዳሞዜይ፣ ኢያ ኦሶ ምልቃሰ ጨጌቲያ ጋቲፔ አቲን ኢያው አሞታ ጊዴና። 5 ሸን ኦሶ ኦሶና ኦኒካ ናጋራንቸሞ ዲሊሲያ ያሳ አማኒኮ፣ ኢያ አማናይ ኢያው ዲሎቴላ ጊዲዲ ታይቤቴሰ። 6 ጌሻ ማፃፋን ዳሞቲይ፣ ኦሶይ ባይና ያሳይ ዲሊሲያ አሳቲ እይ ሚላ አንጃቲዳኮ ሃይሳዳ ያጊዲ ቆንጨሲሰ።

7 «ኤንታ ባላይ አቶ ጌቲቲዳይሳቲኔ ኤንታ ናጋራይ ካሜቲዳይሳቲ ኣንጃቲዳይሳቲ።

8 ጎዳይ ኢያ ናጋራ ታይቦና እሴ አንጃቲዳይሳ» ያጌሰ።

9 ያቲን፣ ዳሞቲይ ኦዲዳ አንጃይ ቃፃራቲዳ እሳ ያላላሳይ? ምይኮ ቃፃራቲቦና እሳሴ? ኦኒ፣ «ጌሻ ማፃፋይ፣ አብራሃሜይ ያሳ አማኒሰ፤ ያሳይ ሄሳ ኢያው ዲሎቴላ ኦሊዲ ኤኪሰ» ያጌሰ። ጊዴ።

10 ያቲን፣ ሂሲ አዉዴ ሃኒዴ? አብራሃሜይ ቃፃራቲኔ? ምይኮ ቃፃራቲቶና ዴዒሸኔ? ቃፃራታናፔ ሲሳካ ሃኒሲፔ አቲን ጉዬ ጊዴና።

11 አብራሃሜይ ቃፃራታናፔ ሲሳካ ኢያ አማናይ ኢያው ዲሎቴላ ጊዲዲ ታይቤቲዳይሳ ኤሪሳናው፣ ኢያ ቃፃርይ ማላታ ጊዲሰ። ሄሳ ጊሾ፣ አብራሃሜይ ቃፃራቶና አማኒይሳታሰኔ አማናን ዲሊይሳታ ኡባሰ አሞ ጊዲሰ። 12 ኢ ቃፃራቲዳይሳታሰካ አሞ። አብራሃሜይ ኤንታው አሞ ጊዲዲይ ኤንቲ ቃፃራቲዳ ጊሾ ያላላሰ ጊዶናሸን ኢ ቃፃራታናፔ ሲሳካ አማኒዳ አማኦሞ ኤንቲ ካሊዳ ጊሾሳ።

ያሳ ኡፋይሳይ አማናን ኤኪቴሰ

13 አብራሃሜይ ኢያ ሸሻሰ፣ «አላሚያ ታ ሂንቲው አማና» ያጊዳ ኡፋይሳይ፣ አብራሃሜይ አማናን ዲሊዳ ጊሾሳፌ አቲን ሂጌ ናጊዲ ፖሊዳ ጊሾ ጊዴና። 14 ሂጌሰ ከቴቲዳይሳቲ ያሳይ

3:13 ማዘ 5:9፤ 140:3 3:14 ማዘ 7:1 3:15 እሳ 59:7-8 3:18 ማዘ 36:1 3:20 ማዘ 143:2፤ ገላ 2:16 3:30 ዛሬ 6:4፤ ገላ 3:20 4:3 ሜዲ 15:6፤ ገላ 3:6 4:7 ማዘ 32:1-2 4:11 ሜዲ 17:10
 4:13 ሜዲ 17:4-6፤ 22:17-18፤ ገላ 3:29

አማር ጊዳ ኡፋይሳ ላታኤይሳታ ጊዲኮ፡ አሳ አማኖይ ማዳደ፤ ያሳ ኡፋይሳይካ ሃዳ ጊዲሲ።
15 ሂጌ ሜንጎይ ያሳ ሃንቆ አሄሰ፡ ሺን ሂጌይ ባይናሶን ሂጌ ሜንጎይ ባዋ።

16 ሃሳ ጊሾ፡ ያሳይ አሚዳ ኡፋይሳይ አማኖን ኤኩቲሰ። ሃ ኡፋይሳይ አብራሃሜ ሺሻ ኡባሰ ያሳ አቶ ከሃቴላ ባጋራ አሜቲዳይሳ ቆንጨሲሰ። ሄሲካ ሂጌ ናጌይሳታ ዓላላሰ ጊዳናሺን አብራሃሜዳ አማኒዳ ኡባሰ። አብራሃሜይ ኑ ኡባሰ አዋ። 17 ጌሻ ማፃፃን፡ «ታ ኔና ዳር ካዎቴሳታሰ አዋ ኦላሰ» ገቴቲዲ አብራሃሜ ጊሾ ፃፊቲሰ። ሃ ኡፋይሳይ አብራሃሜሰ አሜቲዳይ ሃይቁዳይሳታሰ ዴዎ አሜይሲኔ ኦራሳባ ኦሊያ ያሳይ ኢያ ጊዳይሳ ኢ አማኒዳ ጊሾሳ።

18 ያሳይ አብራሃሜሰ ዳር ዘራሌ አማኖይሳ ጫቁሰ። ኡፋይሲ አሳናው አይኮካ ዳንዳዳቶና ዎዴ አብራሃሜይ ያሳን አማኒዳ ጊሾኔ ኡፋይሲ ኦሊዳ ጊሾ ዳር ካዎቴሳታሰ አዋ ጊዲሲ።

19 አብራሃሜሰ ፃቴ ላይላ ኩማና ሃኒኮካ፡ ባ ዳቡሪዳ አሳቴላኔ ሳራ ናዓ ዬላናው ዳንዳዳይሳ ኤሪሼ ባ አማኑዋን ዳቡሪቤና።

20 ጊደሺን፡ ኢ ባ አማኑዋን ሚኒዲ ያሳሰ ቦንቾ አሚሰፔ አቲን ያሳይ አሚዳ ኡፋይሳ አማኖና አዲዳ፡ ሲጂቤና። 21 አብራሃሜይ፡ ያሳይ ጫቁዳ ጫቁዋ ፖላናይሳ ባ ኩሜላ ዎዛናን አማኒሰ።
22 ሃሳ ጊሾ፡ ያሳይ ኢያ አማኑዋ ደሎቴሳን ታይቤሰ።

23 ሺን፡ «ኢያው ደሎቴሳን ታይቤሰ» ጊያ ቃላይ አብራሃሜ ዓላላሰ ፃፊቲቤና። 24 ሃ ቃላይ ኑ ጎዳ ዬሱሳ ሃይቆፔ ዴንሲዳ ያሳ አማኒያ ኑሰካ ኑ አማኖይ ደሎቴሳን ታይቤታና ሜላ ፃፊቲሰ።

25 ያሳይ ኢያ ኑ ናጋራ ጊሾ ሃይቆሰ አሊዲ አሚሰ፤ ኢ ኑና ያሊሳናው ሃይቆፔ ዴንዲሰ።

5

ያሳን ዴዳያ ሳርቴላ

1 ሂዛ፡ ኑ አማኖን ያሊዳ ጊሾ ኑ ጎዳ ዬሱሰ ኪሪሰቶሳ ባጋራ ያሳራ ኑሰ ሳርቴሌ ዴዳሲ። 2 ኑኒ ኢያ ባጋራ ሃዲ ኑ ኡቁዳ አቶ ከሃቴላ ጊደ አማኖን ጌሊዳ። ሃሳ ጊሾ፡ ኑ ያሳ ቦንቾዎ ሻኬታናው ዴዳያ ኡፋይሳን ጨቁቶሰ።

3 ሃሳ ዓላላ ጊደናሺን ሜቶይ ዳንዳዓ አሂይሳ ኑ ኤሪያ ጊሾ ኑ ሜቲዎንካ ጨቁቶሰ። 4 ቃሲ ዳንዳዓይ ጌንጫ፡ ጌንጫይ ኡፋይሲ አሜይሳ ኑ ኤሪሰ። 5 ኑሰ አሚዳ ጌሻ አያና ባጋራ ያሳይ ባ ሲቁዋ ኑ ዎዛናን ጉሲዳ ጊሾ ሄ ኡፋይሳይ ኑና ዬላዬና።

6 ኑኒ ቡር ዳቡሪታታ ጊዲዲ ዴዳሺን፡ ያሳ ዎዴይ ጋከን፡ ኪሪሰቶሲ ናጋራንቾታ ጊሾ ሃይቁሰ። 7 ዌሎ አሳ፡ 8 ሺን ሃይቃ ኢሲ ዴማናይሲ ዳር ሜቶ፡ ሺን ከሃ አሳ ጊሾ ሃይቃ አሲ ኑኒ ኤሪ ቤንቶና አገና። 9 ሺን ኑኒ ቡር ናጋራንቾ ጊዲዲ ዴዳሺን፡ ኪሪሰቶሲ ኑ ጊሾ ሃይቁሰ። ሄሲ ያሳይ ኑና አይ ሜላ ሲቁያኮ ኢያ ሲቁዋ ቤሰሰ። 9 ሂዛ፡ ኑኒ ኪሪሰቶሳ ሰላን ያሊዳባ ጊዲኮ፡ ኡባፊ አሊዲ ኢያ ባጋራ ያሳ ሃንቁዎፊ አታና። 10 ኑኒ ያሳራ ካሴ ዋርኬ፡ ሺን ኢያ ናዓ ሃይቁዋን ኢያራ ሲገቴዳ። ሃሳፊ አሊዲ፡ ሃዲ ኑኒ ያሳራ ሲገቴዳ፤ ጉዬ ኢያ ናዓ ዴዐዋ ጋሶን ኑኒ አታና። 11 ሃሳ ዓላላ ጊደናሺን ሃዲ ኑና ያሳራ ሲገቴዳ ኑ ጎዳ ዬሱሰ ኪሪሰቶሳ ባጋራ ኑ ያሳን ጨቁቶሰ።

አዳሜኔ ኪሪሰቶሳ

12 አዳሜ ባጋራ ናጋሪ ሃ አላሚያ ጌሊሰ። ሃ ናጋራ ባጋራ ሃይቆይ ዪሰ። አሲ ኡባይ ናጋራ ኦሊዳ ጊሾ ሃይቆይ አሳ ዛሬ ኡባ ጋከሰ። 13 ሂጌይ አሜታናፔ ሲንሌ አላሜን ናጋሪ ዴዳሲ፡ ሺን ሂጌይ ባይና ዎዴ ናጋሪ ናጋሪ ጊዲዲ ታይቤቴና። 14 ሺን አዳሜፔ ሙሴ ጋካናው ሃይቆይ አሳ ኡባ ሃሪሰ። ሃሪ አቶሺን፡ አዳሜዳ ሂሲሰ ከቲቶና አዲዳ፡ ናጋራ ኦሊባናይሳታ ቦሳካ ሃይቆይ ካዎቲሰ።

አዳሜይ ያና ዬሱሳሰ ለሚሰ። 15 ሺን ያሳ አቶ ከሃቴላይ አዳሜ ናጋሪ ሚላ ጊደና። አሲ አሳ ናጋራ ባጋራ ዳር አሳይ ሃይቁሰ። ሺን ዬሱሰ ኪሪሰቶሳ ባጋራ ያሳ አቶ ከሃቴላይ አሳ ኡባሰ ዳሪዲ አሚቲሰ። 16 አዳሜ ናጋራ ጊደኒኒ ያሳ አዎታ ጊደን ዳር ዳማቴሌ ዴዳሲ። አሲ አሳ ናጋራ ጋሶን ያሳይ ኢያ ቦላ ፐርዲሰ። ሺን አሳይ ዳር ናጋራ ኦሊንካ ያሳ አቶ ከሃቴላይ ደሎቴሳ ኤሂሰ። 17 አሲ አሳ ናጋራ ጋሶን ሃይቆይ አሳ ኡባ ቦላ ካዎቲሰ። ሺን ዬሱሰ ኪሪሰቶሳ ባጋራ ያሳ አቶ ከሃቴላይ ደሎቴሳ አዎታ ኤኪያ ኡባይ፡ ያና ዴዎን ዴዎሶና።

18 ሂዛ፡ አሲ አሲ ናጋራ ኦሊዳ ጋሶን አሳ ኡባ ቦላ ፐርዲ ዩዳይሳዳ አሲ አሲ ያሊ ኦሊዳ ጋሶን፡ ያሳይ አሲ ኡባ ያሊሲዲ ኤንታው ዴዎ አሚሰ። 19 አሲ አሲ ከቲቶና አዲዳ ጋሶን፡ ዳር አሳይ ናጋራንቾ ጊዲዲ ዩሳይ አሲ አሳ ከቲቴሳን ዳር አሳይ ያላና።

20 አሳይ ናጋራ ዎልቃ ኤራና ሜላ ሂጌይ ዪሰ። ሺን ናጋራ ዎልቃይ ዳሪዳ ዎዴ ያሳ አቶ ከሃቴላይ አቋዲ ዳሪሰ። 21 ናጋሪ ሃይቆ ዎልቃን ካዎቲዳይሳ ሚላ ያሳ አቶ ከሃቴላይ ደሎቴሳ ዎልቃን ካዎቲዲ፡ ኑ ጎዳ ዬሱሰ ኪሪሰቶሳ ባጋራ ኑና ሜሪና ዴዐዋኮ ካሊሊሰ።

6

ናጋራስ ሃይቂዲ ከሪሰቶሳን ዴያ

1 ያተን፣ ኮኒ ዋይጋን? ያሳ አቶ ከሃቴላይ ዳራና ማላ ናጋራን ማኒዲ ዴዲና? 2 አካይ፣ ኮኒ ናጋራስ ሃይቂዲ ገዲኮ፣ ያተን፣ ኮኒ ሃዛፔ ዋኒዲ ናጋራን ዳኒ? 3 ኑ ኡባይ ከሪሰቶሰ ዩሱፊራ ኢሲፋናው ፃማቂቲዳ ዋዴ ኢያ ሃይቂዳን ኢያራ ኢሲፋናው ፃማቂቲዳይሳ ኤሪኬቴዬ? 4 ኑ ፃማቂቲዳ ዋዴ ከሪሰቶሳራ ሃይቂዳኔ ሞገቲዳ። ከሪሰቶሰ ያሳ አዋ ቦንቸ ዋልቃን ሃይቆፔ ዴንዲዳይሳ ማላ ኑካ ኦራላ ዴግን ዳና።

5 ኑ ኢያ ሃይቂዳን ኢያራ ኢሲኖ ገዲኮ፣ ሄሳዳካ፣ ኢያ ዴንዲዳን ኢያራ ኢሲኖ ገዲና። 6 ኑ ሃዛፔ ናጋራስ አይሌ ገዲና ማላኔ ኑ ናጋራንቸ አሳቴላ ዋልቃይ ጳያና ማላ ኑ ጨማ አሳቴላይ ከሪሰቶሳራ ካቂቲዳይሳ ኤርሰ። 7 ኢሲ አሲ ከሪሰቶሳን ሃይቂዳ ገዲኮ፣ ኢ ናጋራ ዋልቃፌ ላዓ ኬደሰ። 8 ኮኒ ከሪሰቶሳራ ሃይቂዳ፣ ኢያራ ዴግን ዳናይሳ አማናሰ። 9 ከሪሰቶሰ ሃይቆፔ ዴንዲዳ ገሾ ዛሪ ኢ ሃይቆናይሳኔ ሃይቆይ ሲንላፌ ኢያ ሃርናይሳ ኑ ኤርሰ። 10 ኢ ሃይቂዳ ዋዴ ናጋራስ ኢሲ ቶሆ ወርሲሌ ጋካናው ሃይቂሰ፣ ሽን ሃዒ ዴግን ያሳሰ ዴዲና። 11 ሄሳዳካ፣ ሂንቴ ናጋራስ ሃይቂዳ፣ ጎዳ ከሪሰቶሰ ዩሱፊ ሳጋራ ያሳሰ ዴግን ዴዲናይሳ ቆፒቴ።

12 ሂሳ ገሾ፣ ሂንቴ፣ ሂንቴ አሳቴላ አሙዋስ ከቴቶና ማላ ሃይቂዳ ሂንቴ አሳቴላ ናጋራ ሃርፖ። 13 ቃሲ ሂንቴ አሳቴላ ናጋራ ኦላናው ጌላቴላ ሚሼ ኦሊዲ አሞፊቴ። ሽን ሂንቴ ሃይቆፔ ዴንዲዳ፣ ዴግን ዴዲና አሳዳ ሂንቴ አሳቴላ ያሳሰ አሚቴ። ቃሲ ሂንቴ ኩሚላ አሳቴላ ያላራ ኦሲ ኦላናው ያሳሰ አላ አሚቴ። 14 ሂንቴ ያሳ አቶ ከሃቴላ ጋርሳን ዴዳታፔ ኦቴን ሂንቴ ጋርሳን ዴግና ገሾ ናጋራ ሂንቴና ሃራናው ቤሴና።

ደሎቴላ አይሌ

15 ያተን፣ ኑ ዋይጋን? ሂንቴ ጋርሳን ገደናሽን ያሳ አቶ ከሃቴላ ጋርሳን ዴዲና ገሾ ናጋራ ኦላኔዬ? አካይ! 16 ሂንቴ ኢሲ አሳሰ ከቴታናው ሂንቴና አይሌ ኦሊዲ አሚያ ዋዴ ሄ ሂንቴ ከቴቲይሳሰ አይሌ ገዴይሳ ኤሬታ። ሄሳዳካ፣ ሂንቴ ናጋራስ ከቴቲ፣ ሂንቴው ሃይቆ ኤሂያ ናጋራስ አይሌ ገዴታ። ዋይጋ ሂንቴ ያሳሰ ከቴቲኮ ደሎቴላ ኤሂያ ያሳሰ አይሌ ገዴታ። 17 ካሲ ሂንቴ ናጋራስ አይሌ፣ ሽን ሃዒ ሂንቴ ኤከዲ ቱሚ ቴሚርቴያስ ኩሚላ ዋሃና ሃርና ሂንቴና ገሾ ያሳሰ ጋላቴ ገዴ። 18 ሂንቴ ናጋራ አይሌቴላ ቃሾፔ ቢሊቴዲ ደሎቴላ አይሌ ገዴዴታ።

19 ሂንቴ ሂንቴ ቆፋን ዳቡራንቸ ገዲያ ገሾ ታኒ ኦዴሰካ ጌሊያ ኦገን ኦዴሰሰ። ካሲ ሂንቴ፣ ሂንቴ አሳቴላ ቱናኔ ኢታባ ኦላናው አይሌ ኦሊዲ አሚዳይሳ ማላ ሃዒ ሂንቴ አሳቴላ ጌሺ ገዲና ማላ ደሎቴላ አይሌ ኦሊዲ አሚቴ።

20 ሂንቴ ናጋራስ አይሌቴዲ ዴዲና ዋዴ ደሎቴላሰ ሃራቴኪታ። 21 ሂንቴና ሃዒ ዩላያ ቤኒ ሂንቴ ኢታ ኦሲዋፔ አይ ማዴ ዴሚዴቴ? ሄ ኦሲታ ወርሲላይ ሃይቆ። 22 ሽን ሂንቴ ናጋራ አይሌቴላ ቃሾፔ ቢሊቴዲ፣ ያሳሰ አይሌ ገዴዴታ። ሄሲ ሂንቴና ጌሺ ኦሊዲ ሚሪና ዴዑዋኮ ካሌሌሰ። 23 ናጋራ ጋቴይ ሃይቆ። ሽን ያሳይ፣ ኑ ጎዳ ከሪሰቶሰ ዩሱፊ ሳጋራ አሚያ አሞታይ ሚሪና ዴግ።

7

ኤኮ ጌሎ ለሚሶ

1 ታ አሻቶ፣ ታኒ ኦዴይ ሂኔ ኤሪያ አሳታሳ። ሂኔይ ኢሲ አሲ ጋግ ዴዲና ዋዴ ኡባን ኢያ ሃራሰ። 2 ለሚሶሰ፣ አዘና ጌሊዳ ማጫሲያ ኢ አዘናይ ጋግ ዴዲና ዋዴ ሂኔን ኢያራ ቃሽታሰ። ሽን ኢ አዘናይ ሃይቂዳ ኢያራ ኢያ ጫቂዳ ጫቆይ ኢዮ ሃራና። 3 ሂሳ ገሾ፣ ኢያ ባ አዘናይ ጋግ ዴዲና። ሽን ሂኔ ሃራ አዘና ጌሊኮ፣ ኢያ ለሚዳሮ ጌቴቲኮ።

4 ሂሳ ገሾ፣ ታ አሻቶ፣ ሂንቴ ከሪሰቶሳ አሳቴላ ሳጋራ ሂኔ ዋልቃሰ ሃይቂዳ፣ ያሳሰ አይፌ አይፋናው ሃይቆፔ ዴንዲዳ ከሪሰቶሳሰ ገዴዴታ። 5 ኑ አሾ አሞይ ኑና ሃራን፣ ኑ ዴዲና ዋዴ ሂኔይ ጉጅ ናጋራ ኦላና ማላ ኑና ዴንላሌሰ። ኑ አሳቴላ ገደን ኢታ አሞቴላ ዴዲና ገሾ ኮኒ ሃይቆ አይፌ አይፋና ማላ ኦሊሰ። 6 ሽን ሃዒ ኮኒ ኮና ቃቺዳ ሂኒያሰ ሃይቂዳ ገሾ ኮኒ ሂኔ ቃሾፔ ቢሊቴዲ። ሂሳ ገሾ፣ ጌሻ አያና ኦገን ያሳሰ ከቴቶሰፔ ኦቴን ፃፊቴዳ ጨማ ሂኒያሰ ከቴቶኮ።

ሂኔ ናጋራ

7 ያተን፣ ኮኒ ዋይጋን? ሂኔይ ባ ሁዒን ናጋራ? ገደና! ሽን ሂኔይ ናጋራ አይቤኮ ታና ኤሪሰሰ። ሂኔይ፣ «አሞቶፋ» ጎናኮ፣ አሞቴላ አይቤኮ ታኒ ኤሪኬ። 8 ሽን ታ ኡባባ አሞታና ማላ ናጋራ ሂኔ ሳጋራ ታናን ኦኔ ዴሚሰ። ሂኔይ ባይኒኮ ናጋራ ሃይቂዳይሳ።

9 ካሴ ሂጌይ ባይና ዋዴ ታ ፓዖ፣ ሽን ሂጌይ ኢሚቲዳ ዋዴ ናጋሪ ፓዢን ታ ቃሲ ሃይቃሰ። 10 ታኒ ዴዖን ዳና ሜላ ያሳይ ኢሚዳ ሂጌይ ታው ሃይቆ ኤሂሰ። 11 ናጋሪ ሂጌ ባጋራ ታና ጨሚያ ኦጊ ዴሚዳ፣ ዋጂሰ።

12 ሃሳ ጊሾ፣ ሂጌይ ጌሽ፤ ኢያን ዓፊቲዳ ከታይካ ጌሽ፣ ዓሎኔ ሎዖ።

13 ያተን፣ ሎዖ ጊዲዳባይ ታ ቦላ ሃይቆ ኤሂዳዬ? ጊዳና! ሽን ናጋሪ ናጋራ ጊዳይሲ ቆንጫና ማላ ሎዖንን ማዴቲዲ ታው ሃይቆ ኤሂሰ። ሃሳ ጊሾ፣ ናጋራ ናጋራቴላይ ሂጌ ባጋራ ኣጂዲ ኤራቲሰ።

14 ኮኒ ሂጌይ ኢያናባ ጊዳይሳ ኤርሰ። ሽን ታኒ ናጋራሰ ባይዙቲዳ ኣሾ ኣሲ። 15 ታኒ ኦሌያባ ኣኪኪኪ፤ ታኒ ዶሲያባ ኦላናይሳ ኣጋዳ ታ ኢዲያባ ኣላይሰ። 16 ታኒ ኢዲያባ ኦሌያባ ጊዲኮ፣ ሂጌይ ሎዖ ጊዳይሳ ማዓይሰ። 17 ሃሳ ጊዲኮ፣ ሄ ኦሱዋ ታናን ዴዓያ ናጋራይ ኦላይሲ፤ ኣተን ታ ኦሌኪ።

18 ታናን፣ ሃሲካ ታ ኣሹዋን ሎዖባይ ባይናይሳ ኤራይሰ። ሎዖባ ኦሌያ ኣሞቴላ ታናን ዴዓኦ፤ ሽን ሎዖባ ኦላናው ዳንዳዒኪ። 19 ታኒ ኢዲያ ኢታባ ኦላይሲ፤ ኣተን ታ ዶሲያ ሎዖባ ኦሌኪ። 20 ታኒ ኢዲያባ ኦሌያባ ጊዲኮ፣ ሃሳ ታናን ዴዓያ ናጋራይ ኦሌሲ፤ ኣተን ኦሌይ ታና ጊዲኪ።

21 ሂዛ፣ ታ ሎዖባ ኦላናው ዶሲሽን፣ ኢታባ ኦሲይ ዋጋ ጊዳይሳ ዴማሰ። 22 ታኒ ታ ዋዛናን ያሳ ሂጌያን ኡፋይታይሰ። 23 ሽን ታ ኣሳቴላ ጊዳን ዴዓያ ታ ቆፋ ሂጌያራ ኦሊቲያ ዴሚ ሂጌ ቤዓይሰ። ሄ ሂጌይ ታ ኣሳቴላ ጊዳን ኦሌያ ናጋራ ሂጌያሰ ታና ኣይሌ ኦሌዲ ኢሚሰ። 24 ታኒ ዋጊዳ ዲባታ ሃሲ? ሃይቆሰ ኤፊያ ሃ ኣሳቴላፊ ታና ኣሻናይ ኦኔ? 25 ኑ ጎዳ ዬሱሰ ከሪሰቶሳ ባጋራ ታና ኣሺያ ያሳሰ ጋላቲ ጊዳ።

ሂዛ፣ ታኒ ታ ቆፋን ያሳ ሂጌያሰ ሃራታይሰ፤ ሽን ታ ኣሳቴላን ታና ናጋራ ኦሲሲያ ሂጌያሰ ሃራታይሰ።

8

ጌሻ ኣያናን ዴዖ

1 ሃሳ ጊሾ፣ ከሪሰቶሰ ዬሱሳን ዴዓይሳቲ ሃሲ ፐርዴቶኮና። 2 ከሪሰቶሰ ዬሱሳ ባጋራ ኮሰ ዴዖ ኢሚያ ጌሻ ኣያና ሂጌይ፣ ታና ናጋራኔ ሃይቆ ሂጌ ኣይሌቴላፊ ኪሲሰ። 3 ኑ ናጋራ ኣሳቴላ ጋሶን፣ ሂጌይ ዳቡራንቾ ጊዲያ ጊሾ ኑና ኣሻናው ዳንዳዒቤና። ያሳይ ባ ናዓ ናጋራንቾ ኣሳ ለሚሶን ናጋራሰ ያርሾ ጊዳና ሜላ ከቲዲ ሃሳ ኦሌሲ። ያተዲ፣ ያሳይ ከሪሰቶሳ ኣሹዋ ባጋራ ናጋራ፣ ናጋራንቾ ኣሳ ጊዳን ፐርዲሰ። 4 ያሳይ ሃሳ ኦሌዳይ፣ ኑ ኣሹ ኣሞይ ኮዬይሳዳ ጊዳናሽን ጌሻ ኣያናይ ኮዬይሳዳ ዴዓያ ኑ ቦላ ሂጌያ ዓሎ ከታታ ፖሊታና ሚላሳ።

5 ባንታ ኣሾ ኣሙዋ ካሊዲ ዴዓይሳቲ ባንታና ኡፋይሲያባ ቆፖሶና። ሽን ጌሻ ኣያና ሸኔን ዴዓይሳቲ ጌሻ ኣያና ኡፋይሲያባ ቆፖሶና። 6 ኑ ቆፋይ ኣሾ ኣሞሰ ሃራቲኮ ሃይቆ ኤሂሰ። ሽን ኣያና ኣሞሰ ሃራቲኮ ዴዖን ሳርቴላ ኤሂሰ። 7 ኣሾ ኣሞሰ ሃራቲያ ኣሲ ያሳ ሂጌያሰ ከቲታናው ኮዮና ጊሾኔ ከቲታናው ዳንዳዖና ጊሾ ያሳራ ሞርኪ። 8 ባንታ ኣሾ ኣሙዋሰ ሃራቲይሳቲ ያሳ ኡፋይሳናው ዳንዳዖኮና።

9 ሽን ያሳ ኣያናይ ሂንቴናን ዴዒኮኔ ሂንቴና ሃሪኮ፣ ሂንቴ ኣያና ሸኔን ዴዓታፔ ኣተን ሂንቴ ኣሾ ኣሙዋሰ ሃራቲኪታ። ከሪሰቶሳ ኣያናይ ባይና ኦኒካ ከሪሰቶሳባ ጊዳና። 10 ሽን ከሪሰቶሲ ሂንቴናን ዴዒኮ፣ ሂንቴ ኣሳቴላይ ናጋራ ጋሶን ሃይቁዳይሳ። ሽን ሂንቴ ኣያናይ ዓሎቴላ ጋሶን ዴዖን ዴዒኪ። 11 ሽን ዬሱሳ ሃይቆፔ ዴንሳዲ ያሳ ኣያናይ ሂንቴናን ዴዒኮ፣ ከሪሰቶሳ ሃይቆፔ ዴንሳዲ ያሳይ፣ ሂንቴናን ዴዒያ ባ ጌሻ ኣያናን ሃይቆፔ ሂንቴ ኣሳቴላሰ ዴዖ ኢሚያ።

12 ሂዛ፣ ታ ኣሻቶ፣ ኮኒ ኑ ኣሹ ኣሙዋ ካሊዲ ዳናው ቤሲና። 13 ሂንቴ፣ ሂንቴ ኣሾ ኣሙዋሰ ዴዒኮ ሃይቃና፣ ሽን ጌሻ ኣያና ዋልቃን ናጋራ ኦሱዋ ዋጂኮ ሂንቴ ሃይቆ ኣሹ። 14 ያሳ ኣያናይ ካሌሊያ ኡባይ ያሳ ናይታ። 15 ኮኒ፣ «ኣሳ፣ ታ ኣሞው» ያጊዲ ያጊያ፣ ያሳ ናይታ ኦሌያ ጌሻ ኣያና ኤኪዳፔ ኣተን ዛራዲ ያሻን ዳናው ኣይሌ ኦሌያ ኣያና ኤኪሰኮ። 16 ያሳ ኣያናይ ኑ ኣያናራ ጊዲዲ ኮኒ ያሳ ናይታ ጊዳይሳ ማርካቴሰ። 17 ኮኒ ኢያ ናይታ ጊዲኮ ያሳ ኣንጂዋ ላታና፤ ከሪሰቶሳራ ዋላ ሄ ኣንጂዋ ላታና፣ ቃሲ ኮኒ ከሪሰቶሳራ ሜቲዋ ኤኪኮ ኢያራ ዋላ ኢያ ቦንቹዋን ሻኪታና።

ያና ቦንቹዋ

18 ኮኒ ሃሲ ዋዬቲያ ዋዖ፣ ሲንሳፊ ኮሰ ቆንጫና ቦንቹዋራ ጋሊ ቤዒኮ፣ ጊሳናው ዳንዳዒቲና ጋዳ ቆፓይሰ። 19 ሜዴቴላ ኡባይ ያሳ ናይታ ቆንጫላ ዳር ላሞቴዲ ናጎሶና። 20 ሜዴቴላ ኡባይ ሃዳ ጊዲሰ፤ ሂሲካ፣ ሜዴቴላ ዶርን ጊዳናሽን ኡፋይሳን ናጋራ ሚላ ቦሊዳ ያሳ ሸኔን ሂሲኪ።

21 ሚዴቴላይ ባ ሁዔን ቆዮ ኣይሌቴላፊ ዋዙቲዲ፣ ያሳ ናይታራ ዋላ ቦንቾ ላዓ ሻኪታና። 22 ሚዴቴላይ ኢሲፊ ሃኖ ጋካናው ሚዴይ ኦይኪዳ ማጫሳዳ ኦሌኒኔ ኡጎን ዴዓይሳ ኑ ኤርሰ። 23 ቃሲ ሃሳ ሚዴቴላ ያላላ ጊዳናሽን ጌሻ ኣያና ባይራ ኣሞታዳ ኤኪዳ ኮኒ፣ ኑ ሁዔን ኑ ኣሳቴላሰ ዋዙ ጊዲዳ ያሳ ናይታ ጊዳና ኡፋይሳ ናጊሹ ኑ ኣሳቴላን ኦሎሰ። 24 ሃ ኡፋይሳን ኮኒ ኣቲዳ። ሽን

ኮኔ ኡፋይሲ ኦሊያባይ ቤንቲያ ገዲኮ ሃሳ ኦኔ ኡፋይሲ ኦሊ? 25 ሺን ኑ ቤዮናባ ዴማና ገዲ ኡፋይሳን ናገኮ ሃሳ ዳንዳባን ናገሰ።

26 ሃሳዳ ገሻ ኣያናይ ኑ ዳቡራን ማዴሰ። ኮኔ ያሳ ዋቲ ዋሳናው ቤሲያኮ ኤርኮ። ሺን ገሻ ኣያናይ ባ ሁዓን፣ ኣሲ ኦዳናው ዳንዳባና ቃላን ኮሰ ጋናቲሰ። 27 ቃሲ ኣሳ ዋዛና ኤሪያ ያሳይ ገሻ ኣያና ቆፋይ ኣይቤኮ ኤሪሰ። ገሻ ኣያናይ ያሳ ሺኒያዳ ገሻታሰ ጋናቲሰ።

28 ያሳ ሲቁይሳታሲኔ ኢያ ሺኒያዳ ያይቲዳይሳታሰ ያሳይ ኡባ ሎዖሰ ኦሊይሳ ኤርሰ። 29 ያሳይ ኮይርቲዲ ኤሪዳይሳቲ ባ ናባ ዳናና ሜላኔ ናዳይካ ኣማኔይሳታ ገዲን ባይራ ገዳና ሜላ ኤንታ ዴማዩዲ ዋሊሰ። 30 ያሳይ ኮይርቲዲ ዴማዩዳይሳታ ያገሰ፤ ሄ ያገዳይሳታ ያሊሲሰ፤ ሄ ያሊሲዳይሳታ ቃሲ ቦንቸሰ።

ያሳ ሲቁዋ

31 ያቲን፣ ኑ ሃ ኡባሰ ዋይጋኔ? ያሳይ ኑ ባጋ ገዲኮ ኩራ ኦኔ ኤቁታናይ? 32 ኢ ሃሪ ኣቶሺን፣ ባ ናባሰ ቃዴቶናሺን፣ ኑ ገሻ ኣላ ኣሚሰ። ያቲን፣ ባ ናባ ኩሰ ኣላ ኣሚዳይሲ ዋኒዲ ኡባባ ጮ ኣሚኔ?

33 ያሳይ ኤንታና ያሊሲዳ ገሻ ኢ ደሪዳይሳታ ኦኔ ዋጋናይ? 34 ያቲን፣ ኤንታ ቦላ ፐርዳናው ዳንዳባይ ኦኔ? ኦኔካ ባዋ። ሃይቆፔ ዳንዲዲ ያሳ ኡሻቻን ኡቲዳ፣ ከሪሰቶሰ ዩሱሲ፣ ኢ ኩሰ ጋናቲሰ።

35 ሂዛ፣ ኩና ከሪሰቶሳ ሲቁዋፔ ሻካናይ ኦኔ? ዋዬ ዋይኮ ሜቶዬ ዋይኮ ጎዳዬ ዋይኮ ኮሺዬ ዋይኮ ካሎቲልዬ ዋይኮ ያሺዬ ዋይኮ ኦሊዬ? 36 ገሻ ማዖፋን።

«ኮኔ ኔ ገሻ ጋላሳ ኩሚላ ሃይቆሰ፤
ሹካሰ ኤፊያ ደርሳዳ ታይቤቲዳ»
ገቴቲዲ ያፊቲዳይሳ ሜላ ገዲሰ።

37 ሺን ኮኔ፣ ኩና ሲቁዳ ከሪሰቶሳን ሃ ኡባ ፖሎ ዮናሰ።

38 ሃሳ ገሻ፣ ሃይቆ ገዲን ዴግ ገዲን ኪታንቸታ ገዲን ሃሪይሳታ ገዲን ሃሪ ዴይሳ ገዲን ሲንላፊ ያናይሳ ገዲን ዋልቃማታ ገዲን። 39 ሳሎ ዋልቃ ገዲን ሳባ ዋልቃ ገዲን ኣይ ሜቴል ገዲን ኑ ጎዳ፣ ከሪሰቶሰ ዩሱሳን ዴዒያ ያሳ ሲቁዋፔ ኩና ሻካናው ዳንዳባይሳ ታኒ ኤራሰ።

9

ኢሰራዒሊታ ደሪቲላ

1 ታኒ ከሪሰቶሳን ቱማ ኦዳይሰ፣ ዋርደቲኬ። ገሻ ኣያናይ ካሊሊያ ታ ካሃይ ታኒ ዋርደቶናይሳ ታው ማርካቲሰ። 2 ታ ዋዛናን ኢሰራዒሊታሰ ዳር ቃዴታይሲኔ ቃማ ጋላሰ ቆፓይሰ። 3 ታኒ፣ ታ ኢሻታ ገሻ ከሪሰቶሳፔ ሻኬታዳ ያሳ ቃንገላፊ ጋርሳን ዴዒዳኮ ደሳይሲሺን። 4 ኤንቲ ኢሰራዒሊታ፣ ያሳይ ኤንታ ባ ናይታ ኦሊሰ፣ ባ ቦንቸዋ ኤንታው ቆንጨሲሰ። ኤንታራ ጫቁሰ፤ ሂጊያ ኤንታው ኣሚሰ። ኤንቲ ያሳ ጎይናና ቱማ ኦጊያ ቤሲሰ፤ ያሳይ ኡፋይሳ ቃላ ኤንታው ኣሚሰ። 5 ኤንቲ ዩሉቲላን ማይዛታ ዛሬ፤ ቃሲ ከሪሰቶሲ ኣሻን ኤንታ ዛሬ ገዲዲ ዩሰ። ኡባፊ ቦላ ገዲዳ ያሳይ ማሪናው ጋላቲቶ። ኣሚንሳ!

6 ገደሺን፣ ያሳይ ገሊዳ ቃላይ ፖሊቶና ኣቲሰ ጉሱ ገደና። ኢሰራዒሊ ኣሳ ኡባይ ያሳ ኣሲ ገደኮና። 7 ቃሲ ኣብራሃሚ ዛሬ ኡባይ ኣብራሃሚ ናይታ ገደኮና። ያሳይ ኣብራሃሚሰ። «ኔ ዜሬላይ ዩሳቃ ባጋራ ያይታና» ያገሰ። 8 ሃሳ ጉሳይ ኣሻን ዩሉቲዳ ናይቲ ኡባይ ያሳ ናይታ ገደኮና። ሺን ቱማ ኢሰራዒሊ ናይቲ ያሳይ ኣብራሃሚሰ ገሊዳ ቃላይ ዩሉቲዳ ናይታ። 9 ያሳይ ኣማና ገዲ ገሊዳ ቃላይ፣ «ታኒ ዋንቶ ላይላ ሃናዬ ያና፤ ሳራካ ኣዴ ናባ ዩላና» ያገይሳ።

10 ሃሳ ያላላ ገደናሺን ኢርቢቁኔ ዩሳቁ ዩሊዳ ሜንቲ ኣዴ ናይታባ ኣኪኪቲ። 11 ኤንቲ ዩሉታናፔ ዋይኮ ኢታ ዋይኮ ሎዖ ኦላናፔ ሲንላ ያሳ ደርይ ኦሳን ገደናሺን ያሳን ገዴይሳ ቆንጨሳናው። 12 «ባይራይ ካሎቲላ ከቲታና» ያገዲ ጎዳይ ኢርቢቃሰ ኦዲሰ። 13 ሄሲካ ገሻ ማዖፋን፣ «ያይቆባ ደሳሰ፣ ኡሳዌ ኢፃሰ» ገቴቲዲ ያፊቲሰ።

14 ያቲን፣ ኮኔ ዋይጋኔ? ያሳይ ኣሴ ኣሳፔ ሻኪዬ? ገደና። 15 ጎዳይ ሙሴኮ፣ «ታ ማራናው ኮዩዳይሳታ ማራና፤ ታ ቃዴታናው ኮዩዳይሳታሰ ቃዴታና» ያገሰ። 16 ሂዛ፣ ያሳ ደርይ ኣሳ ሺኔን ዋይኮ ኦሳን ገደናሺን ኢያ ማርቲላና።

17 ገሻ ማዖፋን፣ ገብጪ ካወዋኮ፣ «ታኒ፣ ታ ዋልቃ ኔናን ቤሳናዉኔ ታ ሰንላይ ኣላሚ ኡባን ኤሬታና ሜላ ሃሳሰ ኔና ካዋሳሰ» ገቴቲዲ ያፊቲሰ። 18 ሂዛ፣ ያሳይ ማራናው ኮዩይሳ ማሪሰ፤ ዋዛና ሙሚሳናው ኮዩይሳ ዋዛና ሙሚሴሰ።

ዖሳ ሃንቁቁኔ ማርቴላ

19 ሃንቴፊ ኢሶይ፡ «ያተን፣ ዖሳይ አሴ ኢታ ኦሶ ጊሾ አይሰ ቦሪ? ዖሳ ሼኒያ ኢዳሰ ጋናይ ኦኔ?» ያጊዲ ኦይቻናው ዳንዳዒስ።

20 ሺን ታ አሻው፡ ዖሳራ ጋላማናው ነኒ ኦኔ? ኡርቃፊ ሜዲተዳ ሚሼይ ባና ሜዲዳይሳ፡ «ታና ሃይሳዳ ኦሳዳ አይሰ ሚዳዳ?» ጊዲ ኦይቻናው ዳንዳዒ? 21 ዎይኮ ኡርቃ ሜዲይሰ ኢሰ ኡርቃፊ ኢሶቀ ቦንቾ ማሼ፡ ሃንኩቀ ቃሲ ቶሼ ሚሼ ኦሳዳ ሚዳናው ማጥ ባዌ?

22 ዖሳይ ባ ሃንቁቀ ቤሳናውኔ ባ ዎልቃ ኤሪሳናው ኮዪዳ፡ ፐርዳሰ ጊዲ ሃንቆ ናይታ ዳር ጌንጫን ዳንዳዒዳኮ ኔ አይ ኡራይ? 23 ሄሳ ኢ ኦሳዳይ ኮይርቴዳ ቦንቾሰ ጊሲዳ፡ ባ ዶሪዳ ናይታሰ ባ ቦንቾቀ ቆንጨሳናሳ። 24 አይሁዳ ጊዲን፣ ዎይኮ አይሁዳ ጊዳና አሳ ኡባይ ዖሳን ዶሪቴዳ።

25 ናቢያ ሆሴዒ ማፃፋን፡

«ታ አሴ ጊዳናይሳታ፡ ታ አሴ» ጋዳ ዪጋና።

ታ ሲቃቦና ዳይያ፡ «ሰቁተዳይሳታ» ጋዳ ዪጋና።

26 ኤንቴ፡ ታ አሴ ጊዳኬታ ጌቴቴ ዪጌቴዳ ቤሳን፡

«ዳዎ ዖሳ ናይታ» ጌቴቴዳ ዪጌታና» ያጌሰ።

27 ናቢያ ኢሳያሲ ኢሰራዔሌ አሳባ፡

«ኢሰራዔሌ አሳይ አባ ጋፃን ዳዒያ ሻፊያዳ ዳሪኮካ፡

ኤንታፊ ጉላ አሳ ዓላሊ አታና።

28 ጎዳይ አላሚያ ኡባ ቦላ ኤሌሲዳ ፖሎ ፐርዳ ፐርዳና።» 29 ቃሲካ ኢሳያሲ፡

«ኡባዳ ዎልቃሚ ጎዳይ ኦሰ ጉላ ዜራሊ አሸናባ ጊዲያኮ፡

ኦኒ ሶዶሜኔ ጋዎራ ካታማዳ ጳያናሽን»

ያጊዲ ኮይርቴዳ ኦዲሰ።

30 ያተን፣ ኮ ዎይጋኔ? ያሎቴላ ኮዪቦና አይሁዳ ጊዳና አሳይ አማኖን ያሎቴሊ ዳሚዳሶና።

31 ሺን ያሎቴላኮ ጋሊያ ሂኒያ ዳዒያ ኢሰራዔሌ አሳይ ያሎቴሊ ዳሚቦኮና። 32 አይሰ ዳሚቦኮና ኤንቴ ያሎቴላ አማኖን ጊዳናሽን ኦሰን ኤካናው ኮዪዳ ጊሾሳ። ያኒያ ጊሾ፣ ኤንቴ፡ «ዱቤያ ሹቻን» ቆቤቴዳሶና። 33 ጌሻ ማፃፋን፡

«ታኒ ዪዮኔን ቆቤ ኮንዲሲያ ሹቻ ዎላና።

ኢያን አማኒያ ኦኒካ ዬላቴና»

ጌቴቴዳ ያፊቴሰ።

10

1 ታ ኢሻቶ፡ ታ ኩሚላ ዎዛናን ታ አዎቴይኔ ዖሳ ዎሴይ ኢሰራዔሌይ አታና ሜላሳ። 2 ኤንቴ ዖሳሰ ሚሼቶሶናሽን፣ ቱማ ኤራቴላን ሚሼቶናይሳ ታ ማርካታይሰ። 3 ኤንቴ ዖሳ ያሎቴላ ኦጊያ ኤርና ኢዲዳ፡ ባንታ ሁዔ ያሎቴላ ካሊዶሶናፕ ኦኒን ዖሳ ያሎቴላ ኮዪቦኮና። 4 አሲ ኡባይ አማኖን ያላና ሜላ ኪሪሰቶሲ ሂጊያ ፖሊሰ።

አቶቴላይ ኡባሳ

5 አሲ ሄጌ ናጊዲ ኤኪያ ያሎቴላባ ሙሴይ ያፊሼ፡ «ሄጌ ናጊያ ኦኒካ ሄ ሂጊያ ናጊዳ ሚላ ዳዒሰ» ያጊሰ። 6 ሺን አማኖን ኤኪያ ያሎቴላባ ጌቴቴዳይ ሃይሳ፡ «ኔ ዎዛናን፡ «ኦኒ ሳሎ ኬያኔ?» ዳጎፓ፤ ሄሲ ኪሪሰቶሳ ዎዲሳናሳ። 7 ዎይኮ፡ «ዱጌ ሳዓ ጋርሲ ዎዲያና ኦኔ?» ጎፓ፤ ሄሲ ኪሪሰቶሳ ዳጎፓ ኬሳናሳ። 8 ሺን ያጊዲ ያፊቴሰ፡ «የሳ ቃላይ ኔ ማታና፤ ኔ ድናኒኔ ኔ ዎዛናን ዳዒሰ» ኦኒ ሂንቴው ኦዲያ አማኖ ቃላይ ሃይሳ።

9 «ዬሱሲ ጎዳ» ጋዳ ኔ ድናን ማርካቴኮኒ ዖሳይ ኢያ ሃይቆፕ ዳንጌዳይሳ ኔ ዎዛናን አማኒኮ፡ ኔ አታና። 10 አሲ ባ ዎዛናን አማኒዳ ያሎሰ፤ ባ ድናን ማርካቴዳ አቴሰ። 11 ጌሻ ማፃፋይ፡ «ኢያን አማኒያ ኦኒካ ያሎቴና» ያጌሰ። 12 ኢሲ ዖሳይ ኡባ ጎዳ ጊዲያ ጊሾ አይሁዳታ ጊዳኒኔ አይሁዳ ጊዳና አሳ ጊዳን ዳማቴሊ ባዎ፡ ኢ ባና ዪጊያ ኡባሰ ዳር ኬሃ። 13 ጌሻ ማፃፋይ፡ «ጎዳ ሰንሳ ዪጊያ ኦኒካ አታና» ያጌሰ።

14 ያተን፣ ኤንቴ አማኖና ዳዒሼ ዎኒዲ ኢያ ዪጋናው ዳንዳዒና? ኤንቴ ኢያባ ሲዮና ዳዒሼ ዎቴዲ ኢያ አማኖናው ዳንዳዒና? ቃሲ ኤንታው ቃላ ኦዲያ አሲ ባይና ዳዒሼን፣ ዎኒዲ ሲዮናው ዳንዳዒና? 15 ኪቴቴዳ አሲ ባይና ዳዒሼን፣ ቃላይ ዎኒዲ ኦዲታናው ዳንዳዒ? ጌሻ ማፃፋን፡ «ኡፋይሳ ዎንጌላ ኦዲያ አሳ ቶሆቴ ዎኒዲ ሎዮና!» ያጊዲ ያፊቴሰ።

16 ሺን አሳያሲ፡ «ጎዳው፣ ኑ ማርካቴላ እኒ አማኒዴ?» ያጊዳይሳዳ፣ ኡባይ ዋንጌላ አማኒቦኮና።
 17 ሄሳ ጊሾ፣ አማናይ ሲሳፌ ዩሰ፤ ሲሲ ኪሪሰቶሳ ቃላፕ ዩሰ።
 18 ጊድሺን፣ ኢሰራዔሌ አሳይ ቃላ ሲዒቦኮና ጉሴዬ? አካይ ሲዒደሶና። ጌሻ ማፃፋን፣
 «ኤንታ ቃላይ ቢታ ኡባን ሲዒቲሰ፣
 ኤንታ ኦዳይ ሳባ ጋፃ ጋኪሰ» ያጌቲሰ። 19 ሺን ኢሰራዔሌ አሳይ ኤሪቦኮና ጉሴዬ? ሙሴይ ካሴ።
 «ታኒ ሂንቴና ለቁቴዳ አሳን ቂርይሳና፤
 ቃሲ ኤያ አሳን ሂንቴና ዩሎያና» ያጊሰ።
 20 ቃሲ አሳያሲ፣
 «ታና ኮዩቦና አሳሰ ቤንታሰ፤
 ታና ኦይቹቦና አሳሰ ቆንጫሰ»
 ያጊዲ ያዮና ኦዲሰ።
 21 ሺን አሳያሲ ኢሰራዔሌታባ ኦዲሾ፣
 «ኡባ ዋይ ከቴቶና አሳሰኔ
 ታና ኢዲያ አሳሰ ታ ኩሺያ ማጫሰ» ያጌሰ።

11

የሳይ ኢሰራዔሌታ አገቤና

1 እኔ ታ ኦይቻይሰ፣ ያቲን፣ የሳይ ባ አሳ አገደዬ? አገቤና! ታኒ ታ ሁዒን ኢሰራዔሌ፤ አብራሃሜ ሾሽ፤ ቢያሚ ዛሬ። 2 የሳይ ኮይሮ ደሪዳ ባ አሳታ ዩጌና። ጌሻ ማፃፋን፣ ኤሊያሲ ኢሰራዔሌታ የሳ ሲንላን ዋቲ ሞቲዳኮ፣ ሂንቴ ኤሪኬቲ? 3 ኤሊያሲ፣ «ጎዳው፣ ኤንቲ ኔ ናቤታ ዋፊደሶና፣ ኔ ያርሾ ቤሳካ ላሊደሶና። ታ ታርካ አታሰ፤ ኤንቲ ታርካ ዋፋናው ኮዮሶና» ያጊሰ።
 4 የሳይ ኢያው ዋይጊ ዛሬደ? «ባዓሌ ኤቃሰ ጎይኒቦና ላፑን ሙኩሉ አሳ ታው አሻሰ» ያጊሰ።
 5 ሄሳዳካ፣ ሃ ዋዲያን የሳይ ባ አጾ ከሃቴላን ደሪዳ ጉላ ኢሰራዔሌቲ ዴቦሶና። 6 ኢ ኤንታ ደሪዳይ ባ አጾ ከሃቴላና፣ ኦይቲን ኤንታ ኦሶን ጊደና። ደርይ ኦሶን ጊዲኮ፣ ኢያ አጾ ከሃቴላይ ቲማ አጾ ከሃቴላ ጊደና።
 7 ያቲን፣ ዋኒዴ? ኢሰራዔሌቲ ባንታ ኮያባ ዴሚቦኮና፣ ሺን የሳይ ደሪዳ ጉላቲ ዴሚደሶና። አቲዳይሳቲ ባንታ ዋዛና ሙሚሲደሶና። 8 ሄሲካ፣ ጌሻ ማፃፋን፣
 «ኤንቲ ባንታ ኦይፊያን ቤያናዳ
 ባንታ ሃይላን ሲያናዳ፣
 ሃኖ ጋካናው ኤንታው
 የሳይ ኦዳላ አያና ኢሚሰ»
 ጌቲቲዲ ዓፊቲዳይሳዳ ሃኒሰ። 9 ቃሲ ዳዊቲይ፣
 «ኤንቲ ሚያ ጋይታይ ኤንታ ዓሂዳ ኦይኮ፤
 ኤንታ ጉፋንሌያ አፎ ጊደ፤
 ኤንታ ኢታቴላይ ኤንታ ቦላ ጋኮ።»
 10 ኤንቲ ያሎናዳ ኤንታ ኦይፊይ ጎዜቶ፤
 ኡባ ዋይ ሚቶን ኤንቲ ኩኒዲ ዴያ» ያጊሰ።
 11 ያቲን፣ አይሁዳቲ ዛሬ ዴንደና ሚላ ኩንዲደናዬ? ጊደና! ኤንታ ኩንዳላይ አይሁዳ ጊደና አሳይ አታና ሚላ ጋሶ ጊደሰ። ሄሲካ አይሁዳቲ ኤንታ ቦላ ቃናታናዳ ኦሊሰ። 12 አይሁዳታ ናጋሪይ ኦላሚያሰ ዳር ኦንጆ ኤሂሰ፤ ቃሲ ኤንታ ኩንዳላይ አይሁዳ ጊደና አሳሰ ዳር ኦንጆ ጊደሰ። ያቲን፣ ደሪቲዳ አይሁዳቲ ኩሚላ አቲያ ዋይ ኦንጆይ ኦይ ሚላ ዳራንዳጃ፤
 13 ታኒ፣ ሃሲ ሃንቴው አይሁዳ ጊደና አሳሰ ኦዳይሰ። አይሁዳ ጊደና አሳሰ ሃዋሬ ጊዳዳ ኦሊይሳን ታኒ ዳር ጩቁታይሰ። 14 ታ ሄሳ ኦሊዳይ ታው አሾን ዛሬ ጊዳዳ ኢሰራዔሌታ ቂርያዳ ኤንታፊ ጉላታ አሻናሳ። 15 የሳይ ኤንታ ዩጊዳ ዋይ ሃ ኦላሚይ የሳሪ ሲጌቲሰ። የሳይ ኤንታ ሺሺ ኤኪያ ዋይ ሃይቂዳ እሲ ሃይቆፕ ዴንዲዳ ሚላ ጊደሰ።
 16 ኮይሮ ሚንሌዳ ባሶ ኡይላይ የሳሰ ያርሾቲዲ ጌሺ ጊዲኮ፣ ሙሚ ኡይላይካ ጌሺ። ሚላሰ ዓጻይ ጌሺ ጊዲኮ፣ ታሾይካ ጌሺ። 17 ጋይን ቶኪዳ ሻማሆ ታሾ ጊዲዳ አይሁዳቲ ካሬቲን፣ ሂንቴ ባዛን ደሊዳ ሻማሆ ታሾ ጊዲዳ አይሁዳ ጊደናይሳቲ ኤንታ ቤሳን ቆንሌቲዲ ኤንታ ኦንጆዋኔ ዴሬቲላ ሻኬቲዳ። 18 ሂዛ፣ ሂንቴ ታሾዳ ካሬቲ ዋጂዳ አይሁዳታ ቦላ ኦቶርቶፊቲ። ሂንቴ ኦቶርቲያባ ጊዲኮ፣ ዓጻይ ሂንቴና ቶኪሲፕ ኦቲን ሂንቴ ዓጻዋ ቶቶርይሳ አከከቲ።

19 ነኒ፡ «ሄ ታሺቴ ካሬተዳይ፡ ታ ኤንታ ቤሳን ቋንቋታና ማለላ» ጋናው ዳንዳሳሳ፡ 20 ሄሲ ቱማ፡ ኤንቲ አማኒቦና ጊሾ ካሬተዳሶና፡ ነኒ አማኒዳ ጊሾ ሄ ቤሳን ኤቃዳሳ፡ ነኒ ያየናው ቤሴሰ፤ ኣቲን ኦቶራናው ቤሴና፡ 21 ያሳይ ማጺን ታሺ ጊዲዳ ኣይሁዳታስ ቃጺቶና ኢጲኮ ሂንቴወካ ቃጺቴና፡

22 ሂዛ፡ ያሳይ ኣይ ማለ ከሂኮኒ ኣይ ማለ ያሸያኮ ቤዓ፡ ኢ ያሸይ ከቴቶናይሳታ፡ ቃሲ ኢ ከሄይ ኢያ አማኒዲ ማኒዲ ኤቁዳይሳታሳ፡ ማኒዲ ኤቆና ኢጲኮ ሂንቴካ ካሬታና፡ 23 ኣይሁዳቲ አማኒኮ፡ ካሲ ኤንቲ ዳዒያ ቤሳ ሲማና፡ ያሳይ ኤንታ ዛሬዳ፡ ዋሳናው ዳንዳሳሳ፡ 24 ሂንቴና ባዘን ዳዒያ ሻማሆ ጊዲዳ ኣይሁዳ ጊዳናይሳታ ቃንጂዳ፡ ጋይን ቶኩቲዳ ሻማሆ ቦላ ሂንቴና ቶኪኮ፡ ማጺን ጋይ ሻማሆ ጊዲዳ ኣይሁዳታ ባንታ ኮይር ቤሳን ዛሬ ቶካናው ዋኒዲ ዳንዳሳሳ፤?

ያሳ ማርቲሳይ ኡባሳ

25 ታ አሻቶ፡ ሂንቴ ሂንቴና ኡሪንቾ ጊዲ ጨቁቶፊቴ፡ ታ ሂንቴው ኦዲያ ኢሲ ፀሪ ዳዒስ፡ ሄሲካ ኢሰራዒሌታ፤ ባጋይ ሲያና ኢጂዳይ ወርሴሌ ጋካናው ጊዳናሽን ኣታናው ዳዒያ ኣይሁዳ ጊዳና ኣሳይ ኩሚሌ ያሳኮ ያና ጋካናሳ፡ 26 ሄሳዳካ፡ ኢሰራዒሌ ኣሳ ኡባይ ኣታና፡ ጊሻ ማፃፋን፡ «ኑና ኣሺይሲ ጃኮኒቴ ያና፤

ያይቆባ ዜሬላፊ ኢታ ኡባ ዲጋና፡

27 ታኒ ኤንታ ናጋራ ኣቶ ጊያ ዋዳ

ኤንታራ ጫቃና ጫቆይ ሃይሳ»

ጌቴቲዲ ፃፊቴሰ፡

28 ኣይሁዳቲ ዋንጌላ ኤኮና ኢጂዳ፡ ሂንቴ ጊሾ ያሳራ ሞርኬ ጊዲዳሶና፡ ጊዳሽን፡ ሃላካ ኤንቲ ደሬቲዳይሳታ፡ ያሳይ ኤንታ ኣዋታ ጊሾ ኤንታ ደሴሰ፡ 29 ያሳይ ባ ኢሙዋኒኒ ባ ጃሳን ቁርቲና፡ 30 ሂንቴ ኣይሁዳ ጊዳናይሳቲ ካሲ ያሳሰ ከቴቲቤኪታ፡ ሽን ሃላ ኣይሁዳቲ ከቴቶና ኢጂን፡ ሂንቴ ያሳ ማርቲሳ ኤኪዳታ፡ 31 ሃሳዳካ፡ ሂንቴ ኤኪዳ ማርቲሳ ኣይሁዳቲ ኤካና ማለ ሃላ ያሳሰ ከቴቶና ኢጂዳሶና፡ 32 ያሳይ ኣሳ ኡባ ባ ማርቲሳ ቤሳናው ኮዩዳ፡ ኣሲ ኡባይ ከቴቶና ኢፃና ማለ ኦሌሰ፡

33 ያሳ ዲሬቲሳ፡ ጨንጫቴሳኒ ኤራቴሳ ኣኬኪዲ ሉዳናይ ኦኔ? ኢያ ፐርዳይ ፐልጌቴና፡ ኢያ ኦኔይ ኤሬቴና፡ 34 ጊሻ ማፃፋን፡

«ጎዳ ቆፋ ኤሬይ ኦኔ?

ኢያ ዘራናው ዳንዳሳሳ ኦኔ?

35 ያሳሰ ታልዒይኔ

ታልዒያ ዛሬዲ ኤኬይ ኦኔ?»

ያጌሰ፡

36 ኡባ ኢ ማጺሰ፤ ኡባይ ኢያን ዳዒሰ፤ ኡባይ ኢያ ቦንቾሳ፡ ያሳሰ ማሪናው ቦንቾይ ጊዳ፡ ኣሚንዒ፡

12

ከሪሰቶሳን ኦራሳ ዳዖ

1 ሂዛ፡ ታ አሻቶ፡ ሂንቴ፡ ሂንቴ ኣሳቴሳ ያሳ ኡፋይሲያ፡ ዳዖኔ ጊሻ ያርሾ ኦሌዳ፡ አማና ማለ ታኒ ሂንቴና ያሳ ማርቲሳን ዋሳይሰ፡ ያሳ ሂንቴ ጎይናናው ቤሴሰ ቱማ ኦኔይ ሃሳ፡ 2 ሎዖ፡ ኡፋይሲይሳኔ ፖሎ ጊዲዳ ያሳ ሸኒያ ሂንቴ ሻኪ ኤራናው ሂንቴ ቆፋን ላማቲቴቴ ኣቲን ሃ ኣላሚያ ዳናፐቴ፡

3 ያሳይ ሂንቴ ኢሱቀሰ ኢሱቀሰ አሚዳ ኣማኑቀ ማለ ዋዘናማ ኣሳዳ ቆፐቴ፡ ቆፓናው ቤሴይሳፊ ኣሌዳ ሂንቴና ዳማዩዳ፡ ኦቶሪን ቆፖሬቴ ጋዳ ታው አማቲዳ ኣጾ ከሃቴሳን ሂንቴው ኦዳይሰ፡

4 ኑ ኢሲ ኣሳቴሳ ጊዳን ዳማ ዳማ ከፊላቲ ዳዖሶና፤ ሄ ዳማ ዳማ ከፊላታስ ዳማ ዳማ ኦሶይ ዳዒሰ፡ 5 ሃሳዳ፡ ኑኒ ዳር ኣሲ ጊዲኮካ ከሪሰቶሳን ኢሲ ኣሳቴሌ ጊዲዳ፡ ኑኒ ኢሲ ኣሳቴሌ ጊዲዲ ዳማ ዳማ ከፊላቲ ኢሶይ ኢሱቀራ ኦይኬቴዳ፡ 6 ኑሰ አማቲዳ ኣጾ ከሃቴሳን ዳማ ዳማ አዋታቲ ዳዖሶና፡ ኑ አዋይ ቲንቤታ ኦዳ ጊዲኮ፡ ኑሰ ዳዒያ ኣማኑቀ ማለ ሉዳናው ቤሴሰ፡ 7 ኑ አዋይ ሃራታ ማይ ጊዲኮ፡ ሄ ኦሱቀን ማናናው ቤሴሰ፤ ታማርሶ ጊዲኮ፡ ሄ ታማርሱቀን ማናናው ቤሴሰ፡ 8 ኑ አዋይ ሃራታ ማንገሌላ ጊዲኮ፡ ማኒዲ ማንገሌላናው ቤሴሰ፡ ኑ አዋይ ኑሰ ዳዒያባፐ ሃራታስ አዋ ጊዲኮ፡ ዋዘና፤ አማናው ቤሴሰ፡ ኑ አዋይ ኣይሶ ጊዲኮ፡ ማኒዲ ኣይሳናው ቤሴሰ፡ ኑ አዋይ ሃራታስ ከሆ ጊዲኮ፡ ኡፋይሳን ከሃናው ቤሴሰ፡

9 ሂንቴ ከቆይ ቆጺቴ ቆዋን ጊዳናው ቤሴሰ፡ ኢታባ ኢጂቴ፤ ሎዖባ ማንገሌዲ ኦይኪቴ፡ 10 ኢሶይ ኢሱቀራ አሻዳ ሲቁቴቲ፤ ኢሶይ ኢሱቀ ቦንቾቴ፡ 11 ኣዛሎሬቴ፤ ሂንቴ ኣያናን ማኒዲ ጎዳሰ ኦሌቴ፡ 12 ያሳይ አሚዳ ኡፋይሳን ኡፋይቲቴ፤ ማቲቀ ዳንዳሳሳ፤ ኡባ ዋዳ ያሳ ዋሲቴ፡ 13 ኣማኒያ ጊሻታ ኮሺያባን ማዲቴ፤ አማሳታ ሞኪቴ፡

11:26 ኣሳ 59:20-21 11:27 ኣሳ 27:9 11:33 ኣሳ 55:8 11:34 ኣሳ 40:13 11:35 ኣዮ 41:11
11:36 1ቆር 8:6 12:4 1ቆር 12:12 12:6 1ቆር 12:4-11

14 ሂንቴና ጎዳይሳታ እንጂቴ፤ እንጂቴ፤ ኣቲን ባዶፊቴ። 15 ኡፋይቴሳታራ ኡፋይቴ፤ ዩኬይሳታራ ዩኬቴ። 16 ኢሶይ ኢሶፋራ ኢሶ ፋፋን ዳዒቴ። ኦቶሮ ፋፋ ኣገዲ፤ ሂንቴና ካጠሺዲ፤ ካጠሻ ኦሶ ኦላቴ። ሂንቴ ሂንቴና ጨንጫ ገዲ ቆገፊቴ።

17 ኦኒካ ሂንቴው ኢታባ ኦላኮ፤ ሄ ኡራሰ ኢታ ዛርፒቴ። ኣሳ ኡባ ሰንሳን ናሺሲያ ሎዎ ኦሶ ኦላቴ። 18 ኣሳ ኡባራ ሳርን ዳናው ሂንቴው ዳንዳዒቲያ ኡባ ኦላቴ። 19 ታ ኢሻቶ፤ ሂንቴ፤ ሂንቴ ሁዒን ኣሳሰ ሃሎ ኬዮፒቴ። ያሳይ ሃሎ ኬያና ማላ ኢያው ኣገገቴ። ገሻ ማፃፋን፤

«ታኒ ሃሎ ኬያና፤
ታኒ ኩሺ ዛራና»
ያጌሰ ጎዳይ፤ ጌቴቲዲ ዓፊቴሰ።

20 ሺን ገሻ ማፃፋን፤
«ኔ ሞርኬይ ኮሻቲኮ ሙዛ፤
ኢ ሳሞቲኮ ኡሻ፤
ኔኒ ሄሳ ኦላኮ ኢያ ሁዒን
ዩላ ታማ ቦንቆ ፋላሳ»
ጌቴቲዲ ዓፊቴሰ።

21 ኢታ ሎዎን ያናፒ ኣቲን ኢታን ያኔቶፋ።

13

ዳሪያ ኣይሴይሳታሰ ከቴታላ

1 ያሳ ሺኒ ገደናሺን ማቲ ኣሚቶና ገሺኒ ሃዒ ዳዒያ ሹማቲካ ያሳ ሺኒን ሹማቲዳ ገሺ ኣሲ ኡባይ ዳሪያ ኣይሴይሳታሰ ከቴታናው ቤሴሰ። 2 ሄሳ ገሺ፤ ማታራ ዳዒይሳታሰ ከቴቶና ኢዒያ ኦኒካ ያሳ ከታ ኢጸሰ። ከቴቶና ኢዒያ ኦኒካ ባ ቦላ ፒርዳ ኤሂሰ። 3 ኣይሴይሳቲ ኢታ ኦላይሳታፒ ኣቲን ሎዎ ኦላይሳታ ያሹኮና። ኣይሴይሳታሰ ያዮና ኣገናው ኮያይ? ያኮ ሎዎ ኦላ፤ ኤንቴ ኔና ጋላታና። 4 ኤንቴ ኔው ሎዎባ ኦላናው ሹማቲዳ ያሳ ኣይላ። ሺን ኔኒ ኢታባ ኦላኮ፤ ኤንቴ ኢታባ ኦላዳይሳ ሴሪያ ገሺ ኢያው ያያ። ኤንቴ ኢታ ኦላይሳታ ሴሪዲ፤ ያሳ ሃንቁዎ ቆንጨሲያ ያሳ ኣይላ። 5 ሄሳ ገሺ፤ ያሳ ሃንቁዎ ያላላሰ ገደናሺን ሂንቴ ካሃይ ማርካቲያ ገሺ ዳሪያ ኣይሴይሳታሰ ከቴታናው ቤሴሰ።

6 ሂንቴ ገራ ገራይካ ሄሳሳ። ዳሪያ ኣይሴይሳቲ ሄ ኦሶፍ ኦላይ፤ ኤንቴ ያሳ ኣይላታ ገዲዳ ገሻሳ። 7 ኢሶቆሰ ኢሶቆሰ ቤሴይሳ ኣሚቴ። ገራ ገራናው ቤሴይሳሰ ገሪቴ፤ ቃራፃ ቃንፃናው ቤሴይሳሰ ቃራፃ ቃንፃቴ፤ ያያናው ቤሴይሳሰ ያዩቴ፤ ቦንቾይ ቤሴይሳ ቦንቾቴ።

ሲቄቲቲ

8 ኢሶይ ኢሶቆራ ሲቄቲቴ። ሲቆ ኣጮፒ ኣቲን ሂንቴ ቦላ ሃራ ኣጮይ ደፖ። ኣሴ ሲቄያ ኦኒካ ሂጌይ ገይሳ ፖሊሰ። 9 «ላሞፋ፤ ዎፊፓ፤ ካይሶቶፓ፤ ኣሞቶፋ» ገያ ከታይኔ ሃራ ከታ ኡባይ፤ «ኣሴ ኔ ሁዒዳ ደሳ» ገያ ከታን ቃሹቴሰ። 10 ኣሴ ሲቄያ ኦኒካ ኢያ ቦላ ኢታባ ኦላ። ሄሳ ገሺ፤ ኣሴ ሲቄይሲ ሂጌ ከታ ፖሊሰ።

11 ጂሰኮፊ ሂንቴ ባርኪያ ዎይይ ሃዒ ገይይሳ ኣኬኪዲ ሄሳ ኦላቴ። ኦ ኣታና ዎይይ ኮይሮ ኦ ኣማኒዳ ዎዲያፒ ሃዒ ኦኮ ማቲሰ። 12 ፉማ ዎይይ ኣፋናው ሃኒሰ፤ ዎንታይ ማቲሰ። ሂዛ፤ ኦኒ ፉማ ኦሶ ኣገዲ ፖዎ ኦላ ሚሺ ኦይኮሰ። 13 ኣኔ ጋላሰ ፖዎን ዳዒያ ኣሳዳ ማሪን ዳይሰ። ማሶኔ ሳይማቴላራ ጋሂቲያ ዳማ ዳማ ቱና ኦሶታን፤ * ፓላማኒኔ ቃናቲን ገደፖ። 14 ጎዳ ዩሶሰ ከሪሰቶሳ ካንዲዎ ማዒቴ፤ ሂንቴ ናጋራንቾ ኣሳቴሳይ ባ ኣሙዎ ፖላና ማላ ኢያው ቆገፊቴ።

14

ኣሳ ቦላ ፒርዶፊቴ

1 ኣማኖን ዳቡራዳ ኦናካ ሺሺ ኤኪቴፒ ኣቲን ኢያ ፋፋ ቦላ ፒርዶፊቴ። 2 ለሚሶሰ፤ ኣማኖን ሚኒዳ ኢሲ ኣሲ ኣይ ካላካ ማናው ዳንዳዒሰ። ሺን ኣማኖን ዳቡሪያ ኣሲ ኣታኪልቴ ያላላ ሚሰ። 3 ኡባባ ሚያ ኣሲ ሞና ኡራ ካፊፖ። ኡባባ ሞና ኣሲ ሚያ ኡራ ቦላ ፒርዶፎ። ያሳይ ኡባ ሚያ ኡራ ሺሺ ኤኪሰ። 4 ሃራ ኣሳ ኣይላ ቦላ ፒርዶይ ኔኒ ኦኔ? ኢ ዳቡራን ዎይኮ ሚኒን ባ ጎዳሳ። ጎዳይ ኢያ ኤሳናው ዳንዳዒያ ገሺ ኢ ሚኒዲ ኤቃና።

12:14 ማቶ 5:44፤ ሉቃ 6:28 12:16 ለጫ 3:7 12:19 ዛሬ 32:35 12:20 ለጫ 25:21 13:6 ማቶ 22:21፤ ማር 12:17፤ ሉቃ 20:25 13:9 ከሳ 20:13-17፤ ዛሬ 5:17-19፤ ለዌ 19:18 * 13:13 ሳይማቴላራ ጋሂቲያ ዳማ ዳማ ቱና ኦሶታን፤ ዎይኮ ዩላን፤ ማሶን፤ ሳይማቶን፤ ቃይጌን ገደፖ ገዲ ቢላናው ዳንዳዒቲሰ። ሳይማቴላራ ጋሂቲያ ዳማ ዳማ ቱና ኦሶቲ ኣሲ ያሳ ሃርፒ ካራ ኬዩዲ ዳዓ ካንደ ኤኪዲ ፖሊያ ኦሶ ጉሶ። 14:1 ፋላ 2:16

5 ቃሲ «ኢሲ ጋላሳይ ሃራ ጋላሳ፤ ኣዴሰ» ያጊዲ ቆፒያ ኣሲ ዴቤስ። ሃራይ ቃሲ፣ «ጋላሳቴ ኡባይ ኢሲ ማላ» ጊዲ ቆፒስ። ሽን ኢሲይ ኢሲይ ባ ቆፋ ኣከኪዲ ቃቸ። 6 ኢሲ ጋላሳ ሃራ ጋላሳጥ ኣሊዲ ቦንቲያ ኦነካ ጎዳ ቦንቸሰ ጊዲ ኦሌስ። ኡባ ካሊ ማያ ኣሲ ጎዳ ቦንቸሰ ጊዲ ማሲ። ኢ ማያ ሄ ካላ ጊሾ ያሳ ጋላቴስ። ኡባ ካሊ ሞና ኣሲ ጎዳ ቦንቸሰ ሞና ኣኬስ፤ ቃሲ ሞና ኣጎን ያሳ ጋላቴስ። 7 ኑፔ ኦነካ ባው ዳና፤ ቃሲ ኑ ጊደፊ ኦነካ ባው ሃይቁና። 8 ኑ ዴግን ዴቢኮ ጎዳሲ ዴግስ፤ ቃሲ ሃይቁኩካ ጎዳሲ ሃይቆስ። ሂዛ፣ ኑ ዴግን ዴቢኮ ወይኮ ሃይቁን ጎዳሳ።

9 ከሪሰቶሲ ሃይቁዲ ሃይቆፔ ዴንዲዳይ፣ ዴግን ዴቤሳጥሲኔ ሃይቁደይሳጥሰ ጎዳ ጊዳናሳ። 10 ያፕን፣ ኔኒ ኔ ኣሻ ሶላ ኣይሰ ፒርዳይ? ወይኮ ኔኒ ኔ ኣሻ ኣይሰ ካቆይ? ኑኒ ኡባይ ያሳ ፒርዳ ኣራጥ ሲንጎን ኤቃና።

11 ጊሻ ማፃፋን ጎዳይ፣
«ጥኒ ዴግን ዴቢኮ፤

ኣሳ ኡባይ ጥ ሲንጎን ጉልባጥና፤
ጥኒ ያሲ ጊዴይሳ ማርካጥና»

ያጌስ። 12 ሂዛ፣ ኑ ኣሊዳባሰ ኑ ሁዳን ሁዳን ያሳ ሲንጎን ሸቁዲ ዛር ኣማና።

ሃራ ኣሲ ጭብልፋ

13 ሃሳ ጊሾ፣ ኑኒ ኢሲይ ኢሱዋ ሶላ ፒርዳይሳ ኣጎስ። ሽን ሂንቴ ኣሻ ጭብሲዲ ወይኮ ቃፂዲ ናጋራ ጌልሲያባ ኦሎናና ናጌቴ። 14 ጎዳ ዬሱሳ ኣማኒያ ኣሳዳ፣ ባ ሁዳን ቱና ጊዲዲ ካሊ ባይናይሳ ጥኒ ጊሻዳ ኤራይሰ። ሽን ኢሲ ኣሲ ኢሲባ ቱና ጊዲ ቆፒኮ ሄሲ ኢያው ቱና ጊዴስ። 15 ኔ ማያ ካላ ጊሾ ኔ ኣሻ ጭብሲያባ ጊዲኮ፣ ከሪሰቶሳን ዴቢኮ ኔ ኣሻ ሲቃካ። ከሪሰቶሲ ኢያ ጊሾ ሃይቁዳ ኡራ ኔ ማያ ካላን ኢያ ኣያና ደውዋ ቆይሶፋ። 16 ሂዛ፣ ሂንቴው ዴቢኮ ላዳቴላ ሃራቴ ሶራና ማላ ኦሎፊቴ። 17 ያሳ ካዎቴላይ ጊሻ ኣያናን ቤንቴያ ያውቴላ፣ ሳርቴላ፤ ቱማ ኡፋይሲፊ ኣፕን ሙሳባኔ ኡሻባ ጊዴና። 18 ሃሳዳ ከሪሰቶሳሲ ኡሊያ ኣሲ ያሳ ኡፋይሲስ፤ ኣሳንካ ኣንጅቴስ።

19 ሃሳ ጊሾ፣ ኣኔ ኑኒ ሳርቴላ ቤንቴያ ኦጊያ ኢሱዋ ኢሱዋ ኣማኖን ማንጢያ ኦጊያ ኮኖስ። 20 ካላ ጊሾ ጋዳ ያሳ ኦሱዋ ቆይሶሶፋ። ኡባ ካሊ ማቴቴስ። ሽን ሃራ ኣሲ ናጋራን ጭብሲያ ካሊ ሙሲ ኢጥ። 21 ኔ ኣሻ፤ ጭብቶና ማላ ኣሾ ሞና ወይኮ ኡሾ ኡኖና ወይኮ ኔ ኣሻ ጭብሲ ሃራባ ኦሎና ኣጎይ ሎዎ።

22 ሂዛ፣ ሃ ኔ ኣማኑዋ ኔ ጊደኒ ኔ ያሳ ጊደን ናጋ። ሊኪ ጊዲ ቆፒዳባ ኡሊያ ወዴ ኢያ ካሃይ ሞቶና ኡራይ ኣንጅቴዳይሳ። 23 ሽን ሲጂሺ ማያ ኡራሲ ኢያ ሙሳይ ኣማኖን ጊደና ጊሾ ፒርዳቴስ። ኣማኖይ ባይና ኦሱቴዳ ኦሶ ኡባይ ናጋራ።

15

ሃራጥ ኡፋይሳናው ቤሴስ

1 ኑኒ ኣማኖን ማኒዳይሳቴ ዳቡራንቸጥ ቶሁዋ ቶካናው ቤሴስ። ኑኒ ኑና ኡፋይሳናው ቤሴና። 2 ኑኒ ኑ ኣሻ ኣማኖን ማንጎናው ኢያ ማዳናውኒ ኡፋይሳናው ቤሴስ። 3 ከሪሰቶሲ ባና ኡፋይሲቤና። ሽን ጊሻ ማፃፋን፣ «ኣሳይ ኔና ጫዶዳ ጫሻይ ጥና ጋከስ» ጌቴቴ ፃፊቴዳይሳዳ ሃኒሰ። 4 ጊሻ ማፃፋይ ኣማያ ጌንጫኒኔ ማንጢሉዋን ኑ ኡፋይሳ ኤካና ማላ ጊሻ ማፃፋን ፃፊቴዳ ኡባይ ኑና ጥማርሳናው ፃፊቴስ።

5 ጌንጫኒ ማኖቴላ ኢማያ ጎዳይ ሂንቴ ከሪሰቶሰ ዬሱሳ ካሊያ ወዴ ኢሲፊቴላ ሂንቴው ኣሞ። 6 ሄሲካ፣ ኑ ጎዳ ዬሱስ ከሪሰቶሰ ኣሞ፣ ያሳ፣ ኢሲ ዋዛናኒኔ ኢሲ ቃላን ሂንቴ ቦንቻና ማላሳ።

ዋንጌላይ ኣሳ ኡባሳ

7 ከሪሰቶሲ ሂንቴና ኢኪዳይሳዳ ያሳ ቦንቸሰ ኢሲይ ኢሱዋ ኡከቴ። 8 ያሳይ ቤኒ ኣዎጥሰ ኣማዳ ኡፋይሳይ ገሊጥና ማላ ኢያ ቱማቴላይ ኤራጥና ማላ ከሪሰቶሲ ኣይሁዴጥ ኣይላ ጊዲዲ ዪዳይሳ ጥ ሂንቴው ኡዳይሰ። 9 ከሪሰቶሲ ኣይሁዴጥ ኣይላ ጊዲዳ ሃራ ጋሪይ ቃሲ ኣይሁዴ ጊደና ኣሳቴ ያሳ ኢያ ማርቴላ ጊሾ ጋላጥና ማላሳ። ጊሻ ማፃፋን፣

«ጥ ኔና ኣይሁዴ ጊደና ኣሳ ጊደን ጋላጥና፤
ኔ ሱንጎ ሳባና»

ጌቴቴዲ ፃፊቴዳይሳዳ ሃኒሰ።
10 ቃሲ፣

«ኣይሁዴ ጊደና ኣሳው፣
ያሳ ዴሪያራ ኡፋይቴቴ»

ያጌቴስ።

11 ቃሲ ዛሪዲ፥
«አይሁዳ ጊደና አሳው፥
ጎዳ ጋላተቲ፤
ካዎቲላ ኡባይ ኢያ ሳቢቲ»

ያጌተሰ።
12 ሄሳዳ አሳያሲ፥
«ኢሴዬ ዛሬፔ ዬሉቲያ ኢሶይ ያና፤
ኢ ካዎቲላ ኡባ ሃራና።
ኢንቲ ባንታ ኡፋይሳ ኢያ ቦላ ዋላና»

ያጌሰ።
13 ጌሻ አያና ዋልቃን ሂንቲ ዲጫና ሜላ ኡፋይሲ አሚያ ያሳይ፥ ሂንቲ አማኑዋ ጋሶን ሂንቲው ኡፋይሲኔ ሳርቴሌ ኩሜሌ አም።

ጳውሎሲ ዓሬዳ ጋሱዋ

14 ታ አሻቶ፥ ሂንቲናን ሎዎቲሌኔ ኡራቴሌ ኩሚዳይሳ ቃሲ ኢሶይ ኢሱዋ ዞራናው ዳንዳዴይሳ ታ ጌሻዳ ኡራይሰ። 15 ታኒ ሂንቲና ኢሲ ኢሲባ ጉጃ አኩከሳናው ኮያዳ ያየና ሃ ዳብዳቢያ ሂንቲው ያፋሰ። 16 ታኒ ከሪሰቶሰ ዬሱሳ አይሌ ጊዳዳ፥ አይሁዳ ጊደና አሳሰ ካሂኔዳ አላዳ፥ ዋንጌላ አዳና ሜላ ያሳይ ታው አጼ ኬሃቲላ አሚሰ። አይሁዳ ጊደና አሳይ ጌሻ አያናን ጌዪዲ፥ ያሳ ኡፋይሲያ ያርሾ ጊደና ሜላ ያሳይ ሄሳ ኦላሰ።

17 ታኒ ከሪሰቶሰ ዬሱሳን ጊዳዳ ያሳሰ ኦላያ ኦሱዋን ጨቁታይሰ። 18 አይሁዳ ጊደና አሳይ ያሳሰ ከቲታናዳ፥ ከሪሰቶሰ ታ ቃላኔ ታ ኦሱዋ ባጋራ ኦላዳ ኦሱዋፔ አቲን ሃሪ ታ ጨቁቲያባይ ባዋ። 19 ያሳይ ሄሳ ማላታኒ ጌሻ አያና ዋልቃን ዋቲ ኦላዳኮ ታ ሂንቲው አዳና። ታኒ ዬራሳላሚፔ ደማዳ፥ ኢሊዋርቆኔ ጋካናው ከሪሰቶሳ ዋንጌላ ሳባካሰ። 20 ታኒ ሃራ ኢሲ ባሲያ ቤሳን ከፃናው ኮዪኬ። ከሪሰቶሳ ሱንሳይ ፃጌቲቦና ቤሳን ዋንጌላ አዳናው አምታይሰ። 21 ጌሻ ማፃፋን፥

«ኢያባይ ኦዳቲቦና አሳቲ ኢያ ቤሳና፤
ኢያባ ሲዲቦና አሳቲ አኩካና»
ጌቲቲዲ ዓሬቲሰ።

ጳውሎሲ ሮጫ ባናው ቆፕሰ

22 ሄሳ ጋሶን፥ ታኒ ሂንቲኮ ያናው ዳንዳባቢኬ። 23 ሺን ታኒ ሃዲ ሃ ሄራን ታ ኦሱዋ ኦንጊዳ ጊሾኔ ዳሮ ላይላፌ ደማዳ ሂንቲና ቤሳናው ላዋቲዳ ጊሾ 24 ታኒ ኢሰፔኔ ባሼ ሂንቲና ቤሳናው ቆፓሰ። ቃሲ ጉላ ዋዴ ሂንቲራ ኡፋይቲዳፔ ጉዬ ኢሰፔኔ ቢያ ዋዴ ሂንቲ ታ ኦጊያሰ ታና ማዳና ሜላ ኮያይሰ።

25 ሺን ሃዲ ታኒ ያሳ አሳታ ማዳናው ዬራሳላሚ ባይሰ። 26 ማቁደኒያኔ አካያን ዴዲያ ያሳ አሳቲ፥ ዬራሳላሚን ዴዲያ ማንቆታ ሚሺን ማዳናው ኮዪዳ ጊሾሳ። 27 ኢንቲ ማንቆታ ማዳናይሲ ኢንታው አቶናባ ጊዲዳ ጊሾ ባንታ ሁዳን ሄሳ አላናው ቆፋ ቃቺደሶና። አይሁዳቲ አይሁዳ ጊደናይሳታራ አያና አንጃዋ ሻኪቲኮ፥ ኢንቲ ቃሲ ባንታው ዴዲያባን አይሁዳታ ማዳናው ቤሰሰ። 28 ሄሳ ጊሾ፥ ታኒ ሄ ሸቁዳ ሚሺያ ኢንታው አሚዳፔ ጉዬ ኢሰፔኔ ባሼ ሂንቲ ማታራ አፋና። 29 ታኒ ሂንቲኮ ቢያ ዋዴ ከሪሰቶሳ አንጃዋን ኩማዳ ባናይሳ ኡራይሰ።

30 ታ አሻቶ፥ ታው ያሳ ዋሲሺ ታ ባዲያን ታራ ኤቃና ሜላ ጎዳ ዬሱሰ ከሪሰቶሳኒ ጌሻ አያና ሲቁዋን ሂንቲና ዋሳይሰ። 31 ያሳይ ታና ዪሁዳን ዴዲያ አማናና አሳታፔ አሻናዳኔ ዬራሳላሚን ታ ኦሳና ኦሶይ ያሳ አሳታ ማታን ኤኬታና ሜላ ታው ዋሲቲ። 32 ቃሲ ያሲ ገኮ፥ ታኒ ሂንቲኮ ባዳ ኡፋይሳን ሂንቲራ ሸምፓና ሜላ ታው ዋሲቲ። 33 ሳርቴላ ያሳይ ሂንቲ ኡባራ ጊደ። አሚንዲ።

16

ሳርላ

1 ከንኪሪያ ካታማን ዴዲያ ዋሳ ኬላን ኦላያ ኑ ሚቺያ ፌባ ሎዎ ማጫሰ ጊዳይሳ ሂንቲ ኡራና ሜላ ኮያይሰ። 2 ሂንቲ ኢዮ አማኒያ አሳቲ ጎዳ ሱንሳን ሞካናው ቤሲያ አማኒያ አሳታፔ ኢሱዋዳ ሞከቲ። ኢያ ሂንቲሬ ኮያባ ኡባ ኢዮ ማዲቲ። ኢያ ባ ሁዳን ዳሮ አሳ ማዳሱ፤ ቃሲ ታና ታ ሁዳንካ ዳሮ ማዳሱ።

3 ከሪሰቶሰ ዬሱሳ ኦሱዋ ታራ ኢሲፌ ኦላያ ጲሪሰቁላኔ አቁላ ሳር ጌቲ። 4 ኢንቲ ታ ጊሾ ባንታ ሸምፑዋ አላ አሚደሶና። ታ ዓላላ ጊደናሺን አይሁዳ ጊደና አሳ ዋሳ ኬላ ኡባይ ኢንታ ጋላቲሰ። 5 ኢንታ ሶን ሸቁያ አማኒያ አሳ ሳር ጌቲ።

እሲያ ቢታን ከሪስቶስ ኮይሮ አማኒዳ፣ ታ ደሲያ ኤጳይጶስ ታ ሳርሱጥ ኦዲቲ።

6 ሂንቲ ገሸ ኦሶን ዳሮ ዳቡሪዳ ማይራሞ ሳሮ ገቲ። 7 ታራ ቃሽ ከላን አሊዳ ታ አይሁዴ ላገታ ኣንዲሮኒቆሳኔ ዩኒያሳ ሳሮ ገቲ። ኤንቲ ዩሱሳ ሃዋሬታ ገደን ኤሬቲዳይሳታ። ቃሲ ኤንቲ ከሪስቶስ ታፕ ሰንሐ አማኒዳሶና።

8 ጎዳን አማኒያ ታ ሲቆ ላገታ፣ አምጺሊያም ሳሮ ገቲ። 9 ከሪስቶስ ኦሱጥ ኦራ እሲፌ ኦሊያ ኡርባናሴኔ ታ ደሲያ እሲታኩሳ ሳሮ ገቲ። 10 ከሪስቶስን አማንሊያ አይሊያ አጼሊሳስ ታ ሳርሱጥ ኦዲቲ። አርሰጾቡሎሳ ሶ አሳስ ታ ሳርሱጥ ኦዲቲ። 11 ታ አይሁዴ ላገታ ሂሮዲዮና ሳሮ ገቲ። ናርሲሳኔ ኢያ ሶ አሳፕ ከሪስቶስ አማኒዳይሳታ ሳሮ ገቲ።

12 ጎዳ ኦሱጥን ዳቡሪያ ተሩፋይናኔ ተሩፎሳ ሳሮ ገቲ። ቃሲ ጎዳስ ዳሮ ዳቡራዳ ኦሊያ፣ ታ ደሲያ ጳርሲሶ ሳሮ ገቲ። 13 ጎዳ ኦሱጥን ዳሮ ኤሬቲዳ ሩፎሳሲኔ ታና ባ ናዳዳ ቤዳያ ኢያ አይሶ ታ ሳርሱጥ ኦዲቲ። 14 አሲኒከርቶስ፣ ፊሊንናስ፣ ሄርሜሳስ፣ ፓቲሮባሳሲኔ ኤንታራ ዴዲያ አማኒያ አሻታ ኡባስ ታ ሳርሱጥ ኦዲቲ። 15 ፊሎሎጉሳ፣ ዩሊያ፣ ኔሪያ፣ ኢያ ሚቺው፣ ኦሎምጎሳኔ ኤንታራ ዴዲያ አማኒያ አሳ ኡባ ሳሮ ገቲ።

16 ጌሻ ዩሬቴሌ ዩሬቲሼ፣ ኢሶይ ኢሱጥ ሳርሊቴ። ከሪስቶስ ዋሳ ኬላ ኡባይ ሂንቲና ሳሮ ያጎሶና።

ወርሲሳ ዞሬ

17 ታ አሻቶ፣ ሂንቲ ታማሪዳ ተሚርቲያ ኢዲዳ፣ ሂንቲ ገደን ሻኬቴሌኔ ሜቶ ሜጲያ አሳታፕ ርጌቲቴ። ኤንታፊ ሃኪቴ። 18 ሄሳ ሜላ አሳቲ ባንታው ኦሎሶፕ ኣቲን ኦ ጎዳ ከሪስቶስ ኦሎሶና። ባንታ ማልዲያ ደናኒኔ ሳጸሊያ ቃላን አይኮ ኤርና አሳ ዋዛና ባሊሎሶና። 19 ዋንጌላስ ሂንቲ ከቴቲዳይሳ አሳ ኡባይ ሲዲዳይሲ ታና ኡፋይሴስ። ሽን ሂንቲ ሎጾባ ኤራና ሜላኔ ኢታባፕ ሃካና ሜላ ታ ኮያይሰ። 20 ሳርቴላ ያሳይ ያላሂያ ሂንቲ ቶሁዋፕ ጋርሳን ጋጪ ዩጋና።

ኦ ጎዳ ዩሱስ ከሪስቶስ አጼ ከሃቴላይ ሂንቲራ ገደ።

21 ታራ ኦሊያ ዲሞቲዮስ ሂንቲና ሳሮ ያጌስ። ሂሳዳካ፣ ታ ዳቦቲ ሉቁዮሲ፣ ያሶኒኔ ሶስጳዊሮሲ ሂንቲና ሳሮ ያጎሶና።

22 ሃ ዳብዳቢያ ጳውሎሳስ ያፊዳ ታኒ፣ ያርዲዮሲ፣ ሂንቲና ጎዳ ሱንላን ሳሮ ያጋይሰ።

23 ታና ሞኪዳይኔ ዋሳ ኬላ ኡባይ ኢያ ሶን ሸቆያ ጋዮሲ፣ ሂንቲና ሳሮ ያጌስ። ካታማ ሚሺያ ኦይኪያ ኤራሰዮሲኔ ኦ አሻ ቃርዮሲ ሂንቲና ሳሮ ያጎሶና። [24 ኦ ጎዳ ዩሱስ ከሪስቶስ አጼ ከሃቴላይ ሂንቲ ኡባራ ገደ። አሚንዲ።] *

25 ያሳስ ጋላቲ ገደ። ታኒ፣ ዩሱስ ከሪስቶስን ኦዲያ ዋንጌላ ቃላኒኔ ዳሮ ዋዴፕ ቆሴቲዲ ጋምዲዳ ተማቴላን፣ ያሳይ ሂንቲና አማኖን ሚንሊዲ ኤሳናው ዳንዳዴስ። 26 ሽን ሃዲ ሄ ተማይ ቆንጨሰ። ካዋቴላ ኡባይ አማኒዲ ከቲታና ሜላ ሜሪና ያሳ ኪታን ናቤቲ ሄ ተማባ ያፊደሶና።

27 ዩሱስ ከሪስቶስ ባጋራ ጨንጫቴሌ ኢያ ያላላስ ዴዲያ፣ ኢሲ ያሳስ ሜሪናው ቦንቾይ ገደ። አሚንዲ።

16:13 ማር 15:21 16:21 ሃ.ኦ 16:1 16:23 ሃ.ኦ 19:29፣ 1ቆር 1:14፣ 2ዳሞ 4:20 * 16:24 ቤኒ ኮይሮ ማፃፋታን ፓይዶ 24 ዳና።

ጳውሎስ ቆርንቶሳ አሳስ ጻፊዳ ኮይሮ ከታ ጋላ ቆፋ

ጳውሎስ ቆርንቶሳ አሳስ ጻፊዳ ኮይሮ ከታይ ጻፈተዳይ፡ ጳውሎስ ቆርንቶሳን ኤሲዳ ሞሳ ኬላን አማኒያ አሳ ዳዖኒኔ አማኖ ቦላ ዳንዲዳ ማቴቆስ ዛሮ አማኖሳ። ሄ ሞዴ ቆርንቶሳ ካታማይ ቢታን ዳዒያ ዳማ ዳማ አሳይ ዳዒያ ገሪኬ ካታማኔ አካያ ገያ ሮሜ አጠራጃሰ ሞና ካታማ። ሄ ካታማይ ዛልዒን ኤሪተዳ፡ ሞጋን ሚኒዳ፡ ዳማ ዳማ ኢታ ዳዖን ዳልገዳይሳኔ ሃይማኖቴ ዳሮቴላን ኤሪተዳይሳ።

ሃሞሪይ ማንሲዳ ኦዳናው ኮዩዳይ፡ ሄ ሞሳ ኬላ ገደን ማዴቲዳ ሻሆቴላባ፡ ዳማ ዳማ ኢታ ዳዖባ፡ ላይማቴላባ፡ ኤኮ ገሎባ፡ ሞሳ ኬላ ሞጋባ፡ ገሻ አያና አሞታታባኔ ሃይቆፔ ዳንደባ። ሞንገላይ ሃ ኦይሻታ ሞቴ ዛሪያኮ ሃሞሪይ ናገዲ ኦዳስ።

ሰቆይ ያሳይ ባ አሳስ አሚዳ አጼ አሞታ ገዳይሳ ሺሞፖ ታማኔ ሃዘይ ቆንጨሲስ፤ ቃሲ ሺሞፖ ታማኔ ሃዘይ ሃ ማፃፋን ዳሮ ኤሪተዳ ከፊላ ገቴተዳ ኤሪቴስ።

1 ቆርንቶሳ ከታ አይፌ ቆፋታ

- ገሎ ቆፋ 1:1-9
- አማኒያ አሳ ገደን ማዴቲዳ ሻሃቴላ 1:9-4:21
- ላይማቴላኔ ሶ አሳ ዳዖ ሞጋ 5:1-7:40
- አማኒያ አሳኔ አማኖና አሳ 8:1-11:1
- ሞሳ ኬላኔ ጎይና ሞጋ 11:2-14:40
- ከሪስቶሳ ዳንዲዳ ማኒያ አሳ ዳንዲዳ 15:1-58
- ዩሁዳን ዳዒያ ማቴቲዳ አማኒያ አሳስ ማዳ 16:1-4
- ኩሻ ቆፋ 16:5-24

1 ያሳ ሺኒያን ዩሱስ ከሪስቶሳ ሃሞሪ ገዳናው ያገገቴዳ ጳውሎስኔ፡ ኦ አሻ ሶስቴኒሲ፡ 2 ቆርንቶሳን ዳዒያ ያሳ ሞሳ ኬላስ፡ ዩሱስ ከሪስቶሳን ገዩዳይሳታሲኔ ገሺ ገዳና ማላ ያገገቴዳይሳታሲ፤ ቃሲ ኤንታሲኔ ኦስ ጎዳ ገዲያ ኦ ጎዳ ዩሱስ ከሪስቶሳ ሱጎላ ኦባ ቤሳን ያገያ ኦባሰ።

3 ያሳይ፡ ኦ አሞይኔ ጎዳይ ዩሱስ ከሪስቶሲ ሃንቴው አጼ ኬሃቴላኔ ሳሮቴላ አሞ።

ጳውሎስ ያሳ ጋላቴስ

4 ያሳይ ከሪስቶስ ዩሱሳ ባጋራ ሃንቴው አሚዳ አጼ ኬሃቴላ ገሺ ታኒ ኡባ ሞዴ ያሳ ጋላታይስ።

5 ኢያን ኦዳኒኔ ኤሪቴላ ኡባን ሃንቴ ዳራቴዳታ። 6 ታኒ ከሪስቶሳባ ማርካቴዳይሲ ቱማ ገዳይሳ ሄሲ ቆንጨሲስ። 7 ሃሳ ገሺ፡ ሃንቴ ኦ ጎዳ ዩሱስ ከሪስቶሳ ያሳ ናገሺ ዳዒሺን፡ አይ አያና አሞይካ ሃንቴው ፓጩና። 8 ኦ ጎዳ ዩሱስ ከሪስቶሲ ሰሚያ ሞዴ ሃንቴ ቦራቶናይሳታ ገዳና ማላ ኢ ወርሲላ ጋካናው ሃንቴና ማንሳና። 9 ባ ናባ፡ ኦ ጎዳ ዩሱስ ከሪስቶሳራ ኢሲፊቴላይ ዳና ማላ ሃንቴና ያገዳ ያሳይ አማኔቲዳይሳ።

ሞሳ ኬላን ዳዒያ ሻሁዋ

10 ታ አሻቶ፡ ሃንቴ ገደን ሻኬቴላ ደናዳ ሃንቴ ኢሲ ሞዛናኒኔ ኢሲ ቆፋን ኢሶ ገዲዲ፡ ዳና ማላ ኦ ጎዳ ዩሱስ ከሪስቶሳ ሱጎላን ታ ሃንቴና ሞሳይስ። 11 ታ አሻቶ፡ ቁሎዒ ሶ አሳይ ሃንቴ ገደን ኦሺ ዳዒይሳ ታው ኦዲደሶና። 12 ሃንቴፊ ኢሶቴ ኢሶቴ፡ «ታኒ ጳውሎሳሳ፤ ታኒ አጲሎሳሳ፤ ታኒ ጳይሮሳሳ፤ ታኒ ከሪስቶሳሳ» ያገታ። 13 ከሪስቶሲ ሻኬቴዳይ? ሃንቴ ገሺ ማስቃሊያ ቦላ ካቁቴዳይ ጳውሎስይ? ሞይኮ ሃንቴ ጳውሎሳ ሱጎላን ማግባቴዳይ? 14 ታኒ ቃሪስጳሲኔ ፓዮሲ ኣቴን ሃንቴፊ ኦናካ ማግቃቦና ገሺ ያሳ ጋላታይስ። 15 ሃሳ ገሺ፡ ኦኒካ ሃንቴታ ታ ሱጎላን ማግባቴዳይ ታናው ዳንዳዒና። [16 ቃሲ ኢሲዒፋናሴ ሶ አሳካ ታ ማግባቴዳይሳ ኣኬካይስ፡ ሺን ሃራ ኦና ማግባቴዳይኮ ሃሳዩኬ።] 17 ከሪስቶሲ ታና ከቲዳይ ሞንገላ ኦዳና ማሳሳፊ ኣቴን ማግቃና ማላ ገዳና። ከሪስቶሲ ማስቃሊያ ቦላ ሃይቁዳይሲ ሃዳ ገደና ማላ ታኒ ኣሳ ጨንጫቴላ ቃላን ኦዲኬ።

ከሪስቶሲ ያሳ ሞልቃኔ ጨንጫቴላ

18 ከሪስቶሲ ማስቃሊያ ቦላ ሃይቁዳይሳ ኦዲያ ቃላይ ጳይሳይሳታ ኤያቴላ፡ ሺን ኦስ ኣቴይሳታሰ ያሳ ሞልቃ። 19 ገሻ ማፃፋን፡

«ታሲ ጨንጫታ ጨንጫቴላ ጳይሳና፤
እኬካንቸታ እኬካ ባሌላና»
ያጌሱ።

20 ያቴን፣ ጨንጨ እውን ዴዊ? ሂኒ እስታማሬይ እውን ዴዊ? ዋይኮ ሃ ሳዓ ኤራንቸይ እውን ዴዊ? ያሳይ ሃ ሳዓ ጨንጫቴላ ኤያቴሌ ኦሊቤኔ?

21 ሃ ሳዓ አሳይ ባንታ ጨንጫቴላን ያሳ ኤሮና ማላ ባ ጨንጫቴላን ዲጊዲ፣ ኤያቴላን ታይቤቴያ፣ ኑኒ ኦዲያ ቃላን አማኔይሳታ አሻናው ያሳ ሺኔ ጊዲሰ። 22 አይሁዳቴ ማላታ ቤዓናው ኮዮሶና፤ ቃሲ ጊሪኬቴ ጨንጫቴላ ኮዮሶና። 23 ሺን ኑኒ ማስቃሊያ ቦላ ካቁቴዳ ኪሪሰቶሳ ሳባኮሰ። ሄሲ አይሁዳታሰ ጽቤ፤ ቃሲ ጊሪኬታሰ ኤያቴሌ። 24 ሺን ያሳይ ያጊዲይሳታሰ፣ አይሁዳ ጊዲን፣ ጊሪኬ ጊዲን ኪሪሰቶሲ ያሳ ዋልቃኔ ኢያ ጨንጫቴላ። 25 ያሳ ኤያቴላይ አሳ ጨንጫቴላፌ አዴሰ፤ ቃሲ ያሳ ዲቡራይ አሳ ሚኖቴላፌ ሚኔሰ።

26 ሃዛ፣ ታ አሻቶ፣ ያሳይ ሂንቴና ያጊያ ዋይ ሂንቴ ኦይ ማላ አሲኮ ቆጥቴ። አሳ ቆፋን ሂንቴ ጊዲን ጨንጫቴ፣ ዋልቃማቴኔ ቃቃ ዛሬቴ ደኮና። 27 ሺን ያሳይ ጨንጫታ ዩላያናው አላሚን ዴዊያ ኤያታ ደሪሰ፤ ቃሲ ሚኖታ ዩላያናው አላሚን ዴዊያ ዲቡራንቸታ ደሪሰ። 28 ያሳይ ሃ አላሚያን ጊታ ጌቴቴዳባ ጳይሳናው፣ ሃ ሳዓ ካዉሻባ፣ ካዴቴዳባኔ ፓሶናባ ደሪሰ። 29 ኦኒካ ያሳ ሲንላን ጨቁቶና ማላ ሄሳ ኦሊሰ። 30 ሺን ያሳይ ሂንቴው ኪሪሰቶሰ ዩሱሳራ ኢሲፌቴሌ ዳና ማላ ኦሊሰ። ኢ ኑሰ ያሳይ ጨንጫቴሌ፣ ያሎቴሌ፣ ጌሻቴሌኔ አቶቴሌ ጊዲሰ። 31 ሄሳ ጊሻ፣ ጌሻ ማፃፋን፣ «ጨቁቴያ ኦኒካ ጎዳን ጨቆ» ያጌሱ።

2

ኪሪሰቶሳ ካቁቴላ

1 ታ አሻቶ፣ ታኒ ኮይሮ ያሳ ቃላ ሂንቴው ኦዲሾ ዩዳ ዋይ ዳና ቢላቴላኒይ ጨንጫቴላን ያቢኪ። 2 ታኒ ሂንቴራ ዴዊያ ዋይ ማስቃሊያ ቦላ ካቁቴዳ ዩሱሰ ኪሪሰቶሳ፣ ኦኒካ ሃራባ ኤራናው ኮዩኬ ጋዳ ታ ቆፋ ቃቻሰ። 3 ታ ሂንቴራ ዴዊያ ዋይ ዲቡራን፣ ያሻኒይ ዳሮ ኮኮርሳን ዴዳሰ። 4 ታ ከታይኔ ታ ተሚርቴይ ዳና ቢላቴላኒይ ጨንጫቴላን ጊደናሺን ጌሻ አያና ዋልቃ ቆንጨሴላና። 5 ሄሲካ፣ ሂንቴ አማኖይ ያሳ ዋልቃናቴ ኦኒካን አሳ ጨንጫቴላን ዜምፖና ማላሳ።

ያሳ ጨንጫቴላ

6 ያሳና ዴዎን ዲጨዲይሳታሰ ኑኒ ጨንጫቴላ ቃላን ኦደሰ። ሺን ሄ ጨንጫቴላይ፣ ሃ ሳዓ ጨንጫቴላ ዋይኮ ጳያናው ዴዊያ ሃ ሳዓ ሃራይሳታ ጨንጫቴላ ጊደና። 7 ሺን ኑኒ ኦዲያ ጨንጫቴላይ፣ ዳሮ ዋዴፔ ሲሳይ ያሳይ ኑ ቦንቸዋሰ ገጊሲዳይሳኔ ጌሚዲ ዴዊያ ፀራ ጨንጫቴላ። 8 ሃ ሳዓ ሃራይሳታቴ ኦኒካ ሃ ጨንጫቴላ ኤሪቤና። ኤንቴ ኤሪዳባ ጊዲያኮ፣ ቦንቸ ጎዳ ማስቃሊያ ቦላ ካቆኮና። 9 ሺን ጌሻ ማፃፋን፣

«አይፌይ ቤዒቦናባ፣

ሃይሌ ሲዒቦናባ፣

ዋዛኒ ቆጥሶናባ፣

ያሳይ ባና ሲቁይሳታሰ ገጊሲሰ» ያጌሱ።

10 ያሳይ ባ ፀራ ባ አያና ባጋራ ኑሰ ቆንጨሴሰ። ጌሻ አያናይ ሃሪ አቶሺን ጌሚዲ ያሳ ፀራ ኡባ ፒልጌሰ። 11 አሳን ዴዊያ አሳ አያናቴ ኦኒካን አሳባ ኦኒካ ኤራና። ሄሳዳካ፣ ያሳባ ያሳ አያናቴ ኦኒካን ኦኒካ ኤራና። 12 ያሳይ ኑሰ ጮ አሚዳባ ኑ ኤራና ማላ ያሳ አያና ኤኪዳፔቴ ኦኒካ ሃ ሳዓ አያና ኤኪሶኮ።

13 ኦኒ አያናባ፣ አያና አሳታሰ አሳ ጨንጫቴላን ጊደናሺን ያሳ አያናይ አሚያ ጨንጫቴላን ታማርሶሰ። 14 ሺን ጌሻ አያናይ ባይና አሲ ያሳ አያና አሞታታ ኤኬና። ሄሲ ኢያው ኤያቴሌ፣ ኡባይ ጌሻ አያናን ፒልጌቴያ ገሾ ኢ ኤራናው ዳንዳዔና። 15 ሺን ጌሻ አያኒ ዴዊያ አሲ ኡባ ፒልጌሰ። ሺን ኢያ ኦኒካ ፒልጌና። 16 ጌሻ ማፃፋን፣

«ጎዳ ዋዛና ኤራይ ኦኒ?»

ኢያ ዘራናው ዳንዳዔይ ኦኒ?»

ጌቴቴዲ ዓፌቴዲይሳ ማላ። ሺን ኑሰ ኪሪሰቶሳ ዋዛኒ ዴዔሰ።

3

ያሳ ኦሳንቸታ

1 ታ እሻቶ፣ ሂንቴ ከሪስቶስን ቡር ዮጋይ አማኛና አሳዳ ዳዊያ ጊሾ ታኒ እያናባ ሂንቴው ኦዳናው ዳንዳዳቢኩ። 2 ሂንቴ ሚኖ ካሏ ማናው ዳንዳዳቢና ጊሾ ታኒ ሂንቴና ማሌ ፓሃሳ፤ ሃዓካ ዳንዳዳቢኩ። 3 ሃዓካ ሂንቴ አማኛና አሳዳ ዳዊያ። ሂንቴ ጊደን ዳዊያ ቃናቱይይ ፓላማይ ሂንቴ አማኛና አሳዳ ዳዊያላ ኤሪሱኔ? ሂንቴ አማኛና አሳዳ ሃይታ። 4 ሂንቴፊ ኢሶይ፣ «ታኒ ጳውሎሳሳ» ሂንቴ አማኛና አሳ ሚላ ጊደኩ።

5 ያቲን፣ አጲሎሲ ኦኔ? ጳውሎሲ ኦኔ? ኦኔ ሂንቴና አማካሊ ያሳ አሳንቸታ። ያሳይ ኢሱቀሰ ኢሱቀሰ እሚዳ ኦሱቀ ሚላ ኦሊያ አሳንቸታ ጊደኩናዬ? 6 ታ ቶካሰ፤ አጲሎሲ ሃሌ ኡሺሰ፣ ሺን ዲቺይ ያሳ። 7 ሃሳ ጊሾ፣ ዲቺዳ ያሳፊ ኣቲን ቶኩይካ ሃሌ ኡሺይካ እይኩካ ጊደና። 8 ቶኩይይ ሃሌ ኡሺይ ዋሊ ሚላ፣ ሺን ኢሶይ ኢሶይ ባ ኦሱቀ ሚላ ያሳይ እሚያ ዋይቲዋ ኤካና። 9 ኦኔ ኢሲፊ ያሳሰ ኦሊያ ኢያ አሳንቸታ ጊደያ ጊሾ ሂንቴ ያሳ ሸቃ፤ ያሳ ኩሌ። 10 ያሳይ ታው እሚዳ ኣቆ ኩሃቲላ ሚላ ሂላንቸ ኣናዲዳ ባሱቀ ዬጋሰ። ሃሪ ኡሪይ ኢያ ቦላ ኩዳሰ። ሺን ኢያ ቦላ ኩዳያ ኦኔካ ዋቲዳ ኩዳያ፣ ባው ናጌቶ። 11 ኢሲ ቶቶ ጌቲቲዳ ባሱቀ፣ ሃሪ ባሱቀ ሚላ ያሳይ እሚያ ዋይቲዋ ኤካና። 12 ሺን ሃ ባሱቀ ቦላ ኦኔካ ዋርቃን ዋይቲ ቡራን ጊደን፣ አልዮ ሹታን ዋይቲ ሚላን ጊደን፣ ማታን ዋይቲ ማቃን ኩዳያ። 13 ኢሲ ኢሲ ኢሲ ሂ ባሱቀ ቦላ እይቢን ኩዳያን ፐርና ባሳሰ ታማን ፓጩቲዳ ቆንጫና። 14 ኦኔካ ሂ ባሱቀ ቦላ ኩዳያ ኩዳይ ታማን ፐጌቶን ኣቲኩ፣ ባ ዋይቲዋ ኤካና። 15 ሺን ኦዴ ኦሶይካ ታማን ፐጌቲኩ፣ ሂ ኡሪሰ ዋይቶይ ባዋ። ጊደሺን፣ ኢ ባ ሁዓን ታማፕ ኩሲ ኤኩዳ አሳዳ ኣታና።

16 ሂንቴ ያሳ ኩሌ ጊደይሳይ ያሳ እያናይ ሂንቴናን ዳዊያላ ኤሪኩ። 17 ኦኔካ ያሳ ኩሌ ላሊኩ፣ ያሳይካ ኢያ ላላና። ያሳ ኩላይ ጌሺ፤ ሂ ኩላይካ ሂንቴና።

18 ኦኔካ ባና ጩቶ። ሃ ሳሳ ጩንጫቲላን ባና ጩንጫ ኦሊዳ ኤኪያ ኦኔካ ያሳ ሲንሳን ጩንጫ ጊዳናው ኤያ ጊዳ። 19 ሃ ሳሳ ጩንጫቲላይ ያሳ ሲንሳን ኤያቲሌ። ጌሻ ማፃፃን።

«ያሳይ ጩንጫታ ኤንታ ጌይ ቆፋን ኦይኩሰ» ያጌሰ።

20 ቃሲ፣ «ጩንጫታ ቆፋይ ማደናባ ጊደይሳ ጎዳይ ኤሪሰ» ያጌሰ።

21 ሃሳ ጊሾ፣ ኡባይ ሂንቴሳ ጊደያ ጊሾ ኦኔካ አሳን ጩቁቶድ። 22 ጳውሎሲ፣ አጲሎሲኔ ጳይርቶሲ፣ ሃ አላሚይ፣ ዳይይ፣ ሃይቆይ፣ ሃዒ ዳዊይ፣ ሲንሳፊ ያናይሲ፣ ኡባይ ሂንቴሳ። 23 ሂንቴ ከሪስቶስሳ፤ ከሪስቶሲ ያሳሳ።

4

ከሪስቶስ ሃዋሬታ

1 አሳይ ኦና ከሪስቶስ እይሌዳይ ያሳ ፀራ ቆንጩሳናው ሃዳሪ እሚቲዳ አሳዳ ኦሊዳ ቆፖ። 2 ሂ ሃዳሪ ኤኪዳ አሳቲ ባንታ ጎዳሰ አማኔቲዳይሳታ ጊዳናው ቤሴሰ። 3 ሺን ሂንቴ ዋይቲ ሃሪይ ታና ፐርዲኩ፣ ታው እይኩካ ጊደና። ሃሪይ ኣቶ፣ ታካ ታ ቦላ ፐርዲኩ። 4 ታ ካሃይ ጌሺ፣ ሺን ሃሲ ታ ፖሎ ያሎ ጊደይሳ ቤሴና። ታ ቦላ ፐርዳናይ ጎዳ ያላላ። 5 ሃሳ ጊሾ፣ ዋይይ ጋኩና፣ ጎዳይ ዮና ኦዴ ቦላካ ፐርደፊቲ። ኢ ቆማን ጊሚዳባ ፖዖ ኩሴና፤ ኣሳ ዋዛናን ቆሴቲዳ ቆፋ ቆንጩሳና። ሂ ዋይ ኢሶይ ኢሶይ ያሳፊ ጋላታ ኤካና።

6 ታ እሻቶ፣ ሂንቴ ጊሾ አጲሎሳኔ ታና ለሚሶ ኦላዳ ሂንቴው ኦዳሰ። ሃሳ ታ ኦሊዳይ፣ «ፃፊቲዳይሳፊ ኣቆፋ» ያጌያ ዘሪያ ሂንቴ ኦፔ ታማራና ሚላሳ። ሃሳ ጊሾ፣ ኦኔካ ኢሱቀ ሳቢዳ ሃንኩዋ ካቆናው ቤሴና። 7 ኦሪታፔ ኣይቢን ኣቆይ? ኦኔ ኤካባናባይ ኣይቢ ዳዒ? ያቲን፣ ኦኔ ኤኪዳባ ሃሪ ኣሳቲ ኤኪዳ ጊደኩ፣ ኤኪባና አሳዳ ኣይሰ ጩቁታይ?

8 ሃዒ ሂንቴ ካሊዳይ፣ ዳሪ ሂንቴ ዳሪቲዳ። ኦኔ ባናይ ሂንቴ ያላላ ካዋቲዳ። ሂንቴ ቲማ ካዋቲዳባ ጊደያኩ፣ ኦካ ሂንቴራ ካዋታናሺን። 9 ያሳይ ኦና ሃዋሬታ፣ ሃይቆ ፐርዲቲዳ አሳዳ አሳ ኡባፊ ኦና ጉዬ ኦሊዳ ታው ዳኒሰ። ኦኔ ሃ አላሚያሰ፣ ከታንቸታሰኔ ኣሳሰ ካሳባ ጊዳዳ።

10 ኦኔ ከሪስቶስ ጊሾ ኤያ ጊዳዳ፣ ሺን ሂንቴ ከሪስቶስን ጩንጫታ ጊዳዳ። ኦኔ ዳቡራንቸ፣ ሺን ሂንቴ ሚኖ ጊዳዳ። ሂንቴ ቦንቸቲዳ። ሺን ኦኔ ቶሺቲዳ። 11 ሃዒ ጋካናው ኦ ኩሻቶሰ፣ ሳዋቶሰ፣ ካሎቶሰ፣ ዋቶቶሰ፣ ዳና ሶ ቆይዲ ቶይላቶሰ። 12 ኦኔ ኦ ኩሺን ኦሊ ኣቆሰ። ኦና ኢሲ ባዲያ ዋይ ኣንጀሰ፤ ኦና ጎዲያ ዋይ ዳንዳይሰ። 13 ኦ ቦላ ኢታባ ኦዴቲያ ዋይ ሎዖ ቃላ ዛርሰ። ኦ ሃዒ ጋካናው ሃ አላሚያ ፐቶኔ ዋራ ጌቲያ ቡራ ጊዳዳ።

14 ታኒ ሃሳ ፃፊዳይ፣ ታ ሰቆያ ናይታዳ፣ ሂንቴና ዘራናው ያፋሲፔ ኣቲን ዬላያናው ጊደና። 15 ከሪስቶስን ሂንቴና ዲቺያ ታይቦፐ ቦላ ጊዳዳ ካሌላይሳቲ ዳዒኩካ፣ ሂንቴው ኢሲ ኣዉ ዳዔሰ። ታ ሂንቴና ከሪስቶስ ዬሱሳ ዋንገላን ዬላሰ። 16 ሂዛ፣ ሂንቴ ታና ለሚሶ ኦሊዳ ካላና ሚላ ሂንቴና ዋሳይሰ። 17 ሃሳ ጊሾ፣ አማኔቲዳ፣ ታ ሰቆያ፣ ጎዳን ታ ናና፣ ያዋቲዮሳ ሂንቴኩ

ከታሰ። ኢ ዲማ ዲማ ቤሳን ዲያ ዋሳ ከላን ታ ታማርሲዳ፣ ከሪሰቶሳ ዬሱሳን ዲያ ታ ኦጊያ ሂንቴና ሃሳዪሳና።

18 ታኒ ሂንቴኮ ጥናባ ዳኒን፣ ኦቶሪያ ኢሲ ኢሲ አሳቲ ዳዎሶና። 19 ሺን ጎዳይ ጊኮ፣ ማታ ዋዳ ታኒ ሂንቴኮ ባና። ሄ ዋዳ ኦቶሪንቸታ ኦዳ ፃላላ ጊደናሺን ኤንታ ዋልቃካ ኤራና። 20 ያሳ ካዎቴላይ ኦዳ ጊደናሺን ዋልቃ። 21 ታኒ ሂንቴኮ ፃሞዓራ ቦዬ ዋይኮ ሲቆራኔ አሸኪ አያናራ ቦ? አላሳ ደራሬት?

5

አማኒያ አሳ ጊደን ዲያ ዬላያ ኦሶ

1 ሂንቴ ጊደን ላይማቴሌ ዲያይሲ ዘገራቴሰ። ሄሳ ሚላ ላይማቴሌ ሃሪ አቶሺን፣ አማናና አሳይካ አሎኮና። ሂንቴ ጊደን ባ አዋ ማቸራ ቲዳ አሲ ዲዕስ። 2 ሄሳን ሂንቴ ቂርታናውኔ ዬላታናው ቤሲኔ፣ ሺን ኦቶርቲዳታ። ሄሳ ሚላ ቦርሶባ ኦሌዳ ኦራ ሂንቴ ጊደሬ ከሳናው ቤሲኔ?

3 ታኒ አሾን ሂንቴራ ደና ኢደኮካ አያናን ታ ሂንቴራ ዲያይሲ። ታኒ ሂንቴራ ዲያ ያሳዳ ሃናዳ ሄሳ ሚላ ኦሶቶ ኦሌዳ ኦራ ቦላ ፐርዳሰ። 4 ኦ ጎዳ ዬሱሳ ከሪሰቶሳ ሱጎላን ሂንቴ ሺቂያ ዋዳ ታኒ አያናን ሂንቴራ ዳና። ሄሳን ጎዳ ዬሱሳ ከሪሰቶሳ ዋልቃይ ሂንቴራ ጊዳና። 5 ሄ ኦራ ናጋራ አሾይ * ቆዶዳ፣ ኢያ አያናይ ጎዳ ዬሱሳ ፐርዳ ጋሳሳን አታና ሚላ ኢ ፃላሃሰ አጻ አሜቶ።

6 ሂንቴ ጨቆይ ሎዎ ጊዳና። ጉላ ኢርሾይ ሙኦቃ ኦባ ዳንሌይሳ ኤሬኪቴዬ? 7 ሂንቴ ሃዲ ኢርሾይ ባይና ሙኦቃ ጊዳና ሚላ፣ ናጋራ ኢርሾቶ ሂንቴሬ ከሲቴ። ኦሰ ፓሲካ ደርሳ ጊዲዳ ከሪሰቶሲ ያርሺቴሰ። 8 ሄሳ ጊሾ፣ ጌኔይኔ ኢታቴሌ ዲያ ኢርሾቶራ ጊደናሺን ተማቴሌኔ ጌሻቴሌ ዲያ ኦይላራ ኦ ባሊያ ቦንቸሰ።

9 ታ ካሴ ፃፊዳ ዳብዳቢያን ሂንቴ ላይማቴያ አሳራ ጋሃቶና ሚላ ሂንቴው ኦዳሰ። 10 ሄሳ ጉሳይ ሃ አላሚያን ዲያ ላይማቴይሳታራ ዋይኮ ኦደታራ ዋይኮ ካይሶታራ ዋይኮ ኤቃ ጎይኔይሳታራ ፖሎ ጋሃቶሬቴ ጉሶ ጊዳና። ሄሳ ጊዳኮ፣ ሃ አላሚያ፣ ሂንቴ ኪያናው ቤሲሰ ሺን አቴሰ። 11 ሺን አማናይሰ ያገሼ ላይማቴይሳታራ ዋይኮ ኦደታራ ዋይኮ ኤቃ ጎይኔይሳታራ ዋይኮ ጫይይሳታራ ዋይኮ ማሳቴይሳታራ ዋይኮ ካይሶታራ ጋሃቶሬቴ ጋዳ ሂንቴው ኦዳይሰ። ሄሳ ሚላ አሳራ ሃሪ አቶሺን፣ ካሌካ ሞጊቴ።

12 ዋሳ ከላፊ ካሬራ ዲያይሳታ ቦላ ፐርዳናው ታና አይቤ ጋሌይ? ዋሳ ከላን ዲያይሳታ ቦላ ሂንቴ ፐርዳኪቴዬ? 13 ሺን ካሬራ ዲያይሳታ ቦላ ያሳይ ፐርዳና። ሄ ኢታባ ኦሌያ ኦራ ሂንቴ ጊደሬ ከሲቴ።

6

አማኒያ አሳ ጊደን ዲያ ሞቶ

1 ሂንቴ ጊደሬ ኢሶይ ኢሱዋራ ሞቶይ ዲዕኮ፣ ሄሳ አማኒያ አሳ ሲጎላን ፐርዳታናይሳ አጊዲ አማናና አሳ ሲጎላን ፐርዳታናው ዋይኪ ቤ? 2 ጌሻቲ አላሚያ ቦላ ፐርዳናይሳ ሂንቴ ኤሬኪቴ? ያቴን፣ ሂንቴ አላሚያ ቦላ ፐርዳናባ ጊዲኮ፣ ሃይሳ ሚላ ጉላባ ፐርዳናው ዋይኪ ዳንዳዕኪቴ?

3 ኦኒ ከታንቸታ ቦላ ፐርዳናይሳ ኤሬኪቴ? ያቴን፣ ሃ ሳሳ ዲሳባ ቦላ ፐርዳናይሲ ሂንቴና ዋይኪ ደኒ? 4 ያቴን፣ ሄሳ ሚላ ሚቶይ ሂንቴ ጊደን ሚዲቴኮ፣ ዋሳ አይፊን ካዲቴዳ አሳ ሲጎላን ፐርዳታናው ሞቲ ኤሬቴ? 5 ታኒ ሂንቴና ዬላያናው ሄሳ ጋይሰ። ሂንቴ ጊደን ካጨቴዳ አሳታ ሲገላናው ዳንዳዕያ አኪካ አሲ ባዌ? 6 ያቴን፣ ኢሲ አማኔይሲ ሃንኮ አማኔይሳ ፐርዳ ከላን አማናና አሳ ሲጎላን ሞታናው ቤሲ?

7 ሂዛ፣ ሂንቴ ኢሶይ ኢሱዋ ሞቲያባ ጊዲኮ ሄሲ ሂንቴ ኩንዳላ ቤሲሰ። ሄሳፊ ሂንቴ ቆሃቴኮኔ ጨሚቴኮ ኪሄኔ? 8 ሺን ሂንቴ ዋሊ ጊደን አማኔይሳቲ ኢሶይ ኢሱዋ ቆሃታኔ ጨሚታ።

9 ጌላቲ ያሳ ካዎቴላ ላቶይሳቲ ሂንቴ ኤሬኪቴ? ሂንቴና ጨሞሬቴ፤ ላይማቴይሳቲ ዋይኮ ኤቃ ጎይኔይሳቲ ዋይኮ ቃይዲይሳቲ ዋይኮ አዳራ አዳራ ጋሃቴይሳቲ፣ 10 ዋይኮ ካይሶቲ ዋይኮ ኦደታ ዋይኮ ማሳቴይሳቲ ዋይኮ ጫይይሳቲ ዋይኮ ቦንቂይሳቲ ዋይኮ ቦንቂይሳቲ ዋይኮ ላቶኮና። 11 ሂንቴሬ ኢሲ ኢሲ አሳቲ ካሴ ሄሳ ሚላ። ሺን ሂንቴ ሃዲ ጎዳ ዬሱሳ ከሪሰቶሳ ሱጎላኒይ ያሳ አያናን ሚጨቴዳታ፤ ጌዪዳታ፤ ያሊዳታ።

ሂንቴ አሳቴላን ያሳ ቦንቸቲ

12 ሂንቴ፣ «ኮ ኮዪዳባ አሳናው ዳንዳዎሰ» ያጌታ። ሺን ኡባይ ሂንቴና ማዳና። ታኒ ኮዪዳባ ኡባ አሳናው ዳንዳዎይሰ። ሺን አይቤካ ታና ሃሬና። 13 ሂንቴ፣ «ካሌ ኡሎሳ፤ ኡሎይካ ካሳሳ»

5:1 ዛሬ 22:30 * 5:5 ናጋራ አሾይ፣ ናጋራ ሚዳይ ዋይኮ ናጋራ አሳቴላይ። 5:6 ጋላ 5:9 5:7 ኪሳ 12:5 5:8 ኪሳ 13:7፤ ዛሬ 16:3 5:13 ዛሬ 13:5፤ 17:7 6:12 1ቆ 10:23

ያገቡ። ሸን ያሳይ ኡሉዋካ ካላካ ቆይሳናይሳ ታ ሂንቲው ኦዳይሰ። ኦ አሳቴላይ ጎዳሳፌ ኣትን ላይማቴላሳ ገደና። ጎዳይካ ኦ አሳቴላሳ። 14 ያሳይ ጎዳ ሃይቆፔ ዴጎሊዳይሳዳ፣ ኦካና ሃይቆፔ ባ ዋልቃን ዴጎላና።

15 ሂንቲ አሳቴላይ ከሪሰቶሳ አሳቴላፌ ባጋ ገደይሳ ኤሬከቲ? ያጉን፣ ታጌ ከሪሰቶሳ አሳቴላፌ ባጋ ኡፋዳ ላይማቴላ አሳቴላ ገደና ሜላ ኦሎ? ሃኔና! 16 ላይማቴያ ኡራይ ኢ ጋሂቲያ ኣሲራ ኢሲ አሳቴላ ገደይሳ ኤሬከቲ? ጌሻ ማፃፋን፣ «ኤንቲ ናምባይ ኢሲ አሳቴላ ገደና» ጌቲቲዲ ያፌቲሰ። 17 ሸን ጎዳራ ኢሲፊያ ኡራይ ኢያራ ኣያናን ኢሶ ገደሰ።

18 ላይማቴላፌ ሃኪቲ። ኢሲ ኡራይ ኦሊያ ሃራ ናጋራይ ኢያ አሳቴላፌ ካሬራ ኦሱቲሰ። ሸን ላይማቴያ ኣሲ ባ አሳቴላ ቦላ ናጋራ ኦሊሰ። 19 ሂንቲ አሳቴላይ ያሳይ ሂንቲው ኣሚዳ ሂንቲናን ዴዲያ ጌሻ ኣያና ከሌ ገደይሳ ኤሬከቲ? ሂንቲ ሂንቲባ ገደከታ። 20 ያሳይ ሂንቲና ጋቲን ሻሚሰ። ሃሳ ገሾ፣ ሂንቲ አሳቴላን ያሳ ቦንቺቲ።

7

ኤኮ ጌሎባ

1 ሂንቲ ታው ያፊዳ ዳብዳቢያሰ ዛርይ ሃይሳ። ኢሲ ኣሲ ማቸና ዴዲኮ ሎዎ። 2 ሸን ላይማቴላፌ ኣታናው ኢሲ ኢሲ ኣይይ ማቸ ኤኮ፤ ቃሲ ኢሲ ኢሲ ማጫሳሰ ኣዚጌ ዴዎ።

3 ኣዚናይ ባ ማቸሰ። ቃሲ ማቸያ ባ ኣዚናሰ ቤሲያባ ኩንሶ። 4 ማቸሰ ባ አሳቴላ ቦላ ኣው ማቸ ባዋ፣ ሸን ማቸይ ኢ ኣዚናሳ። ሃሳዳካ፣ ኣዚናሰ ኢያ አሳቴላ ቦላ ማቸ ባዋ፣ ሸን ማቸይ ማቸሳ። 5 ሂንቲ ዋሳን ጉላ ዋይ ጋምባናው ዘሬቴላን ገደና ኢደኮ፣ ኢሶይ ኢሱዋ ዳጎፊቲ። ሃሳ ጋሶን ሂንቲናቴላ ሃራናው ያኒቲን፣ ያላሃይ ሂንቲና ፓጮና ሜላ ኢሲፌ ዴዲቲ። 6 ሸን ታጌ ሂንቲና ዘራናው ሃይሳ ገይሰ፤ ኣትን ከታ ገደና። 7 ኣሲ ኡባይ ታዳ ማቸ ኤኮና ዴዲያኮ ዳሳይሰ። ሸን ያሳይ ኢሱዋሰ ኢሱዋሰ ኣሚዳ ዴዲ ላሞቲ ዴዲሰ። ኢሱዋሰ ሃይሳ ሜላ ሃንኩዋሰ ሃሳ ሜላ ኣምቲ ዴዲሰ።

8 ማቸ ኤኮባናይሳታሲ ኣዚና ጌሊቦናይሳታሰ ቃሲ ኣምባታሰ ታጌ ጌይ፣ ታዳ ኤኮና ዋይኮ ጌሎና ዴዲቲ ታዳ ዘራይሰ። 9 ሸን ኣሞን ፀጌቴይሳፌ ኤኮይሰኒ ጌሊይሰ ሎዎ ገደዲያ ገሾ ኤንቲ ባንታና ሃራናው ዳንዳዎና ኢደኮ፣ ኤኮኒ ጌሎ።

10 ታጌ ኤኮዳይሳታኒ ጌሊዳይሳታ ሃይሳዳ ጋዳ ዘራይሰ፤ ታና ገደከ ጎዳይ ከቲሰ፤ ማቸያ ባ ኣዚና፤ ሻኩቶ። 11 ሸን ሻኩቲኮ ሃራ ኣዚና ጌሎና ባርካ ዴዎ ዋይኮ ባ ኣዚናራ ገሳ። ኣዚናይ ባ ማቸው ቢሎ።

12 ሸን ሃራታሰ ጎዳ ገደናሸን ታጌ ሃይሳዳ ገይሰ። ኣማናና ማቸ ዴዲያ ኣማኒያ ኣዚጌ ዴዲኮ፣ ኢያ ማቸያ ኢያራ ኢሲፌ ዳናው ኮይኮ ኢዮ ቢሎ። 13 ቃሲ ኣማናና ኣዚጌ ዴዲያ ኣማኒያ ማቸ ዴዲኮ፣ ኢ ኣዚናይ ኡራ ኢሲፌ ዳናው ኮይኮ ኢያ፤ ቢሎቶ። 14 ኣማናና ኣዚናይ ባ ኣማኒያ ማቸ ባጋራ ጌይሰ፤ ቃሲ ኣማናና ማቸያ ባ ኣማኒያ ኣዚና ባጋራ ጌያወሰ። ሃሲ ባይኒኮ፣ ሂንቲ ናይቲ ቱና ገደሶና፣ ሸን ሃሳ ኤንቲ ጌሺ። 15 ሸን ኣማናና ኣዚናይ ዋይኮ ማቸያ ቢላናው ኮይኮ ቢሎ። ኣማኒያ ማቸያ ዋይኮ ኣዚናይ ሃሳ ሜላባን ቃሺቶኮና። ያሳይ ኦና ሳርቴላን ዳና ሜላ ያገሰ። 16 ኣማኒያ ማቸቲ፣ ኔጌ ኣማናና ኔ ኣዚና ኣሻኒኮ ኣይ ኡራይ? ዋይኮ ኣማኒያ ኣዚናው፣ ኔጌ ኣማናና ኔ ማቸው ኣሻኒኮ ኣይ ኡራይ?

ያሳይ ሂንቲና ያጌዳይሳዳ ዴዲቲ

17 ኢሲ ኢሲ ኣሲ ጎዳይ ኢያው ኣሚዳ ኣምታዳኒ ያሳይ ኢያ ያጌዳይሳዳ ዴዎ። ዋሳ ከላ ኡባን ታጌ ታማርሲዳ ዋጋይ ሃይሳ። 18 ኦኒካ ቃዳሬቲዲ ኣማኒዳባ ገደኮ፣ ቃዳሬቶና ሃና። ቃዳሬቶና ኣማኒዳ ኦኒካ ዴዲኮ፣ ቃዳሬታናው ኮዮ። 19 ያሳ ከታ ፖላናው ቤሲሰ፤ ኣትን ቃዳሬቲን ቃዳሬቶና ኣገን ኣይኮካ ማዳና።

20 ኢሲ ኢሲ ኣሲ ያሳይ ባና ያጌያ ዋይ ዴዲይሳዳ ዴዎ። 21 ያሳይ ኔና ያጌያ ዋይ ኔጌ ኣይሎ? ኣይኮይ ባዋ ሃሳሰ ኤንቲቶ። ሸን ኔጌ ኣይሎቴላፌ ላባ ኬያናው ዳንዳዲኮ ዴዳ ኬያ። 22 ኣይሌ ገደ ዴዲሺ ጎዳን ያጌቲዳ ኣሲ ጎዳን ኣይሎቴላፌ ላባ ከይሰ። ሃሳዳካ፣ ኣይሌ ገደና ዴዲሺ። ጎዳን ያጌቲዳ ኣሲ ከሪሰቶሳ ኣይሌ። 23 ያሳይ ሂንቲና ጋቲን ሻሚ ገሾ ኣሳ ኣይሌ ገደ፤ ጌቲ። 24 ታ ኣሻቶ፣ ሂንቲ ኢሶይ ኢሶይ ያጌቲያ ዋይ ዴዲያ ዴዑዋን ያሳራ ኢሲፌ ዴዲቲ።

ኤኮባና፣ ጌሊቦና አሳባኒ ኣምባታባ

25 ጌሊዎታባ ጎዳይ ታና ከቲዳባይ ባዋ። ሸን ጎዳይ ታው ኣሚዳ ማርቴላ ሜላ ታጌ ሂንቲና ዘራይሰ። 26 ሃዛ፣ ሃሳ ሜቲዋ ገሾ ኤኮና ዋይኮ ጌሎና ዴሲ ታው ሎዎ ዳኒሰ። 27 ኔ ማቸ ኤኮዳባ ገደኮ፣ ቢላናው ኮዮ። ኔ ማቸ ኤኮባናባ ገደኮ፣ ኤኮናው ኮዮ። 28 ሸን ኔ ማቸ

እኪኮ ናጋሪ ባዋ። ሄሳዳ ጌላዲያካ እዚና ጌሊኮ ናጋሪ ባዋ። ሽን እኪያ ጌሊያ እሳሰ ሃ ሳንገ ዳር ሜቶይ ዳዲያ ገሾ ሃንጌ ሄሳፌ አጎና ሚላ ታ ከያይሰ።

29 ታ አሻቶ፣ ታ ጌይ ሄሳ፤ ዋይይ ወሪሰ። ሃዛፔ ሰንጹ ማቻ ዳዲይሲ ማቻ ኤኮናይሳዳ ዳዳ። 30 ዩኪይሳተ ዩኮናዳ፣ ኡፋይቴይሳተ ኡፋይቶናዳ፣ ሻሚይሳተ እይኮይካ ባይናዳ ባንታና ታይቦ። 31 ሃ ሳባ ሻሉዋን ማይቴይሳተ ማይተቦናዳ ሃና። ሃ አላሚያ ማላይ አፋና።

32 ሃንጌ ሃርገ ባይና ዳና ሚላ ታ ደሳይሰ። ማቻ ኤኪኮናይሲ ጎዳ ኡፋይሳናው ከያ ገሾ ጎዳባ ቆፔሰ። 33 ሽን ማቻ ኤኪይይሲ ባ ማቸው ኡፋይሳናው ከያ ገሾ ሃ ሳባ ቆፔሰ። 34 ኢያ ቆፋይ ናሞሳን ሻኬቴሰ። እዚና ጌላቦና ጌላዲያ ባ አሳቴላንኔ ባ ሸሞቸዋን ገያዳ ጎዳ ኡፋይሳናው ከያ ገሾ ጎዳባ ቆፓውሱ። ሽን እዚና ጌሊዳራ ባ እዚና ኡፋይሳናው ከያ ገሾ ሳባ ቆፓውሱ።

35 ታኒ ሄሳ ሃንጌው ኦይይ፣ ሃንጌ ማይታና ሚላሳፌ አተን ሃንጌና ኤንዔላናው ጌዳና። ሽን ሃንጌ ቆፋይ ሻኬቶና ማሪን ዳዲዲ ጎዳ ኡፋይሲያባ ሃንጌ ኦላና ሚላ ታኒ ኦዳይሰ።

36 ኦኒካ ባ ኦይቺዳ ጌላዔሰ ጌሎ ዋይይ አፂሰ ጌዲ እያ አጎናው ቆፔኮ፣ ሄሲ ቃሲ አው ሎዎ ጌዳናይሲ ኢያው ሰዒተኮ፣ ባ ኮዩዳይሳ ኦሎ፤ ኤንጌ ኤኪቶ፣ ጌሌቶ፤ ሄሳን ናጋሪ ባዋ። 37 ሽን ኢሲ አሲ ኤንዔላያባይ ቆይን፣ ባ ዋዛናን ሚኒዲ፣ ባና ሃሪዲ፣ ባ ኦይቺዳ ጌላዲው ኤኮና አጎናው ከይኮ ሎይሊሰ። 38 ሄሳ ገሾ፣ ጌላዲው ኤኪያ ኡሪይ ሎይሊሰ፤ ቃሲ ኤኮና ኡሪይ ዳር ሎይሊሰ።

39 ማቸዎን ባ እዚናይ ፓዎ ዳዲያ ዋይ ኡባን ኢያራ ቃሽታሰ። ሽን ኢ እዚናይ ሃይቁኮ፣ ባ ደሲዳ እዚና ጌላናው ዳንዳዓውሱ። ጌዳሽን፣ ኢያ ጌሊያ አይይ አማኒያ አሲ ጌዳናው ቤሴሰ። 40 ታ ቆፋን ጌዲኮ፣ ኢያ ጌሎና ዳዲኮ ኡፋይሳን ዳና። ቃሲ ታው፣ ታ ቦላ ያሳ እያኒ ዳዲያ ዳይሰ።

8

ኤቃሰ ያርሼተዳ ካላባ

1 ኤቃሰ ያርሼተዳ ካላባ ጌዲኮ ኦ ኡባይ ኤርሰ። ኤራቴሌ ኦቶርሴሰ። ሽን ሲቆይ ዲቺሰ። 2 ኦኒካ ባና ኤራይሰ ጌዲ ቆፔኮ፣ ኢ ቡር ኤራናው ቤሴይሳ ኤሪቤና። 3 ሽን ኦኒካ ያሳ ሲቁኮ ኢ ያሳ ማታን ኤሪተዳይሳ።

4 ሄሳ ገሾ፣ ኤቃሰ ያርሼተዳ ካላ ሙሳባ ጌዲኮ ሃ አላሚያን ጎዲ ኢሲ ያሳፌ አተን ሃሪ ባይና ገሾ ኤቁ ፓላና ባይይሳ ኦኒ ኤርሰ። 5 ያሴ ጌዳናሽን ሳሎንኔ ሳንገ ያሴ ጌቴቴ ያጌቴያ ዳር ያሳቴኔ ጎዳቴ ዳዲኮካ፤ 6 ኢያባ ሚፏዳ፣ ኦ ኢያባ ጌዲዳ፣ ኢሲ ያሳይ፣ አዋይ፣ ኦሰ ዳዲሰ። ኡባይ ኢያ ባጋራ ሜይቲዳ፣ ኦካ ኢያ ባጋራ ዳዎ ዳሚዳ ኢሲ ጎዳይ፣ ዩሱሰ ከሪሰቶሲ ኦሰ ዳዲሰ።

7 ሽን ሃይሳ ኤሬይ ኡባ ጌዳና። ኢሲ ኢሲ አሳይ ኤቃ ጎይናራ ሚዘቴዳ ገሾ ካላ ሚያ ዋይ ኤቃሰ ያርሼተዳባ ኦላዲ ኤኮሶና። ሃ ዋይ ኤንታ ካሃይ ዳቡራ ጌዲያ ገሾ ቱኔሰ። 8 ሽን ካላ ኦና ያሳራ ዳቦዬና። ኦ ሞና አገዲ አይኮካ ቆሃቶኮ፤ ቃሲ ሚዲ ዳማ ጎዳቶኮ።

9 ሽን ሃንጌ ኮዩዳባ ማናው ላባቴሌ ሃንጌው ዳዲኮካ ሄሲ አማናን ሚናናይሳታ ቆቦና ሚላ ናጌቴቴ። 10 ኔኒ ኔና ኤራንቾ ጋዳ ኤቃሰ ያርሼተዳ ካላ ማናው ኤቃ ኬላን ኡቴዳሽን፣ አማናን ሚናናይሲ ኔና ቤዒኮ ሄሲ ኢያ ኤቃሰ ያርሼተዳ ካላ ማና ሚላ ዳንጹሴይ? 11 ሃዛ፣ ኔ ኤራቴላ ጋሶን ከሪሰቶሲ ኢያ ገሾ ሃይቁዳ፣ አማናን ሚናና ኔ አሻይ፣ ቆይሰ። 12 ሄሳዳ ኦላዲ፣ አማናን ሚናና ሃንጌ አሻታ ቆሃሼኔ ኤንታ ካሃ ማዲንዒሲሽ ከሪሰቶሳ ቆሃታ። 13 ሄሳ ገሾ፣ ካላ ታ አሻ ቆቢያባ ጌዲኮ፣ ኢ ቆቤቶና ሚላ አሾ ኡባራካ ሚኬ።

9

ሃዋሪታ ማታ

1 ታኒ ዬዳ ዳዲያ አሲ ጌዲኪና? ታ ሃዋሪ ጌዲኪና? ታኒ ኦ ጎዳ ዩሱሰ ከሪሰቶሳ ቤዒቢኪና? ሃንጌ ጎዳን ታ ዳቡራ አይፌ ጌዳኬቴ? 2 ሃንጌ ጎዳባ ጌዲያ ገሾ ታ ሃራታሰ ሃዋሪ ጌዳና ኢጃኮካ፣ ሃንጌው ሃዋሪ ጌዲይሳሰ ሃንጌ ማርካ።

3 ታና ሃዋሪ ጌዳና ጌሳታሰ ታ አሚያ ዘርይ ሃይሳ። 4 ኦ ሃንጌፌ ማናውኔ ኡያናው ቱማ ኦሰ ማቲ ባዋ? 5 ሃንኮ ሃዋሪታዳ፣ ጎዳ አሻታዳኔ ጳጳርሳዳ፣ አማኒያ ኦ ማቸታ ኤኪ ሃሙታናው ኦሰ ማቲ ባዋ? 6 ዋይኮ ኦላዲ ማናው ቤሴይ ታራኔ ባርናባሳ ያላላ? 7 ባ ሚሽን ዋታዳሪታላ ኦላይ ኦኒ? ዋይኮ ዋይኔ ቶኪዲ፣ ኢያፔ አይፌ ሞናይ ኦኒ? ዋይኮ ወዳ ሃሚሹ፣ ሄ ወዲያፔ ማላ ኡዮናይ ኦኒ?

8 ታኒ ሄሳ አሳ ቆፋዳ ጋይናዬ? ሃጌይ ሄሳ ጌኔ? 9 ሙሴ ሃጌያን፣ «ወዲማን ካላ ዩጲያ ቦራ ዳና ቃቾፋ» ጌቴቴዲ ያፌተሰ። ያጉን ያሳይ ሄሳ ቦራሰ ቆፔዲ ጌዳ? 10 ያሳይ ሄሳ ጌዲይ ኦሰ ቆፔዲ ጌዳኒ? ኤ ኦ ገሾሳ። ገዬይሲካ፣ ካላ ጌሼይሲካ ባና ጋኬይሳ ኤካና ጌዲ ኡፋይሳን ኦላናው ቤሴሰ ጌቴቴዲ ቱማ ኦ ገሾ ያፌተሰ። 11 ኦኒ ሃንጌ ጌዲን አያና ዜሬላ ዜሪዳ ጌዲኮ

እሾሰ ኮሺያባ ኑ ሂንቴፌ ኤከኮ፣ ሄሲ ገታባዬ? 12 ሃራቴ ሄሳ ሂንቴፌ ኤካናው ኤንታው ማቲ ዴሲኮ፣ ኮሰ ኤንታይሳፌ አጂያ ማቲ ዴሲኮ።

ሺን ኑኒ ከራሰቶሳ ማንጌላሰ ጹቤ ገደና ማላ፣ ኡባ ጌንጮሲፔ ኣቲን ሄ ማታን ጎዔቲቡ። 13 ያሳ ከላን ኦሊያ አሳቲ ባንታ ካላ ያሳ ከላፌ ኤከይሳ ኤሬከቲ? ቃሲ ያርሾ ቤሳን ኦሊይሳቲ ያርሾዋፌ ኤከይሳ ኤሬከቲ? 14 ሄሳዳካ፣ ማንጌላ ማርካቲይሳቲ ዴሳሰ ኮሺያባ ማንጌላፔ ኤካና ማላ ጎዳይ ከቲሰ።

15 ሺን ታጌ ሃ ማታ ኡባን አይኮካ ጎዔታቢከ። ታጌ ሃይሳ ፃፊዳይ ታ ማታ ቦንቺሳናው ኮያዳ ገደና። ኦኒካ ታ ጩቁዋ ሃዳ ኦላናፔ ሃይቆይ ታው ሎዮ። 16 ታጌ ማንጌላ ኦዳይ ከቲቲዳ ገሾሳፌ ኣቲን ታና ጩቁሲያባ ገደና። ማንጌላ ኦዳና ኢዲኮ፣ ታና ኣዬ። 17 ታጌ ማንጌላ ዳሳዳ ሳባኪኮ ታው ዋይቶይ ዴሲኮ። ሺን ታጌ ማንጌላ ዳሳና ከቲታዳ ሳባኪያባ ገደኪ ሄሳ ያሳይ ታው ሃዳራ ኢሚሰ። 18 ያቲን፣ ታ ዋይቶይ ኣይቤ? ታጌ ማንጌላ ሳባኪያ ዋዴ ታ ማታን ጎዔቶና ማንጌላ ጮ ሳባኪይሲ ታው ዋይቶ።

19 ታጌ ኦዳሰካ አይሊ ገደኪ፣ ሺን ዳርታ አሻናው ኡባሰ አይሊ ገደሰ። 20 ታጌ ኣይሁዴታ አሻናው ኤንታራ ኤንታ ገደሰ። ታ ሁዔን ሂጌፌ ጋርሳን ዴሲኮ፣ ሺን ሂጌፌ ጋርሳን ዴሲኮሳታ አሻናው ሂጌፌ ጋርሳን ዴሲያ አሲ ገደሰ። 21 ያሳ ሂጌያፌ ካሬ ከዮና፣ ከራሰቶሳ ሂጌያሰ ከቲታሺ። ሂጌይ ባይናይሳታ አሻናው ሂጌይ ባይና አሳዳ ገደሰ። 22 ታጌ ዳቡራሽቻታ አሻናው ዳቡራሽቻ ገደሰ። ታጌ ጉላታ አሻናው ኡባራ ኡባ ሃናሰ። 23 ታጌ ማንጌላ ኣንጂዋ ሻኪታናው፣ ሃ ኡባ ማንጌላ ገሾ ሃናሰ።

24 ዋላን ጋይቲያ ኡባይ ዋዴ። ሺን ኢሱዋ ፃላሊ ዋይቶ ኤከይሳ ኤሬከቲ? ሄሳዳ ሂንቴካ ዋይቲዋ ኤካናው ዋይቲ። 25 ጋይቲያ ኣሳ ኡባይ ኡባባን ባንታና ሄራሰ። ኤንቲ ሄሳ ዳቡራይ ቆያ ካላቻ ዋይቶ ኤካናሳ። ሺን ኑኒ ዳቡራይ ማሪና ካላቻ ዋይቲዋ ኤካናሳ። 26 ሄሳ ገሾ፣ ታጌ ቆፊ ባይና አሳዳ ዋይኪ። ጫርኮ ዪሞፒያ ኣሳዳ ጮ ኩሺ ዬዲኪ። 27 ሺን ታጌ ሃራታሰ ማንጌላ ሳባኪዳፔ ጉዬ ታ ሁዔን ዬጌቲዳ አሲ ገደና ማላ ታ ኣሳቴላ ዋልቃን ሃራዳ ታው ከቲታና ማላ ኦላይሰ።

10

ኤቃ ጎይናፊቲ

1 ታ አሻቶ፣ ታጌ ሂንቴ ሃይሳ ኣከካና ማላ ኮያይሰ። ኑ ኣዋቲ ኡባይ ሻራፔ ጋርሳራ ሃሙቲዶሶና፤ ኡባይ ኣባ ፒኒዶሶና። 2 ኤንቲ ሙሴራ ኢሲፋናው ሻራጌኒ ኣባን ፃማቄቲዶሶና። 3 ኤንቲ ኡባይ ኢሲ ኣያና ካላ ሚዶሶና። 4 ቃሲ ኡባይ ኢሲ ኣያና ኡሻ ኡዪዶሶና። ኤንቲ ባንታና ካሊያ ኣያና ዘላፊ ፑልቲዳ ኡሻ ኡዪዶሶና፤ ሃ ዘላይካ ከራሰቶሳ። 5 ሺን ያሳይ ኤንታፌ ዳርታን ኡፋይቲቦና ገሾ ኤንታ ኣሃይ ባዞ ቢታን ዋጂዳ ኣቲሰ።

6 ኤንቲ ኢታባ ኣሞቲዳይሳዳ፣ ኑካ ኢታባ ኣሞቶና ማላ ሄሲ ኡባይ ኮሰ ለሚሶ ገደሰ። 7 ጌሻ ማፃፋን፣ «ኣሳይ ማናዉኒ ኡያናው ኡቲዶሶና፤ ቃሲ ዬፃናው ዴንዲዶሶና» ጌቲቲዳይሳዳ ኤንታፌ ኢሶቲ ኢሶቲ ኤቃ ጎይኒዳይሳ ማላ ሂንቴ ኤቃ ጎይናፊቲ። 8 ኤንታፌ ኢሶቲ ኢሶቲ ሳይማቲዳይሳዳ ኑ ሳይማታናው ቤሴና። ሄሳ ጋሶን ኤንታፌ ኢሲ ጋሰሳ ሳታማኔ ሄዙ ሙኩሉ ኣሲ ሃይቁሰ። 9 ኤንታፌ ኢሶቲ ኢሶቲ ጎዳ ፓጪዲ ሾሻን ዴከቲዲ ሃይቁዳይሳዳ ኑ ጎዳ ፓጪናው ቤሴና። 10 ኤንታፌ ኢሶቲ ኢሶቲ ዙዙሚዲ ሃይቆ ኤሂያ ከታንቸዋን ቆዩዳይሳዳ ሂንቴካ ዙዙሞፊቲ።

11 ሃ ኤንታ ቦላ ጋኪዳ ኡባይ ኑ ናጌታና ማላ ኮሰ ለሚሶ ገደሰ። ቃሲ ዋዴ ዉርሴላ ቦላ ዴሲያ ኮሰ ቲሚርቲ ገደና ማላ ሃ ኡባይ ፃፊቲሰ።

12 ሄሳ ገሾ፣ ታ ኤቃሰ ገያ ኦኒካ ኩንዶና ማላ ባና ናን። 13 ኣሲ ኡባ ጋኪያ ፓጪፔፔ ኣቲን ዴማ ፓጪፔይ ሂንቴና ጋኪቤና። ሂንቴ ዋልቃይ ዴንዳዔይሳፌ ኣጂያ ፓጪፔን ሂንቴ ፓጪፔቶና ማላ ኣላ ኣሞና ያሳይ ኣማኒቲዳይሳ። ሂንቴና ፓጪፔይ ጋኪያ ዋዴ ሃ ፓጪያ ኢ ሂንቴና ዴንዳዔሳና። ቃሲ ሄ ፓጪያፔ ሂንቴ ኪያና ኦጊያ ኢ ገሊሳና።

14 ሂዛ፣ ታ ኣለያ አሻቶ፣ ኤቃ ጎይናፌ ሃኪቲ። 15 ሂንቴ ዋዛናማ ኣሲ ገደዳ ገሾ ታ ሃይሳ ኦዳይሰ። ታጌ ጌይሲ ቱማ ገደይሳ ሂንቴ ሂንቴ ሁዔን ፐርዲቲ። 16 ኑኒ ያሳ ጋላቲዲ ሻኪቲያ ኣንጅ ፀዓይ ከራሰቶሳ ሰፋራ ኢሲፊቲላ ዴሲይሳ ገደኔዬ? ቃሲ ኑኒ ባሊያ ኡይላይ ከራሰቶሳ ኣሽዋራ ኢሲፊቲላ ዴሲይዬ? 17 ኑኒ ዳር ገደኪኮካ ኡይላይ ኢሲና፣ ኑ ሄ ኢሲ ኡይሳ ሻኪቲያ ገሾ ኢሲ ኣሳቴላ።

9:11 ሮሜ 15:27 9:14 ማቶ 10:10፤ ሉቃ 10:7 10:1 ከሳ 13:21-22፤ 14:22-29 10:3 ከሳ 16:35
10:4 ከሳ 17:6፤ ታይ 20:11 10:5 ታይ 14:29-30 10:6 ታይ 11:4 10:7 ከሳ 32:6 10:8 ታይ 25:1-18 10:9 ታይ 21:5-6 10:10 ታይ 16:41-49 10:16 ማቶ 26:26-28፤ ማር 14:22-24፤ ሉቃ 22:19-20

18 እኔ ኢስራዔል አሳይ አሉዳይሳ እኬከቲ። ያርሼተዳ ያርሹዋ ማይሳታስ ያርሾ ቤሳራ ኢሲፊቴሉ ባዌዬ? 19 ታኒ እይ ጋናው ኮያዳ ጋይና? ኤቃስ ያርሼተዳ ካላይ ዋይኮ ኤቃይ ፓሌያባ ገዴና። 20 እንቲ ያርሼይ ያሳስ ገዴናሽን ቱና እያናታሳ። ሃሳ ገሾ፣ ሂንቲው ቱና እያናታራ ኢሲፊቴሉ ዳና ማላ ኮዩከ። 21 ሂንቲ ጎዳ ፀዓፕ ኡዩሽ። ቃሲ ቱና እያናታ ፀዓፕ ኤያናው ዳንዳዔኬታ። ጎዳ ጋይታፕ ሚሼ ቃሲ ቱና እያናታ ጋይታፕ ማናው ዳንዳዔኬታ። 22 ኑ ሃሳ አሉዳ ጎዳ ዩሎይና? ኑ ኤያፕ አጲያ ሚናዬ?

23 ሂንቲ፣ «ኡባባ ኦሶና ማላ ዲጊያባይ ባዋ» ጌታ፣ ሽን ኡባይ ማዴና። ሂንቲ፣ «ኡባባ ኦሶና ማላ ዲጊያባይ ባዋ» ጌታ፣ ሽን ኡባባይ ዲቸና። 24 ኢሲ ኢሲ አሲ፣ ሃራ አሲ ማዲያባ ቆፓናው ቤሴሲፕ አቲን ባና ማዲያባ ያላላ ቆፖሮ።

25 ሂንቲ ካሃ ሲዴን ገልሲያ ኦይሻ ዴንሶና ጊያን ባይዘቲያ እሹዋ ጮ ሚቲ። 26 አይስ ገኮ፣ «ሳዒኔ ሳዓን ዴዒያ ኡባይ ጎዳሳ።»

27 ኢሲ አማናና አሲ ሂንቲና ኢማታናው ኮዩዲ ያገኪ ባናው ኮይኮ ቢቲ። ሂንቲ ካሃን ማዴቲያ ኦይሻን ሲዳና ሂንቲ ሲገሉ እሴያባ ኡባ ሚቲ። 28 ሽን ኢሲ አሲ፣ «ሃይሲ ኤቃስ ያርሼተዳባ» ገኮ፣ ሄ ሂንቲው ኦዲዳ እዲያ ገሾኔ ሂንቲ ካሃ ገሾ ሄ ካላ ሞፐቲ። 29 ታኒ፣ ካሃ ገሾ ጌይ ሄ ሂንቲው ኦዲዳ ኡራ ካሃ ጉሱፊ አቲን ሂንቲ ካሃ ገዴና።

ሃራ አሳ ካሃ ገሾ ጋዳ ታኒ ታ ላዓቲላ ቦላ አይስ ፐርዶ? 30 ታኒ ሚያ ካላ ያሳ ጋላታዳ ሚኮ ባሊዳዳ አይስ ቦሬቲያና?

31 ሂዛ፣ ሂንቲ አይ ሚኮ አይ ኡዩኮ፣ ዋይኮ አይ ኡሉኮ ኡባባ ያሳ ቦንቸሰ አሉቲ። 32 አይሁዴታ ገዴን ገሪኬታ ገዴን ዋይኮ ያሳ ዋሳ ከሌ ገዴን ኦዴስካ ጼቤ ገዴፐቲ። 33 ታኒ ኡባ ዋዴ ዳርታ አሻናው እንቲ ማዴቲያ ኦይ ኮያይሲፕ አቲን ታና ማዲያ ኦይ ኮዩከ።

11

1 ታኒ ከሪስቶሳ ለሚሱዋ ካሌይሳዳ፣ ሂንቲካ ታና ካሉቲ።

ጎይኖ ማራ

2 ሂንቲ ኡባባን ታና ቆፐያ ገሾኔ ታ ታማርሲዳ ቲማርቲያ ማንሉዲ ናገዳ ገሾ ታ ሂንቲና ጋላታይስ። 3 ሽን ከሪስቶሲ አዴ ኡባስ ሁዔ፣ አዴይ ማጫሳስ ሁዔ፣ ቃሲ ያሳይ ከሪስቶሳስ ሁዔ ገዴይሳ ሂንቲ ኤራና ማላ ታ ኮያይስ። 4 ባ ሁዔያ ጉሉንቲዲ ያሳ ዋሲያ ዋይኮ ቲንቢቲ ኦዲያ አዴ ኡባይ ሁዔ ገዴዳ ከሪስቶሳ ቶቹስ። 5 ባ ሁዔያ ቃጮና ያሳ ዋሲያ ዋይኮ ቲንቢቲ ኦዲያ ማጫሲያ ሁዔ ገዴዳ ባ አዘና ቶቶሠሱ። ባ ሁዔያ ቃጮና ማጫሲያ ባ ሁዔያ ማዴቲዳ ማጫሳ ማላ።

6 ማጫሲ ባ ሁዔያ ቃጮና ኢደኮ፣ ባ ሁዔያ ቃንጻቶ፣ ሽን ኢው ሁዔያ ቃንያይ ዋይኮ ማዴይ ቦርሶ ገዴኮ ባ ሁዔያ ቃጮ። 7 አዴይ ያሳ ለሚሶኔ ያሳ ቦንቸ ገዴያ ገሾ ባ ሁዔያ ቃቻናው ቤሴና፣ ሽን ማጫሲ አዴስ ቦንቸ። 8 ማጫሲ አዴፊ ማዴታሱፕ አቲን አዴይ ማጫሳስ ማዴቲቤና። 9 ማጫሲ አዴስ ማዴቲሲፕ አቲን አዴይ ማጫሳስ ማዴቲቤና። 10 ሃይሳ ገሾኔ ከታንቸታ ገሾ ማጫሲ ባው ማቲ ዴዔይሳ ቤሲያ ማላ ባ ሁዔን ቃጮናው ቤሴስ።

11 ሽን ጎዳ ቆሳን ማጫሲ አዴይ ባይና ዴና፣ አዴይካ ማጫሲ ባይና ዴናና። 12 ማጫሲ አዴፊ ማዴቲዳይሳዳ አዴይካ ማጫሳፕ ዩሉቲስ። ሽን ኡባባይካ ያሳፊ ማዴቲስ።

13 እኔ ሂንቲ ፐርዲቲ። ማጫሲ ባ ሁዔ ቃጮና ያሳ ዋሳናው ቤሲ? 14 አዴይ ባ ሁዔያ ዲቸኮ ኢያው ቦርሶ ገዴይሳ ሃራ አቶሽን ማዴቲላ ሂንቲና ታማርሴኔ? 15 ሽን ማጫሲ ባ ሁዔያ ዲቸኮ ኢው ቦንቸ ገዴኔ? ማጫሳስ ሁዔይ አሜቲዳይ ኢያ ባና ካማና ማላሳ። 16 ሽን ሃይሳ ቦላ ፓላማናው ኮያ አሲ ዴዒኮ፣ ኦስ ገዴን ዋይኮ ያሳ ዋሳ ከላታስ ገዴን ሃይሳፊ ሃራ ዋገ ባዋ።

ጎዳ ካሁዋ ኤኪያ ማራ

(ማቶ 26:26-29፤ ማር 14:22-25፤ ሉቃ 22:14-20)

17 ሂንቲ ኢሲፊ ሸቄይ ጎዳስ ገዴናሽን ቆሆስ ገዴያ ገሾ ሃራ ታ እምያ ከታን ሂንቲና ናሽከ። 18 ታ ኮይሮ ሲዳይይ፣ ሂንቲ ዋሳ ከላን ሸቄያ ዋዴ ሂንቲ ገዴን ሻሃቴሉ ዴዔይሳ። ሄ ታ ሲዳይሳፊ ባጋይ ቱማ ገዴይሳ አማናይስ። 19 ሂንቲ ገዴፊ ቱማ ዴዔይሳቲ ኦናገቲኮ ኤሬታና ማላ ሂንቲ ገዴን ሻኮይ ዳናይሲ አቴና። 20 ሂንቲ ኢሲፊ ሸቄያ ዋዴ ሂንቲ ሸቄይ ጎዳ ካሁዋ ማናሳ ገዴና። 21 ሂንቲ ካሉ ሚያ ዋዴ ኢሶዋ ናጎና ባይሳ ባይሳ ሚያ ገሾ ኢሶይ ኮሻቲስ ሃንኮይ ቃሲ ማላቲስ። 22 ቱማ ሂንቲ ማናውኔ ኤያናው ሂንቲው ከሌ ባዌ? ዋይኮ ያሳ ዋሳ ከላ ካዲቲ? አይኮይ ባይና ማንቆታ ዩላዩቲ? ታ ሂንቲና ዋይሳ? ሃይሳስ ታ ሂንቲና ናሽ? ናሽከ።

23 ታሲ ሂንቴው አሚዳ ተሚርቲያ ጎዳጥ ኤካሰ። ጎዳ ዩሱሲ አጂዲ አሚቴያ ቃማን ኡይላ ኤኪዲ። 24 ያሳ ጋላቲሰ። ኡይላ ባሌዲ «ሂራቲ፤ ማቲ። ሃይሲ ሂንቴው አሚቴያ ታ አሹዋ። ሃይሳ ማሼ ታና ሃሳዩቲ» ያረሰ። 25 ሃሳዳካ፣ ካሁዋ ሚዲ ሰሚን፣ ፀዓ ኤኪዲ፣ «ሃይሲ ፀዓይ ታ ሱላን ኤቁያ ኡራሳ ጫቁዋ። ሂንቴ ኤያጥ ኤያ ዋዴ ኡባን ታ ሃሳዩቲ» ያረሰ። 26 ሂንቴ ሃ ኡይላ ሚያ ዋዴኔ ሃ ፀዓ ኤያ ዋዴ ኡባን ጎዳይ ያና ጋካናው ኤያ ሃይቁዋ ኦደታ።

27 ሃሳ ጊሾ፣ ቤሶና ኦጊያን ጎዳ ኡይላ ሚያ ዋይኮ ጎዳ ፀዓ ኤያ ኦኒካ ኤያ አሹዋኔ ሱላ ቶቹዳ ጊሾ ባ ናጋጋን ኦይሼቲሰ። 28 ሺን አሲ ባና ፓጮ። ያቲዲ ኡይላ ሞ፤ ፀዓፕካ ኡ። 29 ጎዳ አሹዋባ ሻኪ ኤርና፣ ኡይላ ማይኔ ፀዓፕ ኡይላ፣ ሳ ቦላ ፐርዳ ሚሰኔ ኡይሰ። 30 ሃሳ ጊሾ፣ ሂንቴ ጊዳፊ ዳርቲ ዳቡራዶሶና፤ ሃርጊዶሶና፤ ቃሲ ኤንዳና አሳቲ ሃይቁዶሶና። 31 ሺን ኦ ኦና ፓጪ ቤሲዳባ ጊዲያኮ፣ ኦ ቦላ ፐርዳታናሺን። 32 አላሚይ ፐርዳቲያ ዋዴ ኦ አላሚያራ ፐርዳቶና ማላ ሃላ ጎዳይ ኦና ሱሪሰ።

33 ሃሳ ጊሾ፣ ታ አሻቶ፣ ጎዳ ካሁዋ ማናው ሂንቴ ሸቁያ ዋዴ ኤሶይ ኤሱዋ ጋሌ ኤኪቲ። 34 ሂንቴ ሸቆይ ፐርዳሰ ጊዳና ማላ ኮሻቲዳ ኦኒካ ዳሲኮ፣ ባ ሶን ሞ።

አቲዳባ ታሲ ያ ባዳ ሂንቴው ኦዳና።

12

ጌሻ አያና አሞታታ

1 ታ አሻቶ፣ ጌሻ አያና አሞታታባ ሂንቴ ኤራና ማላ ታ ኮያሰ። 2 ሂንቴ ያሳ አማናና ዋዴ ዶሪ ባይና ኤቃታን ጎሼቲዲ፣ ሂንቴ ኤርና ቢ ቤዳይሳ ኤሬታ። 3 ያሳ አያናይ ካሌሊያ አሲ ኦኒካ፣ «ዩሱሲ ቃንጌቶ» ያኑና። ቃሲ ጌሻ አያናይ ካሌሊያ ዳሊሺን፣ ኦኒካ፣ «ዩሱሲ ጎዳ» ጋናው ዳንዳዳይሳ ሂንቴ ኤራና ማላ ኮያሰ።

4 ዳማ ዳማ አያና አሞታታ ዳዎሶና፣ ሺን አሞታታ አሚያ አያናይ ኤሱዋ። 5 ኦ ጎዳሰ ኦሊያ ዳማ ዳማ ኦሶቲ ዳዎሶና፣ ሺን ጎዳይ ኤሱዋ። 6 ኦ ጎዳሰ ኦሊያ ዳማ ዳማ ኦጌቲ ዳዎሶና፣ ሺን ሄ ኦኒታን አሳ ኡባን ኦሊያ ያሳይ ኤሱዋ። 7 ሺን ኤሱዋሰ ኤሱዋሰ አሚቲዳ አሞታታን ሃራታ ማዳና ማላ ጌሻ አያናይ ቆንጨኩ።

8 ጌሻ አያናይ ኤሱዋሰ ጨንጫቲላ ኩሚዳ ቃላ አሚሰ፤ ቃሲ ኤሱዋሰ ኤራቲላ ኩሚዳ ቃላ አሚሰ። 9 ሄ ጌሻ አያናይ ኤሱዋሰ አማና፣ ሃንኩዋሰ ቃሲ ፓሊያ ዋልቃ አሚሰ። 10 ጌሻ አያናይ ኤሱዋሰ ማላታ ኦሊያ ዋልቃ፣ ኤሱዋሰ ቲንቢቲ ኦይያ ዋልቃ አሚሰ። ኤሱዋሰ አያናፕ አያና ሻኪ ኤሪያ ዋልቃ፣ ኤሱዋሰ ዳማ ዳማ ዶናን ኦይያ ዋልቃ፣ ቃሲ ኤሱዋሰ ዳማ ዳማ ዶናን ኦይቲዳይሳ ቤርሺያ ዋልቃ አሚሰ። 11 ሺን ሃ ኡባ ኦሊይ ሄ ኤሲ ጌሻ አያና። ኤ ኮያ ማላ ኤሲ ኤሲ አሳሰ ዳማ ዳማ አሞታ አሚሰ።

አሳቴላይ ዳማ ዳማ ቢሊቲታ

12 ኤሲ አሳቴላን ዳር ቢሊቲቲ ዳዎሶና፣ ሺን ሄ ዳማ ዳማ ቢሊቲቲ ኤሲ አሳቴላ ጊዶሶና። ሃሳዳካ፣ ከሪሰቶሲ ዳማ ዳማ ቢሊቲቲ ዳሊያ አሳቴላ ማላ። 13 ኦኒ ኦይሁዳ ጊዲን ጊሪኬ ጊዲን አይሌ ጊዲን ዋማና ጊዲን፣ ኡባይ ኤሲ አሳቴላ ጊዳናው ጌሻ አያናን ፃማቁቲዳ። ቃሲ ኦ ኡባይ ኤሲ ጌሻ አያና ኤኪዳ።

14 ኦ አሳቴላን ዳማ ዳማ ቢሊቲቲ ዳዎሶና፣ ኦኒካ ኤሲ ቢሊቲ ጊዳና። 15 ቶሆይ፣ «ታሲ ኩሻ ጊዳና ጊሾ ቢሊቲ ጊዲኬ» ጊኮ፣ ኤ ሃሳ ጊዳ ጊሾ ቢሊቲቲላይ አቲዬ? 16 ሃይላ፣ «ታሲ አይፊ ጊዳና ጊሾ ቢሊቲ ጊዲኬ» ጊኮ፣ ኤ ሃሳ ጊዳ ጊሾ አሳቴላፊ ኤሲ ቢሊቲ ጊዳይሲ አቲዬ? 17 አሳቴላ ኡባይ አይፊ ፃላላ ጊዲዳኮ፣ ኦ አይቢን ሰዓን? ቃሲ አሳቴላ ኡባይ ሃይላ ፃላላ ጊዲዳኮ ኦ አይቢን ሰንጋይ?

18 ሺን ያሳይ ባ ኮዩዳይሳዳ፣ አሳቴላ ጊዳን ዳማ ዳማ ቢሊቲታ ዋላሰ። 19 ኡባይ ኤሲ ቢሊቲ ጊዲዳኮ አሳቴላ ዋሲዲ ዳን? 20 ሺን ቢሊቲቲ ዳር ጊዲኮካ፣ አሳቴላይ ኤሱ።

21 አይፊይ ኩሼኮ፣ «ኔ ታው ኮሻካ» ጋናው ዳንዳዳና። ዋይኮ ሁዔይ ቶሆኮ፣ «ኔ ታው ኮሻካ» ጋናው ዳንዳዳና። 22 ሺን ዳቡራ ዳሊያ አሳቴላ ቢሊቲቲ ኦሰ አጂዲ ኮሾሶና። 23 ቦንቾ ኮሼና ጊዳ ኦ ቆፕያ ኦ ቢሊቲታታ ባጋታ ዳር ቦንቾሰ። ቃሲ ኦ ቦርሴቲያ ኦ አሳቴላ ቢሊቲታ አሉ ቦንቾዲ ናኅሰ። 24 ኦ ቤዳን ቦርሶና አሳቴላ ቢሊቲታሰ ቦንቾ ኮሼና። ሺን ያሳይ ኦ አሳቴላ ቢሊቲታ ዋሊራ ጋሴሊዲ ቦርሲያ ቢሊቲታሰ አጂያ ቦንቾ አሚሰ። 25 አሳቴላ ቢሊቲቲ ኤሶይ ኤሱዋራ ሻኮ ሜቶና ዋሊሰ ቆፓና ማላ ኦሊዲ ሜቲሰ። 26 አሳቴላ ቢሊቲታፕ ኤሶይ ሳኩቲኮ ቢሊቲቲ ኡባይ ኤያራ ሳኩቶሶና። አሳቴላ ቢሊቲታፕ ኤሶይ ቦንቾቲኮ ቢሊቲቲ ኡባይ ኤያራ ኡፋይቶሶና።

27 ሂንቲ ኡባይ ከሪሰቶሳ አሳቴል፤ ቃሲ ሂንቲ ኢሶይ ኢሶይ ኢያ ቢሊቲታ። 28 ዋሳ ኬላን የሳይ፣ ኮይሮ ሃዋሪታ፣ ናምባንሳ ናቤታ፣ ሂዳንሳ አስታማሪታ፣ ካሊ.ዲ ማላታ ኦልይሳታ፣ ፓልይሳታ፣ ሃሪታ ማይይሳታ፣ ዋሳ ኬላ አይሴይሳታ፤ ዲማ ዲማ ደናን ሃሳዬይሳታ ዋሊሲ።

29 ኡባይ ሃዋሪ? ኡባይ ናቤ? ኡባይ አስታማሪ? ኡባይ ማላታ ኦል? 30 ኡባይ ፓልይ? ኡባይ ዲማ ዲማ ደናን ኦይቲ? ኡባይ ዲማ ዲማ ደናን ኦይቶይሳ ቢርሺ? 31 ሺን ኡባሬ ኣጂያ አዎታ ማንሳ.ዲ ኮይቲ።

ቃሲ ኡባሬ ኣጂያ ኦጊያ ታ ሂንቲና ቤሳና።

13

ቱማ ሲቆ

1 ታኒ አሳ ቃላኔ ከታንቸ ቃላ ኦይታናው ደንደባካ፣ ታው ሲቆይ ጳይኮ፣ ጮ ገሪያ ደላ ማላ። 2 ቲንቢቲ ኦዲያ አዎይ ታው ደባካ፣ ጮ ኡባ ኤሪኮካ፣ ኤሪቲል ኡባይ ደባካ፣ ቃሲ ደሪያ ደንሳ.ዲ ሃራሶ ኤፊያ አማናይ ታው ደባካ፣ ሲቆይ ጳይኮ፣ ታ ኣይኮካ ገዲኬ። 3 ታው ደባካ ኡባ ማንቆታሰ አሚኮካ፣ ሃሪ ኣቶሺን፣ ታና ታማሰ አላ አሚኮካ፣ ሲቆይ ጳይኮ ታና ኣይኮካ ማዳና።

4 ሲቆይ ደንደባንቸ። ሲቆይ ኬሃ። ሲቆይ ቃናቴና። ሲቆይ ጨቁቴና። ሲቆይ ኦቶሪና። 5 ሲቆይ ቤሶና ስልና። ሲቆይ ኡዜቴና። ሲቆይ ዪሎቴና። ሲቆይ ባ ቆሆ ፓይዳና። 6 ሲቆይ ቱማን ኡፋይቲሲ፣ ኣቲን ዋርደን ኡፋይቲና። 7 ሲቆይ ኡባ ደንደባሲ፤ ኡባ ኣማኔሰ፤ ሎዋባይ ሃናና ገዲ፣ ኡፋይሳን ናጌሰ፤ ኡባ ጌንጨሱ።

8 ሲቆይ ወርሴል ጋካናው ጳይና። ሺን ቲንቢቲይ ኣታና፤ ዲማ ዲማ ደናን ኦይቲይሲ ኣታና፤ ኤሪቲል ካ ኣቆና። 9 ኦ ኤሪቲልሬ ጉል ኤርሰ፤ ቲንቢቲያፕ ጣጋ ኦደሰ። 10 ሺን ፖሎ ገዲደይሲ ያ ዋዳ ፖሎ ገደናይሲ ኣታና።

11 ታኒ ናባ ደባካ ዋዳ ናባዲ ሃሳይሰ፤ ናባዲ ቆፓይሰ፤ ናባዲ ኣከካይሰ። ታ ካሃሚዳ ዋዳ ናባቲላ ሃኑዋ ኣገሰ። 12 ሃላ ፖይይ ባይናሶን ማስቶቲን ቤዳይሳዲ ቤዳ። ሺን ሃ ዋዳ ኦ ቆንጨኩን ቤዳና። ሃላ ኦ ኤሪቲልሬ ጉል ኤርሰ። ሺን ሃ ዋዳ የሳይ ኦና ኤሪቲልሬ ፖሎ ኤሪና።

13 ሂዛ፣ አማናይ፣ ኡፋይሰይ ሲቆይ፣ ሃ ሂዳቲ ኤቁዲ ደና። ሺን ሃይሳታፕ ኣጂይ ሲቆ።

14

ቲንቢቲኔ ዲማ ዲማ ናና

1 ሲቆ ካሊቲ። ኣያና አዎታታ ማንሳ.ዲ ኮይቲ፤ ኡባሬ ኣላ.ዲ፣ ቲንቢቲ አዎታ ማንሳ.ዲ ኮይቲ። 2 ዲማ ዲማ ደናን ኦይቲያ አሲ የሳሰ ኦይሲ፣ ኣቲን ኣሳሰ ኦይና። ሺን ኣሳሰ ቆንጨሲና ጮ ኣያና ዋልቃን ኦይቲያ ገሾ ኦኪ ኢ ኦይቲይሳ ኣኬኬና። 3 ሺን ቲንቢቲ ኦይቲይሳ አሲ ዲቻናው፣ ማንሳ.ዲናውኔ ማንሳናው ኣሳሰ ኦይሰ። 4 ዲማ ዲማ ደናን ኦይያ አሲ ባና ዲቻሰ። ሺን ቲንቢቲ ኦይያ አሲ ዋሳ ኬላ ዲቻሰ።

5 ሂንቲ ኡባይ ዲማ ዲማ ደናን ኦይቲያን ታ ደሳይሰ። ሺን ቲንቢቲ ኦይቲይሳ ኣላዲ ደሳይሰ። ዲማ ዲማ ደናን ኦይቲይሳ ዋሳ ኬላ ዲቻናው ቢርሺያ አሲ ጳይኮ፣ ዲማ ዲማ ደና ኦይቲያሳሬ ቲንቢቲ ኦይይሲ ኣጂሰ።

6 ሺን ታ ኣሻቶ፣ ታኒ ሂንቲኮ ባዳ ቆንጨኩን ዋይኮ ኤሪቲልን ዋይኮ ቲንቢቲ ኦይን ዋይኮ ቲሚርቲን ገደናሺን ዲማ ዲማ ደናን ኦይቲኮ ሂንቲና ኣይ ማዳኔ? 7 ዲማ ዲማ ዬላ ሚሺታሰ አሲ ቆዋ ገርሲ ደባካ፣ ሱሱልዒ ገርሲ ኢ ዲላ ገርሲ ዋቲዲ ሻኪ ኤሪና? 8 ቃሲ ዋይኪ ዋናይ ገደዲ ኤሪቶና ኢቂኮ ኦላሰ ገቢቲይ ኦይ? 9 ሃሳዳካ፣ ዲማ ዲማ ደናን ሂንቲ ኦይቲይሲ ቆንጨ ጌዪዲ ኣቂኮ ሂንቲ ኦይይሳ ኦኒ ኤሪና? ሂሲ ጫርኮሰ ኦይያ ማላ።

10 ሃ ኣላሚያን ዳር ደናቲ ደዎሶና፤ ሃ ኡባሰ ቢርሺል ደባሰ። 11 ሺን ኢሲ ኣሲ ኦይቲያ ደና ታኒ ኤርና ኣቂኮ ኢ ታው አማል ገደሰ፤ ታካ ኢያው አማል ገደይሰ። 12 ሃሳዳካ፣ ጌሻ ኣያና አዎታ ሂንቲ ኤካናው ማንሳ.ዲ ኮይኮ፣ ዋሳ ኬላ ዲቻናው ኡባሬ ኣጂያ አዎታ ኮይቲ።

13 ዲማ ዲማ ደናን ኦይቲያ አሲ ባ ኦይ ቢርሻናው ቢርሺል አዎታይ አሚታና ማላ ያሳ ዋሰ። 14 ታኒ ዲማ ዲማ ደናን ያሳ ዋሰኮ፣ ታ ኣያናይ ዋሰኮ፣ ሺን ታ ዋዛናይ ኣይኮካ ጎዒቲና። 15 ያቲን፣ ታ ኣይ ኦላናው ኮሺ? ታኒ ታ ኣያናን ዋሳይሰ፤ ታ ዋዛናን ዋሳይሰ። ታኒ ታ ኣያናን ዬይሰ፤ ታ ዋዛናን ዬይሰ። 16 ሃሳ ገደና ኢቂኮ ኦኒ ኦ ኣያናን ያሳ ጋላቲያ ዋዳ ሂ ቤሳን ኦኒ ጌይሳ ኤርና አሲ ኦ ጋላቲይሳ ዋይገዲ፣ «አሚንዒ» ጋኔ? 17 ኦኒ ያሳ ጋላቲይሲ ሎዎ? ሺን ሃሪ ኣሲ ማዳና።

18 ታ ሂንቴ ኡባፌ አላዳ ዲማ ዲማ ደናን ኦዴቲያ ገሾ ያሳ ጋላታይስ። 19 ሸን ታኒ ዋሳ ኬላን ሃራታ ታማርሳናው ዲማ ዲማ ደናን ታሙ ሙኩሉ ቃላ ኦዴታናፕ ኤሬቲያ ደናን ኢቻቸ ቃላ ኦዴታናው ደሳይስ።

20 ታ አሻቶ፣ ሂንቴ ቆፋን ናይታዳ ሃናፕ፡፡ ሂንቴ ኢታባሰ ናይታዳ ሃኒቴፕ አቲን ሂንቴ ቆፋን ካሃማታ ገዲቲ። 21 ጎዳይ፣ ገሻ ማፃፃ። «ታኒ ሃ አሳስ።

ዲማ ዲማ ደናን ኦዴቲያ አሳኒኔ ኢማላ ኢንፃርሳን ኦዴቲያ አሳን ኦዳና።

ሸን ሄሲ ሃኒኒካ ታና ሲፆኮና» ያጌሰ።

22 ሂዛ፣ ዲማ ዲማ ደናን ሃሳዮይ፣ አማኖና አሳሰ ማላ ገዴሲፕ አቲን አማኒያ አሳሳ ገዴና። ቲንቢቲይ አማኒያ አሳሰ ማላ ገዴሲፕ አቲን አማኖና አሳሳ ገዴና።

23 ዋሳ ኬላ አሳይ ኢሲፌ ሸቁያ ዋዴ ኡባይ ዲማ ዲማ ደናን ኦዴቲኮ ኤርና ዋይኮ አማኖና አሳይ ሂንቴ ሸቁዋ ዪዲ፣ «ሃይሳቲ ጎሶሶና» ጎኮናዬ? 24 ሸን ኤርና ዋይኮ አማኖና አሳይ ዋሳ ኬላ ያ ዋዴ አሳይ ቲንቢቲ ኦዲሸን፣ ሲዲኮ ባ ናጋራ አከካና፤ ቃሲ ኢ ሲዲዳ ቃላን ፐርዴታና። 25 ኢንቴ ኢያ ዋዛናን ጌማዳ ቆፋ ቆንጨሳና። ሄሳዳካ፣ «ቲማ ያሳይ ሂንቴ ገዴን ዴዔስ» ያገዲ ማርካቲዲ፣ ጉፋኒዲ ያሳሰ ጎይናና።

ጎይኖ ማራ

26 ታ አሻቶ፣ ኦ ዋይገና? ሂንቴ ኢሲፌ ሸቁያ ዋዴ ኢሱዋሰ ማዘሙሬይ ዴዔስ፤ ኢሱዋሰ ታማርሳ አሞቲ ዴዔስ፤ ኢሱዋሰ ቆንጨ፡፡ፊ ዴዔስ፤ ኢሱዋሰ ዲማ ዲማ ደናን ሃሳዮይ ዴዔስ፤ ኢሱዋሰ ቢርሼላ አሞቲ ዴዔስ። ሄ ኡባይ ዋሳ ኬላ ዲቺያባ ገዴናው ቤሴስ። 27 ዲማ ዲማ ደናን ኦዴቲያ አሳቲ ዴዒኮ፣ ናምባ ዋይኮ ዳሪኮ ሄዻ ገዲዲ ማራን ማራን ሃሳዮናው ቤሴስ። ኢንቴ ኦዴቲይሳ ሃራ አሲ ቢርሼ። 28 ሸን ቢርሼያ አሲ ቆዩኮ፣ ዲማ ዲማ ደናን ኦዴቲይሲ ዋሳ ኬላን ሲዲ ጎ። ባዉኔ ባ ያሳሰ ኦዴ።

29 ቲንቢቲ ኦዴይሳቲ ናምባ ዋይኮ ሄዻ ገዲዲ ኦዴ። ቃሲ ሃራቲ ኢንቴ ገያባ ፐርዴና። 30 ሄ ሸቁዋን ዴዒያ ሃራ አሳሰ ኢሲባይ ቆንጨኮ ካሴ ኦዴቲይሲ ሲዲ ጎ። 31 ኡባይ ታማራና ማላኔ ኡባይ ማናና ማላ ማራን ማራን ቲንቢቲ ኦዴናው ዳንዳዔታ። 32 ናቢታ አያናይ ናቤታሰ ከቲቴስ። 33 ገሻታ ዋሳ ኬላ ኡባይ ማዘቲዳይሳዳ ያሳይ ሳርቲላ ያሳፌ አቲን ጫቦ ያሲ ገዴና።

34 ማጫሲ ዋሳ ኬላን ሲዲ ጎ። ሙሴ ሂጌይ ጌይሳዳ ኢንቴ ሃራቶፌ አቲን ዋሳ ኬላን ኦዳናው ኢንታው ማቲ ባሞ። 35 ማጫሲ ዋሳ ኬላን ሃሳዮይ ቦርሶ ገዲያ ገሾ ኢሲባ ኤራናው ኮይኮ ሶን ባንታ አዘናታ ኦይቾና።

36 ያሳ ቃላ ኮይር ሂንቴ ኤሂዳቲ? ዋይኮ ያሳ ቃላይ ሂንቴ ያላላኮ ዪዲ? 37 ኦኒካ ባና ናቤ ዋይኮ ባና ያሳ አሲ ገዲ ቆፕኮ፣ ታኒ ሂንቴው ያፌይሲ ጎዳ ኪታ ገዴይሳ አከኮ። 38 ሸን ኦኒካ አከኮና ኢዲኮ ኢካ አከኮቶፎ።

39 ሄሳ ገሾ፣ ታ አሻቶ፣ ቲንቢቲ ኦዳናው ማንሲዲ አሞቲቴ፤ ቃሲ ዲማ ዲማ ደናን ኦዴቲይሳካ ዳሳፌቲ። 40 ሸን ኡባይካ ዋጋኒኔ ማራን ገዴ።

15

ከሪሰቶሳ ሃይቆፕ ዴንዲዋ

1 ታ አሻቶ፣ ታ ሂንቴው ማርካቲዳ ዋንጌላ ሂንቴ ኤኪዳይሳኔ ሂንቴ አማኖይ ኢያን ኤቁዳይሳ ሂንቴ አከካና ማላ ኮያይስ። 2 ታ ታማርሲዳ ዋንጌላ ማንሲዲ ለይኪኮ ሂንቴ ኢያን አታና። ሄሲ ሃኖና ኢዲኮ ሂንቴ አማኖኦይ ሃዳ ገዴና።

3 ታኒ ኤኪዳ ኡባፌ አጂያ ኪታ ካሴታዳ ሂንቴው ኢማሰ። ሄሲካ፣ ገሻ ማፃፃይ ጌይሳዳ፣ ከሪሰቶሲ ኦ ናጋራ ገሾ ሃይቁስ። 4 ሞጌቲስ፤ ገሻ ማፃፃይ ጌይሳዳ፣ ሄዻጎላ ጋላሳን ሃይቆፕ ዴንዲስ። 5 ጴይርሳሰ ቆንጨስ። ሄሳፌ ጉዬ፣ ታማኔ ናምባ ሃሞራታሰ ቆንጨስ። 6 ሄሳፌ ጉዬ፣ ኢቻቸ ይታፕ ዴሪያ አሳሰ ኢሲ ቶሃ ቆንጨስ። ኢንታፌ ዴሪያ ባጋይ ሃሳ ጋካናው ጋፃ ዴይሶና፣ ሸን ጉላቲ ሃይቁዳሶና። 7 ሄሳፌ ጉዬ፣ ያይቆባሰ ቆንጨስ፤ ጉዬፕ ባ ሃሞራታ ኡባሰ ቆንጨስ።

8 ቃሲ ወርሲላን አዉጫያ ማላ ገዲዳ ታው ቆንጨስ። 9 ታኒ ዬሱሳ ሃሞራታ ኡባፌ ላፋ። ታኒ ያሳ ዋሳ ኬላ ጎዲዳ ገሾ ዬሱሳ ሃሞራ ጌቲታዳ ያጌታናው ቤሶናይሳ። 10 ሸን ያሳ አጾ ከሃቴላን ታ ሃሳ ጌዲዳይሳ ገዲስ፤ ኢ ታው አሚዳ አጾ ከሃቴላይ ማላ አቲቤና። ታኒ ሃንኮ ሃሞራታፕ አላዳ ዳቡራስ። ሸን ታራ ዴዒያ ያሳ አጾ ከሃቴላይ ኦሊሰፕ አቲን ታና ገዲኬ። 11 ሂዛ፣ ታና ገዲን ኢንቴ፣ ኦ ኡባይ ታማርሲይ ሄሳ፤ ሂንቴካ ሄ ኪታ አማኒዳታ።

14:21 ኢሳ 28:11-12 15:3 ኢሳ 53:5-12 15:4 ማዘ 16:8-10፤ ማቶ 12:40፤ ሃ.ኦ 2:24-32 15:5 ማቶ 28:16-17፤ ማር 16:14፤ ሉቃ 24:34፤ 36፤ ዮሃ 20:19 15:8 ሃ.ኦ 9:3-6 15:9 ሃ.ኦ 8:3

ሃቆፔ ዳንዶ

12 ከሪስቶሲ ሃይቆፔ ዳንዲዳይሳ ኑ ሳባኪያ ዋዴ ሂንቴፊ ኢሶቴ ኢሶቴ ያቴን፥ ዋይጊዲ፥ «ሃይቆፔ ዳንዲዳይ ባዋ» ያገና? 13 ሃይቆፔ ዳንዲዳይ ባይናባ ጊዲኮ ከሪስቶሲ ሃይቆፔ ዳንዲቤና ጉሱ። 14 ከሪስቶሲ ሃይቆፔ ዳንዲቤናባ ጊዲኮ ኑ ቲሚርቴይ ቃሲ ሂንቴ ኣማኖይካ ሃድ። 15 ሃይቆፔ ዳንዲዳይ ባይናቢ፥ ኑኒ ያሳድ፥ «ከሪስቶሳ ሃይቆፔ ዳንዲሰ» ያጊዲ ሳባኪሺ ያሳ ዋርዳንቾ ማርካታ ጊዲዳ ጉሱ። 16 ሃይቆዳ ኣሳይ ሃይቆፔ ዳንዲቤናባ ጊዲኮ ሂዛ፥ ከሪስቶሲ ሃይቆፔ ዳንዲቤና። 17 ከሪስቶሲ ሃይቆፔ ዳንዲናባ ጊዲኮ፥ ሂንቴ ኣማኖይ ሃዳ፤ ቃሲ ሂንቴ ሃዲ ጋካናው ሂንቴ ናጋራን ዲዳ። 18 ሂዛ፥ ከሪስቶሳ ኣማኒዲ ሃይቆዳይሳቴካ ቆዶዶሶና ጉሱ። 19 ኑኒ ሃ ኣላሚያ ዴዑዋ ያላላሲ ከሪስቶሳን ኡፋይሲ ኦላዳባ ጊዲኮ፥ ሃ ሳዓን ዲዳያ ኣሳ ኡባፌ ኑባይ ኣቋዳ ዪባታ።

20 ሺን ከሪስቶሲ ሃይቆዳይሳታሰ ሃይቆፔ ዳንዲን ባይራ ጊዲዲ ቱማ ዳንዲሰ። 21 ሃይቆይ ኢሲ ኣሳ ባጋራ ሃ ኣላሚያ ዪዴይሳዳ ሃይቆፔ ዳንዲዳይ ኢሲ ኣሳ ባጋራ ዪሰ። 22 ኣዳሚ ባጋራ ኣሳ ኡባይ ሃይቆዳይሳዳ ከሪስቶሳ ባጋራ ኣሳ ኡባይ ዳዎን ዳና። 23 ሺን ኢሶይ ኢሶይ ባ ማራን ማራን ዳንዲና። ከሪስቶሲ ኡባፌ ካሲቴዲ፥ ማታኔ ዋልቃ ኡባ ቆይሲዲ፥ ካዋቴላ ያሳ ኣዋሲ ኣሚያ ዋዴ ዋዲያ ወርሲላይ ያና። 25 ያሳይ ኢያ ሞርኬታ ኡባ ኢያ ቶሁዋፔ ጋርሳን ዋላና ጋካናው ከሪስቶሲ ሃራናው ቤሲሰ። 26 ወርሲላን ኢ ቆይሳናው ዲዳያ ሞርኬይ ሃይቆ። 27 ጌሻ ማፃፋ፥ «ያሳይ ኡባባ ኢያ ማታፔ ጋርሳን ሃራሲሰ» ጌቴቲዲ ያፌቴሰ። ሺን ኡባ ኢያ ማታፔ ጋርሳን ሃራሲሰ ጌይሲ፥ ኡባባ ኢያ ማታፔ ጋርሳን ሃራሲዳ ያሳ ጉጅና። 28 ኡባባይ ከሪስቶሳ ማታፔ ጋርሳን ሃራቴዳፔ ጉዬ ከሪስቶሲ ቃሲ ባ ሁዒን ኡባባ ባው ሃራሲዳ ያሳሰ ሃራታና። ሄ ዋዴ ያሳይ ባ ያላላ ኡባ ሃራና።

24 ሃሳፌ ጉዬ፥ ከሪስቶሲ ሃራይሳ፥ ማታኔ ዋልቃ ኡባ ቆይሲዲ፥ ካዋቴላ ያሳ ኣዋሲ ኣሚያ ዋዴ ዋዲያ ወርሲላይ ያና። 25 ያሳይ ኢያ ሞርኬታ ኡባ ኢያ ቶሁዋፔ ጋርሳን ዋላና ጋካናው ከሪስቶሲ ሃራናው ቤሲሰ። 26 ወርሲላን ኢ ቆይሳናው ዲዳያ ሞርኬይ ሃይቆ። 27 ጌሻ ማፃፋ፥ «ያሳይ ኡባባ ኢያ ማታፔ ጋርሳን ሃራሲሰ» ጌቴቲዲ ያፌቴሰ። ሺን ኡባ ኢያ ማታፔ ጋርሳን ሃራሲሰ ጌይሲ፥ ኡባባ ኢያ ማታፔ ጋርሳን ሃራሲዳ ያሳ ጉጅና። 28 ኡባባይ ከሪስቶሳ ማታፔ ጋርሳን ሃራቴዳፔ ጉዬ ከሪስቶሲ ቃሲ ባ ሁዒን ኡባባ ባው ሃራሲዳ ያሳሰ ሃራታና። ሄ ዋዴ ያሳይ ባ ያላላ ኡባ ሃራና።

29 ሃይቆዳይሳቴ ዳንዲናባ ጊዲኮ ኢንታ ገሾ ኣሳሰ ኣይቤ ዋዴይ ዲዳ፥ ሃይቆዳይሳቴ ዳንዲናባ ጊዲኮ ያቴን፥ ኣይሰ፥ ኣሳይ፥ ኣሳይ ሃይቆዳይሳታ ገሾ ያማቆቶና?

30 ያቴን፥ ኑኒ ኣይሰ ኡባ ዋዴ ኑናቴላ ሜቶሰ ኣላ ኣሞና? 31 ታ ኣሻቶ፥ ታ ጋላሰ ጋላሰ ሃይቆሰ ኣቆዳ ኣሚታይሰ። ሄሲካ፥ ጎዳ ከሪስቶሰ ዬሱሳን ዲዳያ ዴዑዋ ኢሲፌቴላን ሂንቴናን ጨቁያ ገሾኣ። 32 ኣሳ ቆፋላ ጊዲኮ፥ ታጌ ኡፌሶናን ደዓራ ቡቴቴዳይሲ ታና ኣይ ማዴ? ሃይቆዳይሳቴ ሃይቆፔ ዳንዲናባ ጊዲኮ፥ «ዋንቶ ኑ ሃይቆያ ገሾ ሃቺ ማና ኡያና» ያጊያ ኣሳ ማላ ጊደሰ።

33 ጨሚቶፊቴ! ኢታ ላጌቴላ ሎዮ ኣማሊያ ኢሲሰ። 34 ሂንቴ ሃካክኮ ሲሚቴ፥ ናጋራ ኦሎፊቴ፥ ሂንቴፊ ኢሲ ኢሲ ኣሳይ ያሳ ኡርኮና። ታጌ ሂንቴና ዬላያናው ኣሳ ጋይሰ።

ዳንዲ ኣሳቴላ

35 ኢሲ ኣሳ፥ «ሃይቆዳ ኣሳይ ዋኒዲ ዳንዲኔ? ኤንቴ ኣይ ማላ ኣሳቴላራ ያኔ?» ያገና ኣጌና። 36 ኔና ኢያው፥ ኔኒ ቢታን ዜሪያ ዜሪሳይ ሃይቆና ዶሊና። 37 ኔኒ ዜሬይ ገሰቴ ጊዲን ዋይኮ ሃራ ካላ ቆዋ ኣይፌ ያላላ ዜሪሳፔ ኣቴን ዶሊዳ ዶላ ጊደና። 38 ሺን ያሳይ ዜሪሳሰ ባ ዶሲዳ ሚላ ሚዴቴላ ኣሚሰ። ዲማ ዲማ ዜሪሳሰ ዲማ ዲማ ኣሳቴላ ኣሚሰ። 39 ሚዴቴላ ኡባ ኣሻይ ኢሰ ጊደና። ሺን ኣሳ ኣሻይ ኢሰቱ፤ ሚሄ ኣሻይ ዲማ፤ ካፎታ ኣሻይ ዲማ፤ ቃሲ ሞሎ ኣሻይ ዲማ።

40 ሳሎ ኣሳቴላ ዴዒሰ፤ ቃሲ ሳዓ ኣሳቴላ ዴዒሰ። ሺን ሳሎ ኣሳቴላ ቦንቾይ ዲማ፤ ቃሲ ሳዓ ኣሳቴላ ቦንቾይ ዲማ። 41 ኣዋ ቦንቾይ ዲማ፤ ኣጌና ቦንቾይ ዲማ፤ ያለንቶታ ቦንቾይ ዲማ፤ ኢሲ ያለንቶይ ሃንኮ ያለንቱዋፌ ቦንቾን ዲማቴሰ።

42 ሃይቆዳይሳቴ ሃይቆፔ ዳንዲያ ዋዴ ሃሳዳ ሃናና። ሃይቆያ ኣሳቴላይ ዜራቴሰ፤ ሃይቆና ኣሳቴላ ጊዲዲ ዳንዲሰ። 43 ቶሺን ዜራቴዲ፥ ቦንቾን ዳንዲና፤ ደቡራን ዜራቴዲ፥ ዋልቃን ዳንዲና። 44 ሚዴቴላ ኣሳቴላይ ዜራቴዲ፥ ኣያና ኣሳቴላ ጊዲዲ ዳንዲና። ሚዴታ ኣሳቴላ ዲዒኮ፥ ኣያና ኣሳቴላ * ዴዒሰ።

45 ሃሳዳካ፥ ጌሻ ማፃፋን፥ «ኮይር ኣዳይ፥ ኣዳሚይ፥ ፓፃ ዲዳያ ኣሲ ጊዲዲ ሚዴቴሰ» ያጌሰ። ሺን ወርሲላ ኣዳሚይ፥ ከሪስቶሲ፥ ዴዮ ኣሚያ ኣያና ጊዲሰ። 46 ሺን ሚዴታ ኣሲ ኮይር ዪን፥ ጉዬ፤ ኣያና ኣሲ ዪሲ፤ ኣቴን ኣያና ኣሲ ኮይር ዪሲና። 47 ኮይር ኣዳሚይ ቢታፌ ሚዴቴዳ ቢታ ኢሲ፤ ፖሞፃንፃ ኣዳሚይ ሳሎፔ ዪዳ ሳሎ ኣሲ። 48 ቢታፌ ሚዴቴዳይሳቴ ቢታፌ ሚዴቴዳይሳ ዳናሶና። ሳሎይሳቴ ሳሎፔ ዪዳይሳ ዳናሶና። 49 ኑኒ ቢታፌ ሚዴቴዳ ኣዲያ ዳኔይሳ ሚላ ሳሎፔ ዪዳ ኣዲያ ዳናና።

50 ታ ኣሻቶ፥ ታ ጌይሲ ሃሳ፤ ሃዲ ኑ ማዒዳ ኣሳቴላይ ያሳ ካዋቴላ ላታናው ዳንዲዳና። ዋቂያ ኣሳቴላይ ዋቆና ኣሳቴላ ላቴና።

15:25 ማዘ 110:1 15:27 ማዘ 8:6 15:32 ኣሳ 22:13 * 15:44 ኣያና ኣሳቴላ፡ ጌሻ ኣያናይ ሃራዳ ዋይኮ ጌሻ ኣያናይ ዴዮ ኣሚዳ ኣሳቴላ ጉሱ። 15:45 ሜዴ 2:7

51 ታ ሂንቲው ኢሲ ጸራ ኦዳና። ኑ ኡባይ ሃይቆኮ፣ ሽን ወርሴላን ኡባይ ላሚታና። 52 ዋይዜይ ፑኒቲያ ዋይ አይፌይ ቂጶ ያለናው ሃሳዮና ላሚታና። ሃይቂዳ አሳይ ዋቆና ኢሲ ጊዲዲ ዴንዳና፤ ኑካ ላሚታና። 53 ሃይሲ ዋቂይሲ ዋቆናይሳ፣ ሃይሲ ሃይቂይሲ ሃይቆናይሳ ማዓናው ቤሴስ።

54 ሃይሲ ዋቂይሲ ዋቆናይሳ፣ ቃሲ ሃይሲ ሃይቂይሲ ሃይቆናይሳ ማዓያ ዋይ ገሻ ማፃፋን፣ «ሃይቆይ ያናን ሚቲቲስ» ገያ ቃላይ ፖሊታና። 55 ሃሳዳካ፣ «ሃይቆ፣ ኔ ያናይ አወን ዴዒ?»

ገዳ ቃላይ ፖሊታና። 56 ሃይቆይ ዴኪያ ዋልቃይ ናጋራ፤ ቃሲ ናጋራ ዋልቃይ ሃገ። 57 ሽን ኑ ጎዳ ዩሱስ ኪሪስቶሳ ገጋራ ኑስ ያና አሚያ ያሳ ጋላቲ ጋኮ።

58 ሃሳ ገሻ፣ ታ ሲቆ አሻቶ፣ ቃያና ሚኒዲ ኤቂቲ። ጎዳ ኦሱዋን ሃንቲ ዳቡሬይሲ ጮ ገዶናይሳ ኤሪዲ ኡባ ዋይ ጎዳ ኦሱዋ አዛሎና ኦላቲ።

16

አማኒያ አሳስ ሸቂዳ ማዳዋ

1 አማኒያ አሳስ ሚሽ ሸሽባ ጋላቲያ ዋሳ ከላታሰ ታኒ ከቲዳይሳዳ ሃንቲካ ኦላቲ። 2 ሚሽያ ሸሽይ ታ ሃንቲኮ ቢያ ዋይ ገደና ሚላ ኢሶይ ኢሶይ ሳሚንታፊ ኮይሮ ጋላስ፣ ዋጋ ዋይ ዋጋ ዋይ ባ ዳሚይሳፊ ከሲዲ ባ ሶን ዳጋዮ። 3 ታኒ ያ ቢዳ ዋይ ሚሽያ ዩሩሳላሚ ጋላና ሚላ ሃንቲ ዶሪያ አሳስ ዳብዳቤ አሚዳ ኤንታ ዩሩሳላሚ ኪታና። 4 ኤንታራ ታ ቡሳይ ኮሺያባ ገዲኮ ኤንቲ ታራ ባናው ዳንዳዖሶና።

ጳውሎሳ ቆፋ

5 ታኒ ማቂደኒያና አቆናው ቆፒዳ ገሻ ያ ባዳ ሃንቲኮ ያና። 6 ታ ቢያሶ አው ገዲኮካ፣ ታ ቡሳን ሃንቲ ታና ማዳና ሚላ ሃንቲ ማታን ጉላ ዋይ ጋምዖና አገኬ። ባልጎ አገናታ ሃንቲ ማታን አላና ዋይ አጋና። 7 ታኒ ኦጌራ አቆሽ ሃንቲና ቤዓናው ኮዩኪ። ጎዳይ ገኮ፣ ሃንቲ ማታን ጉላ ዋይ ታካናው ቆፓይሰ።

8 ሽን ታኒ ጳንጻቆሰጻ ባሊይ ጋካናው ኤፊሶናን ጋምዓና። 9 ታው ኦሶይ ኩሚዳ ዳልጋ ፔንጌይ ደዬቲስ፣ ሽን ዳሮ ኤቂቲያ ሞርኪቲ ዳዖሶና።

10 ኢ ታ ሚላ ጎዳ ኦሶ ኦሊያ አሲ ገዲያ ገሻ ጂሞቲዮሲ ሃንቲኮ ቤኮ፣ ሃንቲ ማታን ኢ ሂርጎና ዳና ሚላ ኦላቲ። 11 ኦኒካ ኢያ ካቆፖ። ኢ ታኮ ሳሮ ሲማና ሚላ ኢያ ማዲዲ ሞይዘቲ። ታኒ ኢ ሃንኮ አማኔይሳታራ ሲማናይሳ ናጋይሰ።

12 ኑ አሻ አጳሎሲ ሃንኮ አማኔይሳታራ ሃንቲኮ ባና ሚላ ታ ኢያ ሚንላ ዋሳስ። ሃዒ ሃንቲኮ ባናው ኮዩቤና፣ ሽን ኢያው አንጄቲያ ዋይ ሃንቲኮ ባና።

ወርሴሳ ዞሬኔ ሳርላ

13 ባርኪቲ፤ አማናን ኤቂቲ፤ ያሊቲ፤ ሚኒቲ። 14 ኦሶ ኡባ ሲቆን ኦላቲ።

15 ታ አሻቶ፣ ኢሰጻፋናሴይ ኢያ ሶ አሳይ አካያን ኤንቲ ኮይሮ አማኒዳይሳታ ገደይሳኔ አማኔይሳታ ማዳናው ባንታና አላ አሚዳይሳ ሃንቲ ኤሬታ። 16 ሃንቲካ ኤንታ ሚላ አሳሲኔ፣ ኤንታራ ኦሶን ዳቡሪያ ኡባስ ከቲታና ሚላ ታ ሃንቲና ዋሳይሰ።

17 ኢሰጻፋናሴይ፣ ፎርቆናሴይ አካይቆሲ ታኮ ዩዳይሲ ታና ኡፋይሲስ። ሃንቲ ባይና ቤሳን ኤንቲ ሃንቲና ገዲዲ ታ ፓጫ ከንሳደሶና። 18 ኤንቲ ሃንቲና ኡፋይሲዳይሳዳ ታናካ ኡፋይሲደሶና። ሃሳ ሚላ አሳታ ደጎፒቲ።

19 ኢሶያ ዋሳ ከላ አሳይ ሃንቲና ሳሮ ጎሶና። አቂሊኔ ጸሪሰቂላ ባንታ ሶን ሸቂያ ዋሳ ከላ አሳራ ኢሲፊ ሃንቲና ጎዳ ሰንላን ዋዛናፔ ሳርላሶና። 20 አማኒያ አሻቲ ኡባይ ሃንቲና ሳሮ ያጎሶና። ገሻ ዩራቲላ ዩራቲሽ ኢሶይ ኢሱዋ ሳርላቲ። 21 ታኒ፣ ጳውሎሳ፣ ሃ ሳርላዋ ታ ኩሽን ያፋስ።

22 ጎዳ ዶሶና ኢሲ ዴዒኮ፣ ቃንገቲዳይሳ ገደ። ኑ ጎዳው፣ ሃያ!

23 ጎዳ ዩሱስ ኪሪስቶሳ አቆ ከሃቴላይ ሃንቲራ ገደ።

24 ታ ሲቆይ ኪሪስቶስ ዩሱሳን ዴዒያ ሃንቲ ኡባራ ገደ። አሚንዒ።

ጳውሎስ ቆርንቶሳ አሳስ ፃፊዳ ናምዓንሉ ከታ ጋላ ቆፋ

ጳውሎስ ቆርንቶሳ አሳስ ፃፊዳ ናምዓንሉ ከታይ ፃፈተዳይ። እያው ቆርንቶሳ ዋሳ ከላራ ዳዒያ ጋሃቴላይ ዳር ሜቶ ገደ ገሊዲ ዳዒያ ዋዳና። እሲ እሲ ዋሳ ከላ አሳቲ ጳውሎስ ኢታ ሶሪ ሶሪካ ጳውሎስ ሲጋ ሜፋናው እያው አዋይ ዳዒይሳ ሴሲስ። ሄሲ ሃኒያ ዋዳ ገታ ኡፋይሳ ኡፋይታናው ዳንዳዒይሳ ቆንጨሴስ።

ጳውሎስ ባ ከታን ኮይሮ ከፊሊያን፣ ቆርንቶሳ ዋሳ ከላራ እያው ዳዒያ ጋሃቴላ ቆንጨሴዲ፣ ዋሳ ከላን ሜጲቲዳ ሶሪያሲኔ እፁዋስ አይስ ሚና ዛሮ እሚዳኮ ኦዳስ። ሄሳራ ጋሊዲ እያ ሴራይ ኤንታ ናጋራቴ ዛሪዲ ሲጋን ጋሊዲ ገሾ ኢ ኡፋይቲዳ ኡፋይሳ ኤንታው ቆንጨሴስ። ካሊዲካ፣ ዪሁዳን ዳዒያ አሚኒያ አሳ ማዳናው ባንታው ዳዒያባፔ ጮ አሚና ሜላ ሃሳይሴስ። ወርሴላ ሸምፖፓን ጳውሎስ ባ ሃዋሪቴላ ሶላ ዳንዲዳ ዋቲዋስ ዛሮ እሚና። ጋሶይካ፣ ቆርንቶሳ ዋሳ ከላን ዳዒያ እሲ እሲ አሳቲ ባንታና፣ «ቲማ ሃዋሪ» ኦሊዲ፣ «ጳውሎስ ዋርዳንቾ ሃዋሪ» ኦሊዲ ዋቶሶና።

2 ቆርንቶሳ ከታ ኣይፌ ቆፋፓ

ገሎ ቆፋ 1:1-11

ጳውሎስ፣ ቆርንቶሳ ዋሳ ከላ 1:12-7:16

ዪሁዳን ዳዒያ አሚኒያ አሳ ማዳ 8:1-9:15

ጳውሎስ ባ ሃዋሪቴላ ማታስ እሚዳ ዛሮ 10:1-13:10

ኩሻ ቆፋ 13:11-14

- 1 ዋሳ ሼኔን ዩሱስ ከሪስቶሳ ሃዋሪ ገዲዳ ጳውሎስ፣፣ ኦ አሻ ደሞቲዮስ፣ ቆርንቶሳን ዳዒያ ዋሳ ዋሳ ከላሲኔ አካያ ቢታን ዳዒያ ዋሳ አሳ ኡባስ ፃፊዳ ከታ።
- 2 ዋሳ ኦ አዋፔኔ ጎዳ ዩሱስ ከሪስቶሳ፣፣ አጶ ከሃቴላይኔ ሳርቴላይ ሂንቴው ገደ።

ጳውሎስ ዋሳ ጋላቴስ

- 3 ማርቴላ አዋስ፣ ኡባ ዋዳ ኦና ሚንሌላያ ዋሳስ፣ ኦ ጎዳ ዩሱስ ከሪስቶሳ አዋስ ጋላቲ ገደ።
- 4 ዋሳይ ኦስ እሚዳ ሚንሌላዋን፣ ሜቶን ዳዒይሳታ ኦ ሚንሌላና ሜላ ዋሳይ ኦና ኦ ሜቶ ኡባን ሚንሌላስ። 5 ኦኒ ከሪስቶሳ ዳር ዋያ ሻኪቲዳይሳዳ ቃሲ ኦኒ እያ ዳር ሚንሌላዋን ሚናና። 6 ኦኒ ዋዩቲኮ ሄሲ ሂንቴና ሚንሌላናሳኔ ሂንቴና አሻናሳ። ቃሲ ኦኒ ሚኔቲኮ ኦኒ ገንጨዳ ዋያ ሜላ ሂንቴካ ገንጨዳ፣ ዋሳይ ሂንቴው እሚያ ሚንሌላዋን ሚናና። 7 ሂንቴ ኦ ኤኪዳ ሜቲዋ ሜላ ኤኪዲ፣ ኦ ሚንሌላዋን ሻኪታናይሳ ኦ ኤሪያ ገሾ ኦ ኡፋይሳይ ሂንቴናን ሚና።
- 8 ኦ አሻቶ፣ እሲያ ቢታን ኦና ጋኪዳ ሚቲዋ ሂንቴ ኤራና ሜላ ኮዮስ። ሄ ኦና ጋኪዳ ሜቶይ ኦ ዋላቃፌ ዳሪን፣ ሃይቆና አቶኮ ገዲ ኡፋይሲ ቃንዲዳሽን። 9 ኦኒ ኦ ሶላ ሃይቆ ፐርዲ ፐርዳቲዳ ሜላ ቆፐዳ። ሸን ኦኒ ኦ ሁዒን ገደናሽን፣ ሃይቆዳይሳታ ዳንሌያ ዋሳን አማኔታና ሜላ ሄሲ ሃኒስ። 10 ዋሳይ ሄሳ ሜላ ኢታ ሃይቆፔ ኦና አሽሲ፣ ሃዒካ አሻና፣ ሲንላፊካ ኢ ኦና አሻና ገዲ እያን ኡፋይሲ ዋላስ። 11 ዋሳን ኦና ማዲቲ። ዳር ዋሳ ጋሶን ዋሳ ማዲዋ ኦ ዳሚያ ዋዳ ዳር አሳይ ኦ ገሾ ዋሳ ጋላቶሶና።

ጳውሎስ ባናው ቆፐዳ ቆፋ ላሚስ

- 12 ኦኒ ኦ ገሻ ካሃን ጨቁቶስ። ኦኒ ሃ አላሚያን ዳዒዳ ዳዒዋን ኡባራካ ኦ ዳዒዳ ዳዒዋን ቲማቴላኒስ ሱሪቴላን ሂንቴራ ዳዒዳ። ሄሲካ፣ ሃ አላሚያ ጨንጫቴላን ገደናሽን ዋሳ አጶ ከሃቴላና።
- 13 ኦ ሂንቴው ፃፊዳ ዳብዳቤይ ሂንቴ ናባባናዉኔ አኪካናው ዳንዳዒያባፔ አቲን ሃራ ገደና። ሂንቴ እያ አኪካናው ዳንዳዒይሳ ታ አማናይስ። 14 ሃዒ ሂንቴ ኦና ሃኒዳ ከና ኤራታ፣ ሸን ሲንላፊ ኩሜሊ ኤራናይሳ ታ አማኔታይስ። ኦ ጎዳ ዩሱስ ሲሚያ ዋዳ ኦኒ ሂንቴናን ጨቁቲዳይሳዳ ሂንቴካ ኦናን ጨቁታና።
- 15 ሄሳ ታኒ ሎይላ ኤሪዳ ገሾ ሂንቴ ናምዓንሉ ጎዳታና ሜላ ካሲታዳ ሂንቴኮ ባናው ቆፋ ቃቻስ። 16 ታኒ ማቄዲያ ባሼኔ ያፔ ሲማሼ ሂንቴና ቤዓና። ታኒ ያፔ ዪሁዳ ቢያ ዋዳ ሂንቴ ታና ታ ኦኒያን ማዳና ጋዳ ቆፓስ። 17 ታኒ ሄሳ ጋሼ ኣይ ኦላናው ቤሲያኮ ኤሮና አሲ ዳናይና፣ ዋይኮ ታኒ ታ ቆፋ ቃቻያ ዋዳ አሳ ቆፋዳ፣ እሲ ቶቶ «ኤ» ቃሲ እሲ ቶቶ «አካይ» ገያ አሳ ሜሊይ፣

18 ሽን ያሳይ አማኔቲይሳ ገዲያ ገሾ ኑ ሂንቴው ኦዲያ ቃላይ «ኤ» ዋይኮ «አካይ» ገይሳ ገደና። 19 ታኒ፣ ሲላሲይኔ ያሞተዮሲ ሂንቴው ማርካቲዳ ያሳ ናደይ፣ ዬሱስ ከሪስቶሲ ኡባ ዋዴ «ኤፕ» አተን «ኤ» ኔ «አካይ» ገደና። 20 ያሳይ አማና ገዳ ኡባይ ከሪስቶሳ ባጋራ «ኤ» ገደሰ። ኑኒ ከሪስቶሳ ባጋራ ያሳ ቦንቾሲ፣ «አማንዳ» ገይ ሄሳ ገሾሳ። 21 ኑኒ ሂንቴ ከሪስቶሳን ማኒዲ ኤቃና ማላ ኦሊዲይኔ ባ ኦሎቀሰ ደሪዲይ ያሳ። 22 ኑኒ ኢያባ ገይይሳ ኤሪሳናው ባ ማታሚያ ኑ ቦላ ዋሊሰ፤ ቃሲ ባ ገሻ እያና ኦይሊ ኦሊዲ ኑ ዋዛናን ዋሊሰ።

23 ታኒ ቆርንቶሳ ቦና አገዳይ ሂንቴ አዛናና አታና ማላሳ፤ ሄሲ ዋርደ ገዲኮ ያሳይ ታ ሸምፑዋ ታፕ ኤኮ። 24 ሂንቴ፣ ሂንቴ አማኑዋን ማኒዲ ዳዲያ ገሾ ኑ ሂንቴና ኡፋይሳናው ሂንቴራ ኢሲፊ ኦሊይሳታፕ አተን ሂንቴና ዋልቃ አማንሌይሳታ ገደኮ።

2

1 ታኒ ናምባንላ ሂንቴኮ ቢኬ ጋዳ ቆፋ ቃቺዳይ ሂንቴና አዛንላና አጋናሳ። 2 ታኒ ሂንቴና አዛንላኮካ ታ አዛንላዳ ሂንቴፊ ሃሪ ታና ኡፋይሳናው ዳዲይ ኦኔ? 3 ታኒ ሂንቴው ሄ ዳብዳቢያ ያፊዳይ፣ ታ ሂንቴና ቤዓናው ቢያ ዋዴ ታና ኡፋይሳናው ቤሲያ አሳን ታ አዛናናው ኮዮና ገሾሳ። ታ ኡፋይቲያ ዋዴ ሂንቴ ኡባይካ ኡፋይታናይሳ ታ አማናይሰ። 4 ታኒ ዳር ዋይኔ ኤንዳን ቃሲ ዳር አፋሳን ያፊዳይ፣ ሂንቴና አዛንላናሳ ገደናሽን ታኒ ሂንቴና ኡባ አይ ማላ ደሲያኮ ሂንቴና ኤሪሳና ማላሳ።

ቆሂዳይሳ ማርባ

5 አሲ አዛንላዳ ኦኒካ ዳዲኮ ታ ኢያ ባላ ዳርሳናው ኮዩኬፊ አተን ታና ገደናሽን ሂንቴፊ ዳርታ አዛንላሰ። 6 ሂንቴፊ ዳሪያ አሳይ ሄ ኡራ ሰሪዳ ሰሪይ ኢያው ገደና። 7 ሄሳ ገሾ፣ ሄ ኡራይ ዳር አዛኒዲ፣ ኡፋይሲ ቃንያና ማላ ሂንቴ ኢያ ማራናውኔ ማንላሳናው ቤሲሰ። 8 ሂንቴ ኢያ ሰቄይሳ ዛሪ ኢያው ቆንጨሳና ማላ ታ ሂንቴና ዋሳይሰ። 9 ታ ሄ ዳብዳቢያ ሂንቴው ያፊዳይ፣ ሂንቴ ፓጩቲዳ፣ ኡባባን ታው ከቲቲይሳ ኤሪናው ኮዩዳ ገሾሳ። 10 ሂንቴ ማሪያ ኡራ ታካ ማሪና። ታኒ ማሪናባይ አይቤ ዳዲኮካ፣ ከሪስቶሳ ሲንላን ሂንቴ ገሾ ጋዳ ማራሰ። 11 ታኒ ሄሳ ኦሊዲይ ያላሂያ ጨዋ ኦሎቀ ኑ ኤሪያ ገሾ ያላሂን ጨሚቶና አታና ማላሳ።

ደርዳዳን ጸጧሎሳ አንዳቲሳ

12 ታኒ ከሪስቶሳ ዋንጌላ ሳባካናው ደርዳዳ ቢዳ ዋዴ ሳዳይ ያን ታው ኦሎ ኦኒ ገሲሲዲ ዋሊሰ። 13 ሽን ታኒ ታ አሻ ቲቶ ያን ዳማቦና ገሾ ታ ዋዛናይ ሸምፐቤና። ሄሳ ገሾ፣ ያን ዳዲያ አሳ ሳርላዳ ኢያ ኮያናው ማቄዲያ ባሰ።

14 ሽን ከሪስቶሳ ባጋራ ኡባ ዋዴ ኑና ያኖን ካሊሊያኔ ሽቶ ማላ ሳዊያ ከሪስቶሳን ኑ ኤሪያ ቲሚርቲያ ኡባ ቤሲ ጋላና ማላ ኦሊያ ያሳ ጋላቲ ጋኮ። 15 ኑኒ አቲያ አሳ ገደኒኔ ጳያ አሳ ገደን ከሪስቶሳ ባጋራ ያሳሰ አሚቲዳ ሳዊያ ሽቶ ማላ። 16 ጳያ አሳሰ ሃይቆኮ ኤፊያ ሃይቆ ፔና፤ ቃሲ አቲያ አሳሰ ዳዎኮ ኤፊያ ዳዎ ሳዎ፤ ያቲን፣ ሄሳ ማላ ኦሎቀሰ ገደናይ ኦኔ? 17 ኑኒ ያሳ ቃላ ዋዴ ማሪናው ኮዩዲ ዋላከዲ ዛላዲያ ዳር አሳ ማላ ገደኮ። ሽን ያሳይ ከቲዳ ሱራ አሳታ ማላ ከሪስቶሳን ዳዲዲ ያሳ ሲንላን ቃላ ኦደሰ።

3

ኦራሳ ጫቁዋ ኦሳንቾታ

1 ኑኒ ዛሪዲ ኑና ሳቢናዎ? ዋይኮ ሃራ አሳዳ፣ ሳባ ዳብዳቢያ ሂንቴው ዬዳናው ዋይኮ ሂንቴፊ ኤካናው ኑና ኮሽዬ? 2 አሲ ኡባይ ሂንቴና ኤሪና ማላኔ ናባሳና ማላ ሂንቴ ኑ ዋዛናን ያፊቲዲ ዳዲያ ኑ ዳብዳቢ። 3 ሂንቴ ቃላሚን ገደናሽን ዳዎ ያሳ እያና፣ ሹቻ ቦላ ገደናሽን አሳ ዋዛናን ያፊቲዳይሳታኔ ኡናን ሃጋዘቲዳ ከሪስቶሳ ዳብዳቢ ገይይሳ ቤሲይታ።

4 ኑኒ ሄሳ ገደይ፣ ከሪስቶሳ ባጋራ ያሳን አማናይ ኑሰ ዳዲያ ገሾሳ። 5 ኑኒ ሄሳ አላናው ዳንዳዲይ ያሳ ዋልቃናቲ አተን ኑኒ ኑ ዋልቃን አይኮካ አላናው ዳንዳዎ። 6 ኑ ኦራሳ ጫቁዋ ኦሳንቾታ ገደና ማላ ያሳይ ኑና ዳንዳዲሲሰ። ሄ ኦራሳ ጫቆይ ገሻ እያናን ቤንቲዳይሳፊ አተን ያፊቲዳ ሂንቴ ገደና። ሂኔይ ዋዴሰ፣ ሽን ገሻ እያናይ ዳዎ አሚሰ።

7 ሹቻ ቦላ ያፊቲዳ ሂኔይ አሚቲያ ዋዴ ያሳ ቦንቾይ ቆንጨሰ። ሙሴ ሰምዑዋን ዳዲያ ቦንቾይ ጳይሼ ቢያባ ገደኮካ፣ ኢሰራዲሌ አሳይ ኢያ ሰምዑዋ ቲሽ ኦሊዲ ያላናው ዳንዳዲቦኮና። ሂዛ፣ ሃይቆ ኤሂያ ሂኔይ ሄሳ ማላ ቦንቾን ቆንጨኮ፣ 8 ያቲን፣ ገሻ እያናን ኦሎቲያ ኦሎቀ ቦንቾይ ዋኒዲ አይኔ? 9 አሳ ቦላ ፐርዳ ኤሂያ ሂኔይ ቦንቾ ገደኮ ያቲን፣ አሲ ያሊሲያ ኦራሳ ኦኔይ

ዋኒዲ እጁዲ ቦንቹቲኔ? 10 ካሴ ቦንቹ ጊዲዳይሳ ሃሲ እጁያ ቦንቹይ ዴዴይሳራ ጋላ ቤዲያ ዋይ ቦንቹይ ባይናባ ጊዲስ። 11 ጉላ ዋዴሰ ቆንጨዲ ጉዬፔ ጳይዳይሴ ሃይሳዳ ቦንቹቲኩ፡ ሜሪናው ዴዴይሴ ዋኒዲ እጁዲ ቦንቹቲኔ?

12 ኑስ ሃይሳ ሜላ ኡፋይሳይ ዴዲያ ገሾ ዩላቶና ኑዴቶስ። 13 ኑኔ፡ ኢስራዴሌ እሳይ ጳዩሽ ቢያ ቦንቹዋ ወርሴላ ቤዖና ሜላ ባ ሰሞዑዋ ካሚዳ ሙሴ ሜላ ጊደኩ። 14 ሺን ኤንታ ዋዛናይ ዶጪስ። ሃቹ ጋካናው ኤንቲ ጋልዓ ጫቁዋ ናባቢያ ዋዴ ኤንታ ዋዛናይ ሄ ካማን ካሜቲ ዴዴስ። ሄ ካማይ ኪሪስቶሳ ፃላላን ቃራቲስ። 15 ሺን ሃቹ ጋካናውካ ኤንቲ ሙሴ ማፃፋ ናባቢያ ዋዴ ኡባን ሄ ካማይ ኤንታ ዋዛና ካሜስ። 16 ሺን ኑኒካ ጎዳኩ ሰሚያ ዋዴ እወዳካ ሄ ካማይ ቃራቲስ። 17 ጎዳይ እያና፤ ጎዳ እያናይ ዴዴያ ቤሳን ሳባቴሌ ዴዴስ። 18 ኑኒ ኡባይ ካሜቲቦና ሰሞዶን ጎዳ ቦንቹዋ ቤናና። * ኑኒ እያና ጊዲዳይ ጎዳ ማላ ዳናናው ቦንቹፊ ቦንቹን ላሚታና።

4

ቱማ ሃዋራቴላ ኦሱዋ

1 ሂዛ፡ ያሳይ ባ ማርቴላን ሃ ኦሱዋ ኑስ ኢሚዳ ገሾ ኑኒ ኡፋይሴ ቃንዖኩ። 2 ኑኒ ዩላያ ጌማ ኦሶ ኡባ አጊዳ፤ ጌኔ ኦሶ ኦሎኩ፤ ያሳ ቃላ ዋርደራ ዋላኮኩ። ቱማ ቆንጨኡ ሃሳዩሼ፡ እሳ ኡባ ካሃይ ኑና ኤካና ሜላ ያሳ ስንላን ኑና ሺሾስ።

3 ኑ ኡዲያ ዋንጌላይ ጌሚዳባ ጊዲኮካ፡ ጌሚዳይ ጳዮ ኦንገ ዴዴያ እሳሳ። 4 ሃ እላሚያ ሃሪያ ያሳይ እማናና እሳ ዋዛና ጎዚስ። ኤንቲ ያሳ ማላን ቆንጨዳ ኪሪስቶሳ ቦንቹ ዋንጌላ ፖዑዋ ቤዖና ሜላ ዲጊስ። 5 ኑኔ፡ ዬሱስ ኪሪስቶሴ ጎዳ ጊዴይሳኔ ኑ ኢያ ገሾ ሃንቴ ኦሳንቹ ጊዴይሳ ኦደሲፔ አቲን ኑባ ኦደኩ። 6 «ጳማን ፖይይ ፖይ» ጊዳ ያሳይ፡ ኪሪስቶሳ ሰሞዑዋን ፖዲያ ያሳ ቦንቹዋ ኤራ ፖዑዋ እማናው ባ ፖዑዋ ኑ ዋዛናን ፖዲሲስ።

7 ሺን ኡባፊ እጁያ ዋልቃይ ኑባ ጊደናሺን ያሳባ ጊዴይሳ ቤሳናው ሃ ቦንቹ ሻሎይ ሜቃ ሚሼ

* ጊዲዳይ ኑ እሳቴላን ዴዴስ።

8 ኑ ኡባ ባጋራካ ዋዬቲዳ፡ ሺን ሜቄራቲቦኩ። ኑስ ሃዲርሲ ጊዲስ፡ ሺን ኡፋይሴ ቃንደቦኩ።

9 ኑ፡ ዋርኪታን ጎዳቲዳ፡ ሺን ላጌ ጳዩሶኩ። ኑ ዋርኪታን ሾጩቲዲ ኩንዲዳ፡ ሺን ጳዩሶኩ።

10 ዬሱስ ዴይይ ኑ እሳቴላን ቆንጫና ሜላ ኢያ ሃይቁዋ ኡባ ዋዴ ኑ እሳቴላን ቶኪዲ ዩዮስ።

11 ዬሱስ ዴይይ ሃይቁያ ኑ እሳቴላን ቆንጫና ሜላ ፓፃ ዴዴያ ኑኒ ኢያ ገሾ ኡባ ዋዴ ሃይቆስ እጁዲ እሚቶስ። 12 ሂዛ፡ ሃይቆይ ኑናን ኦሊያ ዋዴ ዴይይ ሂንቴናን ኦሊስ።

13 ገሻ ማፃፋን፡ «ታ እማናስ፤ ሄሳ ገሾ ሃሳያስ» ያጌቲስ። ሄሳ ሚላ እማናይ ኑስ ዴዴያ ገሾ ሃሳያስ። 14 ጎዳ ዬሱስ ሃይቆፔ ዴንሊዳ ያሳይ፡ ኑናካ ዬሱሳራ ሃይቆፔ ዴንላናይሳኔ ሂንቴራ ኢሲፊ ባ ስንላ ሸሻናይሳ ኤርስ። 15 ሂሲ ኡባይ ሃኒዳይ ሂንቴ ገሾሳ። ያሳ እጾ ከሃቴላይ ዳር እሳ ጋኪያ ዋዴ እሳይ ያሳ ቦንቹዋስ ዳር ጋላታ እማና።

እማናን ዴዮ

16 ሄሳ ገሾ፡ ኑኒ ኡፋይሴ ቃንዖኩ። ኑ ቤንቲያ እሳቴላይ ዳቡሪሼ ቢያባ ጊዲኮካ፡ ኑ እያና እሳቴላይ ጋላስ ጋላስ ኦራጸስ። 17 ሃሲስ ኑኒ ዋዬቲያ ሃ ካወሻ ዋዬይ፡ ኡባፊ ከሄ ጊታቲያ ሜሪና ቦንቹዋ ኑስ እሚሳና። 18 ኑኒ ቤንቲያባ ጊደናሺን ቤንቶባና ያሎስ። ቤንቲያባይ ሃሲሳ፡ ሺን ቤንቶናባይ ሜሪናሳ።

5

1 ሃሲ ኑ ዴዴያ ዴንካኔ ዳኒያ ሃ ሳባ እሳቴላይ ላሌቲኮካ፡ እሲ ከደቦና፡ ያሳይ ከደዳ ሜሪና ከላይ ኑስ ሳሎን ዴዴይሳ ኤርስ። 2 ሳሎ እሳቴላ ማፃናው እሞቲሼ ሃሲ ሃ ሳባን ዴዴሼ ኦሎስ።

3 ኑኒ ሄሳ ሚላያ ዋዴ ካሎቶኩ። 4 ዴንካኔ ዳኒያ ሃ ሳባ እሳቴላን ኑ ዴዴሼ ዴጃቲዲ ኦሎስ። ሃይቆፔ ኑ እሳቴላይ ዴዮን ላሚታና ሚላ ሳሎ እሳቴላ ማፃናው ኮዮሲፔ አቲን እሹዋፔ ሻኬታናው ኮዩዲ ጊደና። 5 ኑና ሃይሳስ ገጊሲዳይ ያሳ። ቃሲ ስንላፊ ያናባስ ኦይሌ ኦሊዲ ባ እያና ኑስ እሚስ።

6 ሄሳ ገሾ፡ ኑኒ ሃ ሳባ እሳቴላን ዴዴያ ዋዴ ኡባን ጎዳፔ ሃኪዲ ዴዴይሳ ኤሪኮካ ኡባ ዋዴ እማኔቲዲ ዴዮስ። 7 ኑኒ ዴዴይ እማናናቲ አቲን ቤዲያባን ጊደና። 8 ኑ ሃ ሳባ እሳቴላፊ ሻኬቲዲ፡ ኑ ሶ ቢዲ ጎዳራ ኢሲፊ ዳናው እሞቲያ ገሾ እማኔቲዲ ዴዮስ። 9 ሄሳ ገሾ፡ ኑ ሃ እሳቴላን ዴዴያ ዋይኮ ሃ እሳቴላፊ ሻኬቲን፡ ኑ እሞይ ኢያ ኡፋይሳናይሳ። 10 ኑኒ ኢሶይ ኢሶይ ሃ ሳባን ዴዴሼ

3:13 ከሳ 34:33 3:16 ከሳ 34:34 * 3:18 ቤናና፡ ማስቶቲዳ ዛራዲ ጸሊሳና ጌቲቲ ቢርሼታናው ዳንዳዳስ።
4:6 ሜዴ 1:3 * 4:7 ሜቃ ሚሼ፡ ሃ ቤሳን ሜቃ ሚሼ ጌቲቲዳይ ቢታፊ ኦሎቲዳ ሚሼታ ቤሳሳና - ኦቶ፡ ሻቲ፡ ቤሼ...
4:13 ማዝ 116:10

ሎዎ ገደን ወይኮ ኢታ ገደን፣ ኦሌዳ ኦሎቆሰ ቤሲያ ፒርዳ ኤካናው ከሪሰቶሳ ፒርዳ ኣራታ ሲንሳን ሺቃና።

እሴ ያሳራ ሲጌላ

11 ሂዛ፣ ኦሪ ጎዳ ቦንቼይሲ ኣይ ጉሴኮ ኤሪያ ገሾ ኣሳይ ኦ ኦዳይሳ ኤካና ሜላ ዘርሰ። ያሳይ፣ ኦሪ ኦኮኮ ኦና ኤሪሰ፤ ቃሲ ሂንቴካ ሂንቴ ካሃን ኦ ኦኮኮ ኤሪታ ያጋዳ ቆገይሰ። 12 ወዛናን ገደናሽን ማሳን ጨቁቲያ ኣሳ ደና ኦይላናው ሂንቴ ኦናን ጨቁቲያ ሜላ ሂንቴው ጋሶ ገደናው ኮዮሲቴ ኦኮኮ ኦ ኦና ዛሪዲ ናሻናው ኮዮኮ። 13 ኦ ጎሽ ገዲኮ ያሳ ቦንቸሳ፤ ወዛናማ ገዲኮ ሂንቴሳ። 14 ኢሶይ ኡባሰ ሃይቁዳይሳኔ ኡባይ ቃሲ ኢያራ ሃይቁዳይሳ ኦ ኤሪያ ገሾ ከሪሰቶሳ ሲቆይ ኦና ሃሪሰ። 15 ዴዎን ዴዎይሳቴ ሂዛ፤ ጉዬ ባንታው ገደናሽን ኤንታው ሃይቁዳይሳሲኔ ሃይቆፔ ዴንዲዳይሳሰ ዳና ሜላ ከሪሰቶሲ ኣሳ ኡባ ገሾ ሃይቁሰ።

16 ሂዛ፤ ጉዬ፣ ኦሪ ኦናካ ኣሳ ቆፋን ፒርደኮ። ሃይሳፊ ካሴ ኦሪ ከሪሰቶሳካ ኣሳ ቆፋን ፒርዲዳባ ገዲኮካ፣ ሂዛ፤ ሃሳዳ ፒርደኮ። 17 ሃሳ ገሾ፣ ኦኮኮ ከሪሰቶሳን ዴዎኮ ኦራላ ሜጴቴላ፤ ጋልዓ ሜጴቴላይ ኣጲሰ፤ ኡባይካ ኦራላ ገዲኰ። 18 ሃሳ ኡባ ያሳይ ኦሊሰ። ኢ ከሪሰቶሳ ባጋራ ኦና ባራ ሲጌላሰ። ቃሲ ሃራታ ባራ ሲጌላና ሜላ ኦሰ ሲጌላ ኦሰ ኣሚሰ። 19 ያሳይ ከሪሰቶሳ ባጋራ ኣሳ ኡባ ባራ ሲጌላሰ። ኤንታ ናጋራ ታይቢቤና፤ ቃሲ ኣሳ ባራ ሲጌላያ ቃላ ኦሰ ኣሚሰ።

20 ያሳይ ኣሳ ኦ ባጋራ ያገሊ ገሾ ኦ ከሪሰቶሳን ከቴቴዲ ኣሳ ያሳራ ሲጌቴቴ ገዲ ከሪሰቶሳ ገሾ ዋሶሰ። 21 ኦሪ ያሳ ደሎቴላ ከሪሰቶሳ ባጋራ ኤካና ሜላ፣ ናጋራ ኤርና ከሪሰቶሳ ኦ ገሾ ናጋራንቸ ኣሳዳ ኦሊሰ።*

6

1 ኦሪ ያሳራ ኢሲፊ ኦሊያ ኣሲ ገዴይሳዳ፣ ሂንቴ ኤኪዳ ኣጼ ከሃቴላ ሃደ ኦላና ሜላ ኦ ሂንቴና ዋሶሰ። 2 ያሳይ፣

«ታ ኔና ሲባና ዋዴን ስባሰ፤
ኣቶቴላ ጋላሳን ኔና ማዳሰ»

ያገሰ። ሃኮ፣ ታ ስባያ ዋዴይ ሃባ፤ ኣቶቴላ ጋላሳይ ሃቸ።

3 ኦኮኮ ኦ ኦሎቆ ቦራና ሜላኔ ኦናን ጳቤታና ሜላ ኮዮኮ። 4 ገደሸን፣ ኦ ቴማ ያሳ ኦሳንቸታ ገዴይሳ ኦ ኦሊያ ኡባባን ቤሲዳ። ዳሮ ጌንጫን፣ ዋይን፣ ሜቶን፣ ኢንባን፣ 5 ጋራፊቴላን፣ ቃሸን፣ ኢዎን ከሚዳ ዋጫማን፣ ዳቡራን፣ ጲሰኮ ጳዮን፣ ያማን፣ 6 ጌሻቴላን፣ ኤራቴላን፣ ዳንዳባን፣ ኤሃቴላን፣ ጌሻ ኣያናን፣ ቴማ ሲቆን፣ 7 ቴማ ሃሳያኒኔ ያሳ ዋልቃን ኦሪ ኢያ ኦሳንቸታ ገዴይሳ ቤሲዳ። ቃሲ ደሎቴላይ ኦሰ ቶራኔ ጎንዳሌ። 8 ኦሪ ቦንቸቴዳኔ ቶሺቴዳ፤ ጫዬቴዳኔ ጋላቴቴዳ። ቴማ ሃሳዮሰ፣ ሸን ኣሳይ ኦና ዋርዳንቸ ገደሶና። 9 ኦ ኣሳን ኤራቴላ ኣሰ፣ ሸን ኤራቴላ ኣሳ ሜላ ገዲዳ። ሃይቁደሶና ያፕቴዳ፣ ሸን ጋሃ ዴዎሰ፤ ሾጩቴዳ፣ ሸን ሃይቁቦኮ። 10 ኦሪ ኣዛኒኮካ ኡባ ዋዴ ኡፋይቶሰ። ኦ ማንቆ ዳናሰ፣ ሸን ዳሮ ኣሳ ዴራዮኮ። ቃሲ ኣይኮይካ ባይና ኣሲ ዳናሰ፣ ሸን ኡባይ ኦባ።

11 ቆርንቶሳ ኣሳው፣ ኦ ሂንቴው ቆንጩን ኦዲዳ፤ ኦ ኡሎዋ ሂንቴና ቤሲዳ። 12 ሂንቴ ኦና ሂንቴ ሲቁዋ ቤሶና ዲጊዴታ፤ ኣቴን ኦ ኦ ሲቁዋ ሂንቴና ዲጊቦኮ። 13 ኣዉ ባ ናይታሰ ኦዴይሳዳ ታ ሂንቴው ኦዴይሰ፤ ኦ ሂንቴና ኦ ኡሎዋ ቤሲዳይሳዳ፣ ሂንቴካ ሂንቴ ኡሎዋ ኦና ቤሲቴ።

ኣማናና ኣሳራ ዴዎያ ኢሲፊቴላ ኣሳ

14 ኣማናና ኣሳራ ቤሶና ኦኮኮ ዋዳቶፊቴ። ደሎቴላሲኔ ናጋራሰ ኣይቢ ጋሃቴላ ዴዎ? ፖዮሲኔ ጳ.ማሰ ኣይቢ ኢሲፊቴላ ዴዎ? 15 ከሪሰቶሳኔ ያላሄ ኢሲፊ ጋሊያባይ ኣይቢ? ቃሲ ኣማኔይሲኔ ኣማናናይሲ ኢሲፊ ኮዲያባይ ኣይቢ? 16 ያሳ ከላሰ ኤቃታራ ኣይቢ ኢሲፊቴላ ዴዎ? ያሳይ፣

«ታኒ ኤንታ ገደን ዴዎና፣
ኤንታ ገደን ሃሙታና።

ታኒ ኤንታ ያሳ ገደና፤
ኤንቴካ ታ ኣሲ ገደና»

ገዲይሳዳ፣ ኦሪ ዴዎ ያሳ ከላ። 17 ሃሳዳካ፣ ጎዳይ፣
«ኤንታ ገደፊ ሻኩቴዳ ከዴቴ፤

ቴና ገዲዳባ ቦቸፊቴ፤
ታ ሂንቴና ኤካና።

18 ታ ሂንቴው ኣዋ ገደና፤

5:10 ሮሜ 14:10 * 5:21 ናጋራንቸ ኣሳዳ፣ ናጋራ ያርሾ ኦሊሰ። 6:2 ኣሳ 49:8 6:5 ሃ.ኦ 16:23 6:16 ለዌ 26:12፤ ሃዘ 37:27፤ 1ፋር 3:16፤ 6:19 6:17 ኣሳ 52:11

ሂንቲ ታው አዳ ናይታኔ ማጫ ናይታ ጊዳና፤ ያጌሰ ኡባፌ ዋልቃማ ጎዳይ» ያጊሰ።

7

1 ሂዛ፣ ታ ሲቆቶ፣ ሃ ኡፋይሳይ ኮሰ ዳዒያ ጊሾ ኑ አሹዋኔ ኑ ሸምጥዋ ቲኒሲያባ ኡባፌ ኑና ጊሾሰ። ያሳሰ ያዪዲ ኑ ጌሻቴላ ፖሎ ኦሰሰ።

ጳጳሎሳ ኡፋይሳ

2 ሂንቲ ኡሉዋ ኑና ቢሲቲ። ኑኒ ኦናካ ናቂቦኮ፤ ኦናካ ቆሂቦኮ፤ ኦናካ ጨሚቦኮ። 3 ታኒ ሄሳ ሂንቲ ቦላ ፐርዳናው ጊኬ። ሃይሳፌ ካሴ ታ ሂንቲው ኦዲዳይሳዳ፣ ሂንቲ ኑ ዋዛናን ዳዒታ፤ ኑ ፓፃ ዳዒንካ ሃይቂንካ ሂንቲፌ ሻኩቶኮ። 4 ታ ኦዲያባ ሂንቲፌ ቆቲከ፤ ታ ሂንቲናን ጨቁታይሰ፤ ኑ ዋዬ ኡባን ሚኔታይሰ፤ ቃሲ ጊታ ኡፋይሲ ኡፋይታይሰ።

5 ኑኒ ማቁደኒያ ቢዳ ዋዴ ኡባ ባጋራ ዋዬቲዳ፤ ኦናካ ሸምጥቦኮ። ካሬራ ሞርኬታን፣ ኑ ጋላን ያሻን ኡንዔቲዳ። 6 ሸን አዛኒዳይሳታ ሚንጼሊያ ያሳይ፣ ቲቶ ዩሳን ኑና ሚንጼሊያ። 7 ኑና ሚንጼሊዳይ ቲቶ ዩሳ ያላላ ጊዳናሽን ሂንቲካ ኢያ ሚንጼሊዳይሳና። ሂንቲ ታና ላሞቲይሳ፣ ታው አዛኔይሳኔ ታው ቆፔይሳ ታ ሲዒዳ ዋዴ ታና ዳር ኡፋይሲሰ።

8 ታ ዳብዳቤይ ሂንቲና አዛንሲካ ኣይሰ ፃፋዲናሻ ጋዳ ቂርቲኬ። ታ ቂርቲዳይ ታ ፃፊዳ ዳብዳቤይ ሂንቲና ጉላ ዋዴሰ አዛንሲዳ ጊሾሳ። 9 ሃዒ ታኒ ኡፋይቲዳይ፣ ታ ሂንቲና አዛንሲዳ ጊሾ ጊዳናሽን ሂንቲ አዛናይ ሂንቲና ሂንቲ ናጋራፔ ዛሪዳ ጊሾሳ። ያሳይ ባ ሸኒያዳ ሂንቲና አዛንሲቲ ኦቲን ኑ ሂንቲና ኣይቢንካ ቆሂቦኮ። 10 ያሳይ ኮያ አዛናይ፣ አቶቲላኮ ጋሊያ ናጋራፔ ሲሞ ኤሄሰ፤ ኢያን ቂርያባይ ባሞ። ሸን ሃ ሳባ አዛናይ ሃይቆ ኤሄሰ። 11 ሂንቲ አዛናይ ሂንቲናን ኣይፊሲዳ ኣይፊያ ቢዒቲ። ሂ አዛናይ ሂንቲና ኣይ ሚላ ዴንጼሊዳኮ፣ ኣይ ሚላ ዘር አማናዳ ጊሲዳኮ፣ ሂ ኡራ ቦላ ኣይ ሚላ ሃንቂሲዳኮ፣ ኣይ ሚላ ታው ያያና ሚላ ኦሊዳኮ፣ ኣይ ሚላ አሞዪዳኮ፣ ሂ ኡራ ሲራናው ኣይ ሚላ ጊሊዳኮ ቢዒቲ። ሃ ኡባባን ሂንቲ ጌሺ ጊዳይሳ ማርካዪዳታ።

12 ሄሳ ጊሾ፣ ታኒ ሃ ዳብዳቤያ ሂንቲው ፃፊዳይ፣ ናቂዳ ኡራ ዋይኮ ናቂቲዳ ኡራ ጊሾ ጊዳና። ሸን ሂንቲ ኮሰ ኣይ ሚላ ቆፐያኮ ያሳ ሲንላን ሂንቲ፣ ሂንቲና ቢዳና ሚላ ፃፋሰ። 13 ኑኒ ኡፋይቲዳይ ሂንቲ ጊሾሳ። ኑ ኡፋይሳፌ አጂዲ ኑና ዳር ኡፋይሲዳይ፣ ሂንቲ ቲቶ ኡፋይሲዳይሳኔ ኢያ ዋዛና ሸምጥሲዳይሳ። 14 ኦቲ ሂንቲና ናሻዳ ኢያው ኦዳን ሂንቲ ታና ዩላዪቤኮታ። ሸን ኑኒ ኡባ ዋዴ ሂንቲው ቱማ ኡዲዳ፤ ሄሳዳካ ኑኒ ቲቶ ሲንላን ሂንቲና ናሻዳይሲ ቱማ ጊዳሰ። 15 ሂንቲ ኢያው ያሻን ኮኮሪዳ፣ ኢያ ሞኪዳይሳ ቃሲ ኢያው ኣይ ሚላ ከቲቲዳኮ ኢ ቆፐያ ዋዴ ሂንቲው ዳዒያ ሲቆይ ሚኒሾ ቢሰ። 16 ታኒ ኡባባን ሂንቲናን ኣማኔቲያ ጊሾ ኡፋይታይሰ።

8

አሞባ

1 ኑ አሻቶ፣ ያሳይ ማቁደኒያን ዳዒያ ዋሳ ኬላታሰ አሚዳ አጾ ከሃቴላ ሂንቲ ኤራና ሚላ ኑ ኮኖሰ። 2 ኤንቲ ጊታ ሜቶን ፓጩቲዳሶና፣ ሸን ኤንታ ኡፋይሳይ ዋልቃማ። ኤንታ ማንቆቴላሰ ዛቂ ባሞ፣ ሸን ባንታ ኢሙዋን ዳር ከሂደሶና። 3 ኤንቲ ባንታ ዋልቃ ሚላኔ ባንታ ዋልቃፌ ኣዲይሳ ደሲዲ አሚዳይሳሰ ታ ማርካ። 4 ኤንቲ ያሳ ኣሳ ማዲያ ሎዎ ኦሰ ኑራ ኦላናው ኮዪዲ ኑና ዳር ዋሲደሶና። 5 ኤንቲ ኑኒ ቆፐዳይሳፌ ኣላዲ ኣላደሶና። ኮይርቲዳ ባንታና ጎዳሰ አሚዳሶና፤ ካሊዲ፣ ያሳ ሸኒያዳ ባንታና ኮሰ አሚዳሶና።

6 ሃ ሎዎ ኦሉዋ ደሚዳ ቲቶይ ጉጂ ኦላናዲኔ ሂንቲና ማዲዲ፣ ሂ ኦሉዋ ፖሊሳናዳ ኢያ ዋሲዳ። 7 ሸን ሂንቲ ኡባባን፣ ኣማናን፣ ሃሳያን፣ ኤራቴላን፣ ጊታ ኣሞን፣ ኑና ሲቆኔኔ ኡባባን ዳራቴዳይሳዳ ሃ ሎዎ ኦሉዋንካ ሂንቲ ከሃ ጊዳና ሚላ ኑ ኮኖሰ።

8 ታኒ ሄሳ ከታናው ጊኬ። ሸን ሃራታ ጊታ ኣሙዋ ሂንቲ ሲቁዋራ ጋላ ቢዳና ሂንቲ ኣይ ከና ቱሜኮ ኤራናው ጋይሰ። 9 ሂንቲ ኑ ጎዳ ዩሱሰ ከሪሰቶሳ አጾ ከሃቴላ ኤራታ። ከሪሰቶሲ ዳራ ጊዲ ኡቲዲ፣ ሂንቲ ኢያ ማንቆቴላን ዳራታናዳ ሂንቲ ጊሾ ማንቁሰ።

10 ታኒ ሃ ኦዳን ሂንቲና ማዲያ ዘሪ ዘራናው ኮያይሰ። ሂንቲ ዘላይላ አማናው ያላላ ጊዳናሽን ሄሳ ኦላናው ኣሞቴላንካ ሂንቲ ኮይር። 11 ሂንቲ ኦላናው ደሚዳ ኦሉዋ ሃዒ ፖሊቲ። ሂንቲ ሂንቲው ዳዒይሳ ከና አሚኮ፣ ሄሲ ሂንቲ አማናው ዳር ኣሞቴይሳ ቆንጨሲሰ። 12 ኢሲ ኣሲ አማናው ኣሞቴኮ፣ ኢያ አሞይ ያሳ ሲንላን ኤኬቲይ፣ ኢ ባው ዳዒዳይሳ ከና አሚናፔ ኣትን ባይናባፔ አማናው ኡንዔቲን ጊዳና።

13 ታኒ ሄሳ ጌይ፣ ሂንቲ ኡባይ ኢሲ ገና ጌዳና ማላሳፌ ኣትኑ ሃራቲ ዋያፕ ሸምፕገን ሂንቲ ዋይታና ማላሳ ጌዳና። 14 ዋይ ኢንታ ፓላሃይ ሂንቲ ፓጫ ከንሳና ማላ ሃላ ሂንቲ ፓላሃይ ኢንታ ፓጫ ከንሳ። ሄሳን ሂንቲ ገና ጌዳና። 15 ጌሻ ማፃፋን፣ «ዳር ሺሺዳይሳስ ፓላሃይና፣ ጉላ ሺሺዳይሳስ ፓጫቤና» ጌቲቲ ፃፊቲዳይሳ ማላ።

ቲቶኔ ኢያ ላጌታ

16 ኑ ሂንቲው ቆፔይሳዳ ቲቶይካ ሂንቲው ቆፓና ማላ ኦሊዳ ያሳይ ጋላቲቶ። 17 ቲቶይ ሂንቲኮ ቢዳይ፣ ኑ ኢያ ዳንሌላዳ ጊሾ ፃላላ ጌዳናሺን ኢ ባ ሺኔን ባናው ኣሞቲዳ ጊሾሳ። 18 ዋንጌላ ማርካቴላን ዋሳ ኬላ ኡባን ዳር ኤሬቲዳ ኢሻ፣ ኑኒ ቲቶራ ኢሲፌ ከቶሰ። 19 ሄሳ ቦላ ኑኒ ሃ ኬሃ ኣሞታ ኤፊያ ዋይ ኑራ ባና ማላ ሃ ሎፖ ኦሎቡን ጎዳ ቦንቻናዉኔ ሃራታ ማዳናው ዳሚያ ኣሙባ ቤሳናው ኢ ዋሳ ኬላታን ደሬቲሰ።

20 ሃ ኣሚቲዳ ኬሃ ኢሙባ፣ ኑ ኦሶ ቦላ ፔሺያ ዋይ ቦሬቶና ማላ ናጌቶሰ። 21 ኑኒ ጎዳ ሲንላን ፃላላ ጌዳናሺን ኣሳ ሲንላንካ ሎፖ ጌዲዳባ ኦሶሰ።

22 ቃሲ ዳር ዋይ ፓጫን ማኒዲ ኣፌዳ ኑ ኢሻ፣ ኢንታራ ሂንቲኮ ከቲዳ። ኢ ሂንቲናን ኬሂ ኣማኔቲያ ጊሾ ሃላ ሂንቲና ማዳናው ዳር ኣሞቲሰ። 23 ቲቶባ ኤራናው ኮይኮ፣ ኢ ሂንቲና ማዳናው ታራ ኦሊያ ታ ኦሶ ላጌቶ። ሃንኮ ኢሻታባ ጌዳኮ ዋሳ ኬላቲ ከቲዳይሳታ፤ ቃሲ ኣሳይ ኢንታ ዳሳ ቤዲዳ ከራሰቶሳ ቦንቻሶና። 24 ሄሳ ጊሾ፣ ዋሳ ኬላቲ ሂንቲ ሲቁዋኔ ኑ ሂንቲና ናሺይሲ ቲማ ጌዳይሳ ቆንጫሳናው ሂንቲ ሲቁዋ ሃ ኣሳታ ቤሲቲ።

9

ኣማኒያ ኣሳስ ኬሲዳ ሚሺያ

1 ኣማኒያ ኣሳስ ኬሲያ ሚሺያባ ታ ሂንቲው ፃፋናው ኮሺና። 2 ሂንቲ ማዳናው ኬሂ ኣሞቲይሳ ታ ኤራይሰ። ሂንቲ ኣካያ ኣሳይ፣ ዘላይሳፌ ደሚዲ ማዳናው ጊጌቲዳይሳ ታኒ ማቁደኒያ ኣሳስ ዶና ከንሳዳ ኦዳሰ። ሂንቲ ጌታ ኣሞይካ ኤንታፌ ዳርታ ዳንሌላሰ። 3 ሃ ኦሎቡን ሂንቲናን ኑ ጨቁቲያ ጨቆይ ሃዳ ጌዳና ማላ ኮይር ሂንቲባ ታ ኦዲዳይሳዳ ሂንቲ ጊጌቲዳ ናጋና ማላ ሃ ኢሻታ ሂንቲኮ ከታሰ። 4 ማቁደኒያ ኣሳይ ታራ ቢዲ፣ ሂንቲ ጊጌቶና ዳሚሺን፣ ዳሚኮ፣ ኑ ሂንቲናን ዬላታና፤ ቃሲ ሂንቲ ኦፔ ኦሶ ዬላታና። 5 ሄሳ ጊሾ፣ ኑ ኢሻቲ ታፔ ሲንሳቲዲ ሂንቲኮ ቢዲ፣ ሂንቲ ኢሞና ጌዳ ኢሙባ ካሲቲዳ ጊሲሳና ማላ ታ ኤንታና ከታሰ። ታኒ ጋኪያ ዋይ ሄ ኣሞይ ጊጌ ኡቲሰ። ሄ ዋይ ሄ ኬሃቴላ ኣሞይ ዋልቃን ጌዳናሺን ዳሳን ጌዳይሳ ኤራሴሰ።

6 ሃይሳ ኣኬኪቲ፤ ጉሉ ዜራዳይ ጉሉ ጫካና፤ ዳር ዜራዳይ ዳር ጫካና። 7 ያሳይ ኡፋይሳን ኢሚያ ኡራ ዶሲያ ጊሾ ዋልቃን ዋይኮ ዶሲ ባይና ጌዳናሺን ኢሲ ኢሲ ኣሲ ባ ዋዛናን ቆፔዳይሳዳ ዳሳን ኢሞናው ቤሲሰ። 8 ኡባ ዋይ ኡባባን ኮሺያባ ኡባ ዳሚዲ ሎፖ ኦሶ ኡባ ኦሳናው ዳንዳናና ማላ ያሳይ ሂንቲው ባ ኣንጂባ ዳርሳና። 9 ጌሻ ማፃፋን፣

«ኢ ባ ሻሉባ ማንቆታሰ ላሊሰ፤

ኢያ ደሎቴላይ ሜሪናው ዳዳና»

ያጌሰ። 10 ዜሬይሳስ ዜሬሌ፣ ማናው ካሌ ኢሚያ ጎዳይ፣ ሂንቲ ዜሪያ ዜሬላ ዳርሲዲ ኢሞና። ሂንቲ ደሎቴላይ ኣይፊያካ ዳርሳና።

11 ዳር ኣሳይ ሂንቲ ኢሚያ ኢሙባ ኦፔ ኤኪዲ፣ ያሳ ጋላታናዳ፣ ሂንቲ ኡባ ዋይ ዳርሲዲ ኢሚያካታ ጌዳና ማላ ያሳይ ሂንቲና ኡባ ባጋራ ዱሬያና። 12 ሃ ሂንቲ ኢሚያ ኣሞይ ኣማኒያ ኣሳ ፓጫ ከንሳ ፃላላ ጌዳናሺን ኣሳይ ያሳ ጋላታናው ጋሶ ጌዳሰ። 13 ሃ ሂንቲ ኦሶይ ሂንቲ ኣማኑባ ኤርሲዲ ከራሰቶሳ ዋንጌላ ሂንቲ ኣማኒዲኔ ኢያው ከቲቲዲ ሂንቲው ዳሚያባ ኢንታራኔ ሃራታራ ቫኬቲዳ ጊሾ ኡባይ ያሳ ቦንቻና። 14 ያሳይ ሂንቲው ኢሚዳ ኣቆ ኬሃቴላ ጊሾ ኤንቲ ሂንቲው ያሳ ዋሲሺ ሂንቲና ቤሳናው ላሞቶሶና። 15 ዛዊ ባይና ያሳ ኢሙባሰ ያሳይ ጋላቲቶ።

10

ጳውሎሲ ሞቲይሳታስ ዛሪዳ ዛርቀ

1 ታ ሂንቲራ ዳሚያ ዋይ ሹጎ፣ ቃሲ ሂንቲፌ ሃኪያ ዋይ ኑ ቦላ ሚኔስ ያጌቲዳ፣ ጳውሎሲ፣ ኬሃኔ ኣሸከ ጌዲዳ ከራሰቶሳ ሰንላን ሂንቲና ዋሳይሰ። 2 ታኒ ሂንቲኮ ቢያ ዋይ ኑ ኣሾ ቆፋራ ሲሜሬቲያ ኣሲ ኦሊዲ ቆፔያ ኣሳ ቦላ ሚና ቃላን ኦይታናው ቆፋ ቃቻሰ። ሂንቲ ቦላ ሂሳዳ ኦይታና ማላ ሂንቲ ታና ኦሎናዳ ሂንቲና ዋሳይሰ። 3 ኑኒ ሃ ሳዓን ዳሚኮካ ሃ ሳዓ ኣሳዳ ኦሊቶኮ። 4 ኑ ኦላ ሚሺይ ሃ ሳዓይሳ ጌዳና። ሺን ሚፃ ላላናው ዋልቃራ ዳሚያ ያሳ ቶራ። ቲማራ ኤቁቲያ ፓላማኔ።

5 ያሳ ኤርና ማለ ዲጊያ ኦቶር ቆፋ ኡባ ላሎሰ። እሳ ቆፋ ኡባ ዲዲዲ ኪሪሰቶሳሰ ከቴታና ማላ ኦሎሰ። 6 ሃንቴ ከቴቴላይ ፖሎ ገዲያ ዋዴ ኮኒ ከቴቴላ ኢያ ኡባ ስራናው ገቢታና።

7 ሃንቴ እይፊይ ቤዲዳ ማላ ፐርዴታ። ኦኒካ ባና ኪሪሰቶሳሰ ገዲያ ቆፐያባ ገዲኮ፣ ኦካ ኪሪሰቶሳሰ ገዲይሳ ኢድ። 8 ጎዳይ ታው እሚዳ ማታን ጨቁቴኮካ ሃሳን ይላቴከ። ሄ ማታይ ታው እሚቴዳይ ሃንቴና ዲቻናሳፊ ኣተን ቆሃናሳ ገዲና። 9 ታኒ ታ ዳብዳቢያን ሃንቴና ያሽሳናው ከያዳ ያፊዳባ ዳና። 10 ኢሲ ኢሲ እሳይ፣ «ጳውሎሳ ዳብዳቢይ ዳይን ዋልቃማ፣ ሺን ኢያ ሰምዖን ቤዲያ ዋዴ ኢ ዳቡራንቸ፤ ኢያ ኦዳይካ ፓልና» ያጎሰና። 11 ሄ እሳቴ ኦ ሃሆን ዳዲሼ ሰምዶ ዳብዳቢያኒይ ማታን ሃንቴና ዳዲሼ ኦሊያ ኦሎቶ ገዲን ዳማቴሌ ባይናይሳ ኣኩኮ።

12 ኮኒ ባንታና ናሺያ እሳታራ ኦና ገናናው ዋይኮ ጋዳያናው ኮኮኮ። ሺን ኤንቴ ባንታና ባንታራ ገናዬዲ ዋይኮ ጋዴዪዲ ቤዲሼ ኤያ።

13 ሺን ኮኒ ያሳይ ኦሰ እሚዳ ጳሳን ጨቁቶሲፔ ኣተን ዛዋ ፒኒዲ ጨቁቶኮ፤ ሄ ዛዋይ ሃንቴኮካ ጋከሰ። 14 ኮኒ ቤሴይሳፊ ኣሉዲ ጨቁቶኮ፣ ሺን ኪሪሰቶሳ ምንገላ ሃንቴኮ ጋሌዳይሳን ጨቁቶሰ። 15 ኮኒ ያሳይ ኤሲን ዛዋፔ ፒኒዲ፣ ሃራቴ ኦሊዳ ኦሰን ጨቁቶኮ። ገደሺን፣ ሃንቴ እሚናይ ዳጫና ማላ ያሳይ እሚዳ ዛዋን ሃንቴ ገደን ኦ ኦሊያ ኦሰይ ዳልጋና ገዲያ ቆፖሰ። 16 ኮኒ ሃራ ኢሲ ባ ዛዋን ኦሊዳ ኦሰን ገሌዲ ጨቁቶኮ፣ ሺን ሃንቴፊ ፒኒዲ ሃራታሰ ምንገላ ማርካታናው ዳንዳዖሰ። 17 ሺን፣ ገሻ ማፃፃን፣ «ጨቁያ ኡባይ ጎዳ ሎፖቴላን ጨቆ» ያገዲ ያፊቴሰ። 18 ጎዳይ ናሺያ ኡራቴ ኣተን ባና ባው ናሺያ ኡራይ ናሹቴና።

11

ጳውሎሳን ዋርዳንቸ ሃዋሪታ

1 ታ ጉላ ኤያቴላ ሃንቴ ሃሳካ ዳንዳባና ጋዳ ቆፓይሰ፤ ሃያና ዳንዳባቴ። 2 ያሳይ ሃንቴው ቆፐዳይሰሳዳ፣ ታካ ሃንቴው ቆፓይሰ። ታኒ ሃንቴና ገሻ ገላዲዳ ኢሲ ኣዲያ፣ ኪሪሰቶሳሰ እሚናው ኦይቻ ዋሳሰ።

3 ሺን ሸሻይ ባ ገቢያን ሃዋና ባሌላዳይሳዳ ኮኒ ኤሪ ሃንቴ ዋዛናይ ኢቴዲ ኪሪሰቶሳሰ ዳዲያ ሃንቴ ሱሬቴላይ ገሻቴላ ኣጋንዴቴ ጋዳ ሂርጋይሰ። 4 ኢሲ ኢሲ ዪዲ፣ ኮኒ ሃንቴው ማርካቴዳ ዬሱሳፔ ሃራ ዬሱሳ ሃንቴው ማርካቴኮ፣ ዋይኮ ሃንቴ ኤኪዳ እያናቴኔ ምንገላፔ ሃራ እያናቴ ምንገላ ሃንቴው ኦዲኮ፣ ሲዳ ገዲ ኤኪታ።

5 ሺን ታኒ ዬሱሰ ከቴዳ «ገታ ሃዋሪታፔ» ጉፃይሰ ጋዳ ቆፐከ። 6 ታኒ ኦዳ ኤርና ኢሲ ገዲኮካ፣ ኤራቴሌ ታው ዳዲሰ። ሃሳ ታ ሃንቴው ዳር ኦኒን ቆንጨሳሰ።

7 ታኒ ሚሼ ኦይቸና ያሳ ምንገላ ሃንቴው ጮ ኦዲዳይሰኒ ሃንቴና ቶቁ ኦላዳ ታና ቶቸዳይሰ ታው ናጋራ ገዲ? 8 ታኒ ሃንቴው ኦላናው ሃራ ዋሳ ከላታፔ ሚሼ ቦንቃ ኤካሰ። 9 ታ ሃንቴራ ዳዲያ ዋዴ ታና ሚቴንካ ሃንቴፊ ኢሲ ኢሲካ ዋይሳቢከ። ማቁዳኒያፔ ዪዳ እማኔይሳቴ ታና ኮሺያባ ኡባን ማዲዳሰና፣ ሃቸ ጋካናው ታ ሃንቴው ቶሆ ገዳቢከ ሲንላሰካ ቶሆ ገዲከ። 10 ኪሪሰቶሳ ቱማቴላይ ታናን ዳዲሺን፣ ታ ጨቁዋ ኣካያ ቢታን ታና ኦኒካ ዲኒና። 11 ታ ሃይሳ ኣይሰ ጋይና? ሃንቴና ዳሰና ገሻሴዬ? ታኒ ሃንቴና ዳሴይሳ ያሳይ ኤሪሰ።

12 «ኦካ ሃንቴ ማላ ኦሎሰ» ያገዲ ጨቁያ ሃንኮ ሃዋሪታ ጨቁዋ ጋሱዋ ጳይሳናው ሃሳ ታ ኦሊይሳ ሲንላሰካ ኦላና። 13 ሃይሳ ማላ ኣሳቴ ኪሪሰቶሳ ሃዋሪ ዳናናው ባንታና ሳሚያ ዋርዳንቸ ሃዋሪታኔ ጨሚያ ኦሳንቸታ። 14 ሃሳ ማላሊሲያባ ገዲና፤ ኣይሰ ገኮ፣ ያላሃይ ፖፖ ከታንቸ ዳናናው ባና ሳሚሰ። 15 ሃሳ ገሺ፣ ያላሄ ኣሳንቸቴ ሂሎቴላ ኦሳንቸታ ዳናናው ባንታና ሳሚኮ ሄሲ ገታባ ገዲና። ኤንቴ ዉርሰላን ባንታ ኦሎቶዳ ኤካና።

ጳውሎሳ ጋኪዳ ሜቱዋ

16 ኦኒካ ታና ኤያ ገዲ ቆፖና ማላ ዛራዳካ ኦዳይሰ። ታ ሃንቴው ኤያ ዳኒኮካ ታ ጉላራ ጨቁታና ማላ ታና ኤያ ኦሊዲ ኤኪቴ። 17 ታኒ ሃይሳዳ ጨቁታዳ ኦዳይቴ፣ ጎዳይ ኮዬይሳዳ ገደናሺን ኤያቴላን ኦዳይሰ። 18 ዳር ኣሳይ ሃ ሳባባን ጨቁታና ገሻ ታካ ጨቁታና። 19 ሃንቴ ዋዛናው ገዲያ ገሻ ኤያ ኣሳባ ኡፋይሳን ዳንዳባ። 20 ኦኒካ ሃንቴና ኣይሌይኮ ዋይኮ ሃንቴና ቦንቁኮ ዋይኮ ባው ማዴታናው ሃንቴኮ ሸቁኮ ዋይኮ ሃንቴ ቦላ ኦቶርቴኮ ዋይኮ ሃንቴና ባቁኮ ሃንቴ ዳንዳባ። 21 ኮኒ ሃሳ ኣላናው ዳር ዳቡራንቸ ገዲይሳ ዬሳታሼ ታ ኦዳይሰ።

ሺን ኦኒካ ሚኒዲ ጨቁታኮ፣ ታካ ጨቁታናው ሚናይሰ። ታኒ ሃሳ ኤያ ኣሳዳ ኦዳይሰ። 22 ኤንቴ ኢብራዌ? ታካ ኢብራዌ። ኤንቴ ኢሰራዌል? ታኒ ኢሰራዌል። ኤንቴ ኢብራሃሚ ሺሼ? ታካ ኢብራሃሚ ሺሼ። 23 ኤንቴ ኪሪሰቶሳ ኦላናቸ? ታኒ ጎሻ ኣሳዳ ኦዳይሰ። ኤንታፊ ኣጲያ ኪሪሰቶሳ ኦላንቸ። ታኒ ኦሰን ዳር ዳቡራሰ፤ ዳር ዋዴ ቃሼታሰ፤ ጋራፊታሰ፤ ዳር ዋዴ ሃይቆፔ ኣታሰ። 24 ኣይሁዴቴ ታና ሃሰታማኔ ኡዲፋና ኢቻሹ ቶሆ ጋራፊዳሰና። 25 ሃቸ ቶሆ ምዖዳን

ሾጩታስ፤ እሲ ቶሆ ሹቻን ጫዳታስ፤ ማርካቤይ ሄዡ ቶሆ ማዲሲ፤ አባ ጊደን እሲ ቃማ ኩሜሊ አቃዳ ፔዓስ። 26 ታኒ ዳሮ ኦሊያ ዳቡራን ሃውታስ። ከያ ሃላፊኔ ፓገጋሬ አታስ። አይሁዳቲኔ አይሁዳ ጊደና አሳይ ታ ቦላ ሜቶ ጋሊደሶና። ካታማይ፣ ባዞይ፣ አባይ፣ ታና ያሸሰ፤ አማኒያ ዳኒያ አሳቲ ታና ዋይሲደሶና። 27 ታኒ ኦሶን ዳቡራሲኔ ጫዋታስ። ዳሮ ቶሆ ጲስኮ ጳያስ። ኮሻታስ። ሳዋታስ። ዳሮ ቶሆ ያማስ። ማጌታስ። ካሎታስ።

28 ሃራባ ኡባ ታይቦና ኡባ ዋዴ ታና ቆፊሴይ ዋሳ ኬላታባ። 29 እሲ እሲ ዳቡሪያ ዋዴ እያራ ታ ዳቡራቢኪና? እሲ እሲ ናጋራን ቆቤቲያ ዋዴ ታ አወዴ ቂሮቶና አጋዳና?

30 ታ ጩቁታናው ኮሺያባ ጊዲኮ ታኒ ዳቡራንቸ ጊዳይሳ ኤሪሲያባን ጩቁታና። 31 ማሪናው ቦንቲቲዳ ያሳይ፣ ኦ ጎዳ ዩሱስ ከሪሰቶሳ አዋይ፣ ታ ዋርዶቶናይሳ ኤሬስ። 32 ዳማስቆ ካታማን አራታሳ ጊያ ካወዋፔ ጋርሳራ ሃራይሲ ታና ኦይላናው ኮዪዲ ዳማስቆ ካታማ ፔንጊያ ናጊሲስ።

33 ሺን አሳይ ታና ዳቸን ዩጊዲ፣ ካታማ ዲርሳ ማስኮቲያራ ዋዲሲን ታኒ እያ ኮሺያፔ አታስ።

12

ጳውሎሳ ቆንጩላ

1 ጩቁቲላሳ ጎሳ ባይናይሳ ኤራይስ። ሺን ጩቁታናው ኮሺኮ፣ ጎዳፔ ኤኪዳ ቆንጩላን ጩቃና። 2 ታማኔ ኦይዲ ላይላፊ ካሲ፣ ከሪሰቶሳ አማኒያ እሲ ኡራይ ሄዡንላ ሳሎዋ ቢዳይሳ ታ ኤራይስ። ሄ ኡራይ አሾን ዋይኮ አሾፔ ካራራ ቢዳኮ ታ ኤሪኬ፤ ያሳይ ኤሬስ። 3 ሄ ኡራይ ሄዡንላ ሳሎዋ ኤኬቲዳይሳ ኤራይስ። ሺን እ አሾን ዋይኮ አሾፔ ካራራ ኤኬቲዳኮ ታ ኤሪኬ፤ ያሳይ ኤሬስ። 4 ሄ ኡራይ ጋናቲ ኤኬቲዳ እሲ ቆንጩሳናወኔ እሲ ኦዳናው ዳንዳያባ ሲዳሲ። 5 ታኒ ሄ አዲያባን ጩቁታና፣ ሺን ታኒ ታ ዳቡራፔ አቲን ታናን ጩቁቲያባይ ባዋ። 6 ታኒ ቱማ ኦዳቲያ ጊሾ ጩቁታናው ኮይኮካ ኤያ ጊዲኬ። ሺን እሲ ታ ኦሌይሳ ቤዳይሳፊ ሲዳይሳፊ አሊዲ ቆገና ማላ ጋዳ ጩቁቲላ አጋይስ።

7 ታው ቆንጩላ ጊታ ቆንጩላን ታ ኦቶርቶና ማላ ታና ዋይሳናው ታ አሾዋን ጫዲያ ያላሂያ ኪታንቸይ ታው አሜቲስ። 8 ሃ ዋይሲያባ ታፔ ዲጋና ማላ ታኒ ጎዳ ሄዡ ቶሆ ዋሳስ። 9 ሺን ጎዳይ፣ «ታ ዋልቃይ ኔ ዳቡራን ቆንጩላ ጊሾ ታ አቶ ከሃቴላይ ኒው ጊዳና» ያገሲ። ከሪሰቶሳ ዋልቃይ ታናን ቆንጩላ ማላ ታ ዳቡራን ኡፋይታሺ ጩቁታይስ። 10 ታኒ ከሪሰቶሳ ጊሾ ዳቡሪያ ዋዴ ጫዳቲያ ዋዴ ዋዩቲያ ዋዴ ጎዳቲያ ዋዴ ሜቶቲያ ዋዴ ታ ዳቡራን ኡፋይታይስ። አይስ ጊኮ፣ ታ ዳቡሪያ ዋዴ ሄ ዋዴ ማሪናይስ።

ጳውሎሲ ቆርንቶሳ አሳሰ ቆፔስ

11 ታኒ ኤያ አሳዳ ጩቁታስ። ሄሳዳ ታ ጩቁታና ማላ ኦሊዳይ ሂንቴና። ታ፣ ታ ሁዒን ኤሬቶና እሲ ጊዲኮካ፣ «ጊታ ሃዋራታ» ጌቲቴይሳታፔ ጉዲኬ። ሄሳ ታው ማርካታናው ቤሴይ ሂንቴናሺን። 12 ታ ሂንቴ ጊደን ደዓሺ ዳንዳዓን ኦሊዳ ማላታቲኔ ማላቲ ታ ቱማ ሃዋራ ጊዳይሳ ቤሶሶና። 13 ታ ሂንቴው ቶሆ ጊደናይሳፊ አቲን ሃራ ዋሳ ኬላታፔ ሂንቴ አይቢን ጉዳይቲ? ሄሲ ባላ ጊዲኮ ታና ማሪቲ።

14 ታኒ ሂንቴኮ ባናው ጊጌቲሺን ሃይሲ ታው ሄዡንላ። ታ ሂንቴናፔ አቲን ሂንቴው ዳዲያባ ኮኖና ጊሾ ሂንቴና ዋይሳናው ኮዪኬ። ዩሊዳይሳቲ ባንታ ናይታስ ሻሎ ማንጆሶናፔ አቲን ናይቲ ባንታና ዩሊዳይሳታስ ሻሎ ማንጆሶና። 15 ታ ሂንቴ ጊሾ ታው ዳዲያባኔ ታና አላ አሚንካ ታና ኡፋይሴስ። ያቲን፣ ታኒ ሂንቴና ሄሳዳ ከሃ ሲቁያ ዋዴ ሂንቴ ታና ጉላራ ሲቁቲ?

16 ጊዲኮካ፣ ታ ሂንቴው ቶሆ ጊዲኬ፤ ዋይሳቢኬ፤ ሺን ሂንቴና ጨሞኒኔ ጌኔን ኦይኪዳባ ሂንቴው ዳናና አጌና። 17 ሃሪ አቶሺን፣ ታ ሂንቴኮ ኪቲዳ አሳታፔ ሂንቴና ጨሞኒዳ እሲ ዳዲ? 18 ቲቶይ ሂንቴኮ ባና ማላ ሃሪ ዋሳስ፤ ቃሲ አማኒያ አሻካ ኢያራ ዬዳስ። ያቲን፣ ቲቶይ ሂንቴና ጨሞኒ? ኦኒ ኦ ኦሱዋ እሲ አያናን ኦሊቦኮ? ቃሲ ኦ ሃኖይካ እሲና ጊዳይ?

19 ኦ ኡባ ዋዴ ሂንቴ ሲንላን ኦና ያሊሳናው ሞቲቲያባ ሂንቴው ዳይ? ኦ ከሪሰቶሳን ዳዲዳ ያሳ ሲንላን ሃራ ጋካናው ኦደስ። ኦ ሲቆ አሻቶ፣ ኦ ሃ ኡባ ኦሌይ ሂንቴና ዳቸናሳ። 20 ታ ሂንቴኮ ቢያ ዋዴ ኦኒ ኤሪ ሂንቴ ታ ኮዩይሳዳ ሃኖና፣ ቃሲ ታካ ሂንቴ ኮዩይሳዳ ሃኖና ጋሄቶና አጎኮ ዳ ያያይስ። ቃሲ ኦኒ ኤሪ ሂንቴ ጊደን ፓላሚ፣ ቃናቲይ፣ ሃንቆይ፣ ዩቁይ፣ ዘገርሲ፣ አሳ ስንላ፣ ኢሶይ፣ ኦቶሮይ ካቺ ዳና አጌና ጋዳ ያያይስ። 21 ታኒ ናሞዓንላ ሂንቴኮ ቢያ ዋዴ ያሳይ ሂንቴ ሲንላን ታና ካወሻና ጋዳ ያያይስ። ካሲ ናጋራ ኦሊዲ ሄ ባንታ ኦሊዳ ቲናቴላፊ፣ ላይማቴላፊኔ ዬላያ ኦሱዋፔ ሲሚቦና አሳታ ቢዳዳ አዛናና አጊኬ ጋዳ ያያይስ።

13

ዉርሱላ ዞሬኔ ሳርፊ

1 ታ ሂንቲኮ በሺን ሃይሲ ሄዳን። እይ ሞቶይካ ናሞ፡ ወይኮ ሄዳ ማርካን ማኔስ። 2 ታኒ ናሞሳን፡ ሂንቲራ ጋሂቲዳ ወይ ሂንቲ ጊደን ካሴ ናጋራ ኦሲዳ ኡራኔ ሃራታ ኡባ ሴርና ኣጊኬ ጋዳ ኦዳ ዋላስ። ሃባ ታ ሃካዳ ዳቢኮካ ሲማዳ ሂንቲኮ ቢያ ወይ ኦዳስካ ቃዴቲኬ።

3 ታናን ዳዲዲ ኦዳይ ከሪሰቶሲ ጊዳይሳ ሂንቲ ኡራናው ኮዬታ። ኢ ሂንቲራ ሃሳያ ወይ ዋልቃማ፤ ኣቲን ሂንቲ ጊደን ዳቡራንቾ ጊዳና። 4 ከሪሰቶሲ ማስቃሊያ ቦላ ዳቡራን ካቁቲስ፡ ሺን ያሳ ዋልቃን ዳዎን ዳዔስ። ኢ ዳቡራንቾ ጊዳይሳዳ፤ ኦካ ዳቡራንቾ። ሺን ሂንቲና ሃጋዛናው ያሳ ዋልቃን ኢያራ ዳዎን ዳና።

5 ኣማኖን ማኒዲ ዳዲያኮ ሂንቲና ሂንቲው ፓጨ ቤዒቲ። ፓጨን ሂንቲ ኩንዳና ኣቲኮ፤ ከሪሰቶሲ ሂንቲናን ዳዔይሳ ሂንቲ ኡራታ። ሺን ከሪሰቶሲ ሂንቲናን ዳና ኢዲኮ ሂንቲ ኩንዳታ። 6 ኦኒ ፓጨን ኩንዳናይሳ ሂንቲ ኡራታ ጋዳ ኣማናይሰ።

7 ሂንቲ ኢታባ ኦላና ማላ ኦኒ ያሳ ዋሶስ። ኦኒ ማኖ ጊዳይሳ ኣሳይ ቤዓና ማላ ጊዳናሺን ኦኒ ማኖ ጊዳና ኢዲኮካ፤ ሂንቲ ሎዎ ኦላና ማላ ኦኒ ዋሶስ። 8 ኦኒ ቱማሰ ኦላሰ፤ ኣቲን ቱማራ ኡቁቲያባ ኣይባካ ኦላኮ። 9 ኦ ዳቡራያ ወይ ሂንቲ ቃሲ ማኒያ ወይ ኦና ኡፋይሴስ። ሂንቲ ቦሬይ ባይናይሳታ ጊዳና ማላ ኦ ሂንቲው ያሳ ዋሶስ።

10 ታኒ ሂንቲፊ ሃካዳ ዳዳሺ ያፊዳይ ሄሳ ጊሾሳ። ታኒ ሂንቲኮ ቢያ ወይ ጎዳይ ታው ኢሚዳ ማታን ዘምፓዳ ሂንቲ ቦላ ጎዳታናው ኮዩኬ። ጎዳይ ታው ማታ ኢሚዳይ፤ ሂንቲና ማዳናሳፊ ኣቲን ቆሃናሳ ጊዳና።

11 ዉርሱላን ታ ኣሻቶ፤ ሳር ዳዒቲ። ቦሬይ ባይና ዳዒቲ፤ ታ ዞሪያ ሲዒቲ። ኢሲ ወዛናን ጊዳዲ ዳዒቲ፤ ሳርቴላን ዳዒቲ። ሲቆኔ ሳር ኢሚያ ያሳይ ሂንቲራ ጊደ።

12 ጌሻ ዩሬቴላ ዩሬቴሺ፤ ኢሶይ ኢሱዋ ሳርላቲ። 13 ያሳ ኣሳ ኡባይ ሂንቲና ሳር ሳር ያጎሶና።

14 ጎዳ ዩሶስ ከሪሰቶሳ ኣዶ ኬሃቴላይ፤ ያሳ ሲቆይ፤ ጌሻ ኣያና ኢሲፊቴላይ ሂንቲ ኡባራ ጊደ።

ጳውሎስ ጋላጥያ አሳስ ፃፊዳ ከታ ጋላ ቆፋ

ዩሱስ እሼይሳ ጊዴይሳ ኦዲያ ዋንገላ ቃላይ ዳማ ዳማ ቤሳን ሳባኪቴን፣ አይሁዳ ጊደና አሳይ አማኒ አማኒ ቢያ ዋዴ «ከሪስታኔ ጊደናው ሙሴ ሂጌ ፖላናው ኮሽዬ ኮሽኔ?» ያገያ ኦይሾይ ኢሲፌ ዳንዲስ። ሄ ዋዴ ጳውሎስ፣ «ከሪስታኔ ጊደናው ሙሴ ሂጌ ፖላናው ኮሽና፣ ዩሱሳን ኦራላ ዳዎ ዳማናው ኮሽያ ዋናይ አማና። አሳይ ያሳ ሲጎላን ያላናው ዳንዳዴይ አማና ያላላን» ያገዲ ታማርሲስ። ሽን ጉላ ኢሲያን፣ ጋላጥያ አወራጃን ዳዲያ ዋሳ ኬላን ዳዲያ አሳ ጊደን፣ «አሲ ያሳ ሲጎላን ያላናው ዩሱሳን አማና ያላላ ጊደናሽን ሙሴ ሂጊያካ ፖላናው ኮሽስ» ያገዲ ጳውሎስ ተሚርቲያ ጳልቂያ አሳቲ ዳዎሶና።

ጳውሎስ ጋላጥያ ማፃፋ ፃፊዳይ፣ ሄ ባላ ተሚርቲያን ጨሜቲዳ አሳ ቱማ አማኑዋኮኔ አማና ዳዎዋኮ ዛራናሳ። ጳውሎስ ዩሱሳን ሃዋሪ ጊዴይሳ ተላይዲ ኦዶ ኦይኪስ። ኢያ ሃዋሪ ኦሳዲ ያገዲይ አሴ ጊደናሽን ያሳ ጊዴይሳኔ ኢ ከቲቲዳይ አይሁዳ ጊደና አሳስ ጊዴይሳ ቆንጨሲዲ ኦዲስ። ኢያራ ኦይሴሳዲ አሳይ ያላናው ዳንዳዴይ አማና ያላላ ጊዴይሳ ኦዴስ። ወርሴላ ሽምፖታን አማና ዳይይ ዩሱሳን አማናን ቤንቲያ ሲቆፔ ፑልቴይሳ ጊዴይሳ ኦዴስ።

ጋላጥያ ከታ አይፌ ቆፋታ

- ጌሎ ቆፋ 1:1-10
- ጳውሎስ ሃዋሪቴላ ማታ 1:11-2:21
- ያሳ አጾ ኬሃቴላ ዋንገላ 3:1-4:31
- ላባቴሴኔ አማናን ዲሱ 5:1-6:10
- ኮሻ ቆፋ 6:11-18

1 አሳፔ ዋይኮ አሳ ባጋራ ጊደናሽን ዩሱስ ከሪስቶሳፔኔ ኢያ ሃይቆፔ ዳንሊዳ ያሳ አዋፔ ሃዋሪ ጊደና ሜላ ከቲቲዳ ታ ጳውሎስ፣² ታራ ዳዲያ አማኒያ አሻቲ ኡባይ፣ ጋላጥያን ዳዲያ ዋሳ ኬላታስ ከቲዳ ከታ።

³ ያሳይ ኦ አዋይኔ ኦ ጎዳ ዩሱስ ከሪስቶሲ ሂንቲው አጾ ኬሃቴላኔ ሳርቴላ አም።

⁴ ሃ ኢታ ዋዲያፔ ኦና አሻናው፣ ኦ ያሳ፣ ኦ አዋ ሼኔን ከሪስቶሲ ኦ ናጋራ ጊሾ ባና አሊ አሚስ።

⁵ ያሳስ ሜሪናፔ ሜሪና ጋካናው ቦንቾይ ጊደ። አሚንዳ።

ቱማ ዋንገላይ ኢሲያ

⁶ ከሪስቶሳ አጾ ኬሃቴላን ሂንቲና ያገዲ ያሳ አገዲ፣ ሃራ ዋንገላኮ፣ ሂንቲ ኤሌሲዲ፣ ዋኒዲ ሲሚዳኮ ታና ማላሊሴስ።⁷ ሂንቲና ባሊላናወኔ ከሪስቶሳ ዋንገላ ዋቢሳንው ኮያ ጉላ አሳቲ ዳዎሶናፔ ኦቲን ቱማ ዋንገላይ ኢሲና።⁸ ሽን ኦና ጊደን ዋይኮ ሳሎ ከታንቾ ጊደን ኦኔ ሂንቲው ኮይራ ኦዲዳ ዋንገላፔ ዳማቲያ ሃራ ዋንገላ ሂንቲው ኦዲያባ ጊደኮ፣ ኢ ቃንጌቲዳባ ጊደ።⁹ ሃይሳፌ ሲሰሎ ኦኔ ጊደይሳዳ ሃላካ ዛራዳ ጋይስ። ሂንቲ ኤኪዳ ዋንገላፔ ዳማቲያ ዋንገላ ኦኔካ ሂንቲው ኦዲኮ ሄ ኡራይ ቃንጌቲዳባ ጊደ።

¹⁰ ያፔ፣ ታና አሲ ናሻና ሜላ ኮያይና? ዋይኮ ያሲ ናሻና ሜላ ኮያይና? ዋይኮ ታ አሴ ኡፋይሳናው ኮያይና? ታ አሴ ኡፋይሳናው ኮያባ ጊደኮ፣ ከሪስቶሳ አይሌ ጊደኬ።

ጳውሎስ ያጌቴላ

¹¹ ታ አሻቶ፣ ታ ሂንቲው ኦዲዳ ዋንገላይ አሳፔ ጊደናይሳ ሂንቲ ኤራና ሜላ ታ ኮያይስ።¹² ታው ሃ ዋንገላ ዩሱስ ከሪስቶሲ ቆንጨሲሲፔ ኦቲን አሳፔ ኤካቢኬ ዋይኮ አሲ ታና ታማርሲቤና።

¹³ ታ ካሴ አይሁዳ አማናን ዳዲያ ዋዴ ዋና ዳዲዳኮ፣ ሂንቲ ሲዲዳታ። ታ ዋሳ ኬላ ቃጼይ ባይና ጎዳናወኔ ቆይሳናው ባያታስ።¹⁴ አይሁዳ አማና ናን፣ ታ ዋዴን ዳዲያ አይሁዳ አሻታፔ አጳይስ። ኦ አዋታ ዋጋስካ አጳዳ ሚሽታይስ።

¹⁵ ሽን ታ ቡር ታ አይ ኡሎን ዳዲሽን ያሳይ ታና ደሪስ፤ ባ አጾ ኬሃቴላን ታና ያገሲ።

¹⁶ አይሁዳ ጊደና አሳስ ዋንገላ ኦዴና ሜላ ያሳይ ባ ናዳ ታው ቆንጨሲዳ ዋዴ ታ ኦዴራካ ዞራታቢኬ።¹⁷ ዋይኮ ታፔ ሲሰሎ ሃዋሪ ጊዲዳይሳታራ ጋሂታናው ዩራሳላሜ ባቢኬ። ሽን ታ ካሴታዳ አራቤ ቢታ ባሳይ ሃሳፌ ሲማዳ ዳማሰቆ ካታማ ያስ።¹⁸ ሂዙ ሳይላፌ ጉዬ፣ ጳይርሳራ ጋሂታናው ዩራሳላሜ ባሳይ ኢያራ ታማኔ ኢቻሹ ጋላስ ኡታስ።¹⁹ ሽን ጎዳ አሻ ያይቆሳፔ ኦቲን ሂንቲ ሃዋሪታ ቤዳቢኬ።

20 ታ ሂንቲው ፃፊይዳይሲ ዋርዶ ገደናይሳ ያሳ ሲንላን ሂንቲው ቆንጨሳይሲ።

21 ሄሳፌ ጉዬ፣ ታኒ ሶሪያ ቢታ ከሌቂያ ቢታ ባሰ። 22 ዪሁዳን ዴዲያ ዋሳ ኪላ እሳይ ታና ቢዲዲ ኤሪቦርካ። 23 ሺን ኤንቲ፣ «ካሲ ኑና ጎዲያ ኡራይ፣ ሃዲ ሄ ኢ ጳይሳናው ኮያ አማኑቀባ ሳባኪስ» ያጌይሳ ሲዲዶሶና። 24 ሲዲዳ ኡባይ ታ ጋሶን ያሳ ጋላቲዶሶና።

2

ሃዋሪቲ ጳውሎስ ኢኪዶሶና

1 ታማኔ አይዲ ሳይሳፌ ጉዬ፣ ባርናባሳራ ዛራዳ ዬሩሳላሚ ባሰ። ሄ ዋዴ ቲቶ ታራ ኤካዳ ባሰ። 2 ያሳይ ታው ቆንጨሲዳ ቆንጨ፣ላን ያ ባዳ አይሁዴ ገደና አሳ ገደን ታ ሳባኪያ ዋንጌላ ኤንታው ቆንጨሳሰ። ካሲ ታ ዋዲያ ዋሳይኔ ሃዲካ ታ ዋዲያ ዋሳይ ሃዳ ገደና ሜላ ጋዳ ካሌሌይሳታ ዲማ ሸሻዳ ኤንታው ኦዶሰ። 3 ሃሪ አቶሺን፣ ታራ ዴዲያ ቲቶይ ገሪኬ አሲ ገዲኮካ፣ ቃዖሬቶ ገዲ ኤንዲሊቦርካ። 4 ገደሺን፣ አማኒያ ኢሸታ ዳኒዲ ኑ ገደ ጌሊዳ ኢሶቲ ኢሶቲ ኢ ቃዖሬታና ሜላ ኮዪዶሶና። ሄ አሳቲ ኪሪስቶስ ዬሱሳን ኑስ ዴዲያ ላባቴላ ዋቺዲ ቤዳናው ጌማን ኑ ገደ ጌሊዲ ዛሪዲ ኑና አይሌ ኦላናው ኮዮሶና። 5 ሺን ቲማ ዋንጌላይ ሂንቴናን ሚኒዲ ዳና ሜላ ኑኒ ሃሪ አቶሺን፣ ጉላ ዋዴሰካ ኤንታው ኩሼ አሚቦኮ።

6 ሺን ሃላቃ ዳኒያ አሳታ አናቴላይ ታው አይኮካ ገደና። ያሳይ አሳ ሶምዖ ቢዲዲ ፐርደና። ሃ አሳቲ ታ ማርካቲያ ዋንጌላ ቦላ ጉጃዳባይ ባዋ። 7 ሺን ጳይሪሲ፣ አይሁዴታስ ዋንጌላ ኦዳና ሜላ ያሳይ ኢያው ሃዳራ አሚዳይሳዳ ታውካ አይሁዴ ገደና አሳስ ዋንጌላ ኦዲያ ሃዳራ አሚዳይሳ ኤንቲ ጉዬፐ ቤዲዶሶና። 8 ሂዛ፣ ጳይሪሲ አይሁዴታ ሃዋሪ ገደና ሜላ ኦዲያ ያሳይ፣ ታካ አይሁዴ ገደና አሳስ ሃዋሪ ገደና ሜላ ኦዲሰ። 9 ቃሲ ቱሱ ዳኒዲ ቢንቲያ ያይቆቤ፣ ጳይሪሲኔ ዮሃኒሲ፣ ታው አሚቴተ አጼ ኬሃቴላ ቤዲዳ ዋዴ ኑራ ኢሲፊዳይሳ ቆንጨሳናው ታ ኩሺያኔ ባርናባሳ ኩሺያ ኦይኪዶሶና። ኑኒ አይሁዴ ገደና አሳኮ፣ ቃሲ ኤንቲ አይሁዴ አሳኮ ባናው ገገደሶና። 10 ኤንቲ ኑና ማንሳዲ ሃዳራ ገደይ፣ ኑኒ ማንቆታስ ቆጋናይሳ። ካሲካ ታ ሃሳ ኦላናው አሞቲይሲ።

ጳውሎስ ጳይሪሳ ቲሚርቲያ ጳልቂሰ

11 ጳይሪሲ አንዎኪያ ካታማ ዩዳ ዋዴ ኢ ባሊዳ ገሾ ታኒ ኢያ ሶምዖን «ኔኒ ባላዳሳ» ጋሰ። 12 ያይቆቤ ከቲዳ ጉላ አሳይ ያናፕ ሲንላ ኢ አይሁዴ ገደና አሳራ ሜሰ፣ ሺን ኤንቲ ዪዳፔ ጉዬ፣ «አይሁዴ ገደና አሳቲ አማኒዳይሳቲ ቃዖሬታናው ቤሴሲ» ገያ አሳስ ያዩዲ ኤንታፊ ሻኪቲሰ። 13 ቃሲ ሃንኮ አማኒዳ አይሁዴቲ ጳይሪሳ ሃኑቀ ካሊዶሶና። ሃሪ አቶሺን፣ ባርናባሲካ ኢያ ቆፋን ሳሹቲሰ።

14 ሺን ኤንቲ ዋንጌላ ቲማቴላን ሱራ ሃውቶናይሳ ቤዳዳ፣ ጳይሪሳ አሳ ኡባ ሲንላን፣ «ኔኒ አይሁዴ ገደሹ፣ አይሁዴ ዋጋላ ገደናሺን አይሁዴ ገደና አሳዳ ዴዳሳ፣ ያቲን፣ ዋናዳ አይሁዴ ገደናይሳታ፣ ሳይሁዴ ዋጋን ዴዲቲ ጋዳ ዋልቃታይ?» » ያጋሰ።

15 ኑኒ ዬሌታን አይሁዴ፣ ሺን ናጋራንሻ ገዲዳ አይሁዴ ገደና አሳ ሜላ ገደኮ። 16 ሺን አሲ ዬሱስ ኪሪስቶስ አማኒዲ ዊሊሲፔ አቲን ሂጌ ናገዲ ዊሎናይሳ ኤርሰ። ኦኒካ ሂጌ ናገዲ ዊሎና ገሾ ኑካ ሂጌ ናገዲ ገደናሺን ኪሪስቶስን አማኒዲ ዊላና ሜላ ኪሪስቶስ ዬሱስን አማኒዲ።

17 ኑ አይሁዴቲካ ኪሪስቶስ ባጋራ ዊላናው ኮሺሰ። ሃሳ ገዲኮ ኑካ ሃራ አሳና ናጋራንሻ ገዲይሳ ቤዶሰ። ያቲን፣ ኑ ናጋራ ኦላና ሜላ ዴንሕሌይ ኪሪስቶስ ጉሱዬ? ኡባካ ገደና! 18 ሂዛ፣ ታ ላሊዳይሳ ዛራዳ ከዲያባ ገዲኮ ታኒ ታ ሁዳን ሂጌ ሜንሕይሳ ገዲይሳ ቆንጨሳይሲ። 19 ታኒ ያሳስ ዳና ሜላ ሂጌ ባጋራ ሂጌሰ ሃይቃሰ። 20 ታኒ ኪሪስቶስ-ሳራ ማስቃሊያ ቦላ ካቂታሰ። ታኒ ሂዛፔ ታው ዴዲኬ፣ ሺን ኪሪስቶስ ታናን ዴዴሰ። ታ ሃዲ ዴዲያ ዴዴቀ፣ ታና ደሲዲ ታ ገሾ ባና ኢሊ አሚዳ ያሳ ናባ አማናዳ ዴዴይሰ። 21 ታኒ ያሳ አጼ ኬሃቴላ ሃዳ ኦዲኬ። ዊሎቴሌ አሳስ ሂጌ ባጋራ ቤንጉያባ ገዲያኮ፣ ኪሪስቶስ ጮ ሃይቂስ ጉሱ።

3

ዊሎቴሌ አማናና

1 ሂንቴና፣ አኪኪ ባይና ጋላቲያ አሳው፣ ሂንቴ አይፊያ ሲንላን ኪሪስቶስ ማስቃሊ ቦላ ካቂቲዳ ሚሲሊዳ ቆንጨዲ ቤንጉሰ። ያቲን፣ ቲማስ ሂንቴ ኪቲቶና ሜላ ሂንቴና ቢቲዳይ ኦኒ? 2 ታ ኢሲባ ኤራናው ኮያይሰ፣ ሂንቴ ገሻ እያና ኤኪዳይ ሂጌ ናገዲዬ ዋይኮ ሂንቴ ሲዲዳ ዋንጌላ አማኒዲ ኢኪዳቲ? 3 ሂንቴ ሃሳ ሜላ ኤዬ? ሂንቴ ያሳ እያናን ደሚዲ፣ ሃዲ ዋልቃን ፖላናው ኮዬቲ? 4 ሂንቴ ዋንጌላ ጋሶን ዳር ዋይቲዳይ ሜሊ? ሄ ዋዬ ኡባይ ጮ ገዲዴ? 5 ያሳይ ሂንቴው

ገዥ እያና አሜይኔ ሂንቴ ገደን ማላታታ ኦሌይ፣ ሂንቴ ሂኔ ናገዳ ገሹዬ ዋይኮ ዋንጌላ ሲዒዲ አማኒዳ ገሹን?

6 እኔ አብራሃም ቤዒቲ፣ «ኢ ያሳ አማኒስ፤ ያሳይ ኢያው ሄሳ ዓሎቴሉ ኦሌዲ ኤኪስ» ጌቴተዲ ዓፊተስ። 7 ሂዛ፣ አማኔይሳት አብራሃም ናይታ ገዴይሳ ኤሪቴ። 8 ያሳይ እይሁዳ ገደና ኣሳ አማኖን ዒሊሳናይሳ ገዥ ማፃፋይ ቤዒዲ፣ «ከዋቴሳ ኡባይ ኔናን እንጃታና» ያገዲ፣ ዋንጌላ አብራሃምስ ካሴተዲ ኦዲስ። 9 ሄሳ ገሹ፣ አማኒያ ኡባይ አማኒዳ አብራሃምሪ ኢሲፊ ኣንጃቴደሰና።

10 ሂኔ ናገዳ ዒላና ገያ ኦኒካ ቃንጌተዳይሳ። ኣይስ ገኮ፣ ገዥ ማፃፋን፣ «ሂኔ ማፃፋን ዓፊተዳ ኡባ ናገና ኦኒካ ቃንጌተዳይሳ ገደ» ጌቴተዲ ዓፊተስ። 11 «ዒሎይ አማኖን ደና» ጌቴተዲ ዓፊተዳ ገሹ ኦኒካ ያሳ ሲንሳን ሂኔ ናገዳ ዒሎናይሲ ኤሬተዳባ። 12 ሂኔይ አማኖን ዘምጥና። ሺን፣ «ሂገያ ናገያ ኦኒካ ሂገያን ዴያን ዳና» ያገሰስ።

13 «ሚላ ቦላ ካቁተዲ ሃይቁያ ኦኒካ ቃንጌተዳይሳ» ጌቴተ ዓፊተዳ ገሹ ከሪስቶሲ ኑ ገሹ ቃንጌተዳይሳ ገዲዲ፣ ኑና ሂኔ ቃንጌሳፊ ዋዚስ። 14 ያሳይ አብራሃምስ አሚዳ ኣንጃይ፣ ዬሱስ ከሪስቶሳ ባጋራ እይሁዳ ገደና ኣሳ ጋካና ሚላኔ ያሳይ አማኖ ገዳ ገዥ እያና ኑኒ አማኖን ኤካና ሚላ ሄሳ ኦሊስ።

ሂኔኔ ኡፋይሳ ቃላ

15 ታ ኢሻቶ፣ ታ ሂንቴው ኣሳ ዴያን ሚዜ ገዲዲ ዴዒያባ ለሚሶ ኦሳዳ ኦዲይስ። ኣሲ ጫቁዳ ጫቆይ ሚኒዳፔ ጉዬ፣ ኦኒካ ሄ ጫቁዋ ሻራናው ዋይኮ ኢያ ቦላ ሃራ ጉጃናው ዳንዳዒና። 16 ያሳይ ሄ ኬኬ ቃላ አብራሃምስኔ ኢያ ዜሪሳስ አሚስ። ገዥ ማፃፋይ፣ ዳር ኣሳስ ኦዲያዳ፣ «ኔ ዜሪሳታስ» ጌና። ሺን ኢሲ ኣሳስ ኦዲያዳ፣ «ኔ ዜሪሳስ» ያገሰስ፤ ኢካ ከሪስቶሳ።

17 ታኒ ጌይ ሃይሳ፤ ኦይዲ ያጌኑ ሃስታው ላይሳፊ ጉዬ አሚተዳ ሂጌይ፣ ኮይር ያሳይ ሚንሉዳ ጫቁዋ ሻሪዲ ኡፋይሳ ቃላ ጳይሳናው ዳንዳዒና። 18 ያሳይ አሚያ ላታይ ሂጌን ኤኬቴያባ ገዲያኮ ያሳይ አሚዳ ኡፋይሳ ባጋራ ገዴይሲ ኣቴስ። ሺን ያሳይ ባ ኣጾ ኬሃቴሳን ላታ አብራሃምስ ኡፋይሳ ቃላ ባጋራ አሚስ።

19 ያቴን፣ ሂጌይ ኣይስ አሚተዳ? ሂጌይ አሚተዳይ፣ አብራሃምስ ኡፋይሳ ቃላ አሚተዳ ዜሪሳይ ያና ጋካናው ኢታ ኦሶይ እይቤኮ ኤሪሳና። ሂጌይ ከታንቾታ ባጋራ አሚተዳ፣ ገደ ገዲዲ ሲኬልያ ኢሲ ኣሳ ባጋራ ኦሶ ቦላ ጥራስ። 20 ገደ ገዲዲ ሲኬልያ ኡሪይ ኢሲ ኣሳ ዓላላስ ገዴና፣ ሺን ያሳይ ኢሲና።

21 ያቴን፣ ሂጌይ ያሳ ኡፋይሳ ቃላራ ኤቁቴዬ? ኣካይ፣ ገዴና! ሂጌይ አሚተዳይ ኣሳስ ዴያ አማኖው ገዲያኮ፣ ዒሎቴሉ ሂኔ ባጋራ ቤንታናሺን። 22 ሺን ዬሱስ ከሪስቶሳ አማኒን ቤንቴያ ኡፋይሳ ቃላይ አማኔይሳታስ አሚታና ሚላ ኩሚሳ ኣሳሚይ ናጋራስ ሃራተዲ ዴዒይሳ ገዥ ማፃፋይ ኦዲስ።

23 ሺን አማኖይ ያናፔ ካሲ ሂጌይ ኑና ቃቺ ዋሊስ። ሄ አማኖይ ቆንጫና ጋካናው ሂጌይ ኑ ቦላ ጎርዲ ዋሊስ። 24 ሄሳ ገሹ፣ ኑኒ አማኖን ዒላና ሚላ ከሪስቶሲ ያና ጋካናው ሂጌይ ናባ ናገያ ኣሳ ሚላ ኑና ናገይሳ ገዲስ። 25 ሺን ሃዒ አማኖይ ዪዳ ገሹ ሂጌይ ሃዛፔ ጉዬ ናባ ናገያ ኣሳ ሚላ ኑና ናገይሲ ኣቴስ።

26 ሂንቴ ኡባይ ዬሱስ ከሪስቶሳ አማኒዲ ያሳ ናይታ ገዲዴታ። 27 ከሪስቶሳራ ኢሲኖ ገዳናው ዓማቁተዳ ኡባይ ከሪስቶሳ ማዖዳ ማዒዴታ። 28 ሂንቴ ኡባይ ከሪስቶሳን ኢሲኖ ገዲያ ገሹ እይሁዳ ኣሳ ገደኒኔ ገሪኮኔ ኣሳ ገደን፣ እይሌ ገደኒኔ ዋማኖ ገደን፣ ኣዳ ገደኒኔ ማጫሳ ገደን ዲማቴሉ ባዋ። 29 ሂዛ፣ ሂንቴ ከሪስቶሳባ ገዲኮ ሂንቴ አብራሃም ዛሬ። ያሳ ኡፋይሳ ቃላዳ ሂንቴ ላቴይሳታ።

4

1 ታ ጌይሲ ሃይሳ። ላቴይ ናባ ገዲ ዴዒሺ፣ ሻሎ ኡባይ ኢያባ ገዲኮካ፣ ኢ እይሌፊ ኣይኮካ ዲማቴና። 2 ሺን ኢያ ኣዋይ ገዳ ዋዴይ ጋካናው ኢ ሃዳራ ኤኪዳይሳታ ኩሺኒኔ ናገይሳታ ኩሺን ዴዒስ። 3 ሄሳዳካ፣ ኑኒ ናባቴሳን ዴዒያ ዋዴ ኣላሚያ ዋጋስ እይሌተዲ ዴዒዳ። 4 ሺን ዋዴይ ጋኪዳ ዋዴ ያሳይ ሂጌፊ ጋርሳን፣ ማጫሳፔ ዬሊተዳ ባ ናባ ከቴስ። 5 ኢ ሄሳ ኦሊዳይ፣ ሂኒስ ሃራተዲ ዴዒይሳታ ዋዛናዉኔ ኑና ባ ናይታ ኦሳና።

6 ኑ ያሳ ናይታ ገዲያ ገሹ «ኣባ፣ ኣዋው» ገዲ ያገያ ባ ናባ ኣያና ኑ ዋዛና ገደ ከቴስ። 7 ሄሳ ገሹ፣ ሃዛፔ ኔኒ ያሳ ናባቴ ኣቴን እይሌ ገዳካ። ኔኒ ኢያ ናባ ገዲኮ፣ ያሳ ላቴይሳ ገዳዳሳ።

3:6 ሜዲ 15:6፤ ሮሜ 4:3 3:7 ሮሜ 4:16 3:8 ሜዲ 12:3 3:10 ዛሬ 27:26 3:11 ኢሲ 2:4
3:12 ሎዌ 18:5 3:13 ዛሬ 21:23 3:16 ሜዲ 12:7 3:17 ከሳ 12:40 3:18 ሮሜ 4:14 3:29 ሮሜ 4:13 4:5 ሮሜ 8:15-17

ጳውሎስ ጋላጥያ አሳሰ ቆጥረ

8 ሂንቴ ካሴ ያሳ ኤሮና ዋዴ ያሴ ገደናይሳታሰ አይሌ ገዲዲ ሃሪቴዳታ። 9 ሽን ሃዲ ሂንቴ ያሳ ኤሪዳታ፤ ኡባራካ ያሳን ኤሬቴዳታ። ያቲን ፓላናኔ ጎሮና አላሚ ዋጋታን ጉዬ ዋሊዲ ሲሚቴ? ዋጂ ኤቁዲ፣ ዋሊዲ ኤንታው አይሌ ገደናው ኮዬቴ? 10 ዲማ ገዲዲ ጋላሳታ፣ አገናታ፣ ዋዴታኔ ላይሳታ ሂንቴ ሎይሴ ሰንቸታ። 11 ታና ሂንቴባይ ያሽሰ፤ ታ ሂንቴው ጮ ዳቡራዲናሻ?

12 ታ አሻቶ፣ ታ ሂንቴዳ ሃሊዳ ገሾ ሂንቴካ ታዳ ሃሊቴ ጋዳ ሂንቴና ዋሳይሰ። ሂንቴ ታና አይቢንካ ቆሃቤኪታ። 13 ታኒ ኮይሮ ሃርጌታሽ ሂንቴው ዋንጌላ ኦዲዲይሳ ሂንቴ ኤሬታ። 14 ታ ሃርጌይ ሂንቴው ፓጩ ገዲኮካ፣ ታና ሳሊቴቤኪታ፤ አይቤኪታ። ሽን ታና ያሳ ኪታንቸ ዋይኮ ኪሪሰቶሰ ዬሱሳ ዋኪይሳዳ ዋኪዳታ።

15 ያቲን፣ ሄ ሂንቴው ዳዒያ ኡፋይሳይ ኡባይ አው ቢዳ? ሂንቴው ዳንዳዒቲዳ፣ ሂንቴ ታው፣ ሂንቴ አይፊያ ኬሲዲ አሚያኮ አያናይሳ ታ ማርካታይሰ። 16 ያቲን፣ ታ ሂንቴው ቱማ ኦዲዳ ገሾ ሂንቴው ሞርኬ ገደዲናዬ?

17 ሄ አሳቴ ሂንቴና ባንታካ ዛራናው ኮኮሶና፣ ሽን ኤንታ ቆፋይ ሎዶሳ ገደና። ኤንታ ቆፋይ ሂንቴና ሻካናሳኔ ሂንቴ ኤንታው ቆፓና ሜላ ኦላናሳ። 18 ሎዶሳ ኦላናው አሞቲኮ ሎዶ፣ ሽን ሄሲ ታ ሂንቴራ ዳዒያ ዋዴ ያላላ ገደናሽን ኡባ ዋዴ ገደ።

19 ታ ሲቆ ናይቶ፣ ኪሪሰቶሰ ሂንቴናን ሚሲሌታና ጋካናው ዬሎሰ ማጫሲ ሚያቲይሳዳ ታ ሂንቴ ገሾ ሚያታይሰ። 20 ሂንቴባይ ታው ሃዲርሲ ገደን ታ ኤንዴታሰ፤ ሃዲ ሂንቴ ገደን ታ ቤንታዳ ሽኔታዳ ኦዲያኮ አይ ሜላ ደሳይናሽን።

አጋርኔ ሳር

21 ሙሴ ሂንጌ ሃሪቴዲ ዳናው ኮዬይሳቶ፣ አኔ ታው ኦዲቲ፤ ሂጌይ አይ ጌያኮ ኤሪኬቴ? 22 ገሻ ማፃፋይ፣ «አብራሃሜሰ አይሌፊኔ ጎዳቴፊ ዬሎቲዳ ናምዑ ናይቲ ዳዶሶና» ያጌሰ። 23 አይሌ ናዒይ አሲ ናዒ ዬሊያ ማጎን ዬሎቲሰ። ሽን ጎዳቴ ናዒይ ያሳ ኡፋይሳ ቃላን ዬሎቲሰ።

24 ሃ ማጫሳቲ ናምዑ ጫቆታሰ ለሚሶ ገዲዲ ኤኪቶሶና። ኤንታፊ አሲኒያ፣ ሲና ዳሪያፔ ዬዳራ፣ ባ ናይታ አይሌቴላሰ ዬሎቲሰ፤ ሽን አያካ አጋር። 25 አጋር አራቤ ቤታን ዳዒያ ሲና ዳሪያን ለሚሰታዳ ሃዲ ዳዒያ ዬራሳላሚ ዳናዉሱ። አይሰ ገኮ፣ አያ ባ ናይታራ አይሌቴላን ዳዒዉሱ። 26 ሽን ሳሎን ዳዒያ ዬራሳላሚይ አይሌቴላን ዳዒኩ፤ አያ ኑ ኡባሰ አዮ። 27 ገሻ ማፃፋይ፣

«ናቴ፣ ዬሎና ማይንሐቴ ኡፋይታ፤

ናቴ ሚያታ ኤሮናፊ አሊላ።

አዘናራ ዳዒያ ማጫሰፔ፣

አዘኒ ባይና ማጫሰሰ ናይቲ ዳር» ያጌሰ።

28 ታ አሻቶ፣ ሂንቴ ዩሳቃዳ ያሳ ኡፋይሳ ቃላን ዬሎቲዳ ናይታ። 29 ሽን ሄ ዋዴ አሳ ማራዳ ዬሎቲዳይሰ። አያና ዋላቃን ዬሎቲዳይሳ ጎዲሰ። ሃቸካ ሄሳ ሚላ። 30 ሽን ገሻ ማፃፋይ ዋይጌ? «አይሌ ናዒይ ጎዳቴ ናዒይ አሲፊ ሳቶና ገሾ አይሌው ኢ ናዒይ ዋላ ኬሳ ዬዳ» ያጌሰ። 31 ሄሳ ገሾ፣ ታ አሻቶ፣ ኑኒ ጎዳቴ ናይታፔ አቲን አይሌ ናይታ ገደኮ።

5

ኪሪሰቶሳን ዳዒያ ላዒቴላ

1 ኑኒ ላዒቴላን ዳና ሜላ ኪሪሰቶሲ ኑና አይሌቴላፊ ኬሲሰ። ሃዘ፣ ሚኒዲ ኤቁቴ፤ ዛሪዲ አይሌቴላ ቃምባራን ጌሎፕቴ።

2 ታ፣ ጳውሎስ፣ ጌይሳ ሲዳቴ። ሂንቴ ቃፃራታናው ኮይኮ፣ ኪሪሰቶሲ ሂንቴና አይኮካ ማዳና። 3 ቃፃራቲያ ኦኒካ ሂጌይ ከቲያ ኡባ ፖላናው ቤሲይሳ ጉጃዳ ታ ኦዳይሰ። 4 ሂጌ ናጌዲ ያላናው ኮዬይሳቶ፣ ኪሪሰቶሳፔ ሻኪቴዳታ፤ ያሳ አዶ ኬሃቴላፊ ኩንዲዳታ። 5 ሽን ኑኒ ያሳ አያና ባጋራ አማናን ያላናው ኡፋይሳን ናኅሰ። 6 ሃዘ፣ ኪሪሰቶሰ ዬሱሳን ዳዒኮ፣ ሲቆን ቆንጨያ አማናቴ አቲን ቃፃራቲን፣ ቃፃራቶና አገን ኑና አይኮካ ማዳና።

7 ካሴ ሂንቴ ሎዶ ዋዴታ፣ ሽን ሃዲ ቱማሰ ኪቴቶና ሜላ ሂንቴና ዲጊዳይ ኦኒ? 8 ሃይሳ ሚላ ኢታ ጨዋይ ሂንቴና ያጊዳ ያሳፊ ዩቤና። 9 ሄሲካ፣ «ጉላ አርሾይ ሙኑቃ ኡባ ዳንሐሰ።» ጌቴቲዲ ያፊቴዳይሳ ሚላ። 10 ሂንቴው ሃራ ቆፊ ባይናይሳሰ ታ ጎዳን አማኔታይሰ። ሽን ሂንቴና ቡቁይ ኦኒካ ያሳፊ ባ ፐርዳ ኤካና።

11 ታ አሻቶ፣ ታ ሃዲ ጋካናው ቃፃሮ ሳባኪያባ ገዲኮ፣ ያቲን ታና አይሰ ጎዳና? ሄሲ ቱማ ገዲያኮ ኪሪሰቶሳ ማሰቃሊያባ ታማርሶይ አሳሰ ቆቤ ገደናሽን። 12 ሂንቴና ቡቁይሳቲ ቃፃራቲዳ ያላላ ገደናሽን ባንታና ቃራቲያኮካ ታ ዳሳይሰ።

13 ታ ኢሻቶ፣ ሂንቴ ላዓ ዳናው ያገባቸዋል። ገደሸን፣ ሂንቴ ላዓቴላይ እሾ አሞ ፖላናው ሂንቴው ጋሶ ገደፖ፤ ሃሳፊ አሉዲ አሰይ አሱሞ ሲቆን ማዲቲ። 14 ሂጌ ኡባይ፣ «አሲ ኔዳ ደሳ» ያገለገልን አሲ ቃላን ቃሸቲሰ። 15 ሸን ሂንቴ አሰይ አሱሞራ ሳጻቴያባይ ማቴቲያባ ገዲኮ፣ ሂንቴ ዋሊ ወርሶና ማላ ናጌቲቲ።

እያና ዳዎኔ እሾ ዴዎ

16 ሂዛ፣ ታ ሂንቴው ኦዲይሰ፤ እያናን ዳዎቲ፤ ሂንቴ እሾ አሙዋ ፖሎፒቲ። 17 እሾ አሞይ እያና አሙሞራ ሞርኬ፤ ቃሲ እያና አሞይካ እሾ አሙሞራ ሞርኬ። ኤንቴ አሰይ አሱሞራ አጻቴያ ገሾ ሂንቴ ደሲያባ ኦላናው ዳንዳዔኬታ። 18 ሸን እያናይ ሂንቴና ካሌሊያባ ገዲኮ ሂጌይ ሂንቴና ሃራና።

19 እሾ ኦሶቲ ኤሬቲዳይሳታ፤ ኤንቴካ፣ ላይማቴሌ፣ ቱናቴሌ፣ ቃይዳ፣ 20 ኤቃ ጎይና፣ ቢታ፣ ሞርኬቴሌ፣ ካቲ፣ ቃናቴ፣ ሃንቆ፣ ባና ደሶ፣ ሻኬቴሌ፣ ኢታ ቶቤ 21 ጌኔ፣ ማሶ፣ ዬሌኔ ሄሳ ሄሳ ማላታ። ካሴ ታ ሂንቴው ኦዲዳይሳዳ ሃራካ ታ ሂንቴው ኦዲይሰ። ሃይሳ ማላባታ ኦሌይሳቲ ያሳ ካሞቴላ ላቶኮና።

22 ሸን እያና አይፊይ፣ ሲቆ፣ ኡፋይሲ፣ ሳርቴሌ፣ ዳንዳዳ፣ ኬሃቴሌ፣ ሎዎቴሌ፣ አማና፣ 23 እሸኬቴሌ፣ ባና ሃሮ። ሃይሳ ማላባታ አጻያ ሂጌይ ባሞ።

24 ከሪሰቶሲ ዬሱሳባ ገዲዳይሳቲ ባንታ እሾሞ አያ ኢታ ቆፋራኔ አያ አሙሞራ አሲፊ ማሰቃሊያ ቦላ ካቂደሶና። 25 ኦ እያናን ዳዎያባ ገዲኮ፣ ኦና እያናይ ካሌሶ። 26 እኔ አሰይ አሱሞ ዩሎዩሸኔ ቃናቲሼ ጮ ጨቁቴይሳ አጎሰ።

6

አሰይ አሱሞ ማዲቲ

1 ታ ኢሻቶ፣ አሲ አሲ ናጋራን ኩንዲኮ፣ እያናን ዳዎያ ሂንቴ ሃ ኡራ አሸኬቴላን ሱሪሲቴ። ሸን ኔኒ ሄሳ ማላባን ፓጩቶና ማላ ኔና ናጋ። 2 አሰይ አሱሞ ዴዎ ቶሁዋ ቶኬቴ። ያቲኮ ከሪሰቶሳ ሂጌያ ፖሊታ። 3 አሲ አሲ አይኮይካ ባሞሸን፣ ባና ሃራታፕ ሎዎ ገዲ ቆፒኮ፣ ኢ ባና ጨማሰ። 4 ሸን አሲ አሲ አሲ ባ ኦሶሞ ፓጮ። ሃሳፊ ጉዬ፣ ሃራታሪ ባና ጋዴይሳ አገዲ ባው ጨቁቴያባ ዳማሰ። 5 አሲ አሲ አሲ ባ ቶሁሞ ባው ቶካናው ቤሲሰ።

6 ያሳ ቃላ ታማሪያ ኦኒካ ሎዎባ ኡባ ባ አሰታማሪያሪ ሻኬቴሰ።

7 ሂንቴ፣ ሂንቴና ጨሞፊቲ። አሲ ባ ዜሪዳባ ዛሪዲ ጫኪያ ገሾ ያሳ ቦላ ቂልቂሶፒቲ። 8 ባ እሾ አሙሞ ኩንሳናው ዜሪያ ኦኒካ፣ ባ እሾ አሙሞፕ ሃይቆ ቡጫና። ሸን እያና ኡፋይሳናው ዜሪያ ኦኒካ እያናፕ ሜሪና ዴዎ ጫካና። 9 እኔ ሎዎ ኦሶ ኦላናው አዛሌይሳ አጎሰ። ኦኒ አዛሎና አጻገ ዎዴይ ጋኪያ ዎዴ ኦ ዜሪዳይሳ ጫካና። 10 ኦ ኢንጃ ዎዴ ዳማኮ፣ አሳ ኡባሰ፣ አሉዲካ አማኒያ አሳሰ ሎዎባ ኦሶሰ።

ወርሴሳ ዞሬኔ ሳርታ

11 ታኒ ታ ኩሸን፣ አይ ማላ ገታ ፒዳሊን ሂንቴው ያፊዳኮ ቤዲቲ። 12 አሳ ሲንላን ሎዎ ገዲዲ ቤንታናው ኮያ አሳቲ ሂንቴ ቃዳሬታና ማላ ኮዮሶና። ሸን ሄሳ ኤንቴ ኦሌይ፣ ከሪሰቶሳ ማሰቃሊያ ገሾ ኤንታና ጎዲ ጋኮና ማላሳ። 13 ኤንቴ ሂንቴ ቃዳሬቲላን ጨቁታናው ኮዩዲ ሂንቴና ቃዳሬቶ ጎሶና፤ አትን ቃዳሬቲዳይሳቲካ ባንታ ሁዒን ሂጌያ ናኮኮና።

14 ሸን አላሜይ ታው ካቂቴዳይሳፊኔ ታኒካ አላሜያሰ ካቂቴዳ፣ ጎዳ ዬሱሰ ከሪሰቶሳ ማሰቃሊያፕ አትን ሃራ ጨቁቴሌ ታፕ ሃኮ። 15 ሂዛ፣ ቃዳሬቲን ቃዳሬቶና አገን አይኮካ ማዴና። ማዴይ ኡራላ ማዴቴሌ ገደ። 16 ሃ ዎጋ ካሊያ ኡባሰኔ ያሳ ዴሬ ገዲዳ አሲሪዳሊሰ ሳርቴላይኔ ማርቴላይ ገደ።

17 ታኒ ዬሱሳሰ ማዴንዲያ ቤታ ታ አሳቴላን ቶኪዳ ገሾ ሂዛፕ ታና ኦኒካ ዎሪሶፖ።

18 ታ ኢሻቶ፣ ኦ ጎዳ ዬሱሰ ከሪሰቶሳ አጻ ኬሃቴላይ ሂንቴሪ ገደ። አማኒዳ።

ጳውሎስ ኤፌሶና አሳስ ፃፊዳ ከታ ጋላ ቆፋ

ጳውሎስ ኤፌሶናን ዳዊያ አሳስ ፃፊዳ ከታን ኡባሬ አሲዲ ያለዳባይ፡ «ዎዴይ ጋኪያ ዎዴ ፆሳይ ፖላናው ቆፒዳ ቆፋይ፡ ሳሎኒኔ ሳዓን ዳዊያ ሜዴቴላ ኡባይ ከሪስቶሳፔ ጋርሳን ጊዳና ሜላሳ» ያጊያ ቆፋ (1:10)። ሃሳ ቦላ ጉጂዲ ዬሱስ ከሪስቶሳፔ ዳዊያ ኢሲፊቴላጎ፡ አሳ ዜሬሌ ኡባይ ኢሲና ጊዳና ሜላ ሃ ጊታ ቆፋ ኦሶን ፔሻና ሜላ ፆሳ አሳ ሃሳዪሲስ።

ኤፌሶና ከታ ኮይሮ ከፊሊያን ፃፊይ ካሪ ቆፋ ጊዲዳ ኢሲፊቴላባ ፃፋናው ደሚዳይሳ ዳፈጊሲዲ፡ ፆሳ አዎይ ባ አሳ ዋቲ ደሪዳኮ፡ ኤንቴካ ኢያ ናዓ፡ ዬሱስ ከሪስቶሳን ባንታ ናጋራፔ ማርታ ዳሚዲ ዋኒዲ ላዓ ከዬዳኮኑ፡ ፆሳ ጊታ ኡፋይሳ ቃላይ ገሻ አያና ባጋራ ቱማ ጊዴይሲ ኤሬቴዳኮ ኦዴስ። ናምዓንጎ ከፊሊያን ቃሲ ፃፊይ ሃ ከታ ናባቢያ አሳይ ባንታ ኢሲፊቴላ ዳዑዎን ከሪስቶሳን ኤንታው ዳዊያ ኢሲፊቴላይ ቱማ ጊዳና ሜላ ኤንቴ ዋኒዲ ዳናው ቤሲያኮ ቆፊሲስ።

አሳይ ከሪስቶሳን ዳዊያ ኢሲፊቴላ ዋኒዲ ዳናው ቤሲያኮ ዳማ ዳማ ለሚሶን ቆንጨስ። ዎሳ ከሌ አሳቴላ ለሚሶ ጊዲያ ዎዴ ከሪስቶሲ ሄ አሳቴላሰ ሁዓ። ዎሳ ከሌ ገምቤ ከላን ለሚሶቴያ ዎዴ ከሪስቶሲ ሄ ከላ ጎዳ ፃጸዎ ሚንሊያ ዋና ሹታ። ዎሳ ከሌ ማቺን ለሚሶቴያ ዎዴ ከሪስቶሲ አዚናን ለሚሶቴስ። ፃፊይ ከሪስቶሳ ባጋራ ቆንጨዳ ፆሳ አዶ ከሃቴላ ዳር ናሺዲ ኦዲሼ፡ ጊደይ ጨዋቴያ ሃሳያ ሃሳዬስ። ኢ ኡባባ፡ ከሪስቶሳ ሲቁዎ፡ ኢያ ያርሼቴላ፡ ኢ አሚዳ ናጋራ አቶቴላ፡ ኢያ አዶ ከሃቴላኔ ኢያ ገሻቴላ ባጋራ ያሌስ።

ኤፌሶና ከታ ኣይፊ ቆፋታ

ሳርሶ 1:1-2

ከሪስቶሳኔ ዎሳ ከሌ 1:3-3:21

ከሪስቶሳን ዳዊያ ኦራላ ዳዑዎ 4:1-6:20

ኩሻ ቆፋ 6:21-24

1 ፆሳ ሺኔን ከሪስቶሲ ዬሱሳ ሃዎሬ ጊዲዳ ጳውሎሳፔ፡ ኤፌሶናን ዳዊያ ገሻታሲኔ ከሪስቶሲ ዬሱሳ አማኔይሳታሰ ፃፊቴዳ ከታ።

2 ፆሳ ኦ አዋፔኔ ጎዳ ዬሱስ ከሪስቶሳፔ አዶ ከሃቴላይኔ ሳርቴላይ ሂንቴው ጊደ።

ከሪስቶሳን ዳዊያ አያና አንጂዎ

3 ሳሎን ዳዊያ አያና አንጂ ኡባን ከሪስቶሳ ባጋራ ኦና አንጂዳ፡ ኦ ጎዳ ዬሱስ ከሪስቶሳ አዎይ፡ ፆሳይ ጋላቴቶ። 4 ኦኒ ኢያ ሲንላን ገሻታኔ ቦሬይ ባይናይሳታ ጊዳና ሜላ ፆሳይ አላሜይ ሜዴታናፔ ካሴ ከሪስቶሳ ባጋራ ባ ሲቁዎን ኦና ደሪስ። 5 ፆሳይ ባ ሺኒያን ባ ደሲዳይሳዳ ዬሱስ ከሪስቶሳ ባጋራ ኦና ባ ናይታ ኦላናው ካሲቴዲ ቆፒ ዎሊስ። 6 ፆሳይ ባ ሲቁያ ናዓ ባጋራ ኦስ ጮ አሚዳ አዶ ከሃቴላይ ቦንቹታና ሜላ ሃሳ ኦሊስ።

7 ፆሳ አዶ ከሃቴላ ዳራሬቴላዳ ከሪስቶሳ ሱላን ዎዜቴዲ ናጋራ አቶቴላ ዳሚዳ። 8 ባ አዶ ከሃቴላ ጨንጫቴላኒኔ ኤራቴላን ኩንሊዲ ኦስ አሚስ። 9 ፆሳይ ባ ደሲዳይሳዳ ከሪስቶሳ ባጋራ ኢያ ሺኒያ ፀራ ኦ ኤራና ሜላ ኦሊስ። 10 ዎዴይ ጋኪያ ዎዴ ፆሳይ ፖላናው ቆፒዳ ቆፋይ፡ ሳሎኒኔ ሳዓን ዳዊያ ሜዴቴላ ኡባይ ከሪስቶሳፔ ጋርሳን ጊዳና ሜላሳ።

11 ኡባባ ባ ሺኒያዳ ኦሊያ ፆሳይ፡ ካሲቴዲ ባ ቆፒ ዎሊዳይሳዳ ከሪስቶሳ ባጋራ ኦኒ ኢያባ ጊዳና ሜላ ኦና ደሪስ። 12 ሃሳ ኢ ኦሊዳይ፡ ከሪስቶሳን ኡፋይሲ ዎሊዲ ናሳን ኮይሮ ጊዲዳ ኦኒ ፆሳ ቦንቹዎ ጋላታን ቆንጨሳና ሚላሳ። 13 ሂንቴካ ሂንቴ አቶቴላ ዎንጊላ፡ ሂሲካ ቱማ ቃላ ሲዒዳ ዎዴ ከሪስቶሳ አማኒዴታ። ፆሳይ ሂንቴው አማና ጊዳ ገሻ አያናን ሂንቴ አታማቴዴታ። 14 ፆሳ ቦንቹይ ጋላቴታና ሜላ ፆሳይ ባ አሳ ዎዛና ጋካናው ገሻ አያና ኦስ ኦይሉ ኦሊዲ አሚስ።

ጳውሎሳ ዎሳ

15 ሃሳ ገሾ፡ ጎዳ ዬሱሳ ሂንቴ አማኔይሳኔ ገሻታ ኡባ ሂንቴ ሰቁይሳ ታ ሲዒዳ ዎዴ 16 ታ ዎሳን ሂንቴና ቆጋሼ ሂንቴ ገሾ ፆሳ ጋላቴይሳ አጋቢከ። 17 ጎዳ ዬሱስ ከሪስቶሳ ፆሳይ፡ ቦንቹ አዎይ፡ ፆሳ ሂንቴ ኦሊ ኤራናዳ ጨንጫቴላኔ ቆንጨቴላ አያና ሂንቴው አማናና ታኒ ፆሳ ዎሳይስ። 18 ፆሳይ ሂንቴና ያጊዳ ኡፋይሳይኔ ገሻቴ ላቴያ ቦንቹ ላታይ አይ ሜላ ዳርኮ ሂንቴ ኤራና ሜላ ፆሳይ ሂንቴ ዎዛና አይፊያ ደያና ሜላ ታኒ ፆሳ ዎሳይስ።

19 ቃሲ ኢያ አማኒያ ኑናን ኦሌያ ኢያ ዋልቃይ እይ ማላ አዳዳ ገቲኮ ሂንቴ ኤራና ማላ ዋሳይሰ። ሄ ዋልቃይ ይኑቶናኔ ዳቡርና ዋልቃ። ሃ ኑናን ዴዲ ዳሌያ ዋልቃይ፤ 20 ከሪሰቶሳ ሃይቆፔ ዴንገሌዲ፤ ሳሎን ያሳፊ ኡቫቻ ባጋሪ ኡተሲዳ ገታ ዋልቃይ ኢሲና። 21 ኢያ ሱንሳይ፤ አይሴይሳጉፔኔ ማታ አዋታ፤ ሃራይሳጉፔኔ ጎዳታ፤ ቦላ ገዲዲ ሃ አሳሚያ ያላላን ገደናሽን ሲንሳፊ ያና አላሚያንካ ሃራ ሱንሳጉ ኡባፊ ቆቃ። 22 ያሳይ ኡባ ከሪሰቶሳ ቶሁዋፔ ጋርሳን ሃሪሲሰ፤ ቃሲ ዋሳ ከላን ኡባባን ጎዳ ገዲና ማላ ኢያ ሹሚሰ። 23 ዋሳ ከላይ ከሪሰቶሳ ኩሚላ ኦሌያ ኢያ አሳቴላ። ማዴቴላይ ዴዲያ ቤሳ ኡባን ከሪሰቶሲ ባ ሁዔን ኡባባ ኩንሕይሳ።

2

ከሪሰቶሳን ሃይቆፔ ዴፖ ፕሌሲ

1 ሃይሳፊ ካሴ ሂንቴ፤ ሂንቴ ናጋራኔ ሂንቴ ቆሁዋ ጋሶን ሃይቁዳይሳጉ። 2 ሄ ዋዴ ሂንቴ ሃ አሳሚያ ኢታ ኦጊያ ካሲዴታ። ጫርኩዋ ቦላ ዴዲያ እያና ዋልቃታ ሃላቃሲኔ ሃዒካ ያሳሰ ከቴቶና አሳ ሃሪና እያናሰ ከቴቲዴታ። 3 ኑ ኡባይካ ካሴ ሄ አሳታ ገዲን ኑ አሾ አሙዋኔ ኑ ዋዛና ሼኒያ ካሲዲ ዴዲዳ። ኑካ ሃራታ ማላ ኑ ማዴቴላን ያሳ ሃንቁዋ ኤካናው ዴዲይሳጉ።

4 ሺን ያሳ ገታ ማርቴላፊኔ ኑሰ ዴዲያ ገታ ሰቁዋፔ ዴንዲዳይሳን፤ 5 ሃሪ አቶሺን ኑኒ ኑ ቆሁዋን ሃይቁዲ ዴዲሺን ከሪሰቶሳ ባጋሪ ኑሰ ዴፖ አሚሰ። ሂንቴካ እቴዳይ ያሳ አዶ ከሃቴላና። 6 ያሳይ ኑና ከሪሰቶሳ አሲፊ ሃይቆፔ ዴንገሌዲ ሳሎ ሱሁዋን ኢያራ ኢሲፊ ዋሊሰ። 7 ኢ ሄሳ ኦሌዳይ፤ ከሪሰቶሰ ዩሱሳ ባጋሪ ኑሰ ቆንጨሲዳ ባ ከሃቴላኔ ዛባ ባይና ባ አዶ ከሃቴላ ዴራቴላ ያና ላይላን ኑና ቤሳናሳ። 8 ሂንቴ አዶ ከሃቴላን አማኖን እቴዳታ። ሂሲካ፤ ያሳ አዋታፔ እቴን ሂንቴ ኦሰን ቤንቴዳባ ገዴና። 9 ኦኒካ ጩቁቶና ማላ አቶቴላይ ቤንቴዳይ ኦሰን ገዴና። 10 ኑኒ ያሳ ማዴቴላ፤ ኢ ኑሰ ካሴቴዲ ገሊሲ ዋሊዳ ሎፖ ኦሶታ ኦላና ማላ ከሪሰቶሰ ዩሱሳ ባጋሪ ኑራሊ ማዴቴዳ።

ከሪሰቶሳራ ዴዲያ ኢሲፊቴላ

11 ሄሳ ገሾ፤ ሂንቴና ዩሌታን አይሁዴ ገደናይሳቶ፤ አይሁዴቴ ባንታው አሳ ኩሼን ቃዓራቴዲ፤ ሂንቴና ቃሲ ቃዓራቴቦናይሳጉ ገዲ ያይይሳ አክኪቴ። 12 ሄ ዋዴ ሂንቴ ከሪሰቶሳቴ ሻክቴ ዴዲዳይሳ፤ ኢሲፊዔሌ አሳሰ አሳጋ ገዲዲ ዴዲዳይሳ፤ ያሳ ኡፋይሳ ቃላፔ ሃኪዲ ዴዲዳይሳ፤ ሃ አሳሚያን ኡፋይሳይ ያሲ ባይና ዴዲዳይሳ አክኪቴ። 13 ሺን ሂንቴ ካሴ ሃኪዲ ዴዲዳይሳቴ፤ ሃዒ ከሪሰቶሰ ዩሱሳን ዴዲዲ ከሪሰቶሳ ሱላን ማታ ሸቁዳታ።

14 ከሪሰቶሰ ኑ ሳርቴላ፤ ኢ አይሁዴኔ አይሁዴ ገደና አሳ ተሚዲ፤ ናምዓ ሻኪ ዋሊዳ ሞርኬቴላ ጎዳ ላሊሰ። 15 ኢ ባናን ሃ ናምዖ ዛሬታፔ ኢሲ ኦራላ አሲ ማዴዲ፤ ሂኒያ ኢያ ከታራኔ ዋጋታራ ኢሲፊ ባ አሳቴላን ዳይሲዲ ሳርቴላ አሚሰ። 16 ከሪሰቶሰ ማሰቃሊያ ቦላ ሃይቁዲ ሞርኬቴላ ዳይሲሰ፤ ቃሲ ናምዖ ዛሬታ ኢሲ አሳቴላ ኦሌዲ ያሳራ ሲጌሊሰ። 17 ከሪሰቶሰ ዩዲ፤ ያሳፊ ሃኪዲ ዴዲያ ሂንቴው፤ ቃሲ ማቴዲ ዴዲያ ኤንታው ሳርቴላ ዋንጌላ ኦዲሰ። 18 ኑ ኡባይ ኢያ ባጋሪ ኢሲ እያናን አዋ ሲንሕ ሸቃው ዴንዳይሰ።

19 ሂዛፔ ሂንቴ አላጋ ዋይኮ አማሌ ገዴኬታ፤ ሺን ሂንቴ ሃዒ ገቫታ ቢታ አሲኔ ያሳ ሶ አሲ። 20 ሂንቴ ሃዋሬቴኔ ናቤታ ባሲዳ ባሲዳ ባሲዳ ቦላ ኬዳቴዳታ። ጎዳ ያዳዋ ሚንሌያ ሹቻይ ከሪሰቶሰ ዩሱሳ። 21 ኢያን ከላ ኡባይ ኢሲፊ ኦይኪቴዲ ጎዳን ገቫ ያሳ ከሊ ገደናው ዲጩሰ። 22 ሂንቴ ቃሲ ያሳይ ባ እያናን ዴዲያ ከሊ ገደናው ከሪሰቶሳን ኢሲፊ ከዳቴታ።

3

አይሁዴ ገደና አሳሰ ሃዋሬ ገዲዳ ጳውሎሳ

1 ሄሳ ገሾ፤ ታኒ፤ ጳውሎሱ፤ አይሁዴ ገደና ሂንቴ ገሾ ከሪሰቶሰ ዩሱሳን ቃሾ አሲ ገዲሰ። 2 ታ ሂንቴና ማዳና ማላ ያሳይ ባ አዶ ከሃቴላን ታው አሚዳ ሃ ኦሱዋባ ሂንቴ ሎይሊ ሲዳዴታ። 3 ታ ሂንቴው ካሴ ቃንላን ያፊዳይሳዳ ያሳይ ባ ፀራ ቆንጨላን ታው ቆንጨሲሰ። 4 ታ ያፊዳይሳ ሂንቴ ናባቢያ ዋዴ ከሪሰቶሳ ፀራ ታ አይ ማላ ኤሪዳኮ ሂንቴ አክካናው ዴንዳይሳ። 5 ሃ ፀራይ ገቫ ሃዋሬታኒኔ ናቤታሰ ሃዒ እያና ባጋሪ ቆንጨዳይሳዳ ቤኒ ዋዴ አሳሰ ሃሳዳ ቆንጨሲቤና። 6 ፀራይ ሃይሳ፤ አይሁዴ ገደና አሳይ ዋንጌላ ባጋሪ ኢሲፊዔሌታራ ኢሲፊ ያሳ አንጃዋ ላቶሶና። ኢሲፊዔሌታራ ኢሲ ከላ አሲ ገደሶና፤ ከሪሰቶሰ ዩሱሳ ባጋሪ ያሳ ኡፋይሳ ቃላ ኤኮሶና።

7 ያሳይ ባ ኦሌያ ዋልቃ ባጋሪ ታው አሚዳ አዶ ከሃቴላን ሃንጌላሰ ኦሳንቻ ገዲሰ። 8 ታኒ ገቫታ ኡባፊ ላፋ ገዲዲኮካ አይሁዴ ገደና አሳሰ ዛባ ባይና ከሪሰቶሳ ዴራቴላ ዋንጌላ ኦዳና ማላ ሃ አዶ ከሃቴላይ ታው አሚቴሰ። 9 ቃሲ ካሴ ዋዲያን ኡባ ማዴዲ ያሳን ቆሴቴዲ ዴዲያ

ጠራሱ፤ ያሳ ቆፋይ አይቤኮ ቆንጨሳናው እጾ ከሃቴላይ ታው አሟቲሰ። 10 ያሳይ ሃሳ ኦሌዳይ ሃዲ ዋዲያን ዋሳ ኬላ ባጋራ ሳሎ ሰሁዋን ዴዲያ ሃላቃታሲኔ ሃራይሳታሰ ባ ዴማ ዴማ ቆንጨሳ ኤሪሳናሳ። 11 ያሳይ ባ ማሪና ቆፋ ኑ ጎዳ ኪሪሰቶሰ ዬሱሳ ባጋራ ፖላናው ሃሳ ኦሌሰ። 12 ኑ አማናን ያሺ ባይና ያሳኮ ሺቃና ማላ ኪሪሰቶሰ ኑሰ ማናቴሌኔ ሳሳቴሌ አሟሰ።

13 ታኒ ሂንቲ ገሾ ዋዬ ኤኪያ ገሾ ሂንቲ ታ ዋያን ዬላቶናዲ ሂንቲና ዋሳይሰ፤ ታኒ ሂንቲ ቦንቹዋሰ ዋዬታይሰ።

ኤፌሶና አሳሰ ዋሴቲዳ ዋሳ

14 ታኒ አዋ ስንላን ገልባታዳ ዋሴይ ሃሳ ገሾሳ። 15 ሳሎኒኔ ሳሳን ዴዲያ ኢሲ ኢሲ ሶ አሳይ ኢያን ሱንሌቲሰ። 16 ያሳይ ባ ቦንቹ ዴራቴላፊ ሂንቲ ጋርሳ አሳቴላ ሚንሌያ ዋልቃ ባ አንና ባጋራ አማና ማላ ሂንቲው ዋሳይሰ። 17 ቃሲ አማናን ኪሪሰቶሰ ሂንቲ ዋዛናን ዴና ማላኔ ሂንቲ ሲቆን ፃጾ ዬዲዲ ሚኒዲ ዴና ማላ ዋሳይሰ። 18 ሃሳዳካ፣ ኪሪሰቶሰ ሲቆይ አይ ማላ ዳልጌኮ፣ አዲሱኮ፣ ጾቱኮኔ ጨዋኮ ገሻታ ኡባራ ኤሪያ ዋልቃ ሂንቲ አከካና ማላ ዋሳይሰ። 19 ኤራቴላፊ አጂያ ኪሪሰቶሰ ሲቆዋ ሂንቲ ኤራና ማላ ቃሲ ዴዎ አሟያ ያሳ ዋልቃን ሂንቲ ኩማና ማላ ታ ዋሳይሰ።

20 ሂዛ፣ ኑ ገዲን ኦሌያ ባ ዋልቃ ባጋራ ኑኒ ዋሴይሳፊ ዋይኮ ቆጌይሳፊ አሌዲ አላናው ዳንዳዲያ ያሳሰ። 21 ዋሳ ከላኒኔ ኪሪሰቶሰ ዬሱሳን ዋዬ ኡባን ማሪናፔ ማሪና ጋካናው ቦንቹይ ገዴ። አሟንዲ።

4

ኪሪሰቶሳራ ዴዲያ ኢሲፊቴላ

1 ሂዛ፣ ጎዳ ገሾ ቃሸቲዳ ታኒ፣ ሂንቲ ዌጌቲዳ ዌሳሰ ቤሲያ ዴዎ ዴና ማላ ሂንቲና ዋሳይሰ። 2 ሂንቲ ኡባ ዋዬ አዳኔ ሃሮ ገዲቲ፤ ኢሲይ ኢሱዋ ዳንዳዲቴኔ ሲቆን ዴዲቴ። 3 ሳርቴላን ቃሸቲዳ አንናይ አሟያ ኢሲፊቴላ ናጋናው ማኒቲ። 4 ያሳይ ሂንቲና ዌጌዳ ዋዬ ኢሲ ኡፋይሳሰ ዌጌዳይሳዳ ኢሲ አሳቴሌኔ ኢሲ አያኒ ዴዲሰ። 5 ኢሲ ጎዳይ፣ ኢሲ አማናይኔ ኢሲ ዌንቃቴይ ዴዲሰ። 6 ኡባፊ ቦላ ገዲዳ፣ ኡባ ባጋራ ኦሌያኔ ኡባ ገዲን ዴዲያ ኢሲ ያሳይ፣ ኡባ አዋይ ዴዲሰ።

7 ሺን ኪሪሰቶሰ አማናው ኮዬዳይሳዳ ኑ ኢሲይ ኢሲይ ዴማ ዴማ አዋታ ኤኪዳ። 8 ሃሳ ገሾ፣ ያሳ ቃላይ፣

«ኢ ዌዴ ከዬዳ ዋዬ ዲዲቴዳ ዳርታ ባራ ኤኪዲ ቢሰ፤

አሳሰካ አዋታ አሟሰ» ያጌሰ። 9 ያቲን፣ «ዌዴ ከዬዳ» ጉሳይ ዋይ ጉሴ? ኢ ኮይሮ ዳጌ፣ ሳሳ ዜቃ ቤሳ ዋጂሰ ጉሱ ገዴና ኢዌኮ አይ ጉሴ? 10 ሃ ዴጌ ዋጂዳይሰ፣ ኡባ ቤሳን ቤንታናው ኡባፊ ጾቃ ሳሎዋ ከዬዳይሰ ኢያ።

11 ኢ ኢሲታ ኢሲታ ሃዋሪታ፣ ኢሲታ ኢሲታ ናቤታ፣ ኢሲታ ኢሲታ ዋንጌላ ሳባኪታ፣ ኢሲታ ኢሲታ ዋሳ ኬሌ ሃሜይሳታ፣ ኢሲታ ኢሲታ አስታማሪታ ኦሌዲ አሟሰ። 12 ኢ ሃሳ ኦሌዳይ ኪሪሰቶሳ አሳቴሌ ገዲዳ ዋሳ ኬሌ ዲቻናውኔ አማኒያ አሳ ያሳ ኦሪሰ ገቢሳናሳ። 13 ሃሳዳካ፣ ኑ ኡባይ ያሳ ናዳ ኤሪዲ አማናን ቤንቲያ ኢሲፊቴላኮ ጋኪዳ፣ ኪሪሰቶሳ አንና ዴዎ-ዋ ኩማላ ጋኪዲ ዲጫና ማላሳ።

14 ሃዛፔ ዌዬ፣ አሳ ጌኔ ጨዋን ገጌዳ ባሌሌያ ዋርዶ ቲሚርቲ ጫርኮኒኔ ሆቤን ጌዴኔ ሃ ኩሎ ካዲያ ናይታ ማላ ገዴናው ቤሲና። 15 ሺን ኑኒ ቲማ ሲቆን ኦዲሺ አሳቴላሰ ሁዳ ገዲያ ኪሪሰቶሳራ ዴዲያ ኢሲፊቴላ ጉጂ ጉጂ ዲቻሰ። 16 ኩማላ አሳቴላይ ኪሪሰቶሳ ቦላ ዘምፔሰ ቃሲ ዴማ ዴማ አሳቴላ ቢሊቲቲ ኢሲይ ኢሱዋራ ኦይኮቲዲ ኡቲሰ። ኢሲ ኢሲ አሳቴላ ኪፊሌይ ባ ኦሱዋ ኦሌያ ዋዬ ኩማላ አሳቴላይ ሲቆን ዲጩሰ።

ኪሪሰቶሳን ኦራላ ዴዎ

17 ሃሳ ገሾ፣ ታኒ ሃይሳ ሂንቲው ጎዳ ሱንላን ኦዳይሲኔ ማርካታይሰ። ጎሳ ባይና ቆፋ ቆጊያ አይሁዴ ገዴና አሳታዳ ዴዎጊቲ። 18 ኤንታ ቆፋይ ጵሚሰ፤ ባንታ ዋዛና ሙሚሲዶሶና። ኤንቲ ኤራቴላ ጳሮኒኔ ኢፃሰ ገዲ ያሳይ አሟያ ዴዎ-ዋፔ ሃኪዶሶና። 19 ኤንቲ ዬላ ገያባ ኢርኮና፤ ኤንቲ ላይማቴሳሰ ባንታና አሌ አሟዶሶና፤ ቃሲ ቱናባ ኡባ ዌዬ ጎና ኦሌሶሶ።

20 ሺን ሂንቲ ኪሪሰቶሳ ኤሪዳይ ሃሳ ማላ ኦጌን ገዴና። 21 ኢያባ ቲማ ሲዲዳታ። ቃሲ ዬሱሳን ዴዲያ ቲማ ማላ ኢያፔ ታማሪዳታ። 22 ሂንቲ ካሴ ዴዲያ ዴዎ ኦጊያ አገቲ። ቃሲ ባ ጨሚያ አዋን ጳያ ሂንቲ ጨጋ አሳቴላ ዳጊቲ። 23 ሂንቲ ዋዛና ቆፋን ኦራዊቲ። 24 ቲማ ዊሎቴላኒኔ ገሻቴላን ያሳ ለሚሶን ማዴቲዳ ኦራላ አሳቴላ ማሳቲ።

25 ሂዛ፡ ዋርዶ ኦዳቶፊቴ። ኑኒ ኡባይ ከሪሰቶሳ አሳቴላ ቢሊቴታ ገዲያ ገሾ አሳ ኡባራ ቱማ ኦዳቴቴ። 26 ሃንቁቴቴ፡ ሺን ሃንቴ ሃንቁዋን ናጋራ ኦሎፊቴ። ሃንቴ ሃንቁቴ ዳዒሺን አዋ ዉሎፎ። 27 ዓላሄሰ ቤሴ አዋፊቴ። 28 ካይሲያ ኡራይ ሃዛፕ ጉዬ ካይሶቶፖ። ሺን ማንቆታ ማዲያባይ ኢያው ዳና ማላ ባ ኩሺን ሎዋባ አላ። 29 ሃንቴ ዳናፕ ኢታ ቃሊ ኬዮፖ። ሺን ሲዔይሳታ ጎሳና ማላኔ ሃራታ ማንጫሊያ ኮሺያ ሎዋ ቃሊ ሃንቴ ዳናፕ ኬዮ። 30 ያሳይ ሃንቴና ዋዚያ ጋላሳሰ ሃንቴና አታሚዲ ዋሊዳ ያሳ አያና አዘንጎሳፊቴ። 31 ጫሜቴሊ፡ ዪሎ፡ ሃንቆ፡ ዋሶ፡ ጫሼኔ ኢታ ኡባ ሃንቴፊ ሃሲቴ። 32 አሊዲ ኢሶይ ኢሱዋሰ ከኄሃ ቃዴቴይሳታ ገዲቴ። ያሳይ ከሪሰቶሳ ባጋራ ሃንቴው አቶ ገዲይሳዳ ሃንቴካ ዋሊሰ አቶ ገቴ።

5

1 ሂዛ፡ ያሳይ ደሲያ ናይታዳ ኢያ ዳኒቴ። 2 ከሪሰቶሲ ኑና ደሲዲ ባና ኑ ገሾ ያሳሰ ሳዊያ አዋኔ ያርሾ ኦሊዲ አሚዳይሳዳ ሃንቴካ ሲቆን ዳዒቴ። 3 ሺን ሳይማቴሊ፡ ቱናቴሊኔ ኡዘቴሊ አማኒያ አሳሰ ቤሶና ገሾ ሃንቴ ገደን ኡባራካ ሲዔቶፎ። 4 ያሳ ጋላቴቴ ኣቴን ዬላያባይኔ ኤያ ኦዲ ዋይኮ ቁዴይ ሃንቴው ቤሶና ገሾ ሃንቴ ገደን ኡባካ ዴዎ። 5 ሃይሳ ኤሪቴ፤ ኦኒካ ሳይማቴይ ዋይኮ ቱናባ ኦሊይ ዋይኮ ኡዘቴይ ከሪሰቶሳ ካዋቴላኔ ያሳ ካዋቴላ ሳታናው ዳንዳዳና። ኡዘቴሊ ኤቃ ጎይና ማላ። 6 ሃይሳታ ጋሶን ያሳ ሃንቆይ ከቴቶና አሳ ቦላ ያና ገሾ ኦኒካ ሃንቴና ፓሉና ኡዳን ጨዋፎ። 7 ሃሳ ማላ አሳራ ኢሲፊቴሊ ኦሎፊቴ። 8 ካሴ ሃንቴ ቆማን ዳዒዳቴ፡ ሺን ሃሳ ጎዳ ባጋራ ፖፖን ዳዒታ። ሂዛ፡ ፖፖ አሳና ፖፖን ሲሚራቴቴ። 9 ፖፖይ ሎዋቴሊ፡ ያሎቴሊኔ ቱማቴሊ አይፊሰ። 10 ጎዳ ኡፋይሲያባ አሳናው ኮዩቴ። 11 ጎዲ ባይና ቆማ ኦሶ ቆንጨሲቴቴ ኣቴን ኢያራ ኢሲፎፕቴ። 12 ኤንቴ ገማን ኦሊያ ኦሶዋ ሃሪ አቶሺን ኦዳናዉካ ዬላዬሰ። 13 ሺን ኡባባይ ፖፖን ኬያ ዋዴ ቆንጨ፡ን ቤንቴሰ። 14 ፖፖይ ኡባባ ቆንጨ፡ን ቤሴሰ። ሃሳ ገሾ፡

«ኑና ጲሲኪይሶ ባርካ፤ ሃይቆፕ ዳንዳ፤ ከሪሰቶሲ ኔ ቦላ ፖሳና» ያገቴሰ።

15 ሂዛ፡ ሃንቴ ዋኒዲ ዳዒያኮ አከኪ ቤዒቴ። ጨንጫታ ገዲቴፕ ኣቴን ኤያታ ገደፕቴ። 16 ላይሳይ ኢታ ገዲያ ገሾ እንጃቴያ ዋዴ ኡባ ጎዳቴቴ። 17 ሃሳ ገሾ፡ ጎዳ ሼኔይ አይቤኮ አከኪቴፕ ኣቴን ኤዮፕቴ። 18 ጌሻ አያናን ጋላሰ ጋላሰ ኩሚቴኔ ኣቴን ቆዮኮ ሃንቴና ካሊሊያ ገሾ ዋይኔ ኡሻን ማላቶፊቴ። 19 ማዘሙራን፡ ሳባኒኔ አያና ዬላን፡ ኢሶይ ኢሱዋራ ኦዳቴ። ቃሲ ሃንቴ ዋዛናን ዛማሪሼኔ ሳቢሼ ጎዳ ገሳፕቴ። 20 ኑ ጎዳ ዬሱሰ ከሪሰቶሳ ሱጎላን ኡባ ዋዴ ያሳ አዋ ኡባባሰ ጋላቴቴ። 21 ከሪሰቶሳ ቦንቹዋሰ ገዲ ኢሶይ ኢሱዋሰ ሃሪቴቴ።

አዚናባኔ ማቸባ

22 ማቸቶ፡ ጎዳሰ ሃሪቴይሳዳ ሃንቴ አዚናታሰ ሃሪቴቴ። 23 ከሪሰቶሲ ዋሳ ኬላሰ ሁዔ ገዳይሳዳ አዚኒካ ባ ማቸሰ ሁዔ። ቃሲ ከሪሰቶሲ ባ አሳቴሊ ገዲዳ ዋሳ ኬላ አሼይሳ። 24 ሺን ዋሳ ኬላይ ከሪሰቶሳሰ ሃሪቴይሳዳ ማቸቴ ባንታ አዚናታሰ ኡባባን ሃሪታናው ቤሴሰ። 25 አዚናቶ፡ ከሪሰቶሲ ዋሳ ኬላ ደሲዲ ባና ኢው አሚዳይሳዳ ሃንቴካ ሃንቴ ማቸታ ደሲቴ። 26 ኢ ዋሳ ኬላ ባ ቃላ ባጋራ ሃላን ሚጨዲ ገሺሰ። 27 ከሪሰቶሲ ዋሳ ኬላ ቂቴ ዋይኮ ሰዎዎ ቱሲ ዋይኮ ሃሳ ማላባይ ባይና ኢ ኩሚላ ቦንቹዋራ ጌሼኔ ቦሪቶናር ኦሊዲ ባኮ ሺሻናው ኮዪዲ ሃሳ ኦሊሰ። 28 ሃሳዳካ፡ አዚናቶ ባንታ ደሴይሳዳ ባንታ ማቸታ ደሳናው ቤሴሰ። ባ ማቸው ደሴይሰ ባና ደሴሰ። 29 ጎዳ ኢዲያ ኦሲ ኦኒካ ባዋ፡ ሺን ከሪሰቶሲ ዋሳ ኬላሰ ኦሊይሳዳ ባ አሳቴላ ሙዘሴኔ ናገሰ። 30 ኑኒ ከሪሰቶሳ አሳቴላ ቢሊቴታ። 31 ያሳ ቃላይ፡ «ሃሳ ገሾ፡ አሲ ባ አዋኔ ባ አዪው አገዲ፡ ባ ማቸራ ኢሲፊ ዳና፤ ኤንቲ ናዎዳይካ ኢሲ አሾ ገዳና» ያገሰ። 32 ሃይሲ ገታ ፀራ፡ ሺን ታኒ ሃሳ ከሪሰቶሳባኔ ዋሳ ኬላባ ለሚሶ ኦላዳ ኡዳይሰ። 33 ገዳሺን፡ ሃንቴ ኢሶይ ኢሶይ ሃንቴ ማቸታ ሃንቴ፡ ሃንቴና ደሴይሳዳ ደሲቴ። ኢሲ ኢሲ ማቻ ባ አዚና ቦንቻናው ቤሴሰ።

6

ናይታባኔ ዬሊዳይሳታባ

1 ናይቶ፥ ሂንቴ ጎዳባ ገዲያ ገሾ ሂንቴና ዬሊዳይሳታስ ከቴቴ። ሄሲ ሂንቴው ቤሲያባ።
 2 «ኔ አዩዉኔ ኔ አዋ ቦንቻ።» ሄሲ ኡፋይሳ ቃሊ ዴዲያ ኮይሮ ከታ። 3 «ኔ ሄሳ ፖሊያባ ገዲኮ ኡባይ ኔው ኢንጃታና፤ ኔ ላይላይ ሳባ ቦላ አዲቃና።»
 4 አዋቶ፥ ሂንቴ ናይታ ጎዳ ቃላ ታማርሶኒኔ ኤንታ ካሌሶን ዲቺቴ፤ ኣቴን ኤንታና ጫሚሶፒቴ።

ጎዳታባኔ ኣይሌታባ

5 ኣይሌቶ፥ ከሪሰቶሳስ ከቴቴይሳዳ ሂንቴ ሳባ ጎዳታስ ያሻን፥ ቦንቸኒኔ ሱሬ ዋዛናን ከቴቴ።
 6 ኤንታ ሲጎሳን ሳባ ዳማናው ኤንቲ ቤዲያ ዋዳ ያላላ ኦሞሬ። ሸን ከሪሰቶሳ ኣይሌታዳ ያሳ ሼኒያ ዋዛና፤ ፖሊ። 7 ኣሳስ ገደናሽን ጎዳስ ገዲ ሂንቴ ኩሜላ ዋዛና፤ ኦሞ። 8 ኣይሌ ገዲን ዋይኮ ጎዳ ገዲን ኢሶይ ኢሶይ ባ ኦሞ ሎን ኦሞብ ጎዳ፤ ዋይቶ ኤካናይሳ ኤሬታ።
 9 ጎዳቶ፥ ኣሳ ሶምዎ ቤዲዲ ማዶና ጎዳይ፥ ሳሉዋን ዴዲይሳ ኤሬታ። ሄሳ ገሾ፥ ሂንቴ ኣይሌታ ማንዴይሳ ኣገዲ ኤንቲ ሂንቴው ቦንቸን ከቴቴይሳ ሜላ ሂንቴ ኤንታው ሎዎባ ኦሞ።

ዳሳ ኦላ ሚሼታ

10 ዉርሱላን፥ ጎዳኒኔ ኢያ ገታ ዋልቃን ሚኒቴ። 11 ያላሂ ጠውዋ ኤቁታናው ዳንዳናና ሚላ ያሳይ ሂንቴው ኢሚዳ ኦላ ሚሼያ ኡባ ማዲቴ። 12 ኦ ኦላይ ኣሳራ ገደናሽን ሳሎን ዴዲያ ቴና ኣያና ኦላንቸታራ፥ ማታ አዋታራ፥ ሃሪይሳታራኔ ሃ ፉማ ኣላሚያ ዋልቃታራ።
 13 ሄሳ ገሾ፥ ኢታ ጋሳሳ ቴቃናዉኔ ኡባ ፖሊዲ፥ ሚኒዲ ኤቃናው ሂንቴ ዳንዳናና ሚላ ያሳ ኦላ ሚሼታ ኡባ ማዲቴ። 14-15 ቴማ ያሳን ዳንጮዳ ዳንጠዲ፥ ያሎቴላ ፀ-ራሬዳ ቲራን ዋሊዲ፥ ሳርቴላ ዋንጌላ ሂንቴ ቶሁዋን ጫማዳ ኣሊዲ ሚኒዲ ኤቁቴ። 16 ሄ ኡባሬ ኣሊዲ፥ ያላሂይ ዬዲያ ላዲያ ታማ ደንጌ ኡባ ቶይሳናው ዳንዳናና ኣማኑዋ ኡባ ዋዳ ጎንዳሌዳ ኦይኪቴ። 17 ያሳ ኣቶቴላ ቤራታ ባርኔዳላ ሂንቴ ሁዲን ዋሊቴ፤ ቃሲ ገሻ ኣያና ማሻ፥ ኢካ ያሳ ቃላ ኦይኪቴ። 18 ዋሳ ኣጎሬቴ፤ ሃራታስካ ጋናቴ፤ ኡባ ዋዳ ኣያናን ዋሲቴ። ሄሳን፥ ጌሻታስ ሳሌቶና ሚኒዲ ኡባ ዋዳ ዋሲቴ።
 19 ታኒ ዋንጌላ ፀ-ራ ያሽ ባይና ቆንጠሳዳ ኦዳና ሚላ ያሳይ ታው ቃላ ኣማና ሚላ ዋሲቴ።
 20 ታኒ ሄሳ ኦላናው ከቴታስ ሃላካ ቃሾን ዴዲይ ሄ ዋንጌላ ገሾሳ። ያኒያ ገሾ፥ ታኒ ያሽ ባይና ቤሲይሳዳ ኦዳና ሚላ ታው ዋሲቴ።

ዉርሱላ ሳርሶ

21 ታኒ ዋና ዴዲያኮ ኣይ ኦሊያኮ ሂንቴ ኤራና ሚላ ኦ ሲቆ ኣሻይ፥ ጎዳ ኦሞብ ኣማኔቲዳ ኦሳንቸይ፥ ቲኪቆሲ፥ ታባ ኡባ ሂንቴው ኦዳና። 22 ኦኒ ኡባይ ዋኒዲ ዴዲያኮ ሂንቴው ኦዳና ሚላኔ ሂንቴና ሚንጴላና ሚላ ታኒ ኢያ ሂንቴኮ ከታስ።
 23 ያሳ ኣዋፒ፥ ጎዳ ዬሱስ ከሪሰቶሳ፤ ሳርቴላይኔ ሲቆይ ኣማናራ ኢሲሬ ኣማኒያ ኡባስ ገደ።
 24 ኢርዎና ሲቆን ኦ ጎዳ ዬሱስ ከሪሰቶሳ ሲቆያ ኡባራ ያሳ ኣዶ ከሃቴላይ ገደ።

ጳውሎሲ ፊልጲሲዩሳ ኣሳሰ ግፊዳ ኪታ ገላ ቆፋ

ጳውሎሲ ፊልጲሲዩሳ ኣሳሰ ግፊዳ ኪታይ ግፊቲዳይ፡ ሮሜ ቢታን ማቐዳይ ኣወራጃን፡ ፊልጲሲዩሳ ቢታን ዳዒያ ዋሳ ኬሳሳ፡ ሄ ዋሳ ኪላይ ጳውሎሲ ኣወርጋ ቢታን ኮይሮ ኤሲዳ ዋሳ ኬላ፡ ሃ ኪታይ ግፊቲዳይ፡ ጳውሎሲ ቃሾ ከላን ዳዒያ ዋዳ ሃራ ኣማኒያ ኦሳንቸቲ ኢያ ኢዲዳ ዋዳይ ፊልጲሲዩሳ ዋሳ ከላን ዳንዲዳ ዋርዶ ተሚርቲያ ገሳን ኢያ ዋዛናይ ዳሮ ኣዛኒዳ ዋዳ፡ ገደሺን፡ ጳውሎሲ ዩሱስ ከሪሰቶሳ ሚንሳዲ ኣማኒያ ገሾ ሃ ኪታን ቆንጨዲ ቤንቴይ፡ ኦፋይሲኔ ኩሚሳ ኣማኒይቲላ፡ ፊልጲሲዩሳን ዳዒያ ዳሮ ኣሳይ ሮሜ፤ ዲዳቲዲ ዩዳ ኣሲ፡ ኤንቲ ሮሜ ቢታስ ሚሹቶሶናይ ሎይላ ሰጎሶና፡ ኤንታፊ ኢሶቲ ኢሶቲ ኣማኒዲ ባንታ ቢታ ኣሳን ጎዳቲዶሶና፡ ሄ ጎዳይ ኤንታ ቦላ ሚቶይ ማንቆቲላ ኤሂስ (ሃ.ኦ 16:20-21)።

ጳውሎሲ ሃ ኪታ ግፊዳ ኮይሮ ገሳይ ኢያ ሚቲዋ ዋዳ ኢያ ማዳናው ፊልጲሲዩሳ ኣማኒያ ኣሳይ ኣሞታ ኢያው ዩዲዳ ገሾ ኤንታ ገላታናሳ፡ ኢያ ቦላይ ኤንታ ቦላ ዳማ ዳማ ሚቶይ ጋኪዳባ ገዲኮካ ኤንቲ ሚኔታና ሚላይ ኩሚላ ኣማኒይቲዲ ዳና ሚላ ሃ ዳሚዳ ኢንጂያን ኤንታ ሚንላሌስ፡ ጨቆይ ኦቶር ኣገዲ፡ ዩሱስ ከሪሰቶሳ ኣሸከቴላን ኤንቲ ኩማና ሚላ ሚንላዲ ኤንታ ኣከኪሲስ፡ ዩሱስ ከሪሰቶሳራ ኢሲፊ ገደን ኤንቲ ዳሚዳ ዳይይ ያሳ ኣቶ ከሃቴላፊ ፑልቲዳይሳይ ኣማናን ኤንቲ ኤኪዳይሳፊ ኣቲን ኣይሁዲታ ዋጋ ገሎን ቤንቲዳባ ገደናይሳ ኤንታ ኣከኪሲስ፡ ዩሱስ ከሪሰቶሳራ ኢሲፊ ዳዒያ ኡባስ ያሳይ ኢሚያ ሳናዋይ ኦፋይሳ ኤንታው ግፊስ።

ሃ ኪታይ ኤፊቴይ ኦፋይሲ፡ ኣማኒይቲላ፡ ኢሲፊቴላይ ኣማናን ሚኒዲ ዳዎ ቆንጨሲዲ ቤሴይሳና፡ ሄሳ ቦላ ጉጂዲ፡ ጳውሎሲ ፊልጲሲዩሳ ዋሳ ኬላ ሲቁያ ገታ ሲቁዋ ቆንጨሲስ።

ፊልጲሲዩሳ ኪታ ኣይፊ ቆፋታ

- ጌሎ ቆፋ 1:1-11
- ጳውሎሲ ሃኒዲ ዳዒያ ዳሳ 1:12-26
- ኣማናን ለሚሶ ዳዎ 1:27-2:18
- ዲሞቲዮሳሲኔ ኤጳፊራዲቲስ ዳዒያ ቆፋ 2:19-30
- ሞርኪታፔኔ ኢታታፔ ሰጌቲላ 3:1-4:9
- ጳውሎሳይ ፊልጲሲዩሳ ኣማኒያ ኣሳ 4:10-20
- ሳርሶይ ኣንጅ 4:21-23

1 ከሪሰቶስ ዩሱሳራ ኢሲፊዳ ገሾ ያሳባ ገዲዳ፡ ፊልጲሲዩሳ ካታማን ዳዒያ ዋሳ ኬላ ጨማታሲኔ ዳቆይታ ኡባስ፡ ዩሱስ ከሪሰቶሳ ኣይሌ ገዲዳ፡ ጳውሎሳፔኔ ዲሞቲዮሳፔ ኪቲቲዳ ኪታ።

2 ኦ ኣዋ ያሳፊኔ ጎዳ ዩሱስ ከሪሰቶሳፔ ኣቶ ከሃቴላይ ሳርቴላይ ሃንቲው ገደ።

ጳውሎሳ ገላታ ዋሳ

3 ታኒ ሃንቴና ቆፔያ ዋዳ ኡባን፡ ታ ያሳ ገላታይስ፡ 4 ታኒ ሃንቴ ኡባስ ያሳ ዋሲያ ዋዳ ኦፋይሳን ዋሳይስ፡ 5 ሃንቴ ኮይሮ ገላታይ ሃዲ ጋካናው፡ ዋንጌላ ማርካቴይሳን ታራ ኢሲፊ ገዲዲ፡ ታና ማዲዳ ገሾ ያሳ ገላታይስ፡ 6 ሃንቴ ገደን ሎዎ ኦሶ ዶሚዳ ያሳይ፡ ከሪሰቶስ ዩሱሲ ሲሚያ ገላታይ ጋካናው፡ ፖሳይሳ ኤራይስ።

7 ሃንቴ ኡባ ዋዳ ታ ዋዛናን ዳዒታ፡ ታኒ ኡባ ዋዳካ ሃሳዳ ቆፓናው ቤሴስ፡ ሃዲ ታኒ ቃሾን ዳባሺኔ ቃሽታናፔ ሲንላ ዋንጌላ ሰጎኒኒ ዋንጌላ ሚንላ ኤሲን ያሳይ ታው ቃዲዳ ቃዲ ሃንቴካ ታራ ቫኩቲዳታ፡ 8 ታኒ ሃንቴና ኡባ ከሪሰቶስ ዩሱሳ ሲቁዋን ኣይ ሚላ ላሞቲያኮ ያሳይ ታው ማርካ።

9 ሃንቴ ሲቆይ ቱማ ኤራቴላራኔ ኣከካራ ኢሲፊ ጉጂ ጉጂ ዲጫና ሚላ ያሳ ዋሳይስ፡ 10 ሃሳን ሃንቴ ሎዋባ ቫኪዲ፡ ዶሬይሳታ፡ ከሪሰቶስ ሲሚያ ገላሳን ገሻታኒ ቦራቶናይሳታ ገደና፡ 11 ሃንቴ ዳይይ ያሳ ቦንቸዋሲኔ ገላታስ ዩሱስ ከሪሰቶሳ ባጋራ ቤንቲያ ዲሎቴላ ኣይፊያን ኩሚዲ ኣይፋና።

ጳውሎሳ ቃሽቴላይ ዋንጌላይ ዳልጋና ሚላ ማዲስ

12 ታ ኢሻቶ፡ ታና ጋኪዳ ኡባይ ዋንጌላይ ዳልጋና ሚላ ቱማ ማዲዳይሳ ሃንቴ ኤራና ሚላ ኮያይስ፡ 13 ታኒ ከሪሰቶሳ ገሾ ቃሽቴዳይሳ፡ ካዎ ኬላ ሰጌይሳቴኔ ሃይሳን ዳዒያ ሃራቲ ኡባይ

ከርሶና። 14 ታ ቃሹዋ ጋሶን ኑ አሻታፔ ዳሮቲ ጎዳን ከሂ አማኔቲዶሶና። ሃሳ ገሾ፣ ያሳ ቃላ ያሽ ባይና ካሴይሳፊ አጂ ሚኒዲ ኦዳና ሜላ ሚኖቴላ ዳሚዶሶና።

15 ገደሺን፣ አሪቲ አሪቲ ቃናቲኒኒ ፓላማን ኪሪሰቶሳባ ኦዶሶና፣ ሸን ሃራቲ ሱሬ ዋዛናፔ ኦዶሶና። 16 ሱሬ ዋዛናፔ ኦዶይሳቲ፣ ያሳይ ታው ዋንጌላ ናጎ ኦሶ አሚዳይሳ ኤሪያ ገሾ ሲቆን ኦዶሶና። 17 ሸን ታና ቃናቲይሳቲ ታ ቃሹዋ ቦላ ሃራ ሜቶ ኤሃናባ ኤንታው ዳኒን ባንታና ደሲዲ ኪሪሰቶሳባ ኦዶሶናፔ አቲን ቱማ ዋዛናፔ ኦዶሶና።

18 ሄሲ አይኮካ ሜቴና። ቱማ ኦጌን ገዲን ዋይኮ ዋርዶ ኦጌን ገዲን ሄ ኡባን ኪሪሰቶሲ ሳባኬቴሰ። ታና ሄሲ ኡፋይሲሰ። ቃሲ ሃራባይ ታና ኡፋይሲያባይ። 19 ታኒ ሂንቴ ዋሳኒኔ ዬሱሰ ኪሪሰቶሳ አያና ማዲዋን አታናይሳ ኤሪያ ገሾ ታና ኡፋይሲሰ። 20 ታ ገታ አሞይኔ ኡፋይሳን ናገያ ናጎይ ታ ዬላቶና አታናይሳ። ሸን ኡባ ዋይ ኡፋይሳዳ፣ ሃሳካ ታኒ ፓፃ ዳሳን ዋይኮ ሃይቁን ያላታ ታ ኩሜላ አጎቲላን ኪሪሰቶሲ ቦንቼታና ጋዳ ሚኖቴላን ኡዳይሰ። 21 ታ ዳሳኮካ ኪሪሰቶሳ ስፕላሰ ዳሳይሰ፤ ቃሲ ታ ሃይቁኮካ ታው አጂዳ ዋጄ። 22 ሸን ታ ፓፃ ዳሳኮ አይፊይ ዳሳያ ኦሶ ኦላና። ሸን ፓፃ ዳሳይሳፊኔ ሃይቆፔ አላሳ ዶራኔኮ ታው ኤሬቴና። 23 ታኒ ሃ ናፕሞታፔ አላሳ ዶራኔኮ ኤንግታሰ። ሃ ደዑዋፔ ሻኬታዳ ኪሪሰቶሳራ ኢሲፊ ዳናው አሞታይሰ፤ ኪሪሰቶሳራ ኢሲፊ ዳሳይሲ ኡባፊ አጂዳ ሎዎ። 24 ሸን ታኒ ሂንቴ ገሾ ፓፃ ዳሳይሲ ሂንቴው ዳር ኮሺያባ።

25 ሃሳ ታኒ ገሻዳ ኤሪይሰ፤ ታኒ፣ ሂንቴ አማኖን ዲጫናዳኔ ኡፋይታናዳ ሂንቴራ ፓፃ ዳና። 26 ሃሳ ገሾ፣ ታኒ ሂንቴኮ ሰማዳ ያ ዋይ ኪሪሰቶሰ ዬሱሳራ ሂንቴ ዳሳያ ዳዑዋን ታናን ዳሳያ ጨቁቴላይ ሂንቴው ዳራና።

27 ኡባፊ አላዲ፣ ሂንቴ ኪሪሰቶሳ ዋንጌላሰ ቦንቼ ኤሂያ ዳዎ ዳሳይ። ታ ሂንቴና ቤዲን ዋይኮ ቤያና ኢግን ሂንቴ ኢሲ ቆፋን ሚኒዲ ኤቁዲ፣ ሃራቲ ዋንጌላን አማናና ሜላ ኢሲ ዋዛናን ገዲዲ ኢሲፊ ባፃቴይሳ ታ ሲዳና። 28 ሂንቴ ሞርኬታሰ ያዮፊቴ። ኤንቴ ሂንቴራ ኤቁቴያባ ገዲኮ ሄሲ ሂንቴው አቶቴላሰ፣ ኤንታው ቆሃሰ ያሳፊ ገዲዳ ማላ። 29 ኪሪሰቶሳሰ አላያ ቃዳይ ሂንቴው አሚቴዳይ፣ ሂንቴ ኢያ አማናና ሜላ ያላላ ገደናሺን ሂንቴ ኢያ ገሾ ሜቶ ኤካና ሚላሳ። 30 ሃሳ ገሾ፣ ሂንቴ ታ ዋያ ካሴ ቤዲዳ፤ ሃሳካ ታ ዋይቴይሳ ሲዳታ። ሂንቴካ ታ ዋያ ሜላ ዋይቴታ።

2

ቱማ አሸኬቴላ

1 ኪሪሰቶሳን ሂንቴ ዳሳያ ዳይይ ሂንቴና ሚንላሰ፤ ቃሲ ኢያ ሲቆይካ ሂንቴና ሚንላላሰ። ገሻ አያናራ ሂንቴው ኢሲፊቴላ ዳሳይ፤ ሂንቴ ሃራታሰ ከሂታኔ ቃጂቴታ። 2 ሂዛ፣ ሂንቴ ኢሲ ቆፋን፣ ሲቆን፣ ኢሲ ዋዛናኒኔ አያናን ኢሲና ገዲዲ ታና ፖሎ ኡፋይሲቴ። 3 ሂንቴና ዶሶን ዋይኮ ጨቁቴያ ሃዳ አሞን ኢሲባካ ኦላፊቴ። ሸን ሂንቴ ኢሲይ ኢሱዋሬ ገታታይሰ ያገዲ ቆፖና ሂንቴና ካላሸቴ። 4 ሂንቴ ኢሲይ ኢሲይ፣ ሃራ ኢሲ ማዲያባ ኮዩቴፔ አቲን ሂንቴና ማዲያባ ያላላ ኮዮፒቴ።

5 ኪሪሰቶሰ ዬሱሳን ዳሳያ ቆፋይ ሂንቴናን ዳናው ቤሲሰ።

6 ኢያው ኡባ ዋይ ያሳ ሃኖቴላ ዳሳይ።

ያኒያ ገሾ፣ ኢያ ያሳራ ኢሲኖ ኡላያ ሃኖታ፣
ዋልቃን ኤካናው ኮዩቤና።

7 ገደሺን፣ ኢ ባው ዳሳያ ቦንቼዋ ኡባ አገዲ፣

አይሌ ሜጄታ ኤኪሰ፤
አሴ ዳኒዲ ቆንጨሰ።

8 ኢ ባና ካላሸቴ፤

ሃይቃና ጋካናው፣
ሃራ አቶሺን ማሰቃሊያ ቦላ
ሃይቃናው ከቴቲሰ።

9 ሃሳ ገሾ፣ ያሳይ ኢያ ዳር ቶቁ ቶቁ ኦላሰ፤

ቃሲ ሱንላ ኡባፊካ አጂያ ቶቃ ሱንላ ኢሚሰ።

10 ሳሎኒኔ ሳባን፣

ሳፍፔ ጋርሳን ዳሳያ ኡባይ፣
ዬሱሳ ሱንላ ቦንቼዋሰ ጉልባታና።

11 አሳ ኡባይ ባንታ ኢንዳርሳን፣

ዬሱሰ ኪሪሰቶሳ ጎዳ ያገዲ፣
ያሳ አዋ ቦንቼዋሰ ማርካታና።

ሃ አላሚያሰ ፖፃ ገደ

12 ታ እሻቶ፣ ታኒ ሂንቴራ ደዒያ ዎዴ ኡባን ሂንቴ ከቴቲዳይሳዳ፣ ሃሲ ታኒ ሂንቴ ማታፔ ሃኪንካ፣ ካሲይሳፊ ኣሌዳ፣ ከቴታናው ቤሱስ። ያሳስ ያሻኒኔ ኮኮርሳን ሂንቴ ኣቶቴላ ፖላናው ኣሌቴ። 13 ያሳይ፣ ሂንቴ ኢያው ኤር ገዳ ከቴታና ማላ ኡባ ዎዴ ሂንቴ ጊደን ኦሌስ።

14 ኣይ ኦሶ ኣሌሼካ ዘዘዋና ዎይኮ ገላሞና ኣሌቴ። 15 ገላኔ ናጋራንኛ ኣሳ ጊደን ቦሬቶናይሳታ፣ ገሻታ ፖሮይ ባይና ያሳ ናይታ ጊደቴ። ሂንቴ ኤንታ ጊደን ሳሎ ያሌንቶዳ ፖሊሼ። 16 ደዎ እማያ ከታ ኤንታው ኦዲቴ። ሄ ዎዴ ታ ዳቡሪሳይኔ ታ ኦሶይ ማላ ኣቲቦና ገሾ ከሪሰቶሲ ያ ጋላሰ ታ ሂንቴናን ጨቁታና።

17 ሂንቴ ያሳስ እማያ ኣማኖ ኣሞታ ቦላ ታ ሱላይ ኡሻ ያርሾዳ * ጉኪኮካ ታና ኡፋይሴስ። ሂንቴካ ታራ ኡፋይታና። 18 ሄሳዳ ሂንቴካ ኡፋይቲዲ ታናካ ኡፋይሳናው ቤሴስ።

ዲሞቲዮሳኔ ኤጳፊራዲቲሳ

19 ታኒ ሂንቴ ደዒ-ዎባ ሲዓዳ ኡፋይታናው ዲሞቲዮሳ ሂንቴኮ ኤሌሳዳ ዬዳና ማላ ጎዳ ዬሱሲ ታና ማዳናይሳ ኣማኔታይሰ። 20 ሂንቴ ደዒ-ዎባ ዎዛናፔ ቆፒያ ኢያ ማላ ኣሲ ሃሪ ኦኒካ ባሞ። 21 ሃራቲ ባንታና ጎዲያባ ኮዮሶናፔ ኣቲን ዬሱሰ ከሪሰቶሲ ኮያባ ኦሶኮና። 22 ኢ ታራ ኢሲፊ ጊዲዲ ናሲ ባ ኣዋሰ ኦሌዳይሳ ዎንገላ ኦሶ ኦሌዳይሳኔ ኣማኔታና ኣሲ ጊዳይሳ ሂንቴ ኤሬታ። 23 ሃሳ ጊሾ፣ ታባባ ሃኒያባ ቤዓዳ ኤሌሳዳ ኢያ ሂንቴኮ ዬዳና ጋዳ ቆፓይሰ። 24 ታኒ፣ ታ ሁዔን ማታ ዎሾን ሂንቴኮ ባናይሳ ጎዳን ኣማኔታይሰ።

25 ሄሳዳካ፣ ታኒ፣ ታ እሻ ኤጳፊራዲቲሳ፣ ታራ ኢሲፊ ታ ባጋ ጊዲዲ ኦሌዳይሳ፣ ኦሌቲዳይሳኔ፣ ታና ማዳናው ሂንቴው ከቴቲዳይሳ፣ ሂንቴኮ ከታናው ቆፓሰ። 26 ኢ ሂንቴና ኡባ ቤዓናው ዳር ላሞቴሰ። ቃሲ ኢ ሃርጌቲዳይሳ ሂንቴ ሲዒዳ ገሾ ባ ዎዛናን ዳር ኤንዔቲሰ። 27 ኢ ቱማ ሃርጌቲዲ ሃይቂ ከቺዲ ኣቲሰ። ሺን ያሳይ ኢያው ቃዴቲሰ። ኢያ ያላላሰ ጊደናሺን ኣዛናይ ኣዛና ቦላ ጉከፍቶናዳ፣ ታዉካ ቃዴቲሰ።

28 ሄዛ፣ ሂንቴ ኢያ ዛሪ ቤዒዳ ኡፋይታናዳ ታዉካ ታ ዎዛና ሲላይ ኢርፃናዳ ታኒ ኢያ ኤሌሳዳ ሂንቴኮ ዬዳናው ኣሞታይሰ። 29 ጎዳሰ ሃጋዚያ ኣሳዳ ኢያ ኩሚሳ ኡፋይሳን ሞከቴ። ቃሲ ኢያ ማላ ኣሳ ኡባካ ቦንቺ። 30 ሂንቴ ታ ማታን ጊዲዲ ኣላናው ዳንዳና ማዲያ ማዲዲ ከሪሰቶሳ ኡሶዋ ገሾ ባ ሸዎዎባ ሚሾቶና ኢዲዲ ሃይቂ ከቺዲ ኣቲሰ።

3

ቱማ ዲሎቴሳ

1 ዉርሴላን፣ ታ እሻቶ፣ ሂንቴ ጎዳባ ጊዲያ ገሾ ኡፋይቲቴ። ታኒ ካሴ ያፊዳይሳ ዛራዳ ያፋናይሲ ታና ዎይሴና፣ ሺን ሂንቴና ባላፔ ናጋና።

2 ኢታባ ኦሌያ ካናታ፣ ቃሲ ቃዓሪታናው ኮሺሰ ገያ ኢታ ኣሳታፔ ናጌቲቴ። 3 ኦኒ ያሳ ገሻ ኣያናን ጎይኒያ ገሾኔ ኑ ደዒ-ዎባ ከሪሰቶሰ ዬሱሳን ጨቁቲያ ገሾ ቱማ ቃዓር ቃዓሪቲዳይሳታ። ኦኒ ካሪ ኣሳቴላ ቦላ ኦሴቲያባን ጨቁቶኮ።

4 ታ ካሪ ኣሳቴላን ጨቁታናው ኮሺኮ ታ ዳርባን ጨቁታናው ዳንዳይሰ። ኣይ ኣሲካ ባ ካሪ ኣሳቴላን ጨቁቲያባይ ባው ደዒሰ ገዲ ቆፒኮ፣ ታኒ ኢያፔ ዳር ኣቆዳ ጨቁቲያባይ ደዒሰ።

5 ታኒ ዬሌቲዳ ሳሚንታራ ቃዓሪታሰ። ታኒ ዬሌታን ኢሰራዔሌ፤ ታኒ ቢኒያሚ ዛሬ፤ ታኒ ዎላኪ ባይና ኣይሁዳ ኣሲ። ኣይሁዳ ሂኔ ናጎን ጊዲኮ ታኒ ፋሪሳዎ። 6 ኣይሁዳ ኣማኑዋሰ ሚሹቴላን ጊዲኮ ታኒ ዎላ ከላ ዬዳላሰ። ኢሲ ኣሲ ሂኔ ናጌዲ ዲሊያባ ጊዲኮ፣ ታናን ቦሬይ ቤንቲቤና።

7 ሺን ካሴ ታና ማዳሰ ጋዳ ቆፒዳባ ኡባ፣ ከሪሰቶሳ ገሾ ጋዳ ማዳናባ ኣላዳ ታይባሰ። 8 ሄሳ ያላላ ጊደናሺን ታኒ ታ ጎዳ ከሪሰቶሰ ዬሱሳ ኤሬይሲ ሃራባ ኡባፊ ዳር ኣቋያ ገሾ ሄ ኡባ ዎዴይ ባይናባዳ ታይባሰ። ታኒ ኢያ ገሾ ኡባባ ቋያሰ። ከሪሰቶሳ ደማናው ኡባባ ዎራ ሆሊቲዳ ቡሬዳ ታይባይሰ። ታኒ ዬሱሳራ ኢሲና ጊዳሰ። 9 ታኒ ሂኒሰ ከቴታዳ እማያ ታ ሁዔ ዲሎቴላ ታኒ ታኒ ባሞ። ከሪሰቶሳ ኣማኒን ቤንቲያ ዲሎቴላይ፣ ያሳ ማታፔ ያ ዲሎቴላይ ሃሲ ታው ደዒሰ። 10 ታኒ ከሪሰቶሳኔ ኢያ ደንዳ ዎልቃ ኤሬናው ኮያይሰ። ታኒ ኢያ ሚቱዋ ኢያራ ሻኪታናዉኔ ኢያ ሃይቁዋን ኢያ ዳናናው ኣሞታይሰ። 11 ሄሳዳካ፣ ሃይቆፔ ዳንዳዳ ሚሪናው ደዎን ዳናይሳ ኡፋይሲ ኣላይሰ።

ጋዓ ጋካናው ዎዳቲ

12 ታኒ ሃሲ ጋዓ ጋካሰ ዎይኮ ታናን ባሊ ባዋ ገኪ። ሺን ከሪሰቶሰ ዬሱሲ ታና ኦይኪዳ ገሾ ታኒ ታ ሲንሳን ደዒያ ዎይቱዋ ኦይካናው ዎዳይሲኔ ቡቴታይሰ። 13 ታ እሻቶ፣ ታኒ ሄሳ ደማሰ ጋዳ ቆፒኪ፣ ሺን ታኒ ኢሲባ ኣላይሰ። ታፔ ጉዬራ ደዒይሳ ደጋዳ ሲንሳን ደዒይሳ ኦይካናው ዛቲራይሰ።

* 2:15 ዛሬ 32:5 2:17 ታ ሱላይ ኡሻ ያርሾዳ፡ ኢሲ ኢሲ ዎዳ ያርሾ ቤሳን ያርሹፔያ ሚሄ ያርሹዋ ቦላ ሃላ ዎይኮ ዎይኔ ኣሻይ ጉኪሰ። 3:5 ሃ.ላ 23:6፤ 26:5፤ ሮማ 11:1 3:6 ሃ.ላ 8:3፤ 22:4፤ 26:9-11

14 ሄሳ ጊሾ፣ ታጌ ጋፃ ጋካናው ዋፃይሰ። ያሳይ ከሪስቶስ ዩሱሳ ባጋራ ሳሎ ደዑዋስ ፃጊዳ ዋይቱዋ ኢካናው ዳቡራይሰ።

15 ሄዛ፣ ኑጌ እያናገ ገሽቲዳ ኡባይ ሄሳ ቆጥናው ቤሴስ። ሂንቴፊ ባጋታስ ዲማቲያ ቆፊ ዳጊቱ፣ ሄሳካ ያሳይ ሂንቴው ቆንጨሳና። 16 ጊዲኮካ፣ ኑጌ ሃኖ ጋካናው ዳዲዳ ደዑዋን፣ እኔ ሲንፊ ሰሰ።

17 ታ እሻቶ፣ ታና ዳጌቲ፤ ሄሳዳካ፣ ኑ ለሚሱዋ ካሊያ እሳታ እኩኪዲ ቤዒቲ። 18 ታጌ ሄሳ ሂንቴው ካሴ ዳሮ ቶሆ ኦዳሰ። ሸጊ ሃሳካ ዛራዳ እፋላን ኦዳይሰ። ከሪስቶስ ማስቃሊያ ቦላ ሂንቄዳይሳስ ባንታና ሞርኬ አሊዳ ዳሮ እሳቲ ደዎሶና። 19 ኤንታ ወርሰላይ ቆፃ፣ ኤንታ ኡሎይ ኤንታው ያሰ። ዩላታናው ቤሲያባን ኤንቲ ጨቁቶሶና፤ ቃሲ ሃ ሳሳባ ያላላ ቆጥሶና። 20 ኑ ቢታይ ሳሉዋና፣ ሳሎ፣ ዩዲ ኑና እሻኛው ዳዲያ ጎዳ ዩሱስ ከሪስቶሳ ናጎሰ። 21 ከሪስቶሲ ኡባባ ባ ማታፔ ጋርሳን ኦላናው ዳንዳዲያ ባ ዋልቃን ኑ ዳቡራንሻ እሳቲላ ላሚዲ ባ ቦንሻ እሳቲላ ዳጌሳና።

4

ወርሴላ ዘሪ

1 ታ እሻቶ፣ ታ ደሴይሳቶ፣ ታ ላሞቴይሳቶ፣ ታና ኡፋይሴይሳቶ፣ ታና ጊታይይሳቶ ሂዛ ጎዳን ማጊዲ ኤቂቲ።

2 ኤዋዲኔ ሲንጻካ፣ ሂንቴ ናምዓይ፣ ኢሲ ቆፋን ሚቹዳ ጎዳን ዳናዳ ታጌ ሂንቴና ዘራይሰ። 3 ታራ አሊያ እማንፊይሶ፣ ኔጌ ሃ ማጫሳታ ማዳና ማላ ታ ኔና ዋሳይሰ። ሃ ማጫሳቲ ታራ፣ ቁለሚንጻሳራኔ ኤንታ ሱንሳይ ያሳ ደዎ ማፃፋን ያፊቲዳ ሃራታራ ኢሲፊ ዋንጌላ ኡባ ቤሳ ጋላናው ዳቡራደሶና።

4 ጎዳራ ሂንቴ ዳዲያ ደዑዋን ኡባ ዋዴ ኡፋይቲቲ። ታጌ ሄሳ ጉጃዳካ ኦዳይሰ፤ ኡፋይቲቲ።

5 እሳ ኡባይ ሂንቴ እሸኬቲላ ኤሮ፤ ጎዳይ ማታን ያና። 6 ያሳ ሂንቴ ዋሲያ ዋዴ ኡባን ኢያ ጋላቲሼ፣ ሂንቴና ኮሺያባ ኡባስ ዋሲቴኔ እቲን አይቢባሰካ ሂርጎፊቲ። 7 እሳ ኤራቴላ ኡባፊ አጂያ ያሳ ሳርቴላይ፣ ሂንቴ ዋዛኔ ሂንቴ ቆፋ ጎዳ ዩሱስ ከሪስቶሳ ባጋራ ናጋና።

8 ወርሴላን፣ ታ እሻቶ፣ ሂንቴ ዋዛናጎ ሎዋባኔ ጋላቲሲያባ ቆጥቲ። ቲማ ጊዲያባ ኡባ፣ ቦንሻባ ኡባ፣ ቆሆ ጊደናባ ኡባ፣ ጊሻባ ኡባ፣ ሲቆባ ኡባኔ ኡፋይሴያባ ኡባ ቆጥቲ። 9 ሂንቴ ታፔ ታማሪዳባ፣ ኤኪዳባ፣ ሲዒዳባኔ ቤዒዳባ ኡባ አሊቲ። ሳርቴላ እሚያ ያሳይ ሂንቴራ ኢሲፊ ጊዳና።

ጳውሎሲ እሚቴዳ እሞታስ ጋላቲስ

10 ዳሮ ዋዴፔ ጉዬ፣ ሂንቴ ታባ ዛራዲ ቆጥናው ደሚዳ ጊሾ ታጌ ጎዳን ዳሮ ኡፋይታይሰ። ሄሳ ጉሳይ፣ ታው ቆጥናው ሂንቴው እንጃቶና ኢጂዳይሳፊ እቲን ታው ቆፋ አጊቤኪታ። 11 ታጌ ሄሳ ታና ሚቴዳ ጊሾ ጊኪ፤ ታው ዳዲያባይ ጊዳና ጉሱ ታማሪሰ። 12 ታጌ ሜቶቲቲዲ ዳዲያ ዲሲ ኤራይሰ፤ ቃሲ ዳሬቲዲ ዳዲያ ዲሲካ ኤራይሰ። እዉን ጊዲን ቃሲ አይ ዋዴካ ታጌ ካሎኑ ኮሻ፣ ፓጩኔ ፓላሃ ታማሪሰ። 13 ከሪስቶሲ ታው እሚያ ዋልቃን ኡባባ ኦላናው ዳንዳዲያሰ።

14 ጊዲኮካ፣ ሂንቴ ታ ሚቴዋ ታራ ኤኪዳይሳን ሎዎ ኦሊዴታ። 15 ፊልጲሲዩሳ እሳው፣ ዋንጌላ ኮይሮ ኦዳናው ታጌ ማቁደኒያፔ ኪያ ዋዴ እሚያባንካ ኤኪያባንካ ሂንቴ ዋሳ ኪላፊ እቲን ሃራ ታና ማዲቦናይሳ ሂንቴ ኤራታ። 16 ቴሴሎንቄን ሚቶይ ጋኪዳ ዋዴካ ታና ዛሪ ዛሪዲ ማዲዴታ።

17 ታጌ፣ ሂንቴፊ እሞታ ኤካናው ኮያዳ ጊደናሸን እሞፔ ያ እንጃዋ ሂንቴ ኤካና ማላሳ።

18 ታጌ፣ ሂንቴ እሚዳ ኡባኔ ጊዲዲ ፓላሂሳሳ ኤካሰ። ሂንቴ ዩዲዳ ኡባ ኤጳፊራዲቲሳፔ ኤካሰ፤ ኮሺያባ ኡባይ ታው ዳዲሰ። ሂንቴ ታው ዩዲዳ እሞፔ ያሳስ ሳዋ ቶንጉ ጊያ፣ ኢ ደሲያ፣ ኢ ኡፋይቲያ ያርሾ ማላ። 19 ታ ያሳይ ባ ቦንሻ ዳሬቴላፊ፣ ከሪስቶስ ዩሱሳ ባጋራ ሂንቴው ኮሺያባ ኡባ እሞና። 20 ኑ አዋ ያሳስ ሜሪናፔ ሜሪና ጋካናው ቦንሻይ ጊደ። እሚንዒ።

ወርሴላ ሳርታ

21 ከሪስቶስ ዩሱሳ ባጋራ ያሳባ ጊዲዳ ኡባ ሳር ጊቲ። ታራ ዳዲያ እሻቲ ሂንቴና ሳር ጎሶና።

22 ያሳባ ጊዲዳ እሳ ኡባይ፣ ኡባፊ አሊዲ ካዉዋ ቄሳሪ ኬላን ዳዲያሳቲ ሂንቴና ሳር ጎሶና።

23 ጎዳ ዩሱስ ከሪስቶሳ አጼ ከሃቴላይ ሂንቴራ ጊደ።

ጳውሎስ ቆላሲያ ላሳሰ ፃፊ ዜጋ ጋላ ቆፋ

ጳውሎስ ቆላሲያ ላሳሰ ፃፊ ዜጋ ያፈተዳይ፣ ጉላ ኢሲያን፣ ኤፌሶና፣ ዶሎሃ ባጋራ ደዲያ ቆላሲያ ላሳሰ ላሳሰ ደዲያ ዋሳ ከላሳሰ። ሄ ዋሳ ከላሳሰ ደዲያ ጳውሎስ ገደና ኢግኮካ፣ ሮሜ ቢታን ኢሲያ ዋና ካታማ ገዲዳ ኤፌሶና፣ ዋንገላ ኦሳንቸታ ከቴይ ኢያ ገዲያ ገሾ ቆላሲያ ላሳሰ ኣዋቴላ ኢያው ደዲሰ። ቆላሲያ ላሳሰ ከላሳሰ። «ዋሳ ኤራናው ከሜላ ኣቶቴላ ደማናው ኢሲ ኡባይ ኣያና ዋልቃታሲኔ ማታታሰ ጎይናናው ኮሺሰ» ያገደ ዋርዶ ኣስታማራቴ ደዲይሳ ጳውሎስ ሲሲሰ። ሄ ኣስታማራቴ ታማርሲያ ሃራባይ፣ ቃሲ፣ «ኣሲ ኡባይ ቃፃሮ ዲኒያ ዋጋታሰ ሃራታናው ካላ ዋጋ ኡባ ናጋናው ኮሺሰ» ያጎሰና።

ጳውሎስ ሃ ከታ ፃፊ ደይ፣ ቱማ ኣማና ቱማርቲያ ታማርሲዳ፣ ኤንታ ዋርዶ ቱማርቲያ ላላናሳ። ኢ ዛራዳ ዛርታ፣ ዋናቴይ፣ «ዬሱስ ከሪሰቶሲ ከሜላ ኣቶቴላ ኣሚሰ፤ ሃራ ሃይማኖትቴ ኦሶቲ ኢያ፣ ሃራ ሃራ» ያገይሳ። ያሳይ ከሪሰቶሳ ባጋራ ኣላሚያ ሜፏሰ። ቃሲ ኢያ ባጋራ ዛራዳ ባኮ ኤሃና። ሃ ኣላሚያስ ኣቶቴላ ኡፋይሳይ ደዲይ ከሪሰቶሳ ኣማናና። ሃሳ ገሾ፣ ጳውሎስ ሃ ገታ ቱማርቲይ ኣማኒያ ኣሳ ደያን ዋኒዲ ኦሶን ፔባናው ቤሲያኮ ኦዳሰ። ሃ ከታይ ኤፌሶና ላሳሰ ፃፊ ዜጋ ደይ፣ ባ ኦይኪዳ ቆፋኒይ ከታን ዋሊ ደናሰና። ሃ ናምቡ ማፃፃታ ገደን ደዲያ ደማቴላይ፣ ኤፌሶናን ከሪሰቶሲ ዋሳ ከላሰ ሁዳ፣ ቆላሲያ ላሳሰ ከሪሰቶሲ ሜፏቴላሰ ሁዳ።

ሃ ከታ ጳውሎስ፣ ኤኪዲ ቆላሲያ ጋላናው ቢዳ ቲክቆሳራ ኢሲፊ ደዲይ ኣናሰሞሳ ገደይሳ ቤሶይ ማዲያባ። ዋኒዲ ገኮ፣ ጳውሎስ ኣናሰሞሳ ጌቴቲያ ባ ኦሳንቸዋባ ፊልሞናስ ሃራ ከታ ፃፊሰ።

ቆላሲያ ከታ ኣይፊ ቆፋታ

- ገሎ ቆፋ 1:1-8
- ከሪሰቶሳ ካንዲዋኔ ኦሱዋ 1:9-2:19
- ከሪሰቶሳን ደዲያ ኦራላ ደያ 2:20-4:6
- ወርሲላ ሳርሶኔ ኩሻ ቆፋ 4:7-18

1 ያሳ ሸኔን ከሪሰቶሲ ዬሱሳ ሃዋሪ ገዲዳ ጳውሎስኒ ኦ ኢሻ ግሞቲዮሲ፣ 2 ቆላሲያ ላሳሰ ላሳሰ ደዲያ ከሪሰቶሳን ገሻታሲኔ ኣማኒቲዳ ላሳሰ ፃፊ ዜጋ። ያሳ ኦ ኣዋ፣ ኣዶ ከሃቴላይኔ ሳርቴላይ ሂንቴው ገደ።

ጋላታ ዋሳ

3 ኦኒ ሂንቴው ዋሲያ ዋዴ ያሳ ኦ ጎዳ፣ ዬሱስ ከሪሰቶሳ ኣዋ ኡባ ዋዴ ጋላቶሰ። 4 ኦኒ ከሪሰቶሰ ዬሱሳን ደዲያ ሂንቴ ኣማኑዋኔ ገሻታ ኡባስ ደዲያ ሂንቴ ሲቁዋ ሲዲዳ። 5 ሃሳ ሂንቴ ኦሲዳይ ሂንቴ ኡፋይሳይ ሳሎን ሂንቴው ናገቴዳ ገሾሳ። ሂንቴ ቱማ ከታ ገዲዳ ዋንገላ ኮይሮ ኣማኒዳ ዋዴ ሄ ኡፋይሳ ሲዲዳ። 6 ሂንቴ ሄ ዋንገላ ሲዲዳ ዋዴኔ ያሳ ኣዶ ከሃቴላ ቱማ ሻኪ ኤራዳ ዋዴ፣ ደሚዲ ሂንቴ ገደን ሃኒዳይሳዳ ቢታ ኡባን ዲጪሸኔ ኣይፊሸ ደዲሰ።

7 ሂንቴ ሃሳ ኦራ ኢሲፊ ከሪሰቶሳስ ኦሲያ ኣማኒቲዳ፣ ደሲቲዳ ኤጳፊራ፣ ታማሪዳ። 8 ኢ ሃሳ ቦላ ጉጂዲ ኣያናይ ሂንቴው ኢሚዳ ሲቁዋ ትሰ ኦዲሰ።

9 ሃሳ ገሾ፣ ኦኒ ሂንቴባ ሲዲዳ ጋላናው ደሚዳ፣ ያሳይ ባ ሸኒያ ሂንቴና ቤሳና ሜላኔ፣ ገሻ ኣያናይ ኢሚያ ኡራቴላኒይ ጪንጫቴላ ኡባን ሂንቴና ኩንሳና ሜላ ኡባ ዋዴ ሂንቴው ያሳ ዋሰሰ። 10 ሃሳዳካ፣ ጎዳይ ኮይይሳዳ ሂንቴ ዳና ሜላ፣ ኡባ ዋዴ ኢያ ኡፋይሳና ሜላ፣ ሎዮ ኦሶ ኡባን ሂንቴ ኣይፊ ኣይፋና ሜላኔ ያሳ ኣላ ኤሪሸ ዲጫና ሜላ ያሳ ዋሰሰ።

11 ያሳ ገሻቸ ዋልቃ ሂንቴ ኡባባ ገንጫናዳይ ዳንዳናና ዳ ሚናቴላ ኢሚዳ ሂንቴና ኡፋይሰ። 12 ቃሲ ገሻታ ፖዮ ካዋቴላ ላታና ሜላ ሂንቴና ኡላዳ ኣዋ ጋላቲቴ። 13 ኢ ኦና ፏማ ዋልቃፊ ኣሺዲ ባ ደሲያ ናባ ካዋቴላን ኤሂሰ። 14 ኢያን ዋዜቲዲ ኢያ ሱላን ናጋራ ኣቶቴላ ደሚዳ።

ከሪሰቶሳ ቃቃቴላ

15 ከሪሰቶሲ ቤንቶና ያሳሰ ቱማ ለሚሰ። ኢ ሜፏቴላ ኡባፊ ባይራ። 16 ኡባባይ ኢያ ባጋራ ሜፏቴሰ። ቤንቲያቲኔ ቤንቶናቲ፣ ዋልቃቴ ከዳቲ፣ ሃራይሳቲኔ ማታ ኣዋቴ፣ ሳሎኒኔ ሳባን ደዲያ ኡባይ ኢያውኒ ኢያ ባጋራ ሜፏቴሰ። 17 ኢ ኡባባ፣ ካሶ ደዲሰ። ኡባባይ ኢያን ባ ቤሳን ቤሳን

እይኩቲዲ ዴዔስ። 18 ኢ ባ እሳቲሌ ጊዲዳ ዋሳ ኩላሰ ሁዔ። ኢ ኡባሬ ቦላ ጊዳናው ሃይቆፔ ዴገዶን ሲገሉኔ ባይራ።

19 ያሳይ ባ ኩሜላ ያሳቲላራ ኢያን ዳናው ኮዪስ። 20 ቃሲ ማሰቃሊያ ቦላ ጉሲዳ ባ ናና ሱላን ሳርቲሌ ሜጲዲ ሳሎኒኔ ሳባን ዴዒያ ኡባ ኢያ ባጋራ ባራ ሲጌሉስ።

21 ሃይሳሬ ካሴ ሂንቴ ቆፋ ኢታቲላይ ሂንቴና ያሳሬ ቫኪሲኔ ኢያራ ሞርኬ ኦሌስ፤ ሂንቴ ኦሳይካ ኢታ። 22 ሺን ሃዒ ከሪሰቶሲ እሾን ሃይቂዳ ሃይቁዋ ባጋራ ያሳይ ሂንቴና ባራ ሲጌሉዲ፣ ጌሻታ፣ ቦሬይ ባይናይሳታኔ ዒሎታ ኦሌስ። 23 ሂንቴ፣ ሂንቴ አማኑዋን ቃዖና ሚኒዲኔ ያጺዲ ዳናው ቤሴስ። ሂንቴ ዋንጌላ ቃላ ሲዒዳ ዋዪ ኤከዳ ኡፋይሳ ሚንሌ ኦይከቲ። ሄ ዋንጌላይ ሂንቴ ሲዒዳይሳኔ ቢታ ኡባን ሳባኩቲዳይሳ። ታ፣ ጳውሎሲካ ሃ ዋንጌላሰ ኦሳንቸ ጊዳስ።

ጳውሎሳ ሃዋራቲላ ኦሱዋ

24 ታኒ ሂንቴ ጊሾ ሃዒ ኤከያ ዋያን ኡፋይታይስ። ከሪሰቶሲ ኢያ እሳቲሌ ጊዲዳ ዋሳ ኩላሰ ኤከዳ ዋያ ታኒ ታ እሾዋን ፖላይስ። 25 ያሳ ቃላ ሂንቴው ፖላዳ ኦዳና ሚላ ታው አሚቲዳ ማታን ዋሳ ኩላሰ ኦሳንቸ ጊዳስ። 26 ሃ ቃላይ ካሴ አጲዳ ዋዲያን ዬሌቲላ ኡባሬ ጌሚዲ ዴዒስ። ሺን ሃዒ ያሳይ ሃ ፀራ አማኒያ ኡባሰ ቆንጨሲስ። 27 ያሳይ አይሁዳ ጊዳና እሳ ጊዳን ሃ ፀራ ቦንቸ ዲሬቲላ ቆንጨሲስ። ኢካ ቦንቸ ኡፋይሲ ጊዲዳ ሂንቴ ጊዳን ዴዒያ ከሪሰቶሳ።

28 ሂሳ ጊሾ፣ ኢሲ ኢሲ እሲ ከሪሰቶሳን ኩሜላ እሲ ኦሌዲ ሺሻናው ጨንጫቲላ ኡባን አሳ ታማርሲኔ ዞሬን ከሪሰቶሳባ ሳባኮስ። 29 ያሳይ ባ ጌታ ዋልቃን ታናን ኦሌያ ጊሾ ሃዒ ጋካናው ኢያ ዋልቃን ባዌታይሲኔ ዲኮራይስ።

2

1 ታ ሂንቴውኔ ሎዶቂያ ካታማን ዴዒያ አሳስ፣ ሄሳዳካ ታና አይሬን ቤዒቦና አሳ ኡባሰ አይ ሜላ ባዌቲያኮ ሂንቴ ኤራና ሜላ ኮያይስ። 2 ታ ባዌቲያ ጋሳይካ ኤንቲ ባንታ ዋዛናን ሚኒዲ፣ ሲቆን ቃሺቲዲ፣ ፖሎ ጊዲዳ ኩሜላ አከካ ዲሬቲላ ዴሚዲ ያሳ ፀራ ከሪሰቶሳ ኤራና ሚሳሳ። 3 ኢያን ያሳይ ማንጂዲ ኤራይኔ ጨንጫቲላ ኡባይ ዴዒስ።

4 ታ ሂሳ ኦኒካ ሂንቴና ጨዋ ቃላን ባሌላና ሜላ ኮያዳ ጋይስ። 5 ታ ሂንቴሬ ሃካዳ ዴዒኮካ አያናን ሂንቴራ ዴዒይስ። ሂንቴ ዲሳ ማራኔ ከሪሰቶሳ ሂንቴ ሚኒዲ አማኔይሳ ቤዳዳ ኡፋይታይስ።

ከሪሰቶሳን ዴዒያ ኩሜላ ዳዖ

6 ሂንቴ ጎዳ ከሪሰቶሰ ዬሱሳ ኤከዳይሳዳ ኢያን ዴዒቲ። 7 ኢያን ያጸ ዬዲቲ፤ ኢያን ከዌቲቲ። ሂንቴ ታማራይይሳዳ አማኖን ሚኒቲ፤ ያሳስ ኩሚዲ ፓላሂዳ ጋላታ አሚቲ።

8 ከሪሰቶሳፔ ጊዳናሺን አሳ ዋጋኒኔ ሃ አላሚያ ጮ ዋጋን ካቲዳ ቲማርቲያኒኔ አሳፔ ዪዳ ኤራቲላን ኦኒካ ሂንቴና ጨሚ ባሌላዲ ዲዖና ሚላ ናጌቲቲ። 9 ያሳ ያሳቲላይ ከሪሰቶሳ አሳቲላን ኩሜሌ ዴዒስ። 10 ሂንቴካ ማታሲኔ ዋልቃ ኡባሰ ሁዔ ጊዲያ ከሪሰቶሳን ኩሚዲታ።

11 ሂንቴ ከሪሰቶሳ አማኒዲ ቃዖሬቲዴታ። ሄሲካ አሳ ኩሺን ጊዳናሺን ሂንቴና ኢታ ሃናቲላሬ ዲጊያ ከሪሰቶሳን ኦሱቲዳ ቃዖሬቲዳ። 12 ሂንቴ ያማቂቲዳ ዋዪ ከሪሰቶሳራ ኢሲሬ ዴንዲዴታ።

13 ሂንቴ፣ ሂንቴ ናጋራ ጊሾኔ ሂንቴ ጩጋ አሳቲላ ቃዖሬቶና ጊሾ ሃይቂዳ ዴዒሺን፣ ያሳይ ሂንቴ ናጋራ አቶ ጊሰ። ከሪሰቶሳራ ሂንቴው ዴዖ አሚስ። 14 ኢ ኦና ሞቲያኔ ኦራ ኤቂቲያ፣ ኦ ቦላ ያሬቲዳ አጩዋ ዳኪዳ ማሰቃሊያ ቦላ ጲሺዲ ኦጌቲዲ። 15 ከሪሰቶሰ ዋልቃታኔ ማታታ ማሰቃሊያን ያኒዲ፣ ኤንታ ኦላ ዳንጩዋ ቢሊሲዲ፣ ዲዒቲዳ አሳዳ ኦሌዲ ኤንታ ቆንጨን ዩሺዲ ቤሲስ።

16 ሂሳ ጊሾ፣ ሚያባን ዋይኮ ኡያባን፣ ባሌ ጋላሰ ዋይኮ እጌኔ ዒሪያ ቃመ ቦንቸን ኦኒካ ሂንቴ ቦላ ፐርድፎ። 17 ሃይሳቲ ሲጎላሬ ያናው ዴዒያባታሰ ኤቶ፣ ሺን ቲማይ ከሪሰቶሳ። 18 ቆጲፔ ቆዋ አሽኩቲላኒኔ ከታንቸ ጎይናን ጩቂቲያ ኦኒካ ሂንቴና ሂንቴ ዋይቲዋፔ አሾፎ። ሄሳ ሚላ እሲ ባ ቤዒዳ ቆንጨላን ናሺቲሼ ባ አሾ ቆፋን ጮ ኡቶርቲስ። 19 ሄሳ ሚላ አሳሰ ሁዔ ጊዲዳ ከሪሰቶሳራ ጋሂቲሌ ባዋ። ኢ አሳቲላ ኡባ ሻያኒኔ ኬሱን ኬሱን ጋሌ ኦይሊዲ ሙዚዲ ዲቼስ። ያሳይ ሄሳ ሚላ ኦጌን አሳቲላ ኡባሰ ዲቺ አሚስ።

ኦራላ ዳዖ

20 ሂንቴ ከሪሰቶሳራ ሃይቂዲ ሃ አላሚያ ሃሪያ አያናታ ዋልቃሬ ሳባ ከዪዴታ። ያቲን፣ አይሰ ቫኩቶና አሳዳ ጊዲዲ ሃ ዋጋታሰ ሃሬቲቲ? 21 ሃ ዋጋቲ፣ «ኦይኮፋ፤ ላጮፋ፤ ቦቸፋ» ጌቲቲይሳታ። 22 ሃ ኡባይ አሳ ዋጋኔ ቲማርቲ ጊዲያ ጊሾ ኦሶ ቦላ ፐዒዳፔ ጉዬ ጳያና። 23 ሃ ከታቲ ቦንቸኔ

ጨንጫቴሉ ዳኒዲ በገታናው ዳንዳዖሶና። ሃ ዎጋጥ ያሴ ዳር ደሲሲያባ፤ አሽኬኔ ሂንቴ አሳቴላ ሃሪሲያባ ዳናሶና፤ ሺን ኑ ኢታ አዋቴላ ቦላ ዎልቁ ኤንታው ባዎ።

3

ኦራሳ ዴዖ

1 ሂዛ፣ ሂንቴ ከሪሰቶሳራ ሃይቆፕ ዴንዲዳይሳዳ፣ ያሳፌ ኡቫቻ ባገን ኡቴዳ ከሪሰቶሲ ዴዲያ ቤሳን፣ ሳሎን ዴዲያባታ ኮዪቴ። 2 ሳሎን ዴዲያሳታ ቦላ ሂንቴ ቆፋ ዎሊቴፕ ኣቴን ሳዒን ዴዲያባታ ቦላ ዎሶፊቴ። 3 ሂንቴ ሃይቆን ቫኬቴዳ ሜላ ሃ አላሚያፕ ቫኬቴዳ። ሂንቴ ዴዖይ ከሪሰቶሳራ ኢሲፌ ያሳን ገሚሰ። 4 ሂንቴው ዴዖ ገዲዳ ከሪሰቶሲ ቆንጨያ ዎዳ ሄ ዎዳ ሂንቴካ ኢያራ ቦንቫን ቆንጨና።

5 ሄሳ ገሾ፣ ሂንቴናን ዴዲያ አላሚ አዋታ ዎዲቴ። ሄሳቴካ ላይማቴሉ፣ ቴናቴሉ፣ ላይማታናው አዎቴሉ፣ ኤቃ ጎይኖ ሜላ ገዲዳ ኡዜቴሉ። 6 ሃይሳታ ጋሶን ያሳ ሃንቆይ ከቴቶና አሳ ቦላ ያና። 7 ሂንቴካ ካሴ ሄ ኢታ ኦጊያን ቢያ አሳ ገዲን ዴዲሺ ሃይሳታ ኦሊዳ።

8 ሃላ ሂንቴ ሄሳታ ኦሶፊቴ። ቃሲ ሃንቆ፣ ኢዖ፣ ካቺ፣ ዘገርሲስ ቦርሶ ኦዳ ሂንቴፌ ዲገት። 9 ጨጋ አሳቴላ ኢያ ኦሶዋራ ሂንቴፌ ቃሪዳ ገሾ ኢሶይ ኢሶዋሰ ዎርዶቶፕቴ። 10 ያሳ ሚዶ ዳኒያ፣ ኡራቴላን ላሚቴዳ ኦራሳ አሳቴላ ማባቴ። 11 ሃ ኦራሳ ሚዶቴላን፣ ገሪኬ አሲ ዎይኮ እይሁዳ አሲ፣ ቃዓሬቴዳይ ዎይኮ ቃዓሬቶናይ፣ ባርባሬ አሲ * ዎይኮ ኢሰኩቴ አሲ † አይሌይ ዎይኮ ዎማናይ ባዎ። ከሪሰቶሲ ኡባ፤ ኢ ኡባን ዴዳሰ።

12 ሄሳ ገሾ፣ ያሳን ዶሬቴዳ አሳዳ ገቫታኔ ዶሴቴዳይሳታ ገዲዳ፣ ማርቴላ፣ ከሃቴላ፣ አሽኬቴላኔ ዳንዳዓ ማባቴ። 13 ኢሶይ ኢሶዋ ዳንዳዓቴ። ኦኒካ ባ ላጊያን ቆሃቴዳባይ ዴዲኮ ኢያው አቶ ጎ። ጎዳይ ሂንቴው አቶ ገዳይሳዳ ሂንቴካ ዎሊሰ አቶ ገቴ። 14 ሄ ኡባ ቦላ ኡባባ ኢሲፌ ሺሺዲ ቃቺያ ሲቆ ማባቴ። 15 ያሳይ ሂንቴና ኢሲ አሲ ኦሊዳ ያገዳይ፣ ሳርቴላሰ ገዲያ ገሾ ከሪሰቶሳ ሳርቴላይ ሂንቴ ዎዛና ሃር።

16 ከሪሰቶሳ ቃላይ ሂንቴ ዎዛናን ኩሚዳ ዴዖ። ጨንጫቴላ ኡባን ኢሶይ ኢሶዋ ታማርሲቴኔ ዞሪቴ። ማዘሙሬን፣ ሳባኒኔ አያና ዬላን ያሳ ዎዛናፕ ጋላቴሺ ዬዲቴ። 17 ያሳ አዋ ዬሱሳ ባጋራ ጋላቴሺ ሂንቴ ኦዴቴያባ ዎይኮ ኦሊያባ ኡባ ጎዳ ዬሱሳ ሱንላን ኦሊቴ።

አማኒያ አሳ ዲሳ

18 ማቺቶ፣ አማኒያ አሳሰ ቤሲያባ ገዲያ ገሾ ሂንቴ አዘናታሰ ሃራቴቴ።

19 አዘናቶ፣ ሂንቴ ማቺታ ሰቁቴ፤ ኤንታው አቶፕቴ።

20 ናይቶ፣ ሂንቴና ዬሊዳይሳታሰ ኡባባን ከቴቴቴ፤ ሂሲ ጎዳ ኡፋይሲያ።

21 አቶቶ፣ ሂንቴ ናይቴ ኡፋይሲ ቃንዖና ሚላ ኤንታ ጫሚሶፊቴ።

22 አይሌቶ፣ ሳዒን ሂንቴው ጎዳ ገዲዳይሳታሰ ኡባባን ከቴቴቴ። ጎዳ ቦንቫሺ ሱሬ ዎዛናፕ ከቴቴዲ ኤንታ ኡፋይሲቴፕ ኣቴን አሲ ቤዖ ገዲ ኦሶፊቴ። 23 ሂንቴ ኦሊያ ኦሶ ኡባ አሳሰ ገደናሺን ጎዳሰ ኦሊያ ሚላ ዎዛናፕ ኦሊቴ። 24 ጎዳፕ ላታ ዎይቶ ኦሊዳ ሂንቴ ኤኬይሳ ኡሪቴ፤ ሂንቴ ጎዳ ከሪሰቶሳ ሃጋዜታ። 25 ያሳይ አሳ ሶዎዖ ቤዲዲ ፐርዶና ገሾ ኦኒካ ኢታ ኦሶ ኡሶ ባ ኢታ ኦሶዋ ገሾ ዛር ኤካና።

4

1 ጎዳቶ፣ ሂንቴዉካ ቃሲ ሳሎን ጎዳይ ዴዲያሳ ኡራዲ፣ ሂንቴ አይሌታሰ ያሎቴላኒኔ ኢሶዋ ኢሶዋፌ ቫኮና ኮሺያባ ኦሊቴ።

2 ያሳ ባርኪዲ ጋላቴሺ ቃንዖና ዎሲቴ። 3 ያሳይ ባ ቃላሰ ፔንጌ ዶያና ሚላኔ ታኒ ሄሳ ጋሶን ቃሾን ዴዲያ ከሪሰቶሳ ፀራ አዋጃና ሚላ ኦሰካ ዎሲቴ። 4 ቃሲ ታካ ቤሴይሳዳ ቃላ ቆንጨሳዳ ኡዳና ሚላ ታው ያሳ ዎሲቴ።

5 ኢንጃቴያ ዎዳ ኡባ ጎዲቴሺ አማናና አሳ ማታን ጨንጫቴላን ዴዲቴ። 6 ሂንቴ አሳ ኡባሰ ኮሺያ ዛር አዎ ኡራና ሚላ ሂንቴ ኦዳይ ኡባ ዎዳ አቶ ከሃቴላን ኩሚዳይሳኔ ማጂዲ ማልዲያባ ገዳናው ቤሴሰ።

ወርሲሳ ሳርታ

3:1 ማዘ 110:1 3:9 ኤፌ 4:22 3:10 ሜዶ 1:26፤ ኤፌ 4:24 * 3:11 ባርባሬ አሲ፣ ጉሳይ ታማሪቦና ዎይኮ ኡርና ዎይኮ ዬሊቴዳ ሚላ ሲዳ ገዲ ዴዲያ አሲ ጉሱ። † 3:11 ኢሰኩቴ አሲ፣ ጉሳይ ዎዛና ሚና አሲ ዎይኮ ዎዛና ኢታ አሲ ጉሱ። 3:12 ኤፌ 4:2 3:13 ኤፌ 4:32 3:16 ኤፌ 5:19-20 3:18 ኤፌ 5:22፤ 1ጴጌ 3:1 3:19 ኤፌ 5:25፤ 1ጴጌ 3:7 3:20 ኤፌ 6:1 3:21 ኤፌ 6:4 3:22 ኤፌ 6:5-8 3:25 ኤፌ 6:5-8 4:1 ኤፌ 6:9 4:5 ኤፌ 5:16

7 ኑ ሲቆ አሻይ ተከቆሲ፤ ታራ ኢሲፌ ጎዳ ኦሱዋን አይሌ ገዲዳ፤ አማኔቲያ ኦሳንቾይ፤ ታ ደዐዋባ ሂንቲው ኦዳና። 8 ታኒ ኢያ ሂንቲኮ ከቲዳይ፤ ኑ ዋኒዲ ዳዲያኮ ሂንቲው ኦዲዲ ሂንቲና ማንሌላና ማላሳ። 9 አናሰሞሲ፤ አማኔቲያ ሲቆ አሻይ፤ ሂንቲ ባጋይ፤ ኢያራ ሂንቲኮ ቤስ። ኤንቲ ሃይሳን ሃኒያባ ኡባ ሂንቲው ኦዳና።

10 ታራ ቃሼቲዳ አሪስጂርኮሲኔ ባርናባሳ አሻ ናዳይ ማርቆሲ፤ ሂንቲና ሳር ያሰሶና። ታ ሂንቲው ካሴ ኦዲዳይሳዳ ማርቆሲ ሂንቲኮ ቢኮ ኢያ ሞከቲ። 11 ዩሱሳ ገያ ያሰጋሲ ሂንቲና ሳር ሳር ያጌሰ። ያሳ ካዎቴላ ገሾ ታራ ኦሌያ አሳታ ገደፌ አይሁዳ ገዲዳይሳቲ ሃ ሄቻታ፤ ኤንቲ ታና ዳር ማንሌሊደሶና።

12 ሂንቲ ባጋይ፤ ከሪስቶስ ዩሱሳ አይሌይ፤ ኤጳፊሪ ሂንቲና ሳር ሳር ያጌሰ። ኢ ሂንቲ ያሳ ሲንላን ማኒዲ ኤቃናዳኔ ያሳ ሸኒያ ኤሪዲ ፖላና ማላ ኡባ ዎዴ ያሳ ሂንቲ ገሾ ዎሴስ። 13 ኢ ሂንቲ ገሾኔ ሎዶቂያኒኔ ሂሪፖሊሳ ካታማን ዳዲያ አሳ ገሾ ዳር ዳቡሪዳይሳ ታ ማርካታይስ።

14 ኑ ሲቆ አሻይ ደቶሬይ ሉቃሲኔ ዳማሲ፤ ሂንቲና ሳር ሳር ያሰሶና። 15 ሎዶቂያን ዳዲያ ኑ አሻታስ፤ ኒምፋሲኔ ኢ ኬላን ሸቂያ አሳስ ኑ ሳርሱዋ ኦዲቲ።

16 ሃ ዳብዳቢያ ሂንቲ ናባቢዳፕ ገዬ፤ ሎዶቂያ ዎሳ ኬላን ናባቢሲቲ። ሂንቲካ ሎዶቂያ ዎሳ ኬላይ ሂንቲው ዩዲያ ዳብዳቢያ ናባቢቲ። 17 ቃሲ አርኪጳሳ፤ «ሳዳይ ኔው አሚዳ ኦሱዋ ፖላናይሳ ደጎፓ» ያገዲ ቆፊሲቲ።

18 ታኒ፤ ጳጢሎሲ፤ ሃ ሳርሱዋ ታ ኩሼን ፃፋስ። ታ ቃሹዋ ቆፕቲ። ያሳ አቶ ኬሃቴላይ ሂንቲራ ገደ።

ጳውሎስ ቲሴሎንቄ አሳስ ፃፊዳ ኮይሮ ከታ ጋላ ቆፋ

ቲሴሎንቄይ፣ ሮሜ ቢታን ዳዒያ ማቄዶኒያ አውራጃስ ዋና ካታማ። ጳውሎስ ፊልጲሲየሳ ዩዲዲ ቢዳፔ ጉዬ ቲሴሎንቄን ዋሳ ከላ ኤሲስ። ገደሽን፣ አይሁዳታ አማኑዋ ኤካናው ጊኔቲዲ ኡቲዳ አይሁዳ ገደና አሳይ፣ ጳውሎስ ታማርሲያ፣ ኪሪስቲና አማኖ ቲሚርቲያን ያኔቲዳ ጊሾ አይሁዳቲ ቃናቲዲ፣ ጳውሎሳ ቲሚርቲያ ጳልቄዶሶና። ሄሳ ጊሾ፣ ጳውሎስ ጋምዖናሽን ቲሴሎንቄ ዩዲዲ፣ ቤሪያ ቢስ (1:9-10)። ጉዬፔ ኢ ቲሴሎንቄ ጋኪዳ ዋዴ ኢያ ማዲያ ጊሞቲዮሲ ቲሴሎንቄ ዋሳ ከላን ዳዒያ ሃናታ ኢያው ገሺዲ ኦዲስ።

ጳውሎስ ኮይሮ ከታ ቲሴሎንቄ አሳስ ፃፊዳይ፣ አማኒያ አሳ ዘራናሳይ ሚንጤፋናሳ። ኢ ኤንታ አማኑዋኔ ኤንታ ሲቁዋ ሎዖ ማርካቴላ ሲዒዳ ዋዴ ያሳ ጋላቲስ። ካሴ ኢ ኤንታ ገደን ዳዒዳ ዋዴ አይ ሜላ ዲሱ ዳዒዳኮ ኤንታ ሃሳይሴስ። ሄሳፊ ኪሪስቶሳ ናምዓንሉ ዩሳባ ኦይሸቲዳ ኦይሻሰ ዛሮ እሚስ። ሄ ኦይሻታፔ ጉላቲ፣ «ኪሪስቶሲ ናምዓንሉ ያናፔ ሲንጤ ሃይቄዳ አማኒያ አሲ ኪሪስቶሳ ዩሳይ አሚያ ሜሪና ዴዖ ኤካናው ዳንዳዲ? ኪሪስቶሲ ናምዓንሉ ያናይ አወዴ?» ጌቲቲይሳታ። ጳውሎስ ሄ ኢንጆ ዋዲያ ጎዒቲዲ፣ «ኪሪስቶሳ ናምዓንሉ ዩሳ ኡፋይሳን ናጊሼ ኢ ያና ጋካናው ዋፑ ገዲ ሂንቲ ኦሶ ኦሊቲ» ያገዲ ዘሪስ።

1 ቲሴሎንቄ ከታ አይፊ ቆፋታ

- ገሎ ቆፋ 1:1
- ጳውሎሳ ኡፋይሳይ ጋላታ 1:2-3:13
- አማኒያ አሳ ዴዖ ካሌሱዋ 4:1-12
- ኪሪስቶሳ ናምዓንሉ ዩሳባ 4:13-5:11
- ዉርሴሳ ዘሪ 5:12-22
- ኩሻ ቆፋ 5:23-28

1 ጳውሎስ ሲላሴይ ኒሞቲዮሲ ቲሴሎንቄ ዋሳ ከላን ዳዒያ፣ ያሳ አዋቤ ጎዳ ዩሱስ ኪሪስቶሳባ ገዲዳ አሳስ ፃፊዳ ከታ።
አዶ ከሃቴላይኔ ሳርይ ሂንቲው ገደ።

ቲሴሎንቄ አሳ ዳዒ-ዋኔ አማኑዋ

2 ኑኒ ያሳ ዋሲያ ዋዴ ኡባን ሂንቲና ቆፒሼ ሂንቲ ጊሾ ኡባ ዋዴ ያሳ ጋላቶስ። 3 ያሳ ኑ አዋ ሲንሳን አማኖን ሂንቲ ኦሊዳ ኦሱዋ፣ ሲቆን ሂንቲ ዳቡሪዳ ዳቡሪኔ ዩሱስ ኪሪስቶሳን ዳዒያ ኡፋይሳ ኤካናው ሂንቲ ሚኒዲ ኤቄዳ ኤቁዋ ኡባ ዋዴ ቆፖስ።

4 ኑ አሻቶ፣ ያሳይ ሂንቲና ደሴይሳይ ባ አሴ ኦሊዲ ሂንቲና ደሪዳይሳ ኤርስ። 5 አይስ ጊኮ፣ ኑኒ ዋንጌላ ደና ያላላን ገደናሽን ዋልቃን፣ ጌሻ አያናኒኔ ዋንጌላ ቲማ አማኖን ሂንቲው ኤሂዳ። ኑኒ ሂንቲሪ ጋምዒዳ ዋዴ ኡባን ሂንቲ ጊሾ ዋኒዲ ዳዒዳኮ ሂንቲ ኤሬታ። 6 ሂንቲ ዳር ሜቶ ኤኪኮካ ጌሻ አያናይ አሚያ ኡፋይሳን ከታ ኤኪዴታ፣ ኦናኔ ጎዳ ዳኒዴታ። 7 ሄሳ ጊሾ፣ ማቄዶኒያኔ አካያ ቢታን ዳዒያ አማኒያ ኡባስ ለሚሶ ገዲዴታ። 8 ጎዳ ቃላይ ሂንቲፊ ከዩዲ፣ ማቄዶኒያኒኔ አካያ ያላላን ገደናሽን ያሳ ሂንቲ አማኒይሴ ኡባሰን ሲዒቲስ። ሂኮ፣ ኑኒ ጋናባይ አይኮይካ ባዋ። 9 ኑኒ ሂንቲኮ ቢዳ ዋዴ ሂንቲ ኦና ሞኪዳ ሞኩዋኔ ሂንቲ፣ ሂንቲ ኤቃ አገዲ ቲማኔ ዴዖ ያሳ ሃጋዛናው ሂንቲ ሲሚዳይሳ ኤንቲ ባንታ ሁዒን ኦደሶና። 10 ቃሲ ያሳ ናርይ፣ ዩሱስ፣ ያሳይ ሃይቆፔ ዳንጤዳይሴ፣ ሲንሳፊ ያና ያሳ ሃንቁዋፊ ኦና አሻናይሴ፣ ሳሎፔ ያናይሳ ሂንቲ ናጊይሳ ኤንቲ ማርካቶሶና።

2

ጳውሎስ ቲሴሎንቄን ኦሊዳ ኦሱዋ

1 ታ አሻቶ፣ ኑኒ ሂንቲኮ ቢዳይ ሜላ ገደናይሳ ሂንቲ፣ ሂንቲ ሁዒን ኤሬታ። 2 ሽን ኑኒ ሂንቲኮ ቲሴሎንቄ ያናፔ ሲንጤ ፊልጲሲየሳ ካታማን ዋዬቲዳይሳይ ጫዬቲዳይሳ ሂንቲ ኤሬታ። ዳር ኢያይ ዳዒኮካ ሂንቲው ኢያ ዋንጌላ ኦዳና ሜላ ያሳይ ኑስ ሚናቴላ አሚስ። 3 ኑኒ ሂንቲና ዘሪዳይ ባሌሶን ዋይኮ ጨዋን ዋይኮ ጌኔን ገደና።

4 ሽን ያሳይ ኑናን እማኔቲዲ ባ ዋንጌላ ኦዳና ማላ ኑስ ሃዳሪ አሚዳ ገሾ ኦደስ። ኑ ሃሳ ኦሌይ ኑ ዋዛና ቢዳያ ያሳ ኡፋይሳናሳፌ አትን እሴ ኡፋይሳናሳ ገደና። 5 ኑ ሚሹ ያሪዲ ዋርዶ ሂንጉና ሳሲሼ ሂንጉኑ ዮናይሳ ሎይሌዲ ኤሬታ፤ ያሳይ ኑስ ማርካ። 6 ኑ ኒ ሂንጉቴሬ ገዲን ዋይኑ ሃሪ እሳ ኦደሬካ ቦንቾ ኮዩቡኮ። 7 ኑ ኒ ከሪስቶሳ ሃዋሪ ገደይሳዳ ኑስ ኮሺያባ አሚቴ ገዲ ኤካናው ዳንዳያሰ። ሽን እያ ባ ናይታ ዲቼይሳ ማላ ሂንጉ ገደን እሽኬ ገዲዳ። 8 ኑ ሂንጉና ደሲዳ ገሾ ያሳ ዋንጌላ ሂንጉው ሻኮ ያላላ ገደናሽን ኑ ዴቦብካ ሂንጉው አሚናው ገገደ። ሂንጉ ኑስ ዳር አልዳ። 9 ኑ አሻቶ፣ ኑ ኦሱዋኔ ኑ ዳቡራ ኤሬታ። ሂንጉው ያሳ ዋንጌላ ኦደሼ፣ ሂንጉና ዋይሶና ማላ ቃማኔ ጋሳስ ኦደዳ።

10 ኑ ዳያይ ሂንጉ ኦማኔይሳታ ማታኒይ ያሳ ሲንሳን ገሼ፣ ያላላ ቦሪቶናይሳ ገደይሳሰ ሂንጉ ማርካ። 11 ኑ ኒ ሂንጉው ሁዔን ሁዔን ዬሊዳይሳቲ ባንታ ናይታሰ ሃኔይሳዳ ሃኔዳይሳ ኤሬታ። 12 ኑ ሂንጉና ዘሪዳ፣ ሚንሌሌዳ። ቃሲ ባ ካዋቴሳኔ ባ ቦንቾዋ ሻካናው ሂንጉና ያላላ ያሳ ኡፋይሲያ ዳያ ሂንጉ ዳና ማላ ሂንጉው ሚንሌዲ ኦደዳ።

13 ሂንጉው ኑ ኒ ያሳ ቃላ ኦደዳ ዋዴ እሳ ቃላዳ ገደናሽን ያሳ ቃላዳ ሲዒዲ ኤኪዳ ገሾ ኑ ኡባ ዋዴ ያሳ ጋላቶሰ። ኢ ቱማ ያሳ ቃላ፤ ያሳ ቃላይ አማኒያ ሂንጉናን ኦሌስ።

14 ታ አሻቶ፣ ሂንጉ ዬሁዳ ቢታን ዳዒያ ዋሳ ከላታኔ ያን ከሪስቶሰ ዬሱሳ ካሊያ አሳታዳ ሃኒዳታ። ኤንታ አይሁዳቲ ዋይሲዳይሳዳ ሂንጉናካ ሂንጉ ቢታ አሳይ ዋይሲዳሶና። 15 ሃ አይሁዳቲ ጎዳ ዬሱሳኔ ናቤታ ዋዲዳሶና፤ ቃሲ ኑና ጎዳደሶና። ኤንጉ ያሳ ኡፋይሶናይሳታኔ እሴ ኡባ አዳይሳታ።

16 ኤንጉ ሃሪ አቶሽን፣ አይሁዳ ገደና አሳይ አታና ማላ ኑ ኒ ኤንታው ቃላ ኦደይሳ ዲጎሶና። ሃሳዳ ሃኒዲ ኤንታ ናጋራ ፀሓይ ኩማና ጋካናው ኡባ ዋዴ ናጋራ ኦላሶና። ወርሴላን፣ ያሳ ሃንቆይ ኤንታ ቦላ ዋዲሰ።

ጳውሎሲ ቲሴሎንቄ እሳ ዛሪ ቤዓናው አሞቴሰ

17 ሽን ኑ አሻቶ፣ ኑ ኒ ኑ ቆፋን ገደናሽን አሽን ሂንጉቴሬ ሻኪቲዲ ጉሳ ዋዴ ጋዋሚዳይሳን ሂንጉና ዳር ላሞቴዲ ቤዓናው ኮዩዳ። 18 ኑ ሰሚ ሂንጉኑ ባናው ኮዩዳ። ታኒ ታ ሁዔን ሂንጉኑ ባናው ኮያሰ። ሽን ያላሃይ ኑና ዲገሰ። 19 ሂዛ፣ ኑ ጎዳ ዬሱሰ ከሪስቶሲ ያ ዋዴ ኑ ኡፋይሳይ ዋይኑ ኑ ጨቄቲያ ኑ ካላቻይ ኦኔ? ሂንጉና ገደኪቲዬ? 20 ቱማ ሂንጉ ኑ ቦንቾ ኑ ኡፋይሲ።

3

1 ሃሳ ገሾ፣ ኑስ ንግጫው ዳንዳዔቶና ኢደን፣ አቴና ካታማን ኑርካ አታናው ቆፋ ቃቻዳ። 2 ሂንጉና ዘሪናዳኔ አማኖን ሂንጉና ሚንሌላናዳ ኑራ ኢሰፌ ያሳሰ ኦሌይሳኔ ከሪስቶሳ ዋንጌላ ኦደያ ኑ አሻ ጃሞቴዮሳ ሂንጉኑ ከቲዳ። 3 ሂንጉና ጋኪዳ ጎዳን ሂንጉቴሬ ኦኒካ ጉዬ ሰሞፎ። ሄ ጎዳይ ኑስ ያሳ ሼኔ ገደይሳ ሂንጉ፣ ሂንጉ ሁዔን ኤሬታ። 4 ኑ ሂንጉራ ዳዒያ ዋዴ ጎዳ ጋካናይሳ ሂንጉው ኮርርቲዲ ኦደዳ። ሂንጉ ኤሬይሳ ማላ ሃሳዳ ሃኒሰ። 5 ሃሳ ገሾ፣ ታው ንግጫናው ዳንዳዔቶና ኢደን፣ «ኦኒ ኤሪ ሃላሃይ ኤንታ ጋጠዲ ኑ ዳቡራ ማላ አሾና አኔና» ጋዳ ሂንጉ አማኑዋባ ኤራናው ጃሞቴዮሳ ሂንጉኑ ኪታሰ።

6 ሃዒ ጃሞቴዮሲ ሂንጉ ማታጉ ዩዲ፣ ሂንጉ አማኑዋባኔ ሂንጉ ሰቁዋባ ሎዎ ዋሪ ኦደሲ። ቃሲ ሂንጉ ኡባ ዋዴ ኑስ ሎዎ ቆቴይሳኔ ኑ ኒ ሂንጉና ቤዓናው ላሞቴይሳዳ ሂንጉካ ኑና ቤዓናው ላሞቴይሳ ኢ ኑስ ኦደሰ። 7 ታ አሻቶ፣ ኑና ጋኪያ ዋያኒኔ ኑ ማቶ ኡባን ሂንጉ አማኑዋ ገሾ ሂንጉናን ሚኔቲዳ። 8 ሂንጉ ጎዳን ሚኒዲ ዳዒኑ ኑካ ዳይን ዳይሰ። 9 ሂዛ፣ ኑ ኒ ሂንጉ ጋሶን ዳሚዳ ኡፋይሳሰ ያሳ ዋቲ ጋላቲኖ? 10 ኑ ኒ ሂንጉና ቤዓናውኔ ሂንጉ አማኑዋን ጋጠዲባ ከጎሳናው ቃማኔ ጋሳሰ ኑ ኩማላ ዋዛናን ያሳ ዋሶሰ።

11 ያሳይ ኑ አዋይ ባ ሁዔኒኔ ኑ ጎዳይ ዬሱሰ ከሪስቶሲ ኑ ሂንጉኑ ባና ኦኒያ ገገሲ። 12 ኑ ሂንጉና ዳር ደሴይሳዳ ጎዳይ ሂንጉ ኢሶይ ኢሱዋ ሰቄያ ሰቆኔ እሴ ኡባ ሰቄያ ሰቆ ሂንጉው ዳርሶኔ ጉጅ። 13 ኑ ጎዳይ ዬሱሰ ከሪስቶሲ ባ ጌሻታራ ያ ዋዴ ያሳ፣ ኑ አዋ ሲንሳን ሂንጉ ዋዛናይ ገሼኔ ቦሬይ ባይናይሳ ኦሌዲ ኢ ሂንጉና ሚንሌላና።

4

ያሳ ኡፋይሲያ ዳያ

1 ወርሴላን፣ ታ አሻቶ፣ ያሳ ኡፋይሳናው ሂንጉ ዋኒዲ ዳናው ቤሲያኑ ኑቲ ታማሪዳታ። ሄሲ ሂንጉ ኮይርፕ ዳዒዳ ዳዕዋ፣ ሽን ሃዒ ሂንጉ ካሴይሳፌ አሌዲ ኦላናዳ ጎዳ ዬሱሳ ሱንሳን ሂንጉና ዋሶሰኔ ዘርሰ። 2 ኑ ኒ ጎዳ ዬሱሳ ማታን ሂንጉና ከቲዳ ከታይ አወሲኮ ኤሬታ።

3 ያሳይ፡ ሂንቲ ገሺ ገዳና ማላኔ ላይማቸና ማላ ኮዬስ። 4 ሂንቲ ኢሶይ ኢሶይ፡ ሂንቲ ማቸታራ ገሻቱላንኔ ቦንቸን ዳናው ቤሲስ። 5 ያሳ ኢሮናኔ አማናና አሳዳ ላይማቱላ አዋን ፀ-ገቶፊቱ። 6 ኑ ካሴ ሂንቲው ኦዲዳይሳዳኔ ማንሌ ዙሪዳይሳዳ ጎዳይ ሄሳ ማላባ አሌያ ኡባ ፐርዲያ ገሾ ኦኒካ ሃይሳታን ባ አማኒያ እሻ ሩቃናውኔ ጨማናው ቤሲና። 7 ያሳይ ኦኒ ገሸቱላን ዳና ማላፐ አቲን ቱናቱላን ዳና ማላ ዪገቤና። 8 ሄሳ ገሾ፡ ሃ ቲሚርቲያ አዲያ ኦኒካ ሂንቲው ገሻ እያና አሚያ ያሳ ኢዳሰፐ አቲን አሴ ገዳና።

9 ሂንቲ ኢሶይ ኢሱዋ ዋቲ ሲቃኒኮ ያሳይ ሂንቲና ታማርሲዳ ገሾ ሃሲ ሲቆባ ኑ ሀንቲው ያፋናው ኮሺና። 10 ቃሲ ማቄዳኒያ ቢታን ዳሲያ አማኒያ እሻታ ኡባ ቱማ ሂንቲ ደሴታ። ሺን ኑ እሻቶ፡ ሃሲካ ሂንቲ ኤንታ አሌ ደሳና ማላ ሂንቲና ዋሶስ።

11 ኦኒ ካሴ ሂንቲው ኦዲዳይሳዳ ዋፑ ገዳ ይዑዋ ዳሲቲ። ሂንቲ፡ ሂንቲ ኦሶ አሌዲ ሂንቲው ዱሳስ ኮሺያባ ዳሚቲ። 12 ሄሳዳ ሃኒኮ፡ አማናናይሳታ ማታን ሂንቲ ቦንቸታና፤ ቃሲ ሂንቲና ኮሺያባሰ እናካ አዳሺኬታ።

ጎዳ ዩሳባ

13 ኑ እሻቶ፡ አማኒዲ ሃይቂዳ አሳቲ ሃናናባ ሂንቲ ኤራና ማላ ኮዮስ። ሂንቲ ኤንታ ገሾ ኡፋይሲ ባይና አሳዳ ካዮቶፊቲ። 14 ኦኒ፡ ዬሱሲ ሃይቂዳይሳኔ ቃሲ ሃይቆፔ ዳንዲዳይሳ አማናስ። ሂሳዳካ፡ ያሳይ ዬሱሳ አማኒዲ ሃይቂዳይሳታ እያራ ዋላ ኤሃናይሳ አማናስ።

15 ጎዳይ ኦሶ ኦዲዳይሳዳ ጎዳይ ያ ጋላስ ኢያራ ጋሄታናው ኦኒ ፓፃ ዳሚይሳቲ፡ ሃይቂዳይሳታፐ ሲጎሳቶኮ። 16 ጎዳይ ዋልቃማ ከታራ፡ ከታንቸታ ሃላቃ ገርሳራ፡ ያሳ ሞይዜ ፑናራ፡ ሳሎፔ ዋቆና። ከሪሰቶሳ አማኒዲ ሃይቂዳይሳቲ ኮይርቲዲ ሃይቆፔ ዳንዳና። 17 ሄሳፊ ጉዬ፡ ሄ ዋዴ ኦኒ ፓፃ ዳሚይሳቲ፡ ጎዳራ ሻራን ጋሄታናው ኤንታራ ኢሲፊ ሳሎ ኤኬታና። ሄሳፊ ጉዬ፡ ኦኒ ጎዳራ ኢሲፊ ማሪሪናው ዳና። 18 ሄሳ ገሾ፡ ሃ ቃላን ኢሶይ ኢሱዋ ማንሌሌቲ።

5

ጎዳ ዩሳ ገገዲ ናገቲ

1 ታ እሻቶ፡ ሃ ሃናቲ ሃናና ዋዲያኔ አገና ሂንቲው ያፋናው ኮሺና። 2 ጎዳ ጋላሳይ ካይሶይ ቃማ ዬይሳዳ ያናይሳ ሂንቲ ሎይሌ ኤሬታ። 3 አሳይ፡ «ሳሲ ሳር፡ አይኮይካ ሃኒና» ያገሸን። ማጫሰ ኤቆሌ ኦይኬይሳዳ ቆዮይ ኤንቲ ቆፖና ኤንታ ቦላ ያና። ኤንቲ አይ ኦንገካ ኬሲ ኤኮኮና።

4 ሺን ኑ እሻቶ፡ ሃ ጋላሳይ ሂንቲው ካይሶይ ዬይሳዳ ያናው ሂንቲ ቆማን ዳሚኬታ። 5 ሂንቲ ኡባይ ፖዋ አሴኔ ጋላሳን ዳሲያ አሴ፤ ኦኒ ቃማ አሴ ዋይኮ ቆማ አሴ ገደኮ። 6 ሄሳ ገሾ፡ ኦኒ ሃራቲ ጲሰኬይሳዳ ጲሰካናው ቤሲና፤ ኦኒ ባርካንጫኔ ገገዲ ዳናው ቤሲስ። 7 ጲሰኬይሳቲ ቃማ ጲሰኮሶና፤ ማላቲይሳቲ ቃማ ማላቶሶና። 8 ሺን ኦኒ ጋላሳ አሴ ገዲያ ገሾ ገገዲ ዳናው ቤሲስ። አማናና ሲቆ ፀራራዳ ቲራን ማሲዲ፡ አቶቱላ ኡፋይሳ ሁሳን ዋሌያ ኦላ ቢራታ ባርኔፃዳ ዋሌዲ ዳናው ቤሲስ። 9 ያሳይ ኦና ት ጎዳ ዬሱሰ ከሪሰቶሳ ባጋራ ኮሚሳ አቶቱሌ ኤካና ማላ ደሪሰፐ አቲን ሃንቆሰ ደሪቤና። 10 ኦኒ ፓፃ ዳሲን ዋይኮ ሃይቂን፡ ከሪሰቶሳ ያ ዋዴ ኢያራ ኢሲፊ ዳና ማላ ከሪሰቶሳ ኑ ገሾ ሃይቂስ። 11 ሄሳ ገሾ፡ ሂንቲ ካሴ ኦዲዳይሳዳ፡ ኢሶይ ኢሱዋ ማንሌሌቲኔ ዲቺቲ።

ወርሴሳ ዞሬኔ ሳርታ

12 ኑ እሻቶ፡ ሂንቲ ገደን ኦዲዳይሳታ፡ ሂንቲና ካሌፋና ማላኔ ዞራና ማላ ጎዳይ ደሪዳይሳታ ቦንቸና ማላ ሂንቲና ዋሶስ። 13 ኤንቲ ኦዲያ ኦሱዋ ገሾ ኤንታ ዳር ቦንቸቲኔ ሲቂቲ። ኢሶይ ኢሱዋራ ሳርቲላን ዳሲቲ።

14 ኑ እሻቶ፡ ኦኒ ሂንቲና ዘርስ። ቦዛታ ሃንቂቲ፤ ባቤይሳታ ማንሌሌቲ፤ ዳቡራንቸታ ማዲቲ፤ አሴ ኡባ ዳንዳሲቲ። 15 ኦኒካ ኢታ ገሾ ኢታ ዛርና ማላ ናገቲቲ። ሂንቲ ዋሊሲኔ አሳ ኡባሰ ሎዋባ አፋናው ማኒቲ።

16 ኡባ ዋዴ ኡፋይቲቲ። 17 ኡባ ዋዴ ያሳ ዋሲቲ። 18 ኡባባን ጋላቲቲ። ከሪሰቶሰ ዬሱሳ ባጋራ ያሳይ ሂንቲፊ ኮዬይ ሄሳ።

19 ገሻ እያና ኦሱዋ ቶይሶፐቲ። 20 ቲንቢቲ ቃላ ካቶፐቲ። 21 ኡባባ ፓጪቲ፤ ሎዋባ ኤኬቲ። 22 ኢታ ኦሶ ኡባፊ ሃኪቲ።

23 ሳር አሚያ ያሳይ ባ ሁሳን ሂንቲና ፖሎ ገሾ። ኑ ጎዳይ ዬሱሰ ከሪሰቶሳ ያና ጋላሳስ፡ ያሳይ ሂንቲ እያና፡ ሂንቲ ሸዎፑዋኔ ሂንቲ ኮሚሳ አሳቲላ ቦሬይ ባይና ናን። 24 ሂንቲና ዪይሲሲ አማኔቲዳይሳ ገዲያ ገሾ ሄሳ ኢ ፖላና።

25 ኑ እሻቶ፡ ኦሶ ያሳ ዋሲቲ።

26 እማኒያ እሳ ኡባ ጌሻ ዬሬቴላን ሳርሊቴ።

27 ሂንቴ ሃ ኪታ እማኒያ እሳ ኡባስ ናባባናዳ ጎዳ ስንላን ሂንቴና ዋሳይሰ።

28 ኑ ጎዳ ዬሱስ ኪሪስቶስ አቶ ኬሃቴላይ ሂንቴራ ኢሲፌ ጌዶ። እሚንዒ።

ጳውሎስ ቴሴሎንቱ አሳስ ግፊዳ ናምዓንሉ ኪታ

ጋሳ ቆፋ

ከሪስቶስ ናምዓንሉ የሳ ቦላ ደንዲዳ ኦይሾይ ፓላማ ሚጳጢ ቢዳ ጊሾ ቴሴሎንቱ ዋሳ ኩላን ማቶይ ዳሪ ዳሪ ቢስ። ጳውሎስ ቴሴሎንቱ አሳስ ግፊዳ ናምዓንሉ ኪታይ። «ጎዳ የሳ ጋላሳይ ማጥስ» ያገያ አማኖ ተሚርቲያ ቦላ ሚንሉዲ ኦይስ። ጳውሎስ ኦይሾ። ከሪስቶስ ያናፕ ሲንሌ። «ጌላ ኡራ» ጌቲቲያ ከሪስቶስ አይይሳ ካሊሱዋን ሃ አላሚያ ቦላ ኢታቲሌኔ ጌላቴሌ ዳሪሾ ባና ያገዲ ኢንታ አማኑዋ ሱሪሱስ።

ሃዋሪይ። ማቶይስ ዋዬይ ዳሪኮካ ኢንቲ ባንታ አማኑዋን ሚናናዳ ኢኔ ኢያራ ኢሲፌ ዳዔይሳቲ ኦሌይሳዳ። ኢንቲ ባንታ ዲሳስ ኮሺያባ ዳማናው ሚኒዲ ኦላና ማላ ቃሲ ሎዖ ኦሶ ኦላናው ጉዬ ጎና ማላ ኢንታ ሚንሉዲ ዞሪስ።

2 ቴሴሎንቱ ኪታ ኦይፌ ቆፋታ

ጌሎ ቆፋ 1:1-2

ጋላታኔ ዋሳ 1:3-12

ከሪስቶስ ናምዓንሉ የሳባ አሜቲዳ ቲሚርቲ 2:1-17

አማኖ ዲሳ ዋጋ ቦላ አሜቲዳ ዞሪ 3:1-15

ኮሻ ቆፋኔ ሳርሶ 3:16-18

1 ጳውሎስ። ሲላሲይኔ ያዋጥኖሲ ቴሴሎንቱ ዋሳ ኩላን ዳዔያ። የሳ አዋባኔ ጎዳ ዬሱስ ከሪስቶስ ጊዲዳ አሳስ ግፊዳ ኪታ።

2 የሳ ኑ አዋፔኔ ጎዳ ዬሱስ ከሪስቶስ ጳዶ ከሃቴላይኔ ሳርቴላይ ሂንቲው ጊድ።

ከሪስቶስ ያ ዋዴ ሃናና ፐርዳ

3 ኑ አሻቶ። ሂንቲ አማናይኔ ሂንቲ ኢሶይ ኢሱዋኔ ሃራታ ሰቂያ ሰቆይ ዳር ዲጨያ ጊሾ ኑኒ ሂሳስ የሳ ኡባ ዋዴ ጋላታናው ቤሱስ። 4 ሂንቲና ጋኪዳ ጎዳኒኔ ዋዬ ኡባን ጌንጫኒኔ አማናን ሚኒዲ ኤቂዳ ጊሾ ኑኒ ኑ ሀዔን የሳ ዋሳ ኩላታን ሂንቲባ ማርካቲሾ ሂንቲናን ጨቁቶስ።

5 ሂንቲ ኢያ ጊሾ ጊዲ ማቶ ኤኪያ የሳ ካዋጭሳስ ቤሲይሳታ ጊዲዲ ታይቤታና ማላ የሳ ያሎ ፐርዳስ ሃይሲ ማላ። 6 የሳይ ቲማ ፐርዳ ፐርዳና። የሳይ ሂንቲና ዋይሲይሳታ ቦላ ዋዬ ኤሃና። 7 ጎዳይ ዬሱስ ባ ዋልቃማ ኪታንቸታራ። ታማ ላጮራ ሳሎፔ ያ ዋዴ ዋዬቲያ ሂንቲናኔ ኑና ሸምፐሳና። 8 ቃሲ የሳይ ባና ኤርናይሳታኔ ኑ ጎዳ ዬሱስ ከሪስቶስ ዋንጌላሰ ከቴቶናይሳታ ፐርዳና። 9 ኢንቲ ጎዳ ሲንላፊኔ ኢያ ቦንቸዋ ዋልቃፌ ሻኩቲዲ ሚሪና ቆዩዋን ፐርዳታና። 10 ሄ ጋላስ። ኢ ባይሳታኒኔ ባና አማኔይሳታ ኡባን ቦንቸታንጫ ሳቢታናው ያ ዋዴ ኑ ሂንቲው ኦዲዳ ኪታ ሂንቲ አማኒዳ ጊሾ ሂንቲ ኢያ ቦንቸይሳታ ጊዲኒኔ ሳቤይሳታ ጊዲን ዳና።

11 ኑኒ ሂንቲው ኡባ ዋዴ የሳ ዋሲይ ሂሳሳ። ኑ የሳይ ሂንቲና ያገዲ ዳዕዋሰ ቤሲይሳታ ጊዲዲ ታይቤታና ማላ ኑኒ ዋሶስ። ሂንቲ ሎዖባ ኦላናው አዋጭ ያ አሙዋኔ ሂንቲ አማኖ ኦሱዋ ኢ ባ ዋልቃን ፖሎ። 12 ሂሳን ኑ የሳኔ ኑ ጎዳ ዬሱስ ከሪስቶስ ኦዶ ከሃቴላን። ጎዳ ዬሱሳ ሱጎሳ ሂንቲ ቦንቸና፤ ሂንቲናካ ኢ ቦንቸና።

2

ጌላ ኡራ

1 ኑ አሻቶ። ኑ ጎዳ ዬሱስ ከሪስቶስ የሳባኔ ኑ ኢያራ ጋሂታናው ሺቃናባስ ኑ ሂንቲና ዋሶስ። 2 ቲንቢቲን ዋይኮ ሃራ አሳፔ ሲዲዳ ቃላን ዋይኮ ኑፔ ኤኪዳ ኪታዳ ኦሌዲ። «ጎዳ ጋላሳይ ጋኪስ» ጊዲ ሂንቲ ዋዛናይ ዳጋዋጭኒ ዋባቆፖ። 3 ሂንቲና ኦኒካ ኦይ ኢገካን ባሌላፎ። ካሲቲዲ ጫርሱላ ኡራ ጌላቴላይ ቆንጮናኔ ቆዩይ ቤሲያ ጌላ ኡራይ ዮና ዳዔሸን። ጎዳ ጋላሳይ ጋኪና። 4 አሲ ጎይንባኔ የሳያባ ኡባ ኢ ኢያናኔ ባና ቆቁ ኦላና። ሃሪ አቶሸን። የሳ ኩሌ ጌሊ ኡቲዲ። «ታኒ ያሱ» ጋና።

5 ታኒ ሂንቲራ ዳዔሸ ሂንቲው ኦዲዳይሳ አኩኩኬቲ? 6 ኢ ባ ጋላሳን ያናፕ ኢቲን ሃዒ ዮናዳ አይቢ ኢያ ቴቂያኮ ኤሪታ።

7 አሳስ ቆንጨቢና ጌላቴላ ፀራ ዋልቃይ ሃዒካ ኦሌስ። ሸን ሃዒ ኢያ ቴቂይሲ ዳዔስ። ኢያ ቴቂይሲ ኦገፔ ኪቻና ጋካናው ኢ ቆንጨኖና። 8 ሃሳፌ ጉዬ። ጌላ ኡራይ ቆንጨና። ሸን ጎዳ ዬሱስ

ባ ደናፕ ኬያ ሸምጥዋን ባ ቦንቸ ዩሳን ኢያ ዋቆና። 9 ጌላ ኡራይ ዓላሂያ ዋልቃን ዩዲ ዋርዶ ማላታታኔ ማላሊሲያባታ ኦላና። 10 ሂሳዳካ፣ ቆዮስ ደዒያ ኦሳታ ዱማ ዱማ ጨሚያ ኢታ ኦሶን ባሌላና። ኤንቲ ቆዩዳይ ኦሺያ ቱማ ደሲዲ ኤኮና ኢዲዳ ገሾላ። 11 ሂሳ ገሾ፣ ኤንቲ ዋርዶ ገዲያባ ኦማናና ማላ ያሳይ ዋልቃማ ባሊሶ ኤንታ ቦላ ዩዳና። 12 ሄሲካ፣ ቱማ ኦማናና ኦሳቲ፣ ናጋራ ኦሶን ኡፋይቲሳቲ ኡባይ ፐርዴታና ማላሳ።

ኦቶቴሳስ ደሬቲዳ ኦሳታ

13 ጎዳይ ደሲያ ኦ ኦሻቶ፣ ኦኒ ያሳ ሂንቲ ገሾ ኡባ ዋይ ጋላታናው ቤሴስ። ሂንቲ ኦታና ማላ ያሳይ ገሻ ኦያና ዋልቃን ሂንቲና ገሽዳይሳኔ ሂንቲካ ቱማ ኦማኒዳይሳን ኢ ሂንቲና ባይራዳ ደሪስ። 14 ያሳይ፣ ኦ ሂንቲው ኡዲዳ ዋንጌላ ባጋራ ሂንቲና ዪገዳይ፣ ሂንቲ ኦ ጎዳ ዩሴሰስ ከሪስቶሳራ ኢሲፊ ቦንቹታናሳ። 15 ሂዛ፣ ኦ ኦሻቶ፣ ማኒዲ ኤቂቲ። ኦኒ ሂንቲና ኦ ደናን ገዲን ዋይኮ ዳብዳቢያን ገዲን ታማርሲዳ ቲማርቲያ ኦይከቲ።

16-17 ያሳይ ኦ ኦቆይ ኦና ደሲስ። ኢ ኦስ ኬሃ፤ ኢ ሜሪና ማንሌሶኔ ሎዎ ኡፋይሳ ኦስ ኦሚስ። ሂንቲ ኡባ ዋይ ሎዎባ ኦላናዉኔ ኦይታናው ኢ ማንሌላና ማላኔ ማዳና ማላ ኦ ጎዳ ዩሴሰስ ከሪስቶሳኔ ያሳ ኦ ኦቆ ዋሶስ።

3

ኦስ ዋሲቲ

1 ዉርሴላን ኦ ኦሻቶ፣ ጎዳ ቃላይ ሂንቲ ገደን ኤሊሲዲ ዳልጋናዳኔ ቦንቹታናዳ ኦስ ዋሲቲ። 2 ሂሳዳካ፣ ኦሲ ኡባይ ቃላ ሲዲዲ ኦማናና ገሾ ያሳይ ጌላታፔ ኢታ ኦሳታፔ ኦና ኦሻና ማላ ኦስ ዋሲቲ።

3 ሺን ጎዳይ ኦማኔቲዳይሳ፤ ኢ ሂንቲና ማንሌላናኔ ዓላሂፔ ናጋና። 4 ኦኒ ሂንቲና ከቲይሳ ሃዒካ ሰንፋፊካ ሂንቲ ኦላናይሳስ ጎዳን ኦኒ ኦማኔቶስ።

5 ጎዳይ ሂንቲ ዋዛና ያሳ ሰቆዋኮኔ ከሪስቶሳ ዳንዳዓኮ ካሌሶ።

ኦሶ ቢሎና ዳዒቲ

6 ኦ ኦሻቶ፣ ሂንቲ ኦፔ ኤኪዳ ከታ ካሎናይሳታፔ ኦሶ ቢሊያ ኦዛላ ኦማኒያ ኦሳታፔ ሂንቲ ቫኬታናዳ ጎዳ ዩሴሰስ ከሪስቶሳ ሱንላን ሂንቲና ከቶስ። 7 ኡዳ ሃኒዲ ዳናው ቤሴይሳ ሂንቲ፣ ሂንቲ ሁዒን ኤሪታ። ኦኒ ሂንቲራ ደዒያ ዋይ ኦሶ ቢሊቦኮ። 8 ኦኒ ኦይፊካ ካሌ ማላ ሚቦኮ። ኦስ ዳንዳዒቲዳ ማላ ቃማኔ ጋላስ ኦሌ ዳቡራዲ ዳዒዳፔ ኦቲን ኦይሰካ ቶሆ ገዲቦኮ። 9 ኦኒ ሂሳ ኦሌዳይ፣ ሂንቲው ለሚሶ ገዳናሳፊ ኦቲን ሂንቲፊ ማዴ ኦይቻናው ኦስ ማቲ ቆዩና ገዴና። 10 ኦ ሂንቲራ ደዒያ ዋይካ፣ «ኦላናው ኮዮና ኦሲ ኦኒካ ዋፖ» ያገዲ ከቲዳ።

11 ኦኒ ሂሳ ገዳይ፣ ሂንቲ ገደን ኢሲ ኢሲ ኦዛላቲ ደዒይሳ ሰዒዳ ገሾላ። ሃ ኦሳቲ ጌልሶናባን ጌሊዲ ሃራታ ኦሶ ቢሊሶሶናፔ ኦቲን ኦይኮካ ኦሎኮና። 12 ኦኒ ሂሳ ማላ ኦሳቲ ማራ ዴዎ ዳናዳኔ ባንታና ኮሺያባ ኦሌዲ ደማናዳ ጎዳ ዩሴሰስ ከሪስቶሳ ሱንላን ኤንታ ከቶሲኔ ዘርስ።

13 ሺን ኦ ኦሻቶ፣ ሎዎ ኦሶ ኦላናው ኦዛሎፊቲ። 14 ሃዒ ኦኒ ሃ ዳብዳቢያን ከቲዳ ከታሰ ከቲቶና ኦሲ ኦኒካ ደዒኮ ሄ ኡራ ኤሪቲ። ኢ ዩላታና ማላ ኢያፔ ቫኬቲቲ። 15 ሺን ኢያ ኦሻዳ ሴሪቲቲ ኦቲን ዋርኬዳ ያሎፊቲ።

ዉርሴላ ሳርታ

16 ሳር ኢሚያ ጎዳይ፣ ባ ሁዒን ሂንቲው ኡባ ዋይኔ ኡባ ባጋራ ሳር ኦሞ። ጎዳይ ሂንቲ ኡባራ ገደ።

17 ታኒ ጳዉሎሲ፣ ሃ ከታ ታ ኮሺን ያፋስ። ታ ከታ ኡባስ ማላይ ሃይሳ፤ ታኒ ሂሳዳ ያፋይስ።

18 ኦ ጎዳ ዩሴሰስ ከሪስቶሳ ኦዶ ኬሃቲላይ ሂንቲ ኡባራ ገደ።

ጳውሎስ ዓመተኛ ስራ ኮይር ከታ ጋሳ ቆፋ

ዓመተኛ ጌቲቲያ፡ አማኒያ ናዓቲላይ፡ ጉሳ ኢሲያን ዩሌቲስ (ሃ.አ 16:1-3)። ኢያ እያ አይሁዳ፤ ኢያ አዋይ ቃሲ ገሪኬ አሲ። ኢ ጳውሎሳሪ ኢሲፊ ኦፊይሳኔ ዋንጌላ ኦሶን ጳውሎሳ ማታን ማዲያ አሲ። ጳውሎስ ዓመተኛ ስራ ኮይር ከታይ ሃቡ አይፊ ቆፋታ ማንሳ ያሌሲ።

ኡባፊ ኮይርቲዲ ከታይ፡ ዋሳ ከላን ዳንዲዳ ዋርድ ተሚርቲያባ ማንሳዲ ኦፊሲ። ሃ እምላ ተሚርቲይ አይሁዳ ተሚርቲያፊ ባጋ፡ ቃሲ አይሁዳ ገደና እሳ ተሚርቲያፊ ባጋ ኦይኪስ። ሄሲካ፡ «ሃ ቤንቲያ አሳሚይ ናጋራን አቲዳ ገሾ አሲ አቶቲላ ዳማናው ዲማ ገዲዳ ፀራ ኤራናው፡ ኢሲ ኢሲ ካሳታ ዋና አጋናውኔ ማቻ ኤኮና ዋይኮ አዚና ጌሎና አጋናው ኮሼስ» ያጌያ ቆፋ ባሪ ኦሊዲ ዳንዲሲ።

ናምዓንላ ቆፋይ፡ ዋሳ ከላ አይሶባኔ ጎይና ዋጋባ ታሚርሲያ ተሚርቲያ፡ ሄሳዳካ ዋሳ ከላ ካሌይሳሳቲኔ ኤንታ ማዴይሳቲ አይ ማላ ማራ ዲሱ ዳናው ቤሲያኮ ኦፊሲ።

ወርሲላን፡ ዓመተኛ ስራ ኮይር ከሪስቶሳን ኦሊያ ሎዎ አሲ ዋሳ ገዲናው ቤሲያኮ፡ ቃሲ ዲማ ዲማ አማኒያ እሳ ማታን ኢያው ዳዲያ አዋቲላይ አይቤኮ፡ ጳውሎስ ኢያ ዞሪዳ ዞሪያ ዳሞስ።

1 ዓመተኛ ከታ አይፊ ቆፋታ

ጌሎ ቆፋ 1:1-2

ዋሳ ከላ አይሲያ አሳሲ አሚቲዳ አይሶ ዋጋ 1:3-3:16

ዓመተኛ ስራ አሚቲዳ ተሚርቲያ 4:1-6:21

1 ኦና አሽያ ያሳኒኔ ኦ ኡፋይሳን ናጌያ ዩሱስ ከሪስቶሳን ኪቲቲዳ፡ ዩሱስ ከሪስቶሳን ሃዋሪ ገዲዳ፡ ጳውሎሳ፤ 2 አማኖን ታው ተማ ናዓ ገዲዳ ዓመተኛ ስራ።

ዋሳ ኦ አዋ፡ ኦ ጎዳ ከሪስቶሳን አቶ ከሃቲላይ፡ ማርቲላይኔ ሳርቲላይ ኔው ገደ።

ዋርድ ተሚርቲያፊ ናጌቲላ

3 ታኒ ማቄዲያ ባሽ ኔና ሃዳሪዳይሳዳ፡ ኢሲ ኢሲ አሳቲ ዋርድ ተሚርቲያ ታማርሴይሳ ዲጋናው ኔ ኤፊሶንን ጋምዳና ማላ ኮያይሲ። 4 ኤንቲ ጎሲ ባይና ሃይሴ ኦፊኔ ባንታ ኮቻ ታይቡዋ አጋናዳ ኦዳ። ሄሳ ማላባይ ፓላማ ካሌሊቲ፤ አቲን አማኖን ኦሲቲያ ያሳ ኦሲቡስ ማዳና። 5 ሃ ከታ ሁዳ ቆፋይ ገሻ ዋዛና፤ ሎዎ ካሃፔኔ ተማ አማኦቹ ቤንቲያ ሲቁዋ ዳንፊላሳሳ። 6 ኢሲ ኢሲ አሳቲ ሃይሳ አገዲ፡ ፓላና ኦዳኮ ሲሚዳሶና። 7 ኤንቲ ያሳ ሂጌያ አስታማፊ ገዲናው ኮሶሶና። ሺን ኤንቲ አይ ኦሊያኮ ዋይኮ ተማ ኦሊዲ ኦፊይሲ ኢ አይቤኮ ኤርኮና።

8 አሲ ቤሴይሳዳ ሂጌያን ጎዳቲኮ ሂጌይ ሎዎ ገዴይሳ ኤርሲ። 9 ኢሲባ አኪካናው ኮሼስ። ሂጌይ ሎዎ አሳሲ ማዴቲቤና። ሺን ሂጌይ፡ ሂጌ ማንፊይሳታ፡ ዋሪንቻታ፡ ያሴ ያየናይሳታ፡ ሺምፖ ዋዴይሳታ፡ ናጋራንቻታ፡ ገሻቲላ ባይናይሳታ፡ ቱናታ፡ ሃሪ አቶሺን ባንታ አይው ዋይኮ አዋ ዋዴይሳታ፡ 10 ላሚይሳታ፡ አዴይ አዴራ ላይማቲይሳታ፡ አሴ ባይዜይሳታ፡ ዋርዳንቻታ፡ ዋርደን ማቄይሳታ፡ ዋይኮ ተማ ተሚርቲያሪ ጋሃቶና አይ ኦሶ ኦፊይሳታ ሲራናው ከዩሲ። 11 ሃ ተሚርቲይ ቦንቸኔ አንጃቲዳ ያሳይ ታኒ አዋቻና ማላ ታው ሃዳሪ አሚዳ ዋንጌላ ገደን ዳዴስ።

ዋሳ ማርቲላስ ጳውሎስ ጋሳቲዳ ጋላታ

12 ታኒ ኦሊያ ኦሲቡን ታው ዋልቃ አሚዳ ኦ ጎዳ ከሪስቶስ ዩሱሳ ጋላታይሲ። ታና ባ ኦሲቡስ ሹሚዲ ሄ ኦሲቡስ ቤሳሳ ገዲ ታይቤዳ ገሾ ኢያ ጋላታይሲ። 13 ታኒ ሃይሳፊ ካሴ ኢያ ማይይሳ፡ ኢያ ዩፊይሳኔ ማቶሊይሳ ገዲኮካ ታኒ ሄሳ ኤርናኔ አማኖና ኦሊዳ ገሾ ያሳይ ታና ማሪሲ። 14 ኦ ጎዳይ ባ አቶ ከሃቲላ ታ ቦላ ጉሲዲ፡ ሄ አቶ ከሃቲላሪ አማኖኔ ሲቆ ከሪስቶስ ዩሱሳ ባጋራ ታው አሚስ።

15 «ከሪስቶስ ዩሱሲ ናጋራንቻታ አሻናው ሃ አላሚያ ዩሲ» ጌያ ቃላይ አማንፊይሳኔ አሳ ኡባይ ኤካናው ቤሴይሳ። ኡባፊ አዲዳ ናጋራንቻይ ታና። 16 ሺን ሚሪና ዳዑዋ ኤካናው ኢያ አማኒያ አሳሲ ታኒ ለሚሶ ገዲና ማላ ዩሱስ ከሪስቶሲ ዳር ዳንዲሲ። ታው ኡባፊ አዲዳ ናጋራንቻቶስ ያሳይ ባ ማርታ ዳርሲስ። 17 አይፊን ቤንቸናይሳሳ፡ ኢሲ ያሳሰ፡ ሃይቆናይሳሰ፡ ሚሪና ካወዋሰ፡ ሚሪና፤ ሚሪና ጋካናው ጋላታይኔ ቦንቸይ ገደ። አማኒዮ።

18 ዓመተኛ ስራ፡ ታ ናዓው፡ ካሴ ኔባ ናቤቲ ኦዲዳ ቃላ ቦላ ኢቃዳ ሃ ከታ ሃዳሪ ኔው አሚይሲ። ኔ ሄ ቃላ ካሊኮ ሎዎ ኦላ ኦሊታና። 19 አማኖይኔ ሎዎ ካሂ ኔው ዳዎ። ኢሶቲ ኢሶቲ ካሃ ቆዩዲ

ማርካቤይ ሆሽን ጳጳራዳዳ ባንታ አማኑዋ ጳይሲደሶና። 20 ሄሳ ሃኒዳይሳታ ገደን ሃሜኔዮሲኔ ኢስኪንዲሬይ ዳዎሶና። ኤንቲ ታማራይ ያሳ ጫዬይሳ ኣጋና ማላ ታኒ ዓላሄሰ ኤንታና ኣላ ኢማሰ።

2

ዋሳባኔ ጎይናባ

1 ኡባሬ ሲንሳታዳ፣ ኣሳ ኡባሰ ያሳ ኦይቻናው፣ ዋሳናው፣ ጋናታናውኔ ጋላታናው ቤሴይሳ ታኒ ኔና ኣኪኪሳይሰ። 2 ኑኒ ቱማ ኣያና ዳዎንኔ ገሻቴላን ያሳ ጎይኒሼ ሳሮቴላኒኔ ዋፑ ገዳ ዳዎን ዳና ማላ ካዎታሰኔ ሹማታ ኡባሰ ዋሰቲ። 3 ሄሳ ማላ ዋሳይ ኑና ኣሺያ ያሳ ሲንሳን ሎዎኔ ኡፋይሲያባ። 4 ያሳይ ኣሲ ኡባይ ኣታናዳኔ ቱማ ኤራናዳ ኮዬሰ። 5 ኢሲ ያሲ ዳዕሲ። ያሳሬኔ ኣሳፔ ገደን ገዲዲ ሲኤልያ ኢሳይ ዳዕሲ፤ ኣካ ኣሴ ገዲዳ ከሪሰቶሰ ዬሱሳ። 6 ኢ ኣሳ ኡባ ዋዛናው ባና ኣሌ ኢሚሰ። ያሳይ ባ ዋዲያን ኣሳ ኡባ ዋዛናው ኮዬይሳ ቤሲያ ማርካይ ሃይሳ። 7 ያሳይ ታና ዋንገላሰ ኣስታማሬኔ ሃዋራ ኦሌዲ ደሪዳይ ሄሳሳ። ታኒ ቱማ ኦዲይሰ፤ ዋርዶቲኬ፤ አማሮኔ ቱማ ኣይሁዳ ገደና ኣሳሰ ማርካታና ማላ ያሳይ ታና ሹሚሰ።

8 ሄሳ ገሹ፣ ኡባ ቤሳን ደዒያ ኣዳቲ፣ ባንታና ያሳሰ ዲማዬዲ፣ ሃንቆኔ ፓላማ ዲጊዲ፣ ባንታ ኩሺያ ፑዴ ዴንሌዲ ያሳ ዋሳና ማላ ኮያይሰ።

9 ሄሳዳ ማጫሳይ ባንታና ሃሪዳይሳ ቆንጨሲያ፣ ቦንቾይኔ ማሪ ደዒያ ማዕዋ ማዕናው ቤሴሰ። ኤንቲ ማሪ ባይና ሁዒ ዳሳን፣ ዋርቃን ዋይኮ ኣንቆን፣ ዋይኮ ኣልዎ ኣሪሳን ባንታና ኣለቁሶ።

10 ሺን ያሳሰ ጎይናይሰ ገያ ማጫሳይ ባንታው ቤሴይሳዳ ሎዎባ ኦሎና።

11 ማጫሲ ኪቴቴላን ሲዒ ገዲ ታማሮ። 12 ታኒ ማጫሳይ ታማርሳና ማላ ዋይኮ ኣዳ ቦላ ኣዎታና ማላ ገደናሺን ሲዒ ገዲ ዳና ማላ ኮያይሰ። 13 ኣዳማይ ኮይሮ ሚዴቲስ፤ ኑዬፔ ሃዋና ሚዴታሱ። 14 ቃሲ ጨማታዳ ያሳ ሂገያ ሚንሌዳይ ማጫሲፔ ኣቲን ኣዳማ ገደና። 15 ሺን ማጫሲ አማሮን፣ ሲቆኔኔ ገሻቴላን ባንታና ሃሪዲ ዳዒኮ * ናይታ ዬሎን ኣታና።

3

ዋሳ ኬላ ጨማታ

1 ኣኒካ፣ «ዋሳ ኬላ ካሌልያ ኣሲ ገደናው ኮይኮ ሎዎባ ኣዋቴስ» ገያ ኦዲይ ቱማ። 2 ዋሳ ኬላ ካሌልያ ኣሲ ቦራቶናይሳ፣ ኢሲ ማቺ ዓላሊ ዳዕይሳ፣ ማሪን ዳዕይሳ፣ ባና ሃሪይሳ፣ ቤሴይሳዳ ኦሌይሳ፣ ኣማሌ ዋኮይሳ፣ ታማርሳው ዳንዳዕይሳ፣ 3 ማላቶናይሳ፣ ኦዬቶናይሳ፣ ፓላሞናይሳ፣ ሚሼ ሲቆናይሳ፣ 4 ኢያ ናይቲ ኢያው ኪቴቴላኒ ቦንቾይሳ፣ ባ ኬላ ኣይሳናው ዳንዳዕይሳ ገደናው ቤሴሰ። 5 ኢሲ ኣሲ ባ ኬላ ኣይሳናው ዳንዳዎና ኣዲኮ፣ ያሳ ዋሳ ኬላ ዋቲ ኣይሳናው ዳንዳዒ? 6 ኦቶሮን ሱጌቲዲ፣ ዓላሄይ ያሳ ፐርዳን ኩንዲዳይሳዳ ኩንደና ማላ፣ ኦራሌ ኣማኒዳ ኣሲ ገደናው ቤሴሰ። 7 ቦሬኒኔ ዓላሄ ዓሄን ጌሎና ማላ ሄ ኡራይ ኣማሮና ኣሳ ማታን ናሽቴይሳ ገደናው ቤሴሰ።

ዋሳ ኬላ ዳቆኔታ

8 ሄሳዳ ቃሲ ዋሳ ኬላ ዳቆኔቲ ቦንቾቲዳይሳታ፣ ናምዑ ደና ኦዲቶናይሳታ፣ ዳር ዋይኔ ኡሻ ኡዮናይሳታ፣ ሚሹ ያራቶናይሳታ፣ 9 ኣማኑዋ ፀራ ገሻ ካሃን ናጌይሳታ ገደናው ቤሴሰ። 10 ኤንቲ ኡዮናይሳታ ደገጩታናው ኮሺሰ፤ ኤንታ ቦላ ቦሪይ ባይና ኢዲኮ፣ ዋሳ ኬላ ዳቆኔ ገዲዲ ኦሎ።

11 ሄሳዳካ፣ ኤንታ ማጫሳቲ ቦንቾቲዳይሳታ፣ ዘገርናይሳታ፣ ማሪን ዳዕይሳታ፣ ኡባባን ኣማኔቴይሳታ ገደናው ቤሴሰ።

12 ዋሳ ኬላ ዳቆኔቲ ኢሲ ማቺ ዓላሊ ዳዕይሳ ገደ። ባ ናይታኔ ባ ኬላ ሎይሌ ኣይሴይሳ ገደናው ቤሴሰ። 13 ዋሳ ኬላ ዳቆኔ ገዲዲ፣ ሎዎ ኦሶ ኦሌይሳቲ፣ ኣንታው ገታ ቦንቾ ቃሲ ከሪሰቶሰ ዬሱሳን ባንታው ዳዒያ ኣማኑዋባ ኦዲናው ዳር ሚናቴሌ ዳማና።

ገታ ፀራ

14 ታኒ ሃ ኪታ ኔው ዓፋሹ፣ ኤሌሳዳ ኔኮ ባና ጋዳ ኡፋይሲ ዋሳይሰ። 15 ሺን ታኒ ቦና ጋምዒኮ፣ ያሳ ኬላን ኣሳይ ዋንዲ ዳናው ቤሲያኮ ኡራና ማላ ሃይሳ ኔው ዓፋይሰ። ዳዎ ያሳ ኬላይ ቱማቴላሰ ቲሲኔ ባሶ። 16 ኦ ኣማኑዋ ፀራይ ሲዴይ ባይና ገታ።

ከሪሰቶሲ ኣሻ ማዒዲ ቆንጨሲ፤
ኢያ ቱማቴላ ገሻ ኣያናይ ማርካቲሰ።

ከታንቾታሰ ቤንቲስ፤
ኢ ካዎቴላ ኡባሰ ሳባኬቲሰ።

2:7 2ጥም 1:11 2:9 1ጳጳ 3:3 2:13 ሜዲ 2:7፣ 21-22 2:14 ሜዲ 3:1-6 * 2:15 ባንታና ሃሪዲ ዳዒኮ፣ ዋይኮ ኢያ ዬሌዳ ናይቲ ኣማሮን፣ ሲቆኔኔ ገሻቴላን ባንታና ሃሪዲ ዳዒኮ። 3:2 ቲቶ 1:6-9

አሳሚን ዴዲያ አሳን አማኔተሰ፤
ቦንቸን ሳሎ ኤኬተሰ።

4

ዋርዶ አስታማሬታ

1 ያና ዋዲያን ባሌልያ አያናታኔ ቱና አያናታ ተሚርቲያ ካሊዲ፣ ኢሲ ኢሲ አሳይ አማኑዋ ካዳናይሳ ገሻ አያናይ ቆንጨሲዲ ኦዲሰ። 2 ሄሳ ማላ ተሚርቲይ ኤንታ ካሃይ ደጨን፣ አሳ ባሌልያ ዋርዳንቸ አስታማሬታፔ ዬሰ።

3 ሄሳ ማላ አሳቲ ኤኮኔ ገሎ ቃሲ ኢሲ ኢሲ ካሳታ ሞና ማላ ዲሳሰና። ሺን አማኔይሳቲኔ ቱማ ኤሬይሳቲ ያሳ ጋላቲ ዋሲዲ ማና ማላ ያሳይ ካሏ ሜጲሰ። 4 ያሳይ ሜጲዳ ኡባባይ ሎዎ። ያሳ ጋላቲዲ ሚኮ ዋራ ዋጲያባይ አይቢካ ባዋ። 5 ኡባባይ ያሳ ቃላኔኔ ዋሳን ገሺ ገዴሰ።

ኪሪሰቶሳሰ አማኔቲዳ አይሌ ጊዶ

6 ሄሳ ገሾ፣ ኔኒ ሃ ተሚርቲያ አማኔይሳታ ታማርሲኮ፣ ኑ አማኑዋኒኔ ሎዎ ተሚርቲያ ኪቲታዳ ዲጨዳ ኪሪሰቶሰ ዬሱሳ ሎዎ አይሌ ጊዶና። 7 ሺን ሳዒ ባይና ቱማ ጊዶና ኦዳፔኔ ጨማ ማጫሳ ሃይሲያፔ ባቃታ። ቱማ አያና ዴዎን ዳናው ኔና ሎሂሳ። 8 አሲ ባ አሳቲላ ሚንሳናው ኦልያ ኦሶይ ጉሌ ማዴሰ። ሺን ቱማ አያና ዴዎን ባና ሎሂሶይ ሃዒካ ሜሪናግካ ዴዎ አሚያ ኡፋይሲ ዴዲያ ገሾ ኡባሰ ማዴሰ። 9 ሃ ቃላይ አሳ ኡባይ ኤካናው ቤሲያ ቱማ ኦዳ። 10 ኑኒ አሳ ኡባ፣ ኡባሬ አሏዲ አማኔይሳታ አሺያ ዴዎ ያሳፊ ኤካና ጊዲ ኡፋይሳን ናጊያ ገሾ፣ ሄሳሰ ኑኒ ኦሶን ዳቡርሲኔ ባዳቶሰ።

11 ሃይሳ ኪታኔ ታማርሳ። 12 ኔኒ ያላጋ ጊዲያ ገሾ ኔና ኦኒካ ካጶፖ። ሺን አማኔይሳታሰ ኔኒ ኦዳን፣ ኦሶን፣ ሰቆን፣ አማርኒኔ ገሻቲላን ለሚሶ ጊዶ። 13 ታኒ ያና ጋካናው አሳሰ ገሻ ማዳና ርባባን፣ ሳባባኔኔ ታማርሶን ሚና። 14 ቲንቢቲይ ኦዴቲን፣ ጨማቲ ባንታ ኩሺያ ኔ ቦላ ዋሌዳ ዋዴ ኔኒ ኤኮዴ፣ ኔናን ዴዲያ ገሻ አያና አሞታ ካጶፓ።

15 ኔ ዲቻይ አሳ ኡባሰ ቆንጨና ማላ ሄሳ ሚንላ ቆፓ፤ ሃይሳ ኡባ ዋዴ ኦላ። 16 ኔ ሁዒያሲኔ ኔ ተሚርቲያሰ ናጌታ። ኔኒ ሄሳ ኡባ ዋዴ ኦሌኮ ኔናኔ ኔና ሲዔይሳታ አሻሳ።

5

አምዔታባ

1 ጨማ አዴታ ኔ አዋዳ ቦንቻሬ አቲን ሃንቄቶፋ። ያላጋ አዴታ ኔ አሻዳ ኦላዳ ዪላ። 2 ጨማ ማጫሳታ ኔ አዳዳ፣ ያላጋ ማጫሳታ ኔ ሚቸዳ፣ ፖሎ ገሻቲላን አይካ።

3 አዚኒ ሃይቄዳ ቱማ አምዔታ ቦንቻ። 4 ሺን አምዔሰ ናይቲ ዋይኮ ናይታ ናይቲ ዴዒኮ፣ ሄ ናይቲ ቱማ አያና ዴዎን ዴዲያ ቤሳናው ባንታና ዬሊዳይሳታኔ፣ ባንታ ዋጋ አዳግኔ ዋጋ አዋ ማዲዲ ኩሺ ዛር ታማር። ሄሲ ያሳ ኡፋይሲያባ።

5 ባርካ ዴዲያ ቱማ አምዔያ ያሳፊ ማዴ ዴማናው ኡፋይሳን ናጋሰ። ጋላሲኔ ቃማ ያሳይ ባና ማዳና ማላ ዋሳግሱኔ አይቻግሱ። 6 ሺን ሃ አላሚያን ሎዎ ዴሳ ያላላ ኮያ አምዔያ ፓዓ ዴዳሺ ሃይቄዳር። 7 ኦኒካ ኤንታ ቦርና ማላ ሃ ኪታ ኤንታው አሚ። 8 ሺን ባ ዳቦታው፣ ኡባሬ አሏዲ ባ ሶ አሳሰ ቆፖና ኦኒካ ባ አማኑዋ ካዲዳይሳ፤ አማናና አሳፔካ አጲዳ ኢታ።

9 ላይሌ ኡሱፑን ታሙ ኩሚቦና አምዔ ሱንላ ማዝጋባን ያፎፓ። ቃሲ ሄሳ ቦላ ኢያ ባ አዚናሰ አማኔቲዳር ጊዶናው ኩሺሰ። 10 ናይታ ዲሾን፣ አማጼ ሞኮን፣ ገሻታ ቶሁዋ ሚቻን፣ ሚቶቲያ አሳ ማዴን፣ ሎዎ ኦሶ ኡባሰ ባና አላ አሚዳርኔ ሎዎ ኦሶን ኤሬቲዳር ጊዶናው ቤሴሰ።

11 ሺን ያላጋ አምዔታ ሱንላ ማዝጋባን ያፎፓ። ኤንታና አዚና ገሎ ገሎ ገያ አሾ አሞይ ኦይኪያ ዋዴ ኪሪሰቶሳ አጋና። 12 ኤንቲ ኮይር ገሌዳ ቃላ ሜንሌዳ ገሾ ፐርዴታና። 13 ሄሳ ቦላ ኤንቲ ኦሶ ጳዴዲ ኬላፊ ኬጼ ዩያና። ዩሻ ያላላ ጊዶናሺን ዘጊርሳኒኔ ባንታና ጋሶናባን ገሌዲ ቤሶናባ ኦዴቶሶና። 14 ሄሳ ገሾ፣ ኑ ሞርኬቲ ኑ ቦላ ኦዴቲያ ኢታባ ዴሞና ማላ ያላጋ አምዔቲ አዚና ገሌዲ፣ ናዓ ዬሊዲ፣ ባንታ ኬላ አይሳና ማላ ዘራይሰ። 15 ሃይሳፊ ካሴ ጉላ አምዔቲ ያላሄ ካላናው ጉዬ ሲሚዶሶና።

16 ኢሲ አማኒያ ማጫሴሰ ሶ አሳ ጊዶን አምዔቲ ዴዒኮ ኢያ ኤንታ ማዳናው ቤሴሰ። ሄሳዳ ኦሌኮ፣ ዋሳ ኬላሰ ቶሆይ ካግዬሰ። ሄ ዋዴ ዋሳ ኬላይ ማዴ ቤሲያ ቱማ አምዔታ ማዳናው ዲንዳዴሰ።

17 ዋሳ ኬሌ ሎይሌ ሄሚያ ጨማቲ፣ ኡባሬ አሏዲ፣ ቃላ ሳባኮኒኔ ታማርሶን ዳቡሬይሳቲ ዳኮ ቦንቸ ኤካናው ቤሴሰ። 18 ገሻ ማዳናይ፣ «ጩዴማን ካላ ዬጲያ ቦራ ዶና ቃቸፋ» ሄሳዳካ፣ «ኦሳንቸይ ባ ዳሞዚያ ኤካናው ቤሴሰ» ያገሰ።

19 ናምዑ ወይኮ ሃዙ ማርኪ ባይና፣ ዋሳ ኬላ ጨማ ሞተያባ ሲያገገ። 20 ሃራተ ያያና ሜላ ናጋራ ኦሊያ ኦናካ እሳ ኡባ ሲጎላጎ ሃጎቂታ።

21 ኔኒ እሳ ሶምዖ ቤያና፣ ኢሱዋ ኢሱዋሬ ዲማኖና ሃ ከታ ናጋና ሜላ ያሳ፣ ጎዳ ዬሱስ ኪሪስቶሳኔ ደራተዳ ከታጎቻታ ሲጎላጎ ታ ኔና ዘራይሰ። 22 ኦዴ ቦላካ ኔ ኩሺያ ዋላዳ ሹማናው ኤሌሱገ። ሃራታ ናጋራጎ ጌሎገ፤ ኔና ጌሻቴላጎ ናጋ።

23 ኔኒ ኡባ ዋዴ ሃርጌቴታ ገሾኔ ኔ ኡሎ ሃርጊያ ገሾ ሃላ ፃላላ ኡኖገ፤ ጉላ ዋይኔ ኡያ።

24 ኢሲ ኢሲ እሳታ ናጋራይ ቆጎጨ፤ ኤጎታ ናጋራይ ኤጎታ ፐርዳናው ኤጎታሬ ሲጎላጎ ኣዴሰ፣ ሸጎ ሃራታ ናጋራይ ገዬጌ ጋምዲ ቆጎጨ። 25 ሃሳዳ፣ ሎዖ ኦሶይካ ቆጎጨ፤ ቆጎጨና ኢደኮካ ገማናው ዳጎዳዒና።

6

እይሌታሰ እሚቴዳ ዘሪ

1 ያሳ ሰጎላይኔ ኑ ተሚርቴይ ጫዬቶና ሜላ እይሌቴላጎ ዴዔይሳቲ ባጎታና ሃሪያ ጎዳታ ቦጎቾ። 2 ኣማኒያ ጎዳቲ ዴዒያ እይሌቴ፣ ኤጎታ ጎዳቲ ኤጎታው ኣሸ ጊዲያ ገሾ ኤጎታ ካዶፖ። ኤጎታ ኦሱዋጎ ማዴቲያ ጎዳቲ፣ ኣማኔይሳታኔ ደሴተዳይሳታ ጊዲያ ገሾ ኤጎቲ ካሴይሳሬ ኣሊዲ ኦላናው ቤሴሰ።

ዋርዶ ተሚርቴያኔ ቱማ ዲራቴላ

ኔኒ ሃይሳ ታማርሳናውኔ ኤጎቲ ኦላና ሜላ ዘራናው ቤሴሰ። 3 ኦኒካ ዲማ ተሚርቴያ ታማርሲያባ ጊዲኮ፣ ኑ ጎዳ ዬሱስ ኪሪስቶሳ ቱማ ቃላራኔ ኑ ኣማኑዋ ተሚርቴያራ ጋሃቴና። 4 ሃ ኡራይ ኦቶርጎ ሰጉቴሲፐ ኣቲጎ ኣይኮካ ኤራና። ኤጎታው ኢሲ ቆፋ ቦላ ፓላማናውኔ ኦይታናው ኢታ ኣሞይ ዴዔሰ። ሂሲ ቃናቴ፣ ኦሺ፣ ጫሺ፣ ኢታ ሲዴ። 5 ገናጎ ፓላማ ካሌሌሰ። ቃሲ ኤጎታው ኢታ ዋዛኒ ዴዔሰ፤ ቱማካ ባሊደሶና፤ ኤጎቲ ያሳ ኣማኖይ ዲራቴላሰ ኦጌ ጊዲ ቆገሶና።

6 ሸጎ ታው ዴዒያባይ ጊዳና ገያ ኣሳሰ ቱማ ኣያና ዴይይ ገታ ዋዴ። 7 ኑኒ ሃ ኣላሚያ ኣይኮካ ኤሂቦኮ፤ ቃሲ ኢያፔ ኣይኮካ ኤኪዲ ቦኮ። 8 ኑሰ ካሊኔ ማያይ ዴዒኮ ሂሲ ጊዳና። 9 ሸጎ ዲራቴላ ኮዬይሳቲ ፓጨ፣ኔኔ ዲሃን ጌሎሶና። ቃሲ ኤጎታና ዲጌ ዲፊያኔ ቆይሲያ ኤያቴላኔ ቆሃያ ኣሞጎ ኩጎደሶና። 10 ሚሾ ሲቆይ ኢታቴላ ኡባሰ ፑልቶ። ኢሶቲ ኢሶቲ ሚሾ ኣሞቴሾ ኣማኖፔ ባሌቲዲ ዳር ሚቶጎ ባጎታና ዩጊደሶና።

ጊዮተኖሳሰ እሚቴዳ ዘሪኔ ኪታ

11 ሸጎ ኔና፣ ያሳ ኣሶ፣ ሃሳሬ ባቃታ። ዲሎቴላ፣ ያሳ ዳና፣ ኣማኖ፣ ሲቆ፣ ዳጎዳዒ ኣሸኪቴላ ካላ። 12 ኣማኖ ባዲያ ሎይላ ባዲያ። ዳር ኣሳ ሲጎላጎ ኔ ማርካቲዳ ኔ ኣማኑዋባ፣ ያሳይ ኔና ኢያው ዲጊዳ ሚሪና ዴዑዋ ኦይካ። 13 ኡባሰ ዴዖ ኣሚያ ያሳ ሲጎላጎኔ፣ ጳጌጎ ጲላዮሳ ሲጎላጎ ሎዖ ማርካ ማርካፎና ኪሪስቶሰ ዬሱሳ ሲጎላጎ ታ ኔና ኪታይሰ። 14 ኑ ጎዳ ዬሱስ ኪሪስቶሲ ቆጎጨና ጋካናው ሃ ከታ ባሊኔ ቦሬይ ባይና ናጋ። 15 ባ ፃላላ ኡባ ሃሪያ ቦጎቾ ያሳይ፣ ካዎታ ካዎይ፣ ጎዳታ ጎዳይ፣ ባ ቆፐዳ ቃማጎ ዬሱስ ኪሪስቶሳ ዛሪ ኪታና። 16 ኢሲ ኢያ ፃላሊ ሃይቄና። ኦኒካ ሸቃናው ዳጎዳዮና ፖዖጎ ዴዔሰ። ኦኒካ ኢያ ቤዒቤና፤ ቃሲ ቤዒዳውካ ዳጎዳዒና። ቦጎቾይኔ ሚሪና ዋልቃይ ኢያው ጊዴ። ኣሚጎዒ።

17 ሃ ኣላሚያ ዲራቴ ጮ ቆያ ሻሎጎ ኦቶርቶና ሜላኔ ጨቆና ሜላ ኦዴ። ኑሰ ኮሺያባ ፓላሂሲዲ ኣሚያ ኦና ኣጎጂያ፣ ዲራ ያሳጎ ኣማኔታና ሜላ ኤጎታ ኪታ። 18 ኤጎቲ ሎዖ ኦሶ ኦላናዳ ሎዖ ኦሶጎ ዲራታናዳ፣ ኬሃታኔ ሃራታሰ ሻኬይሳታ ጊዳና ሜላ ኪታ። 19 ሂሲ ኤጎታው ሲጎላሰ ሚኖ ባሶ ጊዲያ ገሾ ሄ ዋዴ ኤጎቲ ቱማ ዴይይ ኣይ ዳኒያኮ ኤራና።

20 ጊዮተኖሳ፣ ኢሲ ኢሲ ኣሳይ፣ «ኤራቴላ» ገያ ኤያ ፓላማፔኔ ሃዳ ኦዳፔ ባቃታ፤ ነው ኣሚቴዳ ሃዳራ ናጋ። 21 ኢሶቲ ኢሶቲ ኑሰ ኤራቴላ ዴዔሰ ያገሺ ኣማኑዋ ኣጊደሶና።

ያሳ ኣዶ ኬሃቴላይ ሂጎቴ ኡባራ ጊደ።

ጳውሎስ ዓመተዮሳስ ግፊዳ ናሞዓንሉ ኪታ ጋሳ ቆፋ

ጳውሎስ ዓመተዮሳስ ግፊዳ ናሞዓንሉ ኪታይ፡ ጳውሎሳራ ኢሲፌ ኦፊይሳኔ ጳውሎሳ ማጉጉ ማዲያ ናዓቴሳ ዓመተዮሳ ዘሪዳ ዘሪያ ኦይኪሲ፡ ሄ ዘሪያ ኦይፌ ቆፋይ፡ «ገንጫን ማናናው ቤሴስ» ጌይሳ፡ ዓመተዮሳስ ዘሪኔ ማንሰሌ ቃላ ኤኪዳይ፡ ዩሱስ ኪሪስቶሳሳ ቱማ ማርካታና ሜላ ዋንጌላ ቃላኔ ጋልዓ ጫቆ ተሚርቲያ ማንሰሌ ይይካና ሜላኔ ሜቶይኔ ኢያይ ዳሪኮካ ታማርሲኔ ዋንጌላ ሳሳኮን ማናና ሜላሳ፡፡

ዓመተዮሳስ ሃዳ ኤያቴሳ ፓላማፔ ሃካና ሜላ ዱማ ማና ዘሪይ ኢያው ኢሜቲሰ፡፡ ሄሳ ሜላ ኦዳይ ኣሳ ጳይሴሲፔ ኣትን ኣይኮካ ማዳና፡፡

ሄ ኡባን ዓመተዮሳስ ኣኪካናው ቤሲያባይ፡ ጳውሎሳ ሃናታኔ ኢያ ዱሳ ቆፋ ሄሲካ፡ ኢያ ኣማኑዋ፡ ኢያ ገንጫ፡ ኢያ ስቁዋ፡ ኢያ ዳንዳዓኔ ኢያ ጋኪዳ ማቲዋ ለሚሶ ኦሊዲ ካላናይሳ፡፡ ጳውሎስ ሃ ኪታ ግፊዳይ፡ ኢ ባ ዋሳ ኦንጊዲ ሃይቆስ ገብቲዳ ዋዳና፡፡

2 ዓመተዮሳስ ኪታ ኣይፌ ቆፋታ

- ጌሎ ቆፋ 1:1-2
- ዓመተዮሳስ ኢሜቲዳ ዘሪያ 1:3-2:13
- ወርሴሳ ዋዲያባ 2:14-4:5
- ጳውሎስ ሃንዲ ዳዒያ ዱሳ 4:6-18
- ኩሻ ቆፋ 4:19-22

1 ያሳ ሺኔን፡ ዩሱስ ኪሪስቶሳን ቤንቲዳ ዴፖ ኡፋይሳ ማርካታናው ዩሱስ ኪሪስቶሳ ሃዋሪ ጊዲዳ ጳውሎሳ፡፡ 2 ታ ዴሲያ ናዓ ዓመተዮሳስ ኪቲቲዳ ኪታ፡፡ ያሳ ኣዋፔኔ ኑ ጎዳ ኪሪስቶስ ዩሱሳፔ ኣጾ ኪሃቴሳይ፡ ማርቲላይኔ ሳርቲላይ ኔው ጊድ፡፡

ዓመተዮሳስ ኢሜቲዳ ዘሪያ

3 ታኒ፡ ታ ዋሳን ቃማኔ ጋላስ ኔና ቆፓይሰ፡፡ ታኒ ዋሲያ ዋዴ ታ ማይዛታ ያሳኔ ታኒ ሎፖ ካሃን ሃጋዚያ ያሳ ኔ ገሻ ጋላታይሰ፡፡ 4 ታኒ ኔ ኣፋሳ ቆፓይሰ፤ ኔና ቤዓዳ ኡፋይታናው ዳር ላሞታይሰ፡፡

5 ቃሲ ኔው ዳዒያ ቱማ ኣማኑዋ ሜላ፡፡ 6 ሄሳ ገሻ፡ ታኒ ታ ኩሺያ ኔ ቦላ ዋሲዳ ዋዴ ያሳይ ኔው ኢሚዳ ኢሞታ ኔኒ ዛራ ኤላና ሜላ ኣኪኪሳይሰ፡፡ 7 ኣይሰ ገኮ፡ ያሳይ ኑስ ዋልቃ፡ ሲቆኔ ኑ ሁዔ ሃሪያ ኣያና ኢሚሰፔ ኣትን ያሻ ኣያና ኢሚቤና፡፡

8 ሃዛ፡ ኑ ጎዳስ ማርካታናው ዩላቶፓ፤ ቃሲ ኢያ ገሻ ቃሻቲዳ ታናንካ ዩላቶፓ፡፡ ሸን ያሳይ ኔው ኢሚያ ዋልቃን ዋንጌላ ገሻ ታራ ሜቶ ኤካ፡፡ 9 ያሳይ ባ ሺኔኒ ባ ኣጾ ኪሃቴሳን ኑና ኣሺዲ፡ ባ ገሻ ዴሬ ኦላናው ኑና ዳሪሰፔ ኣትን ኑኒ ኦሊዳ ኦሱዋ ገሻ ጊዳና፡፡ ሃ ኣጾ ኪሃቴሳ ኪሪስቶስ ዩሱሳ ባጋራ ኣላሜይ ሜዴታናፔ ሲንሌ ኑስ ኢሚሰ፡፡ 10 ሃዒ ሃ ኣጾ ኪሃቴሳ ኑና ኣሺያ ኪሪስቶስ ዩሱሳ ዩሳን ቆንጨሰ፡፡ ኢ ሃይቆ ዋልቃ ቆይሲዲ፡ ዋንጌላ ባጋራ ቆና ዴፖ ኑስ ቆንጨሰሰ፡፡

11 ታኒ ዋንጌላ ሳሳኪ፡ ሃዋሪ ኣስታማሪ ጊዳና ሜላ ያሳይ ታና ዳሪሰ፡፡ 12 ታኒ ሄሳ ገሻ ሃ ማቲዋ ኤካይሰ፤ ሸን ታ ኣማኔይ ኦኔኮ ኤሪያ ገሻ ዩላቲኪ፡፡ ታው ኢሜቲዳ ሃዳራ ሄ ጋላሳይ ጋካው ኢ ናገናው ዳንዳዒሳ ኡራይሰ፡፡

13 ታኒ ኔና ታማርሲዳ ቱማ ቃላ ለሚሶ ኦላ ኦይካዳ ኪሪስቶስ ዩሱሳ ባጋራ ኑባ ጊዲዳ ኣማኑዋኒኔ ስቁዋን ዳዒ፡፡ 14 ኑ ጊዲን ዳዒያ ገሻ ኣያና ዋልቃን ኔው ኢሜቲዳ ሎፖ ሃዳራ ናጋ፡፡

15 ኢሲያ ቢታን ዳዒያ ኡባይ ታፔ ሃኪዳይሳ ኡራሳ፤ ኤንታ ጊዲን ፊኒሎሲኔ ሄርሞኔሲ ዴሶሶና፡፡

16 ኣኔስፎሪ ታና ዳር ዋዴ ማንሰሌዳ ገሻ ጎዳይ ኢያ ሶ ኣሳስ ቃቆቶ፡፡ ታኒ ቃሻ ኪላን ዳዒያ ዋዴ ኢ ታናን ዩላቲቤና፡፡ 17 ሄሳ ቦላ ኢ ሮሚ ካታማ ዩዳ ዋዴ ታና ማንሰሌ ኮዩዲ ዴሚሰ፡፡ 18 ወርሴሳ ጋላሳን ጎዳይ ኢያው ቃቆታና ሜላ ታኒ ጎዳ ዋሳይሰ፡፡ ኤፌሶና ካታማን ኢ ታና ኣይ ሜላ ማዲዳኮ ኔ ሎሎሳ ኡራሳ፡፡

2

ዩሱስ ኪሪስቶሳን ማና

1 ሂዛ፣ ታ ናወ። ከሪስቶስ ዬሱሳን ዴዲያ ማርቴላን ሚና። 2 ዳሮ ማርካታ ሲንላን ታኒ ኔና ታማርሲዳ ቲሚርቲያ። ሃራታ ታማርሳናው ዳንዳዲያ አማኔቲዳ አሳስ ሃዳራ አማ።

3 ዬሱስ ከሪስቶስስ አማንሴያ ዋታዳሬ ገዳዳ ታራ ሜቶ ኤካ። 4 ኦላ ዋታዳሬይ ባ ሃላቃ አፋይሳናው ገቤጥሱስ ኦቲን ሃራ ኦሶን ባና ፔሼና። 5 ሃሳዳካ፣ ጋዴ ዋዲያ ኦኒካ ቤሲያ ኦጌራ ጋዴቶና ኢደገ ዋይቶ ኤኬና። 6 ጎሻን ዳቡሪያ ጎሻንቾይ ባ ዳቡሪ ኣይፊያፔ ሚያ ኮይር አሲ ገዳናው ቤሲስ። 7 ኔ አኬካና ማላ ጎዳይ ኔና ማዳና ገሾ ታ ኔው ኦዲዳባ ኔ ዋዛናን ናጋ።

8 ታኒ ማርካቲያ ዋንጌላ ማላ ሃይቆፔ ዴንዲዳ፣ ዳዊቴ ዜሬሌ ገዳዳ ዬሱስ ከሪስቶሳ ቆጋ። 9 ታኒ ዋንጌላ ኦዲያ ገሾ ኢታባ ኦሲዳ አሳዳ፣ ቃሺታዳ ሜቶ ኤካስ። ሺን ያሳ ቃላይ ቃሺቴና። 10 ሃሳ ገሾ፣ ያሳይ ዶሪዳ አሳቲ ከሪስቶስ ዬሱሳን ዴዲያ አቶቴላ ሚሪና ቦንቹዋሮ ኤካና ማላ ኤንታ ገሾ ኡባባን ዋይታይስ።

11 ሃይሳዳ ያገያ ቱማ ቃሊ ዴዲስ፤

«ኦኒ ኢያራ ሃይቁዳባ ገዲኮ፣

ኢያራ ኢሲፌ ዳናና።

12 ኦኒ ገንጫኮ፣

ኢያራ ኢሲፌ ካዋታና።

ኦኒ ኢያ ካዲኮ፣

ኢ ኦና ካዳና።

13 ኦኒ አማኔቶና ኢደኮ፣

ኢ አማኔቲዳይሳ ገዲዲ ዳና።

አይስ ገኮ፣ ኢ ባና

ካዳናው ዳንዳዲና» ያገሲ።

ሚና ኦሳንቾ

14 ኔኒ ኤንታ ሃይሳ አኬኪሳ፤ ኤንቲ ቃላታ ጋሶን ፓላሞና ማላ፣ ጎዳ ሲንላን ኤንታ ዞራ። ሄሲ ሲዳይሳታ ቆይሲስፔ ኦቲን አይኮካ ማዴና። 15 ኔኒ ቱማ ቃላ ሱሬቴላን ታማርሲይሳኔ ዬላዮና ኦሳንቾ ገዳዳ፣ ያሳይ ናሺያ አሳዳ፣ ኔናቴላ ኢያው አማናው ሚና። 16 ሺን ሃ ኣላሚያስ ኢንጄቲያ ጎዶና ኦዳፔ ባቃታ። ሃሳ ማላ ኦዳይ አሲ ያሳፊ ሃሲስ። 17 ሃሳ ማላ ኦዳይ ኣሳቴላ ሚዲጊያ ፓዶና ዋይዛዚራ ማዲንላ ማላ። ሃሳ ማላ ኦዳ ኦዳቴይሳታ ገዳፊ ሄሚኖሶኔ ፊሊዮስ ዴዶሶና። 18 ሃ አሳቲ ቱማ ኦጊያ ኣገዲ፣ «ሃይቁዳ አሳይ ሃይቆፔ ቤኒ ዴንዲዳና» ያገዲ ጉላ ኣሳታ አማኑዋ ቆይሲዳሶና።

19 ገደሺን፣ ያሳይ ሚና ዘላ ሂዲያ ገሾ ቃፃናው ዳንዳዲና። ኢያ ቦላ፣ «ጎዳይ ባይሳታ ኤሬስ። ጎዳ ሱንላ ዪጊያ ኦኒካ ኢታ ኦሶፔ ሃኮ» ያገያ ቃላይ ዓፌቲስ።

20 ኢሲ ገታ ኬላን ዋርቃፊ ዋይኮ ቢሪፔ ኦሲቲዳ ሚሺታ ዓላላ ገዳናሺን ሚላፊ ዋይኮ ኡርቃፊ ኦሲቲዳ ሚሺቲካ ዴዶሶና። ሃሳታፔ ባጋቲ ቦንቾ ኦሶስ፣ ቃሲ ባጋቲ ቶሺቲያ ኦሶስ ፔዶሶና።

21 ሃሳ ገሾ፣ ኦኒካ ኢታ ኡባ ኣገኮኔ ባና ገሺኮ፣ ቦንቾ ኦሶ ኦሲያ ሚሺ ገዳና። ኤንታ ዴዶይ ገሺኔ ጎዳ ኡፋይሲያባ፣ ቃሲ ኤንቲ ሎዶ ኦሶ ኡባ ኦሳናው ዳንዳዲይሳታ ገዳና።

22 ናዮቴላ ኢታ አሙዋፔ ባቃታ። ገሻ ዋዛናን ጎዳ ዪጊያ ኣሳታራ ኢሲፌ፣ ዪሎቴላ፣ አማኑዋ፣ ሲቆኔ ባርቴላ ካላ።

23 ሺን ኦሺ ሜዴይሳ ኡራዳ ኤያቴላኔ ሃዳ ገዲዳ ፓላማፔ ሃካ። 24 ጎዳ ኦሳንቾይ ኣሳ ኡባስ ኬሃ፣ ሎዶ ታማርሲይሳኔ ዳንዳዲንቾ ገዳናው ቤሲስፔ ኦቲን ኦድታናው ቤሲና። 25 ኢ ባራ ኤቁቴይሳታ አሽኬቴላን ሲሬይሳ ገዳናው ቤሲስ። ኤንቲ ባንታ ናጋራፔ ሲሚዲ ቱማ ኤራናዳ ያሳይ ኦሳኒኮ ኦኒ ኤራ። 26 ኤንቲ ባንታ ዋዛናኮ ሲሚዲ ባ ሺኒያ ኦሳና ማላ ኤንታ ኦይኪዳ ዓላሄ ዪሃፔፔ ኬሲ ኤካና።

3

ወርሴላ ጋላሳ ማላታታ

1 ወርሴላ ጋላሳን ኤንዴሴያ ዋዴይ ያናይሳ ኤራ። 2 ኣሳይ ባንታና ዶሲይሳታ፣ ሚሺ ሲቆይሳታ፣ ጩቁቴይሳታ፣ ኦቶሬይሳታ፣ ጫዴይሳታ፣ ባንታና ዬሊዳይሳታስ ከቴቶናይሳታ፣ ጋላቶናይሳታ፣ ገሻቴላ ባይናይሳታ፣ 3 ሲቆይ ባይናይሳታ፣ ማርቴላ ኤርናይሳታ፣ ዘገሬይሳታ፣ ባንታና ሃርናይሳታ፣ ቃዴይ ባይናይሳታ፣ ሎዶ ዶሶናይሳታ፣ 4 ሞርኬስ ኣሊ አሜይሳታ፣ ቆፊ ባይናይሳታ፣ ኦቶርን ስገቴይሳታ፣ ያሳፊ ኣሊዲ ኣሾ ኡፋይሳናው ዶሲይሳታ ገዳና። 5 ኤንቲ አማኒያ ዳናሶናፔ ኦቲን አማኖ ዋልቃ ካዶሶና፤ ኔኒ ሃሳ ማላ ኣሳታፔ ባቃታ።

6 ከንታፊ ኢሶት ኢሶት አሳ ከሌ ገሌዲ ናጋራን ኦይኪቲዳይሳታኔ ዲማ ዲማ አሞን ሱኑቲያ ዳቡራንቸ ማጫሳታ ቦላ ጎዳቶሶና። 7 ሄ ማጫሳቲ ኡባ ዋዴ ታማርሶና። ሸን ቱማ ኤራናው ዳንዳዎኮና። 8 ያኔሲኔ ያምባሬሲ ሙሴራ ኤቁቲዳይሳዳ ሃ አሳቲ ጉጌይ ኦላናይሳታኔ አማናን ኩንዲዳ አሳታ ገዲያ ገሾ ቱማራ ኤቁቶሶና። 9 ሸን ያኔሳኔ ያምባሬሳ ኤያቴሳይ ቆንጨዳይሳዳ ከንታ ኤያቴሳይ ከሳ ኡባ ሲንሳን ቆንጨና ገሾ ከንታው ሃኔና።

ወርሴላ ዞሬ

10 ሸን ኔኒ ታ ቲሚርቲያ፣ ታ ዲሳ፣ ታ ቆፋ፣ ታ አማኑዋ፣ ታ ዳንዳዳ፣ ታ ሲቁዋ፣ ታ ገንጫ፣ 11 ታ ዬዴቴላኔ ታ ሜቱዋ ኤራሳ። አንደኪያን፣ ኢቆኒዮኔን፣ ሊሲዲራ ካታማታን ታና ጋኪዳባኔ ታኒ ዳንዳዳዳ ሜቱዋ ኤራሳ፤ ጎዳይ ታና ሄ ኡባፊ አሺሰ። 12 ኪሪሰቶሰ ዩሱሳን ያሳ ኡፋይሲያ ዴያ ዳናው ኮያ ኡባይ ጎዴታና። 13 ኢታ አሳቲኔ ባሌሌይሳቲ ባንታው ባሌቲሼኔ ሃራታ ባሌሌሼ ካሴፕ ኢቲ ኢቲ ባና።

14 ሸን ኔ ታማራይ ቱማኒኔ ኔ አማኒዳ አማኑዋን ኤቃ። ኔ ኦዴፊ ታማራዳኮ ኤራሳ። 15 ኔኒ ኔ ናጋቴላፊ ደማዳ ኪሪሰቶሰ ዩሱሳ አማናዳ አቶቴሌ ዴሚያ ሸንጫቴሌ አማናው ዳንዳዳና ገሾ ማፃፋታ ኤራዳሳ። 16 ገሻ ማፃፋ ኡባይ ያሳፊ አሚቲዳ ቃላ። ሄ ማፃፋይ ቱማ ታማርሳናው፣ ባሊዳይሳታ ሴራናው፣ ሱሪሳናውኔ ያሎቴላ ዲሳሰ ኮሺያ ዞሬ አማናው ማዴሰ። 17 ያሳ አሲ ፖሎኔ ሎዎ ኦሶ ኡባ ኦላናው ገሊዳይሳ ገዳና ሜላ ማዴሰ።

4

1 ታኒ ኔና ያሳ ሲንሳላኔ፣ ካዋ ገዲዲ ሃራናው ቆንጨያ ዋዴ ፓፃታኔ ሃይቁዳይሳታ ፐርዳናው ዴዲያ ኪሪሰቶሰ ዩሱሳ ሲንሳን ዞሬይሰ። 2 ቃላ ኦዳ፤ ዋዴይ አንጃቲን አንጃቶና ኢዲን ሚናዳ ኦዳ። ዳር ዳንዳዳኒኔ ታማርሶን አሳ ዞራ፣ ሴራኔ ዳንሌፋ። 3 አሳይ ቱማ ቲሚርቲያ ሲያና ኢዲያ ዋዴይ ያና። ኤንቲ ባንታ አሙዋ ካሊዲ፣ ባንታው ሲዳናው ኡፋይሲያባ ኦዲያ አሰታማራታ ሸሾሶና። 4 ኤንቲ ቱማ ቲሚርቲያ አገዲ፣ ቱማ ገደና ኦዳ ሲዳናው ባንታ ሃይላ ዛርሶና። 5 ሸን ኔኒ ኡባባን ኔና ሃራ። ሜቱዋ ዳንዳዳ። ዋንጌላ ማርካቴላ ኦሱዋ ስላ። ኔው አሚቲዳ ያሳ ኦሶ ኡባ ፖላ።

6 ታኒ ያርሼቲያ ዋዴይ ጋኪሰ፤ ሃ አላሚያ አጋዴ ቢያ ዋዴይ ማቲሰ። 7 ታኒ ሎዎ ኦላ ኦሌታሰ፤ ታ ጋዲያ ዋፃዳ ወርሳሰ፤ አማኑዋ ናጋሰ። 8 ሲንሳፊ ያሎቴላ ካላቻይ * ታና ናጌሰ። ሄሳ ያሎ ፐርዳ ፐርዲያ ጎዳይ ሄ ጋላሰ ታው አማና። ሄሳ ታ ያላላሰ ገደናሸን ኢያ ቆንጨላ አሞቲያ ኡባሰ አማና።

ጳውሎሳ ቡዞ ቆፋታ

9 ኤሌሳ ያዳ ታና ቤዳ። 10 ደማሲ ሃ አላሚያን ዴዲያባታ ደሲዲ፣ ታና አገዲ፣ ቴሴሎንቄ ካታማ ቢሰ። ቁርቁሲ ጋላቲያ ቢታ፣ ቃሲ ቲቶይ ዲልማዲያ ቢታ ቢሰ። 11 ሉቃሳ ያላሊ ታራ ዴዴሰ። ማርቆሲ ያሳ ኦሶን ታና ማዳናው ዳንዳዳያ ገሾ ኔራ ኤካዳ ያ። 12 ታኒ ቲኪቆሳ ኤፊሶና ካታማ ኪታሰ። 13 ኔኒ ያሼ፣ ያርዳዳ ካታማን ካርፖሳ ማታን አጋዳ ዪዳ ታ ኮቲያኔ ማፃፋታ ታው ኤካዳ ያ። ኡባካ ጋልባን ያፊቲዳ ማፃፋታ ኤኮና ዮፓ።

14 ቢራታ ቆይያ ኢሲኪንዲሬይ ታና ዳር ቆሂሰ፤ ጎዳይ ኢያ ኦሱዋዳ ኢያው ዛራና። 15 ኢ ኑ ቲሚርቲያ ዳር ኢዲያ ገሾ ኢያፕ ኔና ናጋ።

16 ኮይሮ ታ ሞቴቲያ ዋዴ ኡባይ አገዲ ቢደራናፕ ኢቲን ኦኒካ ታና ማዲቤና። ያሳይ ሄ ባላ ኤንታው ታይቦፖ። 17 ሸን ታኒ ኩሜላ ኪታ አይሁዴ ገደና አሳ ኡባሰ ማርካቴን፣ ኤንቲ ሲዳና ሜላ ጎዳይ ታ ማታን ጋላቲያ ቱማ ዋልቃ አሚሰ። ቃሲ ኮሻቲዳ ጋዋዳ ዶና ዶዴዳ ሃይቁዋፕ ታና አሺሰ። 18 ጎዳይ ታና ኢታ ኡባፊ አሺዲ ባ ሳሎ ካዋቴላ ሳርን ኤፋና። ኢያው ሜሪናፕ ሜሪና ጋካናው ቦንቾይ ገደ። አሚንዳ።

ወርሴላ ሳርላ

19 ጲሪሰቁላሰ፣ አቁላሲኔ አኔሰፎራ ሶ አሳሰ ታ ሳርሎዋ ዶዳ። 20 ኤራሰይሰ ቆርንቶሳ ካታማን ኢቲሰ። ያርፊዎሲ ሃርጌቲዳ ገሾ ሚሊዳ ካታማን አጋሰ። 21 ባልሳይ ጌላናፕ ሲንሌ ኤሌሳዳ ያ። ኤወሱሉሲ፣ ጱዴሲ፣ ሊኑሲ፣ ቁላዴይኔ ሃራ አማኒያ አሳቲ ኡባይ ኔና ሳር ሲር ጎሶና።

22 ጎዳይ ዩሱሰን ኪሪሰቶሰ ኔ አያናራ ገደ።

ያሳ ማርቲሳይ ሂንቴ ኡባራ ገደ።

3:8 ከሳ 7:11 3:11 ሃ.ኦ 13:14-52፤ 14:1-20 * 4:8 ያሎቴላ ካላቻይ፣ ያሎቴላ ዴያ ገሾ ታ ኤካና ካላቻ። ያሎቴላ ታው ካላቻ ኦሌዳ ኢሜሰ ጉሱ። 4:10 ቆላ 4:14፤ ፊልሞ 24፤ 2ቆር 8:23፤ ጋላ 2:3፤ ቲቶ 1:4 4:11 ቆላ 4:14፤ ፊልሞ 24፤ ሃ.ኦ 12:12፤ 25፤ 13:13፤ 15:37-39፤ ቆላ 4:10 4:12 ሃ.ኦ 20:4፤ ኤፊ 6:21-22፤ ቆላ 4:7-8 4:14 1ዳሞ 1:20፤ ማዞ 6:21፤ ሮሜ 2:6 4:19 ሃ.ኦ 18:2፤ 2ዳሞ 1:16-17 4:20 ሃ.ኦ 19:22፤ ሮሜ 16:23፤ ሃ.ኦ 20:4፤ 21:29

ጳውሎስ ቲቶስ ፃፊዳ ኪታ ጋላ ቆፋ

ቲቶይ እይሁዳ ጊደና እስ። ሽን ጉዌፕ አማኒዲ። ጳውሎስ ዋንጌላ ኪታ ኦሱዋ ኦሊያ ዋዴ ማታን ኢያ ማዲዳ እስ። ሄ ዋዴ ቲቶይ። ዋሳ ኪላ ያላናዉኔ ናገናው ቃርፃሳ ቢታን ኣተሰ። ሃ ኪታይ ሄቹ ኣይፊ ቆፋታ ኦይከሰ።

1) ዋሳ ኪላ ኣይሲያ ኣሳይ። ኢታ ዱሱ ዴዒያ ቃርፃሳ ኣሳ ማታን ኣይ ማላ ሎዎ ዱሱ ዳናው ኮሺያኮ ቲቶ ኣኬኪሲሰ።

2) ዋሳ ኪላ ጊደን ዴዒያ ዳማ ዳማ ጨጌታ። ሄሲካ። ጨማ ኣሳታ። ያላጋ ኣዴታኔ ኣይሊታ ዋቲ ታማርሳናው ቤሲያኮ ቲቶ ዘሬሰ።

3) አማኒያ ኣሳ አማኖ ዳሳባ። ሄሲካ። ሳርቴላኒኔ ሲቆን ዳናባ። ዋሳ ኪላ ጊደፊ ኦሺ። ፓላማኔ ሻሆቴሲ ዲጋናባ ቲቶስ ዘሬ ኣሜሰ።

ተቶ ኪታ ኣይፊ ቆፋታ

ጌሎ ቆፋ 1:1-4

ዋሳ ኪላ ካሌሊያ ኣሳ 1:5-16

ዋሳ ኪላን ዴዒያ ዳማ ዳማ ጨጌታ ኦሶ 2:1-15

ዘሬኔ ናጌሶ 3:1-11

ኩሻ ቆፋ 3:12-15

1 ዬሱስ ከሪስቶሳ ሃዋሬይኔ ያሳ ኣይሌይ። ጳውሎስ። ፃፊዳ ዳብዳቢያ። ያሳይ ዶራዳ ኣሳ አማኑዋ ዲቻናዳኔ ቲማ ኣያና ዴዑዋ ዋኒዲ ዳኔኮ ቤሲያ ቲማ ኤራኮ ኤንታ ካሌላናው ታኒ ኪቲታሰ። 2 ሄ አማኖይኔ ኤራቴላይ ማሪና ዴዑዋ ኡፋይሳ ቦላ ዘምፕሰ። ሄሳ ዳር ዋዴፕ ሲንሌ ዋርዶቶና ያሳይ ኦስ አማና ጊዲ ቃላ ጌሊሰ። 3 ኦና ኣሺያ ያሳይ ባ ዋዴን ሃ ኪታ ኦዳና ማላ ታው ሃዳራ አሚሰ።

4 ኦ ኮሌ አማኑዋን ታ ቲማ ናባ ጊዲዳ ቲቶ።

ያሳ ኣዋፕኔ ኦና ኣሺያ ዬሱስ ከሪስቶሳፕ ኣቶ ኬሃቴላይ። ማርቴላይኔ ሳርቴላይ ኔው ጊደ።

ቲቶይ ቃርፃሳን ኦሊያ ኦሱዋ

5 ታኒ ኔና ቃርፃሳን ኣጋዳ ዲዳይ። ኔኒ ኣተዳባ ገጊሳናዳኔ ታኒ ኪቲዳይሳዳ ካታማ ኡባን ዋሳ ኪላ ጨማታ ዶራና ማላሳ። 6 ጨሚ ቦሪቶናይሳ። ኢሲ ማቹ ኣዚና። ማሪ ቆሎን ዋይኮ ኪቲቴላ ኢያን ኣሲ ቦርና አማኒያ ናይቲ ዴዒያ ኣሲ ጊዳናው ቤሲሰ። 7 ዋሳ ኪላ ጨሚ ያሳ ኦሱዋ ሃዳራ ኤኪዳ ገሾ ቦሪቶናይሳ። ኦቶርቶናይሳ። ኤሌ ዩሎቶናይሳ። ማሶቶናይሳ። ኦዳ ማቶናይሳኔ ቤሶና ጎሳስ ዳፊቶናይሳ ጊዳናው ቤሲሰ። 8 ሽን አማሌ ሞኬይሳ። ሎዎባ ኡባ ዶሊይሳ። ኣኬካንቾ። ጂሎ። ጌሺኔ ባና ሃሬይሳ ጊዳናው ቤሲሰ። 9 ሃራታ ሱሬ ቲሚርቲያን ሚንሌላናዉኔ ሄ ቲሚርቲያ ኢይይሳታ ዘራናው ባ ታማሪዳ ቲማ ቃላን ሚኒዲ ኤቃናው ቤሲሰ።

10 ኪቲቶናይሳቲ። ፓላና ኦዳ ኦዴቴይሳቲ። ጨሚይሳቲ ኡባካ ቃፃሬቴላ ዋጋ ናጊያ ዳር ኣሳቲ ዴዎሶና። 11 ኤንቲ ቤሶና ኦኒን ሚሺ ዴማናው ኮዩዲ። ታማርሳናው ቤሶናባ ታማርሲሺ ኪላ ኣሳ ኡባ ኢሲያ ገሾ ኤንታ ቲሚርቲያ ቲቃናው ቤሲሰ። 12 ኤንታ ናቤታፕ ኢሶይ። «ቃርፃሳ ኣሳይ ኡባ ዋዴ ዋርዶ ኦዴቶሶና፤ ኢታ ደዳታኔ ኣዘላ ያራምባታ»* ያጌሰ። 13 ሃ ማርካቴላይ ቲማ ማርካቴላ። ሄሳ ገሾ። ኤንታው ቲማ አማኖይ ዳና ማላ ኤንታ ሃንቄታ። 14 ቲማ ኢጂያ ኣሳ ቲሚርቲያ ኣይሁዳታ ፓላና ቶሲያ ሲያና ማላ ኤንታ ሴራ። 15 ባንታው ጌሺ ጊዲዳይሳታስ ኡባይ ጌሺ። ሽን ቱናታሲኔ አማኖናይሰታስ ኤንታ ቆፋይኔ ካሃይ ቲዲዳ ገሾ ኤንታው ኣይቤካ ጌሺ ጊዳና። 16 ኤንቲ ኦ ያሳ ኤርሰ ጎሶና። ሽን ባንታ ኦሱዋን ኢያ ካዶሶና። ኤንቲ ያሳን ኢፃቲዳይሳታ። ኪቲቶናይሳታኔ ሎዎ ኦሶ ኡባስ ጊዳናይሳታ።

2

1 ሽን ኔኒ ሱሬ ቲሚርቲያ ጳልቆና ቲሚርቲያ ታማርሳናው ቤሲሰ። 2 ጨማ ኣዴቲ ባንታና ሃሬይሳታ። ዋፑ ጊዳይሳታ። ቦንቹተዳይሳታ። አማኖን። ሲቆኒኔ ዳንዳባን። ማኖ ጊዳና ማላ ዘራ።

1:4 2ቆር 8:23፤ ጋላ 2:3፤ 2ጊዎ 4:10 1:6 1ጊዎ 3:2-7 * 1:12 ቃርፃሳ ኣሳይ ኡባ ዋዴ ዋርዶ ኦዴቶሶና ኢታ ደዳታኔ ኣዘላ ያራምባታ። ሄሳ ያጌዲ ኦዳና ናቤ ኤጲሚንዳሳ ጌቲቴሰ።

3 ሃሳዳካ፣ ጨማ ማጫሳይ ባንታ ዱሳን ገሻታ፡ ዘገሮናይሳታ፡ ዋይኔ ኡሻን ሃራቶናይሳታኔ ሎዎባ ታማርሲይሳታ ገዳና ማላ ታማርሳ፡፡ 4 ኢንቲ ሃሳዳ ሃኒኮ ያላጋ ማጫሳይ ባንታ አዘናታኔ ባንታ ናይታ ሲቃና ማላ ታማርሳናው ዳንዳዎሶና፡፡ 5 ያሳ ቃላይ ቦሬቶና ማላ ባንታና ሃራይሳታ፡፡ ገሻታ፡፡ ባንታ ሶን ኦሎይሳታ፡፡ ከሃንታኔ ባንታ አዘናታሰ ከቴቲይሳታ ገዳና ማላ ያላጋ ማጫሳ ታማርሶና፡፡

6 ሃሳዳካ፣ ያላጋ አዳቲ ባንታና ሃራና ማላ ዘራ፡፡ 7 ኔኒ ኔ ሁዔን ሎዎ ኦሶ ኡባን ኤንታው ለሚሶ ገዳ፡፡ ኔኒ ኔ ቲሚርቲያን ኤቁዳይሳኔ አማኔቲይሳ ገዳ፡፡ 8 ኑ ሞርኬቲ ኑና ዘገራናው ጋሶያባይ ኤንታው ቆዳን ኤንቲ ዬሳታና ማላ ኔኒ ቦሬቶና ሎዎ ኦዳ ኦዳታ፡፡

9 አይሌቲ ኡባባን ባንታ ጎዳታሰ ከቴታና ማላ፡፡ ኤንታ ኡፋይሳና ማላኔ ኤንታራ ፓላሞና ማላ ዘራ፡፡ 10 ኤንቲ ባንታ ጎዳታ፤ ካይሶቶ፡፡ ሄሲካ፣ ኑና አሺያ ያሳ ቲሚርቲይ፣ ኡባ ኦገን ደሴቲዳይሳ ገዳና ማላ ባንታ ኦሎያ ኦሶባን አማኔቲይሳታ ገዳይሳ ቤሳና ማላ ኤንታ ዘራ፡፡

11 አሴ አሺያ ያሳ አቶ ከሃቴሳይ አሳ ኡባሰ ቆንጨሰ፡፡ 12 ሄ አቶ ከሃቴሳይ፣ ኑ ናጋራኔ ሃ አላሚያ አሙቀ አገዲ፣ ሃ ዋዲያን ኑና ሃራዲ፣ ቱማ አያና ደዑቀኒኔ ያሎቴሳን ዳና ማላ ኑና ታማርሲሰ፡፡

13 ኑኒ አንጃቲዳ ኡፋይሳ ገዲዳ ገታ ያሳኔ ኑና አሺያ ዬሱሰ ከሪሰቶሳ ቦንቾ ቆንጨቶ ናሳሰ፡፡

14 ኢታ ኦሶ ኡባሬ ኑና ዋዛናውኔ ሎዎባ አላናው አሞቲያ ባ ገሻ አሲ ከሳናው ኑ ገሾ ባና አላ ለሚሰ፡፡

15 ኔኒ ሃይሳ ታማርሳ፤ ኩሜላ ማታን ዘራ፣ ሴራ፤ ኦኒካ ኔና ካቶ፡፡

3

አማኒያ አሳ ኦሶ

1 አሳይ ዳሪያ ሃራይሳታሰ፡ አሞቴሳይ ዳዔይሳታሰ ሃራታናው፣ ከቴታናውኔ ሎዎ ኦሶ ኡባ አላናው ገገቲዳይሳታ ገዳና ማላ አኩከሳ፡፡ 2 ቃሲ ኤንቲ ኦዴ ቦላካ ኢታ ኦዴቶና ማላ፣ ሳሮ አሲ ገዳና ማላ፣ አሽኩታኔ አሳ ኡባሰ ካዴቴይሳታ ገዳና ማላ ዘራ፡፡ 3 ኑኒ ካሴ ኤያታ፣ ከቴቶናይሳታ፣ ባሌቲዳይሳታ፣ ዱማ ዱማ አሾ ኡፋይሳሲኔ አሞሰ አይሌቲዳይሳታ፡፡ ኑኒ ኢታቴሳኒኔ ቃናቴን ኩሚዳይሳታ፤ ኑ አሴ ኢዳይሳታ፣ አሲካ ኑና ኢዳይሳታ፡፡ 4 ሺን አሺያ ያሳ ከሃቴሳይኔ ሲቆይ ቆንጨዳ ዋዴ 5 ኑ ኦሎዳ ያሎ ኦሶባ ገሾ ገዳናሺን ባ ማሮቴላ ገሾ ኑና አሺሰ፡፡ ኑና ኢ አሺዳይ፣ ናሞባንዮ ዬሌቴሳ ሚቻኒኔ ገሻ አያና ባጋራ አሚዳ ኦራፋ ዳዑቀና፡፡ 6 ሄ አያና፣ ያሳይ ኑና አሺያ ዬሱሰ ከሪሰቶሳ ባጋራ ኑ ቦላ ዳርሲዲ ጉሲሰ፡፡ 7 ባ አቶ ከሃቴሳ ባጋራ ኑና ያሊሲዲ ማሪና ዳዑቀ ላታ ኡፋይሳ ኦይካና ማላ ሃሳ ኦሎሰ፡፡ 8 ሃ ቃላይ አማኔቲዳ ቃላ፡፡ ያሳ አማኔይሳቲ ሎዎ ኦሶ አላናው ገገዳይሳታ ገዳና ማላ ኔ ሃ ቃላ ሚንላዳ ዶዳና ማላ ታ ኮያይሰ፡፡ ሃይሳቲ አሴ ኡባሰ ሎዎ ጎዔይሳታ፡፡ 9 ሺን ኤያቴላ ፓላማ፤ ኮቻ ታይቦ፤ ካቻሬኔ ሂጌ ጋሶን ዳንዲያ ኦሻሬ ናጌታ፡፡ ሄሲ ጎዔኔ ዋዴይ ባይናባ፡፡ 10 ሻሆቴሌ ሜጲያ ኡራ ኮይሮ ዘራ፤ ናሞባንዮ ሃንቄታ ሃሳሬ ጉዬ ኢያ፤ ሃካ፡፡ 11 ሃሳ ማላ አሲ ጌላኔ ናጋራንቾ፤ ኢ ባ ቦላ ፒርዳይሳ ኡራ፡፡

ወርሴላ ዘሬ

12 ታኒ ባልጎ ያን ሻጫናው ቆፒዳ ገሾ አርዳማሳ ዋይኮ ቲከቆሳ ኔኮ ከቲያ ዋዴ ኔ ታኮ ኒቆጺሊዮና ያናው ማና፡፡ 13 ሂጌ ኤሪያ ዜናሲኔ አጺሎሰ ኦጌ ቢያ ዋዴ ኤንታው ኮሺያባይ ፓጮና ማላ ኤንታ ማዳ፡፡ 14 ኑ አሳይካ ፓሶና አሲ ገዲዲ አቶና ማላ ባንታው ኮሺያባ ዳማና ማላ ሎዎ ኦሶ አላናው ሚኒዲ ታማር፡፡

15 ታራ ዳዲያ ኡባይ ኔና ሳሮ ጎሶና፤ አማኖን ኑና ሲቁያ አሳ ሳሮ ጋ፡፡ ያሳ አቶ ከሃቴሳይ ሂንቴ ኡባራ ገዳ፡፡ አሚንዲ፡፡

ጳውሎስ ፊልሞናስ ፃፊዱ ዳብዳቤያ ጋላ ቆፋ

ፊልሞኒ ኤሬቲዳ አማኒያ አሰ። ኢ ቆላሲያሳ ዋሳ ኩላ አሲ ጊደና ኣቴና። ፊልሞናስ ኣናሰሞሳ ገያ ኣይሌይ ዳዔስ። ሄ ኣይሌይ ባ ጎዳፕ ቤቲዱ ቢዳ ዋደ ቃሾ ኩላን ዳዒያ ጳውሎሳራ ጋሄቲስ። ኣናሰሞሲ ዬሱሳ አማናና ሜላ ኣሉዳይ ጳውሎሳ። ጳውሎስ ፊልሞናስ ፃፊዱ ዳብዳቤይ፣ ፊልሞኒ ጉዬ ሲሚዱ ኢያገ ቢያ ባ ኣይሊያራ ሲጌታና ሜላ ኣኩኪሲስ። ጉጂዲካ ሃሪ ኣናሰሞሲ አማኒያ አሲ ጊዳዳ ገሾ ሂዛፕ ጉዬ አማኒያ አሻዳ ኢያ ሞኪ ኤካና ሜላፕ ኣቴን ኣይሌዳ ኢያ ታይቦናዳ ኢያው ኦዳስ።

ፊልሞና ኪታ ኣይፌ ቆፋታ

ሳርሶ 1-3

ጋላታኔ ዋሳ 4-7

ጳውሎስ ኣናሰሞሳ ገሾ ፊልሞና ዋሲስ 8-21

ኩሻ ቆፋ 22-25

1 ታኒ ጳውሎስ፣ ዬሱስ ኪሪሰቶሳ ገሾ ቃሾን ዳዒይሲኔ ኑ አሻ ጀሞቲዮሲ፣ ኑራ ኣሊያ ነኒ ደሲያ ፊልሞናስ፣ 2 ኔ ሶን ሺቂያ ዋሳ ኩላስ፣ ኑ ሚቼ ኣፊቢያሲኔ ኑራ ኢሲፌ ዳዒያ ዋታዳሪ ኣርኪጳሳስ ፃፊዱ ኪታ።

3 ያሳ ኑ ኣሞፔኔ ኑ ጎዳ ዬሱስ ኪሪሰቶሳፕ ኣቶ ኩሃቴላይ ሳርቴላይ ሂንቴው ጊደ።

ፊልሞና ሲቁዋኔ አማኑዋ

4-5 ኔኒ ጌሻታ ደሲይሳኔ ጎዳ ዬሱሳ አማኔይሳ ታኒ ሲዒያ ገሾ ያሳ ዋሳሺ ኔና ቆፒያ ዋደ ኡባን ታ ያሳ ጋላታይስ። 6 ኔኒ ኔ አማኑዋ ሃራታስ ሻኪይሲ ኑስ ኪሪሰቶስ ዬሱሳ ባጋራ ያ ሎዖባ ኡባ ኤሪሳና ሜላ ታኒ ያሳ ዋሳይስ። 7 ጌሻታ ዋዛናይ ኔ ኦሱዋን ሚኒዳ ገሾ ታ አሻው፣ ታኒ ኔ ሲቁዋን ዳር ኡፋይሲኔ ሚንሌሶ ዳማስ።

ጳውሎስ ኣናሰሞሳሳ ፊልሞናስ ኦዲስ

8 ሄሳ ገሾ፣ ኔኒ ኦላናው ቤሲያባ ኦላና ሜላ ኔና ኪታናው ኪሪሰቶሳ ባጋራ ታው ሚናቴሌ ዳዒስ። 9 ታኒ፣ ጨማይ ጳውሎስ፣ ኪሪሰቶስ ዬሱሳስ ሃሪካ ቃሾን ዳዒይሲ፣ ሲቆን ኔና ዋሳይስ። 10 ታኒ ቃሾን ዳዒሽ ኢያው ዘሪያ ኣዋ ገዳዳ ታ ናዓ ኣናሰሞሳ ገሾ ኔና ዋሳይስ። 11 ኢ ካሲ ኔና ማዳና፣ ሺን ሃሪ ኔናካ ታናካ ቱማ ማዲያ አሲ።

12-13 ታኒ ዋዛናፕ ደሲያ ኣናሰሞሳ ኔኩ ዬዳይስ። ታኒ ዋንጌላ ገሾ ቃሾቲዳሺን፣ ኔ ገሾ ታው ኦሊዱ ታና ማዳና ሜላ ታ ማታን ኢያ ኣሻናው ኮያስ። 14 ሺን ኔ ሺኔዳ ኦላናው ኮያሲፕ ኣቴን ኔራ ዘራቶና ዋልቃን ኣይኮካ ኦላናው ኮዩኪ።

15 ኣናሰሞሲ ጉላ ዋደ ኔፕ ሻኩቲዳይሲ፣ ኦኒ ኤሪ ሲሚዱ ኡባ ዋደ ኔራ ዳዖና ኣገና። 16 ሂዛ፣ ሃይሳፌ ጉዬ ኣናሰሞሲ ኣይሌ ጊደናሺን ኣይሌፌ ኢ ዳር ኣዴስ። ኢ ታው ኣይ ሜላ ሲቆ ኣሺ! ቃሲ ኢ ኔው ኣሳ ባጋራካ ጎዳ ባጋራካ ኣጲዳ አሻ።

17 ሂዛ፣ ኔኒ ታና ኔ ላጌ ጊያባ ጊዲጉ ታና ሞኪይሳዳ ኢያ ሞካ። 18 ኢ ኔና ቆሂዳባይ ዋይኮ ኢ ኣጮቲዳባይ ዳዒኮ ታፕ ኤካ። 19 ሄ ኣጩዋ ታኒ ቃንፃና ጋዳ ታኒ፣ ጳውሎስ፣ ታ ኩሺን ፃፋይስ። ኔኒ ታው ኔ ሺምፑዋ ኣጮታ ኡቲዳይሳ ታኒ ኔና ኣኩኪሳናው ኮሸና።

20 ታ ኣሻው፣ ጎዳ ባጋራ ኔፕ ማደ ዳማናው ኮያይስ። ኪሪሰቶሳ ባጋራ ታና ሚንሌሳ። 21 ታኒ ጊዳይሳፌ ዳር ኔኒ ኦላናይሳ ኤራዳ ቃሲ ኔ ታው ኪቲታናይሳ አማናና ሃይሳ ፃፋይስ።

22 ያሳይ ሂንቴ ዋሳ ሲዒዳ ታና ሂንቴኮ ጉዬ ዛራና ጋዳ ቆፒያ ገሾ ታው ኢማሌ ሺምፒያ ኩሌ ገሊሳ።

ወርሲሳ ሳርታ

23 ኪሪሰቶስ ዬሱሳ ገሾ ታራ ቃሾን ዳዒያ ኤጳፊሪ ኔና ሳር ሳር ጌስ። 24 ቃሲ ታራ ኢሲፌ ኦሊያ ማርቆስ፣ ኣርሰፂርኮሲ፣ ዳማሲኔ ሉቃሲ ኔና ሳር ሳር ጎሶና።

25 ጎዳ ዬሱስ ኪሪሰቶሳ ኣቶ ኩሃቴላይ ሂንቴ ኣያናራ ጊደ።

ኢብራዊ አሳስ ፃፊቱዳ ኪታ ጋሳ ቆፋ

ሃ ኪታይ ፃፊቱዳይ፣ ዎልቃማ ሜቶይ ጋኪን፣ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፊይ፣ ዩሱብ ኪሪስቶስ ጠርሱላኔ ቱማ ያሳ ቆንጩፃ ጊደይሳ ኢብራዊ አሳስ ቤሴስ። ሄ አማኒያ አሳይ ባንታ አማኑዋን ሚናና ሜላ ኤንታ ሚንሉሌስ። ኢ ሄሳን ሂቩ እይፊ ቆፋታ ዋናዬዲ ቤሴስ።

- 1. ዩሱሲ ባ ኤኪዳ ሜቱዋን አዋስ ቱማ ኪቲቲዳ ሜሪና ያሳ ናሞ። ኢ ያሳ ናሞ ጊዲዳ ጊሾ ጋልፃ ጫቁዋ ዎዴ ዳዒያ ናቤታ፣ ኪታንቸታ፣ ሙሴ፣ ሙሴ፣ ሙሴ ስፋ።
- 2. ዩሱሲ ጋልፃ ጫቁዋ ካሂንታ፣ ዳር አጁያ ሜሪና ካሂኔ ጊደይሳ ያሳይ ባ ሁዓን ማርካቲስ።
- 3. ዩሱሳ ባጋራ አማኒያ አሲ ናጋራ፣ ያሻፊኔ ሃይቆ፣ አቲስ። ዩሱሲ ካሂኔ ሃላቃ ጊደይሳዳ፣ ካሲ ኢብራዊታ አማኖ ዎጋኒኔ ሜሄ ያርሾን ኩያዳ ቤንቲያ አቶቲሳ ሃዒ ቱማ ኦሊስ።

ፃፊይ ኢሰራዔል አሳ ታሪኪን ዳር ኤሪቲዳ አሳ አማኖ ለሚሶ ኦሊ ኤኪዲ (ሺም 11) ሃ ማፃፋ ናባቢያ አሳቲ ባንታ አማኑዋን ሚናና ሜላ እኩኪሲስ። ሄሳዳካ፣ ሺም 7 12 ናባቢይሳቲ ባንታ እይፊያ ዩሱሳ ባላ ዎሊዳ፣ ባንታ አማኑዋን ሚናና ሜላኔ አይ ሜቶይኔ ዋዬይ ጋኪኮካ፣ ኤንቲ ገንጫና ሜላ ዞሪስ። ጠርሱላን ዞሪኒኔ እኩኪሶ ቃላን ባ ኪታ ኩዩስ።

ኢብራዊ ኪታ እይፊ ቆፋታ

- ገሎ ቆፋ፡ ያሳይ ኪሪስቶሳን ቆንጩዳይሳ 1:1-3
- ኪሪስቶሲ ኪታንቸታ፣ ሰላ 1:4-2:18
- ኪሪስቶሲ ሙሴ፣ ኢያሱ፣ ሰላ 3:1-4:13
- ኪሪስቶሳ ካሂኔቴሳይ ሰላ 4:14-7:28
- ኪሪስቶሳ ጫቆይ ሰላ 8:1-9:22
- ኪሪስቶሳ ያርሾይ ሰላ 9:23-10:39
- አማኖ ባይራቴሳ 11:1-12:29
- ያሳ ኡፋይሶ 13:1-19
- አንጅኔ ኩሻ ቆፋ 13:20-25

ናዓይ ኪታንቸታ፣ ሰላ

1 ካሲ ያሳይ፣ ኑ አዎታስ ናቤታ ባጋራ ዲማ ዲማ ኦገን ዳር ዎዴ ኦዲስ። 2 ሺን ሃ ጠርሱሳ ዎዲያን ኡባ ኢያ ላቲሲዳ ቃሲ አላሚያ ኢያ ባጋራ ሜጁዳ ባ ናሞ ባጋራ ኑስ ኦዲስ። 3 ናሞ ያሳ ቦንቸዋ ጸሊላኔ ኩሚሳ ያሳ ያሳቲሳ ኤኪዲ፣ ባ ዎልቃማ ቃላን ሃ አላሚያ ካቲሲዲ ኦይኪስ። አሳ ኤንታ ናጋራ፣ ጌሹዳ፣ ጉዬ ኡባፊ ሰላ ያሳ ኡሻቻ ባጋን ሳሉዋን ኡቲስ።

4 ኢያው አሜቲዳ ሱንሳይ ኪታንቸታ ሱንሳይ ሰላ ጊደይሳዳ ኢ ኤንታፊ ሰላ። 5 ሂዛ፣ ያሳይ ኪታንቸታ፣ ኦዲኮ።

«ኔጌ ታ ናሞ፤
ታ ሃቸ ኔው አዋ ጊዳስ» ጊዴ?
ዎይኮ ቃሲ ኦዲኮ።
«ታኒ ኢያው አዋ ጊዳና፤
እካ ታው ናሞ ጊዳና» ጊዴ?

6 ቃሲ ያሳይ ባ ባይራ ናሞ ሃ አላሚያ ኪቲሹ።
«ያሳ ኪታንቸቲ ኡባይ ኢያው ጎይኖ»
ያጌስ። 7 ያሳይ ኪታንቸታባ ኦዲሹ።
«ያሳይ ባ ኪታንቸታ ጫርኮ።

ባ አይሌታ ታማ ላጮ ኦሊስ»
ያጌስ። 8 ሺን ባ ናሞ ጎዲሹ።
«ያሳው፣ ኔ ካዎቲሳይ ሜሪናው ዳዒስ።
ኔ ካዎቲሳ ኔ ያሉቲሳን አይሳሳ።

9 ኔጌ ያሉቲሳ ደሳዳሳ፤ ኢታ ኢያዳሳ።
ያሳይ፣ ኔ ጎዲይ፣ ኔና ኔ ላጌታ፣ አሊዲ ደሪስ።

ኦፋይሳ ዛይቲ * ኔና ቲዩሰ»
 ያጌሰ። 10 ያሳይ ዛሪዲ፤
 «ጎዳው፣ ኮይሮ ኔኒ ሳባ ሜቆዳሳ፤
 ሳሎቲ ኔ ኩሼ ኦሶ።
 11 ሄሳቲ ኡባይ ቆያና፤
 ሸን ኔኒ ዳና።
 ኤንቲ ኡባይ አፊላዳ ዉራና።
 12 ኔኒ ኤንታ ሳሌናዳ ዓፃና፤
 ቃሲ ኤንቲ አፊላዳ ላሚታና።
 ሸን ኔኒ ኡባ ዎዴ ኔና፤
 ኔ ላይሳይካ ዉራና»
 ያጌሰ። 13 ሸን ያሳይ ኪታንቸታፕ ኦዴኮ፣
 «ታኒ ኔ ሞርኬታ ኔ ቶሆይ
 ዬቆያሶ ኦላና ጋካናው፣
 ሃይሳን ታፕ ኡሻቻ ባገን ኡታ» ጌዴ?
 14 ኪታንቸታ ኡባይ አቶቴሌ ዴማናው ዴዒያ አሳታ ማዳናው ያሳይ ኪቲዳ አያናታ ጌዶኮናዬ?

2

ጌታ አንጆዋ

1 ሄሳ ጊሾ፣ ኑኒ ሲዒዳ ቱማፕ ሃራሶ ኤኬቶና ሜላ ሄ ሲዒዳይሳ ሚንሌዲ ናጋናው ቤሴሰ።
 2 ሂዛ፣ ኪታንቸታ ባገራ ኦዴቲዳ ቃላይ ቱማ ጌዲኮ፣ ኢያ ናቆይኔ ኪቲቶና ኢይይ ፐርዳ ኤሂያባ ጌዲኮ፣ 3 ያቲን፣ ኑኒ ሃይሳ ሜላ ጌታ አቶቴሌ ኢፃሰ ጊኮ፣ ዋኒዲ አታኔ? ኮይሮ ጎዳይ ባ ሁዒን ሄ አቶቴሌ ኦዴሰ፤ ቃሲ ኢያፕ ሲዒዳይሳቲ ኑሰ ጌሸዲ ማርካቲዳሶና። 4 ቃሲ ያሳይ ማላታታን፣ ኦራላባታን፣ ዳማ ዳማ ማላታኒ ባ ሸኒያዳ አሚዳ ጊሻ አያና አሞታታን ማርካቲላ ሚንሌሰ።

ዬሱሲ አሴ ጌዲሰ

5 ያሳይ ሃ ኑኒ ኦዴያ ሲንላፊ ያና አላሚያ፣ ኪታንቸታሰ ሃሪሲቤና። 6 ጌሻ ማፃፋይ ኢሲ ቤሳን ሃይሳዳ ያጌሰ።
 «ኔኒ አሳሰ ቆፓናው አሲ አይቤ?
 ዎይኮ ኔኒ ኢያ ናጋናው ኢ አይቤ?
 7 ኔ ኢያ ኪታንቸታፕ ጉላ ዎዴሰ ጉላዳሳ፤
 ኢያ ሁዒን ቦንቸኔ ሳባ ካላቻ ዎላዳሳ።
 8 ቃሲ ኡባባ ኢያ ቶሀዋፕ ጋርሳን ዎላዳሳ»
 ያጌሰ። ያሳይ ኡባባ ኢያው ሃሪሲያ ዎዴ ኢያው ሃሪቲቦናባይ አይቤካ ባዎ። ሸን ሃዒ ኡባባይ ኢያው ሃሪቲሸን ኑኒ ቤዒቦኮ። 9 ሸን ኑኒ ኪታንቸታፕ ጉላራ ጉዲዳ ዬሱሳ ቤዎሰ። ያሳ አቶ ከሃቴላ ጋሶን ዬሱሲ አሳ ኡባሰ ሃይቁሰ። ኢ ዎዴ ሃይቆ ሃይቁዳ ጊሾ ቦንቸኔ ሳባ ካላቻ ኢያ ሁዒን ዎሊሰ። 10 ኡባባይ ኢያውኔ ኢያ ጋሶን ሜቆቲዳ ያሳይ፣ ዳሮ ናይታ ባራ ቦንቸሳናው ኤንታ አቶቴሌ ሁዒያ፣ ዬሱሳ ዎዴን ፖሎ ኦላናው ኢያው ቤሴሰ።

11 ዬሱሲኔ ሄ ኢ ጌሸዲ አሳ ኡባይ ኢሲ አዋ ናይታ። ዬሱሲ ኤንታ፣ «ታ አሻታ» ጌዲ ዪጋናው ዬላቶናይ ሄሳሳ። 12 ዬሱሲ፣
 «ታኒ ኔ ሱንላ ታ አሻታሰ አዋጃና፤
 ዳሪያ ሸቆዋን ኔና ጋላታና»
 ያጌሰ። 13 ቃሲ ኢ፣ «ታኒ ታ አማኑዋ ኢያ ቦላ ዎላና» ቃሲካ፣ «ያሳይ ታው ኢሚዳ ናይታራ ታ ሃይሳን ዳዒይሰ» ያጌሰ።

14 ናይቲ አሾይኔ ሱሌ ዳዒይሳታ ጌዲያ ጊሾ ዬሱሲካ ኤንታዳ አሴ ጌዲሰ። ኢ ሄሳ ኦሊዳይ፣ ሃይቆ ቦላ ዎላቁ ዳዒያ ያላሂያ ባ ሃይቆዋን ቆይሳናሳ። 15 ቃሲ ባንታ ዳዎ ላይላ ኡባን ሃይቆ ያሻን አይሌቲዲ ዳዒይሳታ አይሌቲላፊ ዎዛናሳ።

16 ቱማ ዬሱሲ ዱዳይ አብራሃሜ ዜሬሌ ማዳናሳፊ አቲን ኪታንቸታ ማዳናሳ ጌዴና። 17 አሳ ናጋራይ አቶ ጌቲታና ሜላ ያሳ ሲንሳን ማሪያኔ አማኔቲዳ ካሂኔ ሃላቃ ጌዲሰ። ሄሳ ጊሾ፣ ኢ ኡባባን ባ አሻታ ዳናናው ቤሴሰ። 18 ኢ ባ ሁዒን ፓጩን ዎዴቲዳ ጊሾ ፓጩቴይሳታ ማዳናው ዳንዳዔሰ።

* 1:9 ኦፋይሳ ዛይቲ፣ ኢ ካዎፕያ ዎዴ አሳይ ኦፋይሳን ኢሊሊዲ ኢያ ካዎሌሳ ቤሴሰ። 1:10 ማዝ 102:25-27
 1:13 ማዝ 110:1 2:6 ማዝ 8:4-6 2:12 ማዝ 22:22 2:13 ኢሳ 8:17-18 2:16 ኢሳ 41:8-9

3

ዬሱሲ ሙሴ፤ ጦላ

1 ሄሳ ገሹ፣ ያሳይ ይገደ ገሻ አሻቶ፣ ኑ አማኖን ጎዳ ገዲ ይገያ ሃዋሪያኔ ካሂኔ ሃላቃ ዬሱሳ ቤዒቲ። 2 ሙሴይ ያሳ ኬላ ኡባን አማኔተዳይሳዳ ዬሱሲካ ባና ደሪዳ ያሳሰ አማኔተዳይሳ። 3 ኬላ ኬዩይሲ ኬላፌ አዲዲ ቦንቸቲይሳዳ ዬሱሲ ሙሴ፤ ጦላ ዳይያ ቦንቸ ኤካናው ቤሴሰ። 4 ኢሲ ኢሲ ኬላ ኬዩዳ አሲ ዳዒሰ፣ ሽን ኡባ ገሲሲዳይ ያሳ። 5 ሙሴይ ያሳ ኬላ ኡባን አማኔተዳ አይሌ ገዲዲ፣ ያሳይ ሰንሳፌ ጋናባሰ ማርካ ገዲሲ። 6 ሽን ኪሪሰቶሲ ያሳ ኬላን ናዒዳ አማኔተዳይሳ። ኑኒ ኤካና ገዲ ናገያ ኡፋይሳ ሚንሊዲ ናገኮ ያሳ ኬላ ገደሰ።

ያሳ አሳሰ ዳዒያ ሸምፑዋ

7 ሄሳ ገሹ፣ ገሻ አያናይ ገይሳዳ፣
«ሃቺ ሂንቲ ያሳይ ገይሳ ሰዒያ ዎዳ

8 ባዞ ቢታን ፓጩያ ጋላሰ፣
ሂንቲ አዋቲ ማካሊዳይሳዳ፣
ሂንቲ ዎዛና ሚንሳፊቲ።

9 ሂንቲ አዋቲ ታና ፓጩደሶና፤
ኦይታሙ ላይላ ታ ኦሱዋ ቤዒደሶና።

10 ሄሳ ገሹ፣ ታ ሄ ዬሌቲላ ሃንቁታዳ፣
ሒንቲ ኡባ ዎዳ ባንታ ዎዛናን ባሎሶና፤
ታ ኦጊያ ኤሪቦኮና) ያጋሰ።

11 ሄሳ ገሹ፣ ታኒ ታ ሃንቁዋን ጫቃዳ፣
«ታ ሸምፖ ቤሳ ኡባካ ገሎኮና) ያጋሰ»

ያገሰ።

12 ታ አሻቶ፣ ሂንቲፌ ኦዳንካ፣ ዳዎ ያሳፌ ሂንቲና ሻኪያ ኢታኔ አማናና ዎዛኒ ደና ሚላ ናገቲቲ።

13 ሂንቲፌ ኦናካ ናጋሪ ባሌሲን፣ ባ ዎዛና ሚንሳና ሚላ «ሃቺ» ያገቲዲ ይገቲሽን ጋላሰ ጋላሰ ኢሶይ ኢሱዋራ ዘሬቲቲ። 14 ኑ ኮይሮ አማኑዋ ኑኒ ወርሴላ ጋካናው ሚንሊዲ ናገኮ፣ ኪሪሰቶሳራ ኢሲፌ ላታና። 15 ገሻ ማፃላን፣

«ሃቺ ያሳይ ገይሳ ሂንቲ ሰዒያ ዎዳ
ሄ ዎዳ ኢንቲ ማካላቲላን ሃኒዳይሳዳ፣
ሂንቲ ዎዛና ሚንሳፊቲ»

ያገሰ።

16 ያሳይ ገያባ ሰዒዲ ማካሊዳይ ኦኔ? ሙሴይ ገብዩፌ ካሌላ ኬሲዳ ኡባ ገደኮናዬ?

17 ያሳይ ኦይታሙ ላይላ ኦና ሃንቁቲዳ? ናጋራ ኦሊዳይሳታኔ ኤንታ ኦሃይ ባዞ ቢታን ዎዳ ኦቲዳ አሳታ ገደኮናዬ? 18 ቃሲ ያሳይ፣ «ታ ሸምፖ ቤሳ ገሌኬታ» ያገዲ ጫቁዳይ፣ ኢያው ከቲቶና ኢዲዳ አሳፔ ኦቲን ኦዴሲ? 19 ሂዛ፣ ኤንቲ ሄ ሸምፖ ቤሳ ገሎና ኦቲዳይ አማኒሶና ገሹ ገይይሳ ኑ ቤያሰ።

4

1 ሂዛ፣ ያሳይ ኑና ባ ሸምፖ ቤሳ ገልሳና ገዲ ቃላይ ቡሮ ሰንሳፌ ዳዒያ ገሹ ሂንቲፌ ኦኒካ ሄ ሸምፖ ቤሳ ገሎና አቶና ሚላ ናገቶሰ። 2 ኤንታው ዎንገላይ ሳባኪቲዳይሳዳ፣ ኑሰካ ሳባኪቲሰ። ሽን ኤንቲ ሰዒዳባ አማኒዲ ኤኪቦና ገሹ ኤንታ ጎዒቤና። 3 ገደሽን፣ አላሚይ ሚዴቶባቲ ደሚዲ ያሳ ኦሶይ ፖሊቲዳይሳ ገዲኮካ፣ ያሳይ፣

«ታኒ ታ ሃንቁዋን ጫቃዳ፣
ታ ሸምፖ ቤሳ ኡባካ ገሎኮና»

ገዳይሳዳ፣ ኑኒ አማኒዳይሳቲ ኢያ ሸምፖ ቤሳ ገላና። 4 ላፑንላ ጋላሳባ ኢሲ ቤሳን፣ «ያሳይ ላፑንላ ጋላሳን ባ ኦሶ ኡባፌ ሸምፐሰ» ያገሰ። 5 ቃሲካ ሄ ቤሳን፣ «ኤንቲ ታ ሸምፖ ቤሳ ኡባራካ ገሎኮና» ያገሰ። 6 ኮይሮ ዎንገላ ሰዒዳይሳቲ ከቲቶና ኢዲዳ ሸምፖ ቤሳ ገሌቦኮና። ያኒያ ገሹ፣ ሃዒካ ሄ ሸምፖ ቤሳ ገላና ኢሲ ኢሲ አሳቲ ዳዎሶና። 7 ሄሳ ገሹ፣ ያሳይ፣ «ሃቺ» ገዲ ያገሼ ኢሲ ጋላሰ ኑሰ ቃንዲሰ። ዳሮ ዎዴፔ ጉዬ ያሳይ ዳዊቲ ባጋራ፣

«ያሳይ ገያባ ሃቺ ሂንቲ ሰዒያ ዎዳ
ሂንቲ ዎዛና ሚንሳፊቲ»

ያገደ ጸደቀ። 8 ኢየሱይ እንታው ሸምጥዋ አሟደባ ገዲያኩ፣ ያሳይ ሃራ ጋላሳባ ጉዩ፤ ጸደቀኝ።
9 ሃዛ፣ ያሳ አሳስ ሳምባታ ሸምጥሮ ናገቲዲ ዴዔ። 10 ያሳ ሸምጥ ቤሳ ገሊያ ኦኒካ፣ ያሳይ ባ ኦሱዋ፤ ሸምጥዲሳዳ አካ ባ ኦሱዋ፤ ሸምጥ። 11 ሃሳ ገሾ፣ ኦኒካ ሄ አሳ ከቲቴላ ኢጹዋ ካሊዲ፣ ከኑዶናዳ ያሳ ሸምጥ ቤሳ ገላናው ሚናሰ።

12 ያሳ ቃላይ ዴዔኑ ኦሊዳ። ናምዑ ባጋራ ቃራቲዳ ማሻፈ አጂዲ ኦሎ። ኢ ሸምጥ፣ ኣያና፣ ያጸኔ ኮሊዜ ጋካናው ካንሲዲ ጫዴ። ቃሲ አሳ ዋዛናን ዴዔያ ገሚዳ ቆፋኔ አጹዋ ሻኪዲ ፐርዴ። 13 ያሳ ሲንሳፊ ቆሴቲያባይ ኣይባ ሜዴቴላካ ባዋ። ኢያ ኣይፊ ሲንሳን ኡባባይ ቆንጩኔ ካሎ ዴዔ። ኦኒ ዛር አማናው ቤሴይ ኢያ ሲንሳና።

ገታ ካሂኔ ሃላቃ ዩሱሳ

14 ሃዛ፣ ሳሎ ከዪዳ ገታ ካሂኔ ሃላቃይ፣ ያሳ ናባይ ዩሱሱ፣ ኮሰ ዴዔያ ገሾ ኦ አማኑዋ ማንሲዲ ናገሰ። 15 ኦ ካሂኔ ሃላቃይ ኦ ዳቡሪያ ዋዴ ኮሰ ቃዴታናው ዳንዳዔይ። ኢ ናጋራ ኦሊቤና፣ ሸን ኦዳ ኡባባን ፓጩተሰ። 16 ሃዛ፣ ማርቲሳ ኤካናውኔ ማዴ ኮሺያ ዋዴ አዶ ከሃቴሳ ዴማናው አዶ ከሃቴሳይ ዴዔያሱዋ ያሳ ኣራታኮ ያኖና ሸቆሰ።

5

1 ኢሲ ኢሲ ካሂኔ ሃላቁ አሳ ገደፊ ዶሬቲዲ፣ ያሳራ ጋሊያባን አሳ ገሾ አምታኔ ናጋራ ያርሾ ያርሻናው ሹሜቲሰ። 2 ኢ ባ ሀዳን ዳቡራንሻ ገዲያ ገሾ ኤርናይሳታሲኔ ባሌይሳታሰ ቃዴታናው ዳንዳዔይ። 3 ኢ ባ ናጋራ ገሾኔ ኣሳ ኡባ ናጋራ ገሾ ያርሾ ያርሻናው ቤሴይ ሃሳ።

4 ኦኒካ ሃ ቦንቹዋ ባው ኤካናው ዳንዳዔና፣ ሸን ኣርኒ ካሂኔ ሃላቃ ገዲናው ዪገቲዳይሳዳ ያሳን ዪገታናው ቤሴሰ። 5 ሃሳዳካ፣ ከሪሰቶሲ ካሂኔ ሃላቃ ገዲያ ቦንቹዋ ባው ኤኪቤና፣ ሸን ያሳይ ኢያ።

«ኔኒ ታ ናባ።
ሃቺ ታ ኔው አዋ ገዳሰ»

ያገሰ። 6 ቃሲ ሃራሶን፣
«ማልኬዳቄይ ካሂኔ ገዲዳይሳዳ፣
ኔኒ ሜሪናው ካሂኔ ገዳና»

ያገሰ።

7 ዩሱሱ ኣሴ ገዲዲ ሃ ኣላሚያን ዴዔያ ዋዴ ባና ሃይቆፔ አሻናው ዳንዳዔያ ያሳ ዳር ዩሆኒኔ አፋሳን ዋሲሰ። ኢ፣ ኢያ ቦንቹዲ ከቲቴዳ ገሾ ያሳይ ኢያ ዋሳ ሲዒሰ። 8 ዩሱሱ ያሳ ናባ ገዲኮካ ባ ዋዩቲዳ ዋያን ከቲቴላ ታማሪሰ። 9 ሃሳንካ፣ ዩሱሱ ባ ኦሱዋ ፖሊደ፤ ጉዩ ባው ከቲቴያ ኡባይ ሜሪና አቶቴሳ ዴማና ሜላ ጋሶ ገዲሰ። 10 ያሳይ ማልኬዳቄ ሹሚዳይሳዳ ካሂኔ ሃላቃ ኦሊዲ ኢያ ሹሚሰ።

አማኑዋን ዳቡርና ሜላ አሚቲዳ ናገሶ

11 ሃ ኦ ኦዳ ቦላ ጉጂ ሃሳናባይ ዳርባይ ዴዔ። ሸን ሂንቴ ኣከካይ ጉላ ገዲያ ገሾ ሂንቴው ሂዲ ገልሳናው ዋይሴሰ። 12 ሂንቴ ሃናዴ ኣስታማራ ገዳናው ቤሴሰ፣ ሸን ያሳ ቃላ ኮይር ቲሚርቲያ ሂንቴና ዛሪ ታማርሲያ ሃራ ኣሲ ኮሺሰ። ሂንቴ ሚኖ ካሊ ማናው ዳንዳዳ ገሾ ማላ ኮሺሰ።

13 ማላ ፓሂቲያ ኦኒካ ያጋ ናሳ ገዲያ ገሾ ሎዶኔ ኢታ ሻኪ ኤራና፣ 14 ሸን ሚኖ ካላ ሎዶኔ ኢታ ሻኪዲ ኤሪያ ካሃማ ኣሳሳ።

6

1 ሃዛ፣ ከሪሰቶሳባ ታማርሲያ ኮይር ቲሚርቲያ ኣገዲ ከሪሰቶሳን ካሃማቴላኮ ቦሰ። ሃይቆ ኦሶ፤ ሲዋባኔ ያሳ አማናባ ኮይር ቲሚርቲያኮ ጉዩ ሲዋኮ። 2 ሃሳዳካ፣ ዪንቃቲታባ፣ * ከሸ ዋሰባ፣ ሃይቆ፤ ዴንዳይኔ ሜሪና ፐርዳባ ዛሪ ታማርኮ። 3 ያሳይ ገቦ ኦ ሃሳ ኦላና።

4 ኢሲ ቶሆ ፖዩ ፖዲዳይሳታ፣ ሳሎ አምታ ኤኪዳይሳታ፣ ገሻ ኣያናን ሻኪቲዳይሳታ፣ 5 ሎዶ ያሳ ቃላኔ ሲንሳፊ ያና ኣላሚያ ዋልቃ ቤዒዳይሳታ፣ 6 ጉዩ፤ ካዲዳይሳታ ናጋራ፤ ናምዒንሳ ዛራናው ዳንዳዔቴና። ኣይሰ ገቦ፣ ኢንቲ ባንታ ቆዩዋሰ ያሳ ናባ ዛሪ ካቂያ ሜላ ማሰቃሊያ ቦላ ኢያ ካቆሶናኔ ኣሳ ሲንሳን ካሃሾሶና።

4:7 ማዘ 95:7-8 4:8 ዛሬ 31:7፤ ኢያ 22:4 4:10 ሜዲ 2:2 5:3 ለዋ 9:7 5:4 ከሳ 28:1 5:5 ማዘ 2:7 5:6 ማዘ 110:4 5:7 ማቶ 26:36-46፤ ማር 14:32-42፤ ሉቃ 22:39-46 5:12 1ቆር 3:2 * 6:2 ዪንቃቲታባ፣ ሃ ቤሳን ዪንቃቲታባ ጌቲቲዳይ ዴማ ዴማ ገሾ ዋጋታባ ኦዳና።

7 ኡባ ዋዴ ኢ ቦላ ቡኪያ ኢራ ኡያዳ፣ ጎዬዳ ኡራ ማዲያ ካላ ኢሚያ ቢቲያ ያሳን ኢንጃቲዳር።
8 ሺን ኢንጎሉኔ ኪንቸቲ ደሊያ ቢቲያ ኢይቢባካ ማዲኩ፤ ኢው ቃንገላይ ማታቲሰ፤ ወርሴላን ፀ-ገታና።

9 ኑ ሲቆ እሻቶ፣ ኑኒ ሃይሳዳ ኦዲያባ ገዲኮካ፣ ሂንቴና ኢቶቴላኮ ካሌሊያ ሎዎባይ ሂንቴው ዴዔይሳ ኤርሰ። 10 ያሳይ ሱሬ ፐርዴይሳ። ያሳይ፣ ሂንቴ ኦሊዳ ኦሎቆኔ ካሴ ገዲን ሃዒካ ኢማኔይሳታ ማዲዲ፣ ኢያው ዴዔያ ስቆዋ ቤሲዳይሳ ደገና። 11 ሂንቴ ኡባይ ኡፋይሳን ርጌይሳ ዴማና ጋካናው ሃ ማናቴላ ወርሴላ፣ ጋካናው ቤሳና ማላ ኑ ኢሞቶሰ። 12 ሂንቴ ኢማናኒኔ ዳንዳዓን ርጌያ ኡፋይሳ ላቲያ ኢሳ ዳናና ማላፔ ኢቲን ኢካላ ገዲና ማላ ኮዮኩ።

ያሳይ ኢሚዳ ኡፋይሳይ ሲጁሰና

13 ያሳይ ኢብራሃሜስ ኢማና ገዲ ጫቂዳ ዋዴ ባፔ ኢጁያ ሃሪ ገቲ ባይና ገሾ ባ ሁዒን ጫቂሰ።
14 ኢያኮ፣ «ታኒ ኔና ኢንጃና፤ ኔ ዜራላካ ዳርሳና» ያገሰ። 15 ኢብራሃሜይ ዳንዳዓን ርጌዲ ያሳይ ኢማና ገዲ ኡፋይሳ ኤኪሰ።

16 ኢሲ ጫቂሺ ባፔ ገታቲያ ኡራን ጫቂሰ፤ ሄ ጫቂይ ጌቲቲዳባ ማንሰዲ፣ ፓላማ ኡባ ቴቂሰ።
17 ሄሳ ገሾ፣ ያሳይ ባ ላሚቶና ቆፋ ኡፋይሳ ቃላ ላቲይሳታስ ቆንጩሳናው ኮዬዳ ገሾ ጫቆን ማንሰዲ። 18 ያሳይ ዋርዶቴና። ኢያ ኡፋይሳ ቃላይኔ ጫቂይ፣ ናምባይካ ላሚቶኮና። ሃ ምቡባታን ኑ ሰንላን ዴዔያ ኡፋይሳ ኦይካናው ዳናዳዓና ማላ ገሼ ዴማናው ኢያኮ ባቃቲዳ ኑኒ፣ ዋልቃማ ማንሰዲ ዴማና።

19 ሃ ኡፋይሳይ ኑ ሸምፑዋሰ፣ ማርካቤይ ቃቃናዳ ማንሰዲ ኦይኪያ ቢራታ ማላ። ሄ ኡፋይሳይ ማጋራጃዋሬ ጉዬ ባገን ዴዔያ ገሻ ቤሳ ገሊሰ። 20 ዬሱሲ ማልኬግዲቄ ሹማቴላዳ ሜሪናው ካሂኔ ሃላቃ ገዲዲ፣ ኑ ገሾ ኑፔ ሰንላቲዲ ሄ ቤሳ ገሊሰ።

7

ካሂኒያ ማልኬግዲቄ

1 ማልኬግዲቄይ፣ ሳለሜ ካዋይ፣ ኡባሬ ቦላ ያሳ ካሂኒ። ሄ ማልኬግዲቄይ ኢብራሃሜይ ካዋታ ኦሊ ያኒዲ ሲሚሽን ኢያራ ጋሂቲዲ ኢያ ኢንጃሰ። 2 ኢብራሃሜይ ባ ዲዒዳባ ኡባሬ ኢያው ኢሰራታ ኬሲዲ ኢሚሰ። ማልኬግዲቄ ሰንላይ ኮይሮ «ደሎቴላ ካዋ»፣ ናምባሰ፣ «ሳለሜ ካዋ» ቢርሹላይ፣ «ሳርቴላ ካዋ» ኑሰ። 3 ማልኬግዲቄስ ኢያ ዋይኮ ኢወ ዋይኮ ዛሬ ፓይደይ ባዋ። ኢያ ዬሎቴላስ ደሜላ ዋይኮ ኢያ ዴዐዋስ ወርሴላ ባዋ፣ ሺን ያሳ ናዓ ዳኒዲ ሜሪናው ካሂኔ ገዲሰ።

4 ማልኬግዲቄይ ኢይ ማላ ገቲኮ ቤዒቲ። ኑ ካዋታ ማይዛይ፣ ኢብራሃሜይ፣ ባ ዴዒዳባፔ ኢያው ኢሰራታ ኢሚሰ። 5 ካሂኔ ገዲያ ለዌ ዛሬይ ኢሰራዒሌ ኢሳ፣ ሄሲካ ኢብራሃሜ ዜሬላ ገዲዳ ባንታ እሻታፔ ኢሰራታ ኤካና ማላ ሂጌይ ኪቲሰ። 6 ማልኬግዲቄይ ለዌ ዛሬ ገደና ኢደኮካ ኢብራሃሜፔ ኢሰራታ ኤኪሰ፤ ኡፋይሳ ቃላ ዴዔያ ኢብራሃሜ ኢንጃሰ። 7 ጉላይ ገታን ኢንጃቲይሲ ፓላንሰና።

8 ኢሲ ባጋራ፣ ኢሰራታ ኤኬይሳቲ ሃይቂያ ኢሳታ፣ ሺን ሃራ ባጋራ ኢሰራታ ኤኬይሲ ዴያን ዴዔስ ያገዲ ኦዴቲዳይሳ። 9 ሂዛ፣ ኢሰራታ ኤኪያ ለዌይ፣ ኢብራሃሜ ባጋራ ኢሰራታ ኢሚሰ ጋናው ዳንዳዳቲሰ። 10 ኢይሰ ገኮ፣ ማልኬግዲቄይ ኢብራሃሜራ ጋሂቲያ ዋዴ ለዌይ ዬሎቴሶናባ ገዲኮካ፣ ባ ማይዛ ኢብራሃሜ ጉልባታን ዴዔሰ።

11 ኢሰራዒሌ ኢሳሰ ሂጌይ ለዌ ካሂኔቱላ ባጋራ ኢሚቲሰ። ሃ ለዌ ካሂኔቱላይ ፖሎ ገዲዳባ ገዲያኮ ኢርናይሳ ማላ ገደናሺን፣ ማልኬግዲቄ ማላ ሃራ ካሂኔ ሹማናው ኢይሰ ኮሺዴ? 12 ሂዛ፣ ካሂኔቲ ላሚቲያ ዋዴ ሂጌይካ ቃሲ ላሚታናው ቤሰሰ። 13 ሃ ኑ ኢያባ ኦዲያ ኡራይ ሃራ ዛሬ፤ ኢያ ሹሻፔ ኦኒካ ያርሾ ቤሳን ካሂኔቱላን ኦሊቤና። 14 ኑ ጎዳይ ኢያራ ሹሻፔ ዬዳይሲ ኤራቲዳይሳ። ገደሺን፣ ሙሴይ ካሂንቴባ ኦዲሹ ዬሁዳ ዛሪያባ ኢይባካ ኦዲቤና።

15 ማልኬግዲቄ ማላ ሃራ ካሂኔይ ዬዳባ ገዲያኮ ሃ ኑ ኦዲያባይ ኢጁ ቆንጫና። 16 ኢ ካሂኔ ገዲዳይ ጳዮና ዴዐዋ ዋልቃናፔ ኢቲን ኢያ ማይዛ ሂጌኒይ ዋጋን ገዴና። 17 ገሻ ማፃፋይ፣ «ማልኬግዲቄ ካሂኔቱላ ማላ፣

ኒኒ ሜሪናው ካሂኔ»

ያገዲ ማርካቲሰ። 18 ኮይሮ ሂጌይ ዳቡራንቸኔ ማዶናባ ገዲያ ገሾ ሻሬቲሰ። 19 ሙሴ ሂጌይ ኢይቢንካ ፖሎ ኦላናው ዳንዳዒቤና። ሺን ኑኒ ኢያ ባጋራ ያሳኮ ሸቂያ ኡባሬ ኢጁያ ኡፋይሳ ቃላይ ኑሰ ኢሚቲሰ።

20 ከሪስቶስ ካሂኔ ጊዲያ ዋዴ ያሳይ ጫቁስ፤ ሺን ሃራተ ካሂኔ ጊዲዳ ዋዴ ሄሳ ማላ ጫቆይ ባዋ። 21 ሺን ዬሱሲ ጫቆን ካሂኔ ጊዲስ። ያሳይ ያጊዲ ጫቁስ፤ «ጎዳይ ጫቁስ፤ ኢ ባ ቆፋ ላሚና፤

«ኔኒ ማሪና ካሂኔ» »

ያጊስ። 22 ሃ ጫቁዋ ጋሶን ዬሱሲ ኮስ ኡባሬ አቋያ ቃላ ጫቁዋስ ዋሴ ጊዲስ።

23 ካሂኔቴላን አሉና ማላ ሃይቆይ ኤንታ ዲጊዳ ጊሾ ኮይሮ ካሂኔታ ታይቦይ ዳር። 24 ሺን ዬሱሲ ማሪናው ዳዊያ ጊሾ ኢያ ካሂኔቴላ ሃሪ ላቴና። 25 ሄሳ ጊሾ፣ ኢ ኡባ ዋዴ ኤንታ ጊሾ ጋናታናው ማሪናው ዳዊያ ጊሾ ያሳኮ ኢያ ባጋራ ዬይሳታ ፖሎ አሻናው ዳንዳዔስ።

26 ሂዛ፣ ኮስ ኮሺያባ አሚያ፣ ጊሻይ፣ ቦሬይኔ ቱኒ ባይናይሲ፣ ናጋራንቸታ፣ ሻኬቲዳይሲኔ ሳሉዋፔ አቋዲ ሉቁዳ ካሂኔ ሃላቃይ ኮስ ኮሺስ። 27 ኢ ሃንኮ ካሂኔ ሃላቃታ ማላ ኮይሮ ባ ናጋራ ጊሾ ካሂዲ አሳ ናጋራ ጊሾ ጋላስ ጋላስ ያርሾ ያርሻናው ኮሺና። ኢ ባና ያርሺዳ ዋዴ ዛሬሉና ኦኑን ኢሲ ቶሆ ባሳ ያርሺስ። 28 ሙሴ ሂጌይ ዳቡራንቸ አሳ ካሂኔ ሃላቃ ኦሉዲ ሹሜስ። ሺን ሂጊያፊ ጉዬ ዪዳ ጫቆ ቃላይ ማሪናው ፖሎ ጊዲዳ ያሳ ናባ ሹሚስ።

8

ዬሱሲ ኑ ካሂኔ ሃላቃ

1 ኑኒ ሃሳያ ጊታባይ ሄሳ። ሳሉዋን ኡባሬ ቦላ ያሳ አራታፔ ኡሻቻ ባጋን ኡቲዳ ሃይሳ ማላ ካሂኔ ሃላቃይ ኮስ ዳዔስ። 2 ኢ አሳን ጊዳናሺን ጎዳን ኤቁዳ ቲማ ዲንካኒያን ያሳ ኬላን ኦሴስ።

3 ካሂኔ ሃላቃ ኡባይ አምኔ ያርሾ ያርሻናው ሹሜቴስ። ሄሳ ጊሾ፣ ሃ ካሂኔይ ያርሻናው ኢሲባይ ዳናው ኮሺስ። 4 ሂጌይ ከቴይሳዳ ያርሺያ ካሂኔቲ ዳዊያ ጊሾ ከሪስቶስ ሳባን ዳዊያባ ጊዲያኮ ካሂኔ ጊዳና። 5 ኤንቲ ካሂኔቴላን ኦሉያ ዲንካኒይ ሳሎን ዳዊያሳሰ ለሚሰኔ ኩያ። ሙሴይ ዲንካኒያ ኤሲያ ዋዴ ያሳይ ኢያኮ። «ታኒ ኔና ዳሪያ ቦላ ቤሲዳ ለሚሰቀ ዋላዳ ኦላ» ያጊስ። 6 ሺን ዬሱሲ ጊዳ ጊዲዲ ሲጌሊያ ጫቆይ፣ ኮይሮ ጫቁዋፔ አቋይሳዳ ኢ ኤኩዳ ኦሶይ ኤንታይሳሬ አቋስ። ሄሲ አቁዳይ አቋያ ጫቆ ቃላና።

7 ኮይሮ ጫቁዋን ባሊ ባይናባ ጊዲያኮ ናምባንሎ ጫቆ ኮሺና። 8 ሺን ጎዳይ ኢያ ቦሪዲ፣ ሃይሳዳ ያጊስ። «ታኒ ኢሰራዔሌ አሳራኔ ዪሁዳ አሳራ ኦራላ ጫቆ ጫቁያ ዋይይ ያና።

9 ሄ ጫቆይ ታ ኤንታ አዋታ ጊብቋ ቢታሬ ኩሺያ ኦይካዳ፣ ጎቻ ከሲዳ ዋዴ ኤንታራ ጫቁዳ ጫቁዋ ማላ ጊዳና። ኤንቲ ታ ጫቁዋን አማኔቲቦና ጊሾ

ታኒ ኤንታ ዬጋ ኤንታ ያጌስ ጎዳይ።

10 ሺን ሂዛፔ ጉዬ ኢሰራዔሌ አሳራ ታ ጫቃና ጫቆይ ሃይሳ ያጊስ ጎዳይ።

ታኒ ታ ሂጊያ ኤንታ ጉጊያን ዋላና፤

ኤንታ ዋዛናን ያፋና።

ታኒ ኤንታ ያሳ ጊዳና፤

ኤንቲካ ታ አሴ ጊዳና።

11 ኤንታሬ ኦኒካ ባ ሾሩዋ ዋይኮ ባ ኢሻ፣

ሳዳ ኤራ ያጊዲ ታማርሴና።

ኤንቲ ጉላሬ ጊታ ጋካናው

ኡባይ ታና ኤራና።

12 ታኒ ኤንታ ናቁዋ አቶ ጋና፤

ኤንታ ናጋራ ዛራ ቆፐኬ» ያጊስ።

13 ያሳይ ሃ ጫቁዋ «ኦራሉ» ጊዲ ያጊሼ ኮይሮይሳ ጋልዒሲስ። ሂዛ፣ ጋልዒይኔ ጩጋይ ላያ ዋዳይ ጋኪስ።

9

ሳሎ ጎይኖኔ ሳባ ጎይና

1 ኮይሮ ጫቁዋስ ያሳ ጎይኒያ ዋጋይኔ ሳባ ያሳ ኬላይ ዳዔስ። 2 ዲንካኒይ ኤቁስ። ኢያን ያምፔ ዋሊያ ኮጫይ፣ ያርዳዘይኔ ጎዳ ሲንሳን ዋሊያ ኡይላይ ዳዔስ፤ ሄ ቤሳይ ጌሻ ቤሳ ጌቲቴስ። 3 ናምባንሎ ማጋራጃዋሬ ጉዬ ባጋራ ዳዊያ ቤሳይ ኡባሬ ጌሻ ቤሳ ጌቲቴስ። 4 ኢያ ጊዲን ኢያኔ

ጩዬሲያ ዋርቃ ሳሕይይይ ዋርቃን ሚሸቲዳ ጫቆ ታቦቲይ ዳዔስ። ሄ ጫቆ ታቦቲያን ማናይ ዳዔያ ዋርቃ ዓርይ። እጩዳ እርና ዓምዳይይ ሙሴ ሂጌይ ያፊቲዳ ናምዎ ሎቹ ሹታቲ ዳዖሶና። 5 ሄ ታቦቲያቲያ ሶላ ባጋራ እቶቲላ ካማ ባንታ ቁፊያን ገንሏያ ሶንቾ ከሩቤቲ ዳዖሶና። ሺን ሃዒ ሄ ኦሳ ቆንጩሲዳ ኦዳናው ዳንዳዖኩ።

6 ሄ ኦሳይ ሃይሳዳ ገጊዳፒ ጉዬ። ካሂኔቲ ኦሳ ዋዴ ባንታ ኦሱዋ ኦሳናው ዳንካኒያሰ ኮይሮ ከፊሊያ ጌሎሶና። 7 ሺን ካሂኔ ሃላቃ ዓላሊ ዳንካኒያሰ ናምዓንላ ከፊሊያ ሳይላፊ ኢሲ ቶሆ ጌሎሰ። ኢ ያ ጌሊሽ ባ ናጋራ ጊሾኔ እሳይ ኤርና ኦሳዳ ናጋራ ጊሾ ሱላ ያርሾ ኤኮና ጌሎሰ።

8 ኮይሮ ዳንካኒይ ኤቁዳ ዳዒሺን። ኦሳፊ ጌሻ ቤሳ ኤፊያ ኦጌይ ቡሮ ደዩቲሶናይሳ ጌሻ እያናይ ሃሳን ኤሪሴሰ።

9 ሄሲ ሃ ዋዲያሰ ለሚሶ፤ ያሳሰ እሚቲያ እሞይይ ያርሾይ ጎይኒያ ኦራ ካሃ ጌሻናው ዳንዳዖናይሳ ሃይሲ ቤሴሰ። 10 ሃሳቲ ሙሳባ፣ ኤሻባይ ዳማ ዳማ ሚቻ ዋጋታ ኦዴይሳታ። ኤንቲ ኦራላ ዋጋይ ያና ጋካናው ኦሱቲያ ካሬ ባጋ ዋጋታ።

11 ሺን ከሪሰቶሲ ሃዒ ኦ ዳሚዳ ሎዖባታሰ ካሂኔ ሃላቃ ጊዲዲ ዪሰ። ኢ ጌሊዳ ዳንካኒይ ገታኔ ፖሎ ጊዲዳይሳ። ሄ ዳንካኒይ እሳ ኩሺን ኦሴቲቤና ቃሲ ሃ እሳሚያግ ጊዳና። 12 ከሪሰቶሲ ኦሳፊ ጌሻ ቤሳ ጌሊያ ዋዴ ዳሻ ሱሌይ ማራ ሱሌ ኤኪዲ ጌሊቤና። ሺን ሚሪና እቶቲላ እሚናው ባ ሱላ ኤኪዳ ዛሬሶና ኦጌን ኢሲ ቶሆ ጌሊሰ። 13 ዳሻ ሱላይይ ኮርማ ሱላይ፣ ፀጌቲዳ ኦሳ ቢደይ፣ ቱኒዳ እሳ ሶላ ሳርጩቲዲ ኤንታና ጌሺያግ ጊዲኮ። 14 ሚሪና ጌሻ እያና ባጋራ ሶሬይ ባይና ያርሾ ኦሳዲ፣ ያሳሰ ባና እሚዳ ከሪሰቶሳ ሱላይ፣ ዳዖ ያሳ ጎይናና ሜላ ሃይቆ ካሌሊያ ኦሱዋፒ ኦ ካሃ ዋቲ እሌ ጌሺኔ?

15 ሃሳ ጊሾ፣ ያጌቲዳይሳቲ ያሳይ እሚዳ ሚሪና ላታ ኤካና ሚላ ከሪሰቶሲ ኦራላ ጫቁዋሰ ጊደ ጊዲዲ ስጌሌይሳ ጊዲሲ። ሄሲ ሃኒዳይ እሳይ ኮይሮ ጫቁዋፒ ጋርሳን ዳዒያ ዋዴ ኦሳዳ ናጋራፒ ኤንታና ዋዛናው ኢ ሃይቁዳይሳና።

16 ሃዛ፣ ከኬይ ዳዒኮ፣ ሄ ከኪዳ ኦራ ሃይቆይ ኤሬታናው ኮሺሰ። 17 ከኪዳ ኦራይ ሃይቁኮ ኢያ ከኬይ ሚኔሰ። ከኪዳ ኦራይ ሃይቆና ኦቲኮ ኢያ ከኬይ ኦሳና።

18 ሃሪ እቶሺን፣ ኮይሮ ጫቆይካ ሱሌ ባይና ሚኒቤና። 19 ሙሴይ ሂጌ ከታ ኦሳ እሳሰ ኦዲዳፒ ጉዬ ማራ ሱሌይ ዳሻ ሱሌ ሃላራ ዋላኪዲ፣ ዘዖ ደርሳ እኪሴይ ሃሶጼ ሶንጮ ኤኪዲ፣ ማፃፋ ሶላኔ እሳ ሶላ ወርዒሰ። 20 ሙሴይ እሳኮ፣ «ሂንቲ ናጋና ሚላ ያሳይ ከቲዳ ሱላ ጫቆይ ሃይሳ» ያገሰ። 21 ሃሳዳካ፣ ዳንካኒያ ሶላኔ ኦሳያ ሚሽ ኦሳ ሶላ ሱላ ወርዒሰ። 22 ቱማካ ሂጌይ ጌይሳዳ ጉላባታፒ ኦቲን ኦሳባይ ሱላን ጌዬሰ። ሱሌ ጉኮናሺን እቶቲሌ ባዋ።

ዬሱሳ ፖሎ ያርሹቲላ

23 ሳሉዋባሰ ለሚሶ ጊዲዳይሳቲ ኦሳይ ሚሄ ያርሾን ጌያናው ኮሺሰ። ሺን ሳሎባቲ ባንታ ሁዒን ሃሳፊ እጁያ ያርሹዋን ጌያናው ኮሺሰ።

24 ከሪሰቶሲ ቱማ ያሳ ከላሰ ለሚሶ ጊዲዳ፣ እሳ ኩሺን ኦሴቲዳ ኦሳፊ ጌሻ ቤሳ ጌሊቤና። ሺን ኢ ሃዒ ኦ ጊሾ ያሳ ስንሳን ቤንታናው ሳሉዋ ጌሊሰ። 25 ካሂኔ ሃላቃይ ሳይላን ሳይላን ባ ሱሌ ጊደናይሳ ኤኪዳ፣ ኦሳፊ ጌሻ ቤሳ ጌሌሰ። ሺን ከሪሰቶሲ ዳሮ ቶሆ ባና ያርሻናው ሳሎ ጌሊቤና። 26 ሃሳዳ ያሂዳባ ጊዲያኮ፣ ከሪሰቶሲ እሳሚይ ሚጄቶሳፒ ደሚዲ ዳሮ ቶሆ ዋዩታናው ኮሺሰ። ሺን ሃዒ ዋዲያ ወርሴላን ናጋራ ዲጋናው ባና ያርሺዲ ዛሬሶና ኦጌን ኢሲ ቶሆ ቤንቲሰ።

27 እሲ ኦሳይ ኢሲ ቶሆ ሃይቃናው ሃሳፊ ጉዬ ፐርዳታናው ቤሴሰ። 28 ሃሳዳካ፣ ከሪሰቶሲ ዳሮ እሳ ናጋራ ዲጋናው ኢሲ ቶሆ ያርሹቲሰ። ሺን ኢ ናጋራ ቶካናው ጊደናሺን ባና ናጌይሳታ እሻናው ናምዓንላ ቆንጫና።

10

1 ሙሴ ሂጌይ ያናው ዳዒያ ሎዖባታሰ ኩያፒ ኦቲን ባ ሁዒን ዋና ጊዳና። ሃሳ ጊሾ፣ ሳይላን ሳይላን ፓጩይ ባይና ያርሹቲያ ያርሾይ ጎይናናው ሸቁያ እሳ ፖሎ ኦሳናው ዳንዳዒና። 2 ሂጌይ ኤንታ ፖሎ ኦሳናው ዳንዳዒዳባ ጊዲያኮ ኤንቲ ያርሾ ያርሾይሳ እጋናሺን። ቃሲ ጎይናናው ሸቁያ እሳይ ባንታ ናጋራፒ ጌያና፤ ኤንታ ካሃይካ ኤንታና ባላ ጊዲ ዋቲና። 3 ሺን ሄ ያርሹቲ ሳይላን ሳይላን ናጋራ ቆፊሶሶና። 4 እይሰ ገኮ፣ ኮርማ ሱሌይ ዳሻ ሱሌ ናጋራ ዲጋናው ዳንዳዒና።

5 ሃሳ ጊሾ፣ ከሪሰቶሲ ሃ እሳሚያ ዪዳ ዋዴ ሃይሳዳ ያገሰ።
«ኔጌ ያርሹኔ እሞ ኮያባካ፤
ሺን ታው እሾ ገሊሳዳሳ።

6 ኔኒ ፀጌቲያ ያርሾኒኔ

ናጋራ ያርሾዋን ኡፋይታባካ።

7 ሄ ዋዴ ጥገ ጊሾ ማፃፋን ፃፊቲዳይሳዳ።

ጎዳው፣ ታኒ ኔ ሼኒያ ኦላናው ያሰባ ያገሰ።

ያገሰ። 8 ያርሾይ ያርሾታና ሜላ ሂኔይ ከቲያባ ገዲኮካ፣ ከሪሰቶሲ ኮይሮ፣ «ኔኒ ያርሾኔ እም፣ ፀጌቲያ ያርሾኔ ናጋራ ያርሾ ኮያባካ፤ ኤንታን ኡፋይታባካ» ያገሰ። 9 ካሊዲካ አ፣ «ጎዳው፣ ሂኮ ታኒ ኔ ሼኒያ ኦላናው ያሰባ» ያገሰ። ሄሳ ጊሾ፣ ከሪሰቶሲ ናምግጎሎታ ኡሳናው ኮይሮይሳ ሻሪሰ። 10 ዬሱሰ ከሪሰቶሲ ያሳ ሼኒያ ኦሊዲ፣ ዛሬላና ኦጌን ኢሲ ቶሆ ባ ኣሹዋ ያርሾዲ ጊሾ ኔኒ ጌዪዳ።

11 ካሂኔ ኡባይ፣ ናጋራ ዲጋናው ዳንዳዮና ሄ ያርሾታ ጋላሰ ጋላሰ ያርሾሼ ኡቁዲ ባ ኦሱዋ ኦሊሰ። 12 ሺን ከሪሰቶሲ ኡባ ዋዴሰ ገዲያ ኢሲ ናጋራ ያርሾዋ ያርሾዲ፣ ያሳፊ ኡሻቻ ባጋን ኡጉሰ። 13 ሄ ዋዲያፔ ዶሚዲ ኢያ ሞርኬቲ ኢያ ቶሆይ ዬዲያባ ኦላና ጋካናው ናጌሰ። 14 ኢ ዛሬላና ኦጌን ኢሲ ቶሆ ባና ያርሾዲ ያርሾዋን ጌሻታ ሜሪናው ፖሎ ኦሊሰ።

15 ቃሲ ገሻ ኣያናይ ኦሰ ሃይሳ ማርካቴሰ። ኮይሮ ሃይሳዳ ያገሰ።

16 «ሄ ጋላሳታፔ ጉዬ፣

ታኒ ኤንታራ ጫቂያ ጫቆይ ሃይሳ።

ታኒ ታ ሂጊያ ኤንታ ቆፋን ዋላና፤

ኤንታ ዋዛናን ፃፋና።

ያገሰ። 17 ካሊዲካ፣

«ታኒ ኤንታ ናጋራኔ

ኤንታ ኢታ ኦሱዋ ዛራ ቆገኬ»

ያገሰ። 18 ሃዛ፣ ናጋራ ኣቶ ጌቲቲዳፔ ጉዬ ናጋራሰ ያርሾቲያ ያርሾ ኮሼና።

እኔ ያሳኮ ሸቆሰ

19 ሃዛ፣ ታ ኣሻቶ፣ ኔኒ ዬሱሳ ሱላ ባጋራ ኡባፊ ገሻ ቤሳ ጌላናው ኦሰ ሚናቴሊ ዳዒሰ። 20 ኦ ጌላናይ ከሪሰቶሲ ባ ማጋራጃዋ፣ ሄሲካ ባ ኣሹዋ ባጋራ ኦሰ ዶዪዳ ኦራሊኔ ዳያ ገዲዳ ኦጊያና።

21 ኦሰ ያሳ ከላ ቦላ ሹሜቲዳ ጌታ ካሂኔ ሃላቃይ ዳዒሰ። 22 ኔኒ ኢታ ካሃፔ ጌያናው ኦ ዋዛና ወርጃቲዳ፣ ኦ ኣሳቴላ ጳሎ ሃላን ሜጩቲዳ፣ ሱራ ዋዛናኒ ፖሎ ኣማናን ያሳኮ ሸቆሰ።

23 ኦሰ ኡፋይሳ ቃላ ሰሚዳ ያሳይ ኣማንቲዳይሳ ገዲያ ጊሾ ኦ ማርካቲያ ኡፋይሳ ኡሻቹ ሃዲርሲ ጎና ሚንሉዲ ያይኮሰ። 24 ኢሶይ ኢሱዋ ሰቆሰኔ ሎዎ ኦሰሰ ዋቲ ዳንሉላኔኮ እኔ ቆገሰ።

25 ኢሱቲ ኢሱቲ ሜዜ ኦሊዲ ሸቁይሳ ኣጊዳይሳዳ ኔኒ ኢሲፊ ሸቁይሳ ኣካኮ። ሸን ጎዳ ጋላሳይ ማታቲዳይሳ ሂንቲ ቤዒያ ጊሾ ሄሳ ካሰይሳፊ ኣሊዲ ኦሊቲ።

26 ኔኒ ቱማ ኤራቴላ ኤኪዳፔ ጉዬ ኤሪሼ ናጋራ ኦሊኮ፣ ሃዛፔ ኦ ናጋራ ጊሾ ያርሾታና ያርሾይ ባዋ። 27 ሸን ሃዛ ኣቲዳይ ያሺያ ፐርዳኔ ያሳ ሞርኬታ ፀጋናው ገጊዳ ዋልቃማ ታማ። 28 ሙሴ ሂጊያ ከቲቶና ኢዲዳ ኦኒካ ናምጋ ዋይኮ ሄሹ ኣሲ ኢያ ቦላ ማርካቲኮ ቃቆይ ባይናሺን ሃይቁሰ።

29 ያቲኹ፣ ያሳ ናባ ካጃዳ ኡራይ፣ ባና ጌሹዳ ያሳ ጫቆ ሱላ ቲናባዳ ቆገቲዳ ኡራይ፣ ቃሲ ኣጃ ከሃቴላ ኣያና ጫዪዳ ኡራይ፣ ኣይ ሜላ ኢታ ፐርዳ ኤካናው ቤሲያኮ እኔ ቆገቲ።

30 ሃዛ፣ «ሃሎ ከሶይ ታባ፣ ታ ኩሼ ዛራና» ገዲይሳ ኦ ኤርሰ። ቃሲካ፣ «ጎዳይ ባ ኣሳ ፐርዳና» ያገሰ። 31 ዳያ ያሳ ኩሼን ኩንዳሊ ዳር ያሸሰ።

32 ሂንቲው ያሳ ፖይ ፖዒዳፔ ጉዬ ሂንቲ ዳር ዋዬን፣ ጌታ ባዳን ጌንጩዳ ቤኒ ዋዲያ ቆገቲ። 33 ኢሲ ኢሲ ቶሆ ሂንቲ ኣሳ ሲንላን ጫዬቲዳታ፤ ጎዳቲዳታ፤ ኢሲ ኢሲ ቶሆ ሄሳ ሜላ ዋዬይ ጋኪዳ ኣሳራ ኢሲፊ ዋዪዳታ። 34 ቃሾን ዳዒያ ኣሳሰካ ቃቆቲዳታ። ሂንቲው ሎይን ጳዮና ሻሎይ ሳሎን ዳዒይሳ ሂንቲ ኡራዳ ጊሾ ሂንቲ ሻሎይ ቦንቁቲያ ዋዪ ኡፋይሳን ዳንዳዒዳታ።

35 ሄሳ ጊሾ፣ ጌታ ዋይቶይ ዳዒያ ሂንቲ ሚናቴላ ዩጎፊቴ። 36 ያሳ ሸኒያ ፖሊዲ፣ ኢ ሂንቲው ኣማና ኡፋይሳ ኡካና ጋካናው ጌንጫናው ኮሼሰ። 37 ሃዛ፣ ገሻ ማፃፋን፣

«ኢ፣ ያና ገዲይሲ ያና፤ ጋምዒና።

38 ሸን ታ ዲሎይ፣ ታናን ኣማኔቲዲ ዳና፤

ኦኒካ ጉዬ ሰሚኮ ታና ኡፋይሲና»

ያገሰ። 39 ኔኒ ኣማኔቲዲ ኣቲያ ኣሳ ባጋፊ ኣቲን ጉዬ ሰሚዲ ጳያ ኣሳ ባጋ ገዲኮ።

11

እማኖ

10:11 ከላ 29:38 10:12 ማዘ 110:1 10:16 ኤር 31:33 10:17 ኤር 31:34 10:22 ለዌ 8:30፤ ሃዘ 36:25 10:27 ኣሳ 26:11 10:28 ዛሬ 17:6፤ 19:15 10:29 ከላ 24:8 10:30 ዛሬ 32:35፤ 36 10:37 ኢብ 2:3-4

1 እማናይ ጉሳይ፥ ዴማና ገዲ ኡፋይሳን እማኔቲዲ ናጊያባኔ ኑ ቤዮናባ ቤዒያዳ ኦሌዲ ኤኪያባ።

2 ቤኒ አዋቲ እማኖን ያሳፊ ማርካቴሌ ኤኪዶሶና።

3 አላሚይ ያሳ ቃላን ሜጴቲዳይሳ ኑ እማኖን ኤርሰ። ቃሲ ቤንቲያባይ ቤንቶናባ፤ ሜጴቲሰ።

4 አቤሊ ቃዔላይሳፊ አጁያ ያርሾ ያሳስ ያርሼዳይ እማኖና። ያሳይ አቤላ ኢሙዋ ኡፋይቲዲ ኤኪዳ ዋይ ኢ ያሎ ገዲዳይሳ ማርካተሰ። አቤሊ ሃሪ አቶሺን፥ ሃይቁዲካ ባ እማኑዋን ሃዒ ገካናው ኡደሰ።

5 ሄኖኬይ ሃይቆና ሳሎ ቢዳይ እማኖና። ያሳይ ኢያ ኤኪዳ ገሾ ኦኒካ ኢያ ቤዓናው ዳንዳዒቤና። ሄኖኬይ ሳሎ ኤኬታና፤ ሲንሌ ኢ ያሳ ኡፋይሲዳ ኣሲ ገዴይሲ ኦዴቲሰ። 6 እማናይ ባይና ኦኒካ ያሳ ኡፋይሳናው ዳንዳዒና። ያሳኑ ያ ኦኒካ ያሳይ ዴዒይሳኔ ባና ኮዬይሳታስ ዋይቶ ኢሜይሳ እማናናው ኮሺሰ።

7 ኖሄይ ቡር ቤንቶናባስ ያሳይ ኢያው ኦዲዳ ዋይ ያሳስ ያዩዲ፥ ባናይ ባ ሶ አሳ አሻናው እማኖን ማርካቤ ኬይሰ። ያቲዲ ባ እማኑዋን አላሚያ ፐርዲዲ፥ እማኖን ቤንቲያ ያሎቲሳ ያሳፊ ኤኪሰ።

8 አብራሃሜይ ላታ ኦሌዲ ኤካና ቢታ ባና ሜላ ያሳይ ኢያ ያገዳ ዋይ ሃሪ አቶሺን፥ ኢ አው ቢያኮ ኤርና ኢጃኮካ ከቲቲዳይ እማኖና። 9 አብራሃሜይ ያሳይ ኢያው እማና ገዲ ቢታን ቤቲ አሳዳ ዴዒዳይ እማኖና። ያሳይ ሄ እማና ገዴይሳ ኢያራ ኢሲፊ ላታናው ዴዒያ ዩሳቃራኔ ያይቆባራ ዋላ ዲንካኔን ዴዒሰ። 10 ኢ፥ ያሳይ ቆፐዲ ኬጂዳ ያላ ባሶይ ዴዒያ ካታማ ናገሰ።

11 ሳራ ባ ሁዒን ጨሚዳባ ገዲኮካ ኡፋይሲ ኢሚዳ ያሳይ እማኔቲዳይሳ ገዴይሳ ሳራዳ ገሾ ቃንሳታናው ዋልቃ ዴሚዳይ እማኖና። 12 ሄሳ ገሾ፥ ሃይቁዳ ኣሲ ዲና ኢሲ ኡዲያፊ ሳሎ ያለንቶ ሜላኔ አባ ጋፃን ዴዒያ ታይቦይ ባይና ሻፊ ሜላ ዜሪሳይ ዬሌቲዶሶና።

13 ሄ አሳ ኡባይ ባንታው ጌቲቲዳ ኡፋይሳ ቃላ ኤኮና እማኖን ሃይቁዶሶና። ሺን ሃሆራ ሄሳ ቤዒዲ፥ ዴሚዳዳ ኦሌዲ፥ ኡፋይሳን ኤኪዶሶና። ቃሲ ኤንቲ ሳንን ኢማሌኔ ቤቲ ኣሲ ገዴይሳ ኤሪዶሶና። 14 ሄሳዳ ገያ አሳይ ባንታ ቢታ ናጌይሳ ቆንጩን ቤሲሰ። 15 ኤንቲ ሄ አገዲ ኬዩዳ ቢታ ጉዬ ቆፐዳባ ገዲያኮ ጉዬ ሲማናው ዳንዳዶሶና። 16 ሺን ሃዒ አጁ ሎዒያ ሳሎ ቢታ ላሞቶሶና። ሄሳ ገሾ፥ ያሳይ ኤንታው ካታማ ገሊሲዳ ገሾ «ኤንታ ያሳ» ጌቲቲዲ ያጌታናው ዬላቴና።

17 አብራሃሜይ ፓጩቲዳ ዋይ ዩሳቃ ያርሼዳይ እማኖና። ሄ ኡፋይሳ ቃላ ኤኪዳ አብራሃሜይ ባ ኢሲ ናዓ ያርሻናው ገሊሰ። 18 ያሳይ አብራሃሜኮ፥ «ኔ ዜሪሳይ ዩሳቃ ባጋራ ያጌታና» ያገዲ ኦዲሰ። 19 ያሳይ ሃይቆፔ ዴንላናው ዳንዳዒይሳ አብራሃሜይ እማኒዳ ገሾ ዩሳቃ ሃይቆፔ ፓጂ ዴንዲዳዳ ኦሌዲ ዛሪ ኤኪሰ።

20 ዩሳቃ ዋይፕ ሃናናባ ኤሪዳ ያይቆባኔ ኤሳዌ አንጂዳይ እማኖና።

21 ያይቆቢ ሃይቃና ሃኒሹ፥ ኢሲ ኢሲ ዮሴፋ ናይታ አንጂዳይኔ ጉፊ ቦላ ካቲዲ ሳይኒዳይ እማኖና።

22 ዮሴፊ ሃይቃናው ማቲዳ ዋይ ኢሰራዔሌ አሳይ ገብጻፊ ኬያናዳይ ኦዲዳይኔ ባ ሜቁላ ኦሳባ ኤንታ ከቲዳይ እማኖና።

23 ሙሴይ ዬሌቲዳፔ ጉዬ ኢያ አያኔ ኢያ አዋይ ማላ ሎዖ ናዓ ገዲዳይሳ ቤዒዲ ሄቩ አኑና ቆቲዳይ እማኖና፤ ኤንቲ ካወዋ አዋጁዋ ያዩቦኮና።

24 ሙሴይ ዲጪዳፔ ጉዬ ገብጻ ካወዋ ናዒ ናዓ ጌቲታናይሳ አጃዳይ እማኖና። 25 ሙሴይ ናጋራን ጉላ ዋዴስ ኡፋይታና፤ ያሳ አሳራ ዋይ ኤካናይሳ ዶሪሰ። 26 ኢ ዋዴፔ ዴማና ዋይቲዋ ቲሺ ኦሌዳ ያሊዳ ገሾ ገብጻ ሻሉዋፔ አሌዲ ኪሪሰቶሳ ገሾ ቦሪታናይሲ ዳር አጁያ ዲራቴሌ ገዲዳይሳ ኤሪሰ።

27 ሙሴይ ካወዋ ሃንቁዋ ያዮና፥ ገብጻፊ ኬዩዳይ እማኖና። ቤንቶና ያሳ ቤዒዳ አሳዳ ሃኒዳ ባ ቆላን ጌንጪሰ። 28 ሃይቆ ኤሄያ ከታንቾይ ኢሰራዔሌ አሳ ባይራ ናይታ ዋዶና ሜላ ሙሴይ ፋሲካኔ ሱሳ ወርጃላ ዋጋ ኦሌዳይ እማኖና።

29 ኢሰራዔሌ አሳይ ሜላ ቢታራ ሃሙቲያዳ ሃሙቲዲ፥ ዞዖ አባ ፒኒዳይ እማኖና። ሺን ገብጻ አሳይ ጌላናው ፓጪ ቤዒሺን ሃሳይ ኤንታ ሚቲሰ።

30 ኢሰራዔሌ አሳይ ኢያርኮ ካታማ ቩቶ ዲርሳ ላፑን ጋላስ ዩዩዲ፥ ኩንዲሲዳይ እማኖና። 31 ላይሚያ ራዓባ ቢታ ዋቹይሳታ ሞኪዳ ገሾ ከቲቶና አሳራ ሃይቆና አቲዳይ እማኖና።

11:3 ሜ. 1:1፤ ማክ 33:6፤ 9፤ ዮሃ 1:3 11:4 ሜ. 4:3-10 11:5 ሜ. 5:21-24 11:7 ሜ. 6:13-22
11:8 ሜ. 12:1-5 11:9 ሜ. 35:27 11:11 ሜ. 18:11-14፤ 21:2 11:12 ሜ. 15:5፤ 22:17፤
32:12 11:13 ሜ. 23:4፤ 1ታሪ 29:15፤ ማክ 39:12 11:17 ሜ. 22:1-14 11:18 ሜ. 21:12 11:20
ሜ. 27:27-29፤ 39-40 11:21 ሜ. 47:3፤ 48:1-20 11:22 ሜ. 50:24-25፤ ከሳ 13:19 11:23 ከሳ
1:22፤ 2:2 11:24 ከሳ 2:10-12 11:28 ከሳ 12:21-30 11:29 ከሳ 14:21-31 11:30 ኢያ 6:12-21
11:31 ኢያ 2:1-21፤ 6:22-25

32 ሂዛ፣ ሃራ ታ እይ ጎ? ጌዲዮናባ፣ ባራቃባ፣ ሳምሶናባ፣ ዮፍታሂባ፣ ዳዊቲባ፣ ሳሙዔላባ፣ ቃሲ ናቢታባ ኦዳናው ታው ዋዳይ ጌዴና። 33 ኢንቲ አማኖን ካዎቲሳታ ያኒደሶና፤ ዲሎቲሳን አይሲደሶና፤ ያሳይ አማና ጌዳ ኡፋይሳ ኤኪደሶና፤ ጋዎታ ደና ጎርዲደሶና፤ 34 ታማ ዋልቃ ንደሲደሶና፤ ሞርካታ ማሻፌ ኦቲደሶና፤ ባንታ ዳቡራን ሚኒደሶና፤ ኦላን ዋልቃማ ጌዲደሶና፤ ኦላጋ ቶራ ጎዲደሶና። 35 ማጫሳቲ ባንታ ሃይቁዳይሳቲ ሃይቆፔ ፓዲን ኤኪደሶና።

ቃሲ ሃራቲ አጂያ ሃይቆፔ ዳንዲዋ ኤካናው ኮዪዲ ቃሹዋፔ ቢሊታናይሳ ኢዲደሶና። 36 ሃራቲ አሳን ሴሬቲዲ ሊሶን ጋራፊቲደሶና፤ ሃራቲ ሳንሳላታን ቃሹቲዲ ቃሹ ኬሳን ዩፔቲደሶና። 37 ኤንቲ ሱቻን ጫደቲደሶና፤ ማጋዘን ናሞሳ ኬዪዲ ጳልቁቲደሶና፤ ፓጩቲደሶና፤ ማሻን ሃይቁደሶና፤ ኤንታው ኡባባይ ጳዪን ማቶቲደሶና። ደርሳ ኢቴኔ ዳሻ ኢቴ ማዒዲ ዩዪደሶና። 38 ኤንታው ሃ አላሚይ ገንና ኢዲን ባዘ ቢታን፣ ዳሬ ቦላ፣ ጎንጎሎኒኔ ኦላ ጌደን ዩዪደሶና።

39 ያሳይ ኤንታ አማኑዋባ ማርካቲኮካ፣ ሄ ኡባይ ጌቲቲዳ ኡፋይሳ ቃላ ኤኪቦኮና። 40 ያሳይ ኦሲ ሎዎባ ቆፒ ዋሊዳ ገሾ ኤንቲ ኦኒ ባይና ፖሎ ጌደኮና።

12

ያሳይ ኦሲ አዋ

1 ሂዛ፣ ሻራዳ ኑ ዩሹዋን ዳራዳ ሃይሳ ሚላ ማርካቲ ኑ ማታን ዳዒያ ገሾ ኑና ጳቢያ ኡባኔ ኦይኪዲ ሃሪያ ናጋራ ዲጊዲ፣ ኑ ሲንሳን ዳዒያ ጋዴ ዋላ ገንጫን ዋዎሰ። 2 ኑ አማኑዋሰ ኦኒ ደዪደይሳኔ ኑ ጩርሳላ ፖሎዋኮ ኑና ጋሊያ ዩሱሳ ቦላ ኑ አይፊያ ዋሰሰ። ዩሱሲ ዋዎፔ ዳዒያ ኡፋይሳ ገሾ ማሰቃሊያ ዋያ ዳንዳዒዲ፣ ዩላ ሃይቁዋ ካጂዲ፣ ያሳፊ ኡሻቻ ባጋን ኡቲሰ።

3 ሂዛ፣ ሂንቲ ደጪዲ ኡፋይሲ ቃንዖና ሚላ ናጋራንቸታ ኢጮዋ ዳንዳዒዳ ዩሱሳ ቆፒቲ። 4 ናጋራራ ዳዒያ ባዲያን ቡር ሱሉ ጉሳና ጋካናው ኤቁቲቤኬታ። 5 ያሳይ ባ ቃላን፣ ባ ናይታዳ ሂንቲና ዘራዳይሳ ደጊደታ።

«ታ ናዓው፣ ያሳ ሴራ ሊቆፋ፤

ኢ ኔና ሴሪያ ዋዴ ኡፋይሲ ቃንዖፋ።

6 ጎዳይ ባ ደሲያ ኡር ሴሬሰ፤

ቃሲ ባ ናዓዳ ኤኪያ ኡባ ጋራፊሰ»
ያጌሰ። 7 ያሳይ ሂንቲና ባ ናይታዳ ሴሪያ ዋዴ ገንጪቲ፤ አዋይ ሴርና ናዒ ኦኔ? 8 ያሳይ ባ ናይታ ኡባ ሴሬሰ፤ ሂንቲ ሴሬቶና ኢዲኮ ቲማ ኢያ ናይታ ጌደናሽን ባላኮ ናይታ። 9 ቃሲ ኑና ዩሊዳ ኑ አዋቲ ኑና ሴርሶና፤ ኑካ ኤንታና ቦንቸሰ። ያቲን፣ ኦኒ ኑ አያና አዋሰ ዋኒዲ አላ ሃራቶኮ? 10 ሂዛ፣ ኑ አዋቲ ባንታው ሎዎ ዳኒዳ ሚላ ጉሳ ዋዴሰ ኑና ሴሪደሶና፤ ሽን ያሳይ ኑ ጎሳሰ፣ ኑ ኢያ ገሻቲላን ሻኬታና ሚላ ሴሬሰ። 11 ኦኒ ሴሬቲያ ዋዴ ዩሎዬሲፔ ኦቲን ኡፋይሴና። ሽን ጉዬፔ ሴሬቲላ ሚዜቲዳ ኦሳሰ ሴራይ፣ ሳርይ ኩሚዳ ዲሎቲላ ኦይፊ ኦይፊሴሰ።

ዘሬኔ ናጊሶ

12 ሂዛ፣ ሂንቲ አርጋጪዳ ቁሲያኔ ሂንቲ ዳቡራዳ ጉልባታ ሚንሊቲ። 13 ዋቤይ ፓዖና ሚላፔ ኦቲን አላ ሚቆና ሚላ ሂንቲ ቶሁዋሰ ሱሬ ኦኒ ገሊሲቲ።

14 አሳ ኡባራ ሳር ዳሬኤ ገሻቲላን ሳናው ሚኒቲ፤ ገሻቲላ ባይና ኦኒካ ጎዳ ቤዓናው ዳንዳዒና። 15 ሂንቲፊ ኦዳሰካ ያሳ አጼ ኬሃቲላይ ፓጮናዳ፣ ቃሲ ጫዋ ኦይፊ ኦይፊዲ ዳር አሳ ቲኒሲያኔ ጳይሲያ ዙሬላዳ ጌደና ሚላ ናጌቲቲ። 16 ሂንቲ ጌደን ላይማቲያ አሲ ዋይኮ ኢሲ ቶሆ ሚያ ካሳሰ ባ ባይራቲላ ቶቸዲ ባይዚዳ ኡሳዌ ሚላ አሲ ደና ሚላ ናጌቲቲ። 17 ጉዬፔ ኡሳዌይ ሄ ካንጂዋ ኤካናው ኮዪዳ ዋዴ ዳጌቲዳይሳ ኡሬታ። ኢ ሄ ኦንጂዋ አፋላን ሚኒዲ ኮይኮካ፣ ዳማናው ዳንዳዒቤና፤ ኢ ናጋራፔ ሲማናው ቃዳ ዳሚቤና።

18 ሂንቲ ኩሽን ቦሽቲያ ሰና ዳሪያኮ፣ ኢዲያ ታማኮ፣ ጳማኮ፣ ጫጋናኮ፣ ጎቲያኮ፣ 19 ሞይዚያ ዋሱዋኮ ዋይኮ ቃላይ ሲዎቲያ ቤሳኮ ዩቤኬታ። ሄ ቃላ ሲዒዳ ኦሳይ ሃራ ጉዠ ቃላ ሲዮና ሚላ ዋሲደሶና። 20 አይሰ ገኮ፣ «ሃሪ አቶሽን፣ ደዒ ሄ ዳሪያ ቦሻኮ፣ ሹቻን ጫደቲዲ ሃይቆ» ያጊዳ ኪታ ኤንቲ ቶካናው ዳንዳዒቦኮና። 21 ሄ ሃኒያባይ ዳር ዳጋንሊያባ ጊዲዳ ገሾ ሙሴይ፣ «ታኒ ያሻን ኮኮራሰ» ያጊሰ።

22 ሽን ሂንቲ ያዩኔ ዳሪያኮ፣ ዳዎ ያሳይ ዳዒያ ዩራሳላሚ ካታማኮ፣ ኢሲፊ ሸቁዲ ኡፋይቲያ ዳር ሙኩሉ ኪታንቸታኮ ሳሊዋ ዩዴታ። 23 ኤንታ ሱንሳይ ሳሎን ያፊቲዳ ዋሳ ኬላ ባይራ ናይታኮ።

11:32 ሃራ 6:11-8:32፤ 4:6-5:31፤ 13:2-16፤ 11:1-12፤ 1ሳሙ 16:1፤ 1ካዎ 2:11፤ 1ሳሙ 1:1-25 11:33 ዳኔ 6:1-27 11:34 ዳኔ 3:1-30 11:35 1ካዎ 17:17-24፤ 2ካዎ 4:25-37 11:36 1ካዎ 22:26-27፤ 2ታሪ 18:25-26፤ አር 20:2፤ 37:15፤ 38:6 11:37 2ታሪ 24:21 12:5 አዮ፤ 5:17፤ ለሚ 3:11-12 12:12 አሳ 35:3 12:13 ለሚ 4:26 12:15 ዛሬ 29:18 12:16 ሜዶ 25:29-34 12:17 ሜዶ 27:30-40 12:18 ዛሬ 4:11-12፤ 5:22-27፤ ኬሳ 19:16-22፤ 20:18-21 12:20 ኬሳ 19:12-13 12:21 ዛሬ 9:19

አሳ ኡባ ፐርዲያ ያሳኩ፣ ፖሎ ጊዲዳ ያሉ አሳ አያናታኮ ዪዳታ። 24 ኦራላ ጫቁዋሰ ጊደ ጊዲዲ ሲጌልያ ዩሱሳኮ፣ አበላ ሱላፌ አጂያባ ኦዲያ ወርዳታዳ ሱሳኮ ዪዳታ።

25 ሂንቲው ኦዲያ ኡራ ቃላ ኢፃሰ ጎና ሜላ ናጌቲቲ። ካሴይሳቲ ሳባን ጊዲዲ ኦዲዳ ኪታ ሲያና ኢፃዳ አቲቦናባ ጊዲኮ ያቲን፣ ሳሎን ጊዲዲ ኦዲያ ቃላ ኦኒ ኢፃሰ ገኮ ዋኒዲ አታኒ?

26 ሄ ዋዴ ኢያ ቃላይ ሳባ ቃሊስ። ሺን ሃላ ታኒ፣ «ሳባ ያላላ ጊደናሺን ኢሲ ቶቦ ዛራዳ ሳላዋካ ቃላና» ያገሰ። 27 «ኢሲ ቶቦ ዛራዳ» ጊያ ቃላይ ቃዖናባይ ሚኒዲ ዳና ሜላ ቃዲያ ሜጴቲዳባቲ ጳያናይሳ ቤሴስ።

28 ኦኒ ቃዖናው ዳንዳዳና ካዎቲላ ኤኪያ ጊሾ ያሳ ጋላቶስ፤ ያሳ ኡፋይሲያ ኦኒን ቦንቾኒኔ ያሻቲላን ኢያ ጎይናስ። 29 ሂዛ፣ ኦ ያሳይ ቲማ ፀጊያ ታማ።

13

ወርሴላ ዘሪ

1 አማኒያ አሳዳ ኢሰይ ኢሱዋራ ፖሎ ሲቲቲ። 2 አማሌ ሞኪይሳ ደሳገቲ። ኢሲ ኢሲ አሳቲ ሃሳዳ ኦሊሼ ኤሮና ኪታንቾታ ሞኪደሶና። 3 ቃሾን ዳዲይሳታ ሂንቲካ ኤንታራ ኢሲፌ ቃሾን ዳዲያዳ ኦሊዲ ኤንታና ቆገቲ። ዋዬ ኤኪያ አሳራ ኢሲፌ ሂንቲካ ዋዬ ኤኪያዳ ኦሊዲ ኤንታና ቆገቲ።

4 ኤኮይኔ ጌሎይ አሳ ኡባ ማታን ቦንቾቲዳባ ጊደ። ቃሲ ያሳይ ላይማቲይሳታኔ ላሜይሳታ ፐርዳናው ዳዲያ ጊሾ አዘናይኔ ማቾያ ኢሰይ ኢሱዋሰ አማኒታናው ቤሴስ።

5 ሚሼ ሲቆጅ ሂንቲና ናጌቲ፤ ሂንቲው ዳዲያባን አለቲ። ያሳይ፣ «ታኒ ኔና ኡባራካ ዩጌኬ ወይኮ አገኪ» ያገሰ። 6 ሃሳ ጊሾ፣ ኦኒ አማኒቲዲ፣ «ጎዳይ ታና ማዴይሳ፤

ታ ያዩኪ፤ አሲ ታና አይ ኦላኔ?»

ያሳስ።

7 ያሳ ቃላ ኮይሮ ሂንቲው ኦዲዳ ሂንቲና ካሌሌይሳታ ቆገቲ። ኤንቲ ዋኒዲ ዳዲዳኮ ኤንታ ዲሳ ቦዲዲ ኤንታ አማኑዋ ካሊቲ።

8 ዩሱሰ ኪሪሰቶሲ ዚኒካ ሃቾካ ሚሪናዉካ ላሚቲና። 9 ዳማ ዳማ ኦራላ ቲሚርቲን ሃራሶ ቢዲ ጳዮጊቲ፤ ቦጊቲ። ኦ ዋዛናይ ያሳ አጼ ኪሃቲላን ሚናናው ቤሴሰገጅ አቲን ሚን ጎየና ካላን ዋጋ ፖሎን ጊደ።

10 ሺን ዲንካኒያ ጊደን ኦሊያ ካሂኔቲ ሄ ያርሾ ካላፌ ማናው ኤንታው ማቲ ባይና ያርሾ ቤሳይ ኦሰ ዳዲስ። 11 ካሂኔ ሃላቃይ ናጋራ ያርሾሰ ሜሄ ሱላ ኤኪዲ ያርሻናው ኡባፌ ገሻ ቤሳ ጌሊስ። ሺን ሄ ሚሃያ አሹዋ ዳርሳፌ ካሬን ፀጌስ። 12 ሃሳዳካ፣ ዩሱሲ ዳሪያ ናጋራጌ ባ ሱላን ጌሻናው ካታማ ፐንጊያፌ ካሬን ዋዬቲስ። 13 ሂዛ፣ ኦኒ ቦሪያ ቶኪዲ ዳርሳፌ ካሬ ኢያኮ ኪዮስ። 14 ሂዛ፣ ኦሰ ሃይሳን ሚሪናው ዳዲያ ካታማ ባዋ፣ ሺን ኦኒ ያና ካታማ ናገሰ።

15 ሂዛ፣ ዩሱሳ ባጋራ ኡባ ዋዴ ኢያ ሱንላሰ ማርካቲያ ሚቲቲሾ ጋላታ ያርሾ ያሳሰ አሞስ።

16 ሎዖባ ኦሶኔ ሂንቲው ዳዲያባገጅ ማቶቲዳ አሳሰ አሞ ደሳገቲ። ሂዛ፣ ሃሳ ሜላ ያርሾይ ያሳ ኡፋይሲስ።

17 ሂንቲና ካሌሌይሳታስ ኪቲቲቲ፤ ኤንቲ ጊያባ ኦሊቲ። ኤንቲ ባንታ ኦሊያባሰ ያሳ ሲንላን ኦይሼታናው ዳዲያ ጊሾ ሂንቲና ሂሞሶና። ሂንቲ ኤንታው ኪቲቲቲ፣ ባንታ ኦሱዋ ኡፋይቲዲ ኦላና፤ ሄሲ ሃናና ኢፃኮ፣ ኤንቲ አዛኒሼ ኦላና፤ ሄሲ ሂንቲና አይቢባካ ማዳና።

18 ኦሰ ያሳ ዋሲቲ። ኦ ካሃይ ጌሺ፤ ኦ ኡባ ዋዴ ሎዖባ ኦላናው ኮዮስ። 19 ታኒ ሂንቲኮ ኤሊሳዳ ያና ሜላ ሂንቲ ታው ሚንሌዲ ያሳ ዋሳና ሜላ ታ ሂንቲና ሃዳራ ጋይስ።

20 ሳርቲላ ያሳይ፣ ደርሳ ሂሚያ ኦ ጎዳ ዩሱሳ፣ ባ ሚሪና ጫቆ ሱላን ሃይቆጅ ዳንሳዳይሲ፣

21 ኢያ ሺኒያ ኦላና ሜላ ሎዖባ ኡባን ኢ ሂንቲና ዳንጨሲ። ኢያ ኡፋይሲያባ ዩሱሰ ኪሪሰቶሳ ባጋራ ኦናን ያሳይ ኦላ። ዩሱሰ ኪሪሰቶሳ ባጋራ ያሳሰ ሚሪናገጅ ሚሪና ጋካናው ቦንቾይ ጊደ። አማንዲ።

22 ታ አሻቶ፣ ታ ሃ ዳብዳቢያ ሂንቲው ቃንላን ፃፊዳ ጊሾ ሂንቲ ታ ዘሪያ ሳሌቶና ኤካና ሜላ ታ ሂንቲና ዋሳይስ።

23 ኦ አሻይ፣ ፃሞቲዮሲ ቃሾጅ ቢሊቲዳይሳ ኤሪቲ። ኢ ኤሊሲዲ ታኮ ዪኮ ታ ኢያራ ሂንቲና ባዳ ቤዓና።

24 ሂንቲና ካሌሌይሳታኒ አማኒያ ኡባ ሳር ጌቲ። ያለጌ ዪዳ አማኒያ አሳይ ሂንቲና ሳር ያሳሶና።

25 ያሳ አጼ ኪሃቲላይ ሂንቲ ኡባራ ጊደ። አማንዲ።

ያይቆቢ ዓፌዳ ኪታ ጋላ ቆፋ

ያይቆባ ኪታይ፡ አማኒያ አሲ ጋላሰ ጋላሰ ባ ደዐቀ ካሌሌያ ቆፋታ እይኪሰ። ሃ ኪታይ ዓፌቲዳይ፡ ቢታ ኡባን ላሌቲዳ ታማኔ ናምዑ አይሁዳ ዜሪላሳ። ሃ ማፃፋ ዓፌይ፡ ጨንጫቴሌ ኑኒ ኦሶን ፔሺያ ሂላ፡ አማኒያ አሳ ሞኮባኔ ሎዖ ካንደሰ ኦጌ ቤሲያ ኦዳታ ሚሲሌዳ ቆንጨሲሰ።

ያይቆባ ኪታይ፡ ማንቆቴላባ፡ ዱሪቴላባ፡ ፓጩባ፡ ሎዖ ካንደባ፡ ቃናቴባ፡ አማኖባ፡ ሎዖ ኦሶባ፡ ኢንፃርሳ ሃርባ፡ ጨንጫቴላባ፡ ኢሶይ ኢሱዋራ ኦሻባ፡ ኦቶርባ፡ አሽኩቴላባ፡ ሃራ አሳ ቦላ ፐርዳባ፡ ጨቄቴላባ፡ ጌንጫባ፡ ዋሳባኔ አማኒያ አሲ ኦሳናው ቤሲያባ ኡባ ቆሪዳ ዓፊሰ።

ያይቆባ ኪታይ፡ አማኖ ደዖን አማኖይ ኦሶን ፔዲያ ሃናታታ ቆንጨሲዳ ቤሲሰ።

ያይቆባ ኪታ ኣይፌ ቆፋታ

- ሳርሶ 1:1
- አማኖኔ ጨንጫቴሌ 1:2-8
- ማንቆቴሌኔ ዱሪቴሌ 1:9-11
- ፓጩ 1:12-18
- ዖሳ ቃላ ሲሲኔ ኦሶን ፔሾ 1:19-27
- ኣሴ ኣሳፔ ዲማዮ ኮሾናይሳ 2:1-13
- አማኖኔ ኦሶ 2:14-26
- ኢንፃርሲ ሃርባ 3:1-18
- አማኒያ ኣሲኔ ሃ ኣላሚያ 4:1-5:6
- ዲማ ዲማ ዘሬታ 5:7-20

1 ዖሳኔ ጎዳ ዬሱስ ኪሪሰቶሳ ኣይሌይ፡ ያይቆቢ፡ ቢታ ኡባን ላሌቲዳ ታማኔ ናምዑ ሺሻታሰ ከቲዳ ኪታ።

ሳር፡ ኣይ ሚላ ደዓኑት?

አማኖኔ ጨንጫቴሌ

2 ታ ኢሻቶ፡ ሂንቴና ዲማ ዲማ ፓጩይ ጋኪያ ዋዴ ሂንቴ ሎዖባ ደሚዳዳ ኩሚላ ኡፋይሳን ኤኪቴ። 3 ሂንቴ አማኑዋ ፓጩቴላይ ዳንዳዓ ሂንቴው አሚይሳ ኤሬታ። 4 ሂንቴ ወርሲሌ ጋካናው ዳንዳዓኮ ኣይቤ ፓጩይ ባይና ፖሎኔ ኩሚሌ ጌዳታ። 5 ሂንቴፊ ኦዴሰካ ጨንጫቴሌ ጳዩኮ ዖሳ ሞሶ። ኢያው አሚታና፡ ዖሳይ ኦናካ ቦርና ኡባሰ ከሃቴላን አሚያ ዖሴ። 6 ሺን ኢ ዋሲያ ዋዴ ሲቶና አማኖን ዖሳ ሞሶ። ሲቶያ ኦኒካ ጫርኮይ ሱገን ቃዲያ ኣባ ዙሌ ሚላ። 7-8 ናምዑ ቆፊ ደዓይኔ ባ ኦጊያን ኤቆና ኦኒካ ጎዳፔ ኣይኮካ ደማና ጌዲ ቆፖፎ።

ማንቆ ኣሳኔ ዱሪ ኣሳ

9 አማኒያ ማንቆ ኣሳቴ፡ ዖሳይ ኢንታና ቶቄ ኦሊያ ዋዴ ኡፋይቶ። 10 ቃሲ አማኒያ ዱሪ ኣሳቴ ዖሳይ ኢንታና ዘቄ ኦሊያ ዋዴ ኡፋይቶ። ዱሪ ኣሳቴ ጨሻዳ ጳያና። 11 ኣዋይ ባ ሚሻራ ከዬዲ ማታ ሚሊሲን፡ ጨሻይ ቆሌቴሰ፤ ኢያ ሎዖቴላይካ ጳዩሰ። ሂሳዳካ፡ ዱሪ ኣሳቴ ባንታ ኦሶዋን ዳቡሪሾ ጳያና።

ኣሴ ጋኪያ ፓጩያ

12 ሜቱዋ ዖኒዲ ኣቋዳፔ ጉዬ፡ ዖሳይ ባና ሰቄይሳታሰ አማና ጌዲ ቃላ ገሊዳ ደዖ ካላቻ ኤካና ጊሾ ሚቶን ጌንጨያ ኣሲ ኣንጃቲዳይሳ። 13 ኦኒካ ፓጩቴያ ዋዴ «ታና ዖሳይ ፓጩሰ» ጎፖ። ዖሳይ ኢታን ፓጩቴና፤ ቃሲ ኢ ኦናካ ፓጩና። 14 ሺን ኢሲ ኢሲ ኣሲ ባ ኢታ አሙዋን ጎሾቴያ ዋዴኔ ጨሚቴያ ዋዴ ፓጩቴሰ። 15 ሂሳፊ ጉዬ፡ ኣሞቴሌ ቃንሳቴዲ ናጋራ ዬሌሰ፤ ቃሲ ናጋሪ ዲጨዲ ሃይቆ ዬሌሰ።

16 ታ ሲቆ ኢሻቶ፡ ጨሚቶፊቴ። 17 ሎዖ አሞይኔ ኩሚላ ኣንጅ ኡባይ ሳሎፔኔ ሳሎዋ ፖዑዋ ሚቋዳ ዖሳ ኣዋፔ ዬሰ። ዖሳይ ኩያዳ ኡባ ዋዴ ላሚቴና። 18 ኦኒ፡ ኢያ ሚቋቴላሰ ኮይሮ ጌዳና ሚላ ኦና ቱማ ቃላን ባ ሺኔን ዬሊሰ።

ሲሲኔ ኦሶ

19 ታ ሲቆ ኢሻቶ፡ ሃይሳ ኣኪኪቴ። ኣሲ ኡባይ ሲዓናው ኤሊሶ፡ ሺን ኦዳታናውኔ ሃንቄታናው ኤሊሶ። 20 ኣሳ ሃንቆይ ዖሳይ ኮያ ያሎቴላ ኤሄና። 21 ሂሳ ጊሾ፡ ቱና ሃናታኔ ኢታቴላ ኡባ ዲጊዲ፡ ዖሳይ ሂንቴ ዋዛናን ቶኪዳ ሂንቴ ሺምቱዋ ኣሻናው ዳንዳዳያ ቃላ ኣዳቴላን ኤኪቴ።

22 ሽን ያሳ ቃላ ኦሶን ፔሺቴፔ እትን ሲሳ ፃላላን ሂንቴና ጨዋፊቴ። 23 ቃላ ሲዲዲ ኦሶና አሲ። ኢ ባ ሶምዑዋ ማሰቶቹን ቢዲያ አሳ ሚላ። 24 ኢ ባ ሶምዑዋ ቢዲዲ ቤስ። ሽን ኢ አይ ዳኒያኮ ኤሌሲ ደገስ። 25 ሽን ኦኒካ አይሌቴላፊ ኬሲያ ፖሎ ሂጊያ አኩካን ቢዲዲ፣ ካሊዲ ናጌ፣ ሲዲዲ ደገና ኦሶን ፔሺያ ኡራይ፣ ባ ኦሶ ኡባን አንጃታና።

26 ባ ኢንፃርሳ ናገና አማኖይሲ ጊያ ኡራይ ባና ጨሚስ፤ ኢያ አማኖይ ሃዳ። 27 ያሳ አዋ ሲንገላን ቦሬይ ባይና ገሻ አማኖይ ሃይሳ፣ አያ አዉ ባይና ናይታኔ አምዔታ ማዶኔ አላሚያ ቴናፔ ባና ናገ።

2

አሴ ሻኩፋ

1 ታ ኢሻቶ፣ ሂንቴ ኑ ቦንሾ ጎዳ ዬሱስ ከራሰቶሳ አማኒያባ ጊዲኮ፣ አሳ ሶምዎ ዪሊዲ አሴ ቦንሾፊቴ። 2 ለሚሶስ፣ ዋርቃ ሚጊደ አሊዲ፣ ሎዎ ማዎ ማዲዲ ዱሬ አሴ ሂንቴ ሸቆዋ ዪሴ። ቃሲ ጨርቃ ማዎ ማዲዲ ማንቆ አሴካ ዪሴ። 3 ሎዎ ማዎ ማዲዲ አዲያ ሂንቴ አሊ ቦንሹዲ፣ «ኔ ሃይሳን ሎዲያ ኦይዲያን ኡታ» ጊዲ፣ ቃሲ ማንቆ አዲያ፣ «ኔ ያን ኤቃ ዋይኮ ሃይሳን ታ ቶሁዋ ማታን ሳዳን ኡታ» ጌታ። 4 ያቴን፣ ሂንቴ፣ ሂንቴ ጊደን ሻኬቴሊ ሜይይሳታኔ ኢታ ቆፋራ ዲዲያ ዳይናታ ሜላ ጊደኬቴኖ?

5 ታ ሲቆ ኢሻቶ፣ ሲዲቴ። አማኖን ዱሬ ጊዳና ሜላኔ ባና ሲቆይሳታሰ አማና ጊዳ ሳሎ ካዋቴላ ላታና ሜላ ሃ ሳዳን ዲዲያ ማንቆታ ያሳይ ደሪቤኔዬ? 6 ሽን ሂንቴ ማንቆታ ቶቹታ። ሂንቴና ኡንዱሌይሳቲ ዱሬታ ጊደኮናዬ? ሂንቴና ዳይና ሲንሳ ሳቹይሳቲ ኡንታ ጊደኮናዬ? 7 ሂንቴ ዪጌቴዳ ሎዎ ጎዳ ሱጎሳ ጫዬይሳቲ ኡንታ ጊደኮናዬ?

8 ሽን ገሻ ማፃፋን፣ «አሴ ኡባ ኔና ኔ ደሴይሳዳ ደሳ» ጌቴቴዲ ፃፊቴዳ ያሳ ካዋቴላ ሂጊያ ሂንቴ ፖሊኮ ሎዎ ኦሌታ። 9 ሽን ሂንቴ አሳ ሶምዎ ዪሊዲ ቦንሹኮ፣ ናጋራ ኦሌታ ቃሲ ሂጌይ ሂንቴና ሂጌ ሜንሳዲ አሳዳ ፒርዳና። 10 ኦኒካ ሂጌ ኡባፊ ኢሱዋ ሜንሳዲ፣ አቴዳ ኡባ ናጌኮ ኡባ ሜንሳዲ ታይቤቴስ። 11 «ላሞፋ» ጊዳ ጎዳይ፣ ቃሲ «ዋዶፓ» ጌሰ። ሽን ኔኒ ላሞና አጋዳ ዋዳዳባ ጊዲኮ፣ ሂጊያ ሜንሳዳዳ። 12 አይሌቴላፊ ኬሲያ ሂጊያ ሲንገላን ፒርዳ ኤካናው ዲዲያ አሳዳ ኦይቴቴኔ ኦሌቴ። 13 አሴ ማርና ኦናካ ያሳይ ማርና ፒርዳና። ሽን ማርቴላይ ፒርዳ ያኔስ።

አማኖ ኦሶ

14 ታ ኢሻቶ፣ ሂንቴፊ አሴ አሴ ታው አማኖይ ዲዲያ ጊዲ፣ ባ አማኑዋ ኦሶን ቤሶና ኢዪኮ ኢያ አይ ማዶኔ? ኢያ አማኖይ ኢያ አሻናው ዳንዳዲ? 15 ለሚሶስ አሴ አሻይ ዋይኮ ኢሴ ሚቹያ ካሎቴኮኔ ኡንታው ሚያባይ ቆዩኮ፣ 16 ሂንቴፊ አሴ አሴ ኡንታኮ፣ «ሳር ቤቴ! ታማ ካዪቴ! ካሊዲ ሚቴ!» ጊዲ፣ ኮሺያባ ኡንታው አሞና ኢዪኮ ኡንታ አይ ማዲ? 17 ሃሳ ጊሹ፣ ኦሶይ ባይና አማኖይ ባርካ ሃይቆዳይሳ።

18 ሽን ኢሴ አሴ፣ «ኔው አማኖይ ዲዲያ፤ ቃሲ ታው ኦሶይ ዲዲያ። ኔኒ ኔ አማኑዋ ኔ ኦሱዋፔ ሻካዳ ታና ቤሳ፤ ታካ ታ አማኑዋ ታ ኦሱዋን ኔና ቤሳና» ጋና። 19 ኔኒ፣ ኢሴ ያሳይ ዲዲያሳ አማናሳ፤ ሄሲ ሎዎ። ቱና አያናቲካ አማናሳና፤ ያሻን ኮኮርሶና። 20 ኔና ኤያው! አማኖይ ኦሶፔ ሻኬቴዲ ማዶናይሳ ኡራናው ኮያይ? 21 ኑ አዋ አብራሃሚይ፣ ባ ናዓ ዪሳቃ ያርሾ ቤሳ ቦላ ዋሊዳ ዋዳ ባ ኦሱዋን ዪሊቤኔ? 22 ኢያ አማኖይ ኢያ ኦሶይ ኢሴፊ ኦሊዲይሳ ቤዲኪ? ኢያ አማኖይ ኢያ ኦሱዋን ፖሊቴስ። 23 ገሻ ማፃፋይ፣ «አብራሃሚይ ያሳ አማኒስ። ያሳይ ሃሳ ኢያው ዪሎቴሊ ኦሊዲ ታይቤስ» ጊዲይሲ ፖሊቴስ። ቃሲ ኢ ያሳ ዳቦ ጌቴቴዲ ዪጌቴስ። 24 አሴ አማኖ ፃላላን ጊደናሽን ኦሶን ዪሊይሳ ቢዳሳ።

25 ሃሳዳካ፣ ላይሚያ ራዓባ ኢሰራዔሊፔ ከቴቴዳይሳታ ሞካዳ ሃራ ኦጌራ ኡንታ ሞይዚዳ ዋዳ ባ ኦሱዋን ዪሊቤኔ?

26 ሸምፖይ ሻኬቴዳ አሳቴላይ ሃይቆ ጊዳይሳዳ፣ ኦሶይ ሻኬቴዳ አማኖይካ ሃይቆዳይሳ።

3

ኢንፃርሳ ናገ

1 ታ ኢሻቶ፣ ሂንቴፊ ዳርቲ አስታማሪ ጊደፖ። ኑ፣ አስታማሪቲ ሃራታፔ አዲያ ፒርዳ ኤካናይሳ ሂንቴ ኤሬታ። 2 ኑ ኡባይ ዳርባን ባሊቶስ። ባ ኦዳን ባሊቶና ኦኒካ ባናቴላ ናጋናው ዳንዳዲያ ፖሎ አሴ። 3 ፓራቲ ኦስ ከቴታና ሜላ ቢፃላ ባርሲዲ ኦኒ ኮያ ቤሲ ኡባ ኤፎስ። 4 ማርካቤይ ሃሳ ሜላ ጌታ ጊዲሾ ዋልቃማ ጫርኩዋን ሱጌቴኮካ፣ ኢያ ላጌይሲ ባ ኮያ ቤሲ ዛራዲ ላጊያ ጉላ ሚላን ላጌቴዲ ቤስ። 5 ሃሳዳ ኢንፃርሳ አሳቴላ ጊደን ጉላ ጊዲኮካ ዳር ጌታባን ጨቁቴስ።

ጉላ ታሚ ዳር ገታ ምራ ፀጌሰ። 6 እንግርሲ ታማ ሚላ። እንግርሲ ኑ አሳቴላ ገደን ኢታን ኩሚዳ አላሚ፤ አሳቴላ ኡባ ተኒሲሰ። ጋናሚፕ ኬያ ታማዳ ኑ ደዑዋ ዋሳ ኡባ ፀጌሰ። 7 ደዳታኔ ካርታ፡ ኡሎሮ ጎሽቴይሳታ ኣባን ዳዒያ ሜዴቲሳታ ኡባ አሲ ሃሪሰ፤ እንቲካ ሃሪቲደሶና። 8 ሺን ኦኒካ እንግርሲ ሃራናው ዳንዳቢቤና። እንግርሲ ዋዲያ ማርዘይ ኩሚዳ ሃራቶና ኢታ ሜዴቲላ። 9 ኑ እንግርሳን፣ ኑ፣ ጎዳኔ ያሳ ጋላቶሰ። ቃሲ ኢያራ ያሳ ለሚሶን ሚዴቲዳ አሳ ቃንጎሰ። 10 ኢሲ ደናፕ ጋላቲኔ ቃንጌላ ኬይሰ። ታ አሻቶ፣ ሃሳዳ ሃናናው ቤሰና። 11 ፑልቶይ ኢሲ ኦላፊ ማልዒያ ሃላ፤ ጫሚያ ሃላ ፑልታናው ዳንዳዒ? 12 ታ አሻቶ፣ ባላሴ ሚላ ሻማሆ አይፋናው ዳንዳዒ? ሃይኮ ዋይኔ ሚላ ባላሴ ሚላ አይፊ አይፋናው ዳንዳዒ? ጫዋ ሃላፊ ማልዎ ሃላ ኬያናው ዳንዳዒና።

ሳሎ ጨንጫቴላን ሳዓ ጨንጫቴላ

13 ሃንቴ ገደን ጨንጨን እኩካንቸይ ኦኒ? ባ ሎዎ ደዑዋ፣ አሽኬቴላን ጨንጫቴላን ኦሲቲዳ ኦሲን ቤሶ። 14 ሺን ሃንቴ ዋዛናን ጫሚያ ቃናቴይኔ ባና ደሶይ ደዒኮ ጨቁቶፊቴ፤ ቱማ ቦላ ዋርዶቶፕቴ። 15 ሃሳ ሚላ ጨንጫቴላይ ሳሎፕ ዪዳባ ገደናሺን ሄሲ አሳባ፣ አላሚባ፣ ያላሄባ። 16 ቃናቴይኔ ባና ደሶይ ደዒያ ሶን ኦሺኔ ኢታ ኦሶ ኡባይ ደዎሶና። 17 ሺን ቦላፊ ያ ጨንጫቴላይ ኡባፊ ሲንላ ገሺ። ቃሲ ሳርቴላ፣ ኦዳቴላ፣ ሲዒዲ ኤኬይሳ፣ ቃዴቴይሳ፣ ሎዎ አይፊይ ኩሚዳይሳ፣ አሴ ሻኮናይሳኔ ጨኮቴላ ባይናይሳ። 18 ሳርቴላ ደሴይሳቲ ሳርቴላ ዜራዲ ዊሎቴላ ቡጮሶና።

4

ሃ አላሚያራ ዳቦቶፕቴ

1 ኦሺኔ ኦሊ ሃንቴ ገደ አወፕ ዪ? ኤንቴ ዬይ ሃንቴ አሳቴላ ሃራናው ኦሊቲያ ሃንቴ አሾ አሙዋፕ ገደኔይ? 2 ሃንቴ አሞቴታ፣ ሺን ዳሜኬታ፤ ሃሳ ገሾ፣ ዋዴታ። ሚንላ ኮዬታ፣ ሺን ዳማናው ዳንዳዒኬታ፤ ሃሳ ገሾ፣ ኦዬቴታኔ ኦሊቲታ። ሃንቴ ያሳ ዋሶና ገሾ ኮያባ ዳሜኬታ። 3 ሃንቴ ዋሶታ፣ ሺን ዳሜኬታ። ሃንቴ አሾ አሙዋ ፖላናው ዋቤ ኦኒን ዋሶን ገሾ ዳሜኬታ። 4 ሃንቴና፣ ላይማቴይሳቶ! ሃ አላሚያ ደሴይ ያሳራ ሞርኬ ገደይሳ ኤሬከቴ? ሃ አላሚያራ ዳቦታናው ኮዬይ ኦኒካ ያሳራ ሞርኬ። 5 ገሻ ማፃፋይ፣ «ያሳይ ኦናን ዳና ሚላ ኦሊዳ አያናይ፣ ኦኒ ኢያው ቡዞ ገደና ሚላ አሞቴሰ» ገደይሳ ጮ ገደባ ዳኒ? 6 ሺን ገሻ ማፃፋይ፣ «ያሳይ ኦቶራንቶታ ኢዳሰ፣ ሺን ባንታና ካወሺይሳታሰ ማርቴላ አሚሰ» ያገያ ገሾ ያሳይ ማርቴላ ዳርሲዲ አሚሰ።

7 ሃሳ ገሾ፣ ያሳሰ ሃሪቲቴ፤ ያላሂያራ ኤቁቴቴ፤ ኢ ሃንቴፊ ሃካና። 8 ያሳኮ ሸቁቴ፤ ኢ ሃንቴኮ ሸቃና። ሃንቴና፣ ናጋራንቶቶ፣ ሃንቴ ኩሺያ ሚጨቴቴ፤ ናሞራ ቆፊ ዳዒይሳቶ፣ ሃንቴ ዋዛና ገሺቴ። 9 ካዮቴቴ፣ ዬከቴኔ ኦላዊቴ። ሃንቴ ሚቻይ ዬሆን፣ ሃንቴ ኡፋይሳይ አዛናን ላሚቶ። 10 ጎዳ ሲንሳን ሃንቴናቴላ ካወሺቴ፤ ኢ ሃንቴና ጾቁ ጾቁ ኦላና።

አሳ ቦላ ፐርዶፊቴ

11 ታ አሻቶ፣ ኢሶይ ኢሱዋ ዘገርፐቴ። ባ አሻ ዘገሬይኔ ኢያ ቦላ ፐርዶይ ሃኒ ዘገሬሲኔ ሃኒ ቦላ ፐርደሰ። ኔኒ ሃኒ ቦላ ፐርደኮ ሃኒ ቦላ ፐርደይሳ ገደሳፕ አትን ሃኒ ፖሌይሳ ገደካ። 12 ሃኒ ኢሚይኔ ፐርደይ ያሳ ያላላ። አሻናዉይ ላይሳናው ዳንዳዒይ ኢያ። ያቴን፣ አሳ ቦላ ፐርደያ ኔኒ ኦኒ?

ጨቁቶፊቴ

13 ሃንቴ፣ «ኦኒ ሃቸ ዋይኮ ዋንቶ ያ ካታማ ዋይኮ ሃ ካታማ ባና፤ ያን ላይላ ኡታና፤ ዘልዒዲ ዋዲሳና» ያጌይሳቶ፣ ሲዒቴ። 14 ዋንቶ አይቢ ሃናኒኮ ሃንቴ ኤሬኬታ። ሃንቴ ዳይይ ዋናኒኮ ኤሬይ ኦኒ? ሃንቴ ጉላ ዋዳ ቤንቴዲ ላያ አካ ሚላ። 15 ሃሳ ኦኒዲ፣ «ጎዳይ ገኮ ኦኒ ዳና፤ ሃይሳ ዋይኮ ሃሳ ኦላና» ያጋናው ቤሰሰ። 16 ሺን ሃንቴ ሃዒ ኦቶርቴታኔ ጨቁቴታ። ሃሳ ሚላ ጨቆ ኡባይ ኢታ።

17 ሃሳ ገሾ፣ ሎዎባ ኦላናው ኤሪሾ ኦላና ኡራሰ ሄሲ ናጋራ።

5

ዱሬታሰ አሚቲዳ ዞሬ

1 ሃንቴና፣ ዱሬቶ፣ ሃንቴ ቦላ ኢታ ሜቶይ ያ ገሾ ዬከቴኔ ዘሌሊቴ። 2 ሃንቴ ሻሎይ ቡቁሰ፤ ሃንቴ ኦፊላይካ ቢላን ሜቴቲሰ። 3 ሃንቴ ዋርቃይኔ ሃንቴ ቢራይ ሺሲሰ። ሄ ሺዓይ ሃንቴ ቦላ ማርካ ገደና። ኢ ሃንቴ አሳቴላ ታማዳ ማና። ሃንቴ ሃ ዉሪዳ ቃማታን ሃንቴው ሻሎ ዳጋይታ። 4 ሃንቴ ጋዴን ኦሊ ፔዒዳ አሳ ኬራ ሚሺያ ቃንዊቤከታ። ሄሲ ሃንቴ ቦላ ዋሶሰ። ሄ አሳታ ዋሶይ

ዎልቃማ ጎዳ ሃይላን ሲዔቲስ። 5 ሃ ሳዓን ሂንቴ ኡሎ ፃላላስ ቆፒዲ፣ እንጂን ደዒዳታ። ሹካስ ጊጌቲዳ ማሄዳ ሂንቴና ጲኪዳታ። 6 ሂንቴራ ኤቄታናው ዳንዳዖና ሂሎ አሳ ቦላ ፒርዲዳታ፤ ኢያ ዎጲዳታ።

ገንጫኔ ዎሳ

7 ታ አሻቶ፣ ጎዳይ ያና ጋካናው ገንጨቲ። ጎሻንቾይ ቶርቼ ኢራይኔ ሲላ ኢራይ ያና ጋካናው ገንጨዲ አልዎ ካላ ናጊዲ ዋቲ ጋሲ ኤኪያኮ ቆፒቲ። 8 ሄ ጎሻንቾዎዳ ሂንቴካ ገንጨቲ። ጎዳ ዩሳይ ማታቲዳ ጊሾ ኡፋይሳን ናጊቲ።

9 ታ አሻቶ፣ ያሳይ ሂንቴ ቦላ ፒርዳና ማላ ኢሶይ ኢሱዎ ቦላ ዙዙሞፊቴ። ፒርዳይሲ ፔንገን ኤቄሰ። 10 ታ አሻቶ፣ ዎያን ገንጨዳ፣ ጎዳ ሱንላን ኦዲዳ ናቤታ ለሚሶ ኦላዲ ኤኪቴ። 11 ዳንዳዓን ገንጨዳይሳታ ኮኒ አንጃቲዳይሳታ ጎሰ። እያቤይ ዋኒዲ ገንጨዳኮ ሂንቴ ሲዒዳታ። ጎዳይ ወርሱላን ኢያ ዋቲ ማዲዳኮ ቤዒዳታ። ኢ ማርቲኔ ቃጴይ ኩሚዳ ጎዳ ጊዲያ ጊሾ ሄሳ ኦላሰ።

12 ሺን ኡባፌ ሲንሴ፣ ታ አሻቶ፣ ሳሉዋን ጊዲን ዎይኮ ሳዓን ጊዲን ዎይኮ ሃራ አይቢንካ ጫቆፊቴ። ጎዳ ፒርዳን ሂንቴ ገሎናዳ ሂንቴ ኦዳይ ኤ ጊዲኮ፣ «ኤ» ጊቲ፤ አካይ ጊዲኮ፣ «አካይ» ጊቲ።

13 ሂንቴ ጊደን ሜቶ ኤኪያ ኦኒካ ዳዒኮ ያሳ ዎሶ። ኡፋይቲያ ኦኒካ ዳዒኮ ጋሳታን ዬዎ።

14 ሂንቴፌ ሃርጌቲያ ኦኒካ ዳዒኮ ዎሳ ኬላ ጨማታ ጂጎ። ኤንቴ ጎዳ ሱንላን ሻማሆ ዛይቲ ተዩዲ ኢያው ያሳ ዎሶ። 15 አማናን ዎሲዳ ዎሳይ ሃርጋንቹዎ ፓላና። ጎዳይ ኢያ፣ ሃርጊያፌ ዳንላና፤ ኢ ናጋራ ኦላዲባ ጊዲኮካ ጎዳይ ኢያ ማራና። 16 ሄሳ ጊሾ፣ ሂንቴ ፓፃና ማላ ሂንቴ ናጋራ ኢሶይ ኢሱዎሰ ፓፃቲኔ ኢሶይ ኢሱዎሰ ዎሲቲ። ሂሎ አሳ ዎሳይ ዎልቃማ ኦሶ ኦላሰ። 17 ኤሊያሲ ኑ ሜላ አሴ። ኢሪ ሳዓን ቡኮና ሜላ ሚንላዲ ያሳ ዎሲን ሂቭ ላይሴኔ ኡሱፑን አኾና ሳዓን ኢሪ ቡኪቤና። 18 ዛሪዲ ኢ ያሳ ዎሲን ሳሎፔ ኢሪ ቡኪሰ፤ ሳዓይካ ካላ ሞኪሰ።

19 ታ አሻቶ፣ ሂንቴፌ ኦኒካ ቱማ ኦጊያፔ ቡቲኮ፣ ሃራይ ኢያ ቱማኮ ዛሪኮ፣ 20 ናጋራንቹዎ ኢያ ባላ ኦጊያፔ ዛሪያ ኦኒካ፣ ኢያ ሺሞፑዎ ሃይቆፔ አሼይሳኔ ኢያ ዳሮ ናጋራሰ ማርታ አሜይሳ ኤሮ።

ጳጳርሲ ዓፊዳ ኮይር ኪታ ጋላ ቆፋ

ሃዋሪያ ጳጳርሲ ዓፊዳ ኮይር ኪታይ ያፊተዳይ፡ «ዳሬተዳ ያሳ አሳታ» ጌቲቲ ያጌጉዳይሳታሲ ኑሳ ኢሲያን ፑዳሃ ባገን ላለተዳ አማኒያ አሳሳ። ሃ ኪታ ኣይሬ ቆፋይ፡ አማኖ ጋሶን ሜቶይኔ ዋይይ ጋኪዳ አሳ ሚንጹላናሳ። ሃ ማፃፋ ዓፊዳ፡ ኢያ ሃይቁዋ፡ ኢያ ዳንዱዋ፡ ኢያ ናምሳንጶ ዩሳ ኦዲያ ዩሱስ ኪሪሰቶሳ ዋንጌላ ቃላ ኤንታ ሃሳይሴሰ። ዩሱስ ኪሪሰቶሳ ደዑዋ ለሚሶ ኦሊ ዪሊዲ፡ ሚቲዋ ዳንዳዳን ካንላናዳ ኤንታ ቆፊሴሰ። ሄሳራ ጋሊዲ፡ ሚቶይ ኤንታ አማኑዋ ጌሻቴላ ፓጩዳይሳ፡ «ዩሱስ ኪሪሰቶሲ ቆንጨያ ጋላሰ» ቤሲያ ዋይቶ ኤንቲ ኤካናው ዳዔይሳ ሃሳይሴሰ። ዓፊዳ፡ ኤንቲ ሜቶ ዳንዳዳና ሜላ ሚንጹላይሳ ቦላ ኪሪሰቶሳ ካሊያ አሳቲ ዳዔይሳዳ ዳና ሜላ ቆፊሴሰ።

1 ጳጳርሳ ኪታ ኣይሬ ቆፋታ

ሳርሶ 1:1-2

ዮሳይ ኑስ አሚዳ አቶቲላ 1:3-12

ጌሻቴላ ዱሱ 1:13-2:10

ሜቶ ዋዴ አማኒያ አሳይ ሃናናው ቤሲያባ 2:11-4:19

ጨማታሲኔ ናዓቲላታሰ አሚቲዳ ዙሬ 5:1-11

ኩሻ ቆፋ 5:12-14

1 ታኒ፡ ዩሱስ ኪሪሰቶሳ ሃዋሪይ ጳጳርሲ፤ ጳንዮሳን፡ ጋላቲያን፡ ቃጳደቂያን፡ ኢሲያኒኔ ቢቲኒያን ቤታንቸዳ ላለተዳ ዳዔያ ዮሳይ ዶሪዳ፡ አሳሰ ሃ ዳብዳቢያ ያፋሰ። 2 ዩሱስ ኪሪሰቶሳሰ ሂንቲ ከቲታና ሜላኔ ኢያ ሱላን ጌያና ሜላ፡ ዮሳ አዋይ ባ ካሴ ኤራን ዶሪዳይሳታሲኔ ጌሻ አያናን ጌዬዳ፡ ሂንቲው ኣጼ ከሃቴላይኔ ሳርቲላይ ጌዶ።

ጳዮና ኡፋይሳ

3 ዩሱስ ኪሪሰቶሳ ሃይቆጥ ደንሊዲ ባ ጌታ ማርቲላን ናምሳንጶ ዩሌቴላኔ ጳዮና ኡፋይሳ አሚዳ ኑ ንዳ ዩሱስ ኪሪሰቶሳ አዋይ፡ ዮሳይ ጋላቲቶ። 4 ቃሲ ዮሳይ ሂንቲው ጳዮና፡ ኢቶና፡ ቡቆና ላታ ሳሎን ጊሲሲሰ። 5 ሄ ላታይ ዋዴ ዉርሴላን ቆንጨናው ዳዔያ አቶቲላሰ ዮሳ ዋልቃን አማኖን ሂንቲው ናጌቲዲ ዳዔሰ።

6 ሃዲ ጉላ ዋዴሰ ሂንቲ ዳማ ዳማ ፓጩን ኤንዔቲኮካ ሄሳን ኡፋይቲቲ። 7 ሄ ፓጩይ ሂንቲና ጋኪዳይ፡ ታማን ዩጊን ጳያ ዋርቃፊ ሂንቲ አማኖይ ኣጼኔ ቱማ ጌዳይሳ ቤሳናሳ። ሄ ፓጩቲዳ አማኑዋን ዩሱስ ኪሪሰቶሲ ቆንጨያ ዋዴ ጋላታ፡ ቦንቸኔ ሳባ ሂንቲ ኤካና። 8 ሂንቲ ዩሱሳ ቤዒቤኬታ፡ ሺን ኢያ ሰቄታ። ሂንቲ ሃዲ ኢያ ቤዒቤናባ ጌዲኮካ፡ ኢያ አማኔታ። ቃሲ ኦዲን ቆንጨሳናው ዳንዳዳቶና ኡፋይሳኒኔ ቦንቸን ኩሚዳታ። 9 ሂንቲ አማኖን ናጊያ ሂንቲ ሺምፑዋ አቶቲላ ኤካና።

10 ኣጼ ከሃቴላ ባጋራ ሂንቲው ጊጊዳ ሃ አቶቲላባ ናቤቲ ኤራናው ጌታ ኮሻኒኔ ናንን ኮዪዶሶና። 11 ኤንታን ዳዔያ ኪሪሰቶሳ አያናይ ኢያ ዋያባኔ ሄሳፊ ጉዬ ያና ቦንቸዋባ ካሰቲዲ ማርካቲሹ፤ አዉዳ ዋይኮ ዋኒዲ ሃናኔኮ ኣከካን ፐልጊዶሶና። 12 ናቤቲ ኦዲዳ ቲንቢቲይ ባንታው ጌዶናሺን ሂንቲው ጌዲሳ ዮሳይ ሂንቲው ቆንጨሲሰ። ሃዲ አሳይ ሂንቲው ኦዲዳ ዋንጌላ ሳሎፕ ከቲቲዳ ጌሻ አያና ዋልቃን ሂንቲው ኦዲዶሶና። ከታንቸቲካ ሄሳ ቤዒናው አሞቲዶሶና።

ጌሻቴላን ዳዒቲ

13 ሄሳ ጊሾ፡ ኦሶሰ ሂንቲና ጊሲሲቴ፤ ሂንቲና ሃሪቲ። ዩሱስ ኪሪሰቶሲ ቆንጨያ ዋዴ ሂንቲ ኤካና ኣጼ ከሃቴላ ኡፋይሳን ናጌቲ። 14 ዮሳ ናይታዳ ኢያው ከቲቲቲ፤ ሂንቲ ካሴ ኤርና ኦሊዳ ኢታ አሙዋ ካሎፊቲ። 15 ሺን ሂንቲና ዪጊዳ ዮሳይ ጌሺ ጌዲዳይሳዳ ሂንቲካ ሂንቲ ዱሳ ኡባን ጌሺ ጌዲቲ። 16 ጌሻ ማፃፋን፡ «ታኒ ጌሺ ጌዲዳ ጌሻ ሂንቲካ ጌሺ ጌዲቲ» ጌቲቲ ያፊቲሰ።

17 አሳ ሶምዎ ቤያና ኢያ ኦሱዋዳ ፐርዲያ ዮሳ፡ «ኦ አዋው» ጌዲ ዪጊያባ ጌዲኮ፡ ሃ ሳባ አማላቲላ ዱሳ ያሻን ዳዒቲ። 18 ሂንቲ፡ ሂንቲ አዋታፕ ላቲዳ ፓላና ደዑዋፕ ዋይቲዳይሰ። ጳያ ቤራን ዋይኮ ዋርቃን ጌደናይሳ ኤሬታ። 19 ቦሬይ ዋይኮ ቦርሰባ ሳይና ደርሳ ሱላዳ አልዎ ጌዲዳ ኪሪሰቶሳ ሱላን ዋይኮዳታ። 20 ዮሳይ ኣላሚይ ሚዲታናቲ ካሴ ኪሪሰቶሳ ዶሪሰ። ሺን ሃ ዉርሴላ ዋዲያን ኪሪሰቶሲ ሂንቲ ጊሾ ቆንጨሰ። 21 ሂንቲ አማኖይኔ ሂንቲ ኡፋይሳይ ዮሳን ጌዳና ሜላ ኢያ ሃይቆጥ ደንጹላዲ፡ ቦንቸዳ ኪሪሰቶሳ ባጋራ ዮሳን አማኔታ።

22 ሂንቴ ቱማቴላስ ኪቴቴዲ ሂንቴናቴላ ገሺዴታ። ሂንቴ ኢሶይ ኢሱዋ ዋዛናፕ ሲቁታ፣ ሺን ሃዒካ ቱማ ዋዛናፕ ሚንሱዲ ሲቁቱ።

23 ሂንቴ ናምዓንሎ ዩሉቴዲይ ጳያ ዜሬላፊ ገደናሺን ሜሪናው ዴዲያ ያሳ ቃላን ጳዮና ዜሬላፊ ዩሉቴዴታ። 24 ያሳ ቃላይ፣

«አሲ ኡባይ ማታ ሚላ፤
ኢያ ቦንቾ ኡባይ ጨሻ ሚላ።

ማታይ ሚሉስ፣ ጨሻይካ ቆሌቴስ።

25 ሺን ጎዳ ቃላይ ማሪናው ዴዴስ»
ያገሰ። ሂንቴው ኦዴቴዳ ዋንጌላ ቃላይ ሃይሳ።

2

ዴዮ ሹቸኔ ገሻ ዴሪ

1 ሂዛ፣ ኢታቴሌ ኡባ፣ ጨዋ ኡባ፣ ጨቡቴሌ ቃናቴኔ ዘገርሲ ኡባ ሂንቴፊ ዳጊቴ። 2-3 ጎዳይ ከሃ ገዴይሳ ሂንቴ ኤሪዲ ማዜቴዳይሳዳ ሃዒ ዩሉቴዳ ጉላ ናይታዳ ሂንቴ ኣቶቴላን ዲጨሺ ባናው ያሳ ገሻ ቃላ ማላ ኡባ ዋዴ ኣሞቴቴ።

4 ኣሳን ቦሬቴዲ ያሳን ደሬቴዳ ኣልዎ ገዲዳ ዴዮ ሹቻ፣ ጎዳ ዩሱሳኮ ሸቁቴ። 5 ሂንቴ ኣያና ኬሌ ከጻቴያ ዴዮ ሹቻታ። ሂንቴ ዩሱስ ከሪሰቶሳ ባጋራ ያሳ ኡፋይሲያ ኣያና ያርሾ ያርሺያ ገሻ ካሂታ። 6 ገሻ ማዓፋን፣

«ሂኮ፣ ታጊ ጻዮኔ ካታማን ጎዳ ዓጶዋ ሚንሱያ፣
ደሬቴዳ፣ ኣልዎ ሹቻ ዋሳስ፤

ኢያን ኣማኒያ ኦኒካ ዩላቴና»

ያገሰ። 7 ሃ ሹቻይ ሂንቴው ኣማኔይሳታስ ኣልዎ፣ ሺን ኣማናናይሳታስ፣

«ገምቤይሳቴ ካጲዲ ኢጻዳ ሹቻይ

ጎዳ ዓጶዋ ሚንሱያ፣

ኡባፊ ኣጲያ ሹቹ ገዲሰ።»

8 ቃሲካ፣

«ሃ ሹቻይ ኣሲ ጱቢያ ሹቹኔ ኣሲ ኩንዲሲያ ዛላ»

ያገሰ። ኤንቴ ሃሳስ ቃዴቴዳ ገሾ ያሳ ቃላ ከቴቶና ኢጻዲ ጱቤቴዶሶና።

9 ሺን ያሳይ ጱማፕ ማላሊሲያ ባ ፖዑዋኮ ሂንቴና ጃጊዳይ፣ ሂንቴ ኢያ ሎፕቴላ ሃራታስ ኦዳናው ደሬቴዳ ዛሬ፣ ካዎ ካሂኔ፣ ገሻ ዴሬኔ ያሳ ዴማ ዴሬ። 10 ሂንቴ ካሴ ያሳ ዴሬ ገዴኬታ፣ ሺን ሃዒ ሂንቴ ኢያ ዴሬ። ሂንቴ ካሴ ማርቴሌ ዴሚቤኬታ፣ ሺን ሃዒ ማርቴሌ ዴሚዴታ።

ያሳ ኣይሌዳ ዴዮ

11 ታ ኢሻቶ፣ ሂንቴ ሃ ሳሳን ኣማሌኔ ቤታንቾ ገዲዳይሳዳ ሂንቴ ሽምፑዋ ኦሊያ ኣሾ ኣሞፕ ሃካና ሚላ ታጊ ሂንቴና ዋሳይስ። 12 ኣማናና ኣሳይ ሂንቴና ኢታ ኦሊያ ኣሳዳ ዘገርያ ዋዴ ያሳይ ኦና ቤዓናው ያ ጋላስ፣ ኤንቴ ሂንቴ ሎዎ ኦሱዋ ቤዒዲ ያሳ ጋላታና ሚላ ሂንቴው ሎዎ ዴዮይ ዴዮ።

13 ጎዳ ገሾ ገዲ ማታራ ዴዲያ ኣሳታስ ሃሬቴቴ፤ ኡባፊ ቦላ ገዲያ ገሾ ካወዋስካ ሃሬቴቴ። 14 ኤንቴ ኢታ ኦሊይሳታ ቤራናፊኔ ሎዎ ኦሊይሳታ ሳባናው ካወዋፕ ከቴቴዳ ገሾ ዴሪያ ኣይሲይሳታስ ሃሬቴቴ። 15 ሂንቴ፣ ሂንቴ ሎዎ ኦሱዋን ኤርና ኤያ ኣሳ ዶና ኦይሳይሲ ያሳ ሹኔ። 16 ያሳ ኣይሌ ገዲዲ ሳሳቴላን ዴዳቴፕ ኣቴን ሂንቴ ሳሳቴላ ኢታ ኦሱስ ካማ ኦሎፊቴ። 17 ኣሳ ኡባ ቦንቸቴ፤ ኣማኒያ ኣሳ ሲቁቴ፤ ያሳ ያዩቴ፤ ካዎ ቦንቸቴ።

ከሪሰቶሳ ዋያ ለሚሱዋ

18 ኣይሌቶ፣ ሎዎ ጎዳታሲኔ ከሃ ጎዳታ ዓላላስ ገደናሺን ኢታታስካ ቦንቾን ሃሬቴቴ። 19 ኣሲ ያሳ ገሾ ገዲ ቤሶና ዋዬ ዋዬቴኮ ያሳይ ኢያ ኣንጅና። 20 ሺን ሂንቴ ናጋራ ኦሊን ሂንቴና ዴቼያ ዋዴ ሂንቴ ዳንዳዒኮ ሂንቴው ኣይ ጋላቴ ዴዲ? ሺን ሎዎባ ኦሊዲ ዋዬ ዳንዳዒኮ ያሳይ ሂንቴና ሃሳስ ኣንጅና። 21 ያሳይ ሂንቴና ጃጊዳይ ሃሳ ገሾሳ፤ ከሪሰቶሲ ሂንቴው ዋዬቴስ፤ ሂንቴ ኢያ ካሳና ሚላ፣ ሂንቴው ለሚሶ ገዲሲ። 22 ኢ ናጋራ ኦሊቤና፤ ኢያ ዶናንካ ዋርዶይ ቤንቴቤና። 23 ኤንቴ ኢያ ጫያ ዋዴ ዛሬዲ ጫዩቤና። ሺን ዋዬ ኤኪሼ ጻሎ ፐርዲያ ያሳሰ ባ ፐርዳ ኣጋገሰቴ ኣቴን ማንዲቤና። 24 ኦኒ ናጋራስ ሃይቄዲ ጻሎቴላስ ዳና ሚላ ከሪሰቶሲ ባ ኣሹዋን ኦ ናጋራ

1:24 ኢሳ 40:6-8 2:2-3 ማዘ 34:8 2:6 ኢሳ 28:16 2:7 ማዘ 118:22 2:8 ኢሳ 8:14-15 2:9 ኪሳ 19:5-6፤ ኢሳ 43:20-21፤ ዛሬ 4:20፤ 7:6፤ 14:2፤ ተቶ 2:14፤ ኢሳ 9:2 2:10 ሆሴ 2:23 2:22 ኢሳ 53:9
2:23 ኢሳ 53:7

ማስቃሊያ ቦላ ቶከሰ፤ ሂንቴ ኢያ ማዲንግን ፓዲዳ። 25 ካሴ ሂንቴ ኦጌ ባለዲ ጳዳዳ ደርሳ ሜላ፣ ሺን ሃዲ ሂንቴ ሺምፑዋ ሄሜይሳኮኔ ናጌይሳኮ ሲሚዳ።

3

እዚናቤ ማቸባ

1-2 ሂሳዳካ፣ ማቸቶ፣ ሂንቴ እዚናፓፔ ያሳ ቃላሰ ከቴቶናይሳቴ ዲዲኮካ እይኮካ ኦዴቶናሺን፣ ሂንቴ ያሻቴላኔ ሂንቴ ገሻ ደዑዋ ቤዲዲ እማናና ሚላ ኢንታው ሃሬቴ። 3 ሂንቴ፣ ሂንቴ ሁዲ ፒደን፤ ዋርቃ አሰን ዋይኮ ሎዎ ማዶን ሂንቴ ቦላ አሳቴላ ሎይሶን ገደፖ። 4 ሺን ሂንቴ ዋዘና ገደን ዲዲያ ዩኔልሳቴላይ ያሳ ሲንግን ሂንቴው ዳር አልዎ ገዲዲ ጳዶና፣ አሽኬኔ ዋፑ ገዲ አያና ገደ። 5 ያሳይ እማና ገዲይሳ እማኒዳ ገሻ ማጫሳቴ ቢኒ ዋዴ ባንታ እዚናፓሰ ሃሬቴዲ፣ ባንታና ሄሳዳ ዳር ሎይሊደሶና። 6 ሄሳዳ ሳራ አብራሃሜ፣ «ታ ጎዳው» ያጋዳ ይጋሹ፣ ኢያው ከቴታሱ፤ ሂንቴካ እይኮካ ያዮና ሎዎባ ኦሊኮ ኢ ናይታ።

7 እዚናቶ፣ ሂንቴ ማቸቴ ሂንቴፌ ዳቡራንቾ ሜዴታ ገዲይሳ ኤራዲ፣ ኤንታና ቦንቸቴ፤ ሂንቴ ዋሳ ጱቦና ሚላ ያሳይ እሚዳ ደዑዋ ኢንቴ ሂንቴራ ኢሲፌ ሳቴያ ገሾ ኢንታ ቦንቸቴ።

ሎዎ ኦሊዲ ሜቶ ኦኮ

8 ወርቤላን፣ ኡባይ ኢሲ ቆፋን ዳዊቴ። ኢሶይ ኢሱዋሰ ቃዴቴሹ፣ አሻዳ ሲቄቴቴ፤ ቃሲ ኢሶይ ኢሱዋሰ ከሃጉ፣ አሽኮጉ ገዲቴ። 9 ኢታ ገሾሰ ኢታ ዋይኮ ጫሻ ገሾ ጫዴዲ ዛርፐቴ፤ ሃሳ አገዲ፣ ያሳይ ሂንቴው እንጂዋ እማናው ሂንቴና ያገዳ ገሾ እንጂቴ። 10 እይሰ ገኮ፣ ገሻ ማፃፋይ፣ «ዴዎ ደሴይኔ ሎዎ ዋዴ ቤዳናው ኮዬይ ኦና ገዲኮካ ባ እንፃርሳን ኢታባኔ ዋርዶ ኦዴቴይሳ አጎ።

11 ኢታባ ኦሌይሳ አገዲ ሎዎባ ኦሎ፤

ሳርቴላካ ከሂ ኮዮኔ ካሎ።

12 ጎዳ አይፌይ ያሎታኮ ያሌሰ፤

ቃሲ ኢ ኡባ ዋዴ ኢንታ ዋሳ ሃይዜሰ።

ሺን ጎዳይ ኢታባ ኦሌይሳጎ ባ ሃንቆ ሰምዑዋን ያሌሰ»

ያጌሰ።

13 ሂንቴ ሎዎባ ኦላናው አዋቴኮ ሂንቴና ቆሃናይ ኦኔ? 14 ሃሪ አቶሺን፣ ያሎቴላ ገሾ ሂንቴ ዋዴቴኮ እንጂቴዳይሳጎ። አሳሰ ያዮፊቴኔ ሂርጎፊቴ። 15 ከሪሰቶሳ ሂንቴ ዋዘናን ቦንቸቴኔ ጎዳዴቴ። ያሳይ ሂንቴው እሚዳ ኡፋይሳሰ ጋሶ ኦይቸዎ ኦዴሰካ ዘር እማናው ኡባ ዋዴ ገጌ ኡቴቴ፣ ሺን ሃሳ አሽኬቴላኔ ያሻን ኦሊቴ። 16 ቃሲ ከሪሰቶሳን ሂንቴ ዲዲያ ሎዎ ደዑዋ ኢታባ ኦሊዳባዳ፣ ሂንቴና ጫያ አሳይ ዘገርያባን ዩላታና ሚላ ሂንቴ ካሃይ ጌሺ ገደ። 17 ያሳይ ገደባ ገዲኮ ኢታባ ኦሊዳ ገሾ ዋዬ ኤኬይሳፌ ሎዎባ ኦሊዳ ገሾ ዋዬ ኤኬይሲ ሎዎ። 18 ከሪሰቶሰ ኦና ያሳኮ ሸሻናው ባው ያሎ ገዲዲ ዲዲሹ፣ ናጋራንቾታ ገሾ ኢሲ ቶሆ ናጋራ ኡባሰ ሃይቄሰ፤ ኢ ባ አሳቴላን ሃይቄሰ፣ ሺን አያናን ፓዲሰ። 19 ቃሲ ሄ አያናን ኢ ቢዲ ቃሾን ዲዲያ ሺምፖታሰ ቃሳ ኦዲሰ። 20 ናሃይ ማርካቢያ ከዲያ ዋዴ ሄ ሺምፖቴ ያሳሰ ከቴቶና ኢዲደሶና፣ ሺን ያሳይ ኢንታና ዳንዳዲሰ። ሆሰፑን አሳ ሃሳሊ ማርካቢያን ጌሊዲ፣ ጳዶ ሃላፌ አቴደሶና፣ 21 ሄ ጳዶ ሃላይ ሃዲ ሂንቴና አሽያ ይንቃቴ ለሚሶ ገዲሰ። ሃ ይንቃቴይ ቦላ ቂታ ሚጮ ገደናሺን ሎዎ ካሃ ያሳፌ ኤካናው ኢያ ዋሲያ ኦጌ ገዲዲ፣ ከሪሰቶሳ ዳንዳዲ ባጋራ ሂንቴና አሻሰ። 22 ኢ ሳሎ ቢዲ ያሳ ኡሻታን ኡቴዲ፣ ከታንቾታ፣ ማታ አዋታኔ ዋልቃማታ ሃሪሰ።

4

ያሳሰ ዴዎ

1 ሃሳ ገሾ፣ ከሪሰቶሰ ባ አሾዋን ኦሰ ዋዴቴዳ ገሾ ሂንቴካ ሄ ቆፋን ሂንቴና ዳንጨሲዲ ሚኒዲ ኡቄቴ። ከሪሰቶሳ ገሾ ገዲ ባ አሾዋን ዋዬ ኤኪዳ ኡራይ ናጋራ ኦሊኬ ገዲ ቃንዲዳ አሲ። 2 ሄ ኡራይ ባ አቴዳ ላይላን ያሳ ሼኔ ኦላናው ኮዬሲፔ ኦቴን ኢታ አሾ አዋን ዳና። 3 ካሴ ሂንቴ እማናና አሳይ ዲዲይሳዳ ዲዲዴታ። ሂንቴ ኢታ አዋን፣ ላይማቴላን፣ ማሶን፣ ቱናቴሊ ጭሌሊያ ዩላን፣ ፖኪያ ኤቃ ጎይናን ካሴ ዲዲዳ ዲሳይ ገደና። 4 አማናና አሳራ ሂንቴ ሾሪ ባይና ኦሱዋ ኦሶና ገሾ ማላሌቴዲ ሂንቴና ጫዮሶና። 5 ሺን ኤንቴ ፓፓታ ቦላኔ ሃይቄዳ አሳ ቦላ ፐርዳናው ዲዲያ ያሳሰ ዘር እማና። 6 ሃይቄዳ አሳሰ ዋንጌላይ ሳባኬቴዳይ ሃይሳ ገሾሳ። ኤንቴ አሳሶ ባንታ አሾዋን ፐርዳታና ቃሲ ባንታ አያናን ያሳሶ ዴዎን ዳና።

7 ሂዛ፣ ኡባባስ ወርሴላይ ማታተሰ። ሂሳ ጊሾ፣ ዋሳናው ደንደዔታና ማለ ዋፑ ጊዳ ዋዛኒ ዴ፣ ማራራ ዴዒቲ። 8 ሲቆይ ዳር ናጋራ ካሚያ ጊሾ ኡባፌ አሉዲ አሲይ አሲቀራ ዋዛናፕ ሲቄቲቲ። 9 ዙዙዋና አሲይ አሲቀ ደማላቱላን ሞኪቲ። 10 ሂንቴ ያሳፌ ዴማ ዴማ አቆ ኬሃቴላ አሞታ ኤኪዳይሳዳ ሂንቴ አሲይ አሲይ ሄ አውዋ ቤሲያዳ ኦይኪዲ አሲይ አሲቀ ሃጋዘቲ። 11 ዩሱስ ከሪስቶሳ ባጋራ ኡባባን ያሳይ ጋላቲታና ማለ ኦኒካ ኦዲያባ ጊዲኮ ያሳፌ ቃላ ኤኪዳዳ ኦድ። ቃሲ ኦኒካ ማዲያባ ጊዲኮ ያሳይ አያው አሚያ ዋልቃዳ ማድ። ቦንቾይኔ ዋልቃይ ማሪናፕ ማሪና ጋካናው አያው ጊድ። አሚንዒ።

አማኖ ጋሶን ጋኪያ ዋያ

12 ታ ባጋቶ፣ ሂንቴ ታማዳ ፀ-ጊያ ዋዬ ፓጩያ ጊድራ አጲያ ዋዩ ኦራሳባይ ሃኒዳዳ ማላሌቶፊቴ። 13 ሺን አያ ቦንቾይ ቆንጨያ ዋዩ ሂንቴ ኡፋይሳይ ገታ ጊዳና ማለ ከሪስቶሳ ዋያ ሂንቴ ኤኬይሳን ኡፋይቲቲ። 14 ከሪስቶሳ ሱጎላ ጊሾ አሲ ሂንቴና ጨያ ዋዩ ያሳ ቦንቾ አያናይ ሂንቴ ቦላ ሺሞፕያ ጊሾ ሂንቴ አንጃቲዳይሳታ። 15 ሂንቴፌ ዋዬ ኤኪያ ኦኒካ ሺሞፖ ዋጲዳዳ ዋይኮ ካይሶተዳዳ ዋይኮ ኢታ ኦላዳዳ ዋይኮ ገልሶናባን ገሊዳዳ ሃኒዲ ዋዬቶፎ። 16 ጊድሺን፣ አማኖ ጊሾ ዋዬቲኮ ከሪስቶሳ ሱጎላ ጊሾ ያሳ ጋላቶፕ ኦቲን ዩላቶፖ። 17 ፐርዲ ያሳ አሳ ቦላ ደሚያ ዋዩይ ጋኪስ። ሂዛ፣ ሄ ፐርዳይ ኮይሮ ኦ ቦላ ደሚያባ ጊዲኮ፣ ያሳ ዋንጌላሰ ከቲቶና አሳ ወርሴላይ አይ ጊዳኔ? 18 ጂሎይ ኡንዒን አቲያባ ጊዲኮ፣ ማካላንቾይኔ ናጋራንቾይ ያቲን ዋናኔ? 19 ሂሳ ጊሾ፣ ያሳ ሺኔዳ ዋዬ ኤኬይሳቲ ባንታ ሺሞፕዋ ሃዳራ ባንታና ማጲዳ፣ አማንሴያ ያሳሰ አሚሼ ሎፖባ አሉ።

5

ጨማታሲኔ ያላጋታስ አሜቲዳ ዘሪ

1 ሂዛ፣ ያሳ ኬላ ጨማታራ ጨማ ጊዲዳይሲ፣ ከሪስቶሳ ዋያ ማርካቴይሲኔ ቆንጨናው ዴዒያ ቦንቾዋ ሻኪታናው ዴዒያ ታኒ፣ ሂንቴ ጊደን ዴዒያ ጨማታ ዘራይሲ። 2 ሂንቴ አዋቴላፌ ጋርሳን ዴዒያ ያሳ ወዲያ ሄሚቲ። ያሳይ ኮዬይሳዳ ደሳናፕ ኦቲን ኡንዒቲዲ ሄሞፊቴ። ቃሲ ሚሼ ኮሻን ጊደናሺን ሃጋዘናው ዴዒያ ሎፖ ቆፋን ሄሚቲ። 3 ሂንቴ አዋቴላፌ ጋርሳን ዴዒያ ወዲያሰ ለሚሶ ጊዲቲፕ ኦቲን ጎዳቶፐቲ። 4 ሃሚይሳታ ሃላቃይ ቆንጨያ ዋዩ ቆሊቶና ቦንቾ ካላቻ ሂንቴ ኤካና። 5 ሃሳዳካ፣ ያላጋቶ፣ ጨማታስ ሃራቲቲ። ሂንቴ አሲይ አሲቀሰ አሻኪ ጊዲቲ። ጌሻ ማፃፋን፣ «ያሳይ ኦቶራንቾታ አጲስ፣ ሺን አሻኪታስ አቆ ኬሃቴላ አሚስ» ያጌሰ። 6 ያሳይ ባ ዋዩ ሂንቴና ቦንቻና ማለ ዋልቃማ ያሳ ኩሺያፕ ጋርሳን ሂንቴና ካወሸቲ። 7 አ ሂንቴው ቆፐያ ጊሾ ሂንቴና ሃርጊሲያ ኡባ አያ ቦላ ዩጊቲ። 8 ሂንቴ ዋርኪይ ያላሂይ፣ ሚቲያባ ኮዩዲ፣ ጋሞዳ ጉዲሺ ሂንቴ ማታራ ዩያ ጊሾ ሂንቴና ሃሪቲኔ ባርኪቲ። 9 አሳሚን ዴዒያ ሂንቴ አሻቲ ሃሳዳ ዋዬ ኤኬይሳ ኤሪዲ፣ አማኖን ሚኒዲ፣ ያላሂያራ ኤቄቲቲ። 10 ባ ማሪና ቦንቾዋስ ከሪስቶሳ ዩሱሳ ባጋራ ሂንቴና ጃጊዳ አቆ ኬሃቴላ ኡባ ያሳይ፣ ጉላ ዋዳሰ ሂንቴ ዋዬቲዳፕ ጉዬ፣ አ ባ ሁዒን ሂንቴና ሺሻና፣ ካቲሳና፣ ሚንሊዲ ኤሳና፣ ያሊሳና። 11 ማሪናፕ ማሪና ጋካናው ያሳይ ካዋቶ። አሚንዒ።

ወርሴላ ሳርላ

12 አማኔቲዳ አሻ ጋዳ ታ ኤኪያ ሲላሲ ባጋራ ሃ ዳብዳቢያ ሂንቴው ቃንሳን ያፋሰ። ታ ሄሳ ሂንቴው ያፊዳይ፣ ሂንቴና ዘራናወኔ ያሳ አቆ ኬሃቴላይ ቲማ ጊደይሳ ማርካታናሳ። ሄ አቆ ኬሃቴላን ሚኒዲ አቄቲ። 13 ሂንቴራ አሲፌ ዶራቲዳ ባቢሎኔን * ዴዒያ ዋሳ ኬላ አሳይኔ ታ ናዒ ማርቆሲ ሂንቴና፣ «ሳር ሳር» ያጌሰ። 14 ሲቆ ዩራቲላ ዩራቲሺ፣ አሲይ አሲቀ ሳርሊቲ። ከሪስቶሳን ዴዒያ ሂንቴ ኡባሰ ሳርይ ጊድ። አሚንዒ።

4:8 ለሚ 10:12 4:18 ለሚ 11:31 5:2 ዮሃ 21:15-17 5:5 ለሚ 3:34 5:6 ማቶ 23:12፤ ሉቃ 14:11፤ 18:14 5:12 ሃ.አ 15:22፣ 40 * 5:13 ባቢሎኔን፣ ሃ ቢሳን ባቢሎኔ ጌቲቲዳይ ሮሜ ካታማ ጊደና አኒና። 5:13 ሃ.አ 12:12፣ 25፤ 13:13፤ 15:37-39፤ ቆላ 4:10፤ ፊልሞ 24

ጳጳርሲ ፃፊዳ ናምዓንሉ ኪታ ጋላ ቆፋ

ሃዋሪያ ጳጳርሲ ፃፊዳ ናምዓንሉ ኪታይ ፃፊቲዳይ፣ ዲማ ዲማ ቤሳን ዲዒያ ቢኒ አማኒያ አሳሳ። ሃ ኪታ አይፌ ቆፋይ፣ ዋርዶ አስታማሪታ ኢታ ኦሱዋኔ ኤንታ ቲማርቲያ ጋሶን ሜዴቲዳ ዬላያ ደዑዋ አፃና ሜላሳ። ሄ ሜዴቲዳ ሜቶታ ዲጋናው ኦኔ ገዳናይ፣ ዬሱሳ ባንታ አይፊያን ቤዒዳ አሳቲኔ ኢ ታማርሲያ ዋዴ ባንታ ሃይላን ሲዒዳ አሳቲ ታማርሲዳ ቲማርቲያ ባጋራ ያሳባኔ ጎዳ ዬሱስ ኪሪስቶሳ ባንታ አማንሱያ ኤራ ኦይካናይሳ። ፃፊይ ሚንሱዲ ኦዲዳይ፣ «ኪሪስቶሲ ናምዓንሉ ዬና» ያገያ ዋርዶ ቲማርቲያባ። ሄ ቆፋ ሚንሱዲ ኦዲሾ፣ «ኪሪስቶሲ ሲሚዲ ዮና ጋምዒዳይ፣ አሳ ኡባይ ባ ናጋራፔ ሲማና ሜላፔ ኦኔን ኦኔካ ጳያና ሜላ ኮዮና ገሾሳ» ያገሱ።

2 ጳጳርሳ ኪታ አይፌ ቆፋታ

- ሳርሶ 1:1-2
- አማኒያ አሳ ፃሳ 1:3-21
- ዋርዶ አስታማሪታ 2:1-22
- ኪሪስቶሳ ናምዓንሉ ዩሳ 3:1-18

1 ዬሱስ ኪሪስቶሳ ሃዋሪይኔ ኢያ አይሌይ፣ ታኒ፣ ሲዋን ጳጳርሲ፣ ኑ ያሳኔ ኑና ኦሺያ ዬሱስ ኪሪስቶሳ ጻሎቴላ ባጋራ ኑይሳ ሜላ አልዎ አማና ኤኪዳይሳታስ ሃ ዳብዳቢያ ፃፋሰ።

2 ያሳኔ ኑ ጎዳ ዬሱሳ ኤርን ኦዶ ከሃቴላይኔ ሳርይ ሂንቴው ኩዋ።

ያሳ ፃሳኔ ዶረዋ

3 ባ ቦንቸኒኔ ሎዎቴላን ኑና ፃገዳ ኢያ ኤርን ደዎሲኔ ያሳ ዳኒዲ ዳናው ኮሺያባ ኡባ ያሳይ ባ ዋልቃን ኮስ አሚሰ። 4 ሂንቴ ኢታ አዋ ጋሶን ሜዴቲያ ሃ አሳሚያን ዲዒያ ባሻፌ ኬሲ ኤካናዳኔ ያሳ ያሳቴላን ሻኪታናዳ፣ ሃ አዋታታ ባጋራ ዳር አልዎኔ ገታ ኡፋይሳ ኮስ አሚሰ። 5 ሄሳ ገሾ፣ ሚኒዲ፣ ሂንቴ አማኑዋ ቦላ ሎዎቴላ፣ ሎዎቴላ ቦላ ኤራቴላ፣ 6 ኤራቴላ ቦላ ባና ሃር፣ ባና ሃር ቦላ ገንጫ፣ ገንጫ ቦላ ያሳ ዳና፣ 7 ያሳ ዳና ቦላ አሻቴላ ከሃቴላ፣ አሻቴላ ከሃቴላ ቦላ ሲቆ ጉጂቴ፣ 8 ሃይሳቲ ሂንቴው ዳሪዲ ዲዒያባ ገዲኮ፣ ጎዳ ዬሱስ ኪሪስቶሳ ኤርን ማዲያ አሲኔ አይፌራ ዲዒያ አሲ ኦላና። 9 ሺን ሃሳቲ ባይና ኦኔካ ማታን ዲዒያባ ፃላላ ቤዒያ ቆቄ። ኢ ባ ካሲ ናጋራፔ ገደዳይሳ ደገሰ።

10 ሄሳ ገሾ፣ ታ አሻቶ፣ ሂንቴ ፃሳኔ ሂንቴ ዶረዋ ሚንሳናው ካሲይሳፊ አሱዲ ሚኒቴ። ሂንቴ ሄሳታ ኦሊያባ ገዲኮ፣ ጱቤቲኪታ። 11 ሄሳን ኑ ጎዳኔ ኑና ኦሺያ ዬሱስ ኪሪስቶሳ ሜሪና ካዋቴላ ገሊያ ከሜላ ማታይ ሂንቴው አሜታና።

12 ሄሳ ገሾ፣ ሂንቴ ሃይሳታ ኤሪያባኔ ሄ ኦይኪዳ ቱማን ሚኒዲ ዲዒያባ ገዲኮካ፣ ታኒ ሃይሳታ ኡባ ዋዴ ሂንቴና ሃሳዪሶ አገኪ። 13 ታኒ ሺዋገራ ዲዒዳ ዋዴ ኡባን ሂንቴና ሃሳዪሳናይሲ ኮሺያባ ጋዳ ቆገይሰ። 14 ኑ ጎዳ ዬሱስ ኪሪስቶሲ ታው ቆንጫሳዳይሳዳ ታኒ ሃ ሃይቂያ አሳቴላ ጋምዖና ቃራ ዬጋዳ ባናይሳ ኡራይሰ። 15 ታኒ ሂንቴፊ ሻኬቲኮካ ሂንቴ ሃይሳታ ኡባ ዋዴ ኦኔካና ሜላ ታው ዳንዳዲያባ ኡባ ኦላና።

16 ኦኔ ጎዳ ኪሪስቶሳ ዋልቃኔ ኢያ ዩሳባ ሂንቴው ኦዳይ፣ ኢያ ገታ ቦንቸዋ ቤዒዲፔ ኦኔን ማዲ ኬሲዳ ሃይሲ ገዳና። 17 ዳር ዋልቃማ ቦንቸዋፊ፣ «ታኒ ኡፋይቲያ፣ ታ ደሲያ ናዳይ ሃይሳ» ያገያ ቃላይ ዬዳ ዋዴ ያሳ አዋፔ ቦንቸኔ ጋላታ ኤኪሰ። 18 ኦኔ ገሻ ዳሪያ ቦላ ኢያራ ዲዒያ ዋዴ ሄ ቃላይ ሳሎፔ ዩሺን ሲዒዳ።

19 ኮስ ሃሳፊ ኦዲያ አማኔቲዳ ቲንቢቴ ቃሊ ዳዕሰ። ሳዒ ዋንታና ጋካናዉኔ ባካሊ ሂንቴ ዋዛናን ደላና ጋካናው፣ ጱማን ፖዒያ ፖዎ አሲ ናገይሳዳ፣ ሂንቴ ሄ ቃላ ናገኮ ሎዎ ኦሊታ። 20 ኡባፊ ካሲቴላ ሃይሳ ኤራቴ። ገሻ ማፃፃን ፃፊቲዳ ቲንቢቴ ቃላ ኦኔካ ባ ደሲዳዳ ቢርሻናው ዳንዳዳና። 21 ቲንቢቴ ኡባ፣ ያሳይ ከቲዳ አሳቲ ገሻ አያናይ ካሌላን፣ ኦዲደሶናፔ ኦኔን አሳ ሺኔን ኦዲሶኮና።

2

ዋርዶ አስታማሪታ

1 ሺን ዋርዶ ናቤቲ ካሴ አሳ ገደን ዲዒይሳ ሜላ ሃዒካ ዋርዶ አስታማሪቲ ሂንቴ ገደን ዲንዳና። ኤንቲ ባንታና ዋዚዳ፣ ጎዳ ካዲዲ፣ ቆይሲያ ዋርዶ ቲማርቲያ ኤሃና። ሄሳን ኤንቲ ባንታ

ቦላ ኤሌሲዲ ጳዮ ኤሆሶና። 2 ዳር ኣሳይ ዬላያ ኤንታ ኢታ ኦጊያ ካላና፤ ኤንታ ጋሶን ቱማ ኦጊይ ጫዴታና። 3 ዋርድ ኣስታማራቲ ሚሺ ያሪዲ ባንታው ሜጺ ከሲዳ ሃይሲን ሂንቴና ቦንቃና። ቤኒፔ ደሚዲ ኤንታ ፐርዳይ ጊጊ ኡቲስ፤ ኤንታ ጳዮይካ ኤንታና ናጊ ኡቲስ።

4 ናጋራ ኦሌዳ ኪታንቸታስ ያሳይ ቃጴቶና፤ ፐርዳ ጋላስ ጋካናው ጋናሜ ጳማ ኦላን ኤንታ ቃቺ ዩጊስ። 5 ሄሳዳካ፤ ያሳይ ያሎቴላባ ኦሊያ ሮሄኔ ሃራ ላፑን ኣሳታ ኣሺዲ፤ ያሳ ጎይኖና ኣሳይ ዳዲያ ቤኒ ኣላሚያ ቃጴቶና ጳዮ ሃሳን ጳይሲስ። 6 ጌላታስ ለሚሶ ጊዳና ሜላ ያሳይ ሰደሚኒ ጋዋሮ ካታማታ ቢድ ኦሌዲ ፀ-ጊዲ ጳይሲስ። 7 ሃጌስ ኪቴቶና ላይማቲያ ኣሳታ ጊዳን ዋይቲሽ ዳዲዳ ያሎ ሎጻ ያሳይ ኣሺስ። 8 ሄ ያሎ ኣዳይ ኤንታ ጊዳን ዳዲሽ፤ ኤንቲ ኦሌያ ኢታ ኦሎቶ ጋላስ ጋላስ ቢዳዳ ዋይኔ ሲዳዳ ዋይ ኢያ ሎቶ ዋዛናይ ኤንዴቴስ። 9 ሄሳ ጊዲኮ፤ ጎዳይ፤ ባና ጎይኒያ ኣሳታ ፓጩፔ ዋቲ ኣሻኒኮ፤ ቃሲ ናጋራንቸታ ፐርዳ ጋላሳስ ጋካናው ዋቲዲ ሴሪሽ ናጊሳኒኮ ኤሬስ። 10 ኡባሬ ኣሌዲ ቲና ኣሞን ኣሾ ቆፋ ካሌይሳታኔ ማታ ኣዋታ ካጴይሳታ፤ ፐርዳ ጋላስ ጋካናው ጎዳይ ናጊሲስ።

ሄ ኣሳቲ ጋንጃ ሚኖኔ ኦቶራንቸ ጊዲያ ጊሾ ሳሎ ሚጴቴላታ ጫዴሽ ያዮኮና። 11 ሽን ኪታንቸቲ ዋርድ ኣስታማራታፔ ዋልቃኒኔ ሚኖቴላን ዳር ኣጵሶናሽን ጎዳ ሲንላን ሳሎ ሚጴቴላታ ጫዮኮና። 12 ሽን ሄ ኣሳቲ ባንታ ኤርናባን ጌሊዲ ጫዮሶና። ኤንቲ ኤይኪታናውኔ ሃይቃናው ዬሌቲዳ፤ ዋዛኒ ባይና ደዓ ሚላ ሃሮሶና፤ ኤንቲካ ዋራ ደዓዳ ጮ ጳያና።

13 ኤንቲ ጋሌዳ ሚቴዋዳ ዛሪ ሚቶታና። ሴታ ጋላስ ዩዊሽ ጉፔይሳ ኡፋይሲያባ ጊዲ ቆፖሶና። ኤንቲ ካወሻታኔ ቲናታ ጊዲ ዳዲሽ ሂንቴሪ ሻኪቴያ ሲቆ ኣማቴዋን ኡፋይቶሶና። 14 ላይማቲያ ማጫና ያሎዲ ኣጎና ኣይሬይ ኤንታው ዳዲስ፤ ቃሲ ናጋራ ኦሌይሳ ኣጎኮና። ኣማኖን ሚኒቦና ኣሳ ጩሞሶና። ኤንታው ኡባ ዋይ ኣሞቴያ ዋዛኒ ዳዲስ፤ ኤንቲ ቃንጌቲዳይሳታ። 15 ኤንቲ ሱሪ ኦጊ ኣጊዲ፤ ማካላ ሚሽ ሲቆዲ ባሊዳ፤ ቢዶራ ናዓ ባላማ ኦጊያ ካሊዶሶና። 16 ኢ ባ ናጋራ ጋሶን ሃንቲቲስ፤ ደኒ ባይና ሃሪይ ኣሳዳ ሃሳዩዲ ናቢያ ጎሻቴላ ቲቂስ።

17 ሄ ኣሳቲ ሚሊዳ ፑልቶታ ሚላኔ ጫርኮይ ቶኪዲ ኤሬያ ሻራ ሚላ፤ ኤንታ ናጌይ ሳካና ጳማ። 18 ኤንቲ ሃዳኔ ኦቶር ኦዳ ኦዳቴሽ ባላን ዳዲያ ኣሳ ጊዳሬ ከሲ ኤኪዲ ቡር ሚኒቦና ኣሳታ ላይማቴላ ኣሾ ኣሞን ጩሚዲ ባሊዶሶና። 19 ኤንቲ ባንታው ጳዮ ኣይሌቴላን ዳዲሽ ሃራታኮ፤ «ሂንቴ ኣይሌቴላሬ ከያና» ያሶሶና። ኣይሲ ጊኮ፤ ኣሲ ባ ዩኒቲዳባ ኡባስ ኣይሌ። 20 ኤንቲ ኣሺያ ኦ ጎዳ ዩሱስ ከሪሰሳባ ኦሪዲ ሃ ኣላሚያ ቲናቴላሬ ከሲ ኤኪዳፔ ጉዬ፤ ዛሪ ቃዳቴዳ ዩኒቲኮ ካሴ ዳዲያ ዳዎቀፔ ጉዬቤስ ኤንታው ኢታ ጊዳና። 21 ኤንቲ ሎቴላ ኦጊያ ሴሪ ሲሚዲ ኣጌይሳሬ ኮይርቲዲ ጌሻ ኪታ ኤርኮን ኤንታው ሎቮሽን። 22 «ካኒ ባ ጮሻኮ ኦጊያ ሴሪ» ቃሲ፤ «ሜጩቲዳ ጉዳንላይ ጉዬ ሲሚዲ ኡርቃን ጎንዶሬቴስ» ጊያ ለሚሶይ ቱማ ጊዳይሲ ኤንታ ቦላ ኦሌስ።

3

ጎዳይ ያና

1 ታ ሲቆ ኣሻቶ፤ ሃይሲ ታ ሂንቴው ፃፊዳ ዳብዳቤይ ናምዓንሳ። ታኒ ሃ ናምዑ ዳብዳቤታካ ሂንቴው ፃፊዳይ፤ ሂንቴ ሱሪ ቆፋ ቆፓናዳ ሂንቴና ዳንጻላናሳ። 2 ቃሲ ጌሻ ናቤቲ ቤኒ ኦዲዳ ቃላኔ ኦና ኣሺያ ጎዳይ፤ ሃዋሪታ ባጋራ ከቲዳ ኪታ ሂንቴ ሃሳና ማላ ኮያይሰ። 3 ኡባሬ ካሴቲዲ፤ ዋይ ወርሴላን ባንታ ኣሞቶ ካሊዲ ኣሴ ቶቼይሳቲ፤ ቶቼሽ ያይሳ ኤሪቴ። 4 ኤንቲ፤ «ታ ያና ጊዳይሲ ኣወን ዳዲ? ኦ ኣዋቲ ሃይቆዶሶና፤ ሽን ኡባይ ሳሳይ ሚጴቶሳፔ ደሚዲ ዳዲይሳዳ ዳዲስ» ያሶሶና። 5 ዳር ዋደፔ ካሴ ሳሎይ ያሳ ቃላን ሚጴቴዳይሳ፤ ቃሲ ሳሳይ ሃላፊኔ ሃላን ሚጴቴዳይሳ ኤሪሽ ካዶሶና። 6 ሄ ዋይ ዳዲያ ሳሳይ ሃላን ሚቴቲዳ ዳይስ። 7 ሽን ሃዲ ዳዲያ ሳሳይ፤ ሳሳይ፤ ጌላቲ ፐርዴቲያ ጋላሳይኔ ጳያ ጋላሳይ ጋካናው ሄ ቃላን ታማስ ናጌቲዲ ዳዶሶና። 8 ሽን ታ ሲቆ ኣሻቶ፤ ሃ ኣሲባ ደጎፔሶና። ጎዳ ማታን ኣሲ ጋላስ ሙኩሉ ላይላ ሚላ ጊዳይሳላይ ሙኩሉ ላይላ ኣሲ ጋላሳ ሚላ ጊዳይሳ ደጎፔ። 9 ኣሶቲ ኣሶቲ ጋምዲስ ጊዲ ቆፔይሳዳ፤ ጎዳይ ባ ኡፋይሳ ቃላ ጊሾ ጋምዳና። ሽን ኣኒካ ጳዮና ሚላ ኮዬዲ፤ ኡባይ ባንታ ናጋራፔ ሲማና ሚላ ሂንቴ ጊሾ ጊዲ ጌንጩስ።

10 ሽን ጎዳ ጋላሳይ ካይሶይ ያና። ሄ ጋላሳን ሳሎቲ ዋልቃማ ጉንላን ጳያና፤ ሳሎ ሚጴቴላቲ ታማን ፀ-ጊታና፤ ሳሳይኔ ኢያ ቦላ ዳዲያ ኡባይ ጳያና። 11 ሄዛ፤ ኡባይ ሄሳዳ ሂኒዳ ጳያባ ጊዲኮ ሂንቴ ኣይ ሚላ ኣሲ ጊዳናው ቤሲ? ሂንቴ ጌሽኔ ያሳ ዳኒያ ዳዶ ዳናው ቤሲስ። 12 ሂንቴ ሲንላራ ያ ያሳ ጋላሳ ናጊሽ ሂንቴው ዳንዳዳቲያባ ኡባ ኦሌዲ ሄ ጋላሳ ኤሶዩቴ። ሄ ጋላስ ሳሎቲኔ ኢያን ዳዲያባይ ታማን ፀ-ጊታና፤ ዋልቃማ ሱላን ቲልዳና። 13 ሽን ኦኒ ያሎቴላ ሃሪያ ኦራላ ሳሎኔ ኦራላ ሳሳ ያሳ ኡፋይሳ ቃላዳ ናጎስ።

2:5 ሜጺ 6:1-7:24 2:6 ሜጺ 19:24 2:7 ሜጺ 19:1-16 2:15 ታይ 22:4-35 2:22 ለሚ 26:11
3:3 ዪሁ 18 3:5 ሜጺ 1:6-9 3:6 ሜጺ 7:11 3:8 ማዘ 90:4 3:10 ማቶ 24:43፤ ሉቃ 12:39፤
1ቴሴ 5:2፤ ዮ.ቆ 16:15 3:13 ኣሳ 65:17፤ 66:22፤ ዮ.ቆ 21:1

14 ሄሳ ጊሾ፣ ታ ሲቆ አሻቶ፣ ኑ ሄ ጋላሳ ናጊያ ጊሾ ፖኮይኔ ቦሬይ ባይናይሳታ ጊዲዲ፣ ጎዳራ ሳሮን ዳናው ማኒቲ። 15 እሲ ኡባይ አታና ማላ ኮዪዲ ጎዳይ ዳንዳዔይሳ ደሳጊቲ። ቃሲ ኑ ሲቆ አሻይ፣ ጳወሎሲ፣ ያሳይ ኢያው አሚዳ ጨንጫቴላን ሄሳዳ ሂንቲው ፃፊሰ። 16 ኢ ባ ዳብዳቤታ ኡባን ሄሳታባ ፃፊሰ። ኢያ ዳብዳቤታ ጊደን አከካናው ዋይሲያ ቆፋቲ ዴዖሶና። ታማሪቦናኔ ማኒቦና አሳቲ ሃራ ያሳ ቃላ ሚርቄይሳዳ ሃ ኪታታካ ጳያናው ማቺዲ ሚርቆሶና።

17 ሄሳ ጊሾ፣ ታ ሲቆ አሻቶ፣ ሂንቴ ሄሳ ኤሪያ ጊሾ ማካላታ ባላን ጨማቲዲ፣ ቆዮና ማላኔ ማኒዲ ዴዒያ ቤሳፌ ኩንደና ማላ ናጊቲቲ። 18 ሺን ሂንቴ ኑና አሺያ ኑ ጎዳ፣ ዬሱሰ ኪሪሰቶሳ አቶ ኬሃቴላኒኔ ኤራቴላን ዲጨቲ። ኢያው ሃዒካ ማሪናዉካ ቦንቾይ ጊደ። አሚንዒ።

የሃኒሳ ፃፊዳ ኮይር ከታ ጋላ ቆፋ

ሃዋሪያ የሃኒሳ ፃፊዳ ኮይር ከታይ፡ ናሞዑ አይፊ ቆፋታ እይኬስ። ሄሲካ ናባቤይሳቲ ያሳራኔ ኢያ ናባ ዩሱስ ከሪስቶሳራ ኢሲፊቴሌ ዳና ማላ ማንሌላናሳኔ ሄ ኢሲፊቴላ ቆይሲያ ዋርዶ ቲሚርቲያፊ ሃካና ማላ ኤንታ እኩከሳናሳ። ሄ ዋዴ ዴንዲዳ ዋርዶ ቲሚርቲይ፡ «የሳይ በንቶና እያና አላሜ ሜዲስ። ሃ በንቲያ አላሚያኔ ኑ አሳቴላ ያሳይ ሜዲሶና ገሾ ኢታ። ቃሲ ሃ በንቲያ አላሚያኔ ኑ አሳቴላይ ኑ እያና ቆሃናዉኔ ቲኒሳናው ዳንዳዔና» ያገዱ ታማርሶሶና። ሄሳ ጉሳይ፡ ኮይር፡ ዩሱሲ እሲ ገዲዲ ዩቤና። ናሞባንሎ፡ ኢሲ እሲ ባ እያና ቲኒሶና ዴዒሼ ባ እሾን ናጋራ ኦሳናው ዳንዳዔሲ ያጉሱ።

ሄሳ ገሾ፡ የሃኒሳ ባ ከታን፡ ዩሱሲ እሲ ገዲዲ ዩይይሳ ካዲያ ኦኒካ ያሳ ናባ ገዴና (4:2-3)። ቃሲ ያሳፊ ዩሌቲዳ ኦኒካ ኡባ ዋዴ ናጋራን ዴዒና (3:6) ያገዱ ፃፊስ።

ሄ ዋርዶ አስታማሪቲ፡ «አቶቴሌ ጉሳይ፡ ሃ ሳባ ዲሳሰ ኤንዔቴሳፊ ከዩዲ ዩዳ ገዲዲ ዴያ» ያሳሰና። ሄሳ ቦላ ጉጁዲ፡ «ኢታኔ ሎዎ ቫኪዲ ኦይኬሌ ገዲን፡ ቃሲ ሃራ እሲ ሲቆ ገዲን አቶቴሳራ አይቢ ጋሄቴላካ ባዋ» ያሳሰና።

ፃፊይ ሄ ቲሚርቲያ እይዲ፡ «ዩሱስ ከሪስቶሲ ፖሎ እሲ። ዩሱሳ አማኔይሳቲኔ ያሳ ሲቆይሳቲ ኡባይ ባንታ ገዴን ኢሶይ ኢሱዋራ ሲቆታናው ቤሴስ» ያገዱ ኦዲስ።

1 የሃኒሳ ከታ አይፊ ቆፋታ

- ገሎ ቆፋ 1:1-4
- ፖዎኔ ቆማ 1:5-2:29
- የሳ ናይታኔ ፃላሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- የኒያ አማኖ 5:1-21

ዴያ እሚያ ቃላ

1 ኑኒ ኮይርፔ ዶሚዲ ዴዒያ፡ ኑ ሃይላን ሲዒዲ፡ ኑ ያሊዲ፡ አይፊያን ቤዒዲ፡ ኑ ኩሺያን ቦቹዳ ዴያ ቃላባ ሂንቴው ፃፎስ። 2 ሄ ዴያይ ቆንጨገ፡ ኑኒ ኢያ ቤዒዲ፡ ኢያባ ማርካቶስ። አዋ ማታን ዴዒያ ኑስ ቆንጨዲ፡ ማሪና ዴዑዋባ ሂንቴው አዋጅስ። 3 ኑራ ሂንቴው ኢሲፊቴሌ ዳና ማላ ኑኒ ቤዒዲዳኔ ሲዒዲይሳ ሂንቴው ኦዶስ። ሂንቴው ኑራ ኢሲፊቴሌ ዴዒያ ገሾ አዋራኔ ኢያ ናባ ዩሱስ ከሪስቶሳራ ኢሲፊቴሌ ዴዒስ። 4 ኑ ኡፋይሳይ ፖሎ ገዴና ማላ ሄሳ ሂንቴው ፃፎስ።

የሳይ ፖዎ

5 ኑኒ ዴያ ገዲዳ ኢያፔ ሲዒዲ፡ ሂንቴው ኦዲያ ከታይ ሃይሳ፡ «የሳይ ፖዎ፤ ኢያን ቆሚ ባዋ» ያገይሳ። 6 ኑስ ኢያራ ኢሲፊቴሌ ዴዒስ ያገሼ ቆማን ዴዒኮ፡ ኑ ኦዳኒኔ ኑ ኦሱዋን ዋርዶቶስ። 7 ሺን ፖዎን ኢ ዴዒይሳዳ፡ ኑካ ፖዎን ዴዒኮ፡ ኑስ ዋሊ ገዴን ኢሲፊቴሌ ዴዒስ። ኢያ ናባ፡ ዩሱሳ ሱሳይ ናጋራ ኡባፊ ኑና ገሼስ። 8 ኑኒ፡ ኑናን ናጋሪ ባዋ ገኮ ኑ ኑና ጨሞሰ፤ ኑናን ቱሚ ባዋ። 9 ሺን ያሳሰ ኑ ናጋራ ፓዊኮ፡ ኢ ኑ ናጋራ አቶ ጋናዉኔ ኑ ቆሆ ኦሶ ኡባፊ ኑና ገሻናው፡ አማኔቲዳይሳኔ ቱማ። 10 ኑኒ ናጋራ ኦሊቦኮ ገኮ ያሳ ዋርዳንቾ ከሶስ፤ ኢያ ቃላይካ ኑናን ዴና።

2

ከሪስቶሲ ኑስ ጋናቴይሳ

1 ታ ናይቶ፡ ናጋራ ሂንቴ ኦላና ማላ ታኒ ሃይሳ ሂንቴው ፃፋይስ። ሺን ኦኒካ ናጋራ ኦሊኮ አዋ ማታን ኑስ ጋናቴያ ያሎይ፡ ዩሱሲ ከሪስቶሲ፡ ዴዒስ። 2 ኑ ናጋራይ ከሪስቶሳ ባጋራ አቶ ጌቴቴስ። ኢ ኑ ናጋራ ፃላላስ ገዴናሺን አሳ ኡባ ናጋራስ ያርሼቴስ። 3 ኑኒ ያሳ ከታ ናገኮ፡ ሲዲይ ባይናሺን፡ ቱማ ኑ ኢያ ኡርስ። 4 ኦኒካ፡ «ታኒ ኢያ ኡራይስ» ያገሼ። ኢያ ከታ ናገና ኢዊኮ ሄ ኡራይ ዋርዳንቾ፤ ቱማቴሌ ኢያን ባዋ። 5 ሺን ኢያ ቃላሰ ኑ ከቴቲያባ ገዲኮ ሄ ኡራይ ያሳ ሲቆያ ሲቆይ ፖሎ ገዴስ። ኑኒ ያሳን ዴዒይሳሰ ሄሲ ባው ቱማ ማርካ። 6 ታኒ፡ «የሳን ዴዒይስ» ገያ ኦኒካ ከሪስቶሲ ዴዒይሳሰ ዳናው ቤሴስ።

ኦራላ ከታ

7 ታ ሲቆ አሻቶ፣ ታኒ ሃንቴው ከይሮፔ ዴዲያ ጋልባ ከታ 94ይሲፔ እትን ኦራላ ከታ 9ፊክ። እካ ሃንቴ ሲዲዳ ሄ ጋልባ ከታ። 8 ጊዲኮካ፣ ከሪስቶሳኒኔ ሃንቴናን ቱማ ጊዲዲ ዴዲያ፣ ኦራላ ከታ 94ይሲ። ፉማይ ከቸን፣ ሃዒ ቱማ ፖፆ ፖዴሰ።

9 «ፖፆን ዳዳይሲ» ጊሼ ባ አሻ አይያ ኦኒካ፣ ሃዒካ ፉማን ዴዲሲ። 10 ባ አሻ ዴሲያ ኦኒካ ፖፆን ዴዲሲ። ሄ ኡራን ሃራ አሲ ፉቢያባይ ባዋ። 11 ሺን ባ አሻ አይያ ኦኒካ ፉማን ዴዲሲ፤ ፉማን ሃሙቴሰ። ፉማይ አያ አይፊያ ቆቂሲዳ ጊሾ አው ቢያገ ኤፊና።

12 ታ ናይቶ፣ ከሪስቶሳ ስንላ ባጋራ ሃንቴ ናጋራ አቶ ጌቴቲዳ ጊሾ ታኒ ሃንቴው 94ይሲ። 13 አዋቶ፣ ከይሮፔ ዴዲያ፣ አያ ሃንቴ ኤሪዳ ጊሾ ሃንቴው 94ይሲ። ያላጋቶ፣ 9ላሂያ ሃንቴ ያኒዳ ጊሾ ሃንቴው 94ይሲ። 14 ጉላ ናይቶ፣ ያሳ ሃንቴ ኤሪዳ ጊሾ ሃንቴው 94ይሲ። አዋቶ፣ ከይሮፔ ዴዲያ አያ ሃንቴ ኤሪዳ ጊሾ ሃንቴው 94ይሲ። ያላጋቶ፣ ሃንቴ ሚና ጊዲያ ጊሾ ያሳ ቃላይ ሃንቴናን ዴዲያ ጊሾኒ 9ላሂያ ሃንቴ ያኒዳ ጊሾ ሃንቴው 94ይሲ።

15 አላሜ ዋይገ አላሜን ዴዲያባ ደሶፐ። አላሚያ ደሲያ ኦኒካ ያሳ ደሲና። 16 አላሜን ዴዲያ ኡባባይ፣ አሾ አዋቴሉ፣ አይፊን ቤዒዲ አዋቴያባይኔ ሚሼን ጩቄቴሉ አላሚባፔ እትን ያሳፊ ጊዴና። 17 አላሜይኔ አላሜን አሲ አዋቴያ ኡባይ አፋና፣ ሺን ያሳ ሼኒያ ፖሊያ ኦኒካ ሜሪናው ዳና።

ከሪስቶሳራ ኤቂቲያ ሞርኪያ

18 ታ ናይቶ፣ ዋይያ ወርሱላይ ማታቴሰ። ከሪስቶሳ ሞርኪይ ስንላፊ ያናይሳ ሃንቴ ሲዒዳይሳዳ ሃሪ አቶሺን፣ ሃዒካ አያ ሞርኪቲ ዳርቲ ዴንዲደሶና። ሃሳ ጊሾ፣ ዋይያ ወርሱላይ ማታቴዳይሳ ኦኒ ሃሳን ኤርሰ። 19 ሄ ሞርኪቲ ኑ ባጋ ጊዴና ጊሾ ኑ ጊዴፊ ከዪደሶና። ኤንቴ ኑ ባጋ ጊዲያገ ኑ ጊዴን ዴዳና፣ ሺን ኤንታፊ ኦኒካ ኑ ባጋ ጊዴናይሲ ኤፊታና ሜላ ኑ ጊዴፊ ከዪደሶና።

20 ሺን ከሪስቶሲ ሃንቴ ቦላ ገሻ አያና ጉሲሰ፤ ቃሲ ሃንቴ ኡባይ ቱማ ኤፊታ። 21 ቱማ ሃንቴ ኤሪያ ጊሾኒ ቱማን አይቢ ዋርዶይ ባይናይሳ ሃንቴ ኤሪያ ጊሾ ታኒ ሃንቴው 94ይሲፔ እትን ቱማ ሃንቴ ኤርና ጊሾ ጊዴና።

22 ዬሱሲ፣ ያሳይ ደሪዳይሳ ጊዴና ጊዲ ካዲያ አሳፔ ሃሪ ዋርዳንቾይ ኦኒ? ሃሳ ሜላ አሲ ከሪስቶሳ ሞርኪ። አ ና ካዲገ አዋካ ካዴሰ። 23 ና ካዲያ ኦዴሰካ አዋይ ባዋ፤ ቃሲ ናባሰ ማርካቲያ ኦዴሰካ አዋይ ዴዲሲ።

24 ሃሳ ጊሾ፣ ከይሮ ሃንቴ ሲዒዳ ቃላ ሃንቴ ዋዘናን ሚንሌዲ ናጌቴ። ከይሮ ሲዒዳይሳ ሃንቴ ናጌገ ሃንቴው ናሳራኔ አዋራ አሲፊቴሉ ዳና። 25 ናባይ ኑሰ ሜሪና ደባዋ አማና ጊዲ ቃላ ጌሊሰ።

26 ሃንቴና ባሌሊያ አሳ ጊሾ ታኒ ሃይሳ ሃንቴው 94ሰ። 27 ሺን ከሪስቶሲ ሃንቴ ቦላ ባ ገሻ አያና ጉሲሰ። ገሻ አያናይ ሃንቴናን ዴዲያ ጊሾ ኦኒካ ሃንቴና ታማርሲ ኮሼና። አያ ገሻ አያናይ ሃንቴና ቱማ ታማርሲሲፔ እትን ዋርዶ ጊዴና። ገሻ አያናይ ሃንቴና ታማርሲዳይሳዳ ከሪስቶሳን ዴዲቴ።

28 ሂዛ፣ ታ ናይቶ፣ አ ቆንጨያ ዋዶ ኦኒ ያሽ ባይናኔ አያ ዩሳ ጋላሰ አያ ሲንላን ኑ ዬላን ቆሲቶና ሜላ አያን ዴዲቴ። 29 ከሪስቶሲ ያሎ ጊዴይሳ ሃንቴ ኤሪሰ ያሎ ኦሊያ ኡባይ ያሳ ናባ ጊዴይሳ ኤሪቴ።

3

ያሳ ናይታ

1 ኦኒ ያሳ ናይታ ጌቴቲዳ ያጌታና ሜላ ያሳይ ኑና አይ ሜላ ደሲዳኮ ቤዒቴ። ኦኒ ቱማካ ያሳ ናይታ። ሃ አላሜይ ያሳ ኤርና ጊሾ ኑናካ ኤፊና። 2 ታ ሲቆ አሻቶ፣ ሃዒ ኦኒ ያሳ ናይታ፤ ኦኒ አይ ሃናኔኮ ቡሮ ኤፊቴቤና። ሺን ከሪስቶሲ ቆንጨያ ዋዶ ኦኒ አያ ዳናይሳ ኤርሰ። አ ቱማ ዴዲይሳ ኦኒ ቤዒና። 3 ከሪስቶሳ ቤዒና ጊዲ ኡፋይሳን ናጌያ ኦኒካ፣ ከሪስቶሲ ጊሼ ጊዲዳይሳዳ ባና ጊሼሰ።

4 ናጋሪ ሃጌ ሜንሎ ጊዲያ ጊሾ ናጋራ ኦሊያ ኡባይ ያሳ ሃጌ ሜንሌሰ። 5 ከሪስቶሲ አሳ ናጋራ ጳይሳናው ቆንጨዳይሳ ሃንቴ ኤፊታ፤ አያን ናጋሪ ባዋ። 6 ከሪስቶሳን ዴዲያ ኦኒካ ናጋራን ዴና። ቃሲ ናጋራን ዴዲያ ኦኒካ አያ ቤዒቤና ዋይገ ኤሪቤና።

7 ታ ናይቶ፣ ሃንቴና ኦኒካ ባሌፎ። ከሪስቶሲ ያሎ ጊዲዳይሳዳ ያሎ ኦሊያ ኦኒካ ያሎ። 8 9ላሂይ ከይሮፔ ናጋራ ኦሊዳ ጊሾ ናጋራ ኡባ ዋዶ ኦሊያ ኦኒካ ያላሂ ዳሶ። ሃሳ ጊሾ፣ ያሳ ናባይ 9ላሂ ኦሶ ጳይሳናው ቆንጨሰ። 9 ያሳ ናባ ጊዲያ ኦኒካ ያሳ አያናይ አያን ዴዲያ ጊሾ አ ኡባ ዋዶ ናጋራን ዴና። ያሳይ አያ አዋ ጊዲያ ጊሾ ናጋራን ዴና። 10 ያሳ ናይታ ጊዴኒኔ 9ላሂ ናይታ ጊዴን ዴዲያ ዲማቴሳይ ሃሳን ኤፊቴሰ፤ ያሎ ኦላና አሲ ዋይገ ባ አሻ ደሶና አሲ ያሳ ናባ ጊዴና።

አሰይ አሱዋ ደሰቲ

11 ኮይሮፔ ሂንቴ ሲዲዳ ከታይ፣ «አሰይ አሱዋ ደሳናው ቤሱስ» ያገያ ከታ። 12 ኑኒ ቃዔላ ሜላ ገዳናው ቤሱስ። ቃዔላ ሃላህ ዳቦ ገዲዲ ባ አሻ ዋዲስ። ኢ ባ አሻ አይሰ ዋዲያ? ኢያ ኦሶይ አታ ገዲዳ ገሾኔ ኢያ አሻ ኦሶይ ሎዎ ገዲዳ ገሾ ዋዲስ።

13 ታ አሻቶ፣ ሃ አላሚያ አሳይ ሂንቴና አዲኮ ማላሎቶ። 14 ኑኒ ኑ አሻታ ሲቁያ ገሾ ሃይቆፔ ዳዎ ፒኒዳይሳ ኤርሰ። ባ አሻ ደሰና ኦኒካ ሃይቆ ኩያን ዳዔሰ። 15 ባ አሻ አዲያ ኦኒካ ሸምፖ ዋዲስ። ቃሲ ሸምፖ ዋዲያ ኦደሰካ ሜሪና ዳይይ ባይናይሳ ሂንቴ ኤሬታ። 16 ከሪሰቶሲ ባ ሸምፖዋ ኑ ገሾ አሳ አሚዳይሳን ሲቆይ አይቤኮ ኑኒ ኤሪዳ። ኑካ ኑ አሻታ ገሾ ኑ ሸምፖዋ አላዲ አሚናው ቤሱስ። 17 ሸን ዳሬ ገዲዳ ኦኒካ ሜቶታገቱዋ ቤዒሼ፣ ኢያው ቃዲቶና አዲኮ ባ ዋዛናን ያሳ ሲቆይ ዳዔሰ ጋናው ዋኒዲ ዳንዳዒ? 18 ታ ናይቶ፣ ኑኒ ኦሶኒኔ ቱማቴላን ኑ ሲቁዋ ቆንጨሳናው ቤሱሰ፣ ኦፕ፣ ኦዳ ሃላላን ዋይኮ ደና ሃላላን ሲቁታናው ቤሱስ።

የሳን ዳዒያ አማኔቲላ

19 ኑኒ አሰይ አሱዋ ሰቁኮ፣ ኑ ቱማ ባጋ ገዲይሳ ኤርሰ፤ ሃሳሰ ያሳ ሲንላን ዩላቶኮ። 20 ኑ ዋዛናይ ኑ ቦላ ፐርዲያባ ገዲኮ፣ ያሳይ ኑ ዋዛናፔ ገታ ገዲይሳ ኤርሰ፤ ኢ ኡባባ ኤሬሰ።

21 ታ ሲቆ አሻቶ፣ ኑ ዋዛናይ ኑ ቦላ ፐርደናባ ገዲኮ ኑኒ ያሳ ሲንላን ያዩኮ። 22 ኑኒ ኢያ ከታ ናገያ ገሾኔ ኢያ ኡፋይሲያባ ኡላያ ገሾ ዋሲያ ኡባ ኢያፔ ኤኮሰ። 23 ከሪሰቶሲ ኑና ከቲዳይሳዳ ያሳ ናባ ዩሱሰ ከሪሰቶሳ ስንላን አማናዳኔ አሰይ አሱዋ ሲቃናዳ ያሳይ ኑና ከቲሰ። 24 ያሳ ከታ ናገያ ኦኒካ ያሳን ዳዔሰ፤ ያሳይካ ኢያን ዳዔሰ። ያሳይ ኑሰ አሚዳ ገሻ አያና ባጋሬ ኢ ኑናን ዳዔይሳ ኤርሰ።

4

አያናታ ሻኪ ኤሪቴ

1 ታ ሲቆ አሻቶ፣ አያናታ ኡባ አማናፔ፣ ሸን ኤንቴ ያሳፌ ዩዳኮ ፓጪ ቤዒቴ። አይሰ ገኮ፣ ዳር ዋርድ ናቤቴ አላሚን ደንዲደሰና። 2 ያሳ አያና ገዲይሳ ሂንቴ ሃይሳን ኤሪና፤ «ዩሱሰ ከሪሰቶሲ አሱ ገዲዲ ዩዳይሳ ማርካታይስ» ገያ አያና ኡባይ ያሳፌ ዩሰ። 3 ከሪሰቶሲ አሱ ገዲዲ ዩዳይሳ አማናይሰ ጎና አያና ኡባይ ያሳፌ ገዳና። ሃሲ ከሪሰቶሳ አዲያ አያና። ሂንቴ ሄ አያናይ ያናይሳ ካሴ ሲዒዳታ፤ ኢ ሃሪ አቶሸን ሃዒካ አላሚን ዳዔሰ።

4 ታ ናይቶ፣ ሂንቴ ያሳሳ። ሂንቴ ገደን ዳዒያ ገሻ አያናይ አላሚን ዳዒያ አያናፔ ዳር ዋልቃማ ገዲያ ገሾ ዋርዳንቸ ናቤታ ሂንቴ ያኒዳታ። 5 ኤንቴ ሃ አላሚያ አሱ ገዲያ ገሾ ሃ አላሚያባ ኦደሰና፤ ሃ አላሚያ አሳይ ኤንታ ኦዳ ሲደሰና። 6 ኑኒ ያሳፌ ዩሊቴዳ፤ ያሳ ኤሪያ ኦኒካ ኑና ሲዔሰ። ያሳ ኤርና ኦኒካ ኑና ሲዒና። ኑኒ ቱማ አያናፔ ዋርደ አያና ሃሳን ሻኮሰ።

የሳይ ሲቆ

7 ታ ሲቆ አሻቶ፣ ሲቆይ ያሳፌ ያ ገሾ አኔ አሰይ አሱዋራ ሲቆቶሰ። ሲቁያ ኦኒካ ያሳ ናባ፤ ኢ ያሳ ኤሬሰ። 8 ያሳይ ሲቆ ገዲያ ገሾ ሲቆና ኦኒካ ያሳ ኤሬና። 9 ኑኒ ከሪሰቶሳ ባጋሬ ደዑዋ ዳማና ሜላ ያሳይ ባ ኢሲ ናባ ሃ አላሚያ ከቲሰ። ያሳይ ኑና ባ ሲቁዋ ሃሳን ቤሱስ። 10 ቱማ ሲቆ ጉሳይ ሃይሳ፣ ኑኒ ያሳ ሲቁዳ ገሾ ገደናሽን ያሳይ ኑና ሲቁዳ ገሾኔ ኑ ናጋሬፔ ኑና ማራናው ባ ናባ ከቲዳ ገሾሳ።

11 ታ ሲቆ አሻቶ፣ ያሳይ ኑና ሃይሳዳ ሰቁኮ፣ ኑካ አሰይ አሱዋ ሲቃናው ቤሱስ። 12 ያሳ ቤዒዳይ ኦኒካ ባዋ። ኑኒ አሰይ አሱዋ ሰቁኮ ያሳይ ኑናን ዳዔሰ፤ ኢያ ሲቆይካ ኑናን ፖሎ ገደሰ።

13 ያሳይ ባ ገሻ አያና ኑሰ አሚዳ ገሾ ኑኒ ያሳን ዳዔይሳኔ አካ ኑናን ዳዔይሳ ኤርሰ። 14 አዋይ ባ ናባ፣ ሃ አላሚያ አሼይሳ ገዳና ሜላ ከቲዳይሳ ኑኒ ቤዒዲ ማርካቶሰ። 15 ዩሱሲ ያሳ ናባ ገዲይሳ ማርካቲያ ኦዳኒካ ያሳይ ዳዔሰ፤ አካ ያሳን ዳዔሰ። 16 ያሳይ ኑና ሲቁይሳ ኑኒ ኤርሲኔ አማናሰ።

የሳይ ሲቆ። ሲቆን ዳዒያ ኦኒካ ያሳን ዳዔሰ፤ ያሳይካ ኢያን ዳዔሰ። 17 ኑ ዳይይ ሃ አላሚያን ከሪሰቶሲ ዳዒዳይሳ ሜላ ገዲያ ገሾ ፐርዳ ጋሳሰ ያዮና ኢያ ሲንኤ ሸቃናው ኢያ ሲቆይ ኑናን ፖሎ ገደሰ። 18 ሲቆን ያሽ ባዋ፣ ቱማ ሲቆይ ያሽ ከሲ ሆሊሰ። ያሽኔ ፐርዲ ኢሲፌ ቤያ ገሾ ያዮ ኡሪ ሲቆይ ፖሎ ገደና።

19 ያሳይ ኮይሮ ኑና ሲቁዳ ገሾ ኑ ሲቆሰ። 20 ኦኒካ፣ «የሳ ሲቃይስ» ገሼ ባ አሻ አዲኮ፣ ኢ ዋርዳንቸ። አይሰ ገኮ፣ ቤዒያ ባ አሻ ሲቆና ኦኒካ ቤዒቦና ያሳ ሲቃናው ዋኒዲ ዳንዳዒ? 21 ከሪሰቶሲ ኑሰ አሚዳ ከታይ ሃይሳ፤ «የሳ ሲቁያ ኦኒካ ባ አሻ ሲቃናው ቤሱስ» ያገይሳ።

5

አላሚያ ዮና

1 ዬሱስ፣ ኢ ከሪስቶስ ያገዱ፣ አማኒያ ኦኒካ ያሳ ናዋ። አዋ ሰቂያ ኦኒካ ኢያ ናዋካ ሲቁስ።
 2 ኦኒ ያሳ ሰቂያ ገሾኔ ኢያ ከታ ናገያ ገሾ ያሳ ናይታ ሰቂይሳ ኤሮስ።³ ኦኒ ያሳ ሰቂኮ፣ ኢያ ከታታ ናገሰ። ኢያ ከታታ ዴዎ ገደኮና።⁴ አይስ ገኮ፣ ያሳ ናዋ ገደያ ኦኒካ ሃ አላሚያ ዮናናው ዳገዳዒስ። ኦኒ ሃ አላሚያ ዮናናይ ኦ አማኑዋና።⁵ አላሚያ ዮናናው ዳገዳዒይ ኦኔ? ዬሱስ ያሳ ናዋ ገደይሳ አማኒያ አሳ ዓላሊ ዮናና።

ከሪስቶስ ማርካቲይሳ

6 ዬሱስ ከሪስቶስ ሃሳ ዊንቃቲያራኔ ባ ሃይቁአዋ ሱሳራ ዩስ። ኢ፣ ሃሳራኔ ሱሳራ ዩሰፔ አቲን ሃሳ ዓላላራ ዩቤና። ጌሻ አያናይ ቱማ ገደያ ገሾ ሄሲ ቱማ ገደይሳ ማርካቲስ።⁷ ሄቩ ማርካቲ ዴዎሶና።⁸ ሃሳቲ፣ ጌሻ አያና፣ ሃሳኔ ሱሳ። ሃ ሄቫታ ማርካቲሳይ ኢሰና።⁹ ኦ አሲ ማርካቲይሳ አማናስ። ሸን ያሳ ማርካቲሳይ አሳይሳፊ ዳሮ አዲስ። ያሳይ ባ ናዋስ ማርካቲዳ ማርካቲሳይ ሃይሳ።¹⁰ ያሳ ናዋ አማኒያ ኡራ ዋዛናን ሃ ማርካቲሳይ ዴዒስ። ያሳ አማናና ኦኒካ ያሳይ ባ ናዋስ ማርካቲዳ ማርካቲሳ አማኒያ ገሾ ያሳ ዋርዳገቾ ኦላስ።

11 ሄዛ፣ ማርካቲሳይ ሃይሳ፤ ያሳይ ኮስ ሜሪና ዴዎ ኢሚስ፤ ሄ ዴዎይካ ኢያ ናዋን ዴዒስ ያገይሳ።

12 ያሳ ናዋይ ዴዎ ኦዴስካ ዴዎይ ዴዒስ። ያሳ ናዋይ ባይና ኦዴስካ ዴዎይ ባዋ።

ሜሪና ዴዎ

13 ያሳ ናዋን አማኒያ ሂንቲው ሜሪና ዴዎይ ዴዒይሳ ሂንቲ ኤራና ማላ ሃይሳ ሂንቲው ዓፋስ።
 14 ያሳ ሸኒያዳ አይቤባካ ኢያ ዋሲኮ፣ ኢ ሰዒይሳ ኦኒ ኤሪያ ገሾ ኢያን አማኔቶስ።¹⁵ ኦኒ ዋሲያ ኡባ ኢ ሰዒይሳ ኤሪኮ፣ ኦኒ ዋሲያባ ኢ አማናይሳ ኤሮስ።

16 ኦኒካ ባ አሻይ ሃይቆ ቤሶና ናጋሪ ኦላሸን ቤዒኮ፣ ያሳ ኢያው ዋሳናው ቤሴስ። ሃይቆ ቤሶና ናጋሪ ኦላዳይሳታስ ያሳይ ዴዎ አማና። ሃይቆ ቤሲያ ናጋሪ ዴዒስ። ታኒ ሂንቲና ሃሳስ ያሳ ዋሲቲ ገኬ።¹⁷ ኢታ ኦሶ ኡባይ ናጋራ፣ ሸን ሃይቆ ቤሶና ናጋሪ ዴዒስ።

18 ያሳ ናዋይ ኢያ ናገያ ገሾ ያሳ ናዋ ገደዳ ኦኒካ ናጋራን ኡባ ዋዴ ዴዎናይሳ ኦኒ ኤሮስ።
 9ላሄይ ኢያ ቆሃናው ዳገዳዒና።¹⁹ ኦኒ ያሳሳ ገደይሳኔ ሃ ኩሜላ አላሚይ ዓላሄን ሃሬቲይሳ ኤሮስ።

20 ኦኒ ቱማ ያሳ ኤራናዳ ያሳ ናዋይ ዩዳይሳኔ ኦስ አኩካ አሚዳይሳ ኤሮስ። ኦኒ ኢያ ናዋ፣ ዬሱስ ከሪስቶስ ባጋራ ቱማ ያሳን ዴዎስ። ዬሱስ ቱማ ያሳኔ ሜሪና ዴዐዋ።

21 ታ ናይቶ፣ ኤቃታፔ ሂንቲ ሃኪቲ።

የሃኒሲ ፃፊዳ ናምዓንሉ ከታ ጋሳ ቆፋ

የሃኒሲ ፃፊዳናምዓንሉ ከታ፡ ዬሱሳ ሃዋሬ ጊዲዳ ጨማይ፡ የሃኒሲ ፃፊስ፡ ፃፊተዳይካ ዶሬተዳ ጎዳተሳኔ እ ናይታሳ፡ ኦኒ ኤሪ፡ ሄሲካ ኢሲ ዋሳ ከላሲኔ ኢያን ጎይኒያ አሳሰ ጊደና ኣጌና፡ ሃ ቃንሳ ከታይ ፃፊተዳይ፡ ኤንቲ ኢሶይ ኢሱዋራ ሲቋታና ሜላ ኣኩኪሳናሳኔ ዋርዶ ኣስታማሬታፔኔ ኤንታ ቲሚርቲያፌ ናጌታና ሜላ ቆፊሳናሳ፡

2 የሃኒሳ ከታ ኣይፌ ቆፋታ

- ሳርሶ 1-3
- ሲቆይ ኡባሬ ቦላ 4-6
- ዋርዶ ቲሚርቲያፌ ናጌቲሉ 7-11
- ኩሻ ቆፋ 12-13

1 ታ ጨማይ ዶሬተዳ ጎዳተሳኔ እ ናይታሰ ከቲዳ ከታ፡ ታ ፃላላ ጊደናሽን ቱማ ኤሪያ ኡባይ ሂንቴና ዶሶሶና፡ 2 ሃ ቱማይ ኦናን ዳዒያ ገሺኔ ሜሪናው ኦራ ዳና ገሺ ታኒ ሂንቴና ቱማ ደሳይሰ፡ 3 ያሳ ኦ ኣዋኔ ኢያ ናዓ ዬሱሰ ከሪሰቶሳ ኣቶ ኬሃቴላይ፡ ማርቴላይኔ ሳርቴላይ ቱማኒኔ ሲቆን ኢሲፌ ኦራ ጊደ፡

ቱማባኔ ሲቆባ

4 ኣዋይ ኦና ከቲዳይሳዳ፡ ኔ ናይታፔ ባጋቲ፡ ቱማሰ ከቲቴይሳ ቤዓዳ ታኒ ዳር ኡፋይታሰ፡ 5 ጎዳቲ፡ ሃዓካ ኦኒ ኡባይ ኢሶይ ኢሱዋ ሲቃና ሜላ ታኒ ኔና ዋሳይሰ፡ ሃ ከታይ ኮይሮፔ ኦራ ዳዒያ ከታፔ ኣቲን ታኒ ኔው ኦራሳ ከታ ፃፊኬ፡ 6 ቱማ ሲቆይ ኦኒ ያሳ ከታ ናጌዲ ዳናይሳ፡ ቃሲ ኮይሮፔ ሂንቴ ሲዒዳይሳዳ ኢያ ከታይ፡ ሂንቴ ኡባይ ሲቆን ዳና ሜላሳ፡ 7 ዬሱሰ ከሪሰቶሲ ኣሲ ጊዲዲ ዪዳይሳ ኣማናና፡ ዳር ባሌሊያ ኣሳቲ፡ ኣላሜን ዳንዲዶሶና፡ ሂሳ ሜላ ኣሲ ኦኒካ ባሌሊይሳኔ ከሪሰቶሳ ዋርከ፡ 8 ሂንቴ ኦሊዳ ኩሜላ ዋይቱዋ ኤካናው ሚኒቲ፡ ሂንቴ ኦሊዳይሲ ላዮና ሜላ ናጌቲቲ፡ 9 ከሪሰቶሳ ቲሚርቲያን ደናይሳሲኔ ኢያፔ ሃኪያ ኡራሰ ያሳይ ባዋ፡ ከሪሰቶሳ ቲሚርቲያን ዳዒያ ኡራሰ ኣዋይኔ ናዓይ ዳዖሶና፡ 10 ኦኒካ ሂንቴኮ ዪሺ ሃ ቲሚርቲያ ኤሆና ኢዲኮ፡ ሂንቴ ሶ ጌልሶፊቲ፤ ሳርካ ጎፒቲ፡ 11 ኢያ ሳር ጊያ ኦኒካ ኢያ ኢታ ኦሱዋን ኢያራ ሻኬቲሰ፡

ወርሲሳ ሳርታ

12 ታኒ ሂንቴው ፃፋናው ኮዪዳ ዳርባይ ዳዒሰ፡ ሺን ዋርቃቲኒኔ ቃላሜን ፃፋናው ኮዪኬ፡ ኦ ኡፋይሳይ ፖሌታና ሜላ ሂንቴራ ሰምዖን ጋሂታዳ ኦይታናው ሂንቴኮ ባና ጋዳ ቆፓይሰ፡ 13 ያሳይ ዶሪዳ ኔ ሚቹ ናይቲ ኔና ሳር ያጎሶና፡

የሃኒሲ ፃፊዳ ሂደት ገጽ ፳፭

የሃኒሲ ፃፊዳ ሂደት ከታ፣ ዩሱፍ ሃዋርያ ገደዳ ጨማይ፣ የሃኒሲ ፃፊ፡፡ ኢ ፃፊዳደካ ገደሳ ገያ ኢሲ ዋሳ ከላ ሂማይሳ፡፡ ፃፊይ ኢሲ ባጋራ ገደሲ ሃራ አማኔይሳት ማደዳ ገሸ ኢያ ገላቴስ፤ ቃሲ ሃራ ባጋራ ዲዮተራፊሳ ገቴቴያ ዋሳ ከላ ሃላቃ ገደዳው ከያ ገላ ኡራፔ ናጌታና ማላ አክኪሲስ፡፡

3 የሃኒሳ ከታ አይፌ ቆፋታ

- ገሎ ቆፋ 1-4
- ገዮሲ ገላቴስ 5-8
- ዲዮተራፊሲ ቦሬቴስ 9-10
- ዲሜዲሮሲ ገላቴስ 11-12
- ኩሻ ቆፋ 13-15

1 ታሪ ጨማይ፣ ቱማ ደሲያ ገዮሳስ ከተዳ ከታ፡፡ 2 ታ ሲቆዋው፣ ነገ ኔ ሸምፑዋን ሎዖ ደዔይሳ ታ ኡሬይሳዳ ኔው ገያቴሌ ዳና ማላኔ ኔ ኦሊያባይ ሱራና ማላ ኔው ያሳ ዋሳይስ፡፡ 3 ገላ አማኒያ አሳቴ ዩዲ፣ ኡባ ዋዴ ነገ ቱማን ደዔይሳኔ ኔ ቱማቴላባ ማርካቴዳ ዋዴ ታሪ ዳር ኡፋይታስ፡፡ 4 ታ ናይቲ ቱማቴላን ደዔይሳ ሲዔይሳፊ አዲዲ፣ ታና ኡፋይሲያባይ ባዋ፡፡

ገዮሲ ገላቴስ

5 ታ ሲቆዋው፣ ኤንቲ ኔው አማሌ ገደዳካ፣ ነገ አማኒያ አሳታስ አማንሌያ ኦሶ ኦላሳ፡፡ 6 ኤንቲ ኔ ሲቆዋባ ዋሳ ከላን ማርካቶሶና፡፡ ሃሲካ ኤንቲ ቢያ ኦጊያን ያሳይ ደሴይሳዳ ኦላዳ ኤንታ ማዲኮ ሎዖ ኦላሳ፡፡ 7 ኤንቲ ከሪሰቶሳ ሱንላ ገሸ ከዩሸ፣ አማኖና አሳታፔ አይኮካ ኤኪቦኮና፡፡ 8 ነገ ቱማ ኦሱዋ ኤንታራ ኢሲፊ ኦላናው ሃይሳ ማላ አሳታ ማዳናው ቤሴስ፡፡

ዲዮተራፊሳኔ ዲሜዲሮሳ

9 ታሪ ዋሳ ከላታስ ዲብዳቤ ፃፋስ፣ ሺን ኤንታ ሃላቃ ገደዳው ከያ ዲዮተራፊሲ ነገ ገይሳ ኤኬና፡፡ 10 ሂሳ ገሸ፣ ታሪ ያ ቢያ ዋዴ ኢ ኑ ቦላ ኦዴቲያ ኢታ ኦዴኔ ኢ ኦሊዳ ኦሱዋ ኦዴና፡፡ ኢ ሂሲ ገደስ ገደዲ፣ ኑ አሻቲ ያ ዋዴ ሞኬና፡፡ ሃሪ አቶሺን፣ ኤንታ ሞካናው ኮይይሳታካ ዲጊዲ ዋሳ ከላፊ ከሴስ፡፡

11 ታ ሲቆዋው፣ ሎዖባ ዳናፔ አቲን ኢታባ ዳናፓ፡፡ ሎዖባ ኦሊያ ኦኒካ ያሳ አሲ፣ ሺን ኢታባ ኦሊያ ኦኒካ ያሳ ቢዒቤና፡፡

12 ዲሜዲሮሲ ሎዖ አሲ ገደይሳ አሳ ኡባይ ማርካቴስ፡፡ ቱማይ ባ ሁዔን ኢያባ ማርካቴስ፤ ኑካ ኢያባ ማርካቶስ፤ ኑ ማርካቴላይ ቱማ ገደይሳ ሂንጌ ኤሬታ፡፡

ጨርሱላ ሳርታ

13 ታሪ ኔው ፃፋናው ኮዩዳ ዳርባይ ደዔስ፣ ሺን ቃላሜኒኔ ዋርቃቱን ፃፋናው ኮዩኬ፡፡ 14 ሺን ታሪ ማታራ ኔራ ጋሂታናው ቆፓይስ፤ ሄ ዋዴ ነገ ኦዴታና፡፡

15 ሳርሮ ኔው ገደ፡፡

ኔ ዳቦቲ ኔና ሳር ያሳሶና፡፡ ኑ ዳቦታ ኡባ ኤንታ ሱንላ ሱንላ ዪጋዳ ታና «ሳር ገሰ» ያጋ፡፡

ጸሁዲ ፃፊዳ ኪታ ጋላ ቆፋ

ጸሁዲ ኪታይ ፃፊቲያይ፡ አማኖና ደዒሽ አማኒያ አሲ ዳኒዲ ዋርዶ ቲሚርቲ ላሊያ አሳታፕ አማኒያ አሳይ ናጌታና ሜላ አኬኪሳና፡ ሃ ቃንሳ ኪታይ ባ ጌዶን ኦይኪዳ ቆፋታን ናምዓንሳ ጸፃርሳ ኪታ ዳኔሰ፡ ፃፊይ፡ «አማኒያ አሳሰ ኢሲ ቶቶህ ሠርሱሌ ጋካናው አሜቲዳ አማኑዋሰ ኦሌቲቱ» ያጌዲ ናባቤይሳታ ሚንላዲ ቆፊሱሰ፡

ጸሁዳ ኪታ ኣይፌ ቆፋታ

ሳርሶ 1-2
ዋርዶ አሰታማሬታ ቲሚርቲያኔ ኤንታ ኩንዳላ 3-16
አማኖ ናጋና ሜላ አሜቲዳ ዞሬ 17-23
ጋላታ ዋሳ 24-25

1 ታኒ ጸሁዲ፡ ዬሱሰ ኪሪሰቶሳ አይሌይ፡ ያይቆባ አሻይ፤
የሳይ ጸገዳይሳታሰ፡ የሳ አዋይ ደሴይሳታሰኔ ዬሱሰ ኪሪሰቶሳን ናጌቲዳይሳታሰ ሃ ዳብዳቢያ ፃፋይሰ፡

2 ማርቴላ፡ ሳርቴላኔ ሲቆይ ሂንቴው ኩሞ፡

ዋርዶ አሰታማሬታ

3 ታ ሲቆ አሻቶ፡ ኑኒ ኢሲፌ ሻኬቲያ አቶቴላባ ሂንቴው ፃፋናው ታኒ ዳር አዋታሰ፡ ሽን አማኒያ አሳሰ ኢሲ ቶቶህ ሠርሱሌ ጋካናው አሜቲዳ አማኑዋሰ ኦሌታና ሜላ ሂንቴና ዞሪሽ ፃፋናይሲ ታው ኮሺያባ ጌዲሰ፡ 4 ኤንታ ፐርዳይ ቤኒፔ ፃፊቲዲ ኡቲዳ፡ ኢሲ ኢሲ አሳቲ ኦኒካ ኤርና ሂንቴ ጌዶ ጌሊደሶና፡ ኤንቲ የሳ ኤርናይሳታ፡ ኤንቲ ኑ የሳ አቆ ከሃቴላ ላይማታናው ጎዔቲያ ኦኒ ኦሊዲ ኤኮሶና፡ ባ ፃላላ ካዋ ጌዲዳ፡ ኑ ጎዳ ዬሱሰ ኪሪሰቶሳ ካደሶና፡

5 ሽን ሂንቴ ሃ ኡባ ኤሪያባ ጌዲኮካ፡ ጎዳይ ኢሰራዒሌ አሳ ጌብፄ ቢታፌ ዋቲ ኬሲዳኮ፡ ቃሲ ገዬፔ አማኖናይሳታ ቆይሲዳይሳ ታ ሂንቴና አኬኪሳናው ኮያይሰ፡ 6 ባንታ ደዒያሱዋ አጌዲ፡ ባንታው አሜቲዳ ማታ ናጌቦና ኪታንቸታ፡ ጌታ ፐርዳ ጋላሳይ ጋካናው የሳይ ኤንታ ቆማፕ ጋርሳን ሚሪና ሳንሳላታን ቃቺ ዋሊሰ፡ 7 ሂሳዳ፡ ሶዶሜኔ ጋዋራ አሳይኔ ኤንታ ማታን ደዒያ ካታማታን ደዒያ አሳይ ላይማቲደሶና፤ ላይማቴላራ ጋሂቴያ ቴናቴላ ኦሊደሶና፡ ኤንቲ ሚሪና ታማን ዋይታናይሳታሰ ለሚሶ ጌዲደሶና፡

8 ሂሳዳካ፡ ሃ አሙሃንቸቲ ባንታ አሳቴላ ቴኒሶሶና፤ ማታ አዋታ ካቆሶና፤ ሳሎ ሚጶቴላታ ጫዮሶና፡ 9 ሽን ኪታንቸታ ሃላቃይ ሚካዔሌይ ሙሴ አሃሰ ፃላሂራ ፓላሚዳ ዋይ «ሳዳይ ኔና ሴር» ያጌሰፔ አትን ኢያ ቦላ ጫሻ ቃላ ኦዲዲ ሞታናው ኮዩቤና፡ 10 ሽን ሃ አሳቲ ባንታው ኤርናባ ኡባ ጫዮሶና፤ ቃሲ ኤንቲ ዋዛኒ ባይና ሚሄዳ ሚጶን ኤሪያ ኤሪይ፡ ኢ ኤንታና ቆይሶና፡ 11 ኤንታና አዩ! ኤንቲ ቃዒላ ኦጊያን ቢደሶና፡ ሚሽ ኮዩዲ ባላማ ባላን ኩንዲደሶና፡ ቆሬይ የሳ ቦላ ደንዲዳይሳዳ ኤንቲ የሳ ቦላ ደንዲዲ ጳዩደሶና፡

12 ሃ አሳቲ፡ ሂንቴ ሲቆ ገቢራ ሚያ ቤሳን ሂንቴራ ኡቲያ ዋይ ዬሊ ባይና ካዉሻታ፡ ኤንቲ ባንታና ፃላላ ሄሚይሳታ፡ ኤንቲ ጫርኮይ ኤፊያ ኢሪ ባይና ሻራ ሜላ፡ ቃሲ አይፌ ዋይን አይፌ አይፎና፡ ፃጸራ ሾዴቲድ፡ ናምቡ ቶቶ ሚሊዳ ሚላ ሚላ፡ 13 ኤንቲ ሃንቄቲዳ አባ ዙሊያ ሚላ ባንታ ፖኩዋ ጎፕንቴይሳታ፡ ኤንቲ ሚሪናው ሳካና ቆማይ ናጌያ ቶይላቲያ የለንቸታ፡

14 አዳሚይ ደሚዳ፡ ላፑንሳ ዩሊታ ጌዲዳ ሄናኬይ፡ ሃ አሳታባ ቲንቢቴ ኦዲሽ፡ «ሄካ፡ ጎዳይ፡ ባ ዳር ሙኩሉ ጌሻታራ ያና፡ 15 አሳ ኡባ ፐርዳና፤ ጌላታ ኡባ ኤንቲ ኦሊዳ ኢታ ኦሶ ኡባ ጌሽኔ ማካላቴላን ኤንቲ የሳ ቦላ ኦዴቲዳ ኢታ ኦዳ ኡባ ጌሽ ፐርዳና» ያጌሰ፡ 16 ሄ አሳቲ ኡባ ዋይ ዙዙሚይሳታን ኦዳ ኮይይሳታ፡ ቃሲ ባንታ ኢታ አሙዋ ካሎሶና፤ ባንታናን ጨቆሶናኔ ባንታና ጎዳያ ባይማናው ሃራታ ሳቦሶና፡

ወርሴሳ ዞሬ

17 ሽን ታ አሻቶ፡ ኑ ጎዳ ዬሱሰ ኪሪሰቶሳ ሃዋሬቲ ካሲ ሂንቴው ኦዲዳ ቃላ አኬኪቱ፡ 18 ኤንቲ፡ «ወርሴላ ዋዲያን፡ ባንታ አሙዋ ካሊዲ ቶቼይሳቲ ያና» ያጌደሶና፡ 19 ሄ አሳቲ አሳ ጌዶን ሻሆቴላ ሚጶይሳታ፡ ባንታ አሾ አሙዋሰ ሃሬቴይሳታን ጌሻ አያናይ ባይናይሳታ፡

1:1 ማቶ 13:55፤ ማር 6:3 1:5 ከሳ 12:51፤ ታይ 14:29-30 1:7 ሚጶ 19:1-24 1:9 ዳኔ 10:13፤ 21፤ 12:1፤ ዮ.ቆ 12:7፤ ዛሬ 34:6፤ ዛካ 3:2 1:11 ሚጶ 4:3-8፤ ታይ 22:1-35፤ 16:1-35 1:14 ሚጶ 5:18፤ 21-24
1:18 2ጴጌ 3:3

20 ሸን ታ አሻቶ፣ ጌሺ ጊዲዳ ሂንቴ አማኑዋን ሂንቴና ዲቻናው ሚኒቴ፤ ቃሲ ጌሻ አያና ዋልቃን ዋሰቴ። 21 ሂንቴና ሜሪና ዳዑዋኮ ጋሊያ ኑ ጎዳ ዬሱሰ ኪሪሰቶሳ ማሮቴላ ናጊሼ ሂንቴና ያሳ ሰቆዋን ናጊቴ።

22 ሲቆይ ዳዒያ አሳሰ ቃዴቴቴ። 23 ኢሲ ኢሲ አሳታ ታማፔ ኬሲ ኤከቴ። ቃሲ ኢታ አሞን ቴኒዳ ኤንታ ማዑዋ ኢዲሼ ሃራታሰ ያሻን ቃዴቴቴ።

ጋላታ ዋሳ

24 ሂንቴ ኩንደና ሜላ ናጋናው ቦሬይ ባይናይሳታኔ ገታ ኡፋይሳን ኩሚዳይሳታ ኦሊዲ ባ ቦንቹዋ ሲንላን ሂንቴና ሸሻናው ዳንደዒያ። 25 ኑና አሸያ ኢሲ ያሳሰ፣ ኑ ጎዳ ዬሱሰ ኪሪሰቶሳ ባጋራ ቦንቹይ፣ ገታቴሌ፣ ዋልቄኔ ማቴ፣ ካሴካ፣ ሃዒካ፣ ሜሪናዉካ ኢያው ጊደ። አሚንዒ።

የሃሊ ጳጳሳ ጋላ ቆፋ

የሃሊ ጳጳሳይ ያፈተዳይ፣ አማኒያ አሳይ ዩሱስ ከሪስቶሳ ባንታው ጎዳ ኦሊዲ፣ ጌሻቴላን ደዒዲ ገሾ ኦንታ ማቶይስ ዋይይ ጋኪዳ ዋደና። ያፊይ ወዲዲ ዪሊዲ አይፊ ቆፋይ፣ አማኒያ አሳ ኦፋይሳይ ኩሚላ ገዳና ማላ ኦንታ ማንሌዲ፣ ኦንታ ጋኪዳ ጎዳይ ማቲዋ ጊደን ባንታ አማኑዋን ማኒዲ ኤቃና ማላ ደንሌላናሳ።

ማፃፋን ዳሪያ ከፊሌይ ዳርይ ካሊ ካሊዲ ቆንጠዳ ቆንጠዳ ያይኬስ። ሃ ቆንጠዳተ ሃ ዋይ ደዒያ አሳስ ገሌስ፣ ሺን ሃራታስ ፀራ ገዲዲ ጋምሲስ። ኦንቲ ኦዴቲዳይካ ለሚሶ ኦዳና። ሃ ማፃፋን ደዒያ ታይቦተ፣ ማካ ሚሸቴኔ ደዒተ ደሬታኔ አያና ሚይቆላታ ለሚሶ። ማዘሙሪ አዘማቼይ ሲሚ ሲሚዲ ይጻቴይሳዳ፣ ሃ ማፃፋን ደዒያ ሁዔ ቆፋተ ደማ ደማ ቆንጠዳታ ባጋራ ደማ ደማ ኦንቲ ሲሚ ሲሚ ሸቀደሶና። ሃ ማፃፋ ቢርሸላስ ደማ ደማ ቆፋይ ደዒኮካ፣ አያው ሁዔ ቆፋይ ቆንጠዳ። ሄሲካ፣ «የሳይ ጎዳ ከሪስቶሳ ባጋራ ዛሬሶና ኦንቲ ባ ሞርኬታ፣ ያላሄራ ጉጂዲ፣ ኢሲ ቶሆኔ ወርሴላ ጋካናው ያናና። ሃ ያኑዋፔ ጉዬ፣ አያው አማኔቲዲ ደዒዲ ባ ባጋታ ኦራሳ ሳሎ፣ ኦራሳ ሳዓ ኦንጆ ላተሳና» ያጌይሳ።

የሃሊ ጳጳሳ አይፊ ቆፋታ

- ጌሎ ቆፋ 1:1-8
- ዩሱሲ ላፑን ዋሳ ኬላታ ጊደን 1:9-20
- ላፑን ዋሳ ኬላታስ ያፊቲዳ ኪታ 2:1-3:22
- አራታ፣ ያላ ማፃፋኔ ደርሳ 4:1-5:14
- ላፑን ማታሚታ 6:1-8:1
- ላፑን ሞይዜታ 8:2-11:19
- ደዋያኔ ናምቡ ደዒታ 12:1-13:18
- ደማ ደማ ቆንጠዳታ 14:1-15:8
- ላፑን ሃንቆ ፀዓታ 16:1-21
- ባቢሎኔ ኩንዳላ፣ ደዒኔ ዋርዳ ናቢያ 17:1-20:10
- ወርሴላ ፐርዳ 20:11-15
- ኦራሳ ሳሎ፣ ኦራሳ ሳዒኔ ኦራሳ ዩሩሳላሚ 21:1-22:5
- ኩሻ ቆፋ 22:6-21

1 ኤሶን ሃናናው ደዒያባ ባ አይሌታ ቤሳና ሚላ ያሳይ አያው አሚዳ ዩሱስ ከሪስቶሳ ቆንጠዳይ ሃይሳ። ዩሱሲ ባ ኪታንቸዋ ከቲዲ፣ ባ አይሊያ የሃሊሳስ ቆንጠሲስ። 2 የሃሊሲ ያሳ ኪታ፣ ዩሱሲ ከሪስቶሲ ኦሊዳባኔ ኦዲዳባ ኡባ ማርካቲስ። 3 ሃ ኡባይ ሃናናው ዋይይ ማቲዳ ገሾ ሃ ቲንቢቲ ቃላ ናባቢያ ኦንቲ አንጃቲዳይሳ፤ ቃሲ ሃ ቃላ ሲዔይሳቲኔ ያፊቲዳ ኪታ ናጊያ ኡባይ አንጃቲዳይሳታ።

ላፑን ኢሲያ ዋሳ ኬላታስ ከቲቲዳ ሳርሳ

4-5 ሃ ደብዳቤይ፣ የሃሊሳፔ፣ ኢሲያ ቢታን ደዒያ ላፑን ዋሳ ኬላታስ ያፊቲስ። ካሲካ፣ ሃዒካ ደዒያ፣ ሲንሳፊካ ያናው ደዒያ ያሳፊ፣ ቃሲ አያ አራታ ሲንሳን ደዒያ ላፑን አያናታ፣ ሄሳዳካ፣ ሃይቆፔ ደንደን ኮይር ገዲዳይሳፊ፣ ሳዓ ካዋታ ሃሪያ አማኔቲያ ማርካ ገዲዲ ዩሱስ ከሪስቶሳ፣ አጽ ከሃቴላይኔ ሳርቲላይ ሂንቴው ጊደ።

ዩሱሲ ኦና ሲቆስ፣ ቃሲ ባ ሱላን ናጋራ አይሌቲላፊ ኦና ሳዓ ኬሲስ። 6 ኦን ያሳ አያ አዋስ ኦሳና ሚላ ኦና ካዋታ ካሂኔ ኦሊስ። አያው ሚሪናፔ ሚሪና ጋካናው ቦንቾይኔ ዋልቃይ ጊደ። አሚንዒ።

7 ሄኮ፣ ዩሱሲ ሻራራ ዩስ። አሳ ኡባይ ሃሪ አቶሺን፣ አያ ጫዲዳ አሳይካ አያ ቤዓና። ሳዓን ደዒያ አሳ ኡባይ አያ ገሾ ዩካና። ሄሲ ቱማ ሃናና፤ አሚንዒ።

8 «ካሲካ፣ ሃዒካ ደዒይሲ፣ ሲንሳፊካ ያና ጎዳይ፣ ኡባፊ ዋልቃማ ያሳይ፣ አልፋኔ ኦሚጊ ታና» * ያጌስ ጎዳ ያሳይ።

ጎዳ ቆንጠዳ

1:4-5 ኪሳ 3:14፤ ዮ.ቆ 4:5 1:4-5 ኢሳ 55:4፤ ማዘ 89:27 1:6 ኪሳ 19:6፤ ዮ.ቆ 5:10 1:7 ዳኔ 7:13፤ ማቶ 24:30፤ ማር 13:26፤ ሉቃ 21:27፤ 1ቲሴ 4:17፤ ዛካ 12:10፤ የሃ 19:34 * 1:8 አልፋኔ ኦሚጋ፣ ገሪኬ ደናን አልፋኔ ኦሚጊ ኮይርኔ ወርሴላ ፐዳላታ፤ ቢርሸላይካ ኮይርኔ ወርሴላ ጉሱ። 1:8 ዮ.ቆ 22:13፤ ኪሳ 3:14

9 ታኒ፡ ጥሂሲ፡ ሃንቲ አሻይ፡ ሃንቴራ ኢሲፌ ዬሱሳን ዋያ፡ ኢያ ካዎቴላኔ ኢያ ዳንዳባ ቤሳስ፡ ታኒ ያሳ ቃላ ገሽኔ ዬሱሳን ማርካቲዳ ገሽ ፓዳዎ ገያ ሃላን ቴቁቲዳ ቢታን ዳባይሲ፡ 10 ጎዳ ጋላሳን ታ ገሻ አያናን ሃራታዳ ዳባይሲ፤ ታፔ ጉዬራ ዋይዜ ፑሮ ማላ ገታ ገርሲ ሰሳስ፡ 11 ሄ ገርሳይ ታና፡ «ኔ ቤዓይሳ ማፃፃፍን ፃፋዳ፡ ኢሲያን ዳባይሲ ላፊን ዋሳ ከላታስ፡ ኤፌሶና፡ ሳሚርኔሳ፡ ጳርጋዎና፡ ቲያቲሮና፡ ሳርዳሳ፡ ፊላዳልፊያኔ ሎዶቂያ ዬዳ» ያገሰ፡

12 ታኒ ታው ኦዲያ ገርሳ ቢሳናው ጉዬ ሲማዳ ያምፔ ዋሲያ ላፊን ዋርቃ ኮጫታ ቢሳስ፡ 13 ሄ ኮጫታ ገደን አሳ ናባ ዳኔይሳ ቢሳስ፡ ኢ ኢዲሳ አፊላ ባ ቶሁዋ ጋሌ ማዒስ፡ ዋርቃ ዳንጮን ባ ቲራ ዳንጮስ፡ 14 ኢያ ሁዓይኔ ኢያ ቢናናይ ቦሳ ዶርሳ ኢኪቤ ማላ ዋይኮ ሻቻ ማላ ቦሌ፤ ኢያ አይፌይ ታማ ላጮ ዳኔስ፡ 15 ኢያ ቶሆይ ታማን ሴራዲ ዘዒዳ ናሴ ቢራታ ዳኔስ፤ ኢያ ገርሳይካ ገታ ሻፋ ኮሽንቻ ማላ፡ 16 ኢ ባ ኡሻቻ ኮሽን ላፊን ያለንቶታ ኦይኪስ፡ ኢያ ዶናፔ ርምቦ ባጋራ ቃራቲዳ ማሽ ኬዬስ፡ ኢያ ሶምይሪ ሴታ ጋላሳ አዋ አይፌ ዳኔስ፡

17 ታኒ ኢያ ቤዓዳ ዋይ ሃይቁዳ አሳዳ ሃናዳ ኢያ ቶሁዋ ማታን ኮንዳስ፡ ኢ ባ ኡሻቻ ኮሽያ ታ ቦላ ዋሲዳ፡ «ያፑፋ፤ ኮይሮይ ወርሴላይ ታና፡ 18 ታኒ ዳዎን ዳባይሲ፤ ታኒ ሃይቃስ፡ ሽን ሂኮ ማሪ ማሪናወካ ዳዎን ዳባይሲ፡ ሃይቆኔ ሲያሌ ቁልፔይ ታ ኮሽና፡ 19 ሃዘ፡ ሃሲ ሃኒያባኔ ሲንሳፊ ሃናናባ ኔ ቤዓዳባ ፃፋ፡ 20 ኔኒ ታ ኡሻቻ ኮሽን ቤዓዳ ላፊን ያለንቶታኔ ላፊን ዋርቃ ኮጫታ ቢርሼላይ ሃይሳ፡ ላፊን ያለንቶቲ ላፊን ዋሳ ከላታ ከታንቸታ፤ ላፊን ዋርቃ ኮጫቲ ላፊን ዋሳ ከላታ።»

2

ኤፌሶና ዋሳ ከላሰ ከቴቲዳ ከታ

1 «ኤፌሶና ዋሳ ከላ ከታንቸዋሰ ሃይሳዳ ያጋዳ ፃፋ፡

ባ ኡሻቻ ኮሽን ላፊን ያለንቶታ ኦይኪዳይሲኔ ላፊን ዋርቃ ኮጫታ ገደራ ሃሙቴይሲ ሃይሳዳ ያገሰ፡ 2 ታኒ ኔ ኦሱዋ፡ ኔ ዳቡራኔ ኔ ገንጫ ኤራይሲ፡ ኔኒ ኢታ አሳታባ ገንጫናው ዳንዳባናይሳ ኤራይሲ፡ ቃሲ ሃዋሪ ገደናሽን ባንታና፡ ሃዋሪ ገይሳታ ፐልጋ ኤራዳ ኤንቲ ዋርዳንቸ ገደይሳ ዳሚዳይታ ታ ኤራይሲ፡ 3 ኔኒ ገንጫዳሳ፤ ታ ሱንላ ገሽ ሜቶ ዳንዳባይሲ፤ ያኔታባካ፡ 4 ገደሽን፡ ሃሳ ታ ኔና ቦሪያባይ ዳዒሴ፤ ሃሲካ ኔኒ ካሴ ኔ ሰቁዋ አጋዳሳ፡ 5 ሃዘ፡ ኔ አይ ማላ ጾቃ ቤሳፊ ኩንዲዳኮ አኩካ! ኔ ናጋራፔ ሲማ፤ ኔኒ ካሴ ኦሲያ ኦሱዋ ኦላ፡ ኔኒ ኔ ናጋራፔ ሲሞና ኢዳኮ፡ ኔ ያምፔ ዋሲያ ኮጫ ኢያ ቤሳፊ ኤካና፡ 6 ሃሳ ታ ኔና ናሽያ ኢሲባይ ዳባይሲ፤ ታ ኢዳያ ኒቆላዌታ ኦሱዋ ኔካ ኢዳዳ፡

7 ገሻ አያናይ ዋሳ ከላታስ ገያባ ሲሳናው ሃይሌ ዳዒያ ኦኒካ ሲዎ፡ ያኒያ ኦኒካ ያሳ ጋናቲያን ዳዒያ ዳዎ ማሌ አይፌፔ ማና ማላ ማታ አሚና፡

ሳሚርኔሳ ዋሳ ከላሰ ከቴቲዳ ከታ

8 «ሳሚርኔሳ ዋሳ ከላ ከታንቸዋሰ ሃይሳዳ ያጋዳ ፃፋ፡

ኮይሮይኔ ወርሴላይ፡ ሃይቁዳይሲኔ ሃይቆፔ ዳንዲዳይሲ ሃይሳዳ ያገሰ፡ 9 ታኒ ኔ ዋያኔ ኔ ማንቆቴላ ኤራይሲ፤ ገደሽን ኔኒ ዴፌ፡ አይሁዳ ገደናሽን ባንታና አይሁዳ ገይሳቲ ጫያ ጫሻ ታ ኤራይሲ፡ ሽን ኤንቲ ፃላሄ ማባራን ዳዎሶና፡ 10 ኔኒ ኤካናው ዳዒያ ዋያ ባቦፋ፡ ፃላሄይ ሃንቴፊ ኢሶታ ኢሶታ ፓጫናው ቃሾ ከላን ይጋና፤ ታሙ ጋላሰ ጋካናው ሃንቴ ዋይታና፡ ሃይቃና ጋካናው አማኔቲዳይሳ ገዳ፤ ታ ኔው ዳዎ ካላቻ አማና፡

11 ገሻ አያናይ ዋሳ ከላታስ ገያባ ሲሳናው ሃይሌ ዳዒያ ኦኒካ ሲዎ፡ ያኒያ ኦኒካ ናምዓንሶ ሃይቁዋን ቆሄቴና፡

ጳርጋዎና ዋሳ ከላሰ ከቴቲዳ ከታ

12 «ጳርጋዎና ዋሳ ከላ ከታንቸዋሰ ሃይሳዳ ያጋዳ ፃፋ፡

ናምቦ ባጋራ ቃራቲዳ ማሽ ዳዒይሲ ሃይሳዳ ያገሰ፡ 13 ታኒ ኔ ዳዒያ ቤሳ ኤራይሲ፤ ኔኒ ፃላሄ አራታይ ዳዒያ ቤሳን ዳዳሳ፤ ታ ሱንላ ሚንላ ናጋዳሳ፡ ሃሪ አቶሽን፡ ፃላሄይ ዳዒያ ሃንቴ ካታማን ሃይቁዳ ታው አማኔቲዳ ማርካይ፡ አንቲጳሲ፡ ዳዒያ ዋይካ አማኑዋ አጋባካ፡

14 ገደሽን፡ ታ ኔና ቦሪያ ጉላባቲ ዳዎሶና፡ ሃሲካ ኢሰራዒሌ አሳይ ኤቃሰ ያርሼቲዳ ካሳ ሚዲ ቱናና ማላኔ ላይማቴላ ናጋራ ኦላና ማላ ባላቃ ታማርሲዳ ባላማ ቲሚርቲያ ኤኪዳ ኢሲ ኢሲ አሳቲ ኔራ ዳዎሶና፡ 15 ሃሳዳካ፡ ኒቆላዌታ ቲሚርቲያ ታማሪያ አሳቲ ኔራ ዳዎሶና፡ 16 ሃሳ ገሽ፡ ኔኒ ኔ ናጋራፔ ሲማ፡ ሃሲ ሃናና ኢዳኮ፡ ታ ኔኮ ኤሌሳ ያዳ ሄ አሳታ ታ ዶናፔ ኬያ ማሻን ኦላና፡

1:13 ዳኔ 7:13፤ ዳኔ 10:5 1:14 ዳኔ 7:9 1:14 ዳኔ 10:6 1:15 ሂክ 1:24፤ 43:2 1:17 ኢሳ 44:6፤ 48:12፤ ጥ.ቆ 2:8፤ 22:13 2:7 ሚ.ጴ 2:9፤ ጥ.ቆ 22:2፤ ሂክ 28:13፤ 31:8 2:8 ኢሳ 44:6፤ 48:12፤ ጥ.ቆ 1:17፤ 22:13 2:11 ጥ.ቆ 20:14፤ 21:8 2:14 ታይ 22:5

17 ገሻ እያናይ ዋሳ ከላታሰ ገያባ ሲጋናው ሃይሌ ዳዒያ ኦኒካ ሲያ። ያኒያ ኦዳሰካ ቆሴተዲ ዳዒያ ማናፌ * አማና። ቃሲ ኤኪያ ኡራፔ ኣተን ሃራ ኣሲ ኤርና ኦራሳ ሱንሳይ ፃፊተዳ ቦላ ሹቻ ታ ኢያው አማና።

ቲያተርና ዋሳ ከላሰ ከቲተዳ ከታ

18 «ቲያተርና ዋሳ ከላ ከታንቸዋሰ ሃይሳዳ ያጋዳ ፃፋ።
ታማ ላጮ ዳኒያ ኣይፊይ ዳዒያሲ። ቃሲ ታማን ሴሪዳ ናቤ ቢራታ ዳኒያ ቶሆይ ዳዒያሲ። ያሳ ናናይ። ሃይሳዳ ያገሰ። 19 ታኒ ኔ ኦሱዋ። ኔ ሲቁዋ። ኔ ኣማኑዋ። ኔ ኦሱዋኔ ኔ ገንጫ ኤራይሰ። ኔኒ ኮይር ኦሌይሳፊ ሃራ ኣሳዳ ኦሌይሳካ ኤራይሰ።
20 ገደሺን። ታ ኔና ቦሪያ ኢሲባይ ዳዒያሲ፤ ባና ናቤ ገያ ማጫሲው። ኤልዛቤሎ። ኣይኮካ ጋባካ። ሄ ማጫሲያ ኤቃሰ ያርሼተዳ ካሳ ሚዲ ቱናናዳኔ ላይማታናዳ ኦሳዳ ታ ኣይሌታ ባሌሳሱ።
21 ኢያ ባ ናገራፔ ሲማና ሚላ ታ ኢው ዋዴ አማሰ። ሺን ኢያ ሲማናው ኮያቡኩ። 22 ኣንተ ኢ ባላ ኦጊያፔ ሲሞና ኢዲኮ። ታ ኢዮ ኢታ ሃርጌን ዬጋና፤ ኢራ ላይማቴይሳቲካ ኢታ ዋዴ ዋዴታና።
23 ታኒ ኢ ናይታ ዋዳና፤ ቃሲ ዋሳ ከላ ኡባይ ታ ኣሳ ቆፋኔ ኣሳ ዋዛና ኤሬይሳ ገዴይሳ ኤራና። ታ ኢሱዋሰ ኢሱዋሰ ሂንቴ ኦሱዋዳ ኦሱዋዳ አማና። 24 ሺን ቲያተርናን ዳዒያ ሃራታ። ሄ ኢታ ቲሚርተያ ኤኪቦናይሳታኔ። «ፃላሂ ገታ ጸራ» ገቲተያ ሃ ቲሚርተያ ታማሪቦና ሂንቴና ሃራ ዴያ ቶሆ ቶሲኩ። 25 ገደሺን። ታ ያና ጋካናው ሂንቴው ዳዒያባ ሚንላ ናገቲ።

26 ያኔይሳሲ ጩርሴላ ጋካናው ታው ከቲተያ ኦዳሰካ ካዋቴላታ ሃራና ሚላ ማታ አማና።
27 «ኢ ኣንታ ቢራታ ፃምባን ሃራና፤ ሚቃ ሚሹዳካ ሚንላራላና።። ሄ ማታይ ታኒ ታ ኣዋፔ ኤኪዳ ማታ ሚላ። 28 ቃሲ ታ ኢያው ባካላ ያለንቶ አማና። 29 ገሻ እያናይ ዋሳ ከላታሰ ገያባ ሲጋናው ሃይሌ ዳዒያ ኦኒካ ሲያ።

3

ሳርዴሳ ዋሳ ከላሰ ከቲተዳ ከታ

1 «ሳርዴሳ ዋሳ ከላ ከታንቸዋሰ ሃይሳዳ ያጋዳ ፃፋ።
ላፑን ያሳ እያናታኔ ላፑን ያለንቶታ ኦይኪዳይሲ ሃይሳዳ ያገሰ። ታኒ ኔ ኦሱዋ ኤራይሰ፤ ኣሲ ኔና ጋፃ ዳዒያ ገኮካ። ኔ ሃይቃዳሳ። 2 ባርካ! ጉላ ኣቲዳባኔ ሃይቃናው ማቲዳባ ሚንላ። ኔ ኦሱይ ያሳ ሲንሳን ገሎ ገደናይሳ ዳማሰ። 3 ሂዛ። ኔ ኤኪዳባኔ ሲጋዳባ ኣኮካ፤ ናጋ፤ ኔ ናጋራፔ ሲማ። ኔኒ ባርካና ኢዲኮ ታ ካይሶዳ ያና፤ ታ ኣይ ዋዴ ያኔኮ ኔ ኤራካ።
4 ሺን ባንታ ማዑዋ ቂታዮና ጉላ ኣሳቲ ሳርዴሳን ዳዮሰና። ኣንታው ቤሲያባ ገዴያ ገሾ ቦላ ማፃ ማራዲ ታራ ሃሙታና። 5 ያኒያ ኦኒካ ኤንታይሳዳ ቦላ ማፃ ማናና። ታኒ ኢያ ሱንሳ ዳዮ ማፃፋፔ ቁቸኩ። ታኒ ታ ኣዋ ሲንሳኒ ኢያ ከታንቸታ ሲንሳን ኢ ታባ ገዴይሳ ማርካታና።
6 ገሻ እያናይ ዋሳ ከላታሰ ገያባ ሲጋናው ሃይሌ ዳዒያ ኦኒካ ሲያ።

ፊላዴልፊያ ዋሳ ከላሰ ከቲተዳ ከታ

7 «ፊላዴልፊያ ዋሳ ከላ ከታንቸዋሰ ሃይሳዳ ያጋዳ ፃፋ።
ገሻይኔ ቱማንቸይ። ዳዋቲ ቁልፒያ ባ ኩሺን ኦይኪዳይሲ። ሃይሳዳ ያገሰ። ኢ ጎርዲን ኦኒካ ደያናው ዳንዳዔና፤ ቃሲ ኢ ደዪን ኦኒካ ጎርዳናው ዳንዳዔና። 8 ታኒ ኔ ኦሱዋ ኤራይሰ፤ ሂኮ ታ ኔ ሲንሳን ኦኒካ ጎርዳናው ዳንዳዎና ደያ ፔንጌ ዋሳሰ። ኔ ዋልቃይ ጉላ ገዴኮካ። ታ ቃላ ናጋዳሳ፤ ታና ካዳባካ። 9 ኣይሁዴ ገደናሺን ባንታና ኣይሁዴ ገያ ዋርዳታኔ ፃላሄ ባጋታ ክኮ ኤሃና፤ ኔ ሲንሳን ጉልባቲሳና። ታ ኔና ዶሴይሳ ኣንታና ኤሪሳና። 10 ኔኒ። ሮንጫ። ጋዳ ታ ከቲተዳ ከታ ናገዳ ገሾ ኩሚላ ኣላሚያ ፓጫናው ያ ዋዴ ዋዴያፔ ታኒ ኔና ናጋና።
11 ታኒ ኤሌሳሳ ያና፤ ኦኒካ ኔ ካላቻ ኤኮና ሚላ ኔው ዳዒያባ ሚንላዳ ያይካ። 12 ያኒዳይሳ ታ ያሳ ከላን ቱሱ ኦላና፤ ኢ ያን ሚሪናው ዳና። ታኒ ታ ያሳ ሱንሳኔ ታ ያሳ ካታማ ሱንሳ ኢያ ቦላ ፃፋና። ኢያን ታ ያሳ ማታፔ ዋዲያ ኦራሳ ዬሩሳላሜ። ቃሲ ታ ታ ኦራሳ ሱንሳካ ኢ ቦላ ፃፋና። 13 ገሻ እያናይ ዋሳ ከላታሰ ገያባ ሲጋናው ሃይሌ ዳዒያ ኦኒካ ሲያ።

ሎዶቂያ ዋሳ ከላሰ ከቲተዳ ከታ

14 «ሎዶቂያ ዋሳ ከላ ከታንቸዋሰ ሃይሳዳ ያጋዳ ፃፋ።

* 2:17 ማና፡ ኢሰራዒሊ ኣሳይ ባዙ ቢታን ሃሙተያ ዋዴ ሳሎፔ ያሳይ ኣንታው አሚዳ ዳማ ካላ ዋይኮ ከታንቸ ካላ። 2:17 ከላ 16:14 2:20 1ከዋ 16:31፤ 2ከዋ 9:22 2:23 ማዝ 7:9፤ ኣር 17:10፤ ማዝ 62:12 2:26 ማዝ 2:8-9 3:3 ማቶ 24:43 3:5 ከላ 32:32 3:7 ኣላ 22:22፤ ኣዮ 12:14 3:9 ኣላ 49:23፤ 60:14፤ ኣላ 43:4 3:12 ዮ.ቆ 21:2፤ ኣላ 62:2፤ 65:15

(አሚንግ) ገደዱ እማኔቲዳ ቱማ ማርካይ፣ ያሳ ሜዴቲላ ሃሪይሲ ሃይሳዳ ያገሰ። 15 ታኒ ኔ ኦሱዋ ኦባ ኤራይሰ፤ ኔኒ ኢርፃ ዋይኮ ሚሻ ገደካ፤ ኔኒ ናምዓሬ ኢሱዋ ገደኮ ሎዎ! 16 ኔኒ ኢርፃ ዋይኮ ሚሻ ገደናሽን ቦልዎ ገደዱ ገሾ ታ ኔና ታ ደናፔ ጩታና ሃናይሰ። 17 ሂዛ፣ ኔኒ፣ ታኒ ዱሬ፣ ሻሎራ ዳዳይሰ፣ ታው ኣይበባይካ ፓጩቤና፣ ያጋሳ። ሽን ኔኒ ሚቶታንቾ፣ ማንቆ፣ ቆቄኔ ካሎቲዳ እሲ ገደይሳ ኤራካ። 18 ሃሳ ገሾ፣ ኔ ዱሬታናው ታማን ጌዱዳ ዋርቃ፣ ኔ ዬላ ካሎዋ ካማናው ቦላ ማዖኔ ሎይላ ያላናው ማዲያ ኣይሬ ጳሌ ታፔ ሻማና ሚላ ኔና ዞራይሰ። 19 ታ ደሴይሳ ሴራይሰኔ ሃንቃይሰ፤ ሃዛ ሚና፤ ኔ ናጋራፔ ሰማ። 20 ሂኮ፣ ታ ካሪን ኤቃዳ ያጋይሰ። ኦኒካ ታ ያሳ ሲዒዲ፣ ወላ ደዩኮ፣ ኢያኮ ገላና፤ ኢያራ ኢሲሬ ካላ ማና፤ ኢካ ታራ ኢሲሬ ማና። 21 ታ ያናዳ ታ ኣዋራ ኢያ ኣራታን ኡቲዳይሳዳ ያኒዳይ ታራ ታ ኣራታን ኡታና ሚላ ማታ ኣማና። 22 ጌሻ ኣያናይ ዋሳ ኩላታሰ ገያባ ሲዒያ ሃይላ ዳዔይ ኦኒካ ሲዎ» ያገሰ።

4

ሳሎን ዲዒያ ጎይኖ ዋጋ

1 ሃሳሬ ጉዬ፣ ታኒ ሳሎ ያሊያ ዋዳ ደዬቲዳ ፔንጌ ቤዓሰ። ቃሲ ታ ካሴ ሲዒዳ ሞይዜ ገርሳ ሚላይ ታኮ። «ሃ ኪያ፤ ሃይሳሬ ጉዬ፣ ሃናናው ዳዒያባ ታ ኔና ቤሳና» ያገሰ። 2 ሂ ዋዳ ታ ኣያናን ሃራታዳ ዳዳይሰ። ሂኮ፣ ሳሎዋን ኣራታ ቦላ ኢሶይ ኡቲዳይሳ ቤዓሰ። 3 ሂ ኡቲዳይሳ ማላይ ኢያሰዱዴኔ ሳርዲዮና ገያ ኣልዎ ሹቻ ሚላ። ኢያ ኣራታ የሹዋን ኣልዎ ሹቹ ዳኒያ ዙላይ ዳዔሰ። 4 ሂ ኣራታ የሹዋን ላታማኔ ኦይዱ ኣራታቲ ዳዖሶና፤ ኤንታ ቦላ ቦላ ማዖ ማዒዲ፣ ሁዒን ዋርቃ ካላቻ ዋላዳ ላታማኔ ኦይዱ ጨማቲ ኡቲዳይሰ። 5 ኣራታፔ ዋልዳንላ፣ ጉንላኔ ዳሾይ ኪዬሰ። ኣራታ ሲንሳን ላፕን ፖዒያ ያምፔቲ ዳዖሶና፤ ኤንቲ ላፕን ያሳ ኣያናታ። 6 ኣራታ ሲንሳን ቢሪላ ዳኒያ ጸሊያ ቡርጩኮ ኣባይ ዳዒሰ።

ሲንሳራኔ ጉዬራ ኣይሬይ ዳዒያ ኦይዱ ዳዖራ ዳዒያ ሜዴቲላቲ ኣራታ የሹዋንኔ ኣራታ ገደን ዳዖሶና። 7 ኪይሮ ሜዴቲላ ሜዶይ ጋዋ ዳኔሰ፤ ናምዓንላይ ቦሪ ዳኔሰ፤ ሂቫንላይ ኣሴ ዳኔሰ፤ ቃሲ ኦይዳንላይ ፕራዲያ ኣርጋንላ ዳኔሰ። 8 ኦይዱ ሜዴቲላታ ኡባሰ ኡሱቸን ቄሬይ ዳዒሰ፤ ኤንታ ኣሳቴላ ኡባይ ኣይሬን ኩሚሰ። ኤንቲ ቃማኔ ጋላሰ ቃንዖና።

«ጌሻው፣ ጌሻው፣ ጌሻው፣
ጎዳው፣ ኡባሬ ዋልቃ ማዖ ያሳው።

ካሴካ፣ ሃዒካ ዳዒይሶ፣ ሲንሳሬ ያናይሶ»

ያንሶና። 9 ሂ ሜዴቲላቲ ኣራታን ኡቲዳይሳሰኔ ሜሪናው ዳዒይሳሰ ሳባ፣ ቦንቾኔ ጋላታ ኢሚዳ ዋዳ 10 ላታማኔ ኦይዱ ጨማቲ ኣራታን ኡቲዳይሳኔ ሜሪናው ዳዒይሳ ሲንሳን ጉፋኒዲ ጎይኒዳሶና፤ ባንታ ካላቻ ኣራታ ሲንሳን ዋላዲ። 11 «ኦ ጎዳው፣ ኦ ጎዳው።

ኔኒ ቦንቾ፣ ሳባኔ ዋልቃ ኤካናው ቤሳሳ።
ኔኒ ኡባ ሚዳዳሳ፤
ኡባባይ ኔ ሸኒያዳ ሃኒሰ፣ ሜዴቲሰ»
ያገደሶና።

5

ደርሳይ ዓላ ማዖፋ ደዩሰ

1 ሃሳሬ ጉዬ፣ ኣራታ ቦላ ኡቲዳይሳ ኡሻቻ ኩሸን ገደራኔ ካራራ ዓሬቲዳ ላፕን ማታሚን ጎርዴቲዳ ዓላ ማዖፋ ቤዓሰ። 2 ኢሲ ሚኖ ኪታንቾይ ባ ቃላ ቆቀ ኦላዲ፣ «ማታሚያ ቢላናውኔ ማዖፋ ደያናው ቤሴይ ኦኒ?» ያገደዱ ኣዋጁሽን ቤዓሰ። 3 ሽን ሳሎን ገደን ሳዓን ዋይኮ ሳዓፔ ጋርሳን ገደን ሂ ዓላ ማዖፋ ቢላናውኔ ገደዋ ቤዓናው ዳንዳዒይ ኦኒካ ቤንቲቤና። 4 ዓላ ማዖፋ ቢላናውኔ ኢያ ገደዋ ቤዓናው ቤሲያ ኣሲ ቆዩዳ ገሾ ታ ዳር ዬካሰ። 5 ያቲን፣ ጨማታፔ ኢሶይ ታኮ። «ዬኮፋ! ሂኮ፣ ዪሁዳ ዙሬላ ገደዱ ጋዋይ፣ ዳዊቲ ሼሻይ፣ ላፕን ማታሚን ቢላናውኔ ማዖፋ ደያናው ዳንዳዒሰ» ያገሰ።

6 ሃሳሬ ጉዬ፣ ሹኪቲዳ ደርሳይ ኣራታሰ፣ ኦይዱ ዳዖን ዳዒያ ሜዴቲላታሰኔ ጨማታሰ ገደን፣ ኤቄዳሳ ቤዓሰ። ኢያው ላፕን ካጩቲኔ ላፕን ኣይሬቲ ዳዖሶና። ሃሳቲ ሳዓ ኡባ ኪቲቲዳ ያሳ ላፕን ኣያናታ። 7 ሂ ደርሳይ ቤዲ፣ ኣራታ ቦላ ኡቲዳይሳ ኡሻቻ ኩሸፔ ዓላ ማዖፋ ኢኪሰ።

3:14 ለሚ 8:22 3:19 ለሚ 3:12፤ ኢሰ 12:6 4:2 ሂከ 1:26-28፤ 10:1 4:5 ኪሳ 19:16፤ ዮ.ቆ 1:4፤ ዮ.ቆ 8:5፤ 11:19፤ 16:18፤ ሂከ 1:13፤ ዛካ 4:2 4:6 ሂከ 1:22 4:6 ሂከ 1:5-10፤ 10:14 4:8 ሂከ 1:18፤ 10:12፤ ኢሳ 6:2 5:1 ሂከ 2:9 5:5 ሜዴ 49:9፤ ኢሳ 11:1 5:6 ኢሳ 53:7፤ ዛካ 4:10

8 ኢ ሄ 9ላ ማፃፋ ኤኪዳ ዋዴ ዴፃን ዴዒያ ኦይዲ ሜዴቴላተኔ ላታማኔ ኦይዲ ጨማቲ ድርሳ ሲንላን ኩንዲድሶና። ኤንቲ ኢሶይ ኢሶይ ዲሊኔ ጌሻታ ዋሳ ገዲዳ ኢፃይይ ኩሚዳ ዋርቃ ሻቲ ኦይኪድሶና። 9 ኤንቲ።

«9ላ ማፃፋ ኢካናው፣
ማታሚያ ቢላናው ኔው ቤሴስ።
ኣይሰ ገኮ፣ ኔኒ ሹኪታዳሳ፤
ዜሬሌ ኡባሬ፣ ዳማ ዳማ ድናፔ፣
ያራታፔኔ ካዋቴላታ ኡባሬ
ኔ ሱላን ያሳሰ ዋዛዳሳ።

10 ኤንቲ ኢያ ያሳ ኣዋሰ ኦላና ሜላ
ኤንታና ካሂኔ ካዋቴሌ ኦላዳሳ።

ኤንቲካ ቢታ ኡባ ሃራና»
ያገዲ ኦራላ ማዘሙራ ዬዲድሶና።

11 ታ ቢዒያ ዋዴ ሙኩሉ ቶሆ ሙኩሉኔ ታሙ ሙኩሉ ቶሆ ታሙ ሙኩሉ ገዲያ ኪታንቸታ ገርሳ ሰባስ። ኤንቲካ ኣራታ፣ ኦይዲ ዴፃን ዴዒያ ሜዴቴላታኔ፣ ጨማታ ዩሹዋን ኤቂድሶና። 12 ሄ ኪታንቸቲ ቶቁ ገዲያ ቃላን።

«ሹኩቲዳ ድርሳይ ዋልቃ፣ ዱሬቴሌ፣
ጨንጫቴሌኔ ሚኖቴሌ፣
ቦንቸ፣ ሳባኔ ጋላታ ኤካናው ቤሴስ»
ያገዲድሶና።

13 ሄሳሬ ጉዬ፣ ሳባን፣ ሳሎን፣ ሳባፔ ጋርሳኒኔ ኣባ ገዲን ዴዒያ ሜዴቴሌ ኡባይ፣
«ኣራታ ቦላ ኡቲዳይሳሲኔ ድርሳስ፣

ጋላታይ፣ ቦንቸይ፣ ሳባይኔ ዋልቃይ
ሜሪ ሜሪናው ገዲ»
ያገዲ ዬዲሽን ሰባስ።

14 ኦይዲ ዴፃን ዴዒያ ሜዴቴላቲ፣ «ኣሚንዒ» ያገዲድሶና፤ ቃሲ ጨማቲ ጉፋኒዲ ጎይኒድሶና።

6

ማታሚያ ደዬቴላ

1 ድርሳይ ላፑን ማታሚያፕ ኢሱዋ ደዬሽን ቤባስ። ቃሲ ኦይዲ ዴፃን ዴዒያ ሜዴቴላታፕ ኢሶይ፣ ዳዳ ዳሾ ገርሳን፣ «ሃያ!» ያገሽን ሰባስ። 2 ሄኮ ቦላ ፓራ ቤባስ። ሄ ፓራ ቶገዲሲ ድንጌ ኦይኪሰ፤ ኢያ ሁሳን ካላቸ ዴዒስ። ኢካ ያኒሹ ያናናው ኪዩስ።

3 ቃሲ ድርሳይ ናምባንላ ማታሚያ ደዬዳ ዋዴ ዴፃን ዴዒያ ናምባንላ ሜዴቴላይ፣ «ሃያ!» ያገሽን ሰባስ። 4 ቃሲ ሃራ ሲሃ ዞዮ ፓሪ ኪዩስ። ሄ ፓራ ቶገዲዳሳሰ ሳባፔ ሳር ጳይሳና ሜላኔ ኣሳይ ዋሊ ጠርሳና ሜላ ማቲኔ ገታ ማሽ ኢሜቲስ።

5 ድርሳይ ሄሻንላ ማታሚያ ደዬዳ ዋዴ ዴፃን ዴዒያ ሄሻንላ ሜዴቴላይ፣ «ሃያ!» ያገሽን ሰባስ። ሄኮ ካራላ ፓራ ቤባስ፤ ኢካ ባ ኩሽን ሚዛኔ ኦይኪስ። 6 ኦይዲ ዴፃን ዴዒያ ሜዴቴላታ ገዲሬ፣ «ኢሲ ጋላሳ ኦሶስ ዳዋዜ፣ ባጋ ኪሎ ገሰቲ፤ ቃሲ ኢሲ ጋላሳ ኦሶስ ዳዋዜ፣ ኢሲ ኪሎኔ ባጋ ባንጋ ገዲ። ሽን ዛይቲያኔ ዋይኒያ ቆሆፓ» ያገሽን ሰባስ።

7 ድርሳይ ኦይዲንላ ማታሚያ ደዬዳ ዋዴ ኦይዲንላ ዴፃን ዴዒያ ሜዴቴላይ፣ «ሃያ!» ያገሽን ሰባስ። 8 ሄኮ ዋንጮ ፓራ ቤባስ። ሄ ፓራ ቶገዲዳሳ ስንላይ ሃይቆ፤ ኢያ ጌዳ ሲዮሌይ ካሌስ። ኤንታው ኣላሚፔ ኦይዲንላ ኩሽያ ኦላን፣ ኮሻን፣ ጋዶኒኔ ደባን ዋላ ማፖሳ ማቲ ስሜቲስ።

9 ድርሳይ ኢቻሻንላ ማታሚያ ደዬዳ ዋዴ ኤንቲ ያሳ ቃላ ኦዲዳ ገሸኔ ባንታ ማርካቴላን ኣማኔቲዳ ገሾ ሹኩቲዳ ኣሳ ሹምፓታ ያርሾ ቤሳሬ ጋርሳን ቤባስ። 10 ኤንቲ ባንታ ቃላ ቶቁ ኦሊዳ፣ «ኡባ ሃሪያ ጎዳው፣ ገሻው፣ ቱማንቸው፣ ሳባን ዴዒያ ኣሳ ቦላ ኔ ፐርዳናይኔ ኦ ሱላ ገሾ ሃሎ ኪያናይ ኣጠዳ?» ያገዲድሶና። 11 ኤንታ ኢሱዋሰ ኢሱዋሰ ሳላ ማፖይ ኢሜቲስ። ኤንታይሳዳ ሃኒዲ ሃይቃናው ቤሲያ ኤንታ ላጌታ ታይቦይ ኩማና ጋካናው ጉላ ዋዴ ሹምፓና ሜላ ኤንታው ኦዳቲስ።

12 ድርሳይ ኢሱፑንላ ማታሚያ ደዬዳ ዋዴ ታ ቤባስ፤ ዋልቃማ ቢታ ቃይይ ሃኒስ። ኣዋ ኣይሬይ ካሪዲዳ ካሊ ዳኒስ። ኣገናይካ ዞዒዲ ሱሉ ዳኒስ። 13 ዋልቃማ ጫርኮይ ጫርኪዲ ባላሲ ሚላ ቃጠዒ ኣይሬያ ቆቆሬይሳዳ ሳሉዋ ያለንቶቲ ሳባን ቆቆሬቲድሶና። 14 ሳሎይ 9ላ ማፃፋዳ

5:8 ማዘ 141:2 5:9 ማዘ 33:3፤ 98:1፤ ኢሳ 42:10 5:10 ኪሳ 19:6፤ ዮ.ቆ 1:6 5:11 ዳኔ 7:10 6:2 ዛካ 1:7 6:4 ዛካ 1:7 6:5 ዛካ 6:2 6:8 ሄዘ 14:21 6:12 ዮ.ቆ 11:13፤ 16:18፤ ኢሳ 13:10፤ ኢር 2:10 6:13 ኢሳ 34:4

ፃፃፍ፣ እጁን፤ ዙሪያዬን እገን ጭፍጭፍ ቢታገባ ባንታ ቤሳ። ጳጳሩ ደረሰ።¹⁵ ቢታ ካዋጥ፣ ዳሪያ ሃሪያሳጥ፣ ኦላ ካሌሌሳጥ፣ ዳሪጥ፣ ዋልቃማጥ፣ አይሌጥ፣ ዋማኖጥ ጎንጎሎን፣ ዳሪያ ቦላ ዳሪያ ዛላ ሆምንን ቆሰጥ፣ ደረሰ።¹⁶ ኤንጥካ ዙሪያዬን ዛላጥ፣ «ኦ ቦላ ዋላጥ፣ ኦ ቆሰጥ፣ ኦ ኦላጥ ኤጥ፣ ዳሪያ አይሌሳጥ፣ ደረሰ ሃንቁዋ። ኦ ኤንጥ፣¹⁷ ሃዛ፣ ጊታ ሃንቁ ጋላሳይ ጋሰ። ኦ ዳሪያ ዳሪያ ኤቃሪያ?» ያገደረሰ።

7

144፡000 አሳታ ቦላ ማታሚይ ዋሰጥ

1 ሃሳፊ ጉዬ፣ አይዲ ኪታንቸጥ አይዲ ሳባ ጋፃን ኤቁዳይሳታ ቤሳ። ሃ ኪታንቸጥ ሳባ ቦላ ዋይኮ አሳ ቦላ ዋይኮ አይ ሚሳ ቦላ ጫርኮይ አይዲ ሳባ ጋፃጥ ጫርኮና ሚሳ ጭቆሪያ።² ቃሲ ዳፃ ያሳ ማታሚያ ኦይኪዳ ሃሪ ኪታንቸጥ ደሎሃ ባጋፊ ከዬይሳ ቤሳ። ሃ ኪታንቸጥ ባ ቃላ ቆቁ አሉዳ፣ ሳባ ኤን ቆሃናው ዋልቁ አሚጥ አይዲ ኪታንቸጥ፣³ ያገደረሰ፣ «ኦ ኪታን አይሌታ ሰምንን ማታሚያ ዋላና ጋካናው ቢታ ዋይኮ አሳ ዋይኮ ሚሳ ቆሆጥጥ» ያገደረሰ።

4 ያጥ፣ ታኒ ያሳ ማታሚይ ሰምንን ዋሰጥ፣ ዳሪያ ጋፃጥ ሰምንን ማታሚያ ዋላ። አሲራራሌ ማይዛታ ኤባፊ ያታኒ አይታማኒ አይዲ ሙኩሉ አሳሰ ሰምንን ማታሚያ ዋላ።

5 ደሀዳ ዜራሳፊ ታማኒ ናምቦ ሙኩሉ፣

ርቤላ ዜራሳፊ ታማኒ ናምቦ ሙኩሉ፣

ጋይ ዜራሳፊ ታማኒ ናምቦ ሙኩሉ፣

6 አሲራ ዜራሳፊ ታማኒ ናምቦ ሙኩሉ፣

ኒፍታሌሜ ዜራሳፊ ታማኒ ናምቦ ሙኩሉ፣

7 ሚናሲ ዜራሳፊ ታማኒ ናምቦ ሙኩሉ፣

8 ሲሞና ዜራሳፊ ታማኒ ናምቦ ሙኩሉ፣

ሌዌ ዜራሳፊ ታማኒ ናምቦ ሙኩሉ፣

ደሳለኝ ዜራሳፊ ታማኒ ናምቦ ሙኩሉ፣

9 ደሳለኝ ዜራሳፊ ታማኒ ናምቦ ሙኩሉ፣

10 ደሳለኝ ዜራሳፊ ታማኒ ናምቦ ሙኩሉ፣

11 ደሳለኝ ዜራሳፊ ታማኒ ናምቦ ሙኩሉ፣

12 አሳ ሰምንን ማታሚያ ዋላ።

ቦላ ማፃ ማሲዳ ዳር አሳታ

9 ሃሳፊ ጉዬ፣ ዜራሳፊ ኤባፊ፣ ካዋጥ ኤባፊ፣ ያሪ ኤባፊኒ ዳሪያ ዳሪያ ደናፔ ዛዋ ባይና ዳር አሳ ቤሳ። ሃ አሳይ ቦላ ማፃ ማሲዳ፣ ዛምባ ሃይሌ ባንታ ኩሼን አይኪዳ፣ አራታ ሲንጎን ደርሳ ሲንጎን ኤቁዳሪያ።¹⁰ ኤንጥ ባንታ ቃላ ቆቁ አሉዳ፣ «አቶቴሳይ አራታን ኤጥ፣ ኦ ያሳፊኒ ደርሳፊ ዬሰ» ያገደረሰ።

11 ኪታንቸጥ ኤባይ፣ አራታ፣ ጨማንኒ አይዲ ሜቆቴሳታ ዩሹዋን ኤቁዳሪያ። ኤንጥ አራታ ሲንጎን ጉፋኒዳ ያሳ ጎይኒዳሪያ።

12 «አሚንዳ!

አንጆይ፣ ቦንቸይ፣ ጨንጫቴሳይ፣ ጋላታይ፣ ሳባይ

ዋልቃይ፣ ሚኖቴሳይ ሜሪ ሚሪናው

ኦ ያሳሰ ገደ።

አሚንዳ!»

ያገደረሰ።

13 ጨማንጥ ኤሳይ ታኩ፣ «ሃ ቦላ ማፃ-ዋ ማሲዳ አሳጥ ኦናንጥ? ኤንጥ አወጥ ዩደና?» ያገደረሰ አይቸሰ።

14 ታኒ ዛራዳ፣ «ጎዳው፣ ነ ኤራሳ» ያገደረሰ።

አካ ታኩ፣ «ሃይሳጥ ዳር ዋይ ዋይዲ እጁዳይሳታ። ኤንጥ ባንታ ማፃ-ዋ ደርሳ ሱላን ሜጨዲ ገሺደረሰ።¹⁵ ሃሳ ገሺ፣

ኤንጥ ያሳ አራታ ሲንጎን ገደዲዳ

ቃማኒ ጋላሰ ኢያ ከላን አሰሰ።

ቃሲ አራታ ቦላ ኤጥ፣ ደረሰ ኤንታው ኩያ ገደደ።

16 ሃዛጥ ጉዬ፣ ኤንጥ ኩሻቶኩና፣ ሳምቶኩና።

አዋ ዋይኮ ሚሺ ኤንታ ማና።

17 እራታ ጊደን ኡቲዳ ደርሳይ ኤንታ ሄማና።
ዴያ ፑልቶ ሃላኮ ኤንታ ካሌላና።
የሳይ ኤንታ አይፊያፕ ኣፋፋ ኡባ ቁቻና»
ያገሰ።

8

ላፑንሳ ማታሚይ ደዬቲስ

1 ደርሳይ ላፑንሳ ማታሚያ ደዬዳ ዎይ ባጋ ሳቲ ገይይሳ ሚላ ሳሎይ ሲባ ገሰ።
2 ሄሳፌ ጉዬ፣ ታኒ ላፑን ሞይዘቲ አሜቲዳ ላፑን ኪታንቾታ ያሳ ሲንሳን ኤቁዳይሳታ ቤሳስ።
3 እ.ፃ.፤ ጩዩሲያ ዎርቃ ሻቲ ኦይኪዳ ሃራ ኪታንቾይ ዩዲ፣ ያርሾ ቤሳ ማታን ኤቁስ። እ. ኣራታ ሲንሳን ዴባያ ዎርቃ ያርሾ ቤሳ ቦላ ገሻታ ኡባ ዎሳራ ጉጂዲ ያርሻና ሚላ ኢያው ዳሮ ኢፃኔይ አሜቲስ። 4 እ.ፃ.፤ ጩዩይ ገሻታ ዎሳራ ኢሲፌ ኪታንቾቶ ኩሸፕ ፑይ ያሳኮ ኩዩስ። 5 ሄሳፌ ጉዬ፣ ኪታንቾይ ኢፃኔ ጩዩሲያ ሻቲያ ኤኪዳ፣ ኢያን ያርሾ ቤሳፌ ቦንቆ ታማ ኩንላዲ ሳባ ዲጌ ሆሊስ። ያቲን ዴሾይ፣ ዎልዓንላ፣ ገርሲኔ ቢታ ቃዎይ ሃኒስ።

ላፑን ሞይዘታ

6 ሄሳፌ ጉዬ፣ ላፑን ኪታንቾቲ ባንታ ሞይዘያ ፑናናው ገጌቲዶሶና።
7 ኮይሮ ኪታንቾይ ባ ሞይዘያ ፑኒያ ዎይ ሻቲኔ ሱላራ ዎላኪቲዳ ታሚ ሳሎፕ ቡኪስ። ሳናፕ ሲኮይ ፀጌቲስ፤ ሚላፌ ሲኮይ ፀጌቲስ፤ ጨልዎ ማታ ኡባይ ፀጌቲስ።
8 ናሞዓንሳ ኪታንቾይ ባ ሞይዘያ ፑኒዳ ዎይ ዎልቃማ ዴሬ ዲኒያባይ ታማን ኤደሽ ኣባን ዩጌቲስ። ያቲን፣ ኣባፌ ሲኮይ ሱሉ ገዲስ። 9 ኣባን ዴዎን ዴባያ ሚዴቴላፌ ሲኮይ ሃይቁስ፤ ማርካቤታፕ ሲኮይ ዳይስ።
10 ሄሻንሳ ኪታንቾይ ባ ሞይዘያ ፑኒዳ ዎይ ያሞፕዳ ኤደያ ዎልቃማ ያለንቶይ ሻፋፕ ሲኩዎ ቦላኔ ፑልቶታ ቦላ ሳሎፕ ዎዲስ። 11 ሃ ያለንቱዎ ሱንሳይ ጫሞ ጌቲቲስ። ሃላፌ ሲኩዎ ጫሚሲስ፤ ሃላይ ጫሚዳ ገሾ ዳሮ ኣሳይ ሄ ሃላ ኡዩዲ ሃይቁዶሶና።
12 ኦይዳንሳ ኪታንቾይ ባ ሞይዘያ ፑኒስ። ኣዎፕ፣ ኣጌናፕ፤ ያለንቶታፕ ሲኩዎ ዳቺስ፤ ኤንታ ፖዑዎፕ ሲኮይ ፉሚስ። ጋላሳፕ ሲኮይ፣ ቃማፊካ ሲኮይ ፉሚስ።
13 ኢሲ ኣርጋንላ ሳሎ ቶቁ ገዲ፣ ፒራዲሺን ቤሳስ። ሄ ኣርጋንላይ ባ ቃላ ቶቁ ኦላዲ፣ «ኣቲዳ ሄሹ ኪታንቾቲ ባንታ ሞይዘያ ፑናናው ዴባያ ገሾ ሳባን ዴባያ ኣሳ ኣይ! ኣይ! ኣይ!» ያገሺን ሲሳስ።

9

1 ሄሳፌ ጉዬ፣ ኢቻሻንሳ ኪታንቾይ ባ ሞይዘያ ፑኒን ሳሎፕ ዲጌ ሳባ ኩንዲዳ ያለንቶ ቤሳስ። ሄ ያለንቱዎስ ዎልቃማ ኦላ ቁልፕይ አሚቲስ። 2 ያለንቶይ ኦላ ደዬዳ ዎይ ዳልጋ ጮጮፕ ኬያ ጩያ ሚላ ጩያይ ሄ ኦላፌ ኩዩስ። ሄ ኦላፌ ኩዩዳ ጩያን ኣዎይኔ ሳሎይ ፉሚዶሶና።
3 ሄ ጩያፕ ቦሌይ ኩዩዲ ሳባን ዎዲስ። ሳባን ዴባያ ኮርኔታስ ዴባያ ዎልቃ ሚላ ዎልቁ ቦሌታስ አሚቲስ። 4 ያሳ ማታሚይ ሶሞን ባይና ኣሳ ፃላላፕ ኣቲን ሳባን ዴባያ ማታ ዎይኮ ሚላ ዎይኮ ኣይ ጨልዎግ ገዲን ቆሆና ሚላ ቦሌታስ ኦይቲስ። 5 ቦሌቲ ኣሳ ኢቻሹ ኣጌና ጋካናው ፓዖ ካናና ሚላ ማቲ አሚቲስ፤ ኣቲን ኣሳ ዎቆና ሚላ ገዲና። ኮርኔይ ኣሲ ዲኪን ዛሚይሳ ሚላ ቦሌይ ዲኪዲ ዛሚሲስ። 6 ሄ ጋላሳታን ኣሳይ ሃይቆ ኮያና፣ ሺን ዴሚና። ኤንቲ ሃይቃናው ኣሞታና፣ ሺን ሃይቆይ ኤንታፊ ሃካና።
7 ቦሌይ ኦላስ ገገ ኡቲዳ ፓራ ዳኒስ። ቦሊያ ሁዳን ዎርቃ ካላቺ ዴባስ፤ ኤንታ ሶሞይይካ ኣሳ ሶሞዎ ዳኒስ። 8 ኢያ ቢናናይ ማጫሳ ቢናና ሚላ ኣዲሲ። ኤንታ ኣቻይካ ጋሞ ኣቺ ዳኒስ። 9 ኤንታው ቲራ ቦላ ዎሊያ ቢራታ ሙራሬይ ዴባስ፤ ኤንታ ቁፊያ ገርሳይ ኦሌታናው ጋላቢያ ፓራኔ ፓራ ጋራ ገርሳ ሚላ። 10 ኤንታው ኮርኔ ጎይና ዳኒያ ጎይኒኔ ዲኪያ ዩሺ ዴባስ። ሄ ጎይናን ኢቻሹ ኣጌና ኣሳ ቆሃና ሚላ ማቲ አሚቲስ። 11 ኤንታና ሃሪያ ካዎይ ዴባስ፤ ሄ ካዎይ ኦላ ኪታንቾቶ። ኢያ ሱንሳይ ኢሳራይስፃ ዶናን ኣብዶና፤ ቃሲ ገሪኬ ዶናን ኣጸሊዮና ጌቲቲስ። ኢያ ሱንሳ ቢርሽላይ «ዳይሴይሳ» ጉሱ።
12 ኮይሮ ኣዬይ ኣዲስ፤ ሄኩ፣ ቡሮ ሃራ ናሞዑ ኣዬቲ ኤሶን ሃናና።

7:17 ማክ 23:1፤ ሃክ 34:23፤ ማክ 23:2፤ ኢላ 49:10፤ ኢላ 25:8 8:5 ሊዌ 16:12፤ ሃክ 10:2፤ ኪላ 19:16፤ ዮ.ቆ 11:19፤ 16:18 8:7 ኪላ 9:23-25፤ ሃክ 38:22 8:10 ኢላ 14:12 8:11 ኤር 9:15 8:12 ኢላ 13:10፤ ሃክ 32:7፤ ኢያ 2:10 9:2 ሜዶ 19:28 9:3 ኪላ 10:12 9:4 ሃክ 9:4 9:6 ኢዮ 3:21፤ ኤር 8:3 9:7 ኢያ 2:4 9:8 ኢያ 1:6 9:9 ኢያ 2:5

13 ኡሱፑንሳ ከታገኞቹ ባ ሞይዚያ ፑኒስ። ያሳ ሲገላገን እቁዳ፣ ዋርቃ ያርሾ ቤሳን ዲዒያ ኦይዲ ካጩታፔ ኢሲ ገርሲ ሲሳሰ። 14 ሄ ገርሳይ ሞይዚ ኦይኪዳ ኡሱፑንሳ ከታገኞቹዋ፣ «ኡፊሬዲሲ ጊያ ጌታ ሻፋን ቃሼቲዳ ኦይዲ ከታገኞቻታ ቢርሻ» ያገሰ። 15 ቢታ ቦላ ዲዒያ አሳፔ ሲኩዋ ዋዳ ሚላ ሄ ሳቲያስ፣ ሄ ጋላሳስ፣ ሄ አጌናሲኔ ሄ ላይላሰ ገጊዲ ኡቲዳ ኦይዲ ከታገኞቹ ቢርሼቲዳሶና። 16 ኦላ ፓራ ቶጊያ ኦላገኞቻታ ፓይይ ዳር ያቲ ሚሎኔ ጊዴይሳ ሲሳሰ።

17 ቃሲ ታ ቆገጩላገ ፓራታኔ ሄ ፓራታ ቶጊያ አሳ ቤሳሰ። ሄ አሳይ ቲራን ዋሊያ ቤራታ ፀ-ራሬይ ታማ ለንቆ ሚላ ዘዎ፣ ያከንቴ ሚላ፣ ካሬላ ካሎሴ ሚላኔ ዲኔ ሚላ ጩሊሎ። ፓራታ ሁዔይ ጋዋ ሁዔ ሚላ፤ እንታ ደናፔ ታማ፣ ጩዩኔ ዲኔይ ከዩሰ። 18 ፓራታ ደናፔ ከዩዳ ታማገ፣ ጩዩኔ ዲኔያን ሄ ሄቹ ጋደታገ ሳሳን ዲዒያ አሳፔ ሲኮይ ሃይቁስ። 19 ሄ ፓራታ ዋልቃይ እንታ ደና ጊደኒኔ ጎይናን ዳዔሰ። እንታ ጎይናይካ ሾሻ ሁዔ ሚላ፤ እንቲ ኢያራ አሳ ቆሆሶና።

20 ሃ ጋደታፔ አቲዳይሳቲ ባንታ ኩሼ ኡሱዋፔ ሲሚሶኮና። እንቲ ቱና አያናን ዋርቃፊ፣ ቤራፔ፣ ናሴ ቤራታፔኔ ሹቻፊ ኦሴቲዳ እቃሰ ጎይናሶና። ያላናው፣ ሲሳናው፣ ሃሙታናው ዳንዳዎና ኤቃታሰ ጎይኔይሳ አገሶኮና። 21 አሳይ ዋዴይሳ፣ ቤቲይሳ፣ ላይማቴይሳኔ ካይሴይሳ አገዲ ማርታ ኦይቹሶኮና።

10

ከታገኞቹ ጉሳ ማፃፋ

1 ሄሳፊ ጉዬ፣ ታ ሃራ ዋልቃማ ከታገኞቹ ሳሎፔ ሳሳ ዋዴሽን ቤሳሰ። ኢ ሻራ ማዒሰ፤ ኢያ ሁዒያ ቦላ ዙላይ ዳዔሰ። ኢያ ሶምዖይ አዋ ሚላ፤ ኢያ ቶሆይ ታማ ቱሳ ሚላ። 2 ሄ ከታገኞቹ ደያ ዲዒያ ኢሲ ጉሳ ፃሳ ማፃፋ ባ ኩሼን ኦይኪዳ፣ ባ ኡሻቻ ቶሁዋ አባ ቦላ፣ ባ ሃዲርሳ ቶሁዋ ቢታ ቦላ ኤሲስ። 3 ጉዲያ ጋዋዳ ባ ቃላ ቶቁ ኦላዲ ዋሲስ። ኢ ዋሲዳ ዋዴ ላፑን ዳዳቲ ባንታ ጉንላ ሲሲደሶና።

4 ላፑን ዳዳቲ ኦይቲዳ ዋዴ ታ ፃፋናው ገቢታሰ። ሽን ሳሎፔ፣ «ላፑን ዳዳቲ ኦይዲይሳ ማታሚን ጎርዳፊ አቲን ፃፎፓ» ያገያ ገርሳ ሲሳሰ።

5 ያቲዲ፣ አባ ቦላኔ ቢታ ቦላ እቁዳ፣ ታ ቤዒዳ ከታገኞቹ፣ ባ ኡሻቻ ኩሼያ ሳሎ ፑዴ ሚጩሰ። 6 ኢ ሚጩዲ ሳሎኒኔ ኢያ ጊደን ዋዴያ ኡባ፣ ሳሳኒኔ ኢያ ጊደን ዲዒያ ኡባ፣ አባኔ ኢያ ጊደን ዲዒያ ኡባ ሚዲዳ፣ ሚሪናው ዲዒያ ያሳ ስንሳገን ጫቁዲ፣ «ሃዘፔ ጉዬ፣ ያሳይ ጋዋዔና። 7 ሽን ላፑንሳ ከታገኞቹ ባ ሞይዚያ ፑኒያ ዋዴ ያሳይ ባ አይሌ ጊዲዳ ናቤታ ባጋራ ቆገጩሲዳ ፀ-ራ ቆላይ ፖሌታና» ያገሰ።

8 ሄሳፊ ጉዬ፣ አባ ቦላኔ ቢታ ቦላ እቁዳ፣ «ኢያ ኩሼን ደዬቲዳ ዲዒያ ፃሳ ማፃፋ ከታገኞቹ ኩሼፔ ኤካ» ያገዲ ናምዓንሉ ታው ኦዲሽን ሲሳሰ።

9 ታኒ ሄ ከታገኞቹ ባዳ፣ ጉሳ ፃሳ ማፃፋ ኢማ ጋዳ ኦይቻሰ። ኢ ታኮ፣ «ኤካዳ ማ፤ ኢ ኔ ኡሎን ጫማና፣ ሽን ኔ ደናን ኡሳዳ ማልሳና» ያገሰ።

10 ታኒ ከታገኞቹ ኩሼፔ ሄ ጉሳ ፃሳ ማፃፋ ኤካዳ ማሰ፤ ታ ደናን ኤሳዳ ማልሳና፣ ሽን ታ ኡሎን ጫሚሰ። 11 ሄሳፊ ጉዬ፣ ታኮ፣ «ኔኒ ያራ ኡባሰ፣ ዳዴ ኡባሰ፣ ዳማ ዳማ ደናን ኦይቲይሳታሲኔ ካዋታሰ ቲንቢቲ ዛራ ኦዳናው ቤሴስ» ያገሰ።

11

ናምዑ ማርካታ

1 ሄሳፊ ጉዬ፣ ታው ዋዳ ፃምዓ አሚዲ፣ «ባዳ ያሳ ኬላኔ ያርሾ ቤሳ ዋዳ፤ ያን ጎይኒያ አሳታካ ፓይዳ። 2 ሽን ያሳ ኬላ ካሬ ዳባባይ አይሁዴ ጊደና አሳሰ አሚቲዳ ገሾ ዋዳና አጋጋ። አይሁዴ ጊደና አሳይ ገሻ ካታማ ኦይታማኔ ናምዑ አጌና ሃራና። 3 ታኒ ካሌ ማዒዳ ታ ናምዑ ማርካታ ከታና፤ እንቲ 1260 ጋላሰ ቲንቢቲ ኦዳና» ያገሰ።

4 ሄ ናምዑ ማርካታ አላሚያ ጎዳ ስንሳገን እቁዳ ናምዑ ሻማሆ ሚላታኔ ናምዑ ያምፔ ዋሊያ ኮጫታ። 5 ኦኒካ እንታ ቆሃናው ኮይኮ እንታ ደናፔ ታሚ ኬዩዲ፣ እንታ ሞርኬታ ቆይሲስ። እንታ ቆሃናው ኮያ ኦኒካ ሄሳዳ ሃይቃና። 6 እንቲ ቲንቢቲ ኦዲያ ዋዴ ኢራ ቡኮና ሚላ ሳሎዋ ጎርዳናው እንታው ማቲ ዳዔሰ። እንታው ሃላ ቡላ ኬሳናው፣ ቃሲ እንቲ ኮዩዳ ሚላ ቢታ ዳማ ዳማ ጋደን ቆይሳናው እንታው ማቲ ዳዔሰ።

7 እንቲ ባንታ ማርካታላ ኦንገዳፔ ጉዬ፣ ኦላፊ ኬያ ደዳይ እንታና ኦላና። ሄ ደዳይ እንታ ያና፤ ዋዳና። 8 እንታ ጎዳይ ማሰቃሊያ ቦላ ካቁቲዳ ጌታ ካታማ ኦጊያ ቦላ እንታ አሃይ ዩጌታና።

9:13 ኬሳ 30:1 9:20 ማዘ 115:4 10:5 ኬሳ 20:11፤ ዛሬ 32:40፤ ዳኔ 12:7፤ እዋ 3:7 10:8 ሃዘ 2:8-3:3 11:1 ሃዘ 40:3፤ ዛካ 2:1 11:2 ሉቃ 21:24 11:4 ዛካ 4:3 11:6 1ካዋ 17:1፤ ኬሳ 7:17 11:7 ዳኔ 7:7፤ ዮ.ቆ 13:5

ሃ ካታማይ ለሚሰን ሰደሜ ዋይኮ ገብቆ ጌቴቲ ዪጌቴስ። 9 ቃሲ ዜሬል ኡባሬ፥ ያራ ኡባሬ፥ ዳማ ዳማ ዳናፔኔ ካዎቴላ ኡባሬ ዪዳ አሳይ ኤንታ አሃ ሂቩ። ጋላሲኔ ባጋ ጋካናው ቢዓና። ኤንታ አሃይ ሞገቶና ሚላ አሳይ ዲጋና። 10 ሃ ናምቡ ናቤቲ ሳዓን ዳዒያ አሳ ዋይሲዳ ገሾ አሳይ ኤንታ ሃይቁዋን ኡፋይታና። ባንታ ኡፋይሳ ቤሳናው ኢሶይ ኢሱዋሰ አዋን ኤና።

11 ሃቩ ጋላሲኔ ባጋሬ ጉዬ፥ ዳዎ አያናይ ያሳ ማታፔ ዪዲ ኤንታን ጌለን፥ ኤንታ ዳንዲ ኤቁደሶና። ኤንታ ቢዒዳ ኡባይ ጌታ ያሺ ያዪደሶና። 12 ሄሳሬ ጉዬ፥ ሄ ናምቡ ናቤቲ፥ «ሃ ዩዳ ከዩቴ» ጊያ ቃላ ሳሎፔ ሲዒደሶና። ኤንታ ሞርኬቲ ኤንታና ቢዒሺን፥ ኤንቲ ሻራን ጌሊዲ ዩዳ ሳሎ ቢደሶና።

13 ሄ ሳቲያን ቢታይ ዋልቃማ ቃዎ ቃዒን፥ ካታማፔ ታማንላ ኩሺይ ጳይስ። ቃሲ ቢታ ቃዎን ላፑን ሙኩሉ አሳይ ሃይቁስ። አቲዳ አሳይ ዳር ኮኮሪዲ ባቢዲ፤ ሳሎ ያሳሰ ቦንቾ ኢሚደሶና።

14 ናምባንላ አዩይ አጲስ፥ ሺን ሄኮ ሂቫንላ አዩይ ኤሶን ያና።

ላፑንላ ዋይዚያ

15 ላፑንላ ከታንቾይ ባ ዋይዚያ ፑኒስ። ሳሎፔ፥ «ሳዓ ካዎቴላይ ኑ ሳዳሲኔ ከሪሰቶሳሰ ገዲስ፤ ኢ ሜሪናፔ ሜሪና ጋካናው ሃራና» ያጊያ ዋልቃማ ቃላይ ሲዒቲስ። 16 ያቴን፥ ያሳ ሲንላን፥ ባንታ አራታን ኡቴዳ ላታማኔ ኦይዲ ጨማቲ ጉፋኒዲ፥ ያሳሰ ሳይኒዲ።

17 «ሃዒካ ካሲካ ዳዒይሶ፥

ጎዳው፥ ኡባሬ ዋልቃማ ያሳው፥

ኔኒ ጌታ ዋልቃ አይካዳሳ።

ኔኒ ሃራናው ደሚዳ ገሾ

ኑኒ ኔና ጋላቶስ።

18 አይሁዳ ገደና አሳይ ሃንቁቲደሶና፥

ሺን ኔ ሃንቆይ ዪስ።

ሃይቁዳይሳታ ቦላ ኔ ፐርዲያ ዋዳይ ዪስ።

ኔኒ ኔ አይሁታ፥ ናቤታስ

ጌሻታሲኔ ኔ ሱንሳሰ ያዬይሳታ።

ጉላታሲኔ ጌታታስ፥ ኤንታ ኦሱዋዳ ኢሚያ ዋዳይ ጋኪስ።

አላሚያ ጳይሴይሳታ ጳይሴያ ዋዳይ ዪስ»

ያጊደሶና።

19 ሳሎን ዳዒያ ያሳ ከላይ ደዬቲስ፤ ኢያ ጊደን ያሳ ጫቆ ታቦቴይ ቤንቲስ። ቃሲ ዋልባንላ ዋልባሚስ፥ ዳሾይ ዳቺስ፤ ዳዲ ቆቁስ፤ ቢቲ ቃዒስ፤ ሻቺ ቡኪስ።

12

ማጫሲዉኔ ዳዊያ

1 ሄሳሬ ጉዬ፥ ሳሎን ዋልቃማ ማላቲ ቤንቲስ። አዋ ማዓዳ፥ አጌና ቦላ ኤቃዳ፥ ታማኔ ናምቡ ያለንቶ ካላቻ ባ ሁዒን ዋሉዳ ዳዒያ፥ ኢሲ ማጫሲያ ቤንታሱ። 2 ሄ ማጫሲያ ቃንጮሺን፥ ኢዮ ኤቁላ ኦይኪን ኡንዒታዳ ዋሳሱ።

3 ቃሲ ሃራ ማላቲ ሳሎን ቤንቲስ። ላፑን ሁዒቲኔ ታሙ ካጩቲ ዳዒያ ጌታ ዘዎ ዳዊይ ቤንቲስ። ኢ ባ ሁዒታ ቦላ ላፑን ካላቻ ዋሉስ። 4 ሄ ዳዊይ ባ ጎይናን ያለንቶታፔ ሲኩዋ ሳሎፔ ዳፊዲ ሳዓን ዩጊስ። ሄ ዳዊይ ናዒይ ዩሌቲ ዋጲዳ ሚላ ሚታናው ኮዩዲ፥ ዩላናው ኤቁቲያ ማጫሲ ሲንላን ኤቁስ።

5 ሄ ማጫሲያ ካዎቴላ ኡባ ቢራታ ፃምባን ሃራናው ዳዒያ አዳ ናዓ ዩላሱ። ናዓይ ያሳኮኔ ኢያ አራታኮ ዩዳ ኤኪቲስ። 6 ማጫሲያ 1260 ጋላሰ ጋካናው ኢዮ ናጋና ሚላ ያሳይ ኢው ጊሲሲ ዋሉዳ ቤሳ ባዘ ቢታ ባቃታሱ።

7 ሳሎን ኦሊ ሚጴቲስ። ሚካዒሌይ ባ ከታንቾታራ ዳዊያራ ኦሊቲስ፤ ዳዊይ ባ ከታንቾታራ ገዲዲ ዛሪ ኦሊቲስ። 8 ሺን ዳዊይ ያኔቲዲ ሳሎን ኤንታው ዳዒያ ቤሲ ጳዩደሶና። 9 ጌታ ዳዊይ፥ ቤኒ ሾሻይ፥ ሳዓን ዩጌቲስ። ኢካ ዳቡሎሳ ዋይኮ ፃላሄ ጌቴቲያ አላሚያ ባሌሌይሳ። ኢ ባ ከታንቾታራ ኢሲሬ ዲጌ አላሚያ ዩጌቲስ።

10 ሄሳሬ ጉዬ፥ ሳሎን ሃይሳዳ ያጊያ ቃላ ሲዓስ።

«ሃዒ አቶቴላይ፥ ዋልቃይኔ ካዎቴላይ፥ ኑ ያሳሳ፤

11:8 እሳ 1:9 11:11 ሃዘ 37:10 11:12 2ካዎ 2:11 11:13 ዮ.ቆ 6:12፤ 16:18 11:15 ከሳ 15:18፤ ዳኔ 2:44፤ 7:14 11:17 ከሳ 3:14 11:18 ማዘ 2:5፤ 110:5፤ 115:13 11:19 ዮ.ቆ 8:5፤ 16:18፤ 21 12:3 ዳኔ 7:7 12:4 ዳኔ 8:10 12:5 እሳ 66:7፤ ማዘ 2:9 12:7 ዳኔ 10:13 12:9 ሜሊ 3:1፤ ሉቃ 10:18

ማታይ ከሪሰቶሳስ ገደሰ።
 ሃዛ፣ ቃማኔ ጋላስ ያሳ ሲገላገ፣
 ኑ እሻታ ሞቲይሲ ሳሎፕ ዱጌ ሆሉተስ።
 11 ኤገቲ ደርሳ ሱላኒኔ ባገታ ማርካቴላ ቃላገ፣
 ኢያ ኦሊዲ ያገደሶና።
 ኤገቲ ባገታ ሽምጥቀስ ሚሽቶና
 ባገታና ሃይቆስ አሏ እሚደሶና።
 12 ሃሳ ገሾ፣ ሳሎኒኔ ኢያ ገደገ ዳዔይሳቶ ኡፋይተቴ።
 ሽገ ቢታኔ አባ አዬ!
 ሃዛ፣ ያላሄይ ባው ጉላ ዎዴይ ኣተደይሳ ኤሪዳ ገሾ
 ዎልቃማ ሃገቆን ሂገቴኮ ዎቋስ»

ያገሰ።
 13 ቃሲ ዳዊይ ባና ሳባ ዩጊደይሳ ቢዔዳ ዎዴ አዴ ናባ ዩሊዳ ማጫሲው ጎደሰ። 14 ማጫሲው ሾሻይ ቆሆና ማላ ሂቹ ላይሌኔ ባጋ ማሽኔ ኤያሽ ኢያ ናጌቲያ ቤሲ ባዞ ቢታ ፕራቆዳ ባና ማላ ናምዑ ዎልቃማ ኣርጋገላ ቁፌይ አው እሚተስ።
 15 ያተዳ፣ ማጫሲው ዲያይ ዲዒዲ ኤፋና ማላ ዳዊይ ሻፋ ሃላ ማላ ባ ደናፕ ማጫሲ ጉዩራ ጮዩሰ። 16 ሽገ ቢታይ ማጫሲው ማደሰ፤ ቢታይ ባ ደና ደዩዲ ዳዊያ ደናፕ ከዩዳ ሃላ ማተስ። 17 ሄ ዳዊይ ማጫሲ ቦላ ዳር ሃገቁቲዲ፣ ኢ ዜሬላታ፣ ያሳ ከታ ናጌይሳታኔ ዩሱሲ ቆንጨሲዳ ቱማሰ እማኔቲደይሳታ ኦላናው ቢዲ። 18 አባ ጋግን ዳዒያ ሻፊያን ኢቁስ።

13

ናምዑ ደዓታ

1 ሃሳፌ ጉዩ፣ ኢሲ ደዓይ አባፌ ከዩሽገ ቤዓስ። ኢያው ታሙ ካጩይይ ላፕን ሁዔይ ዳዔስ። ሄ ታሙ ካጩታ ቦላ ታሙ ካላቻቲ ደያሶና። ሄ ሁዔታ ቦላ ያሳ ጫሻ ስገላቲ ያፌቲዲ ኡተስ።
 2 ታ ቤዒዳ ደዓይ ማሄ ዳኔስ፤ ኢያ ቶሆይ ባባገላ ቶሆ ማላ፤ ኢያ ደናይካ ጋሞ ደና ዳኔስ። ዳዊይ ባ ዎልቃ፣ ባ አራታኔ ባ ጊታ ማታ ሄ ደዓስ አሚስ።
 3 ሄ ደዓ ሁዔያፕ ኢሱዎ ቦላ ሃይቆስ ጋሏያ ማዲንሌ ቤዓስ፣ ሽገ ሄ ማዲንላይ ፓሚስ። አላሚያ አሳ ኡባይ ማላሉቲዲ ሄ ደዓ ካሊሲ። 4 ዳዊይ ባ ማታ ደዓስ እሚዳ ገሾ አሳ ኡባይ ዳዊያ ጎይጊደሶና። ቃሲ አሳይ፣ «ደዓ ማሊ ኦኔ? ኢያራ ኦሉታናው ዳገዳዔይ ኦኔ?» ያገዲ ደዓስ ጎይጊደሶና።
 5 ሄ ደዓስ ኦቶርታና ማላኔ ጫያና ማላ ደኒ እሚተስ፤ ኦይታማኔ ናምዑ ኣጌና ሃራና ማላ ማቲ ኢያይ አሚተስ። 6 ሄ ደዓይ ያሳ፣ ኢያ ሱገላ፣ ኢ ዳዒያ ቤሳኔ ሳሎን ዳዒያ ኡባ ቃንጌሌ ኦይኪስ። 7 ሄ ደዓይ ጌሻታራ ኦሉቲዲ፣ ኤገታና ያናና ማላ ዎልቁ ኢያው እሚተስ። ያራ ኡባ፣ ዳሬ ኡባ፣ ዳማ ዳማ ደና ኡባ ቦላኔ ዜሬሌ ኡባ ቦላ ማቲ ኢያው እሚተስ። 8 አላሚይ ሜዴቶሳፕ ደሚዲ፣ ሹኩቲዳ ደርሳ ዳያ ማፃፃን ኤገታ ሱገላይ ያፌቶና ሃ ሳባን ዳዒያ አሳ ኡባይ ሄ ደዓስ ጎይጊደሶና።
 9 ሲዒያ ሃይሌ ዳዒያ አሲ ሲያ። 10 ኦኒካ ዲዔታናው ዳዔይ ዲዒተስ። ማሻን ሃይቃናው ዳዔይ ማሻን ሹኩታና። ሄሳንካ ገሻታ ዳገዳዔይኔ ኣማናይ ኤፊታና።
 11 ቃሲካ፣ ሃራ ደዒ ሳፕቲ ከዩሽገ ቤዓስ። ኢያው ደርሳ ካጩ ዳኒያ ናምዑ ካጩይ ዳዔስ፤ ኢያ ሃይሳይ ዳዊይሳ ማላ። 12 ሄ ደዓይ ኮይሮ ደዓ ቤሳን፣ ኢያ ማሻን ኦሌስ። ኢካ ሃይቆስ ጋሏያ ማዲንላፌ ፓዲዳ ኮይሮ ደዓስ፤ ቢታን ዳዒያ አሳ ኡባይ ጎዳናና ማላ ኦሌስ። 13 ሄ ናምዓንሎ ደዓይ ሃሪ ኣቶሽገ፣ ታማ ሳሎፕ አሳ ኡባ ስገላን ዎቋሳና ጋካናው ጊታ ማላታታ ኦሌስ። 14 ኮይሮ ደዓ ቤሳን ኦላና ማላ፣ ኢያው እሚተዳ ማላታታን ሳባን ዳዒያ አሳ ኡባ ኢ ባሌሌስ። ማሻን ማዲንዲዳ ፓዲዳ ደዓ ቦንቾስ ሚሲሌ ገሊሳና ማላ ኤገታና ከተስ። 15 ናምዓንሎ ደዓይ ኮይሮ ደዓ ሚሲሊያስ ሽምጥ አሚዲ ኦይታና ማላኔ ኢያው ጎይናናይሳቲ ሃይቃና ማላ ኦሌያ ማቲ እሚተስ።
 16 ሄ ናምዓንሎ ደዓይ ገቲኔ ጉሌ፣ ማንቆይኔ ዳሬይ፣ ዎማናይኔ ኣይሌይ ባ ኡሻቻ ከሹሽን ዎይኮ ባ ሰምዖን ማላ ዎላና ማላ ኦሌስ። 17 ሄ ደዓ ሱገላይ ዎይኮ ኢያ ሱገላ ፓይዲዎ ማላይ ባይና አሲ ኦኒካ ባይዛናውኔ ሻማናው ዳገዳዔና።
 18 ጨንጫቴሌ ኮሽይ ሄሳና። ኤራቴሌ ዳዒያ ኦኒካ ሄ ደዓ ፓይዲዎ ቢርሽላ ኤር፤ ሄ ፓይደይ አሳ ሱገሌ። ሄ ፓይደይ ኡሱፕን ያታኔ ኡሱፕን ታማኔ ኡሱፕና።

14

ድርሳኔ 144፡000 እሳ

1 ሃሳፌ ጉዬ፣ ድርሳይ ያኒኑ ዳሪያ ቦላ ኤቁዳይሳ ቤዓስ። ኢያራ ኢያ ሱንሳይኔ ኢያ አዋ ሱንሳይ ኢንታ ሰዎዎን ዓፌተዳ፣ 144፡000 እሳይ ዳሪስ። 2 ሳሎፕ ጊታ ሃሳ ጉንሱኔ ዳዳ ጉንሱ ዳኒያ ዋልቃማ ገርሲ ሲዓስ። ቃሲ ታ ሲዒዳ ገርሳይ ዲሊ ዲደሺን ሲዒተያ ገርሳ ማለ። 3 144፡000 እሳይ አራታ ሲንሳን፣ ኦይዱ ዳዎን ዳዒያ ሜዴቱላታ ሲንሳን፤ ጨማታ ሲንሳን ኤቁዳ ኢንታፊ ሃራ ኦኒካ ታማራናው ዳንዳያና ኦራሳ ማዘሙራ ዩዲዳሶና። 4 ሃይሳቲ ማጫሳራ ባንታና ቲኒሶና ናጊዳ ጌሻታ። ኤንቲ ድርሳይ ቢያሶ ኦባ ካሎሶና። ኤንቲ ያሳሲኔ ድርሳሰ ባይራ ጊዳዲ፣ ሺቃናው ሳዓ እሳ ጊዳፊ ዋዙቲዳሶና። 5 ኤንቲ ዋርዳይኔ ቦሬይ ባይና አሳታ።

ሃዥ ከታንቸታ

6 ሃሳፌ ጉዬ፣ ማሪያ ዋንጌላ ሳዓ ቦላ ዳዒያ ካዋቱሳ ኡባስ፣ ዘራሌ ኡባስ፣ ያራ ኡባሲኔ ዳማ ዳማ ዳና ኡባሰ ማርካታናው ሳሎራ ፕራዲያ ሃራ ከታንቸ ቤዓስ። 7 ሄ ከታንቸይ ባ ቃላ ቶቁ ኦሊዲ፣ «የሳይ አላሚያ ፐርዲያ ሳቲይ ጋኪዳ ጊሾ ያሳሰ ያዩቲ፤ ኢያ ቦንቸቲ። ሳሎ፣ ሳዓ፣ አባኔ ፑልቶ ሃሳ ሚዲዳ ያሳ ጎይኒቲ» ያገሉ።

8 ኮይሮይሳ ካሊዲ ሃራ ናዎዓንላ ከታንቸይ፣ «ዳሬ ኡባ ቱናኔ ማላያ ዋይኔ ኡሺዳ፣ ጊታ ባቢሎኔይ ኩንዳሱ! ኩንዳሱ!» ያገሉ ዋሲስ።

9 ሃዥላ ከታንቸይ ኢንታ ካሊዲ፣ ባ ቃላ ቶቁ ኦሊዲ፣ «ዳዒኔ ኢያ ሚሲሊያ ጎይኒያ ቃሲ ኢያ ማለ ባ ሰዎዎን ዋይኮ ባ ኩሽን ዋሊያ ኦኒካ ዳዒኮ። 10 ኢ ሃንቆ ፀዓን ኩሚዳ ያሳ ሃንቆ ዋይኒያ ኡያና። ኤንቲ ጌሻ ከታንቸታ ሲንሳን፤ ድርሳ ሲንሳን ኤዲያ ዳኔ ታማን ዋይታና። 11 ኢንታ ዋያ ጨያይ ሜሪ ሚሪናው ጨዩሽ ዳና። ዳዒኔ ኢያ ሚሲሊያ ጎይኒይ ቃሲ ሄ ዳዓ ሱንሳ ማለይ ዳዒያ ኦኒካ ቃማኔ ጋላሰ ሽምፖይ ባይና ካዔታና» ያገሉ።

12 ያሳ ከታ ናጊይሳቲኔ ዬሱሳ አማኔቲይሳቲ ገንጨያ ሚናቱላይ ቆንጨያ ዋይይ ሄሳ።

13 ሃሳፌ ጉዬ፣ «ሂዘፕ ጎዳን ሃይቁይሳቲ አንጃቲዳይሳታ» ያገያ ቃላ ሳሎፕ ሲዓስ።

አያናይ፣ «ኤ ቱማ፣ ኤንታ ኦሶይ ኤንታ ካሊያ ጊሾ ኤንቲ ባንታ ዳቡራፕ ሽምፓና» ያገኛል።

ካሳ ሺሾ ዋዴ

14 ሃሳፌ ጉዬ፣ ቦላ ሻራ ቦላ ኡቲዳ አሳ ናዓ ዳኔይሳ ቤዓስ። ኢ ባ ሁዒን ዋርቃ ካላቻ ዋሊስ፤ ቃሲ ባ ኩሽን ባጫ ኦይኪስ። 15 ሃራ ከታንቸይ ያሳ ኬሳፊ ኬዩዲ፣ ሻራ ቦላ ኡቲዳይሳኮ ባ ቃላ ቶቁ ኦሊዲ፣ «ካሳ ሺሾ ዋዴይ ጋኪዳ ጊሾ ኔ ባጫ ዬዳዳ ካሳ ጫካ፤ ሳዓን ዳዒያ ካሳይ ጋኪስ» ያገሉ። 16 ያቲን ሻራ ቦላ ኡቲዳይሲ ባ ባጫ ሳዓ ዬዳዳ፣ ሳዓን ዳዒያ ካሳ ጫኪስ።

17 ቃሲካ ሳሎን ዳዒያ ያሳ ኬሳፊ ሃራ ከታንቸይ ኬዩሲ፤ ኢያወካ ኦጮ ባጨ ዳዒስ።

18 ታማ ቦላ ማቲ ዳዒያ ሃራ ከታንቸይ ያርሾ ቤሳፊ ኬዩስ። ኢ ባ ቃላ ቶቁ ኦሊዲ ኦጮ ባጫ ኦይኪዳ ከታንቸው፣ «ዋይኔ ኦይፊይ ፊራዳ ጊሾ ኔ ኦጮ ባጫ ዬዳዳ፣ ሳዓን ዳዒያ ዋይኒያቲ ቃንዳ» ያገሉ። 19 ሄ ከታንቸይ ባ ባጫ ዬዳዳ፣ ሳዓን ዳዒያ ዋይኒያቲ ቃንዳ፣ ያሳ ጊታ ሃንቁዋ ጉምዒያ ቤሳን ዩገሲ። 20 ኤንቲ ካታማፕ ጋዓን ዳዒያ ዋይኔ ኦይፊ ጉምዒያ ቤሳን ዬዴቲዳሶና። ሱላ ዋይኒያ ጉምዒያ ቤሳፊ ኬዩዲ ኢሲ ሙኩሶኔ ኡሰቸን ያቲ ከሎ ማቲሬ ማለ ሃኪዲ፣ ፓራ ፑሎ ጋኪያ ማለ ኤሊዲ ቶቁ ገሰ።

15

ወርሲላ ቦሻታ

1 ታኒ ሳሎን ሃራ ጊታኔ ማለሊሲያ ማለታ ቤዓስ። ያሳ ወርሲላ ሃንቁዋ ቆንጨሲያ ላፑን ቦሻታ ኦይኪዳ ላፑን ከታንቸቲ ዳዎሶና።

2 ቃሲ ታማራ ዋላኩቲዳ ቡርጨኩ ካሳ ዳኔይሳ ቤዓስ። ሄ አባ ጋዓን ዳዓ፣ ኢያ ሚሲሊያ፣ ኢያ ሱንሳ ታይቡዋ ያኒዳይሳታ ቤዓስ። ያሳይ ኢንታው አሚዳ ዲላ ኦይኪዲ ኤቁዳሶና። 3 ኤንቲ ያሳ ኦይሊያ ሙሴ ማዘሙራያኔ ድርሳ ማዘሙራያ ሃይሳዳ ያገድ ዬዎሶና።

«ጎዳው፣ ኡባፊ ዋልቃማ ያሳው፣

ኔ ኦሶይ ጊታኔ ማለሊሲያባ።

ዳሬ ኡባ ካዋው፣

ኔ ኦይይ ያሎኔ ቱማ።

4 ጊሺ ኔ ዓላላ ጊዲያ ጊሾ

14:1 ሃዘ 9:4፤ ዮ.ቆ 7:3 14:5 ሶሮ 3:13 14:8 እሳ 21:9፤ ኤር 51:8፤ ዮ.ቆ 18:2 14:10 እሳ 51:17፤ ሜዴ 19:24፤ ሃዘ 38:22 14:11 እሳ 34:10 14:14 ዳኔ 7:13-14 14:15 ኢዩ 3:13 14:20 እሳ 63:3፤ ኤር.ዘ 1:15፤ ዮ.ቆ 19:15 15:3 ከሳ 15:1

ጎዳው፡ ኔው ያየናይኔ
 ኔ ሱንሳ በንቸናይ እኔ?
 ኔ ዊሎ ኦሶይ አሳ ኡባሰ ቆንጨፍ ገዲያ ገሾ
 ካዎቴሌ ኡባይ ኔ ሲንሌ ዪዲ ጎይናና»
 ያገዲ ዪዎሶና።

5 ሃሳፌ ጉዬ፡ ሳሎን ደይቲዲ ዳዊያ ያሳ ከላ፡ ኢካ ማርካቴሳ ዲንካኒያ ቤዓሰ። 6 ላፑን ቦሻታ ኦይኪዳ ላፑን ከታንቸቲ ያሳ ከላፌ ከዪደሶና። ኤንቲ ገሺኔ ጳሊያ ሊኖ ማዎ ማዒደሶና፤ ባንታ ቴራን ዎርቃ ዳንጮ ዳንጨደሶና። 7 ኦይዲ ማይቲሳታፕ ኢሶይ፡ ማሪናው ዳዊያ ያሳ ሃንቆይ ኩሚዳ ላፑን ዎርቃ ፀ-ዓታ ላፑን ከታንቸታሰ እሚሰ። 8 ያሳ ቦንቹዎፌኔ ኢያ ዎልቃፌ ዳንደይሳን ያሳ ከላይ ጨያን ኩሚሰ። ላፑን ከታንቸቲ ኦይኪዳ ላፑን ቦሻቲ ፖሊታና ጋካናው ያሳ ከላ ኦኒካ ገላናው ዳንደዒቤና።

16

ያሳ ሃንቆይ ኩሚዳ ፀ-ዓታ

1 ሃሳፌ ጉዬ፡ ያሳ ከላፌ ላፑን ከታንቸታኩ፡ «ቢዲ ያሳ ሃንቁዎ ላፑን ፀ-ዓታፕ ሳዓን ጉሲቴ» ያገዲ፡ ኦይያ ዎልቃማ ቃላ ሲዓሰ።

2 ኮይሮ ከታንቸይ ቢዲ፡ ባ ፀ-ዓን ዳዒይሳ ሳዓን ጉሲን፡ ደዓ ማላይ ዳዒይሳታ ቦላኔ ኢያ ሚሲሊያ ጎይዒዳይሳታ ቦላ ኢታኔ ዛሚያ ማዲንሌ ከዪሰ።

3 ናምዓንሎ ከታንቸይ ባ ፀ-ዓን ዳዒይሳ አባን ጉሲን፡ አባይ ሃይቂዳ አሳ ሱሌ ዳኒሰ። ቃሲ አባን ዳዒያ ማይቲሳ ኡባይ ሃይቂሰ።

4 ሃሻንሎ ከታንቸይ ባ ፀ-ዓን ዳዒይሳ ሻፋታኒኔ ፑልቶ ሃላታን ጉሲን፡ ሃላቲ ሱሌ ገዲደሶና። 5 ሃሳፌ ጉዬ፡ ሃላ ቦላ ማቲ ዳዒያ ከታንቸይ ሃይሳዳ ያገሺን ሲዓሰ።

«ሃዒካ ቤኒካ ዳዒያ ገሻው፡
 ሃይሳዳ ኔ ፐርዲዳ ገሾ ኔኒ ዊሎ።»

6 ኤንቲ ገሻታ ሱላኔ ናቤታ ሱላ ጉሲዳ ገሾ
 ኤንቲ ሱላ ኡያና ሚላ ኦላዳሳ።

ኤንቲ ባንታው ቤሲያባ ኤኪደሶና»
 ያገሰ። 7 ያርሾ ቤሳፌ፡

«ጎዳው፡ ኡባፌ ዎልቃማ ያሳው፡
 ኔ ፐርዲይ ቱማኔ ዊሎ»

ያገያ ቃላ ሲዓሰ።

8 ኦይዳንሎ ከታንቸይ ባ ፀ-ዓን ዳዒይሳ አዎ ቦላ ጉሲን፡ አዎይ ባ ሱላን አሳ ፀ-ጋና ሚላ አዎሰ ዎልቂ እሚጠቲ። 9 አሳይ ዎልቃማ ሱላን ፀ-ጌቲዲ፡ ሄ ቦሻታ ቦላ ማቲ ዳዒያ ያሳ ሱንሳ ባዲደሶና፤ ባንታ ናጋራፔ ሲሚዲ ያሳ ቦንቹቦኮና።

10 ኢቻሻንሎ ከታንቸይ ባ ፀ-ዓን ዳዒይሳ ደዓ አራታ ቦላ ጉሲን፡ ሄ ደዓ ካዎቴላይ ጳሚሰ። አሳይ ኡንዓ ገሾ ባንታ ኢንዓርሳ ሳዎሶና። 11 ቃሲ አሳይ ኢንዓ ገሾኔ ማዲንላ ገሾ ሳሎ ያሳ ባዲደሶና፤ ባንታ ኦሊዳ ናጋራፔ ሲሚቦኮና።

12 ኡሱፑንሎ ከታንቸይ ባ ፀ-ዓን ዳዒይሳ ገታ ኤፊራይሲ ሻፋን ጉሲን፡ ደሎሃ ባጋፌ ያና ካዎታሰ ኦይሮ ገጋና ሚላ ሃላይ ሚሊሰ። 13 ሃሳፌ ጉዬ፡ ሾጴ ዳኒያ ሃሹ ቱና አያናቲ ዳዊያ ደናፕ፡ ደዓ ደናፕኔ ዎርደ ናቤያ ቃዎ ቃዊቤና። ሄሲ ኡባፌ አጲዳ ቃዎ። 14 ኤንቲ ማላታታ ኦሊያ ቱና አያናታ። ሄ ሃሹ ቱና አያናቲ ኡባፌ ዎልቃማ ያሳ ገታ ጋላሳን ሃናናው ዳዒያ ኦላሰ ሸሻሻው አላሚ ካዎታ ኡባኮ ባና።

15 «ሄኮ፡ ታ ካይሶዳ ያና! አሳ ሲንላን ካሎቶናዳኔ ዬላቶናዳ ባርኪዲ፡ ባ ማዑዎ ናገያ ኡራይ ኢንጃቲዳይሳ!» ያገሰ።

16 ሄ ቱና አያናቲ ካዎታ ኢብራይሰ፤ ደናን አርማጌዶኔ ገያ ቤሳን ሸሸደሶና።

17 ላፑንሎ ከታንቸይ ባ ፀ-ዓን ዳዒይሳ ጫርኮ ቦላ ጉሲን፡ ያሳ ከላን ዳዒያ አራታፕ፡ «ፖሊቲሰ» ያገያ ዎልቃማ ቃላይ ዪሰ። 18 ሃሳፌ ዎልዓንሌ ዎልዓሚሰ፤ ዳዳይ ጳቂሰ፡ ቤታይ ቃዊሰ። አሲ ሳዓን ማይቶሳፕ ቢቲ ሃሳ ሚላ ቃዎ ቃዊቤና። ሄሲ ኡባፌ አጲዳ ቃዎ። 19 ገታ ካታማይ ሃሹ ከዪዲ ሻኬቲሰ፤ ቤታ ኡባን ዳዒያ ካታማቲ ጳዪደሶና። ያሳይ ገታ ካታማ ባቤሎኔ ቆፒዲ፡ ባ ኢታ ሃንቆ ዎይኔ ኡሻይ ኩሚዳ ፀ-ዓ ኢው እሚሰ። 20 ሃላን ቴቂቲዳ ቤታቲ ጳዪደሶና፤ ዳራቲካ

15:4 ኤር 10:7፤ ማዘ 86:9 15:5 ከሳ 38:21 15:8 ከሳ 40:34፤ 1ካዎ 8:10 16:2 ከሳ 9:10 16:4 ከሳ 7:17 16:5 ከሳ 3:14 16:10 ከሳ 10:21 16:12 ኢሳ 11:15 16:15 ማቶ 24:43 16:16 2ካዎ 23:29፤ ዛካ 12:11 16:18 ዮ.ቆ 8:5፤ 11:13 16:19 ኢሳ 51:17

በጌትቦኮና። 21 እሳ ቦላ ኦይታማኔ ኢቻሹ ኪሎ ገራማ ሜላ ዳዲያ ዋልቃማ ሻቺ ሳሎፔ ቡኪስ። ቦሻይ ዳሮ ኢታ ገዲያ ገሾ አሳይ ሻቻ ቦሻ ገሾ ያሳ ዳዲዶሶና።

17

ጌታ ላይማቲያ ማጫሲው

1 ላፑን ፀዓታ ኦይኪዳ ላፑን ኪታንቸታቲ ኢሶይ ታኮ ዪዳ። «ሃያ፤ ዳሮ ሃላታ ቦላ ኡቲዳ ጌታ ላይማቲያ ማጫሴ ቦላ ያናው ዳዲያ ፐርዳ ታ ኔና ቤሳና። 2 አላሚያ ካዋቲ ኢራ ላይማቲዶሶና፤ አላሚን ዳዲያ አሳይካ ኢ ላይማቲላ ዋይኒያ ኡዪዳ ማላቲዶሶና» ያገሰ።

3 ሄ ኪታንቸይ ታና ገሻ ኣያናን ባዞ ቢታ ኤፊስ። ያን ኢሲ ማጫሲያ ጫሻ ሱንሳይ ኢ ቦላ ኡባን ያፊቲዳ ኡቲዳ። ዞዎ ዶዓ ቶጊዳሮ ቤሳሰ፤ ሄ ዶዓሰ ላፑን ሀዔይኔ ታሙ ካጩይ ዳዲሰ።

4 ሄ ማጫሲያ ካሎሴ ማያኔ ዞዎ ማዓሰ፤ ኢያ ዋርቃን፣ ቦንቸ ሹቻኒኔ ኢንቆ ጊያ አልዎ ሹቻን አለቋታሱ። ኢያ ባ ኩሺን ቦርሲያባኔ ላይማቲላ ቱናቲላን ኩሚዳ ዋርቃ ፀዓ ኦይካሱ። 5 ኢ ሶምዖን ፀራ ኦሶ ቢርሽላይ ዳዲያ ሱንሳይ። «ጌታ ባቢሎኔይ፣ ላይማቲላሰኔ ሳዓን ዳዲያ ቱናባ ኡባሰ አዮ» ያገሰ ፀራፊይ ያፊቲዳ ኡቲሰ። 6 ቃሲ ሄ ማጫሲያ ጌሻታ ሱላኔ ዬሱሳሰ ማርካቲሽ ሃይቂዳይሳታ ሱላ ኡያዳ ማላቲዳሮ ታ ቤዓዳ ማላሌታሰ።

7 ኪታንቸይ ታኮ፣ «ኔኒ አይሰ ማላሌታይ? ታኒ ኔው ማጫሴ ፀራኔ ኢያ ቶኪዳ ላፑን ሀዔይኔ ታሙ ካጩይ ዳዲያ ዶዓ ፀራ ኦዳ። 8 ኔኒ ቤዓዳ ዶዳይ ኮይሮ ዳዲሰ፤ ሺን ሃዒ ባዋ። ሄ ዶዳይ ጠመ ኦላፊ ከዪዳ ሳዮሰ ሳና። ሳዳይ ሚዴቶሳቲ ዶሚዳ፣ ዳዮ ማዓፋን ኤንታ ሱንሳይ ያፊቲቦና ሳዓን ዳዲያ አሳይ ዶዓ ቤዓዳ ማላሌታና። ሂዛ፣ ኢ ካሴ ዳዲሰ፤ ሃዒ ባዋ፣ ሺን ሰንሳፊ ያና።

9 «ሃይሴ ጩንጫቲላኔ እኪካ ኮዩሰ። ላፑን ሀዔቲ ማጫሲያ ኡቲያ ላፑን ዳሬታ፤ ሄሳቲ ቃሲ ላፑን ካዋታ። 10 ኤንታፊ ኢቻሹ ካዋቲ ኩንዲዶሶና። ኢሶይ ሃዒ ጋካናው ሃራሰ፤ ሃንኮ ካዋይ ዪቤና። ኢ ዪዳ ጉላ ዋይ ታካናው ቤሴሰ። 11 ሲንሌ ዳዲዳ ዶዳይ፣ ሃዒ ባይናይሴ። ኢ ባ ሁዓን ሆሰፑንሳ ዶዳ። ኢ ላፑን ዶዳታፔ ኢሱዋ፤ ኢ ሳያናው ቤስ።

12 ኔኒ ቤዓዳ ታሙ ካጩቲ ሃሮ ዶሚቦና ታሙ ካዋታ። ሺን ኤንቲ ዶዳሮ ኢሲፊ ኢሲ ሳቲ ካዋቲዳ ሃራናው ኤንታው ማቲ አሚታና። 13 ኤንታ ኡባሰ ኢሲ ቆፋይ ዳዲሰ፤ ኤንቲ ባንታ ዋልቃ ኣንታ ማታ ዶዳሰ አማና። 14 ኤንቲ ዶርሳራ ኦሌታና፣ ሺን ዶርሳይ ጎዳታ ጎዳኔ ካዋታ ካዋ ገዲያ ገሾ ኢ ዪጊዳይሳቲ፣ ዶራዳይሳቲኔ አማኔቲዳይሳቲ ሄ ካዋታ ናናና» ያገሰ።

15 ኪታንቸይ ቃሲካ ታኮ፣ «ላይማቲያሮ ኡቲዳ ሄ ኔኒ ቤዓዳ ሃላቲ ያራታ፣ ካዋቲላታ፣ ዘሬላታኔ ዳማ ዳማ ዶናን ኦድቲይሳካ። 16 ቃሲ ኔኒ ቤዓዳ ታሙ ካጩይኔ ዶዳይ ላይማቲያሮ ኢያና። ኤንቲ ኢው ዳዲያ ኡባባ ኤካና። ቃሲ እዮ ካሎ አሻና ኢ አሹዋ ሚዳጋር፤ ያቲዳ ኤንቲ ኢዮ ታማን ፀጋና። 17 ሂዛ፣ ያሳ ቃላይ ፖሊታና ጋካናው ኤንታ ቆፋይ ኢሲና ገዳና ሚላ ኤንቲ ባንታ አይሲያ ዋልቃ ዶዳሰ አማናኔ ያሳይ ቆፐዳይሳ ኤንቲ ኦላናዳ ኤንታ ዋዛናን ያሳይ አዋ ዋሊሰ። 18 ሄ ኔኒ ቤዓዳ ማጫሲያ ሳዓ ካዋታ ሃራያ ጌታ ካታሚው» ያገሰ።

18

ባቢሎኔ ኩንዳላ

1 ያቲዳ፣ ጌታ ማቲ ዳዲያ ሃራ ኪታንቸይ ሳሎፔ ዋዲሺን ታ ቤዓሰ። ሄ ኪታንቸዋ ቦንቸይ ሳዓ ፖዒሲሰ። 2 ሄ ኪታንቸይ ባ ቃላ ጶቁ ኦሊዳ፣

«ኢያ ኩንዳሱ! ጌታ ባቢሎኔይ ኩንዳሱ!

ባቢሎኔይ ቱና አያናቲ አቁያ ቤሲ ገዳሱ።

ዳማ ዳማ ኢታባታሰ ከሌ ገዳሱ፤

ቱና ካፎቲኔ ዶዳቲ ሺምፒያ ቤሲ ገዳሱ።

3 አሳ ዘሬላ ኡባ ባ ላይማቲላ ዋይኒያ ኡሻሱ።

ሳዓ ካዋቲ ኢራ ላይማቲዶሶና።

ኢ ሚኮቲላፊ ዳንደይሳን

ቢታን ዳዲያ ዛልዓንቸቲ ዱሬቲዶሶና»

ያገሰ።

4 ሄሳፊ ጉዬ፣ ታ ሳሎፔ ሃይሳዳ ያጊያ ሃራ ቃላ ሲዓሰ።

«ኢ ናጋራ ኢራ ኮዶና ሚላኔ፣

ኢያ ኤካናው ዳዲያ ሴራ ሂንቲ ኤኮና ሚላ፣

16:20 ዮ.ቆ 6:14 16:21 ከሳ 9:23 17:1 ኤር 51:13 17:2 ኢሳ 23:17፤ ኤር 51:7 17:3 ዮ.ቆ 13:1
17:4 ኤር 51:7 17:8 ዳኔ 7:7፤ ዮ.ቆ 11:7፤ ማዘ 69:28 17:12 ዳኔ 7:24 18:2 ኢሳ 21:9፤ ኤር 51:8፤
ዮ.ቆ 14:8፤ ኢሳ 13:21፤ ኤር 50:39 18:3 ኢሳ 23:17፤ ኤር 51:7

ታ ዳሪያው አፔ ከዩቲ።
 5 ሃዛ፣ አ ናጋራይ ሳሎ ጋካናው ደራተሰ።
 የሳይ አ ናቁዋ አኩኪሰ።
 6 አያ አሚዳይሳ ሚላ ዛሪዳ አው አሚቲ።
 አያ ኦሊዳ ኦሎቀሰ ናሞሁ ኩሼ አው ዛሪቲ።
 አያ ጊሊሲዳ ኦሻ ቦላ ሂንቲ ናሞሁ ኩሼ ማላያ ኦሻ አ ፀ-ግን ኩንሲቲ።
 7 አያ ቦንቼቲዳይሳዳኔ አው አንጃቲዳይሳ ሚላ።
 አዮ ሜቶላቲኔ ካዮዩቲ።
 አያ ባ ዋዛናን።
 ታኒ ካዌዳ ኤታሰ፤ ታ አዘኒ ባይና ማጫሰ ጊዲኪ፤
 ታኒ ኡባካ ካዮቲኪ። ስጋሰ።
 8 ሃሳ ገሾ፣ ቦሻ ኡባይ።
 ሃርጌይ፣ ካዮይኔ ኮሺ አዮ አሲ ጋላሰ ህይካና።
 ቃሲ አያ ታማን ፀ-ጌታና፤
 አይሰ ገኮ፣ አ ቦላ ፐርዲያ የሳይ ዋልቃማ።
 ያገሰ።

9 «አራ ላይማቲዳይሳቲኔ አ ሚኮቲላን ዳዒዳ፣ አላሚያ ካዋቲ ሄ ካታሚያ ፀ-ጌቲን ኬያ ጨያ ቤዒዳ ዋዴ አው ዋሲዲ ዩካና። 10 ኤንቲ ሄ ካታሚ ዋያ ቤዒዲ ያዩዳ ገሾ ሃኪ አቁዲ፣ ሳ ጌታ ካታሚ! ዋልቃማ ካታሚ!
 ባቢሎኔ፣ ኔና አዩ!

ኔኒ አሲ ሳቲ ጌዶን ኔ ፐርዳ ኤካዳሳ ስጋና።
 11 «ኤንታ ማርካቢያ ጨና ሃዘፔ ሻሚያ አሲ ባይና ገሾ ሳግን ዳዒያ ዘልግንቸቲ ሄ ካታሚሰ ማሳና ካዮታና። 12 ኤንታ ዋርቃ፣ ቢራ፣ ቦንቸ ሹቻ፣ አንቆ ጌያ አልያ ሹቻ፣ ካሎሴ ማዖ፣ ሊና ማሳ፣ ሃራ ማዖ፣ ዘዖ ማዖ፣ ዲማ ዲማ ሳዋ ሚላ፣ ዛላ፣ አልያ ሚላ፣ ናሴ ቢራታ፣ ጎሊ ሹቸ፣ 13 ቃራፋ፣ ቁማሚ፣ አዖኔ፣ ካርቤ፣ ሹቸ፣ ዋይኔ፣ ዛይቲ፣ ሊቆ ጂሊ፣ ገሰቲ፣ ሜሄ፣ ደርሴ፣ ፓራ፣ ፓራ ጋራ፣ አይሊታኔ ሃራ አሳታ ሻሚያ ኦኒካ ባዋ።

14 «ዘልግንቸቲ ማጫሴኮ፣ ሳኒ አሞቲዳ ሎዖባ ኡባይ ኔፔ ጃይሰ። ኔ አቆይኔ አሌቁቲዳባ ኡባይ ኔፔ ሃኪሰ። ኔኒ ዛራዳ ኤንታ ኡባ ዳማካ) ያገደሶና። 15 ሄ ካታማን ዘልግዲ ዱሬቲዳ ዘልግንቸቲ አ ሚቲዋ ባቢዲ አፔ ሃኪዲ ኤቃና። ኤንቲ ዩካናኔ ካዮታና። 16 ቃሲ፣ ሳሊና ማዖ፣ ካሎሴ ማዖ፣ ዘዖ ማዖ ማዖዳ፣

ዋርቃን፣ ቦንቸ ሹቻኒኔ አንቆ ጌያ አልያ ሹቻን አሌቁቲዳ፣ ሄ ጌታ ካታሚሰ አዩ! 17 ሃይሳ ሜላ ጌታ ሻሎ ኡባይ አሲ ሳቲ ጌዶን ጃይሰ) ያገደሶና። «ማርካቢያ ሳገያ ኡባይ፣ ማርካቢያን ቢያ ኡባይ፣ ማርካቢያ ቦላ ኦሊያ ኡባይኔ አባን ዘልግዲ ኡባይ ሃኪ አቁደሶና። 18 ሄ ካታሚያ ፀ-ጌቲን ኬያ ጨያ ቤዒዳ ዋዴ ሳ ጌታ ካታሚው ዳኒያ ሃራ ካታሚ ዳዒሻ?) ያገደሶና። 19 ኤንቲ ባንታ ሁዒን ባና ቆሊዲ፣ ዋሲደሶና ካዮቲደሶና።

ሳባ ቦላ ማርካቤቲ ዳዒያ ኡባይ፣ አ ሻሎዋን ዱሬቲዳ ኡባይ፣ ሄ ካታሚያ አሲ ሳቲን ጃዩዳ ገሾ አዩ! አዩ!

20 ሳሎዋው፣ አ ጃዩዋን ኡፋይታ! ገሻቶ፣ ሃዋራቶ፣ ናቢቶ፣

የሳይ ሂንቲ ገሾ አ ቦላ ፐርዲዳ ገሾ ኡፋይቲቲ።» ያገደሶና።»
 21 ያቲን፣ ሚዳ ከታንቸይ ዋዖ ዳኒያ ጌታ ሹቸ ዳንሲዲ አባን ሆሊሹ። «ጌታ ካታሚያ ባቢሎኔይ ዋልቃን ሆሊታዳ ሃይሳዳ ኩንዳና፤ አያ ሃቸሬ ጉዬ ኡባካ ቤንቲኩ። 22 ዲሊ ዲጃይሳቲኔ ዩጃይሳቲ፣ ሱሱልዳ፣ ዋይዜ ፑኔይሳቲ፣ ሃዘፔ ጉዬ ኔ ጌዶን ኡባካ ሰዒቶቲና። አይ ከቻ ዘልግ ዘልግዲ አሲካ ኔ ጌዶን ቤንቲና። ዋዖ ገርሲ ሃዘፔ ጉዬ ኔ ጌዶን ሰዒቲና። 23 ያሞፔ ፖዖይ ዛሪዲ ኔ ጌዶን ፐሳና። ማቸ ኤኬይሳኔ አዘና ጌሊያሪ ቃሊ ሃዘፔ ጉዬ ኔ ጌዶን ሰዒቲና። ኔ ዘልግንቸቲ ቢታ ኡባን ኤሬቲዳ ዋልቃማታ። ኔ ቢታን ካዋቲሳታ ኡባ ጨማዳሳ» ያገሰ።

24 ናቢታ ሱላይ፣ ኤሻታ ሱላይኔ ቢታ ቦላ ሃይቁዳ አሳ ኡባ ሱላይ አ ጌዶን ቤንቲዳ ገሾ ባቢሎኔይ ፐርዳታሰ።

18:5 ሜዳ 18:20 18:6 ማዘ 137:8፤ ኤር 50:29 18:8 ኤሳ 47:7-9 18:9 ሃዘ 26:16-17 18:11 ሃዘ 27:31 18:12 ሃዘ 27:12፣ 13፣ 22 18:15 ሃዘ 27:31 18:17 ኤሳ 23:14፤ ሃዘ 27:26 18:18 ሃዘ 27:32 18:20 ሃዘ 27:30፤ ዛሬ 32:43፤ ኤር 51:48 18:21 ኤር 51:63 18:22 ኤሳ 24:8፤ ሃዘ 26:13 18:22 ኤር 7:34፤ 25:10 18:24 ኤር 51:49

19

1 ያተን፣ ሳሎን ዳር አሳይ፤

«የሳይ ጋላቴቶ!

አቶቴላይ፣ ቦንቾይን ዋልቃይ ኑ ያሳሰ ገደ።

2 ኢያ ፐርዳይ ተማኔ ያሎ።

ሳሳ ቱኒሲዳ ኢታ ላይሚው ያሳይ ፐርዲሰ።

የሳይ ባ አይሌታ ሱላ ኢፔ አቸሰ»

ያገሺን ሲዓሰ።

3 ሄ አሳይ ዛሪዳ ባንታ ቃላ ቶቁ ኦሊዲ፤

«የሳ ጋላቴ ጋዮ።

ሄ ካታሚያ ሚሪናው ጨያሽ ዳና»

ያገደሶና።

4 ላታማኔ ኦይዲ ጨማቴኔ ደዎን ደዔያ ኦይዲ ሜዴቴላቴ አራታን ኡቴዳ ያሳሰ ጉፋኒዲ፤

«አሚንዒ! ያሳ ጋላቴ ጋዮ»

ያገዲ ሳይኒደሶና።

5 ያተን፣

«የሳ አይሌቴ፤

ዎሴ ያያ ጉላኔ ገቴ ኡባይ፤

ኑ ያሳ ጋላቴቴ»

ያገያ ቃላይ አራታፔ ኬዪሰ።

6 ያተን፣ ዳር አሳዳ ዋጫሚያ፣ ዋልቃማ ሻፋዳ ጉሚያ፣ ዳዳዳ ዴቺያ ገርሳይ፤

«የሳ ጋላቴ ጋዮ፤

ኑ ጎዳይ፣ ኡባፌ ዋልቃማ ያሳይ ካዎቴሰ።

7 ደርሳ ያጋኖይ ጋዲዳ ገሸኔ ኢያ ጌሊያራ ገሊዳ ገሸ

ኑ ኡፋይቶሰ፣ ጋላቶሴኔ ደርሳ ቦንቾሰ።

8 ጌሎሰ ገሊዳራ ጸሊያኔ ገሺ ገዲዳ

ለኖ ማዖ ማዓና ሜላ አው አሜቴሰ»

ያገሺን ታ ሲዓሰ። (ለኖ ማዖይ ገሻታ ያሎ ኦሶ ለሚሶ።)

9 ሄሳፌ ጉዬ፣ ከታንቾይ ታዮ፣ «ደርሳ ያጋኑዋ ያጌቴዳይሳቴ አንጃቴዳይሳታ» ጋዳ ዓፋ። ሄ ከታንቾይ ጉጃዲ፣ «ሃይሲ ያሳ ቱማ ቃላ» ያገሰ።

10 ሄ ዋዴ ታ ኢያ ጎይናናው ኢያ ቶሁዋ ቦላ ከጉዳሰ። ሺን ኢ፣ «ሄሳ ኦሶፋ! ታኒ ዬሱሳባ ማርካቴያ ኔ ሜላኔ ኔ አሻታ ሜላ። ኔ ያሳ ጎይና» ያገሰ። ሂዛ፣ ዬሱሳባ ማርካቴዳይሳታሰ ናቤቴላ አያኒ ዴዒሰ።

ቦላ ፓራ ቶጊዳይሳ

11 ያተን፣ ሳሎይ ደዬቴን፣ ያን ቦላ ፓራ ዴዒይሳ ቤዓሰ። ሄ ፓራ ቶጊዳይሲ አማኔቴዳይሳኔ ቱማንቾ ጌቴቴሰ። ኢ ያሎቴላን ፐርደሰኔ ኦሊቴሰ። 12 ኢያ አይፌይ ታማ ላጮ ዳኔሰ፤ ኢያ ሁዒን ዳር ካላቺ ዴዒሰ። ኢያ ቦላ ኢ አቴን ሃሪ ኦኒካ ኤርና ያፌቴዳ ሱንላ ዴዒሰ። 13 ኢ ሱላን ሙኪቴዳ ማዖ ማዓሰ፤ ኢያ ሱንላይካ ያሳ ቃላ። 14 ጸሊያኔ ገሺ ገዲዳ ለኖ ማዖ ማዓዲ ሳሎ ኦላንቾቴ ቦላ ፓራታ ቶጊዳ ኢያ ጌደ ካሎሶና። 15 ካዎቴላታ ቃንዲያ ማሺ ኢያ ደናፔ ኬዬሰ። ኢ ቡራታ ዓዎዓን አሳ ሃራና። ኡባፌ ዋልቃማ ያሳ ሃንቆ ዋይኔ አሻ ጉምዒያ ቦላ ኢ ዬቆና። 16 ኢያ ማዑዋ ቦላኔ ኢያ ዋዲሪያ ቦላ፣ «ካዎታ ካወዋኔ ጎዳታ ጎዳ» ያገያ ሱንላይ ያፌቴሰ።

17 ሄሳፌ ጉዬ፣ ኢሲ ከታንቾይ አዋ ቦላ ኤቁዳይሳ ቤዓሰ። ሄ ከታንቾይ ሳሎራ ፐራጂያ ካፎ ኡባሰ ባ ቃላ ቶቁ ኦሊዲ፣ «ሃ ዩቴ! ያሳ ገቢራ ማናው ኢሲ ቤሲ ሸቁቴ። 18 ዩዲ ካዎታ አሹዋ፣ ሻላቃታ አሹዋ፣ ዋታዳራታ አሹዋ፣ ፓራታ አሹዋ፣ ፓራታ ቶጊዳይሳ አሹዋ፣ አሳ ኡባ አሹዋ፣ አይሌታ አሹዋ፣ ዋማናታ አሹዋ፣ ገታታኔ ጉላታ አሹዋ ማቴ» ያገሰ።

19 ደዓይ፣ ፓራ ቶጊዳይሳራኔ ኢያ ኦላንቾታራ ኦሊታናው ሳሳ ካዎቴኔ ኤንታ ኦላንቾቴ ኢሲ ቤሲ ሸቁዳሺን ቤዓሰ። 20 ሺን ሄ ደዓይኔ ኢያ ሱንላን ማላታታ ኦሊዳ ዋርሩ ናቤይ ኢያራ ኢሲፌ ኦይኪቴሰ። ሄ ማላታታን ደዓ ማላይ ዴዒይሳታኔ ኢያ ሚሲሊያ ጎይኔይሳታ ኢ ባሌላሰ። ደዓይኔ ዋርሩ ናቤይ ናምዓይካ ዳኔን ኤዲያ ታማ አባን ፓዓ ዬጌቴደሶና። 21 አቴዳይሳቴ ፓራ ቶጊዳይሳ ደናፔ ኬያ ማሻን ሃይቁደሶና። ካፎቴ ኡባይ ኤንታ አሹዋ ሚዲ ካሊደሶና።

19:2 ዛሬ 32:43፤ 2ካዎ 9:7 19:3 ኢሳ 34:10 19:5 ማዝ 115:13 19:6 ሃዝ 1:24፤ ማዝ 93:1፤ 97:1፤ 99:1 19:9 ማቶ 22:2 19:11 ሃዝ 1:1 19:12 ዳኔ 10:6 19:15 ማዝ 2:9፤ ኢሳ 63:3፤ ኢዩ 3:13፤ ዮ.ቆ 14:20 19:17 ሃዝ 39:17-20 19:20 ዮ.ቆ 13:1-18

20

ሙኩሉ ላይሴ

1 ዛፀ ባይና ኦላ ቁልፒያኔ ገታ ሳንላላታ ባ ኩሽን ኦይኪዳ ኢሲ ከታንቸይ ሳሎፕ ዋጂሽን በዓላ። 2 ኢ ዳዋይ ኦይኪዳ ሙኩሉ ላይሴሰ ቃቸሽ። ሄ ዳዋይ ኮይሮ ሾሻ፣ ዳቡሎሳ ዋይኮ ያላሄ። 3 ከታንቸይ ዛፀ ባይና ኦላን ኢያ ዌጊዳ፣ ሙኩሉ ላይሴ ዉራና ገካናው ካዋቴላታ ዛሪ ባሌልና ሜላ ቁልፒን ጎርዲዲ አታሚሰ። ሄሳፊ ጉዬ፣ ዳዋይ ጉላ ዋይሰ ቢሌታናው ቤሰሰ።

4 ሃሳፊ ጉዬ፣ ኦሪታታኔ ኦሪታታ ቦላ ኡቲዲ ፒርዳና ሜላ ማቲ አሚቲዳይሳታ በዓሰ። ዩሱሳሰ ማርካቲዳ ጊሾኔ ያሳ ቃላ ኦዲዳ ጊሾ ባንታ ቆጂያ ጎይሬቲዳ ኦሳ ሸምፑዋ በዓሰ። ኤንቲ ደዓ ዋይኮ ደዓ ሚሲሊያ ጎይኒቦኮና። ኤንቲ ደዓ ማላ ባንታ ሶምዖን ዋይኮ ባንታ ኩሽን ዋሊቦኮና። ኤንቲ ሃይቆፕ ዳንዲዲ ከሪሰቶሳሪ ኢሲፊ ሙኩሉ ላይሴ ሃሪደሶና። 5 ሃይሲ ኮይሮ ዳንዲዳ፣ ኦቲዳ ሃንኮ ሃይቆዳይሳቲ ሙኩሉ ላይሳይ ዉራና ገካናው ሃይቆፕ ዳንዲቦኮና። 6 ኮይሮ ዳንዲዳሰ ቃዲ ዳዒይሳቲ ኦንጃቲዳይሳታኔ ገሻታ። ኤንታ ቦላ ናምዓንሳ ሃይቆዋሰ ዋልቁ ባዋ። ኤንቲ ያሳሲኔ ከሪሰቶሳሰ ካሄኔ ጊዳና፣ ኢያሪ ኢሲፊ ሙኩሉ ላይሴ ሃሪና።

ፃላሂያ ዖኔቲላ

7 ሙኩሉ ላይሳይ ዉሪዳፕ ጉዬ ፃላሂይ ቃሾፕ ቢሊታና። 8 ኢ ሳዓ ገፃፕ ገፃ ገካናው ዳዒያ ካዋቴላታ፣ ኤንቲካ፣ ጎጌኔ ማጎጌ ጌቲቲይሳታ ባሌሴዲ ኦላሰ ሸሻናው ኪያና። ኤንታ ፓይደይ ኦሳ ገፃን ዳዒያ ሻፊ ሚላ። 9 ኤንቲ ቢታ ኡባን ላሊቲዳ፣ ገሻታ ሄሪኔ ያሳይ ደሲያ ካታማ ቲቁደሶና። ሽን ታሚ ሳሎፕ ዋጂዲ ኤንታና ሚሰ።

10 ኤንታ ባሌሴዳ ፃላሂይ፣ ደዓይኔ ዋርደ ናቤይ ዩጌቲዳ ኤይያ ዲኔ ታማ ኦሳን ዩጌቲሰ። ኤንቲ ቃማኔ ገላሰ ሜሪናው ፓፃ ካዒታና።

ዉርሱላ ፒርዳ

11 ሄሳፊ ጉዬ፣ ገታ ቦላ ኦሪታ ቦላ ኡቲዳይሳ በዓሰ። ሳዒኔ ሳሎይ ኢያ ሲንሳፊ ባቃቲደሶና፣ ኤንቲ ዛሪ በንቲቦኮና። 12 ሃይቆዳይሳቲ፣ ገታቲኔ ጉላቲ ኦሪታ ሲንሳን ኡቁዳይሳታ በዓሰ፤ ማፃፋቲ ዩዩቲደሶና፣ ቃሲ ዴፃ ማፃፋ ጊዲዳ ሃሪ ማፃፊ ደዬቲሰ። ሃይቆዳይሳቲ ማፃፋን ፃፊቲዳ ባንታ ኦሎዋዳ ፒርዳ ኤኪደሶና። 13 ኦሳይ ባ ጊደን ዳዒያ ሃይቆዳይሳታ አሚሰ፤ ሃይቆይኔ ሲያሌይ ባንታ ጊደን ዳዒያ ሃይቆዳይሳታ አሚደሶና። ኢሲ ኢሲ ኢሲ ባ ኦሎዋዳ ፒርዳ ኤኪሰ። 14 ያቲን፣ ሃይቆይኔ ሲያሌይ ታማ ኦሳን ዩጌቲደሶና። ሄ ታማ ኦሳይ ናምዓንሳ ሃይቆ። 15 ዴፃ ማፃፋን ኢያ ስንሳይ ፃፊቲቦና ኦኒካ ታማ ኦሳን ዩጌቲሰ።

21

ኦሪሳ ሳሎኔ ኦሪሳ ሳዓ

1 ታኒ ኦሪሳ ሳሎኔ ኦሪሳ ሳዓ በዓሰ። ኮይሮ ሳሎይኔ ኮይሮ ሳዓይ ጳይሰ፤ ኦሳይካ ጳይሰ። 2 ገሻ ካታሚያ፣ ኦሪሳ ዩሪሳላሚይ፣ ኦዚና ጌላናው ኦሌቁታዳ ገገዳ ዳዒያ ማጫሳዳ ሳሎፕ ያሳ ማታፕ ዲጌ ዋጂሽን በዓሰ።

3 ኦሪታፕ ሃይሳዳ ያጊዲ፣ ኦዲያ ገታ ቃላ ሰዓሰ፤ «ያሳ ከላይ ኦሳሪ ዳዒሰ፤ ያሳይ ባ ቦንቸዋሪ ኦሳሪ ኢሲፊ ዳና። ኤንቲ ኢያ ዳሬ ጊዳና፣ ያሳይ ባ ሁዒን ኤንታሪ ዳና፤ ኢ ኤንታ ያሳ ጊዳና።

4 ያሳይ ኤንታ ኦይፊፕ ኦላፋ ኡባ ቁቻና። ሄዛፕ ሃይቆይ ዋይኮ ካዮይ ዋይኮ ዋሪይ ዋይኮ ዋይኮ ዋይኮ ዳና። ጋሳዓ ኡባይ ኦጲሰ» ያገሰ።

5 ኦሪታ ቦላ ኡቲዳይሰ። «ታኒ ኡባ ኦሪሳ ኦላና» ያገሰ። ቃሲ ዛሪዳ ታኮ፣ «ታኒ ኦይይሲ አማንሴይሳኔ ቱማ ጊዲያ ገሾ ፃፋ» ያገሰ። 6 ቃሲ ታኮ፣ «ፖሌቲሰ! ታኒ ኦላፋኔ ኦሚጋ፤ ደሚሴኔ ፖሎ። ሳሞቲዳ ኦናካ ዴፃ ሃላ ፑልቱዋፊ ጨገ ባይና ጮ ኡሻና። 7 ያኒያ ኦኒካ ሄሳ ኡባ ላታና፤ ታኒ ኢያው ያሳ ጊዳና፤ ኤንታ ናዓ ጊዳና። 8 ሽን ያሻንቸታ፣ አማኔቶናይሳታ፣ ቱናታ፣ ሸምፑ ዋይኮይሳታ፣ ላይማቴይሳታ፣ ቢቲይሳታ፣ ኦቃ ጎይኔይሳታኔ ዋርዳንቸታ ቃዳይ ዳኔይ ኤይያ ታማ ኦሳን ጊዳና። ሄሲ ናምዓንሳ ሃይቆ» ያገሰ።

9 ላፑን ዉርሱላ ቦሻቲ ኩሚዳ ላፑን ፀዓታ ኦይኪዳ ላፑን ከታንቸታፕ ኢሶይ ታኮ ዩዳ፣ «ሃያ፣ ታኒ ኔና ጌሎሰ ገጊዳ ደርሳ ማቸው ቤሳና» ያገሰ። 10 ከታንቸይ ታና ደር ጶቃ ዴሪያ ሁዒ ገሻ ኦናና ከሲዲ፣ ገሻ ካታማይ፣ ዩሪሳላሚይ፣ ሳሎፕ ያሳ ማታፕ ዲጌ ዋጂሽን ቤሰሰ። 11 ሄ ካታማይ ያሳ ቦንቸን ፖሊከ። ሄ ካታማ ፖይይ ያሰጸዴ ጊያ ኦልዎ ሹቻ ሚላ፤ ገሻ ቢሪሌዳ ጸሊሰ። 12 ሄ ካታማ ዲርሳይ ዋልቃማኔ ኦዲሴ። ኢያው ታማኔ ናምዑ ፔንጌቲኔ ሄ ፔንጌታ ናጊያ

20:2 ሜዴ 3:1 20:4 ዳኔ 7:9 20:8 ሄዝ 38:2 20:11 ዳኔ 7:9-10 21:1 ኦሳ 65:17፤ 66:22፤ 2ጴይ 3:13 21:2 ኦሳ 52:1፤ ዮቆ 3:12፤ ኦሳ 61:10 21:3 ሄዝ 37:27፤ ላዌ 26:11 21:4 ኦሳ 25:8፤ ኦሳ 35:10፤ 65:19 21:6 ኦሳ 55:1 21:7 2ሳሙ 7:14፤ ማዝ 89:26 21:10 ሄዝ 40:1

ታማኔ ናምዑ ከታገኙት ዳዖሶና። ፔንጌታ ቦላ ታማኔ ናምዑ አሰራዒሌ ዜሬላታ ሱገላይ ፃፈተሰ።
13 ዶሎሃ ባጋራ ሄዙ ፔንጌቲ፣ ፑዳሃ ባጋራ ሄዙ ፔንጌቲ፣ ዲኒሃ ባጋራ ሄዙ ፔንጌቲ፤ ወሎሃ ባጋራ ሄዙ ፔንጌቲ ዳዖሶና። 14 ካታማ ገምቤ ዲርሳይ ታማኔ ናምዑ ሹቻ ባሰታ ቦላ ኤቁሰ። ኤንታ ቦላ ታማኔ ናምዑ ዶርሳ ሃዋሬታ ሱገላይ ፃፈተሰ።

15 ታው ኦዲያ ከታገኙቸዋል፤ ካታማ፣ ኢያ ፔንጌታኔ ኢያ ዲርሳ ዋዲያ ዋርቃ ፃምዓይ ዳዒሰ።
16 ካታማሰ ኦዲያ ማዘኔቲ ዳዖሶና፤ ካታማ ጌሳይኔ ገምጋሜ አሲ ገና። ከታገኙቹ ካታማ ባ ፃምዓን ዋዲን፣ ካታማይ ታማኔ ናምዑ ሙኩሉ ከሎ ሚቲሬ ገዲሰ፤ ካታማ ጌሳይ፣ ገምጋሜን ዶቃቲላይ አሲ ገና። 17 ከታገኙቹ ቃሲ ዲርሳ ዋዲን፣ ከታገኙቹ ጎሳቲያ አሳ ኩሼን አሲ ያታኔ ኦይታማኔ ኦዲያ ዋዲ ገዲሰ።

18 ካታማ ዲርሳይ ያሰጸዱ ገያ ሹቻን ዲሬቲሰ። ካታማይ ማሰቶቲዳ ጸሊያ ጌሻ ዋርቃን ኦሲቲሰ። 19 ካታማ ዲርሳ ባሶይ ኡባ ቆዋ ቦንቸቲዳ ሹቻን አለቁቲሰ። ኮይሮ ሂዳቲዳ ሹቻይ ያሰጸዱ፣ ናምዓንላይ ሳምፔሬ፣ ሄዳንላይ ከልቁዶኔ፣ ኦይዳንላይ ባሎሬ፣ 20 ኢቻሻንላይ ሳርዳንኪሴ፣ ኡሱፑንላይ ሳርዳዮኔ፣ ላፑንላይ ከሪሰቲሎቤ፣ ሆሰፑንላይ ቢሪላ፣ ኡዳፋንላይ ቶጸዚዮኔ፣ ታማንላይ ከሪሰጸራሲሰ። ታማኔ አሲንላይ ያከንቴ፣ ታማኔ ናምዓንላይ አሚቲሰደሶሴ።

21 ታማኔ ናምዑ ፔንጌታሰ ታማኔ ናምዑ አንቆ ገያ አልፎ ሹቹ ዳዒሰ። አሲ አሲ ፔንጌይ አሲ አንቆን ኦሲቲሰ። ካታማ ዋጋ ኦይ ማሰቶቲዳ ጸሊያ ጌሻ ዋርቃፌ ኦሲቲሰ።

22 ጎዳይ፣ ኡባሬ ዋልቃማ ያሳይኔ ዶርሳይ ካታማሰ ከሌ ገዲያ ገሾ ታ ሄ ካታማን ያሳ ከሌ ቤዓቢኪ። 23 ያሳ ቦንቸይ ሄ ካታማሰ ፖሊያ ገሾኔ ዶርሳይ ኢያው ያምፔ ገዲያ ገሾ ካታማሰ አዋ ዋይኮ ኣጌና ፖፕ ኮሼና። 24 ካዋቲላቲ ሄ ካታማ ፖፖን ሃሙታና፤ ካዋቲካ ባንታ ቦንቸዋ ያ ኤሃና። 25 ቃሚ ያን ባይና ገሾ ካታማ ፔንጌቲ ኡባ ዋዴ ዶያ ገዲና፤ ጎርዳቶኮና። 26 ካዋቲላታ ጌታቲላይኔ ቦንቸይ ሄ ካታማ ያና። 27 ዶርሳ ዳዖ ማፃፃን ሱገላይ ፃፈቲዳይሳታ ፃላሊ ኣቲን ቱናባ ዋይኮ ዩላያባ ኦሌይ ዋይኮ ዋርዶቲይ ኦኒካ ሄ ካታማ ስላና።

22

1 ያቲዳ፣ ከታገኙቹ ታና ያሳ ካዋቲላ አራታፔኔ ዶርሳ ካዋቲላ አራታፔ ጎጊያ ማሰቶቲዳ ጸሊያ ዳዖ ሃላ ሻፋ ቤሲሰ። 2 ሄ ሻፋይ ካታማ ኦጊያ ገደራ ዲኒ ጎሴሰ። ሻፋፔ ሄፊንላ ባጋራኔ ሃፊንላ ባጋራ ኣጌናን አሲ ቶሆ፤ ላይላን ታማኔ ናምዑ ቶሆ አይፊያ ዳዖ ሚሊ ዳዒሰ። ሄ ሚላ ቦንጮይ ካዋቲላታ ኡባ ሃርጌፌ ፓሌሰ።

3 ሄ ካታማን አይቢ ቃንጌላካ ዳና። ያሳ ካዋቲላ አራታይኔ ዶርሳ ካዋቲላ አራታይ ሄ ካታማን ዳና። ያሳ አይሊቲ ያሳሰ ኦላና። 4 ኤንቲ ኢያ ሰምዑዋ ቤዓና፤ ኢያ ሱገላይ ኤንታ ሰምዖን ፃፈታና። 5 ሂዛፔ ቃሚ ዳና፤ ጎዳ ያሳይ ኤንታው ያምፔ ገዲያ ገሾ ኤንታው ያምፔ ዋይኮ አዋ ፖፕ ኮሼና። ኤንቲ ሚሪ ሚሪናው ካዋታና።

ዬሱሳ ዩሳ

6 ከታገኙቹ ታኮ፣ «ሃ ታ ኦዲያ ቃላይ ቱማኔ አማንሌይሳ። ጎዳይ፣ ናቤታ ባ ጌሻ አያናን ከቲያ ያሳ፤ ማታን ሃናናባ ባ አይሊታ ቤሳናው ባ ከታገኙቹ ከቲሰ» ያገሰ። 7 ዬሱሰ፣ «ሄኮ ታ ኤሌሳዳ ያና፤ ሃ ማፃፃን ዳዒያ ቲንቢቲ ቃላ ናጊያ ኦኒካ ኣንጃቲዳይሳ» ያገሰ።

8 ታኒ፣ የሃኒሳ፣ ሄ ኡባ ሰሳሰ፤ ቢዓሰ። ታኒ ሄሳ ሰዒዳ ዋዴኔ ቢዓዳ ዋዴ ሄሳ ታና ቤሲዳ ከታገኙቹ ጎይናናው ኢያ ቶሆዋ ቦላ ኩንዳሰ። 9 ሺን ከታገኙቹ ታኮ፣ «ሄሳ ኦላፋ! ታኒ ኔዳ፣ ናቤታዳ ኔ አሻታዳኔ ሃ ማፃፃን ዳዒያ ኡባ ከቲቲያ አይሊታ ሚላ፤ ያሳ ጎይና» ያገሰ።

10 ከታገኙቹ ዛሪዳ፣ «ሃ ኡባይ ፖሊቲያ ዋዴይ ማታቲዳ ገሾ ሃ ማፃፃን ፃፈቲዳ ቲንቢቲ ቃላ ማታሚን ጎርዳ። 11 ኤታ ኦሌይ ጉጂዳ ኤታ ኦላ፤ ቲኔይ ጉጂዳ ቲና። ሎዖ ኦሌይ ጉጂዳ ሎዖ ኦላ፤ ጌዬይ ጉጂዳ ጌዮ» ያገሰ።

12 ዬሱሰ፣ «ሄኮ፣ ታኒ ኤሌሳዳ ያና። ኢሱዋሰ ኢሱዋሰ ኢያ ኦሱዋዳ አማናው ታ ዋይቶይ ታራ ዳዒሰ። 13 ታኒ አልፋኔ ኦሚጋ፤ ኮይሮኔ ወርሶሌ፤ ዶሚሌኔ ፖሎ።

14 «ባንታ ማዑዋ ሚጢዳ ጌሾይሳቲ ኣንጃቲዳይሳታ። ዳዖ ሚሌ አይፊያ ማናውኔ ካታማ ፔንጌያራ ጌላናው ኤንታው ማቲ አሚቲሰ። 15 ሺን ካናቲ፣ ቤቲይሳቲ፣ ላይማቲይሳቲ፣ ሺምፖ ዋዴይሳቲ፣ ኤቃ ጎይኔይሳቲ፣ ዋርዶ ዶሴይሳቲኔ ኦሌይሳቲ ካሬን ዳዖሶና።

21:12 ሂዛ 48:30-35 21:15 ሂዛ 40:3 21:21 ኣሳ 54:11-12 21:23 ኣሳ 60:19 21:24 ኣሳ 60:3
21:25 ኣሳ 60:11 21:27 ኣሳ 52:1፤ ሂዛ 44:9 22:1 ሂዛ 47:1፤ ዛካ 14:8 22:2 ሜሌ 2:9 22:3 ዛካ 14:10 22:5 ኣሳ 60:19፤ ዳኔ 7:18 22:11 ዳኔ 12:10 22:12 ኣሳ 40:10፤ 62:11፤ ማዘ 28:4፤ ኡር 17:10 22:13 ዮ.ቆ 1:8፤ 17፤ 2:8፤ ኣሳ 44:6፤ 48:12 22:14 ሜሌ 2:9፤ 3:22

16 «ታኒ፣ ዩሱሲ፣ ሃ ማርካቴላ ሂንቴው፣ ዋሳ ኬላታስ ኦዳና ማላ ታ ኪታንቸዋ ኪታስ። ታኒ ዳዊቴ ሺሽኔ ዜሬሊ። ታኒ ፖሊያ ጉራ ባካላ» ያገለገለ።

17 ጌሻ እያናይኔ ጌላናው ገጊዳ ማጫሲያ፣ «ሃያ» ያሳሰና። ቃሲ ሃይሳ ሰዒያ ኦኒካ፣ «ሃያ» ያሳ። ሳሞቲዳ ኦኒካ ሃዮ፤ ዴዎ ሃላ ኮያ ኦኒካ ጮ ኤኮ።

18 ታኒ ሃ ማፃፋን ፃፊቲዳ ቲንቢቴ ቃላ ሰዒያ ኦናካ ዘራይሰ። ኦኒካ ሃ ቃላ ቦላ ኢሲባ ጉጂኮ፣ ያሳይ ሃ ማፃፋን ፃፊቲዳ ቦሻ ኢያ ቦላ ጉጃና። 19 ኦኒካ ማፃፋን ዴዒያ ቲንቢቴ ቃላፔ ኢሲባ ፓጩሲኮ፣ ያሳይ ሃ ማፃፋን ፃፊቲዳ ዴዎ ማላ አይፊያፔኔ ጌሻ ካታማፔ ኢያ ቃዳ ፓጩሳና።

20 ሃ ኡባ ማርካቴይሲ፣ «ቱማ፣ ታኒ ኤሌሳዳ ያና» ያገለገለ።

አሚንዒ፤ ጎዳ ዩሱሳ፣ ሃያ።

21 ጎዳ ዩሱሰ ኪሪሰቶሳ አጽ ኬሃቴላይ ሂንቴ ኡባራ ጊዶ። አሚንዒ።